


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<http://books.google.com>








ALUMNVS BOOK FVND



EX LIBRIS















UNIV. OF  
CALIFORNIA

# Breviarium

jurta Ritum

Sacri Ordinis Praedicatorum

auctoritate Apostolica approbatum

et Reverendissimi Patris

Fr. Andreae Frühlirthe

ejusdem Ordinis Generalis Magistri

permissu editum

Pars Altera

—✻— Tornaci Nerviorum —✻—

Typis Societatis S. Joannis Evangel.

DESCLÉE, LEFEBVRE ET SOC. EDIT. PONT.

—✻— M. DCCC. XCIV —✻—



70 VIII  
ANNO 140

BX2000


A3II6

1894

v.2 .

# Nos Fr. Andreas Frühwirth

SACRAE THEOLOGIAE PROFESSOR, AC TOTIUS ORDINIS PRAEDICATORUM  
HUMILIS MAGISTER GENERALIS, ET SERVUS  
UNIVERSIS ET SINGULIS EJUSDEM ORDINIS PATRIBUS, FRATRIBUS AC SORORIBUS  
SALUTEM, ET OPUS DEI FACERE DILIGENTER.

UOD in plurimorum votis jamdudum erat, a Ven. Praedecessore Nostro inceptum, a Nobis tandem absolutum, Breviarium scilicet crassioribus exaratum litteris, Vobis, Patres Fratresque dilectissimi, laeto animo proferimus. Siquidem haec editio Nostra, quo debilioribus etiam oculis accommoda esset, eadem fere typorum magnitudine, eadem et voluminis, condita est, quam quae jussu Rm̃i P. Vincentii M. Ferretti anno MDCCCLVI. Romae prodierat. Idcirco ex ipsa, curis Nostris revisa, atque a Nobis approbata, talem Vobis utilitatem optamus afferri, ut quo facilius, ita jucundius quoque ac devotius ea, quae sunt divini pensi, perducatis, sacri ceteroquin memores oraculi : *Sacrificium laudis honorificabit me : et illic iter, quo ostendam illi salutare Dei.* (Ps. xlix. 23.)

Valete, ac Nostri Sociorumque Nostrorum in orationibus vestris memoriam agite.

Datum Romae ex Aedibus nostris pridie Nonas Augusti, Dominici Patris natali, anno Dom. M. DCCC. XCIV.

**Fr. Andreas Frühwirth**

L. † S.

Magister Generalis.

Reg. A. p. 26. Fr. ALBERTUS LEPIDI

Provlis Daciae, Magister et Socius.



## Clemens Papa xii.

AD PERPETUAM REI MEMORIAM.




**X**PONI Nobis nuper fecit dilectus filius Thomas Ripoll Magister Generalis totius Ordinis Fratrum Praedicatorum, quod alias emanarunt a felici recordationis Innocentio Papa XI. Praedecessore nostro ad instantiam tunc in humanis agentis Antonini Cloche ejusdem Ordinis, dum viveret, Magistri iidem Generalis, litterae in simili forma brevis, tenoris, qui sequitur, videlicet : Innocentius PP. XI. Ad perpetuam rei memoriam. Cum, sicut dilectus filius Antoninus Cloche, Magister Generalis Ordinis Praedicatorum, Nobis nuper exponi fecit, ipse Missale, Breviarium, Diurnum, Martyrologium, Rubricarium, Processionale, Psalterium, Officium beatae Mariae Virginis, Kalendarium perpetuum, et reliquos Libros chorales, quibus personae utriusque sexus dicti Ordinis utuntur, in alma Urbe nostra, praevia debita approbatione, propediem typis mandare intendat; vereatur autem, ne alii eosdem libros postea, nec ea, qua decet, sedulitate, et castigatione edicunt, Nobis propterea humiliter supplicari fecit, quatenus in praemissis opportune providere, et ut infra indulgere, de benignitate Apostolica dignemur. Nos igitur specialem ipsi Antonino Magistro Generali gratiam facere volentes, eumque a quibusvis excommunicationis, suspensionis, et interdicti, aliisque ecclesiasticis sententiis, censuris, et poenis, a jure, vel ab homine, quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, et absolutum fore censentes, hujusmodi supplicationibus inclinati : Universis, et singulis utriusque sexus Christifidelibus, praesertim vero Typographis, librorum Impressoribus, et Bibliopolis ubilibet existentibus, sub excommunicationis latae sententiae, in nostra vero temporali ditione commorantibus etiam quingentorum ducatorum auri de Camera, ac amissionis typorum, et librorum omnium eidem Camerae applicandorum, absque aliqua declaratione incurrendis et exigendis poenis, interdicimus, et inhibemus, ne Missale, Breviarium, Diurnum, Martyrologium, Rubricarium, Processionale, Psalterium, Officium beatae Mariae Virginis, Kalendarium perpetuum, aliosque Libros chorales praefatos, vel eorum aliquos, aliquamve partem posthac in perpetuum, absque expressa, et in scriptis accepta dicti Antonini moderni, et pro tempore existentis Magistri Generalis dicti Ordinis facultate, cujus exemplum in principio, vel fine cujusque Librorum hujusmodi impressum una cum praesentibus nostris Litteris semper addendum erit, imprimere, aut ab aliis impressa vendere, seu venalia habere, vel proponere quovis modo audeant, vel praesumant : Mandantes universis, et singulis Venerabilibus Fratribus Archiepiscopis, Episcopis, et aliis locorum Ordinariis, eorumque Vicariis in spiritualibus generalibus, seu Officialibus, ac in Statu nostro Ecclesiastico Legatis, Vice-Legatis, Gubernatoribus, Potestatibus, et aliis Officialibus, ceterisque, ad quos quomodolibet spectat, et spectare poterit, ut quando, et quoties pro parte dicti Magistri Generalis, seu nomine dicti Ordinis requisiti fuerint, praedicta contra inobedientes quoscumque, etiam per censuras ecclesiasticas, et alia opportuna juris et facti remedia auctoritate Apostolica exsequantur, et observari faciant, invocato etiam ad hoc, si opus fuerit, auxilio brachii saecularis. Non obstantibus Constitutionibus, et Ordinationibus Apostolicis, necnon, quatenus opus sit, dicti Ordinis, etiam juramento, confirmatione Apostolica, vel quavis alia firmitate roboratis, statutis, consuetudinibus, privilegiis quoque indultis, et Litteris Apostolicis, in contrarium praemissorum quomodolibet concessis, confirmatis, et innovatis. Quibus omnibus, et singulis illorum tenores, praesentibus pro plene et sufficienter expressis, ac de verbo ad verbum insertis habentes, illis alias in suo robore permansuris, ad praemissorum effectum, hac vice dumtaxat specialiter et expresse derogamus, ceterisque contrariis quibuscumque. Volumus autem, ut earumdem praesentium Litterarum transumpta, seu exempla etiam in ipsis Libris impressa, manu alicujus Notarii publici subscripta, et sigillo personae in ecclesiastica dignitate constitutae munita, eandem prorsus fidem ubique locorum in iudicio, et extra faciant, quam ipsae praesentes facerent, si forent exhibitae, vel ostensae. Datum Romae apud S. Mariam Majorem sub Anulo Piscatoris die XIV. Augusti MDCLXXXVIII. Pontificatus Nostri Anno duodecimo. J. F. Albanus. Loco  Anuli Piscatoris. Cum autem, sicut eadem expositio subjungebat, ipse Thomas Magister Generalis Litteras Innocentii Praedecessoris hujusmodi, ne ulla ratione, seu arte infringi, cludi, aut labentis temporis decursu labefactari valeant, sed ut eo validius subsistant, ac exactius serventur, quo multiplici firmitatis vinculo saepius fuerint ab hac sancta Sede stabilitae, Apostolicae confirmationis Nostrae praesidio communiri summopere desideret; Nobis propterea humiliter supplicari fecit, quatenus in praemissis opportune providere, et ut infra indulgere, de benignitate Apostolica dignemur. Nos igitur ejusdem Thomae Magistri Generalis votis hac in re, quantum cum Domino possumus, benigne annuere volentes, eumque a quibusvis excommunicationis, suspensionis, et interdicti, aliisque ecclesiasticis sententiis, censuris, et poenis, a jure, vel ab homine, quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, et absolutum fore censentes, hujusmodi supplicationibus inclinati, praesentibus Innocentii Praedecessoris Litteras, et in eis contenta quaecumque, auctoritate Apostolica, harum serie approbamus, et confirmamus, ac, quatenus opus sit, innovamus, illisque perpetuae ac inviolabilis Apostolicae firmitatis robur, vim, et efficaciam adiungimus. Praeterea omnibus, et singulis dicti Ordinis utriusque sexus personis, nunc, et pro tempore existentibus, sub privationis vocis activae, et passivae, ne aliis quibuscumque Missali, Breviario, Diurno, Martyrologio, Rubricario, Processionali, Psalterio, Officio beatae Mariae Virginis, Kalendario perpetuo, ceterisque Libris choralibus, vel eorum aliquo, aliquave parte, quam iis, quae in alma Urbe praefata, vel de expressa, et in scriptis accepta ejusdem Thomae moderni, seu pro tempore existentis Magistri Generalis Ordinis praedicti facultate, et licentia, cujus exemplum in principio, vel fine cujusque Librorum hujusmodi per extensum impressum, una cum praesentibus, aut praesentibus Litteris semper additum sit, typis mandata, seu impressa fuerint, deinceps perpetuis futuris temporibus uti; Superioribus vero dicti Ordinis cujusvis gradus, dignitatis, ac praeminentiae existant, sub suspensionis ab Officio, quod obtinent, ac perpetuae ad idem, vel quodcumque aliud simile, vel dissimile in futurum obtinendum inhabilitatis, poenis eo ipso, absque alia declaratione per transgressores respective incurrendis, ne dictorum Librorum, vel alicujus, seu partis eorum aliter, quam ut supra dictum est, impressorum usum praefatis personis sibi subditis permittere audeant similiter, vel praesumant, eadem auctoritate, tenore praesentium praecipimus, et mandamus. Decernentes, ipsas praesentes Litteras semper firmas, validas et efficaces existere, et fore, suosque plenarios et integros effectus sortiri, et obtinere, ac ab illis, ad quos spectat, et pro tempore quandocumque spectabit, in omnibus et per omnia inviolabiliter et exacte observari; sicque, et non aliter

in praemissis per quoscunque Iudices ordinarios, et delegatos, etiam causarum Palatii Apostolici Auditores, ac sanctae Romanae Ecclesiae Cardinales, etiam de latere Legatos, dictaeque Sedis Nuntios, sublata eis, et eorum cuilibet quavis aliter judicandi et interpretandi facultate, et auctoritate, judicari et definiri debere, ac irritum et inane, si secus super his a quoquam quavis auctoritate scienter, vel ignoranter contigerit attentari. Non obstantibus praemissis, necnon omnibus et singulis, quae in praesertis Innocentii Praedecessoris Litteris concessa sunt non obstat, ceterisque contrariis quibuscumque. Ceterum volumus pariter, ut praesentium Litterarum transumptis, seu exemplis, etiam in ipsis Libris impressis, manu alicujus Notarii publici subscriptis, et sigillo personae in ecclesiastica dignitate constitutae munitis, eadem prorsus fides, tam in iudicio, quam extra illud, ubique adhibeatur, quae eisdem praesentibus adhiberetur, si forent exhibitae, vel ostensae. Datum Romae apud sanctam Mariam Majorem sub Anulo Piscatoris die XIX. Septembris MDCCXXXVI. Pontificatus nostri Anno septimo.

PRO D. CARDINALI OLIVERIO.

P. L. JACQUET.



## De Anno et ejus Partibus.



**A**NNUS menses habet duodecim, hebdomadas duas et quinquaginta, et diem unum; dies vero trecentos sexaginta quinque, et fere sex horas: tanto enim temporis intervallo sol Zodiacum perlatrat. Quater autem sex horae singulis quaternis annis diem constituunt: hinc annus ille intercalaris, Bissexus, vel Bissextilis dicitur.

### De Anni Correctione, ejusque necessitate, ac Calendario Gregoriano.

**Q**UOD dictum est, annum continere trecentos et sexaginta quinque dies, et fere sex horas, intelligendum est, sex horas non esse integras, cum ad earum complementum aliqua minuta deficiant.

Ex quorum minorum neglectu progressum est, ac si annus ultra dies 365 contineret integras sex horas; et factum est, ut minuta, quae ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem: qui causam dederunt, ut Æquinoctium vernum sedem suam mutaverit.

Cui malo occurrens Gregorius XIII. non solum Æquinoctium vernum restituit in pristinam sedem, a qua jam a Concilio Nicaeno, decem circiter diebus in anno correctionis 1582 praecedendo recesserat, quod a Concilio ad xij Kalendas Aprilis fuerat constitutum, et xiv. Lunam Paschalem suo in loco reposuit: sed viam quoque tradidit et rationem, qua caveretur, ut in posterum et Æquinoctium vernum, et xiv. Luna Paschalis a propriis sedibus nunquam removerentur.

Ut enim Æquinoctium vernum ad xij Kalendas Aprilis restitueretur, statuit, ut dicti decem dies in mense Octobris ipsius anni 1582 eximerentur, et post quartam diem Octobris sancto Francisco sacram, sequens dies non esset quinta, sed decima quinta Octobris. Et ita error, qui in praeteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne a xij Kalendas Aprilis Æquinoctium vernum recederet, statuit idem Gregorius, Bisextum quarto quoque anno (uti mos est) continuari debere, praeterquam in centesimis annis; qui quavis Bissextilis antea semper fuerint, qualem etiam esse voluit annum 1600, anno correctionis proximum, post eum tamen qui deinceps consequentur centesimi, non omnes Bissextilis essent, sed in quadringentis quibusque annis primi quique tres centesimi sine Bissexto transigerentur; quartus vero quisque centesimus esset Bissextilis, ita ut anni 1700, 1800, 1900, Bissextilis non sint, anno vero 2000, more consueto dies Bissexus intercaletur, Februario dies 29 continente; idemque ordo intermittendi intercalandique Bisextum diem in quadringentis quibusque annis perpetuo conservaretur.

### Quatuor Tempora.

**Q**UATUOR Tempora celebrantur quarta et sexta Feria ac Sabbato post tertiam Dominicam Adventus, post primam Dominicam Quadragesimae, post Dominicam Pentecostes, post festum Exaltationis sanctae Crucis.

### Nuptiae quando celebrari non possint juxta Decretum Concilii Tridentini.

**A**DOMINICA prima Adventus usque in diem Epiphaniae, et a Feria quarta Cinerum usque in Oct. Paschatis inclusive, sancta Synodus solemnitates Nuptiarum prohibet. In aliis vero temporibus Nuptias solemniter celebrari permittit.

### De Cyclo Decennovenali Aurei Numeri.

**C**YCLUS decennovenalis Aurei numeri est revolutio numeri 19 annorum ab 1 usque ad 19; qua revolutione peracta, iterum ad unitatem reditur. Verbi gratia, anno 1577, numerus cycli decennovenalis, qui dicitur Aureus, est 1; anno sequenti 1578 est 2, et ita deinceps insequentibus annis, uno semper amplius, usque ad 19, qui Aureus numerus cadet in annum 1595, post quem iterum ad unitatem redeundum est, ita ut anno 1596 Aureus numerus sit rursus 1, et anno 1597 sit 2, etc.

Igitur ut Aureus numerus quolibet anno proposito inveniatur, composita est sequens tabella Aureorum numerorum, cujus usus incipit ab anno correctionis 1582 inclusive, duratque in perpetuum. Ex ea enim Aureus numerus cujuslibet anni post annum 1582, reperietur hoc modo.

6.	7.	8.	9.	10.	11.	12.	13.	14.
15.	16.	17.	18.	19.	1.	2.	3.	4.

Anno 1582 tribuatur primus numerus tabellae, qui est 6: secundus autem, qui est 7, sequenti anno 1583, et ita deinceps in infinitum, donec ad annum, cujus Aureum numerum quaeris, perveniatur, redeundo ad principium tabellae, quotiescumque eam percurreris. Nam numerus, in quem annus propositus cadit, dabit Aureum numerum quaesitum.

### Modus brevis cognoscendi Aureum Numerum cujusque Anni.

**N**UMERO anni de quo quaeris, adde unicam unitatem 1. Exempli gratia anno 1833 adde 1: summam inde conflata divide per 19; quod superest, erit Aureus numerus ipsius anni: si nihil superest, erit Aureus numerus 19.

### De Epactis, et Noviluniis.

**E**PACTA nihil aliud est, quam numerus dierum, quibus annus Solaris communis dierum 365, annum communem Lunarem dierum 354 superat: ita ut Epacta primi anni sit 11, cum hoc numero annus Solaris communis Lunarem annum communem excedat; atque adeo sequenti anno Novilunia contingant 11 diebus prius, quam anno primo. Ex quo fit, Epactam secundi anni esse 22, cum eo anno rursum annus Solaris Lunarem annum superet 11 diebus, qui additi ad 11 dies primi anni, efficiunt 22, ac proinde, finito hoc anno, Novilunia contingere 22 diebus prius, quam primo anno: Epactam autem tertii anni esse 3, quia si rursus 11 dies ad 22 adjiciantur, efficietur numerus 33; a quo si rejiciantur 30 dies, qui unam Lunationem Embolismalem constituent, relinquentur 3, atque ita deinceps. Progrediuntur enim Epactae omnes per continuum augmentum 11 dierum, abjectis tamen 30, quando rejici possunt. Solum quando perventum erit ad ultimam Epactam Aureo numero 19 respondentem, quae est 29, adduntur 12, ut abjectis 30 ex composito numero 41, habeatur rursum Epacta 11, ut in principio. Quod ideo fit, ut ultima Lunatio Embolismica, currente Aureo numero 19, sit tantum 29 dierum. Si enim 30 dies contineret, ut aliae sex Lunationes Embolismicae, non redirent Novilunia post 19 annos Solares ad eosdem dies, sed versus calcem mensium prolaberentur, contingenterque uno die tardius quam ante 19 annos. De qua re plura invenies in libro novae rationis restituendi Calendarii Romani. Sunt autem novemdecim Epactae, quot et Aurei numeri, respondebantque ipsis Aureis

numeris ante Kalendarii correctionem eo modo quo in hac tabella dispositae sunt.

Tabella Epactarum respondentium Aureis numeris ante Kalendarii correctionem.

Aurei num.	1.	2.	3.	4.	5.	6.
Epactae.	xj.	xxij.	ijj.	xiv.	xxv.	vj.
7.	8.	9.	10.	11.	12.	13.
xvj.	xxvij.	ix.	xx.	j.	xij.	xxij.
14.	15.	16.	17.	18.	19.	
iv.	xv.	xxvj.	vij.	xvij.	xxix.	

Quia vero cyclus decennovennalis Aurei numeri imperfectus est, cum Novilunia post 19 annos Solares non praecise ad eadem loca redeant, ut dictum est, imperfectus etiam erit hic cyclus 19 Epactarum. Quamobrem ita emendatus est, ut in posterum loco Aurei numeri, et dictarum 19 Epactarum, utamur 30 numeris Epactalibus ab 1 usque ad 30 ordine progredientibus, quamvis ultima Epacta, sive quae ordine est trigesima, notata numero non sit, sed signo hoc \*, propterea quod nulla Epacta esse possit 30. Variis autem temporibus ex his 30 Epactis respondent decem et novem Aureis numeris variae decem et novem Epactae, prout Solaris anni, ac Lunarum aequatio exposcit: quae quidem decem et novem Epactae progrediuntur, ut olim, per eundem numerum 11, addunturque semper 12 illi Epactae, quae respondet Aureo numero 19, ut habeatur sequens Epacta respondens Aureo numero 1, ob rationem paulo ante dictam. Id quod sequens tabella perspicuum faciet, quae continet Aureos numeros, et Epactas inter se respondententes ab anno correctionis 1582 post detractionem 10 dierum, usque ad annum 1700 exclusive. Quamvis autem vulgares Epactae mutantur in Martio, re ipsa tamen in principio anni mutandae sunt, una cum Aureo numero, in cuius locum hae nostrae Epactae succedunt.

Tabella Epactarum respondentium Aureis numeris ab Idibus Octobris anni correctionis 1582 (detractis prius decem diebus) usque ad annum 1700 exclusive.

Aurei num.	6.	7.	8.	9.	10.
Epactae.	xxvj.	vij.	xvij.	xxix.	x.
11.	12.	13.	14.	15.	16.
xxj.	ij.	xij.	xxiv.	v.	xvj.
17.	18.	19.	1.	2.	3.
xxvij.	xix.	j.	xij.	xxij.	iv.
					15.

Itaque si Epacta quocumque anno proposito invenienda sit, quaerendus est Aureus numerus illius anni in superiori ordine illius tabellae, quae illi tempori, in quo propositus annus continetur, congruit. Mox enim sub Aureo numero in inferiori ordine tabellae reperietur Epacta anni propositi, vel certe hoc signum \*. Ubi ergo illa Epacta vel signum \* in Calendario inventum fuerit, eo die Novilunium fiet. Invenietur autem Aureus numerus vel ex antecedente canone, vel ex tabella Epactarum proposito tempori congruente,tribuendo primum Aureum numerum illius tabellae illi anno, a quo usus tabellae incipit, et secundum Aureum numerum sequenti anno, etc. Eodem modo reperietur Epacta sine Aureo numero, si prima Epacta tabellae tribuatur illi anno, a quo ejus usus incipit, et secunda Epacta sequenti anno, etc.

Exemplum: Anno correctionis 1582 Aureus numerus est 6; nempe primus primae tabellae, cujus usus incipit ab Idibus Octobris dicti anni 1582, detractis prius x diebus. Erit ergo tunc Epacta xxvj, quae sub Aureo numero 6 collocatur, fietque Novilunium die 27 Octobris, et 26 Novembris, et 25 Decembris. Item anno 1583 jam correcto Aureus numerus est 7, cui in eadem tabella supposita est Epacta vij, quae toto eo anno in Calendario Novilunia indicabit: ut in Januario die 24, in Febuario die 22, in Martio die 24, etc.

Alia Tabella Epactarum respondentium Aureis numeris ab anno 1700 inclusive usque ad annum 1900 exclusive.

Aurei num.	10.	11.	12.	13.	14.	15.
Epactae.	ix.	xx.	j.	xij.	xxij.	iv.
16.	17.	18.	19.	1.	2.	3.
xv.	xxvj.	vij.	xvij.	*	xj.	xxij.
4.	5.	6.	7.	8.	9.	
ijj.	xiv.	xxv.	vj.	xvij.	xxvij.	

Alia Tabella Epactarum respondentium Aureis numeris ab anno 1900 inclusive usque ad annum 2200 exclusive.

Aurei num.	1.	2.	3.	4.	5.
Epactae.	xxix.	x.	xxj.	ij.	xij.
6.	7.	8.	9.	10.	11.
xxiv.	v.	xvj.	xxvij.	vij.	xix.
12.	13.	14.	15.	16.	17.
*	xj.	xxij.	ijj.	xiv.	25.
					vj.
					xvij.

Ad tollendam dubitationem de usu hujus novae tabellae Epactarum, ostendemus rem exemplis. Anno 1700 tribuatur Epacta ix, quae sub Aureo numero 10 collocatur, fietque Novilunium 22 Januarii, 20 Februarii, et 22 Martii. Item anno 1701 tribuatur Epacta xx sub Aureo numero 11 collocata, quae toto eo anno in Calendario Novilunia monstrabit: ut in Januario die 11, in Febuario die 9, in Martio die 11. Et sic deinceps per ordinem annis progredientibus, redeundo ad principium tabellae, quotiescumque eam percurreris. Rursus anno 1710 Epacta non signatur numero, sed hoc signo \*, quod collocatur sub Aureo numero 1, et in Calendario toto eo anno Novilunia indicabit, nimirum in Januario die 1 et 31, in Martio (nam in Febuario nullum tunc Novilunium, cum in eo signum hoc \* non reperitur) die 1 et 31, in Aprili die 29, etc.

Postremo, anno 1916 Aureus numerus est 17, sub quo in ordine Epactarum tertiae tabellae, quae proposito anno congruit, reperitur Epacta 25 non antiquo numero, ut aliae Epactae, sed vulgari numero scripta. Ubique ergo anno 1916 in Calendario Epacta 25 vulgari numero scripta reperitur, ibi Novilunium fit, ut in Januario die 6, in Febuario die 4, in Martio die 6, in Aprili die 4, etc. Quotiescumque enim Epacta 25 respondet Aureis numeris majoribus quam 11, quales sunt posteriores octo a 12 usque ad 19, sumenda est in Calendario Epacta 25 vulgari numero scripta; quando vero eadem Epacta respondet minoribus numeris quam 12, quales sunt priores undecim ab 1 ad 11 inclusive, accipienda est in Calendario Epacta xxv antiquo numero scripta: atque hoc solum contingit in Epacta 25, in aliis nunquam; quod ideo fit, ut anni lunares solaribus annis perfectius respondeant. Ob quam etiam causam in sex locis Kalendarii duae Epactae, scilicet xxv et xxiv, sunt adscriptae.

Tabella litterarum Dominicidarum ab Idibus Octobris anni correctionis 1582 (detractis prius decem diebus) usque ad annum 1700 exclusive.

c	b	A	f	e	d	c	A	g	f
		g				b			
e	c	b	A	g	e	d	c	b	g
d				f			A		
f	e	d	b	A	g	f	d		
		c			e				

Usus hujus tabellae hic est. Anno correctionis 1582 post Idus Octobris (detractis prius x diebus) tribuatur littera c primae cellulae, et sequenti anno 1583 littera b secundae, et anno 1584 dentur litterae A g tertiae cel-

lulae, et sic deinceps aliis annis ordine aliae cellulae tribuantur, donec ad annum propositum perventum sit, redeundo ad principium tabellae quotiescumque eam percurreris. Nam cellula, in quam annus propositus cadit, dummodo minor sit, quam annus 1700, dabit litteram Dominicalem propositi anni. Quae si unica occurrerit, annus erit communis; si vero duplex, Bissextilis: et tunc superior littera Dominicam diem ostendit in Calendario a principio anni usque ad festum S. Matthiae Apostoli; inferior autem ab hoc festo usque ad finem anni.

Exempli gratia: Sit inveniendi littera Dominicalis anni 1587. Numeri ab anno 1582, quem tribue primae litterae c, usque ad annum 1587, tribuendo singulis cellulis singulos annos (computando geminas litteras quascumque, superiorem et inferiorem, pro una cellula) cadetque annus 1587 in litteram d, quae sextum locum in tabella occupat. Est ergo toto eo anno littera Dominicalis d, annusque communis est, cum littera simplex occurrat. Rursus sit investiganda littera Dominicalis anni 1616; numeri ab anno 1582, ut dictum est, usque ad annum 1616, redeundo ad principium tabellae, postquam eam percurreris, perveniesque ad duas hasce litteras c b, septimo loco positas. Est ergo annus ille Bissextilis, cum duplex littera occurrat, superiorque littera c Dominicam diem indicabit a principio anni illius usque ad festum S. Matthiae, inferior autem b in reliqua parte anni.

Tabella litterarum Dominicalium ab anno 1700 inclusive usque ad annum 1800 exclusive.

d	b	A	g	f	d	c	b	A	f
c				e				g	
e	d	c	A	g	f	e	c	b	A
		b							
g	e	d	c	b	g	f	c		
f				A					

Alia Tabella litterarum Dominicalium ab anno 1800 ad 1900 exclusive.

f	d	c	b	A	f	e	d	c	A
e				g				b	
g	f	e	c	b	A	g	e	d	c
		d				f			
b	g	f	e	d	b	A	g		
A				c					

Alia Tabella litterarum Dominicalium ab anno 1900 ad 2000 exclusive (annus 2000 erit Bissextilis).

A	f	e	d	c	A	g	f	e	c
g				b				d	
b	A	g	e	d	c	b	g	f	e
		f				A			
d	b	A	g	f	d	c	b		
c				e					

Usus hujus tabellae talis est. Anno 1700 tribuatur unica littera inferior c, primae cellulae, relicta littera d superiori, quia annus ille 1700 non est Bissextilis, sed communis, et littera d fuit Dominicalis praecedenti anno 1699. Anno sequenti 1701 tribuatur littera b secundae cellulae, etc. Item anno 1704 tribuantur geminae litterae f e, quinquae cellulae, et sic deinceps aliis annis per ordinem aliae cellulae tribuantur, donec ad annum propositum pervenias, redeundo ad principium tabellae, quotiescumque eam percurreris: nam cellula, in quam annus propositus cadet, dummodo minor sit quam annus 1800, dabit litteram Dominicalem propositi anni: quae si unica occurrerit, annus erit communis; si vero duplex, Bissextilis: et tunc superior littera Dominicalem diem indicabit in Calendario a principio anni usque ad festum S. Matthiae Apostoli, inferior autem ab hoc festo usque ad finem anni.

### De Indictione.

INDICTIO est revolutio 15 annorum ab 1 usque ad 15, qua revolutione peracta, iterum reditur ad unitatem, initiumque sumit quilibet annus hujus cycli a Januario in Bullis Pontificiis. Et quoniam Indictionis frequens usus est in Diplommatibus et scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est; initium tamen sumit ab anno correctionis 1582.

Tabella Indictionis ab anno correctionis 1582.

10. 11. 12. 13. 14. 15. 1. 2. 3. 4. 5. 6. 7. 8. 9.

Nam si anno 1582 tribuas primum numerum, qui est 10, et sequenti anno 1583 secundum numerum, qui est 11, et sic deinceps usque ad annum propositum, redeundo ad principium tabellae, quotiescumque eam percurreris, cadet annus propositus in Indictionem quae quaeritur.

### De Festis mobilibus.

QUONIAM ex decreto sacri Concilii Nicaeni Pascha, ex quo reliqua Festa mobilia pendent, celebrari debet die Dominico, qui proxime succedit xiv Lunae primi mensis, (is vero apud Hebraeos vocatur primus mensis, cujus xiv Luna vel cadit in diem verni Aequinoctii, quod die 21 mensis Martii contingit, vel propius ipsum sequitur) efficitur, ut si Epacta cujusvis anni inveniatur, et ab ea in Calendario notata inter diem octavum Martii inclusive, et quintum Aprilis inclusive (hujus enim Epactae xiv Luna cadit vel in diem Aequinoctii verni, id est, in diem 21 Martii, vel eum propius sequitur) numerentur inclusive deorsum versus dies quatuordecim; proximus dies Dominicus diem hunc xiv sequens (ne cum Judaeis conveniamus, si forte dies xiv Lunae caderet in diem Dominicum) sit dies Paschae.

Exemplum. Anno 1605 Epacta est x et littera Dominicalis b. Et quoniam invenimus Epactam x inter diem 8 Martii et 5 Aprilis inclusive positam esse e regione diei 21 Martii, a quo inclusive si deorsum versus numerentur 14 dies, inveniemus xiv Lunam die 3 Aprilis, quae est Dominica, cum e regione illius sit littera Dominicalis b. Ne igitur cum Judaeis conveniamus, qui Pascha celebrant die xiv Lunae, sumenda est littera Dominicalis b, quae sequitur xiv Lunam, nempe ea quae e regione diei 10 Aprilis collocatur: atque eo anno Pascha celebrandum erit die 10 Aprilis. Item anno 1604 Epacta est xxix, et duplex littera Dominicalis d c, cum annus ille sit Bissextilis. Si igitur ab Epacta xxix, quae e regione diei 1 Aprilis ponitur inter diem 8 Martii et 5 Aprilis inclusive, numerentur dies 14, cadet xiv Luna in diem 14 Aprilis. Et quia tunc currit posterior littera Dominicalis, nempe c, quae post diem 14 Aprilis, id est, post xiv Lunam collocata est e regione diei 18 Aprilis, celebrabitur eo anno Pascha die 18 Aprilis.

Ceterum ut facilius omnia Festa mobilia inveniatur, compositae sunt duae sequentes tabulae Paschales, una antiqua, et nova altera. Ex antiqua ita Festa mobilia reperiuntur. In latere sinistro tabulae accipiat Epacta currens, et in linea litterarum Dominicalium sumatur littera Dominicalis currens, infra tamen Epactam currentem, ita ut si littera Dominicalis currens reperiatur e regione Epactae currentis, assumenda sit eadem littera Dominicalis proxime inferior. Nam e regione hujus litterae Dominicalis omnia Festa mobilia continentur.

Exemplum. Anno 1606 Epacta est xxj et littera Dominicalis A. Si igitur in tabula antiqua sumatur littera Dominicalis A, quae primo infra Epactam xxj occurrit, reperiatur e regione hujus litterae Dominica Septuagesimae die 22 Januarii, dies Cinerum 8 Februarii, Pascha 26 Martii, Ascensio Domini 4 Maii, Pentecostes 14 Maii, et festum Corporis Christi 25 Maii. Dominicae autem inter Pentecosten et Adventum eo anno erunt 28, et Adventus celebrabitur die 3 Decembris: et sic de ceteris. Item anno 1605 Epacta est x et littera Dominicalis b, quae in tabula reperiatur e regione Epactae x.



Quare sumenda est alia littera b, quae proxime infra Epactam invenitur, e regione cujus invenies Septuagesimam die 6 Februarii, diem Cinerum 23 Februarii, Pascha 10 Aprilis, etc.

Notandum autem est, quod quemadmodum in anno communi, cadente littera Dominicali e regione Epactae in tabula antiqua, sumitur eadem littera proxima infra Epactam, ut diximus : ita quoque in anno Bissextili, si alterutra duarum litterarum Dominicalium tunc currentium e regione Epactae reperitur, assumendae sunt aliae duae similes litterae proxime inferiores, ut Festa mobilia inveniantur.

Ex tabula vero Paschali nova ita eadem Festa mobilia reperientur. In cellula litterae Dominicalis currentis quaeratur Epacta currens. Nam e directo omnia Festa mobilia deprehenduntur. Ut anno 1609, in cellula litterae Dominicalis d, tunc currentis e regione Epactae xxiv, quae eodem anno currit, habetur Septuagesima die 15 Februarii, dies Cinerum 4 Martii, Pascha 19 Aprilis, etc.

Sed sive antiqua, sive nova tabula Paschali utamur, inveniunda sunt omnia Festa mobilia in annis Bissextilibus per litteram Dominicalem posteriorem, quae nimirum currit post festum sancti Matthiae Apostoli, ne scilicet ambigamus, utra duarum litterarum pro hoc, aut illo festo indagando accipienda sit : ita tamen, ut Septuagesimae et diei Cinerum inventae in Januario aut Febuario addatur unus dies. Quod ideo fit, quia ante diem S. Matthiae currit prior littera Dominicalis, quae in Calendario posteriorem semper sequitur : post festum autem S. Matthiae in Febuario, licet posterior littera currat, additur tamen tunc dies intercalaris, ita ut dies 24 Februarii dicatur 25, et dies 25 dicatur 26, etc. Quod si dies Cinerum cadat in Martium, nihil addendum est, quia tunc et littera posterior currit, et dies mensis propriis numeris respondent, cum dies intercalaris Febuario sit additus. Immo nisi per posteriorem litteram investigarentur, non inveniretur recte Septuagesima in anno Bissextili corrente Epacta xxiv vel xxv et littera Dominicali d c, ut in secundo ac tertio exemplo perspicuum fiet pro annis 4088, et 3784. Exempli gratia : Anno 2096 Bissextili Epacta erit v et litterae Dominicales A g. Si igitur per posteriorem litteram, quae est g, Festa mobilia investigentur, reperietur Septuagesima die 11 Februarii et dies Cinerum 28 Februarii. Si autem addatur unus dies, cadet Septuagesima in diem 12 Februarii quae est Dominica, et dies Cinerum in diem 29 Februarii quae est Feria iv. Pascha

autem, et reliqua Festa in eos dies cadent qui in tabula expressi sunt. Item anno 4088 Bissextili Epacta erit xxiv et litterae Dominicales d c. Si igitur per litteram c, quae posterior est, inquirantur Festa mobilia, invenietur Septuagesima die 21 Februarii, et si addatur unus dies, cadet in diem 22 Februarii quae est Dominica. Dies autem Cinerum cadet in diem 10 Martii; quare nihil additur, etc. Rursus anno 3784 Bissextili, Epacta erit xxv et litterae Dominicales d c. Ergo iterum per posteriorem c reperietur Septuagesima die 21 Februarii, hoc est, addita una die, 22. Quod si per priorem litteram d in utroque horum duorum annorum agendum esset, nihil efficeretur, cum infra Epactas xxiv et xxv littera d indicet Septuagesimam die 15 Februarii, quod falsum esset, cum eo anno posterior littera c Pascha offerat die 25 Aprilis, ac proinde Septuagesima die 22 Februarii celebranda sit, ut liquido constat, si a die Paschae Dominicae retro numerentur usque ad Septuagesimam.

In priori porro tabula Paschali antiqua reformata Epactis ad sinistram praepositimus Aureos numeros eodem ordine, quo ante emendationem Calendarii collocari solebant, ut ex iis Festa mobilia invenirentur. Hoc autem idcirco a nobis factum est, ut Pascha, ceteraque Festa mobilia, a Concilio Nicaeno usque ad annum 1582 quilibet indagare possit. Eodem autem prorsus artificio ex Aureis numeris ita distributis Festa mobilia eruuntur, quo ex Epactis. Sit enim explorandum, exempli causa, quando Festa haec celebrata fuerint anno 1450. Quoniam eo anno Aureus numerus fuit 7 et littera Dominicalis d, si Aureus numerus 7 in sinistro latere accipiat, et prima littera d infra eum occurrens, reperietur e regione hujus litterae d Septuagesima die 1 Februarii, dies Cinerum 18 Februarii, Pascha die 5 Aprilis, etc.

Adventus Domini celebratur semper die Dominico, qui propinquior est festo S. Andreae Apostoli, nempe a die 27 Novembris inclusive usque ad diem 3 Decembris inclusive, ita ut littera Dominicalis currens, quae reperitur in Calendario a die 27 Novembris usque ad diem 3 Decembris, indicet Dominicam Adventus. Ut, verbi gratia, si littera Dominicalis est g, Dominica Adventus cadet in diem 2 Decembris; quia ibi est littera g in Calendario, etc.

Ad finem tandem tabularum Paschalium apposita est tabula temporaria multorum annorum, e regione quorum omnia Festa mobilia inveniuntur; quae quidem tabula ex tabulis Paschalibus excerpta est, ex quibus infinitae aliae erui possunt pro quibuscumque annis.



# Tabula Paschalis antiqua reformat.

| Aur. num.          | Cycl.<br>Epact.                       | Litt. Dom.                 | Septuag.                         | Dies Cinerum.                | Pascha.                          | Ascensio.                            | Pentecostes.                    | Corpus Christi.                  | Dom. post Oct. Trin.             | Dom. i. Advent.                         |
|--------------------|---------------------------------------|----------------------------|----------------------------------|------------------------------|----------------------------------|--------------------------------------|---------------------------------|----------------------------------|----------------------------------|---|
| 16<br>5<br>13<br>2 | xxij<br>xxij<br>xxj<br>xx<br>xix      | d<br>e<br>f<br>g           | Jan.<br>18<br>19<br>20<br>21     | Febr.<br>4<br>5<br>6<br>7    | Mart.<br>22<br>23<br>24<br>25    | April.<br>30<br>1 Maii.<br>2<br>3    | Maii.<br>10<br>11<br>12<br>13   | Maii.<br>21<br>22<br>23<br>24    | 26<br>26<br>26<br>26             | 29 Nov.<br>30<br>1 Dec.<br>2            |
| 10<br>18<br>7      | xvij<br>xvij<br>xvj<br>xv<br>xiv      | A<br>b<br>c<br>d<br>e      | 22<br>23<br>24<br>25<br>26       | 8<br>9<br>10<br>11<br>12     | 26<br>27<br>28<br>29<br>30       | 4<br>5<br>6<br>7<br>8                | 14<br>15<br>16<br>17<br>18      | 25<br>26<br>27<br>28<br>29       | 26<br>25<br>25<br>25<br>25       | 3<br>27 Nov.<br>28<br>29<br>30          |
| 15<br>4<br>12      | xij<br>xij<br>xj<br>x<br>ix           | f<br>g<br>A<br>b<br>c      | 27<br>28<br>29<br>30<br>31       | 13<br>14<br>15<br>16<br>17   | 31<br>1 April.<br>2<br>3<br>4    | 9<br>10<br>11<br>12<br>13            | 19<br>20<br>21<br>22<br>23      | 30<br>31<br>1 Junii.<br>2<br>3   | 25<br>25<br>25<br>24<br>24       | 1 Dec.<br>2<br>3<br>27 Nov.<br>28       |
| 1<br>9<br>17       | vij<br>vij<br>vj<br>v<br>iv           | d<br>e<br>f<br>g<br>A      | 1 Febr.<br>2<br>3<br>4<br>5      | 18<br>19<br>20<br>21<br>22   | 5<br>6<br>7<br>8<br>9            | 14<br>15<br>16<br>17<br>18           | 24<br>25<br>26<br>27<br>28      | 4<br>5<br>6<br>7<br>8            | 24<br>24<br>24<br>24<br>24       | 29<br>30<br>1 Dec.<br>2<br>3            |
| 6<br>14<br>3       | ij<br>ij<br>j<br>*<br>xxix            | b<br>c<br>d<br>e<br>f      | 6<br>7<br>8<br>9<br>10           | 23<br>24<br>25<br>26<br>27   | 10<br>11<br>12<br>13<br>14       | 19<br>20<br>21<br>22<br>23           | 29<br>30<br>31<br>1 Junii.<br>2 | 9<br>10<br>11<br>12<br>13        | 23<br>23<br>23<br>23<br>23       | 27 Nov.<br>28<br>29<br>30<br>1 Dec.     |
| 11<br>19<br>8      | xxvij<br>xxvij<br>25 xxvj<br>xxv xxiv | g<br>A<br>b<br>c<br>d      | 11<br>12<br>13<br>14<br>15       | 28<br>1 Mart.<br>2<br>3<br>4 | 15<br>16<br>17<br>18<br>19       | 24<br>25<br>26<br>27<br>28           | 3<br>4<br>5<br>6<br>7           | 14<br>15<br>16<br>17<br>18       | 23<br>23<br>22<br>22<br>22       | 2<br>3<br>27 Nov.<br>28<br>29           |
|                    |                                       | e<br>f<br>g<br>A<br>b<br>c | 16<br>17<br>18<br>19<br>20<br>21 | 5<br>6<br>7<br>8<br>9<br>10  | 20<br>21<br>22<br>23<br>24<br>25 | 29<br>30<br>31<br>1 Junii.<br>2<br>3 | 8<br>9<br>10<br>11<br>12<br>13  | 19<br>20<br>21<br>22<br>23<br>24 | 22<br>22<br>22<br>22<br>21<br>21 | 30<br>1 Dec.<br>2<br>3<br>27 Nov.<br>28 |

# **Tabula Paschalis nova reformat.**

| Litterae Dominical. | Cyclus Epactarum. | Septuagesima. | Dies Cinerum. | Pascha.   | Ascensio. | Pentecostes. | Corpus Christi. | Dom. post Oct. Trin. | Dominica j. Adventus. |
|---------------------|-------------------|---------------|---------------|-----------|-----------|--------------|-----------------|----------------------|-----------------------|
| <b>D</b>            | 23.               | 18 Jan.       | 4 Febr.       | 22 Mart.  | 30 Apr.   | 10 Maii.     | 21 Maii.        | 26                   | 29 Nov.               |
|                     | 22.               | 25 Jan.       | 11 Febr.      | 29 Mart.  | 7 Maii.   | 17 Maii.     | 28 Maii.        | 25                   | 29                    |
|                     | 15.               | 14 Febr.      | 18 Febr.      | 5 April.  | 14 Maii.  | 24 Maii.     | 4 Junii.        | 24                   | 29                    |
|                     | 8.                | 1 Febr.       | 25 Febr.      | 12 April. | 21 Maii.  | 31 Maii.     | 11 Junii.       | 23                   | 29                    |
| <b>E</b>            | 1.                | 15 Febr.      | 4 Mart.       | 19 April. | 28 Maii.  | 7 Junii.     | 18 Junii.       | 22                   | 29                    |
|                     | 23.               | 19 Jan.       | 5 Febr.       | 23 Mart.  | 1 Maii.   | 11 Maii.     | 22 Maii.        | 26                   | 30 Nov.               |
|                     | 21.               | 26 Jan.       | 12 Febr.      | 30 Mart.  | 8 Maii.   | 18 Maii.     | 29 Maii.        | 25                   | 30                    |
|                     | 14.               | 2 Febr.       | 19 Febr.      | 6 April.  | 15 Maii.  | 25 Maii.     | 5 Junii.        | 24                   | 30                    |
| <b>F</b>            | 7.                | 9 Febr.       | 26 Febr.      | 13 April. | 22 Maii.  | 1 Junii.     | 12 Junii.       | 23                   | 30                    |
|                     | * 29.             | 16 Febr.      | 5 Mart.       | 20 April. | 29 Maii.  | 8 Junii.     | 19 Junii.       | 22                   | 30                    |
|                     | 23.               | 20 Jan.       | 6 Febr.       | 24 Mart.  | 2 Maii.   | 12 Maii.     | 23 Maii.        | 26                   | 1 Dec.                |
|                     | 20.               | 27 Jan.       | 13 Febr.      | 31 Mart.  | 9 Maii.   | 19 Maii.     | 30 Maii.        | 25                   | 1                     |
| <b>G</b>            | 13.               | 3 Febr.       | 20 Febr.      | 7 April.  | 16 Maii.  | 26 Maii.     | 6 Junii.        | 24                   | 1                     |
|                     | 6.                | 10 Febr.      | 27 Febr.      | 14 April. | 23 Maii.  | 2 Junii.     | 13 Junii.       | 23                   | 1                     |
|                     | 5.                | 17 Febr.      | 6 Mart.       | 21 April. | 30 Maii.  | 9 Junii.     | 20 Junii.       | 22                   | 1                     |
|                     | 29.               | 21 Jan.       | 7 Febr.       | 25 Mart.  | 3 Maii.   | 13 Maii.     | 24 Maii.        | 26                   | 2 Dec.                |
| <b>A</b>            | 19.               | 28 Jan.       | 14 Febr.      | 1 April.  | 10 Maii.  | 20 Maii.     | 31 Maii.        | 25                   | 2                     |
|                     | 12.               | 4 Febr.       | 21 Febr.      | 8 April.  | 17 Maii.  | 27 Maii.     | 7 Junii.        | 24                   | 2                     |
|                     | 5.                | 11 Febr.      | 28 Febr.      | 15 April. | 24 Maii.  | 3 Junii.     | 14 Junii.       | 23                   | 2                     |
|                     | 28.               | 18 Febr.      | 7 Mart.       | 22 April. | 31 Maii.  | 10 Junii.    | 21 Junii.       | 22                   | 2                     |
| <b>B</b>            | 23.               | 22 Jan.       | 8 Febr.       | 26 Mart.  | 4 Maii.   | 14 Maii.     | 25 Maii.        | 26                   | 3 Dec.                |
|                     | 18.               | 29 Jan.       | 15 Febr.      | 2 April.  | 11 Maii.  | 21 Maii.     | 1 Junii.        | 25                   | 3                     |
|                     | 11.               | 5 Febr.       | 22 Febr.      | 9 April.  | 18 Maii.  | 28 Maii.     | 8 Junii.        | 24                   | 3                     |
|                     | 4.                | 12 Febr.      | 1 Mart.       | 16 April. | 25 Maii.  | 4 Junii.     | 15 Junii.       | 23                   | 3                     |
| <b>C</b>            | 27.               | 19 Febr.      | 8 Mart.       | 23 April. | 1 Junii.  | 11 Junii.    | 22 Junii.       | 22                   | 3                     |
|                     | 23.               | 23 Jan.       | 9 Febr.       | 27 Mart.  | 5 Maii.   | 15 Maii.     | 26 Maii.        | 25                   | 27 Nov.               |
|                     | 17.               | 30 Jan.       | 16 Febr.      | 3 April.  | 12 Maii.  | 22 Maii.     | 2 Junii.        | 24                   | 27                    |
|                     | 10.               | 6 Febr.       | 23 Febr.      | 10 April. | 19 Maii.  | 29 Maii.     | 9 Junii.        | 23                   | 27                    |
| <b>C</b>            | 3.                | 13 Febr.      | 2 Mart.       | 17 April. | 26 Maii.  | 5 Junii.     | 16 Junii.       | 23                   | 27                    |
|                     | 26.               | 20 Febr.      | 9 Mart.       | 24 April. | 2 Junii.  | 12 Junii.    | 23 Junii.       | 21                   | 27                    |
|                     | 23.               | 24 Jan.       | 10 Febr.      | 28 Mart.  | 6 Maii.   | 16 Maii.     | 27 Maii.        | 25                   | 28 Nov.               |
|                     | 16.               | 31 Jan.       | 17 Febr.      | 4 April.  | 13 Maii.  | 23 Maii.     | 3 Junii.        | 24                   | 28                    |
| <b>C</b>            | 9.                | 7 Febr.       | 24 Febr.      | 11 April. | 20 Maii.  | 30 Maii.     | 17 Junii.       | 23                   | 28                    |
|                     | 2.                | 14 Febr.      | 3 Mart.       | 18 April. | 27 Maii.  | 6 Junii.     | 17 Junii.       | 22                   | 28                    |
|                     | 25.               | 21 Febr.      | 10 Mart.      | 25 April. | 3 Junii.  | 13 Junii.    | 24 Junii.       | 21                   | 28                    |

# Tabella temporaria Festorum mobilium.

| Anno Domini. | Litterae Dominic. | Aureus Numerus. | Epactae. | Septuagesima. | Dies Cinerum. | Pascha.  | Ascensio. | Pentecostes. | Corpus Christi. | Indictiones. | Dom. post Oct. Trin. | Dom. j. Adventus. |
|--------------|-------------------|-----------------|----------|---------------|---------------|----------|-----------|--------------|-----------------|--------------|----------------------|-------------------|
| 1894         | g                 | 14              | xxij     | 21 Jan.       | 7 Febr.       | 25 Mart. | 3 Maii.   | 13 Maii.     | 24 Maii.        | 7            | 26                   | 2 Dec.            |
| 1895         | f                 | 15              | iv       | 10 Febr.      | 27 Febr.      | 14 Apr.  | 23 Maii.  | 2 Junii.     | 13 Junii.       | 8            | 23                   | 1 Dec.            |
| 1896         | e d               | 16              | xv       | 2 Febr.       | 19 Febr.      | 5 Apr.   | 14 Maii.  | 24 Maii.     | 4 Junii.        | 9            | 24                   | 29 Nov.           |
| 1897         | c                 | 17              | xxvj     | 14 Febr.      | 3 Mart.       | 18 Apr.  | 27 Maii.  | 6 Junii.     | 17 Junii.       | 10           | 22                   | 28 Nov.           |
| 1898         | b                 | 18              | vij      | 6 Febr.       | 23 Febr.      | 10 Apr.  | 19 Maii.  | 29 Maii.     | 9 Junii.        | 11           | 23                   | 27 Nov.           |
| 1899         | A                 | 19              | xvij     | 29 Jan.       | 15 Febr.      | 2 Apr.   | 11 Maii.  | 21 Maii.     | 1 Junii.        | 12           | 25                   | 3 Dec.            |
| 1900         | g                 | 1               | xxix     | 11 Febr.      | 28 Febr.      | 15 Apr.  | 24 Maii.  | 3 Junii.     | 14 Junii.       | 13           | 23                   | 2 Dec.            |
| 1901         | f                 | 2               | x        | 3 Febr.       | 20 Febr.      | 7 Apr.   | 16 Maii.  | 26 Maii.     | 6 Junii.        | 14           | 24                   | 1 Dec.            |
| 1902         | e                 | 3               | xxj      | 26 Jan.       | 12 Febr.      | 30 Mart. | 8 Maii.   | 18 Maii.     | 29 Maii.        | 15           | 25                   | 30 Nov.           |
| 1903         | d                 | 4               | ij       | 8 Febr.       | 25 Febr.      | 12 Apr.  | 21 Maii.  | 31 Maii.     | 11 Junii.       | 1            | 23                   | 29 Nov.           |
| 1904         | c b               | 5               | xij      | 31 Jan.       | 17 Febr.      | 3 Apr.   | 12 Maii.  | 22 Maii.     | 2 Junii.        | 2            | 24                   | 27 Nov.           |
| 1905         | A                 | 6               | xxiv     | 19 Febr.      | 8 Mart.       | 23 Apr.  | 1 Junii.  | 11 Junii.    | 22 Junii.       | 3            | 22                   | 3 Dec.            |
| 1906         | g                 | 7               | v        | 11 Febr.      | 28 Febr.      | 15 Apr.  | 24 Maii.  | 3 Junii.     | 14 Junii.       | 4            | 23                   | 2 Dec.            |
| 1907         | f                 | 8               | xvj      | 27 Jan.       | 13 Febr.      | 31 Mart. | 9 Maii.   | 19 Maii.     | 30 Maii.        | 5            | 25                   | 1 Dec.            |
| 1908         | e d               | 9               | xxvij    | 16 Febr.      | 4 Mart.       | 19 Apr.  | 28 Maii.  | 7 Junii.     | 18 Junii.       | 6            | 22                   | 29 Nov.           |
| 1909         | c                 | 10              | vij      | 7 Febr.       | 24 Febr.      | 11 Apr.  | 20 Maii.  | 30 Maii.     | 10 Junii.       | 7            | 23                   | 28 Nov.           |
| 1910         | b                 | 11              | xix      | 23 Jan.       | 9 Febr.       | 27 Mart. | 5 Maii.   | 15 Maii.     | 26 Maii.        | 8            | 25                   | 27 Nov.           |
| 1911         | A                 | 12              | *        | 12 Febr.      | 1 Mart.       | 16 Apr.  | 25 Maii.  | 4 Junii.     | 15 Junii.       | 9            | 23                   | 3 Dec.            |
| 1912         | g f               | 13              | xj       | 4 Febr.       | 21 Febr.      | 7 Apr.   | 16 Maii.  | 26 Maii.     | 6 Junii.        | 10           | 24                   | 1 Dec.            |
| 1913         | e                 | 14              | xxij     | 19 Jan.       | 5 Febr.       | 23 Mart. | 1 Maii.   | 11 Maii.     | 22 Maii.        | 11           | 26                   | 30 Nov.           |
| 1914         | d                 | 15              | ij       | 8 Febr.       | 25 Febr.      | 12 Apr.  | 21 Maii.  | 31 Maii.     | 11 Junii.       | 12           | 23                   | 29 Nov.           |
| 1915         | c                 | 16              | xiv      | 31 Jan.       | 17 Febr.      | 4 Apr.   | 13 Maii.  | 23 Maii.     | 3 Junii.        | 13           | 24                   | 28 Nov.           |
| 1916         | b A               | 17              | xxv      | 20 Febr.      | 8 Mart.       | 23 Apr.  | 1 Junii.  | 11 Junii.    | 22 Junii.       | 14           | 22                   | 3 Dec.            |
| 1917         | g                 | 18              | vj       | 4 Febr.       | 21 Febr.      | 8 Apr.   | 17 Maii.  | 27 Maii.     | 7 Junii.        | 15           | 24                   | 2 Dec.            |
| 1918         | f                 | 19              | xxvij    | 27 Jan.       | 13 Febr.      | 31 Mart. | 9 Maii.   | 19 Maii.     | 30 Maii.        | 1            | 25                   | 1 Dec.            |
| 1919         | e                 | 1               | xxix     | 16 Febr.      | 5 Mart.       | 20 Apr.  | 29 Maii.  | 8 Junii.     | 19 Junii.       | 2            | 22                   | 30 Nov.           |
| 1920         | d c               | 2               | x        | 1 Febr.       | 18 Febr.      | 4 Apr.   | 13 Maii.  | 23 Maii.     | 3 Junii.        | 3            | 24                   | 28 Nov.           |
| 1921         | b                 | 3               | xxj      | 23 Jan.       | 9 Febr.       | 27 Mart. | 5 Maii.   | 15 Maii.     | 26 Maii.        | 4            | 25                   | 27 Nov.           |
| 1922         | A                 | 4               | ij       | 12 Febr.      | 1 Mart.       | 16 Apr.  | 25 Maii.  | 4 Junii.     | 15 Junii.       | 5            | 23                   | 3 Dec.            |
| 1923         | g                 | 5               | xxij     | 28 Jan.       | 14 Febr.      | 1 Apr.   | 10 Maii.  | 20 Maii.     | 31 Maii.        | 6            | 25                   | 2 Dec.            |
| 1924         | f e               | 6               | xxiv     | 17 Febr.      | 5 Mart.       | 20 Apr.  | 29 Maii.  | 8 Junii.     | 19 Junii.       | 7            | 22                   | 30 Nov.           |
| 1925         | d                 | 7               | v        | 8 Febr.       | 25 Febr.      | 12 Apr.  | 21 Maii.  | 31 Maii.     | 11 Junii.       | 8            | 23                   | 29 Nov.           |
| 1926         | c                 | 8               | xvj      | 31 Jan.       | 17 Febr.      | 4 Apr.   | 13 Maii.  | 23 Maii.     | 3 Junii.        | 9            | 24                   | 28 Nov.           |
| 1927         | b                 | 9               | xxvij    | 13 Febr.      | 2 Mart.       | 17 Apr.  | 26 Maii.  | 5 Junii.     | 16 Junii.       | 10           | 22                   | 27 Nov.           |
| 1928         | Ag                | 10              | vij      | 5 Febr.       | 22 Febr.      | 8 Apr.   | 17 Maii.  | 27 Maii.     | 7 Junii.        | 11           | 24                   | 2 Dec.            |
| 1929         | f                 | 11              | xix      | 27 Jan.       | 13 Febr.      | 31 Mart. | 9 Maii.   | 19 Maii.     | 30 Maii.        | 12           | 25                   | 1 Dec.            |
| 1930         | e                 | 12              | *        | 16 Febr.      | 5 Mart.       | 20 Apr.  | 29 Maii.  | 8 Junii.     | 19 Junii.       | 13           | 22                   | 30 Nov.           |
| 1931         | d                 | 13              | xj       | 1 Febr.       | 18 Febr.      | 5 Apr.   | 14 Maii.  | 24 Maii.     | 4 Junii.        | 14           | 24                   | 29 Nov.           |
| 1932         | c b               | 14              | xxij     | 24 Jan.       | 10 Febr.      | 27 Mart. | 5 Maii.   | 15 Maii.     | 26 Maii.        | 15           | 25                   | 27 Nov.           |
| 1933         | A                 | 15              | ij       | 12 Febr.      | 1 Mart.       | 16 Apr.  | 25 Maii.  | 4 Junii.     | 15 Junii.       | 1            | 23                   | 3 Dec.            |
| 1934         | g                 | 16              | xiv      | 28 Jan.       | 14 Febr.      | 1 Apr.   | 10 Maii.  | 20 Maii.     | 31 Maii.        | 2            | 25                   | 2 Dec.            |
| 1935         | f                 | 17              | xxv      | 17 Febr.      | 6 Mart.       | 21 Apr.  | 30 Maii.  | 9 Junii.     | 20 Junii.       | 3            | 22                   | 1 Dec.            |
| 1936         | e d               | 18              | vj       | 9 Febr.       | 26 Febr.      | 12 Apr.  | 21 Maii.  | 31 Maii.     | 11 Junii.       | 4            | 23                   | 29 Nov.           |
| 1937         | c                 | 19              | xxvij    | 24 Jan.       | 10 Febr.      | 28 Mart. | 6 Maii.   | 16 Maii.     | 27 Maii.        | 5            | 25                   | 28 Nov.           |
| 1938         | b                 | 1               | xxix     | 13 Febr.      | 2 Mart.       | 17 Apr.  | 26 Maii.  | 5 Junii.     | 16 Junii.       | 6            | 22                   | 27 Nov.           |

# Kalendarium.

## JANUARIUS.

Cyclus Litt. Dies  
Epact. Dom. mens.

|               |    |  |
|---------------|----|--|
| * A Kal.      | 1  | Circumcisio Domini. Totum Duplex.  |
| xxix b iv     | 2  | Octava S. Stephani Protom. Tres Lect.  |
| xxvij c iij   | 3  | Octava S. Joannis Evang. Tres Lect.  |
| xxvij d Prid. | 4  | Octava SS. Innocentium. Tres Lect.   |
| xxvj e Non.   | 5  | Vigilia.   |
| 25.xxv f viij | 6  | Epiphania Domini. Totum Duplex.  |
| xxiv g vij    | 7  |  |
| xxij A vj     | 8  |  |
| xxij b v      | 9  |  |
| xxj c iv      | 10 | B. Gundisalvi Conf. O. P. Totum Duplex.  |
| xx d iij      | 11 |  |
| xxix e Prid.  | 12 |  |
| xxij f Idib.  | 13 | Octava Epiphaniae. Simplex.  |
| xxvij g xix   | 14 | FEBR. S. Hilarii Episc. Conf. et Eccl. Doct. Duplex.   |
| xxvj A xvij   | 15 | SS. Nominis Jesu. Totum Duplex. S. Mauri Abbatis. Memoria.   |
| xxv b xvij    | 16 | B. Stephanæ de Quinzanis Virg. O. P. Duplex. S. Marcelli PP. et Mart. Memoria.                             |
| xxiv c xvj    | 17 | S. Antonii Abb. Totum Duplex.  |
| xxij d xv     | 18 | Cathedra Romana S. Petri. Duplex. S. Priscæ Virg. et Mart. Memoria. Ante non erit Septuagesima.            |
| xxj e xiv     | 19 | B. Andreae a Piscaria Conf. O. P. Duplex. S. Felicis Presb. et Mart. Memoria.                              |
| xx f xiiij    | 20 | SS. Fabiani et Sebastiani MM. Totum Duplex.  |
| x g xij       | 21 | S. Agnetis Virg. et Mart. Totum Duplex.  |
| ix A xj       | 22 | S. Vincentii Mart. Totum Duplex.   |
| vij b x       | 23 | S. Raymundi Conf. O. P. Totum Duplex. S. Emerentianæ Virg. et Mart. Memoria.                               |
| vij c ix      | 24 | B. Marcolini Foroliv. Conf. O. P. Duplex. S. Timothei Episc. et Mart. Memoria.                             |
| vj d viij     | 25 | Conversio S. Pauli Apost. Totum Duplex.  |
| v e vij       | 26 | B. Margaritæ ab Hung. Virg. O. P. Duplex. S. Polycarpi Episc. et Mart. Memoria.                            |
| iv f vj       | 27 | S. Joannis Chrysostomi Episc. et Conf. Duplex. S. Juliani Episc. et Conf. Memoria.                         |
| ij g v        | 28 | Transl. S. Thomæ Aquin. O. P. Totum Duplex. S. Agnetis secundo. Memoria.                                   |
| ij A iv       | 29 | S. Francisci Salesii Episc. Conf. et Eccl. Doct. Duplex. S. Pauli primi Er. et Oct. S. Vincentii. Memoria. |

Cyclus Litt. Dies  
Epact. Dom. mens.

|   |         |    |  |
|---|---------|----|--|
| j | b iij   | 30 | S. Martinæ Virg. et Mart. Simplex. Octava S. Raymundi Conf. Simplex. |
| * | c Prid. | 31 | S. Petri Nolasco Conf. Duplex.                                       |

Dom. infra Oct. Epiph. Domini. Inventio D. N. J. C. in medio Doct. Totum Duplex.

## FEBRUARIUS.

|                 |    |  |
|-----------------|----|--|
| xxix d Kal.     | 1  | S. Ignatii Episc. et Mart. Duplex.   |
| xxvij e iv      | 2  | Purificatio B. Mariæ Virg. Totum Duplex.   |
| xxvij f iij     | 3  | S. Blasii Episc. et Mart. Simplex.   |
| 25.xxvj g Prid. | 4  | S. Andreae Corsini Episc. et Conf. Duplex. Anniversarium Patrum et Martum. Ante non erit Cinis.  |
| xxv.xxiv A Non. | 5  | S. Agathæ Virg. et Mart. Duplex.   |
| xxij b viij     | 6  | S. Dorotheæ Virg. et Mart. Duplex. SS. Vedasti et Amandi Conf. Memoria.                          |
| xxij c vij      | 7  | S. Romualdi Abbatis. Duplex.   |
| xxj d vj        | 8  | S. Joannis de Matha Conf. Duplex.  |
| xx e v          | 9  | B. Bernardi Scammacca Conf. O. P. Duplex. S. Apolloniæ Virg. et Mart. Memoria.                   |
| xxix f iv       | 10 | S. Scholasticæ Virg. Duplex.   |
| xxvij g iij     | 11 | Desponsatio B. M. V. Totum Duplex. Commem. S. Joseph Sponsi B. M. Memoria.                       |
| xxvij A Prid.   | 12 | B. Reginaldi Aurelian. Conf. O. P. Duplex.   |
| xxvj b Idib.    | 13 | S. Catharinæ de Ricciis Virg. O. P. Totum Duplex.  |
| xxv c xvj       | 14 | MARTEL. B. Nicolai Palea Conf. O. P. Duplex.   |
| xiv d xv        | 15 | B. Jordani Saxon. Conf. O. P. Duplex.  |
| xij e xiv       | 16 | B. Gregorii X. Papæ et Conf. Duplex.   |
| xij f xiiij     | 17 | SS. Septem Fundatorum Ord. Servorum B. M. V. Duplex.   |
| xj g xij        | 18 | B. Laurentii a Ripafracta Conf. O. P. Duplex.  |
| x A xj          | 19 | B. Alvari Cordubens. Conf. O. P. Duplex.   |
| ix b x          | 20 | Octava S. Catharinæ de Ricc. Virg. Simplex.  |
| vij c ix        | 21 | B. Aimonis Taparelli Conf. O. P. Duplex. S. Valentini Mart. Memoria. Post non erit Septuagesima. |
| vij d viij      | 22 | Cathedra S. Petri Ap. Antioch. Duplex.   |
| vj e vij        | 23 | S. Petri Damiani Episc. Conf. et Eccl. Doct. Duplex. Vigilia.                                    |
| v f vj          | 24 | S. Matthiæ Apostoli. Totum Duplex. Locis Bissextil.  |
| iv g v          | 25 | B. Constanti a Fabriano Conf. O. P. Duplex.  |



Cyclus Litt. Dies  
Epact. Dom. mens.

|      |   |       |    |
|------|---|-------|----|
| iiij | A | iv    | 26 |
| ij   | b | iiij  | 27 |
| j    | c | Prid. | 28 |

B. Villanae de Bottis Vid. O. P. Duplex.

Feria iij. post Dom. Septuag. Orat. D. N. J. C. in Monte Oliveti. Totum Duplex.

Feria iij. post Dom. Sexag. Commemoratio Dom. Passionis. Totum Duplex.

Feria v. ante Dom. Quinquag. Translat. S. Catharinae Senensis Virg. O. P. Totum Duplex.

In Anno Bissextili Febr. est dierum 29, et festum S. Matthiae celebratur 25. Febr. et bis dicitur Sexto Kalendas: id est, die 24 et 25, et Litt. Domin. quae assumpta fuit in mense Januario, mutatur in praecedentem: ut si in Januario Litt. Domin. fuit A, mutetur in praecedentem, quae est g, etc. Festum vero B. Constantii celebrabitur die 26, et festum B. Villanae, die 29.

## MARTIUS.

|         |   |       |    |  |
|---------|---|-------|----|--|
| *       | d | Kal.  | 1  | B. Christophori Mediol. Conf. O. P. Duplex.                  |
|         |   |       |    | S. Albini Episc. et Conf. Memoria.                           |
| xxix    | e | vj    | 2  | B. Henrici Susonis Conf. O. P. Duplex.                       |
| xxviiij | f | v     | 3  |  |
| xxviij  | g | iv    | 4  | S. Casimiri Conf. Duplex.                                    |
| xxvj    | A | iiij  | 5  |  |
| 25. xxv | b | Prid. | 6  | B. Jordani a Pisis Conf. O. P. Duplex.                       |
| xxiv    | c | Non.  | 7  | S. Thomae de Aquino Conf. et Eccl. Doct. O. P. Totum Duplex. |
| xxiiij  | d | viiij | 8  | S. Joannis de Deo Conf. Duplex.                              |
| xxij    | e | vij   | 9  | S. Franciscae Viduae Romanae. Duplex.                        |
| xxj     | f | vj    | 10 | B. Petri a Jeremia Conf. O. P. Duplex.                       |
|         |   |       |    | Post non erit Cinis.   |
| xx      | g | v     | 11 |  |
| xix     | A | iv    | 12 | S. Gregorii PP. Conf. et Eccl. Doct. Totum Duplex.           |
| xviiij  | b | iiij  | 13 |  |
| xvij    | c | Prid. | 14 | Octava S. Thomae Aquinatis. Solemnis.                        |
| xvj     | d | Idib. | 15 |  |
| xv      | e | xvij  | 16 | APRILIS.   |
| xiv     | f | xvj   | 17 | S. Patricii Episc. et Conf. Duplex.                          |
| xiiij   | g | xv    | 18 | B. Sibyllinae de Biscossis Virg. O. P. Duplex.               |
| xij     | A | xiv   | 19 | S. Joseph Conf. Sponsi B. M. V. Totum Duplex.                |
| xj      | b | xiiij | 20 |  |
| x       | c | xij   | 21 | S. Benedicti Abbatis. Duplex.                                |
| ix      | d | xj    | 22 | B. Ambrosii Sansedonii Conf. O. P. Duplex.                   |
|         |   |       |    | Ante non erit Pascha.  |
| viiij   | e | x     | 23 |  |
| vij     | f | ix    | 24 | S. Gabrielis Archangeli. Totum Duplex.                       |
| vj      | g | viiij | 25 | Annuntiationis B. M. V. Totum Duplex.                        |
| v       | A | vij   | 26 | Octava S. Joseph. Solemnis.                                  |
| iv      | b | vj    | 27 |  |
| iiij    | c | v     | 28 |  |
| ij      | d | iv    | 29 |  |
| i       | e | iiij  | 30 |  |
| *       | f | Prid. | 31 |  |

Feria vi. post Dom. j. Quadrag. Lanceae et Clavum D. N. J. C. Totum Duplex.

Feria vi. post Dom. ij. Quadrag. SS. Sindonis D. N. J. C. Totum Duplex.

Feria vi. post Dom. iij. Quadrag. SS. Vulnerum D. N. J. C. Totum Duplex.

Feria vi. post Dom. iv. Quadrag. Pretiosi Sanguinis D. N. J. C. Totum Duplex.

Feria vi. post Dom. Passionis. Compassio B. M. V. Totum Duplex.

## APRILIS.

Cyclus Litt. Dies  
Epact. Dom. mens.

|           |   |       |    |   |
|-----------|---|-------|----|---|
| xxix      | g | Kal.  | 1  | Octava Annunt. B. M. V. Solemnis.                       |
| xxviiij   | A | iv    | 2  | S. Francisci de Paula Conf. Duplex.                     |
| xxvij     | b | iiij  | 3  | Impress. Stigmat. S. Catharinae Virg. O. P. Duplex.     |
| 25. xxvj  | c | Prid. | 4  | S. Ambrosii Episc. Conf. et Eccl. Doct. Totum Duplex.   |
| xxv. xxiv | d | Non.  | 5  | S. Vincentii Conf. O. P. Totum Duplex.                  |
| xxiiij    | e | viiij | 6  |   |
| xxij      | f | vij   | 7  |   |
| xxj       | g | vj    | 8  |   |
| xx        | A | v     | 9  | B. Antonii Pavonii Mart. O. P. Duplex.                  |
| xix       | b | iv    | 10 | B. Antonii Neyrot Martyris O. P. Duplex.                |
| xviiij    | c | iiij  | 11 | S. Leonis Magni Papae et Conf. Totum Duplex.            |
| xvij      | d | Prid. | 12 | Octava S. Vincentii Conf. Simplex.                      |
| xvj       | e | Idib. | 13 | B. Margaritae de Castello Virg. O. P. Duplex.           |
| xv        | f | xvij  | 14 | MAIL. B. Petri Gonzalez Conf. O. P. Duplex.             |
| xiv       | g | xvij  | 15 | S. Hermenegildi Mart. Duplex.                           |
| xiiij     | A | xvj   | 16 | SS. Tiburtii, Valeriani et Maximi Mart. Tres Lect.      |
| xij       | b | xv    | 17 | B. Clarae Gambacurtae Vid. O. P. Duplex.                |
| xj        | c | xiv   | 18 |   |
| x         | d | xiiij | 19 |   |
| ix        | e | xij   | 20 | S. Agnetis de Monte Politiano Virg. O. P. Totum Duplex. |
| viiij     | f | xj    | 21 | S. Bartholomaei Mart. O. P. Duplex.                     |
| vij       | g | x     | 22 |   |
| vj        | A | ix    | 23 | S. Georgii Mart. Simplex.                               |
| v         | b | viiij | 24 | Coronae Domini. Totum Duplex.                           |
|           |   |       |    | S. Adalberti Episc. et Mart. Memoria.                   |
| iv        | c | vij   | 25 | S. Marci Evangelistae. Totum Duplex.                    |
| iiij      | d | vj    | 26 | Ultimum Pascha.   |
| iiij      | e | v     | 27 | BB. Dominici et Gregorii CC. O. P. Duplex.              |
| j         | f | iv    | 28 | Octava S. Agnetis de Monte Politiano. Simplex.          |
| *         | g | iiij  | 29 | S. Pauli a Cruce Conf. Duplex.                          |
| xxix      | A | Prid. | 30 | S. Petri Mart. O. P. Totum Duplex.                      |
|           |   |       |    | S. Catharinae Sen. Virg. O. P. Totum Duplex.            |
|           |   |       |    | Ante non erit Ascensus.                                 |

Dom. ij. post Oct. Pascha. Patrocinium S. Joseph Conf. Sponsi B. M. V. Totum Duplex.

## MAIUS.

|         |   |      |   |   |
|---------|---|------|---|---|
| xxviiij | b | Kal. | 1 | SS. Philippi et Jacobi Apost. Totum Duplex.       |
| xxvii   | c | vj   | 2 | S. Athanasii Episc. et Conf. Duplex.              |
| xxvi    | d | v    | 3 | Inventio S. Crucis. Totum Duplex.                 |
|         |   |      |   | SS. Alexandri, Eventii et Theoduli Mart. Memoria. |
| 25. xxv | e | iv   | 4 | S. Monicae Viduae. Duplex.                        |
| xxiv    | f | iiij | 5 | S. Phil. V. Paviae et Conf. O. P. Totum Duplex.   |

| Cyclus Litt.<br>Epact. Dom. | Dies<br>mens. |  |
|-----------------------------|---------------|--|
| xxijj                       | g Prid.       | 6 S. Joannis ante portam Lat. Duplex.<br>Octava S. Petri Mart. Simplex.  |
| xxij                        | A Non.        | 7 Octava S. Catharinae Senensis.<br>Solemnis.  |
| xxj                         | b viij        | 8 Appar. S. Michaelis Archang. To-<br>tum Duplex.  |
| xx                          | c vij         | 9 S. Gregorii Nazianz. Episc. et<br>Conf. Duplex.  |
| xix                         | d vj          | 10 S. Antonini Arch. et Conf. O. P.<br>Totum Duplex.<br>SS. Gordiani et Epimachi MM.<br>Memoria.<br>Ante non venit Ignis.                      |
| xvijj                       | e v           | 11 S. Stanislai Episc. et Mart. Duplex.  |
| xvij                        | f iv          | 12 B. Joannae Lusit. Virg. O. P.<br>Duplex.<br>Octava S. Pii V. Papae et Conf.<br>Simplex.<br>SS. Nerei, Achillei et Pancratii<br>MM. Memoria. |
| xvj                         | g iij         | 13 B. Alberti a Bergamo Conf. O. P.<br>Duplex.   |
| xv                          | A Prid.       | 14 B. Ægidii Conf. O. P. Duplex.   |
| xiv                         | b Idib.       | 15 Convers. S. Augustini Episc. Conf.<br>et Eccl. Doct. Duplex.  |
| xijj                        | c xvij        | 16 JUNII. S. Joannis Nepomuceni<br>Mart. Duplex.   |
| xij                         | d xvj         | 17 Octava S. Antonini Episc. et Conf.<br>Simplex.  |
| xj                          | e xv          | 18 S. Venantii Mart. Simplex.  |
| x                           | f xiv         | 19 S. Petri Caelestini Papae et Conf.<br>Duplex.<br>S. Pudencianae Virg. Memoria.  |
| ix                          | g xijj        | 20 B. Columbae Virg. O. P. Duplex.   |
| vijj                        | A xij         | 21 S. Bernardini Senensis Conf. Sim-<br>plex.<br>Ante non erit Corpus.   |
| vij                         | b xj          | 22 S. Servatii Episc. et Conf. Totum<br>Duplex.  |
| vj                          | c x           | 23 B. Ludovici Mariae Grignon de<br>Montfort Conf. O. P. Duplex.   |
| v                           | d ix          | 24 B. Mariae Virg. titulo Auxilium<br>Christian. Totum Duplex.   |
| iv                          | e viij        | 25 Translat. S. P. N. Dominici. To-<br>tum Duplex.<br>S. Mariae Magd. de Pazzis V.<br>Memoria.<br>S. Urbani Papae et Mart. Me-<br>moria.       |
| ijj                         | f vij         | 26 S. Philippi Neri Conf. Totum<br>Duplex.   |
| ij                          | g vj          | 27 B. Petri Sanz Ep. et soc. Mart.<br>O. P. Duplex. (In Append.)   |
| j                           | A v           | 28 B. Mariae Bartholomaeae de Bagn.<br>Virg. O. P. Duplex.   |
| *                           | b iv          | 29 BB. Guillelmi O. P. et soc. MM.<br>Duplex.  |
| xxix                        | c iij         | 30   |
| xxvijj                      | d Prid.       | 31 B. Jacobi Salom. Conf. O. P. Duplex.<br>S. Petronillae Virg. Memoria.   |

JUNIUS.

|           |         |  |
|-----------|---------|--|
| xxvij     | e Kal.  | 1 BB. Alphonsi Navarrete O. P. et<br>soc. Mart. Duplex.  |
| 25. xxvj  | f iv    | 2 BB. Sadoc et soc. Mart. O. P.<br>Duplex.<br>SS. Marcellini et Petri Mart.<br>Memoria.<br>Post non erit Ascensus. |
| xxv. xxiv | g iij   | 3 Translatio S. Petri Mart. O. P.<br>Totum Duplex.   |
| xxijj     | A Prid. | 4  |
| xxij      | b Non.  | 5 S. Francisci Caracciolo Conf. Du-<br>plex.   |
| xxj       | c viij  | 6 S. Norberti Episc. et Conf. Du-<br>plex.   |
| xx        | d vij   | 7  |

| Cyclus Litt.<br>Epact. Dom. | Dies<br>mens. |  |
|-----------------------------|---------------|--|
| xix                         | e vj          | 8 S. Angelae Mericiae Virg. Duplex.<br>S. Medardi Episc. et Conf. Me-<br>moria.                                  |
| xvijj                       | f v           | 9 BB. Dianae et soc. ejus Caeciliae<br>et Amatae Virg. O. P. Duplex.<br>SS. Primi et Feliciani Mart.<br>Memoria. |
| xvij                        | g iv          | 10 B. Joannis Dominici Episc. et<br>Conf. O. P. Duplex.  |
| xvj                         | A iij         | 11 S. Barnabae Apostoli. Totum Du-<br>plex.  |
| xv                          | b Prid.       | 12 B. Stephani Bandelli Conf. O. P.<br>Duplex.<br>SS. Basilidis, Cyrini, Naboris et<br>Nazarii Mart. Memoria.    |
| xiv                         | c Idib.       | 13 S. Antonii de Padua Conf. Du-<br>plex.<br>Post non venit Ignis.   |
| xijj                        | d xvijj       | 14 JULII. S. Basilii Episc. et Conf.<br>Duplex.  |
| xij                         | e xvij        | 15 SS. Viti, Modesti et Crescentiae<br>Mart. Tres Lect.  |
| xj                          | f xvj         | 16 S. Martialis Episc. et Conf. Tres<br>Lect.<br>SS. Quirici et Julittae Mart.<br>Memoria.                       |
| x                           | g xv          | 17   |
| ix                          | A xiv         | 18 B. Osannae Virg. O. P. Duplex.  |
| vijj                        | b xijj        | 19 SS. Gervasii et Protasii Mart.<br>Simplex.  |
| vij                         | c xij         | 20 SS. Marci et Marcelliani Mart.<br>Tres Lect.  |
| vj                          | d xj          | 21   |
| v                           | e x           | 22 SS. Decem Millium Mart. Duplex.   |
| iv                          | f ix          | 23 Vigilia.  |
| ijj                         | g viij        | 24 Nativ. S. Joannis Baptistae. To-<br>tum Duplex.<br>Post non erit Corpus.                                      |
| ij                          | A vij         | 25   |
| j                           | b vj          | 26 SS. Joannis et Pauli Mart. Sim-<br>plex.  |
| *                           | c v           | 27   |
| xxix                        | d iv          | 28 S. Leonis Papae et Conf. Memo-<br>ria.<br>Vigilia.  |
| xxvijj                      | e iij         | 29 SS. Petri et Pauli Apost. Totum<br>Duplex.  |
| xxvij                       | f Prid.       | 30 Commemoratio S. Pauli Apost.<br>Duplex.   |
|                             |               | Feria vj. post Oct. Corporis Christi. SS. Cordis Jesu.<br>Totum Duplex. 443                                      |
|                             |               | Prima Dom. post Oct. SS. Trinitatis. Purissimi Cor-<br>dis B. M. Virg. Totum Duplex. 456                         |

JULIUS.

|          |         |  |
|----------|---------|--|
| xxvj     | g Kal.  | 1 Octava S. Joannis Baptistae. Sim-<br>plex.   |
| 25. xxv. | A vj    | 2 Visitatio B. M. Virginis. Totum<br>Duplex.   |
| xxiv     | b v     | 3 B. Marci Mutinensis Conf. O. P.<br>Duplex.<br>SS. Processi et Martiniani Mart.<br>Memoria.                   |
| xxijj    | c iv    | 4  |
| xxij     | d iij   | 5  |
| xxj      | e Prid. | 6 Octava Apost. Petri et Pauli. So-<br>lemnis.   |
| xx       | f Non.  | 7 B. Benedicti Papae XI. Conf.<br>O. P. Duplex.  |
| xix      | g viij  | 8  |
| xvijj    | A vij   | 9 SS. Joannis O. P. et soc. Mart.<br>Gerecomiensium. Totum Duplex.<br>Octava Visitationis B. M. V.<br>Simplex. |
| xvij     | b vj    | 10 SS. Septem Fratrum Mart. Me-<br>moria.  |

| Cyclus Litt.<br>Epact. Dom. | Dies<br>mens. |  |
|-----------------------------|---------------|--|
| xvj c v                     | 11            | S. Procopii Abbatis. Memoria.  |
| xv d iv                     | 12            | S. Joannis Gualberti Abbatis. Duplex.<br>Annivers. Sepult. in Coemet. nostris.   |
| xiv e iij                   | 13            | B. Jacobi a Voragine Episc. et Conf. O. P. Duplex.   |
| xij f Prid.                 | 14            | S. Bonaventurae Episc. et Conf. Totum Duplex.  |
| xij g Idib.                 | 15            | S. Henrici Imper. et Conf. Duplex.   |
| xj A xvij                   | 16            | AUGUSTI. Commemoratio B. M. V. de Monte Carmelo. Totum Duplex.<br>Octava SS. Joannis et soc. Simplex.                        |
| x b xvj                     | 17            | S. Alexii Conf. Tres Lect.   |
| ix c xv                     | 18            | B. Ceslai Conf. O. P. Duplex.  |
| vij d xiv                   | 19            | S. Vincentii a Paulo Conf. Duplex.   |
| vij e xij                   | 20            | S. Margaritae Virg. et Mart. Simplex.  |
| vj f xij                    | 21            | S. Hieronymi Æmiliani Conf. Duplex.<br>S. Praxedis Virg. Memoria.  |
| v g xj                      | 22            | S. Mariae Magdalene. Totum Duplex.   |
| iv A x                      | 23            | B. Joannae Urbev. Virg. O. P. Duplex.<br>S. Liborii Episc. et Conf. Memoria.<br>S. Apollinaris Episc. et Mart. Memoria.      |
| ij b ix                     | 24            | S. Camilli de Lellis Conf. Duplex.<br>S. Christinae Virg. et Mart. Memoria. Vigilia.   |
| ij c viij                   | 25            | S. Jacobi Apostoli. Totum Duplex.<br>SS. Christophori et Cucuphatis Mart. Memoria.   |
| j d vij                     | 26            | S. Annae Matris B. Mariae. Totum Duplex.   |
| * e vj                      | 27            | B. Augustini de Bugella Conf. O. P. Duplex.  |
| xxix f v                    | 28            | B. Antonii ab Eccl. Conf. O. P. Duplex.<br>SS. Nazarii, Celsi et Pantaleonis Mart. Memoria.                                  |
| xxvij g iv                  | 29            | S. Marthae Virg. Duplex.<br>Octava S. Mariae Magdalene. Simplex. SS. Felicis, Simplicii, Faustini, et Beatrix Mart. Memoria. |
| xxvij A iij                 | 30            | B. Mannis Conf. O. P. Duplex.<br>SS. Abdon et Sennen Mart. Memoria.  |
| 25. xxvj b Prid.            | 31            | S. Ignatii Conf. Duplex.<br>S. Germani Episc. et Conf. Memoria.  |

## AUGUSTUS.

|                  |   |  |
|------------------|---|--|
| xxv. xxiv c Kal. | 1 | S. Petri Apost. ad Vincula. Duplex.<br>SS. Machabaeorum Mart. Memoria.               |
| xxij d iv        | 2 | B. Joannae de Aza Vid. Duplex.<br>S. Stephani Papae et Mart. Memoria.                |
| xxij e iij       | 3 | Invent. Corp. S. Stephani Protom. Simplex.   |
| xxj f Prid.      | 4 | S. Dominici Conf. P. N. Totum Duplex.  |
| xx g Non.        | 5 | S. Mariae ad Nives. Duplex.  |
| xix A viij       | 6 | Transfiguratio Domini. Totum Duplex.<br>SS. Xysti, Felicis et Agapiti Mart. Memoria. |

| Cyclus Litt.<br>Epact. Dom. | Dies<br>mens. |  |
|-----------------------------|---------------|--|
| xvij b vij                  | 7             | S. Cajetani Conf. Duplex.<br>S. Donati Episc. et Mart. Memoria.                                |
| xvij c vj                   | 8             | B. Augustini Lucer. Episc. et Conf. O. P. Duplex.<br>SS. Cyriaci et socior. Mart. Memoria.     |
| xvj d v                     | 9             | B. Joannis de Salerno Conf. O. P. Duplex.<br>Vigilia.  |
| xv e iv                     | 10            | S. Laurentii Mart. Totum Duplex.   |
| xiv f iij                   | 11            | Octava S. Dominici P. N. Solemnis.<br>S. Tiburtii Mart. Memoria.                               |
| xij g Prid.                 | 12            | S. Clarae Virg. Duplex.  |
| xij A Idib.                 | 13            | SS. Hippolyti et socior. Mart. Duplex.   |
| xj b xix                    | 14            | SEPTEMBRIS. S. Emygdii Episc. et Mart. Duplex.<br>S. Eusebii Presb. et Conf. Memoria. Vigilia. |
| x c xvij                    | 15            | Assumptio B. M. V. Totum Duplex.   |
| ix d xvij                   | 16            | S. Hyacinthi Conf. O. P. Totum Duplex.   |
| vij e xvj                   | 17            | B. Æmiliae Bicchieri Virg. O. P. Duplex.<br>Octava S. Laurentii Mart. Simplex.                 |
| vij f xv                    | 18            | S. Rochi Conf. Duplex.<br>S. Agapiti Mart. Memoria.  |
| vj g xiv                    | 19            | S. Alphonsi Mariae de Ligorio Episc. Conf. et Eccl. Doct. Duplex.                              |
| v A xij                     | 20            | S. Bernardi Conf. et Eccl. Doct. Duplex.   |
| iv b xij                    | 21            | S. Joannae Franciscae de Chantal Viduae. Duplex.   |
| ij c xj                     | 22            | Octava Assumpt. B. M. V. Solemnis.<br>SS. Timothei et Symph. Mart. Memoria.                    |
| ij d x                      | 23            | B. Jacobi de Mev. Conf. O. P. Duplex.<br>Octava S. Hyacinthi Conf. Simplex. Vigilia.           |
| j e ix                      | 24            | S. Bartholomaei Apostoli. Totum Duplex.  |
| * f viij                    | 25            | S. Ludovici Regis et Conf. Duplex.   |
| xxix g vij                  | 26            | S. Philippi Beniti Conf. Duplex.   |
| xxvij A vj                  | 27            | S. Josephi Calasactii Conf. Duplex.<br>S. Rufi Episc. et Mart. Memoria.                        |
| xxvij b v                   | 28            | S. Augustini Episc. Conf. et Eccl. Doct. Totum Duplex.   |
| xxvj c iv                   | 29            | Decollatio S. Joannis Bapt. Duplex.<br>S. Sabinae Mart. Memoria.                               |
| 25. xxv d iij               | 30            | S. Rosae Virg. Limensis O. P. Totum Duplex.<br>SS. Felicis et Adaucti Mart. Memoria.           |
| xxv e Prid.                 | 31            | S. Raymundi Nonnati Conf. Duplex.  |

Dom. infra Oct. Assumpt. B. M. V. S. Joachim Conf. et Patris B. M. V. nisi in ea venerit fest. S. Hyacinthi. Totum Duplex.

## SEPTEMBER.

|             |   |   |
|-------------|---|---|
| xxij f Kal. | 1 | S. Philomenae Virg. et Mart. Duplex.<br>S. Agidii Abbatis. Memoria. |
| xxij g iv   | 2 | S. Stephani Regis et Conf. Duplex.                                  |
| xxj A iij   | 3 | B. Gualae Episc. et Conf. O. P. Duplex.                             |

Cyclus Litt. Dies  
Epact. Dom. mens.

|          |   |       |    |  |
|----------|---|-------|----|--|
| xxv      | b | Idus  | 4  | Octava S. Augustini. Solemnis.   |
| xxv      | c | Non.  | 5  | B. Catharinae a Raconixio Virg. O. P. Duplex. Aratv. Eumelan. et Benefact. O. N. |
| xviii    | d | viii  | 6  | B. Bertrandi de Garriga Conf. O. P. Duplex.                                      |
| xvj      | e | vij   | 7  | S. Rosae de Viterbio Virg. Duplex. S. Marcelli Mart. Memoria.                    |
| xxv      | f | vj    | 8  | Nativitas B. M. V. Totum Duplex.   |
| xxv      | g | v     | 9  | S. Gorgonii Mart. Memoria.   |
| xiv      | A | iv    | 10 | S. Nicolai de Tol. Conf. Duplex.   |
| xvj      | b | iii   | 11 | SS. Proti et Hyacinthi Mart. Memoria.  |
| xvj      | c | Idus  | 12 |  |
| xv       | d | Idus  | 13 |  |
| x        | e | xviii | 14 | OCTOBRES. Evaluatio S. Crucis. Totum Duplex.                                     |
| ix       | f | xvij  | 15 | Comm. S. Dominici in Suriano. Totum Duplex.                                      |
|          |   |       |    | Octava Nativit. B. M. V. Simplex. S. Nicomedis Mart. Memoria.                    |
| xvij     | g | xvj   | 16 | B. Imeldae Virg. O. P. Duplex. S. Euphemiae Virg. et Mart. Memoria.              |
| xvij     | A | xv    | 17 | Impress. Stigm. S. Francisci. Duplex. S. Lamberti Episc. et Mart. Memoria.       |
| xv       | b | xiv   | 18 | SS. Cornelii et Cypriani Mart. Duplex.   |
| v        | c | xiii  | 19 | SS. Januarii sociorumque Mart. Duplex.   |
| ix       | d | xij   | 20 | B. Francisci de Possadas Conf. O. P. Duplex. Vigilia.                            |
| ii       | e | xj    | 21 | S. Matthaei Apost. et Evang. Totum Duplex.                                       |
| ij       | f | x     | 22 | SS. Mauriti sociorumque Mart. Simplex.   |
| i        | g | ix    | 23 | S. Theclae Virg. et Mart. Duplex.  |
|          | A | viii  | 24 | B. M. V. de Mercede. Totum Duplex.   |
| xxix     | b | vij   | 25 | S. Thomae de Villanova Episc. et Conf. Duplex.                                   |
| xxviii   | c | vj    | 26 | B. Dalmatii Monerii Conf. O. P. Duplex.  |
| xxv      | d | v     | 27 | SS. Cosmae et Damiani Mart. Simplex.   |
| 25. xxv  | e | iv    | 28 | S. Josephi a Cupertino Conf. Duplex. S. Venceslai Mart. Memoria.                 |
| xxv. xxv | f | iii   | 29 | S. Michaelis Archangeli. Totum Duplex.   |
| xxvi     | g | Idus  | 30 | S. Hieronymi Presb. et Conf. Totum Duplex.                                       |

Dom. infra Oct. Nativit. B. M. V. celebrat. fest. SS. Nominis ejusdem B. M. V. nisi in ea venient Ead. S. Crucis. Totum Duplex.

OCTOBER.

|       |   |      |   |  |
|-------|---|------|---|--|
| xxv   | A | Kal. | 1 | SS. Eustachii et socior. Martyrum. Duplex. S. Remigii Episc. et Conf. Memoria. |
| xxv   | b | vj   | 2 | SS. Angelorum Custodum. Totum Duplex.  |
| xx    | c | v    | 3 | B. Joannis Massias Conf. O. P. Duplex.   |
| xix   | d | iv   | 4 | S. Francisci Conf. Totum Duplex.   |
| xviii | e | iii  | 5 | SS. Placidi et socior. Mart. Simplex.  |
| xvii  | f | Idus | 6 | S. Brunonis Conf. Duplex.  |

Cyclus Litt. Dies  
Epact. Dom. mens.

|         |   |       |    |  |
|---------|---|-------|----|--|
|         |   |       |    | Octava S. Michaelis Archang. Simplex.  |
| xvj     | g | Non.  | 7  | B. Matthaei Carrerii Conf. O. P. Duplex.   |
| xx      | A | viii  | 8  | S. Birgittae Viduae. Simplex.  |
| xiv     | b | vij   | 9  | SS. Dionysii et socior. Mart. Totum Duplex.  |
| xij     | c | vj    | 10 | S. Ludovici Bertr. Conf. O. P. Totum Duplex.   |
| xij     | d | v     | 11 | Octava S. Francisci Conf. Solemnis. S. Leodegarii Episc. et Mart. Memoria.                               |
| xj      | e | iv    | 12 | B. Jacobi ab Ulma Conf. O. P. Duplex.  |
| x       | f | iii   | 13 | S. Eduardi Regis et Conf. Duplex.  |
| ix      | g | Idus  | 14 | B. Magdalene de Panat. Virg. O. P. Duplex. S. Callisti Papae et Mart. Memoria.                           |
| xvij    | A | Idus  | 15 | S. Teresiae Virg. Duplex.  |
| xvj     | b | xviii | 16 | NOVEMBRIS.   |
| vi      | c | xvij  | 17 | Octava S. Ludovici Conf. O. P. Simplex.  |
| v       | d | xv    | 18 | S. Iacobi Evangelistae. Totum Duplex.  |
| iv      | e | xiv   | 19 | S. Petri de Alcantara Conf. Simplex.   |
|         | f | xiii  | 20 | S. Marci Papae et Conf. Tres Lect. SS. Sergii, Bacchi et soc. Mart. Memoria.                             |
| ij      | g | xij   | 21 | SS. Ursulae et soc. Virg. et Mart. Totum Duplex.   |
| i       | A | xj    | 22 | B. Petri Tifernat. Conf. O. P. Duplex. S. Hilarionis Abbatis. Memoria.                                   |
|         | b | x     | 23 | S. Bartholomaei de Breg. Episc. et Conf. O. P. Duplex.   |
| xxix    | c | ix    | 24 | S. Raphaëlis Archangeli. Totum Duplex.   |
| xxviii  | d | viii  | 25 | SS. Crispini et Crispiniani Mart. Tres Lect.   |
| xxvii   | e | vij   | 26 | B. Damiani a Finario Conf. O. P. Duplex.   |
| xxvi    | f | vj    | 27 | Vigilia.   |
| 25. xxv | g | v     | 28 | SS. Simonis et Judae Apost. Totum Duplex.  |
| xxiv    | A | iv    | 29 | B. Benvenutae Virg. O. P. Duplex.  |
| xxiii   | b | iii   | 30 | Comm. SS. Mart. et aliorum SS. quorum Corpora, vel Reliquiae in Eccl. nostris asservantur. Totum Duplex. |
| xxij    | c | Idus  | 31 | S. Quintini Mart. Memoria. Vigilia.  |

Prima Domin. Octobr. fest. SS. Rosarii. Totum Duplex cum Oct. solemn.

NOVEMBER.

|       |   |      |   |   |
|-------|---|------|---|---|
| xxj   | d | Kal. | 1 | Festum Omnium Sanctorum. Totum Duplex.                          |
| xx    | e | iv   | 2 | Comm. Omnium Fidelium Dei. ix. Lectiones.                       |
| xix   | f | iii  | 3 | B. Simonis Ballachii Conf. O. P. Duplex.                        |
| xviii | g | Idus | 4 | S. Caroli Episc. et Conf. Duplex.                               |
| xvii  | A | Non  | 5 | B. Martini de Porres Conf. O. P. Duplex.                        |
| xvj   | b | viii | 6 |   |
| xv    | c | vij  | 7 | B. Petri de Ruffia Mart. O. P. Duplex.                          |
| xiv   | d | vj   | 8 | Octava Omnium Sanctorum. Solemnis.                              |
| xij   | e | v    | 9 | Omnium Sanctorum O. P. Totum Duplex. S. Theodori Mart. Memoria. |

Cyclus Litt. Dies  
Epact. Dom. mens.

|        |   |        |    |   |
|--------|---|--------|----|---|
| xij    | f | iv     | 10 | SS. Quatuor Coronat. Mart. Tres Lect.                 |
|        |   |        |    | Anniv. Omn. Fratrum et Sororum Defunct. O. P.         |
| xj     | g | iiij   | 11 | S. Martini Episc. et Conf. Totum Duplex.              |
|        |   |        |    | S. Mennae Mart. Memoria.                              |
| x      | A | Prid.  | 12 | Dedic. Basil. SS. Salvatoris. Duplex.                 |
| ix     | b | Idib.  | 13 | S. Didaci Confessoris. Simplex.                       |
|        |   |        |    | S. Britii Ep. et Conf. Memoria.                       |
| viiij  | c | xviiij | 14 | DECEMBERIS. B. Joannis Liccii Conf. O. P. Duplex.     |
| vij    | d | xviij  | 15 | B. Alberti Magni Episc. et Conf. O. P. Totum Duplex.  |
| vj     | e | xvj    | 16 | B. Luciae de Narn. Virg. O. P. Duplex.                |
| v      | f | xv     | 17 | S. Gregorii Thaum. Episc. et Conf. Duplex.            |
| iv     | g | xiv    | 18 | Dedic. Basil. SS. Petri et Pauli. Duplex.             |
|        |   |        |    | Octava S. Martini Episc. et Conf. Simplex.            |
| iiij   | A | xiiij  | 19 | S. Elisabeth Viduae. Duplex.                          |
| ij     | b | xij    | 20 | S. Felcis de Valois Conf. Duplex.                     |
| j      | c | xj     | 21 | Præsentatio B. M. V. Totum Duplex.                    |
|        |   |        |    | S. Caeciliae Virg. et Mart. Duplex.                   |
| *      | d | x      | 22 | S. Clementis Papae et Mart. Duplex.                   |
| xxix   | e | ix     | 23 | S. Joannis a Cruce Conf. Duplex.                      |
|        |   |        |    | S. Chrysogoni Mart. Memoria.                          |
| xxviii | f | viiij  | 24 | S. Catharinae Virg. et Mart. Totum Duplex.            |
| xxvij  | g | vij    | 25 | S. Andreae Avellini Conf. Duplex.                     |
| 25xxvj | A | xvj    | 26 | B. Margaritae de Sab. Viduae O. P. Duplex.            |
| xxv    | b | v      | 27 | SS. Vitalis et Agricola Mart. Memoria.                |
|        |   |        |    | B. Jacobi de Benefactis Episc. et Conf. O. P. Duplex. |
| xxiiij | c | iv     | 28 | S. Saturnini Episc. et Mart. Memoria. Vigilia.        |
| xxij   | d | iiij   | 29 | S. Andreae Apost. Totum Duplex.                       |
| xxj    | e | Prid.  | 30 | S. Andreae Apost. Totum Duplex.                       |

**Dominica ij. Novembris.** Patrocinium B. M. V. Totum Duplex. *1880*  
Adventus Domini celebratur Dom. proximiori festo S. Andreae, sive ante, sive post. Et si festum illud venerit in Dominica, post die celebrabitur de Dom. Adventus; prima autem Feria non impedita, de S. Andrea. Adventus autem non erit ante diem 27 Novembris, neque post 3 Decembris.

## DECEMBER.

Cyclus Litt. Dies  
Epact. Dom. mens.

|        |   |       |    |  |
|--------|---|-------|----|--|
| xx     | f | Kal.  | 1  |  |
| xix    | g | iv    | 2  | S. Bibianae Virg. et Mart. Simplex.            |
|        |   |       |    | Octava S. Catharinae Virg. et Mart. Simplex.   |
| xviii  | A | iiij  | 3  | S. Francisci Xaverii Conf. Duplex.             |
| xvij   | b | Prid. | 4  | S. Barbarae Virg. et Mart. Duplex.             |
| xvj    | c | Non.  | 5  |  |
| xv     | d | viiij | 6  | S. Nicolai Episc. et Conf. Totum Duplex.       |
| xiv    | e | vij   | 7  | Ordinat. S. Ambrosii Episc. et Conf. Duplex.   |
|        |   |       |    | Octava S. Andreae Apost. Memoria. Vigilia.     |
| xiiij  | f | vj    | 8  | Conceptio immac. B. M. V. Totum Duplex.        |
| xij    | g | v     | 9  |  |
| xj     | A | iv    | 10 | Translat. almae Domus Lauret. Totum Duplex.    |
| x      | b | iiij  | 11 | S. Damasi Pp. et Conf. Memoria.                |
| ix     | c | Prid. | 12 |  |
| viii   | d | Idib. | 13 | S. Luciae Virg. et Mart. Totum Duplex.         |
| vij    | e | xix   | 14 | JANUARI.                                       |
| vj     | f | xviii | 15 | Octava Concept. immaculatae B. M. V. Solemnis. |
| v      | g | xvij  | 16 | B. Sebastiani Maggi Conf. O. P. Duplex.        |
| iv     | A | xvj   | 17 |  |
| iiij   | b | xv    | 18 | Expectatio partus B. M. V. Totum Duplex.       |
| ij     | c | xiv   | 19 |  |
| j      | d | xiiij | 20 | S. Dominici Sylensis Abbatis. Duplex. Vigilia. |
| *      | e | xij   | 21 | S. Thomae Apost. Totum Duplex.                 |
| xxix   | f | xj    | 22 | B. Mariae Mancini Viduae O. P. Duplex.         |
| xxviii | g | x     | 23 |  |
| xxvij  | A | ix    | 24 | Vigilia.                                       |
| xxvj   | b | viiij | 25 | Nativitas D. N. Jesu Christi. Totum Duplex.    |
| 25xxv  | c | vij   | 26 | S. Stephani Protomart. Totum Duplex.           |
| xxiv   | d | vj    | 27 | S. Joannis Apost. et Evang. Totum Duplex.      |
| xxiiij | e | v     | 28 | SS. Innocentium Mart. Simplex.                 |
| xxij   | f | iv    | 29 | S. Thomae Episc. et Mart. Simplex.             |
| xxj    | g | iiij  | 30 |  |
| xx     | A | Prid. | 31 | S. Silvestri Papae et Conf. Simplex.           |



## Index Rubricarum.

- |   |  |
|---|--|
| <p>§ I. De modo dicendi Officium de Tempore.</p> <p>§ II. De tempore Paschali.</p> <p>§ III. De die Dominica celebranda.</p> <p>§ IV. De Dominica prima mensis.</p> <p>§ V. De Oratione dominicali.</p> <p>§ VI. De Homilia dominicali, quando legenda, vel transferenda, vel omnino dimittenda.</p> <p>§ VII. De divisione Historiae dominicalis per Feras.</p> <p>§ VIII. Quae sit Dominica prima Adventus.</p> <p>§ IX. De festorum celebratione.</p> <p>§ X. De Officio, et Lectionibus recitandis in festivitibus Sanctorum.</p> <p>§ XI. De diversitate festivitatum.</p> <p>§ XII. De festo habente solam Memoriam.</p> <p>§ XIII. De festo trium Lectionum.</p> <p>§ XIV. De festo Simplici.</p> <p>§ XV. De festo Duplici.</p> <p>§ XVI. De festo Toto Duplici.</p> <p>§ XVII. De festis votivis, vel quae celebrantur per hebdomadam.</p> <p>§ XVIII. De divisione Octavarum.</p> <p>§ XIX. De Octavis cum sola Memoria.</p> <p>§ XX. De Octavis trium Lectionum.</p> <p>§ XXI. De Octavis Simplicibus.</p> | <p>§ XXII. De Octavis Solemnibus.</p> <p>§ XXIII. De Octavis Solemnissimis.</p> <p>§ XXIV. De translatione festivitatum.</p> <p>§ XXV. De concomitantia festivitatum.</p> <p>§ XXVI. De festivitibus extraordinariis.</p> <p>§ XXVII. De festo sancti Patroni.</p> <p>§ XXVIII. De festo Dedicationis Ecclesiae.</p> <p>§ XXIX. De festo sancti Tituli principalis Ecclesiae nostrae.</p> <p>§ XXX. De festo Sancti, cujus corpus, vel insignis reliqua condita sunt in nostris Ecclesiis.</p> <p>§ XXXI. De aliis festis locorum, et Sanctorum, quae auctoritate Apostolica de novo celebranda approbantur.</p> <p>§ XXXII. De Memoriis faciendis.</p> <p>§ XXXIII. De ordine Memoriarum.</p> <p>§ XXXIV. De Orationibus in festis et Vigiliis Sanctorum.</p> <p>§ XXXV. De Homilia in Vigiliis Sanctorum.</p> <p>§ XXXVI. De Matutinis in sero post Completorium dicendis.</p> <p>§ XXXVII. De Officio quotidiano B. M. V.</p> <p>§ XXXVIII. De Litiis Sanctorum, et de prostrationibus super formas.</p> <p>§ XXXIX. De Precibus.</p> |
|---|--|





# Rubricae Generales

TAM DE TEMPORE QUAM DE SANCTIS JUXTA  
RITUM BREVIARII

FF. Sac. Ord. Praedicatorum.

## § I. De modo dicendi Officium de Tempore.



ER totum annum Officium tam diei, quam noctis est de Tempore celebrandum, exceptis festis, et Octavis Sanctorum, quae in Calendario notantur: et certis Feriis, quibus de SS. Sacramento, de B. Virgine, de Sanctis Ordinis, aut aliis agendum praescribitur, vel permittitur.

2. Modus autem, et ordo dicendi hujusmodi Officium de Tempore, per totum annum servetur, prout in Dominica prima post Octavam Epiphaniae, et per ejus Hebdomadam disponitur. Quae igitur suis propriis locis non sunt adnotata, in praefata Dominica, et infra ejus Hebdomadam requirantur.

3. Quando vero de Tempore est celebrandum, in omnibus Dominicis, extra tempus Paschale, dicendae sunt novem Lectiones in Matutinis. In profestis autem, seu ferialibus diebus per totum annum (praeterquam in triduo ante Pascha, et in die Animarum) tres tantum dicantur.

## § II. — De tempore Paschali.

TEMPUS Paschale vocatur a Missa Sabbati Sancti in Vigilia Paschae, usque ad primas Vesperas Trinitatis exclusive. Et tunc sive fiat de Tempore, sive de Sanctis, dicendi sunt tantum tres Psalmi, singuli cum Gloria Patri, et tres Lectiones ad Matutinum: in fine Invitatorii, et omnium Antiphonarum, Versiculorum, et Responsoriorum, additur Alleluia, et in Responsorio Horarum duplex Alleluia apponitur. Reliqua suis locis notata sunt.

## § III. — De die Dominica celebranda.

DIES Dominica festis Duplicibus aequipolleat; et ita per totum annum cum solemnitate festi Duplicis ab omnibus celebretur: ita tamen, ut dicta solemnitas a Matutinis tantummodo incipiat. Officium autem de Dominica, propter nullum festum Duplici minus, et propter quascumque Octavas non Solemnes in ea occurrentes, non dimittatur. Exceptis Octavis S. Stephani, S. Joannis Evangelistae, SS. Innocentium, et Epiphaniae. Exceptis etiam aliis diebus octavis Simplicibus, et festis Simplicibus, cum occurrerint in Dominica infra Octavas Solemnes, juxta inferius dicenda § XXI. num. 7. et § XXII. num. 8.

2. Hujusmodi autem dies octavae, et festa Simplicia, quae in Dominica celebrantur, debent similiter cum solemnitate Dominicae celebrari, nempe cum solemnitate festi Duplicis a Matutinis; et in concomitantia cum festo contingente in Feria secunda, debet observari quemadmodum si de Dominica Officium fieret.

3. Quaecumque festa, etiam Duplicia, et majora, tam in Dominicis diebus Adventus, quam in Dominicis a Septuagesima usque ad Dominicam in Albis occurrerint, impedita censeantur, et in sequentem diem (non vero in Sabbato praecedenti, ut antiquitus fiebat) sunt transferenda; aut in alterum proximiorum subsequentem non occupatum, si in primo aut altero evenierit festum Simplex, et supra.

4. Excipitur festum Purificationis B. M. V. quod semper suo die celebrabitur. Cum autem festum Purificationis in Dominicam Septuagesimae inciderit, tunc Homilia dominicalis Septuagesimae omittitur illo anno propter festa occurrentia.

5. Excipitur quoque festum sancti Patroni principalis loci de praecepto, Dedicationis Ecclesiae, et sancti Tituli principalis Ecclesiae nostrae, necnon Conceptionis immaculatae B. M. V. die 8. Decembris, S. Thomae Aquinatis die 7. Martii, et S. Patriarchae Josephi, universalis Ecclesiae Patroni, die 19. Martii: quae celebranda sunt, etiam quaecumque die Dominica; nisi evenierint prima Dominica Adventus, aut prima Quadragesimae, vel Dominica in Passione, vel a Dominica in Ramis Palmarum, usque ad Dominicam in Albis inclusive.

6. De Dominica infra Octavas Solemnes vide § XXII. n. 5. et 6.

7. Quomodo autem celebrandum sit Officium, si Dominica Septuagesimae venerit in prima, vel altera Dominica post Octavam Epiphaniae; vide in Breviario in Rubrica de Dominica prima post Oct. Epiph. Similiter si Dominicae post Octavam Trinitatis fuerint plures, vel pauciores quam viginti duae; vide in Breviario in Rubrica post Dominicam xx. et xxj. post Oct. Trinitatis.

## § IV. De Dominica prima mensis.

DOMINICA illa, quae incidit in Kalendas mensis, vel quae propinquior est ipsis Kalendis, seu praecedat, seu subsequatur, ipsa erit Dominica prima mensis. Unde si Kalendae fuerint in secunda, vel tertia, vel quarta Feria, tunc praecedens Dominica erit prima mensis, et inchoabitur Historia. Si in quinta, vel sexta Feria, vel Sabbato Kalendae fuerint, tunc sequens Dominica erit prima mensis, in qua et dominicalis Historia inchoabitur.

## § V. De Oratione dominicali.

ORATIO Dominicae dicenda est in Sabbato praecedenti ad Vesperas: excepto Sabbato Dominicae infra Octavas Nativitatis, Epiphaniae, Ascensionis, et Corporis Christi, in quibus ad Vesperas Sabbati neque Memoria Dominicae fit. Dicenda etiam est ad Laudes, ad Tertiam, Sextam, Nonam, et Vesperas ipsius Dominicae. In Prima autem et Completorio semper dicuntur Orationes propriae, nisi aliter notetur.

2. Dicenda item est eadem dominicalis Oratio ad singulas praedictas Horas in singulis ejusdem Hebdomadae Feriis usque ad Sabbati sequentis Vesperas exclusive, cum de Tempore agitur: nisi recitanda fuerit Oratio alterius Dominicae propter Homiliam transferendam, ac interponendam, ut contingit quando Dominicae aliqua post Octav. Epiphaniae fuerint omissae, incidente Dominica Septuagesimae in primam, vel alteram Domin. post Octav. Epiphaniae, et non possunt resumuntur post Octavas Trinitatis; vel quando Dominicae post Octav. Trinit. sunt pauciores, quam viginti duae: in his enim casibus Oratio illius Dominicae, cujus et Homilia lecta fuerit, dicitur tantum in Laudibus, et Vesperis; ad reliquas vero Horas diei, dicitur Oratio Dominicae immediate praecedentis.

3. Dicenda etiam non est Oratio Dominicae in Fieriis ejusdem Hebdomadae, sed Orationes propriae Feriarum, si Feriae eas habuerint : ut contingit in Quadragesima, ubi a quarta Feria Cinerum, usque ad Dominicam in Albis exclusive; similiter in Vigilia Nativitatis Domini, Epiphaniae, Ascensionis, et Pentecostes, et per Hebdomadam Paschae, et Pentecostes singulis diebus propria est Oratio assignata, quae in Laudibus, et Horis diei, ac etiam Vesperis recitari debet. In jejunii autem Quatuor Temporum Adventus, et Septembris, et in duobus primis diebus Rogationum, Orationes propriae tantum dicuntur in Laudibus : ad ceteras vero Horas Oratio dominicalis. Orationes autem Feriarum semper inchoandae sunt in Laudibus.

§ VI. — De Homilia dominicali, quando legendi, vel transferenda, vel omnino dimittenda.

**I**N omni Dominica, si de ea fiat Officium, tres ultimae Lectiones de expositione Evangelii Dominicae legantur : praeterquam in Vigilia Nativitatis Domini, quando in Dominica evenit; tunc enim Homilia dominicalis omittitur illo anno. Quando vero propter aliquod impedimentum dominicalis Homilia non legitur in Dominica, semper infra Hebdomadam suam in aliqua Feria vacante est legenda.

2. Feria vacans pro legenda Homilia dominicali, illa censeri debet, quae non impeditur a festo Simplicis, et supra, prout fusius declaratur infra § XXIV. num. 16. Porro Ferae pro recitanda Homilia dominicali ita coordinari debent, ut primo in Feria 6. qua impedita, Feria 2. postea 4. 3. 5. ultimo Sabbato dicatur. Praedictusque Feriarum ordo servandus erit, nisi Feria 6. celebretur festum Sancti trium Lectionum, et 2. sive 4. sit vacans : tunc enim non debet legi Homilia Feria 6. sed in Feria vacanti : ut infra dicitur § XIII. num. 9.

3. Si vero in Hebdomada non sit Feria vacans, vel quia in ea legenda sit alia Homilia, vel quia aliqua Octava, sive Simplex, sive Solemnis, celebratur, debet Homilia dominicalis legi, etiamsi sit dies octava : et in hoc casu non servabitur praedictus ordo Feriarum, sed in prima die illius Octavae legatur Homilia et Missa Dominicae. Excipitur tamen dies octava Solennis SS. Apost. Petri et Pauli, prout dicitur § XXII. n. 8.

4. Eo die, quo Homilia dominicalis legitur, semper totum Officium fiat de Feria currente : nisi quando legitur infra aliquas Octavas; quia tunc Homilia tantum, et Missa erunt de Dominica, reliquum vero Officii cum tertia Lectione erit de Octava.

5. Quando festum S. Silvestri in Dominica evenit, et quando festum aliquod Duplex, vel Totum Duplex in Dominica ante Ascensionem occurrerit, Homilia dominicalis dimittitur illo anno. Quando etiam Circumcisio Domini, vel octava dies S. Stephani, vel S. Joannis, vel SS. Innocentium, vel Vigilia Epiphaniae, vel dies octava Epiphaniae in Dominica occurrerit, illa Dominica caret proprio Officio, et Homilia; nec Memoria de illa fit.

6. Cum festum Purificationis in diem Dominicam Septuagesimae inciderit, Homilia dominicalis omittitur, ut dictum est supra, § III. n. 4.

7. Si duae Homiliae in unam eandemque Feriam recitandae inciderint, una videlicet dominicalis, et alia alicujus Ferae, v. g. Quatuor Temporum, vel alicujus Sancti Vigiliae, quae propriam habeat Homiliam : tunc praefenda est omnino Homilia Ferae currentis, vel Vigiliae : dominicalis autem Homilia vel ulterius transferenda, vel totaliter omittenda est. Potest tamen haec recitari in Vigilia Sancti non habente Homiliam propriam, ut est Vigilia S. Laurentii.

8. Homilia Dominicae Quadragesimae nunquam legitur infra Hebdomadam, propter proprias Homilias Feriarum : sed si contingat de aliquo Festo celebrari in aliqua ex Dominicis Quadragesimae (juxta dicta § III. n. 5.) tunc Homilia dominicalis omittitur illo anno.

§ VII. — De divisione Historiae dominicalis per Feras.

**P**ER Adventum (praeterquam in jejunii Quatuor Temporum) et a Septuagesima usque ad Cenam Domini, Responsoria dominicalis Historiae repetuntur

per Hebdomadam, quando de Feria agitur, hoc ordine : In secunda et quinta Feria, tria prima : in tertia et sexta Feria, tria media : in quarta Feria et Sabbato, tria ultima. Quando autem festum aliquod infra Hebdomadam celebratur, nihilominus praefatus ordo in reliquis Fieriis observetur.

2. Si Dominicae, in quibus dicenda fuerit Historia, impeditae sint festis Duplicibus, et supra, Historia semel dividetur per Feras ordine praedicto : qui si servari non possit propter concurrentiam festorum, in Feria primo loco vacante, quaecumque illa sit, tria prima; in secundo loco vacante, tria media; et in alia tertio loco vacante, tria ultima Responsoria dicantur.

3. Hic ordo etiam servandus est tempore Paschali, cum hoc tamen addito, quod si a prima Hebdomada post Octavam Paschae usque ad tertiam Dominicam exclusive, propter concursum festorum, duae tantum sint Ferae vacantes in prima, vel secunda Hebdomada, et in sequenti solum secunda Dominica sit vacans, tunc, ut tota Historia recitetur, debent legi tria prima Responsoria in prima Feria vacante; tria media in secunda Feria vacante; et tria ultima in tertiā Dominica. Similiter, si in prima, vel secunda Hebdomada sit solum una Feria vacans, et Dominica secunda non sit impedita, ac sit in Hebdomada sequenti solum una Feria vacans; legantur tunc in prima Feria tria prima Responsoria, in Dominica tria media, et in sequenti Feria vacanti tria ultima. Quod proportionabiliter observandum est pro Historia : si obitus, recitanda a Dominica tertia post Octavam Paschae usque ad Vigiliam Ascensionis inclusive.

4. In aliis temporibus observandae sunt Rubricae positaе in Dominica et Hebdomada prima post Octavam Epiphaniae, et aliae peculiare propriis locis adscriptae. Unde etiam peti poterunt, quae hic desiderari videntur.

§ VIII. — Quae sit Dominica prima Adventus.

**D**OMINICA prima Adventus est illa, in qua festum S. Andreae occurrit; vel ei proximior est, sive praecedat, sive sequatur.

§ IX. — De festorum celebratione.

**F**ESTA quaelibet per anni circulum concurrentia, ea solemnitate, iisque diebus, quibus notata sunt in Calendario, et non aliter celebrari debent : nisi ab aliis festis supervenientibus majoris solemnitatis fuerint impedita; quia tunc propter ea, in alium diem illa transferenda sunt.

2. Fratres vero hospites, dum sunt praesentes in aliquo Conventu Ordinis, facere debent Officium, sicut fit in Conventu illo, tam de festis, quam de Octavis, quamvis per Ordinem generaliter de iis non fiat. Postquam vero recesserint de illo Conventu, ad Officium consuetum redeant.

§ X. — De Officio, et Lectionibus recitandis in festivitibus Sanctorum.

**A**NTIPHONAE, Hymni, Versiculi, Responsoria, tam in Matutinis, quam in aliis Horis dicenda, ex propriis festivitatum locis, ut in hoc Breviario notantur, vel si ibi non habentur, ex Communi Sanctorum assumi debent, tam extra tempus Paschale, quam intra.

2. Festa quaelibet Simplicia, et supra, tria semper Nocturna habebunt in Matutinis, et in quolibet Nocturno Psalmos tres, et totidem Antiphonas, Versiculum, et tres Lectiones cum tribus Responsoriis : praeterquam tempore Paschali, quo unicum semper est Nocturnum, cum Psalmis tribus, et tribus Lectionibus, ac Responsoriis tribus. In ceteris vero Sanctorum festis inferioris solemnitatis, unicum dicitur Nocturnum cum tribus tantum Lectionibus, ac totidem Responsoriis, et Psalmis novem, et Antiphona una, et uno Versiculo : praeterquam tempore Paschali, quo tres tantum Psalmi dicuntur.

3. In omnibus festis Sanctorum, ad Laudes dicuntur sequentes Psalmi. Dominus regnavit, Jubilate Deo, Deus Deus meus, Canticum Bone Spei, Laudate Dominum de caelis, ut notantur in Comm. Apostolorum.

4. Ad Primam, et tres sequentes Horas, dicentur Antiphonae Laudum, excepta quarta. Diebus autem Sabbati, quando fit de B. Virgine; et in Feriis secundis, vel sextis, quando fit de S. Vincentio; et in tertiis Feriis, quando fit de B. Dominico; et in quartis, cum fit de Sancto Ordinis; et in quintis, cum fit de venerabili Sacramento: notantur Antiphonae post Commune Sanctorum.

5. In festis novem Lectionum, et in diebus octavis eorum (praeterquam in festo Omnium Sanctorum, et eorum octava die, et in Commemoratione Omnium Defunctorum) tres Lectiones primi Nocturni erunt ex sacra Scriptura, quae vel in propriis locis reperiuntur, vel in currenti Feria. Si vero Feria currens omnes tres Lectiones in tali festo dicendas non habuerit, pro tertia Lectione assumetur prima ex illis, quae in Comuni illius Sancti, de quo fit Officium, ex sacra Scriptura pro primo Nocturno notantur. Si autem Feria currens nullas Lectiones de Scriptura habuerit, ut contingit tempore Quadragesimae, et Quatuor Temporibus Adventus et Septembris, in quibus Lectiones sunt de Homilia; tunc pro primo Nocturno festi assumuntur tres Lectiones ex Comuni, pro primo Nocturno notatae.

6. In festis vero novem Lectionum, sive infra Octavas, aut in die octava eorum, quae in Dominicis celebrari possunt, si proprias Lectiones de sacra Scriptura non habuerint, tres primae erunt Apostoli Pauli, signatae in Dominicis post Octavam Epiphaniae pro primo Nocturno, et post Octavam Trinitatis pro secundo. Idem fiet, si contingat festum Patroni loci celebrari (ut dictum est supra, § III. num. 5.) in aliqua Dominica Adventus, vel in Septuagesima, vel in aliis sequentibus. In Quadragesima vero legentur Lectiones notatae pro primo Nocturno Dominicae.

7. Lectiones secundi et tertii Nocturni, vel ex propriis, vel ex Comuni assumantur, prout in unoquoque festo notatum fuerit.

8. In festis, in quibus leguntur tantum tres Lectiones; prima et secunda, aut saltem prima, erunt de sacra Scriptura, similiter vel propriae, vel Ferae currentis, vel ex Comuni; eo modo, quo dictum est num. 5. Sicut etiam desumentur ex Comuni, si festa non habent proprias, et celebrantur in Dominicis temporis Paschalis, Feria secunda Rogationum, et Vigilia Ascensionis, quarum Lectiones sunt de Homilia. Infra Octavas vero omnes, et in die octava, (si contigerit tempore Paschali) semper duae primae Lectiones erunt de Scriptura, aut ex Homilia, si fuerit tunc dicenda.

#### § XI. — De diversitate festivitatum.

**F**ESTA Sanctorum, alia habent solam Memoriam; alia dicuntur trium Lectionum; alia Simplicia; alia Duplicia; alia Tota Duplicia; alia tandem dicuntur votiva, seu quae celebrantur per Hebdomadam in toto Ordine.

2. Ut certa habeatur norma in collatione nostri Ritus cum Ritu Romano, S. R. C. sub die 7. Septembris 1850. declaravit, quod festum apud nos Simplex aequivalet festo Semiduplici; festum Duplex, festo Duplici minori; festum Totum Duplex ordinarium, festo Duplici majori; festum Totum Duplex cum quacumque Octava, excepta Solemnissima, festo Duplici secundae classis; ac tandem festum Totum Duplex cum Octava Solemnissima, festo Duplici primae classis. Verum ad Duplex secundae classis reducuntur festum Circumcisionis D. N. J. C. et omnia festa B. M. Virginis (praeter Purificationem, de qua infra) etiamsi sine Octava celebrantur: excipiuntur tamen festa B. Mariae tit. Auxilium Christianorum, Nominis Mariae, purissimi Cordis B. M. V., B. M. Virginis de Monte Carmelo, et de Mercede, quae tamquam Duplicia majora haberi debent.

Item Duplicibus secundae classis aequiparantur festa duodecim Apostolorum, SS. Innocentium Martyrum, S. Annae et S. Joachimi Parentum B. M. V., atque Exaltationis S. Crucis, necnon Feria secunda et tertia post Pascha Resurrectionis et Pentecosten. Pariter ad Duplicia primae classis referuntur festa Epiphaniae, Ascensionis Domini, SS. Trinitatis, SS. Cordis Jesu;

Conceptionis immaculae, Purificationis, Assumptionis, et Rosarii B. V. Mariae; Nativitatis S. Joannis Baptistae, S. Joseph Sponsi B. M. V., SS. Apostolorum Petri et Pauli, S. Dominici P. N., S. Francisci Assis., S. Thomae Aquinatis, Omnium Sanctorum, Patroni principalis de praecepto, Tituli principalis et Dedicationis Ecclesiae nostrae.

#### § XII. — De festo habente solam Memoriam.

**F**ESTUM tunc dicitur solam Memoriam habere, cum per Antiphonam, Versiculum, et Orationem celebratur, vel in Laudibus tantum, ut aliqua; vel in primis Vesperis, et in Laudibus, ut alia plura, praesertim ea, quae sub ritu trium Lectionum celebrari solebant, de quibus in perpetuum impeditum est Officium. Omnia tamen hujusmodi festa in peculiaribus suis locis notantur in corpore Breviarii.

2. Omittuntur haec festa habentia solam Memoriam, si evenierint in illis diebus, in quibus celebrari non possunt festa trium Lectionum, neque de his potest Memoria fieri.

3. Si festum aliquod habeat Memoriam Sancti annexam, illudque transferri contingat, transferatur simul et Memoria.

#### § XIII. — De festo trium Lectionum.

**F**ESTUM trium Lectionum ita celebratur. In primis Vesperis (si eas impeditas non habuerit) dicantur Psalmi de Feria cum suis Antiphonis. Officium autem festi a Capitulo incipit, et terminabitur in Nona sequentis diei. In Completorio, et in Prima dicantur Praeces feriales.

2. In Matutinis habebit Invitorium, Hymnum, et novem Psalmos, (extra tempus Paschale) Antiphonam unam super eos, Versiculum, et tres Lectiones, quarum secunda et tertia, vel saltem tertia, erunt de Historia Sanctorum: et tria Responsoria secundum ordinem Feriarum de suo Comuni; exceptis festis sanctorum Virginum non Martyrum, in quibus semper dicuntur tria ultima Responsoria.

3. Tempore Paschali tres tantum Psalmi dicantur: Responsoria, Antiphonae, et Versiculi cum Alleluia. Ad Benedicamus Domino, tam in Vesperis, quam in Laudibus, addatur unum tantum Alleluia.

4. Canticum Te Deum, semper omittatur. In Laudibus prima tantum Antiphona Laudum super Psalmos dicatur; Capitulum autem, Hymnus, Versiculum, et post Canticum Benedicamus. Antiphona, et Oratio, sicut in aliis festis Sanctorum. Officium quotidianum beatae Virginis semper dicatur.

5. Quando festum trium Lectionum celebrandum fuerit Feria secunda (et in Dominica fuit de ea Officium recitatum) aut post festum Simplex, aut diem octavam Simplicem; in primis Vesperis habebit tantum Memoriam. Si vero post festum Duplex, et supra, aut post diem octavam Solemnissimam, aut Solemnem; nulla de illo fiet Memoria in primis Vesperis.

6. De festo trium Lectionum fiet Memoria in Vesperis, et in Laudibus, quando in Feria quarta Cinerum, et deinceps usque ad Cenam Domini exclusive, aut in Vigilia Pentecostes evenierit. Si vero inciderit in Dominicam, aut in Feriam, in qua est legenda Historia, aut Homilia dominicalis, aut in diebus Rogationum, fiet tunc Memoria illius, quando transferri non potest. Idem observabitur infra Octavas Simples, et in jejuniiis Quatuor Temporum Septembris. Idem et in Feriis tertiis, cum de B. Dominico; et in quintis, cum de SS. Sacramento; et Sabbatis, cum de B. Virgine agendum est. In Feriis autem quartis, vel aliis, in quibus potest agi de Sancto Ordinis, quid faciendum sit de festo trium Lectionum in illis Feriis incidente, dicitur infra § XVII. num. 4. 5. et 7.

7. Omittitur festum trium Lectionum, et ejus Memoria, quando transferri non potest, si evenierit in Cena Domini, et deinceps usque ad Dominicam in Albis inclusive, aut in diebus Ascensionis, Pentecostes, Trinitatis, et Corporis Christi, usque ad eorum Octavas inclusive.

8. Si contingat festum Duplex, et supra, propter eorum multitudinem tunc temporis currentem, transferri, aut ex approbata consuetudine Provinciarum, aut locorum celebrari in die festi trium Lectionum, quod transferri non potest; fiat de festo trium Lectionum Memoria in primis Vesperis, et Laudibus. Idem intelligitur de huiusmodi festo incidente in Octavas Solemnnes: exceptis Octavis Solemnibus Ascensionis et Trinitatis, in quibus Memoria de festo trium Lectionum omittitur, ut num. praecedenti dictum est. Immo si contingat aliquo anno ita impediri festa trium Lectionum, ut propter supervenientes majores festivitates, nec propriis diebus celebrari, nec ulterius transferri possint; fiat de ipsis Memoria in primis Vesperis, et Laudibus festi, etiam Totius Duplicis, quod celebrabitur illa die, quae festo trium Lectionum debeatur, nisi festivitates supervenientes sint ex supra exceptis, in quibus nec Memoria fit de festo trium Lectionum.

9. Si in Feria sexta, quae pro dicenda Homilia dominicali primo loco assignatur supra § VI. num. 2. evenit festum trium Lectionum, impedita intelligatur pro dicenda Homilia, et fiat de festo: si tamen Feria secunda, vel quarta, postea assignata, huiusmodi impedimentum non habuerit. Quod ad Feriam tertiam, vel quintam, vel Sabbatum nequit extendi; quia in istis Feriis nunquam potest de festis trium Lectionum fieri Officium; sed haec cedunt Officiis votivis destinatis pro dictis Feriis: possunt tamen celebrari in Feria secunda, vel quarta, ut infra § XVII. fusius declarabitur.

10. Festum trium Lectionum transferri potest per quindecim dies, a die ipsius exclusive. Et huiusmodi festa transferantur secundum ordinem, quo venerunt.

#### § XIV. — De festo Simplicis.

**O**FFICIUM festi Simplicis, nisi a maiori festo praecedenti impediatur, a Capitulo in primis Vesperis inchoatur: Psalmi autem cum suis Antiphonis erunt de Feria currente; vel si infra aliquas Octavas celebretur, Psalmi et Antiphona erunt de Octava.

2. In Matutinis, Invitatorium, Hymnus, tria Nocturna, (extra tempus Paschale) et in quolibet eorum tres Psalmi cum tribus Antiphonis, Versiculo, tribus Lectionibus, et totidem Responsoriis dicantur, quae omnia, vel ex propriis locis, vel ex Communi desumenda sunt. Canticum Te Deum, semper dicatur, nisi a Septuagesima usque ad Dominicam in Ramis Palmarum; et tunc loco ejus, nonum Responsorium repetatur usque ad Versum exclusive.

3. Tempore Paschali dicuntur tantum tres Psalmi, et una Antiphona super eos; Versiculus, tres Lectiones, et tria Responsoria: cetera vero, ut in Communi illius temporis notatum fuerit. Antiphonae, Responsoria, et Versiculi cum Alleluia dicantur. Ad Benedictus Dominico, addatur duplex Alleluia.

4. In Laudibus dicuntur quinque Antiphonae, singulae ad singulos Psalmos. In Prima et in Completorio utriusque diei, dicuntur Preces. In secundis Vesperis sola prima Antiphona Laudum dicitur super Psalmos, qui semper de Communi petantur; praeterquam in festis Sanctorum infra Octavas Nativitatis Domini, ubi quinque Psalmi et Antiphonae erunt de Nativitate. Semper dicatur Officium quotidianum beatae Virginis, nisi celebretur infra Octavas Solemnnes, et supra.

5. Festa Simplicia occurrunt in Dominica in Ramis Palmarum, et deinceps usque ad Feriam quartam immediate sequentem, si non possint transferri, ut regulariter contingit, illo anno solam habebunt Memoriam in utrisque Vesperis, et in Laudibus: Feria vero quarta, solum in primis Vesperis, et Laudibus.

6. Festum Simplex transferri potest per quindecim dies, a die ipsius exclusive, etiam infra Octavam Solemnem, excepta Dominica, ut dicitur § XXII. num. 9.

#### § XV. — De festo Duplici.

**F**ESTUM Duplex in primis Vesperis, nisi a maiori festo praecedenti impediatur, habebit Antiphonam propriam, vel ex Communi desumptam, super quinque Psalmos, (qui erunt de Feria currente, vel de festo praecedenti, vel de Octava, si infra eam celebre-

tur) et post Capitulum, Responsorium cum Versu, et Gloria Patri, etiamsi veniat post Dominicam in Passione. Dimittuntur Preces in Completorio, et in Prima; et Officium quotidianum beatae Virginis. Canticum Te Deum, semper dicitur. In reliquis servetur ordo festi Simplicis.

2. Si in Dominica occurrerit, dicitur semper in Prima Symbolum S. Athanasii, Quicumque vult salvus esse.

#### § XVI. — De festo Toto Duplici.

**I**N festo Toto Duplici, sive de Tempore (etiam in Circumcisione Domini) sive de Sanctis, ad primas Vesperas dicuntur hi Psalmi. Laudate pueri, Laudate Dominum omnes. Lauda anima mea, Laudate Dominum quoniam, Lauda Jerusalem, ut in Communi Apostolorum pro primis Vesperis: praeterquam in festis Commemorationis Dominicae Passionis, Quinque Vulnerum D. N. J. C. et Compassionis beatae Mariae Virginis, et praeterquam in Sabbato sancto, et in Vigilia Pentecostes. Una sola Antiphona dicitur super Psalmos: excipitur Vigilia Nativitatis Domini, in qua erunt quinque Antiphonae. Post Capitulum dicitur Responsorium, etc. ut dictum est in festo Duplici Tit. praecedenti, num. 1. Item Antiphona integra dicitur ante et post Cantica Magnificat, et Benedictus.

2. Si in die Dominica de eo fiat Officium, in Prima dimittitur Symbolum S. Athanasii: excepto festo SS. Trinitatis, in quo dicitur, Responsoria Horarum, etiam extra tempus Paschale, dicuntur cum duplici Alleluia, praeterquam a Septuagesima usque ad Pascha. In secundis Vesperis sola prima Antiphona Laudum super Psalmos dicatur, excepto festo Nativitatis Domini, et sequentibus, juxta quod ibi notatur.

#### § XVII. — De festis votivis, vel quae celebrantur per Hebdomadam.

**O**MNIBUS Sabbatis totius anni, praeterquam in Quadragesima, et jejunis Quatuor Temporum, et infra Octavas, et in Octavis, tam de Tempore, quam de Sanctis, de quibus Octavis fit totum Officium; et in festis Simplicibus, et supra; et in Vigiliis quae habent Missas proprias; et quando Historia, vel Homilia dominicalis legi non posset alio die, nisi in Sabbato: fiat Officium de B. Virgine Maria. Et tunc tam in choro, quam extra, tenentur fratres dicere ante Matutinum quindecim Psalmos graduales modo et ordine suo loco notatis.

2. In omnibus tertiis Feriis per totum annum, praeterquam in Feria tertia proxime Vigiliam Nativitatis Domini antecedente, et deinceps usque ad diem octavam Epiphaniae inclusive; et in Quadragesima usque ad Octavam Paschae inclusive; in tertia Feria Rogationum, et deinceps usque ad Octavam Corporis Christi inclusive; et infra Octavas omnes, et in Octavis, de quibus fit totum Officium; et in omnibus festis Simplicibus, et supra; et in Vigiliis, quae habent proprium Officium, vel Missam; et quando Homilia vel Historia dominicalis juxta Rubricas illo die est recitanda: fiat Officium de B. P. N. Dominico.

3. In omnibus quintis Feriis per totum annum, exceptis temporibus, quae supra num. praecedenti pro Officio de beato Dominico in Feria tertia excepta sunt, fiat Officium de Corpore Christi.

4. In omnibus Conventibus, ubi viget studium artium, simul et theologiae, (dummodo tali die ex consuetudine vel privilegio non celebretur Officium de alio Sancto Ordinis nostri) singulis quartis Feriis fiat Officium de S. Thoma Aquinate: exceptis temporibus supra expressis, in quibus non fit Sabbato Officium de beata Maria, et in Feria tertia de beato Dominico. Excipitur etiam casus, quando in eadem Feria quarta occurrit festum Sancti trium Lectionum, quod infra quindecim dies non posset transferri: quia in eo casu fiet de festo trium Lectionum cum Memoria sancti Thomae. Festa vero trium Lectionum, quae suo die celebrari non possunt, non sunt transferenda in Feriam quartam; ita ut propter hoc impediatur fieri in illa Officium de S. Thoma.

5. Ex consuetudine antiqua et approbata aliquarum Provinciarum, vel Conventuum, in illis fit FERIA quarta, vel in alia FERIA, Officium de aliquo Sancto Ordinis nostri : quae consuetudo servanda est; exceptis temporibus supra expressis numero praecedenti pro Officio de S. Thoma in FERIA quarta. Dum autem FERIA quarta in huiusmodi Conventibus celebrari contigerit de alio Sancto Ordinis, fiat Memoria de S. Thoma, si in illis vigeat studium artium, simul et theologiae.

6. Quando propter impedimentum aliquod ex assignatis, praedicta Officia beatae Mariae in Sabbato, beati Dominici in FERIA tertia, Corporis Christi in FERIA quinta, et B. Thomae, vel alterius Sancti Ordinis in FERIA quarta intermittuntur, facienda est Memoria de ipsis, ut dicitur infra, § XXXII. num. 7.

7. Ex speciali concessione Clementis Papae X. sub die 19. Septembris 1674. recitari potest in toto Ordine Officium de S. Vincentio Ferrerio sub ritu trium Lectionum semel in mense, hoc est, prima FERIA secunda, non impedita tamen alio simili festo trium Lectionum ejusdem Ordinis; et impeditis omnibus praedictis secundis FERIIS illius mensis, tunc recitari poterit prima FERIA sexta ejusdem mensis, pariter non impedita, ut supra. Huiusmodi autem FERIAE secundae vel sextae non dicuntur impeditae, quia in ipsas sit transferendum aliquod festum trium Lectionum, quod suo proprio die celebrari non potuit : sicut supra num. 4. pro Officio de S. Thoma in FERIA quarta dictum est. Quod si in nulla FERIA secunda vel sexta mensis possit de S. Vincentio Officium fieri; nec de ipso Memoria aliqua est faciendi in tali mense.

8. Officia huiusmodi votiva terminantur in Nona. In Matutinis dicitur Canticum Te Deum, extra Septuagesimam; infra tamen eam loco Cantici praefati repetitur ultimum Responsorium usque ad Versum exclusive : et similiter tempore Paschali in Vesperis et Laudibus dicitur Benedictamus Domino, cum duplici Alleluia.

#### § XVIII. — De divisione Octavarum.

OCTAVAE festorum, aliae sunt Solemnissimae; aliae Solemnnes; aliae Simples; aliae trium Lectionum; aliae cum sola Memoria.

1. Octavae Solemnissimae sunt quatuor, videlicet : Nativitatis Domini, Paschatis, Pentecostes, et Corporis Christi.

2. Octavae Solemnnes sunt : Ascensionis, Trinitatis; immaculatae Conceptionis, Annuntiationis, Assumptionis, et SS. Rosarii beatae Virginis; S. Joseph Sponsi B. M. V. SS. Apostolorum Petri et Pauli, beati Dominici Patris nostri, Omnium Sanctorum, sancti Augustini, S. Thomae Aquinatis, S. Francisci de Assisio Conf. et S. Catharinae Senensis.

3. Octavae Simples sunt : Epiphaniae, Dedicatio- nis Ecclesiae, Nativitatis, et Visitationis beatae Mariae; necnon SS. Joannis Baptistae, Laurentii Martyris, Martini Confessoris, Michaelis Archangeli, S. Mariae Magdalenae, et S. Catharinae Virginis et Martyris. Similiter, ex variis concessionibus Apostolicis, omnium et singulorum Sanctorum Ordinis nostri, qui solemniter canonizationis ritu fastis Ecclesiae adscripti sunt, videlicet : Petri Martyris, Joannis et soc. MM. Gorcom., Pii Papae et Confessoris, Antonini, Vincentii, Hyacinthi, Raymundi, Ludovici Confessorum, Catharinae de Ricciis, Agnetis a Monte Politiano, et Rosae Limanae Virginum.

4. Octavae trium Lectionum sunt : sanctorum Stephani Protomartyris, Joannis Evangelistae, et Innocentium.

5. Octavae de sola Memoria sunt : sanctorum Andree Apostoli, et Vincentii Martyris.

6. Abstinerendum tamen omnino est a celebratione Octavarum, tam Dedicatio- nis Ecclesiae Matricis, quam et Patroni loci, aut Titularis Ecclesiae : nisi super hoc speciale decretum sedis Apostolicae vel sacrae Rituum Congregationis habeatur, et per capitulum generale sic constitutum fuerit.

#### § XIX. — De Octavis cum sola Memoria.

OCTAVAE de sola Memoria dicuntur, quia in eis non fit aliud Officium, quam sola Memoria in Vesperis et Laudibus. Huiusmodi autem Octavae terminantur per Memoriam in Laudibus diei octavae.

2. Dimittitur haec Memoria, si in diebus infra Octavam occurrant festa Duplicita, et supra, aut Octavae Solemnnes, et supra. Ipsius autem diei octavae semper fiat Memoria, etiam in festo Duplici, et supra, praeterquam in utrisque Vesperis et Laudibus Pentecostes, et Corporis Christi, usque ad eorum Octavas; et in utrisque Vesperis, et Laudibus festorum, in quibus nec Octavarum Simplicium fit Memoria, ut sunt festa Ascensionis, et Assumptionis B. Virginis, prout dicitur infra § XXI. num. 6.

#### § XX. — De Octavis trium Lectionum.

OCTAVAE trium Lectionum vocantur, quoniam in die octava celebrantur tamquam festum trium Lectionum : infra Octavas vero solam habent Memoriam in Vesperis et in Laudibus. Earum Officium in die octava durat per totum diem. Si fuerit Dominica, in Matutinis habent novem Lectiones : si vero alio die venerint, dicuntur Praeces in Prima et Completorio. Semper tamen Responsorium Horarum cum Alleluia, et Canticum Te Deum, dicantur. Reliqua omnia in propriis locis notantur.

#### § XXI. — De Octavis Simplicibus.

OCTAVAE Simples sunt, quando de eis quotidie infra Octavam, et in die octava fit totum Officium (nisi a majori solemnitate praecoccupentur) hoc modo :

1. In diebus infra Octavam : Ad Matutinum, Invitatorium, ut suis locis est notatum; Hymnus, et Psalmi sicut in festo; una tantum Antiphona super Psalmos, incipiendo a prima Nocturnorum festi, et sic deinceps quot fuerint necessariae pro sequentibus diebus. Tres tantum Lectiones, quarum duae priores erunt de Scriptura, vel de Homilia FERIAE currentis, (ut in Quadragesima, diebus Rogationum, et Quatuor Temporum Adventus et Septembris) et tertia erit de gestis et vita Sancti, aut de aliquo Sermone Sanctorum. Versiculus ante Lectiones, et tria Responsorium de festo secundum ordinem, quo Historia dominicalis dividitur per FERIAE, ut dictum est § VII. num. 1. Canticum Te Deum, quotidie dicatur, praeterquam infra Septuagesimam, et tunc loco ejus repetitur ultimum Responsorium usque ad Versum exclusive.

2. In Laudibus, prima tantum Antiphona super Psalmos; Capitulum, Hymnus, et Versiculus, sicut in festo. Ad Benedictus, Antiphona quae ibi notatur. Ad Primam et Completorium dicuntur Praeces; Responsorium Horarum absque Alleluia, praeterquam tempore Paschali, et cum celebratur de die octava Simplicis infra Octavas Solemnnes. In Vesperis Antiphona ad Magnificat, quae suo loco signatur. Reliqua omnia sicut in principali festo.

3. In primis Vesperis octavae diei Officium fiet, sicut in aliis ejusdem Octavae diebus, excepta Antiphona ad Magnificat, quae sumetur ex primis Vesperis festi, nisi sit alia specialiter posita : et similiter fiat pro secundis Vesperis. In Matutinis leguntur novem Lectiones : et reliqua omnia, sicut in festo, servato modo festi Simplicis, nisi aliter notetur.

4. Tempore Paschali, infra omnes Octavas, et in octava die dicuntur tantum tres Psalmi in Matutinis, cum tribus Lectionibus ac Responsoris : addito Alleluia in fine Antiphonarum, Versiculorum, et Responsoriorum, sicut in aliis festis Paschalibus.

5. In festis Duplicitibus, et supra, quae eveniunt infra has Octavas, et in die octava, de Octavis tantum fit Memoria in Vesperis et Laudibus. Excipitur dies octava Epiphaniae, in qua nullum festum debet celebrari. Memoria autem etiam omittitur in festis Pentecostes, et Corporis Christi, usque ad eorum Octavas, et in utrisque Vesperis et Laudibus festorum Ascensionis, et Assumptionis B. Mariae : in quibus de Octavis Simplicibus nulla fit Memoria : infra Octavam tamen Corporis Christi fit Memoria Octavae S. Joannis Baptistae, ut infra dicitur § XXIII. num. 1.

6. Similiter huiusmodi Octavarum Simplicium fiet Memoria, si evenierint infra Octavas Solemnnes. Si tamen infra has dies octava Simplex evenierit, fiat Offi-

cium de die octava Simplicis; etiamsi fuerit dies Dominica infra illas Octavas. Excipitur, si venerit infra Octavam Ascensionis; nam tunc non fit Officium de die octava Simplicis alicujus Sancti, sed de ea fiat sola Memoria.

8. In Sabbatis infra has Octavas, aut in die octava, Officium Dominicae incipiet a Capitulo; Psalmi autem et Antiphonae erunt de Octava, et fiet Memoria ipsius post Magnificat. Die vero Dominica fiet tantum Memoria de Octava in Laudibus et Vesperis. Excipitur dies octava Simplex incidens in Dominicam infra Octavas Solemnes, in qua de Octava Simplicis fiet similiter Officium, ut numero praecedenti dictum est. Si tamen dies octava Simplex Dominicae successerit, in secundis Vesperis Dominicae fiet solum Memoria Octavae Simplicis.

9. Homilia dominicalis, quando Dominica est impedita, legetur infra has Octavas; non attento jam ordine Feriarum, ut dictum est supra § VI. n. 3. et tunc duae Lectiones erunt de Homilia, et tertia de Octava. Neque transferetur extra has Octavas, nisi in eadem Hebdomada contingat fieri de Feria: nam tunc non legetur Homilia infra Octavas, sed ea die, qua fit de Feria, dummodo in hac die non sit legenda alia Homilia. Immo et in ipsa die octava, tam intra, quam extra tempus Paschale, legatur Homilia dominicalis, dum non superest alia Feria vacans, in qua legi possit. Et similiter infra has Octavas, et in ipsa die octava, si venerit in Quadragesima, diebus Rogationum, et Quatuor Temporum Adventus et Septembris, dicetur Homilia Ferae currentis.

10. Officium quotidianum B. Virginis tam infra Octavas, quam in die octava dicitur: exceptis Octavis ejusdem B. Virginis, quando de ea agitur Officium; itemque cum celebratur de die octava Simplicis infra Octavas Solemnes. In Octavis tamen B. Virginis dicitur ad Vesperas Officium quotidianum illius, si in Vesperis incipiat a Capitulo Officium v. g. Dominicae, ut dicitur supra num. 8. vel festi, aut diei octavae Simplicis.

#### § XXII. — De Octavis Solemnibus.

**O**FFICIUM, tam infra Octavas Solemnes, quam in ipsa die octava, per omnia fiat, sicut de Octavis Simplicibus supra notatum est; exceptis aliquibus, et additis aliis, paulo post dicendis.

2. In his Octavis non dicitur Officium quotidianum B. Virginis; nec in Prima et Completorio dicuntur Preces. Canticum Te Deum. semper dicitur, etiam infra Septuagesimam. Responsoria Horarum dicuntur quotidie (extra Septuagesimam tamen) cum Alleluia; quod etiam servetur in festis Duplicibus, et in Octavis aut festis Simplicibus, infra Octavas Solemnes occurrentibus: quia omnia festa ita induunt conditiones harum Octavarum, ut cum eadem solemnitate debeant celebrari. Festa Simplicia, et Duplicia, quae eveniunt in die octava Solemni, transferantur; Tota Duplicia vero celebrentur; excepta die octava Ascensionis, in qua nullum festum debet celebrari, nisi festa excepta infra § XXIV. num. 8.

3. In his Octavis Solemnibus fiat Memoria de festis trium Lectionum, (si transferri non possint) et de festo habente solam Memoriam, exceptis Octavis Ascensionis et Trinitatis, in quibus de supradictis Memoria non fit, ut supra de singulis dictum est § XII. num. 2. § XIII. num. 8. Similiter fiat Memoria de Octavis Simplicibus; itemque de die octava de sola Memoria, ut etiam de singulis dictum est § XIX. num. 2. § XXI. num. 7. ubi etiam dicitur, quid agendum sit de die octava Simplicis infra Octavas Solemnes incidente.

4. Infra Octavam S. Thomae Aquinatis perpetuo servetur sequens Rubrica. Quotiescumque de Octava agitur in Matutinis, duae primae Lectiones erunt de Homilia Ferae, et tertia erit de Octava; Missa vero conventualis dicitur de Feria. In Dominica infra Octavam, solum fiet Memoria S. Thomae, ita ut Officium Dominicae incipiat in Sabbato praecedenti a Capitulo, et tunc dicitur Officium quotidianum B. M. Virginis ad Vesperas et Completorium, et dicuntur Preces. Si Feria quarta Cinerum venerit infra Octavam, de ea (Feria

nimirum) fiet Officium usque ad Nonam, cum Memoria S. Thomae, et Officio quotidiano B. M. Virginis, et terminatur in Nona. Quando in Feria secunda celebratur dies octava, in primis Vesperis Psalmi et Antiphonae erunt de Dominica, et Officium incipiet a Capitulo: si autem occurrat in Sabbato, secundae Vesperae erunt de Octava cum Memoria Dominicae, et non dicitur Officium quotidianum B. M. Virginis. Quotidie infra Octavam in Completorio dicatur Responsorium In pace, quando regulariter dicitur.

5. Quaecumque Octava Solemnis occurrat in Adventu, et a Septuagesima usque ad Pascha, (quo tempore Dominicis diebus debet fieri Officium de Dominica) in Missa, et in illa parte Officii quae est de Dominica, incipiendo a Vesperis Sabbati praecedentis, si sint a Capitulo, consideretur tamquam Octava Simplex. Ita tamen, quod ad Matutinum Dominicae Palmarum omnino cesset qualiscumque Octava. In reliquo Octavae Solemnes, etiam immaculae Conceptionis B. M. V. praedicto tempore celebrentur juxta modum praescriptum n. 4. pro Octava S. Thomae. S. R. C. 7. Septembris 1850.

6. Dominica infra has Octavas solum habebit Memoriam. Lectiones primi Nocturni erunt de Apostolo, signatae pro Dominica occurrente (prout supra § X. num. 6. dictum est); secundi, de Octava; tertii vero, de Homilia dominicali. Si vero fuerit dies octava in Dominica, primae Lectiones erunt de Apostolo Dominicae occurrentis, reliquae vero sex erunt de Octava: nisi in tertio Nocturno legenda fuerit Homilia dominicalis, prout infra n. 7. dicitur.

7. Homilia Dominicae praecedentis, quando est impedita, debet legi infra has Octavas eo modo, quo dictum est de Octavis Simplicibus § XXI. num. 9. excepta die octava SS. Apostolorum Petri et Pauli, ut dicitur n. sequenti. Immo, et Homiliae Vigiliarum, Rogationum, vel Quatuor Temporum infra has Octavas legi debent, non tamen in ipsa die octava.

8. Si festum habens Octavam incidat in Dominicam, aut Dominica infra Octavas impedita sit aliquo festo: Homilia dominicalis legatur in die octava Solemni, quando non superest Feria aliqua vacans, in qua legi possit. Prout communiter solet fieri in die octava Ascensionis, ubi Homilia dominicalis, si propter festa impedienda infra istam Octavam lecta non fuerit, neque Feria sexta sequenti poterit legi, legitur ipsa die octava Ascensionis, assumpto pro tertia Lectione Sermone S. Augustini, Hodie, fratres, posito in die octava. Excipitur tamen dies octava SS. Apostolorum Petri et Pauli, si in Dominica venerit, et Homilia dominicalis legi non poterit infra Hebdomadam; quia tunc Homilia Dominicae omittitur ob Homiliam propriam SS. Apostolorum. Excipiuntur pariter dies octava SS. Rosarii, et dies octava Omnium Sanctorum, in quibus nulla Homilia legi solet.

9. De festo Simplicis fit Officium infra has Octavas, etiamsi inciderit in Dominicam infra eas. Immo transferri potest festum Simplex in aliquam diem infra illas, excepta Dominica.

10. Quando infra Octavas Solemnes celebratur de festo Duplici (et idem de Octava, aut festo Simplicis) in primis Vesperis incipiat Officium a Capitulo: Psalmi autem, et Antiphonae erunt de Octava, si illa die Officium fieret de Octava. Idem observetur, si infra Octavas Solemnes celebratur de festo Duplici post Octavam, vel festum Simplex; cum namque haec, ut saepe dictum est, induant solemnitatem Octavae, infra quam celebrantur, Officium festi Duplicis in primis Vesperis incipiet a Capitulo; Psalmi autem et Antiphonae erunt de Octava, vel festo Simplicis. Si vero festum Duplex, vel Octava aut festum Simplex occurrerint ante diem octavam, Officium diei octavae Solemnis incipiet a Capitulo: si autem post diem octavam, in primis Vesperis solam habebunt Memoriam.

#### § XXIII. — De Octavis Solemnissimis.

**I**NFRA Octavas Solemnissimas, vel in ipsis Octavis, omnia fiant, sicut de Octavis Solemnibus dictum est § praecedenti: excepto, quod non fit de aliquo Sancto Officium, neque Memoria (etiamsi sit

Sanctus Ordinis) nisi infra Octavam Nativitatis Domini, et nisi quando infra Octavam, vel etiam in ipsa die octava Corporis Christi, occurrerit festum S. Joannis Baptistae, vel SS. Apostolorum Petri et Pauli; quia tunc de ipsis Sanctis fit Officium, ac etiam Memoria de ipsorum Octavis. Similiter FERIA sexta ejusdem Octavae Corporis Christi fit semper Memoria de Octava sanctissimae Trinitatis in Laudibus, et Vesperis: Sabbato vero, in Laudibus tantum. Excipiuntur etiam festa, quae transferri non possunt, eo modo quo dicitur § seq. num. 17.

2. De concurrentia festi Duplicis, vel Totius Duplicis immediate post octavam diem harum Octavarum, dicitur infra § XXV. n. 9. Similiter de quibus festivitatibus extraordinariis in aliquibus ex his Octavis potest fieri Officium, dicitur infra § XXIV. n. 5. et suis specialibus Titulis.

#### § XXIV. — De translatione festivitatum.

**D**E festis Duplicibus et supra currentibus in Dominicis diebus Adventus, et in Dominicis diebus Adventus, et in Dominicis a Septuagesima usque ad Dominicam in Albis, dictum est § III. n. 3. 4. et 5.

2. Festum Orationis D. N. J. C. in monte Oliveti, et ea, quae sequuntur de Passione in FERIA tertia Sexagesimae, et FERIIS sextis Quadragesimae, non possunt transferri ad aliam diem, nisi occurrente Officio potioris ritus; et tunc transferenda sunt eo ordine, quo venerunt, dummodo infra Quadragesimam haec translatio fiat; nam illa festa non sunt celebranda extra Quadragesimam, nec sunt omittenda. Similiter festum Compassionis B. Mariae celebrandum est FERIA sexta post Dominicam Passionis; nec propter aliud festum est transferendum, nisi festum S. Joseph, vel Annuntiationis, aut alicujus Sancti nostri Ordinis occurrerit in illa FERIA; et tunc festum Compassionis transferatur in Sabbatum subsequentis. Si tamen in dicto Sabbato aliquod festum occurrerit, illud transferatur post Octavam Paschae, ut de mandato summi Pontificis in Urbe fuit factum; ideoque festum Compassionis non est celebrandum extra Quadragesimam, nec est omittendum. Similiter omnia festa Duplicia, et supra, occurrentia a Dominica in Ramis Palmarum usque ad Octavam Paschae inclusive, et in die Pentecostes usque ad festum Trinitatis inclusive, transferenda sunt post praedictas Octavas, in FERIIS non impedita festo Simplicis, et supra.

3. Transferenda etiam sunt festa Simplicia occurrentia in Dominica in Ramis Palmarum, et deinceps usque ad Octavam Paschae, vel in aliis supradictis diebus. Si tamen infra quindecim dies non possunt transferri, fiat de illis Memoria a Dominica in Ramis usque ad Laudes FERIAE quartae sequentis, ut dictum est § XIV. num. 5. Aliis vero diebus nec Memoria fiat.

4. Eadem regula debet servari quantum ad translationem, in omnibus festis tam Simplicibus, quam Duplicibus, et supra, quae evenierint in festo Corporis Christi, usque ad FERIAM sextam post Octavam Corporis Christi inclusive, qua FERIA celebratur festum SS. Cordis Jesu.

5. Excipiuntur festa sanctorum Joannis Baptistae, et Apostolorum Petri et Pauli, S. Patroni principalis loci de praeepto, Dedicationis Ecclesiae, et S. Tituli principalis Ecclesiae nostrae: quae transferenda non sunt post Octavam Corporis Christi, sed infra Octavam, vel in die octava suis propriis diebus celebranda; et in reliquis aliis diebus infra Octavam, et in Octava Corporis Christi fiet quotidie Memoria de Octava S. Joannis, aut Apostolorum, ut dictum est § XXIII. n. 1. Quod si festa sancti Joannis Baptistae, S. Patroni principalis loci de praeepto, Dedicationis Ecclesiae, et S. Tituli principalis Ecclesiae nostrae, in diem Corporis Christi inciderint, in proximum sequentem diem transferantur: et in secundis Vesp. Corporis Christi fiet de eis tantum Memoria. Si vero Nativitas S. Joannis Baptistae, et festum Apostolorum Petri et Pauli in FERIAM sextam post Octavam Corporis Christi inciderint, festum SS. Cordis Jesu in proximum sequentem diem, velut in sedem propriam, transferatur; idem fiat, si in eadem

FERIA sexta occurrerit festum S. Patroni principalis loci, vel Tituli principalis et Dedicationis Ecclesiae, dummodo haec sint de praeepto. S. R. C. 28. Jun. 1889.

6. Quando festum Simplex, aut majus in FERIAM quartam Cinerum inciderit, non celebrabitur in praecedenti FERIA tertia (ut antiqua Rubrica disponebat) sed transferendum erit in diem primam non impeditam post diem Cinerum.

7. Si aliquod festum Duplex, aut majus occurrerit in Vigilia Pentecostes, non celebretur in praecedenti FERIA sexta (ut pariter antiqua Rubrica decernebat) sed post festum Trinitatis transferatur, aut post Octavam Corporis Christi. Si vero fuerit Simplex, et transferri non possit, fiat de eo Memoria in Vesperis praecedentibus, et in Laudibus Vigiliae.

8. Omnia festa Duplicia, et supra, occurrentia in die Ascensionis, vel in ejus die octava, sunt etiam transferenda in proximam FERIAM non impeditam festo Simplicis, et supra. Excipiuntur festa Sancti Patroni principalis loci de praeepto, Dedicationis Ecclesiae, et S. Tituli principalis Ecclesiae nostrae: de quibus debet fieri Officium in die octava Ascensionis (si in ea evenierint) cum ejusdem Memoria. Quare si festum Ascensionis incidat in ultimam diem Aprilis, aut primam Maii, festa S. Catharinae Senensis, aut Apostolorum Philippi et Jacobi, post festum SS. Trinitatis sunt transferenda, et habebunt Officium novem Lectionum, prout suo loco notatum est. Si festum Coronae Domini, ex novo decreto S. R. Cong. diei 24. Aprilis assignatum, impeditum fuerit, nec transferri queat intra tempus Paschale, die 4. Maii celebrabitur. Festum vero S. Monicae illo anno transferatur in aliquam FERIAM vacantem, servato tamen ordine cum aliis festis Sanctorum, quae transferenda occurrant, juxta Rubricam infra positam num. 13.

9. Si Nativitas S. Joannis Baptistae, vel festum Apostolorum Petri et Pauli, vel Visitatio B. M. V. Dominica prima post Oct. Trinitatis evenierit, festum purissimi Cordis Mariae suo ordine transferatur. Si festum Exaltationis sanctae Crucis incidat in Dominicam infra Octavam Nativitatis B. Virginis: celebretur festum Exaltationis, et festum Nominis B. Mariae transferatur. Si tamen dies octava Nativitatis B. Mariae in Dominica evenierit, in ea festum Nominis ejusdem celebratur: festum vero Commemorationis sancti P. N. Dominici in proximam FERIAM non impeditam transferatur. Similiter si festum Omnium Sanctorum Ordinis nostri evenierit Dominica secunda Novembris, in qua occurrat festum Patrocinii B. Mariae, de hoc fiet Officium, et illud transferatur. Similiter etiam si festum S. Hyacinthi Conf. evenierit in Dominica infra Octavam Assumpt. B. M. V. celebretur festum S. Hyacinthi, et festum S. Joachimi transferatur. Si tamen dies octava Assumptionis B. Mariae Virg. in Dominica evenierit, in ea festum S. Joachimi celebretur, juxta Rubr. § XXII. num. 2.

10. Cum transfertur festum habens Octavam, etiam Octava transferatur. Similiter si transfertur festum habens Memoriam Sancti annexam, transferatur simul et Memoria, ut dictum est supra, § XII. num. 3.

11. Si festum Simplex concurrat simul cum die octava Simplicis (ut contingit in festo S. Bibianae Virginis et Martyris, incidente in diem 2. Decembris, in qua occurrat dies octava S. Catharinae Virginis et Martyris) Officium fiat de Octava, si festum Simplex ulterius transferri potest. Quod si festum Simplex non sit transferibile, propter festa impedienda omnes quindecim dies suae translationi determinatos; tunc fiet de eo Officium, cum Memoria Octavae Simplicis simul concurrentis.

12. Festa Simplicia occurrentia in quibuscumque Dominicis diebus per totum annum, transferri debent eo modo quo dicitur n. 14. Excipiuntur festa sanctorum Innocentium, S. Thomae Episcopi et Martyris, et sancti Silvestri Papae, de quibus semper suis diebus agatur: quae pure Simplicia reputanda non sunt; quia Octavarum illarum, infra quas occurrunt, in omnibus induunt qualitatem. Excipiuntur etiam, propter eandem rationem, festa Simplicia incidentia in Dominicam infra Octavas Solemnnes, de quibus etiam fiet Officium, ut dictum est supra § III. num. 1. et § XXII. num. 8.



13. Festa Duplicita, et supra, transferenda sunt eo ordine, quo venerunt. Excipiuntur festum SS. Cordis Jesu, festum Annuntiationis, et festum principale S. Joseph, die 19. Martii : quae transferenda sunt in diem fixam, tamquam in sedem propriam. De festo SS. Cordis Jesu dictum est supra, n. 5. Festum Annuntiationis B. M. V. si venerit in aliqua Dominica privilegiata, transferendum erit ad Feriam secundam immediate sequentem, translato quocumque festo etiam aequalis, non tamen altioris ritus. Si vero occurrerit in Hebdomada Majori, vel Paschali, transferendum erit (pari cum privilegio) in Feriam secundam post Dominicam in Albis. S. R. C. 18. Sept. 1882, et quidem una cum praecepto audiendi Missam, et vacandi ab operibus, si occurrerit Feria sexta in Parasceve, vel Sabbato Sancto. Festum vero S. Joseph, si occurrerit in Dominica Passionis, transferatur in Feriam secundam immediate sequentem ; et quoties inciderit in Majorem Hebdomadam, reponatur in Feria quarta post Dominicam in Albis, tamquam in sede propria : servato Rubricarum praescripto quoad translationem festorum iisdem diebus currentium. S. R. C. 15. Aug. 1892. Excipiuntur etiam festa duodecim Apostolorum, ac festa Sanctorum Ordinis nostri (non autem festa Translationis, vel Commemorationis eorum, aut Beatorum Ordinis nostri) quae praeponuntur in celebratione omnibus aliis festivitatibus aequalis ritus : sed festa Apostolorum praeponuntur festis Sanctorum Ordinis nostri. Similiter festum Totum Duplex habens Octavam debet transferri prius, quam alia festa Tota Duplicita, quae non habent Octavas : praeter festa Apostolorum, quae, licet Octavas non habeant, omnibus aliis praeponuntur, etiam Sanctis Ordinis nostri, ut dictum est.

14. Festa Simplicia transferenda sunt etiam eo ordine, quo venerunt : sed post Duplicita, et supra. Si tamen festum Simplex non sit ulterius transferibile (non enim potest transferri ultra quindecim dies) tunc transferatur prius, quam festum Duplex, et supra.

15. Festa Duplicita, et supra, non habent tempus determinatum suae translationis : quia nullo modo est omittendum huiusmodi Officium nisi in casu, de quo dicitur infra, n. 17. Festum vero Simplex, sicut et trium Lectionum transferri possunt per quindecim dies exclusive a die ipsorum, in aliquam Feriam vacantem : quod si infra hos dies non sit aliqua Feria vacans, omittitur illo anno eorum Officium, et solum fit Memoria de illis : nisi in diebus, in quibus etiam Memoria omittitur, exceptis supra in suis peculiaribus Titulis.

16. Vocatur Feria vacans non impedita, in quam transferri possunt festa, illa in qua non fit Officium de die octava Simplicis, aut de festo Simplicis, et supra ; vel quae non est destinata pro legenda Homilia, vel recitanda Historia dominicali. In casu namque illo, quo transferretur festum Duplex, aut majus (exceptis, quae praeponenda sunt in celebratione aliis festivitatibus, de quibus dictum est supra, num. 13.) immo etiam et festum Simplex, in Feriam destinatum pro legenda Historia, vel Homilia dominicali ; prorogabitur ulterius translatio huiusmodi festorum : Homilia vero, vel Historia dominicalis, illa ipsa die recitabitur. Quod de festo Simplicis intelligendum est, si huiusmodi festum ulterius transferri potest, infra tempus supra assignatum suae translationis : si tamen non sit ulterius transferibile, fiat Officium de festo Simplicis ; et Homilia, vel Historia Dominicae, vel ulterius transferatur, vel plane omittatur : sicut similiter Homiliae Rogationum, Quatuor Temporum, et Vigiliae alicujus Sancti omittuntur, si in eam transferantur festa, etiam Simplicia, dummodo haec ulterius transferri non possint, ut de Homilia Vigiliae dicitur infra, § XXXV. num. 2. A proprio autem die festum Simplex nullatenus transferri potest solum ob Homiliam, vel Historiam dominicalem recitandam.

17. Verum ex nova S. R. Congregationis dispositione, festa Duplicita, et supra, si ad eorum translationem infra annum non sufficiant Feriae vacantes, transferri debent primo in dies Octavas Simplicis, deinde in festa Simplicia : et si adhuc non sufficiant Feriae vacantes, festa Tota Duplicita transferri debent in dies Octavas Solemnis ; non vero festa Duplicita : ita ut si pro istis

non sit locus pro translatione, de iisdem fiat Memoria proprio die in utrisque Vesperis, et Laudibus : quae tamen Memoria omittitur a Vesperis Feriae quartae Hebdomadae Majoris ad Feriam tertiam post Pascha, et a primis Vesperis Pentecostes usque ad Feriam tertiam post eandem inclusive. Haec omnia autem intelligenda sunt de festis Duplicibus, quae sunt in nostro Calendario, non vero de festis extraordinariis, quae adnotantur § XXXI. n. 3. quae in hoc casu omitti debent, ne omittantur Officia cujuscumque ritus, quae describuntur in nostro Calendario. Festa tamen S. Patroni principalis de praecepto, S. Patroni minus principalis etiam de praecepto, si alias celebratur ab omnibus, Dedicationis Ecclesiae nostrae, sancti Tituli principalis Ecclesiae nostrae, Sancti cujus Corpus, vel insignis Reliquia asservatur in Ecclesiis nostris, et Dedicationis Ecclesiae Matricis, seu Cathedralis, semper celebrari debent.

18. De duabus Homiliis eadem die concurrentibus, dictum est § VI. num. 7.

#### § XXV. — De concomitantia festivitatum.

CONCOMITARI dicuntur festivitates, cum una post aliam immediate celebratur, et praecedens festum in secundis Vesperis, cum sequenti festo in primis Vesperis concurrat.

2. Si festum minoris solemnitatis, ante vel post festum majoris solemnitatis occurrerit ; festum majus duas integras Vesperas habebit, et de minori tantum fiet Memoria.

3. Si festum Totum Duplex post aliud ejusdem qualitatis celebrari contigerit ; immo si tria, vel plura festa Tota Duplicita in celebratione sibi succedant : primum duas integras Vesperas habebit, secundum vero solam Memoriam in primis Vesperis : et sic de reliquis, quotquot successive celebranda venerint ; ita tamen, quod quodlibet festum Totum Duplex debet ad minus unam integras Vesperas habere.

4. Excipiuntur festa Epiphaniae, Ascensionis, Trinitatis, Corporis Christi, immaculae Conceptionis, Purificationis, Assumptionis, et Rosarii beatae Mariae ; tum et S. Thomae Aquin., S. Joseph Sponsi B. M. V., beati Dominici P. N., S. Francisci Assis., et Omnium Sanctorum ; item Patroni principalis loci de praecepto, Dedicationis Ecclesiae, et Sancti Tituli principalis Ecclesiae nostrae : quae omnia festa semper habebunt duas integras Vesperas, sive ante, sive post quaecumque festa ordinaria, etiam Ordinis nostri, celebrentur, et etiamsi secundo aut tertio loco eveniant. Quare quando festum Rosarii beatae Mariae celebratur immediate post festum S. Hieronymi, habebit festum S. Hieronymi primas Vesperas, cum Memoria S. Michaelis, et festum Rosarii, licet tertio loco celebretur, habebit duas integras Vesperas. Et idem fiat in casibus similibus, ut quodlibet Totum Duplex habeat ad minus semel integras Vesperas, et festum ex supra exceptis habeat duas integras. Verum, in concomitantia cum festo SS. Cordis Jesu, festa S. Joannis Baptistae, atque Apostolorum Petri et Pauli, necnon festa de praecepto Sancti Patroni principalis loci, Titularis, et Dedicationis Ecclesiae, Vesperas integras habebunt cum sola Memoria SS. Cordis Jesu, etiam in secundis huius Vesperis, quamvis ipsum non habuerit primas. S. R. C. 5. Sept. 1891.

5. Similiter festa duodecim Apostolorum, Sanctorum Ordinis nostri (non autem Translat. et Commem. eorum, aut Beatorum Ordinis nostri) sive evenierint ante, sive post quodlibet aliud festum Totum Duplex ordinarium, quod invenitur in Calendario, habebunt duas integras Vesperas, et prioris festi in secundis ejus Vesperis, aut subsequentis in primis, solum fiet Memoria. Inde festa SS. Fabiani et Sebastiani Martyrum, S. Agnetis Virginis et Martyris, et sancti Vincentii Levitae et Martyris in celebratione immediate sibi succedentia, unumquodque illorum primas Vesperas integras habebit propter festum S. Raymundi eis succedens, quod duas integras habebit.

6. Excipiuntur festa Sanctorum Ordinis nostri, si evenierint ante vel post quodlibet festum Apostolorum, quae vel primis, vel secundis Vesperis carebunt, ut

festum Apostolorum duas integras habeat : sic contingit in festis S. Petri Martyris, et S. Catharinae Senensis, et Apostolorum Philippi et Jacobi, sibi immediate succedentibus. Idem dicendum, si festa Apostolorum, vel Sanctorum Ordinis nostri evenierint ante, vel post aliquod festum ex supra exceptis num. 4. ut cum festum S. Catharinae Senensis celebrabitur immediate post festum sanctissimae Trinitatis; vel cum festum Apostolorum Philippi et Jacobi, aut festum sancti Antonini inciderint ante vel post festum Ascensionis; in quibus, et in aliis similibus casibus festa Apostolorum, vel Sanctorum Ordinis primis, vel secundis Vesperis carebunt.

7. Si festum Sancti Ordinis nostri post aliud ejusdem Ordinis occurrerit, servetur regula generalis de duobus festis Totis Duplicibus inter se concurrentibus. Excipiuntur festa Translationis, vel Commemorationis eorumdem, quae in concomitantia aliorum festorum Sanctorum Ordinis, vel primis, vel secundis Vesperis carebunt.

8. Omnia festa beatae Mariae, quae sub ritu Totius Duplicis celebrabuntur, habebunt semper duas integras Vesperas, in concurrentia cujuscumque festi Sanctorum, etiam Ordinis nostri. Excipitur festum Visitationis B. M. V. quod in concomitantia alio festo SS. Cordis Jesu, primis Vesperis carebit. Pariter excipitur festum Nominis beatae Mariae, quando occurrerit celebrandum ante, vel post festum Exaltationis sanctae Crucis : quia tunc festum Nominis B. Mariae primis, vel secundis Vesperis carebit. Excipiuntur etiam festa purissimi Cordis B. M. Virginis, beatae Mariae de Monte Carmelo, et beatae Mariae de Mercede, si concurrerint cum festis Apostolorum, aut Sanctorum Ordinis nostri. Aliae autem exceptiones notabuntur in Titulis de festivitatibus extraordinariis.

9. Si festum Duplex, aut Totum Duplex immediate succedat post octavam diem Octavarum Solemnissimarum, in primis Vesperis solam Memoriam habebit sine ulla alia solemnitate in choro. Exceptis festis Annuntiationis beatae Virginis; Apostolorum Philippi et Jacobi, et Apostolorum Petri et Pauli; Sanctorum Ordinis nostris (non autem Beatorum Ordinis nostri) et sancti Joannis Baptistae; item S. Patroni principalis loci de praeepto, Dedicationis Ecclesiae, et Sancti Tituli principalis Ecclesiae nostrae : quae festa habebunt primas Vesperas integras cum Memoria Octavae. Inde etiam quando post octavam diem Octavarum Solemnissimarum immediate celebratur de festo Toto Duplici non excepto, et post illud debeat fieri de festo ex supra exceptis, tunc primum succedens Octavae habebit primas Vesperas integras cum Memoria Octavae, ut festum postea subsequens habeat primas Vesperas integras, uti illas haberet, si immediate post Octavam celebraretur. Excipitur festum SS. Cordis Jesu, in cujus concomitantia cum die octava Corporis Christi, Vesperae fiant de eadem Octava, sine ulla SS. Cordis Memoria, attenta indole peculiari utriusque festi. S. C. R. 28. Jun. 1889.

10. Si festum Duplex post aliud Duplex evenierit, et primum non habuit primas Vesperas impeditas, in secundis Psalmi et Antiphona erunt primi festi, et incipiet Officium secundi Duplicis a Capitulo cum Memoria primi : si tamen secundum similiter secundas suas Vesperas impeditas non habeat. Idem fiet, cum primum habuit primas Vesperas impeditas, et sequens habiturum est secundas a majori solemnitate etiam impeditas. Quod si primum festum Duplex habuit impeditas primas Vesperas, et sequens non habet impeditas secundas; primo Duplici debentur secundae Vesperae cum Memoria secundi, cujus postea suo die secundae Vesperae integrae erunt. Et similiter, si primum Duplex non habuit primas Vesperas impeditas, et sequens secundas impeditas habuerit : primum Duplex solum habebit Memoriam in secundis Vesperis, quae erunt integrae sequentis Duplicis; licet Psalmi erunt de primo Duplici, juxta Rubricam § XV. num. 1. In concurrentia tamen trium vel plurium festorum Duplicium immediate sibi succedentium, servetur quantum fieri potest, ut primum Duplex utrasque Vesperas integras habeat; de reliquis vero disponatur secundum modum superius

praescriptum in hoc num. : ita ut si primum Duplex habuerit primas Vesperas ab Antiphona, vel a Capitulo, habebit secundas Vesperas integras cum Memoria sequentis; et pariter alia sequentia habebunt integras secundas Vesperas. Si vero ultimum Duplex habebit secundas Vesperas impeditas, primae ejus Vesperae erunt a Capitulo.

11. Si festum Duplex inter duo festa Tota Duplicia venerit, in utrisque Vesperis solam Memoriam habebit. Idem sentiendum de festo Simplici incidente inter duo festa Duplicia (extra tamen Octavas Solemnnes, juxta infra dicenda n. 13.) et Tota Duplicia.

12. Si festum Duplex, vel majus in quocumque Sabbato celebretur, integras Vesperas habebit in ipso Sabbato cum Memoria Dominicae, etiamsi Dominica non sit habitura secundas Vesperas. Si vero festum Duplex Dominicae successerit, Officium Duplicis incipiet a Capitulo : et cum illud Duplex non haberet primas Vesperas integras, si occurrat aliud Duplex subsequens non habens secundas Vesperas impeditas, tunc praecedens habebit secundas Vesperas integras cum Memoria sequentis : si tamen hoc habuerit secundas Vesperas impeditas, ejus Officium in primis Vesperis incipiet a Capitulo. Quomodo autem festa Duplicia celebranda sint in Octavis Solemnibus, dictum est supra § XXII. n. 10.

13. Si festum Duplex post festum Simplex, vel infra Octavam, aut post octavam diem Octavarum Simplicium evenierit : in primis Vesperis Psalmi erunt de festo vel Octava Simplici; Antiphona, Capitulum, et quae sequuntur, erunt de festo Duplici. Si vero successerit festo, vel diei octavae Simplici, de quibus celebratum fuerit in Dominica, vel infra Octavas Solemnnes, tunc Officium Duplicis subsequentis incipiet a Capitulo : Psalmi vero et Antiphona erunt festi vel Octavae Simplicis, ut dictum est supra § III. n. 2. et § XXII. n. 10.

14. Si festum Simplex post aliud Simplex occurrerit, idem ordo per omnia servetur, qui pro Duplicibus est notatus supra, n. 10. Idemque cum proportionem servetur, si festum Simplex antecedat, vel sequatur diem Octavae Simplicis, in Vesperis, in quibus se contingunt festum et dies octava Simplex.

15. Cum festum Simplex celebratur in Sabbato, in secundis Vesperis incipiet Officium Dominicae a Capitulo; Psalmi vero et Antiphona erunt festi Simplicis. Quod si habuerit primas Vesperas Feria sexta impeditas, in Sabbato habebit secundas integras, cum Memoria Dominicae. Si tamen Responsorium Historiae fuerit dicendum, tunc Psalmi et Antiphona erunt festi Simplicis; Capitulum vero, et reliqua erunt de Dominica. Si tandem Officio Dominicae successerit festum Simplex, in primis Vesperis solam Memoriam habebit.

#### § XXVI. — De festivitatibus extraordinariis.

FESTIVITATES extraordinariae vocantur, quae non inveniuntur notatae in nostro Calendario, sed in aliquibus regnis, provinciis, civitatibus, seu oppidis, ex sanctae Sedis privilegio, et approbata consuetudine solemniter celebrantur. Hujusmodi sunt festum Sancti Patroni principalis; festum Dedicationis Ecclesiae; festum Sancti Tituli principalis Ecclesiae; et festum Sancti, cujus Corpus, vel insignes Reliquiae asservantur in Ecclesiis nostris; necnon aliae festivitates, quae solemniter solent celebrari.

#### § XXVII. — De festo Sancti Patroni.

FESTUM Sancti Patroni principalis de praeepto, celebretur sub ritu Totius Duplicis, sed sine Octava. Et celebrandum est suo die, nisi occurrerit Dominica prima Adventus, Feria quarta Cinerum, Dominica prima, seu quinta Quadragesimae, Dominica in Ramis Palmarum, et usque ad Dominicam in Albis inclusive : in Vigilia Nativitatis Domini, in Circumcisione, in die octava Epiphaniae, in Ascensione, a Vigilia Pentecostes usque ad festum sanctissimae Trinitatis inclusive, et in die Corporis Christi : in festo Assumptionis beatae Mariae, et in festo Omnium

Sanctorum. Tunc enim transferatur festum Sancti Patroni principalis de praecepto juxta consuetudinem Ecclesiae Matricis, cui in hujus festivitatis celebratione debent Ecclesiae nostrae conformari.

2. Si festum Sancti Patroni principalis de praecepto occurrat Dominica prima Octobris, fiat Officium de Sancto Patrono, et festum Rosarii beatae Virginis cum sua Octava transferatur in proxime vacantem Feriam, sed quoad Officium tantum; non vero quoad solemnitatem Processionis, quae tali die a confratribus sanctissimi Rosarii publice fieri consuevit. Si vero praenominatum festum Patroni in die S. P. N. Dominici occurrat, transferatur festum Patroni.

3. Si festum Patroni principalis de praecepto celebretur ante vel post festa Apostolorum, Sanctorum Ordinis nostri, vel Dedicationis Ecclesiae; habebit duas Vesperas integras, et festa praedicta semel integras. Si vero eadem die evenierit, transferenda sunt festa Dedicationis Ecclesiae, Apostolorum, et Sanctorum Ordinis nostri. Si autem concurrat cum festivitibus beatae Virginis, aut aliis majoribus (ut sunt designatae supra § XXV. n. 4. pro duabus integris Vesperis habendis) servandus est mos Matricis Ecclesiae, tam in translatione, quam in concomitantia.

4. Quae Rubricae pariter observandae sunt in festo Patroni regni, aut provinciae, vel civitatis: dummodo Patroni principales sint, et de praecepto; necnon juxta sedis Apostolicae decreta nominati et instituti. De occurso vero, seu concursu Patroni principalis regni cum Patrono principali provinciae, vel civitatis, nihil statui potest; observetur tamen consuetudo Ecclesiae Matricis.

5. Juxta S. R. Congregationis declarationem sub die 17. Sept. 1853. Regulares non tenentur ad celebranda festa Patronorum minus principalium. Verum festum Patroni minus principalis de praecepto, si alias celebretur ab omnibus, qui ad Horas canonicas tenentur, in illo loco, cujus est Patronus, debet etiam a nobis celebrari, ex generali concessione Apostolica, de qua infra, § XXXI. sub eo tamen ritu, qui dicto § designatur. De Sancto vero Patrono minus principali, non de praecepto, non tenemur celebrare festum, ex antedicta declaratione S. Congregationis; possumus tamen juxta praefatam Apostolicam concessionem.

6. De concursu vero cum aliis festivitibus observetur mos Ecclesiae Matricis: nisi forte ob peculiarem festivitatem illius Ecclesiae propriam, debeat festum Patroni non principalis transferri: nam tunc debet fieri Officium de Sancto Patrono, proprio die. Si in die Sanctorum Ordinis nostri occurrat festum Sancti Patroni minus principalis, si sit de praecepto, transferatur festum sancti Ordinis nostri; secus vero, si de praecepto non fuerit.

#### § XXVIII. — De festo Dedicationis Ecclesiae.

**U**BI Ecclesiae nostrae sunt consecratae, singulis annis in Anniversario fiat Officium sicut in Toto Duplici, et Octava celebretur ad instar Octavarum Simplicium; praeterquam in Adventu, et deinceps usque ad Octavas Epiphaniae; et in Septuagesima, et deinceps usque ad Octavas Paschae; et in diebus Rogationum, et deinceps usque ad Octavam Corporis Christi. Quando autem Octavae non fiunt, non fiat Memoria de Dedicatione.

2. Quod si hoc festum Dedicationis infra Octavas alicujus Sancti evenierit, durante Octava de Sancto, fiat Memoria de Octava Dedicationis; et Octava de Sancto celebrata, fiat Officium de Octava Dedicationis, nisi adsit impedimentum.

3. Festum vero Dedicationis Ecclesiae Matricis, seu Cathedralis alicujus civitatis, ubi moramur, debet a nobis celebrari, si ab omnibus tam saecularibus, quam Regularibus illius civitatis celebratur, sub ritu etiam Totius Duplicis, sed sine Octava: non tamen de Dedicatione alterius Ecclesiae.

4. Festum Dedicationis Ecclesiae nequit celebrari in illis diebus, quibus non potest fieri Officium de Sancto Patrono principali de praecepto, ut dictum est supra § XXVII. n. 1. et 2. Neque in ipsa die Patroni princi-

palis de praecepto: unde si eodem die occurrat, debet festum Dedicationis transferri: et si praecedat, sive sequatur, habebit festum Patroni duas integras Vesperas, ut dictum est supra, § praecedenti, numero 3. Secus vero si festum Dedicationis occurrat in die Sancti Patroni minus principalis, etiam de praecepto, sive in festo S. Tituli principalis, sive in festo Sancti cujus Corpus vel insignis Reliquia asservatur in Ecclesiis nostris, sive in festis Apostolorum, vel Sanctorum Ordinis nostri: nam tunc debet Officium fieri de Dedicatione, et praenominata festa transferri; et in concomitantia cum illis, festum Dedicationis habebit duas integras Vesperas: sicut etiam si concomitetur festa beatae Virginis: exceptis designatis supra § XXV. n. 4. quae duas integras Vesperas debent habere. Quae omnia intelligenda sunt de festo Dedicationis Ecclesiae nostrae; festum enim Dedicationis Ecclesiae Matricis celebrari debet secundum Rubricas, sicut alia festa non solemnia, nec de praecepto in civitate, de quibus infra § XXXI.

#### § XXIX. — De festo Sancti Tituli principalis Ecclesiae nostrae.

**F**ESTUM Sancti Tituli principalis Ecclesiae nostrae celebretur sub ritu Totius Duplicis, sed sine Octava. Festum Sancti Tituli minus principalis celebretur sub ritu designato, vel consueto.

2. Festum Sancti Tituli principalis nostrae Ecclesiae debet transferri, si occurrat in diebus Sancti Patroni principalis de praecepto, vel Dedicationis nostrae Ecclesiae, quia haec sunt festa majoris solemnitatis: proindeque transferendum est festum Sancti Tituli principalis, si occurrat in illis diebus, quibus nequit fieri Officium de Sancto Patrono principali, vel de Dedicatione, de quo § XXVII. num. 1. et 2. § praecedenti, num. 4.

3. Festum Sancti Tituli principalis Ecclesiae nostrae praecedit in solemnitate festum Sancti, cujus Corpus conditum est in Ecclesiis nostris: et ideo hoc secundum, si eodem die evenierit, transferendum est; et si in duobus diebus immediate, semper festum Tituli principalis habebit duas integras Vesperas. Idque idem servetur de festo Sancti Tituli principalis respectu festorum beatae Virginis, Apostolorum, et Sanctorum Ordinis nostri, sicut § praecedenti, num. 4. de festo Dedicationis dictum est.

4. In concursu cum S. Patrono minus principali, etiamsi sit de praecepto, debet praeferrri festum Sancti Tituli principalis Ecclesiae; non vero festum Sancti Tituli minus principalis, sed debet celebrari festum Patroni minus principalis de praecepto. Si vero festum Patroni non sit de praecepto, et occurrat in die Sancti Tituli minus principalis, fiat translatio juxta qualitatem solemnitatis festorum. Sed si ejusdem solemnitatis sint, praeferratur festum Sancti Tituli minus principalis, nisi propter maximam populi devotionem aliter fieri oporteat.

#### § XXX. — De festo Sancti cujus Corpus, vel insignis Reliquia condita sunt in Ecclesiis nostris.

**F**ESTUM Sancti, cujus Corpus conditum est in Ecclesiis nostris, celebretur sub ritu Toto Duplici, et computandum est inter festa solemnia patriae: ac de ejus translatione, et concomitantia cum aliis festivitibus judicandum est secundum morem patriae et devotionem populi. Si nulla fuerit consuetudo, debent huic festo in omnibus praeferrri festum Sancti Patroni principalis de praecepto, festum Dedicationis Ecclesiae, et festum S. Tituli principalis Ecclesiae nostrae: et similiter eidem festo praeferrenda sunt festa beatae Virginis, Apostolorum, et Sanctorum Ordinis nostri.

2. Non potest autem Officium de hujusmodi Sancto celebrari, eo quod in loco sit ejus Corpus, aut aliqua Reliquia; sed tantum in Ecclesiis nostris, ubi asservatur Corpus, aut insignis Reliquia. Ita habetur ex decreto sacrae Congregationis Rituum, quae aliter fieri vetuit, et prohibuit: et insuper declaravit, insignes Reliquias esse: Caput, Brachium, Crus, aut illam partem Cor-

poris, in qua passus est Martyr, modo sit integra, et non parva, et legitime ab Ordinariis approbata.

3. Advertendum tamen, quod dictum est de Sanctis, quorum Corpora, vel insignes Reliquiae asservantur in Ecclesiis nostris, intelligendum est dumtaxat de Sanctis in Martyrologio Romano Descriptis, et dummodo constet de identitate Corporis, vel de illis, quorum festivitates celebratae sunt cum licentia sacrae Congregationis Rituum, vel summi Pontificis. De ceteris autem Sanctis, de quibus non habetur hujusmodi licentia, nullo modo fiat Officium, Magistro Ordinis, vel sacra Congregatione inconsultis.

4. Quod si sanctus ille, cujus Corpus, seu insignis Reliquia in nostris asservatur Ecclesiis, habuerit socium, aut socios, quorum Corpora, seu insignes Reliquiae non asservantur in nostris Ecclesiis, debet festum Sancti, cujus Corpus, seu Reliquiam insignem habemus, proprio die celebrari: et socii in primam Feriam non impeditam transferri, et sub ritu in Calendario designato, celebrari. Quod etiam est observandum, si Sanctus Patronus de praecepto, vel Titularis Ecclesiae habuerint socios, qui nec Patroni, nec Titulares sint.

5. Quando autem fit festum de Sancto principali, et non de sociis, separentur in Matutino Lectiones, si commode fieri potest: et dicantur in festo Sancti principalis, quae ejus vitam et acta referunt; relictis pro sociis aliis Lectionibus, quarum numerus debet ex Communi compleri. Si vero historia vitae separabilis non sit, legantur omnes Lectiones in festo principali, et pro sociis sumantur ex Communi. Idemque de Oratione, si Sanctorum nomina possunt separari.

6. Festum Sancti, cujus insignem habemus Reliquiam, celebretur tantum sub ritu Duplici: nisi aliunde majorem habeat sollemnitatem.

#### § XXXI. — De aliis festis locorum, et Sanctorum, quae auctoritate Apostolica de novo celebranda approbantur.

**D**E Sanctis Episcopis locorum, Martyribus, civibus, et aliis festis, de quibus in Calendario, seu Rubricis nihil habetur, uti etiam de Beatis nondum canonizatis, nihil propria auctoritate constituatur, sed omnino consulatur sacrorum Rituum Congregatio, prout ipsa per suum speciale decretum statuit, et mandavit.

2. Cum Ordinis nostri Ritus in divino Officio recitandi sit specialis, et a sede Apostolica specialiter approbatus, et confirmatus; non licet alicui pro suo libito disponere recitationem Officiorum, vel recitari facere Officia Sanctorum, quae a sede Apostolica recitanda, sive ad libitum, sive de praecepto conceduntur omnibus, tam saecularibus, quam regularibus Urbis et Orbis, qui ad Horas canonicas tenentur; donec specialiter et expresse Ordini nostro fuerint concessa ab eadem sede Apostolica, et jussu Magistri Ordinis nostro Breviario inserta, et ea die, ac eo ritu, quibus in illo dicta festa designantur. Idem quoque est dicendum, si de novo auctoritate Apostolica elevatur ritus alicujus festi pro Breviario Romano, vel de novo conceditur celebratio illius sub ritu majori eo, sub quo jam a nobis celebratur: quod scilicet illa elevatio ritus, vel nova concessio Officii sub ritu majori, licet sit universalis, et Urbis et Orbis, debet specialiter et expresse Ordini nostro concedi, et nostro Breviario, ut supra, inseri, ut illa possimus uti. Quae omnia ab initio Ordinis usque ad haec nostra tempora servata fuerunt.

3. Ex concessione speciali sanctae mem. sanctissimi Domini nostri Benedicti XIII. Ordinis nostri, ad instantiam Magistri Ordinis, possumus celebrare Officia et Missas illorum Sanctorum, de quibus in aliquo regno, provincia, vel civitate, ex concessione Apostolica speciali, vel ex approbata consuetudine, universim ab omnibus tam saecularibus, quam regularibus, Officium cum Missa celebratur, sub ritu tamen, et forma juxta Rubricas Breviarii Ordinis. Pro usu igitur hujusmodi gratiae, maxime debent Superiores, et directores divini Officii pro illo regno, provincia, vel civitate prius attendere, de quibus festis, ut supra, universim fiat Officium, ut de illis a nostris fieri possit.

4. Circa tamen occurrence hujusmodi festorum, est etiam regula sequens: si aliquod festum ex dictis occurrerit in die Sancti nostri Ordinis, vel alterius Sancti nostri Calendarii, transferendum est, et fieri debet Officium de Sancto Ordinis, vel de Sancto nostri Calendarii; nisi illud festum sit Patroni principalis loci de praecepto, vel Patroni minus principalis, etiam de praecepto, vel aliud festum solemne, et de praecepto in patria, quae semper praeferenda sunt festis Sanctorum Ordinis, et Sanctorum nostri Calendarii, etiamsi haec sint ejusdem vel majoris sollemnitatis; et debet fieri Officium de Sancto patriae, et nostra festa transferenda sunt.

5. Quando praedicta Officia, vel inter se, vel cum Sanctis Ordinis, vel aliis nostri Calendarii eadem die in aliquibus locis ita fixe occurrunt, ut translatio alicujus, seu aliquorum sit perpetua; tunc prima dies proxima non impedita, censetur assignata in perpetuum pro die propria festi translati respective, ita ut de illo fiet, etiamsi e venerit in Dominicam, nisi fuerit talis Dominica, vel talis dies juxta Rubricas impedita, ut in illam nullum festum transferri possit, prout dictum est § XXVII. num. 1.

#### § XXXII. — De Memorialis faciendis.

**P**ER totum annum, cum de Dominica non agitur, Sabbato praecedenti in Vesperis, et ipsa die in Laudibus, et in secundis Vesperis, fiat illius Memoria: exceptis Dominicis occurrencebus in Vigilia Nativitatis Domini usque ad Epiphaniam: de quibus suis locis notatum est. Item Dominicis infra Octavas Ascensionis, et Corporis Christi, de quibus nulla est facienda Memoria Sabbato praecedenti. Similiter de Dominica fiat Memoria in Laudibus, et Vesperis aliquo die infra Hebdomadam, si non possit fieri de Feria pro Dominicis, quae supersunt post Octavam Epiphaniae, et non possunt resumii post Octavam Trinitatis: et etiam de Dominica xxj. post Octavam Trinitatis, prout in propriis locis dicitur.

2. De Feria fiat quotidie Memoria in Adventu, et Quadragesima, et tribus diebus Rogationum, cum aliquod festum in iisdem contingerit celebrari: aliis vero temporibus nulla est facienda Memoria de Feria.

3. De festo Duplici, et supra, semper fiat Memoria in Vesperis, quando eas impeditas habuerit. Idem fiat de festo Simplici, praeterquam in Vigilia Pentecostes, in qua in secundis Vesperis omittitur Memoria festi Simplicis, ut dictum est § XXIV. num. 7. et in Feria quarta majoris Hebdomadae, ut dictum est § XIV. num. 5. Etiam est facienda Memoria de Octava Simplici: praeterquam in diebus notatis § XXI. num. 6. et 7. Similiter est facienda Memoria de Octava Solemni, et Sollemnissima, si de ipsis non fiat Officium, sicut in suis specialibus Titulis supra notatum est.

4. De festo trium Lectionum fiat Memoria; similiter fiat de Octava trium Lect.; etiam de festo et Octava habentibus solam Memoriam, sicut de singulis in suis specialibus locis dictum est.

5. Memoria quaecumque tam in Vesperis, quam in Laudibus, fiat per Antiphonam, Versiculum, et Orationem.

6. Sanctorum Memoria fiat per Antiphonas proprias, aut ex Communi Sanctorum desumptas, quae notantur in Vesperis, vel Laudibus. Si contingerit eodem die plures seorsim Memorias fieri, vel Martyrum, vel Confessorum, vel Virginum, etc. et Officium illius diei ex Communi desumatur, tunc in primis Vesperis, prima Memoria fiat per Antiphonam notatam ad Magnificat. pro secundis Vesperis. Secunda Memoria, per primam Antiphonam Laudum. Tertia, per quartam Antiphonam Laudum. In secundis Vesperis, prima Memoria fiat per Antiphonam positam ad Magnificat. pro primis Vesperis. Secunda, per Antiphonam, quae dicitur super Psalmos in primis Vesperis. Tertia, per quartam Antiphonam Laudum. In Laudibus, Memoria prima fiat per secundam Antiphonam Laudum. Secunda, per tertiam Antiphonam Laudum. Tertia, per quintam Antiphonam Laudum. Versculus autem per prima Memoria in Vesperis, erit positus in primo Nocturno: pro secunda, positus in secundo, etc. In Laudibus vero pro prima Memoria Versculus erit positus in tertio Nocturno: pro secunda, positus in secundo, etc. Si illud contingerit



tempore Paschali, fiat eodem modo, sumendo Antiphonas de Communi illius temporis : sed prima Memoria in Vesperis, et Laudibus fiat respective per Antiphonas ad Magnificat, et Benedictus, de Communi extra tempus Paschale cum Alleluia.

7. In omnibus Sabbatis per totum annum in Vesperis, et Laudibus fiat Memoria de beata Virgine, quotiescumque de ipsa non agitur. Eodem modo fiat Memoria de beato Dominico Patre nostro in tertiis Feriis; et in quintis, de sanctissimo sacramento; et in quartis, ubi viget studium, de D. Thoma; aut de alio Sancto Ordinis, juxta consuetudinem approbatam. Fiat etiam in eadem Feria Memoria de sancto Thoma in conventibus, in quibus celebratur Officium de alio Sancto Ordinis nostri : si tamen in illis vigeat studium artium simul et theologiae. Intermittitur autem Memoria hujusmodi in dictis Feriis de beata Virgine, de beato Dominico, de Sancto Ordinis, et de sanctissimo Sacramento, in festis Duplicibus, et supra, et infra Octavas Solemnissimas, et Solemnes, ac in diebus octavis earum, et a secunda die Januarii usque ad diem octavam Epiphaniae inclusive, et in die Animarum.

8. Fiat Memoria de beata Virgine in Laudibus, et Vesperis diei octavae sancti Stephani, et deinceps usque ad secundas Vesperas diei octavae Epiphaniae exclusive : praeterquam in Laudibus Vigiliae Epiphaniae, et in Vesperis utrisque, et Laudibus festorum Epiphaniae, Inventionis D. N. J. C. in medio Doctor, et beati Gundisalvi. Ejusdem beatae Virginis Memoria fiat in die sancto Paschae, et duobus sequentibus in Vesperis, ut ibidem notatum est; item in omnibus Dominicis per totum annum, quando de Dominica agitur, fit Memoria de beata Virgine in Laudibus per Antiphonam Subtimum praesidium. *V.* Post partum, et Orationem Protege Domine. In Vesperis per Antiphonam Regali ex progenie. *V.* Ora pro nobis, et Orationem Protege. Exceptis Dominicis infra Octavas Simples beatae Virginis.

9. De Cruce est facienda Memoria quotidie per Hebdomadam Paschae ad Vesperas, et in Dominica in Albis, et deinceps quotidie usque ad Vigilam Ascensionis exclusive, tam in Laudibus quam in Vesperis, exceptis festis Duplicibus, et supra.

10. In Officio quotidiano beatae Virginis, semper fiat Memoria in Laudibus et Vesperis de B. Dominico Patre nostro, et de omnibus Sanctis nostri Ordinis : etiam Feria tertia, quando de beato Dominico Patre nostro fit Officium, aut Memoria.

11. In omnibus tertiis Feriis, quando fit Officium de sancto Patre nostro Dominico, fiat Memoria in Vesperis et Laudibus de sancto Patre nostro Francisco.

#### § XXXIII. — De ordine Memoriarum.

**M**EMORIA festi Simplicis, et supra, praecedit Memoriam Octavae non Solemnis; Memoria tamen diei octavae Simplicis praecedit Memoriam festi Simplicis; Memoria festi Duplicis, et supra, et Octavae Solemnis, et supra, praecedit Memoriam Dominicae, et festi Simplicis : excipiuntur festa Simplicia, quae celebrantur infra Octavas Nativitatis Domini; et similiter festum Simplex, aut Octava Simplex, quando celebrantur infra Octavas Solemnes : tunc enim si habeant primas, aut secundas Vesperas impeditas a festo Duplici, et supra, Memoriae illorum praecedunt Memoriam Octavae, infra quam celebrantur.

2. Memoria de Octava Simplicis, et Memoria de Adventu, et Quadragesima, ac de Dominica post Octavas Epiphaniae, vel Trinitatis, quando fit in aliqua Feria infra Hebdomadam, praecedunt Memorias de beata Virgine in Sabbato; de B. Dominico Patre nostro, Feria tertia; de sanctissimo Sacramento, Feria quinta; de D. Thoma, aut S. Ordinis, Feria quarta. Ista autem supradictae Memoriae de beata Virgine, etc. praecedunt Memoriam festi trium Lectionum, et festi habentis solam Memoriam : hoc vero praecedit Memoriam de S. Patre Francisco Feria tertia faciendam, et Memoriam Octavarum habentium solam Memoriam infra ipsas Octavas; sed in die octava festum habens solam Memoriam praeceditur ab Octava. Festum habens Memoriam solam in Vesperis et Laudibus, praecedere debet festum

de sola Memoria in Laudibus : et hujusmodi Memoria in proprio die debet praecedere Memoriam festi hujusmodi translata cum alio festo, cum quo est annexum. Semper tamen in Vesperis prima Memoria fiat de eo, de quo fiet Officium die sequenti, si alias de eo est facienda sola Memoria; ut contingit, quando Feria tertia fit de festo, vel Octava Simplicis, et Feria quarta fiat Officium de festo trium Lectionum; tunc enim in Vesperis Feriae tertiae Memoria de festo trium Lectionum praecedet Memoriam de S. Thoma, vel de Sancto Ordinis.

3. Memoria de Cruce, Paschali tempore, fiat post omnes praenotatas Memorias. Memoria vero de beata Virgine, quae fit Dominicis diebus, fit quovis tempore post omnes Memorias : sicut et Memoria de beata Virgine, quae fit ab Octava sancti Stephani, et deinceps usque ad diem octavam Epiphaniae, debet fieri post omnes Memorias.

#### § XXXIV. — De Orationibus in festis et Vigiliis Sanctorum.

**O**RATIO, quae in festis Sanctorum dicitur ad primas Vesperas, dicenda est ad omnes Horas diei (exceptis Prima et Completorio, ut supra dictum est) usque ad secundas Vesperas inclusive. Excipiuntur festa Sanctorum, quae in Vigiliis habent proprias Orationes, quae dicendae sunt ad primas Vesperas. Omittatur Oratio Vigiliae, si festum transferatur ad secundam Feriam.

#### § XXXV. — De Homilia in Vigiliis Sanctorum.

**H**OMILIA dicenda est in Vigiliis sancti Joannis Baptistae; Apostolorum Petri et Pauli; Apostolorum Simonis et Judae; et Omnium Sanctorum. In his Vigiliis Officium fiat de Feria, cum Homilia propria : exceptis Vigiliis currentibus infra Octavas Simples, aut Solemnes; in quibus Officium erit de Octava, duae Lectiones de Homilia, et tertia de Octava. In ceteris autem Vigiliis B. Mariae V. aut Sanctorum, Homilia Vigiliae prorsus omittitur ob festa currentia.

2. Dimittitur Homilia, cum Vigilia in Dominica evenit. Item quando transfertur in Vigilam aliquod festum Simplex (quod ulterius transferri non potest) aut majus. Item quando Vigilia S. Joannis Baptistae, vel Apostolorum Petri et Pauli, in die Corporis Christi, aut infra Octavas, vel in die octava ejusdem occurrerit,

#### § XXXVI. — De Matutinis in sero post Completorium dicendis.

**M**ATUTINAE in sero post Completorium dicantur in triduo ante Pascha. A festo autem sanctissimae Trinitatis, in festis Duplicibus, et supra, et Dominicis diebus, similiter dicantur, usque ad diem ultimam Augusti. Item infra Octavas Corporis Christi, et Visitationis beatae Virginis, propter Indulgentias. Ubi autem consuetum est semper media nocte, aut post mediam noctem, omnibus his praedictis diebus, aut saltem aliquibus, Matutinas dici, servetur consuetudo. Si tamen Matutinae in sero, vel ante mediam noctem dicantur, Pretiosa non est dicenda tunc immediate post illas, sed reservetur, ut dicatur immediate post Primam; nisi post mediam noctem finiantur, ut in nocte Natalis Domini.

#### § XXXVII. — De Officio quotidiano beatae Mariae Virginis.

**O**FFICIUM quotidianum B. Virginis dicendum est pro tempore ante Horas canonicas, excepto Completorio, quod post Completorium de Tempore, vel de Sancto, dicendum est ante Antiphonam Salve Regina, et ideo Completorium beatae Virginis non terminatur, sicut aliae Horae, per *V.* Ave Maria, sed illo omissio, immediate post *V.* Benedicamus Domino, sequitur Antiphona Salve.

2. Intermittitur praedictum Officium in Vigilia Nativitatis Domini in Matutinis, et deinceps usque in crastinum post Octavam Epiphaniae inclusive; et in quarta Feria ante Cenam Domini in Vesperis, et deinceps

usque in secundam Feriam post Octavam Paschae exclusive. Intermittitur etiam in festis Duplicibus, et Totis Duplicibus in primis Vesperis, et deinceps usque ad Completorium diei festi inclusive. In omnibus Dominicis diebus per totum annum in Matutinis, et usque ad Completorium inclusive. Et similiter infra omnes Octavas Solemnissimas, et Solemnies, et in diebus octavis, etiamsi in die aliqua infra ipsas Octavas Officium de ipsis Octavis non fiat; sed fiat Officium de festo, vel Octava Simpliciter, ut dictum est supra § XIV. num. 4. et § XXI. num. 10. Omittitur autem quodcumque de ipsa beata Virgine Officium celebratur, sive in Octavis ipsius, sive extra Octavas; in Octavis tamen dicitur in Vesperis, in casibus expressis supra § XXI. n. 10.

3. In Vigilia Pentecostes dicatur Officium quotidianum beatae Virginis in Matutinis, et usque ad Vesperas exclusive.

#### § XXXVIII. — De Litanis Sanctorum, et de prostrationibus super formas.

**P**OST Completorium, quantumvis ea die solenne festum fuerit; si nihilominus die sequenti fiat Officium de Feria, tam extra tempus Paschale, quam intra, semper legantur sero praecedenti in choro Litaniae Sanctorum cum Psalmo Deus in adiutorium, precibus, Versiculis, et Orationibus, ut designantur in Breviario post Commune Sanctorum. Exceptis Vigilia Nativitatis Domini, Feria quinta in Cena Domini, et Feria sexta in Parasceve; in quibus Litaniae, etc. omnino dimittuntur. Sabbato autem Sancto, tribus diebus Rogationum, et Vigilia Pentecostes, Litaniae dicuntur ante Missam Feriae: sed in tribus diebus Rogationum (si fit de Feria) et in Vigilia Pentecostes, dicuntur in sero praecedenti post Completorium, Psalmus Deus in adiutorium, preces, et Orationes Litaniarum.

2. Dum Litaniae post Completorium recitantur in choro, fratres debent esse genuflexi, aut (si fuerint factae prostrationes in Vesperis) prostrati, a principio usque ad ultimam Orationem inclusive. Qui autem tunc non fuerint in choro, ad eas recitandas minime teneantur.

3. Si ex aliqua causa aut necessitate Litaniae recitantur, addenda est Oratio, et Versiculus pro illa necessitate.

4. Post Litanias (si alias hae sunt dicendae) vel immediate post Completorium (si Litaniae non sunt dicendae) fratres prostrati dicant: Confiteor, cum Psalmo Miserere, ut notatur in Breviario in Dominica prima post Octavam Epiphaniae vel Trinitatis, si illa die de Feria fiat Officium: exceptis Vigilia Pentecostes, et tribus diebus ante Pascha. Dum autem dicitur Psalmus praedictus, recipiant fratres disciplinam ab

Hebdomadario, qui postea etiam eam recipiat ab eo, qui praest choros. In tribus vero diebus Rogationum id non omittatur; sed post Preces et Orationes (similiter si Officium fuerit de Feria) in sero praecedenti praedicta dicantur, et disciplina detur.

5. Quod si post Completorium, ubi est talis consuetudo, disciplina dari non possit, propter saeculares, detur in sacristia, vel capitulo: aut tunc, si fuerit grave impedimentum, relinquatur post Matutinas. Fratres vero, qui disciplinis non intersunt, tenentur recitare Psalmum Miserere cum Oratione.

6. Prostrationes super formas faciendae tantum sunt, quando Officium fit de Feria extra tempus Paschale, ad omnes Horas respective (prout in Constitutionibus nostris De inclinationibus. cap. 2. dist. 1. videre est), Quae quidem intermittuntur in Nona in omni Sabbato, quando fit de Feria, et in omni Vigilia cujuslibet festi novem Lectionum, nisi in Quadragesima: nam in ea etiam in Nona praedictis diebus sunt faciendae. Intermittuntur etiam in Vesperis festi trium Lectionum usque ad Nonam sequentis diei inclusive; et in Vesperis Sabbati, et Vigiliae festi novem Lectionum usque ad Completorium Dominicae, vel festi inclusive: et ubi particulariter est notatum, quod intermittantur.

7. Fiant etiam prostrationes in Officio Defunctorum, si in Hora canonica immediate praecedenti factae sunt in choro.

#### § XXXIX. — De Precibus.

**P**RECES dicuntur in Vesperis, Completorio, Laudibus, Prima, Tertia, Sexta, et Nona, cum de Feria agitur.

2. Tempore autem Paschali non dicuntur Preces, nisi in Prima, et in Completorio.

3. Intermittuntur etiam Preces in Nona, quodcumque in eadem intermittuntur prostrationes super formas: ut (quando fit de Feria) in omni Sabbato, et in Vigilia cujuslibet festi novem Lectionum, nisi in Quadragesima, prout § praecedenti num. 6. dictum est: quare in Quadragesima, etiam in Nona praedictis diebus Preces sunt recitandae.

4. Preces dicuntur quotidie in Prima, et Completorio, nisi in Dominica die, festis Duplicibus, et supra, et in omnibus diebus Octavarum Solemnium, et supra, et infra has Octavas, etiamsi in eis fiat Officium de festo, aut Octava Simpliciter; et ubi specialiter est notatum, ut non dicantur.

5. Advertendum est autem, eum, qui Sabbato Sancto extra Missam recitat Vesperas, debere in principio dicere Pater noster, non autem in fine earumdem Vesperarum.

6. Dicendum tamen est Pater noster, in Officio Defunctorum post Requiescant in pace, cum non sequitur alia Hora.





## Oratio dicenda ante Officium.

**A**PERI Dómine os meum ad benedicéndum nomen sanctum tuum : munda cor meum ab ómnibus vanis, pervérsis, et aliénis cogitatió-  
nibus : intelléctum illúmina, afféctum inflámma, ut digne, attén-  
te, ac devóte hoc Officium

recitáre váleam, et exaudíri mé-  
rear ante conspéctum divínae  
majestátis tuae. Per Christum  
Dóminum nostrum. R̃. Amen.

Dómine, in unióne illius  
divínae intentiónis, qua ipse  
in terris laudes Deo persolví-  
sti, has tibi horas persólvo.

## Oratio dicenda post Officium.

Orationem sequentem de-  
vote post Officium recitantibus  
Leo Papa X. defectus et culpas  
in eo persolvendo ex humana  
fragilitate contractas indulsit.

**S**ACROSANCTAE et  
indivíduae Trinitáti,  
crucifixi Dómini no-  
stri Jesu Christi hu-  
manitáti, beatíssimae ac glorio-  
síssimae sempérque Vírginis  
Maríae fecúndae integritáti, et  
ómnium Sanctórum universi-  
táti, sit sempitérna laus, ho-  
nor, virtus, et glória ab omni  
creatúra, nobisque remíssio  
ómnium peccatórum, per infi-  
níta saecula saeculórum. Amen.

℣. Beáta víscera Maríae  
Vírginis, quae portavérunt  
aetérni Patris Fílium. R̃. Et  
beáta úbera, quae lactavérunt  
Christum Dóminum.

Dicitur pro statu summi  
Pontificis, et Ecclesiae :

**P**ATER noster, qui es in  
caelis : sanctificétur no-  
men tuum.

Advéniat regnum tuum.

Fiat volúntas tua, sicut in  
caelo, et in terra.


Panem nostrum quotidiá-  
num da nobis hódie.

Et dimítte nobis débíta no-  
stra, sicut et nos dimíttimus  
debitóribus nostris.

Et ne nos indúcas in tenta-  
tiónem.

Sed líbera nos a malo. Amen.

**A**VE María, grátia plena :  
Dóminus tecum : bene-  
dícta tu in muliéribus, et bene-  
díctus fructus ventris tui, Jesus.  
Sancta María, Mater Dei, ora  
pro nobis peccatóribus, nunc et  
in hora mortis nostrae. Amen.



## Benedictiones ante Lectiones in Matutinis.

In primo Nocturno.

Benedictio j.

**B**ENEDICTIONE perpétua benedícat nos Pater aetérnus. R. Amen.

ij. Unigénitus Dei Fílius nos benedícere et adjuváre dignétur. R. Amen.

iiij. Spíritus sancti grátia illumináre dignétur sensus et corda nostra. R. Amen.

In secundo Nocturno.

Benedictio j.

**D**EUS Pater omnípotens sit nobis propítius et clemens. R. Amen.

ij. Ad gáudia Paradísi perdúcat nos misericórdia Christi. R. Amen.

iiij. Ignem sui amóris accéndat Deus in córdibus nostris. R. Amen.

In tertio Nocturno.

Si non fuerit Homilia,

Benedictio j.

**I**LLE nos benedícat, qui sine fine vivit et regnat. R. Amen.

Si fuerit Homilia,

j. Evangélica léctio sit nobis salus et protéctio. R. Amen.

ij. Divínium auxílium máneat semper nobíscum. R. Amen.

iiij. Ad societátem cívium supernórum perdúcat nos Rex Angelórum. R. Amen.

## BENEDICTIONES

in festis B. Mariae Virginis.

In primo Nocturno.

Benedictio j.

**A**LMA Virgo vírginum intercedat pro nobis ad Dóminum. R. Amen.

ij. Sancta Dei Génitrix sit nobis auxiliátrix. R. Amen.

iiij. Nos cum prole pia benedícat Virgo María. R. Amen.

In secundo Nocturno.

Benedictio j.

**A**B hoste maligno erípiat nos Dei Génitrix virgo. R. Amen.

ij. Jesus Mariae Fílius sit nobis clemens et propítius. R. Amen.

iiij. Stella María maris succúrrat piíssima nobis. R. Amen.

In tertio Nocturno.

Si non fuerit Homilia,

Benedictio j.

**O**RET voce pia pro nobis Virgo María. R. Amen.

Si vero sit Homilia,

j. Evangélica léctio sit nobis salus et protéctio. R. Amen.

ij. In omni tribulatióne et angústia subvéniat nobis pia Virgo María. R. Amen.

iiij. Ad societátem cívium supernórum perdúcat nos Regina Angelórum. R. Amen.

In Sabbato, quando de ea fit Officium, dicantur tres ultimae Benedictiones.





—✠— **B**reviariū juxta ritum —✠—  
**S**acri **O**rdinis **P**raedicatorum

**Psalterium David.**

**DOMINICIS DIEBUS.**

**AD MATUTINUM.**

Dicto secreto Pater noster.  
et Credo. incipiatur alta voce  
V. Dómine lábia mea apéries.  
R. Et os meum annuntiábit  
laudem tuam.

V. Deus in adjutórium meum  
inténde. R. Dómine ad adju-  
vándum me festína.

V. Glória Patri. etc. Sicut  
erat. etc. Allelúia.

A Septuag. vero usque ad  
Fer. v. in Cena Domini ex-  
clusive, loco Allelúia. dicitur  
Laus tibi Dómine, Rex aetér-  
nae glóriæ.

Dominicis diebus ab Octava  
Epiph. usque ad Septuag.

exclus. et a Domin. j. post Oct.  
Trin. usque ad Advent. quan-  
do fit de Dominica

**Invitatorium.**



**VENITE**, exsultémus  
Dómino : \* Jubilé-  
mus Deo salutári  
nostro.

Quo dicto, sequitur :

V. Praeoccupémus fáciem  
ejus in confessióne, et in psal-  
mis jubilémus ei.

Deinde repetitur : Veníte,  
exsultémus Dómino : \* Jubi-  
lémus Deo salutári nostro.

V. Quóniam Deus magnus  
Dóminus, et Rex magnus su-  
per omnes deos : quóniam non  
repéllet Dóminus plebem

suam : quia in manu ejus sunt omnes fines terrae, et altitudines montium ipse conspiciat.

Jubilémus Deo salutári nostro.

*V.* Quóniam ipsíus est mare, et ipse fecit illud, et áridam fundavérunt manus ejus : veníte adorémus, et procidámus ante Deum : plorémus coram Dómino, qui fecit nos : quia ipse est Dóminus Deus noster : nos autem pópulus ejus, et oves páscae ejus.

Veníte, exsultémus Dómino. etc.

*V.* Hódie si vocem ejus audieritis, nolíte obduráre corda vestra, sicut in exacerbatióne secúndum diem tentatiónis in desérto : ubi tentavérunt me patres vestri, probavérunt, et vidérunt ópera mea.

Jubilémus Deo. etc.

*V.* Quadragínta annis próximus fui generatióni huic, et dixi : Semper hi errant corde : ipsi vero non cognovérunt vias meas : quibus jurávi in ira mea : Si introíbunt in réquiem meam.

Veníte, exsultémus. etc.

*V.* Glória Patri, et Fílio, et Spirítui sancto. Sicut erat in princípio, et nunc, et semper, et in saecula saeculorum. Amen.

Jubilémus Deo salutári nostro.

Postea repetatur totum Invitatorium :

Veníte, exsultémus Dómino : \* Jubilémus Deo salutári nostro.

### IN I. NOCTURNO.

Littera **N.** in principio Psalmi indicat Psalmum illum non esse dicendum in Matutinis, nec in Vesperis, cum de Dominica, aut de Feria agitur.

\* indicat pausam in medio Versus, ꝛ flexionem in priori parte Versus.

Psalmus 1.

**D**EATUS vir, qui non ábiit in consílio impiórum, ꝛ et in via peccatórum non stetit, \* et in cáthedra pestiléntiae non sedit :

Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo :

Et fólium ejus non défluet : \* et ómnia quaecúmque faciet, prosperabúntur.

Non sic ímpii, non sic : \* sed tamquam pulvis, quem prójicit ventus a fácie terrae.

Ideo non resúrgent ímpii in judício : \* neque peccatóres in concílio justórum.

Quóniam novit Dóminus viam justórum : \* et iter impiórum períbit.

Non omnes Psalmi hujus Nocturni, sed tantum quilibet

quartus in ordine, per V. Gló-  
ria Patri. terminetur.

Psalmus 2.

**Q**UARE fremuérunt gen-  
tes, \* et pópuli meditáti  
sunt inánia?

Astitérunt reges terrae, ⁊  
et príncipes convenérunt in  
unum, \* advérsus Dóminum,  
et advérsus Christum ejus.

Dirumpámus víncula eo-  
rum : \* et projiciámus a nobis  
jugum ipsórum.

Qui hábitat in caelis irridé-  
bit eos : \* et Dóminus subsan-  
nabit eos.

Tunc loquétur ad eos in ira  
sua, \* et in furóre suo contur-  
babit eos.

Ego autem constitútus sum  
rex ab eo super Sion montem  
sanctum ejus, \* praedicans  
praecéptum ejus.

Dóminus dixit ad me : \*  
Fílius meus es tu, ego hódie  
génui te.

Póstula a me, et dabo tibi  
gentes hereditátem tuam, \* et  
possessióem tuam téminos  
terrae.

Reges eos in virga férrea, \*  
et tamquam vas figuli con-  
frínges eos.

Et nunc reges intelligite : \*  
erudímini qui judicátis ter-  
ram.

Servíte Dómino in timóre : \*  
et exsultáte ei cum tremóre.

Apprehéndite disciplínam  
nequándo irascátur Dóminus, \*  
et pereátis de via justa.

Cum exárserit in brevi ira  
ejus, \* beáti omnes, qui confí-  
dunt in eo.

Psalmus 3.

**D**OMINE quid multipli-  
cáti sunt qui tríbulant  
me? \* multi insúrgunt advér-  
sum me.

Multi dicunt ánimae meae : \*  
Non est salus ipsi in Deo  
ejus.

Tu autem Dómine suscéptor  
meus es, \* glória mea, et exál-  
tans caput meum.

Voce mea ad Dóminum cla-  
mávi : \* et exaudivit me de  
monte sancto suo.

Ego dormívi, et soporátus  
sum : \* et exsurrexi, quia Dó-  
minus suscepit me.

Non timébo míllia pópuli  
circumdántis me : \* exsúrge  
Dómine, salvum me fac Deus  
meus.

Quóniam tu percussísti  
omnes adversántes mihi sine  
causa : \* dentes peccatórum  
contrivísti.

Dómini est salus : \* et su-  
per pópulum tuum benedíctio  
tua.

N. Psalmus 4.

**C**UM invocárem exaudivit  
me Deus justítiae meae : \*  
in tribulatióne dilatásti mihi.

Miserére mei, \* et exáudi  
oratióem meam.

Fílii hóminum úsquequo  
gravi corde? \* ut quid dilígitis  
vanitátem, et quaeritis mendá-  
cium?

Et scitote quóniam mirificávit Dóminus sanctum suum : \* Dóminus exáudiet me cum clamávero ad eum.

Irascimini, et nolíte peccáre : \* quae dícitis in córdibus vestris, in cubílibus vestris compungímini.

Sacrificáte sacrificium justítiae, ⁊ et speráte in Dómino : \* multi dicunt : Quis osténdit nobis bona?

Signátum est super nos lumen vultus tui Dómine : \* dedísti laetítiam in corde meo.

A fructu fruménti, vini, et olei sui \* multiplicáti sunt.

In pace in idípsum \* dórmiam, et requiéscam :

Quóniam tu Dómine singularíter in spe \* constituísti me.

N. Psalmus 5.

**V**ERBA mea áuribus pécipe Dómine, \* intéllege clamórem meum.

Inténde voci oratiónis meae, \* rex meus et Deus meus.

Quóniam ad te orábo : \* Dómine mane exáudies vocem meam.

Mane astábo tibi et vidébo : \* quóniam non Deus volens iniquitátem tu es.

Neque habitábit juxta te malignus : \* neque permanébunt injústi ante óculos tuos.

Odísti omnes, qui operántur iniquitátem : \* perdes omnes, qui loquúntur mendácium.

Virum sánguinem et dolósum abominábitur Dóminus : \* ego autem in multitúdine misericórdiae tuae.

Introibo in domum tuam : \* adorábo ad templum sanctum tuum in timóre tuo.

Dómine deduc me in justítia tua : \* propter inimícos meos dirige in conspéctu tuo viam meam.

Quóniam non est in ore eórum véritas : \* cor eórum vanum est.

Sepúlcrum patens est guttur eórum, ⁊ linguis suis dolóse agébant, \* júdica illos Deus.

Décidant a cogitatiónibus suis, ⁊ secúndum multitúdinem impietátum eórum expélle eos, \* quóniam irritavérunt te Dómine.

Et laeténtur omnes, qui sperant in te, \* in aetérnum exsultábunt : et habitábis in eis.

Et gloriabúntur in te omnes, qui díligunt nomen tuum, \* quóniam tu benedíces justo.

Dómine, ut scuto bonae voluntátis tuae \* coronásti nos.

Psalmus 6.

**D**OMINE, ne in furóre tuo árguas me, \* neque in ira tua corrípias me.

Miserére mei Dómine quóniam infirmus sum : \* sana me Dómine quóniam conturbáta sunt ossa mea.

Et ánima mea turbáta est valde : \* sed tu Dómine úsquequo?

Convértere Dómine, et éripe ánimam meam : \* salvum me fac propter misericórdiam tuam,

Quóniam non est in morte qui memor sit tui : \* in inférno autem quis confitébitur tibi?

Laborávi in gémitu meo, et lavábo per síngulas noctes lectum meum : \* lácrymis meis stratum meum rigábo.

Turbátus est a furóre óculus meus : \* inveterávi inter omnes inimícos meos.

Discédite a me omnes qui operámini iniquitatem : \* quóniam exaudivit Dóminus vocem fletus mei.

Exaudivit Dóminus deprecationem meam, \* Dóminus orationem meam suscepit.

Erubéscant, et conturbéntur veheménter omnes inimíci mei : \* convertántur et erubéscant valde velóciter.

A Domin. j. post Oct. Epiph. usque ad Domin. in Passione exclus. super Psalm. Aña. Servíte Dómino in timóre, et exsultáte ei cum tremóre.

A Dom. j. post Oct. Trinit. usque ad Adv. exclus. super Psalm. Aña. Pro fidei méritis vocitátur jure beátus, legem qui Dómini meditátur nocte diéque.

Psalmus 7.

**D**OMINE Deus meus in te sperávi : \* salvum me fac ex ómnibus persecuéntibus me, et libera me.

Nequándo rápiat ut leo ánimam meam, \* dum non est qui rédimat, neque qui salvum fáciat.

Dómine Deus meus, si feci istud, \* si est iníquitas in má nibus meis :

Si réddidi retribuéntibus mihi mala, \* decídám mérito ab inimícis meis inánis.

Persequátur inimícus ánimam meam, et comprehéndat, et concúlcet in terra vitam meam, \* et glóriam meam in púlverem dedúcat.

Exsúrge Dómine in ira tua : \* et exaltáre in fínibus inimicórum meórum.

Et exsúrge Dómine Deus meus in praecépto quod mandásti : \* et synagóga populórum circúmdabit te.

Et propter hanc in altum regrédere : \* Dóminus júdicat pópulos.

Júdica me Dómine secúndum justítiam meam, \* et secúndum innocéntiam meam super me.

Consumétur nequítia peccatórum, et díriges justum, \* scrutans corda et renes Deus.

Justum adjutórium meum a Dómino, \* qui salvos facit rectos corde.

Deus judex justus, fortis, et pátiens : \* numquid iráscitur per síngulos dies?

Nisi convérsi fuéritis, gládium suum vibrábit : \* arcum suum teténdit, et parávit illum.



Et in eo parávit vasa mortis, \* sagíttas suas ardéntibus effécit.

Ecce partúriit injustítiam : \* concépit dolórem, et péperit iniquitátem.

Lacum apéruit, et effódit eum : \* et incidit in fóveam, quam fecit.

Convertétur dolor ejus in caput ejus : \* et in vérticem ipsíus iníquitas ejus descéndet.

Confitébor Dómino secúndum justítiam ejus : \* et psallam nómini Dómini altíssimi.

Psalmus 8.

**D**OMINE Dóminus noster, \* quam admirábile est nomen tuum in univérſa terra!

Quóniam eleváta est magnificéntia tua, \* super caelos.

Ex ore infántium et lacténtium perfecísti laudem propter inimícos tuos, \* ut destruas inimícum et ultórem.

Quóniam vidébo caelos tuos, ópera digitorum tuórum : \* lunam et stellas, quae tu fundásti.

Quid est homo, quod memor es ejus? \* aut fílius hóminis, quóniam vísitas eum?

Minuísti eum paulo minus ab Angelis, ꝛ glória et honóre coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves uni-

vérſas : ínsuper et pécora campi.

Vólucres caeli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérſa terra!

Psalmus 9.

**C**ONFITEBOR tibi Dómine in toto corde meo : \* narrábo ómnia mirabília tua.

Laetábor et exultábo in te : \* psallam nómini tuo Altíssime,

In converténdo inimícum meum retrórsum : \* infirmabúntur, et períbunt a fácie tua.

Quóniam fecísti judícium meum et causam meam : \* sedísti super thronum qui júdicas justítiam.

Increpásti gentes, et périit impius : \* nomen eórum delésti in aetérnum et in saeculum saeculi.

Inimíci defecerunt frámeae in finem : \* et civitátes eórum destruxísti.

Périit memória eórum cum sónitu : \* et Dóminus in aetérnum pérmanet.

Parávit in judício thronum suum : ꝛ et ipse judicábit orbem terrae in aequitáte, \* judicábit pópulos in justítia.

Et factus est Dóminus refúgium páuperi : \* adjútor in opportunitátibus, in tribulatióne.

Et sperent in te qui novérunt nomen tuum : \* quóniam non dereliquísti quaeréntes te Dómine.

Psállite Dómino, qui hábitat in Sion : \* annuntiáte inter gentes stúdia ejus :

Quóniam requírens ságuinem eórum recordátus est : \* non est oblítus clamórem páuperum.

Miserére mei Dómine : \* vide humilitátem meam de inimícis meis.

Qui exáltas me de portis mortis, \* ut annúntiem omnes laudatiónes tuas in portis fíliae Sion.

Exsultábo in salutári tuo : \* infíxae sunt gentes in intéritu, quem fecérunt.

In láqueo isto, quem abscondérunt, \* comprehénsus est pes eórum.

Cognoscétur Dóminus judícia faciéns : \* in opéribus mánuum suárum comprehénsus est peccátor.

Convertántur peccátóres in inférnum, \* omnes gentes quae obliviscúntur Deum.

Quóniam non in finem oblívio erit páuperis : \* patién-tia páuperum non períbit in finem.

Exsúrge Dómine, non confortétur homo : \* judicéntur gentes in conspéctu tuo.

Constítue Dómine legislatórem super eos : \* ut sciant gentes quóniam hómínes sunt.

Ut quid Dómine recessísti

longe, \* déspicis in opportunitátibus, in tribulatióne?

Dum supérbit ímpius, incénditur pauper : \* comprehénduntur in consíliis quibus cógitant.

Quóniam laudátur peccátor in desidériis ánimae suae : \* et iníquus benedícitur.

Exacerbávit Dóminum peccátor, \* secúndum multitudínem irae suae non quaeret.

Non est Deus in conspéctu ejus : \* inquinatae sunt viae illíus in omni témpore.

Auferúntur judícia tua a fácie ejus : \* ómnium inimicórum suórum dominábitur.

Dixit enim in corde suo : \* Non movébor a generatióne in generatióne sine malo.

Cujus maledictiόne os plenum est, et amaritúdine, et dolo : \* sub lingua ejus labor et dolor.

Sedet in insídiis cum divítibus in occúltis, \* ut interfíciat innocéntem.

Oculi ejus in páuperem respíciunt : \* insidiátur in abscondito, quasi leo in spelúnca sua.

Insidiátur ut rápiat páuperem : \* rápere páuperem dum attrahit eum.

In láqueo suo humiliábit eum, \* inclinábit se, et cadet cum dominátus fúerit páuperum.

Dixit enim in corde suo : Oblítus est Deus, \* avértit fáciem suam ne vídeat in finem.

Exsúrge Dómine Deus, exaltétur manus tua : \* ne obliviscáris páuperum.

Propter quid irritávit ímpius Deum? \* dixit enim in corde suo : Non requíret.

Vides, quóniam tu labórem et dolórem consíderas : \* ut tradas eos in manus tuas.

Tibi derelíctus est pauper : \* órphano tu eris adjútor.

Cóntere bráchium peccatóris et maligni : \* quaerétur peccátum illíus, et non inveníétur.

Dóminus regnábit in aetérnum, et in saeculum saeculi : \* persíbítis gentes de terra illíus.

Desidérium páuperum exaudivit Dóminus : \* praeparatíonem cordis eórum audívit auris tua.

Judicáre pupíllo et húmili, \* ut non appónat ultra magnificáre se homo super terram.

Psalmus 10.

**I**N Dómino confído : quómodo dícitis ánimae meae : \* Tránsmigra in montem sicut passer?

Quóniam ecce peccatóres intendérunt arcum, & paravérunt sagíttas suas in pháretra, \* ut sagíttent in obscúro rectos corde.

Quóniam quae perfecísti, destruxérunt : \* justus autem quid fecit?

Dóminus in templo sancto suo, \* Dóminus in caelo sedes ejus :

Oculi ejus in páuperem respíciunt : \* pálpebrae ejus intérogant fílios hóminum.

Dóminus intérogat justum et ímpium : \* qui autem díligit iniquitátem, odit ánimam suam.

Pluet super peccatóres láqueos : \* ignis, et sulphur, et spíritus procellárum pars cálicis eórum.

Quóniam justus Dóminus et justítias díléxit : \* aequitátem vidit vultus ejus.

A Domin. j. post Oct. Epiphan. usque ad Dom. in Pass. exclus. super Ps. Aña. Dómine Deus meus in te sperávi.

A Dom. j. post Oct. Trinit. usque ad Adv. exclus. super Ps. Aña. Juste Deus, judex fortis, patiénsque, benígnus : in te sperántes muni miserándo fidéles.

Psalmus 11.

**S**ALVUM me fac Dómine, quóniam defécit sanctus : \* quóniam diminútae sunt veritátes a fíliis hóminum.

Vana locúti sunt unusquisque ad próximum suum : \* lábia dolósa, in corde et corde locúti sunt.

Dispérdat Dóminus unívérssa lábia dolósa, \* et linguam magníloquam.

Qui díxérunt : Linguam nostram magnificábimus, & lábia nostra a nobis sunt, \* quis noster Dóminus est?

Propter misériam ínopum,  
et gémitum páuperum \* nunc  
exsúrgam, dicit Dóminus.

Ponam in salutári : \* fidu-  
cialiter agam in eo.

Elóquia Dómini, elóquia  
casta : \* argéntum igne exami-  
nátum, probátum terrae pur-  
gátum séptuplum.

Tu Dómine servábis nos :  
et custódies nos \* a genera-  
tíone hac in aetérnum.

In circúitu ímpii ámbu-  
lant : \* secúndum altitúdinem  
tuam multiplicásti fílios hó-  
minum.

Psalmus 12.

**U**SQUEQUO Dómine  
oblivísceris me in fi-  
nem? \* Usquequo avértis fá-  
ciem tuam a me?

Quámdu ponam consília in  
ánima mea, \* dolórem in corde  
meo per diem?

Usquequo exaltábitur inimí-  
cus meus super me? \* réspice,  
et exáudi me Dómine Deus  
meus.

Illúmina óculos meos ne un-  
quam obdórmiam in morte : \*  
nequándo dicat inimícus meus :  
Praeválui advérsus eum.

Qui tríbulant me, exsultá-  
bunt si motus fúero : \* ego  
autem in misericórdia tua  
sperávi.

Exsultábit cor meum in sa-  
lutári tuo : & cantábo Dómino  
qui bona tríbuit mihi : \* et  
psallam nómini Dómini altís-  
simi.

Psalmus 13.

**D**IXIT insípiens in corde  
suo : \* Non est Deus.

Corrúpti sunt, et abominábi-  
les facti sunt in stúdiis suis : \*  
non est qui fáciat bonum, non  
est usque ad unum.

Dóminus de caelo prospéxit  
super fílios hóminum, \* ut  
videat si est intélligens, aut  
requírens Deum.

Omnes declinavérunt, & si-  
mul inútiles facti sunt : \* non  
est qui fáciat bonum, non est  
usque ad unum.

Sepúlcrum patens est guttur  
eórum : & linguis suis dolóse  
agébant, \* venénium áspidum  
sub lábiis eórum.

Quorum os maledictíone et  
amaritúdine plenum est : \*  
velóces pedes eórum ad effun-  
déndum ságuinem.

Contrítio et infelícitas in  
viis eórum, & et viam pacis non  
cognovérunt : \* non est timor  
Dei ante óculos eórum.

Nonne cognóscent omnes  
qui operántur iniquitátem, \*  
qui dévorant plebem meam  
sicut escam panis?

Dóminum non invocavé-  
runt, \* illic trepidavérunt ti-  
móre, ubi non erat timor.

Quóniam Dóminus in gene-  
ratíone justa est, consílium  
ínopis confudístis : \* quóniam  
Dóminus spes ejus est.

Quis dabit ex Sion salutáre  
Israël? \* cum avérterit Dómi-  
nus captivitátem plebis suae,

exultábit Jacob, et laetábitur Israël.

Psalmus 14.

**D**OMINE quis habitábit in tabernáculo tuo? \* aut quis requiescet in monte sancto tuo?

Qui ingreditur sine mácula, \* et operáitur justítiam :

Qui loquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accepit advérsus próximos suos.

Ad níhilum dedúctus est in conspéctu ejus malígnus : \* tímētes autem Dóminum glórrificat :

Qui jurat próximo suo, et non decipit, ꝑ qui pecúniám suam non dedit ad usúram, \* et múnera super innocentem non accepit.

Qui facit haec, \* non movébitur in aetérnum.

A Domin. j. Adv. usque ad Nativ. Domini exclus. super Ps. Añá. Sciētes, quia hora est jam nos de somno súrgere : nunc enim própior est nostra salus, quam cum credídimus : nox praecéssit, dies autem appropinquávit.

℟. Ex Sion spécies decóris ejus. R̃. Deus noster manifeste véniet.

A Domin. j. post Octávam Epiph. usque ad Domin. in Passione exclus. super Ps. Añá. Tu Dómine servábis nos, et custódies nos.

Usque ad Quadrag. ℟. Memor fui nocte nóminis tui Dómine. R̃. Et custodívi legem tuam.

A Domin. j. Quadrag. usque ad Domin. in Passione, ℟. Dicit Dómino : Suscéptor meus es tu. R̃. Et refúgium meum, Deus meus.

Dominica in Passione, et in Ramis, super Psalm. Añá. Quid molésti estis huic mulierí? opus enim bonum operáta est in me.

℟. Erue a frámea Deus ánimam meam. R̃. Et de manu canis únicam meam.

A Domin. j. post Oct. Trinit. usque ad Adv. exclusive, super Ps. Añá. Surge, et in aetérnum serva munímine sacro : custodíque tuos Astrípotens fámulos.

℟. Memor. etc. ut supra.

## IN II. NOCTURNO.

Psalmi ij. et iij. Nocturni terminantur singuli per ℟. Glória Patri.

Psalmus 15.



**C**ONSERVA me Dómine, quóniam sperávi in te. \* Dixi Dómino : Deus meus es tu, quóniam bonórum meórum non egés.

Sanctis, qui sunt in terra ejus, \* mirificávit omnes voluntátes meas in eis.

Multiplicátae sunt infirmitátes eórum : \* póstea acceleráverunt.



Non congregábo conventí-  
cula eórum de sanguínibus : \*  
nec memor ero nóminum eó-  
rum per lábia mea.

Dóminus pars hereditátis  
meae, et cálicis mei : \* tu es,  
qui restítues hereditátem meam  
mihi.

Funes cecidérunt mihi in  
praecláris : \* étenim heréditas  
mea praeclára est mihi.

Benedícam Dóminum, qui  
tribuit mihi intelléctum : \*  
ínsuper et usque ad noctem  
increpuérunt me renes mei.

Providébam Dóminum in  
conspéctu meo semper : \* quó-  
niam a dextris est mihi, ne  
commóvear.

Propter hoc laetátum est  
cor meum, et exsultávit lingua  
mea : \* însuper et caro mea  
requiescet in spe.

Quóniam non derelínques  
ánimam meam in inférno : \*  
nec dabis sanctum tuum vidé-  
re corruptiónem.

Notas mihi fecísti vias vi-  
tæ, et adimplébis me laetítia  
cum vultu tuo : \* delectatiónes  
in dextera tua usque in finem.

A Domin. j. post Octavam  
Epiph. usque ad Domin. in  
Passione exclus. super Ps.  
Aña. Bonórum meórum non  
índiges, in te sperávi, consérva  
me Dómine.

A Domin. j. post Oct. Trinit.  
usque ad Adv. exclus. super Ps.  
Aña. Natúrae génitor consérva  
a morte redéptos : facque tuo  
dignos servítio fámulos.

Psalmus 16.

**E**XAUDI Dómine justí-  
tiam meam : \* inténde de-  
precatiónem meam.

Auribus pécipe oratióem  
meam, \* non in lábiis dolósis.

De vultu tuo iudícium meum  
pródeat : \* óculi tui vídeant  
aequitates.

Probásti cor meum, et visi-  
tásti nocte : \* igne me exami-  
násti, et non est invénta in me  
iníquitas.

Ut non loquátur os meum  
ópera hóminum : \* propter  
verba labiórum tuórum ego  
custodívi vias duras.

Pérfice gressus meos in sé-  
mitis tuis : \* ut non moveán-  
tur vestígia mea.

Ego clamávi, quóniam ex-  
audísti me Deus : \* inclína  
aurem tuam mihi, et exáudi  
verba mea.

Mirífica misericórdias tuas, \*  
qui salvos facis sperántes in  
te.

A resisténtibus dexterae  
 tuae custódi me, \* ut pupíllam  
óculi.

Sub umbra alárum tuárum  
prótege me : \* a fácie impió-  
rum qui me afflixérunt.

Inimíci mei ánimam meam  
circumdedérunt, et ádipem  
suum conclusérunt : \* os eó-  
rum locútum est supérbiam.

Projiciéntes me nunc cir-  
cumdedérunt me : \* óculos  
suos statuérunt declináre in  
terram.

Susceperunt me sicut leo parátus ad praedam : \* et sicut cátilus leónis hábitans in ábditis.

Exsúrge Dómine, praeveni eum, et supplánta eum : \* éripe ánimam meam ab ímpio, frámeam tuam ab inimícis manus tuae.

Dómine a paucis de terra dívide eos in vita eórum : \* de absconditis tuis adimplétus est venter eórum.

Saturáti sunt fíliis : \* et dimiserunt relíquias suas párvulis suis.

Ego autem in justítia apparebo conspéctui tuo : \* satiábor cum apparúerit glória tua.

A Domin. j. post Octavam Epiph. usque ad Domin. in Passione exclus. super Ps. Aña. Inclína Dómine aurem tuam mihi, et exáudi verba mea.

A Dom. j. post Oct. Trinit. usque ad Adv. exclusive, super Ps. Aña. Péctora nostra tibi tu Cónditor orbis adúre : igne pio purgans, atque cremándo probans.

Psalmus 17.

**D**ILIGAM te Dómine fortitúdo mea : \* Dóminus firmaméntum meum, et refúgium meum, et liberátor meus.

Deus meus adjútor meus, \* et sperábo in eum.

Protéctor meus, et cornu

salútis meae, \* et suscéptor meus.

Laudans invocábo Dóminum : \* et ab inimícis meis salvus ero.

Circumdedérunt me dolóres mortis : \* et torréntes iniquitátis conturbavérunt me.

Dolóres inférni circumdedérunt me : \* praeoccupavérunt me láquei mortis.

In tribulatióne mea invocávi Dóminum, \* et ad Deum meum clamávi :

Et exaudivit de templo sancto suo vocem meam : \* et clamor meus in conspéctu ejus, introívit in aures ejus.

Commóta est, et contrémuit terra : ꝫ fundaménta móntium conturbáta sunt, et commóta sunt, \* quóniam irátus est eis.

Ascéndit fumus in ira ejus : ꝫ et ignis a fácie ejus exársit : \* carbónes succénsi sunt ab eo.

Inclinávit caelos, et descendit : \* et calígo sub pédibus ejus.

Et ascéndit super Chérubim, et volávit : \* volávit super pennas ventórum.

Et pósuit ténebras latíbulum suum, ꝫ in circúitu ejus tabernáculum ejus : \* tenebrósa aqua in núbibus áeris.

Prae fulgóre in conspéctu ejus nubes transiérunt, \* grando et carbónes ignis.

Et intónuit de caelo Dóminus, ꝫ et Altíssimus dedit vocem suam : \* grando et carbónes ignis.

Et misit sagittas suas, et dissipavit eos : \* fulgura multiplicavit, et conturbavit eos.

Et apparuerunt fontes aquarum, \* et revelata sunt fundamenta orbis terrarum :

Ab increpatione tua Domine, \* ab inspiratione spiritus irae tuae.

Misit de summo, et accepit me : \* et assumpsit me de aquis multis.

Erípuít me de inimícis meis fortíssimis, et ab his qui odérunt me : \* quóniam confortáti sunt super me.

Praevenérunt me in die afflictiónis meae : \* et factus est Dóminus protéctor meus.

Et edúxit me in latitúdinem : \* salvum me fecit, quóniam vóluit me.

Et retríbuet mihi Dóminus secúndum justítiam meam, \* et secúndum puritátem mánuum meárum retríbuet mihi :

Quia custodívi vias Dómini, \* nec ímpie gessi a Deo meo.

Quóniam ómnia judícia ejus in conspéctu meo : \* et justítias ejus non répulí a me.

Et ero immaculátus cum eo : \* et observábo me ab iniquitáte mea.

Et retríbuet mihi Dóminus secúndum justítiam meam : \* et secúndum puritátem mánuum meárum in conspéctu oculórum ejus.

Cum sancto sanctus eris, \* et cum viro innocénte innocens eris :

Et cum elécto eléctus eris : \* et cum perverso pervertéris.

Quóniam tu pópulum húmílem salvum fácies : \* et óculos superbórum humiliábis.

Quóniam tu illúminas lucérnam meam Dómine : \* Deus meus illúmina ténebras meas.

Quóniam in te erípiar a tentatióne, \* et in Deo meo transgrédíar murum.

Deus meus impollúta via ejus : et elóquia Dómini igne examináta : \* protéctor est ómnium sperántium in se.

Quóniam quis Deus praeter Dóminum? \* aut quis Deus praeter Deum nostrum?

Deus qui praecínxit me virtúte : \* et pósuit immaculátam viam meam.

Qui perfécit pedes meos tamquam cervórum, \* et super excélsa státuens me.

Qui docet manus meas ad proelium : \* et posuísti, ut arcum aereum, bráchia mea.

Et dedísti mihi protectiódinem salútis tuae : \* et dextera tua suscepit me :

Et disciplína tua corréxit me in finem : \* et disciplína tua ipsa me docébit.

Dilatásti gressus meos subtus me : \* et non sunt infirmáta vestígia mea :

Pérsequar inimícos meos, et comprehéndam illos : \* et non convértar donec deficiant.

Confríngam illos, nec póterunt stare : \* cadent subtus pedes meos.

Et praecinxisti me virtute ad bellum : \* et supplantasti insurgentes in me subtus me.

Et inimicos meos dedisti mihi dorsum, \* et odientes me disperdidisti.

Clamaverunt, nec erat qui salvos faceret, ad Dominum : \* nec exaudivit eos.

Et comminuum eos, ut pulverem ante faciem venti : \* ut lutum platearum delebo eos.

Erípies me de contradíctiõnibus pópuli : \* constítues me in caput géntium.

Pópulus, quem non cognóvi, servívit mihi : \* in audítu auris obedívit mihi.

Fílii aliéni mentísti sunt mihi, ⁊ fílii aliéni inveteráti sunt, \* et claudicavérunt a sémitis suis.

Vivit Dóminus, et benedíctus Deus meus, \* et exaltétur Deus salutis meae.

Deus qui das vindíctas mihi, ⁊ et subdis pópulos sub me, \* liberátor meus de inimícis meis iracúndis.

Et ab insurgéntibus in me exaltábis me : \* a viro iníquo erípies me.

Proptérea confitébor tibi in natióibus Dómine : \* et nómini tuo psalmum dicam,

Magníficans salútes regis ejus, ⁊ et fáciens misericórdiam christo suo David, \* et sémini ejus usque in saeculum.

A Domin. j. Adv. usque ad Nat. Dom. excl. super Ps. Aña. Hora est jam nos de somno súr-

gere, et apérti sunt óculi nostri súrgerere ad Christum : quia lux vera est fulgens in mundo.

℣. Egrediétur virga de radíce Jesse. R̃. Et flos de radíce ejus ascéndet.

A Dom. j. post Oct. Epiph. usque ad Dom. in Pass. excl. sup. Ps. Aña. Dóminus firmaméntum meum, et refúgium meum.

Usque ad Quadrag. ℣. Média nocte surgébam ad confiténdum tibi. R̃. Super judícia justificatiónis tuae.

A Dom. j. Quadrag. usque ad Dom. in Pass. ℣. Ipse liberávit me de láqueo venántium. R̃. Et a verbo áspero.

Domin. in Passione, et in Ramis, super Ps. Aña. Mittens haec múlter in corpus meum hoc unguéntum, ad sepeliéndum me fecit.

℣. De ore leónis líbera me Dómine. R̃. Et a córnibus unicórnium humilitátem meam.

A Domin. j. post Oct. Trinit. usque ad Adv. exclus. super Ps. Aña. Tu pópulum húmílem salvásti a morte Redémptor : atque supérba tuo colla premis jáculo.

℣. Média nocte. etc.

### IN III. NOCTURNO.

Psalmus 18.



AELI enarrant glóriam Dei, \* et ópera mánuum ejus annúntiat firmaméntum.

Dies diéi erúctat verbum, \* et nox nocti índicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo caelo egressio ejus :

Et occúrsus ejus usque ad summum ejus : \* nec est qui se abscondat a calóre ejus. \*

Lex Dómini immaculáta convértens ánimas : \* testimoniúm Dómini fidéle, sapiéntiam præstans párvulis.

Justítiae Dómini rectæ, laetificántes corda : \* præcéptum Dómini lúcidum, illúminans óculos.

Timor Dómini sanctus, permanens in saeculum saeculi : \* judícia Dómini vera, justificáta in semetípse.

Desiderabília super aurum et lápidem pretiósus multum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delícta quis intélligit? et ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delícto máximo.

Et erunt ut compláceant elóquia oris mei : \* et meditátio cordis mei in conspéctu tuo semper.

Dómine adjútor meus, \* et redémptor meus.

A Domin. j. post Oétavam Epiph. usque ad Domin. in Passione exclusive, super Psalmos Aña. Non sunt loquélæ, neque sermónes, quorum non audiántur voces eórum.

A Domin. j. post Oét. Trinit. usque ad Adv. exclus. super Ps. Aña. Sponsus ut e thálamo, procéssit Christus in orbem, descéndens caelo jure salutífero.

Psalmus 19.

**E**XAUDIAT te Dóminus in die tribulatiónis : \* próteget te nomen Dei Jacob.

Mittat tibi auxílium de sancto : \* et de Sion tueátur te.

Memor sit omnis sacrificii tui : \* et holocáustum tuum pingue fiat.

Tríbuat tibi secúndum cor tuum : \* et omne consílium tuum confírmet.

Laetábimur in salutári tuo : \* et in nómine Dei nostri magnificábimur.

Impleat Dóminus omnes petitiónes tuas : \* nunc cognóvi quóniam salvum fecit Dóminus Christum suum.

Exáudiet illum de caelo sancto suo : \* in potentátibus salus dexteræ ejus.



Hi in cúrribus, et hi in equis : \* nos autem in nómine Dómini Dei nostri invocábimus.

Ipsi obligáti sunt, et cecidérunt : \* nos autem surréximus et erécti sumus.

Dómine salvum fac regem : \* et exáudi nos in die, qua invocáverimus te.

A Domin. j. post Oétavam Epiph. usque ad Domin. in Passione exclusive, super Ps. Aña. Exáudiat te Dóminus in die tribulatiónis.

A Domin. j. post Oétavam Trinit. usque ad Adv. exclus. super Ps. Aña. Auxílium nobis Salvátor mitte salutis : et tríbuas vitam témpore perpétuo.

Psalmus 20.

**D**OMINE in virtúte tua laetábitur rex : \* et super salutáre tuum exsultábit vehementer.

Desidérium cordis ejus tribuísti ei : \* et voluntáte labiórum ejus non fraudásti eum.

Quóniam praevenísti eum in benedictiόνibus dulcédinis : \* posuísti in cápite ejus coronam de lápide pretiósó.

Vitam pétiit a te : \* et tribuísti ei longitudínem diérum in saeculum, et in saeculum saeculi.

Magna est glória ejus in salutári tuo : \* glóriam et magnum decórem impónes super eum.

Quóniam dabis eum in benedictiόνem in saeculum sae-

culi : \* laetificábis eum in gáudio cum vultu tuo.

Quóniam rex sperat in Dómino : \* et in misericórdia Altíssimi non commovébitur.

Inveniátur manus tua ómnibus inimícis tuis : \* dextera tua invéniat omnes, qui te odérunt.

Pones eos ut clíbanum ignis in témpore vultus tui : \* Dóminus in ira sua conturbábit eos, et devorábit eos ignis.

Fructum eórum de terra perdes : \* et semen eórum a filiis hóminum.

Quóniam declinavérunt in te mala ; \* cogitavérunt consília, quae non potuérunt stabilíre.

Quóniam pones eos dorsum : \* in relíquiis tuis prae-parábis vultum eórum.

Exaltáre Dómine in virtúte tua : \* cantábimus et psallémus virtútes tuas.

A Dominica j. Adventus usque ad Nativitatem Domini exclusive, super Psalm. Aña. Nox praecéssit, dies autem appropinquávit : abjiciámus ergo ópera tenebrárum, et induámur arma lucis, sicut in die honéste ambulémus.

℣. Egrediétur Dóminus de loco sancto suo. ℞. Véniet, ut salvet pópulum suum.

A Domin. j. post Oétavam Epiph. usque ad Domin. in Passione exclusive, super Ps. Aña. Dómine in virtúte tua laetábitur rex.

Usque ad Quadrag. V. Exaltáre Dómine in virtúte tua. R. Cantábimus et psallémus virtútes tuas.

A Domin. j. Quadrag. usque ad Dom. in Pass. V. Scápolis suis obumbrábit tibi. R. Et sub pennis ejus sperábis.

Domin. in Passione, et in Ramis, super Psalm. Añá. Magíster dicit : Tempus meum prope est : apud te fácio Pascha cum discípulis meis.

V. Ne perdas cum ímpiis Deus ánimam meam. R. Et cum viris sánguinem vitam meam.

A Domin. j. post Oct. Trinit. usque ad Adv. exclus. super Ps. Añá. Rex sine fine manens, míseris tu parce ruínis : prae-mia concédens, et tua cuncta regens.

V. Exaltáre Dómine. etc.

#### IN LAUDIBUS.

Dominicis diebus ab Octava Epiph. usque ad Septuag. exclus. et a Dom. j. post Oct. Trinit. usque ad Adv. quando de Dom. agitur, in Laud. super Psalmos Añá. Regnávít Dóminus praecínctus fortitúdine cum decóre virtútum : cujus sedes paráta est in aetérnum.

Psalmi ut in Comuni Apostolorum, exceptis Domin. a Septuag. usque ad Domin. Palm. inclusive.

#### AD PRIMAM.

In Domin. a Septuag. incipiendo, usque ad Domin. in

Ramis Palm. inclus. dicuntur sequentes Psalmi.

#### Psalmus 21.



**D**EUS Deus meus respice in me : quare me dereliquísti? \* longe a salúte mea verba delictórum meórum.

Deus meus clamábo per diem, et non exáudies : \* et nocte, et non ad insipiéntiam mihi.

Tu autem in sancto hábitas, \* laus Israél.

In te speravérunt patres nostri : \* speravérunt, et liberásti eos.

Ad te clamavérunt, et salvi facti sunt : \* in te speravérunt, et non sunt confúsi.

Ego autem sum vermis, et non homo : \* oppróbrium hóminum, et abjéctio plebis.

Omnes vidéntes me, derisérunt me : \* locúti sunt lábiis, et movérunt caput.

Sperávit in Dómino, erípiat eum : \* salvum fáciat eum, quóniam vult eum.

Quóniam tu es, qui extraxísti me de ventre : \* spes mea ab ubéribus matris meae.

In te projéctus sum ex útero : ⁊ de ventre matris meae Deus meus es tu, \* ne discéseris a me :

Quóniam tribulátio próxima est : \* quóniam non est qui adjuvet.

Circumdedérunt me vítuli multi : \* tauri pingues obsederunt me.

Aperuerunt super me os suum, \* sicut leo rapiens et rugiens.

• Sicut aqua effusus sum : \* et dispersa sunt omnia ossa mea.

Factum est cor meum tamquam cera liquescens \* in medio ventris mei.

Aruit tamquam testa virtus mea, et lingua mea adhaesit faucibus meis : \* et in pulverem mortis deduxisti me.

Quoniam circumdederunt me canes multi : \* concilium malignantium obsedit me.

Foderunt manus meas et pedes meos : \* dinumeraverunt omnia ossa mea.

Ipsi vero consideraverunt et inspexerunt me : \* divisérunt sibi vestimenta mea, et super vestem meam miserunt sortem.

Tu autem Domine ne elongáveris auxilium tuum a me : \* ad defensionem meam conspice.

Erue a fratre Deus animam meam : \* et de manu canis unicam meam.

Salva me ex ore leonis : \* et a cornibus unicornium humilitatem meam.

Narrabo nomen tuum fratribus meis : \* in medio ecclesiae laudabo te.

Qui timetis Dominum laudate eum : \* universum semen Jacob glorificate eum :

Tímeat eum omne semen Israël : \* quoniam non spre-

vit, neque despexit deprecacionem pauperis :

Nec avertit faciem suam a me : \* et cum clamarem ad eum exaudivit me.

Apud te laus mea in ecclesia magna : \* vota mea reddam in conspectu timéntium eum.

Edent pauperes, et saturabuntur : et laudabunt Dominum qui requirunt eum : \* vivent corda eorum in saeculum saeculi.

Remiscéntur et converténtur ad Dominum \* universi fines terrae :

Et adorabunt in conspectu ejus \* universae familiae gentium.

Quoniam Domini est regnum : \* et ipse dominabitur gentium.

Manducaverunt et adoraverunt omnes pingues terrae : \* in conspectu ejus cadent omnes qui descendunt in terram.

Et anima mea illi vivet : \* et semen meum serviet ipsi.

Annuntiabitur Domino generatio ventúra : \* et annuntiabunt caeli justitiam ejus populo qui nascetur, quem fecit Dominus.

Psalmus 22.

**D**OMINUS regit me, et nihil mihi déerit : \* in loco pascuae ibi me collocavit.

Super aquam refectiōnis educavit me : \* animam meam convertit.

Dedúxit me super sémitas justítiae, \* propter nomen suum.

Nam, et si ambulávero in médio umbrae mortis, non timébo mala : \* quóniam tu mecum es.

Virga tua, et báculo tuus, \* ipsa me consoláta sunt.

Parásti in conspéctu meo mensam, \* advérsus eos, qui trébulant me.

Impinguásti in óleo caput meum : \* et calix meus inébrians quam praeclárus est!

Et misericórdia tua subsequétur me \* ómnibus diébus vitae meae :

Et ut inhábitem in domo Dómini, \* in longitúdinem diérum.

Glória Patri.

Psalmus 23.

**D**OMINI est terra, et plenitúdo ejus : \* orbis terrárum, et univérsi, qui hábitant in eo.

Quia ipse super mária fundávit eum : \* et super flúmina praeparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, et qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Haec est generátio quaerén-

tium eum, \* quaeréntium fáciem Dei Jacob.

Attóllite portas príncipes vestras, et elevámini portae aeternáles : \* et introíbit rex glóriæ.

Quis est iste rex glóriæ? \* Dóminus fortis et potens : Dóminus potens in proelio.

Attóllite portas príncipes vestras, et elevámini portae aeternáles : \* et introíbit rex glóriæ.

Quis est iste rex glóriæ? \* Dóminus virtútum ipse est rex glóriæ.

Psalmus 24.

**A**D te Dómine levávi ánimam meam : \* Deus meus in te confído, non erubescam :

Neque irrídeant me inimíci mei : \* étenim univérsi, qui sústinent te, non confundén-  
tur.

Confundántur omnes iníqua agéntes \* supervácue.

Vias tuas Dómine demónstra mihi : \* et sémitas tuas édoce me.

Dírige me in veritáte tua, et doce me : \* quia tu es Deus salvátor meus, et te sustínui tota die.

Reminíscere miseratiónum tuárum Dómine, \* et misericordiárum tuárum, quae a saeculo sunt.

Delícta juventútis meae, \* et ignorántias meas ne memín-  
neris.

Secúndum misericórdiam tuam meménto mei tu : \* propter bonitátem tuam Dómine.

Dulcis et rectus Dóminus : \* propter hoc legem dabit delinquentibus in via.

Díriget mansuétos in iudicio : \* docébit mites vias suas.

Univérsae viae Dómini, misericórdia et véritas, \* requiréntibus testaméntum ejus et testimónia ejus.

Propter nomen tuum Dómine propitiáberis peccáto meo : \* multum est enim.

Quis est homo qui timet Dóminum? \* legem státuit ei in via, quam elégit.

Anima ejus in bonis demorábitur : \* et semen ejus hereditábit terram.

Firmaméntum est Dóminus timéntibus eum : \* et testaméntum ipsíus ut manifestétur illis.

Oculi mei semper ad Dóminum : \* quóniam ipse évéllet de láqueo pedes meos.

Réspice in me, et miserére mei : \* quia únicus et pauper sum ego.

Tribulatiónes cordis mei multiplicatae sunt : \* de necessitatibus meis érué me.

Vide humilitátem meam, et labórem meum : \* et dimítte univérsa delícta mea.

Réspice inimícos meos quóniam multiplicáti sunt, \* et ódio iníquo odérunt me.

Custódi ánimam meam, et érué me : \* non erubéscam quóniam sperávi in te.

Innocéntes et recti adhaeserunt mihi : \* quia sustínui te.

Líbera Deus Israël, \* ex ómnibus tribulatióibus suis. Glória Patri.

Psalmus 25.

**J**UDICA me Dómine, quóniam ego in innocéntia mea ingressus sum : \* et in Dómino sperans non infirmabor.

Proba me Dómine, et tenta me : \* ure renes meos et cor meum.

Quóniam misericórdia tua ante óculos meos est : \* et complácu in veritáte tua.

Non sedi cum concílio vanitátis : \* et cum iníqua geréntibus non introibo.

Odívi ecclésiám malignántium : \* et cum ímpiis non sedébo.

Lavábo inter innocéntes manus meas : \* et circúmdabo altáre tuum Dómine :

Ut áudiam vocem laudis, \* et enárrem univérsa mirabília tua.

Dómine diléxi decórem domus tuae, \* et locum habitatióis glóriæ tuæ.

Ne perdas cum ímpiis Deus ánimam meam, \* et cum viris sanguínum vitam meam :

In quorum mánibus iniquitátes sunt : \* dextera eórum repléta est munéribus.

Ego autem in innocéntia mea ingressus sum : \* rédime me, et miserére mei.

Pes meus stetit in dirécto : \* in ecclésiis benedicam te Dómine.

Psalm. 53. Deus in nómine tuo. cum Glória Patri. pag. 42.

Psalm. 92. Dóminus regnávít, decórem. sine Glória Patri. pag. 73.

Psalm. 118. Beáti immaculáti. cum Glória Patri. pag. 94.

Psalm. 118. Retribue. cum Glória Patri. pag. 94.

Symbolum. Quicúmque. cum Glória Patri. pag. 125.

## FERIA SECUNDA.

### AD MATUTINUM.

Invitatorium. Veníte, \* Exsultémus Dómino.

Quo dicto, sequitur *V.* Jubilémus Deo. etc.

In hac, et aliis Feriis sequentibus, Psalmi in Matut. notati, bini et bini terminantur per *V.* Glória Patri.

Psalmus 26.



DÓMINUS illuminátio mea, et salus mea, \* quem timébo?

Dóminus protéctor vitæ meæ, \* a quo trepidábo?

Dum apprópíant super me nocéntes, \* ut edant carnes meas :

Qui tríbulant me inimíci mei, \* ipsi infirmáti sunt et cecidérunt.

Si consístant advérsus me castra, \* non timébit cor meum.

Si exsúrgat advérsus me proelium, \* in hoc ego sperábo.

Unam pétii a Dómino, hanc requíram, \* ut inhábitem in domo Dómini ómnibus diébus vitæ meæ :

Ut vídeam voluptátem Dómini, \* et visitem templum ejus.

Quóniam abscondit me in tabernáculo suo : \* in die malórum protéxit me in abscondito tabernáculi sui.

In petra exaltávit me : \* et nunc exaltávit caput meum super inimícos meos.

Circuíví, et immolávi in tabernáculo ejus hóstiám vociferatiónis : \* cantábo, et psalmum dicam Dómino.

Exáudi Dómine vocem meam, qua clamávi ad te : \* miserére mei, et exáudi me.

Tibi dixit cor meum, \* exquísívit te fácies mea : \* fáciem tuam Dómine requíram.

Ne avértas fáciem tuam a me : \* ne declínes in ira a servo tuo.

Adjútor meus esto : \* ne derelínquas me, neque despícias me Deus salutáris meus.

Quóniam pater meus, et mater mea dereliquérunt me : \* Dóminus autem assúmpsit me.

Legem pone mihi Dómine in via tua : \* et dirige me in sémitam rectam propter inimícos meos.



Ne tradíderis me in ánimas tribulántium me : \* quóniam insurrexérunt in me testes iníqui, et mentíta est iníquitas sibi.

Credo vidére bona Dómini \* in terra vivéntium.

Exspécta Dóminum, viríliter age : \* et confortétur cor tuum, et sústine Dóminum.

Psalmus 27.

**A**D te Dómine clamábo, ⁊ Deus meus ne síleas a me : \* nequándo táceas a me, et assimilábor descendéntibus in lacum.

Exáudi Dómine vocem deprecationis meae dum oro ad te : \* dum extóllo manus meas ad templum sanctum tuum.

Ne simul trahas me cum peccatóribus : \* et cum operántibus iniquitátem ne perdas me :

Qui loquúntur pacem cum próximo suo, \* mala autem in córdibus eórum.

Da illis secúndum ópera eórum, \* et secúndum nequítiam adinventiónum ipsórum.

Secúndum ópera mánuum eórum tríbue illis : \* redde retributióem eórum ipsis.

Quóniam non intellexérunt ópera Dómini, \* et in ópera mánuum ejus déstrues illos, et non ædificábis eos.

Benedíctus Dóminus : \* quóniam exaudivit vocem deprecationis meae.

Dóminus adjútor meus, et protéctor meus : \* in ipso sperávit cor meum, et adjútus sum.

Et reflóruit caro mea : \* et ex voluntáte mea confitébor ei.

Dóminus fortitúdo plebis suae : \* et protéctor salvatiónum Christi sui est.

Salvum fac pópulum tuum Dómine, ⁊ et bénedic hereditáti tuae : \* et rege eos, et extólle illos usque in aetérnum.

Antiphona. Dóminus defén-  
sor vitae meae.

Psalmus 28.

**A**FFERTE Dómino filii Dei : \* afférte Dómino fílios aríetum :

Afférte Dómino glóriam et honórem, ⁊ afférte Dómino glóriam nómini ejus : \* adoráte Dóminum in átrio sancto ejus.

Vox Dómini super aquas, ⁊ Deus majestátis intónuit : \* Dóminus super aquas multas.

Vox Dómini in virtúte : \* vox Dómini in magnificéntia.

Vox Dómini confringéntis cedros : \* et confrínget Dóminus cedros Líbani :

Et commínuet eas tamquam vítulum Líbani : \* et diléctus quemádmódum fílius unicór-  
nium.

Vox Dómini intercidentis flammam ignis : ⁊ vox Dómini concutiéntis désertum : \* et commovébit Dóminus désertum Cades.

Vox Dómini præparántis cervos, ⁊ et revelábit condénsa : \* et in templo ejus omnes dicent glóriam.

Dóminus dilúvium inhabitáre facit : \* et sedébit Dóminus rex in aetérnum.

Dóminus virtútem pópulo suo dabit : \* Dóminus benedícet pópulo suo in pace.

Psalmus 29.

**E**XALTABO te Dómine quóniam suscepisti me : \* nec delectásti inimícos meos super me.

Dómine Deus meus clamávi ad te, \* et sanásti me.

Dómine eduxísti ab inférno ánimam meam : \* salvásti me a descendéntibus in lacum.

Psállite Dómino sancti ejus : \* et confitémini memóriæ sanctitátis ejus.

Quóniam ira in indignatióne ejus : \* et vita in voluntáte ejus.

Ad vésperum demorábitur fletus : \* et ad matutínum lætítia.

Ego autem dixi in abundántia mea : \* Non movébor in aetérnum.

Dómine in voluntáte tua, \* praestitísti decóri meo virtútem.

Avertísti fáciem tuam a me, \* et factus sum conturbátus.

Ad te Dómine clamábo : \* et ad Deum meum deprecabor.

Quae utilitas in ságuine meo, \* dum descéndo in corruptiódinem?

Numquid confitébitur tibi pulvis, \* aut annuntiábit veritátem tuam?

Audívit Dóminus, et misértus est mei : \* Dóminus factus est adjútor meus.

Convertísti planctum meum in gáudium mihi : \* conscidísti saccum meum, et circumdedísti me lætítia :

Ut cantet tibi glória mea, et non compúngar : \* Dómine Deus meus in aetérnum confitébor tibi.

Aññ. Adoráte Dóminum in aula sancta ejus.

Psalmus 30.

**I**N te Dómine sperávi, non confúndar in aetérnum : \* in justítia tua líbera me.

Inclína ad me aurem tuam, \* accélera ut éruas me.

Esto mihi in Deum protectórem : ⁊ et in domum refúgii, \* ut salvum me fácias.

Quóniam fortitúdo mea, et refúgium meum es tu : \* et propter nomen tuum dedúces me, et enútries me.

Edúces me de láqueo hoc, quem abscondérunt mihi : \* quóniam tu es protéctor meus.

In manus tuas comméndo spíritum meum : \* redemísti me Dómine Deus veritátis.

Odísti observátes vanitátes, \* supervácue.

Ego autem in Dómino sperávi : \* exsultábo, et laetábor in misericórdia tua.

Quóniam respexísti humilitátem meam, \* salvásti de necessitatibus ánimam meam.

Nec conclusísti me in máni-  
bus inimíci : \* statuísti in loco  
spatióso pedes meos.

Miserére mei Dómine quóniam  
tribulor : \* conturbátus  
est in ira óculus meus, ánima  
mea, et venter meus :

Quóniam defécit in dolore  
vita mea : \* et anni mei in  
gemítibus.

Infirmáta est in paupertáte  
virtus mea : \* et ossa mea  
conturbáta sunt.

Super omnes inimícos meos  
factus sum oppróbrium et vic-  
cínis meis valde : \* et timor  
notis meis.

Qui vidébant me, foras fugé-  
runt a me : \* oblivióni datus  
sum, tamquam mórtuus a  
corde.

Factus sum tamquam vas  
pérditum : \* quóniam audívi  
vituperatióem multórum com-  
morántium in circúitu :

In eo dum convenírent  
simul advérsus me, \* accí-  
pere ánimam meam consiliáti  
sunt.

Ego autem in te sperávi  
Dómine : \* dixi : Deus meus  
es tu : in mánibus tuis sortes  
meae.

Eripe me de manu inimicó-  
rum meórum, \* et a persecúen-  
tibus me.

Illústra faciém tuam super  
servum tuum, et salvum me fac  
in misericórdia tua : \* Dómine  
non confúndar, quóniam invo-  
cávi te.

Erubéscant impii, et dedu-  
cántur in inférnum : \* muta  
fiant lábia dolósa.

Quae loquúntur advérsus  
justum iniquitátem, \* in supér-  
bia, et in abusióne.

Quam magna multitúdo dul-  
cedínis tuae Dómine, \* quam  
abscondísti timéntibus tel

Perfecísti eis, qui sperant  
in te, \* in conspéctu filiórum  
hóminum.

Abscóndes eos in abscondi-  
to faciúi tuae \* a conturbatióne  
hóminum.

Próteges eos in tabernáculo  
tuo \* a contradicţióne linguá-  
rum.

Benedíctus Dóminus : \*  
quóniam mirificávit misericór-  
diam suam mihi in civitáte  
muníta.

Ego autem dixi in ex-  
césu mentis meae : \* Projé-  
ctus sum a fácie oculórum tuó-  
rum.

Ideo exaudísti vocem ora-  
tiónis meae, \* dum clamárem  
ad te.

Dilígite Dóminum omnes  
sancti ejus : \* quóniam veritá-  
tem requíret Dóminus, et re-  
tribuet abundánter faciéntibus  
supérbiam.

Viríliter ágite, et confortétur  
cor vestrum, \* omnes qui spe-  
rátis in Dómino.

Psalmus 31.

**B**EATI quorum remissae sunt iniquitates : \* et quorum tecta sunt peccata.

Beatus vir, cui non imputavit Dominus peccatum, \* nec est in spiritu ejus dolus.

Quoniam tacui, inveteraverunt ossa mea, \* dum clamarem tota die.

Quoniam die ac nocte gravata est super me manus tua : \* conversus sum in aerumna mea, dum configitur spina.

Delictum meum cognitum tibi feci : \* et injustitiam meam non abscondi.

Dixi : Confitebor adversum me injustitiam meam Domino : \* et tu remisisti impietatem peccati mei.

Pro hac orabit ad te omnis sanctus, \* in tempore opportuno.

Verumtamen in diluvio aquarum multarum, \* ad eum non approximabunt.

Tu es refugium meum a tribulatione, quae circumdedit me : \* exultatio mea erue me a circumdantibus me.

Intellectum tibi dabo, et instruam te in via hac, qua gradieris : \* firmabo super te oculos meos.

Nolite fieri sicut equus et mulus, \* quibus non est intellectus.

In camo et freno maxillas eorum contringe, \* qui non appropinquamus ad te.

Multa flagella peccatoris, \* sperantem autem in Domino misericordia circumdabit.

Laetamini in Domino et exultate justi, \* et gloriamini omnes recti corde.

Añā. In tua justitia libera me Domine.

Psalmus 32.

**E**XSULTATE justi in Domino : \* rectos decet collaudatio.

Confitemini Domino in cithara : \* in psalterio decem chordarum psallite illi.

Cantate ei canticum novum : \* bene psallite ei in vociferatione.

Quia rectum est verbum Domini, \* et omnia opera ejus in fide.

Diligit misericordiam et iudicium : \* misericordia Domini plena est terra.

Verbo Domini caeli firmati sunt : \* et spiritu oris ejus omnis virtus eorum.

Congregans sicut in utre aquas maris : \* ponens in thesauris abyssos.

Tímeat Dominum omnis terra : \* ab eo autem commoveantur omnes inhabitantes orbem.

Quoniam ipse dixit, et facta sunt : \* ipse mandavit, et creata sunt.

Dominus dissipat consilia gentium : \* reprobat autem cogitationes populorum, et reprobat consilia principum.

Consílium autem Dómini in aetérnum manet : \* cogitationes cordis ejus in generatione et generationem.

Beáta gens, cujus est Dóminus, Deus ejus : \* pópulus, quem elégit in hereditatem sibi.

De caelo respéxit Dóminus : \* vidit omnes fílios hóminum.

De praeparáto habitáculo suo \* respéxit super omnes, qui hábitant terram.

Qui finxit singillátim corda eórum : \* qui intélligit ómnia ópera eórum.

Non salvátur rex per multam virtútem : \* et gigas non salvábitur in multitudíne virtútis suae.

Fallax equus ad salútem : \* in abundántia autem virtútis suae non salvábitur.

Ecce óculi Dómini super metuéntes eum : \* et in eis, qui sperant super misericórdia ejus.

Ut éruat a morte ánimas eórum : \* et alat eos in fame.

Anima nostra sústinet Dóminum : \* quóniam adjútor et protéctor noster est.

Quia in eo laetábitur cor nostrum : \* et in nómine sancto ejus sperávimus.

Fiat misericórdia tua Dómine super nos : \* quemádmódum sperávimus in te.

Psalmus 33.

**B**ENEDICAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuétí, et laeténtur.

Magnificáte Dóminum mecum : \* et exaltémus nomen ejus in idípsum.

Exquisívi Dóminum, et exaudivit me : \* et ex ómnibus tribulationibus meis erípuit me.

Accédite ad eum, et illuminámini : \* et fácies vestrae non confundéntur.

Iste pauper clamávit, et Dóminus exaudivit eum : \* et de ómnibus tribulationibus ejus salvávit eum.

Immíttet Angelus Dómini in circúitu timéntium eum : \* et erípiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Dívites eguérunt et esuriérunt : \* inquiréntes autem Dóminum non minuéntur omni bono.

Veníte fílii, audíte me : \* timórem Dómini docébo vos.

Quis est homo qui vult vitam : \* díligit dies vidére bonos?

Próhibe linguam tuam a malo : \* et lábia tua ne loquántur dolum.

Divérte a malo, et fac bonum : \* inquíre pacem, et perséquare eam.

Oculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multae tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

Aña. Rectos decet collaudá-  
tio.

Psalmus 34.

**J**UDICA Dómine nocéntes me, \* expúgna impugnántes me.

Apprehénde arma et scutum : \* et exsúrge in adjutórium mihi.

Effúnde frámeam, et concúde advérsus eos, qui persequúntur me : \* dic ánimae meae : Salus tua ego sum.

Confundántur et reveceántur, \* quaeréntes ánimam meam.

Avertántur retrórsus, et confundántur \* cogitántes mihi mala.

Fiant tamquam pulvis ante fáciem venti : \* et Angelus Dómini coárctans eos.

Fiat via illórum ténebrae et lúbricum : \* et Angelus Dómini pérsequens eos.

Quóniam gratis abscondérunt mihi intéritum láquei sui : \* supervácue exprobravérunt ánimam meam.

Véniat illi láqueus, quem ignórat : \* et cáptio, quam abscondit, apprehéndat eum : \* et in láqueum cadat in ipsum.

Anima autem mea exsultábit in Dómino : \* et delectábitur super salutári suo.

Omnia ossa mea dicent : \* Dómine, quis símilis tibi?

Erípiens ínopem de manu fortiórum ejus : \* egénium et páuperem a diripiéntibus eum.

Surgéntes testes iníqui, \* quae ignorábam interrogábant me.

Retribuébant mihi mala pro bonis : \* sterilitátem ánimae meae.

Ego autem cum mihi molesti essent, \* induébar cilício.

Humiliábam in jejúnio ánimam meam : \* et orátio mea in sinu meo convertétur.

Quasi próximum, et quasi fratrem nostrum, sic complacébam : \* quasi lugens et contristátus sic humiliábar.

Et advérsus me laetáti sunt, et convenérunt : \* congregáta sunt super me flagélla, et ignorávi.



Dissipáti sunt, nec compúncti, et tentavérunt me, subsannavérunt me subsannatióne : \* frenduérunt super me déntibus suis.

Dómine quando respícies? \* restítue ánimam meam a malignitáte eórum, a leónibus únicam meam.

Confitébor tibi in ecclésia magna, \* in pópulo gravi laudábo te.

Non supergáudeant mihi qui adversántur mihi iníque : \* qui odérunt me gratis et ánnuunt óculis.

Quóniam mihi quidem pacífice loquebántur : \* et in iracúndia terrae loquéntes, dolos cogitábant.

Et dilatavérunt super me os suum : \* dixerunt : Euge, euge, vidérunt óculi nostri.

Vidísti Dómine, ne síleas : \* Dómine ne discédas a me.

Exsúrge et inténde iudício meo : \* Deus meus, et Dóminus meus in causam meam.

Júdica me secúndum justítiam tuam Dómine Deus meus, \* et non supergáudeant mihi.

Non dicant in córdibus suis : Euge, euge, ánimae nostrae : \* nec dicant : Devorávimus eum.

Erubéscant et revearéantur simul, \* qui gratulántur malis meis.

Induántur confusióne et reveréntia \* qui magna loquúntur super me.

Exsúltent et laeténtur qui volunt justítiam meam : \* et dicant semper : Magnificétur Dóminus, qui volunt pacem servi ejus.

Et língua mea meditábitur justítiam tuam, \* tota die laudem tuam.

Psalmus 35.

**D**IXIT injústus ut delínquat in semetípso : \* non est timor Dei ante óculos ejus.

Quóniam dolóse egit in conspéctu ejus : \* ut inveniátur iníquitas ejus ad ódium.

Verba oris ejus iníquitas, et dolus : \* nóluit intellígere ut bene ágeret.

Iniquitátem meditátus est in cubíli suo : et ástitit omni viae non bonae, \* malítiam autem non odívit.

Dómine in caelo misericórdia tua : \* et véritas tua usque ad nubes.

Justítia tua sicut montes Dei : \* iudícia tua abyssus multa.

Hómines, et juménta salvábis Dómine : \* quemádmódum multiplicásti misericórdiam tuam Deus.

Fílii autem hóminum, \* in tégmine alárum tuárum sperábunt.

Inebriabúntur ab ubertáte domus tuae : \* et torrénate voluptátis tuae potábis eos.

Quóniam apud te est fons vitae : \* et in lúmine tuo vidéimus lumen.

Praetende misericórdiam tuam sciéntibus te, \* et justítiam tuam his, qui recto sunt corde.

Non véniat mihi pes superbiae : \* et manus peccatóris non móveat me.

Ibi ceciderunt qui operántur iniquitatem : \* expúlsi sunt, nec potuerunt stare.

Aña. Expúgna impugnántes me.

Psalmus 36.

**N**OLI aemulári in malignántibus : \* neque zeláveris faciéntes iniquitatem.

Quóniam tamquam foenum velóclter aréscent : \* et quemádmódum ólera herbárum cito decident.

Spera in Dómino, et fac bonitatem : \* et inhábita terram, et pascéris in divítiis ejus.

Delectáre in Dómino : \* et dabit tibi petitiónes cordis tui.

Revéla Dómino viam tuam, et spera in eo : \* et ipse faciet.

Et edúcet quasi lumen justítiam tuam : \* et judícium tuum tamquam merídiem : \* súbditus esto Dómino, et ora eum.

Noli aemulári in eo, qui prosperátur in via sua : \* in hómine faciénte injustítias.

Désine ab ira, et derelínque furórem : \* noli aemulári ut malignéris.

Quóniam qui malignántur; exterminabúntur : \* sustinéntes autem Dóminum, ipsi hereditábunt terram.

Et adhuc pusíllum, et non erit peccátor : \* et quares locum ejus, et non invénies.

Mansuéti autem hereditábunt terram, \* et delectabúntur in multitúdine pacis.

Observábit peccátor justum : \* et stridébit super eum déntibus suis.

Dóminus autem irridébit eum : \* quóniam próspect quod véniet dies ejus.

Gládium evaginavérunt peccatóres : \* intendérunt arcum suum,

Ut dejíciant páuperem et inopem : \* ut trucídent rectos corde.

Gládus eórum intret in corda ipsórum : \* et arcus eórum confringátur.

Mélius est módicum justo, \* super divítias peccatórum multas.

Quóniam bráchia peccatórum conteréntur : \* confírmatur autem justos Dóminus.

Novit Dóminus dies immaculatórum : \* et heréditas eórum in aetérnum erit.

Non confundéntur in témpore malo, \* et in diébus famis saturabúntur : \* quia peccatóres períbunt.

Inimíci vero Dómini mox ut honorificáti fúerint et exaltáti : \* deficientes, quemádmódum fumus deficient.

Mutuábitur peccátor, et non solvet : \* justus autem miserétur et tríbuet.

Quia benedicentes ei hereditabunt terram : \* maledicentes autem ei disperibunt.

Apud Dóminum gressus hóminis dirigentur : \* et viam ejus volet.

Cum ceciderit, non collidetur : \* quia Dóminus supponit manum suam.

Júnior fui, etenim sénuí : \* et non vidi justum derelictum, nec semen ejus quaerens pacem.

Tota die miseretur et commodat : \* et semen illius in benedictione erit.

Declina a malo, et fac bonum : \* et inhabita in saeculum saeculi.

Quia Dóminus amat iudicium, et non derelinquet sanctos suos : \* in aeternum conservabuntur.

Injusti punientur : \* et semen impiorum peribit.

Justi autem hereditabunt terram : \* et inhabitabunt in saeculum saeculi super eam.

Os justi meditabitur sapientiam, \* et lingua ejus loquetur iudicium.

Lex Dei ejus in corde ipsius : \* et non supplantabuntur gressus ejus.

Considerat peccator justum : \* et quaerit mortificare eum.

Dóminus autem non derelinquet eum in manibus ejus : \* nec damnabit eum cum iudicabitur illi.

Exspecta Dóminum, et cu-

stodi viam ejus : et exaltabit te ut hereditate capias terram : \* cum perierint peccatores videbis.

Vidi impium superexaltatum, \* et elevatum sicut cedros Libani.

Et transivi, et ecce non erat : \* et quaesivi eum, et non est inventus locus ejus.

Custodi innocentiam, et vide aequitatem : \* quoniam sunt reliquiae hómini pacifico.

Injusti autem disperibunt simul : \* reliquiae impiorum interibunt.

Salus autem justorum a Dómino : \* et protector eorum in tempore tribulationis.

Et adjuvabit eos Dóminus, et liberabit eos : et eruet eos a peccatoribus, \* et salvabit eos : quia speraverunt in eo.

Psalmus 37.

**D**OMINE ne in furóre tuo arguas me, \* neque in ira tua corripas me.

Quoniam sagittae tuae infixae sunt mihi : \* et confirmasti super me manum tuam.

Non est sanitas in carne mea a facie irae tuae : \* non est pax óssibus meis a facie peccatorum meorum.

Quoniam iniquitates meae supergressae sunt caput meum : \* et sicut onus grave gravatae sunt super me.

Putruerunt et corruptae sunt cicatrices meae, \* a facie insipientiae meae.

Miser factus sum, et curvatus sum usque in finem : \* tota die contristatus ingrediebar.

Quoniam lumbi mei implati sunt illusionibus : \* et non est sanitas in carne mea.

Afflictus sum, et humiliatus sum nimis : \* rugiebam a gemitu cordis mei.

Domine, ante te omne desiderium meum : \* et gemitus meus a te non est absconditus.

Cor meum conturbatum est, dereliquit me virtus mea : \* et lumen oculorum meorum, et ipsum non est mecum.

Amici mei, et proximi mei \* adversum me appropinquaverunt, et steterunt.

Et qui juxta me erant, de longe steterunt : \* et vim faciebant qui quaerebant animam meam.

Et qui inquirebant mala mihi, locuti sunt vanitates : \* et dolos tota die meditabantur.

Ego autem tamquam surdus non audiebam : \* et sicut mutus non aperiens os suum.

Et factus sum sicut homo non audiens : \* et non habens in ore suo redargutiones.

Quoniam in te Domine speravi : \* tu exaudies me Domine Deus meus.

Quia dixi : Nequando supergaudeant mihi inimici mei : \* et dum commoventur pedes mei, super me magna locuti sunt.

Quoniam ego in flagella pa-

ratu sum : \* et dolor meus in conspectu meo semper.

Quoniam iniquitatem meam annuntiabo : \* et cogitabo pro peccato meo.

Inimici autem mei vivunt, et confirmati sunt super me : \* et multiplicati sunt qui oderunt me insque.

Qui retribuunt mala pro bonis, detrahebant mihi : \* quoniam sequabar bonitatem.

Ne derelinquas me Domine Deus meus : \* ne discesseris a me.

Intende in adiutorium meum, \* Domine Deus salutis meae.

Añã. Revela Domino viam tuam.

V. Domine in caelo misericordia tua. R. Et veritas tua usque ad nubes.

In Advent. V. Ex Sion. etc.

In Quadrag. V. Dicet Domino. etc.

Tempore Pass. V. Erue a framea. etc.

#### IN LAUDIBUS.

Añã. Misere mei Deus. Ps. ipse 50. pag. 40.

Añã. Intellige clamorem meum Domine. Ps. 5. Verba mea. pag. 4.

Añã. Deus Deus meus, ad te de luce vigilo. Ps. ipse 62. pag. 47. Ps. 66. Deus misereatur. pag. 50.

Añã. Conversus est furor tuus Domine, et consolatus es me. Canticum Confitebor tibi Domine. pag. 118.

Aña. Laudáte Dóminum de caelis. Ps. ipse 148. et ceteri, pag. 115.

Ad Benedictus, Aña. Benedictus Dóminus Deus Israël.

### FERIA TERTIA.

#### AD MATUTINUM.

Invitator. Jubilémus Deo \*  
Salutári nostro.

Psalmus 38.



**D**IXI : Custódiam vias meas : \* ut non delínquam in lingua mea. •

Pósui ori meo custódiam, \* cum consísteret peccátor advérsus me.

Obmútui, et humiliátus sum, et sílui a bonis : \* et dolor meus renovátus est.

Concáluit cor meum intra me : \* et in meditatióne mea exardéscet ignis.

Locútus sum in lingua mea : \* Notum fac mihi Dómine finem meum,

Et númerum diérum meórum quis est : \* ut sciam quid desit mihi.

Ecce mensurábiles posuísti dies meos : \* et substántia mea tamquam níhilum ante te.

Verúmtamen univérsa vánitas, \* omnis homo vivens.

Verúmtamen in imágine pertránsit homo : \* sed et frustra conturbátur.

Thesaurizat : \* et ignórat cui congregábit ea.

Et nunc quae est exspectátió mea? nonne Dóminus? \* et substántia mea apud te est.

Ab ómnibus iniquitátibus meis érue me : \* oppróbrium insipiénti dedísti me.

Obmútui, et non apérui os meum, quóniam tu fecísti : \* ámove a me plagas tuas.

A fortitúdiine manus tuae ego deféci in increpatiónibus : \* propter iniquitátem corripuísti hóminem.

Et tabéscere fecísti sicut aráneam ánimam ejus : \* verúmtamen vane conturbátur omnis homo.

Exáudi oratióne meam Dómine, et deprecatióne meam : \* áuribus pécipe lácrymas meas.

Ne síleas : quóniam ádvena ego sum apud te, et peregrínus, \* sicut omnes patres mei.

Remítte mihi, ut refrígerer priúsqum ábeam, \* et ámplius non ero.

Psalmus 39.

**E**XSPECTANS exspectávi Dóminum, \* et inténdit mihi.

Et exaudívit preces meas : \* et edúxit me de lacu misériae, et de luto faecis.

Et státuit super petram pedes meos : \* et diréxit gressus meos.

Et immísit in os meum cánticum novum, \* carmen Deo nostro.

Vidébunt multi, et timébunt : \* et sperábunt in Dómino.

Beátus vir, cujus est nomen Dómini spes ejus : \* et non respéxit in vanitátes et insánias falsas.

Multa fecísti tu Dómine Deus meus mirabília tua : \* et cogitátionibus tuis non est qui símilis sit tibi.

Annuntiávi et locútus sum : \* multiplicátí sunt super númerum.

Sacrificíum et oblatíonem nolúísti : \* aures autem perfecísti mihi.

Holocáustum et pro peccáto non postulásti : \* tunc dixi : Ecce vénio.

In cápite libri scriptum est de me ut fácerem voluntátem tuam : \* Deus meus vólui, et legem tuam in médio cordis mei.

Annuntiávi justítiam tuam in ecclésia magna, \* ecce lábia mea non prohibébo : Dómine tu scísti.

Justítiam tuam non abscondí in corde meo : \* veritátem tuam et salutáre tuum dixi.

Non abscondí misericórdiam tuam, et veritátem tuam \* a concílio multo.

Tu autem Dómine ne longe fácias miseratíones tuas a me : \* misericórdia tua et veritas tua semper suscepérunt me.

Quóniam circumdedérunt me mala, quorum non est númerus : \* comprehendérunt me

iniquitátes meae, et non pótui ut vidérem.

Multiplicátae sunt super capíllos cápitis mei : \* et cor meum derelíquit me.

Compláceat tibi Dómine ut éruas me : \* Dómine, ad adjuvándum me respice.

Confundántur et reveereántur simul, qui quaerunt ánimam meam, \* ut áuferant eam.

Convertántur retrórsum, et reveereántur \* qui volunt mihi mala.

Ferant conféstim confusió-nem suam, \* qui dicunt mihi : Euge, euge.

Exsúltent et laeténtur super te omnes quaeréntes te : \* et dicant semper : Magnificétur Dóminus : qui díligunt salutáre tuum.

Ego autem mendícus sum, et pauper : \* Dóminus sollícitus est mei.

Adjútor meus, et protéctor meus tu es : \* Deus meus ne tardáveris.

Añá. Ut non delínquam in lingua mea.

Psalmus 40.

**B**EATUS qui intélligit super egénium, et páuperem : \* in die mala liberábit eum Dóminus.

Dóminus consérvet eum, et vivíficet eum, et beátum faciat eum in terra : \* et non tradat eum in ánimam inimicórum ejus.



Dóminus opem ferat illi super lectum doloris ejus : \* univérsum stratum ejus versásti in infirmitáte ejus.

Ego dixi : Dómine miserére mei : \* sana ánimam meam, quia peccávi tibi.

Inimíci mei dixerunt mala mihi : \* Quando moriétur, et peribit nomen ejus?

Et si ingrediebátur ut vidéret, vana loquebátur, \* cor ejus congregávit iniquitátem sibi.

Egrediebátur foras, \* et loquebátur in idípsum.

Advérsus me susurrábant omnes inimíci mei : \* advérsus me cogitábant mala mihi.

Verbum iníquum constituérunt advérsus me : \* Numquid qui dormit non adjíciet ut resúrgat?

Etenim homo pacis meae, in quo sperávi : \* qui edébat panes meos, magnificávit super me supplantatióem.

Tu autem Dómine miserére mei, et resúscita me : \* et retribuam eis.

In hoc cognóvi quóniam voluísti me : \* quóniam non gaudébit inimícus meus super me.

Me autem propter innocéntiam suscepísti : \* et confirmásti me in conspéctu tuo in aetérnum.

Benedíctus Dóminus Deus Israél a saeculo, et usque in saeculum : \* fiat, fiat.

Psalmus 41.

**Q**UEMADMODUM desiderat cervus ad fontes aquárum : \* ita desiderat ánima mea ad te Deus.

Sitívit ánima mea ad Deum fortem vivum : \* quando véniam et apparebo ante fáciem Dei?

Fuérunt mihi lácrymae meae panes die ac nocte : \* dum dícitur mihi quotidie : Ubi est Deus tuus?

Haec recordátus sum, et effúdi in me ánimam meam : \* quóniam transíbo in locum tabernáculi admirábilis, usque ad domum Dei :

In voce exsultatiónis, et confessiόnis : \* sonus epulántis.

Quare tristis es ánima mea? \* et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Ad meípsum ánima mea conturbáta est : \* propterea memor ero tui de terra Jordánis, et Hermóniim a monte módico.

Abyssus abyssum ínvocat, \* in voce cataractárum tuárum.

Omnia excélsa tua, et fluctus tui \* super me transiérunt.

In die mandávit Dóminus misericórdiam suam, \* et nocte cánticum ejus.

Apud me orátio Deo vitae meae, \* dicam Deo : Suscéptor meus es,

Quare oblítus es mei? \* et quare contristátus incédo, dum affligit me inimícus?

Dum confringúntur ossa mea, \* exprobravérunt mihi qui tríbulant me inimíci mei :

Dum dicunt mihi per singulos dies : Ubi est Deus tuus? \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutare vultus mei, et Deus meus.

Añá. Sana Dómine ánimam meam : quia peccávi tibi.

N. Psalmus 42.

**J**UDICA me Deus, et discérne causam meam de gente non sancta, \* ab hómine iníquo, et dolóso érue me.

Quia tu es Deus fortitúdo mea : \* quare me repulísti? et quare tristis incédo, dum affligit me inimícus?

Emítte lucem tuam et veritátem tuam : \* ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei : \* ad Deum, qui laetíficat juventutem meam.

Confitébor tibi in cíthara Deus Deus meus : \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutare vultus mei, et Deus meus.

Psalmus 43.

**D**EUS áuribus nostris dívimus : \* patres nostri annuntiavérunt nobis.

Opus, quod operátus es in diébus eórum : \* et in diébus antíquis.

Manus tua gentes dispérdit, et plantásti eos : \* afflixísti pópulos, et expulísti eos :

Nec enim in gládio suo possedérunt terram, \* et bráchium eórum non salvávit eos :

Sed délixtera tua, et bráchium tuum, et illuminátio vultus tui : \* quóniam complacuísti in eis.

Tu es ipse rex meus et Deus meus : \* qui mandas salútes Jacob.

In te inimícos nostros ventilábimus cornu, \* et in nómine tuo spernémus insurgéntes in nobis.

Non enim in arcu meo sperábo : \* et gládus meus non salvábit me.

Salvásti enim nos de affligéntibus nos : \* et odiéntes nos confudísti.

In Deo laudábimur tota die : \* et in nómine tuo confitébimur in saeculum.

Nunc autem repulísti et confudísti nos : \* et non egrediéris Deus in virtútibus nostris.

Avertísti nos retrórsum post inimícos nostros : \* et qui odérunt nos, diripiébant sibi.

Dedísti nos tamquam oves escárum : \* et in géntibus dispersísti nos.

Vendidísti pópulum tuum sine prétio : \* et non fuit multitúdo in commutatióibus eórum.

Posuísti nos oppróbrium vicínis nostris, \* subsannatióem et derísium his, qui sunt in circúitu nostro.

Posuísti nos in similitúdinem géntibus : \* commotióem capítis in pópulis.

Tota die verecúndia mea contra me est, \* et confúsió faciéi meae coopérui me.

A voce exprobrántis, et obloquéntis : \* a fácie inimíci, et persequéntis.

Haec ómnia venérunt super nos, nec oblíti sumus te : \* et iníque non égimus in testaménto tuo.

Et non recéssit retro cor nostrum : \* et declinásti sémitas nostras a via tua :

Quóniam humiliásti nos in loco afflictiónis, \* et coopérui nos umbra mortis.

Si oblíti sumus nomen Dei nostri, \* et si expándimus manus nostras ad deum aliénum :

Nonne Deus requíret ista? \* ipse enim novit abscóndita cordis.

Quóniam propter te mortificámur tota die : \* aestimáti sumus sicut oves occisióis.

Exsúrge, quare obdórmis Dómine? \* exsúrge, et ne repéllas in finem.

Quare fáciem tuam avértis, \* oblivísceris inópiæ nostræ et tribulatióis nostræ?

Quóniam humiliáta est in púlvere ánima nostra : \* conglutinátus est in terra venter noster.

Exsúrge Dómine, ádjuva nos : \* et rédime nos propter nomen tuum.

Psalmus 44.

**E**RUCTIONEM cor meum  
verbum bonum : \* dico  
ego ópera mea regi.

Lingua mea cálamus scribae, \* velóciter scribéntis.

Speciósus forma prae fíliis hóminum, ꝫ diffusa est grátia in lábiis tuis : \* proptérea benedíxit te Deus in aetérnum.

Accíngere gládio tuo super femur tuum, \* potentíssime,

Spécie tua et pulcritúdine tua \* inténde, prospere procéde, et regna,

Propter veritátem et mansuetúdinem, et justítiam : \* et dedúcet te mirabíliter dextera tua.

Sagíttae tuae acútae, ꝫ pópuli sub te cadent, \* in corda inimicórum regis.

Sedes tua Deus in saeculum saeculi : \* virga directiόis virga regni tui.

Dilexísti justítiam, et odísti iniquitátem : \* proptérea unxit te Deus Deus tuus óleo laetítiae prae consórtibus tuis.

Myrrha, et gutta, et cásia a vestiméntis tuis, a dómibus ebúrneis : \* ex quibus

delectavérunt te fíliae regum in honóre tuo.

Astitit regína a dextris tuis in vestítu deauráto : \* circúmdata varietáte.

Audi fília, et vide, et inclína aurem tuam : \* et oblivíscere pópulum tuum, et domum patris tui.

Et concupíscet rex decórem tuum : \* quóniam ipse est Dóminus Deus tuus, et adorábunt eum.

Et fíliae Tyri in munéribus\* vultum tuum deprecabúntur : omnes dívites plebis.

Omnis glória ejus fíliae regis ab intus, \* in fímbriis áureis circumamícta varietátibus.

Adducéntur regi vírgines post eam : \* próximae ejus afferéntur tibi.

Afferéntur in laetítia et exsultatíone : \* adducéntur in templum regis.

Pro pátribus tuis nati sunt tibi fílii : \* constitúes eos príncipes super omnem terram.

Mémoires erunt nóminis tui\* in omni generatíone et generatíonem.

Proptérea pópuli confitebúntur tibi in aetérnum : \* et in saeculum saeculi.

Añã. Eructávit cor meum verbum bonum.

Psalmus 45.

**D**EUS noster refúgium, et virtus : \* adjútor in tribulatíonibus, quae invenérunt nos nimis.

Proptérea non timébimus dum turbábitur terra : \* et transferéntur montes in cor maris.

Sonuérunt, et turbatae sunt aquae eórum : \* conturbáti sunt montes in fortitúdine ejus.

Flúminis ímpetus laetíficat civitátem Dei : \* sanctificávit tabernáculum suum Altíssimus.

Deus in médio ejus, non commovébitur : \* adjuvábít eam Deus mane dilúculo.

Conturbatae sunt gentes, et inclináta sunt regna : \* dedit vocem suam, mota est terra.

Dóminus virtútum nobíscum : \* suscéptor noster Deus Jacob.

Veníte, et vidéte ópera Dómini, et quae pósuit prodígia super terram : \* áuferens bella usque ad finem terrae.

Arcum cónteret et confrínget arma : \* et scuta combúret igni :

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobíscum : \* suscéptor noster Deus Jacob.

Psalmus 46.

**O**MNES gentes pláudite mánibus : \* jubiláte Deo in voce exsultatíonis.

Quóniam Dóminus excélsus, terríbilis : \* Rex magnus super omnem terram.

Subjécit pópulos nobis : \* et gentes sub pédibus nostris.

Elégit nobis hereditátem suam : \* spéciem Jacob, quam diléxit.

Ascéndit Deus in júbilo : \* et Dóminus in voce tubae.

Psállite Deo nostro, psállite : \* psállite Regi nostro, psállite.

Quóniam Rex omnis terrae Deus : \* psállite sapiénter.

Regnábít Deus super gentes : \* Deus sedet super sedem sanctam suam.

Príncipes populórum congregáti sunt cum Deo Abraham : \* quóniam dii fortes terrae, veheménter eleváti sunt.

Aña. Adjútor in tribulatióibus.

Psalmus 47.

**M**AGNUS Dóminus, et laudábilis nimis \* in civitáte Dei nostri, in monte sancto ejus.

Fundátur exsultatióne universae terrae mons Sion, \* látera aquilónis, cívitas Regis magni.

Deus in dómibus ejus cognoscétur, \* cum suscípiet eam.

Quóniam ecce reges terrae congregáti sunt : \* convenérunt in unum.

Ipsi vidéntes sic admiráti sunt, conturbáti sunt, commóti sunt : \* tremor apprehéndit eos.

Ibi dolóres ut parturiéntis, \* in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, et in civitáte Dei nostri : \* Deus fundávit eam in aetérnum.

Suscépimus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terrae : \* justítia plena est dextera tua.

Laetétur mons Sion, et exsúltent filiae Judae, \* propter judícia tua Dómine.

Circúmdate Sion, et completímini eam : \* narráte in túribus ejus.

Pónite corda vestra in virtúte ejus : \* et distribúite domos ejus, ut enarrétis in progenie áltera.

Quóniam hic est Deus, Deus noster in aetérnum, et in saeculum saeculi : \* ipse reget nos in saecula.

Psalmus 48.

**A**UDITE haec omnes gentes : \* áuribus percípíte omnes, qui habitátis orbem :

Quique terrígenae, et filii hóminum : \* simul in unum dives et pauper.

Os meum loquétur sapiéntiam : \* et meditatio cordis mei prudéntiam.

Inclinábo in parábolam aurem meam : \* apériam in psalterio propositiõem meam.

Cur timébo in die mala? \* iníquitas calcánei mei circúmdabit me :

Qui confidunt in virtute sua : \* et in multitudine divitiarum suarum gloriantur.

Frater non redimit, et redimet homo : \* non dabit Deo placationem suam.

Et pretium redemptionis animae suae : \* et laborabit in aeternum, et vivet adhuc in finem.

Non videbit interitum, cum viderit sapientes morientes : \* simul insipiens, et stultus peribunt.

Et relinquent alienis divitias suas : \* et sepulcra eorum domus illorum in aeternum.

Tabernacula eorum in progenie, et progenie : \* vocaberunt nomina sua in terris suis.

Et homo, cum in honore esset, non intellexit : \* comparatus est jumentis insipientibus, et similis factus est illis.

Haec via illorum scandalum ipsis : \* et postea in ore suo complacébunt.

Sicut oves in inferno positi sunt : \* mors depascet eos.

Et dominabuntur eorum justi in matutino : \* et auxilium eorum veterascet in inferno a gloria eorum.

Verumtamen Deus redimet animam meam de manu inferi, \* cum accéperit me.

Ne timueris cum dives factus fuerit homo : \* et cum multiplicata fuerit gloria domus ejus.

Quoniam cum interierit, non sumet omnia : \* neque descendet cum eo gloria ejus.

Quia anima ejus in vita ipsius benedicetur : \* confitebitur tibi cum benefeceris ei.

Introibit usque in progenies patrum suorum : \* et usque in aeternum non videbit lumen.

Homo, cum in honore esset, non intellexit : \* comparatus est jumentis insipientibus, et similis factus est illis.

Añā. Auribus percipite, qui habitatis orbem.

Psalmus 49.

**D**EUS deorum Dominus locutus est : \* et vocavit terram,

A solis ortu usque ad occasum : \* ex Sion species decoris ejus.

Deus manifeste veniet : \* Deus noster et non silébit.

Ignis in conspectu ejus exardescet : \* et in circuitu ejus tempestas válida.

Advocabit caelum desursum : \* et terram discernere populum suum.

Congregate illi sanctos ejus : \* qui ordinant testamentum ejus super sacrificia.

Et annuntiabunt caeli justitiam ejus : \* quoniam Deus judex est.

Audi populus meus, et loquar : et Israël, et testificabor tibi : \* Deus Deus tuus ego sum.

Non in sacrificiis tuis arguam te : \* holocausta autem tua in conspectu meo sunt semper.



Nōn accípiam de domo tua vítulos : \* neque de grégibus tuis hircos.

Quóniam meae sunt omnes ferae silvárum, \* juménta in móntibus et boves.

Cognóvi ómnia volatília caeli : \* et pulcritúdo agri mecum est.

Si esuríero, non dicam tibi : \* meus est enim orbis terrae, et plenitúdo ejus.

Numquid manducábo carnes taurórum? \* aut sánguinem hircórum potábo?

Immola Deo sacrificium laudis : \* et redde Altíssimo vota tua.

Et ínvoça me in die tribulatiónis : \* éruam te, et honorificábis me.

Peccatóri autem dixit Deus : \* Quare tu enárras justítias meas, et assúmis testaméntum meum per os tuum?

Tu vero odísti disciplínam : \* et projecísti sermónes meos retrórsum :

Si vidébas furem, currébas cum eo : \* et cum adúlteris portiónem tuam ponébas.

Os tuum abundávit malítia : \* et lingua tua concinnábat dolos.

Sedens advérsus fratrem tuum loquebáris, et advérsus fílium matris tuae ponébas scándalum : \* haec fecísti, et tácuí.

Existimásti iníque quod ero tui símilis : \* árguam te, et státuam contra fáciem tuam.

Intellígite haec qui obliviscímini Deum : \* nequándo rápiat, et non sit qui erípiat.

Sacrificium laudis honorificábit me : \* et illic iter, quo osténdam illi salutáre Dei.

N. Psalmus 50.

**M**ISERERE mei Deus, \* secúndum magnam misericórdiam tuam.

Et secúndum multitudínem miseratiónum tuárum, \* dele iniquitátem meam.

Amplius lava me ab iniquitáte mea : \* et a peccáto meo munda me.

Quóniam iniquitátem meam ego cognóscó : \* et peccátum meum contra me est semper.

Tibi soli peccávi, et malum coram te feci : \* ut justificéris in sermónibus tuis, et vincas cum judicáris.

Ecce enim in iniquitatibus concéptus sum : \* et in peccátis concépit me mater mea.

Ecce enim veritátem dilexísti : \* incérta, et occúlta sapiéntiae tuae manifestásti mihi.

Aspérges me hyssópo, et mundábor : \* lavábis me, et super nivem dealbábor.

Audítui meo dabis gáudium et laetítiam : \* et exsultábunt ossa humiliáta.

Avérte fáciem tuam a peccátis meis : \* et omnes iniquitates meas dele.

Cor mundum crea in me Deus : \* et spíritum rectum innova in viscéribus meis.

Ne projicias me a fácie tua : \*  
et spíritum sanctum tuum ne  
áuferas a me.

Redde mihi laetítiam salu-  
táris tui : \* et spíritu princi-  
páli confírma me.

Docébo iníquos vias tuas : \*  
et impíi ad te converténtur.

Líbera me de sanguínibus  
Deus, Deus salutis meae : \*  
et exsultábit lingua mea justí-  
tiam tuam.

Dómine, lábia mea apéries : \*  
et os meum annuntiábit lau-  
dem tuam.

Quóniam si voluísseis sacri-  
fícium, dedíssem útique : \*  
holocáustis non delectáberis.

Sacrificium Deo spíritus  
contribulátus : \* cor contrítum,  
et humiliátum Deus non de-  
spícies.

Benígne fac Dómine in bona  
voluntáte tua Sion : \* ut aedi-  
ficéntur muri Jerúsalem.

Tunc acceptábis sacrificium  
justítiae, oblatiónes, et holocáu-  
sta : \* tunc impónent super  
altáre tuum vítulos.

Psalmus 51.

**Q**UID gloriáris in malítia,\*  
qui potens es in iniqui-  
táte?

Tota die injustítiam cogitá-  
vit lingua tua : \* sicut nová-  
cula acúta fecísti dolum.

Dilexísti malítiam super  
benignitátem : \* iniquitátem  
magis quam loqui aequitátem.

Dilexísti ómnia verba prae-  
cipitatiónis, \* lingua dolósa.

Proptérea Deus déstruet te  
in finem, et évellet te, et emigrá-  
bit te de tabernáculo tuo : \*  
et radicem tuam de terra vi-  
véntium.

Vidébunt justí, et timébunt, et  
super eum ridébunt, et  
dicent : \* Ecce homo, qui  
non pósuit Deum adjutórem  
suum :

Sed sperávit in multitudíne  
divitiárum suárum : \* et prae-  
váluit in vanitáte sua.

Ego autem, sicut olíva fru-  
ctífera in domo Dei, \* sperávi  
in misericórdia Dei in aetér-  
num : et in saeculum saeculi.

Confitébor tibi in saeculum  
quia fecísti : \* et exspectábo  
nomen tuum, quóniam bonum  
est in conspéctu sanctórum  
tuórum.

Añá. Deus deórum Dómi-  
nus locútus est.

℟. Immola Deo sacrificium  
laudis. R. Et redde Altíssimo  
vota tua.

In Adventu. ℟. Egrediétur  
virga. etc.

In Quadrag. ℟. Ipse liberá-  
vit. etc.

Temp. Pass. ℟. De ore leó-  
nis. etc.

#### IN LAUDIBUS.

Añá. Secúndum magnam  
misericórdiam tuam, miserére  
mei Deus. Psalm. 50. Miserére  
mei Deus. pag. 40.

Añá. Salutáre vultus mei, et  
Deus meus. Psalm. 42. Júdica  
me Deus. pag. 35.

Aña. Ad te de luce vígilo, Deus. Psalm. 62. Deus Deus meus. pag. 47. Ps. 66. Deus misereátur. pag. 50.

Aña. Cunctis diébus vitae nostrae salvos nos fac Dómine. Cant. Ego dixi. pag. 118.

Aña. Omnes Angeli ejus laudáte Dóminum de caelis. Psalm. 148. Laudáte Dóminum de caelis. pag. 115.

Ad Benedictus, Aña. Eréxit Dóminus nobis cornu salútis, in domo David púeri sui.

### FERIA QUARTA.

#### AD MATUTINUM.

Invitatorium. In manu tua Dómine, \* Omnes fines terrae.

Psalmus 52.



IXIT insípiens in corde suo : \* Non est Deus.

Corrúpti sunt, et abominábiles facti sunt in iniquitatibus : \* non est qui fáciat bonum.

Deus de caelo prospéxit super filios hóminum : \* ut vídeat si est intélligens, aut requírens Deum.

Omnes declinavérunt, et simul inútiles facti sunt : \* non est qui fáciat bonum, non est usque ad unum.

Nonne scient omnes qui operántur iniquitatem, \* qui dévorant plebem meam ut cibum panis?

Deum non invocavérunt : \* illic trepidavérunt timóre, ubi non erat timor.

Quóniam Deus dissipávit ossa eórum qui homínibus placent : \* confúsi sunt, quóniam Deus sprevit eos.

Quis dabit ex Sion salutáre Israël? \* cum convérterit Deus captivitátem plebis suae, exultábit Jacob, et laetábitur Israël.

N. Psalmus 53.

**D**EUS in nómine tuo saluum me fac : \* et in virtúte tua júdica me.

Deus exáudi oratióem meam : \* áuribus pércipe verba oris mei.

Quóniam aliéni insurrexérunt advérsus me, et fortes quaesierunt ánimam meam : \* et non proposuérunt Deum ante conspéctum suum.

Ecce enim Deus ádjuvat me : \* et Dóminus suscéptor est ánimae meae.

Avérte mala inimícis meis : \* et in veritate tua disperse illos.

Voluntárie sacrificábo tibi, \* et confitébor nómini tuo Dómine : quóniam bonum est :

Quóniam ex omni tribulatióne eripuisti me : \* et super inimícos meos despéxit óculus meus.

Psalmus 54.

**E**XAUDI Deus oratióem meam, et ne despéxeris deprecatióem meam : \* inténde mihi, et exáudi me.

Contristátus sum in exercitatióne mea : \* et conturbátus

sum a voce inimíci, et a tribulatione peccatóris.

Quóniam declinavérunt in me iniquitates : \* et in ira molésti erant mihi.

Cor meum conturbátum est in me : \* et formído mortis cécidit super me.

Timor et tremor venérunt super me : \* et contexérunt me ténebrae :

Et dixi : ¿ Quis dabit mihi pennas sicut colúmbae, \* et volábo, et requiéscam?

Ecce elongávi fúgiens : \* et mansi in solitúdine.

Exspectábam eum, qui sal-  
vum me fecit \* a pusillanimi-  
tate spíritus, et tempestáte.

Praecípita Dómine, dívide  
linguas eórum : \* quóniam  
vidi iniquitatem, et contradi-  
ctiónem in civitate.

Die ac nocte circúmdabit  
eam super muros ejus iníqui-  
tas : \* et labor in médio ejus,  
et injustítia.

Et non defécit de platéis  
ejus \* usúra, et dolus.

Quóniam si inimícus meus  
maledixisset mihi, \* sustinuís-  
sem útique.

Et si is, qui óderat me, su-  
per me magna locútus fuís-  
set : \* abscondíssem me fórsi-  
tan ab eo.

Tu vero homo unánimis, \*  
dux meus, et notus meus :

Qui simul mecum dulces  
capiébas cibos : \* in domo  
Dei ambulávimus cum con-  
sensu.

Véniat mors super illos : \*  
et descéndant in inférnum vi-  
véntes :

Quóniam nequítiae in habi-  
táculos eórum : \* in médio  
eórum.

Ego autem ad Deum cla-  
mávi : \* et Dóminus salvábit  
me.

Véspere, et mane, et merídie  
narrábo et annuntiábo : \* et  
exáudiet vocem meam.

Rédimet in pace ánimam  
meam ab his, qui appropín-  
quant mihi : \* quóniam inter  
multos erant mecum.

Exáudiet Deus, et humiliá-  
bit illos, \* qui est ante sae-  
cula.

Non enim est illis commu-  
tatio, ¿ et non timuérunt  
Deum : \* exténdit manum suam  
in retribuendo.

Contaminavérunt testamén-  
tum ejus, ¿ divísi sunt ab ira  
vultus ejus : \* et appropin-  
quávit cor illíus.

Mollíti sunt sermónes ejus  
super óleum : \* et ipsi sunt  
jácula.

Jacta super Dóminum cu-  
ram tuam, ¿ et ipse te enú-  
triet : \* non dabit in aetérnum  
fluctuatióem justo.

Tu vero Deus dedúces eos, \*  
in púteum intéritus.

Viri sánguinem, et dolósi  
non dimidiábunt dies suos : \*  
ego autem sperábo in te Dó-  
mine.

Aña. Avértit Dóminus ca-  
ptivitátem plebis suae.

Psalmus 55.

**M**ISERERE mei Deus, quóniam conculcávit me homo : \* tota die impúgnans tribulávit me.

Conculcavérunt me inimíci mei tota die : \* quóniam multi bellántes advérsus me.

Ab altitúdine diéi timébo : \* ego vero in te sperábo.

In Deo laudábo sermónes meos, in Deo sperávi : \* non timébo quid fáciat mihi caro.

Tota die verba mea execrabántur : \* advérsus me omnes cogitatiónes eórum, in malum.

Inhabitábunt et abscondent : \* ipsi calcáneum meum observábunt.

Sicut sustinuérunt ánimam meam, ꝑro níhilo salvos fácies illos : \* in ira pópulos confrín- ges.

Deus, vitam meam annuntiávi tibi : \* posuísti lácrymas meas in conspéctu tuo,

Sicut et in promissióne tua : \* tunc converténtur inimíci mei retrórsum :

In quacúmque die invocávero te : \* ecce cognóvi quóniam Deus meus es.

In Deo laudábo verbum, ꝑ in Dómino laudábo sermónem : \* in Deo sperávi, non timébo quid fáciat mihi homo.

In me sunt Deus vota tua, \* quae reddam, laudatiónes tibi.

Quóniam eripuísti ánimam meam de morte, et pedes

meos de lapsu : \* ut pláceam coram Deo in lúmine vivéntium.

Psalmus 56.

**M**ISERERE mei Deus, miserére mei : \* quóniam in te confídit ánimá mea.

Et in umbra alárum tuárum sperábo, \* donec tránseat iniquitas.

Clamábo ad Deum altíssimum : \* Deum qui benefécit mihi.

Misit de caelo, et liberávit me : \* dedit in oppróbrium conculcántes me.

Misit Deus misericórdiam suam, et veritátem suam, ꝑ et erípuit ánimam meam de médio catulórum leónum : \* dormívi conturbátus.

Fílii hóminum dentes eórum arma et sagíttæ : \* et lingua eórum gládius acútus.

Exaltáre super caelos Deus : \* et in omnem terram glória tua.

Láqueum paravérunt pédibus meis : \* et incurvavérunt ánimam meam.

Foderunt ante faciém meam fóveam : \* et incidérunt in eam.

Parátum cor meum Deus, parátum cor meum : \* cantábo, et psalmum dicam.

Exsúrge glória mea, ꝑ exsúrge psaltérium et cíthara : \* exsúrgam dilúculo.

Confitébor tibi in pópulis Dómine : \* et psalmum dicam tibi in géntibus :

Quóniam magnificáta est usque ad caelos misericórdia tua, \* et usque ad nubes véritas tua.

Exaltáre super caelos Deus : \* et super omnem terram glória tua.

Añã. Quóniam in te confídit ánima mea.

Psalmus 57.

**S**I vere útique justítiam loquímini : \* recta judicáte filii hóminum.

Etenim in corde iniquitátes operámini : \* in terra injustítias manus vestrae concínant.

Alienáti sunt peccatóres a vulva, ¿erravérunt ab útero : \* locúti sunt falsa.

Furor illis secúndum similitúdinem serpéntis : \* sicut áspidis surdae, et obturántis aures suas,

Quae non exáudiet vocem incantántium, \* et venéfici incantántis sapiénter.

Deus cónteret dentes eórum in ore ipsórum : \* molas leónum confrínget Dóminus.

Ad níhilum devénient tamquam aqua decúrrens : \* inténdit arcum suum donec infirméntur.

Sicut cera, quae fluit, auféruntur : \* supercécidit ignis, et non vidérunt solem.

Priúsqvam intellígerent spinæ vestrae rhamnum : \* sicut vivéntes, sic in ira absórbet eos.

Laetábitur justus cum víde-rit vindíctam : \* manus suas lavábit in ságuine peccatóris.

Et dicet homo : ¿ Si útique est fructus justo : \* útique est Deus júdicans eos in terra.

Psalmus 58.

**E**RIPe me de inimícis meis Deus meus : \* et ab insurgéntibus in me líbera me.

Éripe me de operántibus iniquitátem : \* et de viris ságuinum salva me.

Quia ecce cepérunt ánimam meam : \* irruérunt in me fortes.

Neque iníquitas mea, neque peccátum meum Dómine : \* sine iniquitáte cucúrri, et diréxi.

Exsúrge in occúrsum meum, et vide : \* et tu Dómine Deus virtútum, Deus Israël,

Inténde ad visitándas omnes gentes : \* non misereáris ómnibus, qui operántur iniquitátem.

Converténtur ad vésperam : ¿ et famem patiéntur ut canes, \* et circuíbunt civitátem.

Ecce loquéntur in ore suo, ¿ et gládus in lábiis eórum : \* quóniam quis audívit?

Et tu Dómine deridébis eos : \* ad níhilum dedúces omnes gentes.

Fortitúdinem meam ad te custódiam, ¿ quia Deus suscep-tor meus es : \* Deus meus misericórdia ejus praeveniet me.

Deus osténdet mihi super inimícos meos, ne occídas eos : \* nequándo obliviscántur pópuli mei.

Dispérge illos in virtúte tua : \* et depóne eos protéctor meus Dómine :

Delíctum oris eórum, sermónem labiórum ipsórum : \* et comprehendántur in superbia sua.

Et de execratióne et mendácio annuntiabúntur in consummatione : \* in ira consummationis, et non erunt.

Et scient quia Deus dominábitur Jacob : \* et fínium terrae.

Converténtur ad vésperam, et famem patiéntur ut canes : \* et circuíbunt civitátem.

Ipsi dispergéntur ad manducándum : \* si vero non fuerint saturáti, et murmurábunt.

Ego autem cantábo fortitudinem tuam : \* et exsultábo mane misericórdiam tuam.

Quia factus es susceptor meus, \* et refúgium meum, in die tribulatiónis meae.

Adjútor meus tibi psallam, quia Deus susceptor meus es : \* Deus meus misericórdia mea.

Aña. Justa judicáte filii hóminum.

Psalmus 59.

**D**EUS, repulísti nos, et destruxísti nos : \* irátus es, et misértus es nobis.

Commovísti terram, et conturbásti eam : \* sana contritiónes ejus, quia commóta est.

Ostendísti pópulo tuo dura : \* potásti nos vino compunctiόνis.

Dedísti metuéntibus te significatióne : \* ut fúgiant a fácie arcus :

Ut liberéntur dilécti tui : \* salvum fac dextera tua, et exáudi me.

Deus locútus est in sancto suo : \* Laetábor, et partíbor Síchimam : et convállem tabernaculórum metíbor.

Meus est Gálaad, et meus est Manásses : \* et Ephraim fortitúdo cápitis mei.

Juda rex meus : \* Moab olla spei meae.

In Idumaeam exténdam calceamentum meum : \* mihi alienígenae súbditi sunt.

Quis dedúcet me in civitátem munítam? \* quis dedúcet me usque in Idumaeam?

Nonne tu Deus, qui repulísti nos : \* et non egrediéris Deus in virtútibus nostris?

Da nobis auxílium de tribulatióne : \* quia vana salus hóminis.

In Deo faciémus virtútem : \* et ipse ad níhilum dedúcet tribulánte nos.

Psalmus 60.

**E**XAUDI Deus deprecatióne meam : \* inténde oratióni meae.

A fínibus terrae ad te clamávi : \* dum anxiarétur cor meum, in petra exaltásti me.



Deduxísti me, quia factus es spes mea : \* turris fortitúdinis a fácie inimíci.

Inhabitábo in tabernáculo tuo in saecula : \* prótegar in velaménto alárum tuárum.

Quóniam tu Deus meus exaudísti oratióem meam : \* dedísti hereditátem timéntibus nomen tuum.

Dies super dies regis adjícies : \* annos ejus usque in diem generatiónis et generatiónis.

Pérmanet in aetérnum in conspéctu Dei : \* misericórdiam et veritátem ejus quis requíret?

Sic psalmum dicam nómini tuo in saeculum saeculi : \* ut reddam vota mea de die in diem.

Aña. Da nobis Dómine auxílium de tribulatióne.

Psalmus 61.

**D**ONNE Deo subjécta erit ánima mea? \* ab ipso enim salutáre meum.

Nam et ipse Deus meus, et salutáris meus : \* suscéptor meus, non movébor ámplius.

Quóusque irrúitis in hóminem? ¿ interfícitis univérsum vos : \* tamquam paríeti inclináto et macériae depúlsae?

Verúmtamen prétium meum cogitavérunt repéllere, ¿ cucúrri in siti : \* ore suo benedicébant, et corde suo maledicébant.

Verúmtamen Deo subjécta esto ánima mea : \* quóniam ab ipso paciéntia mea.

Quia ipse Deus meus, et salvátor meus : \* adjútor meus, non emigrábo.

In Deo salutáre meum, et glória mea : \* Deus auxílii mei, et spes mea in Deo est.

Speráte in eo omnis congregatio pópuli, ¿ effúndite coram illo corda vestra : \* Deus adjútor noster in aetérnum.

Verúmtamen vani fílii hóminum, ¿ mendáces fílii hóminum in statéris : \* ut decipiant ipsi de vanitáte in idípsum.

Nolíte speráre in iniquitate, ¿ et rapínas nolíte concupíscere : \* divítiae si áffluent, nolíte cor appónere.

Semel locútus est Deus, duo haec audívi, ¿ quia potéstas Dei est, et tibi Dómine misericórdia : \* quia tu reddes unicuique juxta ópera sua.

N. Psalmus 62.

**D**EUS Deus meus \* ad te de luce vígilo.

Sitívit in te ánima mea, \* quam multiplíciter tibi caro mea.

In terra desérta, et ínvia, et inaquósa : ¿ sic in sancto apparúi tibi, \* ut vidérem virtútem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedicam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatiónis laudábit os meum.

Si memor fui tui super stratum meum, ⁊ in matutínis meditábor in te : \* quia fuísti adjutor meus.

Et in velaménto alárum tuárum exsultábo, ⁊ adhaesit ánima mea post te : \* me suscepit dextera tua.

Ipsi vero in vanum quaesiérunt ánimam meam, ⁊ introibunt in inferióra terrae : \* tradéntur in manus gládii, partes vúlpium erunt.

Rex vero laetábitur in Deo, ⁊ laudabúntur omnes qui jurant in eo : \* quia obstrúctum est os loquéntium iniqua.

Psalmus 63.

**E**XAUDI Deus oratióem meam cum déprecor : \* a timóre inimíci éripe ánimam meam.

Protexísti me a convéntu malignántium, \* a multitudíne operántium iniquitátem.

Quia exacuérunt ut gládium linguas suas : ⁊ intendérunt arcum rem amáram, \* ut sagittent in occúltis immaculátum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut absconderent láqueos : \* dixerunt : Quis vidébit eos?

Scrutáti sunt iniquitátes : \* defecérunt scrutántes scrutínio.

Accédet homo ad cor altum : \* et exaltábitur Deus.

Sagittae parvulórum factae sunt plagae eórum : \* et infirmatae sunt contra eos linguae eórum.

Conturbáti sunt omnes qui vidébant eos : \* et tímuit omnis homo.

Et annuntiavérunt ópera Dei : \* et facta ejus intellexérunt.

Laetábitur justus in Dómino, et sperábit in eo, \* et laudabúntur omnes recti corde.

Añá. A timóre inimíci éripe Dómine ánimam meam.

N. Psalmus 64.

**N**E decet hymnus Deus in Sion : \* et tibi reddétur votum in Jerúsalem.

Exáudi oratióem meam : \* ad te omnis caro véniet.

Verba iniquórum praevaluerunt super nos : \* et impietatibus nostris tu propitiaberis.

Beátus, quem elegísti, et assumpsísti : \* inhabitábit in atriis tuis.

Replébimur in bonis domus tuae : \* sanctum est templum tuum, mirábile in aequitáte.

Exáudi nos Deus salutáris noster, \* spes ómnium fínium terrae, et in mari longe.

Praeparans montes in virtute tua, accínctus poténtia : \* qui contúrbas profúndum maris, sonum flúctuum ejus.

Turbabúntur gentes, et timébunt qui hábitant términos

a signis tuis : \* éxitus matutíni et vésperae delectábis.

Visitásti terram, et inebriásti eam : \* multiplicásti locupletáre eam.

Flumen Dei replétum est aquis, parásti cibum illórum : \* quóniam ita est praeparátio ejus.

Rivos ejus inébria, multíplica genímína ejus : \* in stillicídiis ejus laetábitur gérmínans.

Benedíces corónae anni benignitátis tuae : \* et campi tui replebúntur ubertáte.

Pinguéscent speciósá desérti : \* et exsultatíone colles accingéntur.

Indúti sunt aríetes óvium, et valles abundábunt fruménto : \* clamábunt, étenim hymnum dicent.

Psalmus 65.

**J**UBILATE Deo omnis terra, et psalmum dícite nómini ejus : \* date glóriam laudi ejus.

Dícite Deo : quam terribília sunt ópera tua Dómine! \* in multitúdine virtútis tuae mentiéntur tibi inimíci tui.

Omnis terra adóret te, et psallat tibi : \* psalmum dicat nómini tuo.

Veníte, et vidéte ópera Dei : \* terríbilis in consíliis super filios hóminum

Qui convértit mare in áridam, et in flúmine pertransibunt pede : \* ibi laetábimur in ipso.

Qui dominátur in virtúte sua in aetérnum, et óculi ejus super gentes respíciunt : \* qui exásperant non exalténtur in semetípsis.

Benedícite gentes Deum nostrum : \* et audítam fácite vocem laudis ejus,

Qui pósuit ánimam meam ad vitam : \* et non dedit in commotióne pedes meos.

Quóniam probásti nos Deus : \* igne nos examinásti, sicut examináitur argéntum.

Induxísti nos in láqueum, et posuísti tribulatióes in dorso nostro : \* imposuísti hómines super cápita nostra.

Transívimus per ignem et aquam : \* et eduxísti nos in refrigeríum.

Introibo in domum tuam in holocáustis : \* reddam tibi vota mea, quae distinxérunt lábia mea.

Et locútum est os meum, \* in tribulatióne mea.

Holocáusta medulláta offeram tibi cum incénso aríetum : \* offeram tibi boves cum hircis.

Veníte, audíte, et narrábo, omnes qui timétis Deum, \* quanta fecit ánimae meae.

Ad ipsum ore meo clamávi, \* et exaltávi sub lingua mea.

Iniquitátem si aspéxi in corde meo, \* non exáudiet Dóminus.

Proptérea exaudivit Deus, \* et atténdit voci deprecatióis meae.

Benedíctus Deus, \* qui non amóvit oratióem meam, et misericórdiam suam a me.

N. Psalmus 66.

**D**EUS misereátur nostri, et benedícat nobis : \* illúminet vultum suum super nos, et misereátur nostri.

Ut cognoscámus in terram tuam : \* in ómnibus géntibus salutáre tuum.

Confiteántur tibi pópuli Deus : \* confiteántur tibi pópuli omnes.

Laeténtur et exsúltent gentes : ꝫ quóniam júdicas pópulos in aequitáte, \* et gentes in terra dírigis.

Confiteántur tibi pópuli Deus : ꝫ confiteántur tibi pópuli omnes : \* terra dedit fructum suum.

Benedícat nos Deus, Deus noster, ꝫ benedícat nos Deus : \* et métuant eum omnes fines terrae.

Psalmus 67.

**E**XSURGAT Deus, et dissipéntur inimíci ejus, \* et fúgiant qui odérunt eum, a fácie ejus.

Sicut déficit fumus, deficiant : \* sicut fluit cera a fácie ignis, sic péreant peccatóres a fácie Dei.

Et justí epuléntur, et exsúltent in conspéctu Dei : \* et delecténtur in laetítia.

Cantáte Deo, psalmum dícite nómini ejus : ꝫ iter fácite ei, qui

ascéndit super occásum : \* Dóminus nomen illi.

Exsultáte in conspéctu ejus, \* turbabúntur a fácie ejus, patris orphanórum, et júdicis viduárum.

Deus in loco sancto suo : \* Deus qui inhabitáre facit unus moris in domo :

Qui edúcit vinctos in fortitúdine, \* simíliter eos, qui exásperant, qui hábitant in sepúlcris.

Deus cum egrederéris in conspéctu pópuli tui, \* cum pertransíres in desérto :

Terra mota est, étenim caeli distillavérunt a fácie Dei Sínai, \* a fácie Dei Israël.

Plúviam voluntáriam segregábis Deus hereditáti tuae : et infirmáta est, \* tu vero perfecísti eam.

Animália tua habitábunt in ea : \* parásti in dulcédine tua páuperi, Deus.

Dóminus dabit verbum evangelizántibus, \* virtúte multa.

Rex virtútum dilécti dilécti : \* et speciéi domus dividere spólia.

Si dormiátis inter médios cleros, pennae colúmbae deargentatae, \* et posterióra dorsi ejus in pallóre auri.

Dum discérnit caeléstis reges super eam, nive dealbabúntur in Selmon : \* mons Dei, mons pinguis.

Mons coagulátus, mons pinguis : \* ut quid suspicámini montes coagulátos?

Mons, in quo beneplácitum est Deo habitáre in eo : \* étenim Dóminus habitábit in finem.

Currus Dei decem míllibus múltiplex, míllia laetántium : \* Dóminus in eis in Sina in sancto.

Ascendísti in altum, & cepísti captivitátem : \* accepísti dona in homínibus :

Etenim non credéntes, \* inhabitáre Dóminum Deum.

Benedíctus Dóminus die quotidie : \* prósperum iter faciet nobis Deus salutárium nostrórum.

Deus noster, Deus salvos faciéndi : \* et Dómini, Dómini éxitus mortis.

Verúmtamen Deus confrínget cápita inimicórum suórum : \* vérticem capílli perambulántium in diléctis suis.

Dixit Dóminus : Ex Basan convértam, \* convértam in profúndum maris :

Ut intingátur pes tuus in ságuine : \* lingua canum tuórum ex inimícis, ab ipso.

Viderunt ingrédus tuos Deus, \* ingrédus Dei mei : regis mei qui est in sancto.

Praevenérunt príncipes conjúnci psalléntibus, \* in médio juvenculárum tympanistriárum.

In ecclésiis benedícite Deo Dómino, \* de fóntibus Israël.

Ibi Bénjamin adolescéntulus, \* in mentis excéssu.

Príncipes Juda, duces eó-

rum : \* príncipes Zábulon, príncipes Néphthali.

Manda Deus virtúti tuae : \* confírma hoc Deus, quod operátus es in nobis.

A templo tuo in Jerúsalem, \* tibi ófferent reges múnera.

Increpa feras arúndinis, & congregátio taurórum in vaccis populórum : \* ut excludant eos, qui probáti sunt argénto.

Díssipa gentes, quae bella volunt : & vénient legáti ex Ægypto : \* Æthiópia praeveniet manus ejus Deo.

Regna terrae, cantáte Deo : \* psállite Dómino :

Psállite Deo, qui ascéndit super caelum caeli, \* ad oriéntem.

Ecce dabit voci suae vocem virtútis, & date glóriam Deo super Israël, \* magnificéntia ejus, et virtus ejus in núbibus.

Mirábilis Deus in sanctis suis, & Deus Israël ipse dabit virtútem, et fortitúdinem plebi suae, \* benedíctus Deus.

Aññ. In ecclésiis benedícite Dómino.

V. Deus vitam meam annuntiávi tibi. R. Posuísti lárymas meas in conspéctu tuo.

In Advent. V. Egrediétur Dóminus. etc.

In Quadrag. V. Scápulis. etc.

Temp. Pass. V. Ne perdas cum ímpiis Deus. etc.

## IN LAUDIBUS.

Aña. Amplius lava me Dómine ab injustítia mea. Ps. 50. Miserére mei Deus. pag. 40.

Aña. Te decet hymnus Deus in Sion. Ps. ipse 64. pag. 48.

Aña. Lábia mea laudábunt te in vita mea, Deus meus. Ps. 62. Deus Deus meus. p. 47. Ps. 66. Deus misereátur. p. 50.

Aña. Dóminus judicábit fines terrae. Cant. Exsultávit. pag. 119.

Aña. Caeli caelórum laudáte Deum. Psalm. 148. Laudáte. pag. 115.

Ad Benedíctus, Aña. Salútem ex inimícis nostris : et de manu ómnium, qui nos odérunt, líbera nos Dómine.

## FERIA QUINTA.

## AD MATUTINUM.

Invitatorium. Adorémus Dóminum, \* Quóniam ipse fecit nos.

Psalmus 68.



ALVUM me fac Deus : \* quóniam intravérunt aquae usque ad ánimam meam.

Infíxus sum in limo profúndi : \* et non est substantia.

Veni in altitúdinem maris : \* et tempésta demérsit me.

Laborávi clamans, ꝛ raucae factae sunt fauces meae : \* defecérunt óculi mei, dum spero in Deum meum.

Multiplicáti sunt super capíllos cápitis mei, \* qui odérunt me gratis.

Confortáti sunt, qui persecúti sunt me inimíci mei injúste : \* quae non rápui, tunc exsolvébam.

Deus tu scis insipiéntiam meam : \* et delícta mea a te non sunt abscondita.

Non erubéscant in me qui expéctant te Dómine, \* Dómine virtútum.

Non confundántur super me \* qui quaerunt te, Deus Israël.

Quóniam propter te sustínuí oppróbrium : \* opéruit confúsio faciém meam.

Extráneus factus sum fratribus meis, \* et peregrínus fíliis matris meae.

Quóniam zelus domus tuae comédit me : \* et oppróbria exprobrántium tibi, cecidérunt super me.

Et opéruí in jejúnio ánimam meam : \* et factum est in oppróbrium mihi.

Et pósui vestiméntum meum cilícium : \* et factus sum illis in parábolam.

Advérsus me loquebántur qui sedébant in porta : \* et in me psallébant qui bibébant vinum.

Ego vero oratióem meam ad te Dómine : \* tempus benepláciti Deus.

In multitúdine misericórdiae tuae exáudi me, \* in veritate salútis tuae :

Eripe me de luto, ut non infígar : \* líbera me ab iis, qui odérunt me, et de profúndis aquárum.

Non me demérgat tempésta aquae, ꝛ neque absórbeat me profúndum : \* neque úrgeat super me púteus os suum.

Exáudi me Dómine, quóniam benígna est misericórdia tua : \* secúndum multitudínem miserationú tuárum respice in me.

Et ne avértas faciém tuam a púero tuo : \* quóniam tríbulor, velóciter exáudi me.

Inténde ánimae meae, et líbera eam : \* propter inimícos meos éripe me.

Tu scis impropérium meum, et confusiónem meam, \* et reveréntiam meam.

In conspéctu tuo sunt omnes qui tríbulant me, \* impropérium exspectávit cor meum, et misériam.

Et sustínui qui simul contristarétur, et non fuit : \* et qui consolarétur, et non invéni.

Et dedérunt in escam meam fel : \* et in siti mea potavérunt me acéto.

Fiat mensa eórum coram ipsis in láqueum, \* et in retributiónes, et in scándalum.

Obscuréntur óculi eórum ne vídeant : \* et dorsum eórum semper incúrva.

Effúnde super eos iram tuam : \* et furor irae tuae comprehéndat eos.

Fiat habitátio eórum de-

sérta : \* et in tabernáculis eórum non sit qui inhábitet.

Quóniam quem tu percussísti, persecúti sunt : \* et super dolórem vúlnerum meórum addidérunt.

Appóne iniquitátem super iniquitátem eórum : \* et non intrent in justítiam tuam.

Deleántur de Libro vivéntium : \* et cum justis non scribántur.

Ego sum pauper et dolens : \* salus tua Deus suscepit me.

Laudábo nomen Dei cum cántico : \* et magnificábo eum in laude :

Et placébit Deo super vítulum novéllum : \* córnua producéntem et úngulas.

Vídeant páuperes et laeténtur : \* quaerite Deum, et vivet ánima vestra :

Quóniam exaudivit páuperes Dóminus : \*.et vinctos suos non despéxit.

Laudent illum caeli et terra, \* mare, et ómnia reptília in eis.

Quóniam Deus salvam faciet Sion : \* et aedificabúntur civitátes Juda.

Et inhabitábunt ibi, \* et hereditáte acquírent eam.

Et semen servórum ejus possidébit eam, \* et qui díligunt nomen ejus, habitábunt in ea.

Psalmus 69.

**D**EUS in adjutórium meum inténde : \* Dómine ad adjuvándum me festína.



Confundántur, et revereántur, \* qui quaerunt ánimam meam :

Avertántur retrórsum, et erubéscant, \* qui volunt mihi mala :

Avertántur statim erubescéntes, \* qui dicunt mihi : Euge, euge.

Exsúltent et laeténtur in te omnes qui quaerunt te, \* et dicant semper : Magnificétur Dóminus : qui díligunt salutare tuum.

Ego vero egénus, et pauper sum : \* Deus ádjuva me.

Adjútor meus, et liberátor meus es tu : \* Dómine ne moréris.

Añña. Dómine Deus in adjutorium meum inténde.

Psalmus 70.

**I**N te Dómine sperávi, non confúndar in aetérnum : \* in justítia tua líbera me, et éripe me.

Inclína ad me aurem tuam, \* et salva me.

Esto mihi in Deum protectórem, ꝛ et in locum munitum : \* ut salvum me fácias,

Quóniam firmaméntum meum, \* et refúgium meum es tu.

Deus meus éripe me de manu peccatóris, \* et de manu contra legem agéntis et iníqui :

Quóniam tu es patiéntia mea Dómine : \* Dómine spes mea a juventúte mea.

In te confirmátus sum ex útero : \* de ventre matris meae tu es protéctor meus :

In te cantátio mea semper : \* tamquam prodígium factus sum multis : et tu adjútor fortis.

Repleátur os meum laude, ut cantem glóriam tuam : \* tota die magnítudinem tuam.

Ne projícias me in témpore senectútis : \* cum defécerit virtus mea, ne derelínquas me.

Quia dixerunt inimíci mei mihi : \* et qui custodiébant ánimam meam, consílium fecerunt in unum,

Dicéntes : Deus derelíquit eum, ꝛ persequímini, et comprehéndite eum : \* quia non est qui erípiat.

Deus ne elongéris a me : \* Deus meus in auxílium meum respice.

Confundántur, et deficiant detrahéntes ánimae meae : \* operiántur confusióne, et pudóre qui quaerunt mala mihi.

Ego autem semper sperábo : \* et adjíciam super omnem laudem tuam.

Os meum annuntiábit justítiam tuam : \* tota die salutáre tuum.

Quóniam non cognóvi litteratúram, introíbo in poténtias Dómini : \* Dómine memorábor justítiae tuae solus.

Deus docuísti me a juventúte mea : \* et usque nunc pronuntiábo mirabília tua :

Et usque in senectam et senium : \* Deus ne derelinquas me,

Donec annuntiem brachium tuum \* generationi omni, quae ventura est :

Potentiam tuam, et justitiam tuam Deus usque in altissima, quae fecisti magnalia : \* Deus quis similis tibi?

Quantas ostendisti mihi tribulationes multas, et malas : ⁊ et conversus vivificasti me : \* et de abyssis terrae iterum reduxisti me :

Multiplicasti magnificentiam tuam : \* et conversus consolatus es me.

Nam et ego confitebor tibi in vasis psalmi veritatem tuam : \* Deus psallam tibi in cithara, sanctus Israël.

Exsultabunt labia mea cum cantavero tibi : \* et anima mea, quam redemisti.

Sed et lingua mea tota die meditabitur justitiam tuam : \* cum confusi et reveriti fuerint qui quaerunt mala mihi.

Psalmus 71.

**D**EUS iudicium tuum regi da : \* et justitiam tuam filio regis :

Judicare populum tuum in justitia, \* et pauperes tuos in iudicio.

Suscipiant montes pacem populo : \* et colles justitiam.

Judicabit pauperes populi, ⁊ et salvos faciet filios pauperum : \* et humiliabit calumniatorem.

Et permanebit cum sole, et ante lunam, \* in generatione et generationem.

Descendet sicut pluvia in vellus : \* et sicut stillicidia stillantia super terram.

Orietur in diebus ejus justitia et abundantia pacis : \* donec auferatur luna.

Et dominabitur a mari usque ad mare : \* et a flumine usque ad terminos orbis terrarum.

Coram illo procident Aethiopes : \* et inimici ejus terram lingent.

Reges Tharsis, et insulae munera offerent : \* reges Arabum, et Saba dona adducent :

Et adorabunt eum omnes reges terrae : \* omnes gentes servient ei :

Quia liberabit pauperem a potente : \* et pauperem, cui non erat adjutor.

Parcet pauperi et inopi : \* et animas pauperum salvos faciet.

Ex usuris et iniquitate redimet animas eorum : \* et honorabile nomen eorum coram illo .

Et vivet, et dabitur ei de auro Arabiae, ⁊ et adorabunt de ipso semper : \* tota die benedicent ei.

Et erit firmanentum in terra in summis montium, ⁊ superextolletur super Libanum fructus ejus : \* et florabunt de civitate sicut foenum terrae.

Sit nomen ejus benedíctum in saecula : \* ante solem permanet nomen ejus.

Et benedicéntur in ipso omnes tribus terrae : \* omnes gentes magnificábunt eum.

Benedíctus Dóminus Deus Israël, \* qui facit mirabília solus :

Et benedíctum nomen majestátis ejus in aetérnum : ⁊ et replébitur majestáte ejus omnis terra : \* fiat, fiat.

Añā. Esto mihi Dómine in Deum protectórem.

Psalmus 72.

**Q**UAM bonus Israël Deus \* his, qui recto sunt corde!

Mei autem pene moti sunt pedes : \* pene effúsi sunt gressus mei.

Quia zelávi super iníquos, \* pacem peccatórum videns.

Quia non est respéctus mortis eórum : \* et firmaméntum in plaga eórum.

In labóre hóminum non sunt, \* et cum homínibus non flagellabúntur :

Ideo ténuít eos supérbia, \* opérti sunt iniquitáte et impietáte sua.

Pródiit quasi ex ádipe iniquitas eórum : \* transiérunt in afféctum cordis.

Cogitavérunt, et locúti sunt nequítiam : \* iniquitátem in excélso locúti sunt.

Posuérunt in caelum os suum : \* et lingua eórum transívit in terra.

Ideo convertétur pópulus meus hic : \* et dies pleni inveniéntur in eis.

Et dixerunt : Quómodo scit Deus, \* et si est sciéntia in excélso?

Ecce ipsi peccatóres, et abundántes in saeculo, \* obtinuérunť divítias.

Et dixi : ⁊ Ergo sine causa justificávi cor meum, \* et lavi inter innocéntes manus meas :

Et fui flagellátus tota die, \* et castigátio mea in matutínis.

Si dicébam : Narrábo sic : \* ecce natiónem filiórum tuórum reprobávi.

Existimábam ut cognóscerem hoc, \* labor est ante me :

Donec intrem in Sanctuárium Dei : \* et intélligam in novíssimis eórum.

Verúmtamen propter dolos posuísti eis : \* dejecísti eos dum allevaréntur.

Quómodo facti sunt in desolatiónem, súbito defecérunt : \* periérunt propter iniquitátem suam.

Velut sómnum surgéntium Dómine, \* in civitáte tua imáginem ipsórum ad níhilum rédiges.

Quia inflammátum est cor meum, ⁊ et renes mei commutáti sunt : \* et ego ad níhilum redáctus sum, et nescívi.

Ut juméntum factus sum apud te : \* et ego semper tecum.

Tenuísti manum dexteram meam : ⁊ et in voluntáte tua

deduxísti me, \* et cum glória suscepísti me.

Quid enim mihi est in caelo? \* et a te quid vólui super terram?

Defécit caro mea, et cor meum : \* Deus cordis mei, et pars mea Deus in aetérnum.

Quia ecce, qui elóngant se a te, peribunt : \* perdidísti omnes, qui fornicántur abs te.

Mihi autem adhaerére Deo bonum est : \* pónere in Dómino Deo spem meam :

Ut annúntiem omnes praedicationés tuas, \* in portis filiae Sion.

Psalmus 73.

**U**T quid Deus repulísti in finem : \* irátus est furor tuus super oves páscuae tuae?

Memor esto congregatiónis tuae, \* quam possedísti ab inítkio.

Redemísti virgam hereditátis tuae : \* mons Sion, in quo habitásti in eo.

Leva manus tuas in superbias eórum in finem : \* quanta malignátus est inimícus in sancto!

Et gloriáti sunt qui odérunt te : \* in médio solemnitátis tuae.

Posuérunt signa sua, signa : \* et non cognovérunt sicut in éxitu super summum.

Quasi in silva lignórum secúribus excidérunt jánuas ejus in idípsum : \* in secúri, et áscia dejecérunt eam.

Incendérunt igni Sanctuárium tuum : \* in terra poluérunt tabernáculum nóminis tui.

Dixérunt in corde suo cognátio eórum simul : \* quiéscere faciámus omnes dies festos Dei a terra.

Signa nostra non vídimus, et jam non est prophéta : \* et nos non cognóscet ámplius.

Usquequo Deus impropérabit inimícus : \* irrítat adversárius nomen tuum in finem?

Ut quid avértis manum tuam, et dexteram tuam, \* de médio sinu tuo in finem?

Deus autem rex noster ante saecula : \* operátus est salutem in médio terrae.

Tu confirmásti in virtúte tua mare : \* contribulásti cápita draconum in aquis.

Tu confregísti cápita draconis : \* dedísti eum escam pópulis Æthiopum.

Tu dirupísti fontes, et torréntes : \* tu siccásti flúvios Ethan.

Tuus est dies, et tua est nox : \* tu fabricátus es auróram et solem.

Tu fecísti omnes términos terrae : \* aestátem et ver tu plasmásti ea.

Memor esto hujus, inimícus impropéravit Dómino : \* et pópulus insípiens incitávit nomen tuum.

Ne tradas béstiis ánimas confiténtes tibi, \* et ánimas páuperum tuórum ne obliuiscáris in finem.

Réspice in testaméntum tuum : \* quia repléti sunt, qui obscuráti sunt terrae dómibus iniquitátum.

Ne avertátur húmilis factus confúsus : \* pauper et inops laudábunt nomen tuum.

Exsúrge Deus, júdica causam tuam : \* memor esto impropériórum tuórum, eórum quae ab insipiénte sunt tota die.

Ne obliviscáris voces inimicórum tuórum : \* supérbia eórum, qui te odérunt, ascéndit semper.

Aña. Liberásti virgam hereditátis tuae.

Psalmus 74.

**C**ONFITEBIMUR tibi Deus : \* confitébimur, et invocábimus nomen tuum.

Narrábimus mirabília tua : \* cum accépero tempus, ego justítias judicábo.

Liquefácta est terra, et omnes qui hábitant in ea : \* ego confirmávi colúmnas ejus.

Dixi iníquis : Nolíte iníque ágere : \* et delinquentibus : Nolíte exaltáre cornu :

Nolíte extóllere in altum cornu vestrum : \* nolíte loqui advérsus Deum iniquitátem.

Quia neque ab oriénte, neque ab occidénte, neque a desértis móntibus : \* quóniam Deus judex est.

Hunc humíliat, et hunc exáltat : \* quia calix in manu Dómini vini meri plenus misto.

Et inclinávit ex hoc in hoc : verúmtamen faex ejus non est exinaníta : \* bibent omnes peccatóres terrae.

Ego autem annuntiábo in saeculum : \* cantábo Deo Jacob.

Et ómnia córnua peccatórum confríngam : \* et exaltábuntur córnua justí.

Psalmus 75.

**D**OTUS in Judaea Deus : \* in Israël magnum nomen ejus.

Et factus est in pace locus ejus : \* et habitatio ejus in Sion.

Ibi confrégit poténtias arcuum, \* scutum, gládium, et bellum.

Illúminans tu mirabíliter a móntibus aetérnis : \* turbáti sunt omnes insipiétes corde.

Dormiérunt somnum suum : \* et nihil invenérunt omnes viri divitiárum in má nibus suis.

Ab increpatióne tua Deus Jacob \* dormitavérunt qui ascenderunt equos.

Tu terríbilis es, et quis résistet tibi? \* ex tunc ira tua.

De caelo audítum fecísti judícium : \* terra trémuit et quiévit,

Cum exsúrgeret in judícium Deus, \* ut salvos fáceret omnes mansuétos terrae.

Quóniam cogitatio hóminis confitébitur tibi : \* et reliquiae cogitatiónis diem festum agent tibi.

Vovéte, et réddite Dómino Deo vestro : \* omnes qui in circúitu ejus affértis múnera.

Terríbili et ei qui aufert spíritum princípum, \* terríbili apud reges terrae.

Añã. In Israël magnum nomen ejus.

Psalmus 76.

**V**OCE mea ad Dóminum clamávi : \* voce mea ad Deum, et inténdit mihi.

In die tribulatiónis meae Deum exquisívi, mánibus meis nocte contra eum : \* et non sum decéptus.

Rénuit consolári ánima mea, ⁊ memor fui Dei, et delectátus sum, et exercitátus sum : \* et defécit spíritus meus.

Anticipavérunt vigílias óculi mei : \* turbátus sum, et non sum locútus.

Cogitávi dies antíquos : \* et annos aetérnos in mente hábui.

Et meditátus sum nocte cum corde meo, \* et exercitábar, et scopébam spíritum meum.

Numquid in aetérnum projíciet Deus : \* aut non appónet ut complacítior sit adhuc?

Aut in finem misericórdiam suam abscíndet, \* a generatióne in generatióem?

Aut obliviscétur miseréri Deus? \* aut continébit in ira sua misericórdias suas?

Et dixi : Nunc coepi : \* haec mutátio dexteræ Excélsi.

Memor fui óperum Dómini : \* quia memor ero ab initio mirabílium tuórum,

Et meditábor in ómnibus opéribus tuis : \* et in adinventiόνibus tuis exercébor.

Deus in sancto via tua : ⁊ quis Deus magnus sicut Deus noster? \* tu es Deus qui facis mirabília.

Notam fecísti in pópulis virtutem tuam : \* redemísti in bráchio tuo pópulum tuum, filios Jacob, et Joseph.

Vidérunt te aquae Deus, ⁊ vidérunt te aquae : \* et timué-runt, et turbatae sunt abyssi.

Multitúdo sónitus aquárum : \* vocem dedérunt nubes.

Etenim sagíttae tuae tráns-eunt : \* vox tonítrui tui in rota.

Illuxérunt coruscationes tuae orbi terrae : \* commóta est et contrémuit terra.

In mari via tua, et sémitae tuae in aquis multis : \* et vestígia tua non cognoscéntur.

Deduxísti sicut oves pópulum tuum, \* in manu Móysi et Aaron.

Psalmus 77.

**A**TTENDITE pópule meus legem meam : \* inclináte aurem vestram in verba oris mei.

Apériam in parábolis os meum : \* loquar propositiões ab initio.

Quanta audívimus et cognóvimus ea : \* et patres nostri narravérunt nobis.

Non sunt occultáta a fíliis eórum, \* in generatióne áltera.

Narrántes laudes Dómini, \* et virtútes ejus, \* et mirabília ejus quae fecit.

Et suscitávit testimónium in Jacob : \* et legem pósuit in Israël.

Quanta mandávit pátribus nostris nota fácere ea fíliis suis : \* ut cognóscat generatió áltera.

Fílii qui nascéntur, et exsúrgent, \* et narrábunt fíliis suis,

Ut ponant in Deo spem suam, ⁊ et non obliviscántur óperum Dei : \* et mandáta ejus exquírant :

Ne fiant sicut patres eórum : \* generatió prava et exásperans.

Generatió, quae non diréxit cor suum : \* et non est créditus cum Deo spíritus ejus.

Fílii Ephrem intendéntes et mitténtes arcum : \* convérsi sunt in die belli.

Non custodiérunt testaméntum Dei : \* et in lege ejus noluerunt ambuláre.

Et oblíti sunt benefactórum ejus, \* et mirabílium ejus quae osténdit eis.

Coram pátribus eórum fecit mirabília in terra Ægypti, \* in campo Táneos.

Interrúpit mare, et perdúxit eos : \* et státuit aquas quasi in utre.

Et dedúxit eos in nube diéi : \* et tota nocte in illuminatióne ignis.

Interrúpit petram in erémo : \* et adaquávit eos velut in abyssó multa.

Et edúxit aquam de petra : \* et dedúxit tamquam flúmina aquas.

Et apposuérunt adhuc peccáre ei : \* in iram excitavérunt Excélsū in inaquóso.

Et tentavérunt Deum in córdibus suis : \* ut péterent escas animábus suis.

Et male locúti sunt de Deo : \* dixerunt : Numquid póterit Deus paráre mensam in desérto?

Quóniam percússit petram, et fluxérunt aquae, \* et torrén-tes inundavérunt.

Numquid et panem póterit dare, \* aut paráre mensam pópulo suo?

Ideò audívit Dóminus, et dístulit : \* et ignis accénsus est in Jacob, et ira ascéndit in Israël:

Quia non credidérunt in Deo, \* nec speravérunt in salutári ejus :

Et mandávit núbibus désuper, \* et jánuas caeli apérui.

Et pluit illis manna ad manducándum, \* et panem caeli dedit eis.

Panem Angelórum manducávit homo : \* cibária misit eis in abundántia.

Tránstulit Austrum de caelo : \* et indúxit in virtúte sua Africum.

Et pluit super eos sicut púlverem carnes : \* et sicut arénam maris volatília pennáta.



Et cecidérunt in médio castrórum suórum : \* circa tabernácula eórum.

Et manducavérunt et saturáti sunt nimis, et desidérium eórum áttulit eis : \* non sunt fraudáti a desidério suo.

Adhuc escae eórum erant in ore ipsórum : \* et ira Dei ascéndit super eos.

Et occídít pingues eórum, \* et eléctos Israël impedívit.

In ómnibus his peccavérunt adhuc : \* et non credidérunt in mirábilibus ejus.

Et defecérunt in vanitáte dies eórum : \* et anni eórum cum festinátione.

Cum occíderet eos, quaerébant eum : \* et revertebántur, et dilúculo veniébant ad eum.

Et rememoráti sunt quia Deus adjútor est eórum : \* et Deus excélsus redémptor eórum est.

Et dilexérunt eum in ore suo, \* et lingua sua mentíti sunt ei :

Cor autem eórum non erat rectum cum eo : \* nec fideles hábiti sunt in testaménto ejus.

Ipse autem est miséricors, et propítius fiet peccátis eórum : \* et non dispéddet eos.

Et abundávit ut avérteret iram suam : \* et non accéndit omnem iram suam :

Et recordátus est quia caro sunt : \* spíritus vadens, et non rédiens.

Quóties exacerbavérunt eum in desérto, \* in iram concitavérunt eum in inaquóso?

Et convérsi sunt, et tentavérunt Deum : \* et sanctum Israël exacerbavérunt.

Non sunt recordáti manus ejus, \* die qua redémit eos de manu tribulántis,

Sicut pósuit in Ægypto signa sua, \* et prodígia sua in campo Táneos.

Et convértit in ságuinem flúmina eórum, \* et imbres eórum, ne bíberent.

Misit in eos coenomyfam, et comédit eos : \* et ranam, et dispéddidit eos.

Et dedit aerúgini fructus eórum : \* et labóres eórum locústae.

Et occídít in grándine víneas eórum : \* et moros eórum in pruína.

Et trádidit grándini juménta eórum : \* et possessionem eórum igni.

Misit in eos iram indignatiónis suae : et indignatiónem, et iram, et tribulatióem : \* immissiones per ángelos malos.

Viam fecit sémitae irae suae, et non pepércit a morte animábus eórum : \* et juménta eórum in morte conclúsit.

Et percússit omne primogénitum in terra Ægypti : \* primítias omnis labóris eórum in tabernáculis Cham.

Et ábstulit sicut oves pópulum suum : \* et perdúxit eos tamquam gregem in desérto.

Et dedúxit eos in spe, et non timuérunt : \* et inimícos eórum opéruit mare.

Et indúxit eos in montem sanctificatiónis suae, \* montem, quem acquisívit dextera ejus.

Et ejécit a fácie eórum gentes : \* et sorte dívísit eis terram in funículo distributiónis.

Et habitáre fecit in tabernáculis eórum \* tribus Israël.

Et tentavérunt, et exacerbavérunt Deum excélsu : \* et testimónia ejus non custodiérunt.

Et avertérunt se, et non servavérunt pactum : \* quemádmódu patres eórum, conversi sunt in arcum pravum.

In iram concitavérunt eum in cóllibus suis : \* et in sculptílibus suis ad aemulatióne eum provocavérunt.

Audívit Deus, et sprexit : \* et ad níhilum redégit valde Israël.

Et répulit tabernáculum Silo, \* tabernáculum suum, ubi habitávit in homínibus.

Et trádedit in captivitátem virtútem eórum : \* et pulcritúdinem eórum in manus inimíci.

Et conclúsit in gládio pópulum suum : \* et hereditátem suam sprexit.

Júvenes eórum comédit ignis : \* et vírgines eórum non sunt lamentatae.

Sacerdótes eórum in gládio cecidérunt : \* et víduae eórum non plorabántur.

Et excitátus est tamquam dórmíens Dóminus, \* tamquam potens crapulátus a vino.

Et percússit inimícos suos in posterióra : \* oppróbrium sempitérnu dedit illis.

Et répulit tabernáculum Joseph : \* et tribu Ephraim non elégit :

Sed elégit tribu Juda, \* montem Sion quem diléxit.

Et aedificávit sicut unicórnu sanctíficiu suu in terra, \* quam fundávit in saecula.

Et elégit David servu suu, ꝛ et sústulit eum de grégibus óvium : \* de post fetántes accépit eum.

Páscere Jacob servu suu, \* et Israël hereditátem suam :

Et pavit eos in innocéntia cordis sui : \* et in intelléctibus mánuum suárum dedúxit eos.

Añña. Tu es Deus qui facis mirabília.

Psalmus 78.

**D**EUS venérunt gentes in hereditátem tuam, ꝛ polluéru templu sanctu tuu : \* posuéru Jerúsalem in pomórum custódiam.

Posuéru morticína servórum tuórum, escas volatílibus caeli : \* carnes sanctórum tuórum béstiis terrae.

Effudérunt ságuinem eórum tamquam aquam in circúitu Jerúsalem : \* et non erat qui sepelíret.

Facti sumus oppróbrium vicinis nostris : \* subsannatio et illúsió his, qui in circúitu nostro sunt.

Usquequo Dómine irascéris in finem : \* accendétur velut ignis zelus tuus?

Effúnde iram tuam in gentes, quae te non novérunt : \* et in regna, quae nomen tuum non invocavérunt :

Quia comedérunt Jacob : \* et locum ejus desolavérunt.

Ne memínaris iniquitátum nostrárum antiquárum, ꝛ cito antícipent nos misericórdiae tuae : \* quia páuperes facti sumus nimis.

Adjuva nos Deus salutáris noster : ꝛ et propter glóriam nóminis tui Dómine líbera nos : \* et propítius esto peccátis nostris, propter nomen tuum :

Ne forte dicant in géntibus : Ubi est Deus eórum? \* et innotéscat in natióibus coram óculis nostris.

Ultio sánguinis servórum tuórum, qui effúsus est : \* intróeat in conspéctu tuo gémitus compeditórum.

Secúndum magnitúdinem bráchii tui, \* pösside fílios mortificatórum.

Et redde vicinis nostris séptuplum in sinu eórum : \* improperium ipsórum, quod exprobravérunt tibi Dómine.

Nos autem pópulus tuus, et oves páscae tuae, \* confitébimur tibi in saeculum :

In generatióem et generatióem \* annuntiábimus laudem tuam.

Psalmus 79.

**Q**UI regis Israël, inténde : \* qui dedúcis velut ovem Joseph.

Qui sedes super Chérubim, \* manifestáre coram Ephraim, Bénjamin, et Manásse.

Excita poténtiam tuam, et veni, \* ut salvos fácias nos.

Deus convérte nos : \* et osténde fáciem tuam, et salvi érimus.

Dómine Deus virtútum, \* quoúsque irascéris super oratióem servi tui?

Cibábis nos pane lacrymárum : \* et potum dabis nobis in lácrymis in mensúra?

Posuísti nos in contradictiódinem vicinis nostris : \* et inimíci nostri subsannavérunt nos.

Deus virtútum convérte nos : \* et osténde fáciem tuam, et salvi érimus.

Víneam de Ægypto transtulísti : \* ejecísti gentes, et plantásti eam.

Dux itíneris fuísti in conspéctu ejus : \* plantásti radíces ejus, et implévit terram.

Opéruit montes umbra ejus : \* et arbústa ejus cedros Dei.

Exténdit pálmities suos usque ad mare : \* et usque ad flumen propágines ejus.

Ut quid destruxísti macériam ejus : \* et vindémiant

eam omnes, qui praetergre-  
diúntur viam?

Exterminávit eam aper de  
silva : \* et singuláris ferus  
depástus est eam.

Deus virtútum convértere : \*  
réspecte de caelo, et vide, et  
vísita víneam istam.

Et pérfice eam, quam plan-  
távit dextera tua : \* et super  
fílium hóminis, quem confir-  
másti tibi.

Incénsa igni, et suffóssa \*  
ab increpatióne vultus tui  
perfbunt.

Fiat manus tua super virum  
dexterae tuae : \* et super fí-  
lium hóminis, quem confirmá-  
sti tibi.

Et non discédimus a te, vi-  
ficábis nos : \* et nomen tuum  
invocábimus.

Dómine Deus virtútum con-  
vérte nos : \* et osténde faciém  
tuam, et salvi érimus.

Aña. Propítius esto peccátis  
nostris, Dómine.

℣. Gaudébunt lábia mea,  
cum cantávero tibi. ℞. Et áni-  
ma mea, quam redemísti.

In Adventu. ℣. Ex Sion  
spécies. etc.

In Quadrag. ℣. Dicet Dó-  
mino. etc.

Temp. Pass. ℣. Erue a frá-  
mea. etc.

#### IN LAUDIBUS.

Aña. Tibi soli peccávi Dómi-  
ne, miserére mei. Psalm. 50.  
Miserére mei Deus. pag. 40.

Aña. Dómine refúgium fa-  
ctus es nobis. Ps. ipse 89. p. 71.

Aña. In matutínis Dómine  
meditábor in te. Psalm. 62.  
Deus Deus meus. pag. 47.  
Psalm. 66. Deus misereátur.  
pag. 50.

Aña. In aetérnum Dóminus  
regnábit, et ultra. Cant. Can-  
témus Dómino. pag. 119.

Aña. In sanctis ejus laudáte  
Deum. Ps. 148. Laudáte Dó-  
minum de caelis. pag. 115.

Ad Benedictus, Aña. In san-  
ctitáte serviámus Dómino, et  
liberábit nos ab inimícis no-  
stris.

### FERIA SEXTA.

#### AD MATUTINUM.

Invitatorium. Dóminum,  
qui fecit nos, \* Veníte adoré-  
mus.

Psalmus 80.



**X**SULTATE Deo  
adjutóri nostro : \*  
jubiláte Deo Jacob.  
Súmte psalmum,  
et date tympanum : \* psalté-  
rium jucúndum cum cíthara.

Bucináte in Neoménia tu-  
ba, \* in insígni die solemni-  
tátis vestrae :

Quia praecéptum in Israél  
est : \* et judícium Deo Ja-  
cob.

Testimónium in Joseph pó-  
suit illud, cum exíret de terra  
Ægypti : \* linguam, quam non  
nóverat, audívit.

Divértit ab onéribus dor-  
sum ejus : \* manus ejus in có-  
phino serviérunt.

In tribulatióne invocásti me, et liberávi te : \* exaudívi te in abscondito tempestátis : probávi te apud aquam contradi-  
ctiúnis.

Audi pópulus meus, et con-  
testábor te : \* Israël si audie-  
ris me, non erit in te deus  
recens, neque adorábis deum  
aliénium.

Ego enim sum Dóminus  
Deus tuus, qui edúxi te de  
terra Ægypti : \* diláta os  
tuum, et implébo illud.

Et non audívit pópulus me-  
us vocem meam : \* et Israël  
non inténdit mihi.

Et dimísi eos secúndum de-  
sidéria cordis eórum, \* ibunt  
in adinventiúnibus suis.

Si pópulus meus audísset  
me : \* Israël si in viis meis  
ambuláset :

Pro níhilo fórsitan inimícos  
eórum humiliássem : \* et su-  
per tribulántes eos misíssem  
manum meam.

Inimíci Dómini mentíti sunt  
ei : \* et erit tempus eórum in  
saecula.

Et cibávit eos ex ádipe fru-  
menti : \* et de petra, melle sa-  
turávit eos.

Psalmus 81.

**D**EUS stetit in synagóga  
deórum : \* in médio au-  
tem deos dijúdicat.

Usquequo judicátis iniqui-  
tátem : \* et fácies peccatórum  
sumitis?

Judicáte egéno, et pupíllo : \*

húmilem, et páuperem justi-  
ficáte.

Erípите páuperem : \* et egé-  
num de manu peccatóris libe-  
ráte.

Nesciérunt, neque intelle-  
xérunt, et in ténebris ámbu-  
lant : \* movebúntur ómnia  
fundaménta terrae.

Ego dixi : Dii estis, \* et fí-  
lii excélsi omnes.

Vos autem sicut hómines  
moriémini : \* et sicut unus de  
príncipibus cadétis.

Surge Deus, júdica terram : \*  
quóniam tu hereditábis in óm-  
nibus géntibus.

Añã. Exsultáte Deo adju-  
tóri nostro.

Psalmus 82.

**D**EUS, quis símilis erit  
tibi? \* ne táceas, neque  
compescáris Deus :

Quóniam ecce inimíci tui  
sonuérunt : \* et qui odérunt  
te, extulérunt caput.

Super pópulum tuum ma-  
lignavérunt consílium : \* et  
cogitavérunt advérsus sanctos  
tuos.

Dixerunt: Veníte, et disperdá-  
mus eos de gente : \* et non me-  
morétur nomen Israël ultra.

Quóniam cogitavérunt una-  
nímiter, \* simul advérsus te  
testaméntum disposuérunt,  
tabernácula Idumaeórum et  
Ismaélítæ :

Moab, et Agaréni, Gebal, et  
Ammon, et Amalec : \* alieníge-  
nae cum habitántibus Tyrum.

Etenim Assur venit cum illis : \* facti sunt in adiutorium filiis Lot.

Fac illis sicut Márian, et Sísarae : \* sicut Jabin in torrente Cisson.

Disperiérunt in Endor : \* facti sunt ut stercus terrae.

Pone príncipes eórum sicut Oreb, et Zeb, \* et Zébee, et Sálmana :

Omnes príncipes eórum : \* qui dixerunt : Hereditáte possideámus Sanctuárium Dei.

Deus meus pone illos ut rotam : \* et sicut stípulam ante faciém venti.

Sicut ignis, qui combúrit silvam : \* et sicut flamma combúrens montes :

Ita persequéris illos in tempestáte tua : \* et in ira tua turbábis eos.

Imple faciés eórum ignominía : \* et quaerent nomen tuum, Dómine.

Erubéscant, et conturbéntur in saeculum saeculi : \* et confundántur, et péreant.

Et cognóscant quia nomen tibi Dóminus : \* tu solus Altíssimus in omni terra.

Psalmus 83.

**Q**UAM dilécta tabernácula tua Dómine virtútum : \* concupíscit, et déficit ánima mea in átria Dómini.

Cor meum, et caro mea \* exsultavérunt in Deum vivum.

Etenim passer invénit sibi

domum : \* et turtur nidum sibi, ubi ponat pullos suos.

Altária tua Dómine virtútum : \* rex meus, et Deus meus.

Beáti, qui hábitant in domo tua Dómine : \* in saecula saeculórum laudábunt te.

Beátus vir, cujus est auxiliú abs te : \* ascensiónes in corde suo dispósuit, in valle lacrymárum in loco, quem pósuit.

Etenim benedictiónem dabit legislátor, et ibunt de virtúte in virtútem : \* vidébitur Deus deórum in Sion.

Dómine Deus virtútum exáudi oratióem meam : \* áuribus pércipe Deus Jacob.

Protéctor noster áspice Deus : \* et réspice in faciém Christi tui :

Quia mélior est dies una in átriis tuis, \* super míllia.

Elégi abjéctus esse in domo Dei mei : \* magis quam habitáre in tabernáculis peccatórum.

Quia misericórdiam, et veritátem díligit Deus : \* grátiam, et glóriam dabit Dóminus.

Non privábit bonis eos, qui ámbulant in innocéntia : \* Dómine virtútum, beátus homo, qui sperat in te.

Aña. Tu solus Altíssimus super omnem terram.

Psalmus 84.

**B**ENEDIXISTI Dómine terram tuam : \* avertísti captivitátem Jacob.

Remisísti iniquitátem plebis tuae : \* operuísti ómnia peccáta eórum.

Mitigásti omnem iram tuam : \* avertísti ab ira indignatiónis tuae.

Convérte nos Deus salutáris noster : \* et avérte iram tuam a nobis.

Numquid in aetérnum irascéris nobis? \* aut extédes iram tuam a generatióne in generatióne?

Deus tu convérsus vivificábis nos : \* et plebs tua laetábitur in te.

Osténde nobis Dómine misericórdiam tuam : \* et salutáre tuum da nobis.

Audiam quid loquátur in me Dóminus Deus : \* quóniam loquétur pacem in plebem suam.

Et super sanctos suos : \* et in eos qui convertúntur ad cor.

Verúmtamen prope timéntes eum salutáre ipsíus : \* ut inhábitet glória in terra nostra.

Misericórdia, et véritas obviavérunt sibi : \* justítia, et pax osculatae sunt.

Véritas de terra orta est : \* et justítia de caelo prospéxit.

Etenim Dóminus dabit benignitátem : \* et terra nostra dabit fructum suum.

Justítia ante eum ambulábit : \* et ponet in via gressus suos.

Psalmus 85.

**I**NCLINA Dómine aurem tuam, et exáudi me : \* quóniam inops, et pauper sum ego.

Custódi ánimam meam, quóniam sanctus sum : \* salvum fac servum tuum, Deus meus, sperántem in te.

Miserére mei Dómine, quóniam ad te clamávi tota die : \* laetífica ánimam servi tui, quóniam ad te Dómine ánimam meam levávi.

Quóniam tu Dómine suávis, et mitis : \* et multae misericórdiae ómnibus invocántibus te.

Auribus pécipe Dómine oratióne meam : \* et inténde voci deprecatiónis meae.

In die tribulatiónis meae clamávi ad te : \* quia exaudísti me.

Non est símilis tui in diis Dómine : \* et non est secúndum ópera tua.

Omnes gentes quascúmque fecísti, et vénient, et adorábunt coram te Dómine : \* et gloriificábunt nomen tuum.

Quóniam magnus es tu, et fáciens mirabília : \* tu es Deus solus.

Deduc me Dómine in via tua, et ingrédia in veritate tua : \* laetétur cor meum ut tímeat nomen tuum.

Confitébor tibi Dómine Deus meus in toto corde meo, \* et glorificábo nomen tuum in aetérnum :



Quia misericórdia tua magna est super me : \* et eruísti ánimam meam ex inférno inferiori.

Deus, iníqui insurrexérunt super me, et synagóga potentium quaesiérunt ánimam meam : \* et non proposuérunt te in conspéctu suo.

Et tu Dómine Deus miserátor et miséricors, \* pátiens, et multae misericórdiae, et verax,

Réspice in me, et miserére mei, ꝛ da impérium tuum púero tuo : \* et salvum fac fílium ancíllae tuae.

Fac mecum signum in bonum, ꝛ ut vídeant qui odérunt me, et confundántur : \* quóniam tu Dómine adjuvísti me, et consolátus es me.

Aña. Benedixísti Dómine terram tuam.

Psalmus 86.

**F**UNDAMENTA ejus in móntibus sanctis : \* díligit Dóminus portas Sion super ómnia tabernácula Jacob.

Gloriósá dicta sunt de te, \* civitas Dei.

Memor ero Rahab, et Baby-lónis \* sciéntium me.

Ecce alienígenae, et Tyrus, et pópulus Æthíopum, \* hi fuérunt illic.

Numquid Sion dicet : Homo, ꝛ et homo natus est in ea : \* et ipse fundávit eam Altíssimus?

Dóminus narrábit in scri-

ptúris populórum, et príncipum : \* horum, qui fuérunt in ea.

Sicut laetántium ómnium \* habitátio est in te.

Psalmus 87.

**D**OMINE Deus salútis meae : \* in die clamávi, et nocte coram te.

Intret in conspéctu tuo orátio mea : \* inclína aurem tuam ad precem meam :

Quia repléta est malis ánima mea : \* et vita mea inférno appropinquávit.

Æstimátus sum cum descendentibus in lacum : \* factus sum sicut homo sine adjutório, inter mórtuos liber :

Sicut vulneráti dormiéntes in sepúlcris, ꝛ quorum non es memor ámplius : \* et ipsi de manu tua repúlsi sunt.

Posuérunt me in lacu inferiori : \* in tenebrósis, et in umbra mortis.

Super me confirmátus est furor tuus : \* et omnes fluctus tuos induxísti super me.

Longe fecísti notos meos a me : \* posuérunt me abominatióem sibi.

Tráditus sum, et non egrediebar : \* óculi mei languérunt prae inópia.

Clamávi ad te Dómine tota die : \* expándi ad te manus meas.

Numquid mórtuis fácies mirabília : \* aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam,\* et veritátem tuam in perdi-tióne?

Numquid cognoscéntur in ténebris mirabília tua : \* et justítia tua in terra obliuionis?

Et ego ad te Dómine cla-mávi : \* et mane orátio mea praeuéniet te.

Ut quid Dómine repélis oratiómem meam : \* auértis fá-ciem tuam a me?

Pauper sum ego, et in labó-ribus a iuuentúte mea : \* exal-tátus autem, humiliátus sum et conturbátus.

In me transiérunt irae tuae : \* et terróres tui contur-bauérunt me.

Circumdedérunt me sicut aqua tota die : \* circumdedé-runt me simul.

Elongásti a me amícum, et próximum : \* et notos meos a miséria.

Aña. Fundaménta ejus in móntibus sanctis.

Psalmus 88.

**M**ISERICORDIAS Dó-mini \* in aetérnum can-tábo.

In generatiómem et genera-tiómem \* annuntiábo veritátem tuam in ore meo.

Quóniam dixísti : In aetér-num misericórdia aedificábitur in caelis : \* praeeparábitur véri-tas tua in eis.

Dispósui testaméntum elé-ctis meis, ꝓ jurávi David seruo

meo : \* Usque in aetérnum praeeparábo semen tuum.

Et aedificábo in generatió-nem, et generatiómem \* sedem tuam.

Confitebúntur caeli mirabí-lia tua Dómine : \* étenim ve-ritátem tuam in ecclésia san-ctórum.

Quóniam quis in núbibus aequábitur Dómino : \* símilis erit Deo in fíliis Dei?

Deus, qui glorificátur in con-sílio sanctórum : \* magnus et terríbilis super omnes qui in circúitu ejus sunt

Dómine Deus virtútum quis símilis tibi? \* potens es Dó-mine, et véritas tua in circúitu tuo.

Tu domináris potestáti ma-ris : \* motum autem flúctuum ejus tu mítigas.

Tu humiliásti sicut vulnerá-tum, supérbum : \* in bráchio virtútis tuae dispersísti inimí-cos tuos.

Tui sunt caeli, et tua est terra, ꝓ orbem terrae et pleni-túdinem ejus tu fundásti : \* aquilónem, et mare tu creásti.

Thabor et Hermon in nó-mine tuo exsultábunt : \* tuum bráchium cum poténtia.

Firmétur manus tua, et exaltétur dextera tua : \* ju-stítia et judícium praeeparatio sedis tuae.

Misericórdia et véritas prae-cédent fáciem tuam : \* beá-tus pópulus, qui scit jubila-tiómem.

Dómine, in lúmine vultus tui ambulábunt, ⁊ et in nómine tuo exsultábunt tota die : \* et in justítia tua exaltábuntur.

Quóniam glória virtútis eórum tu es : \* et in beneplácito tuo exaltábitur cornu nostrum.

Quia Dómini est assúptio nostra : \* et sancti Israël regis nostri.

Tunc locútus es in visióne sanctis tuis, ⁊ et dixísti : Pósui adjutórium in poténite : \* et exaltávi eléctum de plebe mea.

Inveni David servum meum : \* óleo sancto meo unxi eum.

Manus enim mea auxiliábitur ei : \* et bráchium meum confortábit eum.

Nihil profíciet inimícus in eo, \* et fílius iniquitátis non appónet nocére ei.

Et concídám a fácie ipsíus inimícos ejus : \* et odiéntes eum in fugam convértam.

Et véritas mea, et misericórdia mea cum ipso : \* et in nómine meo exaltábitur cornu ejus.

Et ponam in mari manum ejus : \* et in flumínibus dexteram ejus.

Ipse invocábit me : Pater meus es tu : \* Deus meus, et suscéptor salútis meae.

Et ego primogénitum ponam illum \* excélsam prae régibus terrae.

In aetérnum servábo illi misericórdiam meam : \* et testaméntum meum fidéle ipsi.

Et ponam in saeculum saeculi semen ejus, \* et thronum ejus sicut dies caeli.

Si autem derelíquerint fílii ejus legem meam : \* et in judíciis meis non ambuláverint :

Si justítias meas profanáverint : \* et mandáta mea non custodíerint :

Visitábo in virga iniquitátes eórum : \* et in verbéribus peccáta eórum.

Misericórdiam autem meam non dispérgam ab eo : \* neque nocébo in veritáte mea :

Neque profanábo testaméntum meum : \* et quae procedunt de lábiis meis non fáciam írrita.

Semel jurávi in sancto meo, ⁊ si David méntiar : \* semen ejus in aetérnum manébit.

Et thronus ejus sicut sol in conspéctu meo, ⁊ et sicut luna perfécta in aetérnum : \* et testis in caelo fidélis.

Tu vero repulísti et desepxísti : \* distulísti Christum tuum.

Evertísti testaméntum servi tui : \* profanásti in terra Sanctuárium ejus.

Destruxísti omnes sepes ejus : \* posuísti firmaméntum ejus formídinem.

Diripuérunt eum omnes transeúntes viam : \* factus est oppróbrium vicínis suis.

Exaltásti dexteram depri-  
mentium eum : \* laetificásti  
omnes inimicos ejus.

Avertísti adiutorium gladii  
ejus : \* et non es auxiliatus ei  
in bello.

Destruxísti eum ab emun-  
datione : \* et sedem ejus in  
terram collisísti.

Minorásti dies temporis  
ejus : \* perfudísti eum confu-  
sione.

Usquequo Dómine avértis  
in finem : \* exardescet sicut  
ignis ira tua?

Memoráre quae mea sub-  
stantia : \* numquid enim vane  
constituísti omnes filios hómi-  
num?

Quis est homo, qui vivet, et  
non videbit mortem : \* eruet  
ánimam suam de manu ínferi?

Ubi sunt misericórdiae  
tuae antiquae Dómine, \* sicut  
jurásti David in veritate tua?

Memor esto Dómine oppró-  
brii servorum tuorum \* (quod  
contínui in sinu meo) multá-  
rum gentium.

Quod exprobraverunt ini-  
mici tui Dómine, \* quod ex-  
probraverunt commutationem  
Christi tui.

Benedíctus Dóminus in  
aetérnum : \* fiat, fiat.

N. Psalmus 89.

**D**OMINE, refúgium factus  
es nobis : \* a generatió-  
ne in generatióne.

Priúsqvam montes fierent,  
aut formarétur terra, et or-

bis : \* a saeculo et usque in  
saeculum tu es Deus.

Ne avértas hóminem in hu-  
militatem : \* et dixísti : Con-  
vertímini filii hóminum.

Quóniam mille anni ante  
óculos tuos, \* tamquam dies  
hestérna, quae praetériit,

Et custódia in nocte, \* quae  
pro níhilo habéntur, eórum  
anni erunt.

Mane sicut herba tránseat, et  
mane flóreat, et tránseat : \*  
véspere decídat, indúret, et  
aréscat.

Quia defécimus in ira tua, \*  
et in furóre tuo turbáti sumus.

Posuísti iniquitates nostras  
in conspéctu tuo : \* saeculum  
nostrum in illuminatióne vul-  
tus tui.

Quóniam omnes dies nostri  
defecérunt : \* et in ira tua de-  
fécimus.

Anni nostri sicut aránea me-  
ditabúntur : \* dies annórum  
nostrórum in ipsis, septua-  
gínta anni.

Si autem in potentátibus  
octogínta anni : \* et ámplius  
eórum, labor et dolor.

Quóniam supervénit man-  
suetúdo : \* et corripíemur.

Quis novit potestátem irae  
tuae : \* et prae timóre tuo iram  
tuam dinumeráre?

Dexteram tuam sic notam  
fac : \* et erudíto corde in sa-  
piéntia.

Convértere Dómine úsque-  
quo? \* et deprecábilis esto su-  
per servos tuos.

Repléti sumus mane misericórdia tua : \* et exsultávimus, et delectáti sumus ómnibus diébus nostris.

Laetáti sumus pro diébus, quibus nos humiliásti : \* anis, quibus vídimus mala.

Réspice in servos tuos, et in ópera tua : \* et dirige filios eórum.

Et sit splendor Dómini Dei nostri super nos, et ópera mánuum nostrárum dirige super nos : \* et opus mánuum nostrárum dirige.

N. Psalmus 90.

**Q**UI hábitat in adiutorio Altíssimi, \* in protectióne Dei caeli commorábitur.

Dicet Dómino : Suscéptor meus es tu, et refúgium meum : \* Deus meus sperábo in eum.

Quóniam ipse liberávit me de láqueo venántium, \* et a verbo áspero.

Scápulis suis obumbrábit tibi : \* et sub pennis ejus sperábis.

Scuto circúmdabit te véritas ejus : \* non timébis a timóre noctúrno,

A sagítta volánte in die, et a negótio perambulánte in ténebris, \* ab incúrsu, et daemónio meridiáno.

Cadent a látere tuo mille, et decem míllia a dextris tuis : \* ad te autem non appropinquábit.

Verúmtamen óculis tuis con-

siderábis : \* et retributióem peccatórum vidébis.

Quóniam tu es Dómine spes mea : \* Altíssimum posuísti refúgium tuum.

Non accédet ad te malum : \* et flagéllum non appropinquábit tabernáculo tuo.

Quóniam Angelis suis mandávit de te : \* ut custódiant te in ómnibus viis tuis.

In mánibus portábunt te : \* ne forte offéndas ad lápidem pedem tuum.

Super áspidem et basilíscum ambulábis : \* et conculcábis leónem et draconem.

Quóniam in me sperávit, liberábo eum : \* prótegam eum, quóniam cognóvit nomen meum.

Clamábit ad me, et ego exáudiam eum : et cum ipso sum in tribulatióne : \* erípíam eum et glorificábo eum.

Longitúdine diérum replébo eum : \* et osténdam illi salutáre meum.

N. Psalmus 91.

**B**ONUM est confitéri Dómino : \* et psállere nómini tuo Altíssime.

Ad annuntiándum mane misericórdiam tuam : \* et veritátem tuam per noctem.

In decachódo, psaltério : \* cum cántico, in cíthara.

Quia delectásti me Dómine in factúra tua : \* et in opéribus mánuum tuárum exultábo.

Quam magnificáta sunt ópera tua Dómine! \* nimis profúndae factae sunt cogitatiónes tuae.

Vir insípiens non cognóscet: \* et stultus non intélliget haec.

Cum exórti fúerint peccatóres sicut foenum: \* et apparúerint omnes, qui operántur iniquitátem:

Ut intéreant in saeculum saeculi: \* tu autem Altíssimus in aetérnum Dómine.

Quóniam ecce inimíci tui Dómine, ꝛ quóniam ecce inimíci tui peribunt: \* et dispergéntur omnes, qui operántur iniquitátem.

Et exaltábitur sicut unicórnis cornu meum: \* et senéctus mea in misericórdia úberi.

Et despéxit óculus meus inimícos meos: \* et in insurgéntibus in me malignántibus áudiet auris mea.

Justus, ut palma florébit: \* sicut cedrus Líbani multiplicábitur.

Plantáti in domo Dómini, \* in átriis domus Dei nostri florébunt.

Adhuc multiplicabúntur in senécta úberi: \* et bene patiéntes erunt, ut annúntient:

Quóniam rectus Dóminus Deus noster: \* et non est iníquitas in eo.

N. Psalmus 92.

**D**OMINUS regnávít, decórem indútus est: \* indútus est Dóminus fortitúdinem, et praecínxit se.

Etenim firmávit orbem terrae, \* qui non commovébitur.

Paráta sedes tua ex tunc: \* a saeculo tu es.

Elevavérunt flúmina Dómine: \* elevavérunt flúmina vocem suam.

Elevavérunt flúmina fluctus suos, \* a vóci bus aquárum multárum.

Mirábiles elatiónes maris: \* mirábilis in altis Dóminus.

Testimónia tua credibília facta sunt nimis: \* domum tuam decet sanctitúdo Dómine in longitudínem diérum.

Psalmus 93.

**D**EUS ultiónum Dóminus: \* Deus ultiónum libere egít.

Exaltáre qui júdicas terram: \* redde retributió nem supérbis.

Usquequo peccatóres Dómine: \* úsquequo peccatóres gloriabúntur:

Effabúntur, et loquéntur iniquitátem: \* loquéntur omnes, qui operántur in justítiam?

Pópulum tuum Dómine humiliavérunt: \* et hereditátem tuam vexavérunt.

Víduam, et ádvenam interfecérunt: \* et pupíll os occidé runt.

Et dixerunt: Non vidébit Dóminus, \* nec intélliget Deus Jacob.

Intellígite insipientes in pópulo: \* et stulti aliquándo sápite.

Qui plantávit aurem, non áudiet? \* aut qui finxit óculum, non consíderat?

Qui córripit gentes, non árguet : \* qui docet hóminem sciéntiam?

Dóminus scit cogitatiónes hóminum, \* quóniam vanae sunt.

Beátus homo, quem tu erudíeris Dómine : \* et de lege tua docúeris eum.

Ut mítiges ei a diébus malis : \* donec fodiátur peccatóri fóvea.

Quia non repéllet Dóminus plebem suam : \* et hereditátem suam non derelínquet.

Quoadúsque justítia convertátur in iudícium : \* et qui juxta illam omnes qui recto sunt corde.

Quis consúrget mihi advérsus malignántes? \* aut quis stabit mecum advérsus operántes iniquitátem?

Nisi quia Dóminus adjúvit me : \* paulo minus habitásset in inférno ánima mea.

Si dicébam : Motus est pes meus : \* misericórdia tua Dómine adjuvábam me.

Secúndum multitudínem dolórum meórum in corde meo : \* consolatiónes tuae laetificavérunt ánimam meam.

Numquid adhaeret tibi sedes iniquitátis : \* qui fingis labórem in praecépto?

Captábunt in ánimam justí : \* et sánguinem innocentem condemnábunt.

Et factus est mihi Dóminus in refúgium : \* et Deus meus in adjutórium spei meae.

Et reddet illis iniquitátem ipsórum : ꝛ et in malítia eórum dispérdet eos : \* dispérdet illos Dóminus Deus noster.

Añna. Benedíctus Dóminus in aetérnum.

N. Psalmus 94.

**V**ENITE, exsultémus Dómino : \* jubilémus Deo salutári nostro :

Praeoccupémus fáciem ejus in confessióne : \* et in psalmis jubilémus ei.

Quóniam Deus magnus Dóminus : \* et rex magnus super omnes deos.

Quia in manu ejus sunt omnes fines terrae : \* et altitúdines móntium ipsíus sunt.

Quóniam ipsíus est mare, et ipse fecit illud : \* et siccam manus ejus formavérunt.

Veníte adorémus, et procidámus : et plorémus ante Dóminum, qui fecit nos. \* Quia ipse est Dóminus Deus noster :

Et nos pópulus páscuae ejus, et oves manus ejus. \* Hódie si vocem ejus audiéritis, nolíte obduráre corda vestra;

Sicut in irritatióne secúndum diem tentatiónis in deserto : ꝛ ubi tentavérunt me patres vestri, \* probavérunt me, et vidérunt ópera mea.

Quadráginta annis offénsus fui generatióni illi, \* et dixi : Semper hi errant corde.

Et isti non cognoverunt  
vias meas : ꝛ ut juravi in ira  
mea : \* Si introibunt in requiem  
meam.

Psalmus 95.

**C**ANTATE Dómino cánti-  
cum novum : \* cantáte  
Dómino omnis terra.

Cantáte Dómino, et bene-  
dícite nómini ejus : \* annun-  
tiáte de die in diem salutáre  
ejus.

Annuntiáte inter gentes gló-  
riam ejus, \* in ómnibus pó-  
pulis mirábilia ejus.

Quóniam magnus Dóminus,  
et laudábilis nimis : \* terríbi-  
lis est super omnes deos.

Quóniam omnes dii géntium  
daemónia : \* Dóminus autem  
caelos fecit.

Conféssio, et pulcritúdo in  
conspéctu ejus : \* sanctimó-  
nia, et magnificéntia in sancti-  
ficatióne ejus.

Afférte Dómino pátriae gén-  
tium, ꝛ afférte Dómino glóriam  
et honórem : \* afférte Dómino  
glóriam nómini ejus.

Tóllite hóstias, et introíte in  
átria ejus : \* adoráte Dómi-  
num in átrio sancto ejus.

Commovéatur a fácie ejus  
univérsa terra : \* dícite in  
géntibus quia Dóminus re-  
gnávit.

Etenim corréxit orbem ter-  
rae qui non commovébitur : \*  
judicábit póculos in aequitáte.

Laeténtur caeli, et exsúltet  
terra, ꝛ commovéatur mare, et

plenitúdo ejus : \* gaudébunt  
campi, et ómnia, quae in eis sunt.

Tunc exsultábunt ómnia  
ligna silvárum a fácie Dómini,  
quia venit : \* quóniam venit  
judicáre terram.

Judicábit orbem terrae in  
aequitáte, \* et póculos in veri-  
táte sua.

Psalmus 96.

**D**OMINUS regnávit, ex-  
súltet terra : \* laeténtur  
ínsulae multae.

Nubes, et calígo in circúitu  
ejus : \* justítia, et judícium  
corréctio sedis ejus.

Ignis ante ipsum praecé-  
det, \* et inflammábit in cir-  
cúitu inimícos ejus.

Illuxérunt fúlgura ejus orbi  
terrae : \* vidit, et commóta est  
terra.

Montes, sicut cera fluxérunt  
a fácie Dómini : \* a fácie Dó-  
mini omnis terra.

Annuntiavérunt caeli justí-  
tiam ejus : \* et vidérunt om-  
nes póculi glóriam ejus.

Confundántur omnes, qui  
adórant sculptília : \* et qui  
gloriántur in simulácris suis.

Adoráte eum omnes Angeli  
ejus : \* audívit, et laetáta est  
Sion.

Et exsultavérunt filiae Ju-  
dae, \* propter judícia tua Dó-  
mine :

Quóniam tu Dóminus altís-  
simus super omnem terram : \*  
nimis exaltátus es super omnes  
deos.



Qui diligitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde laetítia.

Laetámini justí in Dómino : \* et confitémini memóriæ sanctificatiónis ejus.

Aña. Cantáte Dómino, et benedícite nómini ejus.

℣. Beátus homo, quem tu erudíeris Dómine. ℞. Et de lege tua docúeris eum.

In Adventu, ℣. Egrediétur virga. etc.

In Quadrag. ℣. Ipse liberávit me. etc.

Temp. Pass. ℣. De ore leónis. etc.

#### IN LAUDIBUS.

Aña. Spíritu principáli confírma cor meum Deus. Ps. 50. Miserére mei Deus. pag. 40.

Aña. In veritáte tua exáudi me Dómine. Ps. 142. Dómine exáudi. pag. 112.

Aña. Illúmina Dómine vul-tum tuum super nos. Ps. 62. Deus Deus meus. pag. 47. Ps. 66. Deus misereátur. p. 50.

Aña. Dómine audívi audí-tum tuum, et tímui. Cant. ipsum, pag. 120.

Aña. In tympano, et choro, in chordis, et órgano, laudáte Deum. Psalmus 148. Laudáte Dóminum de caelis. cum ceteris, pag. 115.

Ad Benedictus, Aña. Per víscera misericórdiae Dei nostri, in quibus visitávit nos óriens ex alto.

#### SABBATO.

##### AD MATUTINUM.

Invitator. Dóminum Deum nostrum, \* Veníte adorémus.

Psalmus 97.



CANTATE Dómino cánticum novum : \* quia mirabília fecit.

Salvávit sibi dextera ejus : \* et bráchium sanctum ejus.

Notum fecit Dóminus salutare suum : \* in conspéctu géntium revelávit justítiam suam.

Recordátus est misericórdiae suae, \* et veritátis suae dómui Israël.

Vidérunt omnes términi terrae \* salutare Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cíthara, in cíthara et voce psalmi : \* in tubis ductílibus, et voce tubae córnea.

Jubiláte in conspéctu regis Dómini : ⁊ moveátur mare, et plenitúdo ejus : \* orbis terrárum, et qui hábitant in eo.

Flúmina plaudent manu, ⁊ simul montes exsultábunt a conspéctu Dómini : \* quóniam venit judicáre terram.

Judicábit orbem terrárum in justítia, \* et pópulos in aequitáte.

## Psalmus 98.

**D**OMINUS regnávít, irascántur pópuli : \* qui sedet super Chérubim, moveátur terra.

Dóminus in Sion magnus : \* et excélsus super omnes pópulos.

Confiteántur nómini tuo magno : ⁊ quóniam terríbile, et sanctum est : \* et honor regis iudícium dñligit.

Tu parásti directiões : \* iudícium et justítiam in Jacob tu fecísti.

Exaltáte Dóminum Deum nostrum, ⁊ et adoráte scabélum pedum ejus : \* quóniam sanctum est.

Móyses, et Aaron in sacerdotibus ejus : \* et Sámuel inter eos, qui invocant nomen ejus :

Invocabant Dóminum, et ipse exaudiébat eos : \* in columna nubis loquebátur ad eos.

Custodiébant testimónia ejus, \* et præcéptum quod dedit illis.

Dómine Deus noster tu exaudiébas eos : \* Deus tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, ⁊ et adoráte in monte sancto ejus : \* quóniam sanctus Dóminus Deus noster.

Aña. Quia mirabília fecit Dóminus.

## Psalmus 99.

**J**UBILATE Deo omnis terra : \* servíte Dómino in laetítia.

Introíte in conspéctu ejus, \* in exsultatióne.

Scitóte quóniam Dóminus ipse est Deus : \* ipse fecit nos, et non ipsi nos :

Pópulus ejus, et oves páscuæ ejus : ⁊ introíte portas ejus in confessióne, \* átria ejus in hymnis : confitémini illi.

Laudáte nomen ejus : quóniam suávis est Dóminus, ⁊ in aetérnum misericórdia ejus, \* et usque in generatióne et generatióne veritas ejus.

## Psalmus 100.

**M**ISERICORDIAM, et iudícium \* cantábo tibi Dómine :

Psallam, et intélligam in via immaculáta, \* quando vénies ad me.

Perambulábam in innocéntia cordis mei, \* in médio domus meae.

Non proponébam ante óculos meos rem injústam : \* faciéntes praevaricatiões odívi.

Non adhæsit mihi cor pravum : \* declinántem a me malígnum non cognoscébam.

Detrahéntem secréto próximo suo, \* hunc persequébar.

Supérbo óculo, et insatiábili corde, \* cum hoc non edébam.

Oculi mei ad fideles terrae  
ut sédeant mecum : \* ámbu-  
lans in via immaculáta, hic  
mihi ministrábat.

Non habitábit in médio do-  
mus meae qui facit supér-  
biam : \* qui lóquitur iníqua,  
non diréxit in conspéctu oculó-  
rum meórum.

In matutíno interficiébam  
omnes peccatóres terrae : \* ut  
dispénderem de civitáte Dó-  
mini omnes operántes iniqui-  
tátem.

Añña. Jubiláte Deo omnis  
terra.

Psalmus 101.

**D**OMINE exáudi oratió-  
nem meam : \* et clamor  
meus ad te véniat.

Non avértas fáciem tuam a  
me : \* in quacúmque die trí-  
bulor, inclína ad me aurem  
tuam.

In quacúmque die invo-  
cávero te, \* velóciter exáudi  
me.

Quia defecérunt sicut fumus  
dies mei : \* et ossa mea sicut  
crémium aruérunt.

Percússus sum ut foenum,  
et áruit cor meum : \* quia  
oblítus sum comédere panem  
meum.

A voce gémitus mei \* ad-  
haesit os meum carni meae.

Símilis factus sum pellicáno  
solitúdinis : \* factus sum sicut  
nyctícorax in domicílio.

Vigilávi, \* et factus sum  
sicut passer solitárius in tecto.

Tota die exprobrábant mihi  
inimíci mei : \* et qui laudá-  
bant me advérsus me jurá-  
bant.

Quia cínerem tamquam pa-  
nem manducábam, \* et po-  
tum meum cum fletu miscé-  
bam.

A fácie irae et indignatiónis  
tuae : \* quia élevans allisísti  
me.

Dies mei sicut umbra decli-  
navérunt : \* et ego sicut foe-  
num áruí.

Tu autem Dómine in aetér-  
num pérmanes : \* et memo-  
riále tuum in generatióem et  
generatióem.

Tu exsúrgens miseréberis  
Sion : \* quia tempus miserén-  
di ejus, quia venit tempus.

Quóniam placuérunt servis  
tuis lápides ejus : \* et terrae  
ejus miserebúntur.

Et timébunt gentes nomen  
tuum Dómine, \* et omnes re-  
ges terrae glóriam tuam.

Quia aedificávit Dóminus  
Sion : \* et vidébitur in glória  
sua.

Respéxit in oratióem humí-  
lium : \* et non sprexit precem  
eórum.

Scribántur haec in genera-  
tióne áltera : \* et pópulus, qui  
creábitur, laudábit Dóminum :

Quia prospéxit de excélso  
sancto suo : \* Dóminus de  
caelo in terram aspéxit :

Ut audíret gémitus compe-  
ditórum : \* ut sólveret filios  
interemptórum :

Ut annúntient in Sion nomen Dómini : \* et laudem ejus in Jerúsalem.

In conveniéndō pópulos in unum, \* et reges ut sérviant Dómino.

Respóndit ei in via virtútis suae : \* Paucitátem diérum meórum núntia mihi.

Ne révoces me in dimídio diérum meórum : \* in generatióem et generatióem anni tui.

Inítio tu Dómine terram fundásti : \* et ópera mánuum tuárum sunt caeli.

Ipsi peribunt, tu autem permanes : \* et omnes sicut vestiméntum veteráscunt.

Et sicut opertórium mutábis eos, et mutabúntur : \* tu autem idem ipse es, et anni tui non deficient.

Fílii servórum tuórum habitábunt : \* et semen eórum in saeculum dirigétur.

Psalmus 102.

**B**ENEDIC ánima mea Dómino : \* et ómnia, quae intra me sunt, nómini sancto ejus.

Bénedic ánima mea Dómino : \* et noli oblivísci omnes retributióes ejus :

Qui propitiátur ómnibus iniquitatibus tuis : \* qui sanat omnes infirmitátes tuas.

Qui rédimit de intéritu vitam tuam : \* qui coronat te in misericórdia et miseratióibus.

Qui replet in bonis desiderium tuum : \* renovábitur ut áquilae juvéntus tua :

Fáciens misericórdias Dóminus : \* et iudícium ómnibus injúriam patiéntibus.

Notas fecit vias suas Móysi, \* fíliis Israél voluntátes suas.

Miserátor, et miséricors Dóminus : \* longánimis, et multum miséricors.

Non in perpétuum irascétur : \* neque in aetérnum comminábitur.

Non secúndum peccáta nostra fecit nobis : \* neque secúndum iniquitátes nostras retribuit nobis.

Quóniam secúndum altitúdinem caeli a terra : \* corroborávit misericórdiam suam super timéntes se.

Quantum distat ortus ab occidéntē : \* longe fecit a nobis iniquitátes nostras.

Quómodo miserétur pater filiórum, ꝫ misértus est Dóminus timéntibus se : \* quóniam ipse cognóvit figméntum nostrum.

Recordátus est quóniam pulvis sumus : ꝫ homo, sicut foenum dies ejus, \* tamquam flos agri sic efflorébit.

Quóniam spíritus pertransibit in illo, et non subsístet : \* et non cognóscet ámplius locum suum.

Misericórdia autem Dómini ab aetérno, \* et usque in aetérnum super timéntes eum.

Et justítia illíus in filios filiórum, \* his qui servant testaméntum ejus :

Et ménores sunt mandatórum ipsíus, \* ad faciéndum ea.

Dóminus in caelo parávit sedem suam : \* et regnum ipsíus ómnibus dominábitur.

Benedícite Dómino omnes Angeli ejus : \* poténtes virtúte, faciéntes verbum illíus, ad audiéndam vocem sermónum ejus.

Benedícite Dómino omnes virtútes ejus : \* minístri ejus, qui fácit voluntátem ejus.

Benedícite Dómino ómnia ópera ejus : \* in omni loco dominationis ejus, bédedic ánima mea Dómino.

Aña. Clamor meus ad te véniat Deus.

Psalmus 103.

**B**ENEDIC ánima mea Dómino : \* Dómine Deus meus magnificátus es vehementer.

Confessióem, et decórem induísti : \* amíctus lúmine sicut vestiménto :

Exténdens caelum sicut pellem : \* qui tegis aquis superiorá ejus.

Qui ponis nubem ascénsu tuum : \* qui ámbulas super pennas ventórum.

Qui facis Angelos tuos, spíritus : \* et minístros tuos ignem uréntem.

Qui fundásti terram super stabilitátem suam : \* non in-

clinábitur in saeculum saeculi.

Abyssus, sicut vestiméntum, amíctus ejus : \* super montes stabunt aquae.

Ab increpatióe tua fugient : \* a voce tonítrui tui formidábunt.

Ascéndunt montes : et descendunt campi \* in locum, quem fundásti eis.

Términum posuísti, quem non transgrediéntur : \* neque converténtur operíre terram.

Qui emíttis fontes in convállibus : \* inter médium móntium pertransíbunt aquae.

Potábunt omnes béstiae agri : \* exspectábunt ónagri in siti sua.

Super ea vólucres caeli habitábunt : \* de médio petrárum dabunt voces.

Rigans montes de superioribus suis : \* de fructu óperum tuórum satiábitur terra :

Prodúcens foenum juméntis, \* et herbam servitúti hóminum :

Ut edúcas panem de terra : \* et vinum laetíficet cor hóminis :

Ut exhílalet fáciem in óleo : \* et panis cor hóminis confírmet.

Saturabúntur ligna campi, ⁊ et cedri Líbani, quas plantávit : \* illic pásseres nidificábunt.

Heródii domus dux est eórum : ⁊ montes excélsi cervis : \* petra refúgium herináciis.

Fecit lunam in témpora : \*  
sol cognóvit occásu suum.

Posuísti ténebras, et facta  
est nox : \* in ipsa pertrans-  
ibunt omnes béstiae silvae.

Cátuli leónum rugiéntes, ut  
rápíant, \* et quaerant a Deo  
escam sibi.

Ortus est sol, et congregáti  
sunt : \* et in cubílibus suis  
collocabúntur.

Exíbit homo ad opus suum : \*  
et ad operatióne suam usque  
ad vésperum.

Quam magnificáta sunt  
ópera tua Dómine! ꝛ ómnia in  
sapiéntia fecísti : \* impléta est  
terra possessióne tua.

Hoc mare magnum, et spa-  
tiosu máribus : \* illic reptí-  
lia, quorum non est númerus.

Animália pusílla cum ma-  
gnis : \* illic naves pertrans-  
ibunt :

Draco iste, quem formásti  
ad illudéndum ei : \* ómnia a te  
expéctant ut des illis escam  
in témpore.

Dante te illis, cólligent : \*  
aperiénte te manum tuam,  
ómnia implebúntur bonitáte.

Averténte autem te fáciem,  
turbabúntur : ꝛ áuferes spí-  
ritum eórum, et defícient, \*  
et in púlverem suum rever-  
téntur.

Emíttes spíritum tuum, et  
creabúntur : \* et renovábis fá-  
ciem terrae.

Sit glória Dómini in saecu-  
lum : \* laetábitur Dóminus in  
opéribus suis :

Qui réspicit terram, et facit  
eam trémere : \* qui tangit  
montes, et fúmigant.

Cantábo Dómino in vita  
mea : \* psallam Deo meo  
quámdiu sum.

Jucúndum sit ei elóquium  
meum : \* ego vero delectábor  
in Dómino.

Defícient peccatóres a ter-  
ra, ꝛ et iníqui ita ut non sint : \*  
bénedic ánima mea Dómino.

Psalmus 104.

**C**ONFITEMINI Dómino,  
et invocáte nomen ejus : \*  
annuntiáte inter gentes ópera  
ejus.

Cantáte ei, et psállite ei : \*  
narráte ómnia mirabília ejus.

Laudámini in nómine san-  
cto ejus : \* laetétur cor quae-  
réntium Dóminum.

Quaerite Dóminum, et con-  
firmámini : \* quaerite fáciem  
ejus semper.

Mementóte mirabílium ejus,  
quae fecit : \* prodígia ejus, et  
judícia oris ejus.

Semen Abraham, servi  
ejus : \* filii Jacob elécti ejus.

Ipse Dóminus Deus noster : \*  
in univérsa terra judícia ejus.

Memor fuit in saeculum te-  
staménti sui : \* verbi, quod man-  
dávít in mille generatiónes :

Quod dispósuit ad Abra-  
ham : \* et juraménti sui ad  
Isaac :

Et státuit illud Jacob in  
praecéptum : \* et Israël in te-  
staméntum aetérnum :

Dicens : Tibi dabo terram Chánaan, \* funiculum hereditatis vestrae.

Cum essent número brevi, \* paucissimi, et incolae ejus :

Et pertransiérunt de gente in gentem, \* et de regno ad pópulum álterum.

Non relíquit hóminem nocére eis : \* et corrípuit pro eis reges.

Nolíte tángere christos meos : \* et in prophétis meis nolíte malignári.

Et vocávit famem super terram : \* et omne firmaméntum panis contrívit.

Misit ante eos virum : \* in servum venúmdatus est Joseph.

Humiliavérunt in compédibus pedes ejus, ꝛ ferrum pertransiit ánimam ejus, \* donec veníret verbum ejus.

Elóquium Dómini inflamávit eum : ꝛ misit rex, et solvit eum : \* princeps popolórum, et dimísit eum.

Constituit eum dóminum domus suae : \* et príncipem omnis possessiónis suae :

Ut erudíret príncipes ejus sicut semetípsum : \* et senes ejus prudéntiam docéret.

Et intrávit Israél in Ægyptum : \* et Jacob áccola fuit in terra Cham.

Et auxit pópulum suum veheménter : \* et firmávit eum super inimícos ejus.

Convértit cor eórum ut odírent pópulum ejus : \* et dolum fácerent in servos ejus.

Misit Móysen servum suum : \* Aaron, quem elégit ipsum.

Pósuit in eis verba signórum suórum, \* et prodigiórum in terra Cham.

Misit ténebras, et obscurávit : \* et non exacerbávit sermones suos.

Convértit aquas eórum in sánguinem : \* et occídit pisces eórum.

Edidit terra eórum ranas \* in penetrálibus regum ipsórum.

Dixit, et venit coenomyía : et cínifes \* in ómnibus fínibus eórum.

Pósuit plúvias eórum grádinem, \* ignem comburéntem in terra ipsórum.

Et percússit víneas eórum, et ficúlneas eórum : \* et contrívit lignum fínium eórum.

Dixit, et venit locústa, et bruchus, \* cujus non erat número :

Et comédit omne foenum in terra eórum : \* et comédit omnem fructum terrae eórum.

Et percússit omne primogénitum in terra eórum : \* primítias omnis labóris eórum.

Et edúxit eos cum argénto et auro : \* et non erat in tribus eórum infirmus.

Laetáta est Ægyptus in profectione eórum : \* quia incubuit timor eórum super eos.

Expándit nubem in protectionem eórum, \* et ignem ut lucéret eis per noctem.

Petiérunt, et venit cotúrnix : \* et pane caeli saturávit eos.

Dirúpit petram, et fluxérunt aquae : \* abiérunt in sicco flúmina;

Quóniam memor fuit verbi sancti sui, \* quod hábuit ad Abraham púerum suum.

Et edúxit pópulum suum in exsultatíone, \* et eléctos suos in laetítia.

Et dedit illis regiónés gén-tium : \* et labóres populórum possederunt :

Ut custódiant justificatiónes ejus, \* et legem ejus requírant.

Aña. Bénedic ánima mea Dómino.

Psalmus 105.

**C**ONFITEMINI Dómino quóniam bonus : \* quóniam in saeculum misericórdia ejus.

Quis loquétur poténtias Dómini, \* audítas faciet omnes laudes ejus?

Beáti, qui custódiunt iudícium, \* et faciunt justítiam in omni témpore.

Meménto nostri Dómine in beneplácito pópuli tui : \* vísita nos in salutári tuo :

Ad vidéndum in bonitáte electórum tuórum, et ad laetándum in laetítia gentis tuae : \* ut lauderis cum hereditáte tua.

Peccávimus cum pátribus nostris : \* injúste égimus, iniquitátem fécimus.

Patres nostri in Ægypto non intellexérunt mirábilia tua : \* non fuérunt mémores multitudínis misericórdiae tuae.

Et irritavérunt ascendéntes in mare, \* Mare rubrum.

Et salvávit eos propter nomen suum : \* ut notam fáceret poténtiam suam.

Et incrépuit Mare rubrum, et exsiccátum est : \* et dedúxit eos in abyssis sicut in desérto.

Et salvávit eos de manu odiéntium : \* et redémit eos de manu inimíci.

Et opéruit aqua tribulántes eos : \* unus ex eis non remánsit.

Et credidérunt verbis ejus : \* et laudavérunt laudem ejus.

Cito fecérunt, oblíti sunt óperum ejus : \* et non sustinuerunt consílium ejus.

Et concupiérunt concupiscéntiam in desérto : \* et tentavérunt Deum in inaquóso.

Et dedit eis petitiónem ipsórum : \* et misit saturitátem in ánimas eórum.

Et irritavérunt Móysen in castris, \* Aaron sanctum Dómini.

Apérta est terra, et deglutívit Dathan : \* et opéruit super congregatiónem Abíron.

Et exársit ignis in synagóga eórum : \* flamma combússit peccatóres.

Et fecérunt vítulum in Horeb : \* et adoravérunt scúlptile.



Et mutavérunt glóriam suam \* in similitudinem vítuli comedéntis foenum.

Oblíti sunt Deum, qui salvávit eos, ꝛ qui fecit magnália in Ægypto, mirabília in terra Cham : \* terribília in Mari rubro.

Et dixit ut dispérderet eos : \* si non Móyses eléctus ejus stetísset in confractióne in conspéctu ejus :

Ut avérteret iram ejus ne dispérderet eos : \* et pro níhilo habuérent terrám desiderábilem :

Non credidérunt verbo ejus, ꝛ et murmuravérunt in tabernáculis suis : \* non exaudierunt vocem Dómini.

Et elevávit manum suam super eos : \* ut prostérneret eos in desérto :

Et ut dejíceret semen eórum in natióibus : \* et dispérgeret eos in regiónibus.

Et initiáti sunt Beélphegor : \* et comedérunt sacrificia mortuórum.

Et irritavérunt eum in adinventiúnibus suis : \* et multiplicáta est in eis ruína.

Et stetit Phínees, et placávit : \* et cessávit quassátio.

Et reputátum est ei in justítiam, \* in generatióem et generatióem usque in sempitérnum.

Et irritavérunt eum ad Aquas contradíctiúnis : ꝛ et vexátus est Móyses propter eos : \* quia exacerbavérunt spíritum ejus.

Et distínxit in lábiis suis : \* non disperdidérunt gentes, quas dixit Dóminus illis.

Et commísti sunt inter gentes, ꝛ et didicérunt ópera eórum : et serviérunt sculptílibus eórum : \* et factum est illis in scándalum.

Et immolavérunt filios suos, \* et fílias suas daemóniis.

Et effudérunt sánguinem innocentem : \* sánguinem filiórum suórum et filiárum suárum, quas sacrificavérunt sculptílibus Chánaan.

Et infécta est terra in sanguínibus, ꝛ et contamináta est in opéribus eórum : \* et fornicáti sunt in adinventiúnibus suis.

Et irátus est furóre Dóminus in pópulum suum : \* et abominátus est hereditátem suam.

Et trádedit eos in manus géntium : \* et domináti sunt eórum qui odérunt eos.

Et tribulavérunt eos inimíci eórum, ꝛ et humiliáti sunt sub mánibus eórum : \* saepe liberávit eos.

Ipsi autem exacerbavérunt eum in consílio suo : \* et humiliáti sunt in iniquitatibus suis.

Et vidit cum tribularéntur : \* et audívit oratióem eórum.

Et memor fuit testaménti sui : \* et poenítuit eum secúndum multitudinem misericórdiae suae.

Et dedit eos in misericórdias \* in conspéctu ómnium qui céperant eos.

Salvos nos fac Dómine Deus noster : \* et cóngrega nos de natióibus :

Ut confiteámur nómini sancto tuo : \* et gloriémur in laude tua.

Benedíctus Dóminus Deus Israël a saeculo et usque in saeculum : \* et dicet omnis pópulus : Fiat, fiat.

Psalmus 106.

**C**ONFITEMINI Dómino quóniam bonus : \* quóniam in saeculum misericórdia ejus.

Dicant qui redémpti sunt a Dómino, ¿ quos redémit de manu inimíci : \* et de regiónibus congregávit eos :

A solis ortu, et occásu : \* ab aquilóne, et mari.

Erravérunt in solitúdine in inaquóso : \* viam civitátis habitáculi non invenérunt,

Esuriéntes, et sitiéntes : \* ánima eórum in ipsis defécit.

Et clamavérunt ad Dóminum cum tribularéntur : \* et de necessitatibus eórum erípuit eos.

Et dedúxit eos in viam rectam : \* ut irent in civitátem habitatiónis.

Confiteántur Dómino misericórdiae ejus : \* et mirabília ejus fíliis hóminum.

Quia satiávit ánimam inánem : \* et ánimam esuriéntem satiávit bonis.

Sedéntes in ténebris, et umbra mortis : \* vinctos in mendicitáte, et ferro.

Quia exacerbavérunt elóquia Dei : \* et consílium Altíssimi irritavérunt.

Et humiliátum est in labóribus cor eórum : \* infirmáti sunt, nec fuit qui adjuváret.

Et clamavérunt ad Dóminum cum tribularéntur : \* et de necessitatibus eórum liberávit eos.

Et edúxit eos de ténebris, et umbra mortis : \* et víncula eórum dirúpit.

Confiteántur Dómino misericórdiae ejus : \* et mirabília ejus fíliis hóminum.

Quia contrívit portas aereas : \* et vectes férreos confrégit.

Suscépit eos de via iniquitátis eórum : \* propter injustítias enim suas humiliáti sunt.

Omnem escam abomináta est ánima eórum : \* et appropinquavérunt usque ad portas mortis.

Et clamavérunt ad Dóminum cum tribularéntur : \* et de necessitatibus eórum liberávit eos.

Misit verbum suum, et sanávit eos : \* et erípuit eos de interitióibus eórum.

Confiteántur Dómino misericórdiae ejus : \* et mirabília ejus fíliis hóminum.

Et sacrificent sacrificium laudis : \* et annúntient ópera ejus in exsultatióne.

Qui descéndunt mare in ná-  
vibus, \* faciéntes operatió-  
nem in aquis multis.

Ipsividérunt ópera Dómini,\*  
et mirabília ejus in profúndo.

Dixit, et stetit spíritus pro-  
célle : \* et exaltáti sunt flu-  
ctus ejus.

Ascéndunt usque ad cae-  
los, ⁊ et descéndunt usque ad  
abyssos : \* ánima eórum in  
malis tabescébat.

Turbáti sunt, et moti sunt  
sicut ébrius : \* et omnis sa-  
piéntia eórum devoráta est.

Et clamavérunt ad Dómi-  
num cum tribularéntur, \* et de  
necessitatibus eórum edúxit  
eos.

Et státuit procéllam ejus in  
auram : \* et silué-  
runt fluctus ejus.

Et laetáti sunt quia silué-  
runt : \* et dedúxit eos in por-  
tum voluntátis eórum.

Confiteántur Dómino mise-  
ricórdiae ejus : \* et mirabília  
ejus fíliis hóminum.

Et exáltent eum in ecclésia  
plebis : \* et in cáthedra senió-  
rum laudent eum.

Pósuit flúmina in desértum : \*  
et éxitus aquárum in sitim.

Terram fructíferam in sal-  
súginem, \* a malítia inhabi-  
tántium in ea.

Pósuit desértum in stagna  
aquárum : \* et terram sine  
aqua in éxitus aquárum.

Et collocávit illic esurién-  
tes : \* et constituérunt civitá-  
tem habitatiónis.

Et seminavérunt agros, et  
plantavérunt víneas : \* et fecé-  
runt fructum nativitátis.

Et benedíxit eis, et multi-  
plicáti sunt nimis : \* et ju-  
ménta eórum non minorávit.

Et pauci facti sunt : \* et ve-  
xáti sunt a tribulatióne maló-  
rum, et dolore.

Effúsa est contéptio super  
príncipes : \* et erráre fecit eos  
in ínvio, et non in via.

Et adjúvit páuperem de inó-  
pia : \* et pósuit sicut oves fa-  
mílias.

Vidébunt recti, et laetabún-  
tur : \* et omnis iníquitas op-  
pilábit os suum.

Quis sapiens et custódi-  
et haec? \* et intélliget misericór-  
dias Dómini?

Añā. Vísita nos Dómine in  
salutári tuo.

Psalmus 107.

**P**ARATUM cor meum  
Deus, parátum cor me-  
um : \* cantábo, et psallam in  
glória mea.

Exsúrge glória mea, ⁊ ex-  
súrge psaltérium, et cíthara : \*  
exsúrgam dilúculo.

Confitébor tibi in pópulis  
Dómine : \* et psallam tibi in  
natióibus.

Quia magna est super cae-  
los misericórdia tua : \* et us-  
que ad nubes véritas tua.

Exaltáre super caelos Deus, ⁊  
et super omnem terram gló-  
ria tua : \* ut liberéntur dilécti  
tui.

Salvum fac dextera tua, et exáudi me : \* Deus locútus est in sancto suo :

Exsultábo, et dívidam Síchimam, \* et convállem tabernaculórum dimétiar.

Meus est Gálaad, et meus est Manásses : \* et Ephraim susceptio cápitis mei.

Juda rex meus : \* Moab lebes spei meae.

In Idumaeam exténdam calceaméntum meum : \* mihi alienígenae amíci facti sunt.

Quis dedúcet me in civitátem munitam? \* quis dedúcet me usque in Idumaeam?

Nonne tu Deus, qui reputásti nos, \* et non exíbis Deus in virtútibus nostris?

Da nobis auxiliúm de tribulatione : \* quia vana salus hóminis.

In Deo faciémus virtútem : \* et ipse ad níhilum dedúcet inimícos nostros.

Psalmus 108.

**D**EUS laudem meam ne tacúeris : \* quia os peccatóris, et os dolósi super me apértum est.

Locúti sunt advérsus me lingua dolósa, ꝛ et sermónibus ódii circumdedérunt me : \* et expugnávérunt me gratis.

Pro eo ut me dilígerent, detrahébant mihi : \* ego autem orábam.

Et posuérunť advérsus me mala pro bonis : \* et ódium pro dilectiône mea.

Constítue super eum peccatórem : \* et diábolus stet a dextris ejus.

Cum judicátur, éxeat condemnátus : \* et orátio ejus fiat in peccátum.

Fiant dies ejus pauci : \* et episcopátum ejus accípiat alter.

Fiant fílii ejus órphani : \* et uxor ejus vídua.

Nutántes transferántur fílii ejus, et mendícent : \* et ejiciántur de habitatióibus suis.

Scrutétur fenerátor omnem substántiam ejus : \* et dirípiant aliéni labóres ejus.

Non sit illi adjútor : \* nec sit qui misereátur pupíllis ejus.

Fiant nati ejus in intéritum : \* in generatióne una deleátur nomen ejus.

In memóriam rédeat iníquitas patrum ejus in conspéctu Dómini : \* et peccátum matris ejus non deleátur.

Fiant contra Dóminum semper, ꝛ et dispéreat de terra memória eórum : \* pro eo quod non est recordátus fácere misericórdiam.

Et persecútus est hóminem ínopem, et mendícum, \* et compúnctum corde mortificáre.

Et diléxit maledictióem, et véniet ei : \* et nóluit benedictióem, et elongábitur ab eo.

Et induit maledictionem sicut vestimentum, \* et intravit sicut aqua in interiora ejus, et sicut oleum in ossibus ejus.

Fiat ei sicut vestimentum, quo operitur : \* et sicut zona, qua semper praecingitur.

Hoc opus eorum, qui detrahunt mihi apud Dominum : \* et qui loquuntur mala adversus animam meam.

Et tu Domine, Domine, fac mecum propter nomen tuum : \* quia suavis est misericordia tua.

Libera me quia egenus, et pauper ego sum : \* et cor meum conturbatum est intra me.

Sicut umbra cum declinat, ablatus sum : \* et excussus sum sicut locustae.

Genua mea infirmata sunt a jejunio : \* et caro mea immutata est propter oleum.

Et ego factus sum opprobrium illis : \* viderunt me, et moverunt capita sua.

Adjuva me Domine Deus meus : \* salvum me fac secundum misericordiam tuam.

Et sciant quia manus tua haec : \* et tu Domine fecisti eam.

Maledicent illi, et tu benedices : \* qui insurgunt in me, confundantur : \* servus autem tuus laetabitur.

Induantur qui detrahunt mihi, pudore : \* et operiantur sicut diplóide confusione sua.

tur sicut diplóide confusione sua.

Confitebor Domino nimis in ore meo : \* et in medio multorum laudabo eum :

Quia astitit a dextris pauperis, \* ut salvam faceret a persequentibus animam meam.

Añã. Confitebor Domino nimis in ore meo.

℣. Domine exaudi orationem meam. ℞. Et clamor meus ad te veniat.

In Advent. ℣. Egrediatur Dominus. etc.

In Quadrag. ℣. Scapulis suis obumbrabit tibi. etc.

Temp. Pass. ℣. Ne perdas cum impiis. etc.

#### IN LAUDIBUS.

Añã. Benigne fac in bona voluntate tua Domine. Psalm. 50. Miserere mei Deus. pag. 40.

Añã. Bonum est confiteri Domino. Ps. ipse 91. pag. 72.

Añã. Méтуant Dominum omnes fines terrae. Ps. 62. Deus Deus meus. pag. 47. Psalm. 66. Deus misereatur. pag. 50.

Añã. Et in servis suis Dominus miseretur. Cant. Audite caeli. pag. 121.

Añã. In cymbalis benesonantibus laudate Deum. Ps. 148. Laudate Dominum de caelis. cum ceteris, pag. 115.

Ad Benedictus, Añã. In viam pacis dirige nos Domine.

## INCIPIUNT PSALMI

Vesperarum.

## DOMINICIS DIEBUS

AD VESPERAS.

Psalmus 109.



**D**IXIT Dóminus Dómino meo : \* Sede a dextris meis :

Donec ponam inimícos tuos, \* scabéllum pedum tuórum.

Virgam virtútis tuæ emíttet Dóminus ex Sion : \* domináre in médio inimicórum tuórum.

Tecum princípium in die virtútis tuæ in splendóribus sanctórum : \* ex útero ante lucíferum génui te.

Jurávit Dóminus, et non poenitébit eum : \* Tu es sacérdos in aetérnum secúndum ordinem Melchisedech.

Dóminus a dextris tuis, \* confrégit in die iræ suæ reges.

Judicábit in natióibus, implébit ruínas : \* conquassábit cápita in terra multórum.

De torrén-te in via bibet : \* proptérea exaltábit caput.

Aña. Dixit Dóminus Dómino meo : Sede a dextris meis.

Psalmus 110.

**C**ONFITEBOR tibi Dómine in toto corde meo : \* in consílio justórum, et congregatióne.

Magna ópera Dómini : \* exquisíta in omnes voluntátes ejus.

Conféssio et magnificéntia opus ejus : \* et justítia ejus manet in saeculum saeculi.

Memóriam fecit mirabílium suórum, & miséricors et miserátor Dóminus : \* escam dedit timéntibus se.

Memor erit in saeculum testaménti sui : \* virtútem óperum suórum annuntiábit pópulo suo :

Ut det illis hereditátem gén-tium : \* ópera mánuum ejus véritas, et judícium.

Fidélia ómnia mandáta ejus : & confirmáta in saeculum saeculi, \* facta in veritáte et aequitáte.

Redemptiόνem misit pópulo suo : \* mandávit in aetérnum testaméntum suum.

Sanctum, et terríbile nomen ejus : \* inítium sapiéntiae timor Dómini.

Intelléctus bonus ómnibus faciéntibus eum : \* laudátio ejus manet in saeculum saeculi.

Aña. Fidélia ómnia mandáta ejus : confirmáta in saeculum saeculi.

Psalmus 111.

**B**EATUS vir, qui timet Dóminum : \* in mandátis ejus volet nimis.

Potens in terra erit semen ejus : \* generátio rectórum benedicétur.

Glória, et divítiae in domo ejus : \* et justítia ejus manet in saeculum saeculi.

Exórtum est in ténebris lumen rectis : \* miséricors, et miserátor, et justus.

Jucúndus homo qui miserétur et cómmodat, ⁊ dispónet sermónes suos in judício : \* quia in aetérnum non commovébitur.

In memória aetérna erit justus : \* ab auditióne mala non timébit.

Parátum cor ejus speráre in Dómino, ⁊ confirmátum est cor ejus : \* non commovébitur donec despíciat inimícos suos.

Dispérsit, dedit paupéribus : ⁊ justítia ejus manet in saeculum saeculi, \* cornu ejus exaltábitur in glória.

Peccátor vidébit, et irascétur, ⁊ déntibus suis fremet et tabéscet : \* desidérium peccatórum períbit.

Aña. In mandátis ejus cupit nimis.

Psalmus 112.

**L**AUDATE púeri Dómini : \* laudáte nomen Dómini.

Sit nomen Dómini benedíctum, \* ex hoc nunc, et usque in saeculum.

A solis ortu usque ad occásus, \* laudábile nomen Dómini.

Excélsus super omnes gentes Dóminus, \* et super caelos glória ejus.

Quis sicut Dóminus Deus noster, qui in altis hábitat, \* et humília réspicit in caelo et in terra?

Súscitans a terra ínopem, \* et de stércore érigens páuperem :

Ut cóllocet eum cum princípibus, \* cum princípibus pópuli sui.

Qui habitáre facit stérilem in domo, \* matrem filiórum laetántem.

Aña. Sit nomen Dómini benedíctum in saecula.

Psalmus 113.

**I**N éxitu Israél de Ægypto, \* domus Jacob de pópulo bárbaro :

Facta est Judaea sanctificatio ejus, \* Israél potéstas ejus.

Mare vidit, et fugit : \* Jordánis convérsus est retrórsum.

Montes exsultavérunt ut aríetes : \* et colles sicut agni óvium.

Quid est tibi mare quod fugísti : \* et tu Jordánis, quia convérsus es retrórsum?

Montes exsultástis sicut aríetes, \* et colles sicut agni óvium.

A fácie Dómini mota est terra, \* a fácie Dei Jacob.

Qui convértit petram in stagna aquárum, \* et rupem in fontes aquárum.

Non nobis Dómine, non nobis : \* sed nómini tuo da glóriam.

Super misericórdia tua, et veritáte tua : \* nequándo dicant gentes : Ubi est Deus eórum?

Deus autem noster in caelo : \* ómniaquaecúmque voluit, fecit.

Simulácra géntium argéntum, et aurum, \* ópera mánuum hóminum.

Os habent, et non loquén-  
tur : \* óculos habent, et non vidébunt.

Aures habent, et non áu-  
dient : \* nares habent, et non odorábunt.

Manus habent, et non pal-  
pábunt : ꝛ pedes habent, et non ambulábunt : \* non clamábunt in gútture suo.

Símiles illis fiant qui fá-  
ciunt ea : \* et omnes qui con-  
fídu in eis.

Domus Israël sperávit in  
Dómino : \* adjútor eórum et  
protéctor eórum est.

Domus Aaron sperávit in  
Dómino : \* adjútor eórum et  
protéctor eórum est.

Qui timent Dóminum, spe-  
ravérunt in Dómino : \* adjútor  
eórum et protéctor eórum est.

Dóminus memor fuit no-  
stri : \* et benedíxit nobis :

Benedíxit dómui Israël : \*  
benedíxit dómui Aaron.

Benedíxit ómnibus, qui ti-  
ment Dóminum, \* pusíllis cum  
majóribus.

Adjíciat Dóminus super  
vos : \* super vos, et super filios  
vestros.

Benedícti vos a Dómino, \*  
qui fecit caelum, et terram.

Caelum caeli Dómino : \*  
terram autem dedit fíliis hó-  
minum.

Non mórtui laudábunt te  
Dómine : \* neque omnes, qui  
descéndunt in inférnum.

Sed nos qui vívimus, bene-  
dícimus Dómino, \* ex hoc nunc  
et usque in saeculum.

Aña. Nos qui vívimus, bene-  
dícimus Dómino.

Temp. Pasch. ad Vesperas  
Dominicis diebus super omnes  
Psalms, Aña. Allelúia, alle-  
lúia, allelúia, allelúia.

## FERIA SECUNDA.

Psalmus 114.



DILEXI, quóniam  
exáudiet Dóminus \*  
vocem oratiónis  
meae.

Quia inclinávit aurem suam  
mihi : \* et in diébus meis in-  
vocábo.

Circumdedérunt me dolóres  
mortis : \* et perícula inférni  
invenérunt me.

Tribulatiónem et dolórem  
invéni : \* et nomen Dómini  
invocávi.

O Dómine líbera ánimam  
meam : \* miséricors Dóminus,  
et justus, et Deus noster mi-  
serétur.

Custódiens párvulos Dómi-  
nus : \* humiliátus sum, et li-  
berávit me.

Convértere ánima mea in ré-  
quiem tuam : \* quia Dóminus  
benefécit tibi.



Quia eripuit ánimam meam de morte : \* óculos meos a lácrymis, pedes meos a lapsu.

Placébo Dómino \* in regi-  
ne vivórum.

Aña. Inclínávit Dóminus  
aurem suam mihi.

Psalmus 115.

**C**REDIDI, propter quod  
locútus sum : \* ego au-  
tem humiliátus sum nimis.

Ego dixi in excéssu meo : \*  
Omnis homo mendax.

Quid retríbuiam Dómino, \*  
pro ómnibus, quae retríbuit  
mihi?

Cálicem salutáris accípiam : \*  
et nomen Dómini invocábo.

Vota mea Dómino reddam  
coram omni pópulo ejus : \*  
pretiósá in conspéctu Dómini  
mors Sanctórum ejus :

O Dómine quia ego servus  
tuus : \* ego servus tuus, et  
fílius ancillae tuae.

Dirupísti víncula mea : \*  
tibi sacrificábo hóstiam laudis,  
et nomen Dómini invocábo.

Vota mea Dómino reddam  
in conspéctu omnis pópuli  
ejus : \* in átriis domus Dómi-  
ni, in médio tui Jerúsalem.

Aña. Crédidi, propter quod  
locútus sum.

Psalmus 116.

**L**AUDATE Dóminum  
omnes gentes : \* laudáte  
eum omnes pópuli :

Quóniam confirmáta est su-  
per nos misericórdia ejus : \*

et véritas Dómini manet in  
aetérnum.

Aña. Laudáte Dóminum  
omnes gentes.

Reliqui Psalmi Vesp. hujus  
Feriae ponuntur infra, pag. 102.

N. Psalmus 117.

**C**ONFITEMINI Dómino  
quóniam bonus : \* quó-  
niam in saeculum misericórdia  
ejus.

Dicat nunc Israël quóniam  
bonus : \* quóniam in saecu-  
lum misericórdia ejus.

Dicat nunc domus Aaron : \*  
quóniam in saeculum miseri-  
córdia ejus.

Dicant nunc qui timent Dó-  
minum : \* quóniam in saecu-  
lum misericórdia ejus.

De tribulatióne invocávi  
Dóminum : \* et exaudivit me  
in latitúdine Dóminus.

Dóminus mihi adjútor : \*  
non timébo quid fáciat mihi  
homo.

Dóminus mihi adjútor : \*  
et ego despiciam inimícos  
meos.

Bonum est confídere in Dó-  
mino, \* quam confídere in hó-  
mine :

Bonum est speráre in Dó-  
mino, \* quam speráre in prin-  
cípibus.

Omnes gentes circuiérunt  
me : \* et in nómine Dómini  
quia ultus sum in eos.

Circumdántes circumdedé-  
runt me : \* et in nómine Dó-  
mini quia ultus sum in eos.

Circumdedérunt me sicut apes, ⁊ et exarsérunt sicut ignis in spinis : \* et in nómine Dómini quia ultus sum in eos.

Impúlsus evérsus sum ut cáderem : \* et Dóminus suscepit me.

Fortitúdo mea, et laus mea Dóminus : \* et factus est mihi in salútem.

Vox exsultatiónis, et salútis \* in tabernáculis justórum.

Déxtera Dómini fecit virtútem : ⁊ déxtera Dómini exaltávit me, \* déxtera Dómini fecit virtútem.

Non móriar, sed vivam : \* et narrábo ópera Dómini.

Castígans castigávit me Dóminus : \* et morti non trádidit me.

Aperíte mihi portas justítiae, ⁊ ingressus in eas confitébor Dómino : \* haec porta Dómini, iusti intrábunt in eam.

Confitébor tibi quóniam exaudísti me : \* et factus es mihi in salútem.

Lápidem, quem reprobavérunt aedificántes : \* hic factus est in caput ánguli.

ADómino factum est istud : \* et est mirábile in óculis nostris.

Haec est dies, quam fecit Dóminus : \* exsultémus, et laetémur in ea.

O Dómine salvum me fac, o Dómine bene prosperáre : \* benedíctus qui venit in nómine Dómini.

Benedíximus vobis de domo Dómini : \* Deus Dóminus, et illúxit nobis.

Constitúite diem solémnem in condénsis, \* usque ad cornu altáris.

Deus meus es tu, et confitébor tibi : \* Deus meus es tu, et exaltábo te.

Confitébor tibi quóniam exaudísti me : \* et factus es mihi in salútem.

Confitémini Dómino quóniam bonus : \* quóniam in saeculum misericórdia ejus.

## AD PRIMAM.

Per totum annum, in Offic. tam de Temp. quam de Sanctis (etiam in illis Dominicis, pro quibus peculiares Psalmi superadditi notantur supra pag. 17.) dicuntur seq. Psalmi.

## Psalmus 53.



DEUS in nómine tuo salvum me fac : \* et in virtúte tua júdica me.

Deus exáudi oratióem meam : \* áuribus pécipe verba oris mei.

Quóniam aliéni insurrexérunt advérsus me, et fortes quaesierunt ánimam meam : \* et non proposuérun Deum ante conspéctum suum.

Ecce enim Deus ádjuvat me : \* et Dóminus susceptor est ánimae meae.

Avérte mala inimícis meis : \* et in veritáte tua dispérde illos.

Voluntárie sacrificábo tibi, \*  
et confitébor nómini tuo Dó-  
mine : quóniam bonum est :

Quóniam ex omni tribula-  
tíone eripuísti me : \* et super  
inimícos meos despéxit óculus  
meus.

Psalmus 118.

**B**EATI immaculáti in via : \*  
qui ámbulant in lege Dó-  
mini.

Beáti, qui scrutántur testi-  
mónia ejus : \* in toto corde  
exquírun eum.

Non enim qui operántur ini-  
quitátem, \* in viis ejus ambu-  
lavérunt.

Tu mandásti \* mandáta tua  
custodíri nimis.

Utinam dirigántur viae  
meae, \* ad custodiéndas justi-  
ficatiónes tuas.

Tunc non confúndar, \* cum  
perspéxero in ómnibus man-  
dátis tuis.

Confitébor tibi in directiône  
cordis : \* in eo quod dídici ju-  
dícia justítiae tuae.

Justificatiónes tuas custó-  
diam : \* non me derelínquas  
usquequáque.

In quo córrigit adolescéntior  
viam suam ? \* in custodiéndo  
sermónes tuos.

In toto corde meo exquisívi  
te : \* ne repéllas me a mandá-  
tis tuis.

In corde meo abscondi eló-  
quia tua : \* ut non peccem tibi.

Benedíctus es Dómine : \*  
doce me justificatiónes tuas.

In lábiis meis, \* pronuntiá-  
vi ómnia judícia oris tui.

In via testimoniórum tuó-  
rum delectátus sum, \* sicut in  
ómnibus divítiis.

In mandátis tuis exercé-  
bor : \* et considerábo vias  
tuas.

In justificatió nibus tuis me-  
ditábor : \* non oblivíscar ser-  
mónes tuos.

**R**ETRIBUE servo tuo, vi-  
vífica me : \* et custódiam  
sermónes tuos.

Revéla óculos meos : \* et  
considerábo mirabília de lege  
tua.

Incola ego sum in terra : \*  
non abscondas a me mandáta  
tua.

Concupívit ánima mea desi-  
deráre justificatiónes tuas, \* in  
omni témpore.

Increpásti supérbos : \* ma-  
ledícti qui declínant a mandá-  
tis tuis.

Aufer a me oppróbrium, et  
contémptum : \* quia testimó-  
nia tua exquisívi.

Etenim sedérunt príncipes, \*  
et advérsus me loquebántur : \*  
servus autem tuus exercebátur  
in justificatió nibus tuis.

Nam et testimónia tua me-  
ditátio mea est : \* et consílium  
meum justificatiónes tuae.

Adhaesit paviménto ánima  
mea : \* vivífica me secúndum  
verbum tuum.

Vias meas enuntiávi, et  
exaudísti me : \* doce me justi-  
ficatiónes tuas.

Viam justificatiónum tuárum instrue me : \* et exercébor in mirabílibus tuis.

Dormitávit ánima mea prae taedio : \* confírma me in verbis tuis.

Viam iniquitátis ámove a me : \* et de lege tua miserére mei.

Viam veritátis elégi : \* iudícia tua non sum oblítus.

Adhaesi testimóniis tuis Dómine : \* noli me confúndere.

Viam mandatórum tuórum cucúrri, \* cum dilatásti cor meum.

Ferial. diebus Adv. super Ps. Añá. Veni et líbera nos, Deus noster.

Dom. diebus ab Oct. Epiph. usque ad Septuag. et a Dom. j. post Octav. Trinit. usque ad Adv. Añá. Glória tibi Trínitas aequális, una Déitas, et ante ómnia saecula, et nunc, et in perpétuum.

Ferial. autem diebus per idem tempus, et a Septuag. usque ad Dom. j. Quadrag. Añá. Deus exáudi oratióem meam : áuribus pércipe verba oris mei.

Ferial. diebus post j. Dom. Quadrag. usque ad Dom. Pass. exclus. Añá. Vivo ego, dicit Dóminus : nolo mortem peccatóris, sed ut magis convertátur, et vivat.

Ferial. diebus a Dom. in Pass. usque ad Cenam Domini exclus. Añá. Animae impiórum fremébant advérsus me :

et gravátum est cor meum super eos.

Temp. Pasch. tam Dominicis quam ferialibus diebus a Feria ij. post Octavam Paschae usque ad Ascensionem, Añá. Cognovérunt Dóminum, allelúia, in fractiÓne panis, allelúia.

## AD TERTIAM.



EGEM pone mihi Dómine viam justificatiónum tuárum : \* et exquíram eam semper.

Da mihi intelléctum, et scrutabor legem tuam : \* et custodiam illam in toto corde meo.

Deduc me in sémitam mandatórum tuórum : \* quia ipsam vólui.

Inclína cor meum in testimónia tua : \* et non in avaritiam.

Avérte óculos meos ne vídeant vanitátem : \* in via tua vivífica me.

Státue servo tuo elóquium tuum, \* in timóre tuo.

Amputa oppróbrium meum, quod suspicátus sum : \* quia iudícia tua jucúnda.

Ecce concupívi mandáta tua : \* in aequitáte tua vivífica me.

Et véniat super me misericórdia tua Dómine : \* salutáre tuum secúndum elóquium tuum.

Et respondébo exprobrántibus mihi verbum : \* quia sperávi in sermónibus tuis.

Et ne áuferas de ore meo verbum veritátis usquequáque : \* quia in iudíciis tuis supersperávi.

Et custódiám legem tuam semper : \* in saeculum et in saeculum saeculi.

Et ambulábam in latitúdine : \* quia mandáta tua exquisívi.

Et loquébar in testimoniis tuis in conspéctu regum : \* et non confundébar.

Et meditábar in mandátis tuis, \* quae diléxi.

Et levávi manus meas ad mandáta tua, quae diléxi : \* et exercébar in justificatióibus tuis.

**M**EMOR esto verbi tui servo tuo, \* in quo mihi spem dedísti.

Haec me consoláta est in humilitáte mea : \* quia elóquium tuum vivificávit me.

Supérbi iníque agébant usquequáque : \* a lege autem tua non declinávi.

Memor fui iudiciórum tuórum a saeculo Dómine : \* et consolátus sum.

Deféctio ténuít me, \* pro peccatóribus derelinquéntibus legem tuam.

Cantábiles mihi erant justificatióes tuae, \* in loco peregrinatióis meae.

Memor fui nocte nóminis tui Dómine : \* et custodívi legem tuam.

Haec facta est mihi : \* quia justificatióes tuas exquisívi.

Pórtio mea Dómine, \* dixi custodíre legem tuam.

Deprecátus sum fáciem tuam in toto corde meo : \* miserére mei secúndum elóquium tuum.

Cogitávi vias meas : \* et convérsti pedes meos in testimónia tua.

Parátus sum, et non sum turbátus : \* ut custódiám mandáta tua.

Funes peccatórum circumpléxi sunt me : \* et legem tuam non sum oblítus.

Média nocte surgébam ad confiténdum tibi, \* super iudícia justificatióis tuae.

Párticeps ego sum ómnium timéntium te : \* et custodiéntium mandáta tua.

Misericórdia tua Dómine plena est terra : \* justificatióes tuas doce me.

**B**ONITATEM fecísti cum servo tuo Dómine, \* secúndum verbum tuum.

Bonitátem, et disciplínam, et sciéntiam doce me : \* quia mandátis tuis crédidi.

Priúsqum humiliárer ego delíqui : \* proptérea elóquium tuum custodívi.

Bonus es tu : \* et in bonitáte tua doce me justificatióes tuas.

Multiplicáta est super me iníquitas superbórum : \* ego autem in toto corde meo scrutábor mandáta tua.

Coagulátum est sicut lac cor eórum : \* ego veró legem tuam meditátus sum.

Bonum mihi quia humiliásti me : \* ut discam justificatiónes tuas.

Bonum mihi lex oris tui, \* super míllia auri, et argénti.

Manus tuae fecérunt me, \* et plasmavérunt me : \* da mihi intelléctum, et discam mandáta tua.

Qui timent te vidébunt me, et laetabúntur : \* quia in verba tua supersperávi.

Cognóvi Dómine quia aequitas judícia tua : \* et in veritate tua humiliásti me.

Fiat misericórdia tua ut consolétur me, \* secúndum elóquium tuum servo tuo.

Véniant mihi miseratiónes tuae, et vivam : \* quia lex tua meditatio mea est.

Confundántur supérbi, quia injúste iniquitatem fecérunt in me : \* ego autem exercébor in mandátis tuis.

Convertántur mihi timéntes te : \* et qui novérunt testimónia tua.

Fiat cor meum immaculátum in justificatióibus tuis, \* ut non confúndar.

Ferial. diebus Adv. super Ps. Aña. Veni Dómine, et noli tardáre : reláxa facínora plebis tuae Israël.

Dom. dieb. ab Oct. Epiph. usque ad Septuag. et a Dom. j. post Oct. Trinit. usque ad Adv. Aña. Laus, et perénis glória Deo Patri, et Fílio, sancto simul Paráclito, in saecula saeculorum.

Ferialibus vero diebus per idem tempus, et a Septuag. usque ad j. Dom. Quadrag. exclus. Aña. Deduc me Dómine in sémitam mandatórum tuórum.

Ferial. diebus post j. Dom. Quadr. usque ad Dom. Pass. exclus. Aña. Advenérunt nobis dies poeniténtiae, ad rediménda peccáta, et salvándas ánimas.

Ferial. diebus a Dom. in Pass. usque ad Cenam Dom. exclus. Aña. Judicásti Dómine causam ánimaē meae : defénzor vitae meae, Dómine Deus meus.

Temp. Pasch. tam Dominicis, quam ferial. diebus a Fer. ij. post Oct. Pasch. usque ad Ascens. Aña. Pax vobis, ego sum, allelúia : nolíte timére, allelúia.

## AD SEXTAM.



EFECIT in salutáre tuum ánima mea : \* et in verbum tuum supersperávi.

Defecérunt óculi mei in elóquium tuum, \* dicéntes : Quando consoláberis me?

Quia factus sum sicut uter in pruína : \* justificatiónes tuas non sum oblítus.

Quot sunt dies servi tui : \* quando fácies de persecúntibus me iudícium?

Narravérunt mihi iníqui fabulatiónes : \* sed non ut lex tua.

Omnia mandata tua veritas : \* inique persecuti sunt me, adjuva me.

Paulo minus consummaverunt me in terra : \* ego autem non dereliqui mandata tua.

Secundum misericordiam tuam vivifica me : \* et custodiam testimonia oris tui.

In aeternum Domine, \* verbum tuum permanet in caelo.

In generationem et generationem veritas tua : \* fundasti terram, et permanet.

Ordinatione tua perseverat dies : \* quoniam omnia serviunt tibi.

Nisi quod lex tua meditatio mea est : \* tunc forte periissem in humilitate mea.

In aeternum non obliviscar justificationes tuas : \* quia in ipsis vivificasti me.

Tuus sum ego, salvum me fac : \* quoniam justificationes tuas exquisivi.

Me expectaverunt peccatores ut perderent me : \* testimonia tua intellexi.

Omnis consummationis vidi finem : \* latum mandatum tuum nimis.

**Q**UOMODO dilexi legem tuam Domine? \* tota die meditatio mea est.

Super inimicos meos prudentem me fecisti mandato tuo : \* quia in aeternum mihi est.

Super omnes docentes me intellexi : \* quia testimonia tua meditatio mea est.

Super senes intellexi : \* quia mandata tua quaesivi.

Ab omni via mala prohibui pedes meos : \* ut custodiam verba tua.

A iudiciis tuis non declinavi : \* quia tu legem posuisti mihi.

Quam dulcia faucibus meis eloquia tua, \* super mel ori meo!

A mandatis tuis intellexi : \* propterea odivi omnem viam iniquitatis.

Lucerna pedibus meis verbum tuum, \* et lumen semitis meis.

Juravi, et statui \* custodire iudicia iustitiae tuae.

Humiliatus sum usquequaque Domine : \* vivifica me secundum verbum tuum.

Voluntaria oris mei benedicta fac Domine : \* et iudicia tua doce me.

Anima mea in manibus meis semper : \* et legem tuam non sum oblitus.

Posuerunt peccatores laqueum mihi : \* et de mandatis tuis non erravi.

Hereditate acquisivi testimonia tua in aeternum : \* quia exultatio cordis mei sunt.

Inclinavi cor meum ad faciendas justificationes tuas in aeternum, \* propter retributionem.

**I**NIQUOS odio habui : \* et legem tuam dilexi.

Adjutor, et susceptor meus es tu : \* et in verbum tuum supersperavi.

Declináte a me maligni : \*  
et scrutábor mandáta Dei mei.

Súscipe me secúndum eló-  
quium tuum, et vivam : \* et  
non confúndas me ab exspe-  
ctatióne mea.

Adjuva me, et salvus ero : \*  
et meditábor in justificatióni-  
bus tuis semper.

Sprevísti omnes discedéntes  
a iudíciis tuis : \* quia injústa  
cogitatio eórum.

Praevericántes reputávi om-  
nes peccatóres terrae : \* ideo  
diléxi testimónia tua.

Confíge timóre tuo carnes  
meas : \* a iudíciis enim tuis  
tímui.

Feci iudícium et justítiam : \*  
non tradas me calumniántibus  
me.

Súscipe servum tuum in  
bonum : \* non calumniéntur  
me supérbi.

Oculi mei defecérunt in sa-  
lutáre tuum : \* et in elóquium  
justítiae tuae.

Fac cum servo tuo secún-  
dum misericórdiam tuam : \*  
et justificatiónes tuas doce me.

Servus tuus sum ego : \* da  
mihi intelléctum, ut sciam te-  
stimónia tua.

Tempus faciéndi Dómine : \*  
dissipavérunt legem tuam.

Ideo diléxi mandáta tua, \*  
super aurum et topázion.

Proptérea ad ómnia man-  
dáta tua dirigébar : \* omnem  
viam iníquam ódio hábui.

Ferial. diebus Adv. super  
Ps. Añã. Tuam Dómine éxcita

poténtiam, et veni ad salván-  
dum nos.

Dom. diebus ab Octava  
Epiph. usque ad Septuag. et  
a Dom. j. post Octavam Trini-  
tatis usque ad Adventum, Añã.  
Glória laudis résonet in ore  
ómnium Patri, genitaeque  
Proli : Spíritui sancto páriter  
résúltet laude perénni.

Ferial. vero dieb. per idem  
tempus, et a Septuag. usque  
ad j. Dom. Quadrag. exclus.  
Añã. Adjuva me, et salvus ero  
Dómine.

Ferial. diebus post j. Dom.  
Quadrag. usque ad Dom. Pass.  
exclusive, Añã. Commendé-  
mus nosmetípsos in multa pa-  
tiéntia, in jejúniis multis, per  
arma justítiae.

Ferial. diebus a Domin. in  
Passione usque ad Cenam  
Domini exclusive, Añã. Pó-  
pule meus, quid feci tibi, aut  
quid moléstus fui? respónde  
mihi.

Temp. Pasch. tam Dom.  
quam ferial. dieb. a Feria ij.  
post Oct. Pasch. usque ad  
Ascens. Añã. Ecce ego vobís-  
cum sum, allelúia, ómnibus  
diébus, allelúia.

## AD NONAM.



IRABILIA testimó-  
nia tua : \* ideo scu-  
táta est ea ánima  
mea.

Declarátio sermónum tuó-  
rum illúminat : \* et intellé-  
ctum dat párvulis.



Os meum apéruí, et attráxi spíritum : \* quia mandáta tua desiderábam.

Aspice in me, et miserére mei, \* secúndum judícium diligéntium nomen tuum.

Gressus meos dírige secúndum elóquium tuum : \* et non dominétur mei omnis injustítia.

Rédime me a calúmniis hóminum : \* ut custódiam mandáta tua.

Fáciem tuam illúmina super servum tuum : \* et doce me justificatiónes tuas.

Exitus aquárum deduxérunt óculi mei : \* quia non custodiérunt legem tuam.

Justus es Dómine : \* et rectum judícium tuum.

Mandásti justítiam testimónia tua : \* et veritátem tuam nimis.

Tabéscere me fecit zelus meus : \* quia oblíti sunt verba tua inimíci mei.

Ignítum elóquium tuum veheménter : \* et servus tuus diléxit illud.

Adolescéntulus sum ego, et contéptus : \* justificatiónes tuas non sum oblítus.

Justítia tua, justítia in aetérnum : \* et lex tua veritas.

Tribulátio, et angústia invénérunt me : \* mandáta tua meditátio mea est.

Aequitas testimónia tua in aetérnum : \* intelléctum da mihi, et vivam.

**C**LAMAVI in toto corde meo, exáudi me Dómine : \* justificatiónes tuas requíram.

Clamávi ad te, salvum me fac : \* ut custódiam mandáta tua.

Praevéni in maturitáte, et clamávi : \* quia in verba tua supersperávi.

Praevenérunt óculi mei ad te dilúculo : \* ut meditárer elóquia tua.

Vocem meam audi secúndum misericórdiam tuam Dómine : \* et secúndum judícium tuum vivífica me.

Appropinquavérunt persequéntes me iniquitáti : \* a lege autem tua longe facti sunt.

Prope es tu Dómine : \* et omnes viae tuae veritas.

Inítio cognóvi de testimóniis tuis : \* quia in aetérnum fundásti ea.

Vide humilitátem meam, et éripe me : \* quia legem tuam non sum oblítus.

Júdica judícium meum, et rédime me : \* propter elóquium tuum vivífica me.

Longe a peccatóribus salus : \* quia justificatiónes tuas non exquisiérunt.

Misericórdiae tuae multae Dómine : \* secúndum judícium tuum vivífica me.

Multi qui persequúntur me, et tríbulant me : \* a testimóniis tuis non declinávi.

Vidi praevaricántes, et tabescébam : \* quia elóquia tua non custodiérunt.

Vide quóniam mandáta tua diléxi Dómine : \* in misericórdia tua vivífica me.

Princípium verbórum tuórum, véritas : \* in aetérnum ómnia judícia justítiae tuae.

**P**RINCIPES persecúti sunt me gratis : \* et a verbis tuis formidávit cor meum.

Laetábor ego super elóquia tua : \* sicut qui ínvenit spólia multa.

Iniquitátem ódio hábui, et abominátus sum : \* legem autem tuam diléxi.

Sépties in die laudem dixi tibi, \* super judícia justítiae tuae.

Pax multa diligéntibus legem tuam : \* et non est illis scándalum.

Exspectábam salutáre tuum Dómine : \* et mandáta tua diléxi.

Custodívit ánima mea testimónia tua : \* et diléxit ea vehementer.

Servávi mandáta tua, et testimónia tua : \* quia omnes viae meae in conspéctu tuo.

Appropínquet deprecátio mea in conspéctu tuo Dómine : \* juxta elóquium tuum da mihi intelléctum.

Intret postulátio mea in conspéctu tuo : \* secúndum elóquium tuum éripe me.

Eructábunt lábia mea hymnum, \* cum docúeris me justificatiónes tuas.

Pronuntiábit lingua mea elóquium tuum : \* quia ómnia mandáta tua aequitas.

Fiat manus tua ut salvet me : \* quóniam mandáta tua elégi.

Concupívi salutáre tuum Dómine : \* et lex tua meditátio mea est.

Vivet ánima mea, et laudábit te : \* et judícia tua adjuvábunt me.

Errávi, sicut ovis, quae périit : \* quaere servum tuum, quia mandáta tua non sum oblítus.

Ferial. diebus Adv. super Ps. Aña. In tuo advéntu érue nos Dómine.

Dom. diebus ab Oct. Epiph. usque ad Septuag. et a Dom. j. post Oct. Trinit. usque ad Advent. Aña. Ex quo ómnia, per quem ómnia, in quo ómnia, ipsi glória in saecula.

Ferial. vero dieb. per idem tempus, et a Septuag. usque ad j. Dom. Quadrag. exclus. Aña. Aspice in me Dómine, et miserére mei.

Ferial. diebus post j. Dom. Quadrag. usque ad Dom. Pass. exclus. Aña. Per arma justítiae virtútis Dei, commendémus nosmetípsos in multa patiéntia.

Ferial. diebus post Dom. Pass. usque ad Cenam Domini exclusive, Aña. Numquid rédditur pro bono malum, quia fodérunt fóveam ánimae meae?

Temp. Pasch. tam Dominicis, quam ferial. diebus a Fer. ij. post Oct. Pasch. usque ad Ascens. Aña. Noli flere María, allelúia : resurréxit Dóminus, allelúia.

Sequentes Psalmi spectant  
ad Vesperas Feriae secundae.

Psalmus 119.

**A**D Dóminum cum tribulá-  
rer clamávi : \* et exaudí-  
vit me.

Dómine libera ánimam me-  
am a lábiis iníquis, \* et a lin-  
gua dolósa.

Quid detur tibi, aut quid  
apponátur tibi \* ad linguam  
dolósam?

Sagittae poténtis acútae, \*  
cum carbónibus desolatóriis.

Heu mihi, quia incolátus  
meus prolongátus est : \* habi-  
távi cum habitántibus Cedar :  
multum íncola fuit ánima mea.

Cum his, qui odérunt pa-  
cem, eram pacíficus : \* cum  
loquébar illis, impugnábant me  
gratis.

Aña. Clamávi, et exaudívit  
me.

Psalmus 120.

**L**EVAVI óculos meos in  
montes, \* unde véniet au-  
xílium mihi.

Auxílium meum a Dómino, \*  
qui fecit caelum et terram.

Non det in commotióne  
pedem tuum : \* neque dormí-  
tet qui custódit te.

Ecce non dormitábit neque  
dórmiet, \* qui custódit Israël.

Dóminus custódit te, Dó-  
minus protéctio tua, \* super  
manum dexteram tuam.

Per diem sol non uret te : \*  
neque luna per noctem.

Dóminus custódit te ab  
omni malo : \* custódiat áni-  
mam tuam Dóminus.

Dóminus custódiat intrói-  
tum tuum, et éxitum tuum : \*  
ex hoc nunc, et usque in sae-  
culum.

Aña. Auxílium meum a Dó-  
mino.

Temp. Pasch. Aña. Allelúia.

Haec Aña, quae est unum  
tantum Allelúia, dicatur quo-  
tidie ferial. diebus (excepto Sab-  
bato) ab Oct. Pasch. usque ad  
Ascens. Domini, in Vesp. su-  
per Psalm. cum de Temp. agi-  
tur.

Ad Magnificat, Aña. Magní-  
ficat ánima mea Dóminum.

## FERIA TERTIA.

Psalmus 121.



**I**AETATUS sum in  
his, quae dicta sunt  
mihi : \* In domum  
Dómini íbimus.

Stantes erant pedes nostri, \*  
in átriis tuis Jerúsalem.

Jerúsalem, quae aedificátur  
ut cívitas : \* cujus participatio  
ejus in idípsum.

Illuc enim ascendérunt tri-  
bus, tribus Dómini : \* testi-  
mónium Israël ad confiténdum  
nómini Dómini.

Quia illic sedérunt sedes in  
judício, \* sedes super domum  
David.

Rogáte quae ad pacem sunt  
Jerúsalem : \* et abundántia  
diligéntibus te :

Fiat pax in virtúte tua : \* et abundántia in túrribus tuis.

Propter fratres meos, et próximos meos, \* loquébar pacem de te :

Propter domum Dómini Dei nostri, \* quaesívi bona tibi.

Añã. In domum Dómini laetántes íbimus.

Psalmus 122.

**A**D te levávi óculos meos, \* qui hábitas in caelis.

Ecce sicut óculi servórum, \* in mánibus dominórum suórum,

Sicut óculi ancíllae in mánibus dóminae suae : \* ita óculi nostri ad Dóminum Deum nostrum donec misereátur nostri.

Miserére nostri Dómine, miserére nostri : \* quia multum repléti sumus despectióne :

Quia multum repléta est ánima nostra : \* oppróbrium abundántibus, et despéctio supérbis.

Añã. Qui hábitas in caelis, miserére nobis.

Psalmus 123.

**N**ISI quia Dóminus erat in nobis, dicat nunc Israël : \* nisi quia Dóminus erat in nobis.

Cum exsúrgerent hómines in nos, \* forte vivos deglutísent nos :

Cum irascerétur furor eórum in nos, \* fórsitan aqua absorbuísset nos.

Torréntem pertransívit ánima nostra : \* fórsitan pertrans-

ísset ánima nostra aquam intolerábilem.

Benedíctus Dóminus \* qui non dedit nos in captiónem déntibus eórum.

Animanostrasicutpassererépta est \* de láqueo venántium :

Láqueus contrítus est, \* et nos liberáti sumus.

Adjutórium nostrum in nómine Dómini, \* qui fecit caelum et terram.

Añã. Adjutórium nostrum in nómine Dómini.

Psalmus 124.

**Q**UI confídunt in Dómino, sicut mons Sion : \* non commovébitur in aetérnum, qui hábitat in Jerúsalem.

Montes in circúitu ejus : \* et Dóminus in circúitu pópuli sui, ex hoc nunc et usque in saeculum.

Quia non relínquet Dóminus virgam peccatórum super sortem justórum : \* ut non exténdant justi ad iniquitátem manus suas.

Bénefac Dómine bonis, \* et rectis corde.

Declinántes autem in obli-gatiónes, addúcet Dóminus cum operántibus iniquitátem : \* pax super Israël.

Añã. Bénefac Dómine bonis, et rectis corde.

Psalmus 125.

**I**N converténdo Dóminus captivitátem Sion : \* facti sumus sicut consoláti :

Tunc replétum est gáudio os nostrum : \* et lingua nostra exsultatióne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fácere nobíscum : \* facti sumus laetántes.

Convérte Dómine captivitátem nostram, \* sicut torrens in austro.

Qui sémant in lácrymis, \* in exsultatióne metent.

Eúntes ibant et flebant, \* mitténtes sémina sua.

Veniéntes autem vénient cum exsultatióne, \* portántes manípulos suos.

Aña. Facti sumus sicut consoláti.

Ad Magnificat, Aña. Exsultávit spíritus meus in Deo salutári meo.

## FERIA QUARTA.

Psalmus 126.



**N**ISI Dóminus aedificáverit domum, \* in vanum laboravérunt qui aedificant eam.

Nisi Dóminus custodíerit civitátem, \* frustra vígilat qui custódit eam.

Vanum est vobis ante lucem súrgere : \* súrgite postquam sedéritis, qui manducátis panem dolóris.

Cum déderit diléctis suis somnum : \* ecce heréditas Dómini filii : merces, fructus ventris.

Sicut sagíttae in manu poténtis : \* ita filii excussórum.

Beátus vir qui implévit desidérium suum ex ipsis : \* non confundétur cum loquétur inimícis suis in porta.

Aña. Beátus vir, qui implévit desidérium suum.

Psalmus 127.

**B**EATI omnes, qui timent Dóminum, \* qui ámbulant in viis ejus.

Labóres mánuum tuárum quia manducábis : \* beátus es, et bene tibi erit.

Uxor tua sicut vitis abúndans, \* in latéribus domus tuae.

Fílii tui sicut novéllae olivárum, \* in circúitu mensae tuae.

Ecce sic benedicétur homo, \* qui timet Dóminum.

Benedícat tibi Dóminus ex Sion : \* et vídeas bona Jerúsalem ómnibus diébus vitae tuae.

Et vídeas fílios filiórum tuórum, \* pacem super Israël.

Aña. Beáti omnes, qui timent Dóminum.

Psalmus 128.

**S**AEPE expugnavérunt me a juventúte mea, \* dicat nunc Israël :

Saepe expugnavérunt me a juventúte mea : \* étenim non potuérunt mihi.

Supra dorsum meum fabricavérunt peccatóres : \* prolongavérunt iniquitátem suam.

Dóminus justus concídit  
cervíces peccatórum : \* confun-  
dántur et convertántur retrór-  
sum omnes, qui odérunt Sion.

Fiant sicut foenum tectó-  
rum : \* quod priúsqvam evel-  
látur, exáruit :

De quo non implévit ma-  
num suam qui metit, \* et si-  
num suum qui manípulos cól-  
ligit.

Et non dixerunt qui praeter-  
sibant : Benedíctio Dómini su-  
per vos : \* benedíximus vobis  
in nómine Dómini.

Añã. Benedíximus vobis in  
nómine Dómini.

Psalmus 129.

**D**E profúndis clamávi ad  
te Dómine : \* Dómine  
exáudi vocem meam :

Fiant aures tuae intendén-  
tes, \* in vocem deprecationis  
meae.

Si iniquitátes observáveris  
Dómine : \* Dómine quis susti-  
nébit?

Quia apud te propitiatio  
est : \* et propter legem tuam  
sustínui te Dómine.

Sustínuit ánima mea in ver-  
bo ejus : \* sperávit ánima mea  
in Dómino.

A custódia matutína usque  
ad noctem : \* speret Israël in  
Dómino.

Quia apud Dóminum mise-  
ricórdia : \* et copiósa apud  
eum redemptio.

Et ipse rédimet Israël, \* ex  
óm nibus iniquitátibus ejus.

Añã. De profúndis clamávi  
ad te Dómine.

Psalmus 130.

**D**OMINE non est exaltá-  
tum cor meum : \* neque  
eláti sunt óculi mei.

Neque ambulávi in magnis : \*  
neque in mirabílibus super me.

Si non humíliter sentié-  
bam : \* sed exaltávi ánimam  
meam :

Sicut ablactátus est super  
matre sua, \* ita retribútio in  
ánima mea.

Speret Israël in Dómino, \*  
ex hoc nunc et usque in sae-  
culum.

Añã. Speret Israël in Dó-  
mino.

Ad Magnificat, Añã. Respe-  
xísti humilitátem meam, Dó-  
mine Deus meus.

## FERIA QUINTA.

Psalmus 131.



**R**EMENTO Dómine  
David, \* et omnis  
mansuetúdinis ejus:

Sicut jurávit Dó-  
mino, \* votum vovit Deo Jacob:

Si introíero in tabernácu-  
lum domus meae, \* si ascén-  
dero in lectum strati mei :

Si dédero somnum óculis  
meis, \* et pálpebris meis dor-  
mitatióem :

Et réquiem tempóribus  
meis : donec invéniam locum  
Dómino, \* tabernáculum Deo  
Jacob.

Ecce audívimus eam in Ephrata : \* invénimus eam in campis silvae.

Introibimus in tabernáculum ejus : \* adorábimus in loco, ubi stetérunt pedes ejus.

Surge Dómine in réquiem tuam, \* tu et arca sanctificatióis tuae.

Sacerdótes tui induántur justítiam : \* et sancti tui exsúltent.

Propter David servum tuum, \* non avértas fáciem Christi tui.

Jurávit Dóminus David veritátem, et non frustrábitur eam : \* de fructu ventris tui ponam super sedem tuam.

Si custodierint filii tui testaméntum meum, \* et testimónia mea haec, quae docébo eos :

Et filii eórum usque in saeculum, \* sedébunt super sedem tuam.

Quóniam elégit Dóminus Sion : \* elégit eam in habitatióem sibi.

Haec réquies mea in saeculum saeculi : \* hic habitábo quóniam elégi eam.

Víduam ejus benedícens benedícam : \* páuperes ejus saturábo pánibus.

Sacerdótes ejus induam salutári : \* et sancti ejus exsultatióne exsultábunt.

Illuc producam cornu David, \* parávi lucérnam Christo meo.

Inimícos ejus induam confusióne : \* super ipsum autem efflorébit sanctificatio mea.

Aña. Et omnis mansuetúdinis ejus.

Psalmus 132.

**E**CCE quam bonum, et quam jucúndum \* habitáre fratres in unum :

Sicut unguéntum in cápíte, \* quod descéndit in barbam, barbam Aaron,

Quod descéndit in oram vestiménti ejus : \* sicut ros Hermon, qui descéndit in montem Sion.

Quóniam illic mandávit Dóminus benedictiόnem, \* et vitam usque in saeculum.

Aña. Ecce quam bonum, et quam jucúndum!

N. Psalmus 133.

**E**CCE nunc benedícite Dóminum, \* omnes servi Dómini :

Qui statis in domo Dómini, \* in átriis domus Dei nostri.

In nóctibus extóllite manus vestras in sancta, \* et benedícite Dóminum.

Benedícat te Dóminus ex Sion, \* qui fecit caelum et terram.

Psalmus 134.

**L**AUDATE nomen Dómini, \* laudáte servi Dóminum.

Qui statis in domo Dómini, \* in átriis domus Dei nostri.

Laudáte Dóminum, quia bonus Dóminus : \* psállite nómini ejus, quóniam suáve.

Quóniam Jacob elégit sibi Dóminus, \* Israël in possessionem sibi.

Quia ego cognóvi quod magnus est Dóminus, \* et Deus noster prae ómnibus diis.

Omnia quaecúmque vóluit, Dóminus fecit in caelo, et in terra, \* in mari, et in ómnibus abyssis.

Edúcens nubes ab extrémis terrae : \* fúlgura in plúviam fecit.

Qui producit ventos de thesauris suis : \* qui percússit primogénita Ægypti ab hómine usque ad pecus.

Et misit signa, et prodígia in médio tui Ægypte : \* in Pharaónem, et in omnes servos ejus.

Qui percússit gentes multas : \* et occídit reges fortes :

Sehon regem Amorrhacórum, ꝛ et Og regem Basan, \* et ómnia regna Chánaan.

Et dedit terram eórum hereditátem, \* hereditátem Israël pópulo suo.

Dómine nomen tuum in aetérnum : \* Dómine memoriále tuum in generatióem et generatióem.

Quia iudicábit Dóminus pópulum suum : \* et in servis suis deprecábitur.

Simulácra géntium argéntum, et aurum, \* ópera mánuum hóminum.

Os habent, et non loquéntur : \* óculos habent, et non vidébunt.

Aures habent, et non au-

dient : \* neque enim est spíritus in ore ipsórum.

Símiles illis fiant qui faciunt ea : \* et omnes, qui confidunt in eis.

Domus Israël benedícite Dómino : \* domus Aaron benedícite Dómino.

Domus Levi benedícite Dómino : \* qui timétis Dóminum, benedícite Dómino.

Benedíctus Dóminus ex Sion, \* qui hábitat in Jerúsalem.

Añã. Omnia quaecúmque vóluit, Dóminus fecit.

Psalmus 135.

**C**ONFITEMINI Dómino quóniam bonus : \* quóniam in aetérnum misericórdia ejus.

Confitémini Deo deórum : \* quóniam in aetérnum misericórdia ejus.

Confitémini Dómino dominórum : \* quóniam in aetérnum misericórdia ejus.

Qui facit mirabília magna solus : \* quóniam in aetérnum misericórdia ejus.

Qui fecit caelos in intellectu : \* quóniam in aetérnum misericórdia ejus.

Qui firmávit terram super aquas : \* quóniam in aetérnum misericórdia ejus.

Qui fecit luminária magna : \* quóniam in aetérnum misericórdia ejus.

Solem in potestátem diéi : \* quóniam in aetérnum misericórdia ejus.



Lunam, et stellas in potestatem noctis : \* quóniam in aetérnum misericórdia ejus.

Qui percússit Ægyptum cum primogénitis eórum : \* quóniam in aetérnum misericórdia ejus.

Qui edúxit Israël de médio eórum : \* quóniam in aetérnum misericórdia ejus.

In manu poténti, et bráchio excélso : \* quóniam in aetérnum misericórdia ejus.

Qui dívísit Mare rubrum in divisiónes : \* quóniam in aetérnum misericórdia ejus.

Et edúxit Israël per médium ejus : \* quóniam in aetérnum misericórdia ejus.

Et excússit Pharaónem, et virtútem ejus in Mari rubro : \* quóniam in aetérnum misericórdia ejus.

Qui tradúxit pópulum suum per désertum : \* quóniam in aetérnum misericórdia ejus.

Qui percússit reges magnos : \* quóniam in aetérnum misericórdia ejus.

Et occídit reges fortes : \* quóniam in aetérnum misericórdia ejus.

Sehon regem Amorrhæórum : \* quóniam in aetérnum misericórdia ejus.

Et Og regem Basan : \* quóniam in aetérnum misericórdia ejus.

Et dedit terram eórum hereditátem : \* quóniam in aetérnum misericórdia ejus.

Hereditátem Israël servo

suo : \* quóniam in aetérnum misericórdia ejus.

Quia in humilitáte nostra memor fuit nostri : \* quóniam in aetérnum misericórdia ejus.

Et redémit nos ab inimícis nostris : \* quóniam in aetérnum misericórdia ejus.

Qui dat escam omni carni : \* quóniam in aetérnum misericórdia ejus.

Confitémini Deo caeli : \* quóniam in aetérnum misericórdia ejus.

Confitémini Dómino dominórum : \* quóniam in aetérnum misericórdia ejus.

Aña. Quóniam in aetérnum misericórdia ejus.

Psalmus 136.

**S**UPER flúmina Babylónis, illic sédimus et flévimus : \* cum recordarémur Sion :

In salícibus in médio ejus, \* suspéndimus órgana nostra.

Quia illic interrogavérunt nos, qui captívos duxérunt nos, \* verba cantiónum :

Et qui abduxérunt nos : \* Hymnum cantáte nobis de cánticis Sion.

Quómodo cantábimus cánticum Dómini \* in terra aliéna?

Si oblítus fúero tui Jerúsalem, \* obliuióni detur dextera mea.

Adhaereat lingua mea fáuibus meis, \* si non memínero tui :

Si non proposúero Jerúsalem, \* in principio laetítiae meae.

Memor esto Dómine filiórurum Edom, \* in die Jerúsalem :

Qui dicunt : Exinaníte, exinaníte \* usque ad fundaméntum in ea.

Fília Babylónis mísera : \* beátus, qui retríbuet tibi retributióne tuam, quam retribuísti nobis.

Beátus, qui tenébit, \* et allídet párvulos tuos ad petram.

Aña. Hymnum cantáte nobis de cánticis Sion.

Ad Magnificat, Aña. Depósuit poténtes, sanctos persequéntes : et exaltávit húmiles, Christum confiténtes.

## FERIA SEXTA.

Psalmus 137.



CONFITEBOR tibi Dómine in toto corde meo : \* quóniam audísti verba oris mei.

In conspéctu Angelórum psallam tibi : \* adorábo ad templum sanctum tuum, et confitébor nómini tuo.

Super misericórdia tua, et veritáte tua : \* quóniam magnificásti super omne, nomen sanctum tuum.

In quacúmque die invocávero te, exáudi me : \* multiplicábis in ánima mea virtútem.

Confiteántur tibi Dómine omnes reges terrae : \* quia audiérunt ómnia verba oris tui :

Et cantent in viis Dómini : \* quóniam magna est glória Dómini.

Quóniam excélsus Dóminus, et humília réspicit : \* et alta a longe cognóscit.

Si ambulávero in médio tribulatiónis, vivificábis me : \* et super iram inimicórum meórum extendísti manum tuam, et salvum me fecit délixtera tua.

Dóminus retríbuet pro me : \* Dómine misericórdia tua in saeculum : ópera mánuum tuárum ne despicias.

Aña. In conspéctu Angelórum psallam tibi Deus meus.

Psalmus 138.

**D**OMINE probásti me, et cognovísti me : \* tu cognovísti sessiόnem meam, et resurrectiόnem meam :

Intellexísti cogitatiόnes meas de longe : \* sémitam meam, et funículum meum investigásti.

Et omnes vias meas praevidísti : \* quia non est sermo in lingua mea.

Ecce Dómine tu cognovísti ómnia novíssima, et antíqua : \* tu formásti me, et posuísti super me manum tuam.

Mirábilis facta est sciéntia tua ex me : \* confortáta est, et non pótero ad eam.

Quo ibo a spíritu tuo? \* et quo a fácie tua fúgiam?

Si ascéndero in caelum, tu illic es : \* si descéndero in inférnum, ades.

Si sumpsero pennas meas dilúculo, \* et habitávero in extrémis maris :

Etenim illuc manus tua dedúcet me : \* et tenébit me dextera tua.

Et dixi : Fórsitan ténebrae conculcábunt me : \* et nox illuminátio mea in delíciis meis.

Quia ténebrae non obscurabúntur a te, et nox sicut dies illuminábitur : \* sicut ténebrae ejus, ita et lumen ejus.

Quia tu possedísti renes meos : \* suscepísti me de útero matris meae.

Confitébor tibi quia terribíliter magnificátus es : \* mirabília ópera tua, et ánima mea cognóscit nimis.

Non est occultátum os meum a te, quod fecísti in occulto : \* et substántia mea in inferioribus terrae.

Imperféctum meum vidé-runt óculi tui, ⁊ et in libro tuo omnes scribéntur : \* dies formabúntur, et nemo in eis.

Mihi autem nimis honorificáti sunt amíci tui, Deus : \* nimis confortátus est principátus eórum.

Dinumerábo eos, et super arénam multiplicabúntur : \* exsurrexi, et adhuc sum tecum.

Si occideris Deus peccátóres : \* viri sánguinem declináte a me :

Quia díctis in cogitatióne : \* accípient in vanitáte civitátes tuas.

Nonne qui odérunt te Dómine, óderam : \* et super inimícos tuos tabescébam?

Perfécto ódio óderam illos : \* et inimíci facti sunt mihi.

Proba me Deus, et scito cor meum : \* intérroga me, et cognósce sémitas meas.

Et vide, si via iniquitátis in me est : \* et deduc me in via aetérna.

Añã. Dómine probásti me, et cognovísti me.

Psalmus 139.

**E**RIPe me Dómine ab hómine malo : \* a viro iniquo éripe me.

Qui cogitavérunt iniquitátes in corde : \* tota die constituébant proelia.

Acuérunt linguas suas sicut serpéntis : \* venénium áspidum sub lábiis eórum.

Custódi me Dómine de manu peccátóris : \* et ab homínibus iníquis éripe me.

Qui cogitavérunt supplantáre gressus meos : \* absconderunt supérbi láqueum mihi :

Et funes extendérunt in láqueum : \* juxta iter scándalum posuérunt mihi.

Dixi Dómino : Deus meus es tu : \* exáudi Dómine vocem deprecatiόνis meae.

Dómine, Dómine virtus salútis meae : \* obumbrásti super caput meum in die belli :

Ne tradas me Dómine a desidério meo peccatóri : \* cogitavérunt contra me, ne derelínquas me, ne forte exalténtur.

Caput circúitus eórum : \* labor labiórum ipsórum opé-rietur eos.

Cadent super eos carbónes, et in ignem dejícies eos : \* in misériis non subsístent.

Vir linguósus non dirigétur in terra : \* virum injústum mala cápient in intéritu.

Cognóvi quia fáciet Dóminus judícium ínopis : \* et vindíctam páuperum.

Verúmtamen justí confitebúntur nómini tuo : \* et habitábunt recti cum vultu tuo.

Aña. A viro iníquo líbera me Dómine.

Psalmus 140.

**D**OMINE clamávi ad te, exáudi me : \* inténde voci meae, cum clamávero ad te.

Dirigátur orátio mea sicut incénsus in conspéctu tuo : \* elevátio mánuum meárum sacrificium vespertínus.

Pone Dómine custódiam ori meo : \* et óstium circumstántiae lábiis meis.

Non declínes cor meum in verba malítiae, \* ad excusándas excusatiónes in peccátis.

Cum homínibus operántibus iniquitátem : \* et non communicábo cum eléctis eórum.

Corrípiet me justus in misericórdia, et increpábit me : \*

óleum autem peccatóris non impínguet caput meum.

Quóniam adhuc et orátio mea in beneplácitis eórum : \* absórpti sunt juncti petrae júdices eórum.

Audient verba mea quóniam potuérunt : \* sicut crassitúdo terrae erúpta est super terram.

Dissipáta sunt ossa nostra secus inférnum : et quia ad te Dómine, Dómine óculi mei : \* in te sperávi, non áuferas ánimam meam.

Custódi me a láqueo, quem statuérunt mihi : \* et a scándalis operántium iniquitátem.

Cadent in retiáculo ejus peccatóres : \* singuláriter sum ego donec tránseam.

Aña. Dómine clamávi ad te, exáudi me.

Psalmus 141.

**V**OCE mea ad Dóminum clamávi : \* voce mea ad Dóminum deprecátus sum :

Effúndo in conspéctu ejus oratióem meam, \* et tribulatióem meam ante ipsum pronúntio.

In deficiéndo ex me spíritum meum, \* et tu cognovísti sémitas meas.

In via hac, qua ambulábam, \* abscondérunt láqueum mihi.

Considerábam ad dexteram, et vidébam : \* et non erat qui cognósceret me.

Périit fuga a me, \* et non est qui requírat ánimam meam.

Clamávi ad te Dómine, \* dixi : Tu es spes mea, pórtio mea in terra vivéntium.

Inténde ad deprecationem meam : \* quia humiliátus sum nimis.

Líbera me a persecuéntibus me : \* quia confortáti sunt super me.

Educ de custódia ánimam meam ad confiténdum nómini tuo : \* me exspéctant justí, donec retríbuas mihi.

Añā. Pórtio mea, Dómine, sit in terra vivéntium.

Ad Magnificat, Añā. Suscepit Deus Israël púerum suum, sicut locútus est Abraham, et sémini ejus : et exaltávit húmiles usque in saeculum.

N. Psalmus 142.

**D**OMINE exáudi orationem meam : ⁊ áuribus pécipe obsecrationem meam in veritate tua : \* exáudi me in tua justitia.

Et non intres in iudícium cum servo tuo : \* quia non justificábitur in conspéctu tuo omnis vivens.

Quia persecútus est inimícus ánimam meam : \* humiliávit in terra vitam meam.

Collocávit me in obsúris sicut mórtuos saeculi : \* et anxiátus est super me spíritus meus, in me turbátum est cor meum.

Memor fui diérum antiqúorum, ⁊ meditátus sum in

ómnibus opéribus tuis : \* in factis mánuum tuárum meditábar.

Expándi manus meas ad te : \* ánima mea sicut terra sine aqua tibi :

Velóciter exáudi me Dómine : \* defécit spíritus meus.

Non avértas faciē tuam a me : \* et símilis ero descendéntibus in lacum.

Audítam fac mihi mane misericórdiam tuam : \* quia in te sperávi.

Notam fac mihi viam, in qua ámbulem : \* quia ad te levávi ánimam meam.

Eripe me de inimícis meis Dómine, ad te confúgi : \* doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam : \* propter nomen tuum Dómine vivificábis me, in aequitate tua.

Edúces de tribulatione ánimam meam : \* et in misericórdia tua dispérdes inimícos meos.

Et perdes omnes, qui tribulant ánimam meam : \* quóniam ego servus tuus sum.

## SABBATO.

Psalmus 143.



**B**ENEDICTUS Dóminus Deus meus, qui docet manus meas ad proelium, \* et dígitos meos ad bellum.

Misericórdia mea, et refúgi-  
um meum : \* suscēptor  
meus, et liberátor meus :

Protēctor meus, et in ipso  
sperávi : \* qui subdit pópulum  
meum sub me.

Dómine quid est homo, quia  
innotuísti ei? \* aut fílius hó-  
minis, quia réputas eum?

Homo vanitáti símilis fa-  
ctus est : \* dies ejus sicut um-  
bra praetéreunt.

Dómine inclína caelos tuos,  
et descēde : \* tange montes,  
et fumigábunt.

Fúlgura coruscationem, et  
dissipábis eos : \* emítte sagít-  
tas tuas, et conturbábis eos :

Emítte manum tuam de  
alto, ꝥ éripe me, et líbera me  
de aquis multis : \* de manu  
filiórum alienórum.

Quorum os locútum est va-  
nitátem : \* et dēxtera eórum,  
dēxtera iniquitátis.

Deus cánticum novum can-  
tábo tibi : \* in psaltério, deca-  
chórdo psallam tibi.

Qui das salútem régibus : ꝥ  
qui redemísti David servum  
tuum \* de gládio maligno :  
éripe me.

Et érue me de manu filió-  
rum alienórum, ꝥ quorum os  
locútum est vanitátem : \* et  
dēxtera eórum, dēxtera iniqui-  
tátis :

Quorum fílii, sicut novéllae  
plantatiónes \* in juventúte sua.

Fíliae eórum compósitae : \*  
circumornátae ut similitúdo  
templi.

Promptuária eórum plena, \*  
eructántia ex hoc in illud.

Oves eórum fetósae, abun-  
dantes in egréssibus suis : \*  
boves eórum crassae.

Non est ruína macériae, ne-  
que tránsitus : \* neque clamor  
in platéis eórum.

Beátum dixerunt pópulum,  
cui haec sunt : \* beátus pó-  
pulus, cujus Dóminus Deus  
ejus.

Aññ. Benedíctus Dóminus  
Deus meus.

Psalmus 144.

**E**XALTABO te Deus meus  
rex : \* et benedícam nó-  
mini tuo in saeculum, et in  
saeculum saeculi.

Per síngulos dies benedí-  
cam tibi : \* et laudábo nomen  
tuum in saeculum, et in saecu-  
lum saeculi.

Magnus Dóminus et laudá-  
bilis nimis : \* et magnitúdinis  
ejus non est finis.

Generátio et generátio lau-  
dábit ópera tua : \* et potén-  
tiam tuam pronuntiábunt.

Magnificéntiam glóriae san-  
ctitátis tuae loquéntur : \* et  
mirabília tua narrábunt.

Et virtútem terribílium tuó-  
rum dicent : \* et magnitúdi-  
nem tuam narrábunt.

Memóriam abundántiae sua-  
vitátis tuae eructábunt : \* et  
justítia tua exsultábunt.

Miserátor et miséricors Dó-  
minus : \* pátiens, et multum  
miséricors.

Suávis Dóminus univérſis: \*  
et miserationes ejus super  
omnia ópera ejus.

Confiteántur tibi Dómine  
omnia ópera tua : \* et sancti  
tui benedícant tibi.

Glóriam regni tui dicent : \*  
et poténtiam tuam loquéntur :

Ut notam fáciant fíliis hó-  
minum poténtiam tuam : \* et  
glóriam magnificéntiae regni  
tui.

Regnum tuum regnum óm-  
nium saeculórum : \* et domi-  
natio tua in omni generatióne  
et generatióne.

Fidélis Dóminus in ómni-  
bus verbis suis : \* et sanctus  
in ómnibus opéribus suis.

Allevat Dóminus omnes,  
qui córruunt : \* et érigit om-  
nes elíſos.

Oculi ómnium in te sperant  
Dómine : \* et tu das escam il-  
lórum in témpore opportúno.

Aperis tu manum tuam : \*  
et imples omne animal bene-  
dictióne.

Justus Dóminus in ómni-  
bus viis suis : \* et sanctus in  
ómnibus opéribus suis.

Prope est Dóminus ómni-  
bus invocántibus eum : \*  
ómnibus invocántibus eum in  
veritate.

Voluntátem timéntium se  
faciet, ꝫ et deprecationem eó-  
rum exáudiet : \* et salvos fá-  
ciet eos.

Custódit Dóminus omnes  
diligéntes se : \* et omnes pec-  
catóres dispédet.

Laudatióne Dómini lo-  
quétur os meum : \* et benedí-  
cat omnis caro nómini sancto  
ejus in saeculum, et in saecu-  
lum saeculi.

Añā. In aetérnum, et in sae-  
culum saeculi.

Psalmus 145.

**L**AUDA ánima mea Dómi-  
num, ꝫ laudábo Dómi-  
num in vita mea : \* psallam  
Deo meo quámdiu fúero.

Nolíte confídere in princípí-  
bus : \* in fíliis hóminum, in  
quibus non est salus.

Exíbit spíritus ejus, et re-  
vertétur in terram suam : \* in  
illa die períbunt omnes cogita-  
tiones eórum.

Beátus, cujus Deus Jacob  
adjútor ejus, ꝫ spes ejus in  
Dómino Deo ipsíus : \* qui fe-  
cit caelum et terram, mare, et  
omnia, quae in eis sunt.

Qui custódit veritátem in  
saeculum, ꝫ facit judícium in-  
júriam patiéntibus : \* dat  
escam esuriéntibus.

Dóminus solvit compedí-  
tos : \* Dóminus illúminat cae-  
cos.

Dóminus érigit elíſos, \* Dó-  
minus díligit justos.

Dóminus custódit ádvenas, ꝫ  
pupíllum, et víduam suscípiet : \*  
et vias peccatórum dispédet.

Regnábít Dóminus in sae-  
cula ꝫ Deus tuus Sion, \* in  
generatióne et generatióne.

Añā. Laudábo Deum meum  
in vita mea.

Psalmus 146.

**L**AUDATE Dóminum quóniam bonus est psalmus : \* Deo nostro sit jucúnda, decóraque laudátio.

Ædíficans Jerúsalem Dóminus : \* dispersiónes Israël congregábit.

Qui sanat contrítos corde : \* et álligat contritiónes eórum.

Qui númerat multitudínem stellárum : \* et ómnibus eis nómina vocat.

Magnus Dóminus noster, et magna virtus ejus : \* et sapiéntiae ejus non est númerus.

Suscípiens mansuétos Dóminus : \* humílians autem peccátóres usque ad terram.

Praecínite Dómino in confessiône : \* psállite Deo nostro in cíthara.

Qui óperit caelum núbibus : \* et parat terrae plúviam.

Qui prodúcit in móntibus foenum : \* et herbam servitúti hóminum.

Qui dat juméntis escam ipsórum : \* et pullis corvórum invocántibus eum.

Non in fortitúdine equi voluntátem habébit : \* nec in túbis viri beneplácitum erit ei.

Beneplácitum est Dómino super timéntes eum : \* et in eis, qui sperant super misericórdia ejus.

Aña. Deo nostro jucúnda sit laudátio.

Psalmus 147.

**L**AUDA Jerúsalem Dóminus : \* lauda Deum tuum Sion.

Quóniam confortávit seras portárum tuárum : \* benedíxit fíliis tuis in te.

Qui pósuit fines tuos pacem : \* et ádipe fruménti sátiat te.

Qui emíttit elóquium suum terrae : \* velóriter currit sermo ejus.

Qui dat nivem sicut lanam : \* nébulam sicut cínerem spargit.

Míttit crystállum suam sicut buccéllas : \* ante faciém frígoris ejus quis sustinébit?

Emíttet verbum suum, et liquefaciet ea : \* flabit spíritus ejus, et fluent aquae.

Qui annúntiat verbum suum Jacob : \* justítias, et judícia sua Israël.

Non fecit táliter omni nátióni : \* et judícia sua non manifestávit eis.

Aña. Lauda Jerúsalem Dóminus.

Temp. Paschali ad Vesp. Sabb. super omnes Psalm. dicatur haec tantum Aña. Allelúia, allelúia, allelúia.

Sequentes Psalmi dicuntur tantum in Laudibus.

Psalmus 148.

**L**AUDATE Dóminus de caelis : \* laudáte eum in excélsis.



Laudáte eum omnes Angeli ejus : \* laudáte eum omnes virtútes ejus.

Laudáte eum sol et luna : \* laudáte eum omnes stellae, et lumen.

Laudáte eum caeli caelórum : \* et aquae omnes, quae super caelos sunt, laudent nomen Dómini.

Quia ipse dixit, et facta sunt : \* ipse mandávit, et creáta sunt.

Státuit ea in aetérnum, et in saeculum saeculi : \* praeceptum pósuit, et non prae-teríbit.

Laudáte Dóminum de terra, \* dracones, et omnes abyssi.

Ignis, grando, nix, glácies, spíritus procellárum : \* quae faciunt verbum ejus :

Montes, et omnes colles : \* ligna fructífera, et omnes cedri.

Béstiae, et univérsa pécora : \* serpéntes, et vólucres pennátae :

Reges terrae, et omnes pópuli : \* príncipes, et omnes júdices terrae.

Júvenes, et vírgines : senes cum junióribus laudent nomen Dómini : \* quia exaltátum est nomen ejus solús.

Conféssio ejus super caelum, et terram : \* et exaltávit cornu pópuli sui.

Hymnus ómnibus sanctis ejus : \* fíliis Israël, pópulo appropinquánti sibi.

Ílic non dicitur Glória Patri.

Psalmus 149.

**C**ANTATE Dómino cánticum novum : \* laus ejus in ecclésia sanctórum.

Laetétur Israël in eo, qui fecit eum : \* et fílii Sion exsúltent in rege suo.

Laudent nomen ejus in choro : \* in tympano, et psaltério psallant ei :

Quia beneplácitum est Dómino in pópulo suo : \* et exaltábit mansuétos in salútem.

Exsultábunt sancti in glória : \* laetabúntur in cubílibus suis.

Exaltatiónes Dei in gútture eórum : \* et gládii ancípites in mánibus eórum :

Ad faciéndam vindíctam in natióibus : \* increpatiões in pópulis.

Ad alligándos reges eórum in compédibus : \* et nóbiles eórum in mánicis férreis.

Ut faciant in eis judícium conscriptum : \* glória haec est ómnibus sanctis ejus.

Ílic non dicitur Glória Patri.

Psalmus 150.

**L**AUDATE Dóminum in sanctis ejus : \* laudáte eum in firmaménto virtútis ejus.

Laudáte eum in virtútibus ejus : \* laudáte eum secúndum multitudinem magnitúdinis ejus.

Laudáte eum in sono tubae : \* laudáte eum in psaltério, et cíthara.

Laudáte eum in tympano, et choro : \* laudáte eum in chordis, et órgano.

Laudáte eum in cymbalis benesonántibus : ꝛ laudáte eum in cymbalis jubilationis : \* omnis spíritus laudet Dómino.

Sequuntur Cantica.

### DOMINICA.

Canticum trium puerorum.

*Danielis* 3.



BENEDICITE ómnia ópera Dómini Dómino : \* laudáte et superexaltáte eum in saecula.

Benedícite Angeli Dómini Dómino : \* benedícite caeli Dómino.

Benedícite aquae omnes, quae super caelos sunt, Dómino : \* benedícite omnes virtútes Dómini Dómino.

Benedícite sol, et luna Dómino : \* benedícite stellae caeli Dómino.

Benedícite omnis imber, et ros Dómino : \* benedícite omnes spíritus Dei Dómino.

Benedícite ignis, et aestus Dómino : \* benedícite frigus, et aestus Dómino.

Benedícite rores, et pruína Dómino : \* benedícite gelu, et frigus Dómino.

Benedícite glácies, et nives Dómino : \* benedícite noctes, et dies Dómino.

Benedícite lux, et ténebrae

Dómino : \* benedícite fúlgura, et nubes Dómino.

Benedícat terra Dóminum : \* laudet, et superexáltet eum in saecula.

Benedícite montes, et colles Dómino : \* benedícite univérssa germinántia in terra Dómino.

Benedícite fontes Dómino : \* benedícite mária, et flúmina Dómino.

Benedícite cete, et ómnia, quae movéntur in aquis, Dómino : \* benedícite omnes vólucres caeli Dómino.

Benedícite omnes béstiae, et pécora Dómino : \* benedícite filii hóminum Dómino.

Benedícat Israël Dóminum : \* laudet et superexáltet eum in saecula.

Benedícite sacerdótes Dómini Dómino : \* benedícite servi Dómini Dómino.

Benedícite spíritus, et ánimae justórum Dómino : \* benedícite sancti, et húmiles corde Dómino.

Benedícite Ananfa, Azaría, Mísaël Dómino : \* laudáte et superexaltáte eum in saecula.

Benedicámus Patrem, et Fílium cum sancto Spíritu : \* laudémus et superexaltémus eum in saecula.

Benedíctus es Dómine in firmaménto caeli : \* et laudábilis, et gloriósus, et superexaltátus in saecula.

Illic non dicitur Glória Patri.

## FERIA SECUNDA.

Canticum Isaiae., *Cap. 12.*

**C**ONFITEBOR tibi Dómine, quóniam irátus es mihi : \* convérsus est furor tuus, et consolátus es me.

Ecce Deus salvátor meus, \* fiduciáliter agam, et non timébo :

Quia fortitúdo mea, et laus mea Dóminus, \* et factus est mihi in salútem.

Hauriétis aquas in gáudio de fóntibus salvatóris : \* et dicétis in illa die : Confitémini Dómino, et invocáte nomen ejus :

Notas fácite in pópulis adinventiões ejus : \* mementóte quóniam excélsus est nomen ejus.

Cantáte Dómino quóniam magnífice fecit : \* annuntiáte hoc in univérsa terra.

Exsúlta, et lauda habitátio Sion : \* quia magnus in médio tui sanctus Israël.

## FERIA TERTIA.

Canticum Ezechiae Regis.

*Isaiae 38.*

**E**GO dixi : In dimídio diérum meórum \* vadam ad portas ínferi.

Quaesívi resíduum annórum meórum. \* Dixi : Non vidébo Dóminum Deum in terra vivéntium.

Non aspíciam hóminem ultra, \* et habitátorem quiétis.

Generátio mea abláta est; et convolúta est a me, \* quasi tabernáculum pastórum :

Praecísa est velut a texén-te, vita mea : ꝛ dum adhuc ordírer, succídít me : \* de mane usque ad vésperam fínies me.

Sperábam usque ad mane, \* quasi leo sic contrívit ómnia ossa mea :

De mane usque ad vésperam fínies me : \* sicut pullus hirúndinis sic clamábo, meditábor ut colúmba :

Attenuáti sunt óculi mei, \* suspiciéntes in excélsus :

Dómine vim pátiór, ꝛ respónde pro me. \* Quid dicam, aut quid respondébit mihi, cum ipse fécerit?

Recogitábo tibi omnes annos meos \* in amaritúdine áni-mae meae.

Dómine si sic vívitur, et in tálibus vita spíritus mei, ꝛ corrípies me, et vivificábis me. \* Ecce in pace amaritúdo mea amaríssima :

Tu autem eruísti ánimam meam ut non períret, \* projecísti post tergum tuum ómnia peccáta mea.

Quia non inférnus confitébitur tibi, ꝛ neque mors laudábit te : \* non exspectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie : \* pater fíliis notam fáciet veritátem tuam.

Dómine saluum me fac, \* et psalmos nostros cantábitur cunctis diébus vitae nostrae in domo Dómini.

### FERIA QUARTA.

Canticum Annae. 1. *Reg.* 2.

**E**XSULTAVIT cor meum in Dómino, \* et exaltátum est cornu meum in Deo meo :

Dilatátum est os meum super inimícos meos : \* quia laetáta sum in salutári tuo.

Non est sanctus, ut est Dóminus : ꝫ neque enim est álius extra te, \* et non est fortis sicut Deus noster.

Nolíte multiplicáre loqui sublímia, \* gloriántes :

Recédant vétera de ore vestro : ꝫ quia Deus scientiárum, Dóminus est, \* et ipsi praeparántur cogitatiónes.

Arcus fórtium superátus est, \* et infirmi accíncti sunt róbre.

Repléti prius, pro pánibus se locavérunt : \* et famélici saturáti sunt,

Donec stérilis péperit plúrimos : \* et quae multos habebat filios, infirmáta est.

Dóminus mortíficat et vivíficat, \* dedúcit ad ínferos et redúcit.

Dóminus páuperem facit et ditat, \* humiliat et súblevat.

Súscitat de púlvere egénium, \* et de stércore élevat páuperem :

Ut sédeat cum princípibus, \* et sólium glóriæ téneat.

Dómini enim sunt cárdines terrae, \* et pósuit super eos orbem.

Pedes sanctórum suórum servábit, ꝫ et ímpii in ténebris conticéscant : \* quia non in fortitúdine sua roborábitur vir.

Dóminum formidábunt adversárii ejus : \* et super ipsos in caelis tonábit :

Dóminus judicábit fines terrae, ꝫ et dabit impérium regi suo, \* et sublimábit cornu Christi sui.

### FERIA QUINTA.

Canticum Moysi. *Exodi* 15.

**C**ANTEMUS Dómino : glorióse enim magnificátus est, \* equum et ascensórem dejécit in mare.

Fortitúdo mea, et laus mea Dóminus, \* et factus est mihi in salútem :

Iste Deus meus, et glorificábo eum : \* Deus patris mei, et exaltábo eum.

Dóminus quasi vir pugnátor, omnípotens nomen ejus. \* Currus Pharaónis et exercitum ejus projécit in mare :

Elécti príncipes ejus submérsi sunt in Mari rubro. ꝫ Abyssi operuérunt eos, \* descendérunt in profúndum quasi lapis.

Déxtera tua Dómine magnificáta est in fortitúdine : ꝫ déxtera tua, Dómine, percússit inimícum. \* Et in multitudíne glóriæ tuæ deposuísti adversários tuos :

Misisti iram tuam, quae devoravit eos sicut stipulam. \* Et in spiritu furoris tui congregatae sunt aquae :

Stetit unda fluens, \* congregatae sunt abyssi in medio mari.

Dixit inimicus : Persequar et comprehendam, et dividam spolia, \* implebitur anima mea :

Evaginabo gladium meum, \* interficiet eos manus mea.

Flavit spiritus tuus, et operuit eos mare : \* submersi sunt quasi plumbum in aquis vehementibus.

Quis similis tui in fortibus Domine? \* quis similis tui, magnificus in sanctitate, terribilis atque laudabilis, faciens mirabilia?

Extendisti manum tuam, et devoravit eos terra. \* Dux fuisti in misericordia tua populo quem redemisti :

Et portasti eum in fortitudine tua, \* ad habitaculum sanctum tuum.

Ascenderunt populi, et irati sunt : \* dolores obtinuerunt habitatores Philisthiim.

Tunc conturbati sunt principes Edom, robustos Moab obtinuit tremor : \* obriguerunt omnes habitatores Chanaan.

Irruat super eos formido et pavor, \* in magnitudine brachii tui :

Fiant immobiles quasi lapides, et donec pertranseat popu-

lus tuus Domine, \* donec pertranseat populus tuus iste, quem possedisti.

Introduces eos, et plantabis in monte hereditatis tuae, \* firmissimo habitaculo tuo quod operatus es Domine :

Sanctuarium tuum Domine, quod firmaverunt manus tuae. \* Dominus regnabit in aeternum et ultra.

Ingressus est enim eques Pharaon cum curribus et equitibus ejus in mare : \* et reduxit super eos Dominus aquas maris :

Filii autem Israel ambulerunt per siccum \* in medio ejus.

## FERIA SEXTA.

Canticum Habacuc. *Cap. 3.*

**D**OMINE audivi auditionem tuam, \* et timui.

Domine opus tuum, \* in medio annorum vivifica illud :

In medio annorum notum facies : \* cum iratus fueris, misericordiae recordaberis.

Deus ab austro veniet, \* et sanctus de monte Pharan :

Operuit caelos gloria ejus : \* et laudis ejus plena est terra.

Splendor ejus ut lux erit : \* cornua in manibus ejus :

Ibi abscondita est fortitudo ejus : \* ante faciem ejus ibit mors.

Et egrediatur diabolus ante pedes ejus. \* Stetit, et mensus est terram.

Aspéxit, et dissólvit gentes : \* et contríti sunt montes saeculi.

Incurváti sunt colles mundi, \* ab itinéribus aeternitátis ejus.

Pro iniquitáte vidi tentória Æthiópiae, \* turbabúntur pelles terrae Má dian.

Numquid in flumínibus irátus es Dómine? ; aut in flumínibus furor tuus? \* vel in mari indignátio tua?

Qui ascédes super equos tuos : \* et quadrígae tuae salvátio.

Súscitans suscitábis arcum tuum : \* juraménta tribubus, quae locútus es :

Flúvios scindes terrae : ; vidérunt te, et doluérunt montes : \* gurges aquárum tránsiit.

Dedit abyssus vocem suam : \* altitúdo manus suas levávit.

Sol, et luna stetérunt in habitáculo suo, \* in luce sagittárum tuárum, ibunt in splendóre fulgurántis hastae tuae.

In frémitu conculcábis terram : \* in furóre obstupefácies gentes.

Egréssus es in salútem pó puli tui : \* in salútem cum Christo tuo.

Percussísti caput de domo ímpii : \* denudásti fundaméntum ejus usque ad collum.

Maledixísti sceptris ejus, ; cápiti bellatórum ejus, \* veniéntibus ut turbo ad dispergéndum me.

Exsultátio eórum \* sicut ejus, qui dévorat páuperem in abscóndito.

Viam fecísti in mari equis tuis, \* in luto aquárum multárum.

Audívi, et conturbátus est venter meus : \* a voce contremuérunt lábia mea.

Ingrediátur putrédo in óssibus meis, \* et subter me scáteat.

Ut requiéscam in die tribulatiónis : \* ut ascéndam ad pópulum accínctum nostrum.

Ficus enim non florébit : \* et non erit germen in víneis.

Mentiétur opus olívae : \* et arva non áfferent cibum.

Abscindétur de ovíli pecus : \* et non erit arméntum in prae-sépiis.

Ego autem in Dómino gaudebo : \* et exsultábo in Deo Jesu meo.

Deus Dóminus fortitúdo mea : \* et ponet pedes meos quasi cervórum.

Et super excélsa mea dedúcet me victor \* in psalmis canéntem.

## SABBATO.

Canticum Moysi. *Deut. 32.*

**A**UDITE caeli quae loquor, \* áudiat terra verba oris mei.

Concréscat ut plúvia doctrína mea, \* fluat ut ros elóquium meum.

Quasi imber super herbam, ⁊  
et quasi stillae super grámina.\*  
Quia nomen Dómini invo-  
cábo :

Date magnificéntiam Deo  
nostro.\* Dei perfécta sunt ópe-  
ra, et omnes viae ejus judícia :

Deus fidélis, et absque ulla  
iniquitáte, justus et rectus.\*  
Peccavérunt ei, et non filii ejus  
in sórdibus :

Generátio prava atque per-  
vérsa.\* Haecce reddis Dó-  
mino pópule stulte et insí-  
piens?

Numquid non ipse est pa-  
ter tuus,\* qui possédit te, et  
fecit, et creávit te?

Meménto diérum antiquó-  
rum,\* cógita generatiónes  
sínulas :

Intérroga patrem tuum, et  
annuntiábit tibi : \* majóres  
tuos, et dicent tibi.

Quando dividébat Altíssi-  
mus gentes : \* quando sepa-  
rábat filios Adam,

Constítuit términos popu-  
lórum \* juxta númerum filió-  
rum Israël.

Pars autem Dómini, popu-  
lus ejus : \* Jacob funículus  
hereditátis ejus.

Invénit eum in terra desér-  
ta,\* in loco horróris, et vastae  
solitúdinis :

Circumdúxit eum, et dó-  
cuit : \* et custodívit quasi pu-  
pillam óculi sui.

Sicut áquila próvocans ad  
volándum pullos suos,\* et su-  
per eos volítans.

Expándit alas suas, et as-  
súmpsit eum,\* atque portávit  
in húmeris suis.

Dóminus solus dux ejus  
fuit : \* et non erat cum eo  
deus aliénus.

Constítuit eum super excél-  
sam terram : \* ut coméderet  
fructus agrórum,

Ut súgeret mel de petra,\*  
oleúmque de saxo duríssimo.

Butyrum de arménto, et lac de  
óvibus \* cum ádipe agnórum,  
et aríetum filiórum Basan :

Et hircos cum medúlla trí-  
tici,\* et sánguinem uvae bíbe-  
ret meracíssimum.

Incrassátus est diléctus, et  
recalcitrávit : \* incrassátus,  
impinguátus, dilatátus,

Derelíquit Deum factórem  
suum, et recéssit a Deo salu-  
tári suo.

Provocavérunt eum in diis  
aliénis,\* et in abominatióibus  
ad iracúndiam concitavérunt.

Immolavérunt daemóniis,  
et non Deo,\* diis, quos igno-  
rábant :

Novi recentésque venérunt,\*  
quos non coluérunt patres eó-  
rum.

Deum, qui te génuit dereli-  
quísti,\* et oblítus es Dómini  
creatóris tui.

Vidit Dóminus, et ad ira-  
cúndiam concitátus est : \* quia  
provocavérunt eum filii sui et  
filiae.

Et ait : ⁊ Abscóndam faciém  
meam ab eis,\* et considerábo  
novíssima eórum :

Generatio enim perversa est, \* et infidèles filii.

Ipsi me provocaverunt in eo, qui non erat Deus, \* et irritaverunt in vanitatibus suis :

Et ego provocabo eos in eo, qui non est populus, \* et in gente stulta irritabo illos.

Ignis succensus est in furore meo, \* et ardebit usque ad inferni novissima :

Devorabitque terram cum germine suo, \* et montium fundamenta comburet.

Congregabo super eos mala, \* et sagittas meas complébo in eis.

Consumentur fame, \* et devorabunt eos aves morsu amarissimo :

Dentes bestiarum immittam in eos, \* cum furore trahentium super terram, atque serpentium.

Foris vastabit eos gladius, et intus pavor, \* juvenem simul ac virginem, lactentem cum homine sene.

Dixi : Ubinam sunt? \* cessare faciam ex hominibus memoriam eorum.

Sed propter iram inimicorum distuli : \* ne forte superbirent hostes eorum,

Et dicerent : Manus nostra excelsa, et non Dominus, \* fecit haec omnia.

Gens absque consilio est, et sine prudentia. \* Utinam saperent, et intelligerent, ac novissima providerent.

Quomodo persequatur unus mille, \* et duo fugent decem millia?

Nonne ideo, quia Deus suos vendidit eos, \* et Dominus conclusit illos?

Non enim est Deus noster ut dii eorum : \* et inimici nostri sunt iudices.

De vinea Sodomorum, vinea eorum, \* et de suburbanis Gomorrhæ :

Uva eorum uva fellis, \* et botri amarissimi.

Fel draconum vinum eorum, \* et venenum aspidum insanabile.

Nonne haec condita sunt apud me, \* et signata in thesauris meis?

Mea est ultio, et ego retribuam in tempore, \* ut labatur pes eorum :

Juxta est dies perditionis, \* et adesse festinant tempora.

Judicabit Dominus populum suum, \* et in servis suis miserabitur :

Videbit quod infirmata sit manus, et clausi quoque defecerunt, \* residuique consumpti sunt.

Et dicet : Ubi sunt dii eorum, \* in quibus habebant fiduciam?

De quorum victimis comdebant adipem, \* et bibebant vinum libaminum :

Surgant, et opitulentur vobis, \* et in necessitate vos protegant.



Videte quod ego sim solus, \*  
et non sit alius Deus praeter  
me :

Ego occidam, et ego. vivere  
faciam : ꝛ percútiam, et ego  
sanábo, \* et non est qui de  
manu mea possit erúere.

Levábo ad caelum manum  
meam, et dicam : \* Vivo ego  
in aetérnum.

Si acúero ut fulgur glá-  
dium meum, \* et arripúerit  
judícium manus mea :

Reddam ultiónem hóstibus  
meis, \* et his qui odérunt me  
retríbuam.

Inebriábo sagíttas meas sán-  
guine, \* et gládus meus de-  
vorábit carnes,

De cruóre occisórum, \* et  
de captivítate, nudáti inimicó-  
rum cápitis.

Laudáte gentes pópulum  
ejus, \* quia sánguinem servó-  
rum suórum ulciscétur :

Et vindíctam retríbuet in  
hostes eórum, \* et propítius  
erit terrae pópuli sui.

Canticum Zachariae. *Lucae* I.

**B**ENEDICTUS Dóminus  
Deus Israël, \* quia visi-  
távit, et fecit redemptiónem  
plebis suae :

Et eréxit cornu salútis no-  
bis : \* in domo David púeri sui.

Sicut locútus est per os san-  
ctórum, \* qui a saeculo sunt,  
prophetárum ejus :

Salútem ex inimícis nostris, \*  
et de manu ómnium, qui odé-  
runt nos :

Ad faciéndam misericórdiam  
cum pátribus nostris : \* et me-  
morári testaménti sui sancti.

Jusjurándum, quod jurávit  
ad Abraham patrem nostrum, \*  
datúrum se nobis :

Ut sine timóre, de manu  
inimicórum nostrórum libe-  
ráti, \* serviámus illi.

In sanctítate, et justítia co-  
ram ipso, \* ómnibus diébus  
nostris.

Et tu puer, prophéta Altís-  
simi vocáberis : \* praeſbis  
enim ante faciém Dómini pa-  
ráre vias ejus :

Ad dandam sciéntiam salú-  
tis plebi ejus : \* in remissió-  
nem peccatórum eórum :

Per víscera misericórdiae  
Dei nostri : \* in quibus visi-  
távit nos, oriens ex alto :

Illumináre his, qui in téne-  
bris, et in umbra mortis se-  
dent : \* ad dirigéndos pedes  
nostros in viam pacis.

Canticum SS. Ambrosii  
et Augustini.

**T**E Deum laudámus : \* te  
Dóminum confitémur.

Te aetérnum Patrem \* om-  
nis terra venerátur.

Tibi omnes Angeli, \* tibi  
caeli, et univérsae Potestátes.

Tibi Chérubim et Séra-  
phim, \* incessábili voce pro-  
clámant :

Sanctus, Sanctus, Sanctus \*  
Dóminus Deus Sábaoth.

Pleni sunt caeli et terra \*  
majestátis glóriæ tuæ.

Te gloriósus \* Apostoló-  
rum chorus,

Te Prophetárum \* laudábilis  
númerus,

Te Mártyrum candidátus \*  
laudat exércitus.

Te per orbem terrárum \*  
sancta confitétur Ecclésia :

Patrem \* imménsae maje-  
státis,

Venerándum tuum verum \*  
et únicum Fílium,

Sanctum quoque \* Parácli-  
tum Spíritum.

Tu Rex glóriæ, \* Christe.

Tu Patris \* sempitérnus es  
Fílius.

Tu, ad liberándum suscep-  
túrus hóminem, \* non hor-  
ruísti Vírginis úterum.

Tu, devícto mortis acúleo, \*  
aperuísti credéntibus regna  
caelórum.

Tu ad dexteram Dei sedes, \*  
in glória Patris.

Judex créderis \* esse ven-  
túrus.

Hic genuflectitur.

Te ergo quaesumus, tuis fá-  
mulis súbveni : \* quos pretió-  
so ságuine redemísti.

Æténa fac cum sanctis  
tuis \* in glória numerári.

Salvum fac pópulum tuum  
Dómine, \* et bédedic heredi-  
táti tuæ.

Et rege eos, \* et extólle illos  
usque in aetérnum.

Per síngulos dies \* benedí-  
cimus te.

Et laudámus nomen tuum

in saeculum, \* et in saeculum  
saeculi.

Dignáre, Dómine, die isto \*  
sine peecáto nos custodíre.

Miserére nostri, Dómine : \*  
miserére nostri.

Fiat misericórdia tua, Dó-  
mine, super nos, \* quemádmo-  
dum sperávimus in te.

In te, Dómine, sperávi : \*  
non confúndar in aetérnum.

Hic nunquam dicitur Gló-  
ria Patri.

Symbolum S. Athanasii.

**Q**UICUMQUE vult sal-  
vus esse, \* ante ómnia  
opus est ut téneat cathólicam  
fidem.

Quam nisi quisque íntegram  
inviolatámque serváverit, \*  
absque dúbio in aetérnum  
períbit.

Fides autem cathólica haec  
est : \* ut unum Deum in Tri-  
nitáte, et Trinitátem in unitáte  
venerémur.

Neque confundéntes persón-  
as, \* neque substántiam se-  
parántes.

Alia est enim persóna Pa-  
tris, ália Fílii, \* ália Spíritus  
sancti.

Sed Patris, et Fílii, et Spíri-  
tus sancti una est divínitas : \*  
aequális glória, coaetérna ma-  
jéstas.

Qualis Pater, talis Fílius, \*  
talis Spíritus sanctus.

Increátus Pater, increátus  
Fílius, \* increátus Spíritus  
sanctus.

Imménsus Pater, imménsus Fílius, \* imménsus Spíritus sanctus.

Ætérnus Pater, aetérnus Fílius, \* aetérnus Spíritus sanctus.

Et tamen non tres aetérni, \* sed unus aetérnus.

Sicut non tres increáti, nec tres imménsi, \* sed unus increátus, et unus imménsus.

Simíliter omnípotens Pater, omnípotens Fílius, \* omnípotens Spíritus sanctus.

Et tamen non tres omnípoténtes, \* sed unus omnípotens.

Ita Deus Pater, Deus Fílius, \* Deus Spíritus sanctus.

Et tamen non tres Dii, \* sed unus est Deus.

Ita Dóminus Pater, Dóminus Fílius, \* Dóminus Spíritus sanctus.

Et tamen non tres Dómini, \* sed unus est Dóminus.

Quia sicut singillátim unamquámque persónam Deum ac Dóminum confitéri christiána veritáte compéllimur : \* ita tres Deos aut Dóminos dícere cathólica religióne prohibémur.

Pater a nullo est factus : \* nec creátus, nec génitus.

Fílius a Patre solo est : \* non factus, nec creátus, sed génitus.

Spíritus sanctus a Patre et Fílio : \* non factus, nec creátus, nec génitus, sed procédens.

Unus ergo Pater, non tres Patres : ꝛ unus Fílius, non tres Fílii : \* unus Spíritus sanctus, non tres Spíritus sancti.

Et in hac Trinitáte nihil prius aut postérius, ꝛ nihil majus aut minus; \* sed totae tres persónae coaetérnae sibi sunt, et coaequáles.

Ita ut per ómnia, sicut jam supra dictum est, \* et únitás in Trinitáte, et Trínitas in unitáte veneránda sit.

Qui vult ergo salvus esse, \* ita de Trinitáte séntiat.

Sed necessárium est ad aetérnam salútem, \* ut incarnatióem quoque Dómini nostri Jesu Christi fidéliter credat.

Est ergo fides recta, ut credámus et confiteámur, \* quia Dóminus noster Jesus Christus Dei Fílius, Deus et homo est.

Deus est ex substántia Patris ante saecula génitus : \* et homo est ex substántia matris in saeculo natus.

Perfécus Deus, perfécus homo : \* ex ánima ratióнали, et humána carne subsístens.

Æquális Patri secúndum divinitátem : \* minor Patre secúndum humanitátem.

Qui licet Deus sit et homo, \* non duo tamen, sed unus est Christus.

Unus autem non conversiόne divinitátis in carnem; \* sed assumptiόne humanitátis in Deum.

Unus omníno non confusiόne substántiae, \* sed unitáte persónae.

Nam sicut ánima ratiónalis et caro unus est homo : \* ita Deus et homo unus est Christus.

Qui passus est pro salute nostra : ⁊ descendit ad inferos : \* tértia die resurrexit a mórtuis.

Ascéndit ad caelos, ⁊ sedet ad dexteram Dei Patris omnipoténtis : \* inde ventúrus est iudicáre vivos et mórtuos.

Ad cuius advéntum omnes hómines resúrgere habent cum corpóribus suis : \* et redditúri sunt de factis própriis ratió-nem.

Et qui bona egérunt, ibunt in vitam aetérnam : \* qui vero mala, in ignem aetérnum.

Haec est fides cathólica, \* quam nisi quisque fidéliter firmitérque crediderit, salvus esse non póterit.

Canticum B. Mariae V.

*Luc. i.*

**M**AGNIFICAT \* ánima mea Dóminum :

Et exultávit spíritus meus \* in Deo salutári meo.

Quia respéxit humilitátem ancíllae suae : \* ecce enim ex hoc beátam me dicent omnes generatiónes.

Quia fecit mihi magna qui potens est : \* et sanctum nomen ejus.

Et misericórdia ejus a progénie in progénies \* timéntibus eum.

Fecit poténtiam in bráchio

suo : \* dispérsit superbos mente cordis sui.

Depósuit poténtes de sede, \* et exaltávit húmiles.

Esuriéntes implévit bonis : \* et dívites dimísit inánes.

Suscépit Israël púerum suum, \* recordátus misericórdiae suae.

Sicut locútus est ad patres nostros \* Abraham, et sémini ejus in saecula.

Canticum Simeonis. *Luc. 2.*

**N**UNC dimíttis servum tuum Dómine, \* secúndum verbum tuum in pace :

Quia vidérunt óculi mei \* salutáre tuum,

Quod parásti \* ante fáciem ómnium populórum.

Lumen ad revelatió-nem géntium, \* et glóriam plebis tuae Israël.

Oratio Dominicalis.

*Matth. 6.*

**P**ATER noster, qui es in caelis : sanctificétur nomen tuum.

Advéniat regnum tuum.

Fiat volúntas tua, sicut in caelo, et in terra.

Panem nostrum quotidiánum da nobis hódie.

Et dimítte nobis débíta nostra, sicut et nos dimíttimus debitoribus nostris.

Et ne nos indúcas in tentatió-nem.

Sed líbera nos a malo.

Amen.

Salutatio Angelica. *Lucae* 1.

**A**VE María, grátia plena :  
Dóminus tecum : bene-  
dícta tu in muliéribus, et be-  
nedíctus fructus ventris tui  
Jesus. Sancta María, Mater  
Dei, ora pro nobis peccatóri-  
bus, nunc et in hora mortis  
nostrae. Amen.

Symbolum Apostolorum.

**C**REDO in Deum, Patrem  
omnipoténtem, Creató-  
rem caeli et terrae.

Et in Jesum Christum, Fí-  
lium ejus únicum, Dóminum  
nostrum, qui concéptus est de  
Spíritu sancto, natus ex María  
VírGINE,

Passus sub Póntio Piláto,  
crucifíxus, mórtuus, et sepúl-  
tus :

Descéndit ad ínferos ; tértia  
die resurréxit a mórtuis :

Ascéndit ad caelos, sedet  
ad dexteram Dei Patris omni-  
poténtis :

Inde ventúrus est judicáre  
vivos et mórtuos.

Credo in Spíritum san-  
ctum,

Sanctam Ecclésiám cathó-  
licam,

Sanctórum communióne,  
Remissióne peccatórum,  
Carnis resurrectiόne,  
Vitam aetérnam.

Amen.





## Officium de Tempore.

IN FESTO  
SS. TRINITATIS.

Totum Duplex.

AD VESPERAS.

Super Psalm. Añā. O beāta, et benedīcta, et gloriōsa Trīnitas : Pater, et Fīlius, et Spīritus sanctus. Psalm. Laudāte pūeri. cum ceteris, pag. j.

Capitulum. *Rom. 11.*



**A**LTITUDO divitiarum sapiētiaē, et sciētiaē Dei : quam incomprehensibilia sunt iudicia ejus, et investigabiles viae ejus!

R̃. vj. Honor, virtus. p. 136.

Hymnus.

**A**DESTO sancta Trīnitas,  
Par splendor, una Dēitas,  
Quae exstas rerum omnium  
Sine fine principium.

Te caelorum milītia  
Laudat, adorat, praedicat,  
Triplēxque mundi mīchina  
Benedicit per saecula.

Hic genuflectitur.

Adsumus et nos cernui  
Te adorantes famuli :  
Vota precēsque supplicum  
Hymnis jungē caelēstium.

Unum te lumen credimus,  
Quod et ter idem colimus :  
Alpha et Omēga quem dicimus,

Te laudat omnis spīritus.

Laus Patri sit ingēnito,  
Laus ejus Unigēnito :  
Laus sit sancto Spīritui,  
Trino Deo et simplici. Amen.

V. Benedicāmus Patrem, et  
Fīlium, cum sancto Spīritu.  
R̃. Laudēmus, et superexal-  
tēmus eum in saecula.

Ad Magnificat, Añā. Grā-  
tias tibi Deus, grātias tibi,

vera et una Trínitas, una et summa Déitas, sancta et una Unitas.

Oratio.

**O**MNIPOTENS sempitérne Deus, qui dedísti fámulis tuis in confessióne verae fidei, aetérnae Trinitátis glóriam agnóscere : et in poténtia majestátis adoráre unitátem; quaesumus, ut ejúsdem fidei firmitáte, ab ómnibus semper muniámur advérsis. Per Dóminum.

Ad Completorium, Añã. Miserére. Psalmi consueti, ut in Comm. Apost. notantur, p. iij.

Ad Nunc dimittis, Añã. Salva nos.

#### AD MATUTINUM.

Invitatorium. Deum verum, unum in Trinitáte, et Trinitátem in unitáte, \* Veníte adorémus.

Hymnus. Adésto. ut supra.

In primo Nocturno.

Añã. Adésto.

Psalmus 8.



OMINE Dóminus noster, \* quam admirá-  
bile est nomen tuum  
in univérsa terra!

Quóniam eleváta est magnificéntia tua, \* super caelos.

Ex ore infántium et lacténtium perfecísti laudem propter inimícos tuos, \* ut destruas inimícum et ultórem.

Quóniam vidébo caelos tuos,

ópera digitórum tuórum : \* lunam et stellas, quae tu fundásti.

Quid est homo, quod memor es ejus? \* aut fílius hóminis, quóniam vísitas eum?

Minuísti eum paulo minus ab Angelis, et glória et honóre coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérsas : insuper et pécora campi.

Vólucres caeli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra!

Añã. Adésto Deus unus omnípotens, Pater, et Fílius, et Spíritus sanctus.

Añã. Te unum.

Psalmus 18.

**C**AELI enarrant glóriam Dei, \* et ópera mánuum ejus annúnciat firmaméntum.

Dies diéi erúctat verbum, \* et nox nocti índicat sciéntiam.

Non sunt loquélae, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terrae verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo caelo egressio ejus :

Et occúrsus ejus usque ad summum ejus : \* nec est qui se abscondat a calore ejus.

Lex Dómini immaculáta convértens ánimas : \* testimónium Dómini fidéle, sapiéntiam praestans párvulis.

Justítiae Dómini rectae, laetificántes corda : \* praecéptum Dómini lúcidum, illúminans óculos.

Timor Dómini sanctus, permanens in saeculum saeculi : \* júdicia Dómini vera, justificáta in semetípsa.

Desiderabília super aurum et lápidem pretiósum multum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delícta quis intélligit? et ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delícto máximo.

Et erunt ut compláceant elóquia oris mei : \* et meditátio cordis mei in conspéctu tuo semper.

Dómine adjútor meus, \* et redémptor meus.

Añã. Te unum in substántia, Trinitátem in persónis confitémur.

Añã. Te semper.

Psalmus 23.

**D**OMINI est terra, et plenitúdo ejus : \* orbis terrárum, et univérsi, qui hábitant in eo.

Quia ipse super mária fundávit eum : \* et super flúmina praeparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, et qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Haec est generátio quaeréntium eum, \* quaeréntium fáciem Dei Jacob.

Attóllite portas príncipes vestras, et elevámini portae aeternáles : \* et introíbit rex glóriæ.

Quis est iste rex glóriæ? \* Dóminus fortis et potens : Dóminus potens in proelio.

Attóllite portas príncipes vestras, et elevámini portae aeternáles : \* et introíbit rex glóriæ.

Quis est iste rex glóriæ? \* Dóminus virtútum ipse est rex glóriæ.

Añã. Te semper idem esse, vívere, et intellígere profitémur.

V. Benedicámus Patrem, et Fílium, cum sancto Spíritu. R. Laudémus, et superexaltémus eum in saecula.



## De Isaíá Prophéta.

Lectio j.

Cap. 6.



N anno, quo mórtuus est rex Ozías, vidi Dóminum sedéntem super sólum excélsu et elevátum : et ea, quae sub ipso erant, replébant templum. Séraphim stabant super illud : sex alae uni, et sex alae álteri : duábus velábant fáciem ejus, et duábus velábant pedes ejus, et duábus volábant. Et clamábant alter ad álterum, et dicébant : Sanctus, sanctus, sanctus, Dóminus Deus exercítuum, plena est omnis terra glória ejus. Et commóta sunt superliminária cárdinum a voce clamántis, et domus repléta est fumo.

R̃. Benedícat nos Deus, Deus noster, benedícat nos Deus : \* Et métuant eum omnes fines terrae. Ṽ. Deus misereátur nostri, et benedícat nos Deus. Et métuant.

De libro Apocalypsis beáti Joánnis Apóstoli.

Lectio ij.

Cap. 4.

VIDI, et ecce óstium apértum in caelo, et ecce sedes pósita erat in caelo, et supra sedem sedens. Et qui sedébat símilis erat aspéctui lápidis jáspidis, et sárdinis : et iris erat in circúitu sedis símilis visióni smarágdinae. Et in circúitu sedis sedília vigínti quátuor : et super thronos vigínti quátuor senióres sedén-

tes, circumamícti vestiméntis albis, et in capítibus eórum corónae áureae. Et de throno procedébant fúlgura, et voces, et tonítrua : et septem lámpades ardéntes ante thronum, qui sunt septem spíritus Dei. Et in conspéctu sedis tamquam mare vítreum símile crystálo : et in médio sedis, et in circúitu sedis quátuor animália plena óculis ante et retro. Et réquiem non habébant die ac nocte, dicéntia : Sanctus, Sanctus, Sanctus Dóminus Deus omnípotens, qui erat, et qui est, et qui ventúrus est.

R̃. Benedíctus Dóminus Deus Israél, qui facit mirabília solus : \* Et benedíctum nomen majestátis ejus in aetérnum. Ṽ. Replébitur majestáte ejus omnis terra : fiat, fiat. Et benedíctum.

De Epístola prima beáti Joánnis Apóstoli.

Lectio iij.

Cap. 5.

OMNE, quod natum est ex Deo, vincit mundum : et haec est victória, quae vincit mundum, fides nostra. Quis est, qui vincit mundum, nisi qui credit quóniam Jesus est Fílius Dei? Hic est, qui venit per aquam et sánguinem, Jesus Christus : non in aqua solum, sed in aqua et ságuine. Et spíritus est, qui testificátur, quóniam Christus est véritas. Quóniam tres sunt, qui testimónium dant in cae-

lo : Pater, Verbum, et Spíritus sanctus : et hi tres unum sunt.

R. Quis Deus magnus sicut Deus noster? \* Tu es Deus, Qui facis mirabilia. V. Notam fecisti in pópulis virtútem tuam : redemísti in bráchio tuo pópulum tuum. Tu es. Glória Patri. Qui.

In secundo Nocturno.

Aña. Te invocámus.

Psalmus 46.



MNES gentes pláudite mánibus : \* jubilate Deo in voce exsultatiónis.

Quóniam Dóminus excélsus, terríbilis : \* Rex magnus super omnem terram.

Subjécit pópulos nobis : \* et gentes sub pédibus nostris.

Elégit nobis hereditátem suam : \* spéciem Jacob, quam diléxit.

Ascéndit Deus in júbilo : \* et Dóminus in voce tubæ.

Psállite Deo nostro, psállite : \* psállite Regi nostro, psállite.

Quóniam Rex omnis terrae Deus : \* psállite sapiénter.

Regnábít Deus super gentes : \* Deus sedet super sedem sanctam suam.

Príncipes populórum congregáti sunt cum Deo Abraham : \* quóniam dii fortes terrae, veheménter eleváti sunt.

Aña. Te invocámus, te adorámus, te laudámus, o beáta Trínitas.

Aña. Spes nostra.

Psalmus 47.

MAGNUS Dóminus, et laudábilis nimis \* in civitáte Dei nostri, in monte sancto ejus.

Fundátur exsultatióne universae terrae mons Sion, \* látera aquilónis, civitas Regis magni.

Deus in dómibus ejus cognoscétur, \* cum suscípíet eam.

Quóniam ecce reges terrae congregáti sunt : \* convenérunt in unum.

Ipsi vidéntes sic admiráti sunt, conturbáti sunt, commóti sunt : \* tremor apprehéndit eos.

Ibi dolóres ut parturiéntis, \* in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, et in civitáte Dei nostri : \* Deus fundávit eam in aetérnum.

Suscépimus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terrae : \* justítia plena est dextera tua.

Laetétur mons Sion, et exsúltent filiae Judae, \* propter judícia tua Dómine.

Circúmdate Sion, et completímini eam : \* narráte in túribus ejus.

Pónite corda vestra in virtúte ejus : \* et distribúite do-

mos ejus, ut enarrétis in progénie áltera.

Quóniam hic est Deus, Deus noster in aetérnum, et in saeculum saeculi : \* ipse reget nos in saecula.

Añã. Spes nostra, salus nostra, honor noster, o beáta Trínitas.

Añã. Líbera nos.

Psalmus 71.

**D**EUS judícium tuum regi da : \* et justítiam tuam fílio regis :

Judicáre pópulum tuum in justítia, \* et páuperes tuos in judício.

Suscípiant montes pacem pópulo : \* et colles justítiam.

Judicábit páuperes pópuli, et salvos faciet fílios páuperum : \* et humiliábit calumniatórem.

Et permanébit cum sole, et ante lunam, \* in generatióne et generatióne.

Descéndet sicut plúvia in vellus : \* et sicut stillicídia stillántia super terram.

Oriétur in diébus ejus justítia et abundántia pacis : \* donec auferátur luna.

Et dominábitur a mari usque ad mare : \* et a flúmine usque ad términos orbis terrárum.

Coram illo prócident Æthíopes : \* et inimíci ejus terram lingent.

Reges Tharsis, et ínsulae múnera ófferent : \* reges Arabum, et Saba dona addúcent :

Et adorábunt eum omnes reges terrae : \* omnes gentes sérvient ei :

Quia liberábit páuperem a poténate : \* et páuperem, cui non erat adjútor.

Parcet páuperi et ínopi : \* et ánimas páuperum salvas faciet.

Ex usúris et iniquitáte redimet ánimas eórum : \* et honorábile nomen eórum coram illo.

Et vivet, et dábitur ei de auro Arábiae, et adorábunt de ipso semper : \* tota die benedícant ei.

Eterit firmaméntum in terra in summis móntium, et superextollétur super Líbanum fructus ejus : \* et florébunt de civitáte sicut foenum terrae.

Sit nomen ejus benedíctum in saecula : \* ante solem permanet nomen ejus.

Et benedicéntur in ipso omnes tribus terrae : \* omnes gentes magnificábunt eum.

Benedíctus Dóminus Deus Israël, \* qui facit mirabília solus :

Et benedíctum nomen majestátis ejus in aetérnum : et replébitur majestáte ejus omnis terra : \* fiat, fiat.

Añã. Líbera nos, salva nos, justífica nos, o beáta Trínitas.

V. Benedíctus es Dómine in firmaménto caeli. R. Et laudábilis, et gloriósus in saecula.

Ex libro sancti Fulgentii  
Episcopi, de Fide ad Petrum.

Lectio iv.

Cap. I.



**I**DES, quam sancti  
Patriarchae atque  
Prophetae ante in-  
carnationem Filii  
Dei divinitus acceperunt, quam  
etiam sancti Apostoli ab ipso  
Domino in carne posito au-  
diérunt, et Spiritus sancti ma-  
gisterio instructi, non solum  
sermone praedicaverunt, verum  
etiam ad instructionem salu-  
berrimam posterorum scriptis  
suis inditam reliquerunt, unum  
Deum praedicat Trinitatem, id  
est, Patrem, et Filium, et Spi-  
ritum sanctum. Sed Trinitas  
vera non esset, si una eademque  
persona diceretur Pater et Fi-  
lius et Spiritus sanctus.

R. Magnus Dominus, et  
magna virtus ejus : \* Et sa-  
pientiae ejus non est numerus.  
V. Magnus Dominus et lau-  
dabilis nimis : et magnitudinis  
ejus non est finis. Et sapien-  
tiae.

Lectio v.

**S**I enim, sicut est Patris,  
et Filii, et Spiritus san-  
cti una substantia, sic esset  
una persona, nihil omnino  
esset, in quo veraciter Trinitas  
diceretur. Rursus quidem Tri-  
nitas esset vera, sed unus Deus  
Trinitas ipsa non esset, si,  
quemadmodum Pater, et Fi-  
lius, et Spiritus sanctus per-  
sonarum sunt ab invicem pro-

prietate distincti, sic fuissent  
naturarum quoque diversitate  
discreti. Sed quia in illo uno  
vero Deo Trinitate, non solum  
quod unus Deus est, sed etiam  
quod Trinitas est, naturaliter  
verum est: propterea ipse verus  
Deus in personis Trinitas est,  
et in una natura unus est.

R. Glória Patri, genitaeque  
Proli, et tibi compar utriusque  
semper, Spiritus alme, Deus  
unus, \* Omni tempore saeculi.  
V. Da gaudiorum praemia, da  
gratiarum munera : dissolve  
litis vincula, astringe pacis  
foedera. Omni.

Lectio vj.

**P**ER hanc unitatem natu-  
ralem totus Pater in Fi-  
lio et Spiritu sancto est : totus  
Filius in Patre et Spiritu san-  
cto est : totus quoque Spi-  
ritus sanctus in Patre et Filio.  
Nullus horum extra quemlibet  
ipsorum est : quia nemo  
aliud aut praecedit aeterni-  
tate, aut excedit magnitudine,  
aut superat potestate : quia  
nec Filio, nec Spiritu sancto,  
quantum ad naturae divinae  
unitatem pertinet, aut anterior  
aut major Pater est : nec Filii  
aeternitas atque immensitas,  
velut anterior aut major, Spi-  
ritus sancti immensitatem  
aeternitatemque aut praecé-  
dere, aut excédere naturaliter  
potest.

R. Honor, virtus, et potes-  
tas, et imperium, sit Trinitati

in unitate, unitati in Trinitate,  
\* In perenni saeculorum tempore. V. Trinitati lux perennis, unitati sit decus perpetim. In perenni. Gloria Patri. In perenni.

In tertio Nocturno.

Añ. Caritas.

Psalmus 95.



**C**ANTATE Dómino  
canticum novum : \*  
cantate Dómino  
omnis terra.

Cantate Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis : \* terríbilis est super omnes deos.

Quóniam omnes dii géntium daemónia : \* Dóminus autem caelos fecit.

Conféssio, et pulcritúdo in conspéctu ejus : \* sanctimónia, et magnificéntia in sanctificatióne ejus.

Afférte Dómino pátriae géntium, et afférte Dómino glóriam et honórem : \* afférte Dómino glóriam nómini ejus.

Tóllite hóstias, et introíte in átria ejus : \* adoráte Dóminum in átrio sancto ejus.

Commoveátur a fácie ejus univérsa terra : \* dícite in géntibus quia Dóminus regnávít.

Etenim corréxit orbem terrae qui non commovébitur : \* judicábit pópulos in aequitáte.

Laeténtur caeli, et exsúltet terra, et commoveátur mare, et plenitúdo ejus : \* gaudébunt campi, et ómnia, quae in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terrae in aequitáte, \* et pópulos in veritáte sua.

Añ. Caritas Pater est, grátia Christus, communicatio Spíritus sanctus : o beáta Trínitas.

Añ. Verax est.

Psalmus 96.

**D**OMINUS regnávít, exsúltet terra : \* laeténtur insulae multae.

Nubes, et caligo in circúitu ejus : \* justítia, et júdícium corréctio sedis ejus.

Ignis ante ipsum praecedet, \* et inflammábit in circúitu inimícos ejus.

Illuxérunt fúlgura ejus orbi terrae : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt caeli justítiam ejus : \* et vidérunt omnes pópuli glóriam ejus.

Confundántur omnes, qui adorant sculptília : \* et qui gloriántur in simulácris suis.

Adorate eum omnes Angeli ejus : \* audívit, et laetáta est Sion.

Et exsultavérunt filiae Judae, \* propter judícia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui dilígitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde laetítia.

Laetámini justí in Dómino : \* et confitémini memóriæ sanctificatiónis ejus.

Aña. Verax est Pater, véritas Fílius, véritas Spíritus sanctus : o beáta Trínitas.

Aña. Una.

Psalmus 97.

**C**ANTATE Dómino cánticum novum : \* quia mirabília fecit.

Salvávít sibi dextera ejus : \* et bráchium sanctum ejus.

Notum fecit Dóminus salutáre suum : \* in conspéctu géntium revelávit justítiam suam.

Recordátus est misericórdiae suae, \* et veritátis suae dómui Israél.

Vidérunt omnes términi terrae \* salutáre Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cíthara, in cíthara et voce psalmi : \* in tubis ductílibus, et voce tubae córneae.

Jubiláte in conspéctu regis Dómini : ⁊ moveátur mare, et plenitúdo ejus : \* orbis terrárum, et qui hábitant in eo.

Flúmina plaudent manu, ⁊ simul montes exsultábunt a conspéctu Dómini : \* quóniam venit judicáre terram.

Judicábit orbem terrárum in justítia, \* et pópulos in aequitáte.

Aña. Una igitur Pater, Logos, Paraclítusque substántia est : o beáta Trínitas.

V. Verbo Dómini caeli firmáti sunt. R. Et spíritu oris ejus omnis virtus eórum.

Léctio sancti Evangélii secúndum Matthaeum.

Léctio vij.

Cap. 28.

**I**N illo témpore : Dixit Jesus discípulis suis : Data est mihi omnis potéstas in caelo, et in terra. Eúntes ergo docéte omnes gentes : baptizántes eos in nómine Patris, et Fílii, et Spíritus sancti. Et réliqua.

Homilía sancti Gregórii Nazianzéni.

In Orat. de Fide, post init.



**U**IS Catholicórum ignórat, Patrem vere esse Patrem, Fílium vere esse Fílium, et Spíritum sanctum vere esse Spíritum sanctum? Sicut ipse

Dóminus ad Apóstolos suos dicit : Eúntes baptizáte omnes gentes in nómine Patris, et Fílii, et Spíritus sancti. Haec est perfécta Trínitas in unitáte consistens, quam scílicet uníus substántiae profitémur. Non enim nos secúndum córporum conditiónem divisiónem in Deo fácimus: sed secúndum divínae natúrae poténtiam, quae in matéria non est, et nóminum persónas vere constáre crédimus, et unitátem divinitátis esse testámur.

R. Tibi laus, tibi glória, tibi gratiárum áctio \* In saecula sempitérna, o beáta Trínitas. V. Et benedíctum nomen glóriæ tuæ sanctum, et laudábile, et superexaltátum. In saecula.

Lectio viij.

**N**EC extensióem partis alicújus ex parte, ut quidam putavérunt, Déi Fílium dicimus; nec verbum sine re, velut sonum vocis accípimus: sed tria nómina, et tres persónas, uníus esse esséntiae, uníus majestátis atque poténtiae crédimus. Et ideo unum Deum confitémur: quia únitas majestátis, plúrium vocábulo Deos próhibet appellári. Dénique Patrem, et Fílium cathólice nominámus: duos autem Deos dicere, nec póssumus, nec debémus.

R. Benedicámus Patrem, et Fílium, cum sancto Spíritu: laudémus, et superexaltémus

eum \* In saecula. V. Benedíctus es Dómine in firmaménto caeli, et laudábilis, et gloriósus. In.

Lectio ix.

**N**ON quod Fílius Dei Deus non sit, immo verus Deus de Deo vero: sed quia non aliúnde, quam de ipso uno Patre, Dei Fílium nóvimus, perinde unum Deum dicimus. Hoc enim Prophétæ, hoc Apóstoli tradidérunt: hoc ipse Dóminus dócuit, cum dicit: Ego, et Pater unum sumus. Unum ad unitátem divinitátis, ut dixi, refert; sumus autem persónis assignat.

R. Summae Trinitáti, simplici Deo, una divínitas, aequális glória, coetérna majéstas, Patri, Prolíque, sanctóque Flámini: \* Qui totum subdit suis orbem légibus. V. Praestet nobis grátiam Déitas beáta Patris, ac Nati, paritérque Spíritus almi. Qui totum. Glória Patri. Qui.

Ante Laudes, V. Magnus Dóminus et laudábilis nimis. R. Et magnitúdinis ejus non est finis.

AD LAUDES,  
et per Horas.

Añã Glória tibi Trínitas, aequális una Déitas, et ante ómnia saecula, et nunc, et in perpétuum. Psalm. Dóminus regnávít. cum ceteris, pag. xj.

Añã. Laus, et perénis glória Deo Patri, et Fílio, sancto

simul Paráclito, in saecula saeculorum.

Añā. Glória laudis résonet in ore ómnium Patri, genitaeque Proli : Spíritui sancto páriter resúltet laude perénni.

Añā. Laus Deo Patri, parilíque Proli, et tibi semper stúdio perénni, Spíritus, nostro résonet ab ore, omne per aevum.

Añā. Ex quo ómnia, per quem ómnia, in quo ómnia, ipsi glória in saecula.

Capitulum. O altitúdo. ut supra, pag. 129.

Hymnus.

**O** TRINITAS laudábilis,

Et únitās mirábilis :

In símplici substántia

Virtus manens intérminal

Tu caritas, tu puritas,

Tu pax, et immortalitas,

Patris, Nati, Parácliti

Decóre pollens pérpeti.

Fides coróna súpplícum,

In te pie fidéntium :

Extérge sordes méntium,

Sorti misértus páuperum.

Laus Patri sit ingénito,

Laus ejus Unigénito :

Laus sit sancto Spíritui,

Trino Deo et símplici. Amen.

V. Sit nomen Dómini benedíctum. R. Ex hoc nunc, et usque in saeculum.

Ad Benedíctus, Añā. Benedícta sit creátrix et gubernátrix ómnium, sancta et indivídua Trínitas, et nunc, et semper, et per infinita saeculorum saecula.

Ad Primam post Psalmos consuetos, dicitur Symbolum. Quicúmque vult. pag. 125.

AD TERTIAM.

Capitulum. O altitúdo. ut supra, pag. 129.

R. Benedicámus Patrem, et Fílium, cum sancto Spíritu, \* Allelúia, allelúia. Benedicámus. V. Laudémus, et super-exaltémus eum in saecula. Allelúia. Glória Patri. Benedicámus.

V. Benedíctus es Dómine in firmaménto caeli. R. Et laudábilis, et gloriósus in saecula.

AD SEXTAM.

Capitulum. 2. Cor. 13.

**G**RATIA Dómini nostri Jesu Christi, et caritas Dei, et comunicatio sancti Spíritus sit semper cum ómnibus vobis. Amen.

R. Benedíctus es Dómine in firmaménto caeli, \* Allelúia, allelúia. Benedíctus es. V. Et laudábilis, et gloriósus in saecula. Allelúia. Glória Patri. Benedíctus es.

V. Verbo Dómini caeli firmáti sunt. R. Et spíritu oris ejus omnis virtus eórum.

AD NONAM.

Capitulum. 1. Joan. 5.

**T**RES sunt, qui testimónium dant in caelo : Pater, Verbum, et Spíritus sanctus : et hi tres unum sunt.

R. Verbo Dómini caeli firmáti sunt, \* Allelúia, allelúia.



Verbo. *V.* Et spíritu oris ejus omnis virtus eorum. Allelúia. Glória Patri. Verbo Dómini.

*V.* Sit nomen Dómini benedíctum. *R.* Ex hoc nunc, et usque in saeculum.

#### AD VESPERAS.

Super Psalm. Añá. Glória tibi Trínitas. *j.* Laud. Psalmi de Dominica, pag. 89. praeter ult. Psalm. 116. Laudáte Dóminum omnes. pag. 92.

Capitulum, Hymnus et *V.* ut in *j.* Vesperis.

Ad Magnificat. Añá. Te Deum Patrem ingénitum, te Fílium unigénitum, te Spíritum sanctum Paráclitum, sanctam et indivíduam Trinitátem, toto corde et ore confitémur, laudámus, atque benedícimus : tibi glória in saecula.

#### PER OCTAVAM

quando de Octáva agitur.

Ad Matutinum. Invitatorium. Deum verum, unum in Trinitáte, \* Veníte adorémus.

Ad Bened. vel ad Mem. in Laudibus, Añá. Benedícta sit creátrix. ut supra, pag. 139.

Ad Magn. vel ad Mem. in Vesperis, Añá. Te Deum Patrem. ut supra.

Cetera omnia per Octavam fiant secundum ord. qui in Rubr. de Oct. Sanct. notatus est, usque ad Vesperas seq. iv. Feriae exclusive : et dicantur sequentes Lectiones.

—\*—

## FERIA SECUNDA.

De Actibus Apostolorum.

Leção *j.*

Cap. 5.



**E**R manus autem Apostolorum fiebant signa, et prodigia multa in plebe. Et erant unanímiter omnes in pórticu Salomónis. Ceterórum autem nemo audébat se conjungere illis : sed magnificábat eos pópulus. Magis autem augebátur credéntium in Dómino multitúdo virórum, ac mulierum, ita ut in platéas ejícerent infirmos, et pónent in léctulis ac grabátis, ut, veniente Petro, saltem umbra illíus obumbráret quemquam illórum, et liberaréntur ab infirmitátibus suis.

Leção *ij.*

**C**ONCURREBAT autem et multitúdo vicinárum civitátum Jerúsalem, afferéntes aegros, et vexátos a spirítibus immúndis : qui curabántur omnes. Exsúrgens autem princeps sacerdotum, et omnes, qui cum illo erant, (quae est haeresis Sadducaeorum) repléti sunt zelo : et iniecérunt manus in Apóstolos, et posuérunt eos in custódia pública.

Si in hac Feria *ij.* et seq. aliis duabus, contigerit fieri Offícium de aliquo Sancto, non habente Lectiones proprias in *j.* Nocturno, legantur duae Lectiones de Feria, et tertia

erit prima ex illis, quae habentur in Comm. Sanctorum pro primo Nocturno de Scriptura.

Sermo sancti Leonis  
Papae.

*Serm. 2. de Pentecoste.*

Lectio iij.

**C**UM ad intelligendam dignitatem summae Trinitatis; dilectissimi, aciem mentis intendimus, nihil diversum in illa excellentia cogitemus: quia in nullo ab unitate sua discrepat divinitatis essentia. Sempiternum est Patri consempiterni sibi Filii sui esse Genitorem. Sempiternum est Filio intemporaliter a Patre esse progenitum. Sempiternum quoque est Spiritui sancto Spiritum esse Patris, et Filii: ut nunquam Pater sine Filio, nunquam Filius sine Patre, nunquam Pater et Filius fuerint sine Spiritu sancto: et omnibus existentiae gradibus exclusis, nulla ibi persona sit anterior, nulla posterior.

**FERIA TERTIA.**

De Actibus Apostolorum.

Lectio j.

*Cap. 5.*



T autem audierunt hos sermones magistratus templi, et principes sacerdotum ambigebant de illis quidnam fieret. Adveniens autem quidam nuntiavit eis: Quia ecce viri, quos posuistis in carce-

rem, sunt in templo stantes, et docentes populum. Tunc abiit magistratus cum ministris, et adduxit illos sine vi: timebant enim populum ne lapidarentur.

Lectio ij.

**E**T cum adduxissent illos, statuerunt in concilio: et interrogavit eos princeps sacerdotum, dicens: Praeci- piendo praecipimus vobis ne doceretis in nomine isto: et ecce replētis Jerúsalem doctrina vestra: et vultis inducere super nos sanguinem hominis istius. Respondens autem Petrus, et Apostoli, dixerunt: Obedire oportet Deo magis, quam hominibus.

Sermo sancti Augustini  
Episcopi.

*Lib. 3 de Trinitate.*

Lectio iij.

**C**REDIMUS sanctam Trinitatem, id est, Patrem, et Filium, et Spiritum sanctum unum Deum omnipotentem, unus substantiae, unus essentiae, unus potestatis, Creatorem omnium creaturarum, a quo omnia, per quem omnia, in quo omnia. Credimus Patrem a semetipso, non ab alio: Filium a Patre genitum, Deum verum de Deo vero, lumen verum de lumine vero, non tamen duo lumina, sed unum lumen: Spiritum sanctum a Patre et Filio aequaliter procedentem, consubstantialem, coaeternum Patri et Filio.

## FERIA QUARTA.

De Actibus Apostolorum.

Lectio j.

Cap. 8.



ACTA est autem in illa die persecutio magna in Ecclesia, quae erat Jerosolymis, et omnes dispersi sunt per regiones Judaeae, et Samariae praeter Apostolos. Curaverunt autem Stephanum viri timorati, et fecerunt planctum magnum super eum. Saulus autem devastabat Ecclesiam per domos intrans, et trahens viros, ac mulieres, tradebat in custodiam.

Lectio ij.

IGITUR qui dispersi erant pertransibant, evangelizantes verbum Dei. Philippus autem descendens in civitatem Samariae, praedicabat illis Christum. Intendebant autem turbae his, quae a Philippo dicebantur unanimiter audientes, et videntes signa quae faciebat. Multi enim eorum, qui habebant spiritus immu-

dos, clamantes voce magna, exsultabant. Multi autem paralytici, et claudi curati sunt. Factum est ergo gaudium magnum in illa civitate.

Sermo sancti Leonis Papae.


*Serm. 3. de Pentecoste.*

Lectio iij.

COGITATIO de deitate Trinitatis concepta, nihil per distantiam intelligat, nihil per gradus quaerat. At si quid dignum de Deo senserit, nulli hoc ibi audeat negare Personae. Hanc autem fidem terrena sapientia non reperit, nec opinio humana persuasit, sed ipse unigenitus Filius docuit, ipse Spiritus sanctus instituit : de quo nihil est aliter, quam de Patre et Filio sentiendum : quia licet non sit Pater, non sit Filius, non tamen est a Patre Filioque divisus.

## FERIA QUINTA.

Celebratur festum Corporis Christi. Cujus Officium editum est a sancto Thoma Aquinate, Opusculo 57.





AD VESPERAS.

Super Psalm. Añā. Sacér-  
dos in aetérnum Christus Dó-  
minus secúndum órđinem Mel-  
chisedech, panem et vinum  
óbtulit. Psalm. Laudáte púeri.  
cum ceteris, pag. j.

Capitulum. 1. Cor. 11.

**D**OMINUS Jesus in  
qua nocte tradebá-  
tur, accépit panem,  
et grátias agens fre-  
git, et dixit : Accípite, et man-  
ducáte : hoc est corpus meum,  
quod pro vobis tradétur.

R̃. Homo quidam fecit  
cenam magnam, et misit ser-  
vum suum hora cenae dícere  
invitátis ut venírent, \* Quia

paráta sunt ómnia. V. Veníte,  
comédite panem meum, et  
bíbite vinum quod míscui vo-  
bis. Quia. Glória Patri. Quia.

Hymnus.

**P**ANGE lingua gloriósi  
Córporis mystérium,  
Sanguínisque pretiósi,  
Quem in mundi pretium  
Fructus ventris generósi  
Rex effúdit géntium.

Nobis datus, nobis natus  
Ex intácta Vírgine,  
Et in mundo conversátus,  
Sparso verbi sémine,  
Sui moras incolátus  
Miro clausit órđine.

In suprémae nocte cenae  
Recúmbens cum frátribus,

Observáta lege plene  
Cibis in legálibus,  
Cibum turbae duodénae  
Se dat suis mánibus.

Verbum caro panem verum  
Verbo carnem éfficit,  
Fitque sanguis Christi me-  
rum,  
Et si sensus déficit,  
Ad firmándum cor sincérum  
Sola fides súfficit.

Hic genuflectitur.

Tantum ergo Sacraméntum  
Venerémur cernui :  
Et antíquum documéntum  
Novo cedat rítui :  
Praestet fides suppleméntum  
Sénsuum deféctui.

Genitóri, Genitóque  
Laus et jubilátio,  
Salus, honor, virtus quoque  
Sit et benedíctio :  
Procedénti ab utróque  
Compar sit laudátio.

Amen.

V. Panem de caelo praestití-  
sti eis, allelúia. R. Omne dele-  
ctaméntum in se habéntem,  
allelúia.

Et sic deinceps per totam  
Oét. addatur Allelúia ad omnes  
VV. propr. SS. Sacramenti; ad  
alios autem quoscumque non  
addatur.

Ad Magnificat, Aña. O quam  
suávis est, Dómine, spíritus  
tuus! qui ut dulcédinem tuam  
in filios demonstráres, pane  
suavíssimo de caelo praestito,  
esuriéntes reple bonis, fasti-  
diosósque dívites dimíttis  
inánes.

Oratio.

**D**EUS, qui nobis sub Sa-  
craménto mirábili, pas-  
siónis tuae memóriam reliquí-  
sti : tríbue, quaesumus, ita nos  
córporis et sánguinis tui sacra  
mystéria venerári; ut redem-  
ptiónis tuae fructum in nobis  
júgiter sentiámus : Qui vivis.

AD COMPLETORIUM.

Hymnus Completorii, et  
omnes alii ejusdem metri per  
totam Oét. excepto Hymno  
Verbum supérnum. finiantur  
cum Strophá Glória tibi Dó-  
mine, Qui natus es. etc.

Ad Nunc dimittis, Aña. Al-  
lelúia, Panis quem ego dédero,  
allelúia, caro mea est pro mun-  
di vita, allelúia, allelúia.

Et dicatur per totam Oét.  
etiam in festis Sanctorum.

AD MATUTINUM.

Invitatorium. Christum Re-  
gem adorémus dominántem  
Géntibus : \* Qui se mandu-  
cántibus dat spíritus pingué-  
dinem.

Hymnus.

**S**ACRIS solémniis juncta  
sint gáudia,  
Et ex praecórdiis sonent prae-  
cónia :

Recédant vétera, nova sint  
ómnia,

Corda, voces, et ópera.

Noctis recólitur cena novís-  
sima,

Qua Christus crédito agnum  
et ázyma

Dedisse fratribus, juxta legítima

Priscis indúlta pátribus.

Post agnum typicum, explétis épulis,

Corpus domínicum datum discipulis,

Sic totum ómnibus, quod totum síngulis,

Ejus fatémur mánibus.

Dedit fragílibus córporis férculum :

Dedit et trístibus sánguini póculum,

Dicens : Accípite, quod trado, vásculum,

Omnes ex eo bíbite.

Sic sacrificium istud instítuit,

Cujus officium commítte vóluit

Solis Presbyteris, quibus sic cóngruit,

Ut sumant, et dent céteris.

Panis angélicus fit panis hóminum :

Dat panis caelicus figúris términum :

O res mirábilis : mandúcat Dóminum

Pauper, servus, et húmilis!

Te trina Déitas únaque póscimus :

Sic nos tu vísita, sicut te cólimus :

Per tuas sémitas duc nos quo téndimus,

Ad lucem, quam inhábittas. Amen.

In primo Nocturno.

Añã. Fructum.

Psalmus 1.



**D**EATUS vir, qui non ábiit in consílio impiórum, ⁊ et in via peccatórum non stetit, \* et in cáthedra pestiléntiae non sedit :

Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum síuum dabit in témpore suo :

Et fólium ejus non défluet : \* et ómnia quaecúmque fáciat, prosperabúntur.

Non sic ímpii, non sic : \* sed tamquam pulvis, quem prójicit ventus a fácie terrae.

Ideo non resúrgent ímpii in judício : \* neque peccatóres in concílio justórum.

Quóniam novit Dóminus viam justórum : \* et iter impiórum períbit.

Añã. Fructum salutíferum gustándum dedit Dóminus mortis suae témpore.

Añã. A fructu.

Psalmus 4.

**C**UM invocárem exaudivit me Deus justítiae meae : \* in tribulatióne dilatásti mihi.

Miserére mei, \* et exáudi oratióem meam.

Fílii hóminum úsquequo gravi corde? \* ut quid dilígitis vanitátem, et quaeritis mendárium?

Et scitote quoniam mirificavit Dominus sanctum suum : \* Dominus exaudiet me cum clamavero ad eum.

Irascimini, et nolite peccare : \* quae dicitis in cordibus vestris, in cubilibus vestris compungimini.

Sacrificate sacrificium iustitiae, et sperate in Domino : \* multi dicunt : Quis ostendit nobis bona?

Signatum est super nos lumen vultus tui Domine : \* dedisti laetitiam in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam, et requiescam :

Quoniam tu Domine singulariter in spe \* constituisti me.

Añā. A fructu frumenti et vini multiplicati fideles in pace Christi requiescunt.

Añā. Communionē.

Psalmus 15.

**C**ONSERVA me Domine, quoniam speravi in te. \* Dixi Domino : Deus meus es tu, quoniam bonorum meorum non eges.

Sanctis, qui sunt in terra ejus, \* mirificavit omnes voluntates meas in eis.

Multiplicatae sunt infirmitates eorum : \* postea acceleraverunt.

Non congregabo conventicula eorum de sanguinibus : \* nec memor ero nominum eorum per labia mea.

Dominus pars hereditatis meae, et calicis mei : \* tu es, qui restitues hereditatem meam mihi.

Funes ceciderunt mihi in praeclaris : \* etenim hereditas mea praeclara est mihi.

Benedicam Dominum, qui tribuit mihi intellectum : \* insuper et usque ad noctem increpuerunt me renes mei.

Providēbam Dominum in conspectu meo semper : \* quoniam a dextris est mihi, ne commovear.

Propter hoc laetatum est cor meum, et exultavit lingua mea : \* insuper et caro mea requiescet in spe.

Quoniam non derelinques animam meam in inferno : \* nec dabis sanctum tuum videre corruptionem.

Notas mihi fecisti vias vitae, et adimplebis me laetitia cum vultu tuo : \* delectationes in dextera tua usque in finem.

Añā. Communionē calicis, quo Deus ipse sumitur, non vitulorum sanguine congregavit nos Dominus.

V. Panem caeli dedit eis, allelúia. R. Panem Angelorum manducavit homo, allelúia.

De libro Exodi.

Lectio j.

Cap. 12.



**D**IXIT quoque Dominus ad Moysen et Aaron in terra Aegypti : Mensis iste, vobis principium mensium : pri-



mus erit in mēsis annī. Loquimini ad univēsum coetum filiōrum Israēl, et dīcite eis : Dēcima die mensis hujus tollat unusquīque agnum per famīlias et domos suas. Sin autem minor est nūmerus ut sufficere possit ad vescēdum agnum, assūmet vicīnum suum qui jūctus est dōmū suae, juxta nūmerum animārum quae sufficere possunt ad esum agni. Erit autem agnus absque mākula, māsculus, annīculus : juxta quem ritum tollētis et haedum. Et servābitis eum usque ad quartam dēcimam diem mensis hujus : immolābitque eum univērsa multitūdo filiōrum Israēl ad vēsperam. Et sument de sāguine ejus, ac ponent super utrūque postem, et in superlimināribus domōrum, in quibus cōmedent illum. Et edent carnes nocte illa assas igni, et āzymos panes cum lactūcis agrēstibus.

R̄. Immolābit haedum multitūdo filiōrum Israēl ad vēsperam Paschae : \* Et edent carnes, et āzymos panes. V. Pascha nostrum immolātus est Christus : itaque epulēmur in āzymis sinceritātis, et veritātis. Et edent.

Lectio ij.

Cap. 16.

**C**UM loquerētur Aaron ad omnem coetum filiōrum Israēl, respexerunt ad solitudinem : et ecce glōria Dōmini apparuit in nube. Locūtus est

autem Dōminus ad Mōysen, dicens : Audīvi murmuratiōnes filiōrum Israēl, lōquere ad eos : Vēspere comedētis carnes, et mane saturabimini pānibus : scietisque quod ego sum Dōminus Deus vester. Factum est ergo vēspere, et ascēdens cotūrnix, coopēruit castra : mane quoque ros jācuit per circūitum castrōrum. Cumque operuisset superficiem terrae, apparuit in solitudine minūtum, et quasi pilo tusum in similitudinē pruīnae super terram. Quod cum vidissent filii Israēl, dixerunt ad invicem : Manhu? quod significat : Quid est hoc? ignorābant enim quid esset. Quibus ait Mōyses : Iste est panis, quem Dōminus dedit vobis ad vescēdum.

R̄. Comedētis carnes, et saturabimini pānibus : \* Iste est panis, quem dedit vobis Dōminus ad vescēdum. V. Non Mōyses dedit vobis panem de caelo : sed Pater meus dat vobis panem de caelo verum. Iste.

De libro tērtio Regum.

Lectio iij.

Cap. 19.

**V**ENIT Elías in Bersabée Juda, et dimisit ibi puerum suum, et perrēxit in dēsrtum, viam unius diēi. Cumque venisset, et sederet subter unam juniperum, petivit animae suae ut moreretur, et ait : Sūfficit mihi Dōmine, tolle



ánimam meam : neque enim mélior sum, quam patres mei. Projecítque se, et obdormívit in umbra juníperi : et ecce Angelus Dómini tétigit eum, et dixit illi : Surge, et cómede. Respéxit, et ecce ad caput suum subcinerícius panis, et vas aquae. Comédit ergo, et bibit, et rursum obdormívit. Reversúsque est Angelus Dómini secúndo, et tétigit eum, dixítque illi : Surge, cómede : grandis enim tibi restat via. Qui cum surrexísset, comédit et bibit, et ambulávit in fortitúde cibi illíus quadragínta diébus, et quadragínta nóctibus, usque ad montem Dei Horeb.

R̃. Respéxit Elías ad caput suum subcinerícium panem : qui surgens comédit et bibit, \* Et ambulávit in fortitúde cibi illíus Usque ad montem Dei. V. Si quis manducáverit ex hoc pane, vivet in aetérnum. Et ambulávit. Glória Patri. Usque.

In secundo Nocturno.

Añã. Memor.

Psalmus 19.



**A**XAUDIAT te Dóminus in die tribulatiónis : \* próteget te nomen Dei Jacob.

Mittat tibi auxiliúm de sancto : \* et de Sion tueátur te.

Memor sit omnis sacrificii tui : \* et holocáustum tuum pingue fiat.

Tribuat tibi secúndum cor tuum : \* et omne consílium tuum confírmet.

Laetábimur in salutári tuo : \* et in nómine Dei nostri magnificábimur.

Impleat Dóminus omnes petitiónes tuas : \* nunc cognóvi quóniam salvum fecit Dóminus Christum suum.

Exáudiet illum de caelo sancto suo : \* in potentátibus salus dexteræ ejus.

Hi in curríbus, et hi in equis : \* nos autem in nómine Dómini Dei nostri invocábimus.

Ipsi obligáti sunt, et cecidérunt : \* nos autem surréximus et erécti sumus.

Dómine salvum fac regem : \* et exáudi nos in die, qua invocáverimus te.

Añã. Memor sit Dóminus sacrificii nostri : et holocáustum nostrum pingue fiat.

Añã. Parátur.

Psalmus 22.

**D**OMINUS regit me, et nihil mihi déerit : \* in loco páscuæ ibi me collocávit.

Super aquam refectiόνis educávit me : \* ánimam meam convértit.

Dedúxit me super sémitas justítiæ, \* propter nomen suum.

Nam, et si ambulávero in médio umbræ mortis, non

timébo mala : \* quóniam tu mecum es.

Virga tua, et báculo tuus, \* ipsa me consoláta sunt.

Parásti in conspéctu meo mensam, \* advérsus eos, qui trébulant me.

Impinguásti in óleo caput meum : \* et calix meus inébríans quam praeclárus est!

Et misericórdia tua subsequétur me \* ómnibus diébus vitae meae :

Et ut inhábitem in domo Dómini, \* in longitúdinem diérum.

Añña Parátur nobis mensa Dómini advérsus omnes, qui trébulant nos.

Añña. In voce.

Psalms 41.

**Q**UEMADMODUM desíderat cervus ad fontes aquárum : \* ita desíderat ánima mea ad te Deus.

Sitívit ánima mea ad Deum fortem vivum : \* quando véniam et apparebo ante fáciem Dei?

Fuérunť mihi lácrymae meae panes die ac nocte : \* dum díctur mihi quotidie : Ubi est Deus tuus?

Haec recordátus sum, et ef-fúdi in me ánimam meam : \* quóniam transíbo in locum tabernáculi admirábilis, usque ad domum Dei :

In voce exsultatiónis, et confessiónis : \* sonus epulántis.

Quare tristis es ánima mea? \* et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Ad meípsum ánima mea conturbáta est : \* proptérea memor ero tui de terra Jordánis, et Hermóniim a monte mó dico.

Abyssus abyssum ínvocat, \* in voce cataractárum tuárum.

Omnia excélsa tua, et fluctus tui \* super me transiérunť.

In die mandávit Dóminus misericórdiam suam, \* et nocte cánticum ejus.

Apud me orátio Deo vitae meae, \* dicam Deo : Suscéptor meus es,

Quare oblítus es mei? \* et quare contristátus incédo, dum afflígit me inimícus?

Dum confringúntur ossa mea, \* exprobravérunt mihi qui trébulant me inimíci mei :

Dum dicunt mihi per singulos dies : Ubi est Deus tuus? \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Añña. In voce exsultatiónis résonent epulántes in mensa Dómini.

V. Cibávit eos ex ádipe fruménti, allelúia. R. Et de petra, melle saturávit eos, allelúia.

Sermo sancti Thomae

Aquinátis.

*In Opusculo 57.*

Lectio iv.



**M**MENSA divinae largitatis beneficia, exhibita populo christiano, inaestimabilem ei conferunt dignitatem. Neque enim est, aut fuit aliquando tam grandis natio, quae habeat deos appropinquantes sibi, sicut adest nobis Deus noster. Unigenitus siquidem Dei Filius, suae divinitatis volens nos esse participes, nostram naturam assumpsit : ut homines Deos faceret, factus homo. Et hoc insuper, quod de nostro assumpsit, totum nobis contulit ad salutem. Corpus namque suum pro nostra reconciliatioe in ara crucis hostiam obtulit Deo Patri; sanguinem suum fudit in pretium simul et lavacrum : ut redempti a miserabili servitute, a peccatis omnibus mundarémur.

R. Panis, quem ego dabo, caro mea est pro mundi vita. Litigabant ergo Judaei, dicentes : \* Quomodo potest hic nobis dare carnem suam ad manducandum? V. Locutus est populus contra Dominum : Anima nostra nauseat super cibo isto levissimo. Quomodo.

Lectio v.

**E**T ut tanti beneficii jugis in nobis maneret memoria, corpus suum in cibum, et

sanguinem suum in potum, sub specie panis et vini sumendum fidelibus dereliquit. O pretiosum et admirandum convivium, salutiferum, et omni suavitate repletum! Quid enim hoc convivio pretiosius esse potest? in quo non carnes vitulorum et hircorum, ut olim in lege, sed nobis sumendus proponitur Christus, verus Deus. Quid hoc Sacramento mirabilius? In ipso namque panis et vinum in Christi corpus et sanguinem substantiialiter convertuntur : ideoque Christus Deus, et homo perfectus, sub modici panis et vini specie continetur.

R. Cenantibus illis, accepit Jesus panem, et benedixit, ac fregit, deditque discipulis suis, et ait : \* Accipite, et comedite : hoc est corpus meum. V. Dixérunt viri tabernaculi mei : Quis det de carnibus ejus, ut saturémur? Accipite.

Lectio vj.

**M**ANDUCATUR itaque a fidelibus, sed minime laceratur : quinimmo, diviso Sacramento, sub qualibet divisionis particula integer perseverat. Accidéntia autem sine subiecto in eodem subsistunt; ut fides locum habeat, dum visibile invisibiliter sumitur, aliena specie occultatum : et sensus a deceptione reddantur immunes, qui de accidéntibus iudicant sibi notis. Nullum

étiam Sacraméntum est isto salúbrius, quo purgántur peccáta, virtútes augéntur, et mens ómnium spirituálium charismatum abundántia impinguá-  
tur. Offértur in Ecclésia pro vivis et mórtuis : ut ómnibus prosit, quod est pro salute ómnium institútum.

R. Accépit Jesus cálicem, postquam cenávit, dicens : Hic calix novum testaméntum est in meo ságuine : \* Hoc fácite in meam commemoratióem. V. Memória memor ero, et tabéscet in me ánima mea. Hoc fácite. Glória Patri. Hoc fácite.

In tertio Nocturno.

Aña. Introíbo.

Psalmus 42.



UDICA me Deus, et discérne causam meam de gente non sancta, \* ab hómine iníquo, et dolóso érué me.

Quia tu es Deus fortitúdo mea : \* quare me repulísti? et quare tristis incédo, dum affligit me inimícus?

Emítte lucem tuam et veritátem tuam : \* ipsa me deduxérunt, et adduxérunt in montem sanctum tuum, et in tabernácula tua.

Et introíbo ad altáre Dei : \* ad Deum, qui laetíficat juventútem meam.

Confitébor tibi in cíthara Deus Deus meus : \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Aña. Introíbo ad altáre Dei : sumam Christum, qui rénovat juventútem meam.

Aña. Cibávit.

Psalmus 80.

EXSULTATE Deo adjutori nostro : \* jubilate Deo Jacob.

Súmite psalmum, et date tympanum : \* psaltérium jucúndum cum cíthara.

Bucináte in Neoménia tuba, \* in insígni die solemnítatis vestrae :

Quia praecéptum in Israél est : \* et judícium Deo Jacob.

Testimónium in Joseph pósuit illud, cum exíret de terra Ægypti : \* linguam, quam non nóverat, audívit.

Divértit ab onéribus dorsum ejus : \* manus ejus in cóphino serviérunt.

In tribulatióne invocásti me, et liberávi te : \* exaudívi te in abscondito tempestátis : probávi te apud aquam contradíctiόνis.

Audi pópulus meus, et contestábor te : \* Israél si audieris me, non erit in te deus recens, neque adorábis deum aliénum.

Ego enim sum Dóminus Deus tuus, qui edúxi te de terra Ægypti : \* diláta os tuum, et implébo illud.

Et non audívit pópulus meus

vocem meam : \* et Israël non inténdit mihi.

Et dimísi eos secúndum desidéria cordis eórum, \* ibunt in adinventiónibus suis.

Si pópulus meus audísset me : \* Israël si in viis meis ambuláset :

Pro nñhilo fórsitan inimícos eórum humiliássem : \* et super tribulántes eos misíssem manum meam.

Inimíci Dómini mentíti sunt ei : \* et erit tempus eórum in saecula.

Et cibávit eos ex ádipe fruménti : \* et de petra, melle saturávit eos.

Añã. Cibávit nos Dóminus ex ádipe fruménti : et de petra, melle saturávit nos.

Añã. Ex altári.

Psalmus 83.

**Q**UAM dilécta tabernacula tua Dómine virtútum : \* concupíscit, et déficit ánima mea in átria Dómini.

Cor meum, et caro mea \* exsultavérunt in Deum vivum.

Etenim passer invénit sibi domum : \* et turtur nidum sibi, ubi ponat pullos suos.

Altária tua Dómine virtútum : \* rex meus, et Deus meus.

Beáti, qui hábitant in domo tua Dómine : \* in saecula saeculórum laudábunt te.

Beátus vir, cujus est auxiliū abs te : \* ascensióes in corde suo dispósuit, in valle

lacrymárum in loco, quem pósuit.

Etenim benedictiónem dabit legislátor, ꝛ ibunt de virtúte in virtútem : \* vidébitur Deus deórum in Sion.

Dómine Deus virtútum exáudi oratióem meam : \* áuribus pécipe Deus Jacob.

Protéctor noster aspice Deus : \* et réspice in fáciem Christi tui :

Quia mélior est dies una in átriis tuis, \* super míllia.

Elégi abjéctus esse in domo Dei mei : \* magis quam habitáre in tabernaculis peccatórum.

Quia misericórdiam, et veritátem díligit Deus : \* grátiam, et glóriam dabit Dóminus.

Non privábit bonis eos, qui ámbulant in innocéntia : \* Dómine virtútum, beátus homo, qui sperat in te.

Añã. Ex altári tuo, Dómine, Christum súmimus : in quem cor, et caro nostra exsúltant.

℣. Edúcas panem de terra, allelúia. ℞. Et vinum laetíficet cor hóminis, allelúia.

Léctio sancti Evangélii secúndum Joánnem.

Léctio vij. Cap. 6.

**I**N illo témpore : Dixit Jesus turbis Judaeórum : Caro mea, vere est cibus : et sanguis meus, vere est potus. Et reliqua.

Homilía sancti Augustíni  
Epíscopi.

*Tr. 26. in Joan. sub. finem.*



UM cibo et potu id appetant hómines, ut neque esúriant, neque sítiant; hoc veráriter non praestat, nisi iste cibus et potus, qui eos, a quibus súmitur, immortáles et incorruptí-biles facit : id est, societas ipsa sanctórum, ubi pax erit, et únitas plena atque perfécta. Proptérea quippe, (sicut étiam ante nos hoc intellexérunt hómines Dei) Dóminus noster Jesus Christus corpus et sánguinem suum in eis rebus commendávit, quae ad unum áliquid redigúntur ex multis. Namque áliud in unum ex multis granis confícitur : áliud in unum ex multis ácinis cónfluit.

R̃. Qui mandúcat meam carnem, et bibit meum sánguinem, \* In me manet, et ego in eo. Ṽ. Non est ália nátio tam grandis, quae hábeat deos appropinquánte sibi, sicut Deus noster adest nobis. In me.

Lectio viij.

**D**ENIQUE jam expónit, quómodo id fiat, quod lóquitur : et quid sit manducáre corpus ejus, et sánguinem bíbere. Qui mandúcat meam carnem, et bibit meum sánguinem, in me manet, et ego in illo. Hoc est ergo manducáre illam escam, et illum bíbere

potum, in Christo manére, et illum manéntem in se habére. Ac per hoc, qui non manet in Christo, et in quo non manet Christus, proculdúbio nec manducat spiritaliter ejus carnem, nec bibit ejus sánguinem, licet carnáliter et visibíliter premat déntibus Sacraméntum córporis et ságuinis Christi : sed magis tantae rei Sacraméntum ad judícium sibi manducat et bibit, quia immúndus praesúmpsit ad Christi accédere Sacraménta, quae áliquis non digne sumit, nisi qui mundus est; de quibus dicitur : Beáti mundo corde, quóniam ipsi Deum vidébunt.

R̃. Misit me vivens Pater, et ego vivo propter Patrem : \* Et qui manducat me, vivet propter me. Ṽ. Cibávit eum Dóminus pane vitae, et intelléctus. Et.

Lectio ix.

**S**ICUT misit me, inquit, vivens Pater, et ego vivo propter Patrem : et qui manducat me, et ipse vivet propter me. Ac si diceret : Ut ego vivam propter Patrem, id est, ut ad illum tamquam ad majórem réferam vitam meam, exinanítio mea fecit, in qua me misit. Ut autem quisquam vivat propter me, participátio facit, qua manducat me. Ego itaque humiliátus vivo propter Patrem : ille eréctus vivit propter me. Si autem ita dictum est, Vivo propter Patrem, quia

ipse de illo, non ille de ipso est : sine detrimento aequalitatis dictum est. Nec tamen dicendo, Et qui manducat me, ipse vivet propter me : eandem suam et nostram aequalitatem significavit, sed gratiam mediatoris ostendit.

R. Unus panis, et unum corpus multi sumus, \* Omnes, qui de uno pane, et de uno cálice Participamus. V. Parasti in dulcedine tua páuperi Deus : qui habitare facis unánimes in domo. Omnes qui. Glória Patri. Participamus.

Ante Laudes, V. Comédi favum cum melle meo, allelúia. R. Bibi vinum meum cum lacte meo, allelúia.

### AD LAUDES,

et per Horas,

Aña. Sapiéntia aedificavit sibi domum : míscuit vinum, et pósuit mensam, allelúia. Psalm. Dóminus regnavit. cum ceteris, pag. xj.

Aña. Angelórum esca nutriti pópulum tuum, et panem de caelo praestitisti eis, allelúia.

Aña. Pinguis est panis Christi, et praebebit delicias régibus, allelúia.

Aña. Sacerdótes sancti incensum et panes offerunt Deo, allelúia.

Aña. Vincénti dabo manna absconditum, et nomen novum, allelúia.

Capit. Dóminus Jesus. ut supra, pag. 143.

Hymnus.

**V**ERBUM supérnum  
pródiens,

Nec Patris linquens dexteram,  
Ad opus suum éxiens,  
Venit ad vitae vésperam.

In mortem a discipulo  
Suis tradendus aemulis,  
Prius in vitae férculo  
Se tradidit discipulis.

Quibus sub bina spécie  
Carnem dedit, et ságuinem :  
Ut dúplicitis substántiae  
Totum cibáret hóminem.

Se nascens dedit sócium,  
Convéscens in edúlium,  
Se móriens in prétium,  
Se regnans dat in praemium.

O salutáris hóstia,  
Quae caeli pandis óstium :  
Bella premunt hostília,  
Da robur, fer auxílium.

Uni trinóque Dómino  
Sit sempitérna glória :  
Qui vitam sine término  
Nobis donet in pátria. Amen.

V. Pósuit fines tuos pacem,  
allelúia. R. Et ádipe fruménti  
sátia te, allelúia.

Ad Benedíctus, Aña. Ego  
sum panis vivus, qui de caelo  
descénderi : si quis manducáve-  
rit ex hoc pane, vivet in aetér-  
num, allelúia.

### AD PRIMAM,

R. Jesu Christe. V. Qui na-  
tus es de Vírgine María.

Et dicitur per totam Octa-  
vam, etiam in festis Sancto-  
rum, quae infra eam celebrari  
possunt.

## AD TERTIAM.

Capit. Dóminus Jesus. ut supra, pag. 143.

R. Panem caeli dedit eis, \*Allelúia, allelúia. Panem caeli dedit. V. Panem Angelórum manducávit homo. Allelúia. Glória Patri. Panem.

V. Cibávit eos ex ádipe fruménti, allelúia. R. Et de petra, melle saturávit eos, allelúia.

## AD SEXTAM.

Capitulum. I. Cor. II.

**Q**UOTIESCUMQUE enim manducábitis panem hunc, et cálicem bibétis : mortem Dómini annuntiábitis donec véniat.

R. Cibávit eos ex ádipe fruménti, \* Allelúia, allelúia. Cibávit. V. Et de petra, melle saturávit eos. Allelúia. Glória Patri. Cibávit.

V. Edúcas panem de terra, allelúia. R. Et vinum laetíficet cor hóminis, allelúia.

## AD NONAM.

Capitulum. I. Cor. II.

**Q**UICUMQUE manducáverit panem hunc, vel bíberit cálicem Dómini indígne : reus erit córporis, et ságuinis Dómini.

R. Edúcas panem de terra, \* Allelúia, allelúia. Edúcas. V. Et vinum laetíficet cor hóminis. Allelúia. Glória Patri. Edúcas.

V. Pósuit fines tuos pacem,

allelúia. R. Et ádipe fruménti sátiat te, allelúia.

## AD VESPERAS.

Super Psalm. Aña. Sapiéntia aedificávit.

Psalm. 109. Dixit Dóminus. pag. 89.

Psalm. 110. Confitébor tibi. ibid.

Psalm. 115. Crédidi. pag. 92.

Psalm. 127. Beáti omnes pag. 104.

Psalm. 147. Lauda Jerúsalem. pag. 115.

Capitulum, Hymnus, et V. ut in j. Vesperis.


Ad Magnificat, Aña. O sacrum convívium, in quo Christus súmitur : recólitur memória passiónis ejus : mens implétur grátia : et futúrae glóriæ nobis pignus datur, allelúia, allelúia.

## PER OCTAVAM.

Omnia fiant ut in die, excepto quod in Matut. dicitur una tantum Aña super Psalm. incipiendo a prima, et sic successive. VV. et R. R. per ord. Periarum.

Ad Benedictus, Aña. Ego sum panis vivus, qui de caelo descéendi : qui manducat ex hoc pane, vivet in aetérnum.

Ad Magnificat, Aña. Memóriam fecit mirabílium suórum, miséricors et miserátor Dóminus : escam dedit timéntibus se.





**FERIA SEXTA**  
infra Oct. Corp. Christi.

De Actibus Apostolorum.

Lectio j.

Cap. 9.

**I**N Joppe autem fuit quaedam discipula, nómine Tabítha, quae interpretáta dicitur Dorcas. Haec erat plena opéribus bonis, et eleemósynis, quas faciébat. Factum est autem in diébus illis, ut infirmáta more-rétur. Quam cum lavíssent, posuérunt eam in cenáculo. Cum autem prope esset Lydda ad Joppen, discipuli audiéntes quia Petrus esset in ea, misérunt duos viros ad eum, rogán-tes : Ne pigritéris veníre usque ad nos. Exsúrgens autem Pe-trus venit cum illis.

Lectio ij.

**E**T cum advenísset, duxérunt illum in cenáculum : et circumstetérunt illum omnes víduae flentes, et ostendéntes ei túnicae, et vestes, quas faciébat illis Dorcas. Ejéctis au-tem ómnibus foras : Petrus ponens génua orávit : et con-vérsus ad corpus, dixit : Ta-bítha, surge. At illa apéruit óculos suos : et viso Petro, resédit. Dans autem illi ma-num, eréxit eam. Et cum vo-cáset sanctos, et víduas, assi-gnávit eam vivam. Notum au-tem factum est per univérsam Joppen : et credidérunt multi in Dómino.

De Sermóne sancti Thomae Aquinátis.

Lectio iij.

Opusc. 57.

**C**ONVENIT itaque devo-tióni fidélium, solémni-ter recólere institutióem tam salutíferi, tamque mirábilis Sacraménti : ut ineffábilem modum divínae praeséntiae in Sacraménto visíbili venerémur ; et laudétur Dei poténtia, quae in Sacraménto eódem tot mira-bília operátur : necnon et de tam salúbri, tamque suávi be-neficio exsolvántur Deo débi-tae gratiárum actiões. Romá-nus autem Póntifex Urbánus Quartus, hujus Sacraménti de-votiõe afféctus, pie státuit, praefatae institutióis memó-riam prima quinta Féria post Octávas Pentecóstes a cunéctis fidélibus celebrári.

Deinde fit Mem. de Octava Trinitatis, in Laud. et Vesp.

**SABBATO**  
infra Oct. Corp. Christi.

De Actibus Apostolorum.

Lectio j.

Cap. 11.



**T** illi quidem, qui di-spérsi fúerant a tri-bulatiõe, quae facta fúerat sub Stéphano, perambulavérunt usque Phoe-nícen, et Cyprum, et Antió-chiam, némini loquéntes ver-bum, nisi solis Judaeis. Erant autem quidam ex eis viri Cyprii, et Cyrenaei, qui cum introíssent Antióchiam, loque-bántur et ad Graecos, annun-

tiántes Dóminum Jesum. Et erat manus Dómini cum eis : multúsque númerus credéntium convérsus est ad Dóminum.

Lectio ij.

**P**ERVENIT autem sermo ad aures ecclésiæ, quæ erat Jerosólymis super istis : et misérunt Bárnabam usque ad Antióchiam. Qui cum pervénisset, et vidisset grátiam Dei, gávissus est : et hortabátur omnes in propósito cordis permanére in Dómino : quia erat vir bonus, et plenus Spíritu sancto, et fide. Et appósita est multa turba Dómino. Proféctus est autem Bárnabas Tarsum, ut quaereret Saulum : quem cum invenísset, perdúxit Antióchiam.

Sermo sancti Cyrílli Epíscopi.  
*Lib. 3. in Joan. cap. 6.*

Lectio iij.

**S**CIANT igitur baptizáti hómines, et divínae grátiae partícipes facti, si rárius in ecclésiám proficiscántur, et longo témporum spátio propter simulátam religióem mystice communicáre Christo recúsent, ab aetérna se vita procul depéllere. Quippe recusátio hujúsmodi, quamvis ex religióne proficisci videátur, et scándalum facit, et láqueos ínstruit. Quare opórtet ómnibus víribus a peccáto mundári, et recte vivéndi jactis fundaméntis, magna cum fidúcia ad suméndam vitam concurrere. Sed vá-

riæ sunt diabóli, multiplicésque ad decipiéndum insídiæ. Quare demus óperam modo, ut vínculis ejus abrúptis, et jugo servitútis peccatórum excússis, in timóre Dómini serviámus : et ut carnis voluptáte per continéntiam superáta, ad caeléstem grátiam accedámus.

Fiat Mem. de Oct. Trinit. in Laud. tantum. In Vesperis nihil fiat de Dom.

### DOMINICA infra Oct. Corp. Christi.

Omnia ut in die, præter sequentia.

In primo Nocturno.

Incipit Epístola beáti Pauli  
Apóstoli ad Hebræos.

Lectio j.

Cap. i.



**M**ULTIFARIAM, multisque modis olim Deus loquens pátribus in prophétis : novíssime, diébus istis locútus est nobis in Fílio, quem constituit herédem universórum, per quem fecit et saecula : Qui cum sit splendor glóriæ, et figúra substantiæ ejus, portánsque ómnia verbo virtútis suæ, purgatióem peccatórum faciens, sedet ad dexteram majestátis in excélsis : tanto mélior Angelis efféctus, quanto differéntius prae illis nomen hereditávit.

Lectio ij.

**C**UI enim dixit aliquándo Angelórum : Fílius meus es tu, ego hódie génui te? Et

rursum : Ego ero illi in patrem, et ipse erit mihi in filium? Et cum iterum introducit primogenitum in orbem terrae, dicit : Et adórent eum omnes Angeli Dei. Et ad Angelos quidem dicit : Qui facit Angelos suos spíritus, et ministros suos flammam ignis. Ad Fílium autem : Thronus tuus Deus in saeculum saeculi : virga aequitátis, virga regni tui.

Lectio iij.

**D**ILEXISTI justítiam, et odísti iniquitátem : propterea unxit te Deus, Deus tuus, óleo exsultatiónis prae participibus tuis. Et : Tu in principio Dómine terram fundásti : et ópera mánuum tuárum sunt caeli. Ipsi períbunt, tu autem permanébis, et omnes ut vestiméntum veteráscent : et velut amíctum mutábis eos, et mutabúntur : tu autem idem ipse es, et anni tui non deficiunt. Ad quem autem Angelórum dixit aliquándo : Sede a dextris meis, quoadúsque ponam inimícos tuos scabéllum pedum tuórum?

In secundo Nocturno.

Sermo sancti Joánnis

Chrysóstomi.

*Hom. 60. ad populum Antioch.*

Lectio iv.



**Q**UOT nunc dicunt : Vellem ipsíus Christi formam aspícere, figúram, vestiménta, calceaménta? Ecce eum vides,

ipsum tangis, ipsum manducas. Et tu quidem vestiménta cupis vidére : ipse vero tibi concédit non tantum vidére, verum et manducáre, et tângere, et intra te súmere. Igitur accédát nemo cum náusea, nemo resolutus, omnes accénsi, omnes fervéntes et excitáti. Nam si Judaei stantes, et calceaménta in pédibus habéntes, et báculos mánibus gestántes, agnum cum festinatióne comedébant : te multo magis opórtet esse solértem.

Lectio v.

**Q**UAPROPTER in ómnibus opórtet te vigiláre : nec enim parva poena proponitur indigne suméntibus. Cógita quantum advérsus proditorem indignáris, et contra eos, qui illum crucifixerunt : itaque consídera, ne tu quoque sis reus córporis et sánguinis Christi. Illi sanctíssimum corpus occidérunt, tu vero pollúta súscipis ánima post tot benefícia. Neque enim illi satis fuit, hóminem fíeri, cólaphis caedi, et crucifígi : verum et semetípsum nobis commíscet, et non fide tantum, verum et ipsa re nos suum éfficit corpus.

Lectio vj.

**Q**UO non opórtet igitur esse puriorem, tali fruéntem sacrificio? Quo solári rádio non splendidiorem manum, carnem hanc dividéntem? os, quod igne spiritali replétur ; linguam, quae treméndo nimis

sánguine rubéscit? Cógita qualis insignítus honóre, quali mensa fruáris. Quod Angeli vidéntes horréscunt, neque líbere audent intuéri propter emicántem inde splendórem, hoc nos páscimur, huic nos unímur, et facti sumus unum Christi corpus, et una caro. Quis loquétur poténtias Dómini, audítas fáciet omnes laudes ejus? Quis pastor oves próprio pascit cruóre?

In tertio Nocturno.

Léctio sancti Evangélíi secúndum Lucam.

Léctio vij. *Cap. 14.*

**I**N illo témpore : Dixit Jesus Pharisaéis parábolam hanc : Homo quidam fecit cenam magnam, et vocávit multos. Et réliqua.

Homília sancti Gregórii Papae.

*Hom. 36. in Evang.*

**N**OC distáre, fratres caríssimi, inter delícias córporis, et cordis solet : quod corporáles delíciae, cum non habéntur, grave in se desidérium accéndunt : cum vero hábitae edúntur, comedéntem prótinus in fastídium per satietátem vertunt. At contra spiritáles delíciae, cum non habéntur, in fastídio sunt : cum vero habéntur, in desidério : tantóque a comedénte ámplius esuriúntur, quanto et ab esuriénte ámplius comedúntur. In illis appetítus placet, experiéntia dís-

plicet : in istis appetítus vilis est, et experiéntia magis placet.

Léctio viij.

**A**UGENT enim spiritáles delíciae desidérium in mente, dum sátiánt : quia quanto magis eárum sapor percípitur, eo ámplius cognóscitur, quod avídius amétur : et idcirco non hábitae amári non possunt, quia eárum sapor ignorátur. Quis enim amáre váleat, quod ignórat? Proínde Psalmísta nos ádmonet, dicens : Gustáte, et vidéte, quóniam suávis est Dóminus. Ac si apérte dicat : Suavitátem ejus non cognóscitis, si hanc mínime gustátis : sed cibum vitae ex paláto cordis tángite ; ut probántes ejus dulcédinem, amáre valeátis.

Léctio ix.

**H**AS autem homo delícias tunc amísit, cum in paradíso peccávit : extra éxiit, cum os a cibo aetérnae dulcédinis clausit. Unde nos quoque nati in hujus peregrinatiónis aerúmna, huc fastidiósi jam venímus ; nescímus, quid desideráre debeámus : tantóque se ámplius fastídií nostri morbus exággerat, quanto se magis ab esu illíus dulcédinis ánimus elóngat. Et eo jam intérras delícias non áppetit, quo eas comédere, diu longéque dissuévit. Fastídio ergo nostro tabéscimus, et longa inédiae peste fatigámur.

Ad Benedictus, Aña. Ego sum panis. ut supra, pag. 155.

Ad Mem. de Dom. in Laud.  
Añā. Homo quidam fecit cenam magnam, et vocavit multos : et misit servum suum hora cenae dicere invitatis ut venirent, quia omnia parata sunt, allelúia.

V. Edúcas panem de terra, allelúia. R. Et vinum laetíficet cor hóminis, allelúia.

Oratio.

**S**ANCTI nóminis tui, Dómine, timórem páriter et amórem fac nos habére perpétuum : quia nunquam tua gubernatióne destítuisti, quos in soliditate tuae dilectiόνis instítuisti. Per Dóminum.

Vesperae erunt de Octava; Añā ad Magnificat, Memóriam fecit. ut supra, pag. 155.

Ad Mem. de Dom. in Vesperis, Añā. Exi cito in platéas, et vicos civitátis : et páuperes, ac débiles, caecos, et claudos compélle intráre, ut impleátur domus mea, allelúia.

V. Cibávit eos ex ádipe fruménti, allelúia. R. Et de petra, melle saturávit eos, allelúia.

Oratio. Sancti nóminis. etc. ut supra.

## FERIA SECUNDA.

De Actibus Apostolorum.

Lectio j.

Cap. 13.



RANT autem in ecclésia, quae erat Antióchia, prophetae, et doctóres, in quibus Bárnabas, et Simon, qui

vocabátur Níger, et Lúcius Cyrénénsis, et Mánahen, qui erat Heródis Tetrárchae collactáneus, et Saulus. Ministrántibus autem illis Dómino, et jejunántibus, dixit illis Spíritus sanctus : Segregáte mihi Saulum, et Bárnabam in opus, ad quod assúmpsi eos. Tunc jejunántes, et orántes, imponentésque eis manus, dimiserunt illos.

Lectio ij.

**E**T ipsi quidem missi a Spíritu sancto abiérunt Seleúciam; et inde navigavérunt Cyprum. Et cum veníssent Salamínā, praedicábant verbum Dei in synagógis Iudaeórum. Habébant autem et Joánnem in ministério. Et cum perambulássent univérsam ínsulam usque Paphum, invenérunt quemdam virum magum pseudoprophétam, Iudaeum, cui nomen erat Bárjesu, qui erat cum procónsule Sér gio Paulo viro prudénte. Hic, accersítis Bárnabā, et Saulo, desiderábat audíre verbum Dei.

Sermo sancti Joánnis  
Chrysóstomi.

Ex Hom. 60. ad populum  
Antiochenum.

Lectio iij.

**U**NICUIQUE fidélium Christus semetípsum per mystéria commiscet, et quos genuit, per semetípsum enútrit, nec álteri tradit : per hoc tibi

rursum persuádens, quod carnem tuam assúmpsit. Ne torpeámus igitur, tanta digni caritáte, et honóre putáti. Nonne vidétis quanta promptitúdine párvuli papíllas cápiunt, et quanto ímpetu lábia ubéribus infígunt? Accedámus cum tanta nos quoque alacritáte ad hanc mensam: quinímmo cum longe majóri trahámus, tamquam infántes lacténtes, spíritus grátiam; et unus sit nobis dolor hac esca privári.

### FERIA TERTIA.

De Actibus Apostolorum.

Lectio j. *Cap. 14.*

**E**T quidam vir Lystris infirmus pédibus sedébat, claudus ex útero matris suae, qui nunquam ambuláverat. Hic audívit Paulum loquéntem. Qui intúitus eum, et videns quia fidem habéret ut salvus fíeret, dixit magna voce: Surge super pedes tuos rectus. Et exsilívit, et ambulábat. Turbae autem cum vidíssent quod fécerat Paulus, levavérunt vocem suam Lycaónice dicéntes: Dii símiles facti homínibus, descendérunt ad nos. Et vocábant Bárnabam Jovem, Paulum vero Mercúrium: quóniam ipse erat dux verbi.

Lectio ij.

**S**ACERDOS quoque Jovis, qui erat ante civitatem, tauros, et corónas ante

jánuas áfferens, cum pópulis volébat sacrificáre. Quod ubi audiérunt Apóstoli, Bárnabas et Paulus, conscíssis túnícis suis exsiliérunt in turbas clamántes, et dicéntes: Viri, quid haec fácitis? et nos mortáles sumus, símiles vobis homines, annuntiántes vobis ab his vanis convértil ad Deum vivum, qui fecit caelum et terram, et mare et ómnia quae in eis sunt.

Ex Epístola sancti Cypriáni Epíscopi et Mártiris ad Caecílium.

*Lib. 2. Epíst. 3. sub init.*

Lectio iij.

**I**N sacerdote Melchisedech sacrificii Domínici sacraméntum praefigurátum vidémus, secúndum quod Scriptúra divína testátur, et dicit: Et Melchisedech rex Salem proutulit panem, et vinum. Fuit autem sacérdos Dei summi, et benedíxit Abraham. Quod autem Melchisedech typum Christi portáret, declárat in Psalmis Spíritus sanctus, ex persóna Patris ad Fílium dicens: Ante lucíferum genui te: Tu es sacérdos in aetérnum secúndum ordinem Melchisedech. Qui ordo útique hic est de sacrificio illo véniens, et inde descéndens, quod Melchisedech sacérdos Dei summi fuit, quod panem et vinum óbtulit, quod Abraham benedíxit.

—\*—\*—

## FERIA QUARTA.

De Actibus Apostolorum.

Lectio j.

Cap. 15.



**S**URREXERUNT autem quidam de haeresi Phariseorum, qui crediderunt, dicentes : Quia oportet circumcidi eos, praecipere quoque servare legem Moysi. Conveniuntque Apostoli, et seniores videre de verbo hoc. Cum autem magna conquisitio fieret, surgens Petrus dixit ad eos : Viri fratres, vos scitis quoniam ab antiquis diebus Deus in nobis elegit, per os meum audire gentes verbum Evangelii, et credere. Et qui novit corda Deus, testimonium perhibuit, dans illis Spiritum sanctum, sicut et nobis, et nihil discrevit inter nos et illos, fide purificans corda eorum.

Lectio ij.

**N**UNC ergo quid tentatis Deum, imponere jugum super cervices discipulorum, quod neque patres nostri, neque nos portare potuimus? Sed per gratiam Domini Jesu Christi credimus salvari, quemadmodum et illi. Tacuit autem omnis multitudo : et audiebant Barnabam, et Paulum narrantes quanta Deus fecisset signa, et prodigia in gentibus per eos. Et postquam tacuerunt, respondit Jacobus, dicens : Viri fratres, audite me. Simon narravit quemadmodum primum

Deus visitavit sumere ex gentibus populum nomini suo.

Ex libro sancti Ambrósii  
Episcopi de Sacramentis.

Lectio iij.

Lib. 4. cap. 4.

**A**UCTOR Sacramentorum quis est, nisi Dominus Jesus? De caelo ista Sacramenta venerunt : consilium enim omne de caelo est. Vere autem magnum est, et divinum miraculum, quod populo pluit Deus manna de caelo : et non laborabat populus, et manducabat. Tu forte dicis : Meus panis est usitatus. Sed panis iste, panis est ante verba sacramentorum : ubi accesserit consecratio, de pane fit caro Christi. Hoc igitur astruamus. Quomodo potest, qui panis est, corpus esse Christi? Consecratione. Consecratio igitur quibus verbis est, et cujus sermonibus? Domini Jesu.

IN OCTAVA  
Corporis Christi.

In primo Nocturno.

De Actibus Apostolorum.

Lectio j.

Cap. 15.



**D**OST haec revertar, et reaedicabo tabernaculum David, quod decidit : et diruta ejus reaedicabo, et erigam illud : ut requirant ceteri hominum Dominum, et omnes gentes, super quas invocatum est nomen meum, dicit Dominus faciens haec. Notum a sae-

culo est Dómino opus suum. Propter quod ego júdico non inquietáre eos, qui ex géntibus convertúntur ad Deum, sed scríbere ad eos ut abstíneant se a contaminatióibus simulacrórum, et fornicatióne, et suffocátis, et ságuine.

Lectio ij.

**M**OYSES enim a tempóribus antíquis habet in síngulis civitatibus qui eum praedicent in synagógis, ubi per omne sábbatum légitur. Tunc plácuít Apóstolis, et senióribus cum omni Ecclésia, eligere viros ex eis, et mittere Antióchiam cum Paulo, et Bárnaba, Judam, qui cognominabátur Bársabas, et Silam viros primos in fratribus, scribéntes per manus eórum : Apóstoli et senióres fratres, his, qui sunt Antióchiae, et Syriae, et Cilíciae fratribus ex géntibus, salútem. Quóniam audívimus quia quidam ex nobis exeúntes, turbavérunt vos verbis, everténtes ánimas vestras, quibus non mandávimus : plácuít nobis colléctis in unum, eligere viros, et mittere ad vos cum caríssimis nostris Bárnaba, et Paulo, homínibus, qui tradidérunt ánimas suas pro nómine Dómini nostri Jesu Christi.

Lectio iij.

**M**ISIMUS ergo Judam, et Silam, qui et ipsi vobis verbis réferent éadem. Visum

est enim Spíritui sancto, et nobis nihil ultra impónere vobis óneris quam haec necessária : ut abstineátis vos ab immolátis simulacrórum, et ságuine, et suffocato, et fornicatióne, a quibus custodiéntes vos, beneagétis. Valéte. Illi ergo dimíssi, descendérunt Antióchiam : et congregáta multítudine tradidérunt epístolam.

In secundo Nocturno.

Sermo sancti Augustíni  
Epíscopi.

*Tract. 26. in Joan. post  
medium.*

Lectio iv.



**X**PONENS nobis Apóstolus Paulus hunc panem, Unus panis, inquit, unum corpus multi sumus. O sacraméntum pietátis, o signum unitátis, o vínculum caritátis! Qui vult vívere, habet ubi vivat, habet unde vivat : accédát, credat, incorporétur, ut vivificétur. Non abhórreat a compáge membrórum, non sit putre membrum, quod resecári mereátur : non sit distórtum, de quo erubescátur : sit pulcrum, sit aptum, sit sanum : haereat córpori, vivat Deo de Deo. Nunc labóret in terra, ut póstea regnet in caelo.

Lectio v.

**H**UNC ítaque cibum, et potum, societátem vult intélligi córporis, et membrórum suórum, quod est sancta Ec-



clésia in praedestinátis, et vocátis, et justificátis, et glorificátis sanctís, et fidélibus ejus : quorum primum jam factum est, id est, praedestinátio : secundum, et tertium, et factum est, et fit, et fiet, id est, vocátio, et justificátio : quartum vero nunc in spe est, in re autem futurum est, id est, glorificátio.

Lectio vj.

**H**UJUS rei Sacraméntum, id est, unitátis córporis et sánguinis Christi, alicubi quotidie, alicubi certis intervállis diérum, in domínica mensa praeparátur, et de mensa domínica súmitur; quibúsdam ad vitam, quibúsdam ad exítium. Res vero ipsa, cujus et Sacraméntum est, omni hómini ad vitam, nulli ad exítium, quicumque ejus párticeps fúerit.

In tertio Nocturno.

Lectio sancti Evangélij secundum Joánnem.

Lectio vij. *Cap. 6.*

**I**N illo témpore : Dixit Jesus turbis Judaeórum : Caro mea, vere est cibus : et sanguis meus, vere est potus. Et reliqua.

Homilía sancti Augustíni  
Epíscoli.

*Tr. 26. in Joan. circa med.*



**N**ON sicut manducáverunt patres vestri manna, et mórtui sunt. Quare manducáverunt, et mórtui sunt? Quia quod vidébant, credébant: quod

non vidébant, non intelligébant. Ideo patres vestri, quia símiles estis illórum. Nam quantum pértinet, fratres mei, ad mortem istam visíblem et corporálem, numquid nos non mórimur, qui manducámus panem de caelo descendéntem? Sic sunt mórtui et illi, quemádmódum et nos sumus moritúri, quantum áttinet, ut dixi, ad mortem hujus córporis visíblem atque carnálem.

Lectio viij.

**Q**UANTUM autem pértinet ad illam mortem, de qua terret Dóminus, quia mórtui sunt patres istórum : manducávit manna et Móyses, manducávit manna et Aaron, manducávit manna et Phínees, manducáverunt ibi multi, qui Dómino placuérunt, et mórtui non sunt. Quare? Quia visíblem cibum spiritaliter intellexerunt, spiritaliter esuriérunt, spiritaliter gustáverunt, ut spiritaliter satiaréntur. Nam et nos hódie accípiamus visíblem cibum : sed áliud est Sacraméntum, áliud est virtus Sacraménti.

Lectio ix.

**Q**UAM multi de altári accípiunt, et moriúntur, et accipiéndó moriúntur! Unde dicit Apóstolus : Judícium sibi mandúcat, et bibit. Nonne buccélla domínica venénium fuit Judae? Et tamen accépit. Et cum accépit, in eum inimícus intrávit : non quia malum ac-

cépit, sed quia bonum male malus accépit. Vidéte ergo fratres : panem caeléstem spiritaliter manducáte, innocéntiam ad altáre apportáte. Peccáta, etsi sunt quotidiána, vel non sint mortífera; ántequam ad altáre accedátis, atténdite quod dicátis : Dimítte nobis débita nostra, sicut et nos dimíttimus debitoribus nostris. Si dimíttis, dimittétur tibi : secúrus accéde, panis est, non venénium.

**FERIA SEXTA**  
post Oct. Corp. Christi.

Incidit festum SS. Cordis Jesu, quod habet Lectiones proprias.

**SABBATO.**

De Actibus Apostolorum.

Lectio j.

Cap. 19.



**T**ENTAVERUNT autem quidam et de circumcúntibus Judaeis exorcístis, invocáre super eos, qui habébant spíritus malos, nomen Dómini Jesu, dicéntes : Adjúro vos per Jesum, quem Paulus praedicat. Erant autem quidam Judaei Scevae princípis sacerdótum septem filii, qui hoc faciébant. Respóndens autem spíritus nequam dixit eis : Jesum novi, et Paulum scio : vos autem qui estis?

Lectio ij.

**E**T insíliens in eos homo, in quo erat daemónium péssimum, et dominátus ambórum, inváluit contra eos, ita

ut nudi, et vulneráti effúgerent de domo illa. Hoc autem notum factum est ómnibus Judaeis, atque gentílibus, qui habitábant Ephesi : et cécidit timor super omnes illos, et magnificabátur nomen Dómini Jesu. Multíque credéntium veniébant confiténtes, et annuntiántes actus suos.

Lectio iij.

**M**ULTI autem ex eis, qui fúerant curiosá sectáti, contulérunt libros, et combusserunt coram ómnibus : et computátis prétiis illórum, invenerunt pecúniám denariórum quinquagínta míllium. Ita sórtiter crescébat verbum Dei, et confirmabátur. His autem explétis, propósuit Paulus in Spíritu, tránsita Macedónia et Acháia ire Jerosólymam, dicens : quóniam postquam fúero ibi, opórtet me et Romam vidére.

R. R. Fer. Misericórdiam. etc. quae habentur infra Hebdom. primam post Oct. Trinitatis, pag. 189. dicantur hodie, nisi festum occurrat.

**DÒMINICA I.**  
post Octavam Trinitatis.

**RITUS ET ORDO**

dicendi Officium Divinum.

AD VESPERAS.



**S**ABBATO praece-denti sic inchoéntur Vesperae. Secreto dicatur Pater noster. Quo dicto, clare dic. X. Deus

in adiutorium meum intende.  
R̃. Dómine ad adiuvándum  
me festína. Et tunc muniant  
se fratres signo crucis, quod  
etiam facient ad omnes alias  
Horas.

℣. Glória Patri, et Fílio, et  
Spíritui sancto. R̃. Sicut erat  
in principio, et nunc, et sem-  
per, et in saecula saeculorum.  
Amen. Allelúia.

Sicque per ℣. Deus in adju-  
torium. inchoentur omnes Ho-  
rae, et Laudes, nisi aliter suis  
locis sit signatum.

Deinde dicantur quinque  
Psalmi, et totidem Añae, prout  
positae sunt in Psalterio, p. 112.  
quae etiam dici debent in  
omnibus Sabbatis per Annum,  
cum de Dom. agitur.

Capitulum. 2. Cor. 1.



**B**ENEDICTUS Deus  
et Pater Dómini no-  
stri Jesu Christi, Pa-  
ter misericordiárum,  
et Deus totíus consolatiónis,  
qui consolátur nos in omni tri-  
bulatióne nostra. R̃. Deo grá-  
tias. Sicque ad omnia Capitu-  
la respondeatur semper Deo  
grátias.

Deinde dicatur R̃. ij. Dó-  
minus, qui erípuít me de ore  
leónis, et de manu béstiae libe-  
rávit me, \* Ipse me erípuít de  
mánibus inimicórum meórum.  
Postea ℣. Misit Deus miseri-  
córdiam suam, et veritátem  
suam : ánimam meam erípuít  
de médio catulórum leónum.

Deinde repetatur ultima pars  
R̃. Ipse me. Postea dicatur  
℣. Glória Patri, et Fílio, et  
Spíritui sancto. Ultimo repeta-  
tur, Ipse me erípuít.

Et hoc modo dicitur R̃. in  
j. Vesperis, nisi aliter signetur.

Hymnus.

**O** LUX beáta Trínitas,  
Et principális únitas,  
Jam sol recédit ígneus,  
Infúnde lumen córdibus.

Te mane laudum cármine,  
Te deprecémur vespere,  
Te nostra supplex glória  
Per cuncta laudet saecula.

Deo Patri sit glória,  
Ejúsque soli Fílio,  
Cum Spíritu Paráclito,  
Et nunc, et in perpétuum.

Amen.

℣. Vespertína orátio ascén-  
dat ad te Dómine. R̃. Et de-  
scéndat super nos misericórdia  
tua.

Capitulum praecedens, Hy-  
mnus, et ℣. dicantur omnibus  
Sabbatis ad Vesperas, quando  
de Dominica agitur : R̃. au-  
tem, Dóminus, qui erípuít. hac  
die tantum dicatur.

Omni vero tempore, quando  
Historia dominicalis in sua  
propria Dominica inchoatur,  
R̃. quod suo loco notatum  
erit, dicetur in primis Vesperis  
post Capitulum. Quando vero  
propter aliquod impedinen-  
tum Dominica non habet pri-  
mas Vesperas, vel Historia do-  
minicalis non legitur in Domi-

nica, in qua primo debuit inchoari; R̃. in primis Vesp. alterius Dominicae non dicatur.

Post Ṽ. statim sequitur Canticum **Magnificat.** pag. 127. quod per totum annum quotidie dicitur, moxque subjungitur

Ad Magnificat, Añā. **Lóquere Dómine, quia audit servus tuus.**

Finita Añā post Magnificat sequitur

Ṽ. **Dóminus vobíscum. R̃. Et cum spírítu tuo.**

Orémus.

**P**ROTECTOR in te sperántium Deus, sine quo nihil est válidum, nihil sanctum; **múltiplica super nos misericórdiam tuam : ut te rectóre, te duce, sic transeámus per bona temporália, ut non amittámus aetérna. Per Dóminum nostrum.**

Dicta Oratione, et responso **Amen.** quando nulla sequitur alia Memoria faciendā, statim subjungitur Ṽ. **Dóminus vobíscum. R̃. Et cum spírítu tuo.**

Si is, qui loquitur, non fuerit Sacerdos, vel Diaconus, loco Ṽ. **Dóminus vobíscum.** debet dicere Ṽ. **Dómine exáudi oratiónem meam.** et responso **Et clamor meus ad te véniat.** deinde Ṽ. **Benedicámus Dómino. R̃. Deo grátias.**

At si Memoria occurrerit faciendā, dicta hac prima Ora-

tione, et R̃. **Amen.** statim inchoetur Memoria illa per Añā, Versiculum, et Orationem, quae sicut et prima Oratio terminabitur, si nulla alia adhuc succedat Memoria faciendā : si vero altera sequatur, per haec verba respectíve terminetur : **Per Christum Dóminum nostrum. vel Per eúmdem Christum Dóminum nostrum. vel etiam Qui vivis et regnas per ómnia saecula saeculórum.** pro varia occurrentium Orationum dispositione : ac responso **Amen,** mox altera inchoetur, et sic deinceps, donec ad ultimam Memoriam perveniatur.

Cum autem ad ultimam Memoriam perventum fuerit, ejus Oratio semper, sicut illa prima **Proctétor in te.** respectíve terminetur.

Subjunctis ṼṼ. **Dóminus vobíscum. et Benedicámus Dómino.** responsoque Deo grátias. dicatur Ṽ. **Fidélium ánimae per misericórdiam Dei requiéscant in pace. R̃. Amen.** Quod semper dicendum est post quamlibet Horam, nisi in die Animarum, et post Offic. Defunctorum, in cujus fine dicendum est **Requiéscant in pace. R̃. Amen.**

Quando vero plures Horae simul sunt dicendae, tunc solum in fine ultimae Horae dicatur **Fidélium.** nisi aliter notetur. Dicto **Fidélium.** subjungatur secreto **Pater noster.** et deinde

Añā. Salve Rēgīna, mater misericórdiae : vita, dulcédo, et spes nostra, salve. Ad te clamāmus éxsules fīlī Hevae : ad te suspirāmus geméntes et flentes in hac lacrymārum valle. Eia ergo advocāta nostra, illos tuos misericórdes óculos ad nos convérte : et Jesum, benedíctum fructum ventris tui, nobis post hoc exsīlium ostēde. O clemens, o pia, o dulcis Virgo María.

Postea dicatur Añā. Pie Pater Domínice, tuórum memor óperum, sta corā summo Júdice pro tuo coetu páuperum.

℣. Post partum virgo inviolāta permansísti. R̃. Dei Génitrix intercēde pro nobis.

℣. Ora pro nobis beāte Pater Domínice. R̃. Ut digni efficiāmur promissionibus Christi.

℣. Fiat pax in virtúte tua. R̃. Et abundántia in túrribus tuis.

℣. Dóminus vobíscum. R̃. Et cum spírītu tuo.

Orémus.

**P**ROTEGE Dómine fámulos tuos subsidiis pacis : et beātae Maríae semper vírginis patrocíniis confidéntes, a cunctis hóstibus redde secúros.

**C**ONCEDE, quaesumus Omnípotens Deus : ut qui peccatórum nostrórum pónere prémimur, beāti Domínici Confessóris tui, Patris nostri, patrocínio sublevémur.

**E**CCLÉSIAE tuae, quaesumus Dómine, preces placátus admítte : ut destrúctis adversitatibus, et erróribus univérsis, secúra tibi sérviat libertáte; et pacem tuam nostris concéde temporibus. Per Christum. R̃. Amen.

Dictoque Pater noster. secreto, terminetur illa Hora; qua finita, Conventus recedit a choro.

Hoc modo semper terminentur omnes Horae, quando Conventus recedit a choro, tam de die, quam de nocte, excepto Completorio.

#### AD COMPLETORIUM.

Dicto ℣. Jube domne benedícere. subjungatur Benedictio. Noctem quiétam, et finem perféctum tríbuat nobis omnípotens et miséricors Dóminus. R̃. Amen.

Postea sequitur

Lectio.

1. Pet. 5.



**P**ATRES : Sóbrii estóte, et vigiláte : quia adversárius vester diábolus tamquam leo rúgiens círcuit, quærens quem dévoret : cui resistite fortes in fide. Tu autem Dómine miserére nostri. R̃. Deo grátias.

Postea dicat, qui praeest, ℣. Adjutórium nostrum in nómine Dómini. R̃. Qui fecit caelum et terram.

Deinde dicto Pater noster. secreto, dicatur a Praelato

**C**ONFITEOR Deo omnipotenti, et beatae Mariae semper virgini, et beato Dominico Patri nostro, et omnibus Sanctis, et vobis fratres : quia peccavi nimis cogitatione, locutione, opere, et omissione, mea culpa : precor vos orare pro me.

Chorus autem dicat

**M**ISEREATUR tui omnipotens Deus, et dimittat tibi omnia peccata tua : liberet te ab omni malo, salvet, et confirmet in omni opere bono, et perducat te ad vitam aeternam. Respondeat Praeclatus, Amen.

Postea Chorus replicet : Confiteor. etc. et loco vobis fratres. dicat tibi Pater. et loco precor vos. dicat precor te. Quo finito Praeclatus dicat Absolutionem Misereatur. et loco tui, dicat vestri, et loco tibi, dicat vobis, et loco te, dicat vos.

Quando autem frater solus dicit Primam, vel Completorium, dicat

**C**ONFITEOR Deo omnipotenti, et beatae Mariae semper virgini, et beato Dominico Patri nostro, et omnibus Sanctis : quia peccavi nimis cogitatione, locutione, opere, et omissione, mea culpa : precor beatam Mariam semper virginem, et beatum Dominicum Patrem nostrum, et omnes Sanctos orare pro me.

Postea subjungat

**M**ISEREATUR mei omnipotens Deus, et dimittat mihi omnia peccata mea : liberet me ab omni malo, salvet, et confirmet in omni opere bono, et perducat me ad vitam aeternam. R. Amen.

Deinde dicatur V. Converte nos Deus salutaris noster. R. Et averte iram tuam a nobis. V. Deus in adiutorium. etc. et ita semper inchoetur Completorium.

Postea dicantur Ps. 4. Cum invocarem. Ps. 30. In te Domine speravi. Ps. 90. Qui habitat. Ps. 133. Ecce nunc benedicite. ut in Comm. Apost.

Et post Psalm. Añã. Miserere mihi, Domine, et exaudi orationem meam.

Praedicta Añã Miserere. et Psalmi dicantur ad Compl. per totum annum, nisi aliter signetur. Deinde dicatur

Capitulum. Jer. 14.

**I**N in nobis es Domine, et nomen sanctum tuum invocatum est super nos : ne derelinquas nos, Domine Deus noster.

R. In manus tuas, Domine, \* Commendo spiritum meum. In manus. V. Redemisti me Domine Deus veritatis. Commendo. Glória Patri. In manus.

R. In manus tuas. per totum annum dicatur ad Completorium, nisi aliter signetur.

Postea subjungatur

Hymnus.

**T**E lucis ante términum  
Rerum Creátor pósci-  
mus,  
Ut sólita cleméntia  
Sis praesul ad custódiám.  
Procul recédant sómnia,  
Et nóctium phantásmata :  
Hostémque nostrum cóm-  
prime,  
Ne polluéantur córpora.  
Praesta Pater omnípotens,  
Per Jesum Christum Dómi-  
num,  
Qui tecum in perpétuum  
Regnat cum sancto Spíritu.  
Amen.

℣. Custódi nos, Dómine, ut  
pupíllam óculi. R̃. Sub umbra  
alárum tuárum prótege nos.

Hymnus. Te lucis. et ℣. Cu-  
stódi nos. dicantur semper,  
nisi ubi aliter est signatum.

Deinde dicatur Canticum.  
Nunc dimíttis. pag. 127.

Quo dicto subjungatur Añá.  
Salva nos, Dómine, vigilántes,  
custódi nos dormiéntes : ut  
vigilémus cum Christo, et re-  
quiescámus in pace.

Canticum Nunc dimíttis.  
semper dicatur. Añá Salva  
nos. per totum annum dicatur,  
nisi alia particularis Añá sit  
notata.

Postea dicantur Preces hoc  
modo : Kyrie eléison. Christe  
eléison. Kyrie eléison. et se-  
creto Pater noster. Deinde sub-  
jungatur alte Et ne nos indúcas

in tentatiónem. R̃. Sed líbera  
nos a malo.

℣. In pace in idípsum.  
R̃. Dórmiam, et requiéscam.

Deinde dicatur Credo. se-  
creto. Deinde dicatur alte Car-  
nis resurrectiódinem. R̃. Vitam  
aetérnam. Amen.

℣. Dignáre Dómine nocte  
ista. R̃. Sine peccáto nos cu-  
stodíre.

Et ita Preces quotidie in  
Completorio dicantur : nisi  
diebus notatis in Rubr. Gener.  
§ ult. De Precibus.

Post Preces, vel si hae non  
sunt dicendae, post Añam  
Salva nos. immediate dicatur  
℣. Dóminus vobíscum.

Orémus.

**V**ISITA, quaesumus Dó-  
mine, habitatióinem  
istam, et omnes insídiás ini-  
míci ab ea longe repélle : et  
Angeli tui sancti habitántes in  
ea nos in pace custódiánt; et  
benedíctio tua sit super nos  
semper. Per Dóminum.

℣. Dóminus vobíscum.

℣. Benedicámus Dómino.

Deinde detur benedíctio hoc  
modo : Benedíctio Dei omni-  
poténtis, Patris, et Filii, et Spí-  
ritus sancti descéndat super  
(Si Praelatus benedicit, dicat)  
vos, (et si alius, dicat) nos, et  
máneat semper. R̃. Amen.

Postea dicatur Añá. Salve  
Regína. pag. 167.

℣. Dignáre me laudáre te,  
Virgo sacráta. R̃. Da mihi vir-  
tútem contra hostes tuos.

Oratio.

**C**ONCEDE nos fámulos tuos, quaesumus Dómine Deus, perpétua mentis et córporis salúte gaudére : et gloriósa beátae Maríae semper vírginis intercessióne, a praesénti liberári tristítia, et aetérna pérfrui laetítia. Per Christum. R̃. Amen.

Poterit deinde addi Añã, V. et Oratio de Sancto aliquo Ordinis nostri, vel alio, secundum morem Provinciae, vel Conventus. Deinde **Fidélium ánimae.** etc. et R̃. **Amen.** dicatur secreto **Pater noster.** et **Credo.** Et sic regulariter finitur Completorium, nisi suo loco aliter notetur.

## AD MATUTINUM.

Dicto **Pater noster.** et **Credo.** V. Dómine lábia mea apéries. R̃. Et os meum annuntiábit laudem tuam. et V. Deus in adjutórium. etc. Glória Patri. Sicut erat. Allelúia. immediate dicatur

Invitatorium. **Veníte, exsultémus Dómino : Jubilémus Deo salutári nostro.**

Quo dicto sequitur V. **Praeoccupémus fáciem ejus.** ut in Psalterio, pag. 1.

Hoc Invitatorium, et Psalmus **Veníte.** dicantur Dominicis diebus, usque ad Dom. j. Adventus exclusive, quando de Dom. agitur. In aliis etiam diebus, quando dicitur quodcumque Invitatorium, dicitur

etiam Psalm. **Veníte, exsultémus.** modo quo supra. Postea dicatur

Hymnus.

**N**OCTE surgéntes vigilémus omnes,  
Semper in psalmis meditémur, atque  
Víribus totis Dómino canámus  
Dúlciter hymnos.

Ut pio Regi páriter canéntes,

Cum suis sanctis mereámur aulam

Ingredi caeli, simul et beátam  
Dúcere vitam.

Praestet hoc nobis Déitas beáta

Patris, ac Nati, paritérque sancti

Spíritus, cujus réboat in omni  
Glória mundo. Amen.

Isti duo Hymni, Nocte surgéntes. ad Matutinum, et subsequens Ecce jam noctis. ad Laudes, dicantur omnibus Dominicis et Feriis, quando de Tempore agitur.

In primo Nocturno.

Psalmi in Matutinis dicendi, ponuntur per extensum in Psalterio, pag. 2. in tres Noct. divisi : quibus statim annectuntur Añae diversae, pro qualitate Temporis super Psalmos in Dominicis dicendae, et Versiculi. Post Versic. dicto **Pater noster.** secreto, subjungatur alte, **Et ne nos indúcas in tentatióem.** R̃. Sed libera nos a malo.



Et hoc semper observetur ante primam Lectionem, et quartam, et septimam. Quo dicto sequitur

**V. Jube domne benedícere.**

Benedictio. **Benedictióne** perpétua benedícat nos Pater aetérnus. **R. Amen.**

**V. Jube domne benedícere.** omnibus semper praemittitur **Benedictionibus.**

Haec Benedictio cum octo sequentibus, erunt dicendae ante Lectiones Matutini eo ordine, quo positae sunt, quandoque novem dicuntur Lectiones; nisi quando Officium est de beata Virgine, cujus propriae Benedictiones supra positae sunt ante Psalterium, et nisi in Matut. pro Defunctis, in quibus nullae dicuntur Benedictiones. Quando autem dicuntur tantum tres Lectiones, tunc etiam dicendae sunt tantum tres Benedictiones, juxta ordinem Nocturnorum. Tres namque primae dicuntur Feria ij. et v. tres secundae, Feria iij. et vj. ultimae vero tres, Feria iv. et Sabbato. Idem servetur in Benedictionibus propriis de B. Maria Virgine.

Quotiescumque autem aliqua Feria legitur Homilia, toties dicendae sunt Benedictiones iij. Nocturni, scilicet, **Evangélica léctio.** cum duabus sequentibus, sive communibus, sive propriis, si fiat de beata Maria Virgine. Deinde dicatur :

**Incipit liber primus Regum.**

Titulus cuilibet Lectioni praefixus, legi semper debet, nisi cum notatur litteris rubeis, vel cursivis.

Lectio j.

**Cap. i.**



**F**UIT vir unus de Ramatháimsophim, de monte Ephraim, et nomen ejus Elcana, filius Jéroham, filii Eliu, filii Thohu, filii Suph, Ephra-thaeus : et hábuit duas uxóres, nomen uni Anna, et nomen secúndae Phenénna. Fuerúntque Phenénnae filii : Annae autem non erant líberi. Et ascendébat vir ille de civitáte sua statútis diébus, ut adoráret et sacrificáret Dómino exercítuum in Silo. Erant autem ibi duo filii Heli, Ophni et Phínees, sacerdótes Dómini. Tu autem Dómine miserére nostri. **R. Deo grátias.**

Per hanc clausulam **Tu autem.** terminantur semper omnes Lectiones, nisi in die Animarum, et Officio Defunctorum, et nisi ubi loco **Tu autem.** erit signatum ut dicatur : **Haec dicit Dóminus.** etc.

**R. Deus ómnium exaudítor est : ipse misit Angelum suum, et tulit me de óvibus patris mei : \* Et unxit me unctióne misericórdiae suae. V. Dóminus, qui erípuit me de ore leónis, et de manu béstiae liberávit me. Et.**

Haec Historia, **R. R.** scilicet **Deus ómnium.** etc. legi debet

in hac Dominica, et in sequentibus usque ad Dominicam primam Augusti exclusive, quando de Dom. agitur. Si autem omnes Dom. impeditae fuerint, distribuenda erit per Ferias, ut notat. in Rubr. Gen. § VII.

℣. Jube domne benedícere.

Benedictio. Unigénitus Dei Fílius nos benedícere et adjuvare dignétur. R̃. Amen.

Lectio ij.

**V**ENIT ergo dies, et immolávit Elcana, dedítque Phenénnae uxóri suae, et cunctis fíliis ejus, et filiábibus partes : Annae autem dedit partem unam tristis, quia Annam diligébat. Dóminus autem conclúserat vulvam ejus. Affligébat quoque eam aemula ejus, et veheménter angébat, in tantum, ut exprobráret quod Dóminus conclusisset vulvam ejus : sicque faciébat per singulos annos, cum redeúnte témpore ascénderent ad templum Dómini : et sic provocábat eam. Porro illa flebat, et non capiébat cibum.

R̃. Dóminus, qui erípuit me de ore leónis, et de manu béstiae liberávit me, \* Ipse me erípiet de mánibus inimicórum meórum. ℣. Misit Deus misericórdiam suam, et veritátem suam : ánimam meam erípuit de médio catulórum leónum. Ipse me.

℣. Jube domne benedícere.

Benedictio. Spíritus sancti grátia illumináre dignétur sensus, et corda nostra. R̃. Amen.

Lectio iij.

**D**IXIT ergo ei Elcana vir suus : Anna, cur fles? et quare non cómedis? et quam ob rem affligitur cor tuum? numquid non ego mélior tibi sum, quam decem fílii? Surrexit autem Anna postquam coméderat, et bíberat in Silo. Et Heli sacerdote sedénte super sellam ante postes templi Dómini, cum esset Anna amáro ánimo, orávit ad Dóminum, flens lárgiter, et votum vovit, dicens : Dómine exercítuum, si respíciens víderis afflictiónem fámulae tuae, et recordátus mei fúeris, nec oblítus ancíllae tuae, dederísque servae tuae sexum virilem : dabo eum Dómino ómnibus diébus vitae ejus, et novácula non ascéndet super caput ejus.

R̃. Ego te tuli de domo patris tui, dicit Dóminus, et pósui te páscere gregem pópuli mei : et fui tecum in ómnibus ubicúmque ambulásti : \* Firmans regnum tuum In aetérnum. ℣. Fecíque tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. Firmans. Glória Patri. In.

In secundo Nocturno.

℣. Jube domne benedícere.

Benedictio. Deus Pater

omnípotens sit nobis propítius et clemens. R̃. Amen.

De Epístola beáti Pauli  
Apóstoli ad Hebraeos.

Lección iv.

Cap. 3.



**F**RATRES sancti, vocatiónis caeléstis participes, consideráte Apóstolum, et Pontíficem confessiónis nostrae Jesum : qui fidélis est ei, qui fecit illum sicut et Móyses in omni domo ejus. Ampliórís enim glóriæ iste prae Móyse dignus est hábitus, quanto ampliorem honórem habet domus, qui fabricávit illam.

R̃. Praeparáte corda vestra Dómino, et servíte illi soli, \* Et liberábit vos de mánibus inimicórum vestrórum. Ṽ. Auferáte deos aliénos de médio vestri. Et liberábit.

Ṽ. Jube domne benedícere.

Benedictio. Ad gáudia Paradísi perdúcat nos misericórdia Christi. R̃. Amen.

Lección v.

**O**MNIS namque domus fabricátur ab aliquo : qui autem ómnia creávit, Deus est. Et Móyses quidem fidélis erat in tota domo ejus tamquam fámulus, in testimónium eórum, quae dicénda erant : Christus vero tamquam fílius in domo sua : quae domus sumus nos, si fidúciā, et glóriā spei usque ad finem, firmam retineámus.

R̃. Percússit Saul mille, et David decem míllia, quia ma-

nus Dómini erat cum illo : percússit Philisthaeum, \* Et ábstulit oppróbrium ex Israël. Ṽ. Nonne iste est David, de quo canébant in choro, dicéntes : Saul percússit mille, et David decem míllia in míllibus suis? Et ábstulit.

Ṽ. Jube domne benedícere.

Benedictio. Ignem sui amoris accéndat Deus in córdibus nostris. R̃. Amen.

Lección vj.

**Q**UAPROPTER sicut dicit Spíritus sanctus : Hódie si vocem ejus audiéritis, nolíte obduráre corda vestra, sicut in exacerbatióne secúndum diem tentatiónis in deserto. Vidéte fratres, ne forte sit in aliquo vestrum cor malum incredulitátis, discedéndi a Deo vivo : sed adhortámini vosmetípsos per síngulos dies, donec Hódie cognomináture, ut non obdurétur quis ex vobis fallácia peccáti.

R̃. Montes Gélboë, nec ros, nec plúvia véniant super vos : \* Ubi cecidérunt Fortes Israël. Ṽ. Omnes montes in circúitu ejus vísitet Dóminus : a Gélboë autem tránseat. Ubi cecidérunt. Glória Patri. Fortes Israël.

In tertio Nocturno.

Ṽ. Jube domne benedícere.

Si non sequitur Homilia, Benedictio. Ille nos benedícat, qui sine fine vivit et regnat. R̃. Amen.

Si autem sequatur Homilia sicut modo, Benedictio. Evangelica lectio sit nobis salus et protectio. R. Amen.

Postea dicatur

Lectio sancti Evangelii secundum Lucam.

Lectio vij.

Cap. 15.

**I**N illo tempore: Erant appropinquantes ad Jesum publicani, et peccatores, ut audirent illum. Et reliqua.

Homilia sancti Gregorii Papae.

*Homilia 34. in Evang. post initium.*



**A**UDISTIS in lectione evangelica, fratres mei, quia peccatores, et publicani accesserunt ad Redemptorem nostrum: et non solum ad colloquendum, sed etiam ad convalescendum recepti sunt. Quod videntes Pharisei, dedignati sunt. Ex qua re colligite, quia vera iustitia compassionem habet, falsa iustitia dedignationem: quamvis et iusti soleant recte peccatoribus dedignari. Sed aliud est quod agitur typo superbiae, aliud quod zelo disciplinae.

R. Audi Domine hymnum et orationem, quam servus tuus orat coram te hodie: ut sint oculi tui aperti, et aures tuae intentae. Super domum istam die ac nocte. V. Respice Domine de sanctuario tuo, et de excelso caelorum habitaculo. Super.

V. Jube domne benedicere.

Benedictio. Divinum auxilium maneat semper nobiscum. R. Amen.

Lectio viij.

**D**EDIGNANTUR etenim, sed non dedignantes: desperant, sed non desperantes: persecutionem commovent, sed amantes: quia etsi foris increpationes per disciplinam exaggerant, intus tamen dulcedinem per caritatem servant. Praeponunt sibi in animo ipsos plerumque, quos corrigunt; meliores existimant eos quoque, quos iudicant. Quod videlicet agentes, et per disciplinam subditos, et per humilitatem custodiunt semetipsos.

R. Peccavi super numerum arenae maris, et multiplicata sunt peccata mea, et non sum dignus videre altitudinem caeli prae multitudine iniquitatis meae: quoniam irritavi iram tuam, \* Et malum coram te feci. V. Quoniam iniquitatem meam ego agnosco, et delictum meum contra me est semper: tibi soli peccavi. Et malum.

V. Jube domne benedicere.

Benedictio. Ad societatem civium supernorum perducat nos Rex Angelorum. R. Amen.

Lectio ix.

**A**T contra hi, qui de falsa iustitia superbire solent, ceteros quosque despiciunt, nulla infirmantibus misericor-

dia condescéndunt : et quo se peccatóres esse non credunt, eo detérius peccatóres fiunt. De quorum profécto número Pharisaei exstitérunt, qui dijudicántes Dóminum, quod peccatóres susciperet, arénti corde ipsum fontem misericórdiae reprehendébant. Sed quia aegri erant, ita ut aegros se esse nescírent, quátenus, quod erant, agnóscerent, caeléstis eos médicus blandis foméntis curat, benígnum paradígma óbjiçit, et in eórum corde vúlneris tumórem premit.

R̃. Factum est, dum tólleret Dóminus Elíam per túrbinem in caelum, Elisaeus clamábat, dicens : \* Pater mi, pater mi, currus Israël, et auríga ejus. Ṽ. Oro, Dómine, ut fiat spírítus tuus duplex in me. At ille inquit : Si víderis, quando tollar a te, erit quod petísti. Pater. Glória Patri. Pater.

In sequentibus omnibus aliis Dominicis, quando de Dominica agitur, postquam Hist. domilicalis fuerit semel lecta, loco ix. R̃. dicatur sequens

R̃. Honor, virtus, et potestas, et impérium, sit Trinitáti in unitáte, unitáti in Trinitáte, \* In perénni saeculórum témpore. Ṽ. Trinitáti lux perénnis, unitáti sit decus pérpetim. In. Glória Patri. In.

Deinde dicatur Cant. Te Deum. pag. 124. quod dicendum erit omnibus Dom. quando fit Officium de Dominica.

Ante Laudes, Ṽ. Excélsus super omnes gentes Dóminus. R̃. Et super caelos glória ejus.

#### IN LAUDIBUS.

Añã. Regnávít Dóminus praecínctus fortitúdine cum decóre virtútum : cujus sedes paráta est in aetérnum.

Haec Añã super Psalm. in Laudibus sola dicatur in Dom. quando de Dom. agitur. Ubi vero signatae erunt in Laud. quinque Añae super Psalm. dicentur eadem Añae etiam ad Horas dici, quarta semper praetermissa, sive fiat Officium de Tempore, sive de Sanctis.

Psalmus Dóminus regnávít. cum ceteris Laudum, pag. xj. qui omnes terminantur cum Glória Patri. exceptis Psalm. Deus Deus meus. et Deus misereátur. qui dicuntur per modum unius sub uno Glória. Cantico Benedícite. absque Glória. et Psalm. Laudáte Dóminum de caelis. qui cum duobus sequentibus dicitur sub uno Glória Patri. ac si esset unus Psalmus. Et dicantur semper in Laudibus hi quinque Psalmi, nisi ubi aliter est signatum.

Capitulum. *Apoc. 7.*



BENEDICTIO, et cláritas, et sapiéntia, et gratiárum áctio, honor, virtus, et fortitúdo Deo nostro, in saecula saeculórum, Amen.

Hoc Capitulum dicatur omnibus Dominicis, quando de Dominica agitur.

Hymnus.

**E**CCE jam noctis tenuatur umbra,  
Lucis auróra rútilans corúscat :

Nísibus totis rogitémus omnes Cunctipoténtem.

Ut Deus noster miserátus, omnem Pellat languórem, tríbuat salútem,

Donet et nobis, pietáte Patris, Regna polórum.

Praestet hoc nobis Déitas. etc. ut supra, pag. 171.

V. Dóminus regnávit. R. Decórem índuit.

Hic V. dicatur in Dom. usque ad Adventum, quando de Dom. agitur.

Ad Benedíctus, Añ. Quis ex vobis homo, qui habet centum oves : et si perdíderit unam ex illis, nonne dimíttit nonagínta novem in desérto, et vadit ad illam, quae perierat, donec invéniat illam? allelúia. Cant. Benedíctus. p. 124.

Oratio. Protéctor. etc. ut supra, pag. 167.

De Mem. B. M. V. in Laudibus et ij. Vesperis facienda, quando fit de Dom. vide Rubr.

§ xxxij. num. 8.

Postea legatur Lectio de Martyrologio : qua lecta, et responso Deo grátias. dicatur Pretiósá hoc modo.

V. Pretiósá est in conspéctu Dómini. R. Mors sanctórum ejus.

Oratio absque Orémus.

**S**ANCTA María, et omnes Sancti intercédant pro nobis ad Dóminum : ut mereámur adjuvári ab eo, qui vivit et regnat per ómnia saecula saeculórum. R. Amen.

V. Deus in adjutórium meum inténde. quod ter dicatur cum R. Dómine ad adjuvándum me festína.

Deinde Glória Patri. et Sicut erat. Kyrie eléison. Christe eléison. Kyrie eléison. Pater noster. V. Et ne nos. etc. R. Sed líbera.

V. Réspice Dómine in servos tuos, et in ópera tua, et dírige fílios eórum. R. Et sit splendor Dómini Dei nostri super nos, et ópera mánuum nostrárum dírige super nos : et opus mánuum nostrárum dírige.

Oratio absque Orémus.

**D**IRIGERÉ et sanctificáre dignéris, Dómine sancte, Pater omnipotens, aetérne Deus, hódie corda et córpora nostra in lege tua, et in opéribus mandatórum tuórum; ut hic et in aetérnum, te auxiliánte, semper salvi esse mereámur. Per Christum.

R. Amen.

Postea dicto V. Jube domne benedícere. detur Benedíctio. Divínium auxílium máneat semper nobíscum. R. Amen.

Deinde dicatur

Secúndum Lucam. *Cap. 15.*

**I**N illo témpore : Erant appropinquántes ad Jesum publicáni, et peccatóres, ut audírent illum. Tu autem Dómine miserére nostri. *R. Deo grátias.*

De Evang. occurrente legendum est omnibus diebus Dom. et festis Simplicibus, et supra, et in die octava Octavae Simplicis, non vero infra Octavam Simplicem : et quotidie infra Octavas Solemnes et Solemnissimas, et in die Animarum. Et in omni praedicto tempore semper legatur de Evang. festi, nisi aliquando occurrat legi Homilia alterius Evangelii, quam festi de quo agitur : tunc enim in Pretiósá legetur illud Evang. quod lectum est in Matutinis. Ceteris vero diebus legendum est de Constitutionibus. Fratres tamen, qui extra chorum sunt, si Evang. in promptu non habeant, dicant : Secúndum Joánnem. *Cap. 1.*

**I**N princípio erat Verbum, et Verbum erat apud Deum, et Deus erat Verbum. Hoc erat in princípio apud Deum. Omnia per ipsum facta sunt : et sine ipso factum est nihil. Tu autem.

Finita Lectione sequitur : Commemoratio fratrum, sororum, familiarium, benefactorum defunctorum Ordinis nostri.

Quo dicto, dicat qui praeest *V. Requiéscant in pace. R. Amen.*

Deinde sequitur Psalm. 116. Laudáte Dóminum omnes gentes. pag. 92. Glória Patri. Sicut erat.

Deinde *V. Osténde nobis, Dómine, misericórdiam tuam. R. Et salutáre tuum da nobis. Dóminus vobíscum.*

Orémus.

**A**CTIONES nostras, quae sumus Dómine, aspirándo praeveni, et adjuvándo prosequere : ut cuncta nostra operatio a te semper incípiat ; et per te coepta finiátur. Per Christum. *R. Amen.*

Postea dicitur *V. Adjutórium nostrum in nómine Dómini. etc.*

Fidélium ánimae. et reliqua, ut supra dictum est.

Quando Matutinae in sero dicuntur, tunc Pretiósá reservetur in crastinum, et dicatur immediate post Primam.

Si in Lectione Martyrologii, post Lectionem Evangelii, vel Constitutionum, recitatus fuerit obitus alicujus Magistri Generalis, immediate post *V. Fidélium.* dicatur pro ejus anima Psalmus De profúndis. pag. 105 cum Réquiem. et in fine *V. A porta ínferi. Dóminus vobíscum. Oratio. Deus, qui inter apostólicos. ut habetur in Officio Defunctorum. Postea dic. V. Requiéscant in pace. R. Amen.*

## AD PRIMAM.

Dicto secreto **Pater noster.**  
et **Credo.** statim inchoetur  
**V. Deus in adiutorium. etc.**

Et sic ad alias Horas diei :  
nisi quod **Credo.** aliis Horis  
non praemittitur.

## Hymnus.

**J**AM lucis orto siedere,  
Deum precemur supplices,

Ut in diurnis actibus  
Nos servet a nocentibus.

Linguam refrénans tēperet,

Ne litis horror insonet :  
Visum fovendo cōtegat,  
Ne vanitátes háuriat.

Sint pura cordis íntima,  
Absístat et vecórdia :  
Carnis terat supérbiam,  
Potus cibique párcitas.

Ut cum dies abscésserit,  
Noctémque sors redúxerit,  
Mundi per abstinéntiam,  
Ipsi canámus glóriam.

Deo Patri sit glória,  
Ejúsque soli Fílio,  
Cum Spíritu Paráclito,  
Et nunc, et in perpétuum.

**Amén.**

Praediçtus Hymnus dicatur per totum annum ad Primam, nisi ubi aliter est signatum.

Psalm. 53. **Deus in nómine tuo.** pag. 93.

Psalm. 118. **Beáti immaculáti.** pag. 94.

Psalm. **Retribue servo tuo.** ibid.

Symbolum. **Quicumque.** pag. 125.

Psalmi isti, et sequentium Hor. quotidie dicantur, singuli cum **Glória Patri.** nisi aliter signetur. Similiter Symbolum **Quicumque.** cum **Glória Patri.** dicatur in festo Trinitatis, et in omni Dominica, nisi festum Totum Duplex in ea evenierit.

Añae ponuntur per extensum in Psalterio post Psalmos cujuslibet Horae diei pro temporis et Officii varietate.

Postea dicatur

Capitulum. **I. Tim. I.**

**R**EGI saeculorum immortalí, et invisíbili, soli Deo honor, et glória in saecula saeculorum. Amen.

**R.** Jesu Christe Fili Dei viví,  
\* Miserére nobis. **Jesu. V.** Qui sedes ad dexteram Patris. Miserére. **Glória Patri. Jesu.**

**V.** Exsúrge Dómine, ádjuva nos. **R.** Et libera nos propter nomen tuum.

Capitulum. **Regi saeculorum.** dicatur ad Primam omnibus Dominicis, et festis, etiam trium Lectionum, et per omnes Octavas, nisi in die Animarum.

**R.** **Jesu Christe.** ac etiam **V.** **Exsúrge.** quotidie dicatur, nisi in die Animarum. **V.** **Qui sedes.** semper dic. nisi alius **V.** sit notatus.

Deinde dicatur **Confíteor.** et **Misereátur.** sicut supra de Completorio dictum est. **Confíteor.** in Prima semper dicatur.



Deinde dicatur Dóminus vobíscum.

Orémus.

**I**N hac hora hujus diéi tua nos, Dómine, reple misericórdia; ut per totum diem exsultantes, in tuis láudibus júgiter delectémur. Per Dóminum.

Dóminus vobíscum. Benedicámus Dómino.

Oratio. In hac hora. semper dicatur, quando dicitur Capit. Regi saeculórum.

Ad Tertiam autem, Sextam, et Nonam, dicatur Oratio Dominicae, vel festi, de quo agitur.

AD TERTIAM.

Hymnus.

**D**UNC sancte nobis Spíritus,  
Unum Patri cum Fílio,  
Dignáre promptus íngeri,  
Nostro refúsus péctori.

Os, lingua, mens, sensus,  
vigor

Confessióem pérsonent :  
Flamméscat igne caritas,  
Accéndat ardor próximos.

Praesta Pater piíssime,  
Patrique compar Unice,  
Cum Spíritu Paráclito,  
Regnans per omne saeculum.

Amen.

Psalmi et Añae, ut in Psalterio, pag. 95.

Capitulum. 1. Joan. 4.

**D**EUS caritas est : et qui manet in caritáte, in Deo manet, et Deus in eo.

R̃. Inclína cor meum Deus  
\* In testimónia tua. Inclína.

Ṽ. Avérte óculos meos ne vídeant vanitátem : in via tua vivífica me. In testimónia. Glória Patri. Inclína.

Ṽ. Adjútor meus esto Dómine : ne derelínquas me. R̃. Neque despicias me Deus salutáris meus.

AD SEXTAM.

Hymnus.

**R**ECTOR potens, verax  
Deus,

Qui témperas rerum vices,  
Splendóre mane ínstruis,  
Et ígnibus merídiem :

Exstíngue flammás lítium,  
Aufer calórem nóxium,  
Confer salútem córporum,  
Verámque pacem córdium.

Praesta Pater piíssime. etc.

Psalmi et Añae, ut in Psalterio, pag. 97.

Capitulum. 2. Cor. 13.

**G**RATIA Dómini nostri  
A Jesu Christi, et caritas  
Dei, et comunicatio sancti  
Spíritus sit semper cum ómnibus vobis. Amen.

R̃. In aetérnum Dómine,  
\* Pérmanet verbum tuum. In aetérnum. Ṽ. In caelo, et in saeculum saeculi véritas tua Pérmanet. Glória Patri. In.

Ṽ. Dóminus regit me, et nihil mihi déerit. R̃. In loco páscae ibi me collocávit.

AD NONAM.

Hymnus.

**R**ERUM Deus tenax vigor,  
Immótus in te pérmanens,

Lucis diúrnae témpora  
Succéssibus detérminans :

Largíre clarum vésperé,  
Quo víta nusquam décidat :  
Sed praemium mortis sacrae  
Perénis instet glória.

Praesta Pater piíssime. etc.  
Psalmi et Añae, ut in Psalterio, pag. 99.

Capitulum. 1. *Joan.* 5.

**T**RES sunt, qui testimónium dant in caelo : Pater, Verbum, et Spíritus sanctus : et hi tres unum sunt.

R. Clamávi in toto corde,  
\* Exáudi me Dómine. Clamávi.  
V. Justificatiónes tuas requíram. Exáudi. Glória Patri. Clamávi.

V. Ab occúltis meis munda me Dómine. R. Et ab aliénis parce servo tuo.

Praedići tres Hymni ad Tertiam, Sextam, et Nonam semper dicantur, nisi in die Animarum : Psalmi vero quotidie dicantur. Capitulum quoque, et R. R. Horarum dicenda sunt omnibus Dominicis, usque ad Adventum, quando de Dominica agitur.

#### AD VESPERAS.

Psalmi et Añae in hac Dominica, et omnibus aliis per totum annum in Vesperis, cum de Tempore agitur, dicendi, ponuntur per extensum in Psalterio, pag. 89.

In reliquis vero festis, tam de Tempore, quam de Sanctis, semper in ij. Vesperis dicenda

est super Psalmos Añae j. Laudum.

Capitulum. 2. *Thess.* 3.



**D**OMINUS dírigat  
corda et córpora nostra  
in caritáte Dei,  
et patiéntia Christi.

Hymnus.

**L**UCIS Créator óptime,  
Lucem diérum próferens,  
Primórdiis lucis novae  
Mundi parans oríginem :

Qui mane junctum vésperi  
Diem vocári praecipis :  
Tetrum chaos illábitur,  
Audi preces cum flétibus.

Ne mens graváta crímine  
Vitae sit exsul múnere :  
Dum nil perénne cógitat,  
Seséque culpis illigat.

Caelórum pulset íntimum,  
Vitále tollat praemium :  
Vitémus omne nóxium,  
Purgémus omne péssimum.

Praesta Pater piíssime. etc.  
V. Dirigátur Dómine orátio  
mea. R. Sicut incénsum in  
conspéctu tuo.

Ad Magnificat, Añae. Quae  
múlter habens drachmas decem,  
et si perdíderit drachmam unam,  
nonne accéndit lucérnam,  
et evértit domum,  
et quaerit diligénter, donec invéniat?

Capitulum Dóminus dírigat. item Hymnus Lucis Créator. et V. dicantur omnibus Dominicis in ij. Vesperis, et per Ferias, quando de Tempore agitur.

Completorium more solito dicatur, et post Añam Salvam **nos.** in Dom. non dicantur Preces.

Tempus, et modus, quo in choro post Completorium dicendae sunt Litaniae SS. dictum est in Rubr. Gen. §xxviiij. Litaniae vero cum Ps. 69. ponuntur post Commune Sanctorum.

Finitis Litanis Sanctorum, si illa die fit de Feria, fratres prostrati dicant, **Confíteor Deo.** etc. et Hebdomadarius subjungat : **Misereátur vestri.** etc. responsoque **Amen.** dicatur Psalm. 50. **Miserére mei Deus.** pag. 40. Qui cum dicitur, detur fratribus ab Hebdomadario disciplina, quam etiam a Praelato ipse postea recipiat.

Deinde Kyrie eléison. Christe eléison. Kyrie eléison. Pater noster. Et ne nos indúcas. etc.

℣. Salvos fac servos tuos. R. Deus meus sperantes in te. Dóminus vobíscum.

Oratio.

**D**EUS, cui próprium est miseréri semper, et párcere, súscipe deprecationem nostram : ut quos delictórum caténa constríngit, miserátio tuae pietátis cleménter absolvat. Per Christum.

Circa prostrationes super formas, quando sunt faciendae, et quibus diebus intermittendae, dicitur pariter in iisdem Rubricis Generalibus.

## FERIA SECUNDA.

AD MATUTINUM.

Invitat. Psalmi, Añae et ℣. ponuntur in Psalterio, pag. 21.

De libro primo Regum.

Lectio j.

Cap. i.



**C** factum est post circulum diérum, concépit Anna, et péperit fílium, vocavítque nomen ejus Sámuel : eo quod a Dómino postuláset eum. Ascéndit autem vir ejus Elcana, et omnis domus ejus, ut immoláret Dómino hóstiám solémnem, et votum suum, et Anna non ascéndit : dixit enim viro suo : Non vadam, donec ablaçtétur infans, et ducam eum, ut appáreat ante conspéctum Dómini, et máneat ibi júgiter.

R. Quam magna multitúdo dulcédinis tuae Dómine, \* Quam abscondísti timéntibus te. ℣. Et perfecísti eis, qui sperant in te Dómine, in conspéctu filiórum hóminum. Quam abscondísti.

Lectio ij.

**E**T ait ei Elcana vir suus : Fac quod bonum tibi vidétur, et mane donec abláctes eum : precórque ut ímpleat Dóminus verbum suum. Mansit ergo múlter, et lactávit fílium suum, donec amovéret eum a lacte. Et addúxit eum secum, postquam ablaçtáverat, in vítulis tribus, et tribus módiis farínae, et ámphora vini,

et addúxit eum ad domum Dómini in Silo.

R̃. Benedícam Dóminum in omni témpore : \* Semper laus ejus in ore meo. Ṽ. In Dómino laudábitur ánima mea : áudiant mansuétí, et laeténtur. Semper.

Lectio iij.

**P**UER autem erat adhuc infántulus : et immolavérunt vítulum, et obtulérunt púerum Heli. Et ait Anna : Obsecro mi dómine, vivit ánima tua dómine : ego sum illa múlter, quae steti coram te hic orans Dóminum. Pro púero isto orávi, et dedit mihi Dóminus petitióem meam, quam postulávi eum. Idcirco et ego commodávi eum Dómino cunctis diébus, quibus fúerit commodátus Dómino.

R̃. Delectáre in Dómino : \* Et dabit tibi petitióes cordis tui. Ṽ. Spera in Dómino, et fac bonitátem : et inhábita terram, et pascéris in divítiis ejus. Et dabit. Glória Patri. Et.

Ante Laudes, Ṽ. Fiat misericórdia tua, Dómine, super nos. R̃. Quemádmódum sperávimus in te.

IN LAUDIBUS.

Psalmi et Añae sicut in Psalterio, pag. 31.

Capitulum. *Rom. 13.*



**I**UXTA praecéssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Ṽ. In matutínis, Dómine, meditábor in te. R̃. Quia fuísti adjútor meus.

Ṽ. ante Laudes, Fiat misericórdia. Capit. Nox praecéssit. et Ṽ. In matutínis. dicantur quoties de Feria agitur.

Ad Benedíctus, Añá. Benedíctus Dóminus Deus Israël.

Dicta hac Añá, subjungatur Kyrie eléison. Christe eléison. Kyrie eléison. Pater noster. Et ne nos. Dóminus vobíscum. Deinde Oratio.

Hoc modo dicantur Preces ad Laudes, Tertiam, Sextam, et Nonam, et ad Vesperas cum de Feria agitur. Fiuntque prostrationes. Quando autem ad Nonam Preces et prostrationes intermitteri debeant, dicitur in Rubricis Generalibus §. xxxix. num. 3.

Dicatur postea Pretiósá, prout in Dominica dictum est : excepto quod dicto Jube domne. datur Benedíctio : Reguláribus disciplínis ínstruat nos magíster caeléstis. R̃. Amen.

Et loco Lectionis de Evangelio, legendum est :

Incípiunt Constitutióes Ordinis Fratrum Praedicatorum.



**U**ONIAM ex praecépto Régulae jubémur habére cor unum, et ánimam unam in Dómino : justum est ut qui sub una Régula, et unús professionis voto vívimus, unifórmes in observántiis canónicae religiógis inveniámur. Tu autem.

## AD PRIMAM.

Psalmi et Añae Horarum ut in Psalterio, pag. 93.

Capitulum. *Zach. 8.*

**P**ACEM, et veritatem diligite, ait Dominus omnipotens.

R̃. Jesu Christe Fili Dei. etc. prout supra, pag. 179.

Deinde dicantur Preces hoc modo : Kyrie eléison. Christe eléison. Kyrie eléison. Pater noster. Et ne nos inducas. etc.

Ṽ. Vivet ánima mea, et laudábit te. R̃. Et judícia tua adjuvábunt me.

Ṽ. Errávi sicut ovis, quae périit. R̃. Quaere servum tuum Dómine, quia mandáta tua non sum oblítus.

Credo in Deum. Carnis resurrectionem. R̃. Vitam aeternam. Amen.

Deinde Confíteor. et Miseréatur.

Ṽ. Dignáre Dómine die isto. R̃. Sine peccáto nos custodíre.

Dóminus vobíscum.

Oratio.

**D**OMINE Deus omnipotens, qui ad princípium hujus diéi nos pervenire fecisti; tua nos hódie salva virtute: ut in hac die ad nullum declinémus peccátum; sed semper ad tuam justítiam faciendam nostra procédant elóquia, dirigántur cogitationes, et ópera. Per Dóminum.

Cetera, ut supra in Dom. est notatum.

Capit. Pacem. et Oratio Dómine Deus. dicantur ad Primam omnibus diebus, quando fit Officium de Feria. Preces dicantur ad Primam quotidie, exceptis diebus expressis supra in Rubr. Gen. §. ult.

## AD TERTIAM.

Capitulum. *Fer. 17.*

**S**ANA me Dómine, et sanabor : salvum me fac, et salvus ero : quóniam laus mea tu es.

R̃. Sana ánimam meam, \* Quia peccávi tibi. Sana ánimam. Ṽ. Ego dixi : Dómine miserére mei. Quia. Glória Patri. Sana.

Ṽ. Adjutor meus esto Dómine : ne derelínquas me. R̃. Neque despicias me Deus salutáris meus.

## AD SEXTAM.

Capitulum. *Gal. 6.*

**A**LTER altérius ónera portáte, et sic adimplébitis legem Christi.

R̃. Benedícam Dóminum \* In omni témpore. Benedícam. Ṽ. Semper laus ejus in ore meo. In omni. Glória Patri. Benedícam.

Ṽ. Dóminus regit me, et nihil mihi déerit. R̃. In loco páscuae ibi me collocávit.

## AD NONAM.

Capitulum. *1. Cor. 6.*

**E**MPTI estis pretio magno: glorificáte, et portáte Deum in corpore vestro.

R̃. Rédime me Dómine,\* Et miserere mei. Rédime. Ṽ. Pes enim meus stetit in via recta : in ecclésiis benedícam te Dómine. Et. Glória Patri. Rédime.

Ṽ. Ab occúltis meis munda me Dómine. R̃. Et ab aliénis parce servo tuo.

Praediéta Capitula, R̃R̃. et ṼṼ. dicantur ferialibus diebus usque ad Dominicam primam Adventus.

Ad Vesperas, Psalmi et Añae ut in Psalterio, pag. 91.

### FERIA TERTIA.

Ad Matutinum, Invitatorium, Psalmi, Añae et Ṽ. ut in Psalterio, pag. 32.

De libro primo Regum.

Lectio j.

Cap. 2.



**O**RRO filii Heli, filii Béliá, nescientes Dóminum, neque officium sacerdótum ad pópulum : sed quicumque immoláset víctimam, veniebat puer sacerdótis, dum coquerentur carnes, et habebat fuscínulam tridentem in manu sua, et mittebat eam in lebétem, vel in caldáriam, aut in ollam, sive in cácabum : et omne, quod levábat fuscínula, tollébat sacerdos sibi.

R̃. Auribus pércipe Dómine lácrymas meas : ne síleas a me, remítte mihi : \* Quóniam íncola ego sum apud te, et peregrínus. Ṽ. Dixi : Custódiam vias meas : ut non delínquam in lingua mea. Quóniam.

Lectio ij.

**S**IC faciébant univérso Israéli veniéntium in Silo. Etiam ántequam adolérant ádipem, veniebat puer sacerdótis, et dicebat immolánti : Da mihi carnem, ut coquam sacerdóti : non enim accípiam a te carnem coctam, sed crudam. Dicebátque illi ímmolans : Incendátur primum juxta morem hódie adeps, et tolle tibi quantumcúmque desíderat ánima tua.

R̃. Státuit Dóminus super petram pedes meos : et diréxit gressus meos Deus meus : \* Et immísit in os meum cánticum novum. Ṽ. Exspéctans exspéctávi Dóminum, et respéxit me. Et immísit.

Lectio iij.

**Q**UI respóndens aiébat ei : Nequáquam : nunc enim dabis, alióquin tollam vi. Erat ergo peccátum puerórum grande nimis coram Dómino : quia retrahébant hómines a sacrificio Dómini. Sámuel autem ministrábat ante fáciem Dómini, puer, accínctus ephod líneo. Et túnica parvam faciébat ei mater sua, quam afferébat státútis diébus, ascéndens cum viro suo, ut immoláret hóstiam solémnem.

R̃. Ego dixi : Dómine misere mei : \* Sana ánimam meam, quia peccávi tibi. Ṽ. Dómine ne in ira tua árguas me, neque in furóre tuo corrípias

me. Sana. Glória Patri. Sana ánimam.

In Laudibus, Psalmi et Añae sicut in Psalterio, pag. 41.

Ad Vesperas, Psalmi et Añae ut in Psalterio, pag. 102.

### FERIA QUARTA.

Ad Matutinum, Invitatorium, Psalmi, Añae et V. ut in Psalterio, pag. 42.

De libro primo Regum.

Lectio j.

Cap. 3.



UER autem Sámuel ministrábat Dómino coram Heli, et sermo Dómini erat pretíus in diébus illis, non erat visio manífesta. Factum est ergo in dié quadam, Heli jacébat in loco suo, et óculi ejus caligáverant, nec póterat vidére : lucérna Dei ántequam exstinguerétur, Sámuel dormiébat in templo Dómini, ubi erat arca Dei. Et vocávit Dóminus Sámuel. Qui respóndens, ait : Ecce ego.

R. Ne perdíderis me, Dómine, cum iniquitatibus meis : \* Neque in finem irátus resérves mala mea. V. Miserére mei Deus, miserére mei : quóniam in te confídit ánima mea. Neque.

Lectio ij.

ET cucúrrit ad Heli, et dixit : Ecce ego : vocásti enim me. Qui dixit : Non vocávi : revértere, et dormi. Et ábiit, et dormívit. Et adjécit

Dóminus rursum vocáre Samuélem. Consurgénsque Sámuel, ábiit ad Heli, et dixit : Ecce ego : quia vocásti me. Qui respóndit : Non vocávi te fili mi : revértere et dormi. Porro Sámuel necdum sciébat Dóminum, neque revelátus fúerat ei sermo Dómini.

R. Parátum cor meum Deus, parátum cor meum : \* Cantábo, et psalmum dicam Dómino. V. Exsúrge glória mea, exsúrge psaltérium et cíthara : exsúrgam dilúculo. Cantábo.

Lectio iij.

ET adjécit Dóminus, et vocávit adhuc Samuélem tértio. Qui consurgens ábiit ad Heli, et ait : Ecce ego : quia vocásti me. Intelléxit ergo Heli quia Dóminus vocáret púerum : et ait ad Samuélem : Vade, et dormi : et si deinceps vocáverit te, dices : Lóquere Dómine, quia audit servus tuus. Abiit ergo Sámuel, et dormívit in loco suo. Et venit Dóminus, et stetit : et vocávit, sicut vocáverat secúndo, Sámuel, Sámuel.

R. Adjútor meus tibi psallam, quia Deus suscéptor meus es : \* Deus meus misericórdia mea. V. Eripe me de inimícis meis Deus meus : et ab insurgéntibus in me líbera me. Deus meus. Glória Patri. Deus meus.

In Laudibus, Psalmi et Añae ut in Psalterio, pag. 52.

Ad Vesperas, Psalmi et Añae  
ut in Psalterio, pag. 104.

### FERIA QUINTA.

Ad Matutinum, Invitatorium, Psalmi, Añae et V. ut in Psalterio, pag. 52.

De libro primo Regum.

Lectio j. *Cap. 3.*



**E**T dixit Dóminus ad Samuélem : Ecce ego fácio verbum in Is-raël : quod quicum-que audierit, tinnient ambae aures ejus. In die illa suscitábo advérsus Heli ómnia quae locútus sum super domum ejus : incípíam, et complébo. Praedíxi enim ei quod judicatúrus essem domum ejus in aetérnum, propter iniquitátem, eo quod nóverat indígne ágere fílios suos, et non corripúerit eos.

R7. Deus in te sperávi, Dómine non confúndar in aetérnum : in tua justítia \* Líbera me, et éripe me. V. Esto mihi in Deum protectórem, et in locum munítum : ut salvum me fácias. Líbera.

Lectio ij.

**I**DCIRCO jurávi dómui Heli quod non expiétur iníquitas domus ejus víctimis et munéribus usque in aetérnum. Dormívit autem Sámuel usque mane, aperuítque óstia domus Dómini. Et Sámuel timébat indicáre visiónem Heli. Vocávit ergo Heli Samué-

lem, et dixit : Sámuel fili mi? Qui respóndens ait : Praesto sum.

R7. Repleátur os meum laude, ut hymnum dicam gló-riae tuae, tota die magnificén-tiae tuae. Noli me projícere in témpore senectútis : cum defé-cerit virtus mea, \* Deus ne derelínquas me. V. Deus ne elon-géris a me : Deus meus in au-xílium meum réspice. Deus.

Lectio iij.

**E**T interrogávit eum : Quis est sermo, quem locútus est Dóminus ad te? oro te ne celávèris me. Haec fácíat tibi Deus, et haec addat, si abscón-deris a me sermónem ex ómni-bus verbis, quae dicta sunt tibi. Indicávit itaque ei Sámuel uni-vérsos sermónes, et non abscón-dit ab eo. Et ille respóndit : Dóminus est : quod bonum est in óculis suis fácíat.

R7. Gaudébunt lábia mea dum cantávero tibi : \* Et áni-ma mea, quam redemísti Dómine. V. Sed et lingua mea meditábitur justítiam tuam, tota die laudem tuam. Et. Gló-ria Patri. Et.

In Laudibus, Psalmi et Añae  
ut in Psalterio, pag. 64.

Ad Vesperas, Psalmi et Añae  
ut in Psalterio, pag. 105.

### FERIA SEXTA.

Ad Matutinum, Invitatorium, Psalmi, Añae et V. prout in Psalterio, pag. 64.



De libro primo Regum.

Lectio j.

Cap. 4.



**E**T factum est in diebus illis, convenérunt Philísthiim in pugnam : et egréssus est Israël óbviā Philísthiim in proelium, et castrametátus est juxta Lápidem adjutórii. Porro Philísthiim venérunt in Aphec, et instruxérunt áciem contra Israël. Inito autem certámine, terga vertit Israël Philisthaeis : et caesa sunt in illo certámine passim per agros, quasi quátuor míllia virórum.

R̃. Confitébor tibi Dómine Deus in toto corde meo, et honorificábo nomen tuum in aetérnum : \* Quia misericórdia tua, Dómine, magna est super me. Ṽ. Et eripuísti ánimam meam ex inférno inferióri. Quia.

Lectio ij.

**E**T revérsus est pópulus ad castra : dixerúntque majóres nati de Israël : Quare percússit nos Dóminus hódie coram Philísthiim? Afferámus ad nos de Silo arcam foederis Dómini, et véniat in médium nostri, ut salvet nos de manu inimicórum nostrórum. Misit ergo pópulus in Silo, et tulérunt inde arcam foederis Dómini exercítuum sedéntis super Chérubim.

R̃. Misericórdia tua, Dómine, magna est super me : \* Et

liberásti ánimam meam ex inférno inferióri. Ṽ. Deus, iníqui insurrexérunt in me, et fortes quaesiérunt ánimam meam. Et liberásti.

Lectio iij.

**E**RANTQUE duo filii Heli cum arca foederis Dei, Ophni et Phínees. Cumque venísset arca foederis Dómini in castra, vociferátus est omnis Israël clamóre grandi, et persónuit terra. Et audiérunt Philísthiim vocem clamóris, dixerúntque: Quāenam est haec vox clamóris magni in castris Hebraeórum? Et cognovérunt quod arca Dómini venísset in castra.

R̃. Factus est mihi Dóminus in refúgium : et Deus meus \* In auxílium spei meae. Ṽ. Deus ultiónum Dóminus : Deus ultiónum líbere egit. In auxílium. Glória Patri. In.

In Laudibus, Psalmi et Añae ut in Psalterio, pag. 76.

Ad Vesperas, Psalmi et Añae prout in Psalterio, pag. 109.

### SABBATO.

Ad Matutinum, Invitatorium, Psalmi, Añae et Ṽ. ut in Psalterio, pag. 76.

De libro primo Regum.

Lectio j.

Cap. 4.



**E**URRENS autem vir de Bénjamin ex ácie, venit in Silo in die illa, scissa veste, et conspérsus púlvere caput.

Cumque ille venisset, Heli sedebat super sellam contra viam spectans. Erat enim cor ejus pavens pro arca Dei. Vir autem ille postquam ingressus est, nuntiavit urbi : et ululavit omnis civitas. Et audivit Heli sonitum clamoris, dixitque : Quis est hic sonitus tumultus hujus? At ille festinavit, et venit, et nuntiavit Heli.

R̃. Misericordiam et iudicium cantabo tibi Dómine : \* Psallam, et intelligam in via immaculata, quando venies ad me. V. Perambulabam in innocentia cordis mei, in medio domus meae. Psallam.

## Lectio ij.

**H**ELI autem erat nonaginta et octo annorum, et oculi ejus caligaverant, et videre non poterat. Et dixit ad Heli : Ego sum qui veni de proelio, et ego qui de acie fugi hodie. Cui ille ait : Quid actum est fili mi? Respondens autem ille, qui nuntiabat, Fugit, inquit, Israël coram Philístiim, et ruina magna facta est in populo : insuper et duo filii tui mortui sunt, Ophni et Phinees : et arca Dei capta est.

R̃. Dómine exaudi orationem meam : et clamor meus ad te perveniat : \* Quia non spernis Deus preces pauperum. V. De profundis clamavi ad te Dómine : Dómine exaudi vocem meam. Quia non.

## Lectio iij.

**C**UMQUE ille nominasset arcam Dei, cecidit de sella retrorsum juxta ostium, et fractis cervicibus mortuus est. Senex enim erat vir et grandaevus : et ipse judicavit Israël quadraginta annis. Nurus autem ejus, uxor Phinees, praegnans erat, vicinaque partui : et audito nuntio quod capta esset arca Dei, et mortuus esset socer suus, et vir suus, incurvavit se et peperit.

R̃. Velociter exaudi me, Dómine : \* Quia defecerunt sicut fumus dies mei. V. Dies mei sicut umbra declinaverunt : et ego sicut foenum arui. Quia. Glória Patri. Quia.

In Laudibus, Psalmi et Añae ut in Psalterio, pag. 88.

Ordo praecedentis Hebd. in Invitatorio, Hymnis, Psalmis, Añis, VV. R̃R̃. et Capitulis servandus est, quando de Feria agitur.

## AD VESPERAS.

Psalmi et Añae ut in Psalterio, pag. 112.

Ad Magnificat, Aña. Cognoverunt omnes a Dan usque Bersabée, quod fidelis Samuel propheta esset Dómini.

Orationes cum Añis ad Benedictus et Magnificat dicendae tam in hac Dominica sequenti, quam et successive in omnibus aliis, quotquot hic post Octavam Trinitatis notantur, ponuntur inferius ad calcem Hebd. v. Novemb. una

cum Lectionibus et Homilia  
pro ij. et iij. Noct. cuilibet  
Dom. designatis.

**DOMINICA II.**  
**post Octavam Trinitatis.**

In primo Nocturno.

De libro primo Regum.

Lectio j.

Cap. 7.



**V**ENERUNT ergo  
viri Cariathiarim, et  
reducerunt arcam  
Dómini, et intulerunt  
eam in domum Abinadab  
in Gábaa : Eleazarum autem  
filium ejus sanctificaverunt, ut  
custodiret arcam Dómini. Et  
factum est, ex qua die mansit  
arca Dómini in Cariathiarim,  
multiplicati sunt dies (erat  
quippe jam annus vigésimus)  
et requievit omnis domus Is-  
raël post Dóminum.

Lectio ij.

**H**IT autem Sámuel ad uni-  
versam domum Israël,  
dicens : Si in toto corde vestro  
revertimini ad Dóminum, au-  
ferite deos alienos de medio  
vestri, Báalim et Astaroth : et  
praeparate corda vestra Dómi-  
no, et servite ei soli, et eruet  
vos de manu Philisthiim. Abs-  
tulerunt ergo filii Israël Báa-  
lim et Astaroth, et serviérunt  
Dómino soli.

Lectio iij.

**D**IXIT autem Sámuel :  
Congregate universum  
Israël in Masphath, ut orem

pro vobis Dóminum. Et con-  
venérunt in Masphath : hause-  
runtque aquam, et effuderunt  
in conspectu Dómini, et jeju-  
naverunt in die illa, atque dixé-  
runt ibi : Peccávimus Dómino.  
Judicavitque Sámuel filios Is-  
raël in Masphath. Et audiérunt  
Philisthiim quod congregati  
essent filii Israël in Masphath,  
et ascenderunt sátrapae Phili-  
sthinórum ad Israël.

**FERIA SECUNDA.**

De libro primo Regum.

Lectio j.

Cap. 8.



**C**UM senuisset Sá-  
muel, posuit filios  
suos júdices Israël.  
Fuitque nomen filii  
ejus primogéniti Joël : et no-  
men secúndi Abía, júdicum in  
Bersabée. Et non ambulavé-  
runt filii illius in viis ejus : sed  
declinaverunt post avarítiam,  
acceperuntque múnera, et per-  
vertérunt júdicium. Congregati  
ergo universi majóres natu Is-  
raël, venérunt ad Samuélem in  
Rámatha. Dixeruntque ei :  
Ecce tu senuisti, et filii tui  
non ámbulant in viis tuis :  
constitue nobis regem, ut júdi-  
cet nos, sicut et universae ha-  
bent natiónes.

Lectio ij.

**D**ISPLICUIT sermo in  
óculis Samuélis, eo quod  
dixissent : Da nobis regem, ut  
júdicet nos. Et orávit Sámuel  
ad Dóminum. Dixit autem

Dóminus ad Samuélem : Audi vocem pópuli in ómnibus quae loquúntur tibi : non enim te abjecérunt, sed me, ne regnem super eos.

Lectio iij.

**I**UXTA ómnia ópera sua, quae fecérunt a die qua edúxi eos de Ægypto usque ad diem hanc : sicut dereliquérunt me, et serviérunt diis aliénis, sic fáciunt étiam tibi. Nunc ergo vocem eórum audi : verúm tamen contestáre eos, et praedic eis jus regis, qui regnatúrus est super eos. Dixit itaque Sámuel ómnia verba Dómini ad pópulum, qui petíerat a se regem.

### FERIA TERTIA.

De libro primo Regum.

Lectio j.

Cap. 8.

**A**OLUIT autem pópulus audíre vocem Samuélis, sed dixerunt : Nequáquam : rex enim erit super nos, et érimus nos quoque sicut omnes gentes : et iudicábit nos rex noster, et egrediétur ante nos, et pugnábit bella nostra pro nobis. Et audívit Sámuel ómnia verba pópuli, et locútus est ea in áuribus Dómini.

Lectio ij.

Cap. 8. et 9.

**D**IXIT autem Dóminus ad Samuélem : Audi vocem eórum, et constítue super eos regem. Et ait Sámuel ad viros Israél : Vadat unusquisque in

civitátem suam. Et erat vir de Bénjamin nómine Cis, fílius Abiel, fílii Seror, fílii Bécho-rath, fílii Aphía, fílii viri Jémini, fortis róbores. Et erat ei fílius vocábulo Saul, eléctus et bonus : et non erat vir de fíliis Israél mélior illo. Ab húmulo et sursum eminébat super omnem pópulum.

Lectio iij.

**P**ERIERANT autem ásinae Cis patris Saul : et dixit Cis ad Saul fílium suum : Tolle tecum unum de púeris, et consúrgens vade, et quaere ásinas. Qui cum transíissent per montem Ephraim, et per terram Salísa, et non invenís-sent, transiérunt étiam per terram Salim, et non erant : sed et per terram Jémini, et mínime reperérunt.

### FERIA QUARTA.

De libro primo Regum.

Lectio j.

Cap. 9.

**A**CCESSIT autem Saul ad Samuélem in médio portae, et ait : Indica, oro, mihi, ubi est domus Vidéntis. Et respóndit Sámuel Saúli dicens : Ego sum Videns : ascénde ante me in excélsu, ut comedátis mecum hódie, et dimíttam te mane : et ómnia, quae sunt in corde tuo, indicábo tibi. Et de ásinis, quas nudiustér-tius perdidísti, ne sollícitus sis, quia invéntae sunt. Et

cujus erunt óptima quaeque Israël? nonne tibi et omni dómui patris tui?

Lectio ij.

**R**ESPONDENS autem Saul, ait : Numquid non fílius Jémini ego sum de mínima tribu Israël, et cognátio mea novíssima inter omnes famílias de tribu Bénjamin? quare ergo locútus es mihi sermónem istum? Assúmens itaque Sámuel Saúlem, et púerum ejus, introduxit eos in triclínum, et dedit eis locum in cápite eórum, qui fúerant invitáti : erant enim quasi trigínta viri.

Lectio iij.

**D**IXITQUE Sámuel coco : Da partem, quam dedi tibi, et praecépi ut repóneres seórsum apud te. Levávit autem cocus armum, et pósuit ante Saul. Dixítque Sámuel : Ecce quod remánsit, pone ante te, et cómede : quia de indústria servátum est tibi, quando pópulum vocávi. Et comédit Saul cum Samuéle in die illa.

#### FERIA QUINTA.

De libro primo Regum.

Lectio j.

Cap. 10.



**T**ULIT autem Sámuel lentículam ólei, et effúdit super caput Saul, et deosculátus est eum, et ait : Ecce, unxit te Dóminus super hereditátem

suam in príncipem, et liberábis pópulum suum de mánibus inimicórum ejus, qui in circúitu ejus sunt. Et hoc tibi signum, quia unxit te Deus in príncipem. Cum abíeris hódie a me, invénies duos viros juxta sepúlcrum Rachel in fínibus Bénjamin, in merídie, dicéntque tibi : Invéntae sunt ásinae, ad quas íeras perquiréndas : et intermíssis pater tuus ásinis, sollicitus est pro vobis, et dicit : Quid fáciam de filio meo?

Lectio ij.

**C**UMQUE abíeris inde, et ultra transíeris, et véneris ad quercum Thabor, invénient te ibi tres viri ascendéntes ad Deum in Bethel, unus portans tres haedos, et álius tres tortas panis, et álius portans lagénam vini. Cumque te salutáverint, dabunt tibi duos panes, et accípies de manu eórum.

Lectio iij.

**P**OST haec vénies in collem Dei, ubi est státio Philisthinórum : et cum ingressus fúeris ibi urbem, óbivium habébis gregem prophetárum descendéntium de excélsso, et ante eos psaltérium et tympanum, et tíbiam, et cítharam, ipsósque prophetátes. Et insíliet in te Spíritus Dómini, et prophetábis cum eis, et mutáberis in virum álium.

—\*—\*—

## FERIA SEXTA.

De libro primo Regum.

Lectio j. *Cap. 11.*

**A**SCENDIT Naas Ammonítes, et pugnare coepit adversum Jabes Gálaad. Dixeruntque omnes viri Jabes ad Naas : Habéto nos foederátos, et serviémus tibi. Et respondit ad eos Naas Ammonítes : In hoc fériam vobíscum foedus, ut éruam ómnium vestrum óculos dextros, ponámque vos oppróbrium in univérso Israël.

Lectio ij.

**E**T dixerunt ad eum seniores Jabes : Concéde nobis septem dies, ut mittámus nuntios ad univérsos términos Israël : et si non fúerit qui deféndat nos, egrediémur ad te. Venérunt ergo nuntii in Gábaa Saúlis : et locúti sunt verba haec, audiénte pópulo : et levávit omnis pópulus vocem suam, et flevit.

Lectio iij.

**E**T ecce Saul veniébat, sequens boves de agro, et ait : Quid habet pópulus quod plorat? Et narravérunt ei verba virórum Jabes. Et insilívit Spíritus Dómini in Saul, cum audísset verba haec, et irátus est furor ejus nimis. Et assúmens utrúmque bovem, concídit in frusta, misítque in omnes términos Israël per manum nuntiórum, dicens : Quicúmque non exíerit, et secútus fúe-

rit Saul et Sámuel, sic fiet bo-  
bus ejus.

## SABBATO.

De libro primo Regum.

Lectio j. *Cap. 15.*

**A**IT autem Sámuel ad Saul : Sine me, et indicábo tibi quae locútus sit Dóminus ad me nocte. Dixítque ei : Lóquere. Et ait Sámuel : Nonne cum párvulus esses in óculis tuis, caput in tribubus Israël factus es? unxítque te Dóminus in regem super Israël, et misit te Dóminus in viam, et ait : Vade, et intérfice peccátóres Amalec, et pugnábis contra eos usque ad interneciónem eórum.

Lectio ij.

**Q**UARE ergo non audísti vocem Dómini : sed versus ad praedam es, et fecísti malum in óculis Dómini? Et ait Saul ad Samuélem : Immo audívi vocem Dómini, et ambulávi in via per quam misit me Dóminus, et addúxi Agag regem Amalec, et Amalec interféci. Tulit autem de praeda pópulus oves et boves, primítias eórum quae caesa sunt, ut ímmolet Dómino Deo suo in Gálgalis.

Lectio iij.

**E**T ait Sámuel : Numquid vult Dóminus holocáusta et víctimas, et non pótius ut obediátur voci Dómini? Mélior est enim obediéntia quam ví-

ctimae : et auscultare magis quam offerre adipem arietum. Quoniam quasi peccatum ariolandi est, repugnare : et quasi scelus idololatriae, nolle acquiescere.

AD VESPERAS.

Ad Magnif. Aña. Praeváluit David in Philisthaeum in funda et lapide, in nómine Dómini.

DOMINICA III.  
post Octavam Trinitatis.

In primo Nocturno.

De libro primo Regum.

Lectio j. Cap. 16.

**D**IXITQUE Dóminus ad Samuélem : Usquequo tu luges Saul, cum ego projecerim eum ne regnet super Israël? imple cornu tuum oleo, et veni, ut mittam te ad Isai Bethlehemitem : providi enim in filiis ejus mihi regem. Et ait Sámuel : Quómodo vadam? áudiet enim Šaul, et interficiet me. Et ait Dóminus : Vítulum de arménto tolles in manu tua, et dices : Ad immolándum Dómino veni. Et vocábis Isai ad víctimam, et ego osténdam tibi quid fácias, et unges quemcúmque monstrávero tibi.

Lectio ij.

**F**ECIT ergo Sámuel, sicut locútus est ei Dóminus. Venítque in Béthlehem, et admirátí sunt senióres civitátis, occurréntes ei, dixerúntque : Pacífícusne est ingrèssus tuus? Et ait : Pacíficus : ad immolán-

dum Dómino veni, sanctificámini, et veníte mecum ut ímmolem. Sanctificávit ergo Isai et filios ejus, et vocávit eos ad sacrificium. Cumque ingrèssi essent, vidit Eliab, et ait : Num coram Dómino est Christus ejus?

Lectio iij.

**E**T dixit Dóminus ad Samuélem : Ne respicias vultum ejus, neque altitudinem statúrae ejus : quoniam abjeci eum, nec juxta intúitum hóminis ego júdico : homo enim videt ea quae parent, Dóminus autem intuétur cor. Et vocávit Isai Abínadab, et addúxit eum coram Samuéle. Qui dixit : Nec hunc elégit Dóminus. Addúxit autem Isai Samma, de quo ait : Etiam hunc non elégit Dóminus. Addúxit itaque Isai septem filios suos coram Samuéle : et ait Sámuel ad Isai : Non elégit Dóminus ex istis.

FERIA SECUNDA.

De libro primo Regum.

Lectio j. Cap. 16.

**S**PIRITUS autem Dómini recéssit a Saul, et exagitábat eum spíritus nequam, a Dómino. Dixerúntque servi Saul ad eum : Ecce spíritus Dei malus exágitat te. Júbeat Dóminus noster, et servi tui, qui coram te sunt, quaerent hóminem sciéntem psállere cíthara, ut quando arripúerit et

spíritus Dómini malus, psallat manu sua, et lévius feras.

Lectio ij.

**E**T ait Saul ad servos suos: Providéte ergo mihi áliquem bene psalléntem, et addúcite eum ad me. Et respóndens unus de púeris, ait: Ecce vidi fílium Isai Bethlehemítém sciéntem psállere, et fortíssimum róbre, et virum bellicósum, et prudéntem in verbis, et virum pulcrum: et Dóminus est cum eo. Misit ergo Saul núntios ad Isai, dicens: Mitte ad me David fílium tuum, qui est in páscuis.

Lectio iij.

**M**ULIT itaque Isai ásinum plenum pánibus, et lagénam vini, et haedum de capris unum, et misit per manum David fílii sui Saúli. Et venit David ad Saul, et stetit coram eo: at ille diléxit eum nimis, et factus est ejus ármiger. Misítque Saul ad Isai, dicens: Stet David in conspéctu meo: invénit enim grátiam in óculis meis.

### FERIA TERTIA.

De libro primo Regum.

Lectio j.

Cap. 17.



**D**IXIT autem Isai ad David fílium suum: Accipe frátribus tuis ephi poléntae, et decem panes istos, et curre in castra ad fratres tuos, et decem forméllas cásei has déferes ad tribúnum: et fratres tuos visi-

tábis, si recte agant: et cum quibus ordináti sunt, disce. Saul autem, et illi, et omnes fílii Israëli, in Valle terebínthi pugnábant advérsus Philísthiim.

Lectio ij.

**S**URREXIT itaque David mane, et commendávit gregem custódi: et onústus ábiit, sicut praecéperat ei Isai. Et venit ad locum Mágala, et ad exércitum, qui egréssus ad pugnam vociferátus erat in certámine. Diréxerat enim áciem Israëli, sed et Philísthiim ex advérso fúerant praeparáti.

Lectio iij.

**D**ERELINQUENS ergo David vasa, quae attúlerat, sub manu custódis ad sárquinas, cucúrrit ad locum certáminis, et interrogábat si ómnia recte ageréntur erga fratres suos. Cumque adhuc ille loquerétur eis, apparuit vir ille spúrius ascéndens, Góliath nómine, Philisthaeus, de Geth, de castris Philisthinórum: et loquente eo haec éadem verba audívit David.

### FERIA QUARTA.

De libro primo Regum.

Lectio j.

Cap. 17.



**A**UDITA sunt autem verba, quae locútus est David, et annuntiáta in conspéctu Saul. Ad quem cum fuísset addúctus, locútus est ei: Non cóncidat cor cujúsquam in eo: ego servus tuus vadam, et pu-



gnábo advérsus Philisthaeum. Et ait Saul ad David : Non vales resistere Philisthaeo isti, nec pugnare advérsus eum : quia puer es, hic autem vir bel-látor est ab adolescéntia sua.

Lectio ij.

**D**IXITQUE David ad Saul : Pascébat servus tuus patris sui gregem, et veniébat leo, vel ursus, et tollébat arietem de médio gregis : et persequébar eos, et percutiébam, eruebámque de ore eórum : et illi consurgébant advérsus me, et apprehendébam mentum eórum, et suffocábam, interficiebámque eos. Nam et leónem, et ursum interféci ego servus tuus.

Lectio iij.

**E**RIT igitur et Philisthaeus hic incircumcísus, quasi unus ex eis. Nunc vadam, et áuferam oppróbrium pópuli : quóniam quis est iste Philisthaeus incircumcísus, qui ausus est maledícere exercítui Dei vivéntis? Et ait David : Dóminus qui erípuit me de manu leónis, et de manu ursi, ipse me liberábit de manu Philisthaei hujus.

### FERIA QUINTA.

De libró primo Regum.

Lectio j.

Cap. 17.



**D**T tulit (David) báculum suum, quem semper habébat in mánibus : et elégit sibi quinque limpidíssimos lá-

pides de torrén-te, et misit eos in peram pastorálem, quam habébat secum, et fundam manu tulit : et procéssit advérsus Philisthaeum. Ibat autem Philisthaeus incédens, et appropínquans advérsus David, et ármiger ejus ante eum.

Lectio ij.

**C**UMQUE inspexísset Philisthaeus, et vidísset David, despéxit eum. Erat enim adoléscent : rufus, et pulcher aspéctu. Et dixit Philisthaeus ad David : Numquid ego canis sum, quod tu venis ad me cum báculo? Et maledíxit Philisthaeus David in diis suis. Dixítque ad David : Veni ad me, et dabo carnes tuas volatílibus caeli et béstiis terrae.

Lectio iij.

**D**IXIT autem David ad Philisthaeum : Tu venis ad me cum gládio, et hasta, et clypeo : ego autem vénio ad te in nómine Dómini exercítuum, Dei ágminum Israël, quibus exprobrásti hódie, et dabit te Dóminus in manu mea, et percútiam te, et áuferam caput tuum a te : et dabo cadáverá castrórum Philístiim hódie volatílibus caeli, et béstiis terrae : ut sciat omnis terra quia est Deus in Israël.



## FERIA SEXTA.

De libro primo Regum.

Lectio j. *Cap. 18.*

**N**ORRO cum revertetur percusso Philisthaeo David, egressae sunt mulieres de universis urbibus Israël, cantes, chorosque ducentes in occursum Saul regis, in tympanis laetitiae, et in sistris. Et praecinébant mulieres ludentes, atque dicentes : Percussit Saul mille, et David decem milia. Iratus est autem Saul nimis, et displicuit in oculis ejus sermo iste : dixitque : Dederunt David decem milia, et mihi mille dederunt : quid ei superest, nisi solum regnum?

Lectio ij.

**N**ON rectis ergo oculis Saul aspiciébat David a die illa, et deinceps. Post diem autem alteram, invásit spíritus Dei malus Saul, et prophetábat in médio domus suae : David autem psallébat manu sua, sicut per singulos dies. Tenebátque Saul lanceam, et misit eam, putans quod configere posset David cum pariete : et declinávit David a fácie ejus secundo.

Lectio iij.

**E**T tímuit Saul David, eo quod Dóminus esset cum eo, et a se recessisset. Amóvit ergo eum Saul a se, et fecit

eum tribúnium super mille viros : et egrediebátur, et intrábat in conspéctu pópuli. In ómnibus quoque viis suis David prudénter agébat, et Dóminus erat cum eo. Vidit itaque Saul quod prudens esset nimis, et coepit cavére eum. Omnis autem Israël et Juda diligébat David : ipse enim ingrediebátur et egrediebátur ante eos.

## SABBATO.

De libro primo Regum.

Lectio j. *Cap. 20.*

**E**T intelléxit Jónathas quod definitum esset a patre suo, ut interficeret David. Surrexit ergo Jónathas a mensa in ira furóris, et non comédit in die calendárum secúnda panem. Contristátus est enim super David, eo quod confudisset eum pater suus. Cumque illuxisset mane, venit Jónathas in agrum juxta plácitum David, et puer párvulus cum eo.

Lectio ij.

**E**T ait ad púerum suum : Vade, et affer mihi sagittas, quas ego jácio. Cumque puer cucurrisset, jecit áliam sagittam trans púerum. Venit itaque puer ad locum jáculi, quod míserat Jónathas : et clamávit Jónathas post tergum púeri, et ait : Ecce ibi est sagitta porro ultra te. Clamavítque

iterum Jónathas post tergum púeri, dicens : Festína velóci-ter, ne stéteris.

Leção iij.

**C**OLLEGIT autem puer Jónathae sagíttas, et áttulit ad dóminum suum : et quid agerétur, pénitus ignorábat : tantúmmodo enim Jónathas et David rem nóverant. Dedit ergo Jónathas arma sua púero, et dixit ei : Vade, et defer in civitátem. Cumque abiisset puer, surréxit David de loco, qui vergébat ad austrum, et cadens pronus in terram, adorávit tértio : et osculántes se alterutrum, flevérunt páriter.

AD VESPERAS.

Ad Magnificát, Añña. Nonne iste est David, de quo canébant in choro, dicéntes : Saul percússit mille, et David decem míllia in míllibus suis?

DOMINICA IV.  
post Octavam Trinitatis.

In primo Nocturno.

Incipit liber secúndus Regum.

Leção j.

Cap. I.



**F**ACTUM est autem, postquam mórtuus est Saul, ut David reverterétur a caede Amalec, et manéret in Síceleg duos dies. In die autem tértia appáruit homo véniens de castris Saul veste conscíssa, et púlvere conspérsus caput. Et ut venit ad David, cécidit super

fáciem suam, et adorávit. Dixítque ad eum David : Unde venis? Qui ait ad eum : De castris Ísraël fugi.

Leção ij.

**E**T dixit ad eum David : Quod est verbum quod factum est? Índica mihi. Qui ait : Fugit pópulus ex proelio, et multi corruéntes e pópulo mórtui sunt : sed et Saul, et Jónathas fílius ejus interiérunt. Dixítque David ad adolescén-tem, qui nuntiábat ei : Unde scis quia mórtuus est Saul, et Jónathas fílius ejus? Et ait adolescens, qui nuntiábat ei : Casu veni in montem Gélboë, et Saul incumbébat super hastam suam : porro currus et équites appropinquábant ei, et convérsus post tergum suum, vidénsque me vocávit.

Leção iij.

**C**UI cum respondíssem : Adsum : dixit mihi : Quisnam es tu? Et aio ad eum : Amalecítes ego sum. Et locú- tus est mihi : Sta super me, et intérfice me : quóniam tenent me angústiae, et adhuc tota ánima mea in me est. Stansque super eum, occídi illum : sciébam enim quod vívere non póterat post ruínam : et tuli diadéma quod erat in cápite ejus, et armíllam de bráchio illíus, et áttuli ad te dóminum meum huc.

—\*—\*—

## FERIA SECUNDA.

De libro secúndo Regum.

Lectio j.

Cap. 2.



**I**GITUR post haec consúluit David Dóminus, dicens: Num ascéndam in unam de civitatibus Juda? Et ait Dóminus ad eum : Ascénde. Dixítque David : Quo ascéndam? Et respóndit ei : In Hebron. Ascéndit ergo David, et duae uxóres ejus, Achínoam Jezrahélites, et Abígail uxor Nabal Carméli : sed et viros, qui erant cum eo, duxit David síngulos cum domo sua : et mansérunt in óppidis Hebron.

Lectio ij.

**V**ENERUNTQUE viri Juda, et unxérunt ibi David, ut regnáret super domum Juda. Et nuntiátum est David, quod viri Jabes Gálaad sepelíssent Saul. Misit ergo David núntios ad viros Jabes Gálaad, dixítque ad eos : Benedícti vos a Dómino, qui fecístis misericórdiam hanc cum dómino vestro Saul, et sepelístis eum.

Lectio iij.

**E**T nunc retríbuert vobis quidem Dóminus misericórdiam et veritátem : sed et ego reddam grátiam, eo quod fecístis verbum istud. Conforténtur manus vestrae, et estóte fílii fortitúdinis. Licet enim mórtuus sit dóminus vester

Saul, tamen me unxit domus Juda in regem sibi.

## FERIA TERTIA.

De libro secúndo Regum.

Lectio j.

Cap. 5.



**E**T venérunt univérsae tribus Israél ad David in Hebron, dicéntes : Ecce nos, os tuum, et caro tua sumus. Sed et heri et nudiustértius cum esset Saul rex super nos, tu eras edúcens et redúcens Israél. Dixit autem Dóminus ad te : Tu pasces pópulum meum Israél, et tu eris dux super Israél. Venérunt quoque et senióres Israél ad regem in Hebron, et percússit cum eis rex David foedus in Hebron coram Dómino.

Lectio ij.

**U**NXERUNTQUE David in regem super Israél. Fílius trigínta annórum erat David, cum regnare coepísset, et quadragínta annis regnavit. In Hebron regnavit super Judam septem annis et sex mén-sibus : in Jerúsalem autem regnavit trigínta tribus annis super omnem Israél et Judam. Et ábiit rex, et omnes viri qui erant cum eo, in Jerúsalem, ad Jebusaeum habitatórem terrae.

Lectio iij.

**D**ICTUMQUE est David ab eis : Non ingrediéris huc, nisi abstúleris caecos et claudos dicéntes : Non ingre-

diétur David huc. Cepit autem David arcem Sion, haec est civitas David. Proposúerat enim David in die illa praemium, qui percussisset Jebusaeum, et tetigisset dómatum fístulas, et abstulisset caecos et claudos odiéntes ánimam David. Idcirco dicitur in provérbio : Caecus et claudus non intrábunt in templum.

### FERIA QUARTA.

De libro secúndo Regum.

Lectio j.

Cap. 6.



ONGREGAVIT autem rursum David omnes eléctos ex Israël trigínta millia. Surrexítque David, et ábiit, et univérsum pópulus, qui erat cum eo de viris Juda, ut addúcerent arcam Dei, super quam invocátum est nomen Dómini exercítuum, sedéntis in Chérubim super eam. Et imposuérunt arcam Dei super plaustrum novum: tulerúntque eam de domo Abínadab, qui erat in Gábaa.

Lectio ij.

OZA autem, et Ahio filii Abínadab, minábant plaustrum novum. Cumque tulísent eam de domo Abínadab, qui erat in Gábaa, custódiens arcam Dei, Ahio praecedébat arcam. David autem, et omnis Israël ludébant coram Dómino in ómnibus lignis fabrefáctis, et cítharis et lyris et tympanis et sistris et cymbalis.

Lectio iij.

POSTQUAM autem venérunt ad áream Nachon, exténdit Oza manum ad arcam Dei, et tenuit eam : quóniam calcitrábant boves, et declinavérunt eam. Iratúsque est indignatióne Dóminus contra Ozam, et percússit eum super temeritáte : qui mórtuus est ibi juxta arcam Dei. Contristátus est autem David, eo quod percussisset Dóminus Ozam.

### FERIA QUINTA

De libro secúndo Regum.

Lectio j.

Cap. 6.



UNTIATUMQUE est regi David quod benedixisset Dóminus Obédedom, et ómnia ejus propter arcam Dei. Abiit ergo David, et addúxit arcam Dei de domo Obédedom in civitátem David cum gáudio : et erant cum David septem chori, et víctima vítuli. Cumque transcendísset qui portábant arcam Dómini sex passus, immolábat bovem et arietem.

Lectio ij.

ET David saltábat totis víribus ante Dóminum. Porro David erat accínctus ephod líneo. Et David, et omnis domus Israël ducébant arcam testaménti Dómini, in júbilo, et in clangóre búcinae. Cumque intrásset arca Dómini in civitátem David, Michol filia Saul

prospiciens per fenestram, vidit regem David subsilientem, atque saltantem coram Domino : et despexit eum in corde suo.

Lectio iij.

**E**T introduxerunt arcam Domini, et imposuerunt eam in loco suo in medio tabernaculi, quod tetenderat ei David : et obtulit David holocausta, et pacifica coram Domino. Cumque complisset offerens holocausta et pacifica, benedixit populo in nomine Domini exercituum. Et partitus est universae multitudini Israel tam viro quam mulieri singulis collyridam panis unam, et assaturam bubulae carnis unam, et similes fruxim oleo.

### FERIA SEXTA.

De libro secundo Regum.

Lectio j.

Cap. 7.



**F**ACTUM est autem cum sedisset rex (David) in domo sua, et Dominus dedisset ei requiem undique ab universis inimicis suis, dixit ad Nathan prophetam : Vidēsne quod ego habitem in domo cedrina, et arca Dei posita sit in medio pellium? Dixitque Nathan ad regem : Omne quod est in corde tuo, vade fac : quia Dominus tecum est.

Lectio iij.

**F**ACTUM est autem in illa nocte : et ecce sermo Domini ad Nathan, dicens :

Vade, et loquere ad servum meum David : Haec dicit Dominus : numquid tu aedificabis mihi domum ad habitandum? Neque enim habitavi in domo ex die illa, qua eduxi filios Israel de terra Aegypti, usque in diem hanc : sed ambulabam in tabernaculo, et in tentorio, per cuncta loca, quae transivi cum omnibus filiis Israel.

Lectio iij.

**D**UMQUID loquens locutus sum ad unam de tribubus Israel, cui praecēpi, ut pasceret populum meum Israel, dicens : Quare non aedificastis mihi domum cedrinam? Et nunc haec dices servo meo David : Haec dicit Dominus exercituum : Ego tuli te de pascuis sequentem greges, ut esses dux super populum meum Israel : et fui tecum in omnibus ubicumque ambulasti.

### SABBATO.

De libro secundo Regum.

Lectio j.

Cap. 8.



**F**ACTUM est autem post haec percussit David Philisthim, et humiliavit eos, et tulit David frenum tributum de manu Philisthim. Et percussit Moab, et mensus est eos funiculo, coaequans terrae : mensus est autem duos funiculos, unum ad occidendum, et unum ad vivificandum : factusque est Moab David serviens sub tributo.

Lectio ij.

**E**T percussit David Adázer filium Rohob regem Soba, quando profectus est ut dominaretur super flumen Euphráten. Et captis David ex parte ejus mille septingentis equitibus, et viginti millibus peditum, subnervavit omnes jugales currum. Dereliquit autem ex eis centum currus.

Lectio iij.

**V**ENIT quoque Syria Damásci, ut praesidium ferret Adázer regi Soba : et percussit David de Syria viginti duo millia virorum. Et posuit David praesidium in Syria Damásci : factaque est Syria David serviens sub tributo : servavitque Dominus David in omnibus ad quaecumque profectus est. Et tulit David arma aurea, quae habebant servi Adázer, et detulit ea in Jerúsalem.

AD VESPERAS.

Ad Magnificat, Añ. Iratus rex Saul, dixit : Mihi mille dederunt, et filio Isai dederunt decem millia.

DOMINICA V.  
post Octavam Trinitatis.

In primo Nocturno.

De libro secundo Regum.

Lectio j. Cap. 11.



**A**CTUM est autem, vertente anno, eo tempore quo solent reges ad bella procedere, misit David Joab, et

servos suos cum eo, et universum Israël, et vastaverunt filios Ammon, et obsederunt Rabba : David autem remansit in Jerúsalem. Dum haec agerentur, accidit ut surgeret David de strato suo post meridiem, et deambularet in solario domus regiae : viditque mulierem se lavantem, ex adverso super solarium suum : erat autem mulier pulchra valde.

Lectio ij.

**M**ISIT ergo rex, et requisivit quae esset mulier. Nuntiatumque est ei quod ipsa esset Bethsabée filia Eliam, uxor Uriae Hethaei. Missis itaque David nuntiis, tulit eam. Quae cum ingressa esset ad illum, dormivit cum ea : statimque sanctificata est ab immunditia sua : et reversa est in domum suam concepto fetu. Mittensque nuntiavit David, et ait : Concepi. Misit autem David ad Joab, dicens : Mitte ad me Uriam Hethaeum.

Lectio iij.

**M**ISITQUE Joab Uriam ad David. Et venit Urias ad David. Quaesivitque David quam recte ageret Joab, et populus, et quomodo administraretur bellum. Et dixit David ad Uriam : Vade in domum tuam, et lava pedes tuos. Et egressus est Urias de domo regis, secutusque est eum cibus regius. Dormivit autem Urias ante portam domus re-

giae cum aliis servis domini sui, et non descendit ad domum suam.

## FERIA SECUNDA.

De libro secundo Regum.

Lectio j.

Cap. 11.



**T** ait Urias ad David: Arca Dei et Israel et Juda habitant in papiionibus, et dominus meus Joab, et servi domini mei super faciem terrae manent: et ego ingrediar domum meam, ut comedam et bibam, et dormiam cum uxore mea? per salutem tuam, et per salutem animae tuae non faciam rem hanc. Ait ergo David ad Uriam: Mane hic etiam hodie, et cras dimittam te.

Lectio ij.

**M**ANSIT Urias in Jerusalem in die illa et altera: et vocavit eum David ut comederet coram se et biberet, et inebriavit eum: qui egressus vespere, dormivit in strato suo cum servis domini sui, et in domum suam non descendit. Factum est ergo mane, et scripsit David epistolam ad Joab: misitque per manum Uriae, scribens in epistola: Ponite Uriam ex adverso belli, ubi fortissimum est proelium: et derelinquite eum, ut percussus intereat.

Lectio iij.

**I**GITUR cum Joab obsideret urbem, posuit Uriam in loco ubi sciebat viros esse

fortissimos. Egressique viri de civitate, bellabant adversum Joab, et ceciderunt de populo servorum David, et mortuus est etiam Urias Hethaeus. Misit itaque Joab, et nuntiavit David omnia verba proelii.

## FERIA TERTIA.

De libro secundo Regum.

Lectio j.

Cap. 12.



**I**SIT ergo Dominus Nathan ad David: qui cum venisset ad eum, dixit ei: Duo viri erant in civitate una, unus dives, et alter pauper. Dives habebat oves, et boves plurimos valde. Pauper autem nihil habebat omnino, praeter ovem unam parvulam, quam emerat et nutrierat, et quae creverat apud eum cum filiis ejus simul, de pane illius comedens; et de calice ejus bibens, et in sinu illius dormiens: eratque illi sicut filia.

Lectio ij.

**C**UM autem peregrinus quidam venisset ad divitem, parcens ille sumere de ovibus et de bobus suis, ut exhiberet convivium peregrino illi, qui venerat ad se, tulit ovem viri pauperis, et praeparavit cibos homini qui venerat ad se. Iratus autem indignatione David adversus hominem illum nimis, dixit ad Nathan: Vivit Dominus, quoniam filius mortis est vir qui fecit hoc. Ovem reddet in quadruplum, eo quod



fecerit verbum istud, et non pepercerit.

Lectio iij.

**D**IXIT autem Nathan ad David : Tu es ille vir. Haec dicit Dóminus Deus Israël : Ego unxi te in regem super Israël, et ego éruí te de manu Saul, et dedi tibi domum dómni tui, et uxóres dómni tui in sinu tuo, dedíque tibi domum Israël et Juda : et si parva sunt ista, adjíciam tibi multo majóra. Quare ergo contempsísti verbum Dómini ut fáceres malum in conspéctu meo? Uríam Hethaeum percussísti gládio, et uxórem illíus accepísti in uxórem tibi, et interfecísti eum gládio filiórum Ammon.

#### FERIA QUARTA.

De libro secúndo Regum.

Lectio j.

Cap. 15.

**F**ECITUR post haec fecit sibi Absalom currus, et équites, et quinquagínta viros, qui praecéderent eum. Et mane consúrgens Absalom, stabat juxta intróitum portae, et omnem virum, qui habébat negótium ut veníret ad regis judícium, vocábat Absalom ad se, et dicébat : De qua civitate es tu? Qui respóndens aiébat : Ex una tribu Israël ego sum servus tuus.

Lectio ij.

**R**ESPONDEBATQUE ei Absalom : Vidéntur mihi sermónes tui boni et justí. Sed

non est qui te áudiat constitútus a rege. Dicebátque Absalom : Quis me constitúat júdicem super terram, ut ad me véniant omnes, qui habent negótium, et juste júdicem? Sed et cum accéderet ad eum homo ut salutáret illum, extendébat manum suam, et apprehéndens, osculabátur eum.

Lectio iij.

**F**ACIEBATQUE hoc omni Israël veniénti ad judícium, ut audirétur a rege, et sollicitábat corda virórum Israël. Post quadragínta autem annos, dixit Absalom ad regem David : Vadam, et reddam vota mea quae vovi Dómino in Hebron. Vovens enim vovit servus tuus, cum esset in Gessur Syriae, dicens : Si redúxerit me Dóminus in Jerúsalem, sacrificábo Dómino.

#### FERIA QUINTA.

De libro secúndo Regum.

Lectio j.

Cap. 15.

**A**CCERSIVIT quoque Absalom Achítophel Gilonítem consiliárium David, de civitate sua Gilo. Cumque immoláret víctimas, facta est conjuratio válda, populúsque concúrrens augebátur cum Absalom. Venit ígitur núnus ad David, dicens : Toto corde univérsus Israël séquitur Absalom. Et ait David servis suis, qui erant cum eo in Jerúsalem : Súrgite, fugiámus : neque enim

erit nobis effúgium a fácie Absalom.

Lectio ij.

**F**ESTINATE égređi, ne forte véniens óccupet nos, et impéllat super nos ruínam, et percútiat civitátem in ore gládii. Dixerúntque servi regis ad eum : Omnia quaecúmque praecéperit dóminus noster rex, libénter exsequémur servi tui. Egréssus est ergo rex, et univérsa domus ejus pédibus suis : et derelíquit rex decem muléres concubínas ad custodiéndam domum.

Lectio iij.

**E**GRESSUSQUE rex et omnis Israël pédibus suis, stetit procul a domo : et univérsi servi ejus ambulábant juxta eum, et legiões Cérethi et Phélethi, et omnes Gethaei, pugnatóres válidi, sexcénti viri qui secúti eum fúerant de Geth pédites, praecedébant regem. Dixit autem rex ad Ethai Gethaeum : Cur venis nobíscum?

### FERIA SEXTA.

De libro secúndo Regum.

Lectio j.

Cap. 18.



**I**GITUR consideráto David pópulo suo constitúit super eos tribúnos et centuriónes, et dedit pópuli tértiam partem sub manu Joab, et tértiam partem sub manu Abísai filii Sarvíae fratris Joab, et tértiam partem sub manu Ethai,

qui erat de Geth. Dixítque rex ad pópulum : Egréđiar et ego vobíscum.

Lectio ij.

**E**T respóndit pópulus : Non exíbis : sive enim fugérimus, non magnópere ad eos de nobis pertinébit : sive média pars cecíderit e nobis, non satis curábunt : quia tu unus pro decem míllibus computáris : mélius est igitur ut sis nobis in urbe praesídio. Ad quos rex ait : Quod vobis vidétur rectum, hoc fáciam. Stetit ergo rex juxta portam.

Lectio iij.

**E**GRE DIEBATURQUE pópulus per turmas suas centéni, et milléni. Et praecépit rex Joab, et Abísai, et Ethai, dicens : Serváte mihi púerum Absalom. Et omnis pópulus audiébat praeciپیéntem regem cunctis princípibus pro Absalom. Itaque egréssus est pópulus in campum contra Israël, et factum est proelium in saltu Ephraim.

### SABBATO.

De libro secúndo Regum.

Lectio j.

Cap. 18.



**A**CCIDIT autem ut occúrreret Absalom servis David, sedens mulo : cumque ingressus fuísset mulus subter condénsam quercum et magnam, adhaesit caput ejus quércui : et illo suspénso inter

caelum et terram, mulus, cui inséderat, pertransívit. Vedit autem hoc quíspiam, et nuntiávit Joab, dicens : Vidi Absalom pendére de quercu.

Lectio ij.

**E**T ait Joab viro, qui nuntiáverat ei : Si vidísti, quare non confodísti eum cum terra, et ego dedíssem tibi decem argénti siclos, et unum bálteum? Qui dixit ad Joab : Si appénderes in máribus meis mille argénteos, nequáquam mitterem manum meam in fílium regis : audiéntibus enim nobis praecépít rex tibi, et Abísai, et Ethai, dicens : Custodíte mihi púerum Absalom.

Lectio iij.

**S**ED et si fecíssem contra ánimam meam audácter, nequáquam hoc regem latére potuísset, et tu stares ex advérso? Et ait Joab : Non sicut tu vis, sed aggrédíar eum coram te. Tulit ergo tres lánceas in manu sua, et infíxit eas in corde Absalom : cumque adhuc palpitáret haerens in quercu, cucurrérunt decem júvenes armígeri Joab, et percutiéntes interfecérunt eum.

AD VESPERAS.

Ad Magnificat, Aña. Quis enim in ómnibus, sicut David fídelis invéntus est in regno tuo, egrédiens, et regrédiens, et pergens ad impérium regis?



## DOMINICA VI. post Octavam Trinitatis.

In primo Nocturno.

Incipit liber tértius Regum.

Lectio j.

Cap. i.



**E**T rex David senúerat, habebátque aetátis plúrimos dies : cumque operirétur vésibus, non calefiébat. Dixérunt ergo ei servi sui : Quaerámus dómino nostro regi adolescéntulam vírginem, et stet coram rege, et fóveat eum, dormiátque in sinu suo, et calefáciat dóminum nostrum regem. Quaesiérunt ígitur adolescéntulam speciósam in ómnibus fínibus Israél, et invenérunt Abisag Sunamítidem, et adduxérunt eam ad regem.

Lectio ij.

**E**RAT autem puélla pulcra nimis, dormiebatque cum rege, et ministrábat ei, rex vero non cognóvit eam. Adonías autem fílius Haggith elevabátur, dicens : Ego regnábo. Fecítque sibi currus et équites, et quinquagínta viros, qui currerent ante eum. Nec corrípuit eum pater suus aliquándo, dicens : Quare hoc fecísti? Erat autem et ipse pulcher valde, secúndus natu post Absalom. Et sermo ei cum Joab filio Sarvíae, et cum Abíathar sacerdote, qui adjuvábant partes Adoníae.

Lectio iij.

**S**ADOC vero sacerdos, et Banaías filius Joíadae, et Nathan prophéta, et Sémei et Rei, et robur exercitus David non erat cum Adonía. Immoláti ergo Adonías arietibus et vitulis, et universis pinguibus juxta lápidem Zóheleth, qui erat vicínus fonti Rogel, vocávit universos fratres suos filios regis, et omnes viros Juda servos regis. Nathan autem prophétam, et Banaíam, et robustos quosque, et Salomónem fratrem suum non vocávit.

### FERIA SECUNDA.

De libro tértio Regum.

Lectio j.

Cap. i.

**D**IXIT Nathan : Dómine mi rex, tu dixísti : Adonías regnet post me, et ipse sédeat super thronum meum? Quia descendit hódie, et immolávit boves, et pinguia, et arietes plúrimos, et vocávit universos filios regis et príncipes exercitus, Abíathar quoque sacerdotem : illísque vescéntibus, et bibéntibus coram eo, et dicéntibus : Vivat rex Adonías : me servum tuum, et Sadoc sacerdotem, et Banaíam filium Joíadae, et Salomónem fámulum tuum non vocávit.

Lectio ij.

**D**UMQUID a dómينو meo rege exívit hoc verbum, et mihi non indicásti servo tuo

quis sessúrus esset super thronum dómíni mei regis post eum? Et respóndit rex David, dicens : Vocáte ad me Bethsabée. Quae cum fuísset ingrèssa coram rege, et stetísset ante eum, jurávit rex, et ait : Vivit Dóminus, qui éruit ánimam meam de omni angústia, quia sicut jurávi tibi per Dóminum Deum Israél, dicens : Sálomon filius tuus regnábít post me, et ipse sedébit super sólíum meum pro me : sic fáciam hódie.

Lectio iij.

**D**IXIT quoque rex David : Vocáte mihi Sadoc sacerdotem, et Nathan prophétam, et Banaíam filium Joíadae. Qui cum ingrèssi fuísset coram rege, dixit ad eos : Tóllite vobíscum servos dómíni vestri, et impónite Salomónem filium meum super mulam meam : et dúcite eum in Gihon. Et ungat eum ibi Sadoc sacerdos, et Nathan prophéta in regem super Israél : et canétis búcina, atque dicétis : Vivat rex Sálomon.

### FERIA TERTIA.

De libro tértio Regum.

Lectio j.

Cap. i.



**D**ESCENDIT ergo Sadoc sacerdos, et Nathan prophéta, et Banaías filius Joíadae, et Cérethi, et Phélethi : et imposuérunt Salomónem super mulam regis David, et ad-

duxerunt eum in Gihon. Sumpsitque Sadoc sacerdos cornu olei de tabernáculo, et unxit Salomónem : et cecinerunt búcina, et dixit omnis pópulus : Vivat rex Sálomon. Et ascendit univérſa multitúdo post eum, et pópulus canéntium tibiis, et laetántium gáudio magno, et insónuit terra a clamóre eórum.

Lectio ij.

**A**UDIVIT autem Adonías, et omnes, qui invitati fuerant ab eo, jamque convivium finitum erat : sed et Joab, audita voce tubae, ait : Quid sibi vult clamor civitatis tumultuántis? Adhuc illo loquente, Jónathas fílius Abíathar sacerdotis venit : cui dixit Adonías : Ingrédere, quia vir fortis es, et bona núntians.

Lectio iij.

**R**ESPONDITQUE Jónathas Adoníae : Nequáquam. Dóminus enim noster rex David regem constituit Salomónem; misitque cum eo Sadoc sacerdotem, et Nathan prophétam, et Banaíam filium Josadae, et Cérethi, et Phélethi, et imposuerunt eum super mulam regis. Unxeruntque eum Sadoc sacerdos, et Nathan prophéta regem in Gihon : et ascenderunt inde laetantes, et insónuit civitas : haec est vox, quam audístis.

—\*—\*—

## FERIA QUARTA.

De libro tértio Regum.

Lectio j.

Cap. 2.



**P**ROPINQUAVERUNT autem dies David ut moreretur, praecepitque Salomóni filio suo, dicens : Ego ingrédior viam univérſae terrae : confortáre, et esto vir. Et obsérva custódias Dómini Dei tui, ut ámbules in viis ejus, ut custódias caeremónias ejus, et praecépta ejus, et judícia, et testimónia, sicut scriptum est in lege Móysi : ut intélligas univérſa quae facis, et quocúmque te vértis : ut confírmes Dóminus sermónes suos, quos locútus est de me, dicens : Si custodierint fílii tui vias suas, et ambuláverint coram me in veritáte, in omni corde suo, et in omni ánima sua, non auferétur tibi vir de sólio Israél.

Lectio ij.

**T**U quoque nosti quae fécerit mihi Joab fílius Sarvíae, quae fécerit duóbus princípibus exércitus Israél, Abner filio Ner, et Amásae filio Jether : quos occídit, et effúdit sánguinem belli in pace, et posuit cruórem proelii in bálteo suo, qui erat circa lumbos ejus, et in calceaménto suo, quod erat in pédibus ejus.

Lectio iij.

**F**ACIES ergo juxta sapientiam tuam, et non dedúces canítiem ejus pacífice

ad inferos. Sed et filiis Berzelai Galaaditis reddes gratiam, eruntque comedentes in mensa tua : occurrerunt enim mihi quando fugiebam a facie Absalom fratris tui.

### FERIA QUINTA.

De libro tertio Regum.

Lectio j.

Cap. 2.



**S**ALOMON autem sedit super thronum David patris sui, et firmatum est regnum ejus nimis. Et ingressus est Adonias filius Haggith ad Bethsabée matrem Salomónis. Quae dixit ei : Pacificusne est ingressus tuus? Qui respondit : Pacificus. Addiditque : Sermo mihi est ad te. Cui ait : Loquere. Et ille : Tu, inquit, nosti, quia meum erat regnum, et me praeposuerat omnis Israël sibi in regem : sed translatum est regnum, et factum est fratris mei : a Domino enim constitutum est ei.

Lectio ij.

**N**UNC ergo petitionem unam precor a te; ne confundas faciem meam. Quae dixit ad eum : Loquere. Et ille ait : Precor ut dicas Salomóni regi (neque enim negare tibi quidquam potest) ut det mihi Abisag Sunamítidem uxorem. Et ait Bethsabée : Bene, ego loquar pro te regi.

Lectio iij.

**V**ENIT ergo Bethsabée ad regem Salomónem, ut loqueretur ei pro Adonía : et

surrexit rex in occursum ejus, adoravitque eam, et sedit super thronum suum : positusque est thronus matri regis, quae sedit ad dexteram ejus. Dixitque ei : Petitionem unam parvulam ego deprecor a te, ne confundas faciem meam. Et dixit ei rex : Pete mater mea : neque enim fas est ut avertam faciem tuam. Quae ait : Detur Abisag Sunamítis Adoníae fratri tuo uxor.

### FERIA SEXTA.

De libro tertio Regum.

Lectio j.

Cap. 3.

**C**ONFIRMATUM est igitur regnum in manu Salomónis, et affinitate conjunctus est Pharaóni regi Aegypti : accepit namque filiam ejus, et adduxit in civitatem David, donec compleret aedificans domum suam, et domum Domini, et murum Jerusalem per circuitum. Attamen populus immolabat in excelsis : non enim aedificatum erat templum nomini Domini usque in diem illum.

Lectio ij.

**D**ILEXIT autem Salomon Dominum, ambulans in praeceptis David patris sui, excepto quod in excelsis immolabat, et accendebat thymíama. Abiit itaque in Gabaon, ut immolaret ibi : illud quippe erat excelsum maximum : mille hostias in holocaustum obtulit Salomon super altare illud in Gabaon.

Lectio iij.

**A**PPARUIT autem Dóminus Salomóni per sómnum nocte, dicens : Póstula quod vis ut dem tibi. Et ait Sálomon : Tu fecísti cum servo tuo David patre meo misericórdiam magnam, sicut ambulávit in conspéctu tuo in veritáte, et justítia, et recto corde tecum : custodísti ei misericórdiam tuam grandem, et dedísti ei fílium sedéntem super thronum ejus, sicut est hódie.

SABBATO.

De libro tértio Regum.

Lectio j.

Cap. 9.



**F**ACTUM est autem cum perfecísset Sálomon aedificíum domus Dómini, et aedificíum regis, et omne quod optáverat et volúerat fácere, apparuit ei Dóminus secúndo sicut apparúerat ei in Gábaon. Dixítque Dóminus ad eum : Exaudívi oratióem tuam et deprecationem tuam, quam deprecátus es coram me : sanctificávi domum hanc, quam aedificásti, ut pónerem nomen meum ibi in sempitérnum, et erunt óculi mei et cor meum ibi cunctis diébus.

Lectio ij.

**M**U quoque si ambuláveris coram me, sicut ambulávit pater tuus, in simplicitáte cordis, et in aequitáte : et féceris ómnia, quae praecépi tibi, et legítima mea et judícia mea

serváveris, ponam thronum regni tui super Israël in sempitérnum, sicut locútus sum David patri tuo, dicens : Non auferétur vir de génere tuo de sólio Israël.

Lectio iij.

**S**I autem aversióne avérsi fuéritis vos et fílii vestri, non sequéntes me, nec custodiéntes mandáta mea, et caeremónias meas, quas propósui vobis, sed abiéritis, et coluéritis deos aliénos, et adoravéritis eos : áuferam Israël de superficie terrae, quam dedi eis : et templum, quod sanctificávi nómini meo, projíciam a conspéctu meo, erítque Ísraël in provérbium, et in fábulam cunctis pópulis.

AD VESPERAS.

Ad Magnificat, Aña. Dóleo super te, frater mi Jónatha, amábilis valde super amórem mulierum : sicut mater únicum amat fílium, ita te diligébam : sagítta Jónathae nunquam ábiit retrórsum, nec declinávit clypeus ejus in bello, et hasta ejus non est avérsa.

DOMINICA VII.  
post Octavam Trinitatis.

In primo Nocturno.

De libro tértio Regum.

Lectio j.

Cap. 10.



**S**ED et regína Saba, audíta fama Salomónis in nómine Dómini, venit tentáre eum in aenigmátibus. Et in-

gréssa Jerúsalem multo cum comitátu, et divítiis, camélis portántibus arómata, et aurum infínitum nimis, et gemmas pretiósas, venit ad regem Salomónem, et locúta est ei univérsa quae habébat in corde suo. Et dócuit eam Sálomon ómnia verba, quae proposúerat: non fuit sermo, qui regem posset latére, et non respondéret ei.

Lectio ij.

**V**IDENS autem regína Saba omnem sapiéntiam Salomónis, et domum, quam aedificáverat, et cibos mensae ejus, et habitácula servórum, et órdenes ministrántium, vestésque eórum, et pincérnas, et holocáusta, quae offerébat in domo Dómini: non habébat ultra spíritum. Dixítque ad regem: Verus est sermo, quem audívi in terra mea super sermónibus tuis, et super sapiéntia tua: et non credébam narrántibus mihi, donec ipsa veni, et vidi óculis meis, et probávi quod média pars mihi nuntiáta non fúerit: major est sapiéntia et ópera tua, quam rumor, quem audívi.

Lectio iij.

**B**EATI viri tui, et beáti servi tui, qui stant coram te semper, et áudiunt sapiéntiam tuam. Sit Dóminus Deus tuus benedíctus, cui complacuísti, et pósuit te super thronum Israël, eo quod diléxerit

Dóminus Israël in sempitérnum, et constituit te regem, ut fáceres judícium et justítiam. Dedit ergo regi centum vigínti talénta auri, et arómata multa nimis, et gemmas pretiósas.

## FERIA SECUNDA.

De libro tértio Regum.

Lectio j.

Cap. 10.



**A**RAT autem pondus auri, quod afferebátur Salómoni per annos síngulos, sexcentórum sexagínta sex talentórum auri: excépto eo, quod afferébant viri, qui super vectigália erant, et negotiatóres, universíque scruta vendéntes, et omnes reges Arábiae, ducésque terrae.

Lectio ij.

**F**ECIT quoque rex Sálomon ducénta scuta de auro puríssimo, sexcéntos auri siclos dedit in láminas scuti unus. Et trecéntas peltas ex auro probáto: trecéntae minae auri unam peltam vestiébant: posuítque eas rex in domo saltus Líbani. Fecit étiam rex Sálomon thronum de ébore grandem: et vestívit eum auro fulvo nimis, qui habébat sex gradus.

Lectio iij.

**E**T súmmitas throni rotúnda erat in parte posterióri: et duae manus hinc atque inde tenéntes sedíle: et duo leónes stabant juxta manus síngulas. Et duódecim leúnculi



stantes super sex gradus hinc atque inde : non est factum tale opus in universis regnis.

### FERIA TERTIA.

De libro tertio Regum.

Lectio j.                      Cap. 10.

**M**AGNIFICATUS est ergo rex Sálomon super omnes reges terrae divitiis, et sapientia. Et universa terra desiderabat vultum Salomónis, ut audiret sapientiam ejus, quam dederat Deus in corde ejus. Et singuli deferébant ei múnera, vasa argétea et áurea, vestes et arma bélica, arómata quoque, et equos et mulos per annos singulos.

Lectio ij.

**C**ONGREGAVITQUE Sálomon currus et équites, et facti sunt ei mille quadringénti currus, et duódecim millia équitum : et dispósuit eos per civitátes munítas, et cum rege in Jerúsalem. Fecítque ut tanta esset abundántia argénti in Jerúsalem, quanta et lápidum : et cedrórum prae-buit multitudínem quasi sycómoros, quae nascúntur in campéstribus.

Lectio iij.

**E**T educebántur equi Salomóni de Aëgypto, et de Coa. Negotiatóres enim regis emébant de Coa, et statúto pretio perducébant. Egrediebátur autem quadríga ex Aëgy-

pto sexcéntis siclis argénti, et equus centum quinquagínta. Atque in hunc modum cuncti reges Hethaeórum et Syriae equos venúmdabant.

### FERIA QUARTA.

De libro tertio Regum.

Lectio j.                      Cap. 11.

**E**X autem Sálomon adamávit mulieres alienígenas multas, fíliam quoque Pha-raónis, et Moabítidas, et Am-monítidas, Idumaeas, et Sidónias, et Hethaeas : de géntibus, super quibus dixit Dóminus fíliis Israél : Non ingrediémini ad eas, neque de illis ingrediéntur ad vestras : certissime enim avértent corda vestra ut sequámini deos earum.

Lectio ij.

**H**IS itaque copulátus est Sálomon ardentíssimo amore. Fuerúntque ei uxóres quasi regínae septingéntae, et concubínae trecéntae : et avértérunt mulieres cor ejus. Cumque jam esset senex, depravátum est cor ejus per mulieres, ut sequerétur deos aliénos : nec erat cor ejus perféctum cum Dómino Deo suo, sicut cor David patris ejus.

Lectio iij.

**S**ED colébat Sálomon Astárthen deam Sidoníorum, et Moloch idólum Ammonítarum. Fecítque Sálomon quod non placúerat coram Dó-

mino, et non adimplévit ut sequeretur Dóminum, sicut David pater ejus. Tunc aedificávit Sálomon fanum Chamos, idólo Moab, in monte qui est contra Jerúsalem, et Moloch idólo filiórum Ammon.

### FERIA QUINTA.

De libro tértio Regum.

Lectio j.

Cap. 11.



**A**CTUM est igitur in témpore illo, ut Jeróboam egrederetur de Jerúsalem, et inveniret eum Ahías Silonítes prophéta in via, opértus pállio novo : erant autem duo tantum in agro. Apprehendénsque Ahías pállium suum novum, quo coopértus erat, scidit in duódecim partes. Et ait ad Jeróboam : Tolle tibi decem scisúras : haec enim dicit Dóminus Deus Israël : Ecce ego scindam regnum de manu Salomónis, et dabo tibi decem tribus.

Lectio ij.

**P**ORRO una tribus remanebit ei propter servum meum David, et Jerúsalem civitátem, quam elégi ex ómnibus tríbubus Israël : eo quod dereliquerit me, et adoráverit Astárthen deam Sidoniórum, et Chamos deum Moab, et Moloch deum filiórum Ammon : et non ambuláverit in viis meis, ut fáceret justítiam coram me, et praecépta mea, et judícia sicut David pater ejus.

Lectio iij.

**N**EC áuferam omne regnum de manu ejus, sed ducem ponam eum cunctis diébus vitae suae, propter David servum meum, quem elégi, qui custodívit mandáta mea et praecépta mea. Auferam autem regnum de manu filii ejus, et dabo tibi decem tribus : filio autem ejus dabo tribum unam.

### FERIA SEXTA.

De libro tértio Regum.

Lectio j.

Cap. 11. et 12.



**D**ORMIVITQUE Sálomon cum pátribus suis, et sepúltus est in civitáte David patris sui, regnavítque Róboam filius ejus pro eo. Venit autem Róboam in Sichem : illuc enim congregátus erat ómnis Israël ad constituéndum eum regem. At vero Jeróboam filius Nabat, cum adhuc esset in Ægypto prófugus a fácie regis Salomónis, audíta morte ejus, revérsum est de Ægypto. Miserúntque, et vocavérunt eum.

Lectio ij.

**V**ENIT ergo Jeróboam, et ómnis multitúdo Israël, et locúti sunt ad Róboam, dicéntes : Pater tuus duríssimum jugum impósuit nobis : tu itaque nunc immínue páulum de império patris tui duríssimo, et de jugo gravíssimo, quod impósuit nobis, et serviémus tibi. Qui ait eis : Ite usque

ad tertium diem, et revertimini ad me.

Lectio iij.

**C**UMQUE abiisset populus, iniit consilium rex Róboam cum senioribus, qui assistebant coram Salomóne patre ejus, cum adhuc viveret, et ait: Quod datis mihi consilium, ut respondeam populo huic? Qui dixerunt ei: Si hodie obedieris populo huic, et servieris, et petitioni eorum cesseris, locutusque fueris ad eos verba lenia, erunt tibi servi cunctis diebus.

#### SABBATO.

De libro tertio Regum.

Lectio j.

Cap. 12.



**V**ENIT ergo Jeróboam, et omnis populus ad Róboam die tertia, sicut locutus fuerat rex, dicens: Revertimini ad me die tertia. Responditque rex populo dura, derelicto consilio seniorum, quod ei dederant, et locutus est eis secundum consilium juvenum, dicens: Pater meus aggravavit jugum vestrum, ego autem addam jugo vestro: pater meus cecidit vos flagellis, ego autem caedam vos scorpionibus.

Lectio ij.

**E**T non acquievit rex populo: quoniam aversatus fuerat eum Dóminus, ut suscitareret verbum suum, quod locutus fuerat in manu Ahíae Silonítæ, ad Jeróboam filium

Nabat. Videns itaque populus quod nolisset eos audire rex, respondit ei dicens: Quae nobis pars in David? vel quae hereditas in filio Isai? Vade in tabernacula tua Israël, nunc vide domum tuam David.

Lectio iij.

**E**T abiit Israël in tabernacula sua. Super filios autem Israël, quicumque habitabant in civitatibus Juda, regnavit Róboam. Misit ergo rex Róboam Adúram, qui erat super tributa: et lapidavit eum omnis Israël, et mortuus est. Porro rex Róboam festinus ascendit currum, et fugit in Jerúsalem.

#### AD VESPERAS.

Ad Magnificat, Aña. Dixitque David ad Dóminum cum vidisset Angelum caedentem populum: Ego sum qui peccavi, ego inique egi: isti qui oves sunt, quid fecerunt?

#### DOMINICA VIII. post Octavam Trinitatis.

In primo Nocturno.

Incipit liber quartus Regum.

Lectio j.

Cap. 1.



**R**ÆVARICATUS est autem Moab in Israël, postquam mortuus est Achab. Ceciditque Ochozías per cancellos cenaculi sui, quod habebat in Samária, et aegrotavit: misitque nuntios, dicens ad eos: Ite, consulite Beélzebub

Deum Accaron, utrum vivere queam de infirmitate mea hac. Angelus autem Domini locutus est ad Elíam Thesbíten, dicens : Surge, et ascende in occursum nuntiorum regis Samárie, et dices ad eos : Numquid non est Deus in Israél, ut eátis ad consulendum Beélzebub deum Accaron? Quam ob rem haec dicit Dóminus : De léctulo, super quem ascendísti, non descendes, sed morte moriérís.

Lectio ij.

**E**T ábiit Elías. Reversíque sunt nuntii ad Ochozíam. Qui dixit eis : Quare reversi estis? At illi responderunt ei : Vir occurrít nobis, et dixit ad nos : Ite, et revertímini ad regem, qui misit vos, et dicétis ei : Haec dicit Dóminus : Numquid, quia non erat Deus in Israél, mittis ut consulátur Beélzebub deus Accaron? Idcirco de léctulo, super quem ascendísti, non descendes, sed morte moriérís.

Lectio iij.

**Q**UI dixit eis : Cujus figurae et hábitus est vir ille, qui occurrít vobis, et locutus est verba haec? At illi dixerunt : Vir pilósus, et zona pelli-cea accínctus rénibus. Qui ait : Elías Thesbítes est. Misítque ad eum quinquagenárium príncipem, et quinquaginta qui erant sub eo. Qui ascendit ad eum : sedentíque in vértice

montis, ait : Homo Dei, rex praecépit ut descendas. Respondénsque Elías, dixit quinquagenário : Si homo Dei sum, descendat ignis de caelo, et devoret te, et quinquaginta tuos. Descendit itaque ignis de caelo, et devorávit eum, et quinquaginta qui erant cum eo.

### FERIA SECUNDA.

De libro quarto Regum.

Lectio j.

Cap. i.



**I**TERUM misit príncipem quinquagenárium tértium, et quinquaginta qui erant cum eo. Qui cum venísset, curvávít génua contra Elíam, et precátus est eum, et ait : Homo Dei, noli despícere ánimam meam, et ánimas servórum tuórum qui mecum sunt. Ecce descendit ignis de caelo, et devorávit duos príncipes quinquagenários primos, et quinquagénos, qui cum eis erant : sed nunc óbsecro ut misereáris ánimae meae.

Lectio ij.

**L**OCUTUS est autem Angelus Domini ad Elíam, dicens : Descende cum eo, ne tímeas. Surréxit ígitur, et descendit cum eo ad regem, et locutus est ei : Haec dicit Dóminus : Quia misísti nuntios ad consulendum Beélzebub deum Accaron, quasi non esset Deus in Israél, a quo posses interrogáre sermónem, ídeo de léctulo, super quem ascendísti,

non descédes, sed morte moriérís.

Lectio iij.

**M**ORTUUS est ergo juxta sermónem Dómini, quem locútus est Elías, et regnávít Joram frater ejus pro eo, anno secúndo Joram filii Jósaphat regis Judae : non enim habébat fílium. Réliqua autem verbórum Ochozíae, quae operátus est, nonne haec scripta sunt in Libro sermónum diérum regum Israël?

### FERIA TERTIA.

De libro quarto Regum.

Lectio j. *Cap. 2.*

**F**ACTUM est autem, cum leváre vellet Dóminus Elíam per túrbínem in caelum, ibant Elías et Eliséus de Gál-galis. Dixítque Elías ad Eliséum : Sede hic, quia Dóminus misit me usque in Bethel. Cui ait Eliséus : Vivit Dóminus, et vivit ánima tua, quia non derelínquam te. Cumque descendíssent Bethel, egréssi sunt filii prophetárum, qui erant in Bethel, ad Eliséum, et dixerunt ei : Numquid nosti, quia hódie Dóminus tollet dóminum tuum a te? Qui respóndit : Et ego novi : siléte.

Lectio ij.

**D**IXIT autem Elías ad Eliséum : Sede hic, quia Dóminus misit me in Jéricho. Et ille ait : Vivit Dóminus, et vivit ánima tua, quia non de-

relínquam te. Cumque venís-sent Jéricho, accessérunt filii prophetárum, qui erant in Jéricho, ad Eliséum, et dixerunt ei : Numquid nostri, quia Dóminus hódie tollet dóminum tuum a te? Et ait : Et ego novi : siléte.

Lectio iij.

**D**IXIT autem ei Elías : Sede hic, quia Dóminus misit me usque ad Jordánem. Qui ait : Vivit Dóminus, et vivit ánima tua, quia non derelínquam te. Iérunt igitur ambo páriter, et quinquagínta viri de fíliis prophetárum secúti sunt eos, qui et stetérunt e contra, longe : illi autem ambo stabant super Jordánem.

### FERIA QUARTA.

De libro quarto Regum.

Lectio j. *Cap. 2.*

**T**ULITQUE Elías pállium suum, et invólvit illud, et percússit aquas, quae divísae sunt in utrámque partem, et transiérunt ambo per siccum. Cumque transíssent, Elías dixit ad Eliséum : Póstula quod vis ut fáciam tibi, ántequam tollar a te. Dixítque Eliséus : Obsecro ut fiat in me duplex spíritus tuus.

Lectio ij.

**Q**UI respóndit : Rem difficilem postulásti : áttamen si víderis me, quando tollar a te, erit tibi quod petísti : si autem non víderis, non erit.

Cumque pérgerent, et incedéntes sermocinaréntur, ecce currus ígneus, et equi ígnei divisérunt utrúmque : et ascéndit Elías per túrbinem in caelum, Eliséus autem vidébat, et clamábat : Pater mi, pater mi, currus Israël, et auríga ejus.

Lectio iij.

**E**T non vidit eum ámplius : apprehendítque vestiménta sua, et scidit illa in duas partes. Et levávit pállium Elíae, quod cecíderat ei : reversúsque stetit super ripam Jordánis, et pállio Elíae, quod cecíderat ei, percússit aquas, et non sunt divisae. Et dixit : Ubi est Deus Elíae étiam nunc? Percussítque aquas, et divisae sunt huc, atque illuc, et tránsiit Eliséus.

### FERIA QUINTA.

De libro quarto Regum.

Lectio j.

Cap. 6.



**D**IXERUNT autem filii prophetárum ad Eliséum : Ecce locus, in quo habitámus coram te, angústus est nobis. Eámus usque ad Jordánem, et tollant sínguli de silva matérias síngulas, ut aedificémus nobis ibi locum ad habitándum. Qui dixit : Ite. Et ait unus ex illis : Veni ergo et tu cum servis tuis. Respóndit : Ego véniam. Et ábiit cum eis.

Lectio ij.

**C**UMQUE veníssent ad Jordánem, caedébant ligna. Accidit autem, ut cum

unus matériam succidísset, caderet ferrum secúris in aquam : exclamavítque ille, et ait : Heu heu heu dómine mi, et hoc ipsum mútuo accéperam. Dixit autem homo Dei : Ubi cécidit? At ille monstrávit ei locum. Praecídit ergo lignum, et misit illuc : natavítque ferrum, et ait : Tolle. Qui exténdit manum, et tulit illud.

Lectio iij.

**R**EX autem Syriae pugnábat contra Israël, consiliúmque íniit cum servis suis, dicens : In loco illo, et illo ponámus insídias. Misit itaque vir Dei ad regem Israël, dicens : Cave ne tránseas in locum illum : quia ibi Syri in insídiis sunt. Misit itaque rex Israël ad locum, quem díxerat ei vir Dei, et praeoccupávit eum, et observávit se ibi non semel neque bis.

### FERIA SEXTA.

De libro quarto Regum.

Lectio j.

Cap. 6.



**C**ONSURGENS autem dilúculo míster viri Dei, egrésus, vidit exercítum in circúitu civitátis, et equos et currus : nuntiavítque ei, dicens : Heu heu heu dómine mi, quid faciémus? At ille respóndit : Noli timére : plures enim nobíscum sunt, quam cum illis. Cumque orásset Eliséus, ait : Dómine, áperi óculos hujus, ut vídeat.

Lectio ij.

**E**T aperuit Dóminus óculos púeri, et vidit : et ecce mons plenus equórum, et cúrruum igneórum, in circúitu Eliséi. Hostes vero descendérunt ad eum. Porro Eliséus orávit ad Dóminum, dicens : Percute, óbsecro, gentem hanc caecitáte. Percussítque eos Dóminus, ne vidérant, juxta verbum Eliséi. Dixit autem ad eos Eliséus : Non est haec via, neque ista est civitas : sequimini me, et osténdam vobis virum, quem quaeritis.

Lectio iij.

**D**UXIT ergo eos in Samáriam. Cumque ingrési fuissent in Samáriam, dixit Eliséus : Dómine áperi óculos istórum, ut vídeant. Aperuítque Dóminus óculos eórum, et vidérunt se esse in médio Samáriae. Dixítque rex Israël ad Eliséum, cum vidísset eos : Numquid percútiam eos, pater mi? At ille ait : Non percúties : neque enim cepísti eos gládio, et arcu tuo.

### SABBATO.

De libro quarto Regum.

Lectio j.

Cap. 8.



**E**LISEUS autem locútus est ad mulierem, cujus vívere fécerat fílium, dicens : Surge, vade tu et domus tua, et peregrináre ubicúmque repéris : vocávit enim Dómi-

nus famem, et véniet super terram septem annis. Quae surréxit, et fecit juxta verbum hóminis Dei : et vadens cum domo sua, peregrináta est in terra Philísthiim diébus multis.

Lectio ij.

**C**UMQUE finíti essent anni septem, revérsa est múlter de terra Philísthiim : et egréssa est ut interpelláret regem pro domo sua, et pro agris suis. Rex autem loquebátur cum Gíezi púero viri Dei, dicens : Narra mihi ómnia magnália quae fecit Eliséus. Cumque ille narráret regi quo modo mórtuum suscitáset, apparuit múlter, cujus vivificáverat fílium, clamans ad regem pro domo sua, et pro agris suis.

Lectio iij.

**D**IXITQUE Gíezi : Dómine mi rex, haec est múlter, et hic est fílius ejus, quem suscitávit Eliséus. Et interrogávit rex mulierem : quae narrávit ei. Dedítque ei rex eunúchum unum, dicens : Restítue ei ómnia quae sua sunt, et universos réditus agrórum a die, qua relíquit terram usque ad praesens.

AD VESPERAS.

Ad Magnificat, Aña. Montes Gélboë, nec ros, nec plúvia véniant super vos : quia ibi abjéctus est clypeus fórtium, clypeus Saul, quasi non esset unctus óleo. Quómodo ceciderunt fortes in proelio? Jóna-

thas in excelsis tuis interfectus est. Saul et Jónathas amábiles, et decóri valde in vita sua, in morte quoque non sunt separáti.

**DOMINICA IX.**  
**post Octavam Trinitatis.**

In primo Nocturno.

De libro quarto Regum.

Lectio j.

Cap. 8.



**V**ENIT quoque Eliséus Damáscum, et Bénadad rex Syriae aegrotábat : nuntiaverúntque ei, dicétes : Venit vir Dei huc. Et ait rex ad Házaël : Tolle tecum múnera, et vade in occúrsum viri Dei, et cónsule Dóminum per eum, dicens : Si evádere pótero de infirmitáte mea hac? Ivit ígitur Házaël in occúrsum ejus, habens secum múnera, et ómnia bona Damásci, ónera quadragínta camelórum. Cumque stétisset coram eo, ait : Fílius tuus Bénadad rex Syriae misit me ad te, dicens : Si sanári pótero de infirmitáte mea hac?

Lectio ij.

**D**IXITQUE ei Eliséus : Vade, dic ei : Sanáberis : porro osténdit mihi Dóminus quia morte moriétur. Stétitque cum eo, et conturbátus est usque ad suffusiónem vultus : flevítque vir Dei. Cui Házaël ait : Quare dóminus meus flet? At ille dixit : Quia scio quae factúrus sis fíliis

Israël mala. Civitátes eórum munítas igne succédes, et júvenes eórum interfícies gládio, et párvulos eórum elídes, et praegnántes dívides.

Lectio iij.

**D**IXITQUE Házaël : Quid enim sum servus tuus canis, ut fáciam rem istam magnam? Et ait Eliséus : Osténdit mihi Dóminus te regem Syriae fore. Qui cum recessisset ab Eliséo, venit ad dóminum suum. Qui ait ei : Quid dixit tibi Eliséus? At ille respóndit : Dixit mihi : Recípies sanitátem. Cumque venísset dies áltera, tulit strágulum, et infúdit aquam, et expándit super fáciem ejus : quo mórtuo, regnávit Házaël pro eo.

**FERIA SECUNDA.**

De libro quarto Regum.

Lectio j.

Cap. 13.



**E**LISEUS autem aegrotábat infirmitáte, qua et mórtuus est : descendítque ad eum Joas rex Israël, et flebat coram eo, dicebátque : Pater mi, pater mi, currus Israël, et auríga ejus. At ait illi Eliséus : Affer arcum, et sagíttas. Cumque attulísset ad eum arcum, et sagíttas, dixit ad regem Israël : Pone manum tuam super arcum. Et cum posuísset ille manum suam, superpósuit Eliséus manus suas mánibus



regis, et ait : Aperi fenestram orientalem.

Lección ij.

**C**UMQUE aperuisset, dixit Eliséus : Jace sagittam. Et jecit. Et ait Eliséus : Sagitta salutis Domini, et sagitta salutis contra Syriam : percutiésque Syriam in Aphec, donec consumas eam. Et ait : Tolle sagittas. Qui cum tulisset, rursum dixit ei : Percute jaculo terram. Et cum percussisset tribus vicibus, et stetisset, iratus est vir Dei contra eum, et ait : Si percussisses quinquies, aut sexies, sive septies, percussisses Syriam usque ad consumptionem : nunc autem tribus vicibus percutiés eam.

Lección iij.

**M**ORTUUS est ergo Eliséus, et sepeliérunt eum. Latrunculi autem de Moab venerunt in terram in ipso anno. Quidam autem sepeliéntes hominem, viderunt latrunculos, et projecérunt cadáver in sepulcro Eliséi. Quod cum tetigisset ossa Eliséi, revixit homo, et stetit super pedes suos.

### FERIA TERTIA.

De libro quarto Regum.

Lección j.

Cap. 18.



**A**NNO tertio Osée filii Ela regis Israël, regnavit Ezechías filius Achaz regis Juda. Viginti quinque annorum

erat, cum regnare coepisset : et viginti novem annis regnavit in Jerúsalem : nomen matris ejus Abi filia Zachariæ. Fecitque quod erat bonum coram Domino, juxta omnia quae fecerat David pater ejus. Ipse dissipavit excelsa, et contrivit statuas, et succidit lucos.

Lección ij.

**C**ONFREGITQUE serpentem aeneum, quem fecerat Moyses : siquidem usque ad illud tempus filii Israël adolebant ei incensum : vocavitque nomen ejus Nohéstan. In Domino Deo Israël speravit : itaque post eum non fuit similis ei de cunctis regibus Juda, sed neque in his, qui ante eum fuerunt : et adhaesit Domino, et non recessit a vestigiis ejus, fecitque mandata ejus, quae praeceperat Dominus Moysi.

Lección iij.

**U**NDE et erat Dominus cum eo, et in cunctis, ad quae procedebat, sapienter se agebat. Rebella vit quoque contra regem Assyriorum, et non servivit ei. Ipse percussit Philisthaeos usque ad Gazam, et omnes terminos eorum, a Turre custodum usque ad Civitatem munitam. Anno quarto regis Ezechiae, qui erat annus septimus Osée filii Ela regis Israël, ascendit Salmánasar rex Assyriorum in Samariam, et oppugnavit eam, et cepit.

## FERIA QUARTA.

De libro quarto Regum.

Lectio j.

Cap. 20.

**N**ELIQUA autem sermónum Ezechíae, et omnis fortitúdo ejus, et quómodo fécerit piscínam, et aquaedúctum, et introduxerit aquas in civitátem, nonne haec scripta sunt in Libro sermónum diérum regum Juda? Dormivítque Ezechías cum pátribus suis, et regnávít Manásses fílius ejus pro eo.

Lectio ij.

Cap. 21.

**D**UODECIM annórum erat Manásses cum regnáre coépisset, et quinquagínta quinque annis regnávít in Jerúsalem : nomen matris ejus Haphsíba. Fecítque malum in conspéctu Dómini, juxta idóla géntium, quas delévit Dóminus a fácie filiórum Israél. Conversúsque est, et aedificávit excélsa, quae dissipáverat Ezechías pater ejus.

Lectio iij.

**E**T eréxit aras Baal, et fecit lucos sicut fécerat Achab rex Israél, et adorávit omnem milítiam caeli, et cóluit eam. Exstruxítque aras in domo Dómini, de qua dixit Dóminus : In Jerúsalem ponam nomen meum. Et exstrúxit altária univérsae milítiae caeli in duóbus átriis templi Dómini. Et tradúxit fílium suum per ignem : et ariolátus est, et ob-

servávit augúria, et fecit pythónes.

## FERIA QUINTA.

De libro quarto Regum.

Lectio j.

Cap. 23.



**A**SCENDITQUE rex (Josías) templum Dómini, et omnes viri Juda, universíque qui habitábant in Jerúsalem cum eo sacerdótes et prophétae, et omnis pópulus a parvo usque ad magnum : legítque cunctis audiéntibus ómnia verba libri foederis, qui invéntus est in domo Dómini. Stetítque rex super gradum : et foedus percússit coram Dómino, ut ambulárent post Dóminum, et custodírent praecépta ejus, et testimónia, et caeremónias in omni corde, et in tota ánima, et suscitárent verba foederis hujus, quae scripta erant in libro illo : acquievítque pópulus pacto.

Lectio ij.

**E**T praecépit rex Helcíae pontífici, et sacerdótibus secúndi órdis, et janitóribus, ut projícerent de templo Dómini ómnia vasa, quae facta fúerant Baal, et in luco, et univérsae milítiae caeli : et combússit ea foris Jerúsalem in Conválle cedron, et tulit púlverem eórum in Bethel.

Lectio iij.

**E**T delévit arúspices, quos posúerant reges Juda ad sacrificándum in excélsis per

civitátes Juda, et in circúitu Jerúsalem : et eos, qui adolébant incénsum Baal, et Soli, et Lunae, et duódecim signis, et omni milítiae caeli. Et efférri fecit lucum de domo Dómini foras Jerúsalem in Conválle cedron, et combússit eum ibi, et redégit in púlverem, et projécit super sepúlcrá vulgi.

### FERIA SEXTA.

De libro quarto Regum.

Lectio j. *Cap. 23.*



**L**NSUPER et altáre, quod erat in Bethel, et excélsum, quod fécerat Jeróboam filius Nabat, qui peccáre fecit Israél : et altáre illud, et excélsum destrúxit, atque combússit, et commínuit in púlverem, succendítque étiam lucum. Et convérsus Josías, vidit ibi sepúlcrá, quae erant in monte : misítque et tulit ossa de sepúlcris, et combússit ea super altáre, et pólluit illud juxta verbum Dómini, quod locútus est vir Dei, qui praedíxerat verba haec.

Lectio ij.

**E**T ait : Quis est título ille, quem vídeo? Responderúntque ei cives urbis illíus : Sepúlcrum est hóminis Dei, qui venit de Juda, et praedíxit verba haec, quae fecísti super altáre Bethel. Et ait : Dimíttite eum, nemo commóveat ossa ejus. Et intácta mansérunt ossa illíus cum óssibus pro-

phétae, qui vénerat de Samária.

Lectio iij.

**S**ED et pythónes, et aríolos, et figúras idolórum, et immundítias, et abominatiónes, quae fúerant in terra Juda et Jerúsalem, ábstulit Josías : ut statúeret verba legis, quae scripta sunt in Libro, quem invénit Helcías sacérdos in templo Dómini. Símilis illi non fuit ante eum rex, qui revertetrétur ad Dóminum in omni corde suo, et in tota ánima sua, et in univérsa virtúte sua.

### SABBATO.

De libro quarto Regum.

Lectio j. *Cap. 24. et 25.*



**N**CESSITQUE Sedecías a rege Babylónis. Factum est autem anno nono regni ejus, mense décimo, décima die mensis, venit Nabuchodónosor rex Babylónis, ipse et omnis exércitus ejus in Jerúsalem, et circumdedérunt eam : et extruxérunt in circúitu ejus munitiões. Et clausa est civitas atque valláta usque ad undécimum annum regis Sedecíae, nona die mensis : praevaluítque fames in civitáte, nec erat panis pópulo terrae.

Lectio ij.

**E**T interrúpta est civitas : et omnes viri bellatóres nocte fugérunt per viam portae, quae est inter dúplicem

murum ad hortum regis (porro Chaldaei obsidebant in circuitu civitatem) fugit itaque Sedecias per viam, quae ducit ad campestria solitudinis. Et persecutus est exercitus Chaldaeorum regem, comprehenditque eum in planitie Jéricho.

Lectio iij.

**E**T omnes bellatores, qui erant cum eo, dispersi sunt, et reliquerunt eum. Apprehensum ergo regem duxerunt ad regem Babylónis in Réblatha : qui locutus est cum eo iudicium. Filios autem Sedeciae occidit coram eo, et oculos ejus effodit, vinxitque eum catenis, et adduxit in Babylónem.

AD VESPERAS.

R. ij. Gyrum caeli. ut infra.

Ad Magnificat, Añā. Omnis sapientia a Domino Deo est, et cum illo fuit semper, et est ante aevum.

## DOMINICA I. AUGUSTI.

In primo Nocturno.

Incipiunt

Parabola Salomónis.

Lectio j.

Cap. i.



**P**ARABOLAE Salomónis, filii David, regis Israël. Ad sciendam sapientiam, et disciplinam : ad intelligenda verba prudentiae : et suscipiendam eruditionem doctrinae, justitiam, et iudicium, et aequitatem : ut detur parvulis

astutia, adolescenti scientia, et intellectus. Audiens sapiens, sapientior erit : et intelligens, gubernacula possidebit. Animadvertet parabolam, et interpretationem, verba sapientum, et aenigmata eorum.

R. In principio Deus antequam terram faceret, priusquam abyssos constitueret, priusquam produceret fontes aquarum, antequam montes collocarentur, \* Ante omnes colles generavit me Dominus. V. Quando praeparabat caelos, aderam, cum eo cuncta componens. Ante.

Haec Ilust. In principio. legatur hodie, et in aliis sequentibus Dom. quando de eis agitur, usque ad j. Dom. Septembris.

Lectio ij.

**M**IMOR Domini principium sapientiae. Sapientiam, atque doctrinam stulti despiciunt. Audi, fili mi, disciplinam patris tui, et ne dimittas legem matris tuae : ut addatur gratia capiti tuo, et torques collo tuo. Fili mi, si te lactaverint peccatores, ne acquiescas eis. Si dixerint : Veni nobiscum, insidiemur sanguini, abscondamus tendiculas contra insontem frustra : deglutiamus eum sicut infernus viventem, et integrum quasi descendentem in lacum.

R. Gyrum caeli circuivi sola, et in fluctibus maris ambulavi : in omni gente, et in omni

pópulo primátum ténui : \* Superbórum et sublímiū colla própria virtúte calcávi. *V.* Ego in altíssimis hábito, et thronus meus in colúmna nubis. Superbórum.

Lectio iij.

**O**MNEM pretiósam substantiam reperiémus, implébitus domos nostras spóliis. Sortem mitte nobíscum, marsúpiū unum sit ómnium nostrum. Fili mi, ne ámbules cum eis, próhibe pedem tuum a sémitis eórum. Pedes enim illórum ad malum currunt, et festínant ut effúndant ságuinem. Frustra autem jácitur rete ante óculos pennatórum. Ipsi quoque contra ságuinem suum insidiántur, et moliúntur fraudes contra ánimas suas.

*R.* Emítte Dómine sapiéntiam de sede magnitúdinis tuæ, ut mecum sit et mecum labóret, \* Ut sciam quid accéptum sit coram te Omni témpore. *V.* Da mihi, Dómine, sédiū tuárum assistrícem sapiéntiam. Ut sciam. Glória Patri. Omni.

In secundo Nocturno.

*R.* iv. Da mihi, Dómine, sédiū tuárum assistrícem sapiéntiam, et noli me reprobáre a púeris tuis : \* Quóniam servus tuus sum ego, et fílius ancíllæ tuæ. *V.* Mitte illam de sede magnitúdinis tuæ, ut mecum sit et mecum labóret. Quóniam.

*R.* v. Dómine pater, et Deus vitæ meæ, ne derelínquas me in cogitátu maligno : extolléntiam oculórum meórum ne dederis mihi, et desidérium malignum avérte a me, Dómine : aufer a me concupiscéntiam, \* Et ánimo irreverénti et infruníto ne tradas me, Dómine. *V.* Ne derelínquas me, Dómine, ne accréscent ignorántiæ meæ, et multiplicéntur delícta mea. Et ánimo.

*R.* vj. Super salútem et omnem pulcritúdinem diléxi sapiéntiam, et propósui pro luce habére illam : \* Venérunt mihi ómnia bona páriter cum illa. *V.* Dixi sapiéntiæ, soror meæ : et prudéntiam vocávi amícam meam. Venérunt. Glória Patri. Venérunt.

In tertio Nocturno.

*R.* vij. Inítium sapiéntiæ timor Dómini : intelléctus bonus ómnibus faciéntibus eum : \* Laudátio ejus manet in sæculum sæculi. *V.* Diléctio illíus custódia legum est : quia omnis sapiéntia timor Dómini. Laudátio.

*R.* viij. Magna enim sunt júdicia tua Dómine, et inenarrabília verba tua : \* Magnificásti pópulum tuum, et honorásti. *V.* Deduxísti sicut oves pópulum tuum, in manu Móysi et Aaron. Magnificásti.

*R.* ix. Verbum iníquum et dolósum longe fac a me, Dómine : \* Divítias, et paupertá-

tem ne déderis mihi : Sed tantum víctui meo trísue neces-  
sária. V. Duo rogávi te, ne  
déneges mihi ántequam mó-  
riar. Divítias. Glória Patri. Sed.

Hoc R7. ix. semel lecto, loco  
illius in sequentibus Dom.  
hujus mensis, dicitur R7. Ho-  
nor. prout hab. Dom. j. post  
Oct. Trinit. pag. 176.

### FERIA SECUNDA.

De Parábolis Salomónis.

Lectio j.

Cap. 6.



**S**EX sunt, quae odit  
Dóminus, et sépti-  
mum detestátur áni-  
ma ejus : Oculos sub-  
límes, linguam mendácem, ma-  
nus effundéntes innóxium sán-  
guinem, cor máchinans cogita-  
tiones péssimas, pedes velóces  
ad curréndum in malum, pro-  
feréntem mendácia testem fal-  
lácem, et eum, qui séminat in-  
ter fratres discórdias. Consérva  
fili mi praecepta patris tui, et  
ne dimíttas legem matris tuae.

Lectio ij.

**L**IGA ea in corde tuo júgi-  
ter, et circúmda gútturi  
tuo. Cum ambuláveris, gra-  
diántur tecum : cum dormíeris,  
custódiant te, et evígilans ló-  
quere cum eis. Quia mandátum  
lucérna est, et lex lux, et via  
vitae increpátio disciplínae : ut  
custódiant te a muliere mala,  
et a blanda lingua extráneae.  
Non concupíscat pulcritúdi-  
nem ejus cor tuum, nec capiá-  
ris nútibus illíus.

Lectio iij.

**D**ON grandis est culpa,  
cum quis furátus fúerit :  
furátur enim ut esuriéntem im-  
pleat ánimam : deprehénsus  
quoque reddet séptuplum, et  
omnem substántiam domus  
suae tradet. Qui autem adulter  
est, propter cordis inópiam per-  
det ánimam suam : turpitúdi-  
nem et ignomíniam cóngregat  
sibi, et oppróbrium illíus non  
delébitur.

### FERIA TERTIA.

De Parábolis Salomónis.

Lectio j.

Cap. 9.



**S**APIENTIA aedificá-  
vit sibi domum, excí-  
dit colúmnas septem.  
Immolávit víctimas  
suas, míscuit vinum, et pro-  
pósuit mensam suam. Misit  
ancíllas suas ut vocárent ad  
arcem, et ad moenia civitátis :  
Si quis est párvulus, véniat  
ad me. Et insipiéntibus locúta  
est : Veníte, comédite panem  
meum, et bíbite vinum quod  
míscui vobis.

Lectio ij.

**R**ELINQUITE infántiam,  
et vívite, et ambuláte per  
vias prudéntiae. Qui érudit de-  
risórem, ipse injúriam sibi fa-  
cit : et qui árguit ímpium, sibi  
máculam génerat. Noli argüere  
derisórem, ne óderit te. Árgue  
sapiéntem, et díliget te. Da sa-  
piénti occasiόνem, et addétur  
ei sapiéntia.

Lectio iij.

**D**OCE justum, et festinabit accipere. Principium sapientiae timor Domini : et scientia sanctorum, prudentia. Per me enim multiplicabuntur dies tui, et addentur tibi anni vitae. Si sapiens fueris, tibi metipsi eris : si autem illusor, solus portabis malum.

## FERIA QUARTA.

De Parabolis Salomonis.

Lectio j.

Cap. 16.



**D**OMINIS est animam praeparare : et Domini gubernare linguam. Omnes viae hominis patent oculis ejus : spirituum ponderator est Dominus. Revela Domino opera tua, et dirigentur cogitationes tuae. Universa propter semetipsum operatus est Dominus : impium quoque ad diem malum. Abominatio Domini est omnis arrogans : etiam si manus ad manum fuerit, non est innocens.

Lectio ij.

**I**NITIUM viae bonae, facere justitiam : accepta est autem apud Deum magis, quam immolare hostias. Misericordia et veritate redimitur iniquitas : et in timore Domini declinatur a malo. Cum placuerint Domino viae hominis, inimicos quoque ejus convertet ad pacem. Melius est parum cum justitia, quam multi fructus cum iniquitate.

Lectio iij.

**C**OR hominis disponit viam suam : sed Domini est dirigere gressus ejus. Divinatio in labiis regis, in judicio non errabit os ejus. Pondus et statéra judicia Domini sunt : et opera ejus omnes lapides saeculi. Abominabiles regi qui agunt impie : quoniam justitia firmatur solium. Voluntas regum labia justa : qui recta loquitur, diligetur.

## FERIA QUINTA.

De Parabolis Salomonis.

Lectio j.

Cap. 18.



**O**CCASIONES quaerit qui vult recedere ab amico : omni tempore erit exprobrabilis. Non recipit stultus verba prudentiae : nisi ea dixeris quae versantur in corde ejus. Impius, cum in profundum venerit peccatorum, contemnit : sed sequitur eum ignominia et opprobrium. Aqua profunda verba ex ore viri : et torrens redundans fons sapientiae.

Lectio ij.

**A**CCIPERE personam impii non est bonum, ut declines a veritate judicii. Labia stulti miscent se rixis : et os ejus jurgia provocat. Os stulti contritio ejus : et labia ipsius, ruina animae ejus. Verba bilínguis, quasi simplícia : et ipsa perveniunt usque ad interiora ventris. Pigrum

déjicit timor : ánimae autem effeminatórum esúrient.

Lectio iij.

**Q**UI mollis et dissolútus est in ópere suo, frater est sua ópera dissipántis. Turris fortíssima, nomen Dómini : ad ipsum currit justus, et exaltábitur. Substántia dívitis urbs róboris ejus, et quasi murus válidus circúmdans eum. Antequam conterátur, exaltátur cor hóminis : et ántequam glorificétur, humiliátur. Qui prius respóndet quam áudiat, stultum se esse demónstrat, et confusióne dignum.

### FERIA SEXTA.

De Parábolis Salomónis.

Lectio j.

Cap. 22.



**Q**ELIUS est nomen bonum, quam divítiae multae : super argéntum et aurum, grátia bona. Dives, et pauper obviavérunt sibi : utriúsque operátor est Dóminus. Cállidus vidit malum, et abscondit se : ínnocens pertránsiit, et afflíctus est damno. Finis modéstiae timor Dómini, divítiae et glória et vita.

Lectio ij.

**A**RNA et gládii in via pervéri : custos autem ánimae suae longe recédit ab eis. Provérbium est : Adoléscentis juxta viam suam, étiam cum senúerit, non recédet ab ea. Dives paupéribus ímperat : et

qui áccipit mútuum, servus est fenerántis. Qui séminat iniquitátem, metet mala, et virga irae suae consummábitur.

Lectio iij.

**Q**UI pronus est ad misericórdiam, benedicétur : de pánibus enim suis dedit páuperi. Victóriam et honórem acquíret qui dat múnera : ánimam autem aufert accipiéntium. Ejice derisórem, et exíbit cum eo júrgium, cessabúntque causae et contuméliae. Qui díligit cordis mundítiam, propter grátiam labiórum suórum habébit amícum regem.

### SABBATO.

De Parábolis Salomónis.

Lectio j.

Cap. 23.



**A**UDI fili mi, et esto sápiens : et dírige in via ánimus tuum. Noli esse in convíviis potatórum, nec in comesationibus eórum, qui carnes ad vescéndum cónferunt : quia vacántes pótibus, et dantes symbola consuméntur, et vestiétur pannis dormitátio. Audi patrem tuum, qui génuít te : et ne contémnas cum senúerit mater tua.

Lectio ij.

**V**ERITATEM eme, et noli véndere sapiéntiam, et doctrínam, et intelligéntiam. Exsúltat gáudio pater justí : qui sapiéntem génuít, laetábitur in eo. Gáudeat pater tuus, et mater tua, et exsúltet quae



genuit te. Praebe fili mi cor-  
tuum mihi : et óculi tui vias  
meas custódiant. Fóvea enim  
profúnda est méretrix : et pú-  
teus angústus, aliéna.

Leção iij.

**I**NSIDIATUR in via  
quasi latro, et quos in-  
cáutos víderit, interficiet. Cui  
vae? cujus patri vae? cui rixae?  
cui fóveae? cui sine causa vul-  
nera? cui suffúsis oculórum?  
Nonne his, qui commorántur  
in vino, et student calícibus  
epotándis? Ne intueáris vinum  
quando flavéscit, cum splen-  
dúerit in vitro color ejus : in-  
gréditur blande, sed in novís-  
simo mordébit ut cóluber, et  
sicut régulus venéna diffúndet.

AD VESPERAS.

Ad Magnificat, Aña. Sapién-  
tia aedificávit sibi domum, ex-  
cídít colúmnam septem, súbdi-  
dít sibi gentes, superborúmque  
et sublímiū colla própria vir-  
túte calcávit.

DOMINICA II. AUGUSTI.

In primo Nocturno.

Incipit liber Ecclesiástae.

Leção j. Cap. i.



**VERBA** Ecclesiástae,  
fílii David, regis Je-  
rúsalem: Vánitas vani-  
tátum, dixit Eccle-  
siástes : vánitas vanitátum, et  
ómnia vánitas. Quid habet ám-  
plius homo de unívsero labóre  
suo, quo labórat sub sole? Ge-  
nerátio praeterit, et generátio

ádvenit : terra autem in aetér-  
num stat. Oritur sol, et óccidit,  
et ad locum suum revértitur :  
ibíque renáscens, gyrat per me-  
rídiem, et fléctitur ad aquilón-  
em : lustrans unívsera in cir-  
cúitu pergit spíritus, et in cir-  
culos suos revértitur.

Leção ij.

**O**MNIA flúmina intrant in  
mare, et mare non red-  
úndat : ad locum, unde éxeunt  
flúmina, revertúntur ut íterum  
fluant. Cunctae res difíciles :  
non potest eas homo explicáre  
sermóne. Non saturátur óculus  
visu, nec auris audítu implé-  
tur. Quid est quod fuit? ipsum  
quod futúrum est. Quid est  
quod factum est? ipsum quod  
faciéndum est. Nihil sub sole  
novum, nec valet quisquam  
dícere : Ecce hoc recens est :  
jam enim praecéssit in saecu-  
lis, quae fuérunt ante nos.

Leção iij.

**N**ON est priórum memó-  
ria : sed nec eórum qui-  
dem, quae póstea futúra sunt,  
erit recordátio apud eos, qui  
futúri sunt in novíssimo. Ego  
Ecclesiástes fui rex Israél in  
Jerúsalem, et propósui in áni-  
mo meo quaerere et investigáre  
sapiénter de ómnibus, quae  
fiunt sub sole. Hanc occupa-  
tiónem péssimam dedit Deus  
fíliis hóminum, ut occuparén-  
tur in éa. Vidi cuncta, quae  
fiunt sub sole, et ecce unívsera  
vánitas, et afflíctio spíritus.

## FERIA SECUNDA.

De libro Ecclesiástae.

Lectio j. *Cap. 3.*

**V**IDI afflictiónem, quam dedit Deus filiis hóminum, ut distendántur in ea. Cuncta fecit bona in témpore suo, et mundum trádedit disputatióni eórum, ut non invéniat homo opus, quod operátus est Deus ab inítio usque ad finem. Et cognóvi quod non esset mélius nisi laetári, et fácere bene in vita sua.

Lectio ij.

**O**MNIS enim homo, qui cómedit et bibit, et videt bonum de labóre suo, hoc donum Dei est. Dídici quod ómnia ópera, quae fecit Deus, perseverént in perpétuum. Non póssumus eis quidquam áddere, nec auférre, quae fecit Deus ut timeátur. Quod factum est, ipsum pérmanet : quae futúra sunt, jam fuérunt : et Deus instáurat quod ábiit.

Lectio iij.

**V**IDI sub sole in loco iudícii impietátem, et in loco justítiae iniquitátem. Et dixi in corde meo : Justum, et ímpium iudicábit Deus, et tempus omnis rei tunc erit. Dixi in corde meo de filiis hóminum, ut probáret eos Deus, et osténderet símiles esse béstiis. Idcirco unus in-térítus est hóminis, et jumen-

tórum, et aequa utriúsque condítio.

## FERIA TERTIA.

De libro Ecclesiástae.

Lectio j. *Cap. 4.*

**E**LIOR est puer pauper et sápiens, rege sene et stulto, qui nescit praevidére in pósterum. Quod de cárcere, catenísque intérdum quis egrediátur ad regnum : et álius natus in regno, inópia consumátur. Vidi cunctos vivéntes, qui ámbulant sub sole cum adólescén-te secúndo, qui consúrget pro eo.

Lectio ij.

**I**NFINITUS númerus est pópuli ómnium, qui fuérunt ante eum : et qui póstea futúri sunt, non laetabúntur in eo. Sed et hoc, vánitas et afflictio spíritus. Custódi pedem tuum ingrédiens domum Dei, et appropínqua ut áudias. Multo enim mélior est obediéntia, quam stultórum víctimae, qui nésciunt quid faciunt mali.

Lectio iij. *Cap. 5.*

**N**E témere quid loquáris, neque cor tuum sit velox ad proferéndum sermónem coram Deo. Deus enim in caelo, et tu super terram : idcirco sint pauci sermónes tui. Multas curas sequúntur sómnia, et in multis sermónibus inveniétur stultítia. Si quid vovísti Deo,

ne moréris réddere : dísplicet enim ei infidélis et stulta promíssio.

### FERIA QUARTA.

De libro Ecclesiástae.

Lectio j. *Cap. 7.*

**Q**UID necesse est hómini majóra se quærere, cum ignóret quid condúcat sibi in vita sua número diérum peregrinatiónis suae, et témpore, quod velut umbra praeterit? Aut quis ei póterit indicáre quid post eum futúrum sub sole sit? Mélius est nomen bonum, quam ungénta pretiósa : et dies mortis die nativítatis.

Lectio ij.

**M**ELIUS est ire ad domum luctus, quam ad domum convívii : in illa enim finis cunctórum admonétur hóminum, et vivens cógitat quid futúrum sit. Mélior est ira risu : quia per tristítiam vultus corrígitur ánimus delinquéntis. Cor sapiéntium ubi tristítia est, et cor stultórum ubi laetítia.

Lectio iij.

**M**ELIUS est a sapiente córripi, quam stultórum adulatióne decípi : quia sicut sónitus spinárum ardéntium sub olla, sic risus stulti : sed et hoc vánitas. Calúmnia contúrbat sapiéntem, et perdet robur cordis illíus. Mélior est finis oratiónis, quam princí-

pium. Mélior est pátiens arrogánte.

### FERIA QUINTA.

De libro Ecclesiástae.

Lectio j. *Cap. 9.*

**S**UNT justi atque sapiéntes, et ópera eórum in manu Dei : et tamen nescit homo utrum amóre, an ódio dignus sit : sed ómnia in futúrum servántur incérta, eo quod univérsa aequé evéniant justo et impio, bono et malo, mundo et immúndo, immolánti víctimas, et sacrificia contemnénti.

Lectio ij.

**S**ICUT bonus, sic et peccátor : ut perjúrus, ita et ille qui verum déjerat. Hoc est péssimum inter ómnia, quae sub sole fiunt, quia éadem cunctis evéniunt. Unde et corda filiórum hóminum impléntur malítia, et contéptu in vita sua, et post haec ad ínferos deducéntur. Nemo est qui semper vivat, et qui hujus rei hábeat fidúciam.

Lectio iij.

**M**ELIOR est canis vivus leóne mórtuo. Vivéntes enim sciunt se esse moritúros, mórtui vero nihil novérunt ámplius, nec habent ultra mercédem : quia oblivióni trádita est memória eórum. Amor quoque, et ódium, et invídiae simul periérunt, nec habent partem in hoc saeculo, et in ópere, quod sub sole géritur.

## FERIA SEXTA.

De libro Ecclesiástae.

Lectio j. Cap. 10.



**A**E tibi terra, cujus rex puer est, et cujus principes mane cōmēdunt. Beāta terra, cujus rex nōbilis est, et cujus principes vescūntur in tēpore suo ad reficiēdum, et non ad luxūriam. In pigrītiis humiliābitur contignātio : et in infirmitate mānuum perstillābit domus. In risum faciunt panem et vinum, ut epulēntur vivētes : et pecūniae obēdiunt ōmnia.

Lectio ij. Cap. 10. et 11.

**I**N cogitatione tua regi ne dētrahas, et in secrēto cubīculi tui ne maledīxeris dīviti : quia et aves caeli portābunt vocem tuam, et qui habet pennas annuntiābit sentēntiam. Mitte panem tuum super transēūntes aquas : quia post tēpora multa invēnies illum. Da partem septem, nec non et octo : quia ignōras quid futūrum sit mali super terram.

Lectio iij.

**S**I replētae fūerint nubes, imbrem super terram effūdent. Si ceciderit lignum ad austrum, aut ad aquilōnem, in quocūque loco ceciderit, ibi erit. Qui obsērvat ventum, non sēminat : et qui cōsiderat nubes, nunquam metet. Quōmodo ignōras quae sit via spī-

ritus, et qua ratiōne compingāntur ossa in ventre prae-gnāntis; sic nescis ōpera Dei, qui fabricātor est ōmnium.

## SABBATO.

De libro Ecclesiástae.

Lectio j. Cap. 12.



**M**EMENTO Creatōris tui in diēbus juventūtis tuae, āntequam vēniat tempus afflictionis, et appropīnquent anni, de quibus dicas : Non mihi placent, āntequam tenebrēscat sol, et lumen, et luna, et stellae, et revertāntur nubes post plūviam : quando commovebūntur custōdes domus, et nutābunt viri fortīssimi, et otiosae erunt molēntes in minūto nūmero, et tenebrēscant vidēntes per forāmina.

Lectio ij.

**E**T claudent ōstia in platēa, in humilitate vocis molēntis, et consūrgent ad vocem vōlucris, et obsurdēscant omnes filiae cārminis. Excēlsa quoque timēbunt, et formidābunt in via, florēbit amygdalus, impinguābitur locūsta, et dissipābitur cāpparis : quōniam ibit homo in domum aeternitātis suae, et circuībunt in platēa plangēntes.

Lectio iij.

**A**NTEQUAM rumpātur funīculus argēteus, et recūrrat vitta āurea, et conterātur hydria super fontem, et

confringatur rota super cisternam, et revertatur pulvis in terram suam unde erat, et spiritus redeat ad Deum, qui dedit illum. Vanitas vanitatum, dixit Ecclesiastes, et omnia vanitas. Cumque esset sapientissimus Ecclesiastes, docuit populum, et enarravit quae fecerat.

AD VESPERAS.

Ad Magnificat, Añā. Sapientia clāmitat in platēis : Si quis diligit sapientiam, ad me declinet, et eam invēniet : et eam cum invēnerit, beātus erit, si tenuerit eam.

### DOMINICA III. AUGUSTI.

In primo Nocturno.

Incipit liber Sapientiae.

Lectio j.

Cap. i.



**D**ILIGITE justitiam, qui iudicatis terram. Sentite de Dōmino in bonitate, et in simplicitate cordis quaerite illum : quoniam invenitur ab his, qui non tentant illum : apparet autem eis, qui fidem habent in illum. Perversae enim cogitationes separant a Deo : probata autem virtus corrumpit insipientes. Quoniam in malevolam animam non introibit sapientia, nec habitabit in corpore subdito peccatis.

Lectio ij.

**S**PIRITUS enim sanctus disciplinae effugiet fictum, et auferet se a cogitationibus, quae sunt sine intel-

lectu, et corripietur a superveniente iniquitate. Benignus est enim spiritus sapientiae, et non liberabit maledicum a labiis suis : quoniam renum illius testis est Deus, et cordis illius scrutator est verus, et linguae ejus auditor. Quoniam spiritus Dōmini replēvit orbem terrarum : et hoc, quod continet omnia, scientiam habet vocis.

Lectio iij.

**P**ROPTER hoc qui loquitur iniqua, non potest latere, nec praeteriet illum corripiens iudicium. In cogitationibus enim impij interrogatio erit : sermonum autem illius auditio ad Deum veniet, ad correptionem iniquitatum illius. Quoniam auris zeli audit omnia, et tumultus murmurationum non abscondetur. Custodite ergo vos a murmuratione, quae nihil prodest, et a detractioe parcite linguae.

### FERIA SECUNDA.

De libro Sapientiae.

Lectio j.

Cap. 2.



**D**IXERUNT (impij) cogitantes apud se non recte : Exiguum, et cum taedio est tempus vitae nostrae, et non est refrigerium in fine hominis, et non est qui agnitus sit reversus ab inferis : quia ex nihilo nati sumus, et post hoc erimus tamquam non fuimus : quoniam fumus flatus est in naribus nostris : et ser-

mo scintilla ad commovendum cor nostrum : qua extincta, cinis erit corpus nostrum, et spiritus diffundetur tamquam mollis aer.

Lectio ij.

**E**T transibit vita nostra tamquam vestigium nubis, et sicut nebula dissolvitur, quae fugata est a radiis solis, et a calore illius aggravata : et nomen nostrum oblivionem accipiet per tempus, et nemo memoriam habebit operum nostrorum. Umbrae enim transitus est tempus nostrum, et non est reversio finis nostri : quoniam consignata est, et nemo revertitur.

Lectio iij.

**V**ENITE ergo, et fruamur bonis quae sunt, et utamur creatura tamquam in juventute celerriter. Vino pretioso, et unguentis nos impleamus : et non praetereat nos flos temporis. Coronemus nos rosis, antequam marcescant : nullum pratum sit, quod non pertranseat luxuria nostra. Nemo nostrum exsors sit luxuriae nostrae.

### FERIA TERTIA.

De libro Sapientiae.

Lectio j.

Cap. 9.



**I**ITTE sapientiam de caelis sanctis tuis, et a sede magnitudinis tuae, ut mecum sit et mecum laboret, ut sciam quid

acceptum sit apud te : scit enim illa omnia, et intelligit, et deducet me in operibus meis sobrie, et custodiet me in sua potentia. Et erunt accepta opera mea, et disponam populum tuum juste, et ero dignus sedium patris mei.

Lectio ij.

**Q**UIS enim hominum poterit scire consilium Dei? aut quis poterit cogitare quid velit Deus? Cogitationes enim mortalium timidae, et incertae providentiae nostrae. Corpus enim, quod corrumpitur, aggravat animam, et terrena inhabitatio deprimit sensum multa cogitantem.

Lectio iij.

**E**T difficile aestimamus quae in terra sunt : et quae in prospectu sunt, invenimus cum labore. Quae autem in caelis sunt quis investigabit? Sensum autem tuum quis sciet, nisi tu dederis sapientiam, et miseris spiritum sanctum tuum de altissimis : et sic correctae sint semitae eorum, qui sunt in terris, et quae tibi placent didicerint homines?

### FERIA QUARTA.

De libro Sapientiae.

Lectio j.

Cap. 9. et 10.



**E**ER sapientiam sanati sunt quicumque placuerunt tibi Domine a principio. Haec illum, qui primus formatus est

a Deo pater orbis terrarum, cum solus esset creatus, custodivit, et eduxit illum a delicto suo, et dedit illi virtutem continendi omnia. Ab hac ut reces- sit injustus in ira sua, per iram homicidii fraternalis depulsi. Propter quem, cum aqua deleret terram, sanavit iterum sapientia, per contemptibile lignum justum gubernans.

Lectio ij.

**H**AEC et in consensu nequitiarum cum se nationes contulissent, scivit justum, et conservavit sine querela Deo, et in filii misericordia sortem custodivit. Haec justum a pereuntibus impiis liberavit fugientem, descendente igne in pentapolim : quibus in testimonium nequitiarum fumigabunda constat deserta terra, et incerto tempore fructus habentes arbores, et incredibilis animae memoria stans figmentum salis.

Lectio iij.

**S**APIENTIAM enim praetereuntes non tantum in hoc lapsi sunt ut ignorarent bona, sed et insipientiae suae reliquerunt hominibus memoriam, ut in his, quae peccaverunt, nec latere potuissent. Sapientia autem hos, qui se observant, a doloribus liberavit. Haec profugum irae fratris justum deduxit per vias rectas, et ostendit illi regnum Dei.

## FERIA QUINTA.

De libro Sapientiae.

Lectio j.

Cap. 10.



**H**AEC populum justum, et semen sine querela liberavit a nationibus, quae illum deprimebant. Intravit in animam servi Dei, et stetit contra reges horrendos in portentis et signis. Et reddidit justis mercedem laborum suorum, et deduxit illos in via mirabili : et fuit illis in velamento diei, et in luce stellarum per noctem.

Lectio ij.

**T**RANSTULIT illos per Mare rubrum, et transvexit illos per aquam nimiam. Inimicos autem illorum demersit in mare, et ab altitudine inferorum eduxit illos. Ideo justii tulérunt spolia impiorum, et decantaverunt Domine nomen sanctum tuum, et victtricem manum tuam laudaverunt pariter.

Lectio iij.

Cap. 10. et 11.

**Q**UONIAM sapientia aperuit os mutorum, et linguas infantium fecit disertas. Direxit opera eorum in manibus prophetae sancti. Iter fecerunt per deserta, quae non habitabantur : et in locis desertis fixerunt casas. Steterunt contra hostes, et de inimicis se vindicaverunt. Sitiérunt, et invocaverunt te, et data est illis aqua

de petra altíssima, et réquies  
sitis de lápide duro.

### FERIA SEXTA.

De libro Sapiéntiae.

Lectio j. *Cap. 11.*



**O**MNIA in mensúra, et  
número, et póndere  
disposuísti. Multum  
enim valére, tibi soli  
supéreat semper : et virtúti  
bráchii tui quis resístet? Quó-  
niam tamquam moméntum  
statérae, sic est ante te orbis  
terrárum, et tamquam gutta  
roris antelucáni, quae descén-  
dit in terram. Sed miseréris  
ómniū, quia ómnia potes, et  
dissímulas peccáta hóminum  
propter poeniténtiam.

Lectio ij.

**D**ILIGIS enim ómnia quae  
sunt, et nihil odísti eó-  
rum quae fecísti : nec enim  
ódiens áliquid constituísti, aut  
fecísti. Quómodo autem posset  
áliquid permanére, nisi tu vo-  
luísses? aut quod a te vocátum  
non esset, conservaréetur? Par-  
cis autem ómnibus : quóniam  
tua sunt Dómine, qui amas  
ánimas.

Lectio iij. *Cap. 12.*

**O**UAM bonus et suávis  
est Dómine spíritus tuus  
in ómnibus! Ideóque eos, qui  
exérrant, pártibus córripis : et  
de quibus peccant, ádmones et  
allóqueris : ut relícta malítia,  
credant in te Dómine. Cum  
ergo sis justus, juste ómnia

dispónis : ipsum quoque, qui  
non debet puníri, condemnáre,  
éxterum aestimas a tua vir-  
túte.

### SABBATO.

De libro Sapiéntiae.

Lectio j. *Cap. 16.*



**T**U es enim, Dómine,  
qui vitae et mortis  
habes potestátem, et  
dedúcis ad portas  
mortis, et redúcis : homo au-  
tem óccidit quidem per malí-  
tiam, et cum exíerit spíritus,  
non revertétur, nec revocábit  
ánimam quae recépta est : sed  
tuam manum effúgere impos-  
síbile est. Negántes enim te  
nosse ímpii, per fortitúdinem  
bráchii tui flagelláti sunt : no-  
vis aquis, et grandínibus, et  
plúviis persecutiónem passi, et  
per ignem consúpti.

Lectio ij.

**Q**UOD enim mirábile erat,  
in aqua, quae ómnia ex-  
stínguit, plus ignis valébat :  
vindex est enim orbis justó-  
rum. Quodam enim témpore,  
mansuetabátur ignis, ne com-  
bureréntur quae ad ímpios  
missa erant animália : sed ut  
ipsi vidéntes scirent, quóniam  
Dei judício patiúntur persecu-  
tiónem.

Lectio iij.

**E**T quodam témpore in aqua  
supra virtútem ignis, ex-  
ardescébat úndique, ut iníquae  
terrae natiónem extermináret.  
Pro quibus Angelórum esca



nutrivisti pópulum tuum, et parátum panem de caelo praestitisti illis sine labóre, omne delectaméntum in se habéntem, et omnis sapóris suavitátem.

AD VESPERAS.

Ad Magnificat, Aña. Dóminus possédit me in inítio viárum suárum, ántequam quidquam fáceret a princípío : necdum erant abyssi, et ego parturiébar : quando praeparábat caelos, áderam, cum eo compónens ómnia.

DOMINICA IV. AUGUSTI.

In primo Nocturno.

Incipit liber Ecclesiástici.

Lectio j.

Cap. i.



**M**NIS sapiéntia a Dómino Deo est, et cum illo fuit semper, et est ante aevum.

Arénam maris, et plúviae guttas, et dies saeculi quis dinumerávit? Altitúdinem caeli, et latitúdinem terrae, et profúndum abyssi quis diménsus est? Sapiéntiam Dei praecedéntem ómnia quis investigávit? Prior ómnium creáta est sapiéntia, et intelléctus prudéntiae ab aevo. Fons sapiéntiae verbum Dei in excélsis, et ingrédus illús mandáta aetérna.

Lectio ij.

**B**ADIX sapiéntiae cui reveláta est, et astútias illús quis agnóvit? Disciplína sapiéntiae cui reveláta est, et

manifestáta? et multiplicatió-nem ingrédus illús quis intelléxit? Unus est altíssimus Creátor omnípotens, et Rex potens, et metuéndus nimis, sedens super thronum illús et dóminans Deus. Ipse creávit illam in Spíritu sancto, et vidit, et dinumerávit, et mensus est.

Lectio iij.

**E**T effúdit illam super ómnia ópera sua, et super omnem carnem secúndum datum suum, et prae-buit illam diligéntibus se. Timor Dómini glória, et gloriátio, et laetítia, et coróna exsultatiónis. Timor Dómini delectábit cor, et dabit laetítiam, et gáudium, et longitúdinem diérum. Timénti Dóminum bene erit in extrémis, et in die defunctiósni suae benedicétur. Diléctio Dei honorábilis sapiéntia.

FERIA SECUNDA.

De libro Ecclesiástici.

Lectio j.

Cap. i.



**B**ADIX sapiéntiae est timére Dóminum : et rami illús longaevi. In thesáuris sapiéntiae intelléctus, et sciéntiae religiósitas : exsecrátió autem peccatóribus sapiéntia. Timor Dómini expéllit peccátum : nam qui sine timóre est, non póterit justificári : iracúndia enim animositátis illús, subvérsio illús est.

Lectio ij.

**U**SQUE in tempus sustinebit pátiens, et póstea reddítio jucunditátis. Bonus sensus usque in tempus abscondet verba illús, et lábia multórum enarrábunt sensum illús. In thesáuris sapiéntiae significátio disciplínae : exsecrátió autem peccatóri, cultúra Dei. Fili concupíscens sapiéntiam, consérva justítiam, et Deus praebébit illam tibi.

Lectio iij.

**S**APIENTIA enim et disciplína timor Dómini : et quod beneplácitum est illi, fides, et mansuetúdo, et adimplébit thesáuros illús. Ne sis incredíbilis timóri Dómini : et ne accésseris ad illum dúplici corde. Ne fúeris hypócrita in conspéctu hóminum, et non scandalizéris in lábiis tuis. Atténde in illis, ne forte cadas, et addúcas ánimae tuae inhonoratióem.

**FERIA TERTIA.**

De libro Ecclesiástici.

Lectio j.

Cap. 2.



**E**TUENTES Dóminum sustinéte misericórdiam ejus : et non deflectátis ab illo, ne cadátis. Qui timétis Dóminum, créдите illi : et non evacuábitur merces vestra. Qui timétis Dóminum, speráte in illum : et in oblectatióem véniet vobis misericórdia. Qui

timétis Dóminum, dilígite illum, et illuminabúntur corda vestra.

Lectio ij.

**R**ESPICITE filii natiónes hóminum : et scitóte quia nullus sperávit in Dómino, et confúsus est. Quis enim permánsit in mandátis ejus, et derelíctus est? aut quis invocávit eum, et despéxit illum? Quóniam pius et miséricors est Deus, et remíttet in die tribulatiónis peccáta : et protéctor est ómnibus exquiréntibus se in veritáte.

Lectio iij.

**V**AE dúplici corde, et lábiis sceléstis, et máni-bus malefaciéntibus, et peccatóri terram ingrediénti duábus viis. Vae dissolútis corde, qui non credunt Deo : et ídeo non protegéntur ab eo. Vae his, qui perdidérunt sustinéntiam, et qui dereliquérunt vias rectas, et divertérunt in vias pravas.

**FERIA QUARTA.**

De libro Ecclesiástici.

Lectio j.

Cap. 3.



**F**ILII sapiéntiae, ecclésia justórum : et natió illórum, obediéntia et diléctio. Judícium patris audíte filii, et sic fácite ut salvi sitis. Deus enim honorávit patrem in fíliis : et judícium matris exquiréns, firmávit in fílios. Qui dilígit Deum, exorábit pro peccátis,

et continébit se ab illis, et in oratióne diérum exaudiétur.

Lectio ij.

**E**T sicut qui thesaurizat, ita et qui honorificat matrem suam. Qui honorat patrem suum, jucundábitur in filiis, et in die oratiónis suae exaudiétur. Qui honorat patrem suum, vita vivet longióre : et qui obédit patri, refrigerábit matrem. Qui timet Dóminum honorat paréntes, et quasi dómunis sêrviet his, qui se genuérunt.

Lectio iij.

**I**N ópere et sermóne, et omni paciéntia honóra patrem tuum, ut supervéniat tibi benedíctio ab eo, et benedíctio illius in novíssimo máneat. Benedíctio patris firmat domos filiórum : maledíctio autem matris eradícat fundaménta. Ne gloriéris in contumélia patris tui : non enim est tibi glória, ejus confúsió.

### FERIA QUINTA.

De libro Ecclesiástici.

Lectio j.

Cap. 3.



**C**OR durum habébit male in novíssimo : et qui amat perículum, in illo períbit. Cor ingrédiens duas vias, non habébit succéssus, et pravus corde in illis scandalizábitur. Cor nequam gravábitur in dólóribus, et peccátor adjíciet ad peccándum. Synagógae superbórum non erit sánitas : frutex

enim peccáti radicábitur in illis, et non intelligétur.

Lectio ij.

**C**OR sapiéntis intelligitur in sapiéntia, et auris bona áudiet cum omni concupiscéntia sapiéntiam. Sápiens cor, et intelligíbile abstinébit se a peccátis, et in opéribus justítiae succéssus habébit. Ignem ardéntem exstínguit aqua, et eleemósyna resístit peccátis : et Deus prospéctor est ejus qui reddit grátiam : méminit ejus in pósterum, et in témpore casus sui invéniet firmaméntum.

Lectio iij.

Cap. 4.

**F**ILI eleemósynam páuperis ne defráudes, et óculos tuos ne transvértas a páupere. Animam esuriéntem ne despéxeris : et non exásperes páuperem in inópia sua. Cor ínopis ne afflíxeris, et non prótrahas datum angustiánti. Rogatiónem contribuláti ne abjicias : et non avértas fáciem tuam ab egéno.

### FERIA SEXTA.

De libro Ecclesiástici.

Lectio j.

Cap. 4.



**S**APIENTIA filiis suis vitam inspírat, et súscipit inquirentes se, et praeíbit in via justítiae : et qui illam díligit, díligit vitam : et qui vigiláverint ad illam, complecténtur placórem ejus. Qui tenúerint illam, vitam hereditábunt : et

quo introibit, benedícet Deus. Qui sérvíunt ei, obsequéntes erunt sancto : et eos, qui díligunt illam, díligit Deus.

Lectio ij.

**Q**UI audit illam, judicábit gentes : et qui intuétur illam, permanébit confídens. Si credíderit ei, hereditábit illam, et erunt in confirmatióne creatúrae illíus : quóniam in tentatióne ámbulat cum eo, et in primis éligit eum. Timórem et metum, et probatiónem indúcet super illum : et cruciábit illum in tribulatióne doctrínae suae, donec tentet eum in cogitatióibus suis, et credat ánimae illíus.

Lectio iij.

**E**T firmábit illum, et iter addúcet diréctum ad illum, et laetificábit illum, et denudábit abscónsa sua illi, et thesaurizábit super illum sciéntiam et intelléctum justítiae. Si autém oberráverit, derelínquet eum, et tradet eum in manus inimíci sui. Fili consérva tempus, et devíta a malo. Pro ánima tua ne confundáris dícere verum.

### SABBATO.

De libro Ecclesiástici.

Lectio j.

Cap. 5.



**N**OLI atténdere ad possessionés iníquas, et ne díxeris : Est mihi sufficiens vita : nihil enim próderit in témpore vin-

díctae et obductiόνis. Ne sequáris in fortitúdine tua concupiscéntiam cordis tui : et ne díxeris : Quómodo pótui? aut quis me subjíciet propter facta mea? Deus enim vándicans vindicábit. Ne díxeris : Peccávi, et quid mihi áccidit triste? Altíssimus enim est pátiens réditor.

Lectio ij.

**D**E propitiáto peccáto noli esse sine metu, neque adjícias peccátum super peccátum. Et ne dicas : Miserátio Dómini magna est, multitudínis peccatórum meórum miserébitur. Misericórdia enim et ira ab illo cito próximant, et in peccatóres réspicit ira illíus. Non tardes convérte ad Dóminum, et ne dífferas de die in diem : súbito enim véniet ira illíus, et in témpore vindíctae dispédet te.

Lectio iij.

**N**OLI ánxius esse in divítiis injústis : non enim próderunt tibi in die obductiόνis et vindíctae. Non véntiles te in omnem ventum, et non eas in omnem viam : sic enim omnis peccátor probábitur in dúplici lingua. Esto firmus in via Dómini, et in veritáte sensus tui et sciéntia, et proseguábitur te verbum pacis et justítiae.

AD VESPERAS.

Ad Magnificat, Aña. Ego in altíssimis hábito, et thronus meus in columna nubis.

## DOM. V. AUGUSTI.

Si mensis Augusti habuerit quinque Dominicas, in quinta repetantur Lectiones Hebdomadae praecedentis, vel quae superfuerint propter festa habentia Lectiones proprias.

## SABBATO

proximo Kalendis Septembris.

## AD VESPERAS.

R. ij. **Antequam comedam.** ut infra.

Ad Magnificat, Añña. Cum audisset Job nuntiorum verba, sustinuit patienter, et ait : Si bona suscepimus de manu Domini, mala autem quare non sustineamus? In omnibus his non peccavit Job labiis suis, neque stultum aliquid contra Deum locutus est.

## DOM. I. SEPTEMBRIS.

In primo Nocturno.

Incipit liber Job.

Lectio j. *Cap. I.*



IR erat in terra Hus, nomine Job, et erat vir ille simplex, et rectus, ac timens Deum, et recedens a malo : natique sunt ei septem filii, et tres filiae. Et fuit possessio ejus septem millia ovium, et tria millia camelorum, quingenta quoque juga boum, et quingentae asinae, ac familia multa nimis : eratque vir ille magnus inter omnes Orientales.

R. Si bona suscepimus de manu Domini, mala autem quare non sustineamus? Dominus dedit, Dominus abstulit : \* Sicut Domino placuit, ita factum est : sit nomen Domini benedictum. V. Nudus egressus sum de utero matris meae, et nudus revertar illuc. Sicut.

Haec Hist. Si bona. legatur hodie, et seq. Dom. cum de illis agitur.

Lectio ij.

ET ibant filii ejus, et faciebant convivium per domos, unusquisque in die suo. Et mittentes vocabant tres sorores suas ut comederent et biberent cum eis. Cumque in orbem transissent dies convivii, mittebat ad eos Job, et sanctificabat illos, consurgensque diluculo offerabat holocausta pro singulis. Dicebat enim : Ne forte peccaverint filii mei, et benedixerint Deo in cordibus suis. Sic faciebat Job cunctis diebus.

R. Antequam comedam suspiro : et tanquam inundantes aquae, sic rugitus meus : quia timor, quem timebam, evenit mihi : et quod verabar accidit. Nonne dissimulavi? nonne silui? nonne quievi? \* Et venit super me indignatio tua, Domine. V. Ecce, non est auxilium mihi in me, et necessarii quoque mei recesserunt a me. Et venit.

Lectio iij.

**Q**UADAM autem die cum venissent filii Dei ut assisterent coram Domino, adfuit inter eos etiam Satan. Cui dixit Dominus : Unde venis? Qui respondens, ait : Circuivi terram, et perambulavi eam. Dixitque Dominus ad eum : Numquid considerasti servum meum Job, quod non sit ei similis in terra, homo simplex, et rectus, ac timens Deum, et recedens a malo? Cui respondens Satan, ait : Numquid Job frustra timet Deum? Nonne tu vallasti eum, ac domum ejus, universamque substantiam per circuitum?

R7. Utinam appenderentur peccata mea, quibus iram merui : et calamitas, quam patior, \* In statera. V. Quasi arena maris haec gravius appareret. In. Glória Patri. In.

In secundo Nocturno.

R7. iv. Quare detraxistis sermonibus veritatis? Ad increpandum verba componitis, et subvertere nitimini amicum vestrum : \* Verumtamen quae cogitastis expléte. V. Quod justum est, judicáte : et non inveniétis in lingua mea iniquitatem. Verumtamen.

R7. v. Induta est caro mea putredine et sordibus pulveris, cutis mea aruit, et contracta est : \* Meménto mei Dómine, quia ventus est vita mea. V. Dies mei sicut umbra de-

clinaverunt : et ego sicut foenum arui. Meménto.

R7. vj. Páucitas dierum meorum finiétur brevi : dimítte me Dómine, ut plangam páulum dolórem meum : ántequam vadam \* Ad terram tenebrósam, et opértam mortis calígine. V. Remítte mihi, ut refrígerer priúsqvam ábeam. Ad terram. Glória Patri. Ad.

In tertio Nocturno.

R7. vij. Meménto mei Deus, quia ventus est vita mea : \* Nec aspíciét me visus hóminis. V. Et non revertétur óculus meus ut vídeat bona. Nec.

R7. viij. Ne abscondas me Dómine a fácie tua : manum tuam longe fac a me, \* Et formído tua non me térreat. V. Córripe me Dómine in misericórdia, et non in furóre tuo, ne forte ad níhilum redigas me. Et formído.

R7. ix. Nocte os meum perforátur dolóribus : et qui me cómedunt, non dórmunt : a multitúdine eórum consúmitur vestiméntum meum : \* Comparátus sum luto, Et assimilátus sum favíllae et cíneri. V. O custos hóminum, quare me posuísti contrárium tibi, et factus sum mihimetípsi gravis? Parce mihi Dómine, nihil enim sunt dies mei. Comparátus. Glória Patri. Et.

Hoc R7. ix. semel lecto, loco habetur Dom. j. post Oct. ejus dicatur R7. Honor. prout Trinit. pag. 176.

## FERIA SECUNDA.

De libro Job.

Lectio j.

Cap. 2.



**F**ACTUM est autem cum quadam die venissent filii Dei, et starent coram Domino, venisset quoque Satan inter eos, et staret in conspectu ejus, ut diceret Dominus ad Satan: Unde venis? Qui respondens ait: Circulavi terram, et perambulavi eam. Et dixit Dominus ad Satan: Numquid considerasti servum meum Job, quod non sit ei similis in terra, vir simplex et rectus, ac timens Deum, et recedens a malo, et adhuc retinens innocentiam? Tu autem commovisti me adversus eum, ut affligerem eum frustra.

Lectio ij.

**Q**UI respondens Satan, ait: Pellem pro pelle, et cuncta quae habet homo, dabit pro anima sua: alioquin mitte manum tuam, et tange os ejus et carnem, et tunc videbis quod in faciem benedicat tibi. Dixit ergo Dominus ad Satan: Ecce in manu tua est, verumtamen animam illius conserva.

Lectio iij.

**E**GRESSUS igitur Satan a facie Domini, percussit Job ulcere pessimo, a planta pedis usque ad verticem ejus: qui testa saniem radebat, sedens in sterquilinio. Dixit autem illi uxor sua: Adhuc tu

permanes in simplicitate tua? benedic Deo et morere. Qui ait ad illam: Quasi una de stultis mulieribus locuta es. Si bona suscepimus de manu Dei, mala quare non suscipiamus?

## FERIA TERTIA.

De libro Job.

Lectio j.

Cap. 3.



**D**OST haec aperuit Job os suum, et maledixit diei suo, et locutus est. Pereat dies in qua natus sum, et nox in qua dictum est: Conceptus est homo. Dies ille vertatur in tenebras, non requirat eum Deus desuper, et non illustretur lumine. Obscurent eum tenebrae, et umbra mortis, occupet eum caligo, et involvatur amaritudine.

Lectio ij.

**N**OCTEM illam tenebrosus turbo possideat, non computetur in diebus anni, nec numeretur in mensibus: sit nox illa solitaria, nec laude digna: maledicant ei qui maledicunt diei, qui parati sunt suscitare Leviathan: obtenebrantur stellae caligine ejus: exspectet lucem et non videat, nec ortum surgentis aurorae: quia non conclusit ostia ventris, qui portavit me, nec abstulit mala ab oculis meis.

Lectio iij.

**Q**UARE non in vulva mortuus sum, egressus ex utero non statim perii? Quare

excéptus génibus? cur lactátus ubéribus? Nunc enim dórmies silérem, et somno meo requiéscerem : cum régibus et consúlibus terrae, qui aedíficant sibi solitúduines : aut cum princípibus, qui póssident aurum, et replent domos suas argénto.

#### FERIA QUARTA.

De libro Job.

Lectio j.

Cap. 4.



**R**ESPONDENS autem Eliphaz Themanítes, dixit : Si coepérimus loqui tibi, fórsitan moléste accípies, sed concéptum sermónem tenére quis póterit? Ecce docuísti multos, et manus lassas roborásti : vacillántes confirmavérunt sermónes tui, et génua treméntia confortásti : nunc autem venit super te plaga, et defecísti : tétigit te, et conturbátus es.

Lectio ij.

**U**BI est timor tuus, fortitúdo tua, patiéntia tua, et perféctio viárum tuárum? Recordáre, óbsecro te, quis unquam ínnocens périit? aut quando recti deléti sunt? Quin pótius vidi eos, qui operántur iniquitátem, et séminant dolóres, et metunt eos, flante Deo periísse, et spíritu irae ejus esse consúptos.

Lectio iij.

**R**UGITUS leónis, et vox leaenae, et dentes catulórum leónum contríti sunt.

Tigris périit, eo quod non habéret praedam, et catuli leónis dissipáti sunt. Porro ad me dictum est verbum abscónditum, et quasi furtíve suscepit auris mea venas susúrri ejus.

#### FERIA QUINTA.

De libro Job.

Lectio j.

Cap. 6.



**R**ESPONDENS autem Job, dixit : Utinam appenderéntur peccáta mea, quibus iram mérui : et calámitas, quam pátiar, in statéra. Quasi aréna maris haec grávior apparéret : unde et verba mea dolore sunt plena : quia sagíttae Dómini in me sunt, quarum indignátio ébibit spíritum meum, et terróres Dómini militant contra me.

Lectio ij.

**N**UMQUID rúgiet ónager cum habúerit herbam? aut múgiet bos cum ante prae-sépe plenum stéterit? aut póterit cómedi insúlsum, quod non est sale condítum? aut potest áliquis gustáre, quod gustátum affert mortem? Quae prius nólebat tángere ánima mea, nunc prae angústia, cibi mei sunt.

Lectio iij.

**Q**UIS det ut véniat petítio mea : et quod expécto, tríbuat mihi Deus? Et qui coepit, ipse me cónterat : solvat manum suam, et succídat me? Et haec mihi sit consolátio, ut



affligens me dolore, non parcat, nec contradicam sermonibus Sancti. Quae est enim fortitudo mea ut sustineam? aut quis finis meus, ut patienter agam?

### FERIA SEXTA.

De libro Job.

Lectio j.

Cap. 7.



**I**LITIA est vita hominis super terram : et sicut dies mercenarii, dies ejus. Sicut servus desiderat umbram, et sicut mercenarius praestolatur finem operis sui : sic et ego habui menses vacuos, et noctes laboriosas enumeravi mihi. Si dormiero, dicam : Quando consurgam? et rursum expectabo vesperam, et replerbor doloribus usque ad tenebras.

Lectio ij.

**I**NDUTA est caro mea putredine et sordibus pulveris, cutis mea aruit, et contracta est. Dies mei velocius transierunt quam a texente tela succiditur, et consumpti sunt absque ulla spe. Memento quia ventus est vita mea, et non revertetur oculus meus ut videat bona. Nec aspiciet me visus hominis : oculi tui in me, et non subsistam.

Lectio iij.

**S**ICUT consumitur nubes, et pertransit : sic qui descenderit ad inferos, non ascendet. Nec revertetur ultra

in domum suam, neque cognoscet eum amplius locus ejus. Quapropter et ego non parcam ori meo, loquar in tribulatione spiritus mei : confabulabor cum amaritudine animae meae.

### SABBATO.

De libro Job.

Lectio j.

Cap. 9.



**T**respiciens Job, ait : Vere scio quod ita sit, et quod non justificetur homo compositus Deo. Si voluerit contendere cum eo, non poterit ei respondere unum pro mille. Sapiens corde est, et fortis robore : quis restitit ei, et pacem habuit? Qui transtulit montes, et nescierunt hi quos subvertit in furore suo.

Lectio ij.

**Q**UI commovet terram de loco suo, et columnae ejus concutiuntur. Qui praecipit soli, et non oritur : et stellas claudit quasi sub signaculo. Qui extendit caelos solus, et graditur super fluctus maris. Qui facit Arcturum, et Oriona, et Hyadas, et interiora austeri. Qui facit magna, et incomprehensibilia, et mirabilia, quorum non est numerus.

Lectio iij.

**S**I venerit ad me, non videbo eum : si abierit, non intelligam. Si repente interroget, quis respondebit ei? vel

quis dícere potest : Cur ita facis? Deus, cujus irae nemo resistere potest, et sub quo curvántur qui portant orbem. Quantus ergo sum ego, ut respóndeam ei, et loquar verbis meis cum eo? Qui étiam si habúero quídpíam justum, non respondébo, sed meum júdicem deprecábor.

## AD VESPERAS.

Ad Magnificat, Añã. In ómnibus his non peccávit Job lábiis suis, neque stultum quid contra Deum locútus est.

## DOM. II. SEPTEMBRIS.

In primo Nocturno.

De libro Job.

Lectio j.

Cap. 27.

**A**DDIDIT quoque Job, assúmens parábolam suam, et dixit : Vivit Deus, qui ábstulit júdícium meum, et Omnípotens, qui ad amaritúdinem addúxit ánimam meam. Quia donec súperest hálitus in me, et spíritus Dei in náribus meis, non loquéntur lábia mea iniquitátem, nec lingua mea meditábitur mendácium. Absit a me ut justos vos esse júdicem : donec deficiam, non recédam ab innocentia mea.

Lectio ij.

**J**USTIFICATIONEM meam, quam coepi tenére, non déseram : neque enim reprehéndit me cor meum in omni vita mea. Sit ut ímpius,

inimícus meus : et adversárius meus, quasi iníquus. Quae est enim spes hypócritae si aváre rápiat, et non líberet Deus ánimam ejus? Numquid Deus áudiet clamórem ejus, cum vénerit super eum angústia? Aut póterit in Omnípoténte deletári, et invocáre Deum omni témpore?

Lectio iij.

**D**OCEBO vos per manum Dei quae Omnípotens hábeat, nec abscondam. Ecce, vos omnes nostis, et quid sine causa vana loquímíni? Haec est pars hóminis ímpíi apud Deum, et heréditas violentórum, quam ab Omnípoténte suscipient. Si multiplicáti fuerint filii ejus, in gládio erunt, et nepótes ejus non saturabúntur pane. Qui réliqui fuerint ex eo, sepeliéntur in intéritu, et víduae illíus non plorábunt.

## FERIA SECUNDA.

De libro Job.

Lectio j.

Cap. 38.

**R**ESPONDENS autem Dóminus Job de túrbine, dixit : Quis est iste invólvens senténtias sermónibus imperítis? Accínge sicut vir lumbos tuos : interrogábo te, et respónde mihi. Ubi eras quando ponébam fundaménta terrae? Índica mihi si habes intelligéntiam. Quis pósuit mensúras ejus, si nosti? vel quis teténdit super eam líneam?

Lectio ij.

**S**UPER quo bases illius solidatae sunt? aut quis demisit lapidem angularem ejus, cum me laudarent simul astra matutina, et jubilarent omnes filii Dei? Quis conclusit ostiis mare, quando erumpēbat quasi de vulva procedens: cum pōnerem nubem vestimentum ejus, et caligine illud quasi pannis infantiae obvolverem?

Lectio iij.

**C**IRCUMDEDI illud terminis meis, et posui vectem, et ostia; et dixi: Usque huc venies, et non procedes amplius, et hic confringes tumētes fluctus tuos. Numquid post ortum tuum praecepisti diluculo, et ostendisti aurorae locum suum? Et tenuisti concutiens extrema terrae, et excussisti impios ex ea?

## FERIA TERTIA.

De libro Job.

Lectio j.

Cap. 39.



**N**UMQUID nosti tempus partus ibicum in petris, vel parturientes cervas observasti? Dinumerasti menses conceptus earum, et scisti tempus partus earum? Incurvantur ad fetum, et pariunt, et rugitus emittunt. Separantur filii earum, et pergunt ad pastum: egrediuntur, et non revertuntur ad eas.

Lectio ij.

**Q**UIS dimisit onagrum liberum, et vincula ejus quis solvit? Cui dedi in solitudine domum, et tabernacula ejus in terra salsuginis? Contemnit multitudinem civitatis, clamorem exactoris non audit. Circumspicit montes pascuae suae, et virētia quaeque perquirat.

Lectio iij.

**N**UMQUID volet rhinoceros servire tibi, aut morabitur ad praesepe tuum? Numquid alligabis rhinocerotā ad arandum loro tuo? aut confringet glebas vallium post te? Numquid fiduciam habebis in magna fortitudine ejus, et derelinques ei labores tuos? Numquid credes illi quod sementem reddat tibi, et aream tuam congreget?

## FERIA QUARTA.

De libro Job.

Lectio j.

Cap. 39.



**N**UMQUID praebet equo fortitudinem, aut circumdabis collo ejus hinnitum? Numquid suscitabis eum quasi locustas? gloria narium ejus terror. Terram ungula fodit, exultat audacter: in occursum pergit armatis. Contemnit pavorem, nec cedit gladio. Super ipsum sonabit pharetra, vibrabit hasta et clypeus.

Lectio ij.

**F**ERVENS et fremens sorbet terram, nec reputat tubae sonare clangorem. Ubi audierit bucinam, dicit : Vah, procul odoratur bellum, exhortationem ducum, et ululatum exercitus. Numquid per sapientiam tuam plumescit accipiter, expandens alas suas ad austrum? Numquid ad praecipitum tuum elevabitur aquila, et in arduis ponet nidum suum?

Lectio iij.

**I**N petris manet, et in praeruptis silicibus commoratur, atque inaccessis rupibus. Inde contemplatur escam, et de longe oculi ejus prospiciunt. Pulli ejus lambent sanguinem : et ubicumque cadaver fuerit, statim adest. Et adjecit Dominus, et locutus est ad Job : Numquid qui contendit cum Deo, tam facile conquiescit? utique qui arguit Deum, debet respondere ei.

## FERIA QUINTA.

De libro Job.

Lectio j. Cap. 40.

**R**ESPONDENS autem Dominus Job de turbine, dixit : Accinge sicut vir lumbos tuos : interrogabo te : et indica mihi. Numquid irritum facies iudicium meum : et condemnabis me, ut tu justificeris? Et si habes brachium sicut Deus, et si voce simili tonas?

Circumda tibi decorem, et in sublimem erigere, et esto gloriosus, et speciosis induere vestibus.

Lectio ij.

**D**ISPERGE superbos in furore tuo, et respiciens omnem arrogantem humilia. Respice cunctos superbos, et confunde eos, et contere impios in loco suo. Absconde eos in pulvere simul, et facies eorum demerge in foveam : et ego confitebor quod salvare te possit dextera tua. Ecce, Behemoth, quem feci tecum, foenum quasi bos comedit.

Lectio iij.

**N**ON extrahere poteris Leviathan hamo, et fune ligabis linguam ejus? Numquid pones circulum in naribus ejus, aut armilla perforabis maxillam ejus? Numquid multiplicabit ad te preces, aut loquetur tibi mollia? Numquid feriet tecum pactum, et accipies eum servum sempiternum? Numquid illudes ei quasi avi, aut ligabis eum ancillis tuis?

## FERIA SEXTA.

De libro Job.

Lectio j. Cap. 42.

**R**ESPONDENS autem Job Domino, dixit : Scio quia omnia potes, et nulla te latet cogitatio. Quis est iste, qui celat consilium absque scientia? Ideo insipienter locutus sum, et quae ultra modum

excéderent sciéntiam meam. Audi, et ego loquar : interrogábo te, et respónde mihi. Audítu auris audívi te, nunc autem óculus meus videt te. Idcirco ipse me reprehéndo, et ago poeniténtiam in favílla et cínere.

Lectio ij.

**P**OSTQUAM autem locútus est Dóminus verba haec ad Job, dixit ad Eliphaz Themanítem : Irátus est furor meus in te, et in duos amícos tuos, quóniam non estis locúti coram me rectum, sicut servus meus Job. Súmite ergo vobis septem tauros, et septem aríetes, et ite ad servum meum Job, et offérte holocáustum pro vobis.

Lectio iij.

**J**OB autem servus meus orábit pro vobis : fáciem ejus suscípiam ut non vobis imputétur stultítia : neque enim locúti estis ad me recta, sicut servus meus Job. Abiérunt ergo Eliphaz Themanítes, et Baldad Suhítes, et Sophar Naamathítes, et fecérunt sicut locútus fúerat Dóminus ad eos, et suscepit Dóminus fáciem Job.

SABBATO.

De libro Job.

Lectio j.

Cap. 42.



**D**OMINUS quoque convérsus est ad poeniténtiam Job, cum oráret ille pro amícis suis. Et áddidit Dóminus ómnia quaecúmque fúerant

Job, dúplícia. Venérunt autem ad eum omnes fratres sui, et univérsae soróres suae, et cuncti qui nóverant eum prius, et comedérunt cum eo panem in domo ejus : et movérunt super eum caput, et consoláti sunt eum super omni malo quod intúlerat Dóminus super eum.

Lectio ij.

**E**T dedérunt ei unusquísque ovem unam, et ináurem áuream unam. Dóminus autem benedíxit novíssimis Job magis quam princípío ejus. Et facta sunt ei quatuórdecim míllia óvium, et sex míllia camelórum, et mille juga boum, et mille ásinae. Et fuérunt ei septem fílii, et tres fíliae. Et vocávit nomen uníus Diem, et nomen secúndae Cássiam, et nomen tértiae Cornustíbi.

Lectio iij.

**N**ON sunt autem invéntae mulieres speciósae sicut fíliae Job in univérsa terra : dedítque eis pater suus hereditátem inter fratres eárum. Vixit autem Job post haec, centum quadragínta annis, et vidit fílios suos, et fílios filiórum suórum usque ad quartam generatiónem, et mórtuus est senex, et plenus diérum.

AD VESPERAS.

R. ij. Omni témpore. ut infra.

Ad Magnificat, Añña. Ingréssus Ráphaél Angelus ad Tobíam salutávit eum, dicens :

Gáudium tibi semper sit. Cui Tobías ait : Quale gáudium mihi erit, qui in ténebris sédeo, et lumen caeli non vídeo? Cui Angelus inquit : Forti ánimo esto, in próximo est ut a Deo curéris.

---

DOM. III. SEPTEMBRIS.

In primo Nocturno.  
Incipit liber Tobíae.

Lectio j.

Cap. i.



**T**OBIAS ex tribu, et civitate Néphthali (quae est in superioribus Galilaeae supra Naásson, post viam, quae ducit ad occidentem, in sinistro habens civitatem Sephet) cum captus esset in diébus Salmánasar regis Assyriórum, in captivitate tamen pósitus, viam veritátis non deséruit, ita ut ómnia, quae habére póterat, quotidie concaptívis fratribus, qui erant ex ejus género, impertíret. Cumque esset júnior ómnibus in tribu Néphthali, nihil tamen puerile gessit in ópere.

R̃. Peto Dómine ut de vínculo improperií hujus absólvas me, aut certe désuper terram erípias me : ne reminiscáris delícta mea, vel paréntum meórum, neque vindíctam sumas de peccátis meis : \* Quia éruis sustinéntes te, Dómine. Ṽ. Omnia júdicia tua justa sunt, et omnes viae tuae, misericórdia, et veritas : et nunc Dómine meménto mei. Quia éruis.

Haec Historia Peto Dómine dicatur hodie, et duabus Dom. sequentibus, cum de illis agitur.

Lectio ij.

**D**ENIQUE cum irent omnes ad vítulos áureos, quos Jeróboam fécerat rex Israël, hic solus fugiébat consórtia ómnium, sed pergébat in Jerúsalem ad templum Dómini, et ibi adorábat Dóminum Deum Israël, ómnia primitíva sua, et décimas suas fidéliter ófferens, ita ut in tértio anno prosélytis et ádvenis ministráret omnem decimatióem. Haec et his simília secúndum legem Dei puérulus observábat.

R̃. Omni témpore bédic Deum : et pete ab eo, ut vias tuas dírigat, \* Et omni témpore consília tua in ipso permáneant. Ṽ. Inquire ut fácias quae plácita sunt illi in veritate, et in tota virtúte tua. Et omni.

Lectio iij.

**C**UM vero factus esset vir, accépit uxórem Annam de tribu sua, genuítque ex ea fílium, nomen suum impónens ei, quem ab infántia timére Deum dócuit, et abstinére ab omni peccáto. Igitur, cum per captivitatem devenísset cum uxóre sua, et filio in civitatem Níniven cum omni tribu sua, (cum omnes éderent ex cibis gentílium) iste custodívit animam suam, et nunquam contaminátus est in escis eórum.

R̃. Tempus est ut revértar ad eum, qui me misit : vos autem benedícite Deum, \* Et enarráte ómnia mirabília ejus. Ṽ. Confitémini ei coram ómnibus vivéntibus, quia fecit vobíscum misericórdiam suam. Et enarráte. Glória Patri. Et.

In secundo Nocturno.

R̃. iv. Adónai Dómine Deus magne et mirábilis, qui dedísti salutem in manu féminae, \* Exáudi preces servórum tuórum. Ṽ. Benedíctus es Dómine, qui non derelínquis praesuméntes de te : et de sua virtúte gloriántes, humílias. Exáudi.

R̃. v. Dominátor Dómine caelórum et terrae, creátor aquárum, Rex univérsae creatúrae tuae, \* Exáudi oratiónes servórum tuórum. Ṽ. Tu Dómine, cui humílium semper et mansuetórum plácuít deprecátio. Exáudi.

R̃. vj. Spem in álium nunquam hábui, praeter in te, Deus Israél : \* Qui irásceris, et propítius eris, Et ómnia peccáta hóminum in tribulatióne dimíttis. Ṽ. Dómine Deus caeli et terrae, réspice ad humilitátem nostram. Qui. Glória Patri. Et.

In tertio Nocturno.

R̃. vij. Confórta me, Rex sanctórum, principátum tenens : \* Et da sermónem rectum, et bene sonántem in os meum. Ṽ. Da nobis Dómine locum poeniténtiae, et ne clau-

das ora canéntium te, Dómine. Et da sermónem.

R̃. viij. Laudáte Dóminum Deum nostrum, \* Qui non desérui sperántes in se : et in me adimplévit misericórdiam suam, quam promísit dómui Israél. Ṽ. Laudáte Dóminum omnes gentes : et collaudáte eum omnes pópuli. Qui non.

R̃. ix. Dómine rex omnípotens, in ditióne tua cuncta sunt pósita, et non est qui possit resistere voluntáti tuae : líbera nos \* Propter nomen tuum. Ṽ. Exáudi Dómine oratióem nostram, et convérte luctum nostrum in gáudium. Propter. Glória Patri. Propter.

Hoc R̃. ix. semel lecto, dicatur loco illius in duabus Dom. immediate sequentibus R̃. Honor. prout hab. Dom. j. post Oct. Trinit. pag. 176.

## FERIA SECUNDA.

De libro Tobíae.

Lectio j.

Cap. 2.



OST haec vero, cum esset dies festus Dómini, et factum esset prándium bonum in domo Tobíae, dixit filio suo : Vade, et adduc áliquos de tribu nostra, timéntes Deum, ut epuléntur nobíscum. Cumque abiísset, revérsus nuntiávit ei, unum ex filiis Israél jugulátum jacére in platea. Statímque exsiliens de accúbitu suo, relínquens prándium, jejúnus pervénit ad corpus : tollénsque

illud portávit ad domum suam occulte, ut dum sol occubuisset, caute sepeliret eum.

Lectio ij.

**C**UMQUE occultasset corpus, manducávit panem cum luctu et tremóre, mémorans illum sermónem, quem dixit Dóminus per Amos prophétam : Dies festi vestri converténtur in lamentatióem et luctum. Cum vero sol occubuisset, ábiit, et sepelívit eum. Arguébant autem eum omnes próximos ejus, dicéntes : Jam hujus rei causa interfíci jussus es, et vix effugísti mortis impérium, et iterum sélipis mórtuos?

Lectio iij.

**S**ED Tobías plus timens Deum, quam regem, rapiébat córpora occisórum, et occultábat in domo sua, et médiis nóctibus sepeliébat ea. Cántigit autem ut quadam die fatigátus a sepultúra, véniens in domum suam, jactásset se juxta paríetem, et obdormísset, et ex nido hirúndinum dormiénti illi cávida stércora incíderent super óculos ejus, fierétque caecus.

### FERIA TERTIA.

De libro Tobíae.

Lectio j.

Cap. 4.



**I**GITUR cum Tobías putáret oratióem suam exaudíri ut mori potuísset, vocávit ad se Tobíam filium suum, dixítque ei : Audi fili mi verba oris mei, et ea in corde tuo,

quasi fundaméntum cónstrue. Cum accéperit Deus ánimam meam, corpus meum sélipeli : et honórem habébis matri tuae ómnibus diébus vitae ejus : memor enim esse debes, quae et quanta perícula passa sit propter te in útero suo.

Lectio ij.

**C**UM autem et ipsa compléverit tempus vitae suae, sepélias eam circa me. Omnibus autem diébus vitae tuae in mente habéto Deum : et cave ne aliquándo peccáto conséntias, et praetermíttas praecépta Dómini Dei nostri. Ex substántia tua fac eleemósynam, et noli avértere faciém tuam ab ullo páupere : ita enim fiet ut nec a te avertátur fácies Dómini.

Lectio iij.

**Q**UOMODO potúeris, ita esto miséricors. Si multum tibi fúerit, abundánter tríbue : si exíguum tibi fúerit, étiam exíguum libénter impertrí stude. Praemium enim bonum tibi thesaurízas in die necessitátis. Quóniam eleemósyna ab omni peccáto, et a morte líberat, et non patiéitur ánimam ire in ténebras.

### FERIA QUARTA

in jejuniis Quatuor Temp.

Lectio sancti Evangélíi secúndum Marcum.

Lectio j.

Cap. 9.

**I**N illo témpore : Respóndens unus de turba, dixit ad Jesum : Magíster, áttuli



filium meum ad te, habentem spiritum mutum. Et reliqua.

Homilia venerabilis Bedae  
Presbyteri.

*In cap. 9. Marc. lib. 3. c. 38.*



**DAEMONIACUM** hunc Marcus quidem surdum mutumque, Matthaeus vero lunaticum fuisse commemorat. Significat autem eos, de quibus scriptum est : Stultus ut luna mutatur : qui nunquam in eodem statu permanentes, nunc ad haec, nunc ad illa vitia mutati, crescunt atque decrescunt. Qui muti sunt, non confitendo fidem; surdi, nec ipsum aliquatenus veritatis audiendo sermonem. Spumant autem, cum stultitia tabescunt : strident dentibus, cum iracundiae furore flammescunt : arescunt, cum otio torpente languescunt, et nulla virtutis industria confortati enerviter vivunt.

Lectio ij.

**Q**UOD autem dictum est : Frequenter eum et in ignem, et in aquas misit; maxima humanae vecordiae facinora designantur. Ignis namque ardor ad fervorem iracundiae referendus est : aqua ad voluptates carnis, quae dissolvere mentem per delicias solent. Vel certe in ignem fertur daemoniacus, quo adulterantium corda succensa sunt, et in aquas, quae solent extinguere caritatem. Bene autem Dominus, qui

spiritum immundum pellit ab homine, simul ne amplius in eum ingrediatur imperat : quia ille veraciter a daemoniaca dominatione liberatur, qui ad peccata, a quibus semel poenitendo mundatus est, vitat male vivendo reverti.

Lectio iij.

**E**T dixit illis : Hoc genus daemoniorum in nullo potest exire, nisi in oratione, et jejunio. Dum docet Apostolos quomodo daemon nequissimus debeat expelli, omnes instituit ad vitam : ut scilicet novérimus gravissima quaeque vel immundorum spirituum vel hominum tentamenta jejuniis et orationibus esse superanda : iram quoque Domini, cum in ultionem nostrorum scelerum fuerit accensa, hoc remedio singulari posse placari. Jejunium autem generale est, non solum ab escis, sed a cunctis illécebris abstinere carnalibus, immo ab omnibus vitiis se continere passionibus.

Oratio.

**P**RAESTA, quaesumus Domine, familiae tuae supplicanti : ut dum a cibis corporalibus se abstinet, a vitiis quoque mente jejUNET. Per Dominum.

Haec Oratio, una cum aliis, quae in subsequentibus duabus Feriis sigillatim ponuntur, ad Laudes tantum dicatur : ad alias autem Horas, et ad Vesperas, Oratio Dominicae.

## FERIA QUINTA.

De libro Tobíae.

Lectio j.

Cap. 6.



**P**ROFECTUS est autem Tobías, et canis secútus est eum, et mansit prima mansiōe juxta flúvium Tigris. Et exívit ut laváret pedes suos, et ecce piscis immánis exívit ad devorándum eum. Quem expavéscens Tobías clamávit voce magna, dicens : Dómine, invádit me. Et dixit ei Angelus : Apprehénde bránciam ejus, et trahe eum ad te.

Lectio ij.

**Q**UOD cum fecísset, attráxit eum in siccum, et palpitáre coepit ante pedes ejus. Tunc dixit ei Angelus : Exéntera hunc piscem, et cor ejus, et fel, et jecur repóne tibi : sunt enim haec necessariá ad medicaménta utiliter. Quod cum fecísset, assávit carnes ejus, et secum tulérunt in via : cétera saliérunt, quae sufficerent eis, quousque pervenírent in Rages civitátem Medórum.

Lectio iij.

**T**UNC interrogávit Tobías Angelum, et dixit ei : Obsecro te Azaría frater, ut dicas mihi quod remédium habébunt ista, quae de pisce serváre jussísti. Et respóndens Angelus, dixit ei : Cordis ejus partículam si super carbónes ponas, fumus ejus extrícat omne genus daemoniórum sive

a viro, sive a muliere, ita ut ultra non accédát ad eos. Et fel valet ad ungéndos óculos, in quibus fúerit albúgo, et sanabúntur.

## FERIA SEXTA

Quatuor Temporum.

Lectio sancti Evangelii secundum Lucam.

Lectio j.

Cap. 7.

**I**N illo témpore : Rogábat Jesum quidam de Pharisaeis, ut manducáret cum illo. Et ingressus domum Pharisaei, discúbuit. Et ecce mulier, quae erat in civitáte peccátrix, ut cognóvit quod accubuísset in domo Pharisaei, áttulit alabastrum unguénti. Et reliqua.

Homília sancti Gregórii Papae.

Homilia 33. in Evang.



**I**QUET, fratres, quod illícitis áctibus prius mulier inténta, unguéntum sibi pro odóre carnis adhíbuit. Quod ergo sibi túrpius exhibúerat, hoc jam Deo laudabíliter offerebat. Oculis terréna concupíerat : sed hos jam per poeniténtiam cónterens, flebat. Capíllis ad compositiónem vultus exhibúerat : sed jam capíllis lácrimas tergébat. Ore supérba díxerat : sed pedes Dómini ósculans, hoc in Redemptóris sui vestígia figébat. Quot ergo in se hábuit oblectaménta, tot de se invénit holocáusta. Convertit ad virtútum númerum,

númerum críminum : ut totum servíret Deo in poeniténtia, quidquid ex se Deum contempserat in culpa.

Lectio ij.

**Q**UEM vero peccátrix mulier, ad vestígia Dómini véniens et plorans, nisi conversam gentilitátem désignat? Quae cum alabástro venit, unguéntum fudit, retro secus pedes Dómini stetit, lácrymis pedes rigávit, capíllis tersit, eosdémque, quos infundébat et tergébat, pedes osculári non désiit. Nos ergo, nos illa mulier expréssit, si toto corde ad Dóminum post peccáta redeámus, si ejus poeniténtiae luctus imitémur. Quid namque unguénto, nisi bonae odor opinionis exprimitur? Si ergo recta ópera ágimus, quibus opinionis bonae odóre Ecclesiám respergámus, quid, nisi in Dómini corpore unguéntum fúndimus?

Lectio iij.

**S**ED secus pedes Jesu mulier stetit. Contra pedes enim Dómini stétimus, cum in peccátis pósito, ejus itinéribus renitebámur. Sed si ad veram poeniténtiam post peccáta convertimur, jam retro secus pedes stamus : quia ejus vestígia séquimur, quem impugnabámus. Lácrymis mulier pedes ejus rigat. Quod nos quoque veraciter ágimus, si quibúslibet últimis membris Dómini per compassiónis afféctum incliná-

mur, si sanctis ejus in tribulatióne compátimur, si eórum tristítiam, nostram putámus. Capíllis mulier pedes, quos rigáverat, tersit. Capíllis pedes Dómini térgimus, quando sanctis ejus ex his, quae nobis superfluunt, miserémur. Osculátur pedes, quos tergit : quod nos quoque plene ágimus, si studiósé dilígimus, quos ex largitáte continémus.

Oratio.

**P**RAESTA, quaesumus omnipotens Deus : ut observatiónes sacras ánnua devotióne recoléntes, et corpore tibi placeámus, et mente. Per Dóminum.

### SABBATO

Quatuor Temporum.

Lectio sancti Evangelii secundum Lucam.

Lectio j. *Cap. 13.*

**I**N illo témpore : Dicébat Jesus turbis hanc similitúdinem : Arborem fici habébat quidam plantátam in vínea sua. Et reliqua.

Homília sancti Gregórii Papae.

*Homilia 31. in Evang.*



**Q**UID arbor fici, nisi humanam natúram désignat? Quae ad Dei similitúdinem cóndita, dum in sua dignitate non pérstitit, quod plantáta fúerat, serváre contempsit. Tértio Dóminus víneae ad ficúlneam venit : quia natúram géneris

humáni ante legem, sub lege, sub grátia, exspectádo, admonéndo, visitádo requisívit.

• Lectio ij.

**V**ENIT ante legem : quia per naturálem intelléctum quid unusquísque exémplo sui quáliter erga próximum ágere debuísset, innótuit. Venit in lege : quia praecipiéndo dócuit. Venit post legem per grátiam : quia suae pietátis praeséntiam exhibéndo monstrávit. Sed tamen in tribus annis fructum se non invenísse conquératur : quia quorúmdam pravórum mentes nec inspiráta lex naturális córrigit, nec praecépta erúdiunt, nec incarnatiónis ejus mirácula convértunt. Et sunt plerique, qui increpatiónes audiunt : et tamen ad poeniténtiam redíre contémnunt.

Ex Sermóne nono sancti

Leónis Papae.

*De Feiun. Mensis sept.*

Lectio iij.

**J**EJUNIUM, quod nobis séptimi mensis recúrsus indícit, fide álacri per castigatióne animae et cóporis celebrémus. Ut autem mens rationábilis salúbriter exterióra castíget, debet étiam própria exercére jejúnia : quia non solum carnis desidériis, sed étiam animi cupiditatibus cónvenit repugnáre. Péssimus enim animae cibus est, velle quod non licet : et nóxia cordis delectatió est, quae aut turpi lucro pásci-

tur, aut supérbia extóllitur, aut adulatióne laetátur. Cordis igitur nostri secréta rimémur : ac si quis amor vanae glóriæ, si quae radix avarítiae, si quod inest virus invídiae, nihil tálum ánima sumat escárum.

Oratio.

**P**RAESTA, quaesumus Dómine, sic nos ab épulis abstinére carnálibus; ut a vítiis irruéntibus páriter jejúnemus. Per Dóminum.

AD VESPERAS.

Ad Magnificat, Aña. Ne reminiscáris Dómine delícta mea, vel paréntum meórum : neque vindíctam sumas de peccátis meis.

DOM. IV. SEPTEMBRIS.

In primo Nocturno.

Incipit liber Judith.

Lectio j.

Cap. i.



**A**RPHAXAD itaque, rex Medórum, subjúgáverat multas gentes império suo, et ipse aedificávit civitátem potentíssimam, quam appellávit Ecbátanis, ex lapídibus quadrátis et sectis : fecit muros ejus in altitúdinem cubitórum septuagínta, et in latitúdinem cubitórum trigínta, turres vero ejus pósuit in altitúdinem cubitórum centum. Per quadrum vero eárum latus utrúmqve vicenórum pedum spátio tendebátur, posuítque portas ejus in altitúdinem túrrium.

Lectio ij.

**A**NNO igitur duodécimo regni sui : Nabuchodónosor rex Assyriórum, qui regnábat in Nínive civitáte magna, pugnávit contra Arphaxad, et obtínuit eum in campo magno, qui appellátur Ragau, circa Euphráten, et Tigrin, et Jádason in campo Erioch regis Elicórum. Tunc exaltátum est regnum Nabuchodónosor, et cor ejus elevátum est.

Lectio iij.

Cap. 2.

**V**OCAVITQUE omnes majóres natu, omnésque duces, et bellatóres suos, et hábuit cum eis mystérium consílii sui : dixítque cogitatióem suam in eo esse, ut omnem terram suo subjugáret império. Quod dictum cum placuisset ómnibus, vocávit Nabuchodónosor rex Holoférnem príncipem militíae suae, et dixit ei : Egrédere advérsus omne regnum occidentis, et contra eos praecípue, qui contempsérunt impérium meum.

## FERIA SECUNDA.

De libro Judith.

Lectio j.

Cap. 3.



**N**ABUCHODONOSOR rex, ut omnes deos terrae extermináret, videlicet ut ipse solus dicerétur deus ab his natióibus, quae potuissent Holoférnis poténtia subjugári. Pertransiens autem Syriam Sobal,

et omnem Apaméam, omnémque Mesopotámiam, venit ad Idumaeos in terram Gábaa, accepítque civitátes eórum, et sedit ibi per trigínta dies.

Lectio ij.

Cap. 4.

**T**UNC audiéntes haec filii Israél, qui habitábant in terra Juda, timuérunt valde a fácie ejus. Tremor, et horror invásit sensus eórum, ne hoc fáceret Jerúsalem et templo Dómini, quod fécerat céteris civitátibus et templis eárum. Et misérunt in omnem Samáriam per circúitum usque Jéricho, et praeoccupavérunt omnes vértices móntium : et muris circumdedérunt vicos suos, et congregavérunt fruménta in praeparatióem pugnae.

Lectio iij.

**E**T clamávit omnis pópulus ad Dóminum instántia magna, et humiliavérunt ánimas suas in jejúniis, et oratióibus, ipsi et mulieres eórum. Et induérunt se Sacerdótes cilíciis, et infántes prostravérunt contra fáciem templi Dómini, et altáre Dómini operuérunt cilicio : et clamavérunt ad Dóminum Deum Israél unanímiter.

## FERIA TERTIA.

De libro Judith.

Lectio j.

Cap. 7.



**H**OLOFERNES autem áltera die praecepít exercítibus suis ut ascénderent contra Bethúliam. Erant autem

pédites bellatórum centum viginti millia, et équites viginti duo millia, praeter praeparationes virórum illórum, quos occupáverat captivitas, et abducti fuerant de provinciis et úrbibus univérsae juventutis. Omnes paravérunt se páriter ad pugnam contra filios Israël.

Lectio ij.

**F**ILII autem Israël ut viderunt multitudinem illórum, prostravérunt se super terram, mitténtes cinerem super cápita sua, unánimes orántes ut Deus Israël misericórdiam suam ostenderet super pópulum suum. Et assuméntes arma sua bellica, sedérunt per loca, quae ad angústi itínemis trámitem dirígunt inter montósa, et erant custodiéntes ea tota die et nocte.

Lectio iij.

**P**ORRO Holofernes, dum circuit per gyrum, réperit quod fons, qui influébat, aquae ductum illórum a parte austráli extra civitátem dirigeret : et incídi praecépit aquae ductum illórum. Erant tamen non longe a muris fontes, ex quibus furtim videbántur hauríre aquam ad refocillándum pótius quam ad potándum.



## FERIA QUARTA.

De libro Judith.

Lectio j.

Cap. 8.



**C**RAT autem Judith relícta (Manásse) vídua jam annis tribus, et ménsibus sex. Et in superióribus domus suae fecit sibi secrétum cubículum, in quo cum puéllis suis clausa morabátur, et habens super lumbos suos cilícium, jejunábat ómnibus diébus vitae suae, praeter sábbata, et neoménias, et festa domus Israël. Erat autem elegánti aspéctu nimis, cui vir suus relíquerat divítias multas, et famíliam copiósam.

Lectio ij.

**H**AEC itaque cum audísset quóniam Ozías promísset quod transácto quinto die tráderet civitátem, misit ad presbyteros Chabri, et Charmi. Et venérunt ad illam, et dixit illis : Quod est hoc verbum, in quo conséntit Ozías, ut tradat civitátem Assyriis si intra quinque dies non vénerit vobis adjutórium? Et qui estis vos, qui tentátis Dóminum?

Lectio iij.

**N**ON est iste sermo, qui misericórdiam próvocet, sed pótius qui iram éxcitet, et furórem accéndat. Et ídeo humiliémus illi ánimas nostras, et in spíritu constitúti humiliáto, serviéntes illi, dicámus flentes Dómino, ut secúndum

voluntatem suam sic faciat nobiscum misericordiam suam: ut sicut conturbatum est cor nostrum in superbia eorum, ita etiam de nostra humilitate gloriamur.

### FERIA QUINTA.

Si mensis Septembris habuerit quatuor tantum Dominicas, in hac die et duabus sequentibus legantur Lectiones De libro Esther, quae mox infra reperiuntur pro quinta Dominica, et duabus sequentibus Feriis; et sequentes de Judith omittantur.

De libro Judith.

Lectio j. Cap. 10.



ACTUM est autem, cum cessasset clamare ad Dominum, surrexit de loco, in quo jacuerat prostrata ad Dominum. Vocavitque abram suam, et descendens in domum suam, abstulit a se cilicium, et exuit se vestimentis viduitatis suae, et lavit corpus suum, et unxit se myro optimo, et discriminavit crinem capitis sui, et imposuit mitram super caput suum, et induit se vestimentis jucunditatis suae.

Lectio ij.

INDUITQUE sandalia pedibus suis, assumpsitque destraliola, et lilia, et in aureas, et anulos, et omnibus ornamentis suis ornavit se. Cui etiam Dominus contulit splen-

dorem: quoniam omnis ista compositio non ex libidine, sed ex virtute pendebat: et ideo Dominus hanc in illam pulcritudinem ampliavit, ut incomparabili decore omnium oculis appareret.

Lectio iij.

IMPOSUIT itaque abrae suae ascoperam vini, et vas olei, et polentam, et palathas, et panes, et caseum, et profecta est. Cumque venissent ad portam civitatis, invenerunt expectantem Oziam et presbyteros civitatis. Qui cum vidissent eam, stupentes mirati sunt nimis pulcritudinem ejus. Nihil tamen interrogantes eam, dimiserunt transire.

### FERIA SEXTA.

De libro Judith.

Lectio j. Cap. 10.



ACTUM est autem, cum descenderet montem, circa ortum diei, occurrerunt ei exploratores Assyriorum, et tenuerunt eam, dicentes: Unde venis? aut quo vadis? Quae respondit: Filia sum Hebraeorum, ideo ego fugi a facie eorum, quoniam futurum agnovi, quod dentur vobis in depredationem, pro eo quod contemnentes vos, noluerunt ultro tradere seipsos ut invenirent misericordiam in conspectu vestro.

## Lectio ij.

**H**AC de causa cogitavi mecum, dicens : Vadam ad faciem principis Holofernis, ut indicem illi secreta illorum, et ostendam illi quo aditu possit obtinere eos, ita ut non cadat vir unus de exercitu ejus. Et cum audissent viri illi verba ejus, considerabant faciem ejus, et erat in oculis eorum stupor, quoniam pulcritudinem ejus mirabantur nimis.

## Lectio iij.

**E**T dixerunt ad eam : Conservasti animam tuam eo quod tale reperisti consilium, ut descenderes ad dominum nostrum. Hoc autem scias, quoniam cum steteris in conspectu ejus, bene tibi faciet, et eris gratissima in corde ejus. Duxeruntque illam ad tabernaculum Holofernis, annuntiantes eam. Cumque intrasset ante faciem ejus, statim captus est in suis oculis Holofernes.

## SABBATO.

De libro Judith.

Lectio j.

Cap. 13.



**R**ATQUE Judith sola in cubiculo. Porro Holofernes jacebat in lecto, nimia ebrietate sopitus. Dixitque Judith puellae suae ut staret foris ante cubiculum, et observaret. Stetitque Judith ante lectum, orans cum lacrymis, et labiorum motu in silentio, dicens :

Confirma me Domine Deus Israel, et respice in hac hora ad opera manuum mearum, ut, sicut promisisti, Jerusalem civitatem tuam erigas : et hoc quod credens per te posse fieri cogitavi, perficiam.

## Lectio ij.

**E**T cum haec dixisset, accessit ad columnam, quae erat ad caput lectuli ejus, et pugionem ejus, qui in ea ligatus pendebat, exsolvit. Cumque evaginasset illum, apprehendit comam capitis ejus, et ait : Confirma me Domine Deus in hac hora. Et percussit bis in cervicem ejus, et abscidit caput ejus, et abstulit conopaeum ejus a columnis, et evolvit corpus ejus truncum.

## Lectio iij.

**E**T post pusillum exiit, et tradidit caput Holofernis ancillae suae, et jussit ut mitteret illud in peram suam. Et exierunt duae, secundum consuetudinem suam, quasi ad orationem, et transierunt castra, et gyrantes vallem, venerunt ad portam civitatis. Et dixit Judith a longe custodibus murorum : Aperite portas, quoniam nobiscum est Deus, qui fecit virtutem in Israel.

## AD VESPERAS.

Ad Magnificat, Añna. Adonai Domine Deus magne et mirabilis, qui dedisti salutem in manu feminae, exaudi preces servorum tuorum.



## DOM. V. SEPTEMBRIS.

In primo Nocturno.

Incipit liber Esther.

Lectio j.

Cap. 1.

**I**N diébus Assuéri, qui regnávít ab India usque Æthiópíam super centum viginti septem províncias : quando sedit in sólio regni sui, Susan civitas regni ejus exórdium fuit. Tértio ígitur anno impérii sui fecit grande convívium cunctis princípibus, et púeris suis, fortíssimis Persárum, et Medórum ínclytis, et praeféctis provinciárum coram se, ut osténderet divítias glóriæ regni sui.

Lectio ij.

**V**ASTHI quoque regína fecit convívium feminárum in palátio, ubi rex Assuérus manére consuéverat. Itaque die séptimo, cum rex esset hilárior, et post nímiam potatió-nem incaluísset mero, praecé-pit Maumam, et Bázatha, et Hárbona, et Bágatha, et Abga-tha, et Zethar, et Charchas, septem eunúchis, qui in conspéctu ejus ministrábant, ut introdúcerent regínam Vasthi coram rege, pósito super caput ejus diadémate, ut osténderet cunctis pópulis et princípibus pulcritúdinem illíus : erat enim pulcra valde.

Lectio iij.

**Q**UAE rénuít, et ad regis impérium, quod per eunúchos mandáverat, veníre

contémpsit. Unde irátus rex, et nímio furóre succénsus, interrogávit sapiéntes, qui ex more régio semper ei áderant, et illórum faciébát cuncta consílio, sciéntium leges, ac jura majórum : cui senténtiae Vasthi regína subjacéret, quae Assuéri regis impérium, quod per eunúchos mandáverat, fácere nolúisset.

## FERIA SECUNDA.

De libro Esther.

Lectio j.

Cap. 2.

**I**S ita gestis, postquam regis Assuéri indignátio deferbúerat, recordátus est Vasthi, et quae fecísset, vel quae passa esset : dixerúntque púeri regis, ac minístri ejus : Quaerántur regi puéllae vírgines ac speciósae, et mittántur qui consíderent per univérsas províncias puéllas speciósas et vírgines : et addúcant eas ad civitátem Susan.

Lectio ij.

**E**RAT vir Judaeus in Susan civitáte, vocábulo Mardochaeus fílius Jair, fílii Sémei, fílii Cis, de stirpe Jémini, qui translátus fúerat de Jerúsalem eo témpore, quo Jechoníam regem Juda Nabuchodónosor rex Babylónis transtúlerat, qui fuit nutritius fíliae fratris sui Edíssae, quae áltero nómine vocabátur Ésther : et utrúmque parén-

tem amiserat : pulcra nimis, et decora facie.

Lectio iij.

**M**ORTUISQUE patre ejus ac matre, Mardochaeus sibi eam adoptavit in filiam. Cumque percrebuisset regis imperium, et juxta mandatum illius multae pulchrae virgines adducerentur Susan, et Egéo traderentur eunúcho; Esther quoque inter ceteras puellas ei tradita est, ut servaretur in número feminarum. Quae placuit ei, et invenit gratiam in conspectu illius.

### FERIA TERTIA.

De libro Esther.

Lectio j.

Cap. 2.



**Q**VOLUTO autem tempore per ordinem, instabat dies, quo Esther filia Abihail fratris Mardochaei, quam sibi adoptaverat in filiam, deberet intrare ad regem. Quae non quaesivit muliebrem cultum, sed quaecumque voluit Egéus eunúchus custos virginum, haec ei ad ornatum dedit. Erat enim formosa valde, et incredibili pulcritudine, omnium oculis gratioza et amabilis videbatur.

Lectio ij.

**D**UCTA est itaque ad cubiculum regis Assuéri mense decimo, qui vocatur Tebeth, séptimo anno regni ejus. Et adamavit eam rex plus quam

omnes mulieres, habuitque gratiam et misericordiam coram eo super omnes mulieres, et posuit diadema regni in capite ejus, fecitque eam regnare in loco Vasthi.

Lectio iij.

**E**O igitur tempore, quo Mardochaeus ad regis januam morabatur, irati sunt Bágathan, et Thares duo eunúchi regis, qui janitores erant, et in primo palatii limine praesidebant : volueruntque insurgere in regem, et occidere eum. Quod Mardochaeum non latuit, statimque nuntiavit reginae Esther : et illa regi ex nomine Mardochaei, qui ad se rem detulerat.

### FERIA QUARTA.

De libro Esther.

Lectio j.

Cap. 3.



**Q**UOST haec rex Assuérus exaltavit Aman filium Amádathi, qui erat de stirpe Agag : et posuit solium ejus super omnes principes, quos habebat. Cunctisque servi regis, qui in foribus palatii versabantur, flectebant genua, et adorabant Aman : sic enim praecerat eis imperator : solus Mardochaeus non flectebat genu, neque adorabat eum. Cui dixerunt pueri regis, qui ad fores palatii praesidebant : Cur praeter ceteros non observas mandatum regis?

Lectio ij.

**C**UMQUE hoc crebrius dicerent, et ille nollet audire, nuntiaverunt Aman, scire cupientes utrum perseveraret in sententia : dixerat enim eis se esse Judaeum. Quod cum audisset Aman, et experimento probasset quod Mardocheus non flecteret sibi genu, nec se adoraret, iratus est valde, et pro nihilo duxit in unum Mardocheum mittere manus suas.

Lectio iij.

**A**UDIERAT enim quod esset gentis Judaeae : magisque voluit omnem Judaeorum, qui erant in regno Assuéri, perdere nationem. Mense primo (cujus vocabulum est Nisan) anno duodecimo regni Assuéri, missa est sors in urnam, quae Hebraice dicitur phur, coram Aman, quo die et quo mense gens Judaeorum deberet interfici : et exivit mensis duodecimus, qui vocatur Adar.

## FERIA QUINTA.

De libro Esther.

Lectio j.

Cap. 5.

**D**IE autem tertio induta est Esther regalibus vestimentis, et stetit in atrio domus regiae, quod erat interius, contra basilicam regis. At ille sedebat super solium suum in consistorio palatii contra

ostium domus. Cumque vidisset Esther reginam stantem, placuit oculis ejus, et extendit contra eam virgam auream, quam tenebat manu. Quae accedens, osculata est summitatem virgae ejus.

Lectio ij.

**D**IXITQUE ad eam rex : Quid vis Esther regina? quae est petitio tua? etiam si dimidiam partem regni petieris, dabitur tibi. At illa respondit : Si regi placet, obsecro ut venias ad me hodie, et Aman tecum ad convivium, quod paravi. Statimque rex, Vocate, inquit, cito Aman ut Esther obediat voluntati. Venérunt itaque rex et Aman ad convivium, quod eis regina paraverat.

Lectio iij.

**D**IXITQUE ei rex, postquam vinum biberat abundanter : Quid petis ut detur tibi? et pro qua re postulas? etiam si dimidiam partem regni mei petieris, impetrabis. Cui respondit Esther : Petitio mea, et preces sunt istae : Si inveni in conspectu regis gratiam, et si regi placet ut det mihi quod postulo, et meam impleat petitionem : veniat rex et Aman ad convivium quod paravi eis, et cras aperiam regi voluntatem meam.



## FERIA SEXTA.

De libro Esther.

Lectio j.

Cap. 6.



**D**OCTEM illam duxit rex insomnem, iussitque sibi affèrri historias et annales priorum temporum. Quae cum illo praesente legerentur, ventum est ad illum locum ubi scriptum erat quomodo nuntiasset Mardocheus insidias Bagothan, et Thares eunuchorum, regem Assuerum iugulare cupientium. Quod cum audisset rex, ait : Quid pro hac fide honoris ac praemii Mardocheus consecutus est? Dixerunt ei servi illius ac ministri : Nihil omnino mercedis accepit.

Lectio ij.

**S**TATIMQUE rex, Quis est, inquit, in atrio? Aman quippe interius atrium domus regiae intraverat, ut suggereret regi, et juberet Mardocheum affigi patibulo, quod ei fuerat praeparatum. Responderunt pueri : Aman stat in atrio. Dixitque rex : Ingrediatur. Cumque esset ingressus, ait illi : Quid debet fieri viro, quem rex honorare desiderat?

Lectio iij.

**C**OGITANS autem in corde suo Aman, et reputans quod nullum alium rex, nisi se, vellet honorare, respondit : Homo, quem rex honorare cu-

pit, debet indui vestibus regiis, et imponi super equum, qui de sella regis est, et accipere regium diadema super caput suum, et primus de regiis principibus ac tyrannis teneat equum ejus, et per plateam civitatis incedens clamet, et dicat : Sic honorabitur, quemcumque voluerit rex honorare.

## SABBATO.

De libro Esther.

Lectio j.

Cap. 7.



**I**NTRAVIT itaque rex et Aman, ut biberent cum regina. Dixitque ei rex etiam secunda die, postquam vino incaluerat : Quae est petitio tua Esther ut detur tibi? et quid vis fieri? etiam si dimidiam partem regni mei petieris, impetrabis. Ad quem illa respondit : Si inveni gratiam in oculis tuis o rex, et si tibi placet, dona mihi animam meam pro qua rogo, et populum meum pro quo obsecro.

Lectio ij.

**T**RADITI enim sumus ego et populus meus, ut conteramur, jugulemur, et pereamus. Atque utinam in servos et famulas venderemur : esset tolerabile malum, et gemens tacere : nunc autem hostis noster est, cujus crudelitas redundat in regem. Respondensque rex Assuerus ait : Quis est iste, et cujus poten-

tiae, ut haec áudeat fácere? Dixítque Esther : Hostis et inimícus noster péssimus iste est Aman.

Lectio iij.

**D**IXITQUE Hárbona, unus de eunúchis, qui stabant in ministério regis : En lignum, quod paráverat Mardochoaeo, qui locútus est pro rege, stat in domo Aman, habens altitúdinis quinquagínta cúbitos. Cui dixit rex : Appéndite eum in eo. Suspén- sus est itaque Aman in patí- bulo quod paráverat Mardo- chaeo : et regis ira quiévit.

AD VESPERAS.

R̃. iij. Tua est poténtia. pag. 265.

Ad Magnificat, Añã. Ada- pèriat Dóminus cor vestrum in lege sua, et in praecéptis suis, et fáciat pacem.

## DOMINICA I. OCTOBRIS.

In primo Nocturno.

Incipit liber primus  
Machabaeórum.

Lectio j.

Cap. i.



**T** factum est, post- quam percússit Alex- ánder Philíppi Má- cedo, qui primus re- gnávit in Graecia, egréssus de terra Cethim, Dárium regem Persárum, et Medórum : con- stítuit proelia multa, et obtí- nuit ómnium munitiónes, et interfécit reges terrae, et per-

tránsiit usque ad fines terrae : et accépit spólia multitudinis géntium : et síluit terra in con- spéctu ejus.

R̃. Adapèriat Dóminus cor vestrum in lege sua, et in prae- céptis suis, et fáciat pacem in diébus vestris : \* Concédát vobis salútem, et rédímat vos a malis. Ṽ. Exáudiat Dóminus oratiónes vestras, et reconciliétur vobis, nec vos déserat in témpore malo. Concédát.

Haec Historia Adapèriat Dóminus. legatur hodie, et in aliis sequentibus Dominicis, quando de eis agitur, usque ad primam Dominicam No- vembris exclusive.

Lectio ij.

**E**T congregávit virtútem, et exércitum fortem nimis : et exaltátum est, et elevátum cor ejus : et obtínuit regiónes géntium, et tyránnos : et facti sunt illi in tribútum. Et post haec décidit in lectum, et co- gnóvit quia morerétur. Et vo- cávit púeros suos nóbiles, qui secum erant nutriti a juven- túte : et divísit illis regnum suum, cum adhuc víveret. Et regnávit Alexánder annis duó- decim, et mórtuus est.

R̃. Exáudiat Dóminus ora- tiónes vestras, et reconciliétur vobis, \* Nec vos déserat in témpore malo. Ṽ. Det vobis cor ómnibus ut colátis eum, et faciátis ejus voluntátem. Nec vos.

Lección iij.

**E**T obtinuérunt púeri ejus regnum, unusquisque in loco suo : et imposuérunt omnes sibi diadémata post mortem ejus, et filii eórum post eos annis multis, et multiplicáta sunt mala in terra. Et éxiit ex eis radix peccátrix, Antíochus illústris, filius Antíochi regis, qui fúerat Romae obses : et regnávit in anno centésimo trigésimo séptimo regni Graecórum.

R7. Tua est poténtia, tuum regnum Dómine : tu es super omnes gentes : \* Da pacem Dómine In diébus nostris. V. Creátor ómnium Deus, terríbilis, et fortis, justus, et misericors. Da. Glória Patri. In.

In secundo Nocturno.

R7. iv. Congregáti sunt inimíci nostri, et gloriántur in virtúte sua : cóntere fortitúdinem illórum, Dómine, et dispérge illos : \* Ut cognóscant quia non est álius, qui pugnet pro nobis, nisi tu Deus noster. V. Dispérge illos in virtúte tua : et depóne eos protéctor noster Dómine. Ut cognóscant.

R7. v. Impetum inimicórum ne timuéritis : mémoires estóte quómodo salvi facti sunt patres nostri : \* Et nunc clamémus in caelum : et miserébitur nostri Deus noster. V. Mementóte mirabílium ejus, quae fecit Pharaóni et exercítui ejus in Mari rubro. Et nunc.

R7. vj. Refúlsit sol in clypeos áureos, et resplenduérunt montes ab eis : \* Et fortitúdo géntium dissipáta est. V. Érat enim exércitus magnus valde, et fortis : et appropriávit Judas, et exércitus ejus in proelium. Et fortitúdo. Glória Patri. Et.

In tertio Nocturno.

R7. vij. Dixit Judas Simóni fratri suo : Elige tibi viros, et vade, libera fratres tuos in Galilaea : ego autem, et Jónathas frater meus íbimus in Galadítim : \* Sicut fúerit voluntas in caelo, sic fiat. V. Accingimini, et estóte filii poténtes : quóniam mélius est nobis mori in bello, quam vidére mala gentis nostrae, et sanctórum. Sicut fúerit.

R7. viij. In hymnis et confessionibus benedicébant Dóminum, \* Qui magna fecit in Israél, et victóriam dedit illis Dóminus omnípotens. V. Ornavérunt fáciem templi corónis áureis, et dedicavérunt altáre Dómino. Qui magna.

R7. ix. Ornavérunt fáciem templi corónis áureis, et dedicavérunt altáre Dómino : \* Et facta est laetítia magna In pópulo. V. In hymnis et confessionibus benedicébant Dóminum. Et. Glória Patri. In.

Hoc R7. ix. semel lecto, loco illius in sequentibus Dom. dicatur R7. Honor. prout habetur Dom j. post Oct. Trinit. p. 176.

## FERIA SECUNDA.

De libro primo Machabaeorum.

Lectio j.

Cap. i.



paratum est regnum in conspectu Antiochi, et coepit regnare in terra Ægypti ut regnaret super duo regna. Et intravit in Ægyptum in multitudine gravi, in curribus, et elephantis, et equitibus, et copiosa navium multitudine : et constituit bellum adversus Ptolemaeum regem Ægypti, et veritus est Ptolemaeus a facie ejus, et fugit, et ceciderunt vulnerati multi.

Lectio ij.

ET comprehendit civitates multas in terra Ægypti : et accepit spolia terrae Ægypti. Et convertit Antiochus, postquam percussit Ægyptum in centesimo et quadragésimo tertio anno : et ascendit ad Israël, et ascendit Jerosolymam in multitudine gravi. Et intravit in sanctificationem cum superbia.

Lectio iij.

ET accepit altare aureum, et candelabrum luminis, et universa vasa ejus, et mensam propositionis, et libatoria, et phialas, et mortariola aurea, et velum, et coronas, et ornamentum aureum, quod in facie templi erat : et comminuit omnia. Et accepit argentum,

et aurum, et vasa concupiscibilia : et accepit thesauros occultos, quos invenit : et sublatiis omnibus abiit in terram suam.

## FERIA TERTIA.

De libro primo Machabaeorum.

Lectio j.

Cap. i.

ET post duos annos die-rum misit rex principem tributorum in civitates Juda, et venit Jerusalem cum turba magna. Et locutus est ad eos verba pacifica in dolo : et crediderunt ei. Et irruit super civitatem repente, et percussit eam plaga magna, et perdidit populum multum ex Israël. Et accepit spolia civitatis : et succendit eam igni, et destruxit domos ejus, et muros ejus in circuitu.

Lectio ij.

ET captivas duxerunt mulieres : et natos, et pecora possederunt. Et aedificaverunt civitatem David muro magno, et firmo, et turribus firmis, et facta est illis in arcem : et posuerunt illic gentem peccatricem viros iniquos, et convulnerunt in ea. Et posuerunt arma, et escas, et congregaverunt spolia Jerusalem : et reposuerunt illic : et facti sunt in laqueum magnum.

Lectio iij.

ET factum est hoc ad insidias sanctificationi, et in diabolium malum in Israël : et

effuderunt sanguinem innocentem per circuitum sanctificationis, et contaminaverunt sanctificationem. Et fugerunt habitatores Jerúsalem propter eos, et facta est habitatio exterorum, et facta est éxtera sémini suo, et nati ejus reliquerunt eam. Sanctificatio ejus desolata est sicut solitudo.

### FERIA QUARTA.

De libro primo Machabaeorum.

Lectio j. *Cap. 1.*

**T** misit rex libros per manus nuntiorum in Jerúsalem, et in omnes civitates Juda : ut sequerentur leges gentium terrae, et prohiberent holocausta, et sacrificia, et placationes fieri in templo Dei, et prohiberent celebrari sabbatum, et dies solennes : et jussit coinquinari sancta, et sanctum populum Israël.

Lectio ij.

**E**T jussit aedificari aras, et templa, et idola, et immolari carnes suillas, et pecora communia; et relinquare filios suos incircumcisos, et coinquinari animas eorum in omnibus immundis, et abominationibus, ita ut obliviscerentur legem, et immutarent omnes justificationes Dei. Et quicumque non fecissent secundum verbum regis Antiochi, morerentur.

Lectio iij.

**S**ECUNDUM omnia verba haec scripsit omni regno suo : et praeposuit principes populo, qui haec fieri cogerent. Et jusserunt civitatibus Juda sacrificare. Et congregati sunt multi de populo ad eos, qui dereliquerant legem Domini : et fecerunt mala super terram : et effugaverunt populum Israël in abditis, et in absconditis fugitivorum locis.

### FERIA QUINTA.

De libro primo Machabaeorum.

Lectio j. *Cap. 2.*

**I**N diebus illis surrexit Mathathías filius Joánnis, filii Simeónis, sacerdos ex filiis Jóarib ab Jerúsalem, et consedit in monte Modin : et habebat filios quinque, Joánnem, qui cognominabatur Gaddis : et Simónem, qui cognominabatur Thasi : et Judam, qui vocabatur Machabaeus : et Eleázaram, qui cognominabatur Abaron : et Jónathan, qui cognominabatur Apphus.

Lectio ij.

**I** vidérunt mala, quae fiebant in populo Juda, et in Jerúsalem. Et dixit Mathathías : Vae mihi, ut quid natus sum videre contritionem populi mei, et contritionem civi-



tátis sanctæ, et sedere illic, cum datur in mánibus inimicórum? Sancta in manu extraneórum facta sunt : templum ejus sicut homo ignóbilis.

Leñtio iij.

**V**ASA glóriæ ejus captíva abducta sunt : trucidáti sunt senes ejus in platéis, et júvenes ejus ceciderunt in gládio inimicórum. Quæ gens non hereditávit regnum ejus, et non obtínuit spólia ejus? Omnis compositio ejus ablata est. Quæ erat líbera, facta est ancílla.

#### FERIA SEXTA.

De libro primo Machabaeórum.

Leñtio j.

Cap. 2.

**Q**UOT respondéntes qui missi erant ab Antíochó, dixerunt Mathathíæ : Princeps et claríssimus, et magnus es in hac civitáte, et ornátus filiis, et frátribus. Ergo accéde prior, et fac jussum regis, sicut fecerunt omnes gentes, et viri Juda, et qui remanserunt in Jerúsalem : et eris tu, et filii tui inter amícos regis, et amplificátus auro, et argénto, et muneribus multis.

Leñtio ij.

**E**T respóndit Mathathías, et dixit magna voce : Et si omnes gentes regi Antíochó obédiunt, ut discédant unusquisque a servitúte legis pa-

trum suórum, et conséntiat mandátis ejus : ego et filii mei, et fratres mei obediémus legi patrum nostrórum. Propítius sit nobis Deus : non est nobis útile relínquere legem, et justítias Dei.

Leñtio iij.

**N**ON audiémus verba regis Antíochi, nec sacrificábimus transgrediéntes legis nostræ mandáta, ut eámus áltera via. Et ut cessávit loqui verba hæc, accéssit quidam Judæus in ómnium óculis sacrificáre idólis super aram in civitáte Modin, secúndum jussum regis : et vidit Mathathías, et dóluit, et contremuérunt renes ejus, et accénsus est furor ejus secúndum judícium legis, et insíliens trucidávit eum super aram.

#### SABBATO.

De libro primo Machabaeórum.

Leñtio j.

Cap. 2.

**T**UNC descendérunt multi quaeréntes judícium, et justítiam, in désertum : et sederunt ibi ipsi, et filii eórum, et mulíeres eórum, et pécora eórum : quóniam inundavérunt super eos mala. Et renuntiátum est viris regis, et exercítui, qui erat in Jerúsalem civitáte David, quóniam discessissent viri quidam, qui dissi-

pavérunt mandátum regis, in loca occúlta in desérto, et abiissent post illos multi.

Lectio ij.

**E**T statim perrexérunt ad eos, et constituérunt advérsus eos proelium in die sabbatórum, et dixerunt ad eos : Resístitis et nunc adhuc? Exíte, et fácite secúndum verbum regis Antíochi, et vivétis. Et dixerunt : Non exísbimus, neque faciémus verbum regis, ut polluéamus diem sabbatórum.

Lectio iij.

**E**T concitavérunt advérsus eos proelium. Et non responderunt eis, nec lápidem misérunt in eos, nec oppilavérunt loca occúlta, dicéntes : Moriámur omnes in simplicitáte nostra : et testes erunt super nos caelum, et terra, quod injúste pérditis nos. Et intulérunt illis bellum sabbatis : et mórtui sunt ipsi, et uxóres eórum, et filii eórum, et pécora eórum usque ad mille ánimas hóminum.

AD VESPERAS.

Ad Magnificat, Añña. Da pacem Dómine in diébus nostris : quia non est álius, qui pugnet pro nobis, nisi tu Deus noster.



## DOM. II. OCTOBRIS.

In primo Nocturno.

De libro primo Machabaeórum.

Lectio j.

Cap. 2.



**T**UNC congregáta est ad eos synagóga Assidaeórum fortis víribus ex Israél, omnis voluntárius in lege : et omnes, qui fugiébant a malis, ádditi sunt ad eos, et facti sunt illis ad firmaméntum. Et collegérunt exércitum, et percussérunt peccatóres in ira sua, et viros iníquos in indignatióne sua : et céteri fugérunt ad nátiónes, ut eváderent.

Lectio ij.

**E**T circuívít Mathathías, et amíci ejus, et destruxérunt aras : et circumcidérunt púeros incircumcísos quotquot invenérunt in fínibus Israél : et in fortitúdine. Et persecúti sunt fílios supérbiae, et prosperátum est opus in mánibus eórum : et obtinuérunt legem de mánibus géntium, et de mánibus regum : et non dedérunt cornu peccatóri.

Lectio iij.

**E**T appropinquavérunt dies Mathathíae moriéndi, et dixit fíliis suis : Nunc confortáta est supérbia, et castigátio, et tempus eversiónis, et ira indignatiónis. Nunc ergo, o fílii, aemulatóres estóte legis, et date ánimas vestras pro testaménto patrum vestrórum, et

mementóte óperum patrum, quae fecérunt in generatió-  
nibus suis : et accipiétis glóriam  
magnam, et nomen aetérnum.

### FERIA SECUNDA.

De libro primo Macha-  
baeorum.

Lectio j. *Cap. 2. et 3.*



**E**T benedíxit eos, (Ma-  
thathías) et appósi-  
tus est ad patres  
suos. Et defúctus  
est anno centésimo et quadra-  
gésimo sexto : et sepúltus est  
a filiis suis in sepúlcris patrum  
suórum in Modin, et planxé-  
runt eum omnis Israël planctu  
magno. Et surréxit Judas, qui  
vocabátur Machabaeus, fílius  
ejus pro eo : et adjuvábant eum  
omnes fratres ejus : et univérsi,  
qui se conjúnxerant patri ejus,  
et proeliabántur proelium Is-  
raël cum laetítia.

Lectio ij.

**E**T dilatávit glóriam pópu-  
lo suo, et índuit se lorí-  
cam sicut gigas, et succínxit  
se arma béllica sua in proeliis,  
et protegébat castra gládio suo.  
Símilis factus est leóni in opé-  
ribus suis, et sicut cátilus leóni-  
s rúgiens in venatióne. Et  
persecútus est iníquos perscrú-  
tans eos : et qui conturbábant  
pópulum suum, eos succéndit  
flammis.

Lectio iij.

**E**T repúlsi sunt inimíci ejus  
prae timóre ejus, et omnes  
operárii iniquitátis conturbáti

sunt : et dirécta est salus in  
manu ejus. Et exacerbábat  
reges multos, et laetificábat  
Jacob in opéribus suis, et in  
saeculum memória ejus in  
benediçtíone. Et perambulá-  
vit civitátes Juda, et pérdi-  
dit ímpios ex eis, et avértit  
iram ab Israël.

### FERIA TERTIA.

De libro primo Macha-  
baeorum.

Lectio j. *Cap. 3.*



**E**T congregávit Apol-  
lónius gentes, et a  
Samária virtútem  
multam et magnam  
ad bellándum contra Israël.  
Et cognóvit Judas, et éxiit  
óbviám illi : et percússit, et  
occídit illum : et cecidérunt  
vulneráti multi, et réliqui fu-  
gérunt. Et accépit spólia eó-  
rum : et gládium Apollónii  
ábstulit Judas, et erat pugnans  
in eo ómnibus diébus.

Lectio ij.

**E**T audívit Seron princeps  
exércitus Syriae, quod  
congregávit Judas congrega-  
tíonem fidélium, et ecclésiám  
secum, et ait : Fáciám mihi  
nomen, et glorificábor in regno,  
et debellábo Judam, et eos, qui  
cum ipso sunt, qui spernébant  
verbum regis. Et praeparávit  
se : et ascendérunt cum eo  
castra impiórum fortes auxi-  
liárii ut fácerent vindíctam in  
filios Israël.

Lectio iij.

**ET** appropinquavérunt usque ad Béthoron : et exívit Judas óbviā illi cum paucis. Ut autem vidérunt exércitum veniéntem sibi óbviā, dixerunt Judae : Quómodo potérimus pauci pugnāre contra multitudinem tantam, et tam fortem, et nos fatigátī sumus jejúnio hódie? Et ait Judas : Fácile est conclúdi multos in manus paucórum : et non est differentia in conspéctu Dei caeli liberāre in multis, et in paucis.

**FERIA QUARTA.**

De libro primo Machabaeórum.

Lectio j.

*Cap. 3.*

**Q**UOT congregátus est convéntus ut essent parátī in proelium : et ut orārent, et pétērent misericórdiam, et miseratiónes. Et Jerúsalem non habitabátur, sed erat sicut désertum : non erat qui ingrederétur et egrederétur de natis ejus : et sanctum conculcabátur : et filii alienigenárum erant in arce, ibi erat habitatio géntium : et ablata est volúptas a Jacob, et defécit ibi tibia, et cíthara.

Lectio ij.

**ET** congregátī sunt, et venérunt in Maspha contra Jerúsalem : quia locus oratiónis erat in Maspha ante in Israël. Et jejunavérunt illa

die, et induérunt se cilíciis, et cinerem imposuérunt cápiti suo : et discidérunt vestiménta sua : et expandérunt libros legis, de quibus scrutabántur gentes similitúdinem simulacrórum suórum.

Lectio iij.

**ET** attulérunt ornámēta sacerdotalia, et primítias, et décimas : et suscitavérunt Nazaraeos, qui impléverant dies : et clamavérunt voce magna in caelum, dicétes : Quid faciémus istis, et quo eos ducémus? Et sancta tua conculcata sunt, et contaminata sunt, et sacerdotes tui facti sunt in luctum, et in humilitatem.

**FERIA QUINTA.**

De libro primo Machabaeórum.

Lectio j.

*Cap. 4.*

**C**ONGREGAVIT Lydias virórum electórum sexaginta míllia, et équitum quinque míllia, ut debelláret eos. Et venérunt in Judaeam, et castra posuérunt in Béthoron, et occúrrit illis Judas cum decem míllibus viris. Et vidérunt exércitum fortem, et orávit, et dixit : Benedíctus es salvátor Israël, qui contrivísti ímpetum poténtis in manu servi tui David, et tradidísti castra alienigenárum in manu Jónathae filii Saul, et armígeri ejus.

Lectio ij.

**C**ONCLUDE exercitum istum in manu populi tui Israël, et confundantur in exercitu suo, et equitibus. Da illis formidinem, et tábefac audáciam virtútis eórum, et commoveantur contritióne sua. Déjice illos gládio diligéntium te : et colláudent te omnes, qui novérunt nomen tuum, in hymnis. Et commisérunt proelium : et cecidérunt de exercitu Lysiae quinque míllia virórum.

Lectio iij.

**V**IDENS autem Lysias fugam suórum, et Judaeórum audáciam, et quod paráti sunt aut vívere, aut mori fórtiter, ábiit Antióchiam, et elégit mílites, ut multiplicáti rursus venírent in Judaeam. Dixit autem Judas, et fratres ejus : Ecce contríti sunt inimíci nostri : ascendámus nunc mundáre sancta, et renováre.

## FERIA SEXTA.

De libro primo Machabaeórum.

Lectio j.

Cap. 4.

**T**UNC ordinávit Judas viros ut pugnárent advérsus eos, qui erant in arce, donec emundárent sancta. Et elégit sacerdótes sine mácula, voluntátem habéntes in lege Dei : et mundavérunt sancta, et tulérunt lápidés contaminatiónis

in locum immúndum. Et cogitávit de altári holocaustórum, quod profanárum erat, quid de eo fáceret.

Lectio ij.

**E**T incidit illis consílium bonum ut destrúerent illud : ne forte illis esset in oppróbrium, quia contaminavérunt illud gentes, et demolíti sunt illud. Et reposuérunt lápidés in monte domus in loco apto, quoadúsque veníret prophéta, et respondéret de eis. Et accepérunt lápidés íntegros secúndum legem, et aedificavérunt altáre novum secúndum illud, quod fuit prius.

Lectio iij.

**E**T aedificavérunt sancta, et quae intra domum erant intrínsecus : et aedem, et átria sanctificavérunt. Et fecérunt vasa sancta nova, et intulérunt candelábrum, et altáre incensórum, et mensam in templum. Et incénsum posuérunt super altáre, et accendérunt lucérnas, quae super candelábrum erant, et lucébant in templo.

## SABBATO.

De libro primo Machabaeórum.

Lectio j.

Cap. 4.



**E**T TULERUNT sacrificium secúndum legem super altáre holocaustórum novum, quod fecérunt. Secúndum tempus et secúndum diem, in qua contaminavérunt

illud gentes, in ipsa renovátum est in cánticis, et cítharis, et cínyris, et in cymbalis. Et cécidit omnis pópulus in fáciem, et adoravérunt, et benedixerunt in caelum eum, qui prosperávit eis.

Lectio ij.

**E**T fecérunt dedicatióem altáris diébus oído, et obtulérunt holocáusta cum laetitia, et sacrificium salutáris, et laudis. Et ornavérunt fáciem templi corónis áureis, et scútulis : et dedicavérunt portas, et pastophória, et imposuérunt eis jánuas. Et facta est laetitia in pópulo magna valde, et aversum est opprobrium géntium.

Lectio iij.

**E**T státuit Judas, et fratres ejus, et unívsa ecclésia Israël ut agátur dies dedicatióis altáris in tempóribus suis ab anno in annum per dies oído a quinta et vigésima die mensis Casleu, cum laetitia et gáudio. Et aedificavérunt in témpore illo montem Sion, et per circúitum muros altos, et turres firmas, ne quando venírent gentes, et conculcárent eum sicut ántea fecérunt.

AD VESPERAS.

Ad Magnificat, Aññ. Tua est poténtia, tuum regnum Dómine : tu es super omnes gentes : da pacem Dómine in diébus nostris.

## DOM. III. OCTOBRIIS.

In primo Nocturno.

Incipit liber secúndus  
Machabaeórum.

Lectio j.

Cap. i.



**F**RATRIBUS, qui sunt per Ægyptum, Judaeis, salutem dicunt fratres, qui sunt in Jerosólymis, Judaei, et qui in regione Judaeae, et pacem bonam. Benefáciat vobis Deus, et memínerit testaménti sui, quod locútus est ad Abraham, et Isaac, et Jacob servórum suórum fidélium : et det vobis cor ómnibus ut colátis eum, et faciátis ejus voluntátem corde magno, et ánimo volénti. Adaperiat cor vestrum in lege sua, et in praecéptis suis, et faciát pacem. Exáudiat oratiónes vestras, et reconciliétur vobis, nec vos déserat in témpore malo. Et nunc hic sumus orántes pro vobis.

Lectio ij.

**R**EGNANTE Demétrio, anno centésimo sexagésimo nono, nos Judaei scrípsimus vobis in tribulatióne, et ímpetu, qui supervénit nobis in istis annis, ex quo recésit Jason a sancta terra, et a regno. Portam succendérunt, et effudérunt ságuinem innocéntem : et orávimus ad Dóminum, et exaudíti sumus.

Lectio iij.

**A**NNO centésimo octogésimo octávo, pópulus, qui est Jerosólymis, et in Iudaea, Senatúsque et Judas, his, qui in Ægypto sunt, Judæis salútem, et sanitátem. De magnis perículis a Deo liberáti, magnífice grátias ágimus ipsi, útpote qui advérsus talem regem dimicávimus. Per ómnia benedíctus Deus, qui trádidit ímpios. Factúri igitur quinta et vigésima die mensis Casleu purificatióem templi, necesárium dúximus significáre vobis : ut et vos quoque ágátiis diem scenopégiae, et diem ignis, qui datus est quando Nehemías aedificáto templo et altári obtulit sacrificia.

**FERIA SECUNDA.**

De libro secúndo Machabaeórum.

Lectio j.

Cap. i.

**R**ATIONEM autem faciébant omnes sacerdótes, dum consummarétur sacrificium, Jónatha inchoánte, céteris autem respondéntibus. Et Nehemíae erat orátio hunc habens modum: Dómine Deus ómnium creátor, terríbilis, et fortis, justus, et miséricors, qui solus es bonus rex, solus praestans, solus justus, et omnípotens, et actérnus, qui líberas Israël de omni malo, qui fecísti patres eléctos, et sanctificásti eos : áccipe sacrificium pro unívérso

pópulo tuo Israël, et custódi partem tuam, et sanctífica.

Lectio ij.

**C**ONGREGA dispersiónem nostram, líbera eos, qui sérviant géntibus, et contéptos et abominátos réspice : ut sciant gentes quia tu es Deus noster. Afflíge oppriméntes nos, et contuméliam faciéntes in supérbia. Constitue pópulum tuum in loco sancto tuo, sicut dixit Móyses. Sacerdótes autem psallébant hymnos, úsquequo consúptum esset sacrificium.

Lectio iij.

**C**UM autem consúptum esset sacrificium, ex resídua aqua Nehemías jussit lápides majóres perfúndi. Quod ut factum est, ex eis flamma accénsa est : sed ex lúmine, quod refúlsit ab altári, consumpta est. Ut vero manifestáta est res, renuntiátum est regi Persárum quod in loco, in quo ignem absconderant hi, qui transláti fúerant, sacerdótes, aqua apparuit, de qua Nehemías, et qui cum eo erant, purificavérunt sacrificia.

**FERIA TERTIA.**

De libro secúndo Machabaeórum.

Lectio j.

Cap. 2.

**I**NVENITUR autem in descriptionibus Jeremíae prophétae, quod jussit eos ignem accíperé qui transmi-

grábant : ut significátum est, et ut mandávit transmigrátis. Et dedit illis legem ne oblivi-  
sceréntur praecepta Dómini, et ut non exerrárent méntibus vidéntes simulácra áurea, et argétea, et ornáméta eórum. Et ália hujúsmodi dicens, hortabátur ne legem amovérent a corde suo.

Lectio ij.

**E**RAT autem in ipsa scriptúra, quómodo tabernáculum, et arcam jussit prophéta divíno respónso ad se factó comitári secum, úsquequo éxiit in montem, in quo Móyses ascéndit, et vidit Dei hereditátem. Et véniens ibi Jeremías invénit locum spelúncae : et tabernáculum, et arcam, et altáre incénsi íntulit illuc, et óstium obstrúxit.

Lectio iij.

**E**T accessérunt quidam simul, qui sequebántur, ut notárent sibi locum : et non potuérunt inveníre. Ut autem cognóvit Jeremías, culpans illos, dixit : Quod ignótus erit locus, donec cóngreget Deus congregatióne pópuli, et propítius fiat : et tunc Dóminus osténdet haec, et apparébit majéstas Dómini, et nubes erit, sicut et Móysi manifestabátur, et sicut cum Sálomon pétiiit ut locus sanctificarétur magno Deo, manifestábat haec.

## FERIA QUARTA.

De libro secúndo Machabaeórum.

Lectio j. *Cap. 3.*



**L**IGITUR cum sancta civitas habitaretur in omni pace, leges étiam adhuc óptime custodiréntur, propter Oníae pontíficis pietátem, et ánimos ódio habéntes mala, fiébat ut et ipsi reges, et príncipes locum summo honóre dignum dúcerent, et templum máximis munéribus illustrárent : ita ut Seléucus Asiae rex de redítibus suis praestáret omnes sumptus ad ministérium sacrificiórum pertinéntes.

Lectio ij.

**S**IMON autem de tribu Bénjamin praepósitus templi constitútus, contendébat, obsisténste sibi príncipe sacerdotum, iníquum áliquid in civitáte molíri. Sed cum vincere Oníam non posset, venit ad Apollónium Tharsaeae filium, qui eo témpore erat dux Coelesyriae, et Phoenícis : et nuntiávit ei, pecúniis innumerabílibus plenum esse aerárium Jerosólymis, et commúnes cópias imménsas esse, quae non pertínent ad ratióne sacrificiórum : esse autem possíbile sub potestáte regis cádere univérsa.

Lectio iij.

**C**UMQUE retulísset ad regem Apollónius de pecúniis, quae delatae erant, ille



accitum Heliodórum, qui erat super negótia ejus, misit cum mandátis, ut praedíctam pecúniám transportáret. Statímque Heliodórus iter est aggréssus, specie quidem quasi per Coelesyriam, et Phoenícen civitates esset peragratúrus, re vera autem regis propósitum perfectúrus.

### FERIA QUINTA.

De libro secúndo Machabaeórum.

Lectio j.

Cap. 3.



ONSTITUTA autem die intrábat de his Heliodórus ordinatúrus. Non módica vero per univérsam civitátem erat trepidátio. Sacerdótes autem ante altáre cum stolis sacerdotálibus jactavérunt se, et invocábant de caelo eum, qui de depósitis legem pósuit; ut his, qui deposúerant ea, salva custodíret. Jam vero qui vidébat summi sacerdotis vultum, mente vulnerabátur : fácies enim, et color immutátus declarábat intérnum ánimi dolórem.

Lectio ij.

CIRCUMFUSA enim erat moestítia quaedam viro, et horror córporis, per quem manifestus aspiciéntibus dolor cordis ejus efficiebátur. Alii étiam gregátim de dómibus confluébant, pública supplicatíone obsecrántes, pro eo quod in contéptum locus esset ven-

túrus. Accinctaeque mulíeres cilíciis pectus, per platéas confluébant.

Lectio iij.

SED et vírgines, quae clúsae erant, procurrébant ad Oníam, áliae autem ad muros, quaedam vero per fenéstras aspiciébant : univérsae autem protendéntes manus in caelum, deprecabántur. Erat enim mísera commístae multitudínis, et magni sacerdotis in agóne constitúti expectatío.

### FERIA SEXTA.

De libro secúndo Machabaeórum.

Lectio j.

Cap. 3.



ELIODORUS autem, quod decreverat, perficiébat eódem loco ipse cum satellítibus circa aerárium praesens. Sed spíritus omnipoténtis Dei magnam fecit suae ostensiónis evidéntiam, ita ut omnes, qui ausi fúerant parére ei, ruéntes Dei virtúte, in dissolutiónem, et formídinem converteréntur.

Lectio ij.

APPARUIT enim illis quidam equus terríbilem habens sessórem, óptimis operiméntis adornátus : isque cum ímpetu Heliodóro prióres calces elísit : qui autem ei sedébat, videbátur arma habére áurea. Alii étiam apparuérunt duo júvenes virtúte decóri, óptimi glória, speciosíque amí-

ctu : qui circumsteterunt eum, et ex utrâque parte flagellabant, sine intermissione multis plagis verberantes.

Lectio iij.

**S**UBITO autem Heliodorus cecidit in terram, eumque multa caligine circumfusus rapuerunt, atque in sella gestatoria positum eiecérunt. Et is, qui cum multis cursoribus, et satellitibus praeditum ingressus est aerarium, portabatur nullo sibi auxilium ferente, manifesta Dei cognita virtute : et ille quidem per divinam virtutem jacebat mutus, atque omni spe et salute privatus.

### SABBATO.

De libro secundo Machabaeorum.

Lectio j.

Cap. 5.



**S**ODEM tempore Antiochus secundam profectiorem paravit in Aegyptum. Contigit autem per universam Hierosolymorum civitatem videri diebus quadraginta per aera equites discurrentes, auratas stolas habentes, et hastis, quasi cohortes, armatos, et cursus equorum per ordines digestos, et congressiones fieri cominus, et scutorum motus, et galeatorum multitudinem gladiis distinctis, et telorum jactus, et aureorum armorum splendorem, omnisque generis loricarum.

Lectio ij.


**Q**UAPROPTER omnes rogabant in bonum monstra converti. Sed cum falsus rumor exisset, tamquam vita excessisset Antiochus, assumptis Jason non minus mille viris, repente aggressus est civitatem : et civibus ad murum convolantibus ad ultimum apprehensa civitate, Menelaus fugit in arcem : Jason vero non parcébat in caede civibus suis, nec cogitabat prosperitatem adversum cognatos malum esse maximum, arbitrans hostium et non civium se trophaea capturum.

Lectio iij.

**E**T principatum quidem non obtinuit, finem vero insidiarum suarum confusiorem accepit, et profugus iterum abiit in Ammaniten. Ad ultimum, in exitium sui conclusus ab Areta Arabum tyranno fugiens de civitate in civitatem, omnibus odiosus, ut refuga legum et execrabilis, ut patriae et civium hostis, in Aegyptum extrusus est.

### AD VESPERAS.

Ad Magnificat, Añã. Accingimini filii potentes, et estote parati pugnare in proelio : quoniam melius est nobis mori in bello, quam videre mala gentis nostrae, et sanctorum : sicut fuerit voluntas in caelo, sic fiat.



## DOM. IV. OCTOBRIS.

In primo Nocturno.

De libro secundo Machabaeorum.

Lectio j.

Cap. 6.



**S**ED non post multum temporis misit rex (Antiochus) senem quemdam Antiochenum, qui compelleret Judaeos ut se transferrent a patriis, et Dei legibus : contaminare etiam quod in Jerosolymis erat templum, et cognominare Jovis Olympii : et in Garizim, prout erant hi, qui locum inhabitabant, Jovis hospitalis. Pessima autem et universis gravis erat malorum incursio : nam templum luxuria, et comessationibus gentium erat plenum, et scortantium cum meretricibus : sacratisque aedibus mulieres se ultro ingerabant, intro ferentes ea, quae non licebat.

Lectio ij.

**A**LTAERE etiam plenum erat illicitis, quae legibus prohibebantur. Neque autem sabbata custodiebantur, neque dies solennes patrii servabantur, nec simpliciter Judaeum se esse quisquam confitebatur. Ducebantur autem cum amara necessitate in die natalis regis ad sacrificia : et, cum Liberi sacra celebrarentur, cogeabantur hedera coronati Libero circumire.

Lectio iij.

**D**ECRETUM autem exiit in proximas gentilium civitates, suggerentibus Ptolemaeis, ut pari modo et ipsi adversus Judaeos agerent, ut sacrificarent : eos autem, qui nollent transire ad instituta gentium, interficerent. Erat ergo videre miseriam. Duae enim mulieres delatae sunt natos suos circumcidisse : quas, infantibus ad ubera suspensis, cum publice per civitatem circumduxissent, per muros praecipitaverunt.

## FERIA SECUNDA.

De libro secundo Machabaeorum.

Lectio j.

Cap. 6.



**E**GITUR Eleazarus unus de primoribus scribarum, vir aetate provectus, et vultu decorus, aperto ore hians compellebatur carnem porcina manducare. At ille gloriosissimam mortem magis quam odibilem vitam complectens, voluntarie praeibat ad supplicium. Intuens autem, quemadmodum oporteret accedere, patienter sustinens, destinavit non admittere illicita propter vitae amorem.

Lectio ij.

**H**I autem, qui astabant, iniqua miseratione commoti, propter antiquam viri amicitiam, tollentes eum secreto

rogábant afférri carnes, quibus vesci ei licébat, ut simularétur manducásse, sicut rex imperáverat de sacrificii cárnibus : ut, hoc factó, a morte liberarétur : et propter véterem viri amicitiam, hanc in eo faciébant humanitátem.

Lectio iij.

**A**T ille cogitare coepit aetá-  
tis ac senectútis suae  
eminéntiam dignam, et ingénitae nobilitátis canítiem, atque a púero óptimae conversatiónis actus : et secúndum sanctae, et a Deo cónditae legis constitúta, respóndit cito, dicens, praemítti se velle in inférnum. Non enim aetáti nostrae dignum est, inquit, fíngere : ut multi adolescéntium, arbitrántes Eleázarum nonaginta annórum transísse ad vitam alienigenárum : et ipsi propter meam simulatiónem, et propter módicum corruptíbilis vitae tempus decipiántur.

### FERIA TERTIA.

De libro secúndo Machabaeórum.

Lectio j.

Cap. 7.



**M**ONTIGIT autem et septem fratres una cum matre sua apprehénsos compélli a rege édere contra fas carnes porcínas, flagris, et táureis cruciátos. Unus autem ex illis, qui erat primus, sic ait : Quid quaeris, et quid vis díscere a nobis? paráti sumus mori,


magis, quam pátrias Dei leges praevaricári. Irátus itaque rex jussit sartágines, et ollas aeneas succéndi : quibus statim succénsis, jussit ei, qui prior fúerat locútus, amputári linguam : et, cute cápitis abstrácta, summas quoque manus et pedes ei praescíndi, céteris ejus frátribus, et matre inspiciéntibus.

Lectio ij.

**E**T, cum jam per ómnia inútilis factus esset, jussit ignem admovéri, et adhuc spirántem torréri in sartágine : in qua cum diu cruciarétur, céteri una cum matre ínvicem se hortabántur mori fórtiter, dicéntes : Dóminus Deus aspíciat veritátem, et consolábitur in nobis, quemádmódum in protestatióne cántici declarávit Móyses : Et in servis suis consolábitur.

Lectio iij.

**M**ORTUO itaque illo primo, hoc modo, sequéntem deducébant ad illudéndum : et, cute cápitis ejus cum capíllis abstrácta, interrogábant, si manducáret prius, quam toto córpore per membra síngula punirétur. At ille, respóndens pátria voce, dixit : Non fáciam. Propter quod et iste, sequénti loco, primi tormenta suscepit.



## FERIA QUARTA.

De libro secundo Machabaeorum.

Lectio j.

Cap. 7.



OST hunc tertius illudatur, et linguam postulatus cito protulit, et manus constanter extendit : et cum fiducia ait : E caelo ista possideo, sed propter Dei leges nunc haec ipsa despicio, quoniam ab ipso me ea recepturum spero : ita ut rex, et qui cum ipso erant, mirarentur adolescentis animum, quod tamquam nihil duceret cruciatus.

Lectio ij.

ET hoc ita defuncto, quartum vexabant similiter torquentes. Et, cum jam esset ad mortem, sic ait : Potius est ab hominibus morti datos spem expectare a Deo, iterum ab ipso resuscitandos : tibi enim resurrectio ad vitam non erit. Et cum admovissent quintum, vexabant eum. At ille, respiciens in eum, dixit : Potestatem inter homines habens, cum sis corruptibilis, facis quod vis : noli autem putare genus nostrum a Deo esse derelictum. Tu autem patienter sustine, et videbis magnam potestatem ipsius, qualiter te, et semen tuum torquet.

Lectio iij.

POST hunc ducabant sextum, et is, mori incipiens, sic ait : Noli frustra errare :

nos enim propter nosmetipsos haec patimur, peccantes in Deum nostrum, et digna admiratione facta sunt in nobis : tu autem ne existimes tibi impune futurum, quod contra Deum pugnare tentaveris. Supra modum autem mater mirabilis, et bonorum memoria digna, quae pereuntes septem filios sub unius diei tempore conspiciens, bono animo ferebat propter spem, quam in Deum habebat : singulos illorum hortabatur voce patria fortiter, repleta sapientia.

## FERIA QUINTA.

De libro secundo Machabaeorum.

Lectio j.

Cap. 7.



ANTIOCHUS autem, contemni se arbitratum, simul et exprobrantis voce despecta, cum adhuc adolescentior superesset, non solum verbis hortabatur, sed et cum iuramento affirmabat se divitem et beatum facturum, et translatum a patriis legibus amicis habiturum, et res necessarias ei praebiturum. Sed ad haec cum adolescens nequaquam inclinaretur, vocavit rex matrem, et suadebat ei ut adolescenti fieret in salutem.

Lectio ij.

CUM autem multis eam verbis esset hortatus, promisit suam se filio suo.

Itaque inclināta ad illum, irrīdens crudēlem tyrānnū, ait pátria voce : Fili mi, miserére mei, quae te in útero novem mēnsibus portāvi, et lac triénio dedi et álui, et in aetātem istam perdúxi. Peto, nate, ut aspicias ad caelum, et terram, et ad ómnia quae in eis sunt : et intélligas, quia ex nīhilo fecit illa Deus, et hóminum genus.

Lectio iij.

**I**TA fiet, ut non tímeas carníficem istum, sed dignus frátribus tuis efféctus párticeps, súscipe mortem, ut in illa miseratióne cum frátribus tuis te recípiam. Cum haec illa adhuc díceret, ait adolēscens : Quem sustinétis? non obédio praecépto regis, sed praecépto legis, quae data est nobis per Móysen. Tu vero, qui invéntor omnis malítiae factus es in Hebraeos, non effúgies manum Dei. Nos enim pro peccátis nostris haec pátimur.

### FERIA SEXTA.

De libro secúndo Machabaeórum.

Lectio j.

Cap. 8.

**I**UDAS vero Machabaeus, et qui cum illo erant, introibant laténter in castélla : et convocántes cognátos, et amícos, et eos, qui permansérunt in Judaísmo, assuméntes, eduxérunt ad se sex míllia vi-

rórum. Et invocábant Dóminum, ut respíceret in pópulum, qui ab ómnibus calcabátur : et misererétur templo, quod cantaminabátur ab ím-piis : misererétur étiam exterminio civitátis, quae esset illico complanáda, et vocem sán-guinis ad se clamántis audíret.

Lectio ij.

**A**T Machabaeus, congregáta multitúdine, intolerábilis géntibus efficiebátur : ira enim Dómini in misericórdiam convérta est. Et superveniens castéllis, et civitatibus improvísus, succendébat eas : et oportúna loca óccupans, non paucas hóstium strages dabat : máxime autem nóctibus ad hujuscémodi excúrsus ferebátur, et fama virtútis ejus ubíque diffundebátur.

Lectio iij.

**V**IDENS autem Philíppus paulátim virum ad proféctum veníre, ac frequéntius res ei cédere prósperae, ad Ptolemaeum ducem Coelesyriae, et Phoenícis scripsit ut auxílium ferret regis negótiis. At ille velóciter misit Nicánorem Pátrocli de primóribus amícum, datis ei de permístis géntibus, armátis non minus vigínti míllibus, ut univérsum Judaeórum genus deléret.



## SABBATO.

De libro secúndo Machabaeórum.

Lectio j. *Cap. 8.*

**C**ONVOCATIS autem Machabaeus septem millibus, qui cum ipso erant, rogábat ne hóstibus reconciliaréntur, neque metúerent iníque veniéntium advérsus se hóstium multitudínem, sed fórtiter conténderent, ante óculos habéntes contuméliam, quae loco sancto ab his injúste esset illáta, itémque et ludíbrio hábitae civitátis injúriam, adhuc étiam vétérum institúta convúlta.

Lectio ij.

**A**DMONUIT autem eos et de auxiliis Dei, quae facta sunt erga paréntes : et quod sub Sennácherib centum octogínta quinque míllia perierunt : et de proelio, quod eis advérsus Gálatas fuit in Baby-lónia, ut omnes, ubi ad rem ventum est, Macedónibus sóciis haesitántibus, ipsi sex míllia soli peremerunt centum vigínti míllia propter auxiliium illis datum de caelo, et beneficia pro his plúrima consecúti sunt.

Lectio iij.

**A**D hoc étiam ab Esdra lecto illis sancto libro, et dato signo adjutórii Dei, in prima ácie ipse dux commísit cum Nicánore. Et factó sibi

adjutóre Omnipoténte, interfecerunt super novem míllia hóminum : majórem autem partem exércitus Nicánoris vulnéribus débilem factam fúgere compulérunt.

AD VESPERAS.

Ad Magnificat, Añña. Exáudiat Dóminus oratiónes vestras, et reconciliétur vobis, nec vos déserat in témpore malo.

## DOM. V. OCTOBRIS.

In primo Nocturno.

De libro secúndo Machabaeórum.

Lectio j. *Cap. 9.*

**A**NTIOCHUS inhonéste revertébatur de Pérside. Intráverat enim in eam, quae dicitur Persépolis, et tentávit exspoliáre templum, et civitátem opprímere : sed multitudíne ad arma concurrénte, in fugam versi sunt : et ita cótingit ut Antíochus post fugam túrpiter redíret. Et cum venísset circa Ecbátanam, recognóvit quae erga Nicánorem, et Timótheum gesta sunt.

Lectio ij.

**E**LATUS autem in ira, arbitrabátur se injúriam illórum, qui se fugáverant, posse in Judaeos retorquére : ideóque jussit agitári currum suum, sine intermissióne agens iter, caelésti eum judicio perurgénte, eo quod ita supérbe lo-

cútus est se ventúrum Jerosólymam, et congériem sepúlcri Judaeórum eam factúrum. Sed qui univérsa cónspicit Dóminus Deus Israël, percússit eum insanábili, et invisíbili plaga.

Lección ij.

**U**T enim finívit hunc ipsum sermónem, apprehéndit eum dolor dirus víscerum, et amára internórum torménta : et quidem satis juste, quippe qui multis, et novis cruciátibus aliórum tórserat víscera, licet ille nullo modo a sua malítia cessáret. Super hoc autem supérbia replétus, ignem spirans ánimo in Judaeos, et praecípiens accelerári negótium, cóntigit illum ímpetu eúntem de curru cádere, et gravi córporis collisióne membra vexári.

### FERIA SECUNDA.

De libro secúndo Machabaeórum.

Lección j.

Cap. 9



**A**SQUE (Antíochus) qui sibi videbátur étiam flúctibus maris imperáre, supra humánum modum supérbia replétus, et móntium altitúdines in statéra appéndere, nunc humiliátus ad terram in gestatório portabátur, manifestam Dei virtútem in semetípso cóntéstans : ita ut de córpore ímpii vermes scaturírent, ac vivéntis in dolóribus carnes ejus efflúerent, odóre étiam illíus et foetóre exércitus gravaréur.

Lección ij.

**E**T qui paulo ante sídera caeli cóntingere se arbitrabátur, cum nemo póterat propter intolerántiam foetóris portáre. Hinc ígitur coepit ex gravi supérbia dedúctus ad agnitióem sui veníre, divína admónitus plaga, per moménta síngula dolóribus suis augménta capiéntibus. Et cum nec ipse jam foetórem suum ferre posset, ita ait : Justum est súbditum esse Deo, et mortálem non pária Deo sentíre.

Lección iij.

**O**RABAT autem hic sceléstus Dóminum, a quo non esset misericórdiam consecutúrus. Et civitátem, ad quam festínans veniébat ut eam ad solum dedúceret, ac sepúlcrum congestórum fáceret, nunc optat líberam reddere : et Judaeos, quos nec sepultúra quidem se dignos habitúrum, sed ávibus ac feris diripiéndos traditúrum, et cum párvulis exterminatúrum díxerat, aequáles nunc Atheniénsibus factúrum pollicétur.

### FERIA TERTIA.

De libro secúndo Machabaeórum.

Lección j.

Cap. 9.



**S**ED non cessántibus dolóribus (supervénérat enim in eum justum Dei judícium) despérans scripsit (Antíochus)



ad Judaeos in modum deprecationis epistolam haec continentem : Optimis civibus Judaeis plurimam salutem, et bene valere, et esse felices, rex et princeps Antiochus. Si bene valétis, et filii vestri, et ex sententia vobis cuncta sunt, máximas ágimus grátias.

Lectio ij.

**E**T ego in infirmitate constitutus, vestri autem memor benigne reversus de Pérsidis locis, et infirmitate gravi apprehensus, necessarium duxi pro communi utilitate curam habere : non desperans memetipsum, sed spem multam habens effugiendi infirmitatem.

Lectio iij.

**R**ESPICIENS autem quod et pater meus, quibus temporibus in locis superioribus ducebat exercitum, ostendit qui post se susciperet principatum : ut si quid contrarium accideret, aut difficile nuntiarétur, scientes hi, qui in regionibus erant, cui esset rerum summa derelicta, non turbaréntur. Ad haec, considerans de proximo potentes quosque, et vicinos temporibus insidiántes, et eventum expectántes, designávi filium meum Antiochum regem.

—✠—

## FERIA QUARTA.

De libro secundo Machabaeorum.

Lectio j. *Cap. 14.*



**M**ACHABAEUS, videns secum austerius agere Nicánorem, et consuetum occursum ferocius exhibentem, intélligens non ex bono esse austeritatem istam, paucis suorum congregatis, occultávit se a Nicánore. Quod cum ille cognóvit fortiter se a viro praeventum, venit ad máximum et sanctíssimum templum : et sacerdotibus solitas hostias offeréntibus, jussit sibi tradi virum.

Lectio ij.

**Q**UIBUS cum juramento dicéntibus nescire se ubi esset qui quaerebátur, extendens manum ad templum, jurávit, dicens : Nisi Judam mihi vinctum tradidéritis, istud Dei fanum in planitiem dedúcam, et altáre effódiam, et templum hoc Líbero patri consecrábo. Et his dictis abiit.

Lectio iij.

**S**ACERDOTES autem protendentes manus in caelum, invocábant eum, qui semper propugnátor esset gentis ipsórum, haec dicéntes : Tu Dómine universórum, qui nullus índiges, voluísti templum habitatiónis tuae fieri in nobis. Et nunc sancte sanctorum ómnium Dómine, consérva in

aeternum impollutam domum istam, quae nuper mundata est.

### FERIA QUINTA.

De libro secundo Machabaeorum.

Lectio j.

Cap. 15.

**N**ICANOR autem, ut comperit Judam esse in locis Samariae, cogitavit cum omni impetu die sabbati committere bellum. Judaeis vero, qui illum per necessitatem sequebantur, dicentibus : Ne ita ferociter, et barbare feceris, sed honorem tribue diei sanctificationis, et honora eum, qui universa conspicit : ille infelix interrogavit, si est potens in caelo, qui imperavit agi diem sabbatorum.

Lectio ij.

**E**T respondentibus illis, Est Dominus vivus ipse in caelo potens, qui jussit agi septimam diem. At ille ait : Et ego potens sum super terram, qui impero sumi arma, et negotia regis impleri. Tamen non obtinuit ut consilium perficeret. Et Nicanor quidem cum summa superbia erectus, cogitaverat commune trophaeum statuere de Juda.

Lectio iij.

**M**ACHABAEUS autem semper confidebat cum omni spe auxilium sibi a Deo adfuturum : et hortabatur suos ne formidarent ad adventum

nationum, sed in mente haberent adjutoria sibi facta de caelo, et nunc sperarent ab Omnipotente sibi adfuturam victoriam. Et allocutus eos de lege, et prophetis, admonens etiam certamina, quae fecerant prius, promptiores constituit eos.

### FERIA SEXTA.

De libro secundo Machabaeorum.

Lectio j.

Cap. 15.



**A**RAT autem hujusmodi visus : Oniam, qui fuerat summus sacerdos, virum bonum et benignum, verecundum visu, modestum moribus, et eloquio decorum, et qui a puero in virtutibus exercitatus sit, manus protendentem, orare pro omni populo Judaeorum. Post hoc apparuisse et alium virum aetate, et gloria mirabilem, et magni decoris habitudine circa illum : respondentem vero Oniam dixisse : Hic est fratrum amator, et populi Israel : hic est, qui multum orat pro populo, et universa sancta civitate, Jeremias propheta Dei.

Lectio ij.

**E**XTENDISSE autem Jeremiam dextram, et dedisse Judae gladium aureum, dicentem : Accipe sanctum gladium munus a Deo, in quo dejes adversarios populi mei Israel. Exhortati itaque Judae

sermónibus bonis valde, de quibus extólli posset ímpetus, et ánimí júvenum confortári, statuérunt dimicáre et confli-gere fórtiter : ut virtus de ne-gótiis judicáret, eo quod cívi-tas sancta, et templum pericli-taréntur.

Lectio iij.

**E**T, cum jam omnes sperá-  
rent judícium futúrum,  
hostésque adéssent, atque exér-  
citus esset ordinátus, béstiae,  
equitésque opportúno in loco  
compósi, consíderans Macha-  
baeus advéntum multitudínis,  
et apparátum várium armó-  
rum, et ferocitátem bestiárum,  
exténdens manus in caelum,  
prodígia faciéntem Dóminum  
invocávit, qui non secúndum  
armórum poténtiam, sed prout  
ipsi placet, dat dignis victó-  
riam.

### SABBATO.

De libro secúndo Macha-  
baeorum.

Lectio j.

Cap. 15.



**M**ICANOR autem, et  
qui cum ipso erant,  
cum tubis et cánticis  
admovébant. Judas  
vero, et qui cum eo erant, invo-  
cáto Deo, per oratiónes con-  
gréssi sunt : manu quidem  
pugnántes, sed Dóminum cór-  
dibus orántes, prostravérunt  
non minus trigínta quinque  
míllia, praeséntia Dei magní-  
fice delectáti. Cumque cessás-  
sent, et cum gáudio redírent,

cognovérunt Nicánorem ruisse  
cum armis suis.

Lectio ij.

**F**ACTO itaque clamóre, et  
perturbatióne excitáta,  
pátria voce omnipoténtem Dó-  
minum benedicébant. Praecé-  
pit autem Judas, qui per ómnia  
córpore et ánimo mori pro cí-  
vibus parátus erat, caput Nicá-  
noris, et manum cum húmero  
abscíssam, Jerosólymam per-  
férri. Quo cum pervénisset,  
convocátis contribúlibus, et sa-  
cerdótibus ad altáre, accérsiit  
et eos, qui in arce erant.


Lectio iij.

**E**T osténso cápite Nicáno-  
ris, et manu nefária, quam  
exténdens contra domum san-  
ctam omnipoténtis Dei, ma-  
gnífice gloriátus est. Linguam  
étiam ímpii Nicánoris praecís-  
sam jussit particulátim ávibus  
dari : manum autem demén-  
tis contra templum suspéndi.  
Omnes ígitur caeli benedixé-  
runt Dóminum, dicéntes : Be-  
nedíctus, qui locum suum in-  
contaminátum servávit.

AD VESPERAS.

R̃. ij. Aspice Dómine. p. 287.

Ad Magnificat, Aña. Vidi  
Dóminum sedéntem super só-  
lium excélsu : et plena erat  
omnis terra majestáte ejus : et  
ea, quae sub ipso erant, replé-  
bant templum.



## DOM. I. NOVEMBRIS.

In primo Nocturno.

Incipit liber Ezechiélis  
Prophétæ.

Lectio j.

Cap. i.



**E**T factum est in trigésimo anno, in quarto, in quinta mensis, cum essem in médio captivorum juxta flúvium Chobar, apérti sunt caeli, et vidi visiones Dei. In quinta mensis, ipse est annus quintus transmigratiónis regis Jóachin, factum est verbum Dómini ad Ezechiélem filium Buzi sacerdotem in terra Chaldaeorum, secus flumen Chobar : et facta est super eum ibi manus Dómini. Et vidi, et ecce ventus túrbini veniebat ab aquilóne : et nubes magna, et ignis invólvens, et splendor in circúitu ejus : et de médio ejus quasi spécies eléctri, id est de médio ignis. Tu autem.

R̃. Vidi Dóminum sedéntem super sólium excélsu et elevátum : et plena erat omnis terra majestáte ejus : \* Et ea, quae sub ipso erant, replébant templum. V. Séraphim stabant super illud : sex alae uni, et sex alae álteri. Et ea, quae.

Ab hac Dominica, usque ad primam Adventus exclusive, in Domin. legitur Hist. Vidi Dóminum.

Lectio ij.

**E**T in médio ejus similitúdo quátuor animálium : et hic aspéctus eórum, similitúdo

hóminis in eis. Quátuor fácies uni, et quátuor pennae uni. Pedes eórum pedes recti, et planta pedis eórum quasi planta pedis vítuli, et scintíllae quasi aspéctus aeris candéntis. Et manus hóminis sub pennis eórum in quátuor pártibus : et fácies, et pennas per quátuor partes habébant. Junc̃taeque erant pennae eórum altérius ad álterum. Tu autem.

R̃. Aspice Dómine de sede sancta tua, et cógita de nobis : inclína Deus meus aurem tuam, et audi : \* Aperi óculos tuos, et vide tribulatióem nostram. V. Qui regis Israél, inténde : qui dedúcis velut ovem Joseph. Aperi.

Lectio iij.

**N**ON revertébantur cum incéderent : sed unumquódque ante fáciem suam gradiebátur. Similitúdo autem vultus eórum : fácies hóminis, et fácies leónis a dextris ipsórum quátuor : fácies autem bovis a sinístris ipsórum quátuor, et fácies áquilae désuper ipsórum quátuor. Fácies eórum, et pennae eórum exténtae désuper : duae pennae singulórum jungébantur, et duae tegébant córpora eórum : et unumquódque eórum coram fácie sua ambulábat. Tu autem.

R̃. Aspice Dómine quia facta est desoláta civitas plena divítiis : sedet in tristítia dómina géntium : \* Non est qui consolétur eam, nisi tu Deus.

℣. Plorans ploravit in nocte, et lacrymae ejus in maxillis ejus. Non. Glória Patri. Non.

In secundo Nocturno.

R̃. iv. Super muros tuos Jérusalem constitui custodes, tota die, et nocte non tacébunt, \* Laudantes nomen Dómini. ℣. Praedicábunt pópulis fortitudinem meam, et annuntiábunt in géntibus glóriam meam. Laudantes.

R̃. v. Muro tuo inexpugnabili circumcínge nos Dómine, et armis tuae poténtiae prótege nos semper: \* Líbera, Dómine Deus Israël, clamantes ad te. ℣. Erue nos in mirabílibus tuis, et da glóriam nómini tuo. Líbera.

R̃. vj. Sustinúimus pacem, et non venit: quaesívimus bona, et ecce turbátio: cognóvimus Dómine peccáta nostra: \* Non in perpétuum obliviscáris nos. ℣. Peccávimus cum pátribus nostris: injúste égimus, iniquitátem fécimus. Non. Glória Patri. Non.

In tertio Nocturno.

R̃. vij. Angústiae mihi sunt úndique, et quid éligam, ignóro: \* Mélius est mihi incidere in manus hóminum, quam derelínquere legem Dei mei. ℣. Si enim hoc égero, mors mihi est: si autem non égero, non effúgiam manus vestras. Mélius.

R̃. viij. Misit Dóminus Angelum suum, et conclúsit ora leónum, et non me contamináverunt: \* Quia coram eo

justítia invénta est in me. ℣. Misit Deus misericórdiam suam, et veritátem suam: ánimam meam erípuit de médio catulórum leónum. Quia.

R̃. ix. Laudábilis pópulus, quem Dóminus exercítuum benedíxit, dicens: Opus mánuum meárum tu es: \* Heréditas mea Israël. ℣. Beáta gens, cujus est Dóminus Deus ejus: pópulus eléctus in hereditátem. Heréditas. Glória Patri. Heréditas.

Hoc R̃. ix. semel lecto, loco illius in seq. Dom. dicatur R̃. Honor. prout hab. Dom. post Oct. Trinit. pag. 176.

## FERIA SECUNDA.

De Ezechiéle Prophéta.

Lectio j.

Cap. 2.



**E**T vidi, et cécidi in fáciem meam, et audívi vocem loquéntis. Et dixit ad me: Fili hóminis sta super pedes tuos, et loquar tecum. Et ingressus est in me spíritus postquam locútus est mihi, et státuit me supra pedes meos: et audívi loquéntem ad me, et dicéntem: Fili hóminis, mitto ego te ad filios Israël, ad gentes apostátricas, quae recessérunt a me. Haec dicit Dóminus Deus: Convertímini ad me, et salvi éritis.

Lectio ij.

**I**PSI et patres eórum praevaricáti sunt pactum meum usque ad diem hanc. Et filii dura fácie, et indomábili

corde sunt, ad quos ego mitto te : et dices ad eos : Haec dicit Dóminus Deus : Si forte vel ipsi áudiant, et si forte quiescant, quóniam domus exásperans est : et scient quia prophéta fúerit in médio eórum. Haec dicit.

Lectio iij.

**T**U ergo fili hóminis ne tímeas eos, neque sermónes eórum métuas : quóniam incréduli, et subversóres sunt tecum, et cum scorióribus hábitas. Verba eórum ne tímeas, et vultus eórum ne formídes : quia domus exásperans est. Loqueris ergo verba mea ad eos, si forte áudiant, et quiescant : quóniam irritatóres sunt. Haec dicit.

### FERIA TERTIA.

De Ezechiéle Prophéta.

Lectio j.

Cap. 3.



**T** dixit ad me : Fili hóminis quodcúmque invéneris cómede : cómede volúmen istud, et vadens lóquere ad filios Israël. Et apéruí os meum, et cibávit me volúmine illo : et dixit ad me : Fili hóminis venter tuus cómedet, et víscera tua complebúntur volúmine isto, quod ego do tibi. Et comédi illud : et factum est in ore meo sicut mel dulce. Haec dicit.

Lectio ij.

**E**T dixit ad me : Fili hóminis vade ad domum Israël, et loqueris verba mea ad

eos. Non enim ad pópulum profúndi sermónis, et ignótæ linguae tu mitteris ad domum Israël : neque ad pópulos multos profúndi sermónis, et ignótæ linguae, quorum non possis audíre sermónes : et si ad illos mitteréris, ipsi audírent te. Domus autem Israël nolunt audíre te : quia nolunt audíre me. Haec dicit.

Lectio iij.

**O**MNIS quippe domus Israël attríta fronte est, et duro corde. Ecce dedi faciém tuam valentiórem faciébibus eórum, et frontem tuam duriórem fróntibus eórum. Ut adamántem, et ut sílicem dedi faciém tuam : ne tímeas eos, neque métuas a fácie eórum : quia domus exásperans est. Et dixit ad me : Fili hóminis omnes sermónes meos, quos ego loquor ad te, assúme in corde tuo, et áuribus tuis audi. Haec dicit.

### FERIA QUARTA.

De Ezechiéle Prophéta.

Lectio j.

Cap. 3.



**T** assúmpsit me spíritus, et audívi post me vocem commotiúnis magnæ : Benedícta glória Dómini de loco suo. Et vocem alárum animálium percutiéntium álteram ad álteram, et vocem rotárum sequéntium animália, et vocem commotiúnis magnæ. Spíritus quoque levávit me, et assúm-

psit me : et ábii amárus in indignatióne spíritus mei : manus enim Dómini erat mecum, confórtans me. Haec dicit.

Lectio ij.

**E**T veni ad transmigratió-  
nem, ad acérvum nová-  
rum frugum, ad eos, qui habi-  
tábant juxta flumen Chobar, et  
sedi ubi illi sedébant : et mansi  
ibi septem diébus moerens in  
medio eórum. Cum autem per-  
transíssent septem dies, factum  
est verbum Dómini ad me, di-  
cens : Fili hóminis speculatór-  
em dedi te dómui Israël : et áu-  
dies de ore meo verbum, et an-  
nuntiábis eis ex me. Haec dicit.

Lectio iij.

**S**I dicente me ad ímpium :  
Morte moriérís : non an-  
nuntiáveris ei, neque locútus  
fúeris ut avertátur a via sua  
ímpia, et vivat : ipse ímpius in  
iniquitáte sua moriétur, sán-  
guinem autem ejus de manu  
tua requíram. Si autem tu an-  
nuntiáveris ímpio, et ille non  
fúerit convérsus ab impietáte  
sua, et a via sua ímpia : ipse  
quidem in iniquitáte sua mo-  
riétur, tu autem ánimam tuam  
liberásti. Haec dicit.

### FERIA QUINTA.

De Ezechiéle Prophéta.

Lectio j.

Cap. 4.



**E**T tu fili hóminis sume  
tibi láterem, et pones  
eum coram te : et  
describes in eo civi-  
tátem Jerúsalem. Et ordinábis

advérsus eam obsidió-  
nem, et  
aedificábis muniti-  
ones, et com-  
portábis ággerem, et dabis con-  
tra eam castra, et pones aríetes  
in gyro. Et tu sume tibi sartá-  
ginem férream, et pones eam  
in murum férreum inter te, et  
inter civitátem : et obfirmábis  
fáciem tuam ad eam, et erit in  
obsidió-  
nem, et circúmdabis  
eam : signum est dómui Israël.  
Haec dicit.

Lectio ij.

**E**T tu dórmi-  
es super latus  
tuum sinístrum, et pones  
iniquitátes domus Israël super  
eo número diérum, quibus dór-  
mies super illud, et assúmes  
iniquitátem eórum. Ego autem  
dedi tibi annos iniquitátis  
eórum, número diérum trecén-  
tos et nonagínta dies : et por-  
tábis iniquitátem domus Israël.  
Haec dicit.

Lectio iij.

**E**T cum compléveris haec,  
dórmi-  
es super latus tuum  
déterum secúndo : et assú-  
mes iniquitátem domus Juda  
quadragínta diébus : diem pro  
anno, diem, inquam, pro anno  
dedi tibi. Et ad obsidió-  
nem  
Jerúsalem convértes fáciem  
tuam, et brá-  
chium tuum erit  
exténtum : et prophetábis ad-  
vérsus eam. Ecce circúmdedi  
te vínculis : et non te convér-  
tes a látere tuo in latus áliud,  
donec cómpleas dies obsidi-  
onis  
tuae. Haec dicit.

—\*—\*—

## FERIA SEXTA.

De Ezechiële Prophéta.

Lectio j. *Cap. 5*

**E**T tu fili hóminis sume tibi gládium acútum, radéntem pilos : et assúmes eum, et ducés per caput tuum, et per barbam tuam : et assúmes tibi statéram pónderis, et dívides eos. Tértiam partem igni combúres in médio civitátis, juxta completiónem diérum obsidiónis : et assúmes tértiam partem, et concídes gládio in circúitu ejus : tértiam vero áliam dispérges in venum, et gládium nudábo post eos. Haec dicit.

Lectio ij.

**E**T sumes inde parvum númerum : et ligábis eos in summitáte pállii tui. Et ex eis rursum tolles, et projícies eos in médio ignis, et combúres eos igni : et ex eo egrediétur ignis in omnem domum Israël. Haec dicit Dóminus Deus : Ista est Jerúsalem, in médio géntium pósui eam, et in circúitu ejus terras. Et contémpsit judícia mea, ut plus esset ímpia quam gentes : et praecepta mea ultra quam terrae, quae in circúitu ejus sunt. Haec dicit.

Lectio iij.

**J**UDICIA enim mea projecérunt, et in praeceptis meis non ambulavérunt. Idcirco haec dicit Dóminus Deus : Quia superástis gentes, quae in circúitu vestro sunt, et in prae-

ceptis meis non ambulástis, et judícia mea non fecístis, et juxta judícia géntium, quae in circúitu vestro sunt, non estis operáti : ideo haec dicit Dóminus Deus : Ecce ego ad te, et ipse ego fáciam in médio tui judícia in óculis géntium. Haec dicit.

## SABBATO.

De Ezechiële Prophéta.

Lectio j. *Cap. 6.*

**E**T factus est sermo Dómini ad me, dicens : Fili hóminis pone faciém tuam ad montes Israël, et prophetábis ad eos, et dices : Montes Israël audíte verbum Dómini Dei : Haec dicit Dóminus Deus móntibus, et cóllibus, rúpibus, et vállibus : Ecce ego indúcam super vos gládium, et dispérdam excélsa vestra, et demolíar aras vestras, et confringéntur simulácra vestra : et dejíciam interféctos vestros ante idóla vestra. Haec dicit.

Lectio ij.

**E**T dabo cadáverá filiórum Israël ante faciém simulacrórum vestrórum : et dispérgam ossa vestra circum aras vestras in ómnibus habitatió nibus vestris. Urbes désertae erunt, et excélsa demolíéntur, et dissipabúntur : et interíbunt arae vestrae, et confringéntur : et cessábunt idóla vestra, et conteréntur delúbra vestra, et delebúntur ópera vestra. Haec dicit.



Lectio iij.

**E**T cadet interfectus in medio vestri : et sciétis quia ego sum Dóminus. Et relinquam in vobis eos, qui fugerint gládium in gentibus, cum dispésero vos in terris. Et recordabúntur mei liberáti vestri in gentibus, ad quas captívi ducti sunt : quia contrívi cor eórum fórnicans, et recédens a me; et óculos eórum fornicántes post idóla sua. Haec dicit.

AD VESPERAS.

Ad Magnificat, Aña. Muro tuo inexpugnábili circumcínge nos Dómine, et armis tuae poténtiae prótege nos semper, Deus noster.

Si mensis Novemb. quinque Dom. habuerit, omnes Lect. ut signatae sunt, legantur. Si vero habuerit tantum quatuor, Lectiones sequentis Dom. et Hebd. de Ezechiele dimitt. et quae pro tertia Dom. et Hebd. notatae sunt, in Dom. et Hebd. secunda : et quae pro quarta, in tertia : et quae pro quinta, in quarta recitentur.

## DOM. II. NOVEMBRIS.

In primo Nocturno.

De Ezechiéle Prophéta.

Lectio j.

Cap. 7.



**E**T factus est sermo Dómini ad me, dicens : Et tu fili hóminis, haec dicit Dóminus Deus terrae Israël : Finis venit, venit finis super

quátuor plagas terrae. Nunc finis super te, et immíttam furórem meum in te : et judicábo te juxta vias tuas : et ponam contra te omnes abominatiónes tuas. Et non parcet óculus meus super te, et non miserébor : sed vias tuas ponam super te, et abominatiónes tuae in médio tui erunt : et sciétis quia ego Dóminus. Haec dicit.

Lectio ij.

**H**AEC dicit Dóminus Deus : Afflíctio una, afflíctio ecce venit : finis venit, venit finis, evigilávit adversum te : ecce venit. Venit contrítio super te, qui hábitas in terra : venit tempus, prope est dies occisiónis, et non glóriæ mόνtium. Nunc de propínquo efúndam iram meam super te, et complébo furórem meum in te : et judicábo te juxta vias tuas, et impónam tibi ómnia scélera tua. Haec dicit.

Lectio iij.

**E**T non parcet óculus meus, nec miserébor, sed vias tuas impónam tibi, et abominatiónes tuae in médio tui erunt : et sciétis quia ego sum Dóminus percútiens. Ecce dies, ecce venit : egréssa est contrítio, flóruit virga, germínávit supérbia : iníquitas surréxit in virga impietátis : non ex eis, et non ex pópulo, neque ex sónitu eórum : et non erit réquies in eis. Venit tempus,

appropinquávit dies : qui emit, non laetétur : et qui vendit, non lúgeat : quia ira super omnem pópulum ejus. Haec dicit.

### FERIA SECUNDA.

De Ezechiéle Prophéta.

Lectio j.

Cap. 8.

**E**T factum est in anno sexto, in sexto mense, in quinta mensis : ego sedébam in domo mea, et senes Juda sedébant coram me, et cécidit ibi super me manus Dómini Dei. Et vidi, et ecce similitúdo quasi aspéctus ignis : ab aspéctu lumbórum ejus, et deórsum, ignis : et a lumbis ejus, et sursum, quasi aspéctus splendóris, ut visio eléctri. Haec dicit.

Lectio ij.

**E**T emíssa similitúdo manus apprehéndit me in cíncinno cápitis mei : et elevávit me Spíritus inter terram, et caelum : et addúxit me in Jerúsalem in visione Dei, juxta óstium intérius, quod respiciébat ad aquilónem, ubi erat statútum idólum zeli ad provocándam aemulatióem. Et ecce ibi glória Dei Israël secúndum visionem, quam víderam in campo. Haec dicit.

Lectio iij.

**E**T dixit ad me : Fili hóminis, leva óculos tuos ad viam aquilónis. Et levávi óculos meos ad viam aquilónis :

et ecce ab aquilóne portae altáris idólum zeli in ipso intróitu. Et dixit ad me : Fili hóminis, putásne, vides tu quid isti fáciunt, abominatióes magnas, quas domus Israël facit hic, ut procul recédam a sanctuário meo? et adhuc convérsus vidébis abominatióes majóres. Haec dicit.

### FERIA TERTIA.

De Ezechiéle Prophéta.

Lectio j.

Cap. 8.



**E**T ingressus vidi, et ecce omnis similitúdo reptílium, et animalium, abominatio, et univérsa idóla domus Israël depícta erant in pariete in circúitu per totum. Et septuagínta viri de senióribus domus Israël, et Jezionás filius Saphan stabat in médio eórum, stántium ante pictúras : et unusquisque habébat thuríbulum in manu sua : et vapor nébulae de thure consurgébat. Haec dicit.

Lectio ij.

**E**T dixit ad me : Certe vides fili hóminis quae senióres domus Israël fáciunt in ténebris, unusquisque in abscondito cubículi sui : dicunt enim : Non videt Dóminus nos, derelíquit Dóminus terram. Et dixit ad me : Adhuc convérsus vidébis abominatióes majóres, quas isti fáciunt. Et introduxit me per óstium portae domus Dómini,

quod respiciébat ad aquilónem : et ecce ibi mulieres sedébant plangéntes Adónidem. Haec dicit.

Lectio iij.

**E**T dixit ad me : Certe vidísti fili hóminis : adhuc convérsus vidébis abominatiónes majóres his. Et introduxit me in átrium domus Dómini intérius : et ecce in óstio templi Dómini inter vestibulum et altáre, quasi viginti quinque viri dorsa habéntes contra templum Dómini, et fácies ad oriéntem : et adorábant ad ortum solis. Haec dicit.

#### FERIA QUARTA.

De Ezechiéle Prophéta.

Lectio j.

Cap. 9.



**E**T clamávit in áuribus meis voce magna, dicens : Appropinquáverunt visitatiónes urbis, et unusquisque vas interfectiόνis habet in manu sua. Et ecce sex viri veniébant de via portae superiórís, quae respicit ad aquilónem : et uniuscujusque vas intéritus in manu ejus : vir quoque unus in médio eórum vestítus erat líneis, et atramentárium scriptóris ad renes ejus : et ingressi sunt, et steterunt juxta altáre aereum. Haec dicit.

Lectio ij.

**E**T glória Dómini Israël assúpta est de cherub, quae erat super eum ad limen

domus : et vocávit virum, qui indútus erat líneis, et atramentárium scriptóris habébat in lumbis suis. Et dixit Dóminus ad eum : Transi per médiam civitátem in médio Jerúsalem : et signa thau super frontes virórum gementium, et doléntium super cunctis abominatió nibus, quae fiunt in médio ejus. Haec dicit.

Lectio iij.

**E**T illis dixit, audiénte me : Transíte per civitátem sequéntes eum, et percúтите : non parcat óculus vester, neque misereámini. Senem, adolescentulum, et vírginem, párvulum, et mulieres interfícite usque ad interneció nem : omnem autem, super quem vidéritis thau, ne occidátis, et a sanctuário meo incípíte. Coepérunt ergo a viris senióribus, qui erant ante faciém domus. Haec dicit.

#### FERIA QUINTA.

De Ezechiéle Prophéta.

Lectio j.

Cap. 13.



**E**T factus est sermo Dómini ad me, dicens : Fili hóminis, vaticináre ad prophétas Israël, qui prophétant : et dices prophetántibus de corde suo : Audíte verbum Dómini. Haec dicit Dóminus Deus : Vae prophétis insipientibus, qui sequúntur spíritum suum, et nihil vident. Quasi vulpes

in desértis, prophétæ tui Israël erant. Haec dicit.

Lectio ij.

**N**ON ascendistis ex adverso, neque opposuistis murum pro domo Israël, ut starétis in proelio in die Dómini. Vident vana, et divínant mendácium, dicéntes : Ait Dóminus : cum Dóminus non míserit eos : et perseveravérunt confirmáre sermónem. Numquid non visiónem cassam vidístis, et divinatiónem mendácem locúti estis? et dicítis, Ait Dóminus : cum ego non sim locúsus. Haec dicit.

Lectio iij.

**P**ROPTEREA haec dicit Dóminus Deus : Quia locúti estis vana, et vidístis mendácium : ídeo ecce ego ad vos, dicit Dóminus Deus : Et erit manus mea super prophétas, qui vident vana, et divínant mendácium : in consílio pópuli mei non erunt, et in scriptúra domus Israël non scribéntur, nec in terram Israël ingrediéntur : et sciétis quia ego Dóminus Deus. Eo quod decéperint pópulum meum, dicéntes : Pax, et non est pax. Haec dicit.

### FERIA SEXTA.

De Ezechiéle Prophéta.

Lectio j.

Cap. 14.



**E**T venérunt ad me viri seniórum Israël, et sedérunt coram me. Et factus est sermo Dómini ad me, dicens : Fili

hóminis, viri isti posuérunt immundítias suas in córdibus suis, et scándalum iniquitátis suae statuérunt contra fáciem suam : numquid interrogátus respondébo eis? Haec dicit.

Lectio ij.

**P**ROPTER hoc lóquere eis, et dices ad eos : Haec dicit Dóminus Deus : Homo homo de domo Israël, qui posúerit immundítias suas in corde suo, et scándalum iniquitátis suae statuérunt contra fáciem suam, et vénerit ad prophétam intérogans per eum me : ego Dóminus respondébo ei in multitudíne immunditiárum suárum : ut capiátur domus Israël in corde suo, quo recessérunt a me in cunctis idólis suis. Haec dicit.

Lectio iij.

**P**ROPTEREA dic ad domum Israël : Haec dicit Dóminus Deus : Convertímini, et recédite ab idólis vestris, et ab univérsis contaminatióibus vestris avértite fácies vestras. Quia homo homo de domo Israël, et de prosélytis quicúmque ádvena fúerit in Israël, si alienátus fúerit a me, et posúerit idóla sua in corde suo, et scándalum iniquitátis suae statuérunt contra fáciem suam, et vénerit ad prophétam ut intéroget per eum me : ego Dóminus respondébo ei per me. Haec dicit.

—\*—\*—

## SABBATO.

De Ezechíele Prophéta.

Lectio j.

Cap. 14.



**T** factus est sermo Dómini ad me, dicens : Fili hóminis, terra cum peccáverit mihi, ut praevaricétur praevaricans, exténdam manum meam super eam, et cónteram virgam panis ejus : et immíttam in eam famem, et interficiam de ea hóminem, et juméntum. Et si fúerint tres viri isti in médio ejus, Noë, Dániel, et Job : ipsi justítia sua liberábunt ánimas suas, ait Dóminus exercítuum. Haec dicit.

Lectio ij.

**Q**UOD si et béstias péssimas indúxero super terram ut vastem eam : et fúerit ínvia, eo quod non sit pertránsiens propter béstias : tres viri isti si fúerint in ea, vivo ego, dicit Dóminus Deus, quia nec fílios, nec fílias liberábunt : sed ipsi soli liberabúntur, terra autem desolábitur. Haec dicit.

Lectio iij.

**V**EL si gládium indúxero super terram illam, et díxero gládio : Transi per terram : et interfécero de ea hóminem, et juméntum : et tres viri isti fúerint in médio ejus : vivo ego, dicit Dóminus Deus, non liberábunt fílios, neque fílias : sed ipsi soli liberabúntur. Haec dicit.

## AD VESPERAS.

Ad Magnificat, Aña. Qui caelórum cóntines thronos, et abyssos intuéris Dómine rex regum, montes pónderas, terram palmo conclúdis : exáudi nos Dómine in gemítibus nostris.

## DOM. III. (vel II.) NOV.

In primo Nocturno.

Incipit liber Daniélis Prophetae.

Lectio j.

Cap. 1.



**N**NO tértio regni Jóakim regis Juda, venit Nabuchodónosor rex Babylónis in Jerúsalem, et obsédit eam; et trádedit Dóminus in manu ejus Jóakim regem Juda, et partem vasórum domus Dei : et asportávit ea in terram Sénnaar in domum dei sui, et vasa íntulit in domum thesáuri dei sui. Et ait rex Asphenez praeósito eunuchórum ut introduceret de fíliis Israël, et de sémine régio et tyrannórum, púeros, in quibus nulla esset mácula, decóros forma, et eruditós omni sapiéntia, cautos sciéntia, et doctós disciplína, et qui possent stare in palátio regis, ut docéret eos líteas, et linguam Chaldaeorum. Tu autem.

Lectio ij.

**E**T constituit eis rex annónam per síngulos dies de cibis suis, et de vino unde bi-

bébat ipse, ut enutríti tribus annis, póstea starent in conspéctu regis. Fuérunt ergo inter eos de filiis Juda, Dániel, Ananías, Mísaël, et Azarías. Et impósuit eis praepósitus eunuchórum, nómina : Daniéli, Báltassar : Ananía, Sidrach : Misaéli, Misach : et Azaría, Abdénago. Tu autem.

Lectio iij.

**P**ROPOSUIT autem Dániel in corde suo ne polluerétur de mensa regis, neque de vino potus ejus : et rogávit eunuchórum praepósitum ne contaminarétur. Dedit autem Deus Daniéli grátiam et misericórdiam in conspéctu principis eunuchórum. Et ait princeps eunuchórum ad Daniélem : Tímeo ego dóminum meum regem, qui constituit vobis cibum et potum : qui si viderit vultus vestros macilentiores prae céteris adolescentibus coevis vestris, condemnábitis caput meum regi. Tu autem.

## FERIA SECUNDA.

De Daniéle Prophéta.

Lectio j.

Cap. 7.



**A**NNO primo Báltassar regis Babylónis, Dániel sómnum vidit : visio autem capitis ejus in cubili suo : et sómnum scribens, brevi sermóne comprehendit : summátimque perstríngens, ait : Videbam in visióne mea nocte,

et ecce quátuor venti caeli pugnábant in mari magno. Et quátuor béstiae grandes ascendébant de mari diversae inter se. Tu autem.

Lectio ij.

**P**RIMA quasi leaena, et alas habébat áquilae : aspiciébam donec evulsae sunt alae ejus, et sublata est de terra, et super pedes quasi homo stetit, et cor hóminis datum est ei. Et ecce béstia ália símilis urso in parte stetit : et tres órdenes erant in ore ejus, et in déntibus ejus, et sic dicébant ei : Surge, cómede carnes plúrimas. Tu autem.

Lectio iij.

**P**OST haec aspiciébam, et ecce ália quasi pardus, et alas habébat quasi avis, quátuor super se, et quátuor cápita erant in béstia, et potestas data est ei. Post haec aspiciébam in visióne noctis, et ecce béstia quarta terríbilis, atque mirábilis, et fortis nimis, dentes férreos habébat magnos, cómedens atque commínuens, et réliqua pédibus suis concúlcans. Tu autem.

## FERIA TERTIA.

De Daniéle Prophéta.

Lectio j.

Cap. 7.



**A**SPICIEBAM ergo in visióne noctis, et ecce cum núbibus caeli quasi fílius hóminis veniébat, et usque ad

antíquum diérum pervénit : et in conspéctu ejus obtulérunt eum. Et dedit ei potestátem, et honórem, et regnum : et omnes pópuli, tribus, et linguae ipsi sérvient : potestas ejus, potestas aetérna, quae non auferétur : et regnum ejus, quod non corrumpétur. Tu autem.

Lectio ij.

**H**ORRUIT spíritus meus, ego Dániel térritus sum in his, et visiones cápitis mei conturbavérunt me. Accéssi ad unum de assisténtibus, et veritátem quaerébam ab eo de ómnibus his. Qui dixit mihi interpretatiónem sermónum, et dócuit me. Hae quátuor béstiae magnae : quátuor sunt regna, quae consúrgent de terra. Tu autem.

Lectio iij.

**S**USCIPIENT autem regnum sancti Dei altíssimi : et obtinébunt regnum usque in saeculum, et saeculum saeculórum. Post hoc vólui diligénter dísce de béstia quarta, quae erat dissímilis valde ab ómnibus, et terríbilis nimis : dentes et ungues ejus férrei : comedébat, et comminuébat, et réliqua pédibus suis conculcábat : et de cór nibus decem, quae habébat in cápíte. Tu autem.



## FERIA QUARTA.

De Dániéle Prophéta.

Lectio j.

Cap. 8.



**A**NNO tértio regni Báltassar regis, visio appáruit mihi. Ego Dániel post id, quod víderam in princípío, vidi in visione mea, cum essem in Susis castro, quod est in Ælam regiónē : vidi autem in visione esse me super portam Ulai. Et levávi óculos meos, et vidi : et ecce áries unus stabat ante palúdē, habens córnuā excélsa, et unum excélsius áltero atque succrésens. Tu autem.

Lectio ij.

**P**OSTEA vidi aríetem cór nibus ventilántem contra occidéntem, et contra aquilónem, et contra merídiem, et omnes béstiae non póterant résistere ei, neque liberári de manu ejus : fecítque secúndum voluntátem suam, et magnificátus est. Et ego intelligébam : ecce autem hircus caprárum veniébat ab occidēte super faciē totíus terrae, et non tangébat terram. Tu autem.

Lectio iij.

**P**ORRO hircus habébat cornu insígne inter óculos suos. Et venit usque ad aríetem illum cornútum, quem víderam stantē ante portam, et cucúrrit ad eum in ímpetu fortitúdinis suae. Cumque appropinquásset prope aríetem,

efferátus est in eum, et percússit arietem : et commínuit duo cónua ejus, et non póterat áries resistere ei. Tu autem.

### FERIA QUINTA.

De Daniéle Prophéta.

Lectio j. *Cap. 9.*

**C**UMQUE adhuc lóquerer, et orárem, et confitérer peccáta mea, et peccáta pópuli mei Israël, et prostérnerem preces meas in conspéctu Dei mei, pro monte sancto Dei mei : adhuc me loquente in oratione, ecce vir Gábriel, quem víderam in visione a principio, cito volans tétigit me in tempore sacrificii vespertíni. Et dócuit me, et locútus est mihi, dixítque : Dániel nunc egréssus sum ut docérem te, et intelligeres. Tu autem.

Lectio ij.

**A**B exórdio precum tuárum egréssus est sermo : ego autem veni ut indicárem tibi, quia vir desideriórum es : tu ergo animadvérte sermónem, et intéllege visionem. Septuagínta hebdómades abbreviátae sunt super pópulum tuum, et super urbem sanctam tuam ut consumméetur praevaricatio, et finem accípiat peccátum, et deleátur iníquitas, et adducátur justítia sempitérna, et impleátur visio, et prophetía, et ungátur Sanctus sanctórum. Tu autem.

Lectio iij.

**S**CITO ergo, et animadvérte : Ab éxitu sermónis, ut íterum aedificétur Jerúsalem, usque ad Christum ducem, hebdómades septem, et hebdómades sexagínta duae erunt : et rursum aedificábitur platéa, et muri in angústia témporum. Et post hebdómades sexagínta duas occidétur Christus : et non erit ejus pópulus, qui eum negatúrus est. Tu autem.

### FERIA SEXTA.

De Daniéle Prophéta.

Lectio j. *Cap. 10.*

**A**NNO tértio Cyri regis Persárum, verbum revelátum est Daniéli cognoménto Báltassar, et verbum verum, et fortitúdo magna : intellexítque sermónem : intelligéntia enim est opus in visione. In diébus illis ego Dániel lugébam trium hebdomadárum diébus, panem desiderábilem non comédi, et caro et vinum non introiérunt in os meum, sed neque unguénto unctus sum : donec compleréntur trium hebdomadárum dies. Tu autem.

Lectio ij.

**D**IE autem vigésima et quarta mensis primieram juxta flúvium magnum, qui est Tigris. Et levávi óculos meos, et vidi : et ecce vir



unus vestitus líneis, et renes ejus accincti auro obrizo : et corpus ejus quasi chrysólithus, et fácies ejus velut spécies fúlguris, et óculi ejus ut lampas ardens : et bráchia ejus, et quae deórsum sunt usque ad pedes, quasi spécies aeris candéntis : et vox sermónum ejus ut vox multitudínis. Tu autem.

Lectio iij.

**V**IDI autem ego Dániel solus visiónem : porro viri, qui erant mecum, non vidérunt : sed terror nímius frruit super eos, et fugérunt in absconditum. Ego autem relíctus solus vidi visiónem grandem hanc : et non remánsit in me fortitúdo, sed et spécies mea immutáta est in me, et emárcui, nec hábui quidquam vírium. Tu autem.

### SABBATO.

De Daniéle Prophéta.

Lectio j.

Cap. 12.



**I**N témpore autem illo consúrget Míchaél princeps magnus, qui stat pro filiis pópuli tui : et véniet tempus quale non fuit ab eo ex quo gentes esse coepérunt usque ad tempus illud. Et in témpore illo salvábitur pópulus tuus, omnis qui invéntus fúerit scriptus in libro. Et multi de his, qui dórmiunt in terrae púlvere, evigilábunt : álíi in vitam aetérnam, et álíi in oppróbrium ut vídeant semper. Tu autem.

Lectio ij.


**Q**UI autem docti fúerint, fulgébunt quasi splendor firmaménti : et qui ad justítiam erúdiunt multos, quasi stellae in perpétuas aeternitátes. Tu autem Dániel claude sermónes, et signa librum usque ad tempus statútum : plúrimi pertransíbunt, et múltiplex erit sciéntia. Et vidi ego Dániel, et ecce quasi duo álíi stabant : unus hinc super ripam flúminis, et álíus inde ex áltera ripa flúminis. Tu autem.

Lectio iij.

**E**T dixi viro, qui erat indútus líneis, qui stabat super aquas flúminis : Usquequo finis horum mirabílium ? Et audívi virum, qui indútus erat líneis, qui stabat super aquas flúminis, cum elevásset dexteram et sínístram suam in caelum, et jurásset per vivéntem in aetérnum, quia in tempus, et témpora, et dimídium témporis. Et cum compléta fúerit dispérsio manus pópuli sancti, complebúntur univérsa haec. Tu autem.

AD VESPERAS.

Ad Magnificat, Añã. Sustinúimus pacem, et non venit Dómine : quaesívimus bonã, et ecce turbátio : cognóvimus Dómine peccáta nostra : ne in aetérnum obliviscáris nos, Deus Israël.



## DOM. IV. (vel III.) NOV.

In primo Nocturno.

Incipit liber Osée Prophétæ.

Lectio j. *Cap. i.*

**V**ERBUM Dómini, quod factum est ad Osée filium Béeri, in diébus Ozíae, Jóathan, Achaz, Ezechíae regum Juda, et in diébus Jeróboam filii Joas regis Israël. Príncipium loquéndi Dómino in Osée : et dixit Dóminus ad Osée : Vade, sume tibi uxórem fornicatiónum, et fac tibi filios fornicatiónum : quia fórnicans fornicábitur terra a Dómino. Et ábiit, et accépit Gomer filiam Debélaim : et concépit, et péperit ei filium. Haec dicit.

Lectio ij.

**E**T dixit Dóminus ad eum : Voca nomen ejus Jézrahel : quóniam adhuc módicum, et visitábo sánguinem Jézrahel super domum Jehu, et quíescere fáciam regnum domus Israël. Et in illa die cónteram arcum Israël in valle Jézrahel. Et concépit adhuc, et péperit filiam. Et dixit ei : Voca nomen ejus Absque misericórdia : quia non addam ultra miseréri dómui Israël, sed obliuóne obliuísca eórum. Haec dicit.

Lectio iij.

**E**T dómui Juda miserébor, et salvábo eos in Dómino Deo suo : et non salvábo eos

in arcu, et gládio, et in bello, et in equis, et in equítibus. Et ablaetávit eam, quae erat Absque misericórdia. Et concépit, et péperit filium. Et dixit : Voca nomen ejus : Non pópulus meus : quia vos non pópulus meus, et ego non ero vester. Et erit númerus filiórum Israël quasi aréna maris, quae sine mensúra est, et non numerábitur. Haec dicit.

## FERIA SECUNDA.

De Osée Prophéta.

Lectio j. *Cap. 2.*

**D**ICITE frátribus vestris : Pópulus meus : et soróri vestrae, Misericórdiam consecúta. Judicáte matrem vestram, judicáte : quóniam ipsa non uxor mea, et ego non vir ejus. Auferat fornicatiónes suas a fácie sua, et adultéria sua de médio úberum suórum : ne forte exspóliem eam nudam, et státuam eam secúndum diem nativitátis suae : et ponam eam quasi solitúdinem, et státuam eam velut terram ínviám, et interficiam eam siti. Haec dicit.

Lectio ij.

**E**T filiórum illíus non miserébor : quóniam filii fornicatiónum sunt. Quia fornicáta est mater eórum, confúsa est quae concépit eos : quia dixit : Vadam post amatóres meos, qui dant panes mihi, et aquas meas, lanam

meam, et linum meum, óleum meum, et potum meum. Propter hoc ecce ego sépiam viam tuam spinis, et sépiam eam macéria, et sémitas suas non invéniet. Haec dicit.

Lectio iij.

**E**T sequétur amatóres suos, et non apprehéndet eos : et quaeret eos, et non invéniet, et dicet : Vadam, et revértar ad virum meum priórem : quia bene mihi erat tunc magis quam nunc. Et haec nescívit, quia ego dedi ei fruméntum, et vinum, et óleum, et argéntum multiplicávi ei, et aurum, quae fecérunt Baal. Haec dicit.

### FERIA TERTIA.

De Osée Prophéta.

Lectio j.

Cap. 4.



**A**UDITE verbum Dómini filii Israël, quia iudícium Dómino cum habitatóribus terrae : non est enim véritas, et non est misericórdia, et non est sciéntia Dei in terra. Maledíctum, et mendácium, et homicídium, et furtum, et adultérium inundavérunt, et sanguis ságuinem tétigit. Propter hoc lugébit terra, et infirmábitur omnis, qui hábitat in ea, in béstia agri, et in vólucres caeli : sed et pisces maris congregabúntur. Haec dicit.

Lectio ij.

**V**ERUMTAMEN unusquísque non júdicet : et non arguátur vir : pópulus

enim tuus sicut hi, qui contradícunt sacerdoti. Et córrues hódie, et córruet étiam prophéta tecum : nocte tacére feci matrem tuam. Contícuit pópulus meus, eo quod non habúerit sciéntiam. Quia tu sciéntiam repulísti, repéllam te, ne sacerdotio fungáris mihi : et oblíta es legis Dei tui, oblivíscar filiórum tuórum et ego. Haec dicit.

Lectio iij.

**S**ECUNDUM multitudinem eórum sic peccavérunt mihi : glóriam eórum in ignomíniam commutábo. Peccáta pópuli mei cómedent, et ad iniquitátem eórum sublevábunt ánimas eórum. Et erit sicut pópulus, sic sacerdos : et visitábo super eum vias ejus, et cogitatiónes ejus reddam ei. Et cómedent, et non saturabúntur. Haec dicit.

### FERIA QUARTA.

Incipit liber Joélis Prophetae.

Lectio j.

Cap. 1.



**V**ERBUM Dómini, quod factum est ad Joél filium Phátuel. Audíte hoc senes, et áuribus percípíte omnes habitatóres terrae : si factum est istud in diébus vestris, aut in diébus patrum vestrórum? Super hoc filiis vestris narráte, et filii vestri filiis suis, et filii eórum generatióni álteri. Resíduum erúcae comédit locústa, et resíduum locústac comédit

bruchus, et resíduum bruchi comédit rubígo. Haec dicit.

Lectio ij.

**E**XPERGISCIMINI ébrii, et flete, et ululáte omnes, qui bíbitis vinum in dulcédine: quóniam périit ab ore vestro. Gens enim ascéndit super terram meam, fortis et innumerábilis: dentes ejus ut dentes leónis: et moláres ejus ut cá tuli leónis. Pósuit víneam meam in desértum, et ficum meam decorticávit: nudans spoliávit eam, et projéctit: albi facti sunt rami ejus. Haec dicit.

Lectio iij.

**P**LANGERE quasi virgo accíncta sacco super virum pubertátis suae. Périit sacrificium, et libátio de domo Dómini: luxérunt sacerdótes ministri Dómini. Depopuláta est régio, luxit humus: quóniam devastátum est tríticum, confúsum est vinum, elánguit óleum. Confúsi sunt agricolae, ululavérunt vinitóres super fruménto, et hórdeo, quia périit messis agri. Haec dicit.

#### FERIA QUINTA.

Incipit liber Amos Prophétae.

Lectio j.

Cap. i.



**VERBA** Amos, qui fuit in pastóribus de Thécue: quae vidit super Israël in diébus Ozíae regis Juda, et in diébus Jeróboam filii Joas regis Israël ante duos annos terraemótus. Et dixit: Dóminus de Sion

rúgiet, et de Jerúsalem dabit vocem suam. Et luxérunt speciósa pastórum, et exsiccátus est vertex Carméli. Haec dicit.

Lectio ij.

**H**AEC dicit Dóminus: Super tribus sceléribus Damásci, et super quátuor non convértam eum: eo quod trituráverint in plaustris férreis Gálaad. Et mittam ignem in domum Azaël, et devorábit domos Bénadad. Et cónteram vectem Damásci: et dispérdam habitatórem de campo idóli, et tenéntem sceptrum de domo voluptátis: et transferétur pópulus Syriae Cyrénen, dicit Dóminus. Haec dicit.

Lectio iij.

**H**AEC dicit Dóminus: Super tribus sceléribus Gazae, et super quátuor non convértam eum: eo quod transtúlerint captivitátem perféctam, ut conclúderent eam in Idumaea. Et mittam ignem in murum Gazae, et devorábit aedes ejus. Et dispérdam habitatórem de Azóto, et tenéntem sceptrum de Ascalóne. Haec dicit.

#### FERIA SEXTA.

Incipit liber Abdíae Prophétae.

Lectio j.



**VERBA** Abdíae. Haec dicit Dóminus Deus ad Edom: Audítum audívimus a Dómino, et legátum ad gentes misit: Súrgite, et consurgámus advérsus eum in proelium.

Ecce párvulum dedi te in géntibus : contemptibilis tu es valde. Supérbia cordis tui exultit te, habitántem in scissúris petrárum, exaltántem sólium tuum. Haec dicit.

Lectio ij.

**Q**UI dicis in corde tuo: Quis détrahet me in terram? Si exaltátus fúeris ut áquila, et si inter sídera posúeris nidum tuum : inde détraham te, dicit Dóminus. Si fures introíssent ad te, si latrónes per noctem, quómodo conticuísses? nonne furáti essent sufficiéntia sibi? si vindemiatóres introíssent ad te, numquid saltem racémum reliquíssent tibi? Haec dicit.

Lectio iij.

**Q**UOMODO scrutáti sunt Esau, investigavérunt abscondita ejus? Usque ad términum emisérunt te : omnes viri foederis tui illusérunt tibi : invaluérent advérsus te viri pacis tuae : qui cómedunt tecum, ponent insídias subter te : non est prudéntia in eo. Numquid non in die illa, dicit Dóminus, perdam sapiéntes de Idumaea, et prudéntiam de monte Esau? Haec dicit.

### SABBATO.

De Jona Prophéta.

Lectio j.

Cap. 2.



**D**T praeparávit Dóminus piscem grandem ut deglutíret Jonam : et erat Jonas in ventre piscis tribus diébus, et tri-

bus nóctibus. Et orávit Jonas ad Dóminum Deum suum de ventre piscis. Et dixit : Clamávi de tribulatióne mea ad Dóminum, et exaudivit me : de ventre ínferi clamávi, et exaudísti vocem meam. Et projecísti me in profúndum in corde maris, et flumen circúmdedit me : omnes gúrgites tui, et fluctus tui super me transiérunt. Haec dicit.

Lectio ij.

Cap. 3.

**E**T factum est verbum Dómini ad Jonam secúndo, dicens : Surge, et vade in Níniven civitátem magnam : et praedica in ea praedicatióne, quam ego loquor ad te. Et surrexit Jonas, et abiit in Níniven juxta verbum Dómini : et Nínive erat civitas magna itínere trium diérum. Et coepit Jonas introíre in civitátem itínere diéi unus : et clamávit, et dixit : Adhuc quadragínta dies, et Nínive subvertétur. Haec dicit.

Lectio iij.

**E**T credidérunt viri Ninivítae in Deum : et praedicavérunt jejúnium, et vestíti sunt saccis a majóre usque ad minórem. Et pervénit verbum ad regem Nínive : et surrexit de sólio suo, et abjécit vestiméntum suum a se, et indútus est sacco, et sedit in cínere. Haec dicit.

AD VESPERAS.

Ad Magnificat, Aña. Aspice Dómine quia facta est deso-

lata civitas plena divitiis : sedet in tristitia domina gentium : non est qui consolatur eam, nisi tu Deus noster.

DOM. V. (vel IV.) NOV.

In primo Nocturno.

Incipit liber Michaeae  
Prophetae.

Lectio j. *Cap. i.*



**ERBUM** Domini, quod factum est ad Michaeam Morasthiten, in diebus Joathan, Achaz, et Ezechiae regum Juda : quod vidit super Samariam, et Jerusalem. Audite populi omnes, et attendat terra, et plenitudo ejus : et sit Dominus Deus vobis in testem, Dominus de templo sancto suo. Quia ecce Dominus egrediatur de loco suo : et descendet, et calcabit super excelsa terrae. Haec dicit.

Lectio ij.

**ET** consumentur montes subtus eum : et valles scindentur sicut cera a facie ignis, et sicut aquae, quae decurrunt in praeceps. In scelere Jacob omne istud, et in peccatis domus Israel. Quod scelus Jacob? nonne Samaria? et quae excelsa Judae? nonne Jerusalem? Et ponam Samariam quasi acervum lapidum in agro cum plantatur vinea : et detraham in vallem lapides ejus, et fundamenta ejus revelabo. Haec dicit.

Lectio iij.

**ET** omnia sculptilia ejus concidentur, et omnes mercedes ejus comburentur igne, et omnia idola ejus ponam in perditionem : quia de mercedibus meretricis congregata sunt, et usque ad mercedem meretricis revertentur. Super hoc plangam, et ululabo : vadam spoliatus, et nudus : faciam planctum velut draconum, et luctum quasi struthionum. Haec dicit.

FERIA SECUNDA.

Incipit liber Nahum  
Prophetae.

Lectio j. *Cap. i.*



**NUS** Nínive : Liber visionis Nahum Elcesaei. Deus aemulator, et ulciscens Dominus : ulciscens Dominus, et habens furorem, ulciscens Dominus in hostes suos, et irascens ipse inimicis suis. Dominus patiens, et magnus fortitudine, et mundans non faciet innocentem. Dominus intempestate, et turbine viae ejus, et nebulae pulvis pedum ejus. Haec dicit.

Lectio ij.

**IN**CREPANS mare, et exsiccans illud : et omnia flumina ad desertum deducens. Infirmatus est Basan, et Carmelus : et flos Libani elanguit. Montes commoti sunt ab eo, et colles desolati sunt : et

contrémuit terra a fácie ejus, et orbis, et omnes habitántes in eo. Ante fáciem indignatiónis ejus quis stabit? et quis resístet in ira furóris ejus? Haec dicit.

Lección iij.

**I**NDIGNATIO ejus effúsa est ut ignis : et petrae dissolútæ sunt ab eo. Bonus Dóminus, et confórtans in die tribulatiónis : et sciens sperántes in se. Et in dilúvio prae-tereúnte, consummatióem fáci-  
et loci ejus : et inimícos ejus persequéntur ténebrae. Quid cogitátis contra Dóminum? consummatióem ipse fáci-  
et non consúrget duplex tribulá-  
tio. Haec dicit.

### FERIA TERTIA.

Incipit liber Hábacuc  
Prophétae.

Lección j. Cap. i.



**N**US, quod vidit Hábacuc prophéta. Usquequo Dómine clamábo, et non ex-  
audies? vociferábor ad te vim pátiens, et non salvábis? Quare ostendísti mihi iniquitátem, et labórem, vidére praedam et injustítiam contra me? et factum est judícium, et contradíctio poténtior. Propter hoc laceráta est lex, et non pervénit usque ad finem judícium : quia ímpius praevalet advér-sus justum, proptérea egrédi-tur judícium pervérsum. Haec dicit.

Lección ij.

**A**SPICITE in géntibus, et vidéte : admirámini, et obstupéscite : quia opus factum est in diébus vestris, quod nemo credet cum narrábitur. Quia ecce ego suscitábo Chaldaeos, gentem amáram, et velócem, ambulántem super latitúdinem terrae, ut possídeat tabernácula non sua. Horribilis, et terríbilis est : ex semetípse judícium, et onusejusegrediétur. Haec dicit.

Lección iij.

**L**EVIORES pardis equi ejus, et velocióres lupis vespertínis; et diffundéntur équites ejus : équites namque ejus de longe vénient, volábunt quasi áquila festínans ad comedéndum. Omnes ad prae-dam vénient, fácies eórum ventus urens : et congregábit quasi arénam, captivitátem. Et ipse de régibus triumphábit, et tyránni ridículi ejus erunt. Haec dicit.

### FERIA QUARTA.

Incipit liber Sophoníae  
Prophétae.

Lección j. Cap. i.



**V**ERBUM Dómini, quod factum est ad Sophoníam filium Chusi, filii Godolíae, filii Amaríae, filii Ezezíae, in diébus Josíae filii Amon regis Judae. Cóngregans congregábo ómnia a fácie terrae, dicit Dóminus : cóngregans hóminem, et pecus, cóngregans volatília

caeli, et pisces maris : et ruinae impiórum erunt : et disperdam hómines a fácie terrae, dicit Dóminus. Haec dicit.

Lectio ij.

**E**T exténdam manum meam super Judam, et super omnes habitántes Jerúsalem : et disperdam de loco hoc reliquias Baal, et nómina aedificatórum cum sacerdótibus : et eos, qui adórant super tecta milítiam caeli, et adórant, et jurant in Dómino, et jurant in Melchom : et qui avertúntur de post tergum Dómini, et qui non quaesiérunt Dóminum, nec investigavérunt eum. Haec dicit.

Lectio iij.

**S**ILETE a fácie Dómini Dei : quia juxta est dies Dómini, quia praeparávit Dóminus hóstiam, sanctificávit vocátos suos. Et erit : in die hóstiae Dómini visitábo super príncipes, et super filios regis, et super omnes, qui indúti sunt veste peregrína : et visitábo super omnem, qui arrogánter ingréditur super limen in die illa : qui complent domum Dómini Dei sui iniquitáte, et dolo. Haec dicit.

### FERIA QUINTA.

Incipit liber Aggaei Prophetae.

Lectio j.

Cap. i.

**I**N anno secúndo Dárii regis, in mense sexto, in die una mensis, factum est verbum Dómini in manu Aggaei pro-

phetae ad Zoróbabel filium Saláthiel, ducem Juda, et ad Jesum filium Jósedech, sacerdotem magnum, dicens : Haec ait Dóminus exercítuum, dicens : Pópulus iste dicit : Nondum venit tempus domus Dómini aedificádae. Haec dicit.

Lectio ij.

**E**T factum est verbum Dómini in manu Aggaei prophetae, dicens : Numquid tempus vobis est ut habitétis in dómibus laqueátis, et domus ista desérta? Et nunc haec dicit Dóminus exercítuum : Pónite corda vestra super vias vestras. Seminástis multum, et intulístis parum : comedístis, et non estis satiáti : bibístis, et non estis inebriáti : operuístis vos, et non estis calefacti : et qui mercedes congregávit, misit eas in sácculum pertúsum. Haec dicit.

Lectio iij.

**H**AEC dicit Dóminus exercítuum : Pónite corda vestra super vias vestras : ascéndite in montem, portáte ligna, et aedificáte domum : et acceptábilis mihi erit, et glorificábor, dicit Dóminus. Respexístis ad ámplius, et ecce factum est minus : et intulístis in domum, et exsufflávi illud. Haec dicit.





## FERIA SEXTA.

Incipit liber Zacharíae  
Prophétæ.

Lectio j. *Cap. i.*

**I**N mense octávo in anno secúndo Dárii regis, factum est verbum Dómini ad Zacharíam, fílium Barachíae filii Addo, prophétam, dicens : Irátus est Dóminus super patres vestros iracúndia. Et dices ad eos : Haec dicit Dóminus exercítuum : Convertímini ad me, ait Dóminus exercítuum : et convérta ad vos, dicit Dóminus exercítuum. Haec dicit.

Lectio ij.

**D**E sitis sicut patres vestri, ad quos clamábant prophétæ prióres, dicéntes : Haec dicit Dóminus exercítuum : Convertímini de viis vestris malis, et de cogitátionibus vestris péssimis : et non audierunt, neque attendérunt ad me, dicit Dóminus. Patres vestri ubi sunt? et prophétæ numquid in sempitérnum vivent? Haec dicit.

Lectio iij.

**V**ERUMTAMEN verba mea, et legítima mea, quae mandávi servis meis prophétis, numquid non comprehendérunt patres vestros, et convérsi sunt, et dixerunt : Sicut cogitávit Dóminus exercítuum fácere nobis secúndum vias nostras, et secúndum adinventiões nostras fecit nobis? Haec dicit.

## SABBATO.

Incipit liber Malachíae  
Prophétæ.

Lectio j. *Cap. i.*

**N**US verbi Dómini ad Israël in manu Malachíae. Diléxi vos, dicit Dóminus, et dixístis : In quo dilexísti nos? Nonne frater erat Esau Jacob, dicit Dóminus, et diléxi Jacob, Esau autem ódio hábui? et pósui montes ejus in solitúdinem, et hereditátem ejus in dracones desérti. Haec dicit.

Lectio ij.

**Q**UOD si díxerit Idumaea : Destrúcti sumus, sed reverténtes aedificábimus quae destrúcta sunt : haec dicit Dóminus exercítuum : Isti aedificábunt, et ego déstruam : et vocabúntur términi impietátis, et pópulus, cui irátus est Dóminus usque in aetérnum. Et óculi vestri vidébunt : et vos dicétis : Magnificétur Dóminus super términum Israël. Haec dicit.

Lectio iij.

**F**ILIUS honórat patrem, et servus dóminum suum : si ergo Pater ego sum, ubi est honor meus? et si Dóminus ego sum, ubi est timor meus? dicit Dóminus exercítuum. Ad vos, o sacerdótes, qui despícitis nomen meum, et dixístis : In quo despéximus nomen tuum? Offértis super altáre meum panem pollútum, et dicítis : In quo pollúimus te? Haec dicit.

# —\*— **Lectiones et Homiliae** —\*—

PRO II. ET III. NOCTURNO ET

## **Orationes in Dom. post Octab. Trinitatis.**

**DOMINICA II.**  
post Octavam Trinitatis.

Oratio.

**D**A nobis, quaesumus Dómine : ut et mundi cursus pacífice nobis tuo órdine dirigátur, et Ecclésia tua tranquílla devotióne laetétur. Per Dóminum.

In secundo Nocturno.

De Epístola beáti Pauli  
Apóstoli ad Hebraeos.

Lectio iv.

Cap. 4.

**T**IMEAMUS ergo ne forte relícta pollicitatióne introeúndi in réquiem ejus, existimétur áliquis ex vobis deesse. Etenim et nobis nuntiátum est, quemádmódum et illis. Sed non prófuit illis sermo audítus, non admístus fídei ex iis, quae audiérunt. Ingrediemur enim in réquiem, qui credidimus : quemádmódum dixit : Sicut jurávi in ira mea : Si introibunt in réquiem meam : et quidem opéribus ab institutióne mundi perféctis.

Lectio v.

**D**IXIT enim in quodam loco de die séptima sic : Et requiévít Deus die séptima ab ómnibus opéribus suis. Et

in isto rursum : Si introibunt in réquiem meam. Quóniam ergo súperest introíre quosdam in illam, et ii, quibus prióribus annuntiátum est, non introiérunt propter incredulitátem : íterum términat diem quemdam, Hódie, in David dicéndo, post tantum témporis, sicut supra dictum est : Hódie si vocem ejus audiéritis, nolíte obduráre corda vestra.

Lectio vj.

**D**AM si eis Jesus réquiem praestitísset, nunquam de ália loquerétur, posthac, die. Itaque relínquitur sabbatísmus pópulo Dei. Qui enim ingressus est in réquiem ejus : étiam ipse requiévít ab opéribus suis, sicut a suis Deus. Festinémus ergo ingredi in illam réquiem : ut ne in idípsum quis incidat incredulitátis exémpulum.

In tertio Nocturno.

Lectio sancti Evangélii secundum Lucam.

Lectio vij.

Cap. 5.

**I**N illo témpore : Cum turbae irrúerent in Jesum, ut audírent verbum Dei, et ipse stabat secus stagnum Genésareth. Et réliqua.

Homilía sancti Ambrósii  
Epíscopi.

*Lib. 4. in cap. 5. Lucae prope  
finem.*



BI Dóminus multis impertívit vária génera sanitátum, nec témpore, nec loco pó-  
tuit a stúdio sanándi turba  
cohibéri. Vesper incúbuit, se-  
quebántur; stagnum occúrrit,  
urgébant : et ídeo ascéndit in  
Petri navim. Haec est illa na-  
vis, quae adhuc secúndum  
Matthaeum flúctuat, secúndum  
Lucam replétur píscibus : ut  
et princípia Ecclésiae fluctuán-  
tis, et posterióra exuberántis  
agnóscas. Pisces enim sunt, qui  
hanc enávigant vitam. Ibi ad-  
huc discípulis Christus dormit,  
hic praecipit : dormit enim té-  
pidis, vígilat perféctis.

Lectio viij.

**N**ON turbátur haec navis,  
in qua prudéntia návi-  
gat, abest perfídia, fides aspí-  
rat. Quemádmódum enim tur-  
bári póterat, cui praeerat is, in  
quo Ecclésiae firmaméntum  
est? Illic ergo turbátio, ubi  
módica fides : hic secúritas,  
ubi perfécta diléctio. Dénique  
et si áliis imperátur ut laxent  
rétia sua, soli tamen Petro dí-  
citur : Duc in altum : hoc est,  
in profúndum disputatiónum.

Lectio ix.

**Q**UID enim tam altum,  
quam altitúdinem divi-  
tiárum vidére, scire Dei Fí-

lium, et professiόνem divínae  
generatiónis assúmere? Quam  
licet mens humana non queat  
plene ratiónis investigatióne  
comprehéndere, fídei tamen  
plenitúdo compléctitur. Nam  
etsi non licet mihi scire quem-  
ádmódum natus sit : non  
licet tamen nescíre quod natus  
sit. Sériem generatiónis ignó-  
ro : sed auctórem generatiónis  
agnósco.

Ad Benedictus, Añá. Ascén-  
dit Jesus in navim, et sedens  
docébat turbas, allelúia.

Ad Magnificat, Añá. Praecé-  
ptor, per totam noctem labo-  
rantes, nihil cépimus : in verbo  
autem tuo laxábo rete.

### DOMINICA III. post Octavam Trinitatis.

Oratio.

**D**EUS, qui diligéntibus te  
bona invisibília praepa-  
rásti; infúnde córdibus nostris  
tui amóris afféctum : ut te in  
ómnibus et super ómnia dili-  
géntes, promissiónes tuas,  
quae omne desidérium súpé-  
rant, consequámur. Per Dó-  
minum.

In secundo Nocturno.

De Epístola beáti Pauli  
Apóstoli ad Hebraeos.

Lectio j.

Cap. 6.



CONFIDIMUS autem  
de vobis dilectíssimi  
melióra, et vicinióra  
salúti : tamétsi ita  
lóquimur. Non enim injústus

Deus, ut obliviscatur óperis vestri, et dilectiónis, quam ostendístis in nómine ipsius, qui ministrástis sanctis, et ministrátis. Cúpimus autem unumquémque vestrum eámdem ostentáre sollicitúdinem ad expletiónem spei usque in finem : ut non segnes efficiámini, verum imitatóres eórum, qui fide, et patiéntia hereditábunt promissiones.

Lectio v.

**A**BRAHAE namque promíttens Deus, quóniam néminem hábuit, per quem juráret, majórem, jurávit per semetípsum, dicens : Nisi benedicens benedicam te, et multiplicans multiplicábo te. Et sic longanímiter ferens, adéptus est repromissionem. Hómines enim per majórem sui jurant : et omnis controversiae eórum finis, ad confirmatióem, est juraméntum.

Lectio vj.

**I**N quo abundantius volens Deus osténdere pollicitatiónis herédibus immobilitátem consílii sui, interpósuit jusjurándum : ut per duas res immóbiles, quibus impossibile est mentíri Deum, fortíssimum solátium habeámus, qui confúgimus ad tenéndam propósitam spem, quam sicut áncoram habémus ánimaе tutam ac firmam, et incedéntem usque ad interióra veláminis, ubi praecúrsor pro nobis introívit

Jesus, secúndum órđinem Melchisedech pón̄tifex factus in aetérnum.

In tertio Nocturno.

Lectio sancti Evangelii secúndum Matthaeum.

Lectio vij.

Cap. 5.

**I**N illo témpore : Dixit Jesus discíplis suis : Nisi abundáverit justítia vestra plus quam Scribárum, et Pharisaeórum, non intrábitis in regnum caelórum. Et reliqua.

Homilía sancti Augustíni  
Epíscopi.

*Lib. 1. de Serm. Dom. in monte, c. 9.*



**I**USTITIA Pharisaeórum est, ut non occídant : justítia eórum, qui intratúri sunt in regnum Dei, ut non irascántur sine causa. Mínimum est ergo, non occídere : et qui illud sólverit, mínimus vocábitur in regno caelórum. Qui autem illud impléverit, ut non occídat, non contínuo magnus erit, et idóneus regno caelórum; sed tamen ascéndit áliquem gradum : perficiétur autem, si nec irascátur sine causa : quod si perfécerit, multo remótior erit ab homicídio.

Lectio viij.

**Q**UAPROPTER qui docet ut non irascámur, non solvit legem ne occidámus, sed implet pótius : ut et foris, dum non occídimus, et in corde, dum non iráscimur, innocén-

tiam custodiámus. Gradus itaque sunt in istis peccátis : ut primo quisque irascátur, et eum motum retíneat corde concéptum. Jam si extórserit vocem indignántis ipsa commótió, non significántem áliquid, sed illum ánimi motum ipsa eruptiÓne testántem, qua feriátur ille, cui iráscitur : plus est útique, quam si surgens ira siléntio premerétur.

Lectio ix.

**S**I vero non solum vox indignántis audiátur, sed étiam verbum, quo jam certam ejus vituperatiÓnem, in quem profértur, désignet et notet : quis dúbitet ámplius hoc esse, quam si solus indignatiÓnis sonus ederétur? Vide. nunc étiam tres reátus, judícii, concílii, et gehénnae ignis. Nam in judício adhuc defensiÓni datur locus : vidétur ad concílium pertinére senténtiae prolátio : in gehénna ignis, certa est et damnátio, et poena damnáti.

Ad Benedictus, Añá. Audístis, quia dictum est antíquis : Non occídes : qui autem occíderit, reus erit judício.

Ad Magnificat, Añá. Si offers munus tuum ad altáre, et recordátus fúeris quia frater tuus habet áliquid advérsus te : relínque ibi munus tuum ante altáre, et vade prius reconciliári fratri tuo : et tunc véniens ófferes munus tuum, alleluía.

## DOMINICA IV. post Octavam Trinitatis.

Oratio.

**D**EUS virtútum, cujus est totum, quod est óptimum : insere pectóribus nostris amórem tui nóminis; et praesta in nobis religiÓnis augméntum : ut quae sunt bona, nútrias; ac pietátis stúdio, quae sunt nutríta, custódias. Per Dóminum.

In secundo Nocturno.

De Epístola beáti Pauli  
Apóstoli ad Hebraeos.

Lectio iv.

Cap. 7.

**S**I ergo consummatio per sacerdotium Levíticum erat (pópulus enim sub ipso legem accépit) quid adhuc necessárium fuit secúndum órđinem Melchisedech, álium surgere sacerdotem, et non secúndum órđinem Aaron dici? Translato enim sacerdotio, necesse est ut et legis translátio fiat. In quo enim haec dicuntur, de ália tribu est, de qua nullus altári praesto fuit. Manifestum est enim quod ex Juda ortus sit Dóminus noster : in qua tribu nihil de sacerdotibus Móyses locútus est.

Lectio v.

**E**T ámplius adhuc manifestum est : si secúndum similitúdinem Melchisedech exsúrgat álius sacérdos, qui non secúndum legem mandáti

carnális factus est, sed secundum virtutem vitae insolubilis. Contestatur enim : Quoniam tu es sacerdos in aeternum secundum ordinem Melchisedech. Reprobatio quidem fit praecedentis mandati, propter infirmitatem ejus, et inutilitatem : nihil enim ad perfectum adduxit lex : introductio vero melioris spei, per quam proximamus ad Deum.

Lectio vj.

**E**T quantum est non sine jurejurando (alii quidem sine jurejurando sacerdotes facti sunt, hic autem cum jurejurando per eum, qui dixit ad illum : Juravit Dominus, et non poenitebit eum : tu es sacerdos in aeternum :) in tantum melioris testamenti sponsor factus est Jesus. Et alii quidem plures facti sunt sacerdotes, idcirco quod morte prohiberentur permanere : hic autem eo quod maneat in aeternum, sempiternum habet sacerdotium.

In tertio Nocturno.

Lectio sancti Evangelii secundum Marcum.

Lectio vij. *Cap. 8.*

**I**N illo tempore : Cum turba multa esset cum Jesu, nec haberent quod manducarent : convocatis discipulis, ait illis : Misereor super turbam : quia ecce jam triduo sustinent me, nec habent quod manducant. Et reliqua.

Homilia sancti Ambrósii  
Episcopi.

*Lib. 6. in c. 9. Lucae post init.*



**R**ATIAE caelestis impartitur alimentum. Sed quibus impartitur, advérte : non otiosis, non in civitate, quasi in synagoga, vel saeculari dignitate residentibus, sed inter deserta quaerentibus Christum. Qui enim non fastidiunt, ipsi excipiuntur a Christo, et cum ipsis loquitur Dei verbum, non de saecularibus, sed de regno Dei. Et si qui corporalis gerunt ulcera passionis, his medicinam suam libenter indulget.

Lectio viij.

**C**ONSEQUENS igitur erat, ut quos a vulnere dolore sanaverat, eos alimoniis spiritalibus a jejuniis liberaret. Itaque nemo cibum accipit Christi, nisi fuerit ante sanatus : et illi, qui vocantur ad cenam, prius vocando sanantur. Si claudus fuit, gradiendi facultatem, ut veniret, accipit : si lumine privatus oculorum, domum utique Domini, nisi refusa luce, intrare non potuit.

Lectio ix.

**U**BIQUE igitur mysteriorum ordo servatur, ut prius per remissionem peccatorum vulneribus medicina tribuatur, postea alimonia mensae caelestis exuberet : quamquam

nondum validiōribus haec turba reficiātur alimētis, neque Christi corpore et ságuine jejúna solidiōris fidei corda pascāntur. Lacte, inquit, vos potávi, non esca : nondum enim poterátis, sed nec adhuc quidem potéstis.

Ad Benedictus, Añā. Misereor super turbam : quia ecce jam triduo sústinent me, nec habent quod mandúcent : et si dimísero eos jejúnos, defíciant in via, allelúia.

Ad Magnificat, Añā. Et accípiens Jesus septem panes, grátias agens benedíxit, et fregit, et dedit discípulis suis ut appónerent, et apposuérunt turbae, allelúia.

### DOMINICA V. post Octavam Trinitatis.

Oratio.

**D**EUS, cujus providéntia in sui dispositiōne non fállitur; te súpplices exorámus: ut nóxia cuncta submóveas, et ómnia nobis profutúra concédas. Per Dóminum.

In secundo Nocturno.

De Epístola beáti Pauli  
Apóstoli ad Hebraeos.

Lectio iv.

Cap. 8.

**T**ALEM habémus pontíficem, qui consédit in dextera sedis magnitúdinis in caelis, Sanctórum mínister, et tabernáculi veri, quod fixit Dóminus, et non homo. Omnis

enim póntifex ad offeréndum múnera, et hóstias constitúitur : unde necesse est et hunc habére áliquid, quod offerat : si ergo esset super terram, nec esset sacérdos : cum essent qui offerrent secúndum legem múnera, qui exemplári, et umbrae deserviunt caeléstium.

Lectio v.

**S**ICUT respónsum est Móysi, cum consummáret tabernáculum : Vide, (inquit) ómnia fácito secúndum exémpplar, quod tibi osténsus est in monte. Nunc autem mélius sortítus est ministerium, quanto et meliōris testaménti mediátor est, quod in meliōribus repromissiōibus sancítum est. Nam si illud prius culpa vacáset : non útique secúndi locus inquirerétur.

Lectio vj.

**V**ITUPERANS enim eos dicit : Ecce dies vénient, dicit Dóminus : et consummábo super domum Israël, et super domum Juda testaméntum novum, non secúndum testaméntum, quod feci pátribus eórum in die, qua apprehéndi manum eórum ut edúcerem illos de terra Ægypti : quóniam ipsi non permansérunt in testaménto meo : et ego negléxi eos, dicit Dóminus.

In tertio Nocturno.

Lectio sancti Evangelii secundum Matthaeum.

Lectio vij. *Cap. 7.*

**I**N illo tempore : Dixit Jesus discipulis suis : Attēdite a falsis prophētis, qui vēniunt ad vos in vestimentis ovium, intrinsecus autem sunt lupi rapaces. Et reliqua.

Homilia sancti Hilarii  
Episcopi.

*In Comm. in c. 7. Matth.*

**B**LANDIMENTA verborum, et mansuetudinis simulationem admonet fructu operationis expēdi oportere : ut non qualem quis se verbis referat, sed qualem se rebus efficiat, spectemus : quia in multis vestitu ovium rabies lupina contēgitur. Ergo ut spinæ uvas, ut tribuli ficus non generant, et ut iniquæ arbores utilia poma non afferunt : ita ne in istis quidem consistere docet boni operis effectum, et idcirco omnes cognoscēdos esse de fructibus.

Lectio viij.

**R**EGNUM enim caelorum sola verborum officia non obtinent : neque qui dixerit : Dōmine, Dōmine, heres illius erit. Quid enim meriti est Dōmino dicere, Dōmine? Numquid Dōminus non erit, nisi fuerit dictus a nobis? Et quae

officii sanctitas est nominis nuncupatio, cum caelestis regni iter obedientia potius voluntatis Dei, non nuncupatio, repertura sit? Multi mihi dicent in illa die : Dōmine, Dōmine, nonne in tuo nomine prophetavimus?

Lectio ix.

**E**TIAM nunc pseudoprophetarum fraudulentiam, et hypocritarum simulamenta condemnat, qui gloriam sibi ex verbi virtute praesumunt, in doctrinae prophetia, et demoniorum fuga, et istiusmodi operum virtutibus. Atque hinc sibi regnum caelorum pollicentur, quasi vero eorum aliquid proprium sit, quae loquuntur aut faciunt, et non omnia virtus Dei invocata perficiat : cum doctrinae scientiam lectio afferat, daemonia Christi nomen exagitet.

Ad Benedictus, Añā. Attēdite a falsis prophētis, qui vēniunt ad vos in vestimentis ovium, intrinsecus autem sunt lupi rapaces : a fructibus eorum cognoscētis eos.

Ad Magnificat, Añā. Non omnis, qui dicit mihi, Dōmine, Dōmine, intrabit in regnum caelorum : sed qui facit voluntatem Patris mei, qui in caelis est, ipse intrabit in regnum caelorum, allelūia.





DOMINICA VI.  
post Octavam Trinitatis.

Oratio.

**L**ARGIRE nobis, quaesumus Dómine, semper spíritum cogitándi, quae recta sunt, propítius et agéndi : ut qui sine te esse non póssumus, secúndum te vívere valeámus. Per Dóminum.

In secundo Nocturno.

De Epístola beáti Pauli  
Apóstoli ad Hebraeos.

Lectio iv.

Cap. 9.

**K**IS vero ita compósitis : in prióri quidem tabernáculo semper introibant sacerdotes, sacrificiórum officia consummántes : in secúndo autem semel in anno solus pónitex non sine sángine, quem offert pro sua, et pópuli ignorántia : hoc significánte Spíritu sancto, nondum propalátam esse sanctórum viam, adhuc prióre tabernáculo habénte statum.

Lectio v.

**Q**UAE parábola est téporis instántis : juxta quam múnera, et hóstiae offerúntur, quae non possunt juxta consciéntiam perféctum fácere serviéntem, solúmmodo in cibis, et in pótibus, et váriis baptismátibus, et justítiis carnis usque ad tempus correctiónis impósitis. Christus autem assístens pónitex futurórum bonórum, per ámplius et perféctius tabernáculum non manu-

fáctum, id est, non hujus creatiónis : neque per sánguinem hircórum, aut vitulórum, sed per próprium sánguinem introívit semel in Sancta, aetérna redemptióne invénta.

Lectio vj.

**N**ON enim in manufácta Sancta Jesus introívit exemplária verórum : sed in ipsum caelum, ut appáreat nunc vultui Dei pro nobis. Neque ut saepe ófferat semetípsum, quemádmódum pónitex intrat in Sancta per singulos annos in sángine aliéno : alióquin oportébat eum fréquenter pati ab orígine mundi : nunc autem semel in consummatione saeculórum, ad destitutiónem peccáti, per hóstiam suam apparuit.

In tertio Nocturno.

Lectio sancti Evangélii secúndum Lucam.

Lectio vij.

Cap. 16.

**I**N illo témpore : Dixit Jesus discípulis suis parabolam hanc : Homo quidam erat dives, qui habébat villicum : et hic diffamátus est apud illum quasi dissipásset bona ipsíus. Et reliqua.

Homilía sancti Hierónymi  
Presbyteri.

Epist. 151. ad Algasiam,  
q. 6. t. 3.

**I**L LICUS próprie villae gubernátor est : oecónomus autem, tam pecúniae, quam frugum, et ómnium, quae dó-

minus pössidet, dispensátor est. Iste igitur dispensátor accusátus est apud dómimum suum, quod dissipáret substántiam ejus. Quo vocáto, dixit : Quid hoc áudio de te? Redde ratiómem dispensatiónis tuae : neque enim in ea ultra dispensábis. Qui dixit in semetípso : Quid fáciám, quia dómimus meus aufert a me dispensatiómem? sódere non váleo, mendicáre erubésco.

Lectio viij

**S**I dispensátor iníqui mammónae dómimi voce laudátur, quod de re iníqua sibi justítiam praeparárit; et passus dispéndia dómimus laudat dispensatóris prudéntiam, quod advérsus dómimum quidem fraudulénter, sed pro se prudénter égerit : quanto magis Christus, qui nullum damnum sustinére potest, et pronus est ad cleméntiam, laudábit discipulos suos, si in eos, qui creditóri sibi sunt, misericórdes fúerint.

Lectio ix.

**D**ENIQUE post parábolam íntulit : Et ego vobis dico : Fácite vobis amícos de iníquo mammóna. Mammóna autem non Hebraeorum, sed Syrórum lingua, divítiae nuncupántur, quod de iniquitate colléctae sint. Si ergo iníquitas bene dispensáta vértitur in justítiam : quanto magis sermo divínus, in quo nulla est iní-

quitas, qui et Apóstolis créditus est, si bene fúerit dispensátus, dispensátóres suos levábit in caelum?

Ad Benedictus, Añá. Dixit Dómimus víllico : Quid hoc áudio de te? Redde ratiómem villicatiónis tuae, allelúia.

Ad Magnificat, Añá. Quid fáciám, quia dómimus meus aufert a me villicatiómem? sódere non váleo, mendicáre erubésco : scio quid fáciám, ut, cum amótus fúero a villicatióne, recípiant me in domos suas.

## DOMINICA VII. post Octavam Trinitatis.

Oratio.

**D**ATEANT aures misericórdiae tuae, Dómime, précibus supplicántium : et ut peténtibus desideráta concédas : fac eos, quae tibi sunt plácita, postuláre. Per Dóminum.

In secundo Nocturno.

De Epístola beáti Pauli  
Apóstoli ad Hebraeos.

Lectio iv.

Cap. 10.



**M**BRAM enim habens lex futurórum bonórum, non ipsam imáginem rerum : per síngulos annos eisdem ipsis hóstiis, quas ófferunt indésinénter, nunquam potest accédentes perféctos fácere : alióquin cessássent offérri : ideo quod nullam habérent ultra

consciéntiam peccáti, cultóres semel mundáti : sed in ipsis commemorátio peccatórum per singulos annos fit. Impossíbile enim est sángine taurórum et hircórum auférri peccáta.

Lectio v.

**I**DEO ingrédiens mundum dicit : Hóstiám, et oblatiónem noluísti : corpus autem aptásti mihi : holocaustómata pro peccáto non tibi placuerunt. Tunc dixi : Ecce vénio : in cápite libri scriptum est de me : Ut fáciám, Deus, voluntátem tuam. Supérius dicens : Quia hóstias, et oblatiónes, et holocaustómata pro peccáto noluísti, nec plácita sunt tibi, quae secúndum legem offerúntur, tunc dixi : Ecce vénio, ut fáciám, Deus, voluntátem tuam : aufert primum, ut sequens státuat.

Lectio vj.

**I**N qua voluntáte sanctificáti sumus per oblatiónem córporis Jesu Christi semel. Et omnis quidem sacerdos praesto est quotidie ministrans, et eásdem saepe offerens hóstias, quae nunquam possunt auférre peccáta : hic autem unam pro peccátis offerens hóstiám, in sempitérnum sedet in délixtera Dei, de cétero exspéctans donec ponántur inimíci ejus scabéllum pedum ejus. Una enim oblatióne, consummávit in sempitérnum sanctificátos.

In tertio Nocturno.

Lectio sancti Evangelii secúndum Lucam.

Lectio vij.

Cap. 19.

**I**N illo témpore : Cum appropinquáret Jesus Jerúsalem, videns civitátem flevit super illam, dicens : Quia si cognovísses et tu, et quidem in hac die tua, quae ad pacem tibi, nunc autem abscondita sunt ab óculis tuis. Et réliqua.

Homilía sancti Gregórii Papae.

Homilia 39. in Evang.



**Q**UOD a flente Dómino illa Jerosolymórum subvर्सió describátur, quae a Vespasiáno et Tito Románis principibus facta est, nullus, qui históriam eversiónis ejúsdem legit, ignórat. Románi etenim príncipes designántur, cum dicitur : Quia vénient dies in te : et circúmdabunt te inimíci tui vallo. Hoc quoque quod ádditur : Non relínquent in te lápidem super lápidem : étiam jam ipsa ejúsdem civitátis transmigrátio testátur : quia dum in eo loco nunc constrúcta est, ubi extra portam Dóminus fúerat crucifíxus, prior illa Jerúsalem, ut dícitur, fúnditus est evérsa.

Lectio viij.

**Q**UI étiam ex qua culpa eversiónis suae poena fúerit illáta, subjúngitur : Eo quod non cognóveris tempus

visitationis tuae. Creátor quippe hóminum per incarnationis suae mystérium hanc visitare dignátus est : sed ipsa timóris et amóris illíus recordáta non est. Unde étiam per Prophétam in increpatione cordis húmáni aves caeli ad testimónium deducúntur, dum díci-  
tur : Milvus in caelo cognóvit tempus suum; turtur, et hirúndo, et cicónia custodiérunt tempus advéntus sui : pópulus autem meus non cognóvit iudícium Dómini.

Lectio ix.

**F**LEVIT etenim prius Redémptor ruínam perfidae civitátis, quam ipsa sibi civitas non cognoscébat esse ventúram. Cui a flente Dómino recte díci-  
tur : Quia si cognovísses et tu, subáudi, fleres; quae modo, quia nescis quod imminet, exsúltas. Unde et súbditur : Et quidem in hac die tua, quae ad pacem tibi. Cum enim carnis se voluptatibus daret, et ventúra mala non prospíceret; in die sua, quae ad pacem ei esse póterant, habébat.

Ad Benedictus, Añá. Cum appropinquáret Dóminus Jerúsalem, videns civitatem fle-  
vit super illam, et dixit : Quia si cognovísses et tu : quia vénient dies in te : et circúmdabunt te, et coangustábunt te úndique, et ad terram prostérnent te : eo quod non cogno-

vísti tempus visitatiónis tuae, allelúia.

Ad Magnif. Añá. Scriptum est enim : Quia domus mea, domus oratiónis est cunctis géntibus : vos autem fecístis illam spelúncam latrónum. Et erat quotidie docens in templo.

### DOMINICA VIII. post Octavam Trinitatis.

Oratio.

**D**EUS, qui omnipoténtiam tuam parcéndo máxime, et miserándo maniféstas; múltiplica super nos misericórdiam tuam : ut ad tua promíssa currétes, caeléstium bonórum fácias esse consórtes. Per Dóminum.

In secundo Nocturno.

De Epístola beáti Pauli  
Apóstoli ad Hebraeos.

Lectio iv.

Cap. 10.



**M**RRITAM quis fáciens legem Móysi, sine ulla miseratióne duóbus vel tribus téstibus móritur : quanto magis putátis deterióra meréri supplícia qui Fílium Dei conculcáverit, et ságuinem testaménti pollútum dúxerit, in quo sanctificátus est, et spíritui grátiae contuméliam fécerit? Scimus enim qui dixit : Mihi vindícta, et ego retríbuam. Et íterum : Quia iudicábit Dóminus pópulum suum. Horréndum est incídere in manus Dei vivéntis.

Lectio v.

**R**EMEMORAMINI autem prístinos dies, in quibus illumináti, magnum certámen sustinuístis passiónum : et in áltero quidem oppróbriis, et tribulatióibus spectáculum facti : in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliorem et manéntem substántiam.

Lectio vj.

**N**OLITE itaque amíttre confidéntiam vestram, quæ magnam habet remuneratióem. Patiéntia enim vobis necessariá est : ut voluntátem Dei faciéntes, reportétis promissióem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit. Quod si subtráxerit se, non placébit ánimæ meæ.

In tertio Nocturno.

Lectio sancti Evangélíi secúndum Lucam.

Lectio vij.

Cap. 18.

**I**N illo témpore : Dixit Jesus ad quosdam, qui in se confidébant tamquam justí, et aspernabántur céteros, parábolam istam : Duo hómines ascendérunt in templum ut orárent : unus Pha-

risaeus, et alter publicánu. Et réliqua.

Homilía sancti Augustíni  
Epíscopi.*Serm. 36. de verbis Domini,  
circa med.*

**R**ATIAS tibi Deus, quia non sum sicut céteri hómines. Díceret saltem, sicut multi hómines. Quid est, sicut céteri hómines, nisi omnes, praeter ipsum? Ego, inquit, justus sum, céteri peccatóres. Jejúno bis in sábbato : decimas do ómnium, quae possídeo. Quid rogáverit Deum, quære in verbis ejus, et nihil invénies. Ascéndit oráre : nóluit Deum rogáre, sed se laudáre. Parum est, non Deum rogáre, sed se laudáre; ínsuper et rogánti insultáre.

Lectio viij.

**P**UBLICANUS de longínquo stabat, et tamen Deo ipse appropinquábat : cordis consciéntia eum removébat, píetas applicábat. Publicánu autem de longínquo stabat, sed Dóminus eum de propínquo attendébat. Excélsus enim Dóminus, et humília respicit : excélsos autem, qualis erat ille Pharisaeus, a longe cognóscit. Adhuc audi humilitátem publicáni : Nec óculos suos ad caelum levábat. Ut respicerétur, non aspiciébat : premébat consciéntia, spes sublevábat.

## Lectio ix.

**E**T percutiēbat pectus suum, dicens : Deus propitius esto mihi peccatori. Ecce qui rogat. Quid miraris, si Deus ignoscit, quando ipse se agnoscit? Denique de Phariseo et publicano accepisti controversiam : audi sententiam. Audisti superbum accusatorem? audisti reum humilem? audi nunc iudicem. Amen dico vobis, descendit justificatus publicanus ille de templo, magis quam ille Phariseus. Quæris quare? Audi quare. Quia omnis, qui se exultat, humiliabitur : et qui se humiliat, exaltabitur.

Ad Benedictus, Añā. Duo homines ascenderunt in templum ut orarent, unus Phariseus, et alter publicanus : descendit hic justificatus in domum suam ab illo, alleluia.

Ad Magnificat, Añā. Stans a longe publicanus, nolēbat oculos ad caelum levare : sed percutiēbat pectus suum, dicens : Deus propitius esto mihi peccatori.

**DOMINICA IX.**  
post Octavam Trinitatis.

## Oratio.

**O**MNIPOTENS sempiternē Deus, qui abundantia pietatis tuæ et merita supplicum excēdis, et vota; effunde super nos misericordiam tuam : ut dimittas quæ conscientia metuit, et adjicias

quod oratio non præsumit.  
Per Dñm.

In secundo Nocturno.

De Epistola beati Pauli  
Apóstoli ad Hebræos.

## Lectio iv. Cap. II.

**F**IDE qui vocatur Abraham obedivit in locum exire, quem accepturus erat in hereditatem : et exiit, nesciens quo iret. Fide demoratus est in terra repromissionis, tamquam in aliena, in casulis habitando cum Isaac, et Jacob coheredibus repromissionis ejusdem. Expectabat enim fundamenta habentem civitatem : cujus artifex, et conditor Deus.

## Lectio v.

**F**IDE et ipsa Sara sterilis virtutem in conceptionem seminis accepit, etiam præter tempus ætatis : quoniam fidēlem credidit esse eum, qui repromiserat. Propter quod et ab uno orti sunt (et hoc emortuo) tamquam sidera cæli in multitudinem, et sicut arena, quæ est ad oram maris, innumerabilis. Juxta fidem defuncti sunt omnes isti, non acceptis repromissionibus, sed a longe eas aspicientes, et salutantes, et confitentes, quia peregrini, et hospites sunt super terram.

## Lectio vj.

**Q**UI enim hæc dicunt, significant se patriam inquirere. Et si quidem ipsius

meminissent de qua exierunt, habebant utique tempus reverendi. Nunc autem meliorem appetunt, id est, caelestem. Ideo non confunditur Deus vocari Deus eorum : paravit enim illis civitatem. Fide obtulit Abraham Isaac, cum tentaretur, et unigenitum offerabat, qui suscepit repromissiones; ad quem dictum est : Quia in Isaac vocabitur tibi semen.

In tertio Nocturno.

Lectio santi Evangelii secundum Marcum.

Lectio vij.

Cap. 7.

**I**N illo tempore : Exiens Jesus de finibus Tyri, venit per Sidonem ad Mare Galilaeae inter medios fines Decapoleos. Et reliqua.

Homilia sancti Gregorii Papae.

Homilia 10. Lib. 1. in Ezech. ante med.



**Q**UID est, quod creator omnium Deus, cum surdum et mutum sanare voluisset, in aures illius suos digitos misit, et exspuens, linguam ejus tetigit? Quid per digitos Redemptoris, nisi dona sancti Spiritus designantur? Unde, cum in alio loco ejecisset daemonium, dixit : Si in digito Dei ejicio daemonia, profecto pervenit in vos regnum Dei. Qua de re per Evangelistam alium dixisse describitur : Si ego

in spiritu Dei ejicio daemonia, igitur pervenit in vos regnum Dei.

Lectio viij.

**E**X quo utroque loco colligitur, quia digitus Dei vocatur Spiritus. Dignus ergo in aurículas mittere, est per dona sancti Spiritus mentem surdi ad obediendum aperire. Quid est vero, quod exspuens, linguam ejus tetigit? Saliva nobis est ex ore Redemptoris, accepta sapientia in eloquio divino. Saliva quippe ex capite defluit in ore. Ea ergo sapientia, quae ipse est, dum lingua nostra tangitur, mox ad praedicationis verba formatur.

Lectio ix.

**Q**UI suspiciens in caelum, ingemuit : non quod ipse necessarium gemitum haberet, qui dabat quod postulabat : sed nos ad eum gemere, qui caelo praesidet, docuit; ut et aures nostrae per dona Spiritus sancti aperiri, et lingua per salivam oris, id est, per scientiam divinae locutionis, solvi debeat ad verba praedicationis. Cui mox ephpheta, id est, adaperire, dicitur : et statim aperta sunt aures ejus, et solutum est vinculum linguae ejus.

Ad Benedictus, Añ. Exiens Jesus de finibus Tyri, venit per Sidonem ad Mare Galilaeae inter medios fines Decapoleos, alleluia.

Ad Magnificat, Añā. Bene omnia fecit : et surdos fecit audire, et mutos loqui.

DOMINICA X.  
post Octavam Trinitatis.

Oratio.

**O**MNIPOTENS et misericors Deus, de cujus munere venit, ut tibi a fidelibus tuis digne et laudabiliter serviatur : tribue, quaesumus, nobis, ut ad promissiones tuas sine offensione curramus. Per Dñm.

In secundo Nocturno.

De Epístola beati Pauli  
Apóstoli ad Hebraeos.

Lectio iv. *Cap. 11. et 12.*



**T**quid adhuc dicam? Deficiet enim me tempus enarrantem de Gédeon, Barac, Samson, Jephthe, David, Samuel, et prophétis : qui per fidem vicérunt regna, operati sunt justitiam, adépti sunt repromissiones, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitate, fortes facti sunt in bello, castra vertérunt exterórum : acceperunt mulieres de resurrectione mórtuos suos.

Lectio v.

**A**LII autem disténti sunt non suscipientes redemptionem, ut meliorem invenirent resurrectionem. Alii vero ludíbria, et vérbera expérti, ín-

super et víncula, et cárceres : lapidáti sunt, secti sunt, tentáti sunt, in occisióne gládii mórtui sunt, circuiérunt in melótis, in péllibus caprínis, egéntes, angustiáti, afflícti : quibus dignus non erat mundus : in solitudínibus errántes, in móntibus, et spelúncis, et in cavérnis terrae.

Lectio vj.

**E**T hi omnes testimonio fidei probáti, non acceperunt repromissionem, Deo pro nobis mélius áliquid providente, ut non sine nobis consummaréntur. Ideoque et nos tantam habéntes ímpositam nubem téstium, deponéntes omne pondus, et circúrstans nos peccátum, per patientiam currámus ad propósitum nobis certámen : aspiciéntes in auctórem fidei, et consummatórem Jesum, qui propósito sibi gaudio sustínuit crucem, confusióne contémpta, atque in dextera sedis Dei sedet.

In tertio Nocturno.

Lectio sancti Evangelii secundum Lucam.

Lectio vij. *Cap. 10.*

**I**N illo témpore : Dixit Jesus discípulis suis : Beati óculi, qui vident quae vos vidétis. Dico enim vobis, quod multi prophétae, et reges voluerunt vidére quae vos vidétis, et non vidérunt. Et reliqua.



Homilía sancti Ambrósii  
Epíscopi.

*Lib. 7. in Lucae cap. 10.*



**H**OMO quidam descendebat ab Jerúsalem in Jérico, et incidit in latrones. Jérico figura hujus mundi est, in quam de Paradíso, hoc est, de Jerúsalem illa caelésti ejéctus Adam, praevaricatiónis prolapsiône descendit, hoc est, de vitálibus ad inférna démi-grans : cui non loci, sed morum mutatio natúrae suae fecit exsílum. Longe enim mutatus ab illo Adam, qui inoffénsa beatitúdine fruebátur. Ubi in saeculária peccáta defléxit, incidit in latrones : in quos non incidisset, nisi his, mandáti caeléstis dévius, se fecisset obnoxium.

Lectio viij.

**Q**UI sunt isti latrones, nisi ángeli noctis atque tenebrarum? qui se nonnunquam transfigúrant in Angelos lucis; sed perseveráre non possunt. Hi ante despóliant, quae accépi-mus, induménta grátiae spiritalis; et sic vúra inférre consueverunt : nam si intemeráta, quae sumpsimus, induménta servámus, plagas latró-num sentíre non póssumus. Cave ergo ne ante nudéris, sicut ante Adam nudátus est, mandáti caeléstis custódia destitútus, et exútus fidei vestiménto; et sic letále vulnus accépit.

Lectio ix.

**I**N quo omne genus occidisset humánum, nisi Samaritánus ille descendens, vúlnera ejus acérba curásset. Hic ergo Samaritánus descendens (quis est, qui descendit de caelo, nisi qui ascendit in caelum, Fílius hóminis, qui est in caelo?) videns semivívum, quem nemo potúerat ante curáre, venit secus eum, hoc est, factus est compassiόνis nostrae susceptiône finítimus, et misericórdiae collatióne vicínus. Et alligávit vúlnera ejus, infúndens óleum, et vinum. Multa medicámina médicus habet iste, quibus sanáre consuét.

Ad Benedictus, Aña. Homo quidam descendebat ab Jerúsalem in Jérico, et incidit in latrones, qui étiam despoliavérunt eum : et plagis impósitis abiérunt semivívo relícto.

Ad Magnificat, Aña. Quis tibi vidétur próxímus fuisse illi, qui incidit in latrones? Et ait : Ille, qui fecit misericórdiam in illum. Vade, et tu fac simíliter, allelúia.

DOMINICA XI.  
post Octavam Trinitatis.

Oratio.

**O**MNIPOTENS sempitérne Deus, da nobis fidei, spei, et caritátis augméntum : et ut mereámur ásequi quod promíttis, fac nos amáre quod praecipis. Per Dóminum.

In secundo Nocturno.

De Epístola beáti Pauli  
Apóstoli ad Hebraeos.

Lectio iv.

Cap. 12.



**M**NIS disciplina in praesenti quidem videtur non esse gaudii, sed moeroris : postea autem fructum pacatissimum exercitatis per eam, reddet iustitiae. Propter quod remissas manus, et soluta genua erigite, et gressus rectos facite pedibus vestris : ut non claudicans quis erret, magis autem sanetur. Pacem sequimini cum omnibus, et sanctimoniam, sine qua nemo videbit Deum : contemplantes ne quis desit gratiae Dei : ne qua radix amaritudinis sursum germinans impediat, et per illam inquinentur multi.

Lectio v.

**D**E quis fornicator, aut profanus ut Esau : qui propter unam escam vendidit primitiva sua : scitote enim quoniam et postea cupiens hereditare benedictionem, reprobatus est : non enim invenit poenitentiae locum, quamquam cum lacrymis inquisisset eam. Non enim accessistis ad tractabilem montem, et accensibilem ignem, et turbinem, et caliginem, et procellam, et tubae sonum, et vocem verborum, quam qui audierunt, excusaverunt se, ne eis fieret verbum.

Lectio vj.

**N**ON enim portabant quod dicebatur : Et si bestia tetigerit montem, lapidabitur. Et ita terribile erat quod videbatur. Moyses dixit : Exterritus sum, et tremebundus. Sed accessistis ad Sion montem, et civitatem Dei viventis, Jerusalem caelestem, et multorum millium Angelorum frequentiam, et Ecclesiam primitivorum, qui conscripti sunt in caelis, et iudicem omnium Deum.

In tertio Nocturno.

Lectio sancti Evangelii secundum Lucam.

Lectio vij.

Cap. 17.

**I**N illo tempore : Cum iret Jesus in Jerusalem, transibat per mediam Samariam, et Galilaeam. Et cum ingrederetur quoddam castellum, occurrerunt ei decem viri leprosi. Et reliqua.

Homilia sancti Augustini  
Episcopi.

Lib. 2. Quaest. Evang. cap. 40.



**D**E decem leprosis, quos Dominus ita mundavit, cum ait : Ite, ostendite vos sacerdotibus : quaeri potest, cur eos ad sacerdotes miserit, ut cum irent, mundarentur. Nullum enim eorum, quibus haec corporalia beneficia praestitit, invenitur misisse ad sacerdotes, nisi leprosos. Nam et illum a lepra mundaverat, cui dixit :

Vade, ostende te sacerdotibus, et offer pro te sacrificium, quod praecepit Moyses, in testimonium illis. Quaerendum igitur est, quid ipsa lepra significet : non enim sanati, sed mundati dicuntur, qui ea caruerunt. Coloris quippe vitium est, non valetudinis, aut integritatis sensuum atque membrorum.

Lectio viij.

**L**EPROSI ergo non absurde intelligi possunt, qui scientiam verae fidei non habentes, varias doctrinas profitentur erroris. Non enim abscondunt imperitiam suam, sed pro summa peritia preferunt in lucem, et iactantia sermonis ostentant. Nulla porro falsa doctrina est, quae non aliqua vera intermisceat. Vera ergo falsis inordinate permista, in una disputatione vel narratione hominis tamquam in unius corporis colore apparentia, significant lepram, tamquam veris falsisque colorum fucis humana corpora variantem atque maculantem.

Lectio ix.

**H**I autem tam vitandi sunt Ecclesiae, ut si fieri potest, longius remoti, magno clamore Christum interpellent: sicut isti decem steterunt a longe, et levaverunt vocem, dicentes : Jesu praecceptor, miserere nostri. Nam et quod praeceptorem vocant (quo nomine nescio utrum quisquam

Dominum interpellaverit pro medicina corporali) satis puto significare, lepram falsam esse doctrinam, quam bonus praecceptor abstergit.

Ad Benedictus, Añā. Cum ingrederetur Jesus quoddam castellum, occurrerunt ei decem viri leprosi, qui steterunt a longe : et levaverunt vocem, dicentes : Jesu praecceptor, miserere nostri.

Ad Magnificat, Añā. Nonne decem mundati sunt? et novem ubi sunt? Non est inventus qui rediret, et daret gloriam Deo, nisi hic alienigena. Vade, quia fides tua te salvum fecit, alleluia.

## DOMINICA XII. post Octavam Trinitatis.

Oratio.

**C**USTODI, Domine quaesumus, Ecclesiam tuam propitiatione perpetua : et quia sine te labitur humana mortalitas; tuis semper auxiliis, et abstrahatur a noxiis, et ad salutaria dirigatur. Per Dominum.

In secundo Nocturno.

De Epistola beati Pauli  
Apostoli ad Hebraeos.

Lectio iv.

Cap. 13.



**E**MENTOTE praepositorum vestrorum, qui vobis locuti sunt verbum Dei : quorum intuentes exitum conversationis, imitamini fidem.

Jesus Christus heri, et hódie : ipse et in saecula. Doctrinis váriis, et peregrínis nolíte abdúci. Optimum est enim grátia stabilíre cor, non escis : quae non profuérunt ambulántibus in eis. Habémus altáre, de quo édere non habent potestátem, qui tabernáculo deserviunt.

Lectio v.

**Q**UORUM enim animá-  
lium infértur sanguis pro peccáto in Sancta per pontíficem, horum córpora cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium ejus portántes. Non enim habémus hic manéntem civitátem, sed futúram inquírimus. Per ipsum ergo offerámus hóstiam laudis semper Deo, id est, fructum labiórum confiténtium nómini ejus.

Lectio vj.

**B**ENEFICENTIAE autem, et communionis nolíte oblivísci : talibus enim hóstiis promerétur Deus. Obedíte praepósitis vestris, et subiacéte eis. Ipsi enim pervígilant quasi ratióne pro animábus vestris redditúri, ut cum gáudio hoc fáciant, et non geméntes : hoc enim non expedit vobis. Oráte pro nobis : confídimus enim quia bonam consciéntiam habémus in ómnibus

bene voléntes conversári. Amplius autem déprecor vos hoc fácere, quo celérius restítuar vobis.

In tertio Nocturno.

Lectio sancti Evangelii secundum Matthaeum.

Lectio vij.

Cap. 6.

**I**N illo témpore : Dixit Jesus discíplis suis : Nemo potest duóbus dóminis servíre. Et reliqua.

Homília sancti Hierónymi  
Presbyteri.

Lib. 1. *Comm. in Matth.*  
cap. 6.



**MON** potéstis Deo servíre, et mammónae. Mammóna sermóne Syríaco, divítiae nuncupántur. Audiat hoc avárus : áudiat, qui censétur vocábulo christiáno, non posse se simul divítiis, Christoque servíre. Et tamen non dixit : Qui habet divítias, sed : Qui servit divítiis. Qui enim divitiárum servus est, divítias custódit ut servus : qui autem servitútis excússit jugum, distríbuit eas ut dóminus.

Lectio viij.

**I**DEO dico vobis, ne solliciti sitis ánimae vestrae quid manducétis, neque córpori vestro quid induámini. In nonnúl-  
lis codícibus ádditum est : neque quid bibátis. Ergo quod ómnibus natúra tríbuit, et juméntis, ac béstiis, hominíb-  
usque commúne est, hujus

cura non pénitus liberámur. Sed praecípitur nobis ne sollíciti simus quid comedámus : quia in sudóre vultus praeparámus nobis panem. Labor exercéndus est, sollicitúdo tollénda.

Lectio ix.

**H**OC, quod dicitur : Ne sollíciti sitis ánimaе vestrae quid comedátis, neque córpori vestro quid induámini, de carnáli cibo et vestiménto accipiámus. Céterum de spirituálibus cibis et vestiméntis semper debémus esse sollíciti. Nonne ánima plus est quam esca? Quod dicit, istiúsmodi est : Qui majóra praestitit, útique et minóra praestábit. Quod si volatília absque cura, et aerúmni, Dei alúntur providéntia, quorum ánima mortális est : quanto magis hómines, quibus aetérnitas promíttitur, Dei regúntur arbitrio.

Ad Benedíctus, Añá. Nolíte sollíciti esse, dicéntes : Quid manducábimus, aut quid bibémus? Scit enim Pater vester caeléstis, quid vobis necesse sit, allelúia.

Ad Magnificat, Añá. Quae-rite primum regnum Dei, et justítiam ejus : et haec ómnia adjiciéntur vobis, allelúia.

DOMINICA XIII.  
post Octavam Trinitatis.

Oratio.

**E**CCLESIAM tuam, Dómine, miserátio continuáta mundet et múniat : et

quia sine te non potest salva consístere, tuo semper múnere gubernétur. Per Dóminum.

In secundo Nocturno.

Incipit Epístola prima beáti Pauli Apóstoli ad Thessalonicénses.

Lectio iv.

Cap. i. et 2.

**P**AULUS, et Silvánus, et Timótheus Ecclésiae Thessalonicénsium in Deo Patre, et Dómino Jesu Christo. Grátia vobis, et pax. Grátias ágimus Deo semper pro ómnibus vobis, memóriam vestri faciéntes in oratióibus nostris sine intermissiõe, mémoires óperis fídei vestrae, et labóris, et caritátis, et sustinéntiae spei Dómini nostri Jesu Christi, ante Deum et Patrem nostrum : sciéntes fratres, dilécti a Deo, electiõeem vestram : quia Evangélium nostrum non fuit ad vos in sermóne tantum, sed et in virtúte, et in Spíritu sancto, et in plenitúdine multa, sicut scitis quales fuérimus in vobis propter vos.

Lectio v.

**E**T vos imitatóres nostri facti estis, et Dómini, excipiéntes verbum in tribulatiõe multa, cum gáudio Spíritus sancti : ita ut facti sitis forma ómnibus credéntibus in Macedónia, et in Acháia. A vobis enim diffamátus est sermo Dómini, non

solum in Macedónia, et in Acháia, sed et in omni loco fides vestra, quae est ad Deum, profecta est, ita ut non sit nobis necesse quidquam loqui.

Leção vj.

**I**PSI enim de nobis annuntiant qualem introitum habuerimus ad vos : et quomodo conversi estis ad Deum a simulacris, servire Deo vivo, et vero, et expectare Filium ejus de caelis (quem suscitavit ex mortuis) Jesum, qui eripuit nos ab ira ventura. Nam ipsi scitis, fratres, introitum nostrum ad vos, quia non inanis fuit : sed ante passi, et contumeliis affecti (sicut scitis) in Philíppis, fiduciam habuimus in Deo nostro loqui ad vos Evangelium Dei in multa sollicitudine.

In tertio Nocturno.

Leção sancti Evangelii secundum Lucam.

Leção vij.

Cap. 7

**I**N illo tempore : Ibat Jesus in civitatem, quae vocatur Naím : et ibant cum eo discipuli ejus, et turba copiosa. Et reliqua.

Homília sancti Augustini  
Epíscopi.

Serm. 44. de verb. Domini,  
circa init.

**D**E júvene illo resuscitato gavisá est mater vídua : de homínibus quotidie in spírítu resuscitátis gaudet ma-

ter Ecclésia. Ille quidem mortuus erat corpore : illi autem mente. Illius mors visibiliter plangebatur : illorum mors invisibilis nec quae-rebatur, nec videbatur. Quaesivit ille, qui nóverat mortuos. Ille solus nóverat mortuos, qui póterat fácere vivos.

Leção viij.

**D**ISI enim ad mortuos suscitandos venisset, Apóstolus non diceret : Surge, qui dormis : et exsúrge a mortuis, et illuminábit te Christus. Tres autem mortuos invenimus a Dómino resuscitatos visibiliter, míllia invisibiliter. Quot autem mortuos visibiliter suscitáverit, quis novit? Non enim ómnia, quae fecit, scripta sunt. Joánnes hoc dixit : Multa ália signa fecit Jesus : quae si scripta essent, árbítror totum mundum non posse libros cápere.

Leção ix.

**M**ULTI sunt ergo álíi sine dúbio suscitáti, sed non frustra tres commemoráti. Dóminus enim noster Jesus Christus ea, quae faciébat corporáliter, étiam spíritáliter volébat intéllegi. Neque enim tantum mirácula propter mirácula faciébat : sed ut illa, quae faciébat, mira essent vidéntibus, vera essent intelligéntibus. Qui vidérunt Christi mirácula, et non intellexérunt, miráti sunt

tantum quia facta sunt : alii vero et facta mirati, et intellectu assecuti. Tales nos in schola Christi esse debemus.

Ad Benedictus, Añã. Ibat Jesus in civitatem, quae vocatur Naim : et ecce defunctus efferebatur filius unicus matris suae.

Ad Magnificat, Añã. Accipit autem omnes timor : et magnificabant Deum, dicentes : Quia propheta magnus surrexit in nobis : et quia Deus visitavit plebem suam.

#### DOMINICA XIV. post Octavam Trinitatis.

Oratio.

**M**UA nos, quaesumus Domine, gratia semper et praevéniant, et sequatur; ac bonis operibus júgiter praestet esse intentos. Per Dóminum.

In secundo Nocturno.

De Epístola prima beáti Pauli Apóstoli ad Thessalonicenses.

Lectio iv.

Cap. 2.



**M**EMORES enim estis fratres labóris nostri, et fatigatiónis : nocte ac die operantes, ne quem vestrum gravarémus, praedicávimus in vobis Evangelium Dei. Vos testes estis, et Deus, quam sancte, et juste, et sine querela, vobis, qui credidístis, fuimus : sicut scitis, quáliter unumquémque vestrum (sicut pater filios suos)

deprecantes vos, et consolantes, testificáti sumus, ut ambularetis digne Deo, qui vocavit vos in suum regnum, et glóriam.

Lectio v.

**I**DEO et nos grátias ágimus Deo sine intermissione : quóniam cum accepissetis a nobis verbum audíus Dei, accepístis illud, non ut verbum hóminum, sed (sicut est vere) verbum Dei, qui operáitur in vobis, qui credidístis. Vos enim imitatores facti estis, fratres, ecclesiárum Dei, quae sunt in Judaea in Christo Jesu : quia eádem passi estis et vos a contribulibus vestris, sicut et ipsi a Judaeis : qui et Dóminum occiderunt Jesum, et prophétas, et nos persecúti sunt, et Deo non placent.

Lectio vj.

**N**OS autem, fratres, desoláti a vobis ad tempus horae, aspéctu, non corde, abundantius festinávimus faciem vestram vidére cum multo desiderio : quóniam voluimus veníre ad vos : ego quidem Paulus, et semel, et iterum, sed impedívit nos sátanas. Quae est enim nostra spes, aut gáudium, aut coróna glóriæ? Nonne vos ante Dóminum nostrum Jesum Christum estis in advéntu ejus? Vos enim estis glória nostra et gáudium.

In tertio Nocturno.

Lectio sancti Evangelii secundum Lucam.

Lectio vij. *Cap. 14.*

**I**N illo tempore: Cum intraret Jesus in domum cuiusdam principis Phariseorum sabbato manducare panem, et ipsi observabant eum. Et ecce homo quidam hydropticus erat ante illum. Et reliqua.

Homilia venerabilis Bedae Presbyteri.

*In Luc. cap. 14.*



**Y**DROPIS morbus ab aquoso humore vocabulum trahit: Graece enim hydor aqua vocatur. Est autem humor subcutaneus de vitio vesicae natus cum inflatione turgente, et anhelitu foetido. Propriumque est hydroptici, quanto magis abundat humore inordinato, tanto amplius sitire. Et ideo recte comparatur ei, quem fluxus carnalium voluptatum exuberans aggravat. Comparatur etiam diviti avaro, qui quanto est copiosior divitiis, quibus non bene utitur, tanto ardentius talia concupiscit.

Lectio viij.

**Q**UOD dicitur respondisse Jesus, ad hoc respicit, quod praemissum est: Et ipsi observabant eum. Dominus enim novit cogitationes hominum. Sed merito interrogati tacent, qui contra se dictum,

quidquid dixerint, vident. Nam si licet sabbato curare, quare Salvatorem, an curet, observant? Si non licet, quare ipsi in sabbato pecora curant? Ipse vero apprehensum sanavit eum, ac dimisit.

Lectio ix

**P**ROVIDA dispensatione Dominus ante legisperitos, et Phariseos hydropticum curat; et mox contra avaritiam disputat, ut videlicet per hanc aegritudinem corporis, in illis exprimeretur aegritudo cordis. Denique post multa disputationis ejus hortamenta subjunctum est: Audiabant autem omnia haec Pharisei, qui erant avari, et deridebant illum.

Ad Benedictus, Añ. Dixit Jesus ad legisperitos, et Phariseos: Si licet sabbato curare? At illi tacuerunt. Ipse vero apprehendens hydropticum, sanavit eum, ac dimisit.

Ad Magnificat, Añ. Cum vocatus fueris ad nuptias, recumbe in novissimo loco: ut dicat tibi, qui te invitavit: Amice, ascende superius. Tunc erit tibi gloria coram simul discumbentibus, alleluia.

DOMINICA XV.

post Octavam Trinitatis.

Oratio.

**D**A, quaesumus Domine, populo tuo diabólica vitare contagia; et te solum Deum pura mente sectari. Per Dominum nostrum.



In secundo Nocturno.

De Epístola prima beáti Pauli  
Apóstoli ad Thessalonicenses.

Lectio iv.

Cap. 4.

**D**E cétero ergo, fratres, rogámus vos et obsecrámus in Dómino Jesu, ut quemádmódo accepístis a nobis quómodo opórteat vos ambuláre, et placére Deo, sic et ambulétis ut abundétis magis. Scitis enim quae praecépta déderim vobis per Dóminum Jesum. Haec est enim volúntas Dei, sanctificátio vestra : ut abstinéatis vos a fornicatióne, ut sciat unusquisque vestrum vas suum possidére in sanctificatióne, et honóre : non in passióne desidérii, sicut et gentes, quae ignórant Deum.

Lectio v.

**E**T ne quis supergrediátur, neque circumvéniat in negótio fratrem suum : quóniam vindex est Dóminus de his ómnibus, sicut praedíximus vobis, et testificáti sumus. Non enim vocávit nos Deus in immundítiam, sed in sanctificatióne. Itaque qui haec spernit, non hóminem spernit, sed Deum : qui étiam dedit Spíritum suum sanctum in nobis.

Lectio vj.

**D**E caritáte autem fraternitátis non necesse habémus scríbere vobis : ipsi enim vos a Deo didicístis ut diligá-

tis ínvicem. Etenim illud fácitis in omnes fratres in universa Macedónia. Rogámus autem vos fratres ut abundétis magis, et óperam detis ut quiéti sitis, et ut vestrum negótium agátis, et operémini mánibus vestris, sicut praecépinus vobis : et ut honéste ambulétis ad eos, qui foris sunt : et nullus áliquid desiderétis.

In tertio Nocturno.

Léctio sancti Evangélíi secúndum Matthaeum.

Lectio vij.

Cap. 22.

**I**N illo témpore : Accessérunt ad Jesum Pharisei : et interrogávit eum unus ex eis legis doctór, tentans eum : Magíster, quod est mandátum magnum in lege? Et réliqua.

Homilía sancti Joánnis

Chrysóstomi.

In divers. Matth. loc. Hom. 16.

**C**ONVENERUNT, ut multitúdine víncerent, quem ratióne superáre non póterant. A veritate nudos se esse proféssi sunt, qui multitúdine se armavérunt. Dicébant enim apud se : Unus loquátur pro ómnibus, et omnes loquámur per unum : ut si quidem vícerit, omnes videámur víctóres ; si autem víctus fúerit, vel solus videátur confúsus. O Pharisei, qui ómnia propter hómines cogitátis, et fácitis! Primum quidem veniéntes cum uno, víncéndo estis per unum.

Lectio viij.

**I**AMEN putátis, quia uno victo, hómines non intéligant omnes vos victos. Numquid consciéntiae vestrae non séntiunt se esse confúsas? Levis enim est consolátio, qui in seípso confúsus est, quod ab áliis ignorátur. Magíster, quod est mandátum magnum in lege? Magístrum vocat, cujus non vult esse discípulus. Simpliciíssimus interrogátor, et maligníssimus insidiátor : de magno mandáto intérogat, qui nec mínimum obsérvat : ille enim debet interrogáre de majóri justítia, qui jam minórem implévit.

Lectio ix.

**D**OMINUS autem sic eum reprehéndit, ut interrogatiónis ejus fictam consciéntiam statim primo respónso percúteret, dicens : Díliges Dóminum Deum tuum ex toto corde tuo : id est, non sicut tu, qui devotiónem osténdis in ore, et fraudem meditáris in corde. Magnum autem, et mínimum mandátum dícimus, quantum ad dignitátem mandatórum, non quantum ad utilitátem. Alióquin utílitas ómnium mandatórum una est; et ómnia mandáta, quae unum vidéntur esse mandátum, ita sibi cohaerent, ut álterum sine áltero esse non possit.

Ad Benedictus, Añá. Magíster, quod est mandátum

magnum in lege? Ait illi Jesus : Díliges Dóminum Deum tuum ex toto corde tuo, allelúia.

Ad Magnificat, Añá. Quid vobis vidétur de Christo? cujus fílius est? Dicunt ei omnes : David. Dicit eis Jesus : Quómodo David in spíritu vocat eum Dóminum, dicens : Dixit Dóminus Dómino meo : sede a dextris meis?

### DOMINICA XVI. post Octavam Trinitatis.

Oratio.

**D**IRIGAT corda nostra, quaesumus Dómine, tuae miseratiónis operátio; quia tibi sine te placére non póssumus. Per Dóminum.

In secundo Nocturno.

De Epístola prima beáti Pauli Apóstoli ad Thessalonicenses.

Lectio iv.

Cap. 5.



**D**E temporibus autem, et moméntis fratres non indigétis ut scribámus vobis. Ipsi enim diligénter scitis quia dies Dómini sicut fur in nocte, ita véniet. Cum enim díxerint pax, et secúritas : tunc repentinus eis supervéniet intéritus, sicut dolor in útero habénti, et non effúgient. Vos autem fratres non estis in ténebris, ut vos dies illa tamquam fur comprehéndat : omnes enim vos filii lucis estis, et filii diéi : non sumus noctis, neque tenebrárum.

## Lectio v.

**I**GITUR non dormiámus sicut et céteri, sed vigilémus, et sóbrii simus. Qui enim dórmunt, nocte dórmunt : et qui ébrii sunt, nocte ébrii sunt. Nos autem, qui diéi sumus, sóbrii simus, indúti lorícam fidei, et caritátis, et gáeam spem salutis : quóniam non pósuit nos Deus in iram, sed in acquisitionem salutis per Dóminum nostrum Jesum Christum, qui mórtuus est pro nobis : ut sive vigilémus, sive dormiámus, simul cum illo vivámus.

## Lectio vj.

**P**ROPTER quod consolámini ínvicem : et aedificáte altérutrum, sicut et fáctis. Rogámus autem vos fratres ut novéritis eos, qui labórant inter vos, et praesunt vobis in Dómino, et monent vos, ut habeátis illos abundántius in caritáte propter opus illórum : pacem habéte cum eis. Rogámus autem vos fratres, corripite inquiétos, consolámini pusillánimes, suscipite infirmos, patientes estóte ad omnes.

In tertio Nocturno.

Lectio sancti Evangelii secundum Matthaeum.

Lectio vij.

Cap. 9.

**I**N illo témpore : Ascéndens Jesus in navículam, transfretávit, et venit in civitátem suam. Et reliqua.

## Homilia sancti Petri

Chrysólogi.

Sermone 50.



**C**HRISTUM in humanis áctibus divína gessísse mystéria, et in rebus visibílibus invisibília exercúisse negótia, lectio hodiérna monstrávit. Ascéndit, inquit, in navículam, et transfretávit, et venit in civitátem suam. Nonne ipse est, qui fugátis flúctibus, maris profúnda nudávit, ut Israélíticus pópulus inter stupéntes undas sicco vestígio velut móntium cóncava pertransíret? Nonne hic est, qui Petri pédibus marínos vórtices inclinávit, ut iter líquidum humanis gréssibus sólídum praeberet obséquium?

## Lectio viij.

**E**T quid est, quod ipse sibi sic maris dénegat servitútem, ut brevíssimi lacus tránsito sub mercéde náutica transfretáret? Ascéndit, inquit, in navículam, et transfretávit. Et quid mirum, fratres? Christus venit suscípere infirmitates nostras, et suas nobis conférre virtútes : humana quærere, praestáre divína : accípere injúrias, réddere dignitátes : ferre taedia, reférre sanitátes : quia médicus, qui non fert infirmitátes, curáre nescit : et qui non fúerit cum infírmo infirmátus, infírmo non potest conférre sanitátem.

## Lectio ix.

**C**HRISTUS ergo, si in suis mansisset virtutibus, commune cum hominibus nihil haberet : et nisi implisset carnis ordinem, carnis in illo esset otiosa susceptio. Ascendit, inquit, in naviculam, et transfretavit, et venit in civitatem suam. Creator rerum, orbis Dominus, postquam se propter nos nostra angustavit in carne, coepit habere humanam patriam, coepit civitatis Iudaicae esse civis : parentes habere coepit, parentum omnium ipse parens : ut invitaret amor, attraheret caritas, vinciret affectio, suaderet humanitas, quos fugarat dominatio, metus disperserat, fecerat vis potestatis extorres.

Ad Benedictus, Añ. Dixit Dominus paralytico : Confide, fili, remittuntur tibi peccata tua.

Ad Magnificat, Añ. Videntes autem turbae timuerunt, et glorificaverunt Deum, qui dedit potestatem talem hominibus.

DOMINICA XVII.  
post Octavam Trinitatis.

## Oratio.

**O**MNIPOTENS et misericors Deus, universa nobis adversantia propitiatus excludere : ut mente et corpore pariter expediti, quae tua sunt, liberis mentibus exsequamur. Per Dominum.

## In secundo Nocturno.

De Epistola secunda beati Pauli Apostoli ad Thessalonicenses.

## Lectio iv.

## Cap. 2.



**N**OGAMUS autem vos fratres per adventum Domini nostri Jesu Christi, et nostrae congregationis in ipsum : ut non cito moveamini a vestro sensu, neque terreamini, neque per spiritum, neque per sermonem, neque per epistolam tamquam per nos missam, quasi instet dies Domini. Ne quis vos seducat ullo modo : quoniam nisi venerit discessio primum, et revelatus fuerit homo peccati, filius perditionis, qui adversatur, et extollitur supra omne, quod dicitur Deus, aut quod colitur, ita ut in templo Dei sedeat ostendens se tamquam sit Deus.

## Lectio v.

**N**ON retinetis quod cum adhuc essem apud vos, haec dicebam vobis? Et nunc quid detineat scitis, ut reveletur in suo tempore. Nam mysterium jam operatur iniquitatis : tantum ut qui tenet nunc, teneat, donec de medio fiat. Et tunc revelabitur ille iniquus, quem Dominus Jesus interficiet spiritu oris sui, et destruet illustratione adventus sui eum : cujus est adventus secundum operationem Sathanae in omni virtute, et signis,

et prodigiis mendacibus, et in omni seductione iniquitatis iis, qui pereunt : eo quod caritatem veritatis non receperunt ut salvi fierent.

Lectio vj.

**I**DEO mittet illis Deus operationem erroris ut credant mendacio, ut judicentur omnes, qui non crediderunt veritati, sed consenserunt iniquitati. Nos autem debemus gratias agere Deo semper pro vobis fratres dilecti a Deo, quod elegerit vos Deus primitias in salutem in sanctificatione spiritus, et in fide veritatis : in qua et vocavit vos per Evangelium nostrum in acquisitionem glorie Domini nostri Jesu Christi.

In tertio Nocturno.

Lectio sancti Evangelii secundum Matthaeum.

Lectio vij. Cap. 22.

**I**N illo tempore : Loquebatur Jesus principibus sacerdotum et Phariseis in parabolis, dicens : Simile factum est regnum caelorum homini regi, qui fecit nuptias filio suo. Et reliqua.

Homilia sancti Gregorii Papae.

Homilia 38. in Evang. post initium.



**S**AEPÉ jam me dixisse memini, quod plerumque in sancto Evangelio regnum caelorum praesens Ecclesia

nominatur: congregatio quippe justorum, regnum caelorum dicitur. Quia enim per Prophetam Dominus dicit : Caelum mihi sedes est; et Salomon ait : Anima justi sedes est sapientiae; Paulus etiam dicit: Christum Dei virtutem, et Dei sapientiam : liquido colligere debemus, quia si Deus sapientia, anima autem justi sedes sapientiae; dum caelum dicitur sedes Dei, caelum ergo est anima justi. Hinc per Psalmistam de sanctis praedicatoribus dicitur : Caeli enarrant gloriam Dei.

Lectio viij.

**R**EGNUM ergo caelorum est Ecclesia justorum : quia dum eorum corda in terra nil ambiunt, per hoc, quod ad superna suspirant, jam in eis Dominus quasi in caelestibus regnat. Dicatur ergo : Simile est regnum caelorum homini regi, qui fecit nuptias filio suo. Jam intelligit caritas vestra, quis est iste rex, regis filii pater : ille nimirum, cui Psalmista ait : Deus iudicium tuum regi da, et iustitiam tuam filio regis.

Lectio ix.

**Q**UI fecit nuptias filio suo. Tunc enim Deus Pater Deo Filio suo nuptias fecit, quando hunc in utero Virginis humanae naturae conjunxit, quando Deum ante saecula fieri voluit hominem in fine saeculorum. Sed quia ex du-

bus persónis fieri solet ista nuptiális conjunctio, absit ut persónam Dei et hóminis ex duábus persónis credámus unítam. Apértius igitur atque secúrius dici potest, quia in hoc Pater regi Fílio nuptias fecit, quo ei per incarnatiónis mystérium sanctam Ecclésiám sociávit.

Ad Benedictus, Añá. Dícite invitátis : Ecce prándium meum parávi : veníte ad nuptias, dicit Dóminus.

Ad Magnificat, Añá. Nuptiae quidem paratae sunt, sed qui invitati erant, non fuerunt digni : ite ergo ad éxitus viarum, et quoscúmque invenéritis, vocáte ad nuptias, dicit Dóminus.

DOMINICA XVIII.  
post Octavam Trinitatis.

Oratio.

**L**ARGIRE, quaesumus Dómine, fidélibus tuis indulgéntiam placátus et pacem : ut páriter ab ómnibus mundéntur offénsis, et secúra tibi mente deserviant. Per Dóminum.

In secundo Nocturno.

Incipit Epístola prima beáti Pauli Apóstoli ad Timótheum.

Lectio iv.

Cap. I.



**P**AULUS Apóstolus Jesu Christi secúndum impérium Dei Salvatóris nostri, et Christi Jesu spei nostrae : Ti-

mótheo dilécto fílio in fide. Grátia, misericórdia, et pax a Deo Patre, et Christo Jesu Dómino nostro. Sicut rogávi te ut remanéres Ephesi cum irem in Macedóniam, ut denuntiáres quibúsdam ne áliter docérent, neque inténderent fábulis, et genealogiis interminátis : quae quaestiónes praestant magis quam aedificatió-nem Dei, quae est in fide.

Lectio v.

**F**INIS autem praecepti est caritas de corde puro, et consciéntia bona, et fide non ficta. A quibus quidam aberrantes, convérsi sunt in vanilóquium, voléntes esse legis doctóres, non intelligéntes neque quae loquúntur, neque de quibus affírmant. Scimus autem quia bona est lex, si quis ea legítime utátur : sciens hoc quia lex justo non est pó-sita, sed injústis, et non súbditis, ímpiis, et peccatóribus, scelerátis, et contaminátis, parri-cidis, et matricidis, homicidis, fornicáriis, masculórum concubitóribus, plagiáriis, mendá-cibus, et perjúris, et si quid áliud sanae doctrínae adversátur, quae est secúndum Evangé-lium glóriæ beáti Dei, quod crédito est mihi.

Lectio vj.

**G**RATIAS ago ei, qui me confortávit, Christo Jesu Dómino nostro, quia fidélem me existimávit, ponens in mi-

nistério : qui primus blasphemus fui, et persecutor, et contumeliósus : sed misericórdiam Dei consecutus sum, quia ignorans feci in incredulitate. Superabundávit autem grátia Dómini nostri cum fide, et dilectione, quae est in Christo Jesu.

In tertio Nocturno.

Lectio sancti Evangélíi secundum Joánnem.

Lectio vii.

Cap. 4.

**I**N illo témpore : Erat quidam régulus, cujus filius infirmabátur Caphárnaum. Et reliqua.

Homília sancti Gregórii Papae.

Homília 28. in Evang.



**M**OC nobis solúmmodo, fratres, de sancti Evangélíi expositione vídeo esse requiréndum, cur is, qui ad salutem filio peténdam venerat, audívit : Nisi signa, et prodígia vidéritis, non créditis. Qui enim salutem quaerebat filio, proculdúbio credébat : neque enim ab eo quaereret salutem, quem non créderet Salvatórem. Quare ergo ei dicitur : Nisi signa, et prodígia vidéritis, non créditis : qui ante crédidit, quam signum vidéret?

Lectio vii.

**S**ED mementóte, quid pétiit; et apérte cognoscétis, quia in fide dubitávit. Po-

póscit namque, ut descenderet, et sanáret filium ejus. Corporalem ergo Dómini praeséntiam quaerebat, qui per spíritum nusquam déerat. Minus itaque in illum crédidit, quem non putávit salutem posse dare, nisi praesens esset et corpore. Si enim perfécte credidisset, proculdúbio sciret, quia non esset locus ubi non esset Deus.

Lectio ix.

**E**X magna ergo parte diffusus est, qui virtutem non dedit majestati, sed praeséntiae corporáli. Salutem itaque filio pétiit, et tamen in fide dubitávit : quia eum, ad quem vénerat, et poténtem ad curándum crédidit, et tamen morienti filio esse abséntem putávit. Sed Dóminus, qui rogátur ut vadat, quia non desit ubi invitátur, índicat : solo jussu salutem réddidit, qui voluntate ómnia creávit.

Ad Benedictus, Añã. Erat quidam régulus, cujus filius infirmabátur Caphárnaum : hic cum audísset quod Jesus adveníret in Galilaeam, rogábat eum ut descenderet, et sanáret filium ejus.

Ad Magnificat, Añã. Cognóvit ergo pater, quia illa hora erat, in qua dixit Jesus : Filius tuus vivit : et crédidit ipse, et domus ejus tota.



DOMINICA XIX.  
post Octavam Trinitatis.

Oratio.

**F**AMILIAM tuam, quæsumus Dómine, continúa pietáte custódi : ut a cunctis adversitatibus, te protegente, sit líbera; et in bonis actibus tuo nómini sit devóta. Per Dóminum nostrum.

In secundo Nocturno.

De Epístola prima beáti Pauli  
Apóstoli ad Timótheum.

Lectio iv.

Cap. 2.



**B**SECRO igitur primum ómnium fieri obsecrationes, orationes, postulationes, gratiarum actiones pro ómnibus homínibus : pro régibus, et ómnibus, qui in sublimitate sunt, ut quiétam, et tranquillam vitam agamus in omni pietate, et castitate. Hoc enim bonum est, et acceptum coram Salvátore nostro Deo, qui omnes homines vult salvos fieri, et ad agnitióem veritatis venire.

Lectio v.

**U**NUS enim Deus, unus et mediátor Dei et hominum homo Christus Jesus : qui dedit redemptionem semetipsum pro ómnibus, testimónium temporibus suis : in quo pósitus sum ego prædicátor, et Apóstolus (veritatem dico, non méntior) doctor géntium in fide, et veritate. Volo ergo

viros oráre in omni loco, levántes puras manus sine ira, et disceptatióne.

Lectio vj.

**S**IMILITER et mulieres in hábitu ornáto, cum verecúndia, et sobrietate ornántes se, et non in tortis crínibus aut auro, aut margarítis, vel veste pretiósá : sed quod decet mulieres, promitténtes pietatem per ópera bona. Múlier in siléntio discat cum omni subjectiόne. Docére autem mulieri non permítto, neque dominári in virum : sed esse in siléntio.

In tertio Nocturno.

Lectio sancti Evangélíi secúndum Matthæum.

Lectio vij.

Cap. 18.

**I**N illo témpore : Dixit Jesus discípulis suis parabolam hanc : Assimilátum est regnum caelórum hómini regi, qui vóluit ratióem pónere cum servis suis. Et reliqua.

Homilía sancti Hierónymi  
Presbyteri.

Lib. 2. Comm. in cap. 18.

Matth.



**F**AMILIARÉ est Syris, et máxime Palaestínis ad omnem sermónem suum parábulas júngere : ut quod per simplex præcéptum tenéri ab auditóribus non potest, per similitúdinem exémplaque teneátur. Præcépit itaque Dóminus Petro sub comparatióne



regis et dómíni, et servi, qui débitor decem míllium talentórum a dómíno rogans véniam impetráverat, ut ipse quoque dimíttat consérvis suis minóra peccántibus.

Lectio viij.

**S**I enim ille rex et dómí-  
nus servo debitóri decem  
míllia talentórum tam fá-  
cile dimísit, quanto magis servi  
consérvis suis debent minóra  
dimíttre? Quod ut manifestius  
fiat, dicámus sub exémplo. Si  
quis nostrum commísérít adul-  
téríum, homicídium, sacrilé-  
gium, majóra crímina decem  
míllium talentórum rogántibus  
dimittúntur, si et ipsi dimít-  
tant minóra peccántibus.

Lectio ix.

**S**IN autem ob factam con-  
tuméliam simus impla-  
cábiles, et propter amárum  
verbum pérpetes habeámus  
discórdias, nonne nobis vidé-  
mur recte redigéndi in cárce-  
rem, et sub exémplo óperis  
nostri hoc ágere, ut majórum  
nobis delictórum vénia non  
relaxétur? Sic et Pater meus  
caeléstis fáciét vobis, si non  
remiséritis unusquísque fratri  
suo de córdibus vestris. For-  
midolósa senténtia!

Ad Benedictus, Añá. Dixit  
autem dómínus servo : Redde  
quod debes. Prócidens autem  
servus ille, rogábat eum, di-  
cens : Patiéntiam habe in me,  
et ómnia reddam tibi.

Ad Magnificat, Añá. Serve  
nequam, omne débitorum dimísi  
tibi quóniam rogásti me :  
nonne ergo opórtuit et te mi-  
seréri consérvi tui, sicut et ego  
tui misértus sum? dicit Dó-  
minus.

## DOMINICA XX. post Octavam Trinitatis.

Oratio.

**D**EUS refúgium nostrum,  
et virtus; adésto piis Ec-  
clésiae tuae précibus, auctor  
ipse pietátis : et praesta, ut  
quod fidéliter pétimus, effíca-  
citer consequámur. Per Dó-  
minum.

In secundo Nocturno.

De Epístola prima beáti Pauli  
Apóstoli ad Timótheum.

Lectio iv.

Cap. 4.

**A**XERCE autem te-  
ípsam ad pietátem.  
Nam corporális exer-  
citatio, ad módicum  
útilis est : píetas autem ad  
ómnia útilis est, prómisionem  
habens vitae, quae nunc est, et  
futúrae. Fidélis sermo, et omni  
acceptióne dignus. In hoc enim  
laborámus, et maledícimur, quia  
sperámus in Deum vivum, qui  
est Salvátor ómnium hómi-  
num, máxime fidélium. Prae-  
cipe haec, et doce.

Lectio v.

**D**EMO adolescéntiam tuam  
contémnat : sed exém-  
plum esto fidélium in verbo,  
in conversatióne, in caritáte,

in fide, in castitate. Dum venio, attende lectioni, exhortationi, et doctrinae. Noli negligere gratiam, quae in te est, quae data est tibi per prophetiam, cum impositione manuum presbyterii. Haec meditare, in his esto : ut profectus tuus manifestus sit omnibus.

Lectio vj. *Cap. 4. et 5.*

**A**TTENDE tibi, et doctrinae : insta in illis. Hoc enim faciens, et teipsum salvum facies, et eos, qui te audiunt. Seniores ne increpaveris, sed obsecra ut patrem : juvenes, ut fratres : anus, ut matres : juvenculas, ut sorores in omni castitate. Viduas honora, quae vere viduae sunt. Si qua autem vidua filios, aut nepotes habet : discat primum domum suam regere, et mutuam vicem reddere parentibus : hoc enim acceptum est coram Deo.

In tertio Nocturno.

Lectio sancti Evangelii secundum Matthaeum.

Lectio vij. *Cap. 22.*

**I**N illo tempore : Abeuntes Pharisei, consilium iniérunt ut cáperent Jesum in sermone. Et reliqua.

Homilia sancti Hilarii  
Episcopi.

*In Comment. in Matth. c. 23.*



**F**REQUENTER Pharisei commovéntur, et occasionem insimulandi eum, habere ex praeteritis non possunt. Cá-

dere enim vitium in gesta ejus et dicta non póterat : sed de malitiae affectu, in omnem se inquisitionem reperiúndae accusationis exténdunt. Namque a saeculi vitiis, atque a superstitionibus humanarum religionum, universos ad spem regni caeléstis vocábat. Igitur an violáret saeculi potestatem, de propósitae interrogaciónis conditione perténtant : an videlicet reddi tribútum Caesari oportéret.

Lectio viij.

**Q**UI intérna cogitationum secreta cognóscens (Deus enim nihil non eórum, quae intra hóminem sunt abscónsa, speculáture) afférri sibi denarium jussit; et quaesívit, cujus et inscriptio esset, et forma. Pharisei responderunt, Caesaris eam esse. Quibus ait, Caesari redhibénda esse, quae Caesaris sunt : Deo autem reddénda esse, quae Dei sunt. Oplenam miraculi responsiónem, et perféctam dicti caeléstis absolutiónem! Ita ómnia inter contemptum saeculi, et contuméliam laedéndi Caesaris temperávit, ut curis ómnibus, et officiis humanis devótas Deo mentes absólveret, cum Caesari, quae ejus essent, redhibénda decérnit.

Lectio ix.

**S**I enim nihil ejus penes nos reséderit, conditione reddéndi ei, quae sua sunt, non

tenébimur. Porro autem si rebus illius incubamus, si jure potestatis ejus útimur, et nos tamquam mercenários aliéni patrimonii procuratióni subjícimus : extra querélam injúriæ est, Caesari redhibéri, quod Caesaris est : Deo autem, quæ ejus sunt própria, réddere nos oportére, corpus, ánimam, voluntátem. Ab eo enim hæc profécta atque aucta retinémus : et proínde condígnum est, ut ei se totum reddant, cui debére se récolunt et oríginem et proféctum.

Ad Benedíctus, Aña. Magíster, scimus quia verax es, et viam Dei in veritáte doces, allelúia.

Ad Magnificat, Aña. Réddite ergo quæ sunt Caesaris, Caesari : et quæ sunt Dei, Deo, allelúia.

Si Dominicæ post Octavam Trinitatis fuerint tantum xxj, Homilia seq. Dom. quæ est sub num. xxj. cum Aña ad Benedíctus. et Magnificat. et Orat. debet legi Fer. vj. aut alia vacante præcedentis Hebdomadae, et in ipsa die Dom. xxj. legantur Lect. ij. et iij. Noct. cum Aña ad Benedíctus. et Magnificat. et Orat. Dom. quæ est sub num. xxj.

Si autem in Hebdomada præced. non fuerit aliqua FERIA vacans, in qua possit legi Hom. Dom. xxj. tunc FERIA minoris solennitatis festo occupata illius Hebdomadae fiet Mem. Dom. xxj.

per Añam ad Benedíctus. et Magnificat. et Orat. præfatae Dom. proprias. Quod si aliqua Oct. contigerit tunc celebrari, poterit in aliqua die infra Oct. legi Hom. Dom. xxj. et de ea quoque fiet ea die Mem. modo dicto.

### DOMINICA XXI. post Octavam Trinitatis.

Oratio.

**A**BSOLVE, quaesumus Dómine, tuórum delícta populórum : ut a peccatórum nostrórum nexibus, quæ pro nostra fragilitáte contráximus, tua benignitáte liberémur. Per Dóminum.

In secundo Nocturno.

De Epístola secúnda beáti Pauli Apóstoli ad Timótheum.

Lectio iv.

Cap. 2.



**F**IRMUM fundaméntum Dei stat, habens signáculum hoc : Cognóvit Dóminus qui sunt ejus, et discédant ab iniquitáte omnis, qui nóminat nomen Dómini. In magna autem domo non solum sunt vasa áurea, et argétea, sed et lígnea, et fictília : et quædam quidem in honórem, quædam autem in contuméliam. Si quis ergo emundáverit se ab istis, erit vas in honórem sanctificátum, et útile Dómino ad omne opus bonum parátum.

Lectio v.

**I**UVENILIA autem desideria fuge, sectare vero iustitiam, fidem, spem, caritatem, et pacem cum iis, qui invocant Dominum de corde puro. Stultas autem, et sine disciplina quaestiones evita: sciens quia generant lites. Servum autem Domini non oportet litigare: sed mansuetum esse ad omnes, docibilem, patientem, cum modestia corripientem eos, qui resistunt veritati: nequando Deus det illis poenitentiam ad cognoscendam veritatem, et resipiscant a diaboli laqueis, a quo captivi tenentur ad ipsius voluntatem.

Lectio vj.

Cap. 3.

**H**OC autem scito, quod in novissimis diebus instabunt tempora periculosa: erunt homines seipsos amantes, cupidum, elatum, superbum, blasphemum, parentibus non obediens, ingratus, scelerosus, sine affectione, sine pace, criminatores, incontinentes, immites, sine benignitate, proditores, protervi, tumidi, et voluptatum amatores magis quam Dei: habentes speciem quidem pietatis, virtutem autem ejus abnegantes.

In tertio Nocturno.

Lectio sancti Evangelii secundum Matthaeum.

Lectio vij.

Cap. 9.

**I**N illo tempore: Loquente Jesu ad turbas, ecce princeps unus accessit, et adorabat

eum, dicens: Domine, filia mea modo defuncta est. Et reliqua.

Homilia sancti Hilarii  
Episcopi.

Cap. 9. in Matth.



**P**RINCEPS hic Lex esse intelligitur; quae Dominum orat, ut vitam mortuae reddat. Nam nullum principem credidisse legimus. Ex quo persona principis hujus orantis merito in typum Legis aptabitur. Qui quidem Dominus opem spondit, ad quam praestandam profectus est: sed prior cum Apostolis peccatorum turba salvatur.

Lectio viij.

**E**T cum primum electionem, quae ex Lege destinabatur, vivere oportuisset, anterior tamen in mulieris specie, salus publicanis et peccatoribus redditur. Cujus fidem et constantiam Dominus laudavit: quia quod Israel parabatur, plebs gentium occupavit. Est autem in simplici intelligentia magna virtutis Domínicae admiratio; cum potestas intra corpus manens, rebus caducis efficientiam adderet sanitatis, et usque in vestium fimbrias operatio divina procederet.

Lectio ix.

**I**NGREDITUR deinde Dominus domum principis, Synagogam videlicet: et

irridétur a plúrimis. Nunquam enim illi Deum in hómine crediderunt; quin pótius praedicári resurrectionem ex mórtuis risérunt. Apprehénsam ígitur puélam manu, retráxit ad vitam; atque ut ratus hic esse ex Lege credéntium electiónis númerus crederétur, turba omnis expulsá est: quam útique Dóminus salvári optásset; sed irridéndo dicta géstaque ejus, resurrectionis non fuit digna consórtio.

Ad Benedíctus, Añá. Loquén-te Jesu ad turbas, ecce princeps unus accéssit, et adorávit eum, dicens: Dómine, fília mea modo defúncta est: sed veni, impóne manum tuam super eam, et vivet, allelúia.

Ad Magnificat, Añá. Confíde, fília, fides tua te salvam fecit. Et sanáta est múlter ex illa hora, allelúia.

Dominicae post Octávam Trinitatis usque ad Adventum exclusive non possunt esse pauciores xxj, nec plures xxvj. Cum fuerint plures xxij, tunc post vigesimam primam Dom. resumant. quae eo anno super-fuerunt post Oct. Epiph. quoad Orat. Lect. ij. Noct. Hom. et Añam ad Benedíctus. et Magnificat. hoc ordine.

Si Dominicae post Octávam Trinitatis fuerint xxij, Dom. xxij. post Octávam Trinitatis erit quae est v. post Octávam Epiph. Si fuerint xxiv, Dom.

xxij. erit quae est iv. post Oct. Epiph. et xxij. quae est v. Si fuerint xxv, Dom. xxij. erit quae est iij. post Oct. Epiph. et xxij. quae est iv. et xxiv. quae est v. Si fuerint xxvj, Dom. xxij. erit quae est ij. post Oct. Epiph. et xxij. quae est iij. et xxiv. quae est iv. et xxv. quae est v. post Oct. Epiph. ut infra, pag. 351. et ultimo loco semper ponitur, quae sequitur hic ordine xxij.

### DOMINICA XXII. post Octávam Trinitatis.

Oratio.

**E**XCITA, quaesumus Dómine, tuórum fidélium voluntátes: ut divíni óperis fructum propénsius exsequéntes, pietátis tuae remédia májora percípiant. Per Dóminum nostrum.

In secundo Nocturno.

Incipit Epístola beáti Pauli  
Apóstoli ad Titum.

Lectio iv.

Cap. i.



**P**AULUS servus Dei, Apóstolus autem Jesu Christi secúndum fidem electórum Dei, et agnitióem veritátis, quae secúndum pietátem est in spem vitae aetérnae, quam promísit qui non mentítur, Deus, ante témpora saeculária: manifestávit autem témporibus suis verbum suum in praedicatione, quae crédita est mihi secúndum praecéptum Salvatóris

nostri Dei : Tito dilécto filio  
secúndum commúnem fidem,  
grátia, et pax a Deo Patre, et  
Christo Jesu Salvatóre nostro.

Lectio v.

**H**UJUS rei grátia relíqui  
te Cretae, ut ea, quae de-  
sunt, córrigas, et constítuas per  
civitátes Presbyteros, sicut et  
ego dispósui tibi. Si quis sine  
crímine est, uníus uxóris vir,  
filios habens fidéles, non in  
accusatíone luxúriae, aut non  
súbditos. Opórtet enim Epí-  
scopum sine crímine esse, sicut  
Dei dispensatórem : non supér-  
bum, non iracúndum, non vi-  
noléntum, non percussórem,  
non turpis lucrí cúpidum : sed  
hospitálem, benígnum, só-  
brium, justum, sanctum, con-  
tinéntem, amplecténtem eum,  
qui secúndum doctrínam est,  
fidélem sermónem : ut potens  
sit exhortári in doctrína sana,  
et eos, qui contradícunt, ar-  
guere.

Lectio vj.

**S**UNT enim multi étiam  
inobediéntes, vanfloqui,  
et seductóres : máxime qui  
de circumcisióne sunt : quos  
opórtet redárgui : qui unívér-  
sas domos subvértunt, docén-  
tes quae non opórtet, turpis  
lucrí grátia. Dixit quidam ex  
illis, próprius ipsórum prophé-  
ta : Creténses semper men-  
daces, malae béstiae, ventres  
pigri. Testimónium hoc ve-  
rum est.

In tertio Nocturno.

Lectio sancti Evangelii secún-  
dum Matthaeum.

Lectio vij. *Cap. 24.*

**I**N illo témpore : Dixit Je-  
sus discíplis suis : Cum  
vidéritis abominatíonem deso-  
latiónis, quae dicta est a Da-  
niéle prophéta, stantem in loco  
sancto, qui legit, intélligat. Et  
réliqua.

Homilía sancti Hilárii

Epíscopi.

*Cap. 25. in Matth.*



**I**NDICIUM Dóminus  
noster Jesus Chri-  
stus sui advéntus  
futúri, cum abomi-  
natíonem desolatiónis stantem  
in loco sancto vidébunt, intelli-  
géndum pósuit. Et de hoc qui-  
dem, beatíssimo Daniéle, et  
Paulo praedicántibus, supér-  
fluum puto nos habére ser-  
mónem. De Antichrísti enim  
tempóribus haec locútus est.  
Abominátio ex eo dictus, quod  
advérsus Deum véniens, ho-  
nórem sibi Dei víndicet : De-  
solatiónis autem abominátio,  
quia bellis et caedibus terram  
cum piáculo desolatúrus sit.

Lectio viij.

**E**T quidem a Judaeis sus-  
céptus, loco sanctifica-  
tiónis insístet : ut ubi sanctó-  
rum précibus Deus invocábá-  
tur, illic ab infidélibus recé-  
ptus, Dei honóre venerábilis  
sit. Et quia próprius iste Ju-  
daeórum erit error, ut qui ve-

ritatem respuerunt, suscipiant falsitatem : Judaeam deserit monet, et transfugere ad montes : ne admistione plebis illius, Antichristo crediturae, vis aut contagio afferatur.

Lectio ix.

**Q**UOD autem ait : Et qui in tecto sunt, non descendant tollere aliquid de domo; secundum humanam intelligentiam, rationem dicti factique non recipit. Sed frequenter admonuimus, proprietates verborum et locorum contuendas, ut momenta praeceptorum caelestium consequamur. Tectum est domus fastigium, et habitationis totius celsa perfectio. Qui igitur in consummatione domus suae, id est, in corporis sui perfectione constiterit, regeneratione novus, spiritu celsus, et divini muneris absolutio perfectus, non descendere in humiliora rerum saecularium cupiditate debet.

Ad Benedictus, Añæ. Cum vidéritis abominationem desolationis, quae dicta est a Danièle propheta, stantem in loco sancto, qui legit, intelligat.

Ad Magnificat, Añæ. Amen dico vobis, quia non praeteribit generatio haec, donec omnia fiant. Caelum, et terra transibunt, verba autem mea non transibunt, dicit Dominus.

Si fuerint plures Dominicae post Octavam Trinitatis, quam xxij, assumuntur e sequentibus Dom. post Octavam Epiph. quot erunt necessariae eo anno pro illis Dom. Lect. Hom. et Añæ ad **Benedictus**. et **Magnificat**. eo modo, et ordine, quo supra, pag. 344.

## DOMINICA II. post Octavam Epiphaniae.

Oratio.

**O**MNIPOTENS sempiternè Deus, infirmitatem nostram propitius respice; atque ad protegendum nos, dexteram tuae majestatis extende. Per Dominum.

In secundo Nocturno.

De Epistola prima beati Pauli Apostoli ad Corinthios.

Lectio iv. Cap. 15.



**N**AM si mortui non resurgunt, neque Christus resurrexit. Quod si Christus non resurrexit, vana est fides vestra, adhuc enim estis in peccatis vestris. Ergo et qui dormierunt in Christo, perierunt. Si in hac vita tantum in Christo sperantes sumus, miserabiliores sumus omnibus hominibus. Nunc autem Christus resurrexit a mortuis primitiae dormientium, quoniam quidem per hominem mors, et per hominem resurrectio mortuorum.

## Lectio v.

**ET** sicut in Adam omnes moriuntur, ita et in Christo omnes vivificabuntur. Unusquisque autem in suo ordine, primitiae Christus : deinde ii, qui sunt Christi, qui in adventu ejus crediderunt. Deinde finis : cum tradiderit regnum Deo et Patri, cum evacuaverit omnem principatum, et potestatem, et virtutem. Oportet autem illum regnare donec ponat omnes inimicos sub pedibus ejus. Novissima autem inimica destruetur mors.

## Lectio vi

**OMNIA** enim subjecit sub pedibus ejus. Cum autem dicat : Omnia subiecta sunt ei, sine dubio praeter eum, qui subjecit ei omnia. Cum autem subiecta fuerint illi omnia : tunc et ipse Filius subiectus erit ei, qui subjecit sibi omnia, ut sit Deus omnia in omnibus. Alioquin quid facient qui baptizantur pro mortuis, si omnino mortui non resurgunt? ut quid et baptizantur pro illis? Ut quid et nos periclitamur omni hora?

## In tertio Nocturno.

Lectio sancti Evangelii secundum Matthaeum.

## Lectio vij. Cap. 8.

**I**N illo tempore : Cum descendisset Jesus de monte, secutae sunt eum turbae multae : et ecce leprosus veniens, adorabat eum. Et reliqua.

## Homilia sancti Hieronymi Presbyteri.

Lib. I. Comm. in c. 8. Matth.



**DE** monte Domino descendente, occurrunt turbae : quia ad altiora ascendere non valuerunt. Et primus ei occurrat leprosus : necdum enim poterat cum lepra tam multiplicem in monte Salvatoris audire sermonem. Et notandum, quod hic primus specialiter curatus sit : secundo, puer centurionis : tertio, socrus Petri febriens in Capharnaum : quarto loco, qui oblatis sunt ei a daemonio vexati : quorum spiritus verbo ejiciebat, quando et omnes male habentes curavit.

## Lectio viij.

**ET** ecce leprosus veniens adorabat eum, dicens. Recte post praedicationem atque doctrinam, signi offertur occasio, ut per virtutem miraculi, praeteritus apud audientes sermo firmetur. Domine, si vis, potes me mundare. Qui voluntatem rogat, de virtute non dubitat. Et extendens Jesus manum, tetigit eum, dicens : Volo. Mundare. Extendente manum Domino, statim lepra fugit. Simulque considera, quam humilis, et sine jactantia responsio.

## Lectio ix.

**I**LLE dixerat, Si vis : Dominus respondit, Volo. Ille praemiseraat, Potes me mundare : Dominus jungit, et



dicit, Mundáre. Non ergo, ut plerique Latinórum putant, jungéndum est, et legéndum, Volo mundáre : sed separátim, ut primum dicat, Volo; deínde ímperet, Mundáre. Et ait illi Jesus : Vide, némini díxeris. Et revéra quid erat necesse ut sermóne jactáret, quod corpore praeferébat? Sed vade, osténde te sacerdoti. Mittit eum ad sacerdotem : primum propter humilitátem, ut sacerdotibus deférre honórem videátur. Erat enim lege praecéptum, ut qui mundáti fúerant a lepra, offerrent múnera sacerdotibus. Deínde, ut mundátum vidéntes leprósum, aut créderent Salvatóri, aut non créderent : si créderent, salvaréntur; si non créderent, inexcusábiles forent. Et simul, ne (quod in eo saepíssime criminabántur) legem viderétur infríngere.

Ad Benedíctus, Añã. Cum autem descendísset Jesus de monte, ecce leprósus véniens, adorábat eum, dicens : Dómine, si vis, potes me mundáre. Et exténdens manum, tétigit eum, dicens : Volo. Mundáre.

Ad Magnificat, Añã. Dómine, si vis, potes me mundáre. Et ait Jesus : Volo. Mundáre.

### DOMINICA III. post Octavam Epiphaniae.

Oratio.

**D**EUS, qui nos in tantis perículis constitútos, pro humana scis fragilitáte non

posse subsístere : da nobis salutem mentis et corpóris; ut ea, quae pro peccátis nostris patimur, te adjuvánte vincámus. Per Dóminum.

In secundo Nocturno.

De Epístola secúnda ad  
Corínthios.

Lectio iv. *Cap. 10.*



**N**ON enim audémus insérere, aut comparáre nos quibúsdam, qui seípsos comméndant : sed ipsi in nobis nosmetípsos metiéntes, et comparántes nosmetípsos nobis. Nos autem non in imménsum gloriábimur, sed secúndum mensúram régulae, qua mensus est nobis Deus, mensúram pertinéndi usque ad vos. Non enim quasi non pertingéntes ad vos, superexténdimus nos : usque ad vos enim pervénimus in Evangélio Christi.

Lectio v.

**N**ON in imménsum gloriántes in aliénis labóribus : spem autem habéntes crescéntis fidei vestrae, in vobis magnificári secúndum régulam nostram in abundántiam, étiam in illa, quae ultra vos sunt, evangelizáre, non in aliéna régula in iis quae prae-paráta sunt gloriári. Qui autem gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat.

Lectio vj. *Cap. II.*

**U**TINAM sustinerétis módicum quid insipiéntiae meae, sed et supportáte me : aemulor enim vos Dei aemulatióne. Despóndi enim vos uni viro vírginem castam exhibére Christo. Tímeo autem ne sicut serpens Hevam sedúxit astútia sua, ita corrumpántur sensus vestri, et éxcitant a simplicitáte, quae est in Christo. Nam si is, qui venit, álium Christum praedicat, quem non praedicávimus, aut álium spíritum accípitis, quem non accepístis : aut áliud Evangélíum, quod non recepístis : recte paterémini.

In tertio Nocturno.

Lectio sancti Evangélíi secúndum Matthaeum.

Lectio vij. *Cap. 8.*

**I**N illo témpore : Ascendénte Jesu in navículam, secúti sunt eum discípuli ejus : et ecce motus magnus factus est in mari ita ut navícula operirétur flúctibus, ipse vero dormiébat. Et reliqua.

Homilía sancti Hierónymi Presbyteri.

*Lib. I. Comm. in c. 8. Matth.*

**U**INTUM signum fecit, quando ascéndens navim de Capárnaum, ventis imperávit, et mari. Sextum, quando in regiónē Gerasenórum dedit potestátem daemónibus in porcos. Séptimum, quando ingréd-

diens civitátem suam, paralyticum secúndum curávit in léctulo. Primus enim paralyticus, est puer centuriónis.

Lectio viij.

**I**PSE vero dormiébat : et accessérunt ad eum, et suscitavérunt eum, dicétes : Dómine, salva nos. Hujus signi typum in Jona légimus, quando céteris periclitántibus, ipse secúrus est, et dormit, et suscitátur, et império ac sacraménto passiónis suae líberat suscitátes. Tunc surgens imperávit ventis, et mari. Ex hoc loco intelligimus, quod omnes creatúrae séntiant Creatórem. Quas enim increpávit, et quibus imperávit, séntiunt imperántem : non erróre haereticórum, qui ómnia putant animántia, sed majestáte Conditóris, quae apud nos insensibília, illi sensibília sunt.

Lectio ix.

**P**ORRO hómínes mirátí sunt, dicétes : Qualis est hic, quia venti et mare obédiunt ei? Non discípuli, sed nautae et céteri, qui in navi erant, mirabántur. Sin autem quis contentióse volúerit eos, qui mirabántur, fúisse discípulos : respondébimus, recte hómínes appellátos, qui necdum nóverant poténtiam Salvatóris.

Ad Benedictus, Aña. Ascendénte Jesu in navículam, ecce motus magnus factus est in mari : et suscitavérunt eum

discípuli ejus, dicentes : Dómine, salva nos, perimus.

Ad Magnificat, Añ. Dómine, salva nos, perimus : impera, et fac Deus tranquillitatem.

DOMINICA IV.  
post Octavam Epiphaniae.

Oratio.

**F**AMILIAM tuam, quae sumus Dómine, continúa pietate custódi : ut quae in sola spe grátiae caeléstis innítitur; tua semper protectióne muniatur. Per Dóminum.

In secundo Nocturno.

De Epístola ad Ephésios.

Lectio iv. *Cap. 2.*

**Q**UAE vos, cum essétis mórtui delictis, et peccátis vestris, in quibus aliquándo ambulástis secúndum saeculum mundi hujus, secúndum príncipem potestátis áeris hujus, spíritus, qui nunc operátur in filios diffidentiae, in quibus et nos omnes aliquándo conversáti sumus in desidériis carnis nostrae, faciéntes voluntatem carnis, et cogitatónum, et erámus natúra filii irae, sicut et céteri.

Lectio v.

**D**EUS autem, qui dives est in misericórdia, propter nímiā caritatem suam, qua diléxit nos, et cum essémus mórtui peccátis, convivificávit nos in Christo, (cujus grátia

estis salváti) et conresuscitávit, et consedére fecit in caeléstibus in Christo Jesu : ut osténderet in saeculis superveniéntibus abundátes divítias grátiae suae in bonitate super nos in Christo Jesu.

Lectio vj.

**G**RATIA enim estis salváti per fidem, et hoc nóñ ex vobis : Dei enim donum est, non ex opéribus, ut ne quis gloriétur. Ipsíus enim sumus factúra, creati in Christo Jesu in opéribus bonis, quae prae-parávit Deus ut in illis ambulémus. Propter quod mémores estóte, quod aliquándo vós gentes in carne, qui dicímini praepútium ab ea, quae dicitur circumcísio in carne, manu facta : quia erátis illo in témpore sine Christo, alienáti a conversatióne Israél, et hóspites testamentórum, promissiónis spem non habéntes, et sine Deo in hoc mundo. Nunc autem in Christo Jesu vos, qui aliquándo erátis longe, facti estis prope in ságuine Christi.

In tertio Nocturno.

Lectio sancti Evangélii secúndum Matthaeum.

Lectio vij. *Cap. 13.*

**I**N illo témpore : Dixit Jesus turbis parábolam hanc : Símile factum est regnum caelórum hómini, qui seminávit bonum semen in agro suo. Et reliqua.

Homilia sancti Augustini  
Episcopi.

*Lib. Quaest. 17. in Evang.  
sec. Matth. cap. 11.*



UM negligētius áge-  
rent praepósiti Ecclé-  
siae, aut cum dormi-  
tiónem mortis accí-  
perent Apóstoli, venit diábolus,  
et superseminávit eos, quos  
malos filios Dóminus interpretá-  
tatur. Sed recte quaeritur,  
utrum haerétici sint, an male  
vivētes Cathólici? Possunt  
enim dici fílii mali étiam hae-  
rétici : quia ex eódem Evangé-  
lii sémíne, et Christi nómine  
procreáti, pravis opiniónibus  
ad falsa dógmata convertúntur.

Lectio viij.

**S**ED quod dicit eos in  
médio trítici seminátos,  
quasi vidéntur illi significári,  
qui unús communionis sunt.  
Verúmtamen, quóniam Dómi-  
nus agrum ipsum, non Ecclé-  
siam, sed hunc mundum inter-  
pretátus est : bene intelligún-  
tur haerétici, quia non societáte  
unús Ecclesiae, vel unús fídei,  
sed societáte solús nóminis  
christiáni in hoc mundo per-  
miscéntur bonis. At illi, qui in  
eádem fide mali sunt, pálea pó-  
tius quam zizánia reputántur :  
quia pálea étiam fundaméntum  
ipsum habet cum fruménto,  
radicémque commúnem.

Lectio ix.

**I**N illa plane sagéna, qua  
concludúntur et mali et  
boni pisces, non absúrde mali

Cathólici intelligúntur. Aliud  
est enim mare, quod magis  
mundum istum significat :  
áliud sagéna, quae unús fídei,  
vel unús Ecclesiae commu-  
nióne vidétur osténdere. In-  
ter haeréticos, et malos Cathó-  
licos hoc ínterest, quod haeré-  
tici falsa credunt : illi autem  
vera credētes, non vivunt ita  
ut credunt.

Ad Benedictus, Añá. Dómi-  
ne, nonne bonum semen semi-  
násti in agro tuo? Unde ergo  
habet zizánia? Et ait illis : Hoc  
fecit inimícus homo.

Ad Magnificat, Añá. Collí-  
gite primúm zizánia, et alli-  
gáte ea in fascículos ad com-  
buréndum : tríticum autem  
congregáte in hórreum meum,  
dicit Dóminus.

## DOMINICA V. post Octavam Epiphaniae.

Oratio.

**P**RAESTA, quaesumus  
omnípotens Deus : ut  
semper rationabília meditán-  
tes, quae tibi sunt plácita, et  
dictis exsequámur, et factis.  
Per Dóminum.

In secundo Nocturno.

De Epístola ad Philippenses.

Lectio iv.

Cap. i.



UIDAM autem ex  
contentiόne Chri-  
stum annúntiant non  
sincére, existimántes  
pressúram se suscitáre víncu-  
lis meis. Quid enim? Dum omni

modo sive per occasiōnem, sive per veritatē Christus annuntiētur : et in hoc gáudeo, sed et gaudébo. Scio enim quia hoc mihi provéniet ad salutē, per vestram oratiōnem, et subministratiōnem Spíritus Jesu Christi, secūndum expectatiōnem, et spem meam, quia in nullo confúndar.

Lectio v.

**S**ED in omni fidúcia sicut semper, et nunc magnificábitur Christus in corpore meo, sive per vitam, sive per mortem. Mihi enim vívere Christus est, et mori lucrum. Quod si vívere in carne, hic mihi fructus óperis est, et quid éligam ignóro. Coárctor autem e duóbus : desidérium habens dissólvi, et esse cum Christo, multo magis mélius : permanére autem in carne, necessariū propter vos.

Lectio vj.

**E**T hoc confídens scio quia manébo, et permanébo ómnibus vobis ad proféctum vestrum, et gáudium fídei : ut gratulatio vestra abúndet in Christo Jesu in me, per meum advéntum íterum ad vos. Tantum digne Evangélio Christi conversámini : ut sive cum vénero, et vídero vos, sive absens áudiam de vobis quia statis in uno spíritu unánimes, collaborántes fídei Evangélii : et in nullo terreámini ab adversáriis.

In tertio Nocturno.

Lectio sancti Evangélii secūndum Matthaeum.

Lectio vij. *Cap. 13.*

**I**N illo témpore : Dixit Jesus turbis parábolam hanc : Símile est regnum caelórum grano sinápis, quod accípiens homo seminávit in agro suo. Et réliqua.

Homilía sancti Hierónymi Presbyteri.

*Lib. 2. Comm. in cap. 13. Matth.*

**R**EGNUM caelórum praedicatio Evangélii est, et notítia Scripturárum, quae ducit ad vitam, et de qua dicitur ad Judaeos : Auferétur a vobis regnum Dei, et dábitur genti faciénti fructus ejus. Símile est ergo hujúsmodi regnum grano sinápis, quod accípiens homo seminávit in agro suo. Homo, qui séminat in agro suo, a plerisque Salvátor intelligitur, quod in ánimis credéntium séminet : ab áliis, ipse homo séminans in agro suo, hoc est, in semetípso, et in corde suo.

Lectio viij.

**Q**UIS est iste, qui séminat, nisi sensus noster, et ánimus; qui suscípiens granum praedicatiōnis, et fovens seméntem, humóre fídei facit in agro sui pectoris pulluláre? Praedicatio Evangélii mínima est ómnibus disciplínis. Ad

primam quippe doctrinam, fidem non habet veritatis, hominem Deum, Christum mortuum, et scandalum crucis praedicans. Confer hujuscemodi doctrinam dogmatibus philosophorum, et libris eorum, et splendori eloquentiae, et compositioni sermonum : et videbis quanto minor sit ceteris seminibus sementis Evangelii.

## Lectio ix.

**S**ED illa, cum creverint, nihil mordax, nihil vividum, nihil vitale demonstrant : sed totum flaccidum, marcidumque, et mollium, ebullit in olera et in herbas, quae cito arescunt et corruunt. Haec autem praedicatio, quae parva videbatur in principio, cum vel in anima credentis, vel in toto mundo sata fuerit, non exurgit in olera, sed crescit in arborem : ita ut volucres caeli (quas vel animas credentium, vel fortitudines Dei servitio mancipatas, sentire debemus) veniant, et habitent in ramis ejus.

Ad Benedictus, Añā. Símile est regnum caelorum grano sinapis : quod mínimum est omnibus seminibus : cum autem creverit, majus est omnibus oléribus.

Ad Magnificat, Añā. Símile est regnum caelorum fermento, quod acceptum mulier abscondit in farinae satis tribus, donec fermentatum est totum.

## DE OFFICIO Dedicationis Ecclesiae.



**P**RIMO anno Dedicationis Ecclesiae, Officium inchoatur in Missa. In Hora vero, quae sequitur Missam, et deinceps in omnibus Horis usque ad Compl. seq. diei exclusive, fiat Offic. Totum Duplex : et dicatur Oratio. **Deus, qui invisibiliter.** ad omnes Horas, praeterquam ad Compl. et Primam.

2. In Vesperis diei, quo Eccl. dedicata est, cantetur R. et die seq. in Matut. dicantur ix. Lect. Octava vero celebrabitur revoluta Hebdomada, eod. die, quo Dedic. facta fuerit, et dicatur Oratio, **Deus, qui invisibiliter.** quotidie per Oct. quando de ipsa agendum fuerit.

3. Secundo anno, et deinceps singulis annis in Annivers. fiat Offic. ut habetur in Rubr. § xxviii. num. 1.

## IN DEDICATIONE Ecclesiae, et Anniversario ejusdem.

Totum Duplex.

### AD VESPERAS.

Super Psalm. Añā. **Sanctificavit Dominus tabernaculum suum : haec est domus Domini, in qua invocetur nomen ejus, de quo scriptum est : Erit nomen meum ibi, dicit Dominus.** Psalm. **Laudate pueri Dominum.** cum ceteris, ut in Comm. Apost. pag. j.

Capitulum. *Apoc. 21.*



IDI civitatem sanctam Jerusalem novam descendentem de caelo a Deo, paratam, sicut sponsam ornatum viro suo.

R<sup>7</sup>. ix. Terribilis est. pag. 363.

Hymnus.

**U**RBS Jerusalem beata,  
Dicta pacis visio,  
Quae construitur in caelis  
Vivis ex lapidibus,  
Et Angelis coronata,  
Ut sponsata comite.

Nova veniens e caelo  
Nuptiali thalamo,  
Praeparata, ut sponsata  
Copuletur Domino :  
Plateae, et muri ejus  
Ex auro purissimo.

Portae nitent margaritis,  
Adytis patentibus :  
Et virtute meritorum  
Illuc introducitur  
Omnis, qui ob Christi no-  
men

Hic in mundo premitur.

Tusionibus, pressuris  
Expoliti lapides,  
Suis coaptantur locis  
Per manus artificis,  
Disponuntur permansuri  
Sacris aedificiis.

Gloria et honor Deo  
Usquequaque altissimo,  
Una Patri, Filioque,  
Inclito Paraclito,  
Cui laus est, et potestas  
Per aeterna saecula.

Amen.

V. Domum tuam Domine  
debet sanctitudo. R<sup>7</sup>. In longi-  
tudinem dierum.

Ad Magnificat, Añña. O quam  
metuendus est locus iste! vere  
non est hic aliud, nisi domus  
Dei, et porta caeli.

In primo anno

Oratio.

**D**EUS, qui invisibiliter  
omnia continet, et tamen  
pro salute generis humani si-  
gna tuae potentiae visibiliter  
ostendis; templum hoc poten-  
tia tuae inhabitationis illustra :  
et concede, ut omnes, qui huc  
deprecaturi conveniunt, ex  
quacumque tribulatione ad te  
clamaverint, consolationis tuae  
beneficia consequantur. Per  
Dominum.

In secundo anno, et deinceps  
in Anniversario

Oratio.

**D**EUS, qui nobis per sin-  
gulos annos hujus sancti  
templi tui consecrationis re-  
paras diem, et sacris semper  
mysteriis repraesentas incolum-  
mes; exaudi preces populi tui :  
et praesta, ut quisquis hoc  
templum beneficia petiturus  
ingreditur, cuncta se impetras-  
se laetetur. Per Dominum.

AD MATUTINUM.

Invitatorium. Exsultemus  
Domino Regi summo : \* Qui  
suum sanctificavit tabernacu-  
lum.

Hymnus. Urbs Jerusalem.

In primo Nocturno.

Aña. Tóllite.

Psalmus 23.



DOMINI est terra, et plenitúdo ejus : \* orbis terrárum, et univérsti, qui hábitant in eo.

Quia ipse super mária fundávit eum : \* et super flúmina praeparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, ꝫ qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Haec est generátio quaeréntium eum, \* quaeréntium fáciem Dei Jacob.

Attóllite portas príncipes vestras, ꝫ et elevámini portae aeternáles : \* et introíbit rex glóriæ.

Quis est iste rex glóriæ? \* Dóminus fortis et potens : Dóminus potens in proelio.

Attóllite portas príncipes vestras, ꝫ et elevámini portae aeternáles : \* et introíbit rex glóriæ.

Quis est iste rex glóriæ? \* Dóminus virtútum ipse est rex glóriæ.

Aña. Tóllite portas príncipes vestras, et elevámini portae aeternáles.

Aña. Vidit Jacob.

Psalmus 45.

DEUS noster refúgium, et virtus : \* adjútor in tribulatió nibus, quae invenérunt nos nimis.

Proptérea non timébimus dum turbábitur terra : \* et transferéntur montes in cor maris.

Sonuérunt, et turbatae sunt aquae eórum : \* conturbáti sunt montes in fortitú dine ejus.

Flúminis ímpetus laetíficat civitátem Dei : \* sanctificávit tabernáculum suum Altíssimus.

Deus in médio ejus, non commovébitur : \* adjuvábít eam Deus mane dilúculo.

Conturbatae sunt gentes, et inclináta sunt regna : \* dedit vocem suam, mota est terra.

Dóminus virtútum nobíscum : \* suscéptor noster Deus Jacob.

Veníte, et vidéte ópera Dómini, ꝫ quae pósuit prodígia super terram : \* áuferens bella usque ad finem terrae.

Arcum cónteret, et confrínget arma : \* et scuta combúret igni :

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobíscum : \* suscéptor noster Deus Jacob.

Aña. Vidit Jacob scalam, súmmitas ejus caelos tangébat,



et descendentes Angelos, et dixit : Vere locus iste sanctus est.

*Añā. Cum evigilasset.*

*Psalmus 47.*

**M**AGNUS Dóminus, et laudábilis nimis\* in civitate Dei nostri, in monte sancto ejus.

Fundátur exsultatióne universae terrae mons Sion, \* látera aquilonis, civitas Regis magni.

Deus in dómibus ejus cognoscétur, \* cum suscípiet eam.

Quóniam ecce reges terrae congregáti sunt : \* convenérunt in unum.

Ipsi vidéntes sic admiráti sunt, conturbáti sunt, commóti sunt : \* tremor apprehéndit eos.

Ibi dolóres ut parturiéntis, \* in spíritu veheménti cónteres naves Tharsis.

Sicut audívimus, sic vídimus in civitate Dómini virtútum, et in civitate Dei nostri : \* Deus fundávit eam in aetérnum.

Suscépinus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terrae : \* justítia plena est dextera tua.

Laetétur mons Sion, et exsúltent filiae Judae, \* propter judícia tua Dómine.

Circúmdate Sion, et compléctimini eam : \* narráte in túribus ejus.

Pónite corda vestra in vir-

tute ejus : \* et distribúite domos ejus, ut enarrétis in progenie áltera.

Quóniam hic est Deus, Deus noster in aetérnum, et in saeculum saeculi : \* ipse reget nos in saecula.

*Añā. Cum evigilasset Jacob de somno, ait : Vere locus iste sanctus est.*

*V. Domum tuam Dómine decet sanctitúdo. R. In longitúdinem diérum.*

De libro secúndo Paralipómenon.

*Lectio j.*

*Cap. 7.*



**C**UM compléset Sálomon fundens preces, ignis descendit de caelo, et devorávit holocáusta et víctimas : et majestas Dómini implévit domum. Nec póterant sacerdotes íngredi templum Dómini, eo quod impléset majestas Dómini templum Dómini. Sed et omnes filii Israël vidébant descendéntem ignem, et glóriam Dómini super domum : et corruéntes proni in terram super paviméntum stratum lápide, adoravérunt, et laudavérunt Dóminum : Quóniam bonus, quóniam in saeculum misericórdia ejus. Rex autem, et omnis pópulus immolábant víctimas coram Dómino.

*R. In dedicatióne templi decantábat pópulus laudem : \* Et in ore eórum dulcis resonábat sonus. V. Obt-*

lérunt sacrificium super altáre Dómini : et cecidérunt in fácies suas, et adoravérunt eum. Et.

Lectio ij.

**M**ACTAVIT igitur rex Sálomon hóstias, boum vigínti duo mília, aríetum centum vigínti mília : et dedicávit domum Dei rex, et univérsum pópulus. Sacerdótes autem stabant in officiis suis : et Levítæ in órganis cáminum Dómini, quæ fecit David rex ad laudándum Dóminum : Quóniam in aetérnum misericórdia ejus, hymnos David canéntes per manus suas. Porro sacerdótes canébant tubis ante eos, cunctúsque Israël stabat.

R. Fundáta est domus Dómini super vérticem móntium, et exaltáta est super omnes colles : et vénient ad eam omnes gentes, \* Et dicent : Glória tibi Dómine. V. Veniéntes autem vénient cum exultatióne, portántes manípulos suos. Et dicent.

Lectio iij.

**S**ANCTIFICAVIT quoque Sálomon médium átrii ante templum Dómini : obtúlerat enim ibi holocáusta et ádipes pacificórum : quia altáre aeneum, quod fécerat, non póterat sustinére holocáusta et sacrificia et ádipes. Fecit ergo Sálomon solemnitétem in témpore illo septem diébus,

et omnis Israël cum eo, ecclésia magna valde, ab intróitu Emath usque ad Torréntem Ægypti. Fecitque die oótavo colléctam, eo quod dedicásset altáre septem diébus, et solemnitétem celebrásset diébus septem.

R. Mane surgens Jacob, erigébat lápidem in títulum, fundens óleum désuper : votum vovit Dómino : \* Vere locus iste sanctus est, Et ego nesciébam. V. Vidit Jacob scalam, súmmitas ejus caelos tangébat, et descendéntes Angelos, et ait. Vere locus. Glória Patri. Et ego.

In secundo Nocturno.

Aña. Non est.

Psalmus 83.



**U**AM dilécta tabernacula tua Dómine virtútum : \* concupiscit, et déficit ánima mea in átria Dómini.

Cor meum, et caro mea \* exsultavérunt in Deum vivum.

Etenim passer invénit sibi domum : \* et turtur nidum sibi, ubi ponat pullos suos.

Altária tua Dómine virtútum : \* rex meus, et Deus meus.

Beáti, qui hábitant in domo tua Dómine : \* in saecula saeculórum laudábunt te.

Beátus vir, cujus est auxiliú abs te : \* ascensiónes in corde suo dispósuit, in valle lacrymárum in loco, quem pósuit.

Etenim benedictionem dabit legislator, et ibunt de virtute in virtutem : \* videbitur Deus deorum in Sion.

Dómine Deus virtutum exaudi orationem meam : \* auribus percipe Deus Jacob.

Protector noster aspice Deus : \* et respice in faciem Christi tui :

Quia melior est dies una in atriis tuis, \* super milia.

Elégi abjectus esse in domo Dei mei : \* magis quam habitare in tabernaculis peccatorum.

Quia misericordiam, et veritatem diligit Deus : \* gratiam, et gloriam dabit Dominus.

Non privabit bonis eos, qui ambulant in innocentia : \* Dómine virtutum, beatus homo, qui sperat in te.

Añā. Non est hic aliud, nisi domus Dei, et porta caeli.

Añā. Eréxit Jacob.

Psalmus 84.

**B**ENEDIXISTI Dómine terram tuam : \* avertisti captivitatem Jacob.

Remisisti iniquitatem plebis tuae : \* operuisti omnia peccata eorum.

Mitigasti omnem iram tuam : \* avertisti ab ira indignationis tuae.

Converte nos Deus salutaris noster : \* et averte iram tuam a nobis.

Numquid in aeternum irascéris nobis? \* aut extédes

iram tuam a generatione in generationem?

Deus tu conversus vivificabis nos : \* et plebs tua laetabitur in te.

Ostende nobis Dómine misericordiam tuam : \* et salutare tuum da nobis.

Audiam quid loquatur in me Dóminus Deus : \* quoniam loquétur pacem in plebem suam.

Et super sanctos suos : \* et in eos qui convertuntur ad cor.

Verúmtamen prope timéntes eum salutare ipsius : \* ut inhabitet gloria in terra nostra.

Misericordia, et veritas obviaverunt sibi : \* justitia, et pax osculae sunt.

Veritas de terra orta est : \* et justitia de caelo prospexit.

Etenim Dóminus dabit benignitatem : \* et terra nostra dabit fructum suum.

Justitia ante cum ambulabit : \* et ponet in via gressus suos.

Añā. Eréxit Jacob lapidem in titulum, fundens oleum desuper.

Añā. Erit mihi.

Psalmus 86.

**F**UNDAMENTA ejus in montibus sanctis : \* diligit Dóminus portas Sion super omnia tabernacula Jacob.

Gloriosa dicta sunt de te, \* civitas Dei.

Memor ero Rahab, et Babylonis \* scientium me.

Ecce alienígenae, et Tyrus, et pópulus Æthíopum, \* hi fuérunt illic.

Numquid Sion dicet : Homo, et homo natus est in ea : \* et ipse fundávit eam Altíssimus?

Dóminus narrábit in scriptúris populórum, et príncipum : \* horum, qui fuérunt in ea.

Sicut laetántium ómnium \* habitátio est in te.

Añá. Erit mihi Dóminus in Deum, et lapis iste vocábitur domus Dei.

℟. Haec est domus Dómini firmiter aedificáta. ℞. Bene fundáta est supra firmam petram.

Sermo sancti Augustíni  
Epíscopi.

*Serm. 252. de Temp.*

Lectio iv.



**U**OTIESCUMQUE, fratres caríssimi, altáris vel templi festivitátem cólimus, si fideliter ac diligénter atténdimus, et sancte ac juste vívimus, quidquid in templis manufáctis ágitur, totum in nobis spiritali aedificatióne complétur. Non enim mentítus est ille, qui dixit : Templum Dei sanctum est, quod estis vos. Et iterum : Nescítis, quia córpora vestra templum sunt Spíritus sancti, qui in vobis est? Et ideo, fratres caríssimi, quia nullis praecedéntibus méritis, sed per

grátiam Dei merúimus fieri templum Dei, quantum póssumus, cum ipsíus adjutório laborémus, ne Dóminus noster in templo suo, hoc est, in nobis ipsis, invéniat, quod óculos suae majestátis offéndat.

℞. Bénedic Dómine domum istam, quam aedificávi nómini tuo : veniéntium in locum istum \* Exáudi preces in excelso sólio glóriæ tuæ. ℟. Dómine, si convérsus fuérit pópulus tuus, et oráverit ad sanctuárium tuum. Exáudi.

Lectio v.

**E**T ideo, fratres caríssimi, unusquisque consideret consciéntiam suam : et quando se áliquo peccáto vulnerátum esse cognóverit, prius oratióibus, jejúniis, et eleemósynis stúdeat mundáre consciéntiam suam, et sic Eucharistíam praesúmat accípere. Qui enim, agnóscens reátum suum, ipse se humíliter ab altári Ecclesiæ pro emendatióne vitae removére volúerit, ab aetérno illo et caelésti convívio excommunicári pénitus non timébit.

℞. O quam metuéndus est locus iste! Vere Non est hic áliud, nisi domus Dei, et porta caeli. ℟. Mane surgens Jacob, votum vovit Dómino, et dixit. Non est.

Lectio vj.

**S**I ad mensam cuiusque poténtis nemo praesúmit cum véstibus inquinátis accé-

dere, quanto magis a convívio aetérni Regis, id est, ab altári Dómini, debet se unusquisque invidiæ vel ódii venéno percússus, iracúndiæ furóre replétus, cum reveréntia et humilitáte subtráhere? Propter illud, quod scriptum est : Vade prius reconciliári fratri tuo, et tunc véniens ófferes munus tuum. Et iterum : Amíce, quómodo huc intrásti non habens vestem nuptiálem?

R. Orántibus in loco isto, dimítte Dómine peccáta pópuli tui : et osténde eis viam bonam, per quam ámbulent : \* Et da glóriam nómini tuo. V. Dómine exáudi oratióem meam : et clamor meus ad te véniat. Et da. Glória Patri. Et da.

In tertio Nocturno.

Añ. Qui hábitat.

Psalmus 90.



UI hábitat in adjutório Altíssimi, \* in protectiône Dei caeli commorábitur.

Dicet Dómino : Suscéptor meus es tu, et refúgium meum : \* Deus meus sperábo in eum.

Quóniam ipse liberávit me de láqueo venántium, \* et a verbo áspero.

Scápolis suis obumbrábit tibi : \* et sub pennís ejus sperábis.

Scuto circúmdabit te véritas ejus : \* non timébis a timóre noctúrno,

A sagítta volánte in die, ⁊ a negótio perambulánte in ténebris, \* ab incúrsu, et daemónio meridiáno.

Cadent a látere tuo mille, ⁊ et decem míllia a dextris tuis : \* ad te autem non appropinquábit.

Verúmtamen óculis tuis considerábis : \* et retributióem peccatórum vidébis.

Quóniam tu es Dómine spes mea : \* Altíssimum posuísti refúgium tuum.

Non accédet ad te malum : \* et flagéllum non appropinquábit tabernáculo tuo.

Quóniam Angelis suis mandávit de te : \* ut custódiant te in ómnibus viis tuis.

In mánibus portábunt te : \* ne forte offéndas ad lápidem pedem tuum.

Super áspidem et basilíscum ambulábis : \* et conculcábis leónem et draconem.

Quóniam in me sperávit, liberábo eum : \* prótegam eum, quóniam cognóvit nomen meum.

Clamábit ad me, et ego exáudiam eum : ⁊ cum ipso sum in tribulatióne : \* erípiam eum et glorificábo eum.

Longitúdine diérum replébo eum : \* et osténdam illi salutare meum.

Añ. Qui hábitat in adjutório Altíssimi, in protectiône Dei caeli commorábitur.

Añ. Domum istam.

Psalmus 95.

**C**ANTATE Dómino cánti-  
cum novum : \* cantáte  
Dómino omnis terra.

Cantáte Dómino, et bene-  
dicite nómini ejus : \* annun-  
tiáte de die in diem salutáre  
ejus.

Annuntiáte inter gentes gló-  
riam ejus, \* in ómnibus pó-  
pulis mirabília ejus.

Quóniam magnus Dóminus,  
et laudábilis nimis : \* terribi-  
lis est super omnes deos.

Quóniam omnes dii géntium  
daemónia : \* Dóminus autem  
caelos fecit.

Conféssio, et pulcritúdo in  
conspéctu ejus : \* sanctimó-  
nia, et magnificéntia in sancti-  
ficatióne ejus.

Afférte Dómino pátriae gén-  
tium, ꝛ afférte Dómino glóriam  
et honórem : \* afférte Dómino  
glóriam nómini ejus.

Tóllite hóstias, et introíte in  
átria ejus : \* adoráte Dómi-  
num in átrio sancto ejus.

Commovéatur a fácie ejus  
universa terra : \* dícite in  
géntibus quia Dóminus re-  
gnávit.

Etenim corréxit orbem ter-  
rae qui non commovébitur : \*  
judicábit pópulos in aequi-  
táte.

Laeténtur caeli, et exsúltet  
terra, ꝛ commovéatur mare, et  
plenitúdo ejus : \* gaudébunt  
campi, et ómnia, quae in eis  
sunt.

Tunc exsultábunt ómnia  
ligna silvárum a fácie Dómini,  
quia venit : \* quóniam venit  
judicáre terram.

Judicábit orbem terrae in  
aequitáte, \* et pópulos in veri-  
táte sua.

Aña. Domum istam prótege  
Dómine : et Angeli tui custó-  
diant muros ejus.

Aña. Fundáta est.

Psalmus 96.

**D**OMINUS regnávit, ex-  
súltet terra : \* laeténtur  
ínsulae multae.

Nubes, et calígo in circúitu  
ejus : \* justítia, et judícium  
corréctio sedis ejus.

Ignis ante ipsum praecé-  
det, \* et inflammábit in cir-  
cúitu inimícos ejus.

Illuxérunt fúlgura ejus orbi  
terrae : \* vidit, et commóta est  
terra.

Montes, sicut cera fluxérunt  
a fácie Dómini : \* a fácie Dó-  
mini omnis terra.

Annuntiavérunt caeli justí-  
tiam ejus : \* et vidérunt om-  
nes pópuli glóriam ejus.

Confundántur omnes, qui  
adórant sculptília : \* et qui  
gloriántur in simulácris suis.

Adoráte eum omnes Angeli  
ejus : \* audívit, et laetáta est  
Sion.

Et exsultavérunt filiae Ju-  
dae, \* propter judícia tua Dó-  
mine :

Quóniam tu Dóminus altís-  
simus super omnem terram : \*

nimis exaltatus es super omnes deos.

Qui diligitis Dóminum, odite malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde laetitia.

Laetámini justí in Dómino : \* et confitémini memórie sanctificatiónis ejus.

*Añá.* Fundáta est domus Dómini super vérticem móntium : et exaltáta est super omnes colles.

*V.* Beáti, qui hábitant in domo tua Dómine. *R.* In saecula saeculórum laudábunt te.

Lectio sancti Evangélíi secúndum Lucam.

Lectio vij. *Cap. 19.*

**I**N illo témpore : Ingressus Jesus perambulábat Jéricho. Et ecce vir nómine Zachaeus : et hic princeps erat publicanórum, et ipse dives. Et reliqua.

Homilía sancti Ambrósii  
Epíscopi.

*Lib. 8. in Lucam.*



**Z**ACHAEUS, statúra pusíllus, hoc est, nulla nobilitátis ingénitae dignitáte sublímis, exíguus méritis, sicut pópulus Natiónum, audíto Dómini Salvatóris advéntu, quem sui non recepérunt, vidére cupiébat. Sed nemo fácte Jesum videt : nemo potest Jesum vidére constitútus in terra. Et

quia non prophétas, non legem habébat, tamquam formae grátiam naturális, ascéndit in sycómorum, vanitátem scílicet Judaeórum vestígio suo próterens, erráta quoque córrigens superióri aetátis : et ideo Jesum in interióri domus recépit hospítio.

*R.* Lápides pretiósí omnes muri tui : \* Et turres Jerúsalem gemmis aedificabúntur. *V.* Haec est domus Dómini firmiter aedificáta : bene fundáta est supra firmam petram. Et turres.

Lectio viij.

**E**T bene ascéndit in árbo-rem, ut arbor bona fructus bonos fáceret : ac naturáli excísus oleástro, et contra naturám insértus in bonam olívam, fructum posset legis afférre. Radix enim sancta, etsi rami inútiles : quorum infructuósam glóriam plebs Géntium fide resurrectiόνis, quasi quadam córporis elevatióne transcendit.

*R.* Domus mea domus oratiónis vocábitur, dicit Dóminus : \* In ea omnis, qui petit, áccipit : et qui quaerit, ínvenit : et pulsánti aperiétur. *V.* Domum tuam Dómine decet sanctitúdo in longitudínem diérum. In ea

Lectio ix.

**E**T ecce vir nómine Zachaeus. Zachaeus in sycómoro, caecus in via : quo-

rum álterum Dóminus misera-  
túrus exspéctat, álterum man-  
siónis suae claritáte nobílitat;  
álterum sanatúrus intérogat,  
apud álterum se non invitátus  
invítat. Sciébat enim úberem  
hospítii sui esse mercédem.  
Sed tamen, etsi nondum vo-  
cem invitántis audíerat, jam  
viderat afféctum.

R. Terríbilis est locus iste!  
non est hic áliud, nisi do-  
mus Dei, et porta caeli :  
\* Vere étenim Dóminus est  
in loco isto, Et ego nescié-  
bam. V. Cumque evigilásset  
Jacob quasi de gravi somno,  
ait. Vere étenim. Glória Patri.  
Et ego.

Ante Laudes, V. Dómine,  
diléxi decórem domus tuae.  
R. Et locum habitatiónis gló-  
riae tuae.

## IN LAUDIBUS.

Añá. Domum tuam Dómine  
deceat sanctitúdo in longitúdi-  
nem diérum. Psalm. Dóminus  
regnávit. cum ceteris, ut in  
Comm. Apost. pag. xj.

Añá. Haec est domus Dó-  
mini firmiter aedificáta : bene  
fundáta est supra firmam pe-  
tram.

Añá. Domus mea domus  
oratiónis vocábitur.

Añá. Bene fundáta est do-  
mus Dómini supra firmam pe-  
tram.

Añá. Lápides pretiósí omnes  
muri tui : et turres Jerúsalem  
gemmis aedificabúntur.

Capit. Vidi civitátem. ut su-  
pra, pag. 354.

## Hymnus.

**A**NGULARIS fundamén-  
tum

Lapis Christus missus est,  
Quí parietum compáge  
In utróque néctitur :  
Quem Sion sancta suscepit,  
In quo credens pérmanet.

Omnis illa Deo sacra  
Et dilécta cívitas,  
Plena módulis in laude,  
Et canóro júbilo,  
Trinum Deum, unicúmque  
Cum fervóre praedicat.

Hoc in templo, summe  
Deus,

Exorátus ádveni,  
Et cleménti bonitáte  
Precum vota súscipe :  
Largam benedictiónem  
Hic infúnde júgiter.

Hic promereántur omnes  
Petíta acquirere,  
Et adépta possidére  
Cum sanctis perénriter :  
Paradísium introíre,  
Transláti in réquiem.

Glória et honor Deo  
Usquequáque altíssimo,  
Una Patri, Filióque,  
Inclyto Paráclito,  
Cui laus est, et potéstas  
Per aetérna saecula. Amen.

V. Domus mea. R. Domus  
oratiónis vocábitur.

Ad Benedictus, Añá. Mane  
sürgens Jacob, erigébat lápi-  
dem in títulum, fundens óleum  
désuper : votum vovit Dómi-



no : Vere locus iste sanctus est, et ego nesciebam.

Ad Horas Añae Laudum.

AD TERTIAM.

Capit. Vidi civitatem. etc. ut supra, pag. 354.

R̃. Domum tuam Dómine decet sanctitúdo, \* Allelúia, allelúia. Domum. Ṽ. In longitúdinem diérum. Allelúia. Glória Patri. Domum.

Ṽ. Haec est domus Dómini firmiter aedificáta. R̃. Bene fundáta est supra firmam petram.

AD SEXTAM.

Capitulum. *Apoc. 21.*

**E**CCE tabernáculum Dei cum homínibus, et habitábit cum eis. Et ipsi pópulus ejus erunt, et ipse Deus cum eis erit eórum Deus.

R̃. Haec est domus Dómini firmiter aedificáta, \* Allelúia, allelúia. Haec est. Ṽ. Bene fundáta est supra firmam petram. Allelúia. Glória Patri. Haec est.

Ṽ. Beáti, qui hábitant in domo tua Dómine. R̃. In saecula saeculórum laudábunt te.

AD NONAM.

Capitulum. *1. Cor. 3.*

**F**UNDAMENTUM áliud nemo potest pónere prae-ter id, quod pósitum est, quod est Christus Jesus.

R̃. Beáti, qui hábitant in domo tua Dómine, \* Allelúia, allelúia. Beáti. Ṽ. In saecula

saeculórum laudábunt te. Allelúia. Glória Patri. Beáti.

Ṽ. Domus mea. R̃. Domus oratiónis vocábitur.

AD VESPERAS.

Añae. Domum tuam.

Psalm. 115. Crédidi. pag. 92.

Psalm. 121. Laetátus sum. pag. 102.

Psalm. 126. Nisi Dóminus. pag. 104.

Psalm. 146. Laudáte Dóminum quóniam. pag. 115.

Psalm. 147. Lauda Jerúsalem. pag. 115.

Capitulum, Hymnus et Ṽ. ut in j. Vesperis.

Ad Magnificat, Añae. Zachae festínans descénde : quia hódie in domo tua opórtet me manére. At ille festínans descéndit, et suscepit illum gaudens in domum suam. Hódie huic dómui salus a Deo facta est.

Per Oct. et in Oct. Invitat. et Añae ad Benedictus, et ad Magnificat, ut in die. Cetera fiant secundum modum Oct. Simpl. Lect. vero hic subjunctae dicant. singulis diebus per Oct. post Lect. de Scriptura, quae de Feria currente assumuntur.

PRIMA DIE INFRA OCT.

Sermo sancti Augustíni Epíscopi.

*Serm. 256. de Tempore.*

Lectio iij.

**C**ELEBRITAS hujus congregationis, dedicatio est domus oratiónis. Domus ergo

nostrarum orationum ista est, domus autem Dei nos ipsi. Si domus Dei nos ipsi, nos in hoc saeculo aedificamur, ut in fine saeculi dedicemur. Aedificatio habet laborem, dedicatio exultationem. Quod hic fiebat, quando ista surgebant, hoc fit modo, cum congregantur credentes in Christum. Credendo enim, quasi de silvis et montibus ligna et lapides praeciduntur : cum vero catechizantur, baptizantur, formantur, tamquam inter manus fabricorum et operificum dolantur, collineantur, complanantur. Verumtamen domum Dei non faciunt, nisi quando caritate compaginantur.

### SECUNDA DIE.

Ex Sermone sancti Augustini  
Episcopi.

*Serm. 252. de Tempore.*

Lectio iij.

**C**ONSECRATIONEM altaris hodie celebramus, in quo nobis divina sacrificia consecrantur. Sed quando festivitates istas colimus, fratres carissimi, diligenter debemus attendere, et totis viribus laborare : ut quod in templis vel altaribus visibiliter colitur, in nobis invisibiliter compleatur. Quia quamvis sancta sint templa, quae videmus de lignis et lapidibus fabricari; tamen plus apud Deum pretiosa sunt templa cordis et corporis nostri : quia illa fiunt ab ho-

mine carnali, ista ab artifice mundi.

### TERTIA DIE.

Sermo sancti Augustini  
Episcopi.

*Serm. 253. de Tempore.*

Lectio iij.

**B**ECTE festa Ecclesiae colunt, qui se Ecclesiae filios esse cognoscunt. Haec enim omnium credentium mater est, quae natos ad mortem regenerat ad salutem. Haec est post synagogam quidem vocata, sed ante synagogam promissa. Haec enim jam in primo homine praefigurata est. Nam sicut ex Adae latere fabricata est Heva, ita ex corpore Christi et vulnere redempta crevit Ecclesia.

### QUARTA DIE.

Sermo sancti Bernardi  
Abbatis.

*Serm. 76. in Ps. Qui habitat.*

Lectio iij.

**M**ESTANTUR sacrae litterae, olim positum in Paradiso primum Adam, ut operaretur et custodiret illum. Sic secundus Adam in Ecclesia sanctorum, in congregatione suorum, in horto deliciarum, (siquidem deliciae suae esse cum filiis hominum) ita, inquam, et ipse Dominus est in loco isto, ut operetur atque custodiat. Porro Angelos ascendentes et descendentes esse in loco isto, patriarchalis ipsa vi-

sio manifestat. Ascendentes, ut videant faciē Patris; descendentes, ut provideant nobis.

### QUINTA DIE.

Sermo sancti Bernárdi  
Abbátis.

*Serm. 4. in Dedic. Ecclesiae.*

Lectio iij.

**Q**UIS Ecclesiae parietes sanctos dicere vereatur, quos manus sacratae Pontificum tantis sanctificavere mysteriis? Ex tunc quoque, et deinceps sanctarum inibi lectionum resultare frequentia, sanctarum orationum devota murmurare susurra, sanctarum reliquiarum honorari beata praesentia, sanctorum spirituum indefessa noscitur custodia vigilare.


### SEXTA DIE.

Sermo sancti Bernárdi  
Abbátis.

*Serm. 1. de ead. festiv.*

Lectio iij.

**F**ESTIVITAS hodierna, fratres, tanto nobis debet esse devotior, quanto familiarior est. Nam ceteras quidem Sanctorum solemnitates cum aliis Ecclesiis habemus communes: haec vero nobis sic propria est, ut necesse sit vel a nobis eam, vel a nemine celebrari. Nostra est, quia de Ecclesia nostra: magis autem nostra, quia de nobis ipsis.



### IN OCTAVA Dedicationis Ecclesiae.

In secundo Nocturno.

Sermo sancti Bernárdi  
Abbátis.

*Serm. 2. de festiv. Dedic.*

Lectio iv.



**Q**UAM rex gloriosus, et propheta Domini David sanctus, religiosa quadam coepit cogitatione moveri: indignum iudicans, quod nullam adhuc Dominus Sabaoth domum haberet in terris: ipse vero domum inhabitaret regiae dignitatis. Hoc ipsum, fratres, nos quoque decet cogitare fideliter, et viriliter effectui mancipare. Nam quod, licet Deo placuerit cogitatio illa Prophetae, opus tamen reservatum est Salomoni, alia ratio est.

Lectio v.

**J**AM vero, o anima, tu quidem sublimi in domo habitas, quae a Deo tibi fabricata est: corpus hoc, dico: quod sic compégit, quod sic aptavit, quod sic ornavit et ordinavit, ut gloriose in eo, et delectabiliter inhabitares. Sed et corpori domum fecit excelsam, aptissimam, et decoram. Dico autem sensibilem hunc, et inhabitabilem mundum. Nonne ergo indignum reputas, ut tibi ipse fécerit domum, tu vero ei templum aedificare dissimules?

Lectio vj.


**S**ED ubi invenitur hujus  
aedificii locus? Tribulá-  
rer valde, et anxiarétur super  
me spíritus meus, nisi quod  
áudio eum de quodam dicén-  
tem : Quia ego, et Pater ad

eum veniémus, et mansiónem  
apud eum faciémus. Itaque  
jam scio ubi praeparánda sit  
domus ei; quóniam non capit  
eum, nisi imágo sua.

In iij. Nocturno, Homilia  
ut in die.









**DIE XXIX. APRILIS.**

S. Catharinae Senensis Virg.  
Ord. Praed. Totum Duplex.

Si hoc festum translatum  
fuerit post Trinitatem, cele-  
brabitur hoc modo.

**AD VESPERAS.**

Super Psalmos, Aña. Im-  
mortáli laude Catharina Virgo  
Senénsis est efferénda : quan-  
dóquidem suae sanctitátis prae-  
stántia unívsero géneri humáno  
innótuit. Psalm. Laudáte púe-  
ri. cum ceteris, ut in Comm.  
Apost. pag. j.

Capitulum.

*Sap. 8.*



**A**NC amávi, et exqui-  
sivi a juventúte mea,  
et quaesívi sponsam  
mihi eam assúmere,  
et amátor factus sum formae  
illius, dicit Dóminus omnípo-  
tens.

Rz. ix. Vitam Catharínae.  
pag. 375.

Hymnus.

**H**AEC tuae, Virgo, monu-  
ménta laudis,  
Quae tuis laeti, Catharína, sa-  
cris

Hoc quidem pacto modulámur  
omnes,

Perfer olympto.

Si satis digne néqueant re-  
férri,

Annuas nobis véniam, precá-  
mur :

Non sumus tanti ingénii, fa-  
témur,

Optima Virgo.

Quis fuit dignas modulátus  
unquam

Vírginis laudes? Quis in orbe  
toto

Féminae invíctae peritúra nun-  
quam

Cármina pandet?



Praedita exémplic, Catharí-  
na, claris,  
Móribus praestans, sápiens  
abúnde,  
Témperans, fortis, pia, justa,  
prudens,  
Æthera scandis.

Quem latet virtus, facinús-  
que clarum,  
Quo nequit dici sánctius per  
orbem?

Vúlnerum formam miseráta  
Christi

Exprimis ipsa.

Nam brevis, moestae, mise-  
raeque vitae,  
Et malis cunctis pénitus re-  
fértae,

Fórtiter spernens pretiósá  
quaeque,  
Sídera adísti.

Grátias summas habeámus  
omnes

Fílio magni Genitóris almo :  
Spíritum sánctum venerémur,  
et sit

Laus tamen una.

Amen.

℣. Ora pro nobis beáta Ca-  
tharína.

Ad Magnificat, Añá. Vírgi-  
nis Catharínae haec dies est  
dicáta sacris, ut nunquam  
tantae sánctitátis praestán-  
tia mortálium memória excí-  
dere queat, et cunctis celebér-  
rima perpétuo fiat.

Oratio.

**D**EUS, qui beátae Catharí-  
nae, virginitátis et pa-  
tiéntiae speciáli privilégio de-

corátae, malignántium spirí-  
tuum certámina víncere, et in  
amóre tui nóminis inconcússe  
permanére tribuísti : concéde  
quaesumus, ut ejus imitatióne  
calcáta mundi nequítia, et  
ómnium hóstium superátis in-  
sidiis, ad tuam secúre glóriam  
transeámus. Per Dóminum.

AD MATUTINUM.

Invitatorium. Christum Re-  
gem regum súpplices adoré-  
mus : \* Qui immortáli glória  
Vírginem Senénssem dotávit  
Catharínam.

Hymnus.

**L**AUDIBUS, Virgo, nimis  
efferénda

Jure censéris, quóniam triúm-  
phos

Ipsa caelórum, probitáte mira,  
Nacta refúlges.

Praemium sánctae tamen  
ipsa vitae,

Et simul munus probitátis  
almae

Accipis caelo, cumuláta cun-  
ctis

Dénique rebus.

Tu gravem, sacris méritis  
refértum,

Orbis exémpplar, pietáte ple-  
num,

Praedicatorum veneráta Pa-  
trem,

Ordine fulges.

Nulla jam rerum plácuit vo-  
lúptas,

Nullus ornátus, nitor ecce  
nullus

Córpore, semper fúgiens iníqua  
Crímina vitae.

Saepius corpus dómitans  
acérbe,  
Quam pie flagris cruor hinc et  
inde

Flúxerat ravis, hominúmque  
demum

Crímina flebas!

Qui per ingéntes variósque  
casus

Orbe terrárum cruciántur  
omnes,

Quotque vel curis agitántur  
ipsi

Undique diris.

Súppetent nobis tótidem ca-  
nén-da,

Si tuae laudes repetántur  
omnes :

Tu quidem longe pietáte cun-  
ctis

Inclyta praestas.

Grátias summas. ut supra,  
in Vesp.

In primo Nocturno.

Añã. Admirábilem Dei no-  
stri cleméntiam contemplári  
máxima Catharínae constán-  
tia nos semper effíciet. Psalmi  
de Comuni unius Virg.

Añã. Misericórdia summa  
erga egénos atque aegrótos  
summópere affécta, ipsórum  
aerúmna deflére haec Virgo  
solébat.

Añã. Christiános quidem  
tanta caritáte prosequébatur,  
ut eórum amóre incénsa diu  
noctúque flagráret.

V. Diffúsa est grátia.

De Cánticis canticórum.

Lectio j. Cap. 7.



UAM pulcrisunt gres-  
sus tui in calceamén-  
tis, fília princípis!  
Quam pulcra es, et  
quam decóra caríssima, in de-  
líciis! Statúra tua assimiláta  
est palmae, et úbera tua botris.  
Dixi : Ascéndam in palmam,  
et apprehéndam fructus ejus :  
et erunt úbera tua sicut botri  
víneae : et odor oris tui sicut  
malórum. Guttur tuum sicut  
vinum óptimum, dignum dilé-  
cto meo ad potándum, labiís-  
que et déntibus illíus ad rumi-  
nándum. Ego dilécto meo, et  
ad me convérsio ejus. Veni di-  
lécte mi, egrediámur in agrum,  
commorémur in villis. Mane  
surgámus ad víneas, videámus  
si flóruit vínea, si flores fructus  
partúriunt, si floruerunt mala  
púnica : ibi dabo tibi úbera  
mea. Mandrágorae dedérunt  
odórem. In portis nostris  
ómnia poma : nova et vétera,  
dilécte mi, servávi tibi.

R. Catharína virgo Jesu  
Christo virginitátem perpé-  
tuam dicávit : \* Cujus sponsa  
sanctíssima illico effécta est.  
V. Mariám autem Virgínem  
adhuc puélla exorávit, ut Fílii  
sui ancílla fíeret. Cujus.

De Epístola beáti Pauli Apó-  
stoli ad Romános.

Lectio ij. Cap. 8.

DILIGENTIBUS Deum  
ómnia cooperántur in  
bonum, iis, qui secúndum pro-



pósitum vocáti sunt sancti. Nam quos praescívit, et praedestinávit confórmes fieri imáginis Fílii sui, ut sit ipse primogénitus in multis frátribus. Quos autem praedestinávit, hos et vocávit : et quos vocávit, hos et justificávit : quos autem justificávit, illos et glorificávit. Quid ergo dicémus ad haec? Si Deus pro nobis, quis contra nos? Quis ergo nos separábit a caritatē Christi? Tribulatio? an angústia? an fames? an núditas? an pérículum? an persecútio? an gládus? Sed in his ómnibus superámus propter eum, qui diléxit nos. Certus sum enim quia neque mors, neque vita, neque ángeli, neque principátus, neque virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a caritatē Dei, quae est in Christo Jesu Dómino nostro.

R. Virtútis ac aetérnum probitátis munus Catharina sectáta, ea quae córpori mortáli videréntur ornátui, \* Omnesque mundi fastus abégit. V. Christo namque Deo nostro se pénitus dedit. Omnesque.

De Epístola beáti Pauli Apóstoli ad Gálatas.

Lectio iij.

Cap. 6.

**M**HI autem absit gloriári, nisi in cruce Dómini nostri Jesu Christi : per quem mihi mundus crucifíxus est, et

ego mundo. In Christo enim Jesu neque circumcísio áliiquid valet, neque praepútium, sed nova creatúra. Et quicúmque hanc régulam secúti fúerint, pax super illos, et misericórdia, et super Israël Dei. De cétero nemo mihi moléstus sit : ego enim stígmata Dómini Jesu in córpore meo porto. Grátia Dómini nostri Jesu Christi, cum spíritu vestro, fratres. Amen.

R. Summis est enim Virgo Catharina efferénda láudibus : \* Quóniam sanctíssimum vivéndi modum virgínibus osténdit. V. Immortálem quidem vitam caelo mérito adépta est. Quóniam. Glória Patri. Quóniam.

In secundo Nocturno.

Añ. Mirificam Vírginis Catharinae caritatē quis non admirétur, quae nihil praeter Christum amáre pótuit?

Añ. Vúlnerum enim sui aetérni Sponsi simulácula in córpore suo ferre mérui.

Añ. Perpétuae laudi haec praemia Vírmini sanctae proculdúbio erunt : fiet síquidem posteritáti nóti.

V. Spécie tua.

*Ex Romano Breviario.*

Lectio iv.



**C**ATHARINA virgo Senénsis, piis orta paréntibus, beáti Dóminici hábitum, quem soróres de Poeniténtia ge-

stant, impetrávit. Summa ejus fuit abstinéntia, et admirábilis vitae austéritas. Invénta est aliquándo a die Cínerum usque ad Ascensiónem Dómini jejúnium perduxísse, sola Eucharistíae communióne contenta. Luçtabátur quam frequentíssime cum daemónibus, multisque illórum moléstis vexabátur : aestuábat fébribus, nec aliórum morbórum cruciátu carébat. Magnum et sanctum erat Catharínae nomen, et úndique ad eam aegróti, et malignis vexáti spirítibus deducebántur. Languóribus et fébribus in Christi nómine imperábat, et daemones cogébat ab obséssis abíre corpóribus.

R7. Divínam haec Virgo vitam semper dégere visa est :

\* Et divínum dénique consecúta est praemium. V. A corpóris namque illécebris fórtiter abhórruit. Et divínum.

Leçtio v.

**C**UM Pisis immoraretur, die Domínico, refécta cibo caelésti, et in éxtasim rapta, vidit Dóminum crucifixum magno cum lúmine adveniéntem, et ex ejus vúlnerum cicatrícibus quinque rádios ad quinque loca sui corpóris descendentes ; ideóque mystérium advértens, Dóminum precáta, ne cicatrícés apparérent, continuo rádii colórem sanguíneum mutavérunt in spléndidum, et

in forma purae lucis pervénérunt ad manus, pedes, et cor ejus : ac tantus erat dolor, quem sensibíliter patiebátur, ut nisi Deus minuísset, brevi se créderet moritúram. Hanc itaque grátiam amantíssimus Dóminus nova grátia cumulávit, ut sentíret dolórem illápsa vi vúlnerum, et cruénta signa non apparérent. Quod ita contigísse cum Dei fámula confessário suo Raymúndo retulísset, ut óculis étiam repraesentaretur, rádios in imaginibus beatae Catharínae ad dicta quinque loca pertingéntes, pia fidélium cura píctis colóribus expréssit.

R7. Felix ea Virgo est, quae Jesu Christo Dómino pro víribus óbsequens, \* Múnera sibi praeparat aetérna. V. Spretis autem humánae vitae mortálibus rebus. Múnera.

Leçtio vj.

**D**OCTRINA ejus infúsa, non acquisíta fuit : sacrárum litterárum professóribus, difficíllimas de divinitáte quaestiónes proponéntibus, respóndit. Nemo ad eam accésit, qui non mélior abierit : multa exstínxit ódia, et mortáles sedávit inimicítias. Pro pace Florentinórum, qui cum Ecclésia dissidébant, et interdító ecclesiástico suppositi erant, Aveniónem ad Gregórium Undécimum Pontíficem Máximum profécta est : cui

étiam votum ejus de peténda Urbe, soli Deo notum, se divinitus cognovísse monstrávit : deliberavítque Póntifex, ea étiam suadénte, ad sedem suam Románam personáliter accédere : quod et fecit. Eídem Gregório, et Urbáno Sexto ejus successóri acceptíssima fuit, ádeo ut legatiónibus eórum fungerétur. Dénique post innúmera virtútum insígnia, dono prophetíae, et plúribus clara miráculis, anno aetátis suae tértio círciter et trigésimo, migrávit ad Sponsum. Quam Pius Secúndus Póntifex Máximus sacrárum Vírginum número adscrípsit.

R̃. Praecónia tuárum laudum, Catharína Virgo, tua pietáte minóra esse fatémur : \* Quóniam ómnium virtútum génere praedita, humánas laudes exsúperas. Ṽ. Divínis enim ubíque láudibus celebránda vidéris. Quóniam. Glória Patri. Quóniam.

In tertio Nocturno.

Añã. Nulla unquam delébit oblívio benefícia, quae sunt erga hómines, Catharinae.

Añã. Semper sancta haec Virgo vixit : felix óbiit : beáta in caelo regnábit in aetérnum.

Añã. Aetérnum haec Virgo assecúta est praemium : et caeléstium rerum vere párticeps effécta, Christo frúitur.

Ṽ. Adjuvábít eam Deus.

Léctio sancti Evangélii secúndum Matthaeum.

Léctio vij. Cap. 13.

**I**N illo témpore : Dixit Jesus turbis parábolam hanc : Símile est regnum caelórum grano sinápis, quod accípiens homo seminávit in agro suo. Et réliqua.

Homilía sancti Petri Chrysólogi.

In cap. 13. Matth.



**A**UDISTIS fratres quemádmódum grano sinápis tota regni caeléstis comparáta est magnitúdo. Quaerens Christus in caelo et in terra, nihil invénit, nisi granum sinápis, in quo poténtiam totam supérnae dominationis inclúdat : et illud regnum singularitáte potens, aeternitáte felix, divinitáte fulgens, diffúsum toto caelo, tota terra dilatátum, in grani sinápis coárctat et cogit angústias. Spes ista est credéntium tota? Exspectátio ista est fidélium summa? Ista est felícitas vírginum, longis continéntiae labóribus comparáta? Fratres, non fácte Domínice moveámur in dictis. Nam si infirmum Dei fórtius est homínibus, hoc mínimum Dei tota magnitúdine mundi magnificéntius invenítur : si modo hoc granum sinápis nos sic nostris seminémus in méntibus, ut intelligéntiae nobis magnam in árborem crescat.

R̃. Nihil huic Virgini satius, nihilque dignius in rerum natura visum est, quam Jesu Christi praecepta, \* Et vitam aeternam omnibus persuadere. V. Dedit enim semper operam revocare perditos. Et vitam.

## Lectio viij.

GRANI ergo sinapis instar est regnum Dei : quod de supernis affertur verbo, suscipitur auditu, fide seritur, credulitate radicatur, spe crescit, confessione diffunditur, virtute tenditur, et dilatatur in ramos, ad quos vocat aves caeli, id est, spirituales sensus, atque in ipsis eas quiescit suscipit mansionem. Veniat haereticus, veniat, quia redeuntibus Ecclesiae semper patescit ingressus. Veniat, audiat, et pietati Dominicae jam desinat oblatrare. Si caelestis regni majestas omnis ad grani sinapis similitudinem venit : quid queritur, quod Deus ad hominem, Dominus servi descendit ad formam? Sic enim venit, ut tibi totum per fidem cresceret, cui jam totum defecerat per naturam.

R̃. Sapientia atque doctrina haec Virgo referta, codices nonnullos condidit ediditque : \* Ut veram vivendi rationem omnibus ostenderet. V. His illa humanas fragilesque res spernere suadet. Ut veram.

## Lectio ix.

SED attendite quia Christus est regnum caelorum, qui velut granum sinapis in hortum virginis corporis missus, orbe toto crucis in arborem crevit : ac tantum dedit fructus sui saporem, cum teritur passione, ut quidquid est vitale, suo saporaret et condiret attactu. Nam sicut in integritate grani sinapis virtus habetur occulta; apparet vero virtus ejus vehementissime, si teratur : ita Christus corpore teri voluit, qui suam noluit latere virtutem. Et nos, fratres, teramus istud granum sinapis, ut ejus vim in hac similitudine sentiamus. Teramus granum illud, ut ora nostra ferventia vivido fructu sui saporis succendat : et ita ignis ejus toto nobis ardeat et flammetur in pectore, atque nostrae ignorantiae totum nobis auferat sua degustatione fastidium.

R̃. Vitam Catharinae innocentissimam miracula illa notissimam efficiunt, \* Quae vivens, atque vita functa liquido ostendit. V. Curavit aegrotos, vitam mortuis restituit, et id genus multa fecit. Quae. Gloria Patri. Quae.

Ante Laudes, V. Ora pro nobis beata Catharina.

## IN LAUDIBUS.

Añ. Omnipotenti Virgo Catharina Dei Filio solum

óbsequi atque servíre constítuit.

Psalm. Dóminus regnávít. cum ceteris, ut in Comuni Apost. pag. xj.

Añã. Exsultabúnda caeli múnera contemplabátur, quae cunctis rebus máxime praepósuit.

Añã. Divínis namque oblectáta rebus, diu noctúque orationibus atque vigíliis óperam dabat.

Añã. Rerum ómnium Conditóri Catharína benedicébat, qui beatitúdinis sémitam mortalibus osténdit.

Añã. Laudávit Catharína semper Dóminum, et ab eo in excélsis exaltáta est.

Capitulum. Hanc amávi. ut supra in Vesp. pag. 369.

Hymnus.

**T**AM ferox miles tibi saepe cessit,

Et duces iras posuére saevas :

Hi necem diram pópulo mináti

Saepe Senénsi.

Quid, quod et sacris stúdiis frequénter

Víribus summis óperam dedísti,

Líttæ doctæ lepidaeque claris

Urbibus exstant.

Níteris verbis revocáre lapsos,

Níteris rectum suadére cunctis :

Sic ais : Tantum próbitas beátos

Efficit omnes.

Jura tu saevae tremebúnda mortis

Fórtiter temnens, nihil extímescens,

Praemium nostrae vocitáre vitae

Saepe solébas.

Unde cum tempus properáret ipsum,

Quo sacros artus, cinerésque busto

Línqueres, caelos aditúra, flentes

Ipsa docébas.

Sic sacrum Christi veneráta corpus,

Hóstiam libans, lácrymis obórtis,

Díxeras cunctis documénta vitae

Voce supréma.

Grátias summas habeámus omnes

Fílio magni Genitóris almo : Spíritum sanctum venerémur,

et sit

Laus tamen una. Amen.

℣. Adducéntur regi.

Ad Benedictus, Añã. Máxima est Catharínae Vírginis Senénsis praestántia : quae incolumitátem languéntibus, et vitam mórtuis restituére pótuit.

AD TERTIAM.

Capitulum. Hanc amávi. R̃/R̃. Horarum de Comuni Virg.

## AD SEXTAM.

Capitulum.

*Sap. 8.*

**D**OMINUS ómnium diléxit illam: doctrix est enim disciplínae Dei, et eléctrix óperum illíus.

## AD NONAM.

Capitulum.

*Eccli. II.*

**B**REVIS in volatílibus est apis, et ínítium dulcórís habet fructus illíus.

## AD VESPERAS.

Sup. Psalm. Aña j. Laud.  
Psalmi de Comm. Virg.

Capit. Hymnus et *V.* ut in  
j. Vesperis.

Ad Magnificat, Aña. O Virgo, máxima glória praestans! cujus sacra stata orbis univér-sus hodiérna die célebrat: quam Angeli cum láudibus éfferunt, ac céteri supérni cives admirántur: age apud Deum, quo mentes nostrae semper divínis praecéptis obtémperant, nosque virtútibus, aliísque bonis áugeat.

## PER OCTAVAM.

Invitat. et reliqua sicut in  
die, pag. 370.

Lectio iij. una ex propriis  
diei festi per ordinem.

Ad Benedictus, Aña. Det Catharina frui nos vero lúmine Christi: et sóciét súperis Virgo beáta choris.

Ad Magnificat, Aña. Ad sedes regni fáciat transfre supérni, Virgo fovens méritis nos Catharina suis.

## OCTAVA

S. Catharinae Sen. Virg. O. N.  
Solemnis.

Omnia ut in festo, pag. 369.  
praeter sequentia.

In j. Noct. Lect. de Feria  
currente.

In secundo Nocturno.

*Ex Bulla Canonizationis.*

Lectio iv.



**S**EX annos nata beáta Catharina Senénsis, ut Dómino servíret, erémum concupívit; et urbe egréssa, in cavérna loco solitário delítuit: quamvis, jubénte Spíritu, páululum demoráta, domum redíerit. Angélicam salutatióem edócta, quóties patérnae domus scalam ascéndit, tóties per síngulos gradus, flexo genículo, beatíssimam Vírginem Matrem Dómini salutávit. Et anno currénte aetátis suae séptimo, virginitátem suam consecrávit Christo: quem sua in majestáte sedéntem mirábili visióne contempláta est, et arcána caeléstis aulae vidit, quae non potest effári lingua mortális. Mundánas delícias a se omnes abdicávit. Oratióni totam se dedit. Corpúsculum suum vigíliis, jejúniis ac verbéribus afflíxit: coaequáles puéllas ut idem fácerent, edócuit, suásit. Pubes effécta, scissis críni-bus, mortále connúbium recu-sávit.

## Lectio v.

**A**NCILLARE officium in paterna domo exercuit : nihil magis cupiens, quam vilis apud homines et abjecta videri. Pauperibus Christi larga manu, permittente patre suo, subvenit. Aegrotantibus summa diligentia ministravit : incarceratos et oppressos, quibus valuit modis, consolata est : nullum ab ea verbum non religiosum, non sanctum excidit. Summa hujus Virginis abstinentia fuit, et admirabilis vitae austeritas. Nam cum vini et carnum usum prorsus abjecisset, nec pulmentariis ullis uteretur, ad extremum eo deducta est, ut nec legumina ederet, nec pane vesceretur, nisi caelesti, quem verus Christianus in Sacramento sumit altaris. Per annos circiter octo, minimo herbarum succo, earumque parum retento, et communione sacra, sustentata est.

## Lectio vj.

**A**D communionem altaris, quae illi fere quotidiana fuit, quasi ad caelestes nuptias invitata esset, summa cum alacritate proficiscebatur. Cilicio sub veste utebatur. Lectum sibi ex tabulis confecerat, atque in eo jacens brevissimum capiebat somnum : raro enim ultra duas horas interdiu noctumque dormiebat. Reliquum omne tempus vigilando, oran-

do, praedicando, opera misericordiae agendo consumpsit. Spissis cordulis carnem suam maceravit : dolore capitis pene assidue torquebatur. Fuit in ea spiritus prophetiae, et multa praedixit, antequam fierent, et occultissima revelavit. Rapiebatur saepe a spiritu, et in aere suspensa divinis contemplationibus pascebatur : adeo extra se acta, ut expuncta, percussaque, nihil omnino sentiret : idque frequenter ei contingebat, dum divinissima reficeretur Eucharistia.

## PATROCINII S. JOSEPH

Conf. Sponsi B. M. V.

Totum Duplex.

Quod fuit Dom. ij. post Oct. Paschae.

## AD VESPERAS.

Super Psalm. Aña. Jacob autem genuit Joseph virum Mariae, de qua natus est Jesus, qui vocatur Christus. Ps. Laudate pueri. cum ceteris, pag. j.

Capitulum.

Gen. 49.



**B**ENEDICTIONES patris tui confortatae sunt benedictionibus patrum ejus : donec veniret desiderium collum aeternorum : fiant in capite Joseph, et in vertice Nazaraei inter fratres suos.

R7. ix. Angelus Domini.

## Hymnus.

**M**E Joseph célebrent ág-  
mina Caelitum,  
Te cuncti résonent Christia-  
dum chori,  
Qui clarus méritis junctus es  
ínclytae  
Casto foedere Vírgini.  
Almo cum túmidam gérmine  
cónjugem  
Admírans, dúbio tángeris án-  
xius,  
Afflátu súperi Fláminis An-  
gelus  
Concéptum púerum docet.  
Tu natum Dóminum strin-  
gis, ad éxteras  
Ægypti prófugum tu séqueris  
plagas :  
Amíssum Sólymis quaeris, et  
ínvenis,  
Miscens gáudia flétibus.  
• Post mortem réliquos mors  
pia cónsecrat,  
Palmámque eméritos glória  
súscipit :  
Tu vivens, Súperis par, frúeris  
Deo,  
Mira sorte beátior.  
Nobis summa Trias parce  
precántibus,  
Da Joseph méritis sídera scán-  
dere :  
Ut tandem líceat nos tibi pér-  
petim  
Gratum prómere cánti-  
cum. Amen.  
V. Amávit eum Dóminus.  
Ad Magnificat, Aña. Cum  
esset desponsáta mater Jesu  
María Joseph, ántequam con-

venírent, invénta est in útero  
habens de Spíritu sancto.

## Oratio.

**D**EUS, qui ineffábili provi-  
déntia beátum Joseph  
sanctíssimae genitrícis tuae  
sponsum elígere dignátus es :  
praesta quaesumus, ut quem  
protectórem venerámur in ter-  
ris, intercessórem habére me-  
reámur in caelis : Qui vivis.

## AD MATUTINUM.

Invitator. Laudémus Deum  
nostrum, \* In veneratióne beáti  
Joseph protectóris nostri.

Hymnus. Te Joseph céle-  
brent. ut supra.

## In primo Nocturno.

Aña. Ascéndit Joseph a Ga-  
lilaea de civitáte Náza-reth in  
Judaeam in civitátem David,  
quae vocátur Bétlehem, ut  
profiterétur cum María. Psalmi  
de Comm. Conf. pag. 1j.

Aña. Venérunt pastóres fe-  
stinántes : et invenérunt Ma-  
ríam, et Joseph, et infántem  
pósitum in praesépio.

Aña. Ecce Angelus Dómini  
appáruit in somnis Joseph,  
dicens : Surge, et áccipe púe-  
rum, et matrem ejus, et fuge  
in Ægyptum.

V. Amávit eum Dóminus.

De libro Génesis.

Lectio j.

Cap. 39.



**I**OSEPH ígitur ductus  
est in Ægyptum, emít-  
que eum Pútiphar  
eunúchus Pharaónis,  
princeps exércitus, vir Ægy-



ptius, de manu Ismaelitárum, a quibus perductus erat. Fuitque Dóminus cum eo, et erat vir in cunctis prospere agens : habitavitque in domo dómni sui, qui óptime nóverat Dóminum esse cum eo, et ómnia, quae géreret, ab eo dírigi in manu illíus. Invenítque Joseph grátiam coram dómno suo, et ministrábat ei : a quo praepósitus ómnibus gubernábat crédito sibi domum, et univérſa quae ei tradita fúerant : benedixítque Dóminus dómui Ægyptii propter Joseph, et multiplicávit tam in aedibus quam in agris cunctam ejus substántiam : nec quidquam áliud nóverat, nisi panem quo vescebátur. Erat autem Joseph pulcra fácie, et decórus aspéctu.

R7. Clamávit pópulus ad regem, aliménta petens.\* Quibus ille respóndit : Ite ad Joseph. V. Salus nostra in manu tua est : réspice nos tantum, et laeti serviémus regi. Quibus.

Lectio ij.

Cap. 41.

**P**LACUIT Pharaóni consílium Joseph, et cunctis minístris ejus : locutúsque est ad eos : Num inveníre potérimus talem virum, qui spírítu Dei plenus sit? Dixit ergo ad Joseph : Quia osténdit tibi Deus ómnia quae locútus es, numquid sapientiórem et consímilem tui inveníre pótero? Tu eris super domum meam, et ad tui oris impérium cunctus pópulus obédiet : uno tan-

tum regni sólio te praecedam. Dixítque rursus Phárao ad Joseph : Ecce, constítui te super univérſam terram Ægypti. Tulítque ánulum de manu sua, et dedit eum in manu ejus : vestívitque eum stola byssina, et collo torquem áuream circumpósuit. Fecítque eum ascendere super currum suum secúndum, clamánte praecóne, ut omnes coram eo genu flécterent, et praepósitum esse scirent univérſae terrae Ægypti.

R7. Fecit me Deus quasi patrem regis, et dóminum univérſae domus ejus : \* Exaltávit me, ut salvos fáceret multos pópulos. V. Veníte ad me : et ego dabo vobis ómnia bona Ægypti, ut comedátis medúllam terrae. Exaltávit.

Lectio iij.

**D**IXIT quoque rex ad Joseph : Ego sum Phárao : absque tuo império non movébit quisquam manum aut pedem in omni terra Ægypti. Vertítque nomen ejus, et vocávit eum lingua Ægyptíaca, Salvatórem mundi. Deditque illi uxórem Aseneth fíliam Putíphare sacerdotís Heliopóleos. Egréssus est itaque Joseph ad terram Ægypti (trigínta autem annórum erat quando stetit in conspéctu regis Pharaónis) et circuít omnes regiónes Ægypti. Venítque fertílitás septem annórum : et in manípulos redáctae ségetes congregatae sunt in hórrea Ægypti. Omnis étiam

frugum abundántia in singulis úrbibus cóndita est. Tántaque fuit abundántia trítici, ut arénae maris coaequarétur, et cópia mensúram excéderet.

R̃. Jam laetus móriar, quia vidi fáciem tuam, et supérstitem te relínquo. Non sum fraudátus aspéctu tuo : \* Insuper osténdit mihi Dóminus semen tuum. Ṽ. Qui pascit me ab adolescéntia mea, benedícat púeris istis : et invocétur super eos nomen meum. Insuper. Glória Patri. Insuper.

In secundo Nocturno.

Añã. Consúrgens Joseph accépit púerum, et matrem ejus nocte, et secéssit in Ægyptum : et erat ibi usque ad óbitum Heródis.

Añã. Defúncto Heróde, Angelus Dómini appáruit in somnis Joseph in Ægypto, dicens : Surge, et áccipe púerum, et matrem ejus, et vade in terram Israél : defúncti sunt enim, qui quaerébant ánimam púeri.

Añã. Accépit Joseph púerum, et matrem ejus, et venit in terram Israél.

Ṽ. Justum dedúxit Dóminus.

Sermo sancti Bernardíni Senénsis.

*Serm. 1. de S. Joseph:*

Lectio iv.



MNIUM singulárium gratiárum, alí- cui rationábili creatúrae comunicatárum, generális régula est :

quod quandocúmque divína grátia éligit áliquem ad áliquam grátiam singulárem, seu ad áliquem sublímem statum, ómnia charísmata donet, quae illi persónae sic eléctae, et ejus officio necessariá sunt, atque illam copiósé décorant. Quod máxime verificátum est in sancto Joseph, putatívo patre Dómini nostri Jesu Christi, et vero sponso Regínae mundi, et Dóminae Angelórum, qui ab aetérno Patre eléctus est fidélis nutritius, atque custos principálium thesaurórum suórum, scílicet Fílii ejus, et Sponsae suae : quod officium fidelíssime prosecútus est. Cui proptérea Dóminus ait : Serve bone, et fidélis, intra in gáudium Dómini tui.

R̃. Dedísti mihi protecti- nem salutis tuae, et dextera tua suscepit me : \* Protéctor meus, et cornu salutis meae, et susceptor meus. Ṽ. Ego protéctor tuus sum, et merces tua magna nimis. Protéctor.

Lectio v.

SI cómpares eum ad totam Ecclésiám Christi, nonne iste est homo eléctus et speciális, per quem, et sub quo Christus est ordináte et honéste introdúctus in mundum? Si ergo Vírgini matri tota Ecclésia sancta débitrix est, quia per eam Christum suscipere digna facta est : sic profécto post eam huic debet grátiam,

et reveréntiam singulárem. Ipse enim est clavis vétëris Testaménti, in qua patriarchá-  
lis et prophetális dígnitas promís-  
sum conséquitur fructum. Porro hic est solus, qui corpo-  
ráliter possédit, quod eis diví-  
na dígnatio repromísit. Mérito  
ígítur figurátur per illum Pa-  
triárcham Joseph, qui pópulis  
fruménta servávit. Sed et hic  
illum praecéllit : quia non so-  
lum Ægyptiis panem corporá-  
lis vitae, sed ómnibus eléctis  
panem de caelo, qui caeléstem  
vitam tríbuit, cum multa so-  
lértia enutrívít.

R̃. Státuet filios suos sub  
tégmíne illíus, et sub ramis  
ejus morábitur : protegétur sub  
tégmíne illíus a fervóre, \* Et  
in glória ejus requiéscet. Ṽ. Spe-  
ráte in eo omnis congregátio  
pópuli : effúndite coram illo  
corda vestra. Et in.

Lectio vj.

**P**ROFECTO dubitándum  
non est, quod Christus  
familiaritátem, reveréntiam, at-  
que sublimíssimam dígnitá-  
tem, quam illi exhíbuit, dum  
ágeret in humánis, tamquam  
fílius patri suo, in caelis útique  
non negávit, quin pótius com-  
plévit, et consummávit. Unde  
non immérito in verbo pro-  
pósito a Dómino subinfértur :  
Intra in gáudium Dómini tui.  
Unde, licet gáudium aetérnae  
beatitúdinis in cor hómínis  
intret, máluit tamen Dóminus

ei dícere : Intra in gáudium :  
ut mystice innuátur, quod  
gáudium illud non solum in  
eo est intra, sed úndique illum  
circúmdans et absórbens, et  
ipsum velut abyssus infínita  
submérgens. Meménto ígitur  
nostri, beáte Joseph, et tuae  
oratiónis suffrágio apud tuum  
putatívum Fílium intercède :  
sed et beatíssimam Vírginem  
sponsam tuam nobis propítiam  
redde, quae mater est ejus, qui  
cum Patre et Spírítu sancto  
vivit et regnat per infínita sae-  
cula saeculórum. Amen.

R̃. Si consistant advérsus  
me castra, non timébit cor  
meum : \* Si exsúrgat advér-  
sum me proelium, in hoc ego  
sperábo. Ṽ. In te cantátio mea  
semper, quóniam tu adjútor  
fortis. Si exsúrgat. Glória Pa-  
tri. Si exsúrgat.

In tertio Nocturno.

Añã. Audiens Joseph quod  
Archeláus regnáret in Judaea  
pro Heróde patre suo, tímuit  
illo ire.

Añã. Admónitus in somnis,  
Joseph secéssit in partes Ga-  
lilaeae : et véniens habitávit in  
civitáte, quae vocátur Náza-  
reth : ut adimplerétur quod di-  
ctum est per prophétas : Quo-  
niam Nazaraeus vocábitur.

Añã. Erat pater Jesu et ma-  
ter mirántes super his, quae  
dicebántur de illo : et bene-  
dixit illis Símeon.

Ṽ. Justus ut palma florébit.

Lectio sancti Evangelii secundum Lucam.

Lectio vij.

Cap. 3.

**I**N illo tempore : Factum est autem cum baptizaretur omnis populus, et Jesu baptizato, et orante, apertum est caelum. Et reliqua.

Homilia sancti Augustini  
Episcopi.

Lib. 2. de consensu Evang.  
cap. 1. et 3.



**M**ANIFESTUM est illud, quod ait : Ut putabatur, filius Joseph; propter illos dixisse, qui eum ex Joseph, sicut alii homines nascuntur, natum arbitruntur. Quos autem movet, quod alios progenitores Matthaeus enumerat, descendens a David usque ad Joseph; alios autem Lucas, ascendens a Joseph usque ad David : facile est ut advertant, quos patres habere potuisse Joseph, unum, a quo genitus, alterum, a quo fuerit adoptatus.

R. Joseph fili David, noli timere accipere Mariam conjugem tuam : quod enim in ea natum est, de Spiritu sancto est : pariet autem filium : \* Et vocabis nomen ejus Jesum. V. Ipse enim salvum faciet populum suum a peccatis eorum. Et.

Lectio viij.

**A**NTIQUA est enim consuetudo adoptandi etiam in illo populo Dei, ut sibi filios

facerent, quos non ipsi genuissent. Unde intelligitur Lucas patrem Joseph, non a quo genitus, sed a quo fuerat adoptatus, suscepisse in Evangelio suo, cujus progenitores sursum versus commemorat, donec exiret ad David. Cum enim necesse sit, utroque Evangelista vera narrante, et Matthaeo scilicet, et Luca, ut unus eorum ejus patris originem teneret, qui genuerat; alter ejus, qui adoptaverat Joseph : quem probabilius intelligimus adoptantis originem tenuisse, quam eum, qui noluit Joseph genitum dicere ab illo, cujus eum filium esse narrabat? Matthaeus autem dicens : Abraham genuit Isaac, Isaac genuit Jacob; atque ita in hoc verbo, quod est genuit, perseverans, donec in ultimo diceret : Jacob autem genuit Joseph; satis expressit ad eum patrem se perduxisse originem generantium, a quo Joseph non adoptatus, sed genitus erat.

R. Surge, et accipe puerum, et matrem ejus, et fuge in Aegyptum, \* Et esto ibi usque dum dicam tibi. V. Ut adimpleretur quod dictum est a Domino per Prophetam dicentem : Ex Aegypto vocavi filium meum. Et esto.

Lectio ix.

**Q**UAMQUAM si etiam Lucas genitum diceret Joseph ab Heli, nec sic nos

hoc verbum perturbare deberet, ut aliud crederemus, quam ab uno Evangelista gignentem, ab altero adoptantem patrem fuisse commemoratum. Neque enim absurde quisque dicitur non carne, sed caritate genuisse, quem filium sibi adoptaverit. At vero etiam nos, quibus dedit Deus potestatem filios ejus fieri, de natura atque substantia sua non nos genuit, sicut unicum Filium; sed utique dilectione adoptavit.

R. Angelus Domini apparuit Joseph, dicens : Joseph fili David, noli timere accipere Mariam conjugem tuam : quod enim in ea natum est, de Spiritu sancto est : \* Pariet autem filium : Et vocabis nomen ejus Jesum. V. Cum esset desponsata mater Jesu Maria Joseph, antequam convenirent, inventa est in utero habens de Spiritu sancto. Pariet. Gloria Patri. Et vocabis.

Ante Laudes, V. Constituit eum dominum domus suae. R. Et principem omnis possessionis suae.

#### IN LAUDIBUS.

Añ. Jacob autem genuit Joseph virum Mariae, de qua natus est Jesus, qui vocatur Christus. Ps. Dominus regnavit. cum ceteris, pag. xj.

Añ. Missus est Angelus Gabriel a Deo in civitatem Galilaeae, cui nomen Naza-

reth, ad virginem desponsatam viro, cui nomen erat Joseph.

Añ. Ascendit autem Joseph a Galilaea de civitate Nazareth in Judaeam in civitatem David, quae vocatur Bethlehém.

Añ. Et venerunt festinantes : et invenerunt Mariam, et Joseph, et infantem positum in praesepio.

Añ. Et ipse Jesus erat incipiens quasi annorum triginta, ut putabatur, filius Joseph.

Capitulum. Benedictiones. ut supra, pag. 377.

#### Hymnus.

**C**AELITUM Joseph decus, atque nostrae

Certa spes vitae, columenque mundi :

Quas tibi laeti canimus, benignus

Suscipe laudes.

Te Sator rerum statuit pudicae

Virginis sponsum, voluitque Verbi

Te patrem dici; dedit et ministrum

Esse salutis.

Tu Redemptorem stabulo jacentem,

Quem chorus Vatum cecinit futurum,

Aspicias gaudens, humilisque natum

Numen adoras.

Rex Deus regum, Dominator orbis,

Cujus ad nutum tremit inferorum

Turba, cui pronus famulatur  
aether,

Se tibi subdit.

Laus sit excelsae Tríadi  
perénis,

Quae tibi praebens súperos  
honóres,

Det tuis nobis méritis beatae  
Gáudia vitae. Amen.

℣. Dedísti mihi protecti-  
onem salútis tuae. ℞. Et dex-  
tera tua suscepit me.

Ad Benedictus, Añá. Joseph  
fili David, noli timére accipere  
Mariám cónjugem tuam : quod  
enim in ea natum est, de Spí-  
ritu sancto est.

#### AD TERTIAM.

Capit. Benedictiones. ut su-  
pra. ℞℞. Horar. de Comm.  
unius Conf.

#### AD SEXTAM.

Capitulum. *Gen. 49.*

**D**EUS patris tui erit adjú-  
tor tuus, et omnipotens  
benedícet tibi benedictionibus  
caeli désuper.

#### AD NONAM.

Capitulum. *Gen. 49.*

**F**ILIUS accrésceus Joseph,  
filius accrésceus et decó-  
rus aspéctu : filiae discurré-  
runt super murum.

℣. Dedísti mihi protecti-  
onem. ut supra.

#### AD VESPERAS.

Super Psalm. Añá j. Laud.  
Psalmi de Comm. un. Conf.

Capitulum, Hymnus et ℣.  
ut in j. Vesperis.

Ad Magnificat, Añá. Fili,  
quid fecísti nobis sic? ecce pa-  
ter tuus, et ego doléntes quae-  
rebámus te.

#### DIE I. MAII.

SS. Philippi et Jacobi  
Apostolorum.

Totum Duplex.

Omnia de Comm. Apost.  
pag. j. praeter hic posita.

#### AD VESPERAS.

℞. ix. Tanto témpore. p. 386.

Oratio.

**D**EUS, qui nos ánnua Apo-  
stolorum tuorum Philíp-  
pi et Jacóbi solemnitate laetíf-  
icas : praesta quaesumus, ut  
quorum gaudémus méritis, in-  
struámur exémpis. Per Dó-  
minum.

In primo Nocturno.

Incipit Epístola cathólica  
beáti Jacóbi Apóstoli.

Lectio j. *Cap. i.*



**J**ACOBUS Dei, et Dó-  
mini nostri Jesu Chri-  
sti servus, duódecim  
tribubus, quae sunt  
in dispersiõe, salutem. Omne  
gáudium existimáte fratres mei,  
cum in tentatiões várias inci-  
déritis : sciéntes quod probatio  
fidei vestrae patiéntiam ope-  
rátur. Patiéntia autem opus  
perféctum habet : ut sitis per-

fécti et íntegri in nullo deficiétes.

Lectio ij.

**S**I quis autem vestrum indiget sapiéntia, póstulet a Deo, qui dat ómnibus affluénter, et non impróperat : et dábitur ei. Póstulet autem in fide nihil haesitans : qui enim haesitat, símilis est flúctui maris, qui a vento movétur et circumfértur. Non ergo aestimet homo ille quod accípiat áliquid a Dómino. Vir duplex ánimo incónstans est in ómnibus viis suis.

Lectio iij.

**G**LORIETUR autem frater húmilis in exaltatióne sua : dives autem in humilitáte sua, quóniam sicut flos foeni transíbit. Exórtus est enim sol cum ardóre, et arefécit foenum, et flos ejus décidit, et decor vultus ejus depériit : ita et dives in itinéribus suis marcéscet. Beátus vir, qui suffert tentatióne : quóniam cum probátus fúerit, accípiet corónam vitae, quam repromísit Deus diligéntibus se.

In secundo Nocturno.

*Ex Romano Breviario.*

Lectio iv.



**P**HILIPPUS Bethsáidae natus, unus ex duódecim Apóstolis, cujus non semelsacra Evangélia meminérunt, accépto Spíritu sancto, cum ei Scythia ad praedicándum Evan-

gélium obtigísset, omnem fere illam gentem ad christiánam fidem convértit. Postrémo cum Hierápolim Phrygiae venísset, pro Christi nómine cruci affíxus, lapidibúsque óbrutus est Kaléndis Maii. Ejus corpus ibídem a Christiánis sepúltum, póstea Romam delátum, in basilíca duódecim Apostolorum una cum corpore beáti Jacóbi cónditum est.

Lectio v.

**J**ACOBUS, frater Dómini, cognométo Justus, ab ineúnte aetáte vinum et síceram non bibit, carne abstínuit, nunquam tonsus est, nec unguénto, nec bálneo usus, cui étiam assidúitas orándi ita callum génibus obdúxerat, ut durítie caméli pellem imitarétur. Ab Apóstolis post Ascensiónem Dómini Jerosolymórum Epíscopus ordinátus est.

Lectio vj.

**C**UM plures annos illi Ecclésiae sanctíssime prae-fuísset, Christum Dei Fílium constantíssime praedicans, lapídibus primum appetítus, mox in altíssimum templi locum addúctus, inde praecipitátur. Qui cum confráctis crúribus adhuc semivívus, tendens in caelum manus, díceret : Dómine ignósce illis, quia nésciunt quid faciunt; fullónis fuste gráviter in cápite percússus, ánimam Deo réddidit, séptimo Nerónis anno.

In tertio Nocturno.

Lectio sancti Evangelii secundum Joannem.

Lectio vij. Cap. 14.

**I**N illo tempore : Dixit Jesus discipulis suis : Non turbetur cor vestrum. Creditis in Deum, et in me credite. In domo Patris mei mansiones multae sunt. Et reliqua.

Homilia sancti Augustini  
Episcopi.

Tract. 67. in Joann.

**R**IGENDA est nobis, fratres, ad Deum major intentio, ut verba sancti Evangelii, quae modo in nostris auribus sonuerunt, etiam mente capere utcumque possimus. Ait enim Dominus Jesus : Non turbetur cor vestrum. Creditis in Deum, et in me credite. Ne mortem tamquam homines timerent, et ideo turbarentur, consolatur eos, etiam se Deum esse contestans. Creditis, inquit, in Deum, et in me credite. Consequens est enim, ut si in Deum creditis, et in me credere debeatis : quod non esset consequens, si Christus non esset Deus.

Lectio viij.

**C**REDITIS in Deum, et in eum credite, cui natura est, non rapina, esse aequalem Deo : semetipsum enim exinanivit, non tamen formam Dei amittens, sed formam servi accipiens. Mortem metuitis

huic formae servi? Non turbetur cor vestrum : suscitabit illam forma Dei. Sed quid est, quod sequitur, In domo Patris mei mansiones multae sunt : nisi quia et sibi metuébant? Unde audire debuérunt : Non turbetur cor vestrum. Quis enim eorum non metueret, cum Petro dictum esset fidentióri atque promptióri : Non cantabit gallus, donec ter me neges?

Lectio ix

**T**AMQUAM ergo essent ab illo perituri, merito turbabantur. Sed cum audiunt: In domo Patris mei mansiones multae sunt. Si quo minus dixissem vobis : quia vado parare vobis locum : a perturbatione recreantur, certi ac fidentes, etiam post pericula temptationum, se apud Deum cum Christo esse mansuros. Quia etsi alius est alio fortior, alius alio sapientior, alius alio iustior, et alius alio sanctior : in domo Patris mei mansiones multae sunt. Nullus eorum alienabitur ab illa domo, ubi mansionem pro suo quisque accepturus est merito.

R. ix. Tanto tempore vobiscum sum : et non cognovistis me? \* Philíppe, qui videt me, videt et Patrem meum : non credis quia ego in Patre, et Pater in me est? V. Domine, ostende nobis Patrem, et sufficit nobis. Philíppe. Glória Patri. Philíppe.



## IN LAUDIBUS.

Añã. Dómine, osténde nobis Patrem, et súfficit nobis. Psalm. Dóminus regnávít. cum ceteris, pag. xj.

Añã. Philíppe, qui videt me, videt et Patrem meum.

Añã. Tanto témpore vobiscum sum : et non cognovístis me? Philíppe, qui videt me, videt et Patrem meum.

Añã. Si cognovissétis me, et Patrem meum útique cognovissétis : et ámodo cognoscétis eum, et vidístis eum.

Añã. Si diligerétis me, gauderétis útique, quia vado ad Patrem : quia Pater major me est.

Ad Benedictus, Añã. Si mansérítis in me, et verba mea in vobis mánserint : quodcúmque petiérítis, fiet vobis.

## AD VESPERAS.

Super Psalm. Añã. Dómine, osténde. j. Laudum.

Ad Magnificat, Añã. Non turbétur cor vestrum, neque formídet : créditis in Deum, et in me créдите : in domo Patris mei mansiónes multae sunt.

## DIE II. MAIL.

S. Athanasii Episc. et Conf.  
Duplex. Oratio.

**D**EUS, qui pópulo tuo aetérnae salútis beátum Athanásium mínistрум tribuísti : praesta quaesumus, ut quem doctórem vitae habuimus in terris, intercessórem

habére mereáimur in caelis. Per Dóminum.

Lectiones j. Nocturni de Feria currente.

In secundo Nocturno.

*Ex Romano Breviario.*

Lectio iv.



**A**THANASIUS Alexandrínus, cathólicae religiónis propugnátor acérrimus, ab Alexandro Episcopo Alexandrino, cui póstea succéssit, Diáconus factus, eum secúsus est ad Nicaenum concílium : ubi cum Arii impietátem repressísset, tantum ódium Ariánorum in se concitávit, ut ex eo témpore ei insídias molíri nunquam destíterint. In exsílíum subínde áctus, apud Tréveros mansit. Grávibus deinceps ac diutúrnis, sub Constántio imperatóre Ariánorum fauótore, tempestátibus jactátus, et incredíbiles calamitátes perpéssus, magnam orbis terrae partem peragrávit : ac saepe a sua Ecclésia ejéctus, saepe étiam in eámdem restitútus est.

Lectio v.

**S**ED Ariánis illi semper inféstis, summum vitae discrímen fúgiens, in sicca cistérna quinque ferme annis ad óbitum usque Constántii delítuit. Sub Juliáno primum ad Ecclésiam revérsus, ac non multo post ab eódem quaesítus ad mortem, divína ope evásit.

Exstincto Juliáno, cum Alexandriae alia esset exorta tempestas, quatuor menses in paterno sepulcro se condidit.

Lectio vj.

**I**N ANDEM postquam Alexandrinam Ecclesiam inter máximos rerum túrbines, quadraginta et sex annis sanctissime gubernasset, Alexandriae in lectulo sub Valente imperatore moriens, de prostrata impietate clarissimis erectis trophaeis, laborum coronas percepturus conscendit in caelum, in vita et in morte magnis nobilitatus miraculis, ingenique ac admirandae doctrinae multis post se relictis immortalibus monumentis. Innumerae plane sunt laudes, quibus eum sancti Patres celebrarunt.

In tertio Nocturno.

Lectio sancti Evangelii secundum Matthaeum.

Lectio vij. Cap. 10.

**I**N illo tempore : Dixit Jesus discipulis suis : Cum persequéntur vos in civitate ista, fugite in aliam. Et reliqua.

Homilia sancti Athanasii  
Episcopi.

*In Apolog. de fuga sua,  
ante med.*



**I**N lege praecéptum erat, ut constitueréntur civitates refugiorum; ut qui quomodoque ad necem quaere-

réntur, servári possent. In consummatione porro saeculorum, cum advenísset illud ipsum Verbum Patris, quod Móysi ántea locútum fúerat, rursus hoc praecéptum dedit : Cum vos, inquires, persecúti fúerint in civitate ista, fugite in aliam. Pauloque post subjicit : Cum vidéritis abominationem desolationis, quae dicta est per Daniélem prophétam, stantem in loco sancto, qui legit, intélligat : tunc qui in Iudaea sunt, fugiant ad montes : et qui in tecto est, ne descendat tollere aliquid de domo sua : et qui in agro est, non revertátur tollere tunicam suam.

Lectio viij.

**H**AEC cum scirent Sancti, ejusmodi tenuerunt suae conversationis institutum. Quae enim nunc praecépit Dóminus, eadem quoque ante suum in carne adventum locútus est in Sanctis : et hoc institutum homines ad perfectionem ducit. Nam quod Deus jússet, id omnino faciéndum est. Ideoque et ipsum Verbum, propter nos homo factum, non indignum putávit, cum quaereretur, quemádmódum et nos, abscondere se; et cum persecutionem pateretur, fugere, et insídias declinare : cum autem a se definitum tempus ipse adduxisset, in quo corporaliter pro omnibus pati volébat, ultro seipsum tradidit insidiántibus.

## Lectio ix.

**A**T vero sancti homines, cum hanc quoque formam a Salvatore didicissent, (ab ipso enim et antea et semper omnes docebantur) adversus persecutores ut legitime certarent, fugiebant, et ab illis quaesiti, se abscondebant. Cum enim praestituti sibi a divina providentia temporis finem ignorarent, nolabant insidiantibus se temere tradere: sed contra, cum scirent quod scriptum est, in manibus Dei esse hominum sortes, et Dominum mortificare et vivificare; potius in finem usque perseverabant, circumeuntes, ut ait Apostolus, in melotis, et pellis caprinis, egentes, angustati, in solitudinibus errantes, et in speluncis, et cavernis terrae latentes, quoad vel definitum mortis tempus veniret, vel qui tempus ipsum definierat Deus, cum eis loqueretur, et insidiantes cohiberet, aut certe persecutoribus eos traderet, utcumque illi placuisset.

## DIE III. MAII.

In Inventione S. Crucis.  
Totum Duplex.

Omnia fiant sicut in Exaltatione ejusdem, die xiv. Septembris, praeter hic posita. In fine tamen Hymn. in Vesp. et in Laud. loco: Crucis Exaltat-

tio, dicatur: Crucis haec Inventio.

## AD VESPERAS.

Ad Magnificat, Añā. O Crux benedicta! quae sola fuisti digna portare Regem caelorum, et Dominum.

## Oratio.

**D**EUS, qui in praeclara salutiferae Crucis Inventionē, passionis tuae miracula suscitasti; concede, ut vitalis ligni pretio aeternae vitae suffragia consequamur: Qui vivis et regnas.

In secundo Nocturno.

*Ex Romano Breviario.*

## Lectio iv.



**E**LENA Constantini imperatoris mater, in somnis admonita, conquirendae dominicae Crucis studio Jerosolymam venit: ubi marmoream Veneris statuat, in Crucis loco a Gentibus collocatam, ad tollendam Christi Domini passionis memoriam, post centum circiter octoginta annos evertebat curavit.

## Lectio v.

**I**TAQUE loco Crucis purgato, alte defossae tres cruces erutae sunt, repertusque seorsum ab illis Crucis dominicae titulus: qui cum ex tribus, cui affixus fuisset, non appareret, eam dubitationem sustulit miraculum. Nam re-

cens hóminis cadáver affértur, jacénti una, et áltera de crúci-  
bus admovétur : sed eárum  
ligna mors spreuit. Adhibétur  
Crux domínica, et statim homo  
surréxit vivus.

Lectio vj.

**H**ELENA ígitur, salutári  
Cruce invénta, magnifi-  
centíssimam ibi extrúxit ec-  
clésiám, in qua partem Crucis  
relíquit thecis argénteis inclú-  
sam, partem Constantíno filio  
détulit : quae Romae repósita  
fuit in ecclésia sanctae Crucis  
in Jerúsalem. Clavos étiam  
áttulit filio, quibus sanctíssi-  
mum Jesu Christi corpus  
fixum fúerat. Céterum insígne  
illud in ligno vivíficae Cru-  
cis miráculum divínitus fie-  
ri sólitum, ut quamvis ex eo  
plures partículae scinderén-  
tur, nullam inde diminutió-  
nem jacturámve sentíret, beá-  
tus Cyríllus Jerosolymítanus,  
et sanctus Paulínus Nolá-  
nus Epíscopi mérito admí-  
rántur.

In tertio Nocturno.

Lectio sancti Evangelii secún-  
dum Joánnem.

Lectio vij.

Cap. 3.

**I**N illo témpore : Erat ho-  
mo ex Pharisaeis, Nico-  
démus nómine, princeps Ju-  
daeórum. Hic venit ad Jesum  
nocte, et dixit ei : Rabbi, sci-  
mus quia a Deo venísti magí-  
ster. Et réliqua.

Homília sancti Augustíni  
Epíscopi.

*Tract. 11. in Joannem,  
post initium.*



**N**ICODEMUS ex his  
erat, qui credíderant  
in nómine Jesu, vi-  
déntes signa et pro-  
dígia, quae faciébat. Supérius  
enim hoc dixit : Cum autem  
esset Jerosólymis in Pascha in  
die festo, multi credidérunt in  
nómine ejus. Quare credidé-  
runt in nómine ejus? Séquitur,  
et dicit : Vidéntes signa ejus,  
quae faciébat. Et de Nicodémo  
quid dicit? Erat princeps Ju-  
daeórum, nómine Nicodémus.  
Hic venit ad eum nocte, et ait  
illi : Rabbi, scimus quia a Deo  
venísti magíster. Et iste ergo  
credíderat in nómine ejus. Et  
ipse unde credíderat? Séqui-  
tur : Nemo enim potest haec  
signa fácere, quae tu facis, nisi  
fúerit Deus cum eo.

Lectio viij.

**S**I ergo Nicodémus de illis  
multis erat, qui credíde-  
rant in nómine ejus, jam in  
isto Nicodémo attendámus,  
quare Jesus non se credébat  
eis. Respóndit Jesus, et dixit  
ei : Amen, amen dico tibi, nisi  
quis renátus fúerit dénuo, non  
potest vidére regnum Dei.  
Ipsis ergo se credit Jesus, qui  
nati fúerint dénuo. Ecce illi  
credíderant in eum, et Jesus  
non se credébat eis. Tales sunt  
omnes catechúmeni : ipsi jam  
credunt in nómine Christi, sed

Jesus non se credit eis. Inténdat, et intélligat caritas vestra. Si dixérimus catechúmeno, Credis in Christum? rēspóndet, Credo, et signat se cruce Christi : portat in fronte, et non erubéscit de cruce Dómini sui. Ecce credit in nómine ejus. Interrogémus eum : Mandúcas carnem Fílii hóminis, et bibis sánguinem Fílii hóminis? Nescit quid dícimus, quia Jesus non se crédidit ei.

Lectio ix.

**C**UM ergo ex eo número Nicodémus esset, venit ad Dóminum : sed nocte venit : et hoc forte ad rem pértinet. Ad Dóminum venit, et nocte venit : ad lucem venit, et in ténebris venit. Renáti autem ex aqua, et Spíritu, quid áudiunt ab Apóstolo? Fuístis aliquándo ténebrae, nunc autem lux in Dómino : sicut fílii lucis ambuláte. Et íterum : Nos autem, qui diéi sumus, sóbrii simus. Qui ergo renáti sunt, noctis fuérunt, et diéi sunt : ténebrae fuérunt, et lumen sunt. Jam credit se illis Jesus, et non nocte véniunt ad Jesum, sicut Nicodémus.

Ad Mem. in Laudibus

SS. Alexandri,  
sociorumque Martyrum.

Oratio.

**P**RAESTA, quaesumus omnipotens Deus: ut qui sanctorum Mártirum tuorum Alexándri, Evéntii, et Theo-

dúli natalítia cólimus, a cunctis malis imminéntibus eórum intercessiόνibus liberémur. Per Dóminum.

AD VESPERAS.

Ad Magnificat, Añā. O Crux splendídiior cunctis astris, mundo célebris, homínibus multum amábilis, sánctior univér-sis, quae sola fuísti digna portáre taléntum mundi : dulce lignum, dulces clavos, dúlcia ferens pón-deral salva praeséntem catér-vam, in tuis hódie láudibus congregátam.

## DIE IV. MAII.

S. Monicae Viduae, matris

S. Augustini. Duplex.

Omnia de Communi nec Virg. nec Mart. pag. lxxxviij. praeter ea, quae hic habentur.

Oratio.

**D**EUS moeréntium conso-látor, et in te sperántium salus, qui beátae Mónicae pias lácrymas in conversiόνē fílii sui Augustíni misericórditer suscepísti : da nobis utriúsque intervéntu, peccáta nostra deploráre, et grátiae tuae indulgéntiam inveníre. Per Dóminum.

In j. Nocturno, Lectiones de Scriptura currente.

In secundo Nocturno.

Lectio iv.



**P**ONICA sancti Augustíni dupliciter mater, quia eum et mundo et caelo péperit, marito mórtuo, quem senectúte

confectum Jesu Christo conciliavit, castam, et opéribus misericórdiae exercitam viduitatem agébat : in assíduis vero ad Deum oratióibus pro fílio, qui in Manichaeórum sectam incíderat, lácrymas effundébat : quem étiam Mediolánum secúta est, ubi ipsum frequénte hortabátur, ut ad Episcopum Ambrósium se conférret. Quod cum ille fecísset, ejus et públicis conciónibus, et privátis collóquiis cathólicae fídei veritatem edóctus, ab eódem baptizátus est.

## Lectio v.

**M**OX in Africam redeúntes, cum ad Ostia Tiberína constitísset, incidit in febrem. Quo in morbo cum eam quodam die ánima defecísset, ut se collégit : Ubi, inquit, eram? Et astántes íntuens : Pónite hic matrem vestram : tantum vos rogo, ut ad altáre Dómini meminéritis mei.

## Lectio vj.

**D**ONO autem die beáta múlíer ánimam Deo redidit. Ejus corpus ibi in ecclésia sanctae Aureae sepúltum est : quod póstea, Martíno Quinto summo Pontífice, Romam translátum, in ecclésia sancti Augustíni honorífice cónditum est.

In iij. Nocturno, Homilia in Evangelium, Ibat Jesus in civitatem, quae vocátur Naim.

ut in Dñica xiiij. post Octavam Trinitatis, pag. 329.

## DIE V. MAII.

S. Pii V. Papae et Conf. Ord. Praedic. Totum Duplex.

Ea, quae hic desunt, de Communi Confess. desumantur, pag. l.

## AD VESPERAS.

Super Psalm. Añã. Felix Domínici plaude família, Pio Quinto accéndens lúmina : plaude pia mater Ecclésia, Babylonis sedens ad flúmina : tota plaude caeléstis cúria, et festívum Pio redúplica allelúia. Ps. Laudáte púeri. cum ceteris, pag. j.

Capitulum. *Baruch* 5.

**C**IRCUMDABIT te Deus diplóide justítiae, et impónet mitram cápiti honoris aetérni : osténdet splendórem suum in te omni, qui sub caelo est. Nominábitur enim tibi nomen a Deo : Pax justítiae, et honor pietátis.

R̃. Dum novus hic Móyses in colle, pansis mánibus, Deum precabátur, ad Naupáctum Amalech Israéli pérfidus mari profligátur : \* Pártaque victória Pio revelátur. Ṽ. Dum exténdit virgam Rosárii, demergúntur hostes nefárii. Pártaque. Glória Patri. Pártaque.

Hymnus.

**P**IO beáto júbilos  
Canóra pangant órgana,  
Nimbósque pellant núbilos  
Sacrae diéi gáudia.

Ilic Míchaël certámine  
Fregit draconis ímpetum :  
Piíque sumpto nómine,  
Hostem repressit ímpium.

Ecclésiæ perícula  
Umbóne firmo depulit :  
Sectariórum spícula  
Mucrónē forti mēssuit.

Ab incolátu daemonum  
Obsessa purgans córpora :  
A retiáculo críminum  
Solvit reórum pēctora.

Quanto magis nunc dúpli-  
ces

Sibi favóres spóndeant,  
Nomen Pii qui súpplīces  
Votis fréquénter ínvocant?

Deo Patri sit glória,  
Ejúsque soli Fílio,  
Cum Spírītu Paráclito,  
Et nunc, et in perpétuum.

Amen.

V. Ora pro nobis beáte Pie.

Ad Magnificat, Añā. Pii no-  
men comprobárunt pīae ope-  
rationes : et ex hoc beátum  
dicent omnes generatiónes.

Oratio.

**D**EUS, qui ad conteréndos  
Ecclésiæ tuæ hostes, et  
ad divínū cultum reparán-  
dum, beátum Pium Pontífi-  
cem Máximum elígere digná-  
tus es : fac nos ipsíus defēdi  
praesídiis, et ita tuis inhae-  
rére obséquiis, ut ómnium hó-

stium superátis insídiis, per-  
pétua pace laetémur. Per Dó-  
minum.

AD MATUTINUM.

Invitatorium. Christum in  
Pio fámulo rite collaudémus :  
\* Pium in Christo Dómino  
pie celebrémus.

Hymnus.

**D**OCTIS fuget caliginem  
Pii corúsca glória :  
Depéllat et formídinem  
Tanti ducis victória.

Is a tenéllis únguibus  
Christi jugo se súbdidit :  
Mox igne sancti Spírītus  
Totis medúllis fērbuit.

Adhaesit innocéntiae  
Candor Pii virtútibus,  
Nitórque consciéntiae  
Letális expers críminis.

Intácta carnis púritas  
Monstrátur in fragrántia :  
Infrácta mentis firmitas  
In pēctoris constántia.

Tantis gradátim dótibus  
Parátur ad sublímia :  
Donec subit divínitus  
Apostolátus cúlmina.

Deo Patri. ut supra.

In primo Nocturno.

Añā. Fidem zelans in cáthe-  
dra aetérnae Sapiéntiae, forti  
contrívit dēxtera cáthedram  
pestiléntiae.

Añā. Spe loricátus praeava-  
let, cum fremuérunt gentes :  
fregit in virga férrea meditán-  
tes inánia, Christúmque perse-  
quéntes.

Añā. Pii cāritas orāntis dum  
praestat auxiliā, pōpuli me cir-  
cumdāntis non timēbo mīllia.

℟. Amāvit eum Dōminus.

De libro Ecclesiāstici.

Lectio j.

Cap. 50.



CCE sacerdos ma-  
gnus, qui in vita sua  
suffulsit domum, et  
in diēbus suis corro-  
borāvit templum. In diēbus  
ipsius emanāverunt pūtei aquā-  
rum, et quasi mare adimplēti  
sunt supra modum. Qui curā-  
vit gentem suam, et liberāvit  
eam a perditionē. Qui prae-  
valuit amplificāre civitātem, qui  
adēptus est glōriam in conver-  
sationē gentis : et ingressum  
domus, et atrii amplificāvit.  
Quasi cypressus in altitudinem  
se extollens, in accipiēdo  
ipsum stolam glōriae, et vestiri  
eum in consummationem vir-  
tutis. In ascensu altāris sancti,  
glōriam dedit sanctitatis amī-  
ctum. Et circa illum corōna  
fratrum : quasi plantatio cedri  
in monte Lībano, sic circa illum  
steterunt quasi rami palmae.

℟. Euge serve. ut in Com-  
muni, pag. liij.

Lectio ij. et iij. erunt j. et ij.  
ex j. Nocturno de Comm. Conf.  
Pont. pag. liij.

℟. ij. Justus germinābit.  
pag. liij.

℟. iij. Ad ceram Agni cān-  
didi, a Pio benedīcti, captant  
salūtem lānguīdi, resiliunt py-  
rōboli, \* Sclopos evādunt iēti.

℟. Dat farīnis incremēta, se-  
dat ignium tormēta, tranquil-  
lāntur mārīa. Sclopos. Glōria  
Patri. Sclopos.

In secundo Nocturno.

Psalmi, Añae et ℟. ex ij. Noct.  
de Comm. Conf. pag. liv.

Lectio vi.



IUS in oppido Insū-  
briae, quod Boscum  
vocant, natus, sed e  
Bonōnia oriūndus ex  
nōbili Ghisleriōrum famīlia,  
cum quatuōrdecim esset annō-  
rum, Ordinem Praedicatōrum  
ingressus est. Erat in eo admi-  
rābilis patiētia, profūda hu-  
mīlitas, summa vitae austēri-  
tas, contīnum oratiōnis stū-  
dium, et regulāris observāntiae,  
ac divīni honoris ardentīssi-  
mus zelus. Philosophīae vero  
ac theologiāe incūbens, adeo  
in iis excelluit, ut illas docēdi  
munus magna cum laude per  
multos annos exercūerit. Sa-  
cras conciones plūribus in locis  
cum ingēti auditōrum fructu  
hābuit. Inquisitōris officiū  
inviolābili ānīmi fortitūdine  
diu sustinuit : multāsque civi-  
tates, non sine vitae discrīmi-  
ne, ab haeresi tunc grassānte  
immūnes servāvit.

℟. Magnificāvit. de Com-  
muni, pag. lvj.

Lectio v.

PAULO Quarto, cui ob  
Alexīmias virtūtes carīssi-  
mus erat, ad Nepesīnum et



Sutrínium Episcopátum promótus, et post biénnum inter Románae Ecclesiae Presbyteros Cardinales adscriptus fuit. Tum ad Ecclesiam Montis Regális in Subalpínis a Pio Quarto translátus, cum plures in eam abúsus irrepsísse cognovísset, totam dioecésim lustrávit : rebúsque compósitis Romam revérsus, gravíssimis expediéndis negótiis applicátus, quod justum erat, apostólica libertáte et constántia decernébat. Mórtuo autem Pio, praeter ómnium exspectatió-nem eléctus Póntifex, nihil in vitae ratióne, excépto exteriori hábitu, immutávit. Fuit in eo religiónis propagándae perpétuum stúdiúm, in ecclesiástica disciplína restituénda indefessus labor, in exstirpándis erróribus assídua vigilántia, in sublevándis egéntium necessitatibus indeficiens beneficéntia, in sedis Apostólicae júribus vindicándis robur invíctum.

R̃. Amávit eum. pag. lvj.

Lectio vj.

**S**ELYMUM Turcárum tyránnum multis elátum victóriis, ingénti comparáta classe, ad Echínadas ínsulas non tam armis, quam fuis ad Deum précibus devíct. Quam victóriam ea ipsa hora, qua obténta fuit, Deo revelánte cognóvit, suísque familiáribus indicávit. Dum vero novam in

ipsos Turcas expeditiódinem molirétur, in gravem morbum incidit : et acerbíssimis dolóribus patientíssime tolerátis, ad extrémá devéniens, cum Sacraménta de more suscepisset, ánimam Deo placidíssime réddidit, anno millésimo quingéntésimo septuagésimo secúndo, aetátis suae sexagésimo octávo : cum sedísset annos sex, menses tres, dies viginti quátuor. Corpus ejus in basilica sanctae Maríae ad Praesepe summa fidélium veneratióne cólitur, multis a Deo ejus intercessiódine patrátis miráculis. Quibus rite probátis, a Cleménte Undécimo Pontífice Máximo Sanctórum número adscriptus est.

R̃. Priscos agónes Mátyrum osténtans Romanórum, ingens edit miráculum \* In turba populórum. Ṽ. Oratóri christiáno dans e campo Vaticano cruentátos púlveres. In turba. Glória Patri. In turba.

In tertio Nocturno.

Psalmi, Añae et Ṽ. ex iij. Noct. de Comuni Confessoris, p. lvj.

Lectio sancti Evangélii secúndum Lucam.

Lectio ij.

Cap. 10.

**I**N illo témpore : Dixit Jesus discíplis suis : Qui vos audit, me audit : et qui vos spernit, me spernit. Et réliqua.

Homilia venerabilis Bedae  
Presbyteri.

*In Luc. 3. cap. 42.*



**T** in audiendo quisque, vel spernendo Evangelii praedicatione, non viles quasque personas, sed Dominum Salvatorem, immo ipsum Patrem spernere se, vel audire disceret, ait : Qui vos audit, me audit : et qui vos spernit, me spernit. Qui autem me spernit, spernit eum qui me misit. Quia procul dubio in discipulo magister auditur, et in filio pater honoratur. Potest et ita intelligi : Qui non facit misericordiam uni de fratribus meis minimis, nec mihi facit; quia et ipse pro his formam servi, et pauperis habitum suscepit.

*R.* Justus ut palma. p. lvij.

Lectio viij.

**R**EVERSI sunt septuaginta duo cum gaudio, dicentes : Domine, etiam daemonia subjiciuntur nobis in nomine tuo. Bene quidem confessi sunt, deferentes honorem nomini Christi; sed quia infirma adhuc fide gaudabant in virtutibus, vide quid audiunt. Et ait illis : Videbam satanam sicut fulgur de caelo cadentem. Non modo video, sed prius videbam quando corruit. Quod autem ait, Sicut fulgur, vel praecipitem de supernis in imalapsum significat, vel quia de-

jectus, adhuc transfigurat se in angelum lucis.

*R.* Justum deduxit. p. lvij.

Lectio ix.

**E**CCE dedi vobis potestatem calcandi supra serpentes, et scorpiones : hoc est, omne genus immundorum spirituum de obsessis corporibus ejiciendi. Quamvis et ad litteram rectissime possit accipi : siquidem et Paulus a vipera invasus nihil adversi patitur. Hoc sane inter serpentes, qui dente, et scorpiones, qui cauda nocent, distare arbitror : quod serpentes aperte saevientes, scorpiones clanculo insidiantes vel homines vel daemones significant. Serpentes, qui inchoandis virtutibus venena pravae persuasionis objiciunt; scorpiones, qui consummatas virtutes ad finem vitare contendunt. Verumtamen in hoc nolite gaudere : quia spiritus ejicere, sicut et virtutes alias facere, interdum non est ejus meriti, qui operatur, sed invocatio nominis Christi hoc agit.

*R.* Christi plantas osculari fixas cruci gestiit : sed pro vita sui cari pedes ista retrahit : \* Tóxico imbútis dari óscula prohibuit. *V.* Absit mihi gloriári, absit óscula venári, nisi in cruce Dómini. Tóxico. Glória Patri. Tóxico.

IN LAUDIBUS.

Añ. Pie, secundum nomen tuum ita et laus tua sit : lau-

dat grex pastórem suum, nec laudáre súfficit. Ps. Dóminus regnávít. cum ceteris, pag. xj.

Aña. Pii vigil prudéntia firmávit sedem Petri, monstra fugans horréntia, ut rádius fulgétrí.

Aña. Æqua Pii justítia rectíficans statéram, mundi depréssit vítia, lancem tenens sincéram.

Aña. Constans Pii fortitúdo haeresim compéscuit, animíque magnitúdo toti orco réstitit.

Aña. Pii temperántia in carnis fragrántia caelitus monstrátur : rigor abstinéntiae dono continéntiae pie coronátur.

Capitulum. Circúmdabit. ut in j. Vesperis, pag. 392.

Hymnus.

**A**URORA caeli púrpura Aspérge rorem flóribus : Pii triúmphos éxplica Circúmdatos fulgóríbus.

Zelósus iste Phínees  
Sacris stetit pro moenibus,  
Ut bárbaros acínaces  
Arcéret a fidélibus.

Illic disciplínam móríbus  
Cura revéxit sédula,  
Et ímpiis erróribus  
Objécit hic repágula.

Pii talénta lárgitas  
Non vinxit in sudário :  
Necessitátes públicas  
Toto juvans aeráριο.

Pater benígnus páuperum,  
Manus habens tornátiles,  
Pavit greges famélicos  
Effusióne múnérum.

Deo Patri. ut supra.

℟̃. Justus germinábit.

Ad Benedictus, Aña. Pie pastor mirífice, tuárum memor óvíum, sta coram summo Júdice pro pártibus fidélium.

Ad Tertiam, Capitulum. Circúmdabit. ut in j. Vesperis, pag. 392.

℟̃℟̃. Hor. de Comm. Conf. pag. lx.

#### AD SEXTAM.

Capitulum. *Eccli. 49.*

**I**PSE est diréctus divínus in poeniténtiam gentis : princeps fratrum, firmaméntum gregis, stabiliméntum pópuli.

#### AD NONAM.

Capitulum. *Eccli. 47.*

**D**E omni corde suo laudávit Dóminum, et diléxit Deum, qui fecit illum : et dedit illi contra inimícos poténtiam.

#### AD VESPERAS.

Super Psalm. Aña. Pie. j. Laud. Psalmi de Comm. Conf. Capitulum, Hymnus et ℟̃. ut in j. Vesp.

Ad Magnificat, Aña. Qui exáltat húmiles, Pium exaltávit, et in Apostólica sede collocávit.

#### PER OCTAVAM.

Invitatorium, et reliqua ut in die, pag. 393.

Lectio iiij. una ex propriis diei festi.

Ad Benedictus, Aña. Pius instar facis saeculum illúminat, ut in viam pacis pedes nostros dírigat.

Ad Magnificat, Añã. Exsultat Pii spíritus in Deo salutári, qui jussit piis rítibus Pium magnificári.

### DIE VI. MAII.

S. Joannis ante portam  
Latinam. Duplex.

Omnia de Comm. Evang.  
p. xvijj. exceptis infra positis.

#### AD VESPERAS.

Ad Magnificat, Añã. In fervéntis ólei dólum missus Joáñnes Apóstolus, divína se protegénte grátia, illaesus exívit.

Oratio.

**D**EUS, qui cónspicis quia nos úndique mala nostra pertúrbant; praesta quaesumus, ut beáti Joáñnis Apóstoli tui et Evangelístae intercésio gloriósa nos prótegat. Per Dóminum.

In primo Nocturno.

Ex libro Apocalypsis beáti  
Joáñnis Apóstoli.

Lectio j.

Cap. i.



**G**O Joáñnes frater vester, et párticeps in tribulatióne, et regno et paciéntia in Christo Jesu : fui in ínsula, quae appellátur Patmos, propter verbum Dei, et testimónium Jesu : fui in spíritu in Domínica die, et audívi post me vocem magnam tamquam tubae, dicéntis : Quod vides, scribe in libro : et mitte septem ecclé-

siis, quae sunt in Asia, Epheso, et Smyrnae, et Pérgamo, et Thyatírae, et Sardis, et Philadélphiae, et Laodíciae.

Incipit Epístola prima beáti  
Joáñnis Apóstoli.

Lectio ij.

Cap. i.

**Q**UOD fuit ab intío, quod audívimus, quod vídimus óculis nostris, quod perspéximus, et manus nostrae contrectavérunt de verbo vitae: et vita manifestáta est, et vídimus, et testámur, et annuntiámus vobis vitam aetérnam, quae erat apud Patrem, et apparuit nobis : quod vídimus et audívimus, annuntiámus vobis, ut et vos societátem habeátis nobíscum, et societas nostra sit cum Patre, et cum Filio ejus Jesu Christo.

Lectio iij.

**E**T haec scríbimus vobis ut gaudeátis, et gáudium vestrum sit plenum. Et haec est annuntiátio, quam audívimus ab eo, et annuntiámus vobis : Quóniam Deus lux est, et ténebrae in eo non sunt ullae. Si dixerimus quóniam societátem habémus cum eo, et in ténebris ambulámus, mentímur, et veritátem non fácimus. Si autem in luce ambulámus sicut et ipse est in luce, societátem habémus ad ínvicem, et sanguis Jesu Christi, Fílii ejus, emúndat nos ab omni peccáto.

In secundo Nocturno.

Ex libro sancti Hierónymi  
Presbyteri contra Joviniánum.

Lectio iv.

*Lib. i.*



**I**OANNES Apóstolus, unus ex discipulis Dómini, qui mínimus natu tráditur fuisse inter Apóstolos, et quem fides Christi vírginem repéerat, virgo permánsit : et ideo plus amátur a Dómino, et recúmbit super pectus Jesu : et quod Petrus, qui uxórem habúerat, interrogáre non audet, illum rogat, ut intéroget : et post resurrectiónem, nuntiánte María Magdaléna, quod Dóminus resurrexisset, utérque cucúrrit ad sepúlcrum, sed ille praevenit : cumque essent in navi, et piscaréntur in lacu Genésareth, Jesus stabat in lítore, nec sciébant Apóstoli quem vidérent : solus virgo vírginem agnóscit, et dicit Petro : Dóminus est.

Lectio v.

**F**UIT autem Joánnes et Apóstolus, et Evangelísta, et Prophéta. Apóstolus, quia scripsit ad Ecclésias ut magíster : Evangelísta, quia librum Evangelíi cóndidit, quod, excépto Matthaeo, álíi ex duódecim Apóstolis non fecérunt : Prophéta, vidit enim in Patmos ínsula, in quam fúerat a Domitiáno príncipe ob Dómini martyrium relegátus, Apocalypsim, infiníta futurórum mystéria continéntem.

Refert autem Tertullíanus, quod Romae missus in fervéntis ólei dólum, púrior et vegetior exíverit, quam intráverit. Ex Tractátu sancti Augustíni Epíscopi in Joánnem.

*Tract. 36. in Joan.*

Lectio vj.

**I**N quátuor Evangelíis, vel pótius quátuor libris uníus Evangelíi, sanctus Joánnes Apóstolus, non immérito secúndum intelligéntiam spirítalem áquilae comparátus, áltius, multóque sublímius álíis tribus eréxit praedicatiónem suam : et in ejus erectióné étiam corda nostra érigi vóluit. Nam céteri tres Evangelístae, tamquam cum hómíne Dómino in terra ambulántes, de divinitáte ejus pauca dixerunt.

In iij. Nocturno, Homilia in Evang. **Accéssit ad Jesum.** ut in festo S. Jacobi Apost. die xxv. Julii.

## DIE VIII. MAIL.

In Apparitione S. Michaëlis Archangeli. Totum Duplex.

Omnia fiant sicut in praecipuo ejus festo, die xxix Sept., praeter ea, quae hic habentur.

In secundo Nocturno.

*Ex Romano Breviario.*

Lectio iv.



**G**ELASIO Primo Pontífice Máximo, in Apúlia in vértice Gargáni montis, ad cujus radíces incolunt Sipon-

tíni, Archángeli Michaélis fuit illústris apparitio. Factum est enim, ut ex grégibus armentórum Gargáni cujúsdam taurus longe discéderet : quem diu conquisítum, in áditu spelúncae haeréntem invenérunt. Cum vero quidam ex illis, ut taurum confígeret, sagíttam emisísset, retórta sagíтта in ipsum récidit sagittárium.

Lectio v.

**Q**UAE res cum praeséntes, ac deinceps céteros tanto timóre affecísset, ut ad eam spelúncam própius accédere nemo audéret, Sipontíni Episcopum cónsulunt : qui, indícto trium dírum jejúnio, et oratione, rem a Deo respóndit quaeri oportére. Post tríduum Michaél Archángelus Episcopum monet in sua tutéla esse eum locum, eóque indício demonstrásse, velle ibi cultum Deo in sui et Angelórum memóriam adhibéri.

Lectio vj.

**Q**UARE Episcopus una cum cívibus ad eam spelúncam ire pergit. Quam cum in templi cujúsdam similitúdinem conformátam vidísset, locum illum divínis officiis celebráre coepérunt : qui multis póstea miraculis illustrátus est. Hodiérnus igitur dies Archángeli Michaélis Apparitióni consecrátus est.



## DIE IX. MAII.

S. Gregorii Nazianzeni  
Episc. et Conf.

Duplex.

Oratio.

**D**EUS, 'qui pópulo tuo aetérnae salútis beátum Gregórium mínístrum tribuísti : praesta quaesumus, ut quem doctórem vitae habuimus in terris, intercessórem habére mereámur in caelis. Per Dóminum.

In j. Nocturno, Lectiones  
Beátus vir. ut in Comm. Doct.  
pag. lxij.

In secundo Nocturno.

*Ex Romano Breviario.*

Lectio iv.



**G**REGORIUS, nóbilis Cápodox, ex singulári divinárum litterárum sciéntia Theólogi cognómen consecútus, Nazianzi natus, Athénsis in omni disciplinárum génere una cum sancto Basílio erudítus, cum eódem sacris lítteris in coenóbio se per áliquot annos exércuit. Domum revérsus, primum Sasimórum Episcopus creátus est : deínde Nazianzénam Ecclésiám ad breve tempus administrávit. Ad Ecclésiám Constantinopolitánam regéndam accersítus, eam civitátem, haeresum purgátam erróribus, ad cathólicam fidem tradúxit.

Lectio v.

**S**ED cum, exardescénte invídia, propter eum inter Episcopos magna esset exórta

sedítio, sponte cessit Episcopátu, ac Naziánzum revérsus est : cui Ecclésiæ cum Eulálium præficiéndum curásset, totum se ad contemplatióem, et scriptiódem dīvinárum rerum cōtulit.

Lectio vj.

**S**CRIPSIT autem multa et solúta oratióne, et cármine, mirábili pietáte et eloquéntia. Consubstantialitátis Fílii fuit acérrimus propugnátor : illibátam a puerítia virginitátem ad óbitum usque servávit. Demum sénio et labóribus fractus, imperatóre Theodósio, ad caeléstem vitam evolávit : splendidíssimum sciéntiæ et doctrínae jubar semper hábitus.

In iij. Nocturno, Homilia in Evang. Vos estis sal. ut in Comm. Doct. pag. lxiiij.

### DIE X. MAIL.

S. Antonini Archiepiscopi  
Florentini Ord. Praed.  
Totum Duplex.

Omnia fiant de Comm. Conf. Pont. pag. l. praeter hic posita.

#### AD VESPERAS.

Super Psalm. Aña. O virgo, o doctor, o vigil et bone pastor! vota nostra, et voces ne despicere : sed qui te laudibus éfferunt, pietátis sinu compléctere. Psalm. Laudáte púeri. cum ceteris, pag. j.

Capitulum. *Eccli. 44.*

**E**CCE sacerdos magnus, qui in diébus suis plácuít Deo, et invéntus est justus : et in témpore iracúndiæ factus est reconciliátio.

R7. ix. Vir Dei. pag. 405.

Hymnus.

**U**T Antoníni glóriam  
Cóncinámus ubérius,  
Affláre nunc pectóribus  
Nostris, Deus omnípotens.

Is téneris ab únguibus  
Sacros edóctus cánones,  
Mundi spretis illécebris,  
Christi se jugo súbdidit.

Praedicatórum Ordinem  
Delégit inter céteros,  
Ut lítteris et móribus  
Incúmberet ardéntius.

Sed non bene sub mó-  
dio

Lumen ardens occúlitur :  
Ad praesulátum tráhitur  
Lucens, inflámmans pópulos.

Deo Patri sit glória,  
Ejúsque soli Fílio,  
Cum Spírítu. Paráclito,  
Et nunc, et in perpétuum.

Amen.

V. Ora pro nobis beáte An-  
toníne.

Ad Magnificat, Aña. Te Vírginum chorus laudat, te Doctórum coetus praedicat, te unánimi voce sancti Praesules praesulem admirántur : o beáte Antoníne, nos te quoque laudántes, patérnis semper óculis intuére.

Oratio.

**S**ANCTI Antoníni, Dómine, Confessóris tui atque Pontíficis méritis adjuvémur : ut sicut te in illo mirábilem praedicámus, ita in nos miséricordem fuisse gloriémur. Per Dóminum.

In Vesp. et Laud. Memoria SS. Gordiani et Epimachi Martyrum.

Oratio.

**D**A, quaesumus omnípotens Deus : ut qui beatórum Mátyrum tuórum Gordiáni et Epímachi solémnia cólimus, eórum apud te intercessiónibus adjuvémur. Per Dóminum.

AD MATUTINUM.

Invitatorium. Adorémus Sacerdótem magnum Christum, \* In solemnitáte sancti Praesulis Antoníni.

Hymnus.

**A**TRAE noctis obscuritas Antoníni fulgóribus Fugátur, qui prodígiis Vitae et signórum rádiat :

Virginitáte níveus,  
Doctrínae luce spléndidus,  
Praesul et pastor óptimus,  
Clarum virtútis spécimen.

Pauper amávit páuperes,  
In míseros miséricors,  
Intrépídus in pérditos,  
Plusquam mitis in húmiles.

Quam potens apud Dóminum,  
Qui mortis jura súbruit,  
In hanc lucem dum révocat  
Mortis revínctum néxibus!

Deo Patri sit glória. ut supra in Vesperis.

In primo Nocturno.

Añá. Beátus Antonínus a puerítia in Praedicatorum Ordine plantátus, fructum póstea sanctitátis et doctrínae dedit.

Añá. Dum non posset a se projícere jugum praesulátus, praedicávit praecéptum Dómini, constitútus in monte sancto ejus.

Añá. Non dormívit, neque soporátus est, cum Dóminus ad sacerdotium caput ejus exaltávit.

℣. Amávit eum Dóminus.

Lectioes Fidéls sermo. ut in Comm. pag. liij.

R̃. j. Euge serve. ibid.

R̃. ij. Justus germinábit. ibid.

R̃. iij. Justítia indútus sum : et vestívi me, sicut vestiménto, et diadémate judício : \* Pater eram páuperum : óculus fui caeco, et pes claudó. ℣. Dispérsit, dedit paupéribus : justítia ejus manet in saeculum saeculi. Pater. Glória Patri. Pater.

In secundo Nocturno.

Psalmi, Añae et ℣. ex ij. Noct. de Comm. Conf. Pont. pag. liv.

*Ex Bulla Canoniz.*

Lectio iv.

**A**NTONINUS, Florentiae honestis parentibus natus, ab ipsa jam puerítia egregium futúrae sanctitátis



spécimen exhibuit. Annum agens sextumdécimum, Religiómem Praedicatorum ampléxus, coepit exínde máximis clarére virtútibus. Otio perpétuum bellum indíxit. Post noctúrnum brevem somnum, primus matutínis précibus áderat: quibus persolútis, réliquum tempus noctis oratióibus, aut certe lectióri, et scriptióri librorum tribuébat: et si quando importúnior fessis membris somnus obréperet, ad paríetem páululum declináto cápite, ac tantisper discússó somno, mox sacras vigílias avídus repetébat.

R̄. Magnificávit. ex Comm. Conf. pag. lvj.

Lectio v.

**D**ISCIPLINAE reguláris sui ipsíus severíssimus exáctor, carnes, nisi in gravi aegritúdine, nunquam edit. Humi, aut in nudo tabuláto cubábat: cilício semper usus, et intérdum zona férrea ad vivam cutem incínctus, virginitátem integérrime semper cóluit. In explicándis consíliis tantae dexteritátis fuit, ut comúní elógio Antonínus consiliórum dicerétur. Adeo autem in eo humílitás enítuit, ut étiam coenóbiis ac provinciis praeféctus, abjectíssima monastérii officia demissíssime obíret. Ab Eugénio Quarto Florentínus Archiepíscopus renuntiátus, aegérrime tandem, nec nisi

Apostólicis minis perterrefáctus, ut Episcopátum accíperet, acquiévit.

R̄. Amávit. pag. lvj.

Lectio vj.

**I**N eo múnere vix dici potest, quantum prudéntia, pietáte, caritáte, mansuetúdine, et sacerdotáli zelo excellúerit. Illud mirándum, tantum ingénio valúisse, ut omnes ferme sciéntias per se, nullo adhíbto praeceptóre, absolutíssime didicerit. Tandem post multos labóres, multis étiam éditis insignis doctrínae libris, sacra Eucharistía, et Unctióne percépta, compléxus Crucifíxi imáginem, mortem laetus aspéxit sexto Nonas Maii, anno millésimo quadringentésimo quinquagésimo nono. Miráculis vivens et post mortem conspícuus, Sanctórum número adscriptus est ab Hadriáno Sexto, anno Dómini millésimo quingentésimo vigésimo tértio.

R̄. O virum mirábilem, quem tanta signórum potestáte Dóminus decorávit, \* Ut étiam unigénitum patris ad vitam revocáverit! V. Erat enim magnus in ópere, et sermóne, et rerum mirabílium patrátor. Ut. Glória Patri. Ut.

In tertio Nocturno.

Psalmi, Añae et V. de Comm. Conf. Pont. pag. lvj.

Homilia in Evang. Vigiláte. de eodem Comm. pag. lvij.

R̃. vij. Justus ut palma florébit. pag. lviij.

R̃. viij. Justum dedúxit Dóminus. ibid.

R̃. ix. Vir Dei Antonínus, cum bonum certámen certásset, cursum consummáset, fidem servásset, in agóne mortis pósitus, laetánter dixit : \* Servíre Deo regnáre est. V. De réliquo repósita est mihi coróna justítiae. Servíre. Glória Patri. Servíre.

#### IN LAUDIBUS.

Aña. Beátus Antonínus, ad praesulátum quasi ad cruciátum raptus, doctrína et móribus gregem suum pavit. Psalm. Dóminus regnávit. cum ceteris, pag. xj.

Aña. Pater eram páuperum : óculus fui caeco, et pes claudó.

Aña. Constánti pectóre pro lege Dei advérsus ímpios murum se válidum oppósuit.

Aña. Accépi disciplínam, et non pecúniam : doctrínam magis quam aurum elégi.

Aña. In humilitáte magnus, in paupertáte dives, in corpore ángelus : o beáte Antoníne, ora pro nobis quaesumus.

Capitulum. Ecce sacérdos. ut supra, pag. 402.

Hymnus.

• **C**UM sol ad cursum próperat,  
Ad te Praesul confúgimus :  
Qui tuas laudes cánimus,  
Tuas sub alas prótege.

Tu, qui tot a corpóribus Morbos depéllis hóminum,  
Casus afflíctos míserans,  
Eménda nostras ánimas.

Tot jam malis attérimur,  
In tot lapsus incídimus,  
Ut pene spes nos déserat,  
Dextram nisi porréxeris.

Virgo perpúrge córpora,  
Doctór ánimos ínstrue,  
Pastor egénos réfice :  
Tibi cuncta debébimus.

Deo Patri sit glória.

Ad Benedictus, Aña. Sanctus Antonínus vere est glori-  
ficándus, cui morbi cedunt,  
eleménta parent, et mors inexorábilis ad ejus nutum tremít.

Ad Tertiam, Capitulum. Ecce sacérdos. ut supra.

R̃R̃. Hor. de Comm. unius Conf. pag. lx.

#### AD SEXTAM.

Capitulum. *Eccli. 45.*

**D**EDIT illi coram praecé-  
pta, et legem vitae et disciplí-  
nae : et beatificávit illum in glória.

#### AD NONAM.

Capitulum. *Eccli. 50.*

**C**URAVIT gentem suam,  
et liberávit eam a perditione :  
et adéptus est glóriam in conversatióne gentis.

#### AD VESPERAS.

Super Psalm. Aña j. Laudum. Psalmi de Comm. Conf.

Capitulum, Hymnus et V. ut in j. Vesperis.

Ad Magnificat, Añña. Dux fidei, pietatis doctor, mundi lampas, sacerdotum decor, fecisti quae docebas, despiciens carnem, adhaerens Deo permanenti : beate Antonine, cum ascendente Christo caelos ascendisti : ne derelinquas nos orphanos in hoc exsilio.

PER OCTAVAM.

Invitatorium, et reliqua sicut in die.

Lectio iij. una ex infra positis.

Ad Benedictus, Añña. Pater eram. ij. Laudum.

Ad Magnificat, Añña. In humilitate. v. Laudum.

PRIMA DIE.

infra Octavam S. Antonini.

*Ex Bulla Canonizationis.*

Lectio iij.

**C**UM annum decimum tertium agens, beatus Antoninus Ordinis Praedicatorum habitum in conventu Faesulano summa humilitate deposceret, ob teneriorem aetatem, exiliumque corporis formam, ferendo Religionis iugo impar est habitus. Verum ne pii adolescentis animum aperta praecipitque repulsa Prior offenderet, quaesito specioso diverticulo, respondit facturum se pro votis, cum universum Decretum, cui jam tunc studerat, memoriae commendasset. Responso bona fide accepto, Decretorum lectioni totis viribus

coepit incumbere : tantumque assidua lectione, sedulaque oratione profecit, ut ejusdem anni spatio Decretum integrum memoriae mandaverit, quod prae sui magnitudine, tam brevi tempore a quoquam vix legi potest. Priorem Faesulanum subinde convenit, enixe rogans, ut, explata conditione, promissi fidem liberaret. Qui, facto memoriae periculo, relique veritate comperta, totum miraculo ducens, divino Numine vocatum juvenem intellexit : eundemque ad habitum Religionis admisit.

SECUNDA DIE.

*Ex Bulla Canonizationis.*

Lectio iij.

**I**NSIGNIUM beati Antonini virtutum fama permotus Eugenius Quartus absentem illum, ac penitus inscium, Ecclesiae Florentinae Archiepiscopum designavit. Inopinatae rei nuntium tristis accepit : atque, ut onus angelicis humeris formidandum declinaret, tum suis, tum amicorum litteris Romano Pontifici supplicavit, ut alterum Ecclesiae viduae praeficeret ; interimque Sardiniam petere constituit, ac ibi eo usque delitescere, donec alius ejus loco suffectus esset. Verum providente Deo res aliter cessit : quippe Cosmi Medicæi precibus inclinatus, censurarumque ecclesiasticarum timore percúl-

sus, non ultra reluctándum judicávit. Ea vero grégem sibi crédito fide, pietáte, ac religióne pavit, qua eum fácte omnes agnóscerent, divíno pótius, quam humano consílio Ecclésiæ regímini ad pópuli salutem admótum.

## TERTIA DIE.

*Ex Bulla Canonizationis.*

Lectio iij.

**C**UM primum Archiepiscopus inaugurátus est beátus Antonínus, virtútum ómnium exémpplar commísso sibi gregi se praebeuit. Nihil prorsus de ténuí illo, ac simplici victu, quo per quadragínta quátuor annos in Religióne usus fúerat, immutávit. Ipsámque paupertátem, quam véluti sponsam caríssimam semper diléxerat, constantíssime retínuít : quin étiam sibi semper de necessariis áliquíd detráxit, ut lárgior erga páuperes, ac liberálior esse posset. Instituéndis xenodochíis, erigendisque piis sodalítiis ad erogánda paupéribus verecúndis secréta subsidia, Cosmo Medicéo auctór fuit, et in expensárum partem venit.

## OCTAVA

S. Antonini Archiep.  
et Conf. Simplex.

Omnia ut in die festi, prae-  
ter seq.

In j. Nocturno, Lectiones  
de Feria currente.

In ij. Nocturno, duae Lectiones ex propositis pro diebus infra Oct. quae lectae non fuerunt.

*Ex Bulla Canonizationis.*

Lectio vj.

**B**EATUS Antonínus prae vos commísso sibi gregis mores studiósé emendávit : ludos prohibitos ac damnátos sústulit, superfluos mulserum ornátus restrínxit, omniúmque fere córdibus devotióne ac pietátem insérui. His exímíis ánimi virtútibus annis quadragínta quátuor Ordinem suum, Ecclésiám vero Florentínám annis trédecim ornávit. Demum susceptis de more summa cum devotióne Sacraméntis, bonis ómnibus, si qua tunc illi supérerant, inter Christi páuperes distribútis, ampléxa cum lácrymis Christi crucifíxi imágine, ac saepius iis repetítis verbis : Servíre Deo regnáre est : orántibus ac fléntibus circumquáque frátribus suis, immaculátam ánimam reddidit Conditóri.

In iij. Nocturno, Homilia  
ut in die.

## DIE XI. MAIL.

S. Stanislai Episc. et Mart.  
Duplex. Oratio.

**D**EUS, pro cuius honóre gloriósus Póntifex Stanisláus gládiis impiórum occubuit : praesta quaesumus, ut omnes, qui ejus implórant

auxilium, petiti6nis suae salutarem consequantur effectum. Per D6minum.

In j. Nocturno, Lecti6nes de Feria currente.

In secundo Nocturno.

*Ex Romano Breviario.*

Lectio iv.

**S**TANISLAUS Pol6nus, apud Crac6viam nobili g6nere natus, ac par6ntibus, qui per triginta annos st6riles fuerant, divinitus datus, vitae monastic6e desidi6rio amplum patrimonium pauperibus distribuit : sed Dei provid6ntia primum can6nicus, deinde Episcopus Cracovi6nsis eligitur ; quo in m6nere 6mnium pastoralium virtutum laude, et praecipue miseric6rdia in pauperes enituit. Cum Bolesl6um regem ob libidinem arguens offendisset, in iudici6m coram eo vocatur, tamquam pagum occuparet, quem Eccl6siae suae n6mine co6merat. Quod cum neque t6bulis probare posset, et testes veritatem dicere timerent, spondet Episcopus, se Petrum pagi venditorem, qui triennio antea obierat, intra dies tres in iudici6m adducturum.

Lectio v.

**C**ONDITIONE cum risu accepta, vir Dei toto tri-duo jejuniis et orati6ni incumbit. Ipso sponsi6nis die, post obl6tum Missae sacrificium,

Petrum e sep6lcro surgere jubet : qui statim redivivus, Episcopum ad regi6m tribunaleuntem sequitur ; ibique rege, et ceteris stupore att6nitis, de agro a se vendito, et pretio rite sibi ab Episcopo persoluto testimonium dicit : atque iterum in D6mino obdormivit.

Lectio vj.

**A**T Bolesl6um frustra saepe admonitum, Stanislaus tandem a fidelium communi6ne removet. Ille iracundia furens, Sacerdotem Dei, hostiam immaculatam ad altare offerentem, sua manu obtruncat. Corpus membratim concisum, et per agros projectum can6nici Cracovi6nses, nocturni de caelo splendoris indicio, colligunt, et suis locis apte membra disponunt : quae subito ita inter se copolata sunt, ut nulla vuln6rum vestigia exstarent. Multis deinde miraculis virum Dei coruscantem, Innoc6ntius Quartus in sanct6rum M6rtyrum n6merum retulit.

In iij. Nocturno, Homilia in Evang. **Ego sum vitis vera.** ut in Comuni unius Mart. pag. xxxij.

## DIE XII. MAII.

B. Joannae Lusitanae Virg.  
Ord. Praed. Duplex.

Omnia de Comuni Virg. non Mart. pag. lxxxij. praeter ea, quae sequuntur.

Oratio.

**D**EUS, qui inter regáles delicias, et mundi illécebras beátam Joánnam Vírginem tuam virtúte constántiae roborásti : quaesumus, ut ejus intercessióne fídeles tui terréna despícant, et ad caeléstia semper aspírent. Per Dóminum.

Eodem die in j. Vesperis et Laudibus, Mem. SS. MM. Nerei, Achillei, atque Pancratii.

Oratio.

**S**EMPER nos, Dómine, Mátyrum tuórum Nérei, Achilléi, atque Pancratii fóveat, quaesumus, beáta solémnitas; et tuo dignos reddat obséquo. Per Dóminum.

In j. Nocturno, Lectiones De virgínibus. de Comm. pag. lxxxiiij.

In secundo Nocturno.

Lectio iv.



**A**JOANNA, Alphónsi Quinti Lusitániae regis fília, tanta divíni amoris flamma praevénta fuit, ut ab ipsa puerítia rerum caducárum pertaesa, solo caeléstis pátriae desidério flagráret. Erga Domínicae passiónis mystérium mirífice affécta, vix áliquid de illo loqui vel audíre sine lácrymis póterat : cumque in ejúsdem meditátione fere semper defíxa viderétur, majóris tamen hebdómadae dies, omnesque sextas Férias solo pane et aqua con-

ténta, in oratióibus et vigíliis devotíssime transigébat. Mira fuit in páuperes pietáte et liberalitáte : bis in die per fídeles adminístros de illis diligentíssime inquírens. Adolescéntiam ingrèssa, ut in Dei láudibus, et caritátis offíciis magis se rédderet expeditam, carnem suam contínua ferme abstinéntia, et cruéntis flagellatióibus affligere coepit. Nonnisi duro léctulo ad brevem somnum utebátur, ac pretiósus véstibus ásperum tegens cilícium, láneam étiam et rudem intéru-lam ne quidem in ferventióribus calóribus depónere consuevit. Hanc insólitam ádeo in régia vírgine vivéndi ratióem non modo Joáнна prudénti dissimulatióne celáre conabátur, ut secúrius retinéret, sed étiam Deus ipse, aucto in dies insígnis formae decóre, comprobáre visus est.

Lectio v.

**A**PRAECIPUIS Euró-pae princípibus expetíta, terrénas núptias constantíssime réspuit, frustra illam urgéntibus Alphónso patre, et Joáñne fratre, quorum moléstam nimis importunitátem, accépta divínitus, ut fertur, futúri sponsi morte, felíciter superávit. Carnis ígitur et sánguinis víctrix in Aveyrénsé monastérium Ordinis sancti Domínici se recépit, ubi, relíctis ómnibus, ad pedes Prioríssae pro-

volúta, religiósus hábitus suppliciter pétiit. Voti compos effécta, quibus ante virtútibus inter aulae blandiéntis illécebras ádeo florúerat, multo magis in coenóbio eminére visa fuit, eo progréssu, ut in ipso tirocínio provectióribus esset exémplo. Reguláris Institúti observantíssima, ne a vilióribus quidem sorórum exercítiis abstinébat, tam perfécta obediéntia et humilitáte, ut régii ságuinis prorsus oblíta viderétur. Licet autem Superiórú consílio solémnem professiónem invíta distúlerit, advérsa plerúmque valetúdine, ac obniténtibus una cum fratre, regni totíus ordínibus, ab incépto nihilóminus dimovéri nunquam pótuit.

Lectio vj.

**Q**UOD oratióni supérerat tempus, áliis pietátis impendébat officiis : et animárum zelo flagrans, non modo soróres omnes verbo et exémplo ad perfectiónem accéndere satagébat, sed éxteris quoque prodésse non déstitit, assíduas ad Deum preces, ac voluntários ófferens córporis cruciátus pro peccatórum conversióne. Africanórum captivórum plúrimos, adhibitis verbi Dei ministris, Ecclésiæ aggregávit; quorum ipsa non paucos imbuit christiánae fidei praecéptis. Vitae dénique asperitáte, corporisque afflictiónibus con-

fécta, diutúrnum ac molestíssimum morbum in contemplatióne Domínicae passióis invícta patiéntia tólerans, susceptis devotíssime Sacraméntis, innocéntem ánimam Deo réddidit, quarto Idus Maii anno salutis millésimo quadringentésimo nonagésimo, aetátis vero suae trigésimo nono. Ejus sanctitátis opínio longe latéque diffúsa, miraculórum étiam fama statim post óbitum claréscere coepit. Tandem Innocéntius Duodécimus, ut in toto Portugálliae regno, ac univérso Praedicatórum Ordine possit de beáta Joánnæ anniversária ejus dormitióis die Offícium recitári, ac Missa celebrári de Commúni Vírginum, indúlsit.

In iij. Nocturno, Homilia in Evang. Símile erit regnum caelórum decem virgínibus. pag. lxxxv.

### DIE XIII. MAII.

B. Alberti a Bergomo Conf.  
Tertii Ord. Praedic.

Duplex.

Oratio.

**D**EUS, qui in húmili vitae genere beátum Albértum Confessórem tuum exímia sanctitáte claréscere voluísti : fac nos ita ejus sectári vestígia, ut ássequi mereámur et praemia. Per Dóminum.

In j. Nocturno, Lectiones Beátus vir. de Comm. Conf. non Pont. pag. lxiv.

In secundo Nocturno.

Lectio iv.



**ALBERTUS** Villaeóneae, qui est pagus Bergoménsis, agricolis paréntibus natus est: a quibus pie educátus, non obsúris a púero cláruit sanctitátis indíciis. Nam septénnis divínis rebus vehementér afficiebátur, terque singulis hebdómadis jejúnans, subdúctum sibi cibum in páuperes dispertiébat. Adoléscens patérno ruri excoléndo admótus, dum corpus agrésti exercitátione subígeret, contemplátionis stúdio in caelo versabátur. Paréntum consílio et voluntáte matrimónio junctus, ob profúsam in páuperes liberalitátem graves ab uxóre molestias tulit, quas paciéntia et miráculis superávit. Nam parátum aliquándo prándium cum egénis distribuísset, mox divínitus sibi in mensa restitútum accépit. A potentióribus nonnúllis, patérnum ejus agrum usurpáre moliéntibus, diu vexátus, relícta pátria Cremónam secéssit; ubi corporáli labóre víctitans, misericórdiae et pietátis opéribus impénsius vacávit.

Lectio v.

**CUM** autem per ea témpora late propagarétur Tértius Ordo sancti Domínici, primum Milítiae Jesu Christi, deínde Fratrum de Poeniténtia nun-

cupátus, qui própriis in dómibus sub certis régulis ab Apostólica sede approbátis religiósam vitam agébant, evangélicae perfectiónis stúdio eúmdem ampléxus est. Virtútes omnes in eo vitae institúto diligentíssime cóluit, caritátem praesértim in aegrotántes, mendícos, et peregrínos, quos paupérrimus ipse omni officiórum género amantíssime complectebátur. Várias ad Loca sancta religiósas peregrinátiones suscepit. Ab Jerosolymitána Cremónam redux, cum ad Padum constitísset, trajectiónem a naucléro humíliter rogans, quod naulo solvéndo non esset, illiberáliter repúlsus, imploráto divíno Númine sese undis commisísse, ac flumen sicco pede trajecísse, perhibétur.

Lectio vj.

**POST** vitam dénique laboribus ac méritis plenam, in supréum incidit morbum, quo se moritúrum intélligens, sacris mystériis ardénter flagitátis, religioséque susceptis, Nonis Maii, anno salutis milésimo ducentésimo septuagésimo nono, sanctíssime excéssit. Aërea urbis campána, pulsánte némine, in ejus tránsitu sonuísse fertur; quo signo admoníti cives, catervátim ad ejus funus convenére. Ejus corpore in ecclésiae coemetério condéndo cum fossa designarétur, nusquam terra pérfodi



pótuít. Quare intra chorum ejúsdem ecclésiae, ubi oráre consuéverat, summa celebritáte illátum est, totque coepit inclaréscere miráculis, ut eórum fama excitáti Insúbriae Æmiliaeque pópuli, incredíbili frequéntia ipsíus sepúlcrum adírent, eíque Sanctórum cultum deférrent : quem deinceps auctum, et constánter propagátum, Benedíctus Décimus quartus Póntifex Máximus Apostólica auctoritáte probávit, ejúsque Offícium cum Missa ab univérso Praedicatórum Ordine, et Cremonénsi ac Bergoménsi clero celebrári concéssit.

In iij. Nocturno, Homilia in Evang. **Confíteor.** de Comuni Confessoris non Pontificis, pag. lxxvj.

#### DIE XIV. MAII.

B. Ægidii Confessoris  
Ord. Praedic. Duplex.

Oratio.

**M**ISERICORDIAM tuam, Deus, súplices implorámus : ut sicut ea praeveniente beátum Ægídium in viam justítiae et sanctitátis redíre fecísti; ita nos e servitúte ac morte peccáti, in perfectam transférás libertátem et vitam. Per Dóminum.

In j. Nocturno, Lectiones **Beátus vir.** ut in Comuni Confessoris non Pontificis, pag. lxiv.

In secundo Nocturno.

Lectio iv.



**ÆGIDIUS** Vaozélae Visénsis dioecésis óppidi, in Lusitánia claris paréntibus natus, primis a puerítia litterárum stúdiis imbútus, ad philosophíam et medicínam totum se cóntulit, neque exíguam in iis sibi nóminis famam comparávit. Nova subínde arcána rerum sciéndi cupidíssimus, ad Parisiensem académiám proféctus est : ubi effréni licéntia vitae abréptus, in omne sese vítium, et voluptátem effúdit. Dum vero própriae salútis ímmemor, in aetérnam pernícíem plane caecus agerétur et praeceps, tanto divínae grátiae lúmine collustrátus est, ut repente in virum álterum sit commutátus. Véterem itaque hóminem statim éxuens cum áctibus suis, re doméstica in familiáres et páuperes distribúta, Praedicatórum Ordinem amplexus est.

Lectio v.

**I**N ipso novae vitae tirocínio magnum advérsus vítia et concupiscéntias certámen instítuit. Quo prístinam in carne sua indulgéntiam vindicáret, corpus inédia, vigíliis, cilício, caténa férrea ad mortem usque lumbis injécta, omníque poenárum género impénse afflictavit. Dies noctésque a lácrymis sibi nunquam temperábat:

et qui humanae laudis et gloriae appetentissimus fuerat, humiliora contemptus sui argumenta semper est consecutus. Gravissimis tentationibus a daemone appetitus, insignes ex diuturna colluctatione victorias tulit. Sacris studiis diligenter exactis, apostolicae praedicationi operam in Lusitania ferventissimam dedit. Universis in Hispania sui Ordinis coenobiis praefuit magno disciplinae incremento. Eo tamen munere mox abdicato, quo soli Deo viveret, in Scalabitano coenobium senio gravis secessit.

Lectio vj.

**D**IVINAE contemplationis studio, aeternorumque desiderio ita afficiebatur, ut nihil jam in votis haberet ardentius, quam dissolvi, et esse cum Christo. Mirificas et diuturnas in oratione extases patiebatur, corpore aliquando e terra sublato : ac vel solo audito nomine Jesu ineffabili suavitate perfusus, sensibus excidebat. Supernis visionibus, prophetiae dono, miraculorum frequentia late conspicuus, adhuc vivens eximia claruit fama sanctitatis. Revelatum sibi divinitus mortis diem exultabundus prospexit, ac levi morbo tentatus, Sacramentis Ecclesiae summa religione perceptis, in cilicio sterni voluit : moerentesque fratres verbis

suavissimis allocutus, octogenario major placidissime excessit, anno salutis millésimo ducentésimo sexagésimo quinto. Ejus corpus suavissime olens, multisque statim miraculis clarum, Lusitanorum cultum nunquam intermissum obtinuit : quem Benedictus Decimus quartus rite probavit, ejusque Officium et Missam in Ecclesia Lisbonensi ac Visénsi, et Praedicatorum Ordine celebrari concessit.

In iij. Nocturno, Homilia in Evang. Sint lumbi. de Comm. Conf. non Pont. pag. lxxvj.

## DIE XV. MAIL.

In Conversione  
S. Augustini Episc. et Conf.  
ac Ecclesiae Doct.

Duplex.

Omnia fiant sicut in praecipuo ejus festo, die xxviiij. Aug. praeter hic posita.

### AD VESPERAS.

Ad Magnificat, Aña. Augustini mater devotissima, quem carne prius pepererat mundo, caritatis visceribus postmodum multo semine lacrymarum genuit Christo.

Oratio.

**D**EUS, qui ineffabili providentia beatum Augustinum ab errorum tenebris ad lucem evangelicae veritatis adduxisti : da nobis, quaesumus, ut qui ejus hodie Conversio-

nem cólimus, ejúsdem ad te prícibus actus nostros in mélius reformémus. Per Dóminum.

In primo Nocturno.

De Epístola beáti Pauli  
Apóstoli ad Romános.

Lectio j.

Cap. 7.



**S**CIMUS enim quia lex spirituális est : ego autem carnális sum venúmdatussub peccáto. Quod enim óperor, non intéllego : non enim quod volo bonum, hoc ago : sed quod odi malum, illud fácio. Si autem quod nolo, illud fácio : conséntio legi, quóniam bona est. Scio enim quia non hábitat in me, hoc est in carne mea, bonum. Nam velle, ádjacet mihi : perfícere autem bonum, non invénio.

Lectio ij.

**C**ONDELECTOR enim legi Dei secúndum interiorem hóminem : vídeo autem áliam legem in membris meis, repugnántem legi mentis meae, et captivántem me in lege peccáti, quae est in membris meis. Infélix ego homo, quis me liberábit de corpore mortis hujus? Grátia Dei per Jesum Christum Dóminum nostrum.

Lectio iij.

Cap. 13.

**D**OX praecéssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus : non in comessatióibus, et ebrietá-

tibus, non in cubílibus, et impudicítiis, non in contentiône, et aemulatiône : sed induámini Dóminum Jesum Christum, et carnis curam ne fecéritis in desidériis.

In secundo Nocturno.

Lectio iv.



**A**UGUSTINUS, dum adhuc adoléscent esset, Carthágine in Manichaeórum haeresim incidit. Póstea Romam proféctus, inde Mediolánum missus, ut rhetóricam doceret; cum ibi frequens Ambrósii Epíscopi esset auditor, ejus ópera ad cathólicam fidem sério ánimum adjécit. Suscéptum tamen consílium morabántur saeculi blandiménta. Audíta póstmodum vita Antónii Magni, tenére se non pótuit, quin exclamáret : Quid est hoc? Surgunt indócti, et caelum rápiunt; et nos cum doctínis nostris sine corde, ecce ubi volutámur in carne et ságuine.

Lectio v.

**M**OX adjéctum aedibus hortulum ingressus, sub ficu stratus, cum vétérum voluptátum memória ánimum pertentáret, vocem quasi de vicína domo cum cantu dicéntem, et crebro repeténtem audívit : Tolle, lege : tolle, lege. Quod ille sibi divínitus dictum intérpretans, cóncitus surgens, sacrárum Litterárum códicem in próximo apéruit, ac in ea

Apóstoli verba incidit : Induimini Dóminum Jesum Christum, et carnis curam ne feceritis in desidériis.

Lectio vj.

**T**UNC vero quasi infusa ejus cordi securitátis luce, omnis ab eo dubitátionis ténebrae diffugerunt : totúsque ad Deum ex íntimis praecórdiis convérsus, spem omnem, quam habébat in saeculo, dereliquit. Abdicáto itaque docéndi múnere, una cum matre et nonnullis amícis rus concédens, cum ibi per áliquot menses ardéntius sacris lectiónibus, meditátionibus, et precibus incubuísset, adveniéntibus Paschálibus diébus, Mediolánum revérsus, baptizátus est a beáto Ambrósio, matre Mónica sibi adhaerente, ac de illíus conversióne mirábiliter exultante.

In tertio Nocturno.

Lectio sancti Evangelii secundum Lucam.

Lectio vij.

Cap. 15.

**I**N illo témpore : Erant appropinquantes ad Jesum publicáni, et peccatóres ut audírent illum. Et reliqua.

Homilía sancti Gregórii Papae.

Hom. 34. in Evang.



**C**ONSIDERANDUM nobis est, fratres caríssimi mei, cur Dóminus plus de convérsis peccátoribus, quam

de stántibus justis in caelo gáudium esse fateátur. Unde hoc? nisi quod ipsi per quotidianum visiónis experimentum nóvimus, quia plerúmque ii, qui nullis se opprédos peccatórum mólibus sciunt, stant quidem in via justítiae, nulla illícita pérpetrant, sed tamen ad caeléstem pátriam ánxie non anhelant : tantóque sibi in rebus lícitis usum praebent, quanto se perpetrásse nulla illícita meminérunt : et plerúmque pigri rémanent ad exercénda bona praecípua : quia valde sibi secúri sunt, quod nulla commisérunt mala gravióra.

Lectio viij.

**A**T contra nonnunquam ii, qui se áliqua illícita egísse meminérunt, ex ipso suo dolore compúncti, inardescunt in amórem Dei, seséque in magnis virtútibus exercent, et cuncta difficília sancti certáminis appetunt : ómnia mundi derelinquunt, honóres fúgiunt, accéptis contuméliis laetántur, flagrant desidério, ad caeléstem pátriam anhelant. Et quia se errásse a Deo consíderant, damna praecedéntia lucris sequéntibus recompénsant.

Lectio ix.

**M**AJUS ergo de peccátore convérso, quam de stante justo gáudium fit in caelo : quia et dux in proelio plus eum mílitem díligit, qui post fugam revérsus, hostem fórti-

ter premit, quam illum, qui nunquam terga prae-buit, et nunquam aliquid fortiter gessit. Sic agricola illam amplius terram amat, quae post spinas uberes fruges profert, quam eam, quae nunquam habuit spinas, et nunquam fertilem messem produxit.

R. Gaudeamus omnes in Domino, diem festum celebrantes sub honore beati Augustini : \* De cujus Conversione gaudent Angeli, et collaudant Filium Dei. V. Tenuisti manum dexteram meam : et in voluntate tua deduxisti me, et cum gloria suscepisti me. De cujus. Gloria Patri. De cujus.

#### IN LAUDIBUS.

Añã. Laetentur omnes, qui sperant in te Domine, memoriam recolentes quam exultantis pastoris humeris reportetur ovis, quae erraverat. Psalm. Dominus regnavit. cum ceteris, pag. xj.

Añã. Lacrymas excutit gaudium solemnitatis domus tuae : cum legitur in domo tua de minore filio, quod mortuus erat, et revixit; perferat, et inventus est.

Añã. Pater enim misericors plus gaudet de uno poenitente, quam de nonaginta novem justis, quibus non est opus poenitentia.

Añã. Misisti Domine manum tuam ex alto, et de profunda caligine Augustini ani-

mam eruisti : cum pro eo fletet ad te mater ejus, fidelis tua.

Añã. Exaudisti eam, nec despexisti lacrymas ejus : quae profluentes rigabant terram in conspectu tuo in omni loco orationis ejus.

Ad Benedictus, Añã. Accepta Baptismi gratia, positus Augustinus apud Ostia Tiberina cum matre sua, colloquebantur soli valde dulciter, et inhiabant ore cordis pariter in superna fluenta fontis vitae : vilescebátque mundus iste inter verba, cum delectationibus suis.

#### AD VESPERAS.

Super Psalm. Añã. Laetentur. j. Laudum.

Ad Magnificat, Añã. Laetare mater nostra Jerusalem, quia Rex tuus dispensatorem strenuum, et civem fidelissimum de servitute Babylonis tibi redemit Augustinum.

#### DIE XVI. MAII.

S. Joannis Nepomuceni  
Martyris.

Duplex. Oratio.

**D**EUS, qui ob invictum beati Joannis sacramentale silentium, nova Ecclesiam tuam martyrii corona decorasti : da nobis ejus intercessione et exemplo, linguam caute custodire, ac omnia potius mala quam animae detrimentum in hoc saeculo tolerare. Per Dominum.

In secundo Nocturno.

Lectio iv.



**J**OANNES Nepomúci Bohémiae oppido, unde Nepomuceni cognomen duxit, a paréntibus aetate provectis, non sine futurae sanctitatis praeságio, flammis supra nascentis domum mirabiliter colúcentibus, ortus est. Cum infans in gravem morbum incidisset, beatae Virgini ope, cui natum paréntes referébant acceptum, e vitae periculo evásit incolumis. Egrégia índole, piáque institutióne caeléstibus índiciis obsequente, inter sanctas religiosasque exercitatiónes puerítiam egit : nam ecclésiám frequenter adíre, ac Sacerdótibus ad aras operántibus ministráre in delíciis habébat. Zatécii politióribus lítteris ad humanitátem informátus, Praegae vero gravióribus disciplínis excúltus, philosophíae, theologiae, sacrorúmque cánonum magistérium et láuream eméruit. Sacerdótio initiátus, atque sciéntia Sanctórum ad lucra animárum rite comparátus, ministério verbi Dei se pénitus addíxit. Cum igitur in vítiis exstirpándis, et revocándis in viam salútis errántibus, eloquentia et pietáte úberes éderet fructus, inter canónicos metropolitánae Ecclésiae Praegénsis cooptátus, mox sibi demandátam Evangélíi coram

rege Vencesláo Quarto praedicándi provinciám suscepit, eo succéssu, ut Joánnis suásu multa rex fáceret, magnóque in honóre ejus virtútes haberet : conspicuas tamen, quas ille obtulit, dignitátes, Dei servus, ne a divíni verbi praecónio avocarétur, constantíssime recusávit.

Lectio v.

**R**EGIIS illum eleemósynis in páuperes erogándis praeféctum, Joánna regína consciéntiae sibi moderatórem adscívit. Cum autem Vencesláus ab officio institutóque decessisset, atque in vítia praeceps abriperétur, piae autem cónjugis obtestatiónes et mónita graváte ferret, conténdere ausus est, ut in sacramentáli júdicio Sacerdóti crédita regínae arcána sibi a Joánnē panderéntur. At Dei mínister blandítiis primum, tormentis deínde, et cárceris squalóre tentátus, nefáriae regis cupiditati fórtiter óbstitit. Furéntem tamen Vencesláí ánimum cum ab exsecrándo propósito nec humana, nec divína jura detererént, supréum agónem, quem instáre sibi athléta Christi nóverat, pópulo in conciónē de impendéntibus étiam regni calamitatibus admónito, non obscuré praenuntiávit. Mox Bolesláviam proféctus, ad beatae Virginiis imáginem antíquo cultu célebrem, caeléste praesídium ad certándum bonum

certámen effúsis précibus implorávit. Inde vésperē revertētem in pervigílio Domínicae Ascensiónis rex e fenestra conspicátus arcéssit; cumque veheméntius urgéret, et próximam in aquis, si obluctári pēgeret, submersiónem intentáret, Joánnēs invícta constántia terróres mínasque refutávit. Itaque regis império in Moldávam flumen Pragā interfluens noctu dejéctus, illústrem martyrii coronam est consecútus.

Lectio vij.

**S**ACRILEGUM fácinus clam patrátum, et Mártiris glóriam insigne prodígium divínitus patefécit. Ubi enim exánime corpus secúndo flúmine vehi coepit, ardéntes facies aquis supernatántes, et discurrentes apparuerunt. Quamóbrem ex aréna prostrádie mane corpus elátum, canónici deinde, regis iram nihil timéntes, in metropolitánam ecclésiā solémni pompa intulérunt, et sepultúrae mandárunt. Cum autem in dies invícti Sacerdotis memória miraculis, et máxima fidélium, eórum praecipue, qui fama periclitántur, veneratione crésceret, post annos demum ámplius tercētos, in júridica recognitióne córporis, quod sub humo tándiu jacuérat, lingua ejus incorrúpta et vívida repérta est; quae sexto post anno júdicibus a sede Apostólica delegátis exhibita,

novo prodígio repénite intúmuit, et subobscúrum rubórem in purpúream commutávit. His itaque, aliisque signis rite probátis, Benedíctus Décimus tértius Póntifex Máximus, die décima nona mensis Mártii anno salutis millésimo septingentésimo vigésimo nono, primum hunc sacramentalis sigilli assertórem, arcáni fidem ságuine obsignántem, sanctórum Mártýrum catálogo adscrípsit.

In tertio Nocturno.

Lectio sancti Evangelii secundum Matthaeum.

Lectio vij.

Cap. 10.

**I**N illo témpore : Dixit Jesus discípulis suis : Nihil est opértum, quod non revelábitur : et occúltum, quod non sciétur. Et reliqua.

Homília sancti Hilárii

Epíscoli.

Comment. in Matth. cap. 10.  
post med.



**D**OMINUS diem júdicii osténdit, quae abstrúsam voluntátis nostrae consciéntiam prodet : et ea, quae nunc occúltata existimántur, luce cognitiónis públicae déteget. Igitur non minas, non consília, non potestátes insectántium monet esse metuénda : quia dies júdicii nulla haec fuisse, atque inánia revelábit. Et quod dico vobis in ténebris, dícite in lúmine : et quod in aure auditis,

praedicáte super tecta. Non lé-  
gimus Dóminum sólitum fuís-  
se nóctibus sermocinári, et do-  
ctrínam in ténebris tradidís-  
se: sed quia omnis sermo ejus  
carnálibus ténebrae sunt, et ver-  
bum ejus infidélibus nox est.

Lectio viij.

**I**TAQUE id, quod a se  
dictum est, cum libertate  
fidei et confessiónis vult esse  
loquéndum. Idcirco quae in  
ténebris dicta sunt, praedicári  
jussit in lúmine: ut quae se-  
créto áurium commissa sunt,  
super tecta, id est, excélso lo-  
quéntium praecónio audiántur.  
Constánter enim Dei ingerén-  
da cognítio est, et profúndum  
doctrínae evangélicae secrétum  
in lúmine praedicatiónis Apo-  
stólicae revelándum: non ti-  
méntes eos, quibus cum sit  
licéntia in córpora, tamen in  
ánimam jus nullum est: sed  
timéntes pótius Deum, cui per-  
déndae in gehénna et ánimae  
et córporis sit potéstas.

Lectio ix.

**N**OLITE timére eos, qui  
occidunt corpus. Nullus  
ígitur córporum nostrórum ca-  
sus est pertimescéndus, neque  
ullus interiméndae carnis ad-  
mitténdus est dolor: quando  
pro natúrae suae atque orígini-  
nis conditióne resolúta, in sub-  
stántiam spirituális ánimae  
refundátur. Et quia doctrínis  
tálibus confirmátos oportet líbe-  
ram confiténdi Dei habére con-

stántiam, étiam conditiónem,  
qua tenerémur, adjécit: nega-  
túrum se eum Patri in caelis,  
qui se homínibus in terra ne-  
gásset: eum porro, qui confés-  
sus coram homínibus se fuís-  
set, a se in caelis confiténdum:  
qualésque nos nóminis sui te-  
stes homínibus fuissémus, tali  
nos apud Deum Patrem testi-  
mónio ejus usúros.

## DIE XVIII. MAII.

S. Venantii Martyris.

Simplex.

Oratio.

**D**EUS, qui hunc diem beáti  
Venántii Mártyris tui  
triúmpho consecrásti; exáudi  
preces pópuli tui: et praesta,  
ut qui ejus mérita venerámur,  
fidei constántiam imitémur.  
Per Dóminum.

In secundo Nocturno.

Lectio iv.



**VENANTIUS** Camers  
quíndecim annos na-  
tus, cum christiánae  
religiónis accusarétur  
apud Antíochum, qui sub Dé-  
cio imperatóre Cameríno prae-  
erat, in porta civitátis praesidise  
óbtulit: quem ille pollicitatióni-  
bus ac terróribus diu tentátum,  
flagris caedi, et vñculis astrín-  
gi jussit: sed iis mirábiliter  
ab Angelo solútus, lampádibus  
póstea adúritur, atque invérso  
ore, fumo supposito, suspéndi-  
tur. Ejus constántiam in tor-  
méntis demirátus Anastásius  
corniculárius, et quod eum, ab



Angelo iterum solutum, candida veste supra fumum ambulātem vidisset, in Christum credidit, et a beato Porphyrio Presbytero cum familia baptizatus, paulo post martyrii palmam cum eodem promeruit.

Lectio v.

**A**T Venantius praesidi constituitur, et ab eo iterum frustra tentatus ut Christi fidem desereret, in carcerem conjicitur: quo Attalus praeco mittitur, qui ei dicat se quoque Christianum fuisse, et ei nomen propterea renuntiasse, quod cognovisset inane esse fidei commentum, quo Christiani praesentibus se abdicant ob vanam futurorum spem. Verum nobilis Christi athleta callidi hostis insidias non ignorans, diaboli minister a se penitus rejecit: quare ad praesidem iterum adducto omnes contusi sunt dentes, maxillaeque confractae, atque ita caesus in sterquilinum dejicitur. Sed inde ab Angelo quoque ereptus, rursus stetit ante iudicem: qui, Venantio adhuc loquente, e tribunali cecidit, et in ea voce, Verus est Venantii Deus; nostros deos destruite: exclamans, expiravit.

Lectio vj.

**Q**UOD cum praesidi nuntiatum esset, extemplo Venantium leonibus objici jussit, qui, naturali feritate omisa, ad ejus se pedes abjecerunt.

Interim ille populum Christi fidem edocebat: quare inde amotus, iterum in carcerem traditur. Cumque postridie praesidi referret Porphyrius, se per visum noctu populos, quos Venantius aqua tingebat, clarissima luce fulgentes, ipsum vero praesidem obscurissima caligine opertum vidisse; praeses ira incensus, eum illico capite plecti imperat: deinde Venantium per loca vepribus et carduis consita trahi usque ad vesperam. Is cum semianimis relictus esset, mane se iterum praesidi praesentavit, cujus jussu statim e rupe praecipitatur: sed inde etiam divinitus ereptus, denuo per loca aspera ad mille passus trahitur, ubi militibus siti aestuantibus in proxima convalle ex lapide, in quo et genuum formam reliquit, sicut etiam nunc in ejus ecclesia videre licet, crucis signo a Venantio facto, aquae manarunt. Eo miraculo plures permoti, in Christum crediderunt, quos omnes praeses eo loci una cum Venantio capite feriri jussit. Fulgura et terraemotus eo tempore ita magni fuere, ut praeses aufugeret: qui paucis tamen post diebus, divinam haud valens effugere justitiam, turpissimam mortem oppetiit. Christiani interim Venantii et aliorum corpora honorifico loco sepelierunt, quae Camerini in ecclesia Venantio dicata condita adhuc sunt.

In iij. Nocturno, Homilia in Evang. **Ego sum vitis vera.** ut in Comm. unius Mart. pag. xxxiij.

### DIE XIX. MAII.

S. Petri Caelestini Papae et Confessoris.

Duplex. Oratio.

**D**EUS, qui beátum Petrum Caelestínium ad suími Pontificátus ápicem sublimásti; quique illum humilitáti postpónere docuísti : concéde propítius, ut ejus exémplo cuncta mundi despícere, et ad promíssa humílibus praemia perveníre felíciter mereámur. Per Dóminum.

Eodem die Mem. in Vesperis et in Laudibus S. Pudencianae Virg.

Oratio.

**E**XAUDI nos Deus salutáris noster : ut sicut de beátae Pudencianae Vírginis tuae festivitáte gaudémus, ita piaevotiúnis erudiámur afféctu. Per Dóminum.

In secundo Nocturno.

Lección iv.

**P**ETRUS a nómine, quo Póntifex est appellátus, Caelestínus dictus, honéstis catholicíisque paréntibus Aesérniae in Samnítibus natus, adulescéntiam vix ingríssus, ut ánimum a mundi illécebris custodíret, in solitúdinem secés-

sit. Ibi contemplatiúnibus mentem nútriens, corpus in servitútem rédicens, férream caténam ad nudam carnem adhibébat. Congregatiúnem, quae póstea Caelestinórum dicta est, sub régula sancti Benedícti instituit. Hinc quasi lucérna super candelábrum pósa, cum abscóndi nequíret, (Romána Ecclésia diu viduáta pastóre) in Petri cáthedram ignórans et absens adscítus, magna novitátis admiratióne, non minus quam repentinó gáudio cunctos affécit. Cum autem in Pontificátus sublimitáte collocátus, váriis disténtus curis, assuétis incúmbere meditatiúnibus vix posse cognósceret, óneri páriter et honóri voluntárie cessit. Indéque priscam vitae ratió-nem répetens, obdormívit in Dómino. Ejúsque pretiósam mortem crux, praefúlgens in áere ante cubículi óstium, reddidit ámplius gloriósam. Miráculis multis tam vivens, quam post óbitum cláruit : quibus rite examinátis, Clemens Quintus anno, post quam decéssit, undécimo, Sanctórum número adscrípsit.

Ex libro Morálium sancti Gregórii Papae.

*Lib. 10. c. 16. in c. 12. Job.*

Lección v.

**D**ERIDETUR justí simplicitas. Hujus mundi sapiéntia est, cor machinatiúnibus tégere, sensum verbis

velâre : quae falsa sunt, vera ostêndere; quae vera sunt, falsa demonstrâre. Haec nimirum prudêntia usu a iuvenibus scitur, haec a pueris pretio discitur : hanc qui sciunt, ceteros despiciendo superbiunt : hanc qui nesciunt, subiecti et timidi in aliis mirantur : quia ab eis haec eadem duplicitatis iniquitas aequitatis nomine palliata diligitur, dum mentis perversitas, urbanitas vocatur. Haec sibi obsequentibus praecipit honorum culmina quaerere, adæpta temporâlis gloriæ vanitate gaudere, irrogata ab aliis mala multiplicius reddere : cum vires suppetunt, nullis resistentibus cedere : cum virtutis possibilitas deest, quidquid explere per malitiam non valent, hoc in pacifica bonitate simulare.

Lectio vj.

**U**T contra, sapientia iustorum est, nil per ostensionem fingere, sensum verbis aperire, vera ut sunt diligere, falsa devitare, bona gratis exhibere, mala libentius tolerare quam facere, nullam injuriæ ultionem quaerere, pro veritate contumeliam lucrum putare. Sed haec iustorum simplicitas deridetur, quia ab huius mundi sapientibus, puritatis virtus fatuitas creditur. Omne enim, quod innocenter agitur, ab eis proculdubio stultum putatur : et quidquid in opere veritas approbat, carnali sapientiae fá-

tuum sonat. Quid namque stultius videtur mundo, quam mentem verbis ostendere, nil callida machinatione simulare, nullas injuriis contumelias reddere, pro maledicentibus orare, paupertatem quaerere, possessa relinquere, rapienti non resistere, percutienti alteram maxillam praebere?

In iij. Nocturno, Homilia in Evang. Ecce nos relinimus. ut in Comm. Abb. pag. lxi.

## DIE XX. MAII.

B. Columbae Virginis  
Ord. Praed.

Duplex.

Oratio.

**D**EUS, qui beatam Columbam Virginem tuam, puritate et innocentia candidam, supernis fulgoribus illustrare dignatus es : concede quaesumus, ut ejus intercessione, puris tibi mentibus servientes in terris, splendore gloriæ tuæ perfrui mereamur in caelis. Per Dominum.

In j. Nocturno, Lectiones De virginibus. ut in Comm. unius Virg. non Mart. pag. lxxxiiij.

In secundo Nocturno.

Lectio iv.



**C**OLUMBA, Reate in Umbria honestis orta parentibus, a columba, quae super caput ejus, dum baptizaretur, apparuit, nomen accepit. In ipsis cunis reliquae vitae suae felici-

citer praelúdens, inter ália, quae futúrae sanctitátis indícia prae-buit, singulis sextis Fériis matérnum lac non nisi semel sugébat. Crescénte dein aetáte, virtútes quoque crevérunt, et ópera. Pietáti ac oratióibus addícta, virginitátem suam adhuc decénis vírginum Sponso consecrávit. Núptias sibi a paréntibus oblátas intrépide recusans, eórum moléstias patiénter sustínuit. Daemones étiam, qui obscénis speciébus objéctis, illam a propósito retráhere conabántur, impávide profligávit. Dénique post multa superáta certámina, hábitum Tértii Ordinis sancti Patris Domínici, quem diu expetierat, summa cum exsultatióne suscepit.

## Lectio v.

**S**ACRO Religiónis hábitu indúta, et caeléstí rore perfúsa, uníus Christi amóribus vacáre stúduit. Ex pátria Perúsiū véniens, monastérium sub invocatióne sanctae Catharinae Senénsis, ad erudiéndas nóbiles puéllas fundávit. Hic Dilécto suo se árctius illigáre cúpiens, áasperum cili-cium, círculos férreos, atque caténas córpori astrínxit. Super nudam humum, aut tábulas, ac intérdum spinas, étiam dum fébribus urerétur, módicum somnum carpébat. Flagro férreo ter singulis nóctibus corpúsculum cruentábat. Loca sacra nudis pédibus, étiam hi-

bérno témpore, fréquénter invisébat. Oratióni diu noctúque insístens, passióem meditábatur. In pane et aqua jejunáre consuéverat, donec pénitus abdicáto panis usu, immatúris dumtáxat frúctibus, et acérbis uvis, nonnisi parce vescerétur.

## Lectio vj.

**D**IVINAE contemplatiónis capta dulcédine, atque in éxtasim saepius rapta, visióibus caeléstibus recreabátur. Singulis diébus ánimum suum sacra Communióne reficiébat : tantáque suavité perfunde-bátur, ut vel prae gáudio lácrymis inundáret, vel prae nímio amóris aestu langueret. Vírginis hujus probitátem Deus ipse voluit esse mundo conspícua: nunc eam stellis supérne fulgéntibus indicans, nunc flámmeo ignitóque rádio caput ejus exórnans. Spíritu prophético futúra multa praedíxit : vitaeque suae términum, Dómino revelánte, cognóvit. Tandem virtútibus ac méritis plena, die vigésima Maii, anno salutis millésimo quingentésimo primo, aetátis vero suae ineúnte trigésimo quarto, Perúsii migrávit ad Dóminum. Plúribus in vita et post mortem claruísse miraculis perhibétur. Ejus cultum approbávit Urbánus Papa Octávus. Ut autem festum ejus cum Offício et Missa tam in univérso Praedicatórum Ordine, quam in civitáti-

bus Perusína et Reatína a toto illárum clero possit celebrári, Benedíctus Décimus tértius Ordinis Praedicatórum benígne concéssit.

In iij. Nocturno, Homilia in Evang. Símile erit regnum caelórum decem virgínibus. ut in Comm. unius Virg. non Mart. pag. lxxxv.

### DIE XXI. MAII.

S. Bernardini Senensis  
Confessoris.

Simplex. Oratio.

**D**OMINE Jesu, qui beáto Bernardíno Confessóri tuo exímium sancti nóminis tui amórem tribuísti : ejus, quaesumus, méritis et intercessióne, spíritum nobis tuae dilectiónis benígnus infúnde : Qui vivis et regnas.

In secundo Nocturno.

Lectio iv.



**B**ERNARDINUS Albizésca nóbili Senénsi família ortus, ab ineúnte aetáte non obscura sanctitátis dedit indícia : nam a piis paréntibus honeste educátus, negléctis puerílibus ludis, inter prima grammatícae stúdia pietátis opéribus ánimus inténdit, jejúniis, oratióni, et beatíssimae Vírginis cultui praecipue addíctus. Misericórdia vero in páuperes fuit insígnis. Quae quidem ómnia, procedente témpore, quo mélius posset excólere,

eórum número adscríbi vóluit, qui Senis in hospitáli domo beátae Maríae de Scala Deo insérviunt, unde complúres sanctitáte célebres viri prodiérunt. Ibi córporis afflictatiónē, et aegrotántium cura, dum atrox pestiléntia grassarétur, incredíbili caritáte sese exércuit. Inter céteras autem virtútes castitátem, egrégia forma repugnánte, sanctíssime custodívit : ádeo ut, eo praesente, nemo unquam, ne impudentíssimus quidem, verbum minus honéstum proférre auderet.

Lectio v.

**G**RAVI morbo tentátus, eoque ad quátuor menses patientíssime toleráto, demum incólumis de religiósae vitae institúto capesséndo deliberáre coepit : quo ut sibi viam muníret, aedículam in extrémā urbe condúxit; in quam cum sese abdidisset, aspérrimam omni ex parte vitam trahébat, Deum assíduē orans, ut quid sibi sequéndum esset, osténderet : quare divínitus factum est, ut beáti Francísci Ordinem prae céteris optáret, in quo humilitáte, paciéntia, aliisque religiósi hóminis virtútibus excelluit. Id cum coenóbii Rector animadvérteret, jamque ántea Bernardíni doctrínam, et sacrárum Litterárum perítiam perspéctam habéret, praedicándi onus eidem impósuit : quo humíllime suscepto, cum se mi-

nus idóneum agnósceret ob vocis exilitátem ac raucitátem, Dei ope imploráta, non sine miráculo ejúsmodi impedimén- to liberátus est.

Lectio vj.

**C**UMQUE ea témpora ví- tiis criminibúsq; redun- dárent, et cruéntis factiónibus in Itália, divína humanae omnia permísta essent, Ber- nardínus urbes atque óppida concúrsans, in nómine Jesu, quem semper in ore et in péc- tore gerébat, collápsam pietátem, morésque verbo et exémplo magna ex parte restítuit : quo factum est, ut praeclárae civi- tátes eum sibi Episcopum a summo Pontífice postulárent : quod ille munus invícta humi- litáte constantíssime rejécit. Dénique vir Dei imménsis labóribus exháustus, multis magnísque éditis miráculis, libris étiam pie doctéque con- scríptis, cum vixisset annos sex ac sexagínta, in Urbe Aquila in Vestínis beáto fine quíevit : quem novis in dies coruscán- tem signis, anno post óbitum sexto, Nicoláus Quintus Pón- tífex Máximus in Sanctórum númerum rétulit.

In iij. Nocturno, Homilia in Evangelium. **Ecce nos reli- quimus.** de Communi Abba- tum, pag. lxi.

—❖—

## DIE XXII. MAII.

S. Servatii Episc. et Conf.  
Totum Duplex.

Oratio.

**E**XAUDI, quaesumus Dó- mine, preces nostras, quas in beáti Servátii Confessóris tui atque Pontíficis solemnité deférimus : ut qui tibi digne méruit famulári, ejus interce- déntibus méritis, ab ómnibus nos absólvas peccátis. Per Dó- minum.

In primo Nocturno.

De libro secúndo Macha- baeórum.

Lectio j.

Cap. 15.



**M**ICANOR autem, ut cómperit Judam esse in locis Samáriae, cogitávit cum omni ímpetu die sábbati committere bellum. Judaeis vero, qui illum per necessitátem sequebántur, dicéntibus : Ne ita feróciter, et bárbare féceris, sed honóreni tribue diéi sanctificatiónis, et honóra eum, qui univérsa cón- spicit : ille infélix interrogávit, si est potens in caelo, qui im- perávit agi diem sabbatórum. Et respondéntibus illis, Est Dóminus vivus ipse in caelo potens, qui jussit agi séptimam diem. At ille ait : Et ego po- tens sum super terram, qui ímpero sumi arma, et negó- tia regis impléri. Tamen non óbtinuit ut consílium perfí- ceret.

## Lectio ij.

**M**ACHABAEUS autem semper confidebat cum omni spe auxilium sibi a Deo adfuturum. Et hortabatur suos ne formidarent ad adventum nationum, sed in mente haberent adiutoria sibi a Deo facta. Singulos autem illorum armavit sermonibus optimis, expósito digno fide sómnio, per quod universos laetificavit. Erat autem hujuscemodi visus : Oníam, qui fúerat summus sacerdos, manus protendentem, oráre pro omni pópulo Judaeórum. Post hoc apparuisse et álium virum aetáte, et glória mirabilem, et magni decóris habitúdine circa illum. Respondentem vero Oníam dixisse : Hic est fratrum amátor, et pópuli Israël : hic est, qui multum orat pro pópulo, et universa sancta civitate, Jeremías prophéta Dei.

## Lectio iij.

**E**XHORTATI itaque Judae sermonibus bonis valde, de quibus extólli posset ímpetus, et ánimi júvenum confortári, statuérunt dimicáre : eo quod civitas sancta, et templum periclitarentur. Sed et eos, qui in civitate erant, non mínima sollicitúdo habebat pro his, qui congressúri erant. Nicánor autem, et qui cum ipso erant, cum tubis et cánticis admovébant. Judas vero, et qui cum eo erant, in-

vocáto Deo, per oratiónes congressi sunt : manu quidem pugnántes, sed Dóminum córdibus orántes, prostravérunt non minus trigínta quinque millia, praeséntia Dei magnífice delectáti. Omnes igitur caeli benedixérunt Dóminum, dicéntes : Benedíctus, qui locum suum - incontaminátum servávit. Itaque omnes comúní consílio decrevérunt nullo modo diem istum absque celebritáte praeteríre.

## In secundo Nocturno.

## Lectio iv.



**S**ERVATIUS e generósa virórum stirpe éditus, nobíliter natus, nobiliúsque conversátus est. Tungrénsis Epíscopus creátus, sanctitáte et doctrína suo témpore flóruit. Intérfuit concílio Sardicénsi, ubi fides Nicaenae synodi confirmáta est, et in Ariminénsi constantíssimus est hábitus. Missus a Magnéntio tyránno, una cum sancto Maximíno Treverénsi Epíscopo, ad Constantium imperatórem legátus, cum Alexándriam appulísset, a sancto Athanásio honorífice excéptus est. Rédiens in Gállias, oves domínicas ab insidiatóre lupo protéxit : et pro eisdem, etsi gládius persecutóris defuit, parátus tamen erat perférre martyrium. Nam ex quo erat, ut testátur Gregórius Turonénsis, exímiae sanctitátis

Episcopus, vigiliis et jejuniis vacans, crebro lacrymarum imbre perfusus Dómini misericórdiam precabátur, ne unquam bárbaras gentes in Gálliam veníre permitteret.

Lectio v.

**H**UNNORUM advéntum áudiens, simúlque de irruptione suae civitátis métuens, multis lácrymis et corporis afflictationibus misericórdiam Dei deprecabátur, ut pópulum suum a proditorum nequítia tuerétur : sed sentiens per spíritum, peccátis pópuli praepediéntibus, id nullo modo posse concédi, Tungrénsibus Dei justítiam apérui, et ita eos allóquitur : Post breve tempus corpúsculum hoc sum relictúrus; verúmtamen certos vos esse cúpio, quod si corpóribus salvándis prodésse néqueo, animábus saltem vestris incolumitátem semper impetráre curábo. Hinc módica pulsátus febre, frágle corpus desérui.

Lectio vj.

**Q**UOD sancti Praesulis singuláre patrocínium étiam Ordini Praedicatorum, postquam in Beatórum collégio adscríptus fuit, mirábili plane modo páuit. Nam cum Ludovicus Bávarus, Ecclesiae ac eidem Ordini infensíssimus, certiorátus esset de Frátribus in suis ditiónibus convocátis pro capítulo generáli habéndo,

ut eos interficeret, molístus est insídias. Servátius, in somnis cuídam ex nostris appárens, uti monuménta testántur, admónitos Fratres vóluit, ut ad áliam fúgerent civitátem, atque ita illos ab inevitábili caede liberávit. Unde ob vindicatúm Ordinem ab imminénti tanto perículo, Patres decrevérunt, ut de sancto Servátio Offícium perpétuis futúris haberétur tempóribus. Verum quia ejus institútio sub ritu trium Lectiónum, prout ab inítio ordináta fúerat, ob multitudinem festivitátum majóris solemnitátis occurréntium, fere jam obsoléta remanébat, ne tanti benefícii memória ab ómnium Fratrum Praedicatorum córdibus excíderet, Leo Duodécimus Póntifex Máximus benígne indúlsit, ut sub ritu Toto Dúplici ab univérso Ordine deinceps celebrarétur.

In tertio Nocturno

Lectio sancti Evangelii secundum Matthaeum.

Lectio vij.

Cap. 10.

**I**N illo témpore : Dixit Jesus discípulis suis : Cum persequéntur vos in civitáte ista, fúgite in áliam. Et réliqua.

Homília sancti Brunónis

Episcopi.



**A**LIA sunt praemia Christi, tália sunt bella novi Testaménti. Sic Christi fidéles pugnáre novérunt. Dí-



xerat eis Dóminus supérius : Ecce ego mitto vos sicut oves in médio lupórum. Praecéperat eis, ut essent prudéntes sicut serpéntes : nunc autem dicit eis, ut fúgiant, et persecutóribus, se persecuéntibus, non resístant. Fugerunt Israélitae Ægyptios, et vicérunt; fugit et David, et rex a Deo constitútus est. Hanc autem fugam Jacob Patriárcha significávit, qui post magnam et longam servitútem, cum uxóribus et líberis, omníque possessione sua Laban sócerum suum fugísse légitur.

Lectio viij.

**Q**UID igitur Jacob simul cum uxóribus et fíliis, omníque possessione sua Laban fugísse légitur? Hoc significáre vidétur, ut nos quoque mundum istum fugiámus : et amícos, et propínquos, et quoscúmque póssumus, de ejus servitúte eripiámus. Septem díebus Laban séquitur Jacob, quia, quámdui vívimus, mundus iste pórsequi nos non cessat. Non enim sunt dies nisi septem : igitur qui septem díebus nos perséquitur, nullo témpore a persecutióne quiéscit. Quo igitur fugiémus? Fugiámus ad montem Gálaad, ibíque tentória figámus.

Lectio ix.

**I**PSE Dóminus discípulis ait : Si de mundo fuissétis : mundus quod suum erat

dilígeret : vos autem de mundo non estis, sed ego elégi vos de mundo, proptérea odit vos mundus. Tália, et his simília audiúntur in monte Gálaad. Illuc igitur fugiámus, et Dóminum dicéntem audiámus. Ubíque patiéntiam et innocéntiam Dóminus docet : non resistere, sed fúgere ádmonet. Fúgite, inquit, malos : fúgite persecutóres : fúgite in áliam civitátem : non enim déerunt vobis civitátes, ad quas fúgere possítis. Prius enim véniet Fílius hóminis, prius ad júdicium revertétur, quam vos omnes civitátes Israél consummétis, et ad fidem convertátis. Mea exémpa vos dóceant : ad me respícite; quod in me fíeri vidétis, hoc in vobis ne formidétis.

## DIE XXIII. MAIL.

B. Ludovici Mariae Grignon  
de Monfort Conf.

Ord. Praed.

Duplex.

Oratio.

**D**EUS, qui beátum Ludovicum Mariám Confessórem tuum crucis mystérii, et sanctíssimi Rosárii praecónem exímium effecísti; ac nova per eum família Ecclésiám fecundásti : ejus méritis et intercessióne concéde, ut per unigéniti Fílii tui vitam, mortem, ac resurrectionem; salutis aetérnae praemia consequámur. Per eúmdem Dóminum.

In j. Nocturno, Lectiones  
Beatus vir. de Comuni Conf.  
pag. lxiv.

In secundo Nocturno.

Lectio iv.



**LUDOVICUS** Maria  
Grignon in Britan-  
niae Minoris pago  
Montfort, a quo no-  
men sumpsit, anno millésimo  
sexcentésimo septuagésimo  
tértio, pridie Kalendas Fe-  
bruárii, ex nobilibus piisque  
paréntibus natus est. Duodéci-  
mum annum agens, in Rhedo-  
nénsi collégio Societátis Jesu  
collocátus, talem sese júgiter  
praebuit, ut non raro ab ipsis  
magístris in exéplum pietá-  
tis ac sedulitátis discípulis da-  
rétur. Eménso philosophíae  
currículo, et in minóri sancti  
Sulpícii seminário Lutétiae  
Parisiórum recéptus, ómnium  
virtútum magíster habéri coe-  
pit. Sacerdótio initiátus, sacris  
expeditiónibus óperam dedit, et  
quam plúrima Nannétis, Parí-  
siis, ac Pictávii, caritátis et apo-  
stólici zeli monuménta édedit.

Lectio v.

**G**RAVIORUM labórum  
cúpidus, cum infidélibus  
pópulis Christum praedicáre  
constituísset, Romam ádiit, et  
Cleménti Undécimo mentem  
suam apéruiť. A quo tamen  
audívit se ad Gálliae pótius,  
quam ad barbarórum salútem  
curándam a Deo seléctum fuís-  
se, ac potíssimum ut advérsus

invalescéntes erróres dimicá-  
ret. Pontíficis verbis excitátus,  
et missionárii apostólici mú-  
nere auctus, revérsus est in  
Gálliam, ubi sacro huic mini-  
stério, quoad vixit, se plane  
devóvit. Hoc in vitae genere  
non perículis aut persecutióni-  
bus detérritus, aut labóribus  
fractus, pestem Janseníanam  
strénue propulsávit, erga Do-  
mínicae passiónis augústa my-  
stéria promóvit pietátem, cul-  
túmque immaculatae Vírginis  
Dei matris, praesértim per  
Mariális Rosárii frugíferam  
consuetúdinem late propagá-  
vit : qua quidem in re inter  
strénuos Gusmáni discípulos  
némini secúndus appáruit. Hos  
apostólicos labóres Deus ita  
fecundávit, ut peccatóres ad  
salútis trámitem, haeréticos  
ad Christi caulam, pios ad  
perfectiόνis sémitam, cléricos  
ad sanctiorem disciplínam pene  
innúmeros perdúxerit.

Lectio vj.

**U**T vero labórum fructus,  
quos ubíque percéperat,  
júgiter permanérent, gémina  
instítuit sodalítia : unum Mis-  
sionariórum Societátis Mariáe  
nuncupátum, qui sacris mis-  
sió nibus impéndere óperam;  
áalterum piárum vírginum, qui-  
bus a divína Sapiéntia nomen  
índidit, voluítque ut quibúsli-  
bet páuperum necessitatibus  
opem ferrent. Demum cum in  
vico sancti Lauréntii ad Sépa-

ram, olim Rupellénsis, nunc Lucionénsis dioecésis, apostólici ministérii munus impléret, quadragésimum quartum aetátis annum jam ingrèssus, mortálem vitam sanctíssimo clausit óbitu, quarto Kaléndas Maias, anno millésimo septingentésimo décimo sexto. Fama sanctitátis ejus, quae, dum vitam ágeret, semper flóruit, post óbitum per univérsam Gálliam magis in dies diffúsa est; accedénte miraculorum glória, quibus divína omnipoténtia illíus sepúlcrum ad haec usque témpora gloriósum réddidit. Quem proptérea Leo Décimus tértius, anno quinquagésimo Sacerdotii sui, solémni ritu Beatórum fastis adscrípsit.

In iij. Nocturno, Homilia in Evang. **Designávit.** de Comm. Conf. pag. lxviii.

#### DIE XXIV. MAII.

B. Mariae Virginis  
tit. Auxilium Christianorum.  
Totum Duplex.

Omnia ut in festo SS. Nominis Mariae, Dom. infra Oct. Nativit. ejusdem, praeter ea, quae seq.

#### AD VESPERAS.

Hymnus.



**SAEPE** dum Christi  
pópulus cruéntis  
Hostis infénsi pre-  
merétur armis,  
Venit adjútrix pia Virgo caelo  
Lapsa seréno.

Prisca sic Patrum monu-  
ménta narrant,  
Templa testántur spóliis opí-  
mis

Clara, votívo repetíta cultu  
Festa quotánnis.

En novi grates líceat Maríae  
Cántici laetis módulis reférre  
Pro novis donis, resonánte  
plausu

Urbis et orbis.

O dies felix, memoránda fa-  
stis,

Qua Petri sedes fidei magí-  
strum

Triste post lustrum réducem  
beáta

Sorte recépit!

Vírgines castae, pueríque  
puri,  
Géstiens clerus, populúsque  
grato

Corde Regínae celebráre caeli  
Múnera certent.

Vírginum Virgo, benedícta  
Jesu

Mater, haec auge bona; fac,  
precámur,

Ut gregem pastor pius ad sa-  
lútis

Páscua ducat.

Te per aetérnos venerémur  
annos,

Trínitas, summo celebránda  
plausu :

Te fide mentes, resonóque lin-  
guae

Cármine laudent.

Amen.

V. Ora pro nobis.

Ad Magnificat, Añña. Ecce  
María erat spes nostra, ad

quam confúgimus in auxílium, ut liberáret nos : et venit in adjutórium nobis.

Oratio.

**O**MNIPOTENS et miséricors Deus, qui ad defensionem pópuli cristiáni, in beatíssima Vírgine María perpétuum auxílium mirabíliter constituísti : concéde propítius, ut tali praesídio muniti certantes in vita, victóriam de hoste maligno cónsequi valeámus in morte. Per Dóminum.

AD MATUTINUM.

Hymnus. Saepe dum Christi. ut in primis Vesperis.

In secundo Nocturno.

Sermo S. Bernárdi Abbátis.

*Ex Sermone de 12. Stellis.*

Lectio iv.



**V**EHEMENTER quidem nobis, dilectíssimi, vir unus et mulier una nocuere : sed grátias Deo, per unum nihilóminus virum et mulierem unam ómnia restaurántur, nec sine magno fénore gratiárum. Et quidem suffícere póterat Christus; síquidem et nunc omnis sufficiéntia nostra ex eo est : sed nobis bonum non erat esse hóminem solum. Cóngruum magis, ut adéset nostrae reparatióni sexus utérque. Jam itaque nec ipsa Múlier benedícta in muliéribus vidébitur otíosa : inveniétur équidem locus ejus in hac reconci-

liatíone. Opus est enim mediátore ad mediátorem Christum; nec alter nobis utílior quam María. Crudélis nímium mediátrix Heva, per quam serpens antíquus pestíferum étiam ipsi viro virus infúdit : sed fidélis María, quae salutis antidotum et viris et muliéribus propinávit. Illa enim mínistra seductiónis, haec propitiatiónis : illa suggéssit praevaricatiónem, haec ingéssit redemptiónem. Quid ad Mariam accédere trépidet humana fragilitas? Nihil austérum in ea, nihil terríbile : tota suávis est, ómnibus ófferens lac et lanam. Revólve diligéntius evangélicae históriae sériem univérsam : et si quid forte increpatórium, si quid durum, si quod dénique signum vel levis indignatiónis occurrerit in María, de cétero suspéctam hábeas, et accédere vereáris.

Lectio v.

**Q**UOD si, ut vere sunt, plena magis ómnia pietátis et grátiae, plena mansuetúdinis et misericórdiae, quae ad eam pértinent, invéneris : age grátias ei, qui talem mediátricem benigníssima miseratione provídít, in qua nihil possit esset suspéctum. Dénique ómnibus ómnia facta est, sapiéntibus et insipientibus copiosíssima caritáte debitrícem se fecit. Omnibus misericórdiae sinum áperit, ut de

plenitúdine ejus accípiant univérſi : captívus redemptiónem, aeger curatióem, trístis conſolatióem, peccátor véniam, juſtus grátiam, Angelus laetítiam. Ipa praetéríta non diſcutit mérita : ſed ómnibus ſeſe exorábilem, ómnibus clementíſſimam praebet, ómnium déniſue neceſſitatés amplíſſimo quodam miſerátur afféctu. Ipa eſt quondam a Deo promíſſa múlíer, ſerpéntis antíqui caput virtútis pede contrítúra; cujuſ plane calcáneo in multis verſútiis inſidiátus eſt, ſed ſine cauſa. Sola enim contrívit univérſam haeréticam pravitatém. Contríti ſunt inſidiántes, conculcati ſupplanta-tóres, confutati derogatóres : et beátam eam dicunt omnes generatióes. Jam ſi Eccléſia lunae intelligénda vidétur vocábulo, habes mediátricem evidénter expreſſam : Múlíer, inquit, amícta ſole, et luna ſub pédibus ejus. Amplectámur Maríae veſtigia, et devotíſſima ſupplicatióne beátis illíus pédibus provolvámur. Teneámus eam, nec dimittámus, donec benedíxerit nobis : potens eſt enim.

*Ex publicis monumentis.*

Lectio vj.

**P**RAESENTISSIMUM Deíparae auxílium ad religiónis hoſtes profligándos, ſaepe pópulus chrítiánus mirum in modum expértus eſt. Ex quo factum, ut ſanctíſſi-

mus Póntifex Píus Quintus poſt inſígnem victóriam, intercedénte beatíſſima Vírgine, a Chrítiánis de Turcárum tyránno apud Echínadas ínſulas reportátam, in Litaníſ Lauretánis eámdem Regínam caelórum inter ália praecónia Auxílium Chrítiánórum appellári conſtitúerit. Sed illud in primis memorábile eſt, atque exploráti miráculi loco habéndum, quod cum Románuſ Póntifex Píus Séptimus impiórum conſíliis et armis ex Apoſtólica Petri ſede exturbátus, et arcta cuſtódia, praesér-tim Savónae per annos quinque, eóque ámplius fuíſſet deténtus, viis ómnibus pénitus interclúſis, ne Dei Eccléſiam régere poſſet, nullo ſímilis perſecutiónis in príſcis annálibus exémplo, inopináto et praeter ómnium exſpectatióem cóntigit, ut ingénti plauſu, ac véluti univérſi orbis mánibus pontifício ſólio reſtituerétur. Quod et ſecúndo áccidit, dum íterum commóto túrbine, ab Urbe diſcédens ſacro comítante Cardinálíum collégio, Ligúriam conténdit. Verum praesentíſſimo Dei beneficio, ceſſánte procélla, quae grave minabátur excídium, Romam, plaudéntibus prae novo gáudio pópulis, revérſus eſt. Antea tamen, quod in votis habúerat, et captivitáte deténtus éxſequi nequíverat, áurea coróná inſígnem Savónae imáginem Deí-

parae Vírginis sub título Matris misericórdiae solémni ritu propriisque mánibus decorávit. Quam miráblem rerum vicissitudinem idem Póntifex Máximus Pius Séptimus, totíus evéntus íntime cóncius, cum intercessióne sanctíssimae Dei Genitrícis, cujus poténtem opem et ipse impénse imploráverat, et ab ómnibus Christi fidélibus implorári curáverat, accéptam mérito reférret : in ejúsdem Vírginis matris honórem sub appellatióne Auxílii Christianórum solémne festum indíxit perpétuo celebrándum die mensis Maii vigésimo quarto, faustíssimi sui in Urbem réditus anniversário, approbáto étiam Offício próprio, ut tanti benefícii distíncta et perénis exstet memória, et gratiárum áctio.

In tertio Nocturno.

Lectio sancti Evangelii secundum Lucam.

Lectio vij. Cap. II.

**I**N illo témpore : Loquente Jesu ad turbas, extóllens vocem quaedam múlíer de turba, dixit illi : Beátus venter, qui te portávit. Et reliqua.

Homília sancti Bernárdi Abbátis.

In Nativitate B. M. V.



**I**NTUERE, o homo, consílium Dei : agnósce consílium sapientiae, consílium pietátis. Caelésti rore áream

rigatúrus, totum vellus prius infúdit. Redemptúrus humánnum genus,prétium univérsum cóntulit in Maríam. Altius ergo intuémíni, quanto devotiónis afféctu a nobis eam volúerit honorári, qui totíus boni plenitudinem pósuit in María : ut proínde, si quid spei in nobis est, si quid grátiae, si quid salutis, ab ea novérimus redundáre, quae ascéndit delíciis áffluens. Totis ergo medúllis córdium, totis praecordiórum afféctibus, et votis ómnibus Maríam hanc venerémur : quia sic est volúntas ejus, qui totum nos habére volúit per Maríam. Haec, inquam, volúntas ejus est, sed pro nobis.

Lectio viij.

**I**N ómnibus síquidem, et per ómnia próvidens miseris, trepidatióem nostram solátur, fidem éxcitat, spem róborat, diffidéntiam ábigit, érigit pusillanimitátem. Ad Patrem verebáris accédere; solo audítu térritus, ad fólía fugiébas : Jesum tibi dedit mediatórem. Quid non apud talem Patrem Fílius talis obtíneat? Exaudiétur útique pro reveréntia sua : Pater enim díligit Fílium. Sed fórsitan et in ipso majestátem vereáre divínam, quod, licet factus sit homo, mánserit tamen Deus. Advocátum habére vis et ad ipsum? Ad Maríam recúrre. Pura síquidem humánitas in

María : non modo pura ab omni contaminatióne, sed et pura singularitáte natúrae. Nec dubius díxerim : exaudiétur et ipsa pro reveréntia sua. Exáudiet útique Matrem Fílius, et exáudiet Fílium Pater.

Lectio ix.

**F**ILIOLI, haec peccatórum scala, haec mea máxima fidúcia est, haec tota rátio spei meae. Quid enim? Potéstne Fílius aut repéllere, aut sustinére repúlsam? Non audíre, aut non audíri Fílius potest? Neutrum plane. Invenísti, ait Angelus, grátiam apud Deum. Felíciter. Semper haec invéniet grátiam, et sola est grátia, qua egémus : nímírum sola est grátia, qua salvámur. Quid nos ália concupíscimus, fratres? Quaerámus grátiam, et per Mariám quaerámus : quia quod quaerit ínvenit, et frustrári non potest. Quaerámus grátiam, sed grátiam apud Deum : nam apud hómines grátia fallax. Quaerant álii méritum; nos inveníre grátiam studeámus. Quid enim? Non grátiae est, quod hic sumus? Profécito misericórdiae Dómini est, quod non sumus consúpti nos.

R̃. Felix namque es sacra Virgo María, et omni laude digníssima : \* Quia ex te ortus est sol justítiae, Christus Deus noster. V. Ora pro pópulo, intérvieni pro clero, intercéd-

de pro devóto femíneo sexu : sentiant omnes tuum juvámén, quicúmque tuum sanctum implórant auxílium. Quia ex te. Glória Patri. Christus.

IN LAUDIBUS,

Hymnus.

**T**HE Redemptóris, Domínique nostri  
Dícimus matrem, speciósá Virgo,  
Christianórum decus et levámen  
Rebus in arctis.  
Saeviant portae licet inferórum,  
Hostis antíquus fremat, et mináces,  
Ut Deo sacrum populétur agmen,  
Súscitet iras :  
Nil truces possunt fúriae nocére  
Méntibus castis, prece quas vocáta  
Annuens Virgo foveat, et supérno  
Róbore firmat.  
Tanta si nobis fáveat Patróna,  
Béllici cessat scéleris tumultus,  
Mille sternúntur fugiúntve turmae,  
Mille cohórtes.  
Tollit ut sancta caput in Siónē  
Turris, arx firmo fabricáta muro,  
Cívitas David, clypeis et acrí  
Mílite tuta :

Virgo sic fortis Dómini poténti  
Délixtera, caeli cumuláta donis,  
A piis longe fámulis repéllit  
Daemonis ictus.

Te per aetérnos. ut supra.

V. Elégit eam Deus.

Ad Benedictus, Añã. Ad te,  
o sancta Dei Génitrix, clamá-  
vimus, et per te venit Dómini  
auxílium nobis.

#### AD VESPERAS.

Hymnus. Saepe dum Chri-  
sti. ut in j. Vesperis.

Ad Magnificat, Añã. Sancta  
María succurre míseris, juva  
pusillánimes, réfove flébiles,  
ora pro pópulo, intérvieni pro  
clero, intercède pro devóto fe-  
míneo sexu : séntiant omnes  
tuum juvámen, quicúmque  
sanctum tuum implórant auxí-  
lium.

#### DIE XXV. MAII.

In Translatione S. Dominici  
Patris nostri.

Totum Duplex.

Omnia fiant, sicut in prae-  
cipuo ejus festo, praeter hic  
posita.

#### IN I. VESPERIS.

Ad Magnificat, Añã. Magne  
Pater sancte Domínice, mortis  
hora nos tecum súscipe, et hic  
semper nos pie réspice.

Eodem die fiat Mem. in  
j. Vesperis et Laudibus de  
S. Maria Magdalena de Pazzis  
Virgine.

#### Oratio.

**D**EUS virginitátis amá-  
tor, qui beátam Mariám  
Magdalénam Vírginem, tuo  
amóre succénsam, caeléstibus  
donis decorásti : da ut quam  
festíva celebritáte venerámur,  
puritáte et caritáte imitémur.  
Per Christum.

Item in j. Vesperis et Laud.  
de S. Urbano Papa et Mart.

#### Oratio.

**D**A, quaesumus omnípo-  
tens Deus : ut qui beáti  
Urbáni Mártyris tui atque  
Pontíficis solémnia cólimus,  
ejus apud te intercessiónibus  
adjuvémur. Per Dóminum.

In primo Nocturno.

De libro Ecclesiástici.

Lectio j.

Cap. 48.



**S**URREXIT Elías  
Prophéta, quasi ignis,  
et verbum ipsíus  
quasi fácula ardébat.  
Qui indúxit in illos famem, et  
irritántes illum invídia sua,  
pauci facti sunt. Non enim pó-  
terant sustinére praecepta Dó-  
mini. Verbo Dómini contínuit  
caelum, et dejécit de caelo  
ignem ter. Sic amplificátus est  
Elías in mirabílibus suis. Et  
quis potest similiter sic gloriá-  
ri tibi? Qui sustulísti mórtuum  
ab ínferis de sorte mortis in  
verbo Dómini Dei.

Lectio ij.

**Q**UI dejecísti reges ad  
perniciem, et confregísti  
fácile poténtiam ipsórum, et



gloriosos de lecto suo. Qui audis in Sina iudicium, et in Horeb iudicia defensionis. Qui ungis reges ad poenitentiam, et prophetas facis successores post te. Qui receptus es in turbine ignis, in curru equorum igneorum. Qui scriptus es in iudiciis temporum lenire iracundiam Domini : conciliare cor patris ad filium, et restituere tribus Jacob.

Lectio iij.

**B**EATI sunt, qui te vident, et in amicitia tua decorati sunt : nam nos vita vivimus tantum, post mortem autem non erit tale nomen nostrum. Elias quidem in turbine tectus est, et in Eliséo completus est spiritus ejus : in diebus suis non pertimuit principem, et potentia nemo vicit illum. Nec superavit illum verbum aliquod, et mortuum prophetavit corpus ejus. In vita sua fecit monstra, et in morte mirabilia operatus est.

In secundo Nocturno.

*Ex S. Antonino, Theodorico de Apoldia, et aliis.*

Lectio iv.



**S**ANCTISSIMI Patriarchae Domínici ánima ad aeternum glórie regnum commigrante, corpus illius candóre virginitátis puríssimum, in arcam lígneam illátum, et húmili sepúlcro Bonóniae cónditum fuit. Sed cum felices illae relí-

quiae innúmeris miráculis coruscárent, de transferéndis in celsiorem atque decentiorem locum ab ómnibus certátim in senténtiam itum est : ac dies tantae rei perficiéndae praestituta.

Lectio v.

**A**DFUIT praeter venerabilem Jordánum secundum Ordinis Magístrum, Archiepiscopus Ravénnae, et magistratus Bononiénsis, innumeraeque tum clericorum, tum civium e vicinis etiam urbibus multitudo. Patefacto sepúlcro, suavíssimus odor ómnium súbito nares et ánimos tanta voluptáte complévit, ut non defúnti córporis bustum, sed praestantíssimórum unguentórum apothéca patuisse videretur.

Lectio vj.

**N**UNC vir admirándus Jordánus, et alii cum illo fratres, perfúsi lácrymis, sacras relíquias summa cum veneratióne e prióre arca edúctas, in nova alia reposuérunt, et in marmóreo sepúlcro condidérunt : ubi quoque Deus virum apostólicum innúmeris divinórum prodigiórum ornávit honóribus. Facta est haec Translatio anno salutis millésimo ducentésimo trigésimo tertio.

IN LAUDIBUS.

Aña j. quae dic. etiam ad Primam et super Psalm. in ij.

Vesperis. Pie Pater Domínice, tuórum memor óperum, sta coram summo Júdice pro tuo coetu páuperum.

## DIE XXVI. MAII.

S. Philippi Nerii Conf.  
Totum Duplex.

Oratio.

**D**EUS, qui beátum Philíp-  
pum Confessórem tuum  
Sanctórum tuórum glória sub-  
limásti : concéde propítius, ut  
cujus solemnitate laetámur,  
ejus virtútum proficiámus  
exémpló. Per Dóminum.

In secundo Nocturno.

Lectio iv.



**P**HILIPPUS Nérius  
piis honestisque pa-  
réntibus Floréntiae  
natus, ab ipsa ineún-  
te aetáte, non obscura dedit  
futúrae sanctitátis indícia. Ado-  
lescens, ampla pátrui hereditá-  
te dimíssa, Romam se cóntu-  
lit : ubi philosophía ac sacris  
litteris eruditus, totum se  
Christo dicávit. Ea fuit absti-  
nénzia, ut saepe jejúnus trí-  
duum permánerit. Vigíliis et  
oratióibus inténtus, septem  
Urbis ecclésiass frequénter vísi-  
tans, apud coemetérium Callí-  
sti in caeléstium rerum con-  
templatióne pernoctáre con-  
suévit. Sacerdos ex obediéntia  
factus, in animárum salute  
procuránda totus fuit, et in con-  
fessióibus audiéndis ad extré-

um usque diem perseverans,  
innúmeros pene fílios Christo  
péperit : quos verbi Dei quoti-  
diáno pábulo, Sacramentórum  
frequéntia, oratiónis assiduitá-  
te, aliisque piis exercitatióni-  
bus enutríri cúpiens, Oratórii  
Congregatióem instítuit.

Lectio v.

**C**ARITATE Dei vulnerá-  
tus languébat júgiter :  
tantóque cor ejus aestuábat ar-  
dóre, ut cum inter fines suos  
continéri non posset, illíus si-  
num, confráctis atque elátis  
duábus cóstulis, mirábiliter  
Dóminus ampliáverit. Sacrum  
vero fáciens, aut fervéntius  
orans, in áera quandóque sub-  
látus, mira úndique luce ful-  
gére visus fuit. Egénos et páu-  
peres omni caritátis officio pro-  
sequebátur : dignus, qui et  
Angelo in spécie páuperis ele-  
mósynam erogáret, et dum  
egéntibus noctu panem defér-  
ret, in sóveam lapsus, inde pá-  
riter ab Angelo incólumis eri-  
perétur. Humilitáti addíctus,  
ab honóribus semper abhór-  
ruit, atque ecclesiásticas digni-  
tates étiam primárias, non se-  
mel ultro delátas, constantíssi-  
me recusávit.

Lectio vj.

**P**ROPHETIAE dono fuit  
illústris, et in animórum  
sénsibus penetrándis mirífice  
enítuit. Virginitátem perpétuo  
illibátam servávit : idque asse-  
cútus est, ut eos, qui puritá-

tem cólerent, ex odóre, qui vero secus, ex foetóre dignósceret. Abséntibus intérdum apparuit, íisque periclitántibus opem tulit. Ægrótos plúrimos, et mortí próximos sanitáti restítuit. Mórtuum quoque ad vitam revocávit. Caeléstium spirítuum, et ipsíus Deíparae Vírginis frequénter fuit apparitióne dignátus : ac plurimórum ánimas splendóre circumfúsas in caelum conscéndere vidit. Dénique anno salútis millésimo quingentésimo nonagésimo quinto, octávo Kaléndas Júnias, in quem diem incíderat festum Córporis Christi, Sacro máxima spíritus exsultatióne perácto, ceterísque functiónibus explétis, post médiam noctem, qua praedíxerat hora, octogenárius obdormívit in Dómino. Quem Gregórius Décimus quintus miráculis clarum in Sanctórum númerum rétulit.

In iij. Nocturno. Homilia in Evang. Sint lumbi vestri. ut in Comm. Conf. pag. lxxvj.

### DIE XXVIII. MAII.

B. Mariae Bartholomaeae de Bagnesiis Virg. Ord. Praed. Duplex. Oratio.

**A**MATOR animárum Deus, qui in beáta María Bartholomaea Vírgine tua miram aegritúdinum tolerántiam pari cum innocentia sociásti : concéde, ut qui ex

mérito nostrae actiόνis affligimur, tuae grátiae consolatióne respirémus. Per Dóminum.

In j. Nocturno, Lectiones De virgínibus. de Comm. Virg. non Mart. pag. lxxxij.

In secundo Nocturno.

Lectio iv.



**B**ARIA Bartholomaea nóbili Bagnesiórum stirpe Floréntiae nata, Vírginum Sponsi amore praevénta, sacro ejus thálamo inter ipsa vocis primórdia se pródidit deputátam. De ineúndis enim cum Jesu núptiis tanto devóti ánimí sensu loquebátur, ut si quis puéllulae eam spem desperátam crédere simuláret, ubérrimis ipsa lácrymis ánxie diffliúeret. Postquam matri moriénti hortátrix efficacíssima ástitit, domus curam praecóci prudéntia ímpigre gessit, piis aequé officiis, precibúsque inténta, et de religióso ínterim statu cógitans. A patre mónita, ut terréno connúbio consentíret, totis repénite ártubus contrémuit váliða háctenus et praeclárae formae adolescéntula : ac factó morbórum véluti ágmine, feбри, membrórum distensióne, propriísque singulárum pártium dolóribus, una saepe, aut per vices occurréntibus, ita ad annos ferme quadragínta quinque excruciáta fuit, ut zelótes Vírginis Sponsus intentándam deínde ejus fidem perénni

visus sit martyrio consecrâsse. In lécitulo igitur dolôris per dies noctésque quaesivit illa Diléctum. Is vero, qui líliis delectátur et myrrha, sponsae non defuit, quam invícta patientia laborántem, larvis quoque daemonum térritam, et hóminum dictériis onerátam, suis refécit ineffabílibus gáudiis : cui et mentem a supernórum contemplatióne inter mortáles angústias indivúlsam raro múnere tribuit.

Lectio v.

**D**IU expetito sorórum de Poeniténtia sancti Domínici hábitu trigésimo tértio aetátis anno donáta, eumdémque Ordinem post tirocínium proféssa, brévbis recreáta est indúciis martyrii sui, ut casti amoris víctima Religiónis amíctu palam redimíta prodíret ad aedes sacras sui máxime Ordinis. Statim autem morbis graváta prióribus, et donis potióribus aucta, e lecto solabátur afflíctos, infírma sanábat aegros, subsidio erat egénis, dissidentes paci, virtúti errántes, Deoque reddébat. Arcána cernens, futúra praedícens, voce ac scripto caritátis ignículos córdibus inserébat. Sui laudes horrébat, obséquia vitábat, celábat éxtases, seque amaríssimi cálicis faecibus vere dignam commiserántibus praedicábat. Immúndae labis ignára prorsus, et letális culpae ádeo expers, ut vel ipso peccáti

nómine stratum et cubículum decumbéntis frémitu quaterétur : adhibitis tamen poenárum instruméntis, ac vix cessánte jejúnio, afflictiónem afflícto córpori júgiter addébat. Sacram étiam expiatiónis Hóstiam coram se domi offérri sátagens, quod ei ex privilégio licébat, Eucharistíam plerúmque, confessiône praemíssa, aestuánti desidério sumébat.

Lectio vj.

**P**ULCRAE dilectiónis matrem Mariám praecipuo semper afféctu prósequens, et Sanctórum cultui atque imitatióni incúmbens, Senénsis cum primis Catharínae patientiam, obediéntiam, virtútes céteras pie aemuláta, jam ócties infirmórum sancto óleo inúncta, Domínica passióne perlécta, consummáto aegritúdinum martyrio, repósitam sibi in caelis justítiae corónam accépit quinto Kaléndas Júnii anno millésimo quingentésimo septuagésimo séptimo. Corpus Vírginis, sicut frater Timótheus sanctae Catharínae de Rícciiis germánus, coenóbii sanctae Maríae Novéllae Praeses, rogánti ante concésserat, ad sanctae Maríae Angelórum sanctimoniáles Carmelítas Maríae Bartholomaeae caríssimas, frequénti pópulo plaudénte, Fratrum Praedicatorum gestiéntibus húmeris delátum est : in quarum coenóbio non intermíssa veneratióne cólitur,

et íntegrum adhuc a viris princípibus, Ecclesiaeque Praesúlibus ósculo, múnere, et devoto obséquio donátum, praesens aegris remédium habétur : testimonio praesértim sanctae Maríae Magdalénae de Pazzis, quae, visitándi sacri córporis voto factó, ab imminénti tabe repénte sanáta, Maríae Bartholomaeae ánimam Christi throno recéptam vidit, et seráphicae Catharínae parem, summéque poténtem ac beatíssimam praedicávit, et in militánti Ecclesia sublímius tandem exaltándam. Quod Pius Séptimus Póntifex Máximus pie ac benígne praestans, de beáta Maríá Bartholomaea recitándi Officii, et Missae anniversário ejus dormitiónis die celebrándae Praedicatórum Ordini, et Florentíno utrúque clero fecit potestátem.

In iij. Nocturno, Homilia in Evang. Símile erit regnum caelórum decem virgínibus. de Comm. Virg. non Mart. p. lxxxv.

### DIE XXIX. MAII.

BB. Guillelmi Ord. Praed.  
et soc. Martyrum.  
Duplex.

In utrisque Vesperis et ante Laudes, V. Ora pro nobis beáte Guillélme cum sóciis tuis.

Oratio.

**D**EUS, pro cujus amóre, ac fidei tuéndae zelo beáti Guillélmus et sócii gládiis im-

piórum occubuére : praesta, quaesumus, ut eórum suffrágiis, in fide stábiles, te semper ex ánimo diligámus. Per Dóminum.

In j. Nocturno, Lectiones Exístimo. de Comm. plur. Mart. pag. xxxvij.

In secundo Nocturno.

Lectio iv.



**U**O témpore Tolosána dioecésis letífera labe Albigénsium inficiebátur, immortalis memóriae Póntifex Gregórius Nonus Christifidélium salúti prospiciens, Inquisitóres illuc misit lectíssimos viros tum ex Praedicatórum, tum ex Minórum Ordine. Ex primis erant Guillélmus Arnáldi, ejúsque sócii Bernárdus de Rupe Forti et Gárcias de Aura : ex áliis vero Stéphanus de Narbóna et Raymúndus de Carbonériis. Hisce et caritáte et múnere sex álii adjungebántur, nímírum Prior monastérii ex Ordine sancti Benedícti in óppido Avenionéti, Mónachus Clusínus nuncupátus, Raymúndus Tolosánae Ecclesiae Archidiáconus, Bernárdus ejúsdem cléricus, Fortanérius et Ademárus item clérici, qui nuntiórum munus explébant, láicus demum tabéllio Petri nómine. Hosce úndecim, una fidei et múnneris societáte conjúctos, pari glóriae triúmphi immortalisque vitae Deus reservávit.

## Lectio v.

**N**AM cum eo, quo par erat, stúdio et indústria, missi a Pontífice Inquisitóres suo múnere fungeréntur, Albigén-sium ira et livor aspérius de-saeviit. Raymúndus ab Alfaro vir scelestíssimus, et Albigén-sium doctrínis imbútus, qui nómine Tolosáni cómitis óppi-do Avenionéti praeféctus erat, quod óppidum a civitáte Toló-sae non longe distat, Inquisi-tóres eorúmque sócios in aedes dynástae arcessívit. Ingens pa-tébat aula juri dicéndo compa-ráta. Eo cum ingressi essent Inquisitóres, eorúmque cómi-tes supramemoráti, e látebris dispósi satélites erúmpunt. Adoriúntur illos, non solum inérmes, sed ultro alacritérque mori parátos. Nulli ígitur ex-audíti gémitus aut ejulátus moriéntium, sed laeta cántica ex occumbéntium ore perso-nábant, cum Ambrosiánum Hymnum canéntes, voce con-córdi grátias aetérno Deo per-sólverent. Cántigit autem eó-rum beáta mors anno Dómini millésimo ducentésimo qua-dragésimo secúndo, quarto Kaléndas Júnii, nocte vidéli-cet Ascensiónis Dómini nostri Jesu Christi.

## Lectio vj.

**I**NFANDUM scelus, ac illústris servórum Dei óbitus diu latére non póterant. Vel étiam homínibus tacénti-

bus, rem gestam signa et osténta insólita praedicárunt, quorum plura réferunt coaevi ac posterióres histórici. Om-nium ergo ore tamquam vere Christi Mártyres hábiti sunt, et ecclesiásticus cultus statim illis exhíbitus, tum in Tolosá-na civitáte, tum in óppido Avenionéti, ubi eórum festum quotánnis ad haec usque tém-pora recólitur. Hunc autem immemorábilem cultum Pius Nonus Póntifex Máximus, au-díta prius sacrae Rítuum Con-gregatiónis senténtia, approbá-vit octávo Idus Septémbris anni millésimi octingentésimi sexagésimi sexti.

In iij. Nocturno, Homilia in Evang. Cum audiéritis. pag. xliij.

## DIE XXXI. MAII.

B. Jacobi Salomonii Conf.  
Ord. Praed.

Duplex. Oratio.

**D**EUS, qui nos beáti Jacó-bi Confessóris tui ánnua solemnitáte laetíficas : concéde propítius, ut cujus natalítia cólimus, étiam actiónes imité-mur. Per Dóminum nostrum.

Eodem die in j. Vesperis et in Laudibus fiat Mem. de S. Petronilla Virg.

Oratio.

**E**XAUDI nos Deus salu-táris noster : ut sicut de beátae Petronillae Vírginis tuae festivitáte gaudémus, ita pia-

devoti6nis erudiámur afféctu.  
Per D6minum.

In j. Nocturno, Lectiones  
Finis legis. ut in festo S. An-  
dreae Apost. xxx. Novembris.

In secundo Nocturno.

Lectio iv.



**J**ACOBUS Salom6-  
nius V6netus, nobi-  
lissima familia na-  
tus, in ipso ineúntis  
aetátis flore paréntibus orbá-  
tus, sub áviae disciplína mirí-  
ficos in litéris ac pietáte pro-  
gréssus fecit. Evangélico accé-  
pto consílio, ut nudus nudum  
Christum sequeretur, patrim6-  
nio in páuperes distribúto,  
Praedicatórum Ordinem elé-  
git : in quo sexaginta sex annis  
sanctíssime vixit, sola contem-  
pti6ne voluptátis, contenti6ne  
virtútis, ad sancti Patris Do-  
mínici exémp lar totum in sese  
expriméndum aspirans.

Lectio v.

**H**UMILITATEM ádeo có-  
luit, ut virtútes omnes,  
ac mirácula, quae ex divína li-  
beralitate patrátat, diligénter  
abscónderet : caritate in Deum  
et próximos, praecipue páupe-  
res, ita ardébat, ut Pater páu-  
perum sólito diceretur. In as-  
sidua divinárum rerum medi-  
tati6ne summa ánimí voluptáte  
perfundebátur, ac saepe in ex-

tasim raptus, immóbilis omní-  
no subsistebat. In ore ejus  
nonnisi Deus, ac divína versa-  
bántur : hinc saepe illud sancti  
Hier6nyni usurpábat : Felix  
lingua, quae nonnisi de divínis  
novit téxere serm6nem. Virgi-  
nitátem perpétuo illaesam cu-  
stodívit, totámque vitam ab  
omni letális peccáti labe im-  
múnem duxit.

Lectio vj.

**S**UI óbitus diem divína  
revelati6ne praedíxit :  
qua adveniénte, illico ex úlce-  
re, quo pectus ejus grávitèr  
affligebátur, ita conváluit, ut  
ne exíguum quidem ejus vestí-  
gium in eo ámplius appareret.  
Ecclesiásticis deinde Sacra-  
méntis múnitus, dum una  
cum céteris frátribus, altérnis  
vícibus, defíxis in caelum lumí-  
nibus, Deo psálleret, ex corpó-  
reis vínculis laetíssimus áni-  
mus ad súperos evolávit, anno  
salútis millésimo trecentésimo  
quarto décimo, aetátis suae  
octuagésimo tértio. Tríduo cor-  
pus ejus ob adveniéntis p6puli  
concúrsum inhumátum, mirífi-  
cum odórem spirávit, piis fidé-  
lium mánibus Beáti véstium  
partículas decerpéntibus.

In iij. Nocturno, Homilia  
in Eváng. Sint lumbi. ut in  
Communi Conf. pag. lxxvj.



FERIA VI. POST OCTAVAM CORPORIS CHRISTI.

—✠— Sanctissimi Cordis Jesu. —✠—

Totum Duplex.

AD VESPERAS.

Omnia de die oct. SS. Corporis Christi, sine ulla Memoria. Si tamen contingat hoc festum habere j. Vesperas, tunc dic. Psalm. **Laudáte púeri.** cum ceteris, pag. j. sub Aña j. Laud. **Díscite.**

Capitulum ut in Laudibus. R̃. ix. **Magnus.** pag. 455.

Hymnus **Quicumque.** ut infra ad Matutinum.

V. **Miserátor, et miséricors Dóminus.** R̃. **Longánimis, et multum miséricors.**

Ad Magnificat, Aña. **Misericórdia Dómini a progénie in progénies tíméntibus eum, allelúia.**

AD MATUTINUM.

Invitatorium. **Cor Jesu, caritátis víctimam, \* Veníte adorémus.**

Hymnus.

**QUICUMQUE** certum quaeritis

**Rebus levámen áspenis, Seu culpa mordet ánxia, Seu poena vos premit comes :**

**Jesu, qui ut agnus ínnocens Sese immolándum trádedit, Ad Cor reclúsum vúlneré, Ad mite Cor accédite.**

**Audítis, ut suavíssimis Invítet omnes vócbis :**

**Veníte, quos gravat labor, Premítque pondus críminum.**

**Quid Corde Jesu mítius?**

**Jesum cruci qui affíxerant, Excúsat, et Patrem rogat, Ne pèrdat ultor ímpios.**

**O Cor, volúptas caelítum, Cor, fida spes mortálium, En hisce tracti vócbis Ad te venímus súpplíces.**

**Tu nostra terge vúlnera Ex te fluénte ságuine : Tu da novum cor ómnibus, Qui te geméntes ínvocant.**

**Amen.**

In primo Nocturno.

Psalmus 21.



**DEUS** Deus meus respice in me : quare me dereliquísti? \* longe a salúte mea verba delictórum meórum.

**Deus meus clamábo per diem, et non exáudies : \* et nocte, et non ad insipiéntiam mihi.**

**Tu autem in sancto hábitas, \* laus Israël.**

**In te speravérunt patres nostri : \* speravérunt, et liberásti eos.**

**Ad te clamavérunt, et salvi facti sunt : \* in te speravérunt, et non sunt confúsi.**



Ego autem sum vermis, et non homo : \* opprobrium hominum, et abjectio plebis.

Omnes videntes me, deriserunt me : \* locuti sunt labiis, et moverunt caput.

Speravit in Domino, eripiat eum : \* salvum faciat eum, quoniam vult eum.

Quoniam tu es, qui extraxisti me de ventre : \* spes mea ab uberibus matris meae.

In te projectus sum ex utero : ⁊ de ventre matris meae Deus meus es tu, \* ne disceris a me :

Quoniam tribulatio proxima est : \* quoniam non est qui adjuvet.

Circumdedérunt me vituli multi : \* tauri pingues obsederunt me.

Aperuerunt super me os suum, \* sicut leo rapiens et rugiens.

Sicut aqua effusus sum : \* et dispersa sunt omnia ossa mea.

Factum est cor meum tamquam cera liquescens \* in medio ventris mei.

Aruit tamquam testa virtus mea, ⁊ et lingua mea adhaesit faucibus meis : \* et in pulverem mortis deduxisti me.

Quoniam circumdedérunt me canes multi : \* concilium malignantium obsedit me.

Foderunt manus meas et pedes meos : \* dinumeraverunt omnia ossa mea.

Ipsi vero consideraverunt et

inspexerunt me : \* divisérunt sibi vestimenta mea, et super vestem meam miserunt sortem.

Tu autem Domine ne elongáveris auxilium tuum a me : \* ad defensionem meam conspice.

Erue a fratre Deus animam meam : \* et de manu canis unicam meam.

Salva me ex ore leonis : \* et a cornibus unicornium humilitatem meam.

Narrabo nomen tuum fratribus meis : \* in medio ecclesiae laudabo te.

Qui timetis Dominum laudate eum : \* universum semen Jacob glorificate eum :

Tímeat eum omnes semen Israël : \* quoniam non sprexit, neque despexit deprecationem pauperis :

Nec avértit faciem suam a me : \* et cum clamarem ad eum exaudivit me.

Apud te laus mea in ecclesia magna : \* vota mea reddam in conspectu timéntium eum.

Edent pauperes, et saturabuntur : ⁊ et laudabunt Dominum qui requirunt eum : \* vivent corda eorum in saeculum saeculi.

Reminiscéntur et converténtur ad Dominum \* universi fines terrae :

Et adorabunt in conspectu ejus \* universae familiae gentium.

Quoniam Domini est regnum : \* et ipse dominabitur gentium.

Manducavérunt et adoravérunt omnes pingues terrae : \* in conspéctu ejus cadent omnes qui descéndunt in terram.

Et ánima mea illi vivet : \* et semen meum sérviet ipsi.

Annuntiábitur Dómino generátio ventúra : \* et annuntiábunt caeli justítiam ejus pópulo qui nascétur, quem fecit Dóminus.

Aña. Factum est cor meum tamquam cera liquéscens in médio ventris mei.

Psalmus 27.

**A**D te Dómine clamábo, ⁊ Deus meus ne síleas a me : \* nequándo táceas a me, et assimilábor descendéntibus in lacum.

Exáudi Dómine vocem deprecationis meae dum oro ad te : \* dum extóлло manus meas ad templum sanctum tuum.

Ne simul trahas me cum peccatóribus : \* et cum operántibus iniquitátem ne perdas me :

Qui loquúntur pacem cum próximo suo, \* mala autem in córdibus eórum.

Da illis secúndum ópera eórum, \* et secúndum nequítiam adinventiónum ipsórum.

Secúndum ópera mánuum eórum tríbue illis : \* redde retributió nem eórum ipsis.

Quóniam non intellexérunt ópera Dómini, \* et in ópera mánuum ejus déstrues illos, et non aedificábis eos.

Benedíctus Dóminus : \* quóniam exaudivit vocem deprecationis meae.

Dóminus adjútor meus, et protéctor meus : \* in ipso sperávit cor meum, et adjútus sum.

Et reflóruit caro mea : \* et ex voluntáte mea confitébor ei.

Dóminus fortitúdo plebis suae : \* et protéctor salvatiónum Christi sui est.

Salvum fac pópulum tuum Dómine, ⁊ et bédedic hereditáti tuae : \* et rege eos, et extólle illos usque in aetérnum.

Aña. Sperávit cor meum in Dómino, et adjútus sum : et reflóruit caro mea.

Psalmus 29.

**E**XALTABO te Dómine quóniam suscepísti me : \* nec delectásti inimícos meos super me.

Dómine Deus meus clamávi ad te, \* et sanásti me.

Dómine eduxísti ab inférno ánimam meam : \* salvásti me a descendéntibus in lacum.

Psállite Dómino sancti ejus : \* et confitémini memóriæ sanctitátis ejus.

Quóniam ira in indignatióne ejus : \* et vita in voluntáte ejus.

Ad vésperum demorábitur fletus : \* et ad matutínum lætítia.

Ego autem dixi in abundántia mea : \* Non movébor in aetérnum.

Dómine in voluntáte tua, \*  
praestitísti decóri meo virtú-  
tem.

Avertísti fáciem tuam a me, \*  
et factus sum conturbátus.

Ad te Dómine clamábo : \* et  
ad Deum meum deprecábor.

Quae utilitas in ságuine  
meo, \* dum descéndo in cor-  
ruptiónem?

Numquid confitébitur tibi  
pulvis, \* aut annuntiábit veri-  
tátem tuam?

Audívit Dóminus, et misér-  
tus est mei : \* Dóminus factus  
est adjutor meus.

Convertísti planctum meum  
in gáudium mihi : \* conscidí-  
sti saccum meum, et circum-  
dedísti me laetítia :

Ut cantet tibi glória mea, et  
non compúngar : \* Dómine  
Deus meus in aetérnum confi-  
tébor tibi.

Añá. Convertísti planctum  
meum in gáudium mihi : et  
circumdedísti me laetítia.

V. Ego autem in Dómino  
gaudébo. R. Et exultábo in  
Deo Jesu meo.

De Epístola beáti Pauli  
Apóstoli ad Ephésios.

Lectio j.

Cap. i.



**B**ENEDICTUS Deus  
et Pater Dómini no-  
stri Jesu Christi, qui  
benedíxit nos in omni  
benedictióne spirituáli in cae-  
léstibus in Christo, sicut elé-  
git nos in ipso ante mundi  
constitutiónem, ut essémus

sancti et immaculáti in conspé-  
ctu ejus in caritáte. Qui prae-  
destinávit nos in adoptiónem  
filiórum per Jesum Christum  
in ipsum : secúndum propósi-  
tum voluntátis suae, in laudem  
glóriae grátiae suae, in qua  
gratificávit nos in dilécto Fílio  
suo. In quo habémus redem-  
ptiónem per ságuinem ejus,  
remissiónem peccatórum se-  
cúndum divítias grátiae ejus.  
Proptérea non cesso grátias  
agens pro vobis, memóriam  
vestri fáciens in oratióibus  
meis : ut Deus, Dómini nostri  
Jesu Christi pater glóriae, det  
vobis spíritum sapiéntiae et  
revelatióis, in agnitióne ejus :  
illuminátos óculos cordis ve-  
stri, ut sciátis quae sit spes  
vocationis ejus, et quae divítiae  
glóriae hereditátis ejus in  
sanctis.

R. Gratificávit nos Deus in  
dilécto Fílio suo : \* In quo  
habémus redemptiónem per  
ságuinem ejus, remissiónem  
peccatórum. V. Det nobis Dó-  
minus illuminátos óculos cor-  
dis nostri, in agnitióne ejus.  
In quo.

Lectio ij.

Cap. 2.

**D**EUS autem, qui dives est  
in misericórdia, propter  
nímiam caritátem suam, qua  
diléxit nos, et cum essémus  
mórtui peccátis, convivificávit  
nos in Christo, (cujus grátia  
estis salváti) et conresuscitá-  
vit, et consedére fecit in caelé-

stibus in Christo Jesu : ut osténderet in saeculis superveniéntibus abundátes divítias grátiae suae in bonitáte super nos in Christo Jesu. Ipse enim est pax nostra, qui fecit útraque unum, et médium parietem maceriae solvens, inimicitias in carne sua : legem mandatórum decrétiis evácuans, ut duos condat in semetípso in unum novum hóminem, fáciens pacem, et reconcíliet ambos in uno córpore, Deo per crucem, interficiens inimicitias in semetípso. Et véniens evangelizávit pacem vobis, qui longe fuístis, et pacem iis, qui prope. Quóniam per ipsum habémus accéssum ambo in uno Spíritu ad Patrem.

R. Propter nímiam caritátem suam, qua diléxit nos Deus, osténdit abundátes divítias grátiae suae \* In bonitáte super nos in Christo Jesu. V. Ipse enim est pax nostra, per quem habémus accéssum ad Patrem. In bonitáte.

Lectio iij.

Cap. 3.

**H**UJUS rei grátia flecto génuá mea ad Patrem Dómini nostri Jesu Christi, ex quo omnis patérnitas in caelis, et in terra nomináture, ut det vobis secúndum divítias glóriæ suae, virtúte corroborári per Spíritum ejus in interiorem hóminem, Christum habitáre per fidem in córdibus vestris : in caritáte radicáti, et

fundáti, ut possítes comprehendere cum ómnibus sanctis, quae sit latitúdo, et longitúdo, et sublímitas, et profúndum : scire étiam supereminéntem sciéntiae caritátem Christi, ut impleámini in omnem plenitúdinem Dei. Ei autem, qui potensest ómnia fáceresuperabundánter quam pétimus, aut intelligimus, secúndum virtútem, quae operátur in nobis : ipsi glória in Ecclésia, et in Christo Jesu in omnes generatiónes saeculi saeculórum. Amen. .

R. Det nobis Dóminus virtúte corroborári per Spíritum ejus in interiorem hóminem, \* Christum habitáre per fidem in córdibus nostris. V. Ut in caritáte radicáti, et fundáti, comprehendámus supereminéntem sciéntiae caritátem Christi. Christum habitáre. Glória Patri. Christum.

In secundo Nocturno.

Psalmus 33.



**B**ENEDICAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuétí, et laeténtur.

Magnificáte Dóminum mecum : \* et exaltémus nomen ejus in idípsum.

Exquisívi Dóminum, et exaudivit me : \* et ex ómnibus tribulatióibus meis erípuit me.

Accédite ad eum, et illuminámini : \* et fácies vestrae non confundéntur.

Iste pauper clamávit, et Dóminus exaudivit eum : \* et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : \* et erípiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Dívites eguérunt et esuriérunt : \* inquiréntes autem Dóminum non minuéntur omni bono.

Veníte filii, audíte me : \* timórem Dómini docébo vos.

Quis est homo qui vult vitam : \* díligit dies vidére bonos?

Próhibe linguam tuam a malo : \* et lábia tua ne loquántur dolum.

Divérte a malo, et fac bonum : \* inquére pacem, et perséquare eam.

Oculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multae tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

Añã. Gustáte, et vidéte quóniam suávis est Dóminus : beátus vir, qui sperat in eo.

Psalmus 44.

**E**RUCTAVIT cor meum verbum bonum : \* dico ego ópera mea regi.

Lingua mea cálamus scribae, \* velóciter scribéntis.

Speciósus forma prae fíliis hóminum, et diffúsa est grátia in lábiis tuis : \* proptérea benedíxit te Deus in aetérnum.

Accíngere gládio tuo super femur tuum, \* potentíssime.

Spécie tua et pulcritúdine tua \* inténde, prósperè procéde, et regna.

Propter veritátem et mansuetúdinem, et justítiam : \* et dedúcet te mirabíliter dextera tua.

Sagíttae tuae acútae, et pópuli sub te cadent, \* in corda inimicórum regis.

Sedes tua Deus in saeculum saeculi : \* virga directiόνis virga regni tui.

Dilexisti justítiam, et odisti iniquitátem : \* proptérea unxit te Deus Deus tuus óleo laetítiae prae consórtibus tuis.

Myrrha, et gutta, et cásia a vestiméntis tuis, a dómibus ebúrneis : \* ex quibus delectáverunt te fíliae regum in honóre tuo.

Astitit regína a dextris tuis in vestítu deauráto : \* circúmdata varietáte.

Audi fília, et vide, et inclína aurem tuam : \* et oblivíscere pópulum tuum, et domum patris tui.

Et concupíscet rex decórem tuum : \* quóniam ipse est Dóminus Deus tuus, et adorábunt eum.

Et fíliae Tyri in munéribus \* vultum tuum deprecabúntur : omnes dívites plebis.

Omnis glória ejus fíliae regis ab intus, \* in símbriis áureis circumamícta varietátibus.

Adducéntur regi vírgines post eam : \* próximae ejus afferéntur tibi.

Afferéntur in laetítia et exsultatióne : \* adducéntur in templum regis.

Pro pátribus tuis nati sunt tibi fílii : \* constítues eos príncipes super omnem terram.

Mémores erunt nóminis tui \* in omni generatióne et generatióne.

Proptérea pópuli confitebúntur tibi in aetérnum : \* et in saeculum saeculi.

Añá. Propter veritátem et

mansuetúdinem, et justítiam, inténde, prospere procéde, et regna.

Psalmus 71.

**D**EUS judícium tuum regi da : \* et justítiam tuam fílio regis :

Judicáre pópulum tuum in justítia, \* et páuperes tuos in judício.

Suscípiant montes pacem pópulo : \* et colles justítiam.

Judicábit páuperes pópuli, et salvos faciet fílios páuperum : \* et humiliábit calumniatórem.

Et permanébit cum sole, et ante lunam, \* in generatióne et generatióne.

Descéndet sicut plúvia in vellus : \* et sicut stillicidia stillántia super terram.

Oriétur in diébus ejus justítia et abundántia pacis : \* donec auferátur luna.

Et dominábitur a mari usque ad mare : \* et a flúmine usque ad téminos orbis terrárum.

Coram illo prócident Æthíopes : \* et inimíci ejus terram língent.

Reges Tharsis, et ínsulae múnera ófferent : \* reges Arabum, et Saba dona addúcent :

Et adorábunt eum omnes reges terrae : \* omnes gentes sérvient ei.

Quia liberábit páuperem a poténte : \* et páuperem, cui non erat adjútor.

Parcet páuperi et ínopi : \* et ánimas páuperum salvas faciet.

Ex usúris et iniquitáte redimet ánimas eórum : \* et honorábile nomen eórum coram illo.

Et vivet, et dábitur ei de auro Arábiae, ⁊ et adorábunt de ipso semper : \* tota die benedícent ei.

Et erit firmaméntum in terra in summis móntium, ⁊ superextollétur super Líbanum fructus ejus : \* et florébunt de civitáte sicut foenum terrae.

Sit nomen ejus benedíctum in saecula : \* ante solem pérmanet nomen ejus.

Et benedicéntur in ipso omnes tribus terrae : \* omnes gentes magnificábunt eum.

Benedíctus Dóminus Deus Israël, \* qui facit mirabília solus :

Et benedíctum nomen majestátis ejus in aetérnum : ⁊ et replébitur majestáte ejus omnis terra : \* fiat, fiat.

Añs. Judicábit pópulum in justítia, et páuperes in judício.

V. Mihi autem adhaerére Deo bonum est. R. Pónere in Dómino Deo spem meam.

De Sermóne sancti Bernárdi Abbátis.

*Serm. 3. de Pass.*

Lección iv.



UIA semel vénimus ad Cor dulcíssimum Jesu, et bonum est nos hic esse : ne sinámus nos fácte avélli ab eo, de quo scriptum est : Recedén-

tes a te, in terra scribéntur. Quid autem accedéntes? Tu ipse doces nos. Tu dixísti accedéntibus ad te : Gaudéte, quia nómina vestra scripta sunt in caelo. Accedámus ergo ad te, et exsultábimus, et laetábimur in te, mémore Cordis tui. O quam bonum, et quam jucúndum habitáre in Corde hoc! Quin pótius dabo ómnia, omnes cogitatiónes et afféctus mentis commutábo, jactans omne cogitátum meum in Cor Dómini Jesu, et sine fallácia illud me enútriet.

R. Introduxit me rex in celária sua, ordinávit in me caritátem. \* Fulcíte me flóribus, stipáte me malis : quia amóre lángueo. V. Sub umbra illíus, quem desideráveram, sedi : et fructus ejus dulcis gútturi meo. Fulcíte.

Lección v.

**A**D hoc templum, ad haec Sancta sanctórum, ad hanc arcam Testaménti adorábo, et laudábo nomen Dómini, dicens cum David : Inveni cor meum, ut orem Deum meum. Et ego inveni Cor regis, fratris, et amíci benígni Jesu. Et numquid non adorábo? Hoc ígitur Corde tuo et meo, dulcíssime Jesu, invénto, orábo te Deum meum : admítte tantum in sacrárium exauditióis tuae preces meas : immo me totum trahe in Cor tuum. O ómnium pulcritúdine speciosíssime Je-

su, ámplius lava me ab iniquitate mea, et a peccáto meo munda me : ut purificátus per te, ad te puríssimum possim accédere, et in Corde tuo ómnibus diébus vitae meae mérear habitáre, et ut vidére simul, et fácere tuam váleam voluntátem.

R. Hauriétis aquas in gáudio de fóntibus salvatóris : et dicétis in die illa : \* Confitémini Dómino, et invocáte nomen ejus. V. Ecce Deus salvátor meus, fiduciáliter agam, et non timébo. Confitémini.

Lección vj.

**A**D hoc enim perforátum est latus tuum, ut nobis patéscat intróitus. Ad hoc vulnerátum est Cor tuum, ut in illo, et in te, ab exterioribus perturbatióibus absolúti habitáre possimus. Nihilóminus et proptérea vulnerátum est, ut per vulnus visíbile, vulnus amoris invisíbile videámus. Quómodo hic ardor mélius osténderi potest, nisi quod non solum corpus, verum étiam ipsum Cor láncea vulnerári permísit? Carnále ergo vulnus, vulnus spirituále osténdit. Quis illud Cor tam vulnerátum non díligat? Quis tam amans non redamet? Quis tam castum non amplectátur? Nos ígitur adhuc in corpore manéntes, quantum póssumus amémus, redamémus, amplectámur vulnerátum nostrum,

cujus ímpii agricolae fodérunt manus et pedes, latus et Cor : stemúsque, ut cor nostrum durum adhuc et impenitens, amoris sui vínculo constrín gere, et jáculo vulneráre dignétur.

R. Auferam cor lapídeum de carne vestra, et dabo vobis cor cárneum. \* Et spíritum meum ponam in médio vestri. V. Effúdam super vos aquam vivam, et mundabímini ab ómnibus inquinaméntis vestris. Et. Glória Patri. Et.

In tertio Nocturno.

Psalmus 83.



**U**AM dilécta tabernacula tua Dómine virtútum : \* concupíscit, et déficit ánima mea in átria Dómini.

Cor meum, et caro mea \* exsultavérunt in Deum vivum.

Etenim passer invénit sibi domum : \* et turtur nidum sibi, ubi ponat pullos suos.

Altária tua Dómine virtútum : \* rex meus, et Deus meus.

Beáti, qui hábitant in domo tua Dómine : \* in saecula saeculórum laudábunt te.

Beátus vir, cujus est auxiliú abs te : \* ascensióes in corde suo dispósuit, in valle lacrymarum in loco, quem pósuit.

Etenim benedictiónem dabit legislátor, et ibunt de virtúte in virtútem : \* videbitur Deus deórum in Sion.



Dómine Deus virtútum exáudi oratióem meam : \* áuribus pércipe Deus Jacob.

Protéctor noster áspice Deus : \* et réspice in fáciem Christi tui :

Quia mélior est dies una in átriis tuis, \* super míllia.

Elégi abjéctus esse in domo Dei mei : \* magis quam habitáre in tabernáculis peccatórum.

Quia misericórdiam, et veritátem díligit Deus : \* grátiam, et glóriam dabit Dóminus.

Nón privábit bonis eos, qui ámbulant in innocéntia : \* Dómine virtútum, beátus homo, qui sperat in te.

Añã. Misericórdiam, et veritátem díligit Deus : grátiam, et glóriam dabit Dóminus.

Psalmus 84.

**B**ENEDIXISTI Dómine terram tuam : \* avertísti captivitátem Jacob.

Remisísti iniquitátem plebis tuae : \* operuísti ómnia peccáta eórum.

Mitigásti omnem iram tuam : \* avertísti ab ira indignatióis tuae.

Convérte nos Deus salutáris noster : \* et avérte iram tuam a nobis.

Numquid in aetérnum irascéris nobis? \* aut exténdes iram tuam a generatióne in generatióem?

Deus tu convérsus vivificábis nos : \* et plebs tua laetábitur in te.

Osténde nobis Dómine misericórdiam tuam : \* et salutáre tuum da nobis.

Audiam quid loquátur in me Dóminus Deus : \* quóniam loquétur pacem in plebem suam.

Et super sanctos suos : \* et in eos qui convertúntur ad cor.

Verúmtamen prope timéntes eum salutáre ipsíus : \* ut inhábitet glória in terra nostra.

Misericórdia, et véritas obviavérunt sibi : \* justítia, et pax osculatae sunt.

Véritas de terra orta est : \* et justítia de caelo prospéxit.

Etenim Dóminus dabit benignitátem : \* et terra nostra dabit fructum suum.

Añã. Dóminus dabit benignitátem : loquétur pacem in plebem suam.

Psalmus 85.

**I**NCLINA Dómine aurem tuam, et exáudi me : \* quóniam inops, et pauper sum ego.

Custódi ánimam meam, quóniam sanctus sum : \* salvum fac servum tuum, Deus meus, sperántem in te.

Miserére mei Dómine, quóniam ad te clamávi tota die : \* laetífica ánimam servi tui, quóniam ad te Dómine ánimam meam levávi.

Quóniam tu Dómine suavis, et mitis : \* et multae misericórdiae ómnibus invocántibus te.

Auribus pécipe Dómine oratió nem meam : \* et inténde voci deprecati ó nis meae.

In die tribulati ó nis meae clamávi ad te : \* quia exaudísti me.

Non est símilis tui in diis Dómine : \* et non est secúndum ó pera tua.

Omnes gentes quascúmque fecísti, ꝑ vénient, et adorábunt coram te Dómine : \* et glorificábunt nomen tuum.

Quóniam magnus es tu, et faciens mirabília : \* tu es Deus solus.

Deduc me Dómine in via tua, ꝑ et ingrédiar in veritate tua : \* laetétur cor meum ut tímeat nomen tuum.

Confitébor tibi Dómine Deus meus in toto corde meo, \* et glorificábo nomen tuum in aetérnum :

Quia misericórdia tua magna est super me : \* et eruísti ánimam meam ex inférno inferiori.

Deus, iníqui insurrexérunt super me, et synagóga poténtium quaesierunt ánimam meam : \* et non proposuerunt te in conspéctu suo.

Et tu Dómine Deus miserátor et miséricors, \* pátiens, et multae misericórdiae, et verax.

Réspice in me, et miserére mei, ꝑ da impérium tuum púero tuo : \* et salvum fac fílium ancíllae tuae.

Fac mecum signum in bonum, ꝑ ut vídeant qui odérunt

me, et confundántur : \* quóniam tu Dómine adjuvísti me, et consolátus es me.

Añña. Suávis, et mitis es Dómine : et multae misericórdiae ómnibus invocántibus te.

℣. Misericórdia Dómini ab aetérno. ℞. Et usque in aetérnum super tímētes eum.

Léctio sancti Evangélii secúndum Joánnem.

Léctio vij.

Cap. 15.

**I**N illo témpore : Dixit Jesus discípulis suis : Sicut diléxit me Pater, et ego diléxi vos. Manéte in dilecti ó ne mea, Et réliqua.

Homilía sancti Bernárdi Abbátis.

Serm. 13. in Cena Domini.



**D**E dilecti ó ne Dei quo plus bibo, plus sítio, et ea saturári non possum, nec ego, nec áliquis díligens Christum. Ipsa quo plus éditur, plus famem exáuget : et quanto plus ipsa bíbitur, plus sitim inácuít : ipsam, quam inhábitat mentem, sic inébriat, ut nihil jam quaerat, vel díligat, nec díligere possit, nec váleat, praeter eum, qui sic mundum diléxit, ut Fílium suum unigénitum daret; ut omnis, qui credit, et díligit illum, non moriátur, sed vivat cum eo. Ad hanc nos dilecti ó nem auctór ipse inaestimábilis caritátis invtát : in ea nos manére precátur, et rogat. Ait enim : Manéte in dilecti ó

ne mea; ac si apérte dicat : Quia ego ea dilectiōne, qua me Pater diligit, vos diligo, eādē dilectiōne me vos diligere rogo. Et quoniam dilectio vestra me usque ad mortem perdúxit; sed neque mors crudelíssima ipsa a vestra caritate me sejúnxit, me diligite, et in mea dilectiōne manéte.

R. Sicut diléxit me Pater, et ego diléxi vos. \* Manéte in dilectiōne mea. V. Si praecepta mea servavéritis, manébitis in dilectiōne mea, sicut et ego Patris mei praecepta servávi, et máneo in ejus dilectiōne. Manéte.

Lectio viij.

**S**ED quáliter in ejus dilectiōne manére debeámus, séquitur, et dicit : Si praecepta mea servavéritis, manébitis in mea dilectiōne, sicut et ego Patris mei praecepta servávi, et máneo in ejus dilectiōne. Haec ópera, fratres mei, sunt causa dilectiōnis Christi : unusquisque vestrum vídeat, si Dóminum Jesum diligere débeat. Quid pro nobis fácere débuit, et non fecit? Quómodo nos plus amáre pótuit, et non amávit? Majórem in nobis dilectiōnem non pótuit habére, quam hábuit; quia animam suam in morte pro nobis pósuit. Ipsa beáta Véritas testis est, quod majórem caritatem nemo habet, quam ut animam suam ponat quis pro amícis suis. Non ergo nobis

viléscat, fratres mei, ipsa dilectio Christi, qui diléxit nos, et lavit nos a peccátis nostris in ságuine suo; non vobis viléscat, fratres mei, non vobis amaréscat ipse amor Christi, ipsa caritas Christi.

R. Christus pro nobis animam suam pósuit, \* Et lavit nos a peccátis nostris in ságuine suo. V. Majórem caritatem nemo habet, ut animam suam ponat quis pro amícis suis. Et.

Lectio ix.

**A**MOR Christi totus dulcis, totus delectábilis : suum possessórem non crúciat, sed deléctat; non enérvat, sed róborat; cuncta terréna subánnat; sola caeléstia captat; Christi mandáta requírit, et ea pro víribus observáre conténdit; et de observatiōne praeceptorum gressu felíci provéhitur ad perceptiōnem gaudiórum, ut cum illo jam perfécte gáudeat, pro cujus desidério in hac valle lacrymárum pósitus tam amáre frequenter suspirábat. Unde recte séquitur : Haec locútus sum vobis : ut gáudium meum in vobis sit, et gáudium vestrum impleátur; ac si diceret : Ideo praecipio vobis, et móneo vos mea observáre praecepta, et manére in dilectiōne mea, ut gáudium meum in vobis sit, et gáudium vestrum de me adimpleátur : ut hábeam de vobis per mútuam caritatem, quam mīhi

impénditis, unde possim gaudere; et illud gáudium, quod in retributióne praemiórum elécti sunt perceptúri, percípere, et possidére possítis.

R. Magnus Dóminus, et laudábilis nimis : \* Et sapiéntiae ejus non est númerus. V. Magnus Dóminus, et magna virtus ejus : et sapiéntiae ejus non est finis. Et. Glória Patri. Et.

Ante Laudes. V. Miserátor, et miséricors Dóminus. R. Longánimis, et multum miséricors.

IN LAUDIBUS.

Añ. Discite a me, quia mitis sum, et húmilis corde : et inveniétis réquiem animábus vestris. Psalm. Dóminus regnávit. cum ceteris, pag. xj.

Añ. Suávis est Dóminus, et in aetérnum misericórdia ejus.

Añ. Sitívit in te ánima mea : quia mélior est misericórdia tua super vitas.

Añ. Sancti, et húmiles corde benedicite Dómino : laudáte et superexaltáte eum in saecula.

Añ. Beneplácitum est Dómino in pópulo suo : et exaltábit mansuétos in salútem.

Capitulum.

Cant. 3.



GREDIMINI et vidéte filiae Sion regem Salomónem in diadémate, quo coronávit illum mater sua in die desponsatiónis illíus, et in die laetítiae cordis ejus.

Hymnus.

SUMMI Paréntis Fílio,  
Patri futúri saeculi,  
Pacis beátae Príncipi  
Promámus ore cánticum.

Qui vulnerátus pectore  
Amóris ictum pertulit,  
Amóris urens ignibus,  
Ipsum qui amántem díligunt.

Jesu, dolóris víctima,  
Quis te innocéntem cómpulit,  
Dura ut apértum láncea  
Latus patéret vúlneri?

O fons amóris ínclýte!  
O vena aquárum límpida!  
O flamma adúrens crímina!  
O Cordis ardens caritas!

In Corde, Jesu, júgiter  
Recónde nos, ut úberi  
Dono fruámur grátiae,  
Caelíque tandem praemiis.

Semper Parénti, et Fílio  
Sit laus, honor, sit glória,  
Sancto simul Paráclito,  
In saeculórum saecula.

Amen.

V. Misericórdia Dómini ab aetérno. R. Et usque in aetérnum super timéntes eum.

Ad Benedictus, Añ. Per víscera misericórdiae suae visitávit nos Deus, et fecit redemptiόνem pópuli sui, allelúia.

Oratio.

FAC nos, Dómine Jesu, sanctíssimi Cordis tui virtútibus índui, et afféctibus inflammári : ut et imáginí bonitátis tuae cóformes, et tuae redemptiόνis mereámur esse partícipes : Qui vivis et regnas.

Ad Primam, R7. Jesu Christe. V. Per quem salváti, et liberáti sumus.

## AD TERTIAM.

Capit. Egredímini. ut supra in Laudibus.

R7. Misericórdia tua Dómine plena est terra, \* Allelúia, allelúia. Misericórdia. V. Justificatiónes tuas doce me. Allelúia. Glória Patri. Misericórdia.

V. Secúndum misericórdiam tuam vivífica me, Dómine. R7. Et custódiam testimónia oris tui.

## AD SEXTAM.

Capitulum. *Cant. 8.*

**P**ONE me ut signáculum super cor tuum, ut signáculum super bráchium tuum : quia fortis est ut mors dilectio.

R7. Secúndum misericórdiam tuam vivífica me, Dómine, \* Allelúia, allelúia. Secúndum. V. Et custódiam testimónia oris tui. Allelúia. Glória Patri. Secúndum.

V. Fac cum servo tuo secúndum misericórdiam tuam. R7. Et justificatiónes tuas doce me.

## AD NONAM.

Capitulum. *Psalm. 68.*

**I**MPROPERIUM exspectávit cor meum, et miseriam. Et sustínui qui simul contristarétur, et non fuit : et qui consolarétur, et non invéni.

R7. Fac cum servo tuo se-

cúndum misericórdiam tuam, \* Allelúia, allelúia. Fac. V. Et justificatiónes tuas doce me. Allelúia. Glória Patri. Fac.

V. Véniat super me misericórdia tua Dómine. R7. Salutare tuum secúndum elóquium tuum.

## AD VESPERAS.

Super Ps. Aña j. Laudum.

Psalm. 109. Dixit Dóminus.

pag. 89.

Psalm. 110. Confitébor.

pag. 89.

Psalm. 129. De profúndis.

pag. 105.

Psalm. 137. Confitébor.

pag. 109.

Psalm. 144. Exaltábo. p. 113.

Capitulum. Egredímini. ut supra in Laudibus.

Hymnus. Quicúmque. ut supra in Matut. pag. 443.

V. Misericórdia Dómini a progénie in progénies. R7. Timéntibus eum.

Ad Magnificat, Aña. Suscépit nos Dóminus in sinum et cor suum, recordátus misericórdiae suae, allelúia.

## DOMINICA I. post Octavam Trinitatis.

Purissimi Cordis B. M. V.

Totum Duplex.

## AD VESPERAS.

Super Psalm. Aña. Trahe me post te : currémus in odórem unguentórum tuórum. Psalm. Laudáte púeri. cum ceteris, pag. j.

Capitulum.

*Cant. 8.*

**D**ONE me ut signáculum super cor tuum, ut signáculum super bráchium tuum : quia fortis est ut mors dilectio : dura sicut inférnus aemulatio, lámpades ejus lámpades ignis atque flammárum.

R. ix. Ego dórmio. pag. 461.

Hymnus. Ave maris stella. ut in Assumptione B. M. V. xv. Augusti.

V. Exsúltá in omni corde, filia Jerúsalem. R. Rex Israël Dóminus in médio tui.

Ad Magnificat, Añá. Exsultávit cor meum in Dómino, et exaltátum est cornu meum in Deo meo, quia laetáta sum in salutári tuo.

Oratio.

**O**MNIPOTENS sempitérne Deus, qui in Corde beátae Maríae Vírginis dignum Spíritus sancti habitáculum praeparásti : concéde propítius, ut ejúsdem puríssimi Cordis festivitátem devóta mente recoléntes, secúndum Cor tuum vívere valeámus. Per Dóminum. in unitáte ejúsdem.

Ad Completorium super Ps. Añá. Virgo María. et ad Nunc dimittis, Añá. Corde et ánimo. ut in Nativitate B. M. V.

In Hymn. Hor. 2 ult. str. María mater. et Glória tibi.

AD MATUTINUM.

Invitator. Ave María grátia plena : \* Dóminus tecum.

Hymnus. Quem terra. ut in Assumptione B. M. V.

In primo Nocturno.

Añá. Benedícta tu inter mulieres, et benedíctus fructus ventris tui. Psalmi de Comm. Virg. pag. lxxj.

Añá. Et ait María : Magnificat ánima mea Dóminum : et exsultávit spíritus meus in Deo salutári meo.

Añá. Quia respéxit humilitátem ancíllae suae : ecce enim ex hoc beátam me dicent omnes generatiónes.

V. Anima mea liquefacta est. R. Ut locútus est dilectus.

De Cánticis canticórum.

Lectio j.

*Cap. 4.*

**Q**UAM pulcra es amíca mea, quam pulcra es! Oculi tui columbárum, absque eo, quod intrínsecus latet. Sicut vitta coccínea, lábia tua : et elóquium tuum, dulce. Sicut fragmen mali púnici, ita genae tuae, absque eo, quod intrínsecus latet. Sicut turris David collum tuum, quae aedificáta est cum propugnáculis : mille clypei pendent ex ea, omnis armatúra fórtium. Vulnerásti cor meum soror mea sponsa, vulnerásti cor meum in uno oculórum tuórum, et in uno crine colli tui. Favus distíllans lábia tua sponsa, mel et lac sub lingua tua. Hortus conclusus, fons signátus.

R. Deduc me Dómine in via tua, et ingrédiar in veritate tua : laetétur cor meum \* Ut tímeat nomen tuum. V. Pone me ut signáculum super cor tuum, ut signáculum super bráchium tuum. Ut tímeat.

Lectio ij.

Cap. 5.

**V**ENI in hortum meum soror mea sponsa, mēs-sui myrrham meam cum aromátibus meis : comédi favum cum melle meo. Vox dilécti mei pulsántis : Aperi mihi soror mea, amíca mea, colúmba mea, immaculáta mea : quia caput meum plenum est rore, et cincínni mei guttis nóctium. Surréxi, ut aperírem dilécto meo : manus meae stillavérunt myrrham, et dígití mei pleni myrrha probatíssima. Apérui dilécto meo : at ille declináverat, atque transíerat. Anima mea liquefacta est, ut locútus est.

R. In Dómino gaudébo : et exultábo in Deo Jesu meo. Deus Dóminus fortitúdo mea : \* Super excélsa dedúcet me. V. Laeva ejus sub cápite meo, et dextera illíus amplexábitur me. Super excélsa.

Lectio iij.

Cap. 5. et 6.

**Q**UALIS est diléctus tuus ex dilécto, o pulchérissima mulíerum? qualis est diléctus tuus ex dilécto, quia sic adjurásti nos? Diléctus meus cándidus et rubicúndus, eléctus ex míllibus, totus desiderábilis. Talis est diléctus meus, et

ipse est amícus meus, fíliae Jerúsalem. Quo ábiit diléctus tuus o pulchérissima mulíerum? quo declinávit diléctus tuus, et quaerémus eum tecum? Pulcra es amíca mea, suávis, et decóra sicut Jerúsalem : terríbilis ut castrórum ácies ordináta. Una est colúmba mea, perfécta mea, una est matris suae, elécta genitríci suae. Vidérunt eam fíliae, et beatíssimam praedica-vérunt : et regínae laudavérunt eam.

R. Invéni grátiam apud óculos tuos, Dómine mi, \* Qui consolátus es me, et locútus es ad cor ancíllae tuae. V. In toto corde meo exquisívi te : ne repéllas me a mandátis tuis. Qui. Glória Patri. Qui.

In secundo Nocturno.

Añ. Beáta, quae credidísti, quóniam perficiéntur ea, quae dicta sunt tibi a Dómino.

Añ. Fecit mihi magna qui potens est : et sanctum nomen ejus.

Añ. Fecit poténtiam in bráchio suo : dispérsit supérbos mente cordis sui.

V. Fortis est ut mors diléctio. R. Dura sicut inférnus aemulátio.

Sermo sancti Bernárdi Abbátis.

Ex Serm. 9. de Visitatione.

Lectio iv.



**Q**UIS mortálium, nisi divíno fretus orácullo, de vera Dei et hóminis Genitríce quidquam módicum, sive gran-

de praesumat pollútis lábiis nomináre : quam Pater ante saecula Deus perpétuam praedestinávit in Vírginem digníssimam; Fílius elégit in Matrem; Spíritus sanctus omnis grátiae domicílium praeparávit? Quibus verbis ego homín-culus sensus altíssimos vírgineí Cordis, sanctíssimo ore prolátos, éfferam : quibus non súfficit lingua hóminum, et étiam Angelórum? Dóminus enim ait : Bonus homo de bono thesaúro cordis sui profert bona. Quis autem inter puros hómines mélior homo potest excogitári, quam illa, quae méruiť éffici Mater Dei, quae in Corde et in útero suo ipsum Deum hospitáta est? Quis thesaúrus mélior, quam ipse divínus amor, quo Cor Vírginis ardens erat?

R. Ego diligéntes me díligo : et qui mane vígilant ad me, invénient me. Mecum sunt divítiae, et glória, \* Opes supérbae, et justítia. V. Ut ditem diligéntes me, et thesaúros eórum répleam. Opes.

Lectio v.

**D**E hoc ígitur Corde, quasi fornáce divíni ardóris, Virgo beáta prótulit verba bona, id est, verba ardentíssimae caritátis. Sicut enim a vase óptimo vino pleno non potest exíre nisi óptimum vinum; aut sicut a fornáce summi ardóris non egréditur nisi incéndium fervens : sic de Corde Matris

Christi exíre non pótuit verbum nisi summi, summéque divíni amóris, atque ardóris. Septem verba tantum, mirae senténtiae et virtútis, a Christi benedictíssima Matre legúntur dicta. Cum Angelo bis tantum locúta est. Cum Elísabeth, bis étiam. Cum Fílio, étiam bis. Cum minístris in núptiis, semel. Haec septem verba, secúndum septem amóris actus, sub miro gradu et órdine proláta, quasi sunt septem flammae Cordis ejus.

R. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis, \* In me omnis spes vitae et virtútis. V. Transíte ad me omnes qui concupíscentis me, et a generatiónibus meis implémini. In.

Lectio vj.

**Q**UAE verba consíderans mens devóta, cum ipso Prophéta ait : Quam dúlcia fáucibus meis, id est, ómnibus affectiónibus, elóquia tua! Porro dulcédo haec, quam in verbis beatae Vírginis devóta mens sentit, est ardor piae devotiónis, quam in eis ánima experimentáliter probat. Distinguámus ígitur per órdinem has septem flammás amóris, verbórum Vírginis benedíctae. Prima est flamma amóris separántis. Secúnda, amóris transformántis. Tértia, amóris communicántis. Quarta, amóris jubilántis. Quinta, amóris



saporántis. Sexta, amóris compatiéntis. Séptima, amóris consummántis.

R̃. Beátus homo qui audit me, et qui vígilat ad fores meas quotidie, et obsérvat ad postes óstii mei. \* Qui me invénerit, invéniet vitam, et háuriet salutem a Dómino. Ṽ. Qui autem in me peccáverit, laedet ánimam suam : omnes, qui me odérunt, díligunt mortem. Qui me. Glória Patri. Qui me.

In tertio Nocturno.

Añã. Unde hoc mihi ut véniat mater Dómini mei ad me?

Añã. Misericórdia ejus a progénie in progénies tíméntibus eum.

Añã. Suscépit Israël púerum suum, recordátus misericórdiae suae.

Ṽ. Ego dilécto meo. R̃. Et ad me convérsio ejus.

Lectio sancti Evangélíi secundum Lucam.

Lectio vij. Cap. 2.

**I**N illo témpore : Dixit Mater Jesu ad illum : Fili quid fecísti nobis sic? Ecce pater tuus, et ego doléntes quae- rebámus te. Et réliqua.

Homilía venerábilis Bedae Presbyteri.

*In Homil. hiem. de temp.*

*Dom. 1. post Epiph.*



**Q**UOD Dóminus in templo sedens dicit : In his, quae Patris mei sunt, opórtet me esse; declarátio est consemi-

térnae Dei Patris potestátis, et glóriæ. Quod autem rédiens Náza-reth erat súbditus paréntibus, húmánae est veritátis indíscium, simúlque humilitátis exémplum. In ea namque ná-túra súbditus erat homínibus, in qua minor est Patre. Unde ipse dixit : Vado ad Patrem, quia Pater major me est : in qua étiam minorátus est paulo minus ab Angelis. In illa autem, in qua ipse et Pater unum sunt, in qua non ex témpore vadit ad Patrem, sed semper in ipso est : ómnia per ipsum facta sunt, et ipse est ante omnes. Cujus multum est miránda magnae dispensátio pietátis, qui dum paréntes suos mystérium divínae suae majestátis necdum cápere vidísset, exhibuit eis húmánae subjecciónem humilitátis, ut per hanc eos paulátim ad agnitió-nem divinitátis institúeret.

R̃. Aquae multae non potuérunt exstínguere caritátem, \* Neque flúmina óbruent eam. Ṽ. Si déderit homo omnem substántiam domus suae pro dilecciónem, quasi nihil despí-ciet eam. Neque flúmina.

Lectio viij.

**M**ATER ejus, inquit Evan-gelísta, conservábat ómnia verba haec in corde suo. Omnia quae de Dómino, vel a Dómino dicta, sive acta cognó-verat Mater virgo, diligéntius in corde suo retinébat, sollícite

cuncta memoriae commendabat, ut cum demum tempus praedicandae, sive scribendae incarnationis ejus adveniret, sufficiens universa, prout essent gesta, posset explicare quaerentibus. Imitemur et nos, fratres mei, piam Domini Matrem, ipsi quoque omnia verba et facta Domini ac Salvatoris nostri fixa in corde conservando.

R. Spiritus meus super mel dulcis, et hereditas mea super mel et favum. Qui audit me, non confundetur : \* Et qui operantur in me, non peccabunt. V. Qui elucidant me, vitam aeternam habebunt. Et.

Lectio ix.

**H**ORUM Domini verborum et actuum meditatione diurna et nocturna importunos inanum nocentiumque cogitationum repellamus incursus : horum crebra collatione et nos et proximos nostros a fabulis supervacaneis, et male dulcoratis detractio-num colloquiis castigare, atque ad divinae frequentiam laudis accendere curamus. Si enim, fratres carissimi, in futuri beatitudine saeculi habitare in domo Domini, ac perpetuo illum laudare desideramus, oportet nimirum et in hoc saeculo, quod in futuro quaeramus, sollicitè praemonstramus : frequentando videlicet ecclesiae limina, et non solum in ea lau-

des Domini canendo, sed et in omni loco dominationis ejus ea, quae ad laudem gloriamque Conditoris nostri proficiant, verbis pariter et factis ostendendo.

R. Ego dormio, et cor meum vigilat : vox dilecti pulsantis : \* Aperi mihi soror mea, amica mea, columba mea, immaculata mea. V. Surrexi, ut aperiam dilecto meo : manus meae distillaverunt myrrham, et digiti mei pleni myrrha pretiosissima. Aperi mihi. Gloria Patri. Aperi.

Ante Laudes, V. Ora pro nobis sancta Dei Genitrix.

IN LAUDIBUS.

Añ. Trahe me post te : curremus in odorem unguentorum tuorum. Psalm. Dominus regnavit. cum ceteris, pag. xj.

Añ. Dilectus meus loquitur mihi : Surge, prospera amica mea.

Añ. Fulcite me floribus, stipate me malis : quia amore langueo.

Añ. Adjuro vos filiae Jerusalem, ne suscitatis dilectam quoadusque ipsa velit.

Añ. Ego dormio, et cor meum vigilat.

Capitulum. Pone me. ut in j. Vesperis.

Hymnus. O gloriosa. ut in Assumpt. B. M. V.

V. Qui me invenerit, inveniet vitam. R. Et hauriet salutem a Domino.

Ad Benedictus, Aña. Extóllens vocem quaedam mulier de turba dixit illi : Beátus venter, qui te portávit, et úbera, quae suxísti.

Ad Primam, V. Qui natus es de Vírgine María.

## AD TERTIAM.

Capitul. Pone me. ut supra.

R. Anima mea liquefacta est, \* Allelúia, allelúia. Anima mea. V. Ut locútus est diléctus. Allelúia. Glória Patri. Anima.

V. Fortis est ut mors diléctio. R. Dura sicut inférnus aemulatio.

## AD SEXTAM.

Capitulum. *Eccli. 24.*

**E**GO ex ore Altíssimi prodívi primogénita ante omnem creatúram : ego feci in caelis ut orirétur lumen indeficiens, et sicut nébula texi omnem terram.

R. Fortis est ut mors diléctio, \* Allelúia, allelúia. Fortis est. V. Dura sicut inférnus aemulatio. Allelúia. Glória Patri. Fortis est.

V. Ego dilécto meo. R. Et ad me convérsio ejus.

## AD NONAM.

Capitulum. *Eccli. 24.*

**I**N omni terra steti, et in omni pópulo : et in ómnibus réquiem quaesívi, et in hereditáte Dómini morabor.

R. Ego dilécto meo, \* Allelúia, allelúia. Ego. V. Et ad me convérsio ejus. Allelúia. Glória Patri. Ego.

V. Qui me invénerit, invéniet vitam. R. Et háuriet salutem a Dómino.

## AD VESPERAS.

Super Psalm. Aña j. Laudum. Psalmi de Comm. Virg. Capit. et Hymn. ut in j. Vesp.

V. Viam mandatórum tuórum cucúrri. R. Cum dilatásti cor meum.

Ad Magnificat, Aña. Exsultávit Cor meum in Deo salutári meo : quia fecit mihi magna qui potens est.

## DIE I. JUNII.

BB. Alphonsi Navarrete  
Ord. Praed. et soc. Mart.

Duplex.

In utrisque Vesperis et ante Laudes, V. Ora pro nobis beáte Alphónse cum sóciis tuis.

Oratio.

**D**EUS, qui nos beatórum tuórum Alphónsi et sociórum ejus triúmpho laetíficas : da nobis, quaesumus, eórum méritis et intercessióne, eámdem in fide constántiam, et in ópere efficáciam. Per Dóminum.

In j. Nocturno, Lectiones Exístimo. de Comm. plur. Mart. pag. xxxvij.

In secundo Nocturno.

Lectio iv.

**T**OT inter Mártires, quos provincia sanctíssimi Rosárii in ínsulis Philippínis ab íntio suae institutiónis ad

nostra usque témpora Ordini Praedicatorum et caelo protulit, primum mérito locum obtinet invictum illud virorum apostolicorum agmen, qui, saeculo décimo séptimo ineunte, in Japónia fuso sanguíne de christiáni nóminis hóstibus triumpharunt. Horum dux éminet Alphónsus Navarréte, qui cum sacram missiónem moderarétur, ingravescente persecutióne, videns Vómurae res christianorum in detérius agi, státuit semetípsum hóstiam offérre, ut non tam verbis, quam re ipsa ac morte sua fidélium ánimos erígeret. Collátis itaque consíliis una cum Ferdinándó a sancto Josépho ex Ordine sancti Augustíni, imploratáque divína ope, ambo suorum Ordinum indúti véstibus, illuc palam adeúntes, dum religiónis nostrae mystéria praedicant et Sacraménta adminístrant, ab infidélibus capti et cápite mulctáti, palmam martyrii eo vel magis gloriósam meruére, quod eórum exémplo excitáti céteri, qui prius tímidi haeserant, non ámplius dubitárint suam fidem manifeste profitéri, et próprio sanguíne obsignáre. Navarrétum in agónem secúti sunt ex eádem província undecim álíi, quorum álíqui a plúribus annis in Japóniam vénerant, et christiánae institutiónis fundaménta posúerant, uti Francíscus Moráles ómnium primus, Al-

phónsus de Mena, Thomas Zumarrága, Hyacínthus Orfanel, et Joseph a sancto Hyacíntho; nec non álíi, qui in ipso persecutiónis aestu laborántibus frátribus opítularéntur, uti Angelus Orsúcci, Joáñnes a sancto Domínico, Ludovícus Flores. Quibus deínde succésérunt plures álíi, quos inter Petrus Vasquez, Ludovícus Bertrándus, sancti Ludovíci Bertrándi nepos, ac Domínicus Castellet, viri omnígena virtúte praediti, in oratióne assídui, zelum domus Dei habéntes : quibus nil optátius quam per martyrium Christo crucifíxo cóformes fíeri.

## Lectio v.

**I**NCREDIBILE dictu, quot difficultátes et aerúmnas in illa plantánda ac excolénda vínea passi sint. Indícta enim superióri labénte saeculo a Taicoxáma, persecútio nunquam plene cessáverat. Xongusáma vero, patérnam immanitátem longe praetergréssus, legem tulit, ut omne in suo regno christiánae religiónis vestígium abolerétur, sacerdótes religiosíque omnes, indícta extrémí supplícii poena, exsulárent, et si quae eos domus recepisset, delerétur. Inde servi Dei, ne fidélium necessitátibus deéssent, adigebántur diu noctúque inter máxima versári perícula, hac illac errántes, in fame et nuditáte, in

plagis supra modum, et in mórtibus frequénter. Sed ea caritáte acti, quae novit fácere de tentatióne provéntum, copiósum ádeo fructum in hórrea Dómini conguessérunt, ut in passióne sócios habúerint ex vernáculis centum círciter ad nostrum Ordinem pertinéntes : novem nimírum clericórum conversorúmve hábitu indútos, atque institútum ipsum profés-sos, quibus in tradénda catéchesi, vel Sacraméntis admini-strándis, adjutóribus usi fúe-rant; ceterósque tértii Ordinis, una cum eórum fíliis, nec non confrátres in Rosárii societátem adscítos, quorum pleríque erant régio sángine prognáti, qui avítae nobilitáti crucis hu-militátem praeferéntes, pro summo ducébant honóre fidei magistris, vel catechistárum múnia, vel quódpiam áliud christiánae caritátis offícium impléntes, sédulo deservíre.

Lectio vj.

**P**ASSI sunt ínclyti Dei Mártýres partim Nanga-sáchi et partim Vómurae, et una cum illis plures álii Japo-nénses utriúsque sexus, cujús-que conditiónis ac aetátis Chri-stifidéles, quos inter púeri ac puéllae quátuor et trium étiam annórum recenséntur. Huic exsultánti Mártýrum cohórti praeíbant álii vigínti novem viri apostólici ex Ordínibus sancti Francísci, Eremitárum

sancti Augustíni, et Societátis Jesu. Stetérunt itaque fortes athlétae Christi, et suis tortóribus inexpugnábilem fidem opposuérunt. Pérperam tyrán-nicus furor exquisitíssima quaeque torménta in eos adhí-buit, quae meminísse ánimus, nedum enarráre, reformídat : áliis enim in crucem actis transverberátum ferro latus fuit; álii invérso cápite cruce affíxi; plures foedíssime dila-niáti, ac membrátim caesi; ple-ríque lento igne combústi; non pauci sulphúreis vel gélidis de-mérsi aquis mortem obiérunt poenárum diuturnitáte acerbís-simam; álii dénique fame, siti, verbéribus, et squalóre cárceris afflícti, enécti mortálem hanc vitam cum immortáli ac beáta commutárunť. Tantam vero suppliciórum atrocitátem áni-mo sic erécto atque álacri per-péssi sunt, ut priscórum Ec-clésiae Mártýrum robur ac fir-mitátem plane retúlerint. Mé-rito igitur Pius Nonus Pónti-fex Máximus tantam demirátus virtútem, causam hanc, quam felícis memóriae Benedíctus Décimus quartus celebérrimam vocáverat, ex sacrae Rítuum Congregatiónis consúlto felíci-ter absólvit, atque ínclytos Christi Mártýres número bis-céntum et quinque, quorum plusquam dimídia pars ad Or-dinem Praedicatórum attiné-bat, die séptima Júlii anni mil-lésimi oćtingentésimi sexagé-

simi séptimi, a martyrio beáti Petri Apóstoli saeculo decimo octávo, solémni decreto Beatórum albo accénsuit, facta quátuor memorátis Ordínibus Offícium et Missam in eórum honórem recitándi potestáte.

In iij. Nocturno, Homilia in Evang. **Sedente Jesu.** ut in festo SS. Januarii. et soc. die xix. Septembris.

## DIE II. JUNII.

BB. Sadoc et soc. XLVIII  
Mart. Ord. Praed.

Duplex.

In utrisque Vesperis et ante Laudes, *V. Ora pro nobis beáte Sadoc cum sóciis tuis.*

Oratio.

**O**STENDAT te nobis, Dómine Jesu, post hoc exsiliū, clemens et pia Virgo María mater tua : quam beáti Sadócus et sócii inter hostíles infidélium ímpetus incessánti voce salutántes, praeoptátam martyrii palmam a te recípere meruérunt : Qui vivis.

Ad Mem. SS. Marcellini et Petri Mart. in j. Vesperis et Laudibus.

Oratio.

**D**EUS, qui nos ánnua beatorum Mártyrum tuórum Marcellíni et Petri solemnitáte laetíficas : praesta quaesumus, ut quorum gaudémus méritis, provocémur exémpis. Per Dóminum.

In j. Nocturno, Lectiones **Exístimo.** ut in Comm. plur. Mart. pag. xxxvij.

In secundo Nocturno.

*Ex actis sinc. et prob. auct.*

Lectio iv.



**C**UM sanctíssimus Pater Domínicus, comítiis Bonóniae secundo celebrátis, satóres fidei, et sui Ordinis propagatóres in várias orbis partes dirígeret, beátus Sadoc adhuc júvenis, vir tamen máximae perfectiónis, in Pannóniam cum sóciis missus est. Patris benedictióne percépta, duce Paulo Húngaro Cumanórum apóstolo, et provínciae ejúsdem Ordinis in Hungária fundatóre, egréssi praecónes fidei, in ipso itínere álios ad vitae evangélicae tirocínia aggregárunť. Sadoc autem, divínis praestans munéribus, noctu vidit daemones crescéntis familiae sanctitáte turbátos, ac de animárum ad Christum conversióne praevísa cum ejulátu doléntes audívit. Qua re in fidei propagatióne, vitiorúmque reprehensióne alácrius incénsus, viam indeféssus cucúrrit mandatórum Institutóris sui, et nullis térritus perículis vel aerúmnis, Evangélii sparsit respersítve sémina in Hungarórum vicinórumque terris, quae in id sibi fúerant demandatae. Sandomíriae dehinc in Polónia regéndis frá-

tribus admótus, a verbi tamen ministério mínime cessans, disciplínis eos reguláribus, prout a sancto Praeceptóre audierat, sédulo instítuit, exemplisque salutáribus pavit.

Lección v.

**H**IS pie ímmorans vir beátus, ab immaníssimis Tártaris fídei ódio pércitis trucidátur cum sóciis octo et quadragínta, qui sanctórum Patrum, Hyacínthi praesértim, non ante triénnum humánis rebus exémpiti, vestígiis instábant. Pridie autem, ut tráditum est, suis inténtos láudibus praemonúerat Deus, áureis in Martyrológio apparentibus líteris, futúri certáminis, victoríaeque praenúntiis. Tam insuéta leccióné stupéntes, ad gloriósam pro Christo mortem hortátur devotíssimus praeses, Sacrisque expiátos martyrii sic cúpidos cernit, ut veniéntis diéi moras únice non amárent. Dum tandem misericórdiae Matrem, more Ordinis, rite salutárent, irruéntium impiórum frámeis interémpiti, quod solémniter in sancti Jacóbi templo coeperant, cánticum laeti perfícere meruérunt ante sedem Dei et Agni, cujus fuérunt sángrine dealbáti.

Lección vj.

**S**IC moriéntes athlétae Christi piam coenobiórum complúrium praeconsecra-

vére consuetúdinem, qua Salve Regína in agóne moriéntium decantátur : oráre autem existimándi mérito sunt, ut Jesum benedíctum ventris sui fructum devótis fíliis et cliéntulis dulcíssima Mater osténdat. Quapropter Pius Séptimus Póntifex Máximus, ut Fratrum Praedicatórum corda ea spe váleant recreári, ac contra ómnia advérsa patrocínio muniántur, exemplóque Mártyrum, quos Deus signis, ut ferunt, mirabílibus decorávit, et pópuli scriptorésque Sanctos appellánt, ac religiósó cultu, Apostólicae étiam sedis concessiónibus aucto, Sandomíria venerátur, de beátis Sadóco et sóciis Offícium in univérso eórum Ordine recitári, et Missam celebrári cleménter indúlsit.

In iij. Nocturno, Homilia in Evang. Cum audieritis. de Comm. plur. Mart. pag. xliij.

## DIE IV. JUNII.

In Translatione S. Petri  
Mart. Ord. Praed.  
Totum Duplex.

### AD VESPERAS.

Super Psalm. Aña. Collaetétur turba fidélium triumphántis athlétae gáudio, qui consérvans pudóris lílium, et corúscans doctrínae rádío, dum pro fide subit martyrium, trino felix potítur brávio. Psalm. Laudáte púeri. cum ceteris, pag. j.

Capit. Beátus vir. ut in  
Communi unius Mart. pag. xix.  
R̃. ix. Dum Samsónis. p. 471.

Hymnus.

**M**AGNAE dies laetitia  
Nobis illúxit caelitus :  
Petrus ad thronum glóriæ  
Martyr pervénit ínclitus.

Puer in fide cláruit,  
Paréntum carens nébula :  
Deo servíre stúduit  
Sub paupertátis régula.

Carnem afflíxit júgiter  
In labóre múltiplici,  
Viam sequens humíliter  
Patris sui Domínici.

Vita, mors, signa vária,  
Caelum frequénti lúmine,  
Dant Petro testimónia  
De sanctitátis cúlmine.

Laus et perénis glória  
Deo Patri cum Fílio,  
Sancto simul Paráclito,  
In sempitérna saecula.

Amen.

V. Ora pro nobis beáte  
Petre. R̃. Ut digni efficiámur  
promissionibus Christi.

Ad Magnificat, Aña. O Petre  
Martyr ínclite, Praedicatórum  
glória, virginitáte praedite,  
verbo, signis, et grátia, con-  
césa nobis sólita pietátis cle-  
méntia, transácto mundi trá-  
mite, nos transfer ad caeléstia.

Oratio.

**P**RAESTA, quaesumus  
omnípotens Deus : ut  
beáti Petri Mártyris tui fidem  
cóngrua devotíone sectémur,

qui pro ejúsdem fidei dilata-  
tíone, martyrii palmam méruit  
obtinére. Per Dóminum.

AD MATUTINUM.

Invitatorium. Caeléstis exér-  
citus Regem adorémus : \* Et  
pro palma mílitis ejus jubilé-  
mus.

Hymnus.

**A**DEST triúmphus nóbilis,  
Festúmque caeli cúriae,  
Quo rosa delectábilis  
Offértur Regi glóriæ.

Petrus flos pulcritúdinis,  
Et virtútum sacrárium,  
Nullum mortális críminis  
Sensit unquam contágium.

Roboráre cum nítitur  
Fidem verbi praecónio,  
Pro fide tandem caeditur  
Haeticórum gládio.

Dum sic in petra fidei  
Petri tenet vestigia,  
Ad petram Christum próvehi  
Merétur cum victória.

Laus et perénis glória. ut  
supra in Vesperis.

In primo Nocturno.

Aña. De fumo lumen óritur,  
et rosae flos de sentibus : do-  
ctor et martyr nascitur Petrus  
de infidélibus. Psalmi de  
Comm. unius Mart. pag. xx.

Aña. Praedicatórum Ordí-  
nis mílitans in ácie, nunc con-  
júnctus est ágmini caeléstis  
míltiae.

Aña. Mens fuit angélica, lin-  
gua fructuósa, vita apostólica,  
mors quam pretiósá!

V. Glória et honóre.



Lectio j. et ij. • A Miléto.  
cum duobus primis R. R. de  
eodem Comm. pag. xxj.

De Epístola secúnda beáti Pauli  
Apóstoli ad Timótheum.

Lectio iij.

Cap. 3.

**T**U autem assecútus es  
meam doctínam, insti-  
tutióem, propósitum, fidem,  
longanimitátem, dilectiõem,  
patiéntiam, persecutiões, pas-  
siões : quália mihi facta sunt  
Antióchiae, Iconii, et Lystris :  
quales persecutiões sustínui,  
et ex ómnibus erípuit me Dó-  
minus. Et omnes, qui pie vo-  
lunt vívere in Christo Jesu,  
persecutiõem patiéntur. Mali  
autem hómines, et seductóres  
proficient in pejus, errántes, et  
in errórem mitténtes. Tu vero  
pérmane in iis, quae didicísti,  
et crédita sunt tibi : sciens a  
quo didiceris. Et quia ab in-  
fántia sacras líttas nosti,  
quae te possunt instrúere ad  
salútem, per fidem, quae est in  
Christo Jesu.

R. O Petre, sidus áureum,  
summi vas honóris, candórem  
servans níveum dono Creató-  
ris, \* Decus habes virgíneum  
in supérnis choris. V. Tu spé-  
culum mundítiae, tu custos in-  
nocéntiae, tu sancti flos pudó-  
ris. Decus habes. Glória Patri.  
Decus.

In secundo Nocturno.

Añac, Psalmi et V. de Comm.  
unius Mart. pag. xxij.

Lectio iv.



**S**ANCTUS Petrus  
Martyr, fervens amá-  
tor fídei, ejusdémque  
praecípuus cultor et  
propagátor, cum de civitáte  
Coménsi pro exsequénda in-  
quisitiõe contra haeréticos,  
sibi ab Apóstolica sede com-  
míssa, Mediolánum pérgeret,  
ab ipsis haeréticis, sicut in pú-  
blica praedicatiõe praedíxe-  
rat, iterátis mucrónis íctibus  
interféctus est. Corpus ejus  
vulnéribus confóssum, postrí-  
die Mediolánum translátum,  
et in templo sancti Eustórgii  
húmili loco cónditum, multis  
coepit coruscáre miraculis ;  
quibus permóta magna haere-  
ticórum multitúdo, ad ipsíus  
lucem fídei de sui erróris nú-  
bilo convérta est. Proptérea  
non adhuc elápsó anno ab ejus  
martyrio, Innocéntius Quartus  
gloriósum Christi athlétam  
sanctórum Mártyrum catálogo  
adscrípsit Perúsii, anno millé-  
simo ducentésimo quinquagé-  
simo tértio.

R. Beátus vir. ut in Comm.  
Mart. pag. xxiv.

Lectio v.

**P**OST solémnem invícti  
Mártyris canonizatió-  
nem, ejus sacrum corpus e  
prióri loco edúctum, atque  
incorrúptum invéntum, per  
íntegrum diem veneratiõi  
confluéntium fuit expósitum :  
subínde astánte Archiepísco

Mediolanénsi, in arcam marmóream honorífice translátum. Crescénte autem in dies prodigiórum número, et populórum devotióne, solémnior facta fuit sacrárum exuviárum translátio. Anno síquidem millésimo trecentésimo quadragésimo, quo témpore sub Magistro generáli Ordinis fratre Hugóne, in convéntu sancti Eustórgii celebrábantur comítia generália, Joánnes Vicécomes, Medioláni Archiepiscopus et dominus, univérso Ordinis Praedicatorum capítulo, et omni pópulo Mediolanénsi inspectántibus, sacrum corpus in nova arca, ex alabastríte lápide áffabre exstrúcta, summa religióne cóndidit. Caput autem e corpore divísium, et similiter incorruptum, in pretiósá theca, argénto et auro perfúlgida, fuit collocátum.

R̃. Dómine praevenísti. ut in eodem Comm. pag. xxiv.

Lectio vj.

**C**ONSTRUCTO in honórem sancti Mártiris altári, solémnis facta fuit ad illud sacri cápitis translátio, anno millésimo sexcentésimo quinquagésimo primo. Nobílius póstmodum exornáto templo, ut una cum cápite sacrum corpus eódem loco indivídua veneratióne colerétur, anno millésimo septingentésimo trigésimo sexto idem sacrum corpus, prius recógnitum, et adhuc post quátuor saecula, potíssimum a

péctore deórsum cum ventre usque ad plantas pedum incorruptum et palpábile mirabíliter repértum, ad praefátum altáre, elegántius instaurátum, religióse translátum est. Deínde sacrum caput ítidem incorruptum, ac in novam thecam splendidióri forma compósitam illátum, amplíssima praemíssa per urbem supplicatióne, cum delatióne ejúsdem sacri cápitis, magna solemnitáte et devotióne, plaudéntibus ómnibus, in eódem altári repósitum est, die vigésima nona Aprílis anno millésimo septingentésimo trigésimo nono. Ut autem perénis harum translationum memoria subsístat, et populórum devótio erga sanctum Mártirem pro impetrádo ejus patrocinio magis augeátur, Benedictus Papa Décimus quartus Offícium Translationis ejúsdem sancti Petri Mártiris, in univérso Praedicatorum Ordine, die quarta Júnii in pósterum celebrándum benígne concessit.

R̃. Praedicátor férvidus, fidei zelátor, círcuit intrépidus haeresum damnátor : vitiórum rígido semper expugnátor, \* Veritátis lúcidus doctor et amátor. V. Verbo, vita praedicat, signis crebris émicat legis aemulátor. Veritátis. Glória Patri. Veritátis.

In tertio Nocturno.

Añae, Psalmi et V. de Comuni Mart. pag. xxiv.

Lectio sancti Evangelii secundum Lucam.

Lectio vij.

Cap. 9.

**I**N illo tempore : Dixit Jesus discipulis suis : Si quis vult post me venire, abneget semetipsum, et tollat crucem suam quotidie, et sequatur me. Et reliqua.

Homilia sancti Gregorii Papae.

Hom. 32. in Evang.



**A**D se nobis venientibus Dominus praecepit, ut renuntiemus nostris. Nec tamen sufficit nostra relinquere, nisi relinquamus et nos. Si quis vult post me venire, abneget semetipsum : quia nisi quis a semetipso deficiat, ad eum, qui super ipsum est, non appropinquat : nec valet apprehendere, quod ultra ipsum est, si nescierit mactare, quod intra est. Sic olerum plantae transponuntur, ut proficiant, atque, ut ita dicam, eradicantur, ut crescant. Sic rerum semina in terrae admistione deficiunt, ut in reparatione sui generis uberius assurgant.

R. Stolam. pag. xxvj.

Lectio viij.

**S**ED qui jam se a vitiis abnegat, exquirendae ei virtutes sunt, in quibus crescat. Nam cum dictum est : Qui vult post me venire, abneget semetipsum; protinus additur : Et tollat crucem suam

quotidie, et sequatur me. Duobus etenim modis crux tollitur : cum aut per abstinenciam affligitur corpus; aut per compassionem proximi affligitur animus. Utrouque modo crucem suam tulerat, qui dicebat : Castigo corpus meum, et in servitutem redigo. Ecce in afflictione corporis, crucem carnis; nunc in compassione proximi, crucem mentis : ait enim : Quis infirmatur, et ego non infirmor? Quis scandalizatur, et ego non uror? Perfectus quippe praedicator, ut exemplum daret abstinenciae, crucem portabat in corpore : et quia in se traherat damna infirmitatis alienae, crucem portabat in corde suo.

R. Corona aurea. p. xxvij.

Lectio ix.

**S**EQUITUR : Qui enim voluerit animam suam salvam facere, perdet eam : et qui perdiderit animam suam propter me, salvam eam faciet. Sic dicitur fidei, ac si agricolae dicatur : Frumentum, si servas, perdis; si seminas, renovas. Quis enim nesciat quod frumentum, cum in semine mittitur, perit ab oculis, et in terra deficit? Sed unde putrescit in pulvere, inde virescit in renovatione. Ad sanctorum Martyrum corpora consistimus, fratres mei. Ecce miraculis coruscant : ad extincta namque eorum corpora viventes

tes aegri véniunt, et sanántur; perjúri véniunt, et a daemónio vexántur; daemoníaci véniunt, et liberántur. Quómodo ergo vivunt illic, ubi vivunt, si in tot miráculis vivunt hic, ubi mórtui sunt.

R̃. Dum Samsónis vulpes quaerit, ab iníquis caeditur : caput sacrum líctor ferit, justí sanguis fúnditur : \* Sic triúmphi palmam gerit, dum pro fide móritur. V. Stat invíctus pugil fortis : constans profert hora mortis fidem, pro qua pátitur. Sic. Glória Patri. Sic.

Ante Laudes, V. Ora pro nobis.

#### IN LAUDIBUS.

Añã. Petrus novus íncola caelos laureátus ascéndit, auréola tríplici dotátus. Ps. Dóminus regnávít. cum ceteris, pag. xj.

Añã. Turbae currunt languéntium, signa corúscant vária, et in Petri praecónium crebra crescunt prodígia.

Añã. Bolus digne suffócat guttur detrahéntis; sed mox ipsum révocat votum poeniténtis.

Añã. Motu, sensu córporis júvenis privátur : tactu sacri púlveris vitae restaurátur.

Añã. Ad sancti Petri túmulum frequens lux descéndit : in cujus laudis títulum lámpades accéndit.

Hymnus.

**E**XSULTET claro sídere  
Fulgens mater Ecclésia :  
Petrus Martyr in aethere  
Nova profúdit gáudia.

Pauper, pudícus, húmilis,  
Christo se totum dédicat :

In lege Dei dócilis,  
Verbis, exémpis praedicat.

Triúmphat per martyrium  
Christi fortis in ácie :

Consérvans semper lílium  
Virginális mundítiae.

Lux caeli, vitae méritum,  
Cum signórum frequéntia,  
Petri comméndant éxítum,  
Et praedicant magnália.

Laus et perénis glória. ut  
supra in Vesp. pag. 467.

V. Coróna áurea.

Ad Benedictus, Añã. Summa pollens Petrus mundítia, et praefúlgens doctrínae grátia, martyrii clarus victória, trinae fulget corónae glória.

Ad Horas diei, Capitula et R̃R̃. de Comm. unius Mart. pag. xxviii.

#### AD VESPERAS.

Super Psalm. unius Mart. Añã j. Laud.

Capit. Hymnus et V. ut in j. Vesperis.

Ad Magnificat, Añã. O Martyr egrégie, doctor veritátis, puritátis vásculum, norma sanctitátis! Tua per suffrágia véniam peccátis, et vitam in glória praesta cum beátis.

#### DIE V. JUNII.

S. Francisci Caracciolo Conf.

Duplex.

Oratio.

**D**EUS, qui beátum Franciscum novi Ordinis institutórem orándi stúdio, et

poenitentie amorē decorasti : da famulis tuis in ejus imitatione ita proficere, ut semper orantes, et corpus in servitutum redigentes, ad caelestem gloriam pervenire mereantur. Per Dominum.

In secundo Nocturno.

Lectio iv.



**F**RANCISCUS, dictus antea Ascānius, ex nobili familia Caracciolo in oppido sanctae Mariae de Villa in Aprutio ortus, a primis annis eximio enituit pietatis cultu. Adolēscens, unice Deo famulari exoptans, dum e gravi morbo convalesceret, saeculo valedixit. Mox Neapolim profectus, Sacerdotio initiatus, sacroque adscriptus sodalicio, contemplationi, lucrandisque animabus se totum devovit, ac extremo supplicio damnatis hortatorem se praebeuit assiduū. Contigit autem, ut epistolum alteri destinatum ei per errorem redderetur, quo a piissimis viris Joanne Augustino Adorno, et Fabricio Caracciolo ad novi religiosi Instituti fundationem vocabatur. Rei novitate captus, et divinae voluntatis demiratus consilia, alacri animo sese illis adjunxit. Conditis autem in Camaldulensium eremo, quo secesserant, novi Ordinis legibus, inde Romam simul profecti, confirmationem a Sixto Quin-

to impetrarunt, qui eosdem Clericos Regulares Minores appellari voluit, addito ad tria consueta altero de non ambiendis dignitatibus voto.

Lectio v.

**S**OLEMNI emissā professione, ob singularem ejus in divum Franciscum Assisinatē cultum, Francisci nomen assumpsit. Adorno biennio post vita functo, ipse toti Religioni, quamquam invitatus, praeficitur : quo in munere virtutum omnium praeclara praebeuit exempla. Instituti amplificandi studiosissimus, id assiduis orationibus, lacrymis, et jugi corporis maceratione enixe a Deo postulabat. Quamobrem tertio in Hispaniam se contulit peregrini habitu indutus, victumque ostiatim mendicans. In itinere asperissima quaeque perpessus, Omnipotentis auxilium mirum in modum expertus, navim, quam conscenderat, ab imminenti naufragio orationis praesidio servavit incolumem. Ut in regnis illis voti compos fieret, plurimum laboravit; sed ejus sanctitatis fama praelucēte, amplissimaeque Catholicorum regum Philippi Secundi, et Philippi Tertii munificentia, adversariorum conatibus singulari animi fortitudine superatis, plura sui Ordinis domicilia fundavit : quod pari eventu per Italiam praestitit.

Lectio vj.

**H**UMILITATE ádeo ex-  
céluit, ut Romam vé-  
niens, in páuperum hospítio  
recéptus se lepróso sociáverit,  
et ecclesiásticas dignitates a  
Paulo Quinto sibi oblátas con-  
stantíssime recusáverit. Illibá-  
tam perpétuo servávit virgini-  
tátem, effrontésque mulieres  
ejus castimóniae insidiántes,  
Christo lucrifécit. Erga divi-  
níssimum Eucharistíae mysté-  
rium ardénti aestuans amóre,  
noctes pene íntegras in ejus  
adoratione insómnes ducébat :  
quod pium exercítium, véluti  
sui Ordinis tésseram, in eo  
perpétuo servándum constituit.  
Deíparae Vírginis cultum im-  
pense fovit. In próximum exí-  
mia exársit caritáte. Prophe-  
tíae dono, et córdium scruta-  
tíone ditátus fuit. Quadragési-  
mum quartum aetátis suae  
annum agens, dum in sacra  
Lauretána aede in oratione  
persisteret, sibi vitae finem  
imminére agnóvit. Aprútium  
statim defléxit, et in óppido  
Agnóni apud alúmnos sancti  
Philíppi Nérii letáli morbo  
corréptus, Sacraméntis Ecclé-  
siae devotíssime susceptis, prí-  
die Nonas Júnii anni millési-  
mi sexcentésimi octávi, in per-  
vigílio festi Córporis Christi,  
placidíssime obdormívit in  
Dómino. Sacrum ejus corpus  
Neápolim delátum, in ecclésia  
sanctae Maríae Majóris, ubi

prima sui Ordinis jécerat fun-  
daménta, honorífice cónditum  
fuit. Eum póstea miráculis cla-  
rum Clemens Décimus quartus  
Póntifex Máximus solémni ritu  
inter Beátos; Pius vero Sépti-  
mus Póntifex Máximus, novis  
fulgéntem signis, anno millé-  
simo octingentésimo séptimo  
Sanctórum albo adscrípsit.

In iij. Nocturno, Homilia in  
Evang. **Sint lumbi.** de Comm.  
Conf. non Pont. pag. lxxvj.

## DIE VI. JUNII.

S. Norberti Episc. et Conf.  
Duplex. Oratio.

**D**EUS, qui beátum Nor-  
bertum Confessórem  
tuum atque Pontíficem, verbi  
tui praecónem exímium effecí-  
sti, et per eum Ecclésiám tuam  
nova prole fecundásti : praesta  
quaesumus, ut ejúsdem suffra-  
gántibus méritis, quod ore si-  
mul et ópere dócuit, te adju-  
vante exercére valeámus. Per  
Dóminum.

In secundo Nocturno.

Lectio iv.



**N**ORBERTUS, nobi-  
líssimis paréntibus  
natus, adolescens li-  
berálibus disciplínis  
erudítus, in ipsa póstea impe-  
ratóris aula, spretis mundi il-  
lécebris, ecclesiasticae milítiae  
adscríbi vóluit. Sacris initiá-  
tus, rejéctis móllibus ac splén-  
didis véstibus, pellíceá melóte

indútus, praedicationi verbi Dei se totum dedit. Abdicatis ecclesiasticis provéntibus satis amplis, et património in páuperes erogato, semel in die sub vésperam solo cibo quadragesimali utens; nudisque pédibus, et lácera veste sub brumali rigóre incédens, mirae austeritátis vitam est aggréssus. Potens igitur ópere et sermóne innúmeros haeréticos ad fidem, peccatóres ad poeniténtiam, dissidentes ad pacem et concórdiam revocávit.

Lectio v.

**C**UM Laudúni esset, ab Epíscopo rogátus, ne a sua dioecési discéderet, desértum in ea locum, qui Praemonstrátus dicebátur, sibi delégit : ibique, trédecim sóciis aggregátis, Praemonstraténsem Órdinem instituit, divínitus accépta per visum régula a sancto Augustíno. Cum vero ejus fama sanctitátis in dies magis augerétur, ac plúrimi ad eum quotidie discipuli convenírent, idem Ordo ab Honório Secúndo, aliisque summis Pontíficibus confirmátus, ac plúribus ab eo monastériis aedificátis, mirífice propagátus est.

Lectio vj.

**A**NTVERPIAM accersítus, in ea urbe Tanchelíni nefáream haeresim profligávit. Prophético spíritu, et miraculis cláruit. Archiepíscopus tandem (licet relúctans)

Magdeburgénsis creátus, ecclesiasticam disciplinam, praesértim caelibátum, constánter propugnávit. Rhemis in concílio Innocéntium Secúndum egrégie adjúvit : et Romam cum áliis Epíscopis proféctus, schisma Petri Leónis compréssit. Postrémo vir Dei méritis et Spíritu sancto plenus, Magdebúrgi obdormívit in Dómino, anno salutis millésimo centésimo trigésimo quarto, die sexta Júnii.

In iij. Nocturno, Homilia in Evang. **Homo pérégre.** ut in Comm. Conf. Pont. pag. lxj.

## DIE VIII. JUNII.

S. Angelae Mericiae Virginis,  
Fund. Congr. S. Ursulae.

Duplex.

Oratio.

**D**EUS, qui novum per beátam Angelam sacrárum vírginum collégium in Ecclésia tua floréscere volústi : da nobis ejus intercessióne angélicis móribus vívere; ut terrénis ómnibus abdicátis, gáudiis pérfrui mereámur aetérnis. Per Dóminum.

In j. Vesp. et Laud. Mem. S. Medardi Episc. et Conf.

Oratio.

**E**XAUDI, quaesumus Dómine, preces nostras, quas in beáti Medárdi Confessoris tui atque Pontíficis solemnitáte deférimus : ut qui tibi digne méruit famulári, ejus intercedéntibus méritis,

ab ómnibus nos absólvas pec-  
cátis. Per Dóminum.

In secundo Nocturno.

Lectio iv.



**ANGELA** Merícia De-  
centiáni Veronénsis  
dioecésis óppido ad  
lacum Benácum in  
ditióne Véneta, piis orta pa-  
réntibus, a prima aetáte virgi-  
nitátis lílium, quod perpétuo  
serváre statúerat, sédula sepsit.  
Ab omni muliebri ornátu ab-  
hórrens, egrégiam vultus for-  
mam, pulcrámque caesáriem  
studióse foedávit, ut caeléstí  
dumtáxat animárum Sponso  
placéret. In ipso autem adole-  
scéntiae flore paréntibus orbá-  
ta, austeriórís vitae desidério  
in desértum locum aufúgere  
tentávit; sed ab avúnculo pro-  
híbíta, novit praestáre domi,  
quod in solitúdine non lícuit.  
Cilício ac flagéllis frequé-  
nter usa, carnem nonnisi infirma  
valetúdine, vinum in Nativí-  
tátis et Resurrectiósni Domí-  
nicae tantum celebritáte, com-  
plúres vero dies nihil omníno  
degustávit. Oratióni dédita  
brevíssimum humi carpébat  
somnum. Daemonem vero sub  
lucéntis Angeli forma sibi illú-  
dere conántem agnóvit próti-  
nus, et conjécit in fugam. Tan-  
dem patérnis bonis abdicátis,  
et hábitum ac régulam Tértii  
Ordinis sancti Francísci am-  
pléxa, evangélicam paupertá-  
tem virginitátis laudiconjúnxit.

Lectio v.

**N**ULLUM pietátis offícium  
erga próximos omíttens,  
paupéríbus, quicquid sibi ex  
mendicáto víctu superésset,  
largiebátur; libénter ministrá-  
bat aegrótis, plúraque cum ma-  
gna sanctitátis fama peragrá-  
vit loca, ut vel solátio esset  
afflíctis, vel reis véniam impe-  
tráret, vel infénsos ínvicem re-  
conciliáret ánimos, vel e vitió-  
rum coeno sceléstos revocáret.  
Angelórum pane, quem únice  
esuriébat, frequentíssime refé-  
cta, tanta caritátis vi ferebátur  
in Deum, ut saepius extra sen-  
sus raperétur. Sacra Palaestí-  
nae loca summa cum religióne  
obívit : quo in itínere et vi-  
sum, quem ad Cydónias ap-  
púlsta oras amíserat, eódem  
regréssa recuperávit, et barba-  
rórum captivitátem, ac nau-  
frágium ímminens divínitus  
evásit. Romam dénique firmam  
Ecclésiæ Petram veneratúra,  
et amplíssimæ jubilai véniae  
percúpida, sedénte Cleménte  
Séptimo accéssit; quam sum-  
mus Póntifex allocútus, ejús-  
dem sanctimóniam suspéxit,  
et commendávit summópere;  
nec ab Urbe ipsam abíre ante  
permísit, quam álio caelitus  
vocátam agnóvit.

Lectio vj.

**B**RIXIAM itaque, ubi do-  
mum ad sanctae Aphrae  
templum condúxit, revérsa,  
novam ibi vírginum sociatá-



tem, sicut caelēsti voce ac visione mandatum sibi fuerat, sub certa disciplina, sanctisque vivendi regulis constituit, quam sanctae Ursulae invictae virginum ducis patrocínio ac nómine insignivit : eam vero perennem futuram morti próxima praedixit. Tandem prope septuagenaria dives méritis evolavit in caelum sexto Kalendas Februarii anni millésimi quingentésimi et quadragésimi; cujus cadáver per ipsos triginta dies inhumatum, flexibile ac vivo simillimum perseveravit. Demum in sanctae Aphrae templo inter ceteras, quibus illud abundat, Sanctorum Reliquias repósito, plúrima ad ejus sepulcrum agi statim coepere miracula : quorum fama late diffusa, non Bríxiae modo, et Decentiáni, sed alibi étiam vulgo coepit nuncupári Beáta, ejúsque imágo aris imponi; immo sanctus ipse Cárolus Borromaeus non multis post annis dignam, quae ab Apostólica sede in sanctarum Virginum album referrétur, Bríxiae palam assérui. Cultum vero illi jam diu a pópulis exhibitum, et tum locórum Ordináriis probátum, tum plúribus étiam summórum Pontíficum indúltis munítum, Clemens Papa Décimus tértius solémni decréto ratum hábuit, ac confirmávit. Eam tandem, novis miraculis rite probátis insígnem Pius Papa Séptimus, so-

lémni canonizatióne in Vaticána basilica perácta, die vigésima quarta Maii, anno millésimo octingentésimo séptimo, sanctarum Virginum catálogo adscrípsit.

In iij. Nocturno, Homilia in Evang. **Símile erit regnum caelórum decem virgínibus.** ut in Comm. unius Virg. non Mart. pag. lxxxv.

### DIE IX. JUNII.

BB. Dianae et sociarum ejus  
Caeciliae et Amatae Virg.  
Ord. Praed.

Duplex.

Omnia de Communi unius Virginis non Martyris, praeter sequentia.

In utrisque Vesperis et ante Laudes, **V. Ora pro nobis beáta Diána cum sodálibus tuis.**

Ad Magnificat, Aña. **Prudentes vírgines.** ut in Comm. pro plur. Virg. pag. lxxj.

Oratio.

**D**EUS, qui beátam Diánam Virginem tuam admirábili spíritus fortitúdine donásti; eíque in terénda evangélicae perfectiόνis via beátas Caecíliam et Amátam cómites dedísti : concéde propítius, ut eárum exémplo roborémur in árduis, et in advérsis protegámur auxílio. Per Dóminum.

In j. Vesperis et Laudibus ad Mem. SS. Primi et Feliciani Mart.

## Oratio.

**H**AC nos, quaesumus Dómine, sanctórum Mátyrum tuórum Primi et Feliciáni semper festa sectári; et eórum suffrágiis protectiónis tuae dona sentíre. Per Dóminum.

In j. Noct. Lect. De virgí-nibus. in Comm. pag. lxxxiiij.

## Lectio iv.



**D**IANA, patre Andalo seu Andréolo, a quo inter pósteros nóbilis Carbonésiae stirpis Andalórum agnómen dicitur propagátum, Bonóniae sub infítium saeculi décimi tértii orta est. Adolescéntula patri persuásit, ut primis Ordinis Praedicatórum sodálibus Bonóniam missis locum prope ecclésiám, quam obtinúerant, sancti Nicolái, et quae póstea sancti Domínici est dicta, concéderet, ubi aptióres frátribus aedes constrúere posset beátus Regináldus Aurelianénsis, ad cujus praedicationem pius puéllae ánimus perfectiónis evangélicae stúdio mirábiliter árserat. Hinc Bonóniam adveniéntem sancto Patriárcha Domínico, tanto devotiónis afféctu ipsum cólere coepit, ut mox spreta, qua erat, insígni formae elegántia, ceterisque, quibus affluébat, natúrae ac fortúnae donis, in mánibus ejus ad aram sancti Nicolái, non virginitátis solum, sed et religiónis votum fécerit, astántibus

beátis Regináldo et Guala, cum áliis frátribus, ac nonnúl-lis étiam urbis matrónis. Exín-de durióres ipsas monásticae vitae asperitátes ultro domi ampléxa est; nam sub pretiósís véstibus férrea caténa lumbos cinxit, ac secréto clausa cubí-culo, ad plures quotidie horas piis meditatióibus et oratióibus óperam dabat.

## Lectio v.

**I**NTERIM, probánte sancto Domínico, de aedificándo sorórum Ordinis Praedicatórum monastério impénse agébat. Repugnántibus vero obfirmáte paréntibus, Diána, ut emíssum religiónis votum utcúmque impléret, cóntulit se in propínquum Ronzáni collem, ceu antiquiórís cujúsdam institúti sanctimoniáles illic degéntes in festo sanctae Maríae Magdalénae visitatúra: at monastérium vix ingrèssa, dimísso nóbili comitátu, eárum hábitum pétiit, et accépit. Re Bonóniae nuntiáta, cognáti, amíci, populáres monastérium invádunt, eoque Diánam tam incleménter abrípiunt, ut costam ipsi perfrégerint. Ob hoc Dei serva annum fere jácuit infírma in doméstico pene cárcere, non consoláta, nisi lítteris idéntidem recéptis a benignióre patre sancto Domínico. Sed vix póterat assúrgere, et en acérbius éxcipit vulnus ob mortem, quae tunc áccidit,

sanctissimi viri. Nulli tamen cessit angóri virgo fortissima. Nam reparátis víribus, ad illud ipsum monastérium aufúgit íterum, ac tam invícta constantia demum obtínuit, ut de religiósó statu amplecténdo líberum sibi arbítrium a consanguíneis permitterétur. Sic Diána excipiéndis Ordinis Praedicatorum soróribus monastérium sanctae Agnétis apud Bonóniam fundáre pótuit, in quod anno saeculi vigésimo tértio, infra Octávam Ascensiónis Christi, cum nobílibus áliquot puéllis introducta est ab ínclýto sancti Domínici successóre beáto Jordáno, qui in próxímo festo sanctorum Apostolorum Petri et Pauli, hábitum Ordinis novis soróribus índuit, easque ad religiósam professiónem deinceps admísit, eisque e Románo monastério sancti Xysti, triénio ante a sancto Domínico fundáto, summus Póntifex Honórius Tértius beátas Caecilíam et Amátam, aliásque duas soróres adjúnxit.

Lectio vj.

**N**OVUM Bononiénse ascetérium hisce praesídiis, et assídua beáti Jordáni cura diligénter excúltum, cito cláruit incolárum número et sanctimónia. Nam de beáta Caecília memóriæ tráditum est, eam ex prænóbili Romána progénie ortam, ómnium pri-

mam ex Domínici Patris má nibus novi institúti hábitum Romae suscepísse, ejúsque gestórum fidelíssimam testem exstitísse. Haec porro, ac beáta Amáta, ad multos annos cum magna sanctitátis laude in eo ascetério vixérunt. Praeíbat Diána in ómnium virtútum exercítio, et in rigidióre legum Ordinis custódia. Elúxit in ea singuláris humílitas, summum paupertátis stúdiu, ac véhemens ádeo caritátis fervor, ut de divínis loquens, saepius soróres ad úberes devotiónis lácrymas provocáret. Tali modo cum ad omnem sanctitátem monastériu illud suu aliquándiu informásset, nihílque jam optáret ardéntius, quam dissólvi, et esse cum Christo, migrávit ad Sponsum die décima Júnii, anno praedícti saeculi trigésimo sexto. Ejus corpus honorífice cónditum est in ecclésia monastérii ad latus altáris sanctae Agnétis; quo étiam sepúlcro deínde beatae Caecíliae et Amatae córpora compósita sunt. Quanta autem venerátio sacris illis exúviis constánter adhíbíta sit, patet ex secútis translationibus, máxime vero ex illa, quae cóntigit anno millésimo quingentésimo décimo, et in qua Diánae caput mirífico sudóre atque odóre manásse, vétera testántur monuménta. Cultum beatae Diánae ac sociárum ejus, áuctum subínde aliórum signó-

rum fama, et continenter propagatum, Leo Décimus tertius Pontifex Máximus rite probavit, earumque festum cum Officio et Missa in universo Praedicatorum Ordine, et in Archidioecesi Bononiensi celebrari permisit.

In iij. Nocturno, Homilia in Evang. *Símile erit regnum caelorum decem virgínibus.* de Comm. pag. lxxxv.

In Laud. *Adducéntur regi.*

Ad Benedictus, Aña. *Símile erit.* pro plur. Virg. pag. lxxx.

### DIE X. JUNII.

B. Joannis Dominici Episc.  
et Conf. Ord. Praed.

Duplex. Oratio.

**D**EUS, largitor caritatis : qui beátum Joánnem Confessórem atque Pontíficem in conservanda Ecclesiae unitate, instaurandaque regulari disciplina virtute roborasti; per ipsius intercessionem tribue nobis idípsum sentire et fácere in Christo Jesu Dómino nostro : Qui tecum vivit.

In j. Nocturno, Lectiones *Fidélis sermo.* de Comm. Conf. Pont. pag. liij.

In secundo Nocturno.

Lectio iv.



**J**OANNES pauperibus piisque paréntibus Floréntiae natus, a primis annis patris vestigiis insístens, cibos manu et arte quaerébat. Adoléscens,

expléto diúrno ópere, ecclésiás invisébat pia sua vota Dómino solutúrus. Décimo octávo aetátis anno caeléstia inquírens, Praedicatorum Ordinem ingressus, tirónibus exémplo praeíbat demissíssima praesértim obediéntia. Solémnia vota nuncupátus, erat in victu módicus, jejúnio addíctus, in oratione assíduus, rudioribus vestibus usus, saccum pro lecto hábuit. Optima imbútus morum disciplína, ejúsmodi exercítiis litterárum stúdia conjúnxit, et licet ingenuárum artium sciéntia et nómine apud omnes polléret, humilitátem tamen mirum in modum excóluit. Proximórum salúti omni stúdio insístens, praedicationi étiam verbi Dei addíctus, singulári fuit grátia donátus, ádeo ut defléctere voluntátem, commovére ánimos, reformáre mores, adunáre plebes, continére pópulos facíllime posset.

Lectio v.

**C**URAS omnes étiam sédu-lo praestitit, ut tam Institúti sui, quam aliórum Ordinum reguláris observántia revocarétur, primúsque in Itália fuit, qui spíritus sui fervóre ita ánimos accéndit, ut in primae-vam formam religiósae famíliae redigeréntur. His permótus Gregórius Duodécimus eum Ragusínae Ecclesiae Praesulem, et sanctae Románae Cardinálem títuli sancti Xysti,

licet invitum, creavit. Joannes vero hac dignitate auctus, quum Ecclesia infando laniaretur schismate, Gregorio persuasit, ut pro bono Ecclesiae Pontificatum cederet; votique compos factus, Constantiam ad generale concilium convolvit, perlectaque coram omnibus Pontificis renuntiatione, dignitatem suam pariter ultro abdicavit. Concilii Patres huic voluntati restiterunt, absolutoque concilio, Sigismundus imperator a Martino Quinto ibidem electo impetravit, ut Joannes in Bohemiam, Poloniam, et Hungariam, ad extirpandas haereses, legatus mitteretur; ac Budam adveniens, ferventius coepit divinis rebus incumbere, vigiliis et orationibus semper intentus.

Lectio vj.

**A**RDENTI febre interea correptus, vitae sibi finem adesse praenovit, et Ecclesiae Sacramentis rite munitus, veniam ab omnibus apprecatus est. Proprio functus officio, quum publica et privata omnia accuratè prosecutus esset, subito veluti somno arreptus, angelicis, uti fertur, comitatus obsequiis obdormivit in Domino. Fuit Joannes potens in opere et sermone coram Deo et omni populo, qui scientiae et sapientiae sermone effulsit in Ecclesia Dei. Ad ejus funus commota est uni-

versa civitas, atque ex historicis monumentis habetur, multas ad sepulcrum exstare imagines prodigiorum testimonia referentes, quae fideles a Deo hujus beati viri meritis sunt assecuti. Quapropter ecclesiasticum immemorabilem beati Joannis cultum, quem illic, aliisque in locis promeruit, quique constanter usque ad nos devenit, Gregorius Decimus sextus Pontifex Maximus rite probavit, ejusque festum in universo Praedicatorum Ordine cum Officio et Missa celebrari indulsit.

In iij. Nocturno, Homilia in Evang. Homo peregre. ut in Comm. Conf. Pont. pag. lxj.

## DIE XI. JUNII.

S. Barnabae Apostoli.  
Totum Duplex.

Oratio.

**Q**UAESUMUS omnipotens Deus : ut beatus Barnabas Apostolus, tuum pro nobis impleret auxilium; ut a nostris reatibus absoluti, a cunctis etiam periculis eruamur. Per Dominum.

In primo Nocturno.

Ex Actibus Apostolorum.

Lectio j.

Cap. 13.



**U**M dimissa esset synagoga, secuti sunt multi Judaeorum, et colentium advenarum, Paulum, et Barnabam :

qui loquētes suadēbant eis ut permanērent in grātia Dei. Sequēti vero sabbato pene univērsa cīvitas convēnit audīre verbum Dei. Vidētes autem turbas Judaei, replēti sunt zelo, et contradicēbant his, quae a Paulo dicebāntur, blasphemāntes.

## Lectio ij.

**M**UNC constāter Paulus, et Bárnabas dixerunt : Vobis oportēbat primum loqui verbum Dei : sed quoniam repēllitis illud, et indignos vos judicātis aeternae vitae, ecce convertimur ad gentes. Sic enim praecēpit nobis Dóminus : Pósuī te in lucem gēntium, ut sis in salutē usque ad extrémum terrae. Audiētes autem gentes gavísae sunt, et glorificābant verbum Dómini : et credidērunt quotquot erant praeordināti ad vitam aeternam.

## Lectio iij.

**D**ISSEMINABATUR autem verbum Dómini per univērsam regiōnem. Judaei autem concitavērunt mulieres religiōsas, et honēstas, et primos civitātis, et excitavērunt persecutiōnem in Paulum, et Bárnabam : et eiecērunt eos de sínibus suis. At illi excūsso pūlvēre pedum in eos, venērunt Icónium. Discípuli quoque replebāntur gāudio, et Spírītu sancto.

In secundo Nocturno.

## Lectio iv.

**B**ARNABAS Levítes, Cyprius gēnere, qui et Joseph, cum Paulo gēntium Apóstolus ordinátus est ad praedicāndum Jesu Christi Evangélium. Is, agro vëndito, quem habēbat, redāctam ex eo pecūniam áttulit Apóstolis. Missus autem Antióchiam praedicatiōnis causa, cum ibi multos ad Christi Dómini fidem convērsos esse comperísset, incredibíliter laetátus, eos hortabátur, ut in Christi fide permanērent. Qua cohortatiōne multum proficiēbat, quod ab ómnibus vir bonus, et Spírītu sancto plenus habebátur.

## Lectio v.

**P**ROFECTUS inde Tarsum, ut quaereret Paulum, cum eo Antióchiam venit. In ejus urbis Ecclēsia annum commorāti, christiānae fidei et vitae illis homínibus praecēpta dedērunt : ubi étiam Jesu Christi cultóres primum Christiáni sunt appellāti. Discípuli autem Pauli et Bárnabae, suis facultátibus Christiānos, qui in Judaea erant, sustentābant, eo mittētes pecūniam per Paulum et Bárnabam. Qui perfúnti illo caritātis officio, adhíbīto Joánne, cui cognómen erat Marcus, rediērunt Antióchiam.

Lectio vj.

**M**ULTAS deinde cum Paulo urbes regionesque, praedicans Evangelium, summa cum audientium utilitate peragravit : cujus praeclare res gestas sanctus Lucas Evangelista divino spiritu conscripsit. Postrémo Barnabas, digressus a Paulo, una cum Joanne, qui cognominatus est Marcus, navigavit in Cyprum : ibique circiter septimum Nerónis annum, tertio Idus Júnii ad apostólici muneris laudem, martyrii coronam adjunxit. Ejus corpus, Zenóne imperatore, repertum est in insula Cypro : ad cujus pectus erat Evangelium Matthaei hebraicum, ipsius Barnabae manu conscriptum. Virginem ipsum fuisse pro certo traditur.

In tertio Nocturno.

Lectio sancti Evangelii secundum Matthaeum.

Lectio vij.

Cap. 10.

**I**N illo tempore : Dixit Jesus discipulis suis : Ecce ego mitto vos sicut oves in medio luporum. Et reliqua.

Homilia sancti Joannis Chrysostomi.

*Hom. 34. in Matth. post initium.*

**C**UM Dóminus omnem sollicitudinem a discipulorum cordibus ejecerit, et ostensione signorum armaverit, atque ab omnibus negotiis saecularibus

alienatos, et ab omni temporalium rerum cura liberatos, ferreos quodámmodo, atque adamántinos fécerit, tum denique eventúra illis adversa praedicat. Primum, ut ejus praescientiae vim edíscerent. Deinde, ut nemo suspicaretur ex magistri infirmitate tam grávia mala descendere. Praeterea, ne qui ea passuri erant, subito ac inopinato rerum eventu perturbaréntur.

Lectio viij.

**T**AM vero, ut intélligant novum hoc esse belli genus, et insólitum proeliandi morem, cum illos nudos mitteret, una indutos túnica, sine calceis, absque virga, et absque zona et pera, et ab excipientibus ali jubéret : non fecit hic dicéndi finem ; sed inexplicabilem virtutem suam próferens, Etiam sic eúntes, inquit, mansuetudinem tamen óvium osténdite, quamvis ad lupos itúri, nec ad lupos dumtaxat, sed in medio luporum.

Lectio ix.

**N**EC vero óvium tantum mansuetudinem habere jubet, sed étiam colúmbae simplicitatem : sic enim virtutem meam máxime ostendam, cum ab óvibus lupi superabúntur. Majus profecto, atque admirabilius est, mentem adversariórum commutare, et ánimum in diversum transférre, quam illos occidere : praesértim cum

duódecim tantum essent, et lupis plenus esset orbis universus. Erubescámus igitur, qui longe diversa faciéntes, tamquam lupi in adversários ruimus. Nam dum sumus oves, vincimus; si lupi, vincimur : quia pastóris auxiliúm abest, qui oves, non lupos pascit.

## DIE XII. JUNII.

B. Stephani Bandelli Conf.  
Ord. Praed.

Duplex.

Oratio.

**D**EUS, qui ad errántes fideles in viam salutis revocándos, beátum Stéphanum Confessórem tuum evangélicae praedicationis exímium minístrum effecísti : ejus méritis et intercessióne concéde; ut a peccátis omnibus expediti, sémitam mandatórum tuórum semper currámus. Per Dóminum.

Ad Mem. in j. Vesperis et Laudibus SS. Basilidis, Cyríni, Naboris, et Nazarii Mart.

Oratio.

**S**ANCTORUM Mátyrum tuórum Basílidis, Cyríni, Náboris, atque Nazarii, quaesumus Dómine, natalítia nobis votíva resplédeant; et quod illis cóntulit excelléntia sempitérna, frúctibus nostrae devotiónis accrésca. Per Dóminum.

In j. Nocturno, Lectiones Beátus vir. de Comm. Conf. non Pont. pag. lxiv.

In secundo Nocturno.

Lectio iv.



**S**TEPHANUS Bandéllus Insuber Castrinóvi ad Scrípíam, Derthonénsis dioecesis óppido, honésto génere ortus est. Adoléscens mundi illécebras et blandiménta despíciens, suae ac proximórum aetérnae salutí procurándae ómnia stúdia, omnémque óperam dare constituit. Religíosam itaque vitam in Ordine Praedicatórum Placentiae proféssus, nihílque magis exóptans, quam ut sanctíssimi Institúti partes omnes cumulatíssime expléret, oratióni imprímis ac virtútum ómnium exercítio sese addíxit : inque hoc stúdio tantum profécit, ut sancta ejus conversátio tamquam mirábilis poeniténtiae ac religiósae perfectiónis imágo proponerétur. Ad haec humánas divínasque lítteras a prima aetáte sic cóluit, ut praestantíssimus theologiae et sacrórum cánonum doctór eváserit.

Lectio v.

**I**PSIUS nóminis fama látius manánte, efféctum est, ut anno millésimo quadringentésimo vigésimo séptimo ad públice docéndum in Ticinénsi universitaté evocarétur. Sed constat praecípua ejus laus divíni verbi praedica-



tióne : cui quidem per annos plures tali ac tanto caritátis fervóre obsecútus est, ut ipsi Paulo ab alíquibus compararétur. Hinc vero quocúmque divérteret, ut verbi ministérium obíret, ingens populórum multitúdo ad eum audiéndum confluébat : ipse autem divína grátia adjútus, innúmeros peccátóres e vitiórum coeno ad sincéram poeniténtiam revocávit, ac tepidiórum fidélium corda, ab amóre saeculi plénius avúlta, ad caeléstis pátriae desidéria veheménter accéndit. In his apostólicae vitae labóribus cum aetátem omnem contrivísset, anno tandem millésimo quadringentésimo quinquagésimo, aetátis suae octogésimo primo, apud Salútias, quae Taurinénsis dioecésis fínibus per ea témpora adhuc continebántur, vitae sanctítate et miráculis illústris, tértio Idus Júnii, migrávit ad Dóminum.

Lectio vj.

**B**EATI viri corpus honorífico sepúlcro in ecclésia sui Ordinis ibídem recónditum, multis beneficiis in sui veneratiónem fidélium ánimos ímpulit, uti céreae imágines et tábulae ad ejus olim túmulum appénsae protestabántur. Istud vero speciáli commendatióne memóriæ próditum est de hoc sancto viro, quod anno millésimo quadringentésimo octo-

gésimo séptimo sublímis in áere una cum intemeráta Vírgine appárens, Salútias, dira obsidióne cinctas, ab imminénti excídio liberáverit. Post tam ingens a glorióso Dei servo afflíctae urbi collátum munus, ipsíus memória máximis religiósae veneratiónis significatióibus a Salutiénsibus excúlta est, ac faustíssimus illíus liberatiónis dies pública quotánnis supplicatióne celebrátus, quae ad nostram usque memóriam perseverávit. Hisce ómnibus rite probátis, Pius Nonus Póntifex Máximus delátos ei ab óbitu Beatórum honóres ratos hábuit et confirmávit, Officiúmque próprium cum Missa in ejus festivitáte recitándum univérso Praedicatórum Ordini, nec non Salutiénsis, Derthonénsis, ac Taurinénsis dioecésis clero benígne concéssit.

In iij. Nocturno, Homilia in Evang. **Sint lumbi vestri praecíncti.** de Comm. Conf. non Pont. pag. lxxvj.

## DIE XIII. JUNII.

S. Antonii de Padua Conf.

Duplex.

Oratio.

**E**CCLESIAM tuam, Deus, beáti Antónii Confessóris tui solémnitas votíva laetíficet : ut spirituálibus semper muniátur auxiliis, et gaudiis pérfrui mereátur aetérnis. Per Dóminum.

In secundo Nocturno.  
*Ex Romano Breviario.*

Lectio iv.



**ANTONIUS**, Ulyssipone in Lusitania honestis ortus parentibus, et ab ipsis pie educatus, adolescens Institutum Canonicorum Regularium suscepit. Sed cum corpora beatorum quinque Martyrum Fratrum Minorum, qui paulo ante apud Marochium pro Christi fide passi erant, Conimbriam transferrantur, martyrii desiderio incensus, ad Franciscanum Ordinem transiit. Mox eodem ardore impulsus, ad Saracenos ire perrexit: sed adversa valetudine afflictus, et redire coactus, cum navi ad Hispaniae litora tenderet, ventorum vi in Siciliam delatus est.

Lectio v.

**ASSISIUM** e Sicilia ad capitulum generale venit: inde in eremum montis Pauli in Æmilia secessit, ubi divinis contemplationibus, jejuniis, et vigiliis diu vacavit. Postea sacris Ordinibus initiatus, et ad praedicandum Evangelium missus, dicendi sapientia et copia tantum profecit, tantamque sui admirationem commovit, ut eum summus Pontifex aliquando concionantem audiens, Arcam Testamenti appellavit. Adeo

promptus ac facilis erat in expromendis sacrae Scripturae testimoniis, ut ipsos utriusque Testamenti libros memoriae affixos habere videretur. Haereticum de Eucharistiae sacramento profane sentientem publico miraculo confudit, cum ejus jumentum tridui inedia confectum, (ut condictum erat) neglecto pabulo, in reverentiam Domini Corporis, quod manu ipse gestabat, sponte sua procubuit.

Lectio vj.

**PRIMUS** ex suo Ordine, ob doctrinae praestantiam, Bononiae et alibi sacras Litteras est interpretatus, fratrumque suorum studiis praefuit. Spiritu prophetico quoque praeditus, futura multa praedixit. Multis vero peragratis provinciis, anno ante obitum Patavium venit, ubi illustria sanctitatis suae monimenta reliquit. Denique magnis laboribus pro gloria Dei perfunctus, meritis et miraculis clarus, obdormivit in Domino Idibus Junii, anno salutis millesimo ducentesimo trigésimo primo: quem Gregorius Nonus Pontifex Maximus sanctorum Confessorum numero adscripsit.

In iij. Nocturno, Homilia in Evang. Sint lumbi vestri. ut in Comm. pag. lxxvj.



## DIE XIV. JUNII.

S. Basilii Episc. et Conf.

Duplex.

Oratio.

**D**EUS, qui pópulo tuo aetérnae salútis beátum Basílium mínístrum tribuísti : praesta quaesumus, ut quem doctórem vitae habúimus in terris, intercessórem habére mereámur in caelis. Per Dóminum.

In primo Nocturno.

De libro Proverbiórum.

Lectio j.

Cap. 4.



**A**UDITE fílii disciplínam patris, et atténdite ut sciátis prudéntiam. Donum bonum tríbuam vobis, legem meam ne derelinquátis. Nam et ego fílius fui patris mei, tenéllus, et unigénitus coram matre mea : et docébat me, atque dicébat : Suscípiat verba mea cor tuum, custódi praecépta mea, et vives.

Lectio ij.

**P**OSSIDE sapiéntiam, pósside prudéntiam : ne obliviscáris, neque declínes a verbis oris mei. Ne dimíttas eam, et custódiet te : dílige eam, et conservábit te. Príncipium sapiéntiae, pósside sapiéntiam, et in omni possessione tua acquíre prudéntiam : árripe illam, et exaltábit te : glorificáberis ab ea, cum eam fúeris amplexátus. Dabit cápiti

tuo augménta gratiárum, et coróna ínclýta próteget te.

Lectio iij.

**A**UDI fili mi, et súscipe verba mea, ut multiplícéntur tibi anni vitae. Viam sapiéntiae monstrábo tibi, ducam te per sémitas aequitátis : quas cum ingrédessus fúeris, non arctabúntur gressus tui, et currens non habébis offendículum. Tene disciplínam, ne dimíttas eam : custódi illam, quia ipsa est vita tua.

In secundo Nocturno.

*Ex S. Gregorio Nazianzeno, S. Gregorio Nysseno, S. Ephrem Syro, et ex aliis bonis Auct.*

Lectio iv.



**B**ASILIVS, nóbilis Cápadox, Athénis una cum Gregório Nazianzéno, ejus amicíssimo, saeculáribus lítteris, deínde in monastério sacris mirabíliter erudítus, ab insígni doctrína, et morum sanctitáte Magni cognómen consecútus est. Caesaréae factus Epíscopus, Fílium Patri consubstantiálem esse, in primis deféndit : ac Valéntem imperatórem sibi exsílíum intentántem miráculis detérruit. Nam et sella, in qua factúrus decrétum sedére volébat, confrácta est : et tribus cálamis ad scribéndum adhíbitis, nullus eórum réddidit atramén-

tum : et cum nihilóminus persisteret, ipsíus dextera, dissolutis nervis, tota contrémuit : quibus commótus, chartam utrâque manu conscídit.

Lectio v.

**E**A autem nocte, quae ad deliberándum Basílio data est, Valéntis uxor íntimis est cruciáta dolóribus, et únicus fílius in gravem morbum incidit. Quibus ille pertérritus, iniquitátem suam recognóscens, Basílium accérsit : quo praesente puer coepit convaléscere : verum, vocátis a Valénte ad viséndum púerum haereticis, paulo post móritur. Virginitátem perpétuo cóluit : in jejúnio et oratióne assíduus, in ea saepe totam noctem consumébat : humi cubábat. Gravi fame regiónem Caesariensem devastánte, totum patrimonium in páuperes erogávit.

Lectio vj.

**M**ONASTERIIS extructis, et solitáiae atque actúosae vitae simul conjúctis utilitatibus, vetus monachórum institútum primus temperávit. Multa erudíte scripsit : ac nemo, teste sancto Gregório Nazianzéno, sacrae Scriptúrae libros ubérius explicávit, aut vérius. Ejus húmero dextero, specie cándidae colúmbae, insidéntem Spíritum sanctum aliquándo vidit sanctus Ephrem Syrus, et verba sapiéntiae concionánti

suggeréntem. Obiit Kaléndis Januárii, cum tantum spíritu vivens, nulla, praeter ossa et pellem, parte córporis constáre viderétur.

In tertio Nocturno.

Lectio sancti Evangélíi secundum Lucam.

Lectio vij. *Cap. 14.*

**I**N illo témpore : Dixit Jesus turbis : Si quis venit ad me, et non odit patrem suum, et matrem, et uxórem, et fílios, et fratres, et soróres, adhuc autem et ánimam suam, non potest meus esse discípulus. Et reliqua.

Homilía S. Basílii Epíscopi.

*Lib. Regul. fusius explic.*

*ad interrogat. 8.*



**P**ERFECTA quidem renuntiatio in eo consistit, ut id assequámur, ne ad ipsíus étiam vitae affectiónem propénsi simus, et respónsum mortis habeámus, ut non simus fidéntes in nobis ipsis. Hujúsmodi autem renuntiatio ínítium sumit ab alienatióne rerum externárum, véluti a possessionibus, ab ináni glória, a vivéndi consuetúdine, a rerum inútilium amóre : quemádmódum étiam suo exémplo nobis ostendérunt sancti Dómini nostri discípuli, Jacóbus quidem, et Joánnes, relícto patre Zebedaeo, et ipsa quoque navícula, de qua omnis illórum victus rátio pendébat.

Lectio viij.

**S**ED quid opus est nostris rationibus, aut sanctorum virorum exemplis, id, quod dicimus, confirmare? cum ipsa Domini verba in medium liceat afferre, iisque ipsis religiosam, ac Deum timentem animam commovere, quibus ille perspicue et sine controversia protestatur, dicens: Sic igitur quicumque ex vobis non renuntiaverit omnibus, quae possidet, non potest meus esse discipulus. Et alio in loco, cum prius dixisset: Si vis perfectus esse, vade, et vende omnia quae habes, et da pauperibus; postea subjunxit: Veni, sequere me.

Lectio ix.

**E**ST igitur renuntiatio, quemadmodum docuimus, vinculum terrenae huius, ac temporalis vitae solutio, atque ab humanis negotiis liberatio, per quam ad ineundam viam, qua ad Deum pervenitur, aptiores et promptiores efficiamur: et expedita ratio ad acquisitionem usumque rerum, quae super aurum et lapidem pretiosum multum longe sunt pretiosiores: et in summa, cordis humani ad caelestem conversationem translatio, ita ut dicere liceat: Nostra conversatio in caelis est: et (quod maximum est) initium, unde ad Christi similitudinem evadimus, qui cum dives

esset, propter nos pauper est factus.

## DIE XV. JUNII.

SS. Viti, Modesti, atque Crescentiae Mart.

Tres Lectiones.

Oratio.

**D**A Ecclesiae tuae, quaesumus Domine, sanctis Martyribus tuis Vito, Modesto, atque Crescentia intercedentibus, superbe non sapere; sed tibi placita humilitate proficere: ut prava despiciens; quaecumque recta sunt, libera exerceat caritate. Per Dominum.

*Ex Romano Breviario.*

Lectio ij.

**V**ITUS admodum puer, incerto patre, baptizatus est: ab eo postea resciente, ac frustra fidem dissuadente, Valeriano iudici traditur, verberebus castigandus. Iudex in sententia persistentem patri reddidit: qui dum eum gravius punire cogitat, Vitus Angeli monitu, comitibus Modesto et Crescentia, ejus educatoribus, migrat in alienas terras: ibique eam sanctitatis laudem adeptus est, ut ejus fama ad Diocletianum perlata, ipsum imperator accerseret, ut filium suum a daemone vexatum liberaret: quo liberato, cum ei amplissimis praemiis ingratus imperator, ut deos coleret, persuadere non po-

tuisset, una cum Modesto et Crescèntia vînculis constrîctum mittit in cárcerem.

Lectio iij.

**P**OST, cum eos in fide constantiores esse reperisset, demitti jubet in ingens vas liquato plumbo, ferventi resina, ac pice plenum : in quo cum trium Hebraeorum puerorum more divinos hymnos canerent, inde extracti, leoni obiciuntur, qui prosternens se, eorum pedes lambebat. Quare inflammatus ira imperator, quod multitudinem videbat miraculo commoveri, eos in catasta sterni jubet, et ita caedi eorum membra, atque ossa divelli. Quo tempore tonitrua, fulgura, magnique terraemotus fuere, quibus templa deorum corruerunt, et multi oppressi sunt. Tandem beati Martyres, cursu gloriosi certaminis peracto, caelestes coronas acceperunt.

### DIE XVI. JUNII.

S. Martialis Episc. et Conf.

Tres Lectiones.

Oratio.

**O**MNIPOTENS sempiterna Deus : qui beatum Martialem Confessorem tuum atque Pontificem Ecclesiae tuae sanctae praeesse voluisti; quaesumus, ut ejus suffragantibus meritis, pietatis tuae gratiam largiaris. Per Dominum.

*Ex Actis probatior. et Innocentio III. Extrav. de sacra Unctione in fine.*

Lectio iij.

**M**ARTIALIS, unus de septuaginta Christi discipulis, ac puer ille fuisse traditur, qui quinque panes hordeaceos, et duos pisces attulisse in Evangelio memoratur. Ex Oriente cum sancto Petro Apostolo Romam venit, et ab eodem in Gallias causa propagandi Evangelii missus, Lemovicenses, Tolosanos, Burdegalenses, Cadurcenses, et Aquitanos, atque alios populos christianam religionem edocuit : unde Galliarum est dictus Apostolus. Admoto baculo sancti Petri, quem ab eo Romae acceperat, mortuum reduxit in vitam. Tandem post multa praeclara sanctitatis et doctrinae opera, in caelum emigravit.

Deinde fiat Mem. in Laud. SS. Quirici et Julittae Mart.

Oratio.

**D**EUS, qui nos concedis sanctorum Martyrum tuorum Quirici et Julittae natalitia colere; da nobis in aeterna beatitudine de eorum societate gaudere. Per Dominum.

### DIE XVIII. JUNII.

B. Osannae Virg. Ord. Praed. Duplex.

Omnia de Communi Virg. non Mart. praeter ea, quae sequuntur.

Oratio.

**E**XAUDI nos Deus salutaris noster : ut sicut de beatae Osannae Virginis tuae festivitáte gaudemus; ita piae devoti6nis erudiámur afféctu. Per D6minum.

In j. Nocturno, Lectiones De virgínibus. ut in Comuni Virg. pag. lxxxiiij.

In secundo Nocturno.

Lectio iv.



**S**ANNA Mántuae nobílibus orta paréntibus, grátia aetátem praeveniéntem, ádeo a téneris caeléstium virtútum, divinarúmque rerum stúdio exársit, ut adhuc septénnis virginitátem Deo vóverit : quam póstea ad réliquum vitae suae tempus jejúniis, cilício, flagéllis, aliisque córporis cruciátibus illibátam custodíre satégit. Annos exínde quatuórdecim nata, Dominícae tértii Ordinis famíliae, quam vocant de Poeniténtia, nomen dedit, consuétam tamen professi6nem, quod eídem se nunquam satis parem existimáret, in annum usque aetátis quinquagésimum sextum, eundémque vitae suae últimum dístulit, alti6rem intérea perfecti6rémque sanctitátem semper anhéans. In orati6ne assídua erat, in qua saepe étiam noctes dúcere consuévít. Contemplándis vero Christi dolóribus praecípue inténta, ita illis afficie-

bátur, ut e6sdem in se ipsa intérdum experíri viderétur : mirífica inde quoque suavité ádeo perfundebátur, ut ad sacrum crucifíxi D6mini latus, véluti ad perénnem consolati6nis fontem, confúgeret, qu6ties tribulati6nibus angerétur.

Lectio v.

**I**NANTO divíni Sponsi amóre flagrábat, ut non raro post sumptam Eucharistíam, vel cum de illús passi6ne méntio fieret, in éxtasim raperétur. Ardentíssima item caritáte próximum compléxa, non modo páuperes reficiébat, moeréntes consolabátur, invisébat aegr6tos, sed aliéna étiam mala in se transférri cúpiens, id ipsum ádeo eníxis a Deo précibus efflagitábat, ut idéntidem voti compos effécta fúerit. Paréntibus orbáta, cum administrándae domus curam suscepisset, domésticos et consanguíneos, quibus virtútum ómnium, caelestísque conversati6nis exémplo praelucébat, religi6sis m6ribus ímbuit, sanctísque m6nitis in Dei timóre erudívit. Ejus autem virtútum fama látius manánte, cum ad illam tam cives quam éxteri conflúerent, mansuetúdine, humanité, piisque collóquiis ad christíanam pietátem, et máxime ad spem in Deum omnes excitábat, et nihil6minus de se ádeo demísse sentiébat, ut ómnium se scelestíssimam existimáret.

Lectio vj.

**P**ROPHETIAE dono fuisse a Deo insignitam, constans hominum opinio fuit, ac Isabellae Mantuae principii virilem prolem diu exoptatam, non modo precibus a Deo impetrasse, sed etiam praedixisse. Cum per Padum aliquando cursum teneret, fractoque navigio, tam ipsa quam ceteri vectores fluctibus abrepti ad certum exitum jactarentur, divinam opem implorans, et Crucifixi imaginem manu tenens, incolumis, ut ferunt, una cum sociis emerit. Extrémo denique oppressa morbo, astantibus et collacrymantibus Mantuae principibus, animam Deo reddidit quartodécimo Kalendas Julii, anno salutis millésimo quingentésimo quinto. Cujus corpus in ecclesia sancti Domínici honorífice conditum, post tres autem annos incorruptum inventum, in sublimiori decentiorique sepulcro collocatum est, et miraculorum etiam fama illustratum. Quibus permotus Leo Décimus concessit, ut beatae Osannae memoria quotannis in civitate et dioecesi Mantuana, Innocéntius vero Duodécimus, ut in toto Praedicatorum Ordine cum Officio et Missa de Comuni Virginum celebraretur.

In iij. Nocturno, Homilia in Evangelium. Símile erit regnum caelorum decem vir-

gínibus. de Comuni Virg. non Mart. p. lxxxv.

## DIE XIX. JUNII.

SS. Gervasii et Protasii  
Martyrum.

Simplex. Oratio.

**D**EUS, qui nos ánnua sanctorum Mátyrum tuorum Gervásii et Protásii solemnitate laetíficas : concéde propítius, ut quorum gaudémus méritis, accendámur exemplis. Per Dóminum.

In secundo Nocturno.

*Ex sincerioribus Actis, et Romano Breviario.*

Lectio iv.



**G**ERVASIUS et Protásius, Vitális et Valériae filii, quorum pater Ravennae, mater Medioláni pro Christi Dómini fide martyrium subiérunt, distribúto paupéribus patrimonio, domésticos servos libertate donárunť. Quo factó Gentílium sacerdótes immáne in illos concéptum ódium habébant. Quare cum Astásius comes in bellum proficisci vellet, hanc occasiódem perdéndi pios fratres se naotos esse putavérunt.

Lectio v.

**I**TAQUE Astásio persuádent, se a diis admónitos esse, nullo modo eum in bello victórem futúrum, nisi Gervásio et Protásio coáctis Christum negáre, eósdem ad sacra



diis faciēda compēlleret. Quod cum illi detestarētur, Astásius imperávit, Gervásium tándiu caedi, dum inter vérbera exspiráret : Protásium fústibus contúsum secúri pércuti jubet. Passi sunt Medioláni décimo tértio Kalēdas Júlii.

Lectio vj.

**H**ORUM sanctórum Mártyrum córpora sanctus Ambrósius Dei mónitu invénit, et in sacro insigníque loco collocánda curávit. De quibus ipse haec ad sanctam Marcellínam sorórem scribit : Invénimus mirae magnitúdinis viros duos, ut prisca aetas ferébat, ossa ómnia íntegra, sanguínis plúrimum. Qui étiam ingéntia tunc ad Sanctórum glóriam patrata fuisse miracula narrat. Sed et sanctus Augustínus : Tantaе, inquit, glóriae Mártyrum étiam ego testis fui : ubi Medioláni eram, facta miracula novi.

In iij. Nocturno, Homilia in Evang. Descēdens Jesus de monte. de Comm. plur. Mart. pag. xlix.

### DIE XX. JUNII.

SS. Marci et Marcelliani  
Martyrum.

Tres Lectiones.

Oratio.

**P**RAESTA, quaesumus omnipotens Deus : ut qui sanctórum Mártyrum tuórum Marci et Marcellíani nata-

lítia cólimus; a cunctis malis imminéntibus, eórum intercessiónibus liberémur. Per Dóminum.

*Ex Actis S. Sebastiani, et Romano Breviario.*

Lectio iij.

**M**ARCUS et Marcellíanus fratres Románi, propter christíanam fidem a Fabiáno duce comprehénsi, ad stípitem alligáti sunt, pédibus clavis confíxis. Ad quos cum ita loquerétur iudex : Resipíscite míseri, et vos ipsos ab his cruciátibus erípите : responderunt : Nunquam tam jucúndi epuláti sumus, quam cum haec libénter Jesu Christi causa perféri-mus, in cujus amóre nunc fixi esse coepimus : útinam tándiu nos haec pati sinat, quámdiu hoc corruptíbili córpore vestíti érimus! Qui diem noctémque in torméntis divínas laudes canéntes, dénique telis trans-fíxi, ad martyrii glóriam pervenérunt.

### DIE XXII. JUNII.

SS. Decem millium Mart.

Duplex. Oratio.

**D**EUS, qui ad imitándum passiónis tuae exémp-lum, decem míllia Mártyrum crucis patíbulum subíre fecísti : concéde propstius, ut qui passiónem eórum venerámur in terris, passiónis tuae remédia cónsequi mereámur in caelis : Qui vivis.

In secundo Nocturno.

*Ex Martyrol. Rom. et Graeco  
Menol. et ex Serm. S. Ephrem  
in Laudibus omnium Mart.  
tom. 3.*

Lectio iv.



ECCEM míllium Mártyrum nóbile certámen, quo in monte Arméniae Ararath pro christiánae fidei confessióne crúci- bus affíxi, claríssimum trophaeum sánguini- caelo víctóres intulé- runt, Ecclesiá La- tína, et Graeca pari consénsu, públicis insculptum monumén- tis, anniversá- rio ritu, ac viré- ti in sempité- rnum memó- ria dignis praecóniis célebrat.

Lectio v.

IN eórum sane laudes egrégias, sancti Patris Ephrem verba mirífice cónci- nunt, cum ita Mártyres praedicat : Quibus vos encómiis célebrem, o perfécti púgiles Christi? aut quo vos nómine appéllem viri ínclýti, ac ter quatérque beáti? Obstúpuit namque summórum oratórum eloquéntia, et philosophórum sapiéntia, dum ádeo mirabília in Christi servis fíeri cérnerent.

Lectio vj.

MYRANNIS atque judíci- bus verba defecérunt, sanctórum Christi Mártyrum fidem atque constántiam, ala- critatémque cum incredíbili tolerántia atque perseverántia

intuéntibus. Quam ergo nos, quaeso, dilectíssimi fratres, in die extrémí judícii excusatió- nem apud Deum habébimus, qui absque ulla persecutió- nis atrocitate, tormentorúmque vi, caritatém Dei, vitámque no- stram usque ádeo negléximus, atque tam profúndo torpóris atque desí- diae somno demérsi sumus?

In iij. Nocturno, Homilia in Evang. Cum audiéritis proe- lia. de Comm. Mart. pag. xliij.

## DIE XXIII. JUNII.

In Vigilia S. Joannis Baptistae.

Lectio sancti Evangelii secún- dum Lucam.

Lectio j. *Cap. i.*

FUIT in diébus Heródis, regis Judaeae, sacerdos quidam nómine Zacharías de vice Abía, et uxor illíus de filiábus Aaron, et nomen ejus Elísabeth. Et réliqua.

Homilia sancti Ambrósii Epíscopi

*Lib. i. in Luc. in initio.*



OCET nos Scriptúra divína, non solum mores in iis, qui praedicábiles sunt, sed étiam paréntes oportére laudári; ut véluti transmissa immaculatae puritátis herédi- tas, in iis, quos vólumus lau- dáre, praecéllat. Quae enim ália inténtio hoc loco sancti Evangelístae, nisi ut sanctus

Joánnes Baptísta nobilitétur  
paréntibus, miráculis, móri-  
bus, múnere, passióne?

Lectio ij.

**S**IC étiam sancti Sámuel  
mater Anna laudátur :  
sic Isaac a paréntibus nobilitá-  
tem pietátis accépit, quam  
pósteris derelíquit. Sacerdos  
ítaque Zacharías, nec solum  
sacerdos, sed étiam de vice  
Abía, id est, nóbilis inter su-  
perióres famílias. Et uxor,  
inquit, illi de filiábus Aaron.  
Non solum igitur a parénti-  
bus, sed étiam a majóribus  
sancti Joánnis nobilitas pro-  
pagátur, non saeculári pote-  
státe sublímis, sed religiónis  
successióne venerábilis.

Lectio iij.

**M**ALES enim majóres ha-  
bére débuit praenúntius  
Christi, ut non repénite concé-  
ptam, sed a majóribus accé-  
ptam, et ipso infúsam jure na-  
túrae, praedicáre fidem Domí-  
nici viderétur advéntus. Erant,  
inquit, ambo justí ante Deum,  
incedéntes in ómnibus man-  
dátis, et justificatióibus Dó-  
mini sine queréla. Quid ad hoc  
réferunt, qui peccátis suis so-  
látia praeferéntes, sine peccátis  
frequéntibus hóminem putant  
esse non posse, et utúntur ver-  
sículo illo, quia scriptum est in  
Job : Nemo mundus a sorde,  
nec si uníus diéi vita ejus sit  
in terra?

—\*—#—

DIE XXIV. JUNII.

**In Nativitate**

**S. Joannis Baptistae.**

TOTUM DUPLEX.

AD VESPERAS.

Super Psalm. Aña. Ingréssó  
Zacharía templum Dómini,  
appáruit ei Gábriel Angelus,  
stans a dextris altáris incénsi.  
Psalm. Laudáte púeri. cum  
ceteris, pag. j.

Capitulum. *Jerem. i.*



**Q**RIUSQUAM te for-  
márem in útero, novi  
te : et ántequam ex-  
fres de vulva, sancti-  
ficávi te, et prophétam in gén-  
tibus dedi te.

R̃. ix. Inter natos. pag. 499.

Hymnus.

**U**T queant laxis resonáre  
fibris

Mira gestórum fámuli tuórum,  
Solve pollúti lábii reátum,

Sancte Joánnes.

Núntius, celso véniens  
olympo,

Te patri magnum fore nasci-  
túrum,

Nomen, et vitae sériem gerén-  
dae

Ordine promit.

Ille promíssi dúbius supér-  
ni,

Péridit promptae módulos  
loquélae :

Sed reformásti génius perém-  
ptae

Organa vocis.

Ventris obstrúso póitus  
cubili,

Sénseras Regem thálamo ma-  
néntem :

Hinc parens nati méritis utér-  
que

Abdita pandit.

Láudibus cives célebrent  
supérni

Te Deus simplex, paritérque  
trine :

Súpplices et nos véniam pre-  
cámur :

Parce redémtis. Amen.

V. Fuit homo missus a Deo.

Rz. Cui nomen erat Joáñnes.

Ad Magnificat, Aña. Pro eo  
quod non credidísti verbis  
meis, eris tacens, et non póte-  
ris loqui usque in diem nati-  
vitátis ejus.

Oratio.

**P**RAESTA, quaesumus  
omnípotens Deus : ut  
família tua per viam salutis  
incédât; et beáti Joáñnis Prae-  
cursóris hortaménta sectándo,  
ad eum, quem praedíxit, secúra  
pervéniat : Dóminum nostrum.

AD MATUTINUM.

Invitatorium. Regem Prae-  
cursóris Dóminum, \* Veníte  
adorémus.

Hymnus.

**A**NTRÁ desérti téneris  
sub annis,  
Cívium turmas fúgiens, pe-  
tísti,

Ne levi saltem maculáre vi-  
tam

Fámine posses.

Praebuit hirtum tégumen  
camélus

Artubus sacris, stróphium bi-  
déntes :

Cui latex haustum, sociáta  
pastum

Mella locústis.

Céteri tantum cecinére Va-  
tum

Corde praeságo jubar affutú-  
rum :

Tu quidem mundi scelus au-  
feréntem

Indice prodis.

Non fuit vasti spátium per  
orbis

Sánctior quisquam génius  
Joáñne :

Qui nefas saeculi méruit laván-  
tem

Tíngere lymphis.

Láudibus cives. etc.

In primo Nocturno.

Aña. Priúsqvam te for-  
márem in útero, novi te : et  
ántequam exíres de ventre,  
sanctificávi te. Psalmus. Beá-  
tus vir. cum reliquis de  
Communi unius Martyris,  
pag. xx.

Aña. Ad ómnia, quae mit-  
tam te, dicit Dóminus, ibis,  
ne tíneas : et quae mandávero  
tibi, loquéris ad eos.

Aña. Ne tíneas a fácie eó-  
rum : quia ego tecum sum,  
dicit Dóminus.

V. Glória et honóre.

## De Jeremía Prophéta.

Lectio j.

Cap. 1.



**T** factum est verbum Dómini ad me, dicens : Priúsqvam te formárem in útero, novi te : et ántequam exíres de vulva, sanctificávi te, et prophétam in géntibus dedi te. Et dixi, A. a a, Dómine Deus : ecce nésco loqui, quia puer ego sum. Et dixit Dóminus ad me : Noli dícere : Puer sum : quóniam ad ómnia, quae mittam te, ibis : et univérsa, quaecúmque mandávero tibi, loquéris. Ne tímeas a fácie eórum : quia tecum ego sum ut éruam te, dicit Dóminus.

R̃. Fuit homo missus a Deo, cui nomen erat Joánnes : \* Hic venit ut testimónium perhibéret de lúmine, et paráret Dómino plebem perféctam. Ṽ. Erat Joánnes in desérto praedicans baptísmum poeniténtiae. Hic.

## De Isaíá Prophéta.

Lectio ij.

Cap. 49.

**A**UDITE ínsulae, et atténdite pópuli de longe : Dóminus ab útero vocávit me, de ventre matris meae recordátus est nóminis mei. Et pósuit os meum quasi gládium acútum : in umbra manus suae protéxit me, et pósuit me sicut sagíttam eléctam : in pháretra sua abscondit me. Et dixit mihi : Servus meus es tu Israël, quia in te gloriábor. Et

nunc dicit Dóminus, formans me ex útero servum sibi, ut redúcam Jacob ad eum, et Israël non congregábitur : et glori ficátus sum in óculis Dómini, et Deus meus factus est fortitúdo mea.

R̃. Elísabeth Zacharíaе magnum virum genuit, Joánnem Baptístam, Praecursórem Dómini : \* Qui viam Dómino praeparávit in erémo. Ṽ. Erat quidem infecúnda corpore, sed serváta mystério : caruítque sterilitátis oppróbrio, gignéndo fílium de caelo promíssum. Qui.

Lectio iij.

Cap. 40.

**C**ONSOLAMINI, consolámini pópule meus, dicit Deus vester. Loquímini ad cor Jerúsalem, et advocáte eam : quóniam compléta est malítia ejus, dimíssa est iníquitas illús : suscepit de manu Dómini duplícia pro ómnibus peccátis suis. Vox clamántis in desérto : Paráte viam Dómini, rectas fácite in solitúdine sémitas Dei nostri. Omnis vallis exaltábitur, et omnis mons et collis humiliábitur, et erunt prava in dirécta, et áspera in vias planas.

R̃. Priúsqvam te formárem in útero, novi te : et ántequam exíres de ventre, sanctificávi te, \* Et prophétam in géntibus dedi te. Ṽ. Ecce dedi verba mea in ore tuo : ecce constitui te super gentes, et regna. Et prophétam. Glória Patri. Et.

In secundo Nocturno.

Añā. Misit Dóminus manum suam, et tétigit os meum, et prophétam in géntibus dedit me Dóminus.

Añā. Ecce dedi verba mea in ore tuo : ecce constítui te super gentes, et regna.

Añā. Dóminus ab útero vocávit me, de ventre matris meae recordátus est nóminis mei.

℣. Posuísti Dómine.

Sermo sancti Augustíni  
Epíscopi.

*Serm. 20. de Sanctis.*

Lectio iv.



**D**OST illum sacrosánctum Dómini natális diem, nullíus hómínis nativitátem légitimus celebrári, nisi solíus beáti Joánnis Baptístae. In áliis Sanctis et eléctis Dei nóvimus illum diem coli, quo illos post consummationem labórum, et devíctum triumphatúmque mundum, in perpétuas aeternitátes praesens haec vita partúriit : in áliis, inquam, consummáta últími diéi mérita celebrántur : in hoc étiam prima dies, et ipsa Joánnis inítia consecrántur : pro hac absque dúbio causa, quia per hunc Dóminus advéntum suum, ne súbito insperátum hómínes non agnóscerent, voluit esse testátum.

℣. Descéndit Angelus Dómini ad Zacharíam, dicens :

Accipe púerum in senectúte tua : \* Et habébit nomen Joánnes Baptísta. ℣. Ne tíneas Zacharíá, quóniam exaudíta est orátio tua : et Elísabeth uxor tua páriet tibi filium. Et.

Lectio v.

**J**OANNES autem figúra fuit véteris testaménti, et in se praetulit formam legis : et ideo praenuntiávit Salvátorem, sicut lex grátiam praecucúrrit. Quod autem nondum natus de secréto matérni úteri prophetávit, et expers lucis jam testis est veritátis : hoc est intelligéndum, quod latens sub velámíne et carne lítterae, et Redemptórem mundo spírítu praedicávit, et nobis Dóminum Deum nostrum de quodam legis útero proclamávit.

℣. Hic est praecúrsor dilectus, et lucérna lucens ante Dóminum : ipse est enim Joánnes, qui viám Dómino praeparávit in erémo : sed et Agnum Dei demonstrábat, \* Et illuminábat mentes hómínium. ℣. Erat Joánnes in desérto baptízans, et praedicans baptismum poeniténtiae. Et illuminábat.

Lectio vj.

**E**RGO quia Judaei erravérunt a ventre, id est, a lege, quae Christo grávida erat, erravérunt a ventre, locúti sunt falsa : ideo hic venit in testimónium, ut testimónium perhibéret de lúmine. Quod autem

Joáñnes in cárcere constitútus, ad Christum discipulos suos ordinat : lex ad Évangélium transmittit. Quae lex juxta typum Joáñnis, quasi ignorántiae clausa cárcere, in obscúro et in occulto jacébat, et Judaicae caecitátis sensus intra lítteram tenebátur inclúsus.

R̃. Innuébant patri ejus, quem vellet vocári eum : \* Et póstulans pugillárem scripsit, dicens : Joáñnes est nomen ejus. Ṽ. Vicíni quoque, et cognáti ejus venérunt circumcídere púerum, et sciscitáti sunt eum, quo nómine vocarétur. Et póstulans. Glória Patri. Joáñnes.

In tertio Nocturno.

Añã. Pósuit os meum Dóminus quasi gládium acútum : sub umbra manus suae protéxit me.

Añã. Formans me ex útero servum sibi Dóminus in lucem géntium, ut sim salus ejus ab extrémis terrae.

Añã. Reges vidébunt, et consúrgent príncipes, et adorábunt Dóminum Deum tuum, qui elégit te.

Ṽ. Magna est glória ejus.

Léctio sancti Evangélíi secundum Lucam.

Léctio vij.

Cap. I.

**E**LISABETH implétum est tempus pariéñdi, et péperit fílium. Et audiérunt vicíni, et cognáti ejus quia magnificávit Dóminus mise-

ricórdiam suam cum illa, et congratulabántur ei. Et reliqua.

Homilía sancti Ambrósii

Epíscopi.

Lib. 2. in Luc.



**P**EPERIT fílium Elísabeth, et congratulabántur vicíni. Habet sanctórum edítio laetítiam plurimórum, quia commúne est bonum. Justítia enim commúnis est virtus : et ideo in ortu justí, futúrae vitae insígne praemíttitur, et grátia secutúrae virtútis, exsultatíone vicinórum praefiguránte signátur. Pulcre autem tempus, quo fuit in útero Prophéta, descríbatur, ne Maríae praeséntia taceátur : sed tempus silétur infántiae, eo quod infántiae impediménta nescívit.

R̃. Praecúrsor Dómini venit, de quo ipse testátur : \* Nullus major inter natos mulierum Joáñne Baptísta. Ṽ. Hic est enim prophéta, et plusquam prophéta : de quo Dóminus ait. Nullus.

Léctio viij.

**E**T ideo in Evangélio nihil super eo légimus, nisi ortum ejus, et oráculum, exsultatíonem in útero, vocem in desérto. Neque enim ullam infántiae sensit aetátem, qui supra natúram, supra aetátem, in útero pósitus matris, a mensúra perféctae coepit aetátis plenitúdinis Christi. Mire sanctus Evangelísta praemittén-

dum putávit, quod plúrimi infántem, patris nómine, Zachariám appellándum putárint : ut advértas, matri non nomen alicújus displicuisse degéneris, sed id ei sancto infúsum Spíritu, quod ab Angelo ante Zachariæ fúerat prænuntiátum.

R7. Gábriel Angelus apparuit Zachariæ, dicens : Nascetur tibi fílius, nomen ejus Joánes vocábitur : \* Et multi in nativité ejus gaudébunt. V. Erit enim magnus coram Dómino : vinum, et sícera non bibet. Et multi.

Lectio ix.

**E**T quidem ille mutus intímáre vocábulum fílii nequívit uxóri; sed per prophetiám dídicit Elísabeth, quod non didícerat a maríto. Joánes ést, inquit, nomen ejus : hoc est, non nos ei nomen impónimus, qui jam a Deo nomen accépit : habet vocábulum suum, quod agnóvimus, non quod elégit. Habent hoc mérita sanctórum, ut a Deo nomen accípiant.

R7. Inter natos mulierum non surréxit major Joáne Baptísta : \* Qui viam Dómino praeparávit in erémo. V. Fuit homo missus a Deo, cui nomen erat Joánes. Qui. Glória Patri. Qui.

Ante Laudes, V. Fuit homo missus a Deo. R7. Cui nomen erat Joánes.

IN LAUDIBUS.

Aña. Elísabeth Zachariæ magnum virum génuit, Joánnem Baptístam Praecursórem Dómini. Psalm. Dóminus regnávít. cum ceteris, pag. xj.

Aña. Innuébant patri ejus, quem vellet vocári eum : et scripsit, dicens : Joánes est nomen ejus.

Aña. Joánes est nomen ejus : vinum, et sícera non bibet : et multi in nativité ejus gaudébunt.

Aña. Joánes vocábitur nomen ejus : et in nativité ejus multi gaudébunt.

Aña. Iste puer magnus coram Dómino : nam et manus ejus cum ipso est.

Capit. Priúsqvam. ut supra pag. 494.

Hymnus.

**O** NIMIS felix, méritique celsi,  
Nésciens labem nívei pudóris,  
Praepotens martyr, eremíque cultor,  
Máxime Vatum!  
Serta ter denis álios corónant  
Aucta creméntis, duplicáta quosdam;  
Trina, centéno cumuláta fructu,  
Te sacer ornant.  
Nunc potens nostri méritis opímis  
Péctoris duros lápidés repélle,



Asperum planans iter, et re-  
fléxos

Dírige calles.

Ut pius mundi Sator et  
Redémptor,  
Méntibus pulsa livióne puris,  
Rite dignétur véniens sacrá-  
tos

Pónere gressus.

Láudibus cives célebrent su-  
pérni  
Te Deus simplex, paritérque  
trine :

Súpplices et nos véniam pre-  
cámur :

Parce redémpitis. Amen.

℣. Coróna áurea.

Ad Benedíctus, Añá. Apér-  
tum est os Zacharíaë, et pro-  
phetávit, dicens : Benedíctus  
Dóminus Deus Israël.

Oratio.

**D**EUS, qui praesentem  
diem honoráblem nobis  
in beáti Joánnis Nativitáte  
fecísti : da pópulis tuis spiri-  
tálium grátiam gaudiórum; et  
ómnium fidélium mentes dí-  
rige in viam salútis aetérnae.  
Per Dóminum.

Ad Tertiam, Capit. Priús-  
quam. ut supra, pag. 494.

℞℣. et ℣℣. Horarum de  
Comm. unius Mart. pag. xxviiij.

AD SEXTAM.

Capitulum. *Isaiae 49.*

**A**UDITE ínsulae, et attén-  
dite pópuli de longe :  
Dóminus ab útero vocávit me,  
de ventre matris meae recor-  
dátus est nóminis mei.

AD NONAM.

Capitulum. *Isaiae 49.*

**P**OSUIT os meum Dómi-  
nus quasi gládium acú-  
tum : in umbra manus suae  
protéxit me : et pósuit me sicut  
sagíttam eléctam.

AD VESPERAS.

Añá. Elísabeth. j. Laudum.  
Psalmi unius Mart. pag. xxviiij.

Capitulum, Hymnus et ℣. ut  
in j. Vesperis.

Ad Magnificat, Añá. Et po-  
suérunt omnes, qui audíerant  
in corde suo, dicétes : Quis,  
putas, puer iste erit? Etenim  
manus Dómini erat cum illo.  
Et Zacharíaë pater ejus implé-  
tus est Spíritu sancto : et pro-  
phetávit, dicens : Benedíctus  
Dóminus Deus Israël, quia  
visitávit, et fecit redemptió-  
nem plebis suae.

PER OCTAVAM.

Ad Matutinum, Invitato-  
rium. Regem Praecursóris.

Sequentes Añae ad Bene-  
dictus, et ad Magnificat per  
Oét. quotidie, vel ad Mem.  
dic. etiam infra Oét. Corp.  
Christi, si in ea occurrerit.

Ad Benedíctus, Añá. Tu  
puer, prophéta Altíssimi vo-  
cáberis : praeíbis ante Dómi-  
num paráre vias ejus.

Ad Magnificat, Añá. Inter  
natos mulierum non surrexit  
major Joánne Baptísta.

—\*—\*—

## DIE PRIMA

infra Octavam Nativitatis  
S. Joannis Baptistae.

Sermo sancti Augustini  
Episcopi.

*Serm. 21. de Sanctis.*

Lectio iij.

**D**ATALEM sancti Joán-  
nis, fratres caríssimi, hó-  
die celebrámus : quod nulli  
unquam Sanctórum légimus  
fuisse concéssum. Solius enim  
Dómini, et beáti Joánnis dies  
Nativitátis in univérso mundo  
celebrátur, et cólitur. Hunc  
enim stérilis péperit; illum  
Virgo concépit : in Elísabeth  
sterilitas víncitur; in beáta  
María conceptionis consuetú-  
do mutátur. Elísabeth virum  
cognoscéndo, fílium génuít;  
María Angelo crédidit, et con-  
cépit.

## SECUNDA DIE

infra Octavam Nativitatis  
S. Joannis Baptistae.

Homília sancti Basílii Magni.  
*Hom. 2. in Ps. 28. post init.*

Lectio iij.

**V**OX Dómini super aquas.  
Qualis vox? Super quas  
aquas? Velut prophetíam acci-  
piámus, quod dictum est. Me-  
míneris Joánnis, qui interro-  
gátus a Judaeis : Tu quis es?  
quod respónsum dábimus iis,  
qui misérunt nos? respóndit :  
Ego vox clamántis in desérto.

Igitur vox Dómini est Joán-  
nes, Angelus a Deo missus  
ante faciém Dómini, ut paráret  
Dómino plebem perféctam.  
Haec igitur vox super aquas,  
erat super Jordánem, in quo  
baptizábat praedicans poeni-  
téntiae baptísmum.

## DIE XXVI. JUNII.

SS. Joannis et Pauli Mart.  
Simplex.

Omnia de Communi plur.  
Mart. praeter hic posita.

## AD VESPERAS.

Ad Magnificat, Añã. Astité-  
runt justí ante Dóminum, et  
ab ínvicem non sunt separátí :  
cálicem Dómini bibérunt, et  
amíci Dei appellátí sunt.

Oratio.

**Q**UAESUMUS omnípo-  
tens Deus, ut nos gemi-  
náta laetítia hodiérnae festivi-  
tátis excípiat : quae de beató-  
rum Joánnis et Pauli glorifica-  
tíone procédit; quos éadem  
fides et pássio vere fecit  
esse germános. Per Dóminum.

In primo Nocturno.

Lectiones de Feria currente.

R. iij. Beáti Mártyres Chri-  
sti Joánnes et Paulus dixerunt  
Juliáno : Nobis álius non est  
nisi unus Deus : \* Pater, et  
Fílius, et Spíritus sanctus.  
V. Una fides, unum baptísma,  
unus spíritus erat in eis. Pater.  
Glória Patri. Pater.

In secundo Nocturno.  
*Ex Romano Breviario.*

Lectio iv.

**I**OANNES et Paulus fratres Románi, cum facultatibus a Constantia Constantíni filia, cui pie fideliterque servierant, sibi relíctis, Christi páuperes álerent, a Juliáno Apóstata in número familiárium suórum invitáti, libere negáverunt se apud eum esse velle, qui a Jesu Christi fide defecísset. Quibus ille ad deliberándum decem dies praefínit, ut nisi ad eam diem ei adhaerére, et Jovi sacrificáre constitúerint, sibi moriéndum esse certo sciant.

Lectio v.

**I**LLI intra id tempus reliqua sua bona distribuérunt paupéribus, quo expeditiores ad Dóminum migráre possent, et plures juvárent, a quibus in aetérna tabernacula reciperéntur. Die décima Terentiánus praetórie cohortis praeféctus, ad eos missus cum alláta Jovis effígie, ut eam veneraréntur, imperatóris mandátum eis expónit, ut nisi Jovi cultum adhíbeant, moriántur. Qui, ut erant orántes, responderunt, se pro Christi fide, quem Deum mente et ore venerabántur, non dubitánter mortem subitúros.

Lectio vj.

**A**T Terentiánus véritus, ne si públice interficeréntur, pópulus commoverétur, domi, ubi tunc erant, abscíssis eórum capítibus, sexto Kaléndas Júlii, secréto eos sepeliéndos curávit : rumorémque sparsit, Joánnem et Paulum in exsílum ejéctos esse. Verum eórum mors a spirítibus immúndis, qui multórum córpora vexábant, pervulgáta est : in quibus Terentiáni fílius, et ipse oppríssus a daemone, ad sepúlcrum Mátyrum perdúctus, liberátus est. Quo miraculo et is in Christum crédidit, et ejus pater Terentiánus, a quo étiam horum beatórum Mátyrum vita scripta dícitur.

R̃. Haec est vera fraternitas, quae nunquam pótuit violári certámine : qui effúso ságuine secúti sunt Dóminum : \* Contemnéntes aulam régiam, Pervenérunt ad regna caeléstia. V. Ecce quam bonum, et quam jucúndum habitáre fratres in unum. Contemnéntes. Glória Patri. Pervenérunt.

In tertio Nocturno.

Lectio sancti Evangélii secundum Lucam.

Lectio vij. *Cap. 12.*

**I**N illo témpore : Dixit Jesus discípulis suis : Atténdite a fermento Pharisaeorum, quod est hypócrisis. Et reliqua.

Homília venerábilis Bedae  
Presbyteri.

*Lib. 4. in Luc. cap. 52.*



E hoc fermento Apóstolus praecipit : Itaque epulémur : non in fermento véteri, neque in fermento malítiae, et nequítiae : sed in ázymis sinceritátis, et veritátis. Nam sicut módicum fermentum totam farínae, cui injícitur, massam corrumpit, universámque mox conspersiónem suo sapore commaculat : sic nimírum simulatio, cujus semel ánimum imbúerit, tota virtútum sinceritate et veritate fraudábit.

Lectio viij.

**E**ST ergo sensus : Atténdite ne aemulémini simulatores : quia véniet profecto tempus, in quo et vestra virtus ómnibus, et eórum revelétur hypócrisis. Verum quod séquitur : Quóniam quae in ténebris dixístis, in lúmine dicéntur : non solum in futúro, quando cuncta córdium abscondita próferéntur ad lucem ; sed et in praesénti témpore potest congruénter áccipi : quóniam quae inter ténebras quondam pressurárum, carcerúmque umbras, vel locúti vel passi sunt Apóstoli, nunc clarificáta per orbem Ecclésia, lectis eórum áctibus publice praedicántur.

Lectio ix.

**D**ICO autem vobis amícis meis : Ne terreámini ab his, qui occídunt corpus, et post haec non habent quid

fáciant. Si persecutóres sanctorum, occísis corpóribus, non habent ámplius quid contra illos agant, ergo supervácuta furunt insánia, qui mórtua mártýrum membra feris avibúsque discerpénda projíciunt : cum nequáquam omnipoténtiae Dei, quin ea resuscitádo vivíficet, obsístere possint. Et quia duo sunt génera persecutorum, unum palam saeviéntium, álterum fícte fraudulentérque blandiéntium : contra utrúmque nos muníre volens Salvátor, et ab hypócrisi Pharisaeórum atténdere, et a caede carníficum praecipit non timére.

R̃. Isti sunt duae olívae, et duo candelábra lucéntia ante Dóminum : \* Habent potestatem cláudere caelum núbibus, et aperíre portas ejus : Quia linguae eórum claves caeli factae sunt. Ṽ. Isti sunt duo filii splendóris, qui assístunt Dominatóri univérsae terrae. Habent. Glória Patri. Quia.

IN LAUDIBUS.

Añã. Paulus et Joáñnes dixerunt Juliáno : Nos unum Deum cólimus, qui fecit caelum et terram. Ps. Dóminus regnávít. cum ceteris, pag. xj.

Añã. Paulus et Joáñnes dixerunt ad Terentiánum : Si tuus dóminus est JuliánuS, habéto pacem cum illo : nobis álius non est, nisi Dóminus Jesus Christus.

Añã. Joáñnes et Paulus cognoscéntes tyránnidem Juliáni,

facultates suas pauperibus erogare coeperunt.

Añā. Sancti spiritus, et animae justorum, hymnum dicite Deo in aeternum.

Añā. Joannes et Paulus dixerunt ad Gallicanum : Fac votum Deo caeli, et eris victor melius quam fuisti.

Ad Benedictus, Añā. Beati Martyres Christi Joannes et Paulus dixerunt Juliāno : Nobis alius non est nisi unus Deus, Pater, et Filius, et Spiritus sanctus, allelūia.

#### AD VESPERAS.

Ad Magnif. Añā. Isti sunt duae olivae, et duo candelabra lucētia ante Dōminum : habent potestatem claudere caelum nūbibus, et aperire portas ejus : quia linguae eorum claves caeli factae sunt, allelūia.

### DIE XXVIII. JUNII.

In Vigilia Apost. Petri et Pauli.  
Lectio sancti Evangelii secundum Joannem.

Lectio j. Cap. 21.

**I**N illo tempore : Dixit Jesus Simōni Petro : Simon Joānnis diligis me plus his? Et reliqua.

Homilia sancti Cyrilli  
Episcopi.

In Comm. Joann. 21.



**Q**UITO Petrum Christus interrogavit, si plus eum ceteris diligeret, et id tertio. Petrus autem amare se fatetur:

et amoris sui non alium, sed Christum ipsum in testem citat. In singulis autem confessionibus, variatis parumper verbis, audivit rationalium ovium curam sibi esse habendam. Altius quiddam haec oratio certe parturit. Nam quoniam ter in tempore passionis negavit, jure nunc ab eo terna dilectionis confessio petitur : ut terna negatio aequali confessionis numero compensetur.

Lectio ij.

**P**ETIIT autem ab eo, si plus ceteris diligeret. Nam qui majorem clementiam in se Domini fuit expertus, majori amore affici jure debebat. Cui enim plus remittitur, plus amare debet : ut ipse alibi dicit. Hinc Ecclesia regulam tertio interrogandi eos accepit, qui ad Baptismum accedunt; ut terna Christi confessione fidelibus connumerentur. Doctores etiam Ecclesiae discunt, non aliter se Christo posse conjungi, nisi omni cura studeant, ut rationales oves recte pascantur.

Sermo sancti Maximi

Episcopi

Hom. 2. de S. Joanne Bapt.

Lectio iij.

**Q**UAM mirabile est (Joannis) praeconium : de cuius ore primum absolutionem suam mundus audivit! Hic est, carissimi, de quo proph-

tica annuntiatióne praedíctum est : Vox clamántis in desérto : Paráte viam Dómini. Clamáturus erat enim, sicút et clamávit : ut vociferánte salutis praecóne, obturátas diu aures mortálium praedicátió caeléstis aperíret. Quid autem de continéntiae ejus virtúte, quid de amóre justítiae loquar, cui, sicut légitur, inimitábilis víctus, et luce ipsa clárior véritas fuit?

In Laud. fiat Mem. S. Leonis Papae II. Conf.

Oratio.

**D**EUS, qui beátum Leónem Pontíficem, Sanctórum tuórum méritis coaequásti : concéde propítius, ut qui commemoratiónis ejus festa percólimus, vitae quoque imitémur exéempla. Per Dóminum.

DIE XXIX. JUNII.

SS. Apost. Petri et Pauli.

TOTUM DUPLEX.

AD VESPERAS.

Super Psalm. Añá. Quem dicunt hómines esse Fílium hóminis? dixit Jesus discipulis suis. Respóndens Petrus dixit : Tu es Christus, fílius Dei vivi. Et ego dico tibi, quia tu es Petrus, et super hanc petram aedificábo ecclésiám

meam. Psalm. Laudáte púeri. cum ceteris, pag. j.

Capitulum.

Act. 12.



**D**ETRUS quidem servabátur in cárcere. Orátio autem fiébat sine intermissiόne ab Ecclésia ad Deum pro eo.

Rz. iij. Cornélius centúrio. pag. 507.

Hymnus.

**A**UREA luce, et decóre róseo

Lux lucis omne perfudísti saeculum,

Décorans caelos ínclyto martyrio,

Hac sacra die, quae dat reis véniam.

Jánitor caeli, Doctór orbis páriter,

Júdice saeculi, vera mundi lúmina,

Per crucem alter, alter ense triúmphans,

Vitae senátum laureáti póssident.

Olívae binae pietátis únicae, Fide devótos, spe robústos

máxime,

Fonte replétos caritátis géminae,

Post mortem carnis impetráte vívere.

Sit Trinitáti sempitérna glória,

Honor, potéstas, atque jubilatío,

In unitáte, cui manet impérium, Ex tunc, et modo, per aetérna

saecula.

Amen.

*V.* Tu es Petrus. *R.* Et super hanc petram aedificábo ecclésiám meam.

Ad Magnificat, Ana. Beátus Petrus Apóstolus vidit sibi Christum occurrere, et adorans eum, ait : Dómine quo vadis? Vénio Romam, iterum crucifigi.

Oratio.

**P**RAESTA, quaesumus omnipotens Deus : ut nullis nos permittas perturbaciónibus concuti, quos in Apostólica confessionis petra solidasti. Per Dóminum.

Memoria Oct. S. Joannis.

AD MATUTINUM.

Invitatorium. Christum Regem regum adorémus Dóminum, \* Qui martyrio crucis beátum glorificávit Petrum Apóstolum.

Hymnus. Aurea luce. Jáni-  
tor caeli. Sit Trinitáti. etc. ut  
supra.

In primo Nocturno.

Aña. In platéis ponebántur infirmi in lectulis, ut, veniente Petro, saltem umbra illius obumbráret quemquam illorum, et liberaréntur ab infirmitatibus suis. Psalm. Caeli enarrant glóriam. et ceteri de Communi Apost. pag. v.

Aña. Ait Petrus princípibus sacerdotum : Jesum, quem vos interemístis, suspendéntes in ligno, hunc Deus suscitávit : et príncipem, et salvatórem exaltávit ad dandam poenitén-

tiam in remissionem peccatorum.

Aña. Petrus Apóstolus dixit paralyticó : Aénéa, sanet te Dóminus Jesus Christus : surge, et sterne tibi. Qui continuo surrexit : et omnes, qui viderunt, convérsi sunt ad Dóminum.

*V.* In omnem terram.

De Actibus Apostolorum.

Lectio j.

Cap. 3.



**P**ETRUS autem, et Joánnes ascendébant in templum ad horam orationis nonam. Et quidam vir, qui erat claudus ex útero matris suae, bajulabátur : quem ponébant quotidie ad portam templi, quae dicitur Speciósá, ut péteret eleemósynam ab introeúntibus in templum. Is cum vidísset Petrum, et Joánnem incipientes introire in templum, rogábat ut eleemósynam acciperet. Intuens autem in eum Petrus cum Joáanne, dixit : Réspice in nos. At ille intendébat in eos, sperans se aliquid acceptúrum ab eis.

*R.* Simon Petre, ántequam de navi vocárem te, novi te : et super plebem meam príncipem te constítui, \* Et claves regni caelórum trádidi tibi. *V.* Quodcúmque ligáveris super terram, erit ligátum et in caelis : et quodcúmque sólveris super terram, erit solútum et in caelis. Et claves.

## Lectio ij.

**P**ETRUS autem dixit: Argentum et aurum non est mihi: quod autem habeo, hoc tibi do: In nomine Jesu Christi Nazaréni surge, et ambula. Et apprehénsa manu ejus dextera, allevávit eum, et pròtinus consolidátae sunt bases ejus, et plantae. Et exsiliens stetit, et ambulábat: et intrávit cum illis in templum ambulans, et exsiliens, et laudans Deum. Et vidit omnis pópulus eum ambulátem, et laudátem Deum. Cognoscébant autem illum, quod ipse erat, qui ad eleemósynam sedébat ad Speciósam portam templi: et impléti sunt stupóre et éxtasi in eo, quod contígerat illi.

R. Si díligis me, Simón Petre, pasce oves meas. Dómine, tu nosti quia amo te: \* Et ánimam meam pono pro te. V. Si oportúerit me mori tecum, non te negábo. Et.

## Lectio iij.

**C**UM tenéret autem Petrum, et Joánnem, cucúrrit omnis pópulus ad eos ad pórticum, quae appellátur Salomónis, stupéntes. Videns autem Petrus, respóndit ad pópulum: Viri Israélitae quid mirámini in hoc, aut nos quid intuémini, quasi nostra virtúte aut potestáte fecérimus hunc ambuláre? Deus Abraham, et Deus Isaac, et Deus Jacob, Deus patrum nostrórum glo-

rificávit Fílium suum Jesum, quem vos quidem tradidístis, et negástis ante fáciem Piláti, judicánte illo dimítti. Vos autem sanctum, et justum negástis, et petístis virum homicídam donári vobis: Auctórem vero vitae interfecístis, quem Deus suscitávit a mórtuis, cujus nos testes sumus. Et in fide nóminis ejus, hunc, quem vos vidístis, et nostis, confirmávit nomen ejus: et fides, quae per eum est, dedit íntegram sanitátem istam in conspéctu ómnium vestrum.

R. Cornélius centúrio, vir religiósus, ac timens Deum, vidit maniféste Angelum Dei, dicéntem sibi: \* Cornéli, mitte, et accérsi Simónem, qui cognominátur Petrus: Hic dicet tibi quid te opórteat fácere. V. Cum orásset Cornélius nondum in Christo renátus, appáruit ei Angelus, dicens. Cornéli. Glória Patri. Hic dicet.

## In secundo Nocturno.

Añ. Factum est autem, ut quaedam discípula, nómine Tabítha, plena opéribus bonis, et eleemósynis, infirmáta morerétur: misérunt autem discipuli ad Petrum, rogántes: Ne pigritéris veníre usque ad nos.

Añ. Adveniénte Petro, circumstetérunt illum omnes víduae flentes, et ostendéntes túnicas, et vestes, quas faciébat illis Dorcas.



Añā. Ponens Petrus gēnua sua orávit : et convērsus ad corpus, dixit : Tabítha, surge. At illa apéruiť oculus : et viso Petro, resédit : dansque illi manum, eréxit eam, et sanctis, ac víduis assignávit vivam.

R̃. Constítues eos príncipes.

Sermo sancti Leónis Papae.

*Serm. 1. in natali Apost.  
Petri et Pauli.*

Lectio iv.



**M**NIUM quidem sanctárum solemnitátum, dilectíssimi, totus mundus est párticeps, et uníus fídei píetas éxigit, ut quidquid pro salute universórum gestum recólitur, commúnibus ubíque gáudiis celebrétur. Verúmtamen hodiérna festívitās, praeter illam reveréntiam, quam toto terrárum orbe proméruiť, speciáli et própria nostrae Urbis exsultatióne veneránda est : ut ubi praecipuórum Apostolórum glorificátus est éxitus, ibi in die martyrii eórum, sit laetítiae principátus. Isti enim sunt viri, per quos tibi Evangélium Christi, Roma, resplénduit : et quae eras magístra erroris, facta es discípula veritátis.

R̃. Dómine, si tu es, jube me veníre ad te super aquas. Et exténdens manum, apprehéndit eum : \* Et dixit Jesus : Módicāe fídei, quare dubitásti? ✠. Cumque vidísset ventum válidum veniéntem, tí-

muit : et cum coepísset mergi, clamávit dicens : Dómine, salvum me fac. Et dixit.

Lectio v.

**I**STI sunt patres tui, veríque pastóres, qui te regnis caeléstibus inseréndam multo mélius, multóque felícus condidérunt, quam illi, quorum stúdio prima mœnium tuórum fundaménta locáta sunt : ex quibus is, qui tibi nomen dedit, fratérna te caede foedávit. Isti sunt, qui te ad hanc glóriam provexérunt, ut gens sancta, pópulus eléctus, cívitas sacerdotális et régia, per sacram beáti Petri sedem caput orbis effécta, látius praesidéres religióne divína, quam dominatione terréna. Quamvis enim, multis aucta victóriis, jus impérii tui terra maríque protúleris; minus tamen est, quod tibi béllicus labor súbdidit, quam quod pax christiána subjécit.

R̃. Tu es pastor óvium, princeps Apostolórum : tibi trádidit Deus ómnia regna mundi : \* Et ídeo tráditae sunt tibi claves regni caelórum. ✠. Tibi enim a Dóminó colláta est potéstas ligándi atque solvéndi. Et ídeo.

Lectio vj.

**D**ISPOSITO namque divínus óperi máxime congruébat, ut multa regna uno confoederaréntur império, et cito pérvios habéret pópulos

praedicatio generalis, quos unus teneret regimen civitatis. Haec autem civitas, ignorans suae provectionis auctorem, cum pene omnibus dominaretur gentibus, omnium gentium serviebat erroribus : et magnam sibi videbatur assumpsisse religionem, quia nullam respuerat falsitatem. Unde quantum erat per diabolum tenacius illigata, tantum per Christum est mirabilius absoluta.

R7. Surge Petre, et indue vestimenta tua : accipe fortitudinem ad salvandas gentes :  
\* Quia ceciderunt catenae de manibus tuis. V. Angelus Domini astitit : et lumen refulsit in habitaculo carceris : percussitque latere Petri, excitavit eum, dicens : Surge velociter Quia. Gloria Patri. Quia.

In tertio Nocturno.

Añã. Cornélius centurio, vir religiosus, ac timens Deum, vidit manifeste Angelum Dei, dicentem sibi : Cornéli, mitte, et accersi Simónem, qui cognominatur Petrus : hic dicet tibi quid te oporteat facere.

Añã. Apériens Petrus os suum, dixit : In veritate comperi quoniam non est personarum acceptor Deus, sed in omni gente qui timet Deum, et operatur justitiam, acceptus est illi.

Añã. Adhuc loquente Petro, cecidit Spiritus sanctus super

omnes, qui audiebant verbum : et erant loquentes linguis, et magnificantes Deum. Tunc Petrus jussit eos baptizari in nomine Domini Jesu Christi.

V. Nimis honorati sunt.

Lectio sancti Evangelii secundum Matthaeum.

Lectio vij.

Cap. 16.

**I**N illo tempore : Venit Jesus in partes Caesaréae Philippi : et interrogabat discipulos suos, dicens : Quem dicunt homines esse Filium hominis? Et reliqua.

Homilia sancti Hierónymi Presbyteri.

Lib. 3. Comm. in Matth. cap. 16.



**Q**ULCRE interrogat : Quem dicunt homines esse Filium hominis? quia qui de Filio hominis loquuntur, homines sunt : qui vero divinitatem ejus intelligunt, non homines, sed dii appellantur. At illi dixerunt : Alii Joannem Baptistam, alii autem Elíam. Miror quosdam intérpretes causas errorum inquirere singulorum, et disputationem longissimam texere, quare Dominum nostrum Jesum Christum alii Joannem putaverint, alii Elíam, alii Jeremíam, aut unum ex prophétis : cum sic potuerint errare in Elía, et Jeremía, quomodo Heródes erravit in Joáñne, dicens : Quem ego decollávi Joannem,

ipse surrexit a mórtuis, et virtútes operántur in eo.

R̃. Quem dicunt hómines esse Fílium hóminis? dixit Jesus discíplis suis. Respóndens Petrus, dixit: Tu es Christus, fílius Dei vivi. \* Et ego dico tibi, quia tu es Petrus, et super hanc petram aedificábo ecclésiám meam. Ṽ. Beátus es Simon Bar Jona: quia caro, et sanguis non revelávit tibi, sed Pater meus, qui est in caelis. Et ego.

Lectio viij.

**V**OS autem quem me esse dícitis? Prudens lector atténde, quod ex consequéntibus, textúque sermónis, Apóstoli nequáquam hómines, sed dii appellántur. Cum enim dixisset: Quem dicunt hómines esse Fílium hóminis? subjécit: Vos autem quem me esse dícitis? Illis, quia hómines sunt, humana opinántibus, vos, qui estis dii, quem me esse existimátis? Petrus ex persóna ómnium Apostolorum profítetur: Tu es Christus, fílius Dei vivi. Deum vivum appellat, ad distinctiónem eórum deórum, qui putántur dii, sed mórtui sunt.

R̃. Ego pro te rogávi, Petre, \* Ut non deficiat fides tua: et tu aliquándo convérsus confírma fratres tuos. Ṽ. Simon, ecce satan expetívit vos ut cribráret sicut tríticum: ego autem rogávi pro te. Ut.

Lectio ix.

**R**ESPONDENS autem Jesus, dixit ei: Beátus es Simon Bar Jona. Testimónio de se Apóstoli reddit vicem. Petrus díxerat: Tu es Christus, fílius Dei vivi: mercédem recépit vera conféssio: Beátus es Simon Bar Jona. Quare? Quia non revelávit tibi caro, et sanguis: sed revelávit Pater. Quod caro, et sanguis reveláre non pótuit, Spíritus sancti grátia revelátum est. Ergo ex conféssione sortítur vocábulum, quod revelatiónem ex Spíritu sancto hábeat, cujus et fílius appellándus sit. Siquidem Bar Jona in nostra lingua sonat, fílius colúmbae.

R̃. Quodcúmque ligáveris super terram, erit ligátum et in caelis: \* Et quodcúmque sólveris super terram, erit solútum et in caelis. Ṽ. Et ego dico tibi, quia tu es Petrus, et super hanc petram aedificábo ecclésiám meam. Et quodcúmque. Glória Patri. In caelis.

Ante Laudes, Ṽ. Tu es Petrus. R̃. Et super hanc petram aedificábo ecclésiám meam.

IN LAUDIBUS.

Añã. Petrus, et Joánnēs ascendébant in templum ad horam oratiónis nonam. Ps. Dóminus regnávit. cum ceteris, pag. xj.

Añã. Argéntum et aurum non est mihi: quod autem hábeo, hoc tibi do.

Añã. Dixit Angelus ad Petrum : Circúmda tibi vestimentum tuum, et séquere me.

Añã. Petre, amas me? pasce oves meas. Tu scis, Dómine, quia amo te.

Añã. Tu es Petrus, et super hanc petram aedificábo ecclésiã meam.

Capit. Petrus quidem. ut supra in Vesperis, pag. 505.

Hymnus. Olívae binae. Sit Trinitáti. ut in Vesperis, p. 505.

V. Annuntiavérunt.

Ad Benedíctus, Añã. Quodcúmque ligáveris super terram, erit ligátum et in caelis : et quodcúmque sólveris super terram, erit solútum et in caelis : dixit Dóminus Simóni Petro.

Oratio.

**D**EUS, qui hodiérnam diem Apostolorum tuorum Petri et Pauli martyrio consecrásti : da Ecclésiãe tuae, eórum in ómnibus sequi præcéptum, per quos religiónis sumpsit exórdium. Per Dóminum.

Memoria de S. Joanne.

Ad Tertiam, Capit. Petrus quidem. ut supra in Vesp.

R̃. et Ṽ. Horar. de Comm. Apost. pag. xv.

AD SEXTAM.

Capitulum. Act. 12.

**A**NGELUS Dómini ástitit : et lumen refúlsit in habitáculo : percussóque látere Petri, excitávit eum, dicens :

Surge velóciter. Et cecidérunt caténæ de mánibus ejus.

AD NONAM.

Capitulum. Cap. 12.

**N**UNC scio vere quia mihi sit Dóminus Angelum suum, et erípuit me de manu Heródis, et de omni expectatióne plebis Judaeórum.

AD VESPERAS.

Super Psalm. Añã. Petrus, et Joáñnes. j. Laudum. Ps. Dixit Dóminus. cum ceteris de Apost. pag. xvj.

Capit. Jam non estis. ut in Communi Apost. pag. iij.

Hymnus ut in j. Vesperis, pag. 505.

V. In omnem terram.

Ad Magnificat, Añã. Gloriosi príncipes terrae, quómo-  
do in vita sua dilexérunt se,  
ita et in morte non sunt se-  
paráti.

Oratio. Deus, qui hodiérnam. ut supra.

Deinde Mem. de S. Joanne.

PER OCTAVAM.

Omnia desumantur ex Comuni Apostolorum, praeter Hymnos, qui dic. ut in die festi, Añas ad Benedíctus, et ad Magnificat, et Orat. Deus, qui hodiérnam.

Ad Bened. vel ad Mem. in Laud. Añã. Petrus Apóstolus, et Paulus Doctór Géntium, ipsi nos docuérunt legem tuam, Dómine.

V. Annuntiavérunt.

Oratio. Deus qui hodiernam diem. ut supra.

Ad Magn. vel ad Mem. in Vesp. Añã. Gloriosi principes terrae, quomodo in vita sua dilexerunt se, ita et in morte non sunt separati.

Ÿ. In omnem terram.

Oratio ut supra.

### PRIMA DIE

infra Octavam SS. Apostolorum Petri et Pauli.

De Sermone sancti Leonis Papae.

*Ex Serm. 1. in natali SS. Apost. Petri et Pauli.*

Lectio iij.

**P**RETIOSA est in conspectu Domini mors sanctorum ejus : nec ullo crudelitatis genere destrui potest, sacramento crucis Christi fundata religio. Non minuitur persecutionibus Ecclesia, sed augetur : et semper Dominicus ager segete ditiori vestitur, dum grana, quae singula cadunt, multiplicata nascuntur. Unde duo ista praeclara divini seminis germina in quantam sobolem germinarint, beatorum millia Martyrum protestantur, qui Apostolicorum aemuli triumphorum, Urbem nostram purpuratis, et longe lateque rutilantibus populis ambierrunt, et quasi in multarum honore gemmarum conserto uno diademate coronarunt.

### SECUNDA DIE

infra Octavam SS. Apostolorum Petri et Pauli.

De Expositione sancti Joannis Chrysostomi in Epistolam ad Romanos.

*Serm. 32. in morali exhortatione.*

Lectio iij.

**N**ON ita caelum splendescit, quando radios sol demittit, quemadmodum Romanorum Urbs, duos istos fulgores ubique terrarum emittens. Hinc rapietur Paulus, hinc Petrus. Considerate, et horrere, quale spectaculum visura sit Roma. Paulum videlicet repente ex theca illa cum Petro resurgentem, in occursum Domini sursum ferri. Qualem rosam Christo mittet Roma? quolibet coronis duabus ornatur Urbs ista? quolibet catenis aureis cincta est? quales habet fontes? Propterea admiror hanc Urbem, non propter copiam auri, non propter columnas, neque propter aliam quamcumque rerum speciem, sed propter columnas illas Ecclesiae. Quis mihi nunc dabit circumvolvi corpori Pauli, affigi sepulcro, videre pulverem corporis illius, quae adhuc in Christo decerant adimplentis, stigmata illius gestantis, praedicationem Evangelii ubique seminantis.



## DOMINICA

infra Octavam SS. Apostolorum Petri et Pauli.

In j. Nocturno, Lectiones de Apostolo Dominicae occurrentis.

In secundo Nocturno.

Sermo sancti Máximi  
Epíscopi.

*Hom. 5. de SS. Apost. Petro  
et Paulo, post initium.*

Lectio iv.



ON sine causa factum putémus, fratres caríssimi, quod gloriosíssimi christiánae fidei príncipes Petrus et Paulus, una die, uno in loco, unus tyránni toleravére senténtiam. Una die passi sunt, ut ad Christum páriter pervenírent : uno in loco, ne álteri Roma deésset : sub uno persecutóre, ut aequális crudélitas utrúmque constríngeret. Dies ergo, puto, pro mérito, locus pro glória, persecútor decretus est pro virtúte. Et in quo tandem loco martyrium pertulérunt? In Urbe Roma, quae principátum et caput óbtinet Natiónum : scílicet ut ubi caput superstitionis erat, illic caput quiésceret sanctitátis : et ubi Gentílium príncipes habitábant, illic Ecclesiárum príncipes moraréntur.

Lectio v.

CUJUS autem mériti sint beatíssimi Petrus et Paulus, hinc póssumus intelligere,

quod cum Dóminus Oriéntis regiónem própria illustráverit passióne, Occidéntis plagam, ne quid minus esset, vice sui, Apostolórum sángine illumináre dignátus est. Et licet illíus pássio nobis sufficiat ad salútem, tamen étiam horum martyrium nobis cóntulit ad exémplum. Hodiérna ígitur die beáti Apóstoli ságuinem profudérunt. Sed videámus causam, quare ista perpéssi sunt; scílicet quod inter cétera mirábília, étiam magum illum Simónem oratióibus suis de áeris vácuo praecipiti ruína prostravérunt.

Lectio vj.

CUM enim idem Simon se Christum díceret, et tamquam fílium ad Patrem asséreret volándo se posse conscéndere, atque elátus súbito mágicis ártibus voláre coepisset : tunc Petrus fixis génibus precátus est Dóminum, et precatióne sancta vicit mágicam levitátem. Prior enim ascéndit ad Dóminum orátio, quam volátus : et ántea pervénit justa petítio, quam iníqua praesúptio : ante Petrus in terris pósitus obtínuit quod petébat, quam Simon pervéniret in caeléstibus, quo tendébat. Tunc ígitur Petrus velut vinctum illum de sublími áere depósuit, et quodam praecipítio in saxo elídens, ejus crura confrégit : et hoc in oppróbrio facti illíus,

ut qui paulo ante voláre tentá-  
verat, súbito ambuláre non  
posset, et qui pennas assúm-  
pserat, plantas amíttetet.

In iij. Nocturno, Homilia  
de Dominica occurrente.

### DIE XXX. JUNII.

In Commemoratione S. Pauli  
Apostoli. Duplex.

Si contingat hoc festum ha-  
bere j. Vesperas : super Psalm.  
Aña. **Ego plantávi.** j. Lau-  
dum, pag. 518. et sola dica-  
tur.

Capit. **Magnificábitur.** ut in  
Laudibus, pag. 518.

R̃. ix. **Sancte Paule Apó-  
stole.** ibid.

Hymnus. **Doctor egrégie.** ut  
infra.

℣. **Tu es vas electiónis, san-  
cte Paule Apóstole.** R̃. **Praedi-  
cátor veritátis in univérso  
mundo.**

Ad Magnificat, Aña. **Sancte  
Paule.** V. Laudum, pag. 518.

Oratio. **Deus, qui multítú-  
dinem géntium.** ut infra in  
Laudibus, pag. 519.

Quod si contingat hoc fe-  
stum celebrari immediate post  
aliud habens ij. Vesperas inte-  
gras, fiat de illo Memoria per  
Añam, ℣. et Orat. designatam  
pro j. Vesp.

Si tamen infra Oñt. Apost.  
festum hoc vel habuerit j. Ve-  
speras, vel fieret de illo Mem.  
ut dictum est, fiet tunc quoque  
propter Oñt. Mem. de S. Petro

per Añam, ℣. et Orat. ut in  
Laud. infra, pag. 519.

#### AD MATUTINUM.

Invitatorium. **Laudémus  
Deum nostrum \* In solemni-  
táte Apóstoli Pauli.**

#### Hymnus.

**D**OCTOR egrégie Paule  
mores ínstrue,  
Et mente polum nos trans-  
férre sátage :

Donec perféctum largiátur plé-  
nius,

Evacuáto quod ex parte géri-  
mus.

Sit Trinitáti sempitérna  
glória,

Honor, potéstas, atque jubi-  
látio,

In unitáte, cui manet impé-  
rium,

Ex tunc, et modo, per aetérna  
saecula. Amen.

#### In primo Nocturno.

Aña. **Qui operátus est Petro  
in Apostolátum, operátus est  
et mihi inter gentes : et cogno-  
vérunt grátiam, quae data est  
mihi a Christo Dómino.** Psalm.  
**Caeli enarrant.** cum ceteris de  
Comm. Apost. pag. v.

Aña. **Scio cui crédidi, et  
certus sum quia potens est  
depósitum meum serváre in  
illum diem justus judex.**

Aña. **Mihi vívere Christus  
est, et mori lucrum : gloriári  
me opórtet in cruce Dómini  
nostri Jesu Christi.**

℣. **In omnem terram.**

De Actibus Apostolorum.

Lectio j. Cap. 13.



**E**RANT autem in ecclesia, quae erat Antióchia, prophetae, et doctores, in quibus Bárnaabas, et Simon, qui vocabatur Niger, et Lúcius Cyrenénsis, et Mánahen, qui erat Heródis Tetrárchae collactáneus, et Saulus. Ministrántibus autem illis Dómino, et jejunántibus, dixit illis Spíritus sanctus : Segregáte mihi Saulum, et Bárnabam in opus, ad quod assúmpsi eos. Tunc jejunántes, et orántes, impotentésque eis manus, dimiserunt illos. Et ipsi quidem missi a Spíritu sancto abiérunt Seléuciam, et inde navigavérunt Cyprum.

R. Qui operátus est Petro in Apostolátum, operátus est et mihi inter gentes : et cognovérunt grátiam Dei, \* Quae data est mihi. V. Grátia Dei in me vácuá non fuit : et grátia ejus semper in me manet. Quae.

Lectio ij.

**E**T cum venissent Salamínam, praedicábant verbum Dei in synagógis Judaeórum. Habébant autem et Joánnem in ministério. Et cum perambulássent univérsam insulam usque Paphum, invenérunt quemdam virum magum pseudoprophétam, Judaeum, cui nomen erat Bárjesu, qui

erat cum procónsule Sérgio Paulo viro prudente. Hic, accersítis Bárnaaba, et Saulo, desiderábat audíre verbum Dei. Resistébat autem illis Elymas magus, (sic enim interpretátur nomen ejus) quaerens avértere procónsulem a fide.

R. Scio cui crédidi, et certus sum quia potens est depósitum meum serváre \* In illum diem. V. Repósita est mihi coróna justítiae, quam reddet mihi Dóminus. In.

Lectio iij.

**S**AULUS autem, qui et Paulus, replétus Spíritu sancto, íntuens in eum, dixit : O plene omni dolo, et omni fallácia, fili diáboli, inimíce omnis justítiae, non désinis subvértere vias Dómini rectas. Et nunc ecce manus Dómini super te, et eris caecus, non videns solem usque ad tempus. Et conféstim cecidit in eum calígo, et ténebrae, et circúiens quaerébat qui ei manum daret. Tunc procónsul cum vidísset factum, crédidit admirans super doctrína Dómini. Et cum a Papho navigássent Paulus, et qui cum eo erant, venérunt Pergen Pamphyliæ. Joánnes autem discédens ab eis, revérsus est Jerosólymam.

R. Bonum certámen certávi, cursum consummávi, fidem servávi : \* Ideóque repósita est mihi Coróna justítiae. V. Grátia Dei sum id quod



sum, et grátia ejus in me vácuá non fuit. Ideóque. Gló-  
ria Patri. Coróna.

In secundo Nocturno.

Añá. Bonum certámen cer-  
távi, cursum consummávi,  
fidem servávi.

Añá. Tu es vas electiónis,  
sancte Paule Apóstole, prae-  
dicátor veritátis in univérso  
mundo.

Añá. Magnus sanctus Pau-  
lus, vas electiónis, vere digne  
est glorificándus : qui et mé-  
ruit thronum duodécimum  
possidére.

℣. Constitúes eos príncipes.

Sermo sancti Joánnis  
Chrysóstomi.

*Homilia 8. de Laud. Pauli.*

Lectio iv.



SAEPE fúlgido caeli  
globo delectátus ócu-  
lus, ad spectáculum  
oppósi e regione  
lúminis sese violén-  
ter intén-  
dit : et licet séntiat áciem suam  
ímparem radiórum esse certá-  
mini, desidério tamen illíus  
pulchérrimi lúminis intuéndi,  
libén-ter inaccessíbili radiántis  
orbis reluctátur corúsko. Tale  
ígitur quídpíam ego ipse per-  
pétior, qui cum vídeam pró-  
priae mentis óculos ex rádiis  
Apostólici splendóris hebetári,  
cúpio tamen Pauli ánimam,  
miro fulgóre virtútum rutilán-  
tem, velut éminus intuéri, et  
contra importábiles solis micá-  
tus contentiósa subíre certá-

mina. Sol enim quidam est  
homínibus Paulus, qui totum  
prorsus orbem fulgéntibus lin-  
guae suae rádiis illuminávit :  
quique, univérsas circumeún-  
do gentes, cursum omníno  
solis imitátus est.

℞. Repósita est mihi coróna  
justítiae, quam reddet mihi  
Dóminus \* In illum diem ju-  
stus judex. ℣. Scio cui crédi-  
di, et certus sum quia potens  
est depósitum meum serváre.  
In illum.

Lectio v.

JUDICES, in praedicatió-  
nem Evangélli saevién-  
tes, suae astábant catérvae.  
Reges júgiter idípsum bellum  
gerébant. Audítam crucem cun-  
cti abominabántur exércitus,  
quam sapiéntes recípere ne-  
sciébant, quasi signum útique  
damnáti : sed Paulo totíus hoc  
mundi bellum omni erat pace  
jucúndius. Delectábat enim,  
quicúmque illum propter  
Evangélium vulnerábat. Hinc  
est, quod ille Graeciam atque  
Barbáriam, cum illátis sibi  
vulneribus, álacer circuífat,  
non minus plagis suis gau-  
dens, quam régiis triúmphis :  
haud áliter delectátus naufrá-  
giis, quam céteri acquisítis  
solent gaudére thesáuris.

℞. Grátia Dei sum id quod  
sum, \* Et grátia ejus in me  
vácuá non fuit, sed semper in  
me manet. ℣. Qui operátus est  
Petro in Apostolátum, operá-

tus est et mihi inter gentes.  
Et grátia.

Lectio vj.

**L**IVORIBUS, quos ei vébera saepius inferébant, quasi quibúsdam gloriabátur coronis : tribulatió nibus, ut delíciis utebátur : squalóre cárce ris, ut paradísi amoeni táte gaudébat. Cui te, o beáte Paule, justórum véteris Testaménti vel novi áudeam comparáre? Omnium quippe virtútem, quasi in arca quadam, sed cum multo prorsus cúmulo, condidísti. Dénique étiam si totum contra te áliquis sigillátim justórum appéndat chorum, invéniet trútínám virtútum pondéribus a tua parte depréssam.

R̃. Mihi vívere Christus est, et mori lucrum : \* Gloriári me opórtet In cruce Dómini nostri Jesu Christi. Ṽ. Per quem mihi mundus crucifíxus est, et ego mundo. Gloriári. Glória Patri. In cruce.

In tertio Nocturno.

Añá. Ter virgis caesus sum, semel lapidátus sum, ter naufrágium pértuli pro Christo Dómino.

Añá. Repósita est mihi coróná justítiae, quam reddet mihi Dóminus in illum diem justus iudex.

Añá. Ne magnitúdo revelatiónum extóllat me, datus est mihi stímulus carnis meae ángelus sátanae, qui me cola-

phízet. Propter quod ter Dóminus rogávi ut auferrétur a me : et dixit mihi Dóminus : Súfficit tibi, Paule, grátia mea.

Ṽ. Nimis honoráti sunt.

Lectio sancti Evangelii secundum Matthaeum.

Lectio vij.

Cap. 10.

**I**N illo témpore : Dixit Jesus discípulis suis : Ecce ego mitto vos sicut oves in médio lupórum. Et réliqua.

Homilía sancti Joánnis Chrysóstomi.

Homilia 34. in Matth.



IC dícere vidétur : Nolíte turbári, si cum vos inter lupos mitto, tamquam oves et colúmbas esse júbeo. Nam etsi possum contrárium quoque praestáre, et non permíttere ut grave quid patiámini, nec lupis tamquam oves subjécti sitis; sed effícere ut leónibus terribilióres evadáti : tamen sic expedit fieri. Hoc et vos quoque illustrióres fáciat, et meam declarábit virtútem. Sic enim póstea dixit Paulo : Súfficit tibi grátia mea : nam virtus mea in infirmitáte perfícitur. Ipse igitur vos, ut tales esséti, feci.

R̃. Damásci praepósitus gentis Arétae regis vóluit me comprehéndere : a frátribus per murum \* Submíssus sum in sporta, et sic evási manus ejus in nómine Dómini. Ṽ. Deus et Pater Dómini no-

stri Jesu Christi scit quia non méntior. Submíssus.

Lectio viij.

**S**ED inspiciámus quam prudéntiam éxigit : serpéntis certe. Nam quemádmódum serpens totum seípsum tradit, nec mínimum curat, si ipsum quoque corpus incídi necesse sit, dúmmodo caput suum íntegrum servet : eódem tu quoque modo, praeter fidem, cétera pérdere non cures, sive pecúnias, sive corpus, sive étiam vitam ipsam profúndere necesse sit. Fides enim caput est, et radix, qua serváta, étiam si ómnia perdas, ómnia tamen rursus majóre cum glória recuperábis.

R. Tu es vas electiónis, sancte Paule Apóstole, praedicátor veritátis in univérso mundo : \* Per quem omnes Gentes cognovérunt grátiam Dei. V. Intercéde pro nobis ad Deum, qui te elégit. Per.

Lectio ix.

**I**DCIRCO nec símplices solum jussit esse, nec prudéntes solum; sed ambo haec in unum míscuit, ut ea in virtútem convertántur. Quod si rebus ipsis id ita fíeri vidére desíderas, lege Actuum Apostolorum librum : perspícies profécto, cum saepe Judaeórum pópulus in Apóstolos insurréxerit, ac dentes exacúerit, illos, colúmbae simplicitátem imitádo, et cum decéti mo-

déstia respondédo, iram ipsórum superásse, furórem exstínxisse, ímpetum retardásse.

R. Sancte Paule Apóstole, praedicátor veritátis, et Doctór Géntium, \* Intercéde pro nobis ad Deum, Qui te elégit. V. Ut digni efficiámur grátia Dei. Intercéde. Glória. Qui.

Ante Laudes, V. Dedísti hereditátem.

IN LAUDIBUS.

Aña. Ego plantávi, Apóllo rigávit : Deus autem incrementum dedit, allelúia. Psalm. Dóminus regnávit. cum ceteris, pag. xj.

Aña. Libénter gloriábor in infirmitátibus meis, ut inhábitet in me virtus Christi.

Aña. Grátia Dei in me vácuá non fuit : sed grátia ejus semper in me manet.

Aña. Damásci praepósitus gentis Arétae regis vóluit me comprehéndere : a frátribus per murum submíssus sum in sporta, et sic evási manus ejus in nómine Dómini.

Aña. Sancte Paule Apóstole, praedicátor veritátis, et Doctór Géntium, intercéde pro nobis ad Deum, qui te elégit.

Capitulum. *Phil. i.*

**M**AGNIFICABITUR Christus in córpore meo, sive per vitam, sive per mortem. Mihi enim vívere Christus est, et mori lucrum.

Hymnus. *Ætérna Christi.* ut in Comm. Apost. pag. xv.

Ad Benedictus, Aña. Ego enim jam delíbor, et tempus meae resolutiónis instat : bonum certámen certávi, cursum consummávi, fidem servávi : súperest mihi coróna justítiae, quam reddet mihi Dóminus in illa die justus judex.

Oratio.

**D**EUS, qui multitudínem Géntium beáti Pauli Apóstoli praedicatióne docuísti : da nobis, quaesumus, ut cujus natalítia cólimus, ejus apud te patrocínia sentiámus. Per Dóminum.

Ad Mem. S. Petri, Aña. Petre, amas me? pasce oves meas. Tu scis, Dómine, quia amo te. *V.* Tu es Petrus.

Oratio.

**D**EUS, qui beáto Petro Apóstolo tuo, collátis clávis regni caeléstis, ligándi atque solvéndi pontíficium tradidísti : concéde, ut intercessiónis ejus auxílio, a peccatórum nostrórum néxibus liberémur : Qui vivis.

Deinde fiat Memoria de S. Joanne.

#### AD TERTIAM.

Capit. Magnificábitur. ut supra. *R.* *R.* Horarum de Comm. Apost.

#### AD SEXTAM.

Capitulum 2. *Tim.* 1.

**S**CIO cui crédidi, et certus sum quia potens est depósitum meum serváre in illum diem.

#### AD NONAM.

Capitulum. 2. *Tim.* 4.

**B**ONUM certámen certávi, cursum consummávi, fidem servávi. In réliquo repósita est mihi coróna justítiae, quam reddet mihi Dóminus in illa die justus judex.

#### AD VESPERAS.

Super Psalm. Aña. Ego plantávi. j. Laudum.

Capitulum. Jam non estis. ut in Comm. Apost. pag. iij.

Hymnus. Aurea luce. ut in festo SS. Apost. Petri et Pauli ad j. Vesperas, pag. 505.

*V.* In omnem terram.

Ad Magnificat. Aña. Isti sunt duae olívae, et duo candelábra lucéntia ante Dóminum : habent potestátem cláudere caelum núbibus, et aperíre portas ejus : quia linguae eórum claves caeli factae sunt, allelúia.

Oratio. Deus, qui hodiérnam. pag. 511.

Mem. de S. Joanne per Añam. Pro eo. ut in j. Vesperis.

*V.* Fuit homo missus a Deo.

Oratio. Deus, qui praeséntem. ut in ejus festo in Laudibus, pag. 500.

Si contingat hoc festum transferri extra Oct. Apost. tunc nihil fiet de S. Petro, et in ij. Vesperis dicentur Psalmi de Comm. Apost. Reliqua, excepto *R.* ut supra pro j. Vesperis notatum est.

—\*—\*—

## DIE I. JULII.

Octava S. Joannis Baptistae.  
Simplex.

In secundo Nocturno.

Sermo sancti Máximi  
Epíscopi.

*Hom. 3. in Nativ. S. Joannis  
Baptistae.*

Lectio iv.



**F**ESTIVITATEM praesentis diéi, fratres caríssimi, venerándi Joánnis Baptistae genuína natívitas consecrávit : qui idcirco in hoc saeculum supérna dispensatióne directus est, ut non solum ipse prophetáli sublimarétur glória, sed ut ómnium étiam per eum Prophetárum praecónia firmentur. Nec immérito illum praecípua honóre nunc venerámur, qui speciáli quadam grátia, ob hoc Redemptórem mundi novíssimus prophetávit, ut osténderet eum primus.

Lectio v.

**H**IC enim solus est Prophetárum, qui Dóminum nostrum Jesum Christum, quem álíi in longa témpora futúrum praesciérunt, própriis óculis vidére méruit, et annuntiáre praesentem. Hic est ille, quem, inspiránte Deo, praescius annúnciat Isaías, dicens : Vox clamántis in desérto : Paráte viam Dómini. Quam cóngrue, fratres caríssimi, beátus Joánnes praedicátus est

Vox, qui caeléstis Verbi et praeco mittebátur, et testis.

Lectio vj.

**H**IC est ille, cujus per Angelum Gabriélem praenuntiátur natívitas, et nomen, et méritum. Hic est, qui júdicio caeléstis senténtiae, cunctis mortálibus antefértur, dicénte Dómino : Non surrexit inter natos mulierum major Joánne Baptísta. Quam pulcre dictum est, inter natos mulierum non esse majórem! quia ille omnímóde major erat Joánne, qui de Vírgine nascebátur. Quibus prospéctis, advértite dilectíssimi, quantam huic reveréntiam, quantum devotiónis debeámus impéndere : qui, ut honorábilis sit, a sancto est Spíritu prophetátus, promíssus ab Angelo, laudátus a Dómino, et perpétua sanctae mortis glória consecrátus.

In iij. Nocturno, Homilia in Evang. Elísabeth. ut in festo, pag. 498.

## IN II. VESPERIS.

Ad Memor. Aña. Et factum est in die octávo, venerunt pater, et mater, et cognáti ejus ad circumcisiónem púeri, et vocábant eum nómine patris sui Zachariám. Et dixit mater ejus : Nequáquam, sed vocábitur Joánnes.

V. Fuit homo missus a Deo.

Oratio. Deus, qui praesentem. pag. 500.

—\*—\*—

## DIE II. JULII.

In Visitatione B. M. V.

Totum Duplex.

Omnia, praeter hic designata, fiant ut in Nativit. beatae Virg. die viij. Septembris; sed loco illius vocis, **Natívitás**, dicatur, **Visitatio**.

Capitulum.

*Cant. 2.*

**S**URGE, própera amíca mea, colúmba mea, formósa mea, et veni. Jam enim hiems tránsiit, imber ábiit, et recéssit. Flores apparuérunt in terra nostra.

Oratio.

**O**MNIPOTENS et miséricors Deus, majestátem tuam suppliciter exorámus : ut sicut Unigénitum tuum per Visitationem et salutationem Genitrícis ejus púero clauso in útero revelásti; ita méritis ejúsdem Genitrícis, et précibus, ipsum nos fácias reveláta fácie perpétuo contemplári : Qui tecum vivit.

In primo Nocturno.

De Canticis canticórum.

Lectio j.

*Cap. 2.*

**G**O flos campi, et lílium convállium. Sicut lílium inter spinas, sic amíca mea inter fílias. Sicut malus inter ligna silvárum, sic diléctus meus inter fílios. Sub umbra illíus, quem desideráveram, sedi : et fructus ejus dulcis gútturi meo. Introduxit me in

cellam vináriam, ordinávit in me caritátem. Fulcíte me flóribus, stipáte me malis : quia amóre lángueo. Laeva ejus sub cápite meo, et déxtera illíus amplexábitur me.

R. Hódie visitávit Elísabeth beáta Virgo Maríá ex progénie David, per quam salus mundi credéntibus appáruit : \* Cujus vita gloriósa lucem dedit saeculo. V. Beatíssimae Vírginis Maríae Visitationem devotíssime celebrémus. Cujus.

Lectio ij.

**A**DJURO vos fíliae Jerúsalem per cápreas ceruósque campórum, ne suscitétis, neque evigiláre faciátis diléctam, quoadúsque ipsa velit. Vox dilécti mei, ecce iste venit sáliens in móntibus, translíens colles : símilis est diléctus meus cápreae, hinnulóque ceruórum. En ipse stat post paríetem nostrum respiciens per fenéstas, prospiciens per cancellos.

R. Gloriósae Vírginis Maríae Visitationem digníssimam recolámus : \* Cujus Dóminus humilitátem respéxit : quae Angelo nuntiánte concépit Redemptórem mundi. V. Hódie visitávit Elísabeth beáta Virgo Maríá ex progénie David. Cujus.

Lectio iij.

**E**N diléctus meus loquitur mihi : Surge, própera amíca mea, colúmba mea, formósa mea, et veni. Jam enim

hiems tránsiit, imber ábiit, et recéssit. Flores apparuérunt in terra nostra, tempus putatiónis advénit : vox túrturis audíta est in terra nostra : ficus prótulit grossos suos : víneae floréntes dedérunt odórem suum. Surge, amíca mea, speciósá mea, et veni : colúmbea mea in foramínibus petrae, in cavérna macériae, osténde mihi fáciem tuam, sonet vox tua in áuribus meis : vox enim tua dulcis, et fácies tua decóra.

In secundo Nocturno.

Sermo sancti Joánnis  
Chrysóstomi.

*Apud Metaphr. mense Julio.*

Lectio iv.



UM ad nos advenisset Redemptor nostri generis, venit prótinus ad suum amicum Joánnem, dum adhuc esset in ventre matris. Quem cum ex útero in útero aspexisset Joánes, términos natúrae concútiens, exclámat : Vídeo Dóminum, qui natúrae impósuit términos, et non expécto tempus nascéndi : novem ménsium tempus mihi non est hic neces-sárium : in me est enim, qui est aetérnus : egrédiar ex hoc tenebróso tabernáculo, rerum admirábilium compendiósam praedicábo cognitióem.

Lectio v.

SUM signum : significábo Christi advéntum. Sum tuba : próferam Fílii Dei in

carne dispensatióem. Tuba canam, eo ipso patérnae linguae benedícam, et eam traham, ut loquátur. Tuba canam, et úterum matérnum vivificábo. Vides, o dilécte, quam sit novum et admirábile mystérium. Nondum náscitur, et sáltibus lóquitur : nondum appáret, et minas inténtat : nondum ei permíttitur clamáre, et per facta audítur : nondum ducit vitam, et Deum praedicat : nondum áspicit lucem, et Solem índicat.

Lectio vj.

NDUM páritur, et próperat praecúrrere : non fert enim, praesénte Dómino, continéri : non sústinet natúrae exspectáre términos; sed conténdit rúmpere cárcerem ventris, et studet praesignificáre veniéntem Salvatórem. Accéssit, inquit, qui solvit víncula : et quid ego sédeo vínculus, et retíneor, ut máneam? Venit Verbum, ut ómnia constítuat : et ego adhuc máneo deténtus? Exíbo, praecúrram, et praedicábo ómnibus : Ecce Agnus Dei, qui tollit peccáta mundi.

In tertio Nocturno.

Lectio sancti Evangélii secundum Lucam.

Lectio vij.

Cap. i.

IN illo témpore : Exsúrgens María, ábiit in montána cum festinatióne in civitátem Juda. Et intrávit in domum Zacharía, et salutávit Elísabeth. Et réliqua.

Homilia sancti Ambrósii  
Episcopi.

*Lib. I. Comm. in Luc. cap. I.*

**C**ONTUENDUM est, quia superior venit ad inferiorum, ut inferior adjuvetur: María ad Elísabeth, Christus ad Joánnem. Denique etiam postea, ut sanctificaret baptismum Joánnis, Dóminus venit ad baptismum. Cito quoque adventus Maríae, et praesentiae Domínicae beneficia declarantur. Vide distinctionem, singulorumque verborum proprietatem. Vocem prior Elísabeth audivit, sed Joánnes prior gratiam sensit. Illa naturae ordine audivit, iste exsultavit ratione mystérii. Illa Maríae, iste Dómini sensit adventum.

Lectio viij.

**I**STAE gratiam loquuntur, illi intus operantur, pietatisque mystérium matérnis adoriuntur profectibus: duplicique miraculo prophétant matres spírítu parvulorum. Exsultavit infans, et repléta mater est. Non prius mater repléta, quam fílius: sed cum fílius esset replétus Spírítu sancto, replévit et matrem. Et unde hoc mihi ut véniat mater Dómini mei ad me? Hoc est, quantum bonum mihi accidit, ut mater Dómini mei véniat ad me? Miraculum sentio, cognosco mystérium: Mater Dómini verbo feta, Deo plena est.

Lectio ix.

**M**ANSIT autem María cum illa quasi mēsis tribus, et reversa est in domum suam. Bene inducitur sancta María et exhibuisse officium, et mysticum númerum custodisse. Non enim sola familiaritatis est causa, quod diu mansit; sed etiam tanti Vatis profectus. Nam si primo ingressu tantus profectus exstitit, ut ad salutationem Maríae exsultaret infans in útero, repleretur Spírítu sancto mater infantis; quantum putamus, usu tanti témporis sanctae Maríae addidisse praesentiam? Ungebatur itaque, et quasi bonus athléta exercebatur in útero matris Prophéta. Amplissimo enim virtus ejus certámini parabatur.

*R.* Felix namque es sacra virgo María, et omni laude digníssima: Quia ex te ortus est sol justitiae, Christus Deus noster. *V.* Ora pro pópulo, interveni pro clero, intercède pro devoto femíneo sexu: sentiant omnes tuum juvamen, quicumque celebrant tuam Visitationem. Quia. Glória. Christus.

In Laud. Capit. Surge. etc. et similiter ad Tertiam.

AD SEXTAM.

Capitulum.

*Cant. 2.*

**E**CCE diléctus meus venit sáliens in móntibus, transáliens colles: símilis est capreae, hinnulóque cervórum.



## AD NONAM.

Capitulum. *Cant. 2.*

**O**STENDE mihi faciē tuam, sonet vox tua in auribus meis : vox enim tua dulcis, et faciēs tua decora.

Per Octavam, omnia ut infra Oct. Nativit. B. M. V. praeter superius posita, et Lect. seq.

## UNICA DIE

infra Octavam Visitationis  
B. M. V.

Sermo sancti Petri  
Chrysologi.

Lectio iij. *Serm. 91.*

**S**EXTO mense suae matris exultat in útero Joānes, et in úterum Vírginis venisse nūntiat Christum. Fervens nūntius, qui ante gestívit nuntiāre, quam vívere. Impatiens dux, qui ántequam perveniret ad corpus, pervenit ad regem : ante rápuit arma, quam membra : ante áciem pétiit, quam lucem : et ut vínceret mundum, vicit ante natúram : et quia tardábat corpus, solo spírítu implet evangelizántis officium.

## DIE III. JULII.

B. Marci Mutinensis Conf.  
Ord. Praed.

Duplex. Oratio.

**D**EUS, qui per beátum Marcum Confessórem tuum, permultos errántes in viam justítiae redíre fecísti :

concéde, ut ejus intercessióne nos quoque a vítiis absolúti, ad aetérna gáudia perveníre felíciter valeámus. Per Dóminum.

In j. Nocturno, Lektionen Beátus vir. de Comm. Conf. non Pont. pag. lxiv.

In secundo Nocturno.

Lectio iv.



**B**EATUS Marcus, Mútnae ortus, statim ac divíno lúmine terrenárum rerum vanitátem perspéxit, mundo nūntium remíttre stáuit : ac quo tútius aetérnae suae salúti consúleret, Praedicatórum Ordinem ingressus est. Religiosae famíliae in pátrio coenóbio, Deo favénte, adscríptus, in id omne stúdiū, curámque convértit, ut paréntem ac magistrum suum divum Domínicum, pro suárum ratióne vírium, in se ipso exprímeret. Quocírca oratióni, rerúmque divinárum contemplatióni vacáre, vota sua Deo pie fidelitérque réddere, Institúti a se suscepti leges examússim implére, carnem suam afflígere, omniúmque virtútum genere ánimū exornáre nunquam déstitit. Et quóniam Ordinis, quem proféssus fúerat, finis potíssimus est, non própriam tantum, sed proximórum quoque salútem ardénti amóre deperíre : ut id facílius pleníusque assequerétur, cum morum innocentia, ac vitae sancti-

táte, litterarum praesertim divinarum stúdiū amíco foedere sociávit. Quo factum est ut magnos in doctrína ac virtúte profectus fécerit, atque ad apostólici viri munus rite obeúndum brevi témpore idóneus apparúerit.

Lectio v.

**E**VANGELIZANDI verbi Dei munus sibi a Superioribus concréditum álacri libentíque ánimo suscepit : quo quidem magno cum animarum fructu in complúribus Itáliae úrbibus perfúctus est. Nam quum sanctitátis et doctrínae laude praestáret, divinae eloquentiae vi, ac praecláris illibatae vitae exémpis, voce ipsa validióribus, et ingéntem hóminum multitudínem a vitiis revocatam ad veram christiánae vitae ratiónem tradúxit, et plúrimos ad melióra aemulánda charísmata inflammávit. Multa quoque et insígnia ópera plúribus in locis ad fidélium utilitátem confécit. Pisaurénsi Ordinis sui coenóbio Praeses datus, súbditis sibi frátribus clarissimarum splendóre virtútum praelúxit, ac sanctitátis suae opiniónem in ómnium cívium ánimis ita excitávit, ut eum tamquam Sanctum venerári coeperint.

Lectio vj.

**P**OST imménsos labóres pro Dei glória, Ecclesiæ, proximorumque salúte

exháustos, sénio tandem morboque confectus, Pisauri anno millésimo quadringentésimo nonagésimo oótavo, mensis Septémbris die vigésima prima, sanctitáte, méritis, illustribusque opéribus conspicuus, in Christi crucifixi amplexu, in quem praecipuo semper, ac singulári dum viveret ferebátur afféctu, pie sanctéque decéssit. Corpus ejus humilióri primum loco tumultatum, dein ad sacratíssimi Rosárii sacéllum, ac sub ejus ara reconditum fuit. Qua quidem in translatione, quem ab óbitu obtinúerat, christiáni pópuli cultus erga eum est auctus et in dies propagátus, atque ad haec usque témpora tradúctus. Quem cultum nunquam intermíssum Pius Nonus Póntifex Máximus ex sacrae Rítuum Congregatiónis consúlto probávit, atque ut beáti Marci festum cum Officio et Missa in toto Praedicatorum Ordine, nec non in dioecési Mutinénsi, et Nonantulanà celebrarétur, benigne concéssit.

In iij. Nocturno, Homilia in Evang. Sint lumbi. de Comm. pag. lxxvj.

Mem. SS. Processi et Martiniani Mart. in Laud.

Oratio.

**D**EUS, qui nos sanctórum Mátyrum tuórum Processi et Martiniani confessió-

nibus gloriósis circúmdas et prótegis : da nobis et eórum imitacióne profícere, et intercessióne gaudére. Per Dóminum.

## DIE VI. JULII.

Octava SS. Apostolorum  
Petri et Pauli.  
Solemnis.

### AD VESPERAS.

Psalmi et Aña super Psalm.  
de Oct. Apost.

Capit. **Jam non estis.** ut in  
Comm. Apost. pag. iij.

Hymnus. **Aurea luce.** ut in  
festo SS. Apost. Petri et Pauli,  
pag. 505.

**V. In omnem terram.**

Ad Magnificat, Aña. **Glo-  
riósi.** ut in Vesperis infra Oct.  
pag. 512.

Oratio.

**D**EU<sup>S</sup>, cujus dextera beá-  
tum Petrum ambulán-  
tem in flúctibus, ne mergeré-  
tur, eréxit : et Coapóstolum  
ejus Paulum tértio naufra-  
gántem de profúndo pélagi  
liberávit; exáudi nos propí-  
tius, et concéde, ut ambórum  
méritis aeternitátis glóriam  
consequámur : Qui vivis.

Mem. de Octava Visitationis.

### AD MATUTINUM.

Invitorium. **Gaudéte.**

Hymnus. **Aurea. Jánitor.**  
Sit. pag. 505.

Psalmi, Añae, **VV. R. R.** de  
Communi Apost. pag. v.

In secundo Nocturno.

Sermo sancti Joánnis  
Chrysóstomi.

*Apud Metaphr. mense Jun.*

Lectio iv.



**C**UASNAM vobis, o  
beáti Apóstoli, refe-  
rémus grátias, qui  
tantum pro nobis  
laborástis? Mémini tui, Petre,  
et obstupésco : recórdor tui,  
Paule, et excédens mente, óp-  
primor lácrymis. Quid enim  
dicam, aut quid loquar, vestras  
contémplans afflictiónes, né-  
scio. Quot cárceres sanctifi-  
cástis? quot caténas decorástis?  
quot torménta sustinuístis?  
quot maledícta tolerástis? quó-  
modo Christum portástis? quó-  
modo praedicatióne Ecclésias  
laetificástis? Sunt benedícta  
vestrae linguae instruménta :  
sángine conspérsa sunt mem-  
bra vestra propter Ecclésiam.

Lectio v.

**G**AUDEAS, Petre, cui  
datum est, ut ligno crucis  
Christi frueréris. Et ad Magí-  
stri quidem similitúdinem vo-  
luísti crucifigi, non recta qui-  
dem figúra, ut Christus Dó-  
minus, sed cápite in terram  
verso, tamquam qui a terra in  
caelum iter fáceres. Beáti clavi,  
qui sancta illa membra pene-  
trárunt. Tu cum omni fidúcia  
in manus Dómini ánimam  
tradidísti, qui assídue ei, et  
ejus sponsae Ecclésiae serví-  
sti, qui fervénti spírítu Dómi-

num dilexisti, ómnium Apostolorum fidelissimus.

Lectio vj.

**G**AUDEAS et tu, beate Paule, cui caput fuit ense amputatum, cujus virtutes nullis verbis explicari possunt. Quisnam gladius sanctum guttur tuum pervasit, dominicum, inquam, instrumentum, quod a caelo habetur in admiratione, et quod terra reveretur? Quisnam locus tuum sanguinem excipit, lactis specie in ejus, qui te percussit, tunica apparentem? Qui animam illius barbari supra modum dulciorem reddens, fidelem effecit cum sociis. Sit mihi gladius ille pro corona, et clavi Petri pro gemmis infixis in diademate.

In tertio Nocturno.

Lectio sancti Evangelii secundum Matthaeum.

Lectio vij.

Cap. 14.

**I**N illo tempore: Compulit Jesus discipulos ascendere in naviculam, et praecedere eum trans fretum, donec dimitteret turbas. Et reliqua.

Homilia sancti Augustini  
Episcopi.

Serm. 14. de verbis Domini.

**Q**UAM sanctum Evangelium legeretur, audivimus naviculam periclitantem, Christum periclitantibus subvenientem, Petrum venienti Chri-

sto occurrentem. In quibus omnibus miraculum spectavimus: mysterium requiramus. Quando enim possumus de divinis operibus, quae leguntur, intellectum alicujus mysticae significationis exsculpere, quasi de abstrusis favorem cellis mella producimus: vel Christi discipulos imitantes, spicas manibus confricamus, ut ad latentia grana perveniamus.

Lectio viij.

**A**SCENDIT ergo Dominus noster Jesus Christus in montem solus orare. Mons altitudo est. Quid enim in hoc mundo altius caelo? Quis vero in caelum ascendit, novit optime fides vestra. Cur autem solus ascendit? Quia nemo ascendit in caelum, nisi qui descendit de caelo, Filius hominis, qui est in caelo. Quamvis et in fine, cum venerit, et nos omnes membra sua colligerit, ac levaverit in caelum, etiam tunc solus ascendet: quia caput cum corpore suo, unus est Christus.

Lectio ix.

**N**UNC ipse ascendit solus orare, quia ascendit ad Patrem pro nobis interpellare. Verumtamen, carissimi, dum ille orat in excelsis, navicula turbatur fluctibus in profundo. Quia insurgunt fluctus, potest illa navicula turbari: sed quia Christus orat, non potest mergi.

Navículam istam, fratres, Ecclesiám cogitáte : turbuléntum mare, hoc saeculum. Quando áliquis ímpiae voluntátis, máximae potestátis, persecutió-nem indícit Ecclesiáe, super navículam Christi grandis unda consúrgit. Sed in his tentatió-nibus erigátur anténna, ut, suspénsa árbori, crucem figúret. Hanc Christiánus respiciat, ut non deficiat.

## IN LAUDIBUS,

Et ad Horas, Añae, Capitula et R̃R̃. de Comm. Apost. pag. xv.

Hymnus. Olívae. Sit Trinitáti. ut in festo SS. Apostolorum Petri et Pauli, pag. 505.

## V. Annuntiavérunt.

Ad Benedictus, Aña. Petrus Apóstolus, et Paulus Doctor Géntium, ipsi nos docuerunt legem tuam, Dómine.

## AD VESPERAS.

Super Psalm. Aña. Hoc est. j. Laud.

Psalmi de Apost. Capitulum, Hymnus et V. ut in j. Vesperis.

Ad Magnificat, Aña. Isti sunt duae olívae, et duo candelábra lucéntia ante Dóminum : habent potestátem cláudere caelum núbibus, et aperíre portas ejus : quia linguae eórum claves caeli factae sunt, allelúia.



## DIE VII. JULII.

B. Benedicti XI.

Papae et Conf. Ord. Praed.

Duplex. Oratio.

**D**EUS, qui beátum Benedictum Pontíficem tuum benedictiόνis tuae grátia sublevásti ad caelum : pópulum tuum, quaesumus, nova benedictiόνis grátiae tuae sanctifica; et a cunctis malis imminéntibus, ejus méritis et precibus, tua nos virtúte defénde. Per Dóminum.

In j. Nocturno, Lectiones Fidélis sermo. de Comm. Conf. Pont. pag. liij.

In secundo Nocturno.

Lectio iv.



**B**ENEDICTUS Undécimus, ex honesta Boccasinórum família Tarvisii natus, anno aetátis décimo quarto Praedicatorum institútum ampléxus est : in quo humanis divinisque stúdiis quatuórdecim annis impénse vacávit, totidémque summa cum eruditiónis laude privátim ac públice dócuit. Sanctitátis et prudéntiae fama conspícuus, per vários gradus et dignitátes Ordinis ad supréum ejus Magistérium evéctus est : quo in múnere céteris exémplo praelúcens, disciplínam mirífice fovit, ac brevi témpore Ordinem ipsum amplificávit. Illius ópera Bonifácio Octá-

vus in pacificándis Galliárum et Británniae régibus feliciter usus, lustrándis commíssis sibi provinciis in Gállia peregrinántem, sanctae Románae Ecclesiae Cardinalem Presbyterum creávit, atque ad Urbem accítum, in Pannóniam Legátum designávit : ubi tres príncipes de regni illius successióne contendéntes, mira dextérité compósuit.

## Lectio v.

**P**ACATA Hungária, Romanam revérsus, Bonifácio Anágniae circumvénto, inter hóstium minas et invasiones fórtiter ástitit, haesítque indivúlse, réliquis ferme ómnibus ab eo fugiéntibus. Mox eódem Pontífice humanis rebus exémpo, in Petri sedem mira Patrum consensióne sufféctus est. In eo dignitátis fastígio, ab omni fastu prorsus aliénus, demissionem ádeo cóluit, ut addúctam ad se matrem adhuc supérstitem, paulo splendídius, ut decére videbátur, ornátam, a se dimíserit tamquam non suam : mox vero natívo atque humilióre cultu vestítam peramánter amplexátus, honorífice hábuit. Violatae in praedecessóre suo Pontificiae dignitátis auctóres anathémate mulctávit; ab illo autem sevérius hábitos, prístinis honóribus restitútos, in véniam et grátiam recépit. Pacándis Itáliae provinciis, Guelphórum et

Gibellinórum, Albórum et Nigrórum factiónibus misérime divexátis, Nicoláum Cardinalem Praténsem Ordinis Praedicatórum a látere Legátum creávit : eumdémque in Angliam, Scótiám, et Hiberniam ad conciliándos reges et príncipes ire jussit.

## Lectio vj.

**P**ACIS studiosíssimus, eam náviter promovít, tum in Germánia, cui intestínis dissídiis laboránti praesto fuit, cum in Sicília, quam, sublato interdícto, communióni restítuit. Sed et Galliárum regni cum Apostólica sede concórdiam, paulo ántea gravíssime laesam, feliciter instaurávit. In Oriéntem étiam, aliásque schismaticórum provincias, Apostolicae mentis curas porréxit, et Martíno Archiepísopo Antibarénsi disciplínae ecclesiasticae restauratiónem impénse commendávit. Sérviae regem Orósium ad ejurándum schisma lítteris amantíssimis excitávit. Syriae demum ac Palaestínae recuperándae inténtum, alíaque ad religiónis incrementum cogitántem atque moliéntem, commúnis necéssitas praevénit. Mórtuus est Perúsii anno millésimo trecentésimo quarto, nono Pontificátus mense nondum expléto : humilíque, ut ipse jússerat, loco apud Fratres suos Praedicatóres ibi cónditus est, miráculis statim

post óbitum clarus. Cultum ab immemorábili témpore ei delátum Clemens Duodécimus aprobávit : utque ejus festum cum Offício et Missa sub ritu Dúplici in univérso Praedicatorum Ordine, atque a clero Tarvisíno et Perusíno celebrárétur, indúlsit.

In iij. Nocturno, Homilia in Evang. **Homo péregre.** ut in Comm. Conf. Pont. pag. lxj.

### DIE IX. JULII.

SS. Joannis Ord. Praed.  
et soc. Mart. Gorcomiensium.  
Totum Duplex.

#### AD VESPERAS.

Super Psalm. Aña. **Lauda Deum tuum, Sion, quóniam benedíxit fíliis tuis in te : ecce vénient in vestiméntis justítiae, et coróna áurea super caput eórum.** Psalm. **Laudáte púeri.** cum ceteris, pag. j.

Capitulum. *Apoc. 12.*



**ANCTI** vicérunt propter sánguinem Agni, et propter verbum testimónii sui, et non dilexérunt ánimas suas usque ad mortem.

Ry. ix. **Audíta est.** pag. 535.

Hymnus.

**MARTYRUM** virtus, valídumque robur,  
Palma victórum, decus, et coróna,  
Christe Rex, tanti mémorum triúmphí  
Vócibus adsis.

Hac die sacra pópulus  
fidélis  
Mílites Christi, fídei colúmnas,  
Agmen invíctum, celebráre  
digno

Cármine gestit.

Inter hos noster júbilans  
triúmphum

Ordo praeclári récolit Joánnis,  
Qui suam pastor bonus im-  
molávit

Pro grege vitam.

Férvidi sacro pietátis igne,  
Pábulum praebent pópulo sa-  
lútis :

Nec minae terrent : Deus ipse  
corda

Próvidus afflat.

Sit Patri virtus, honor et  
potéstas,

Fílio sit laus párilis per aevum,  
Flámini sancto résonent per-  
énni

Cántica voce. Amen.

V. Ora pro nobis beáte  
Joánnes cum sóciis tuis.

Ad Magnificat, Aña. In po-  
téntia bráchii tui, Dómine,  
dispérgens supérbos, respexí-  
sti humilitátem servórum tuó-  
rum : et ecce beátos eos dicent  
omnes generatiónes.

Oratio.

**DEUS**, qui beatórum Már-  
tyrum tuórum Joánnis  
et sociórum ejus, gloriósum  
pro fide tua certámen aeterni-  
tátis láurea decorásti : con-  
céde propítius, ut eórum méri-  
tis et imitatióne certántes in  
terris, cum ipsis coronári

mereámur in caelis. Per Dóminum.

Deinde fiat Mem. de Oct. Simpl. Visitat. in utrisque Vesperis et Laudibus.

AD MATUTINUM.

Invitatorium. Deum, qui suos Mártyres aetérnis corónis decorávit, \* Veníte adorémus.

Hymnus.

**H**AERESUM surgunt  
nova monstra : crescit  
Mílitum Christi píetas et ardor,  
Scútaque invíctae fídei tenén-  
tes,

Fórtiter instant.

Tu Deus, clamant, hómini  
parásti

Caelicum panem, solidáque in  
arce,

Christe, tu Petro fídei dedísti  
Esse magístrum.

Jam phalanx pergit gene-  
rósam morti

Obviam; Jesum vocat hic,  
Mariam

Alter implórat, moriénte ma-  
trem

Ore salútans.

Sic diem fortes óbeunt su-  
prémum,

Hostis insáni fera vis triúm-  
phat,

Membra spargúntur temeráta,  
terram

Sanguis inúndat.

Sit Patri. etc. ut in j. Ve-  
speris.

In primo Nocturno.

Aña. Non abiérunt in con-  
sílio impiórum : sed in lege

Dómini fuit volúntas eórum.  
Psalmi de Comm. plur. Mart.  
pag. xxxv.

Aña. Super Sion montem  
sanctum Dómini praedicábant  
praecéptum ejus.

Aña. Oculi Dómini in páu-  
peres respíciunt : quóniam  
justus Dóminus et justítias  
diléxit.

℟. Laetámini in Dómino.

De libro Sapiéntiae.

Lectio j.

Cap. 3.



**H**USTORUM ánima  
in manu Dei sunt, et  
non tanget illos tor-  
méntum mortis. Visi  
sunt óculis insipiéntium mori :  
et aestimáta est afflíctio éxitus  
illórum : et quod a nobis est  
iter, extermínium : illi autem  
sunt in pace. Et si coram  
homínibus torménta passi  
sunt, spes illórum immorta-  
litáte plena est. In paucis  
vexáti, in multis bene dispo-  
néntur : quóniam Deus tentá-  
vit eos, et invénit illos dignos  
se. Tamquam aurum in for-  
náce probávit illos, et quasi  
holocáusti hóstiam accépit  
illos, et in témpore erit respé-  
ctus illórum. Fulgébunt justí,  
et tamquam scintíllae in arun-  
dinéto discúrrunt. Judicábunt  
natiónes, et dominabúntur  
pópulis, et regnabit Dóminus  
illórum in perpétuum.

℞. Obtulérunt hóstiam lau-  
dis semper Deo, fructum labi-  
órum confiténtium nómini ejus :



Ideo in perpétuum coronáti triúphant. *V.* Justórum sémita, quasi lux splendens, procedit et crescit usque in perpétuam diem. Ideo.

Lectio ij.

Cap. 5.

**N**UNC stabunt iusti in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horríbili, et mirabúntur in subitatióne insperátae salutis, dicéntes intra se, poenitentiam agéntes, et prae angústia spíritus geméntes. Hi sunt quos habúimus aliquándo in derisum, et in similitúdinem improperii. Nos insensáti vitam illórum aestimabámus insániam, et finem illórum sine honóre : ecce quómodo computáti sunt inter filios Dei, et inter sanctos sors illórum est. Ergo errávimus a via veritátis, et justítiae lumen non luxit nobis, et sol intelligéntiae non est ortus nobis. Lassáti sumus in via iniquitátis et perditiónis, et ambulávimus vias difíciles, viam autem Dómini ignorávimus.

*R.* Viri sancti majóres divítias aestimavérunt thesauro peccatórum improperium Christi : \* Aspiciébant enim in remuneratióne. *V.* Magis eligéntes afflígi cum pópulo Dei, quam temporális peccáti habére jucunditatem. Aspiciébant.

Lectio iij.

**M**ALIA dixerunt in inférno hi, qui peccavérunt : quóniam spes ímpii tamquam lanúgo est, quae a vento tollitur : et tamquam spuma grácilis, quae a procélla dispérgitur : et tamquam fumus, qui a vento diffúsus est : et tamquam memória hóspitis unús diéi praetereúntis. Iusti autem in perpétuum vivent, et apud Dóminum est merces eórum, et cogitatio illórum apud Altíssimum. Ideo accipient regnum decóris, et diadéma speciéi de manu Dómini : quóniam dextera sua teget eos, et bráchio sancto suo défendit illos.

*R.* Ecce inimíci tui, Dómine, sonuérunt, et qui odérunt te, extulérunt caput advérsus sanctos tuos. \* Si Deus pro nobis, quis contra nos? *V.* Confitébimur tibi Deus, confitébimur, et narrábitur nomen tuum. Si. Glória Patri. Si.

In secundo Nocturno.

*Añ.* Habitábunt in tabernáculo Dei, et requiescent victóres in monte sancto ejus.

*Añ.* Dóminus pars hereditátis eórum, et cálicis eórum : ipse est qui restítuit hereditátem eis.

*Añ.* Ascéndent in montem Dómini, et stabunt in loco sancto ejus : et accipient benedictiónem a Dómino.

*V.* Exsúltent iusti.

## Lectio iv.



**S**AECULUM decimum sextum, Calvinianae pravitatis tumultibus memorabile, insigne christianae fortitudinis in Belgio tulit exemplum. Novemdecim quippe Martyres, vulgo Gorcomienses ex passionis loco dicti, pro asserenda reali corporis Christi in Eucharistia praesentia, ac Romani Pontificis primatu, gloriose certarunt. Hos inter enstuit beatus Joannes Germanus Ordinis Praedicatorum, vitae sanctitate, ac litteris commendabilis. Cum enim Superiorum nutu Hornariensem parochiam in Hollandia administraret, ac pro muneri debito conjectos in carcerem pro causa fidei, Parochos, Religiosos, aliosque curae suae commissos fideles inviseret, ac Sacramenta ministraret, in eundem ipse conjectus est.

R. Accingimini, et estote filii potentes, ut pugnatis  
\* Adversus nationes, quae conveniunt disperdere nos et sancta nostra. V. Deus noster refugium et virtus : in ipso speravit cor nostrum, et adjuti sumus. Adversus.

## Lectio v.

**V**ARIIS subinde ludibriis, tormentis, plagis atrocissime per dies noctesque plurimas exagitata fuit ipsius, et reliquorum piorum constan-

tia, si quo modo adduci posset ad ejurandam praecipue Christi realem in Eucharistia praesentiam, et Romani Pontificis obedientiam sacrilege abdicandam. Sed ut patuit, his terriculamentis frangi non posse viri fortitudinem, cum ceteris ejusdem agonis invictis commilitonibus, ligatus ac seminudus Brilam adducitur, ad martirium extremo supplicio consummandum. In eo itinere una cum sociis incredibilia passus a militibus, nautis, et haeretica plebe, tandem appensus trabi, hostia Christi promeruit effici victor gloriosus.

R. In mortem tradimur propter Jesum, sed non angustiamur : id enim, quod in praesenti est momentaneum et leve tribulationis nostrae, supra modum in sublimitate \* Aeternum gloriae pondus operatur in nobis. V. Non enim sunt condignae passionis hujus temporis ad futuram gloriam, quae revelabitur in nobis. Aeternum.

## Lectio vj.

**P**ASSI sunt praeclari Martyres nona Julii circa noctis medium, anno millésimo quingentésimo septuagésimo secundo. In eorundem cadavera saevitum a carnificibus, dissecuerunt costas, scrutati sunt adipem, sparserunt viscera. Sed Martyrum suorum nobilem triumphum approbarunt caeli miraculis.

Inter haec istud singuláre, quod e loco supplícii germinávit amoenus frutex, tótidem onústus candidíssimis flósculis, quot illic Mártyres certárant pro fidei coróna. Quibus rite examinátis, Clemens Décimus Póntifex Máximus Joánnem, cum resíduis octódecim sodálibus, adscrípsit Beatórum catálogo, et anniversárium deinceps tantae victóriæ festum solémniter celebrári concéssit. Sed horum Mártyrum causa íterum apud Apostólicam sedem propósita, Pius Nonus Póntifex Máximus solémni ritu in basílica Vaticána, die sacra Apostolórum Príncipibus, ad cujus saeculária solémnia celebránda Cardinales atque Epíscopi ex toto cathólico orbe convénierant, Joánnem cum sóciis Sanctórum albo accénsuit anno millésimo octingentésimo sexagésimo séptimo.

Rz. Moriámur omnes in simplicitate nostra : \* Et testes erunt super nos caelum et terra, quod injúste pérditis nos. V. Sicut autem fúerit volúntas in caelo, sic fiat. Et. Glória Patri. Et.

In tertio Nocturno.

Añá. Oculi Dómini super justos, ut éruat a morte ánimas eórum.

Añá. Juxta est Dóminus iis qui tribuláto sunt corde, et húmiles spírítu salvábit : réd-

imet Dóminus ánimas servórum suórum.

Añá. Dóminus virtútum nobíscum : suscéptor noster Deus Jacob.

V. Justi autem.

Léctio sancti Evangélíi secúndum Lucam.

Léctio vij.

Cap. 6.

**I**N illo témpore : Dixit Jesus discípulis suis : Beátí éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Et réliqua.

Homilía sancti Augustíni Epíscopi.

*De Sermone Domini.*



**A**NIMADVERTAT, quisquis delicias hujus saeculi, et facultates rerum temporalium quaerit in nómine christiáno, intrínsecus esse beatitudinem nostram : sicut ore prophético dicitur : Omnis pulcritúdo filiae regis intrínsecus. Nam extrínsecus maledícta, et persecutiónes, et detractiões promittúntur : de quibus tamen magna merces est in caelis, quae sentítur in corde patiéntium, eórum qui jam possunt dícere : Gloriámur in tribulatió nibus, sciéntes quóniam tribulatio patiéntiam operátur, patiéntia autem probatió nem, probatio vero spem : spes autem non confúndit, quia

cáritas Dei diffúsa est in córdibus nostris per Spíritum sanctum, qui datus est nobis. Non enim ista pérpeti, fructuósum est; sed ista pro Christi nómine, non solum aequo ánimo, sed étiam cum exultatióne toleráre.

R. Exhibuérunt córpora sua hóstiam vivéntem, sanctam, Deo placéntem \* In odórem suavitátis. V. Humiliavérunt in compédibus pedes suos, ferrum pertránsiit ánimam eórum. In odórem.

Lección viij.

**G**AUDETE, inquit, et exultáte : quóniam merces vestra multa est in caelo. Non hic caelos dici puto, superiores partes hujus visíbilis mundi. Non enim merces nostra, quae inconcússa et aetérna esse debet, in rebus volubílibus et temporálibus collocánda est. Sed in caelis dictum puto, in spiritálibus firmaméntis, ubi hábitat sempitérna justitia : in quorum comparatióne terra díctur ánima iníqua, cui peccánti dictum est : Terra es, et in terram ibis. De his caelis dicit Apóstolus : Quóniam conversátió nostra in caelis est.

R. Scimus, quóniam si teréstris domus nostra hujus habitatiónis dissolvátur, \* Quod aedificatióne ex Deo habémus, domum non manufáctam, aetérnam in caelis.

V. Non contemplántibus quae vidéntur, sed quae non vidéntur. Quod.

Lección ix.

**S**ENTIUNT ergo jam istam mercédem, qui gaudent spiritálibus bonis : sed tunc ex omni parte perficiétur, cum étiam hoc mortále indúerit immortalitátem. Ita enim persecúti sunt, inquit, et Prophétas, qui ante vos fuérunt. Nunc persecutióne generáliter pósuit, et in maledíctis, et in dilaceratióne famae : et bene exémplo adhortátus est : quia vera dicétes solent persecutióne pati; nec tamen ídeo Prophétæ antíqui timóre persecutiónis a veritátis praedicatióne defecerunt.

R. Audíta est quasi vox turbárum multárum in caelo dicéntium : Allelúia : \* Salus et glória et virtus Deo nostro In saecula saeculórum. V. Quia vera et justa sunt judícia ejus : et vindicávit sánguinem servórum suórum. Salus. Glória Patri. In saecula.

Ante Laudes, V. Ora pro nobis beáte Joánnes cum sóciis tuis.

IN LAUDIBUS.

Aña. Induit Dóminus sanctos suos fortitúdine, et testimónia ejus credibília facta sunt nimis. Ps. Dóminus regnávit. cum ceteris, pag. xj.

Aña. Oves páscae Dómini introiérunt portas ejus in

confessione, et átria ejus in hymnis.

Añá. Lábiis exsultatiónis laudábunt Dóminum : obstrúctum est os loquéntium iníqua.

Añá. Benedícite sacerdótes Dómini Dóminum : laudáte et superexaltáte eum in saecula.

Añá. Exsultábunt sancti in glória, et laetabúntur in cubilibus suis.

Capit. Sancti. ut in Vesperis.

Hymnus.

**D**OCTE jam pulsa, rutilántis astri  
Splendor illústrat púgilum triúmphos,

Qui modo in campo cecidére fortes

Gorcomiénsi.

Astra conscéndunt : Deus ipse laetos

Excípit caeli dómibus, supréma

Luce donándos, Deus ipse merces

Factus in aevum.

Plaudit et tellus, celebrátque sanctum

Mártyrum nomen; vólitat per oras

Fama victórum, meritósque digna

Laude repéndit.

O triumpháli redimíta serto

Mártyrum Christi veneránda proles!

Huc tuis adsis memor, ac poténti

Nos prece salva.

Sit Patri virtus, honor et potéstas,

Fílio sit laus párilis per aevum,  
Flámini sancto résonent per énni

Cántica voce. Amen.

Ÿ. Mirábilis Deus.

Ad Benedictus, Añá. Dóminus Deus Israël visitávit et fecit redemptiόνem servórum suórum : glorificávit nomen eórum in aetérnum, et eréxit cornu salútis nobis.

Ad Tertiam, Capit. Sancti. ut supra. R7R7. Horar. ut in Comm. plur. Mart. pag. xlv.

AD SEXTAM.

Capitulum.

Sap. 5.

**I**USTI accípiant regnum decóris, et diadéma speciéi de manu Dómini : quóniam délixtera sua teget eos, et bráchio sancto suo deféndet illos.

AD NONAM.

Capitulum.

Hebr. 12.

**A**CCESSISTIS ad Sion montem, et civitátem Dei vivéntis, Jerúsalem caeléstem, et multórum míllium Angelórum frequéntiam, et Ecclésiám primitivórum, qui conscripti sunt in caelis.

AD VESPERAS.

Super Psalm. Añá. Induit Dóminus. j. Laud. Psalmi de Comm. plur. Mart. pag. xlv.

Capit. Hymnus et Ÿ. ut in j. Vesp.

Ad Magnificat, Añá. Exaltávit Dóminus húmiles servos

suos, et suscepit eos in tabernacula sancta, recordatus misericordiae suae.

Per Octavam, ad Benedictus et Magnificat, Añae ut in die.

## DIE X. JULII.

Ad Mem. in j. Vesp. et Laud. SS. Septem fratrum Mart.

Oratio.

**P**RAESTA, quaesumus omnipotens Deus : ut qui gloriosos Mártyres fortes in sua confessione cognovimus, pios apud te in nostra intercessione sentiamus. Per Dóminum.

## DIE XI. JULII.

Ad Mem. in j. Vesperis et Laudibus S. Procopii Abb.

Oratio.

**I**NTERCESSIO nos, quaesumus Dómine, beati Procopii Abbátis commendet : ut quod nostris méritis non valémus, ejus patrocínio assequámur. Per Dóminum.

## DIE XII. JULII.

S. Joannis Gualberti Abbatis. Duplex.

Oratio.

**I**NTERCESSIO nos, quaesumus Dómine, beati Joannis Abbátis commendet : ut quod nostris méritis non valémus, ejus patrocínio assequámur. Per Dóminum.

In secundo Nocturno.

Lectio iv.



**IOANNES** Gualbertus Floréntiae nobili genere ortus, dum patri obsequens rem militarem sequitur, Ugo, unus ejus frater, occiditur a consanguíneo : quem cum solum et inermem sancto Parascéves die Joánnes armis ac militibus stipatus obvium haberet, ubi neuter alterum poterat declinare, ob sanctae crucis reverentiam, quam homicida supplex, mortem jamjam subiturus, brachiis signabat, vitam ei clementer indulget. Hoste in fratrem recepto, proximum sancti Miniátis templum oraturus ingreditur, ubi adoratam Crucifixi imaginem caput sibi flectere conspicit. Quo mirabili facto permotus Joánnes, Deo exinde, etiam invito patre, militare decernit, atque ibidem propriis sibi manibus comam totondit, ac monasticum habitum induit : adeoque piis ac religiosus virtutibus brevi coruscet, ut multis se perfectionis specimen ac normam praeberet; ita ut ejusdem loci Abbate defuncto, communi omnium voto in Superiorem eligeretur. At Dei famulus, cupiens subesse potius, quam praeesse, ad majora divina voluntate servatus, ad Camaldulensis eremi incolam Romualdum proficiscitur : a quo caeli-

cum sui Institúti vaticínium áccipit : tum suum Ordinem sub régula sancti Benedícti apud Umbrósam vallem instítuit.

Lectio v.

**D**EINDE plúrimis ad eum, ob ejus sanctitátis famam, úndique convolántibus, una cum iis in sócios adscítis, ad haeréticam et simoníacam pravitatém exstirpándam, et Apostólicam fidem propagándam sédulo incúmbit, innúmera proptérea in se et suis incómmoda expértus. Nam ut eum ejúsque sócios adversárii perdant, noctu sancti Sálvii coenóbium repénite aggrediúntur, templum incéndunt, aedes demoliúntur, et mónachos omnes letáli vúlneré saúcient; quos vir Dei único crucis signo incólumes prótinus reddit : et Petro ejus mónacho per imménsam ardentissimúmque ignem illaeso mirabíliter trans-eúnte, optátam sibi et suis tranquillitátem óbtinet. Inde simoníacam labem ab Etrúria expulit, ac in tota Itália fidem prístinae integritáti restítuit.

Lectio vj.

**M**ULTA fúnditus eréxit monastéria, eadémque et ália aedificiis ac regulári observántia instauráta, sanctis légitibus comunívit. Ad egénos aléndos sacram supelléctilem véndidit. Ad ímprobos coércéndos eleménta sibi famulári

conspéxit. Ad daemones compriméndos crucem quasi ensem adhíbuit. Demum abstinéntiis, vigíliis, jejúniis, oratióibus, carnis maceratióibus, ac sénio conféctus, dum infírma valetúdine gravarétur, Davídica illa verba persaepe repetébat : Sitívit ánima mea ad Deum fortem vivum : quando véniam, et apparebo ante faciém Dei? Jamque morti próxímus, convocátos discípulos ad fratérnam concórdiam cohortátur, et in brevículo, cui consepelíri vóluit, jussit haec scribi : Ego Joánnes credo et confíteor fidem, quam sancti Apóstoli praedicavérunt, et sancti Patres in quátuor Concíliis firmavérunt. Tandem triduáno Angelórum obséquio dignátus, septuagésimum octávum annum agens, apud Passiniánum, ubi summa veneratióne cólitur, migrávit ad Dóminum, anno salutis millésimo septuagésimo tértio, quarto Idus Júlii. Quem Caelestínus Tértius, innúmeris miráculis clarum, in Sanctórum númerum rétulit.

In tertio Nocturno.

Lectio sancti Evangelii secundum Matthaeum.

Lectio vij.

Cap. 5.

**I**N illo témpore : Dixit Jesus discípulis suis : Audístis quia dictum est : Diliges próximum tuum, et odio habébis inimicum tuum. Et reliqua.

Homilía sancti Hierónymi  
Presbyteri.

*Lib. I. Comm. in Matth. c. 5.*



**G**O autem dico vobis : Dilígite inimícos vestros : benefácite iis, qui odérunt vos. Multi praecepta Dei imbecillitate sua, non sanctorum viribus aestimantes, putant esse impossibilia, quae praecepta sunt, et dicunt sufficere virtutibus, non odísse inimícos : céterum dilígere plus praecipi, quam humana natura patiátur. Sciéndum est ergo, Christum non impossibilia praecipere, sed perfectá. Quae fecit David in Saul, et in Absalom : Stéphanus quoque martyr pro inimícis lapidántibus deprecátus est; et Paulus anáthema cupit esse pro persecutóribus suis. Haec autem Jesus et dócuit, et fecit, dicens : Pater, ignósce illis : quod enim faciunt, nesciunt.

Lectio viij.

**I**N réliquis opéribus bonis intérdum potest áliquis qualemcúmque excusatióem praeténdere : ad habéndam vero dilectiódinem nullus se póterit excusáre. Potest mihi áliquis dícere : Non possum jejunáre; numquid potest dícere : Non possum amáre? Potest áliquis dícere : Virginitátem non possum serváre; non possum res totas véndere, et paupéribus erogáre; numquid potest dícere : Non possum dilígere inimícos?

Lectio ix.

**N**ON enim ibi aut pedes labórant curréndo, aures audiéndo, aut manus operándo laxántur, ut nos per ipsam excusatióem liberáre conémur. Non nobis dícitur : Ite ad Oriéntem, et quaerite caritátem : navigáte ad Occidéntem, et inveniétis dilectiódinem. Intus in nostro corde est, ubi redíre jubémur, dicénte Prophéta : Redíte praevaricatóres ad cor. Non enim in longínquis regiónibus invenítur, quod a nobis pétitur.

DIE XIII. JULII.

B. Jacobi a Voragine Episc.  
et Conf. Ord. Praed.

Duplex.

Oratio.

**D**EUS, qui beátum Jacobum Confessórem atque Pontíficem, exímium veritátis praecónem, et pacis conciliatórem effecísti : ejus nobis intercessióne concéde, ut pacem et veritátem diligámus; et ad te, in quo pax summa est, et pura véritas, perveniámus. Per Dóminum.

In j. Nocturno, Lectiones  
Fidélis sermo. de Comuni  
Conf. Pont. pag. liij.

In secundo Nocturno.

Lectio iv.



**J**ACOBUS a natáli solo, quod est oppídum dioecésis Savonénsis, a Vorágine dictus, ineúnte adolescéntia



Génuae Praedicatorum Ordini nomen dedit, magnosque brevi in pietate progressus fecit. Singularem vero doctrinam cum vitae sanctitate conjunxit. Nam liberalibus disciplinis, et divinis maxime litteris excultus fuit, ut omnibus admirationi esset. Assidua sanctorum Patrum lectione delectabatur, in primis sancti Augustini, cujus illustriores sententias memoriae infixas tenebat: plurimum etiam alios doctrina sua adjuvit: nam et de rebus divinis domi privatim scholam habuit, et in praecipuis Italiae urbibus concionatoris munus gessit, magnamque morum mutationem, Deo adjuvante, in populo induxit, multosque voluptati deditos ad amorem virtutis inflammavit.

## Lectio v.

**D**EINDE, cum Jacobo praefectura suae provinciae demandata fuisset, adeo laudabiliter se gessit, ut raro exemplo ad plures annos prorogata illi fuerit. Ab ea autem administratione expeditus, Genuam venit cum mandatis Honorii Quarti Romani Pontificis, ibique negotium sibi impositum ita confecit, ut magnam a Genuensibus inferit gratiam. Ipsis igitur postulantibus, a Nicolao Quarto, qui Honorio successerat, Archiepiscopus Genuensis renunciatus est. Nihil autem prius habuit, quam

ut partes omnes perfecti pastoris expleret. Coacto provinciarum Episcoporum concilio, fractam superiorum temporum licentia disciplinam reparavit. Sanctorum cultum summo studio amplificavit, sacrasque reliquias honore debito asservari providit.

## Lectio vj.

**G**ENUENSES jam ab annis quinquaginta in geminas factiones divisos, eloquentia, pastoralis sollicitudine, et dexteritate in concordiam, interposita juramenti religione confirmatam, revocavit. Frugi ipse et sobrius, Ecclesiae patrimonium in pauperes erogabat, praesertim vero ut in magna annonae caritate eos aleret, et publici nosocomii necessitatibus succurreret. Inter haec et alia pietatis et religionis officia, ab inito Episcopatu annos sex, menses quatuor, dies quindecim cum transegisset, Idibus Julii, anno millésimo ducentésimo nonagésimo octavo, prope septuagenarius pretiosam justorum mortem obiit: cujus sacrae exuviae subtus aram maximam ecclesiae sancti Domínici posita fuérunt, et usque ad annum millésimum septingentésimum nonagésimum octavum asservatae, postea translatae ad ecclesiam sanctae Mariae de Castélllo Ordinis Praedicatorum, ubi etiam nunc a fidelibus in summa venera-

tióne habéntur. Religiosum cultum, et Beáti título, quem jam ab óbitu obtínuit, rite probátum Pius Séptimus Póntifex Máximus confirmávit; qui étiam indúlsit, ut ab univérso Praedicatórum Ordine, et a clero tam saeculári, quam regulári cum dioecésis Genuénsis, tum Savonénsis, beáti Jacóbi festum cum Missa et Officio sub ritu Dúplici quotánnis celebrétur.

In iij. Nocturno, Homilia in Evang. *Homo peregere.* de Comuni Conf. pag. lxj.

## DIE XIV. JULII.

S. Bonaventurae Episcopi et Conf. ac Doct. Ecclesiae.

Totum Duplex.

Oratio.

**D**EUS, qui pópulo tuo aetérnae salútis beátum Bonaventúram minístrum tribuísti : praesta quaesumus, ut quem doctórem vitae habuimus in terris, intercessórem habére mereámur in caelis. Per Dóminum.

In primo Nocturno.

De libro Ecclesiástici.

Lectio j.

Cap. 39.



**S**APIENTIAM ómnium antiquórum exquíret sapiens, et in prophétis vacábit.

Narratióem virórum nominatórum conservábit, et in versútiis parabolárum simul intro-

íbit. Occúlta proverbiorum exquíret, et in absconditis parabolárum conversábitur. In médio magnatórum ministrábit, et in conspéctu praesidis apparebit. In terram alienigenárum géntium pertránsiet : bona enim et mala in homínibus tentábit.

Lectio ij.

**C**OR suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spíritu intelligéntiae replébit illum : et ipse tamquam imbres mittet elóquia sapiéntiae suae, et in oratióne confitébitur Dómino : et ipse díriget consílium ejus, et disciplínam, et in absconditis suis consiliábitur.

Lectio iij.

**I**PSE palam fáciat disciplínam doctrínae suae, et in lege testaménti Dómini gloriábitur. Collaudábunt multi sapiéntiam ejus, et usque in saeculum non delébitur. Non recédet memória ejus, et nomen ejus requirétur a generatióne in generatióne. Sapiéntiam ejus enarrábunt gentes, et laudem ejus enuntiábit ecclésia. Si permánserit, nomen derelinquet plus quam mille : et si requiéverit, prodérit illi.

In secundo Nocturno.

*Ex Actis ejus integre conscriptis, et ex Romano Breviario.*

Lectio iv.



**D**ONAVENTURA, Balneorégii in Etrúria natus, cum infans incidisset in vitae periculum, mater ejus vovit, si inde evasisset, se eum Religióni beáti Francisci dicatúram. Itaque adolescens in Ordinem Fratrum Minórum adscribi voluit, ubi Alexándro de Ales magistro, ad eam doctrínae perfectiónem brevi pervénit, ut séptimo post anno libros Sententiárum Parísii publice, summa cum laude, sit interpretátus: quos étiam praecláris póstea commentáriis illustrávit.

Lectio v.

**M**ANTAE vero puritátis et innocéntiae erat, ut praecéptor ejus Alexánder non dubitárit de illo dícere: Vere Israélita, in quo Adam non peccásse vidétur. Post sex annos, sui Ordinis generális Mínister Romae factus, ea prudéntiae ac sanctitátis laude ministérium gessit, ut in ómnium ore et admiratióne esset. Multa scripsit, in quibus summam eruditiónem cum pari pietátis ardóre conjúgens, lectórem docéndo movet.

Lectio vj.

**I**PSUM Gregórius Décimus, ejus sanctimóniae ac sapiéntiae fama commótus, Cardinálem et Episcopum Albanénsem creávit. Eúmdem adhuc vivéntem beátus Thomas Aquínas Sanctum appellávit. Cum enim vitam sancti Francisci scribéntem comperísset: Sinámus, inquit, Sanctum pro Sancto laboráre. Migrávit e vita pridie Idus Júlii, in concílio Lugdunénsi, quinquaginta tres annos natus, multis éditis miráculis. Quem Xystus Quartus Póntifex Máximus rétulit in Sanctórum númerum.

In iij. Nocturno, Homilia in Evangelium Vos estis sal terrae. ut in Communi Doct. pag. lxij.

## DIE XV. JULII.

S. Henrici Imperat. Conf.

Duplex. Oratio.

**D**EUS, qui hodiérna die beátum Henricum Confessórem tuum e terréni cúlmine impérii ad regnum aetérnum transtulisti; te súpplices exorámus: ut sicut illum, grátiae tuae ubertáte praevéntum, illécebras saeculi superáre fecísti; ita nos fácias, ejus imitatióne, mundi hujus blandiménta vitáre, et ad te puris méntibus perveníre. Per Dóminum.

In secundo Nocturno.

Lectio iv.



**H**ENRICUS cognomento Pius, e duce Bavariae rex Germaniae, ac postmodum Romanorum imperator, temporalis regni non contentus angustiis, pro adipiscenda immortalitatis corona sedulam aeterno Regi exhibuit servitutem. Adepto enim imperio, religioni amplificandae studiose incumbens, ecclesias, ab infidelibus destruktas, magnificentius reparavit, plurimisque largitionibus et praediis locupletavit. Monasteria, aliaque loca pia, vel ipse aedificavit, vel assignatis redditibus auxit. Episcopatum Bambergensum, hereditariis opibus fundatum, beato Petro, Romanoque Pontifici vectigalem fecit. Benedictum Octavum, a quo imperii coronam acceperat, profugum excepit, suaeque sedi restituit.

Lectio v.

**I**N Cassinensi monasterio gravi detentus infirmitate, a sancto Benedicto, insigni miraculo, sanatus est. Romanam Ecclesiam amplissimo diplomate muneratus, eidem tuendae bellum adversus Graecos suscepit, et Apuliam, diu ab illis possessam, recuperavit. Nihil sine precibus aggredi solitus, Angelum Domini, sanctosque Martyres tutelares

pro se pugnantes ante aciem interdum vidit. Divina autem protectus ope, barbaras nationes precibus magis quam armis expugnavit. Pannoniam adhuc infidelem, tradita Stephano regi sorore sua in uxorem, eoque baptizato, ad Christi fidem perduxit. Virginitatem, raro exemplo, matrimonio junxit, sanctamque Cunegundam conjugem suam, propinquis ejus, morti proximus, illibatam restituit.

Lectio vj.

**D**ENIQUE rebus omnibus, quae ad imperii honorem et utilitatem pertinebant, summa prudentia dispositis, et illustribus per Galliam, Italiam, et Germaniam religionis munificentiae vestigiis passim relictis, postquam heroicae virtutis suavissimum odorem longe lateque diffuderat, sanctitate quam sceptro clarior, ad regni caelestis praemia, consummatis vitae laboribus, a Domino vocatus est, anno salutis millesimo vigesimo quarto: cujus corpus in ecclesia beatorum Apostolorum Petri et Pauli Bambergae conditum fuit, statimque ad ejus tumulum multa miracula, Deo ipsum glorificante, patrata sunt; quibus postea rite probatis, Eugenius Tertius Sanctorum numero illum adscripsit.

In iij. Nocturno, Homilia in Evang. Sint lumbi vestri. ut in Comm. Conf. pag. lxxvj.

## DIE XVI. JULII.

In Commemoratione B. M. V.  
de Monte Carmelo.

Totum Duplex.

Omnia fiant ut in Nativitate  
B. M. V. mutato nomine **Nati-**  
**vitatis** in **Solemnitatis** : prae-  
ter hic posita.

Oratio.

**D**EUS, qui beatissimae  
semper virginis et Geni-  
tricis tuae Mariae singulá-  
ritulo Carméli Ordinem deco-  
rásti : concéde propítius, ut  
cujus hódie commemoratió-  
nem solémni celebrámus offi-  
cio; ejus muníti praesídiis, ad  
gáudia sempitérna perveníre  
mereámur : Qui vivis.

Eadem die in utrisque Ve-  
speris et Laudibus fiat Mem.  
de die oct. Simpl. SS. Joannis  
et soc. Mart. Gorcom.

In secundo Nocturno.

Lectio iv.



**U**M sacra Pentecóstes  
die Apóstoli, caelitus  
affláti, váriis linguis  
loqueréntur, et invo-  
cáto augustíssimo Jesu nómi-  
ne, mira multa patrarent : viri  
plúrimi, qui vestígiis sanctó-  
rum Prophetárum Elíae et  
Eliséi instíterant, et Joánnis  
Baptístae praecónio ad Christi  
advéntum comparáti fúerant,  
rerum veritate perspécta atque  
probáta, evangélicam fidem  
conféstim amplexáti sunt, ac  
peculiári quodam afféctu bea-

tíssimam Vírginem (cujus col-  
lóquiis ac familiaritáte felici-  
ter frui potuére) ádeo venerári  
coepérunt, ut primi ómnium  
in eo Montis Carméli loco, ubi  
Elías olim ascendéntem nébu-  
lam, Vírginis typo insígnem,  
conspéxerat, eidem puríssimae  
Vírmini sacéllum constrúxerint.

Lectio v.

**A**D novum ergo sacéllum  
saepe quotidie conve-  
niéntes, rítibus piis, precatió-  
nibus, ac láudibus beatíssi-  
mam Vírginem velut singu-  
lárem Ordinis tutelam colé-  
bant. Quamóbrem Fratres beá-  
tae Mariae de Monte Carmélo  
passim ab ómnibus appellári  
coepérunt, eúmque titulum  
summi Pontífices non modo  
confirmáruunt, sed et indulgén-  
tias peculiáres iis, qui eo título  
vel Ordinem, vel fratres síngu-  
los nuncuparent, concessére.  
Nec vero nomenclatúram tan-  
tum magnificentíssima Virgo  
tríbuit, et tutelam; verum et  
insígne sacri scapuláris, quod  
beáto Simóni Anglico prae-  
buit, ut caelésti hac veste Ordo  
ille sacer dignoscerétur, et a  
malis ingruéntibus protegeré-  
tur. Ac demum, cum olim in  
Európa Ordo esset ignótus, et  
ob id apud Honórium Tértium  
non pauci pro illíus extinctióne  
instarent, ástitit Honório noctu  
piíssima Virgo María, planéque  
jussit, ut Institutum et hómi-  
nes benígne complecterétur.

Lectio vj.

**D**ON in hoc tantum saeculo Ordinem sibi tam acceptum multis praerogativis beatissima Virgo insignivit; verum et in alio (cum ubique et potentia, et misericordia plurimum valeat) filios in Scapularis societatem relatos, qui abstinentiam modicam, precésque paucas eis praescriptas frequentarunt, ac pro sui status ratione castitatem coluerunt, materno plane affectu, dum igne purgatorii expiantur, solari, ac in caelestem patriam obtentu suo quantocius pie creditur efferre. Tot ergo, tantisque beneficiis Ordo cumulatus, solennem beatissimae Virginis commemorationem ritu perpetuo ad ejusdem Virginis gloriam quotannis celebrandam instituit.

In iij. Nocturno, Homilia in Evang. Loquente Jesu. ut in festo S. Mariae ad Nives. v. Augusti, cum tribus R. R. ibidem positus.

## DIE XVII. JULII.

S. Alexii Confessoris.

Tres Lectiones.

Oratio.

**D**EUS, qui beato Aléxio Confessori tuo tribuisti, ut et nova mundum arte deluderet; et de hoste humani generis mirabiliter triumpharet: concède propitius, ut ejus semper muniámur auxiliis,

cujus salutiferis erudimur exemplis. Per Dóminum.

*Ex sincerioribus Actis, et Romano Breviario.*

Lectio ij.

**A**LEXIUS Romanorum nobilissimus, propter eximium Jesu Christi amorem, prima nocte nuptiarum, relinquens intactam sponsum, illustrium orbis terrae Ecclesiarum peregrinationem suscepit. Quibus in itineribus, cum ignotus septemdecim annis fuisset, aliquando apud Edessam Syriae urbem, per imaginem sanctissimae Mariae Virginis ejus nomine divulgato, inde navi discessit.

Lectio iij.

**A**D portum Romanum apulsus, a patre suo tamquam alienus pauper hospitio accipitur; et despecto in loco propriae domus, quem ab eodem patre impetraverat, totus orationibus, abstinentiis, ac vigiliis deditus, graves et viles servorum injurias patienter et perseveranter sustinuit: et omnibus incognitus, cum ibi decem et septem annos vixisset, diem suae quietis divina revelatione cognoscens, relicto scripto sui nominis, sanguinis, ac totius vitae cursus, migravit in caelum, Innocentio Primo summo Pontifice.

Ubi celebratur hoc festum sub ritu Duplici, Lectiones j. Nocturni erunt, Beatus vir,

qui inventus est. de Comm. Conf. non Pont. pag. lxiv.

Pro ij. Noct. duae ex supra positis, iij. de Sermone S. Joannis Chrysost. Beati. ut in eodem Comm. pag. lxv.

In iij. Nocturno, Homilia in Evang. Ecce nos reliquimus. ut in Comm. Abb. pag. lxix.

### DIE XVIII. JULII.

B. Ceslai Conf. Ord. Praed.

Duplex. Oratio.

**D**EUS, qui beatum Ceslám, virgíneo morum candóre praeditum, et salutis animárum zelo succénsum, in diversis nationum pópulis óperum sanctitate, et fidei propagatione miráblem effecisti : praesta quaesumus, ut ejus intercessióne simus semper in fide stábiles; et ad te, qui solus es aetérnae salutis auctor et largítor, misericórdiae tuae múnere perveníre valeámus. Per Dóminum.

In j. Nocturno, Lectiones Nonne stultam. ut in festo P. S. N. Dominici, die iv. Augusti.

In secundo Nocturno.

Lectio iv.



**D**EATUS Cesláus, sancti Hyacínthi germánus frater, e nobilíssima Odrovantiórum prosápia in província Opoliénsi, dioecésis Wratislaviénsis, ortus est. Ab ipso ineúntis

aetátis princípío plúrima futúrae sanctitátis indícia, et christianárum virtútum specímína pródidit. Ingénua, qua pollébat, índoles, exímíus morum candor, ac píetas, illum ómnibus non minus amábilem, quam admirábilem reddidérunt. Humaníoribus lítteris appríme in puerítia excúltus; in Itáliam, cum jam adolevisset, ab Ivóne Epíscopo Cracoviénsi, pátruo suo, missus est, ut ibi theologiae et jurisprudentiae óperam naváret. Post eménsum in Itália studiórum currículum, Cracóviam revérsum, et ab eódem Ivóne canónicus et custos Sandomíriae in ecclésia sanctae Maríae factus, nihil secúndum Deum prius et antíquiús hábuit, quam ut vitam non tantum a crimínibus, sed étiam a suspicióne críminum undequáque puram et inculpátam dúceret, quo áliis praeíret exémplo, omnesque christiánas in se exprímeret virtútes, quarum amórem córdibus ómnium insérere summópere exoptábat.

Lectio v.

**D**UM autem ómnibus perfecti canónici officiis jugi sollicitúdine fungerétur, contigit ut Ivo Epíscopus, Romam profectúrus, eum sibi itíneris cómitem adscíverit. Romam appúlsus Cesláus, fama sanctimóniae et miraculórum viri Dei Domínici, Ordinis Praedi-

catórum Fundatóris, audíta, nil cunctátus, impulsu Spíritus sancti mundo núnium remisit, et ab eódem sanctíssimo Patriárcha hábitum Religiónis suscepit, in qua, tamquam in fértili agro, viri doctrínae magnitúdine, et vitae sanctitate praestántes nunquam álii ex áliis continéter propagári et prosemínari desiérunt. In Ordinem Praedicatórum cooptátus, ita sub disciplína sancti Patris Domínici profécit, ut tamquam exéplum continéntiae, frugalitátis, et obediéntiae ómnibus proponerétur. In vigíliis, jejúniis, carnis maceratióne, oratióibus, aliisque id genus legum sui Ordinis observatióibus ita assidue erat exercitátus, ut verus, et ómnibus suis númeris absolúus beatíssimi Patris Domínici fílius viderétur.

Lectio vj.

**P**OST exáctum tirocínium, zelo flagrans salutis animárum, a sancto Patriárcha obnixe postulávit, ut ad oras septentrionáles, quas in ténebris, et in umbra mortis detinebat infidelitátis error et ignorántia, mitterétur. Voti compos factus, primum Pragam, Bohemórum metrópolim, se cóntulit, ibique cum ubérrimo animárum lucro verbum Dei praedicávit, et totam illam urbem in sui admiratiónem rápuit. Dein totam Silésiam, praedi-

catiónis causa, pédibus circumcúrsans, relícto ubique suavíssimo virtútum odóre, errántes veritátem edócuit, carnáles afféctus dissipávit, peccatóres ad poeniténtiam pelléxit, frígida hóminum péctora divíno amóre inflammávit, copiosúmque fructum in hórrea Dómini, ad cujus glóriam júgiter et únice anhelábat, convéxit. Dum Tártari Polóniam et Silésiam ferro flammáque devastárent, pie crédito est, Cesláum, qui saeviente hóstium furóre, in castrum Wratislaviénse una cum illis Christifidélibus confúgerat, précibus suis ac lácrymis ad Deum effúsis, hanc urbem defendísse. Tandem plenus méritis óbiit Wratislaviae in monastério sui Ordinis, anno millésimo ducentésimo quadragésimo secúndo. Ad ejus sepúlcrum pópulus, veneratiónis ergo, certátim confluere, eíque coepit exhibére cultum, quem in sacra Rítuum Congregatióne matúro exámine perpénsum, Clemens Undécimus Póntifex Máximus approbávit, et univérso Praedicatórum Ordini concéssit, ut Offícium de beáto Cesláo celebráret.

In iij. Nocturno, Homilia in Evangelium Designávit Dóminus. ut in Comuni Confessoris non Pontif. pag. lxviii.





## DIE XIX. JULII.

S. Vincentii a Paulo Conf.  
Duplex. Oratio.

**D**EUS, qui ad evangeli-  
zandum pauperibus, et  
ecclesiastici ordinis decorem  
promovendum beatum Vin-  
centium apostolica virtute ro-  
borasti : praesta quaesumus, ut  
cujus pia merita veneramur,  
virtutum quoque instruamur  
exemplis. Per Dominum.

In secundo Nocturno.

Lectio iv.



**V**INCENTIUS a Pau-  
lo natione Gallus,  
Podii non procul ab  
Aquis Tarbellis in  
Aquitania natus, jam tum a  
puero eximiam in pauperes ca-  
ritatem prae se tulit. A custod-  
ia patris gregis ad litteras  
evocatus, humanas Aquis, divi-  
nas cum Tolosae, tum Caesar-  
augustae didicit. Sacerdotio  
initatus, ac theologiae laurea  
insignitus, in Turcas incidit,  
qui captivum in Africam abdu-  
xerunt. Sed in captivitate posi-  
tus, herum ipsum Christo rur-  
sus lucrificavit. Cum eo igitur  
ex barbaris oris, opitulante  
Deipara, sese proripiens, ad  
Apostolica limina iter instituit.  
Unde in Galliam reversus,  
Clippiaci primum, mox Castel-  
lionis paroecias sanctissime  
rexit. Renuntiatus a rege pri-  
marius sacrarum minister in  
Galliae trirémibus, mirum quo

zelo, et ducum, et remigum  
saluti operam posuerit. Monia-  
libus Visitationis a sancto  
Francisco Salésio praepositus,  
tanta prudentia per annos cir-  
citer quadraginta eam curam  
sustinuit, ut maxime compro-  
baverit iudicium sanctissimi  
Praesulis, qui Sacerdotem Vin-  
centio digniorem nullum se  
nosse fatebatur.

Lectio v

**E**VANGELIZANDIS  
pauperibus, praesertim  
ruricolis, ad decrepitam usque  
aetatem indefessus incubuit :  
eique apostolico operi tum se,  
tum alumnos Congregationis,  
quam sub nomine Presbyte-  
rorum saecularium Missionis  
instituit, perpetuo voto, a san-  
cta Sede confirmato, speciatim  
obstrinxit. Quantum autem  
augendae cleri disciplinae alla-  
boraverit, testantur erecta ma-  
jorum clericorum seminaria,  
collationum de divinis inter  
Sacerdotes frequentia, et sa-  
crae Ordinationi praemittenda  
exercitia, ad quae, sicut et ad  
pios laicorum secensus, Insti-  
tuti sui domicilia libenter pa-  
tere voluit. Insuper ad ampli-  
ficandam fidem et pietatem,  
evangelicos misit operarios,  
non in solas Galliae provincias,  
sed et in Italiam, Poloniam,  
Scotiam, Hiberniam, atque  
ad Barbaros, et Indos. Ipse  
vero, vita functo Ludovico  
Decimo tertio, cui morienti

hortátor ástitit, a regína Anna Austríaca matre Ludovíci Décimi quarti, in sánctius concílium accítus, studiosíssime egit, ut nonnisi dignióres Ecclésiis ac monastériis prae-ficeréntur; civíles discórdiae, singulária certámina, serpéntes erróres, quos simul sensit et exhórruit, amputaréntur, debítaque judíciis Apostólicis obediéntia praestarétur ab ómnibus.

Lectio vj.

**N**ULLUM fuit calamitátis genus, cui patérne non occurrerit. Fidèles sub Turcárum jugo geméntes, infántes expósitos, júvenes díscolos, vírgines periclitántes, moniáles dispérsas, muléres lapsas, ad trirémes damnátos, peregrínos infírmos, artífices inválidos, ipsósque mente captos, ac innúmeros mendícos subsidiis, et hospítiis etiánum superstitibus, excépit, ac pie fovit. Lotharíngiam, Campániam, Picardíam, aliásque regiões peste, fame, bellóque vastátas, prolíxe refécit. Plúrima ad perquiréndos et sublevándos míseros sodalítia fundávit : inter quae célebris matronárum coetus, et late diffúsa sub nómine Caritátis puellárum societas. Puéllas quoque, tum de Cruce, tum de Providéntia, ac sanctae Genovéfae, ad sequióris sexus educatiónem erigéndas curávit. Haec inter

et ália gravíssima negótia Deo júgiter inténtus, cunctis affábilis, ac sibi semper constans, simplex, rectus, húmilis, ab honóribus, divítiis, ac delíciis semper abhórruit, audítus dícere, rem nullam sibi placére, praeterquam in Christo Jesu, quem in ómnibus studébat imitári. Córporis demum afflictatióne, labóribus, senióque attrítus, die vigésima séptima Septémbris, anno salutis supra millésimum sexcentésimo sexagésimo, aetátis suae octogésimo quinto, Parísii in domo sancti Lázari, quae caput est Congregatiónis Missiónis, plácide obdormívit : quem virtútibus, méritis, ac miraculis clarum Clemens Duodécimus inter Sanctos rétulit, ipsus celebritáti die décima nona mensis Júlii quotánnis assignáta.

In iij. Nocturno, Homilia in Evang. Designávit Dóminus. ut in Communi Conf. non Pont. pag. lxviii.

## DIE XX. JULII.

S. Margaritae  
Virginis et Martyris. Simplex.  
Oratio.

**I**NDULGENTIAM nobis, quaesumus Dómine, beáta Margaríta Virgo et Martyr implóret : quae tibi grata semper éxstitit, et mérito castitátis, et tuae professiône virtútis. Per Dóminum.

In secundo Nocturno.

*Ex sincerioribus Actis.*

Lectio iv.



**M**ARGARITA, quae et Marina, Antióchiae Pisídiae patre Aedésio idolórum sacerdoté nata, a téneris annis christiánae religióni addícta, baptizáta est. Quae cum exímiae esset pulcritúdinis, a praefécto Olybrio adamátur. Cumque eam sibi sisti jubéret, ita illam allóquitur: Tuum nobis, puélla, et nomen, et religiónem edícito. Tum illa: Margaríta, inquit, vocor, génere sum nóbilis, religióne christiána.

Lectio v.

**A**T praeses: Duo prima conveniéntia sunt, tertium vero absúrditas est. Nam quid stúltius, quam ut Deum sibi quis fáciat crucifíxum? Ad haec virgo: Unde dic, oro, didicísti Dóminum Jesum fuisse crucifíxum? Tum praeses: Ex libris Christianórum. Cui Margaríta: Quaenam verecúndia est, ut cum in eisdem libris legátur et poena Christi, et glória, álterum credátis, álterum respuátis?

Lectio vj.

**H**IS vehementer ira accénsus praeféctus, vária tormentórum génera in sancto illo corpúsculo consúmpsit. Primum enim virgis caesam, deínde úngulis fossam, in cár-

cerem trudi jubet, ubi et spectro daemonis forma terrífici draconis appétitur: sed ad signum crucis tota vis diabóli prostérnitur. Produćitur íterum virgo, et cum in confesióné fídei constántior perseveráret, ardéntibus fácibus látera ejus exurúntur. Dénique multis superátis torméntis, truncáto cápite, victórem per tot corónas spíritum caelum excépit.

In iij. Nocturno, Homilia in Evangelium Símile est regnum caelórum thesáuro. ut in Communi Virg. et Mart. pag. lxxviij.

## DIE XXI. JULII.

S. Hieronymi Aemiliani Conf.

Duplex.

Oratio.

**D**EUS misericordiárum Pater, per mérita et intercessiónem beáti Hierónymi, quem órphanis adjutórem et patrem esse voluísti; concéde, ut spíritum adoptiónis, quo fílii tui nominámur et sumus, fidéliter custodiámus. Per Dóminum.

Mem. S. Praxedis Virg. in j. Vesperis et Laudibus.

Oratio.

**E**XAUDI nos Deus salutaris noster: ut sicut de beátae Praxedis Vírginis tuae festivitáte gaudémus, ita piaevotiónis erudiámur afféctu. Per Dóminum.

In secundo Nocturno.

Lectio iv.



**H**IERONYMUS, e gente patrícia Æmiliána Venétiis ortus, a prima adolescéntia militíae addíctus, difficíllimis reipúblicae tempóribus Castro novo ad Quarum in móntibus Tarvisínis praeficitur. Arce ab hóstibus capta, ipse in tetérrimum cárcerem detrúditur, má-nibus ac pédibus vinctus; cui omni humána ope destitúto, beatíssima Virgo, ejus préci-bus exoráta, clemens adest, víncula solvit, et per médios hostes, qui vias omnes obsé-derant, in Tarvisii conspéctum incólumem ducit. Urbem in-gréssus, ad Desparae aram, cui se vóverat, mánicas, cóm-pedes, caténas, quas secum detúlerat, in accépti beneficii testimonium suspéndit. Re-vérsus Venétias, coepit pietá-tis stúdia impénsius cólere, in páuperes mire effúsus, sed puerórum praesértim misér-tus, qui paréntibus orbáti, egéni et sórdidi per urbem vagabántur : quos in aedes a se conductas recépit, de suo aléndos, et christiánis móri-bus imbuéndos.

Lectio v.

**P**ER eos dies Venétias ap-púlerant beátus Cajetá-nus, et Joánnes Petrus Ca-ráfa, póstmodum Paulus Quar-tus, qui Hierónymi spíritu,

novóque institúto colligéndi órphanos probáto, illum in incurabílium hospitále addu-xérunt, in quo órphanos simul educáret, atque aegrótiis pari caritáte inservíret. Mox eorúm-dem hortátu in próximam con-tinéntem proféctus, Bríxiae primum, deínde Bérghomi, atque Novocómi orphanotrophía eré-xit : Bérghomi praesértim, ubi praeter duo, pro púeris unum, et pro puéllis álterum, domum excipiéndis, novo in illis regió-nibus exémplo, muliéribus a turpi vita ad poeniténtiam convérsis, apéruit. Somáschae demum subsístens, in húmili pago agri Bergoménsis ad Vé-netae ditiónis fines, sibi ac suis ibi sedem constituit, formám-que indúxit Congregatiónis, cui proptérea a Somáscha nomen factum : quam subín-de auctam et propagátam, nedum orphanórum regímini, et ecclesiárum cultui, sed ad majórem christiánae reipúbli-cae utilitátem, adolescéntium in lítteris et bonis móribus institutióni in collégiis, acadé-miis, semináriis addíctam, san-ctus Pius Quintus inter reli-giósos Ordínes adscrípsit, ce-teríque Pontífices privilégiis ornárunt.

Lectio vj.

**O**RPHANIS colligéndis inténtus, Mediolánum proficiscitur, atque Ticínum; et utrobíque, colléctis agmíni-bus puerórum, teclum, victum,

vestem, magistros, nobilibus viris faventibus, prouide constituit. Inde Somascham redux, omnibus omnia factus, a nullo abhorrebat opere, quod in proximi bonum cedere pervideret. Agricolis immixtus per agros sparsis, dum se illis adiutorem in metendis frugibus praebet, mysteria fidei explicabat; puerorum capita porrigine foeda abstergens, et patienter tractans curabat; putridis rusticorum vulneribus medebatur eo successu, ut gratia curationum donatus censeretur. In monte, qui Somaschae imminet, reperta specu, in illam se abdidit, ubi se flagellis cadens, dies integros jejunos transigens, oratione in plurimam noctem protracta, super nudo saxo breuem somnum carpens, sui aliorumque noxarum poenas luebat. In hujus specus interiori recessu ex arido silice exstillat aqua, precibus servi Dei, ut constans traditio est, impetrata, quae usque in hodiernam diem iugiter manans, et in varias regiones delata, aegris sanitatem plerumque conciliat. Tandem ex contagione, quae per omnem vallem serpibat, dum aegrotantibus inservit, et vita functos propriis humeris ad sepulturam defert, contracto morbo, annos natus sex et quinquaginta, quam paulo ante praedixerat, pretiosam mortem obiit anno millesimo quin-

gentesimo trigésimo séptimo : quem pluribus in vita, et post mortem miraculis illustrem Benedictus Décimus quartus Beatórum, Clemens vero Décimus tertius Sanctórum fastis solémniter adscripsit.

In tertio Nocturno.

Lectio sancti Evangelii secundum Matthaeum.

Lectio vij.

Cap. 19.

**I**N illo tempore : Oblati sunt Jesu parvuli, ut manus eis imponeret, et oraret. Et reliqua.

Homilia sancti Joannis Chrysostomi.

Homilia 62. in Matth.



**C**UR discipuli pueros abigebant? Dignitatis causa. Quid ergo ille? Ut doceat illos modeste sapere, fastumque mundanum conculcare, et suscipit, et ulnis complectitur, talibusque regnum caelorum pollicetur, id quod etiam dixit superius. Et nos igitur, si volumus heredes esse caelorum, hanc virtutem cum diligentia magna sectemur. Hoc est enim philosophiae culmen, simplicem esse cum prudentia. Haec vita est angelica. Anima enim pueruli omnibus animi morbis vacua est : non memoriam retinet injuriarum; sed eas inferentes adit, ut amicos, ac si nihil factum esset. Et quamvis a matre verbéribus caedá-

tur, eam semper quaerit, et omnibus antepónit.

Lectio viij.

**S**I reginam ipsi ostendas diadémate ornátam, non praefert eam matri pannis detritis vestítæ, mallétque illam incúltam vidére, quam reginam mirífice amíctam. Nam quod suum, quod aliénium est, non ex paupertáte, vel divítiis, sed ex amóre existimáre solet, et nihil plus requírit, quam necessária; atque ut lacte replétus est, statim a mamma abscédit. Non eisdem, quibus nos, aerúmniis prémitur, nec pecuniárum jactúra, rebúsque similibus; nec eisdem, quibus nos, fluxis rebus laetátur, neque córporum pulcritúdinem mirátur. Ideo dicébat : Tálum est enim regnum caelórum : ut ex propósito voluntátis illa operémur, quae natúra sua púeri faciunt.

Lectio ix.

**Q**UIA enim Pharisei non aliúnde, quam a nequítia et arrogántia ad agéndum ferebántur, ideo ubísque discipulos suos símplices esse jubet, illosque subíndicat, dum hos instítuit. Nihil enim ita superbiam parit, ut principátus, et primi conséssus. Quóniam igitur discipuli per totum terrarum orbem multum honóris consecutúri erant, ipsórum ánimos praevenit, nec sinit eos húmánum quid pati, nec honó-

rem a vulgo expétere, vel ante álios sese efférre. Nam etiámsi haec parva vidéntur esse, at malis ingéntibus causam praebent. Sic enim institúti Pharisaei in malórum culmen ascenderunt : salutatiónes, primos conséssus et médios requiréntes, hinc in ardéntem glóriæ cupiditátem, inde vero in impietátem lapsi sunt.

## DIE XXII. JULII.

S. Mariae Magdalénæ.

Totum Duplex.

AD VESPERAS.

Super Psalm. Aña. Recumbente Jesu in domo Pharisaei Simónis leprosi, accessit ad eum María Magdaléna, áfferens pretiósí libram unguénti. Psalm. Laudáte púeri. cum ceteris, pag. j.

Capitulum.

Prov. 31.



**U**LIEREM fortem quis invéniet? procul, et de últimis fínibus pretium ejus. Confídit in ea cor viri sui, et spóliis non indigébit.

R̃. vj. Flavit Auster. p. 556.

Hymnus.

**L**AUDA mater Ecclésia,  
Lauda Christi cleméntiam,

Qui septem purgat vítia  
Per septifórmem grátiam.

María soror Lázari,  
Quae tot commísit crímina,  
Ab ipsa fauce tártari  
Redit ad vitae límina.

Post fluxae carnis scándala  
Fit ex lebéte phíala,  
In vas transláta glóriæ  
De vase contumélie.

Ægra currit ad médicum,  
Vas ferens aromáticum :  
Et a morbo múltiplici  
Verbo curátur médici.

Surgéntem cum victória  
Jesum videt ab ínferis :  
Prima merétur gáudia,  
Quae plus ardébat céteris.

Uni Deo sit glória  
Pro multifórmi grátia :  
Qui culpas et supplícia  
Remíttit, et dat praemia. Amen.

Ÿ. Optimam partem elégit  
sibi María. R̃. Quae non aufe-  
rétur ab ea.

Ad Magnificat, Aña. Celsi  
mériti María, quae solem ve-  
rum resurgéntem vidére me-  
ruísti mortálium prima : obtine  
ut nos visu glóriæ suae tecum  
laetíficet in caelis.

Oratio.

**L**ARGIRE nobis, clemen-  
tíssime Pater : ut sicut  
beáta María Magdaléna Dómi-  
num nostrum Jesum Christum  
super ómnia diligéndo, suórum  
obtínuit véniam peccatórum ;  
ita nobis apud misericórdiam  
tuam, sempitérnam ímpetret  
beatitúdinem. Per eúmdem  
Dóminum.

AD MATUTINUM.

Invitatorium. Ætérnum tri-  
númque Deum laudémus, et  
unum, \* Qui sibi Mariám trans-  
vexit in aethera sanctam.

Hymnus. Lauda mater Ec-  
clésia. ut supra.

In primo Nocturno.

Aña. Cum discubísset in  
domo Simónis Dóminus Jesus  
mundi glória, múlter, quae  
erat in civitáte peccátrix, nardi  
odorífera exhibuit unguénta.  
Psalm. Dómine Dóminus no-  
ster. cum ceteris de Communi  
unius Virg. et Mart. pag. lxxj.

Aña. Secus pedes Dómini  
astans incessánte, crine so-  
lúto, diva vestígia osculabátur  
lácrymis plena.

Aña. Irrigábat ígitur domí-  
nicos Jesu pedes : fracto quo-  
que alabástro, praecipuis odó-  
ribus fragrábat domus omnis :  
atque capillórum officio de-  
tergébat.

Ÿ. Diffúsa est grátia.

De Cánticis canticórum.

Lectio j.

Cap. 3.



**N** lectulo meo per no-  
ctes quaesívi quem  
diligít ánima mea :  
quaesívi illum, et  
non invéni. Surgam, et cir-  
cusbo civitátem : per vicos et  
platéas quaeram quem dligít  
ánima mea : quaesívi illum, et  
non invéni. Invenérunt me  
vígiles, qui custódiunt civitá-  
tem : Num quem dligít ánima  
mea, vidístis? Páululum cum  
pertransíssem eos, invéni quem  
dligít ánima mea. Ténui eum :  
nec dimíttam donec introdú-  
cam illum in domum matris

meae, et in cubículum genitricis meae.

R. Laetétur omne saeculum in solemnitáte sanctae Maríae Magdalénæ, \* Quam Jesus aetérnus amor diléxit plúrimum. V. Haec María fuit illa Dómino gratíssima, quae unguénto pretióso pedes unxit Dómini. Quam.

Lectio ij.

Cap. 8.

**Q**UIS mihi det te fratrem meum sugéntem úbera matris meae, ut invéniam te foris, et deósculer te, et jam me nemo despíciat? Apprehéndam te, et ducam in domum matris meae : ibi me docébis, et dabo tibi póculum ex vino condíto, et mustum malórum granatórum meórum. Laeva ejus sub cápite meo, et dextera illíus amplexábitur me. Adjúro vos fíliae Jerúsalem, ne suscitétis, neque evigiláre faciátis diléctam donec ipsa velit.

R. Haec est illa María, quae unxit Dóminum unguénto, et extérsit pedes ejus capíllis suis : \* Cujus frater erat Lázarus, quem a mórtuis resuscitávit Jesus. V. Haec illa est María, cui se Dóminus resúrgens a mórtuis primum osténdit. Cujus.

Lectio iij.

**Q**UAE est ista, quae ascéndit de desérto, delíciis áffluens, inníxa super diléctum suum? Sub árbore malo suscitávi te : ibi corrúpta est mater

tua, ibi violáta est génitrix tua. Pone me ut signáculum super cor tuum, ut signáculum super bráchium tuum : quia fortis est ut mors diléctio : dura sicut inférnus aemulátio, lámpades ejus lámpades ignis atque flammárum. Aquae multae non potuérunt exstíngere caritátem, nec flúmina óbruent illam.

R. Felix María unxit pedes Dómini Jesu, et extérsit capíllis suis : \* Et domus impléta est Ex odóre unguénti. V. Mistum rorem bálsami fracto fudit alabástro, quae unguénto pretióso pedes unxit Dómini. Et. Glória Patri. Ex.

In secundo Nocturno.

Añá. Simon autem intra se inquit : Si esset prophéta, sciret profécto, quae, et qualis est, quae tangit eum : quia peccátrix est.

Añá. Et convérsus Dóminus, dixit : Postquam venit in domum tuam, non cessat, crine fuso, haec meos osculári pedes.

Añá. Quóniam multum diléxeras, dimíssa scito tibi peccámina : et fide, qua polles, sacra in pace remítto.

V. Spécie tua.

Sermo sancti Gregórii Papae.  
*Hom. 25. in Evang.*

Lectio iv.



**M**ARIA Magdaléna, quae fúerat in civitáte peccátrix, amándó veritátem, lavit lácrymis máculas críminis; et



vox Veritatis implétur, qua dicitur : Dimissa sunt ei peccata multa, quia diléxit multum. Quae enim prius frígida peccando remánserat, póstmodum amándo fórtiter ardébat. Quae a monumento Dómini, étiam discipulis recedéntibus, non recedébat : exquirebat, quem non invénierat : flebat inquirendo, et amoris sui igne succénsa, ejus, quem ablátum credidit, ardébat desidério. Unde cóntigit ut eum sola tunc vidéret, quae remánserat ut quaereret : quia nímírum virtus boni óperis, perseverántia est.

R̃. Videns Jesus flentem Mariám, et sorórem ejus Martham, lacrymátus est : et accédens ad monuméntum, \* Quatriduánum jam Lázarum resuscitávit. Ṽ. O felícis soror útraque mériti, quarum lácrymis motus fons ipse pietátis. Quatriduánum.

Lectio v.

**Q**UAESIVIT ergo prius, et mínime invénit : perseverávit ut quaereret, unde et cóntigit ut inveníret : actúmque est, ut desidéria diláta créscerent, et crescéntia cáperent quod inveníssent. Hinc est enim, quod de eódem sponso Ecclesia in Cánticis canticórum dicit : In léctulo meo per noctes quaesívi, quem díligit ánima mea. Diléctum namque in léctulo quaerimus, quando

in praeséntis vitae aliquántula réquie Redemptóris nostri desidério suspirámus. Per noctem quaerimus : quia etsi jam in illo mens vígilat, tamen adhuc óculus calígat.

R̃. Laudémus opus Dei in María genitríce, sed vírgine; laudémus in María peccatríce, sed poeniténte : \* María haec est data spéculum innocentiae; María haec est exéplum poeniténtiae. Ṽ. Ut confiteámur nómini sancto tuo Deus, et gloriémur in laude tua. María.

Lectio vj.

**S**ED qui diléctum suum non invénit, restat ut surgat, civitátem circúmeat, id est, sanctam electórum Ecclésiám mente et inquisitione percúrrat : per vicos eum et platéas quaerat, id est, per angústa et lata gradiéntes aspiciat; ut si qua inveníre in eis váleat ejus vestígia, exquirat : quia sunt nonnulli étiam vitae saeculáris, qui imitándum áliquid hábeant de actióne virtútis. Quaeréntes autem nos vígiles invéniant, qui custódiunt civitátem : quia sancti Patres, qui Ecclesiae statum custódiunt, bonis nostris stúdiis occúrrunt, ut suo vel verbo vel scripto nos dóceant.

R̃. Flavít Auster, et fugávit Aquilónem, quando lavit cor Mariae poeniténtis imber sancti Spíritus : \* Liquefécit, et refécit resolútam in lamén-

tis Verbum missum caelitus.  
 V. Flúminis ímpetus civitátem  
 Dei laetificávit. Liquefécit.  
 Glória Patri. Verbum.

In tertio Nocturno.

Añã. Satagébat igitur Mar-  
 tha soror Mariæ Magdalénæ  
 circa ministéria : quae sedens  
 secus pedes Dómini audiébat  
 verba oris ejus.

Añã. Non est, Martha in-  
 quit, tibi curae quod soror mea  
 me reliquit solam ministráre?  
 jube illi, ut me ádjuvet.

Añã. Et respóndens dixit illi  
 Dóminus : Unum est necesse :  
 María óptimam partem elégit,  
 quae non auferétur ab ea.

V. Adjuvábít eam.

Léctio sancti Evangélii secún-  
 dum Lucam.

Léctio vij. *Cap. 7.*

**I**N illo témpore : Rogábat  
 Jesum quidam de Phari-  
 saeis, ut manducáret cum illo.  
 Et ingressus domum Phari-  
 saei, discúbuit. Et réliqua.

Homília sancti Augustíni  
 Epíscopi.

*Homil. 23. sive Serm. 99.*



**E**VANGELIUM, cum  
 legerétur, attentís-  
 sime audístis : et res  
 gesta narráta atque  
 versáta est ante óculos cordis  
 vestri. Vidístis enim, non carne,  
 sed mente, Dóminum Jesum  
 Christum in domo Pharisaei  
 recumbéntem, et, ab illo invi-  
 tátum, non fastidiéntem. Vidí-  
 stis étiam in civitáte mulíerem

famósam, mala útique fama,  
 quae erat peccátrix, non invi-  
 tátam irruísse convívio, ubi  
 suus médicus recumbébat, et  
 quaesísse pia impudéntia sani-  
 tátém : irruens, quasi impor-  
 túna convívio, opportúna be-  
 nefício. Nóverat enim quanto  
 morbo laboráret, et illum ad  
 sanándum esse idóneum, ad  
 quem vénerat, sciébat.

R. O certe praecípuus Ma-  
 ríae Magdalénæ amor : \* Quae  
 a monuménto domínico, discí-  
 pulis recedéntibus, non recés-  
 sit! V. Ardóre caritátis succén-  
 sa, quem sepúltum nóverat,  
 sublátum crédidit de sepúlcro.  
 Quae.

Léctio viij.

**A**CCESSIT ergo non ad  
 caput Dómini, sed ad  
 pedes : et quae diu male ambu-  
 láverat, vestígia recta quaeré-  
 bat. Prius fudit lácrymas cordis,  
 et lavit Dómini pedes obséquio  
 confessiónis, capíllis suis tersit,  
 osculáta est, unxit : tácita loque-  
 bátur, non sermónem promé-  
 bat, sed devotiónem ostendé-  
 bat. Quia ergo tétigit Dóminum  
 rigándo, osculándo, tergéndo,  
 ungéndo pedes ejus, Phari-  
 saeus, qui invitáverat Dómi-  
 num Jesum Christum, quia ex  
 illo génere erat hóminum su-  
 perbórum, de quibus Isaías  
 Prophéta dicit : Qui dicunt,  
 Recéde longe a me, noli me  
 tángere, quóniam mundus  
 sum : putávit Dóminum ne-  
 scísse mulíerem.

R̃. O felix felcís mériti María, quae resurgéntem a mórtuis Dei Fílium vidére meruísti mortálium primal Pro cujus amóre, saeculi contempsísti blandiménta : \* Sédula nos apud ipsum, quaesumus, prece comménda. Ṽ. Ut tecum mereámur, o Dómina, pérfrui felicíssima ipsíus praeséntia. Sédula.

Lectio ix.

**O** PHARISAEI, invitátor et irrísor Dómini, Dóminum pascis, et a quo pascéndus sis, non intélligis? Unde scis Dóminum nescísse quae fúerit illa múlter, nisi quia permíssa est accédere, nisi quia, illo patiénte, osculáta est pedes ejus, nisi quia tersit, nisi quia unxit? Haec enim non débuit permítti fácere in pédibus mundis múlter immúnda? Ad illus ergo Pharisaei pedes si talis múlter accessísset, dictúrus erat, quod Isaías de tálibus dicit : Recéde a me, noli me tángere, quóniam mundus sum. Accessit autem ad Dóminum immúnda, ut redíret munda : accessit aegra, ut redíret sana : accessit conféssa, ut redíret proféssa.

R̃. Gloriósa hujus diéi solémnia devóta celebrémus omnes veneratióne : qua beáta María Magdaléna \* Caelos méruit ascéndere. Ṽ. Consummáto cursu praeséntis vitae, caelésti evocáta pietáte. Caelos. Glória Patri. Caelos.

Ante Laudes, Ṽ. Optimam partem elégit sibi María. R̃. Quae non auferétur ab ea.

IN LAUDIBUS.

Añã. Láudibus excélsis omnis mundus exsúltet in solemnitáte sanctae María Magdalénae. Psalm. Dóminus regnávit. cum ceteris, pag. xj.

Añã. Haec corde compúncta venit, ad pedes Jesu accéssit : illos lácrymis rigávit, et capíllis cápitis sui tersit.

Añã. Intercéde súpplicans assídue pro nobis Jesu Dómino, María Magdaléna.

Añã. O bone Jesu, laus tibi : remisísti peccatrící multa peccámina, quia te diléxit multum.

Añã. María ergo unxit pedes Jesu, et extérsit capíllis suis : et domus impléta est ex odóre unguénti.

Capit. Mulierem fortem. ut supra, pag. 553.

Hymnus.

**A**ETERNI Patris Unice,  
Nos pio vultu rēspice,  
Qui Magdalénam hódie  
Vocas ad thronum glóriæ.

In thesauro repósita  
Regis est drachma pérdita :  
Génimaque lucet ínclýta,  
De luto luci réddita.

Jesu dulce refúgium,  
Spes una poeniténtium,  
Per peccatrícis méritum,  
Peccáti solve débitum.

Pia mater et húmilis,  
Natúrae memor fráglis,

In hujus vitae fluctibus  
Nos rege tuis precibus.

Uni Deo sit gloria  
Pro multifórmi grátia :  
Qui culpas et supplicia  
Remittit, et dat praemia.

Amen.

V. Dimissa sunt ei peccata  
multa. R. Quóniam dilexit  
multum.

Ad Benedictus, Aña. O  
mundi lampas, et margarita  
praefulgida, quae resurrecti-  
onem Christi nuntiando, Apo-  
stolorum apostola fieri merui-  
stil María Magdaléna, semper  
pia exoratrix pro nobis adsis  
ad Deum, qui te elégit.

Ad Tertiam, Capitulum.  
Mulierem. ut supra, pag. 553.  
R. R. ut in Comm. Virginum,  
pag. lxxx. praeter V. Nonae.

AD SEXTAM.

Capitulum. *Prov. 31.*  
**A**CCINXIT fortitudine  
lumbos suos, et roborá-  
vit brachium suum. Gustávit,  
et vidit quia bona est negotiá-  
tio ejus : non exstinguétur in  
nocte lucérna ejus.

AD NONAM.

Capitulum. *Prov. 31.*  
**M**ULTAE filiae congrega-  
vérunt divítias : tu su-  
pergréssa es univérsas.

V. Dimissa sunt ei. ut  
supra.

AD VESPERAS.

Super Psalm. Aña j. Lau-  
dum. Psalmi ut in Comuni  
Virg. pag. lxxxj.

Capitulum, Hymnus et V.  
ut in j. Vesperis.

Ad Magnificat, Aña. In  
diébus illis, mulier, quae erat  
in civitate peccatrix, ut cognó-  
vit quod Jesus accubisset in  
domo Simónis leprosi, attulit  
alabastrum unguenti : et stans  
retro secus pedes Dómini Jesu,  
lácrymis coepit rigare pedes  
ejus, et capillis capitis sui ter-  
gebat, et osculabátur pedes  
ejus, et unguento ungebat.

Per Octavam, Aña ad Be-  
nedictus, et ad Magnificat, vel  
ad Memoriam, in Laudibus et  
in Vesperis, ut in die.

## DIE XXIII. JULII.

B. Joannae Urbevetanae Virg.  
Ord. Praed. Duplex.

Oratio.

**D**EUS, qui beatae Joannae  
Vírginis tuae puritatem  
exímiam, et fervidam caritatem  
donis caeléstibus cumulasti :  
fac nos ita ejus aemulári virtú-  
tes; ut castitate vitae, ac puris  
semper tibi placeamus affecti-  
bus. Per Dóminum.

Mem. S. Liborii Episc. et  
Conf. in j. Vesperis et Lau-  
dibus.

Oratio.

**D**A, quaesumus omnipotens  
Deus : ut beati Liborii  
Confessoris tui atque Pontíficis  
veneranda solémnitas, et devo-  
tiónem nobis áugeat, et salú-  
tem. Per Dóminum.

In j. Nocturno, Lectiones  
De virginibus. ut in Comuni  
Virginum, pag. lxxxij.

In secundo Nocturno.

Lectio iv.



**I**OANNA Carnajólae,  
qui vicus est agri Ur-  
bevetáni in Etrúria,  
honésto génere orta,  
ac paréntibus a primis annis  
orbáta, deléctum sibi eórum  
loco tutelárem Angelum coae-  
vis puéllis in templo depíctum  
indicáre solébat. Adolescén-  
tula, posthábita ac spreta sin-  
gulári, qua erat, formae ele-  
gántia, virginitátis stúdio ve-  
heménter incénsa, eam sibi  
perpétuo coléndam tuendám-  
que propósuit. Instrúctas sibi  
graves advérsus eámdem insí-  
dias divínitus superávit. Oblá-  
tas vero, et jam parátas sibi  
terrénas núptias non solum  
constánter rejécit; sed domo  
aufúgiens ad vírgines Tértii  
Ordinis Praedicatórum convo-  
lávít, inque eárum Urbevetá-  
num collégium cooptáta, exí-  
miis statim coepit inclaréscere  
donis atque virtútibus.

Lectio v.

**I**EJUNIIS, vigíliis, aliís-  
que carnis afflictatióni-  
bus ad divinárum rerum con-  
templatióem sese júgiter com-  
parábat. In oratióne assídua,  
ad plures quotidie horas cum  
Deo versabátur, corpore im-  
móta, atque a sénsibus fere  
semper abstrácta. Eo autem

fervébat divíni amoris aestu,  
ut inter orándum, vel in áspéra  
híeme, toto corpore sudóre ma-  
náret, ac tenuióra induménta  
ferre vix posset. Injécto inter  
priváta collóquia de caritaté  
Christi, ejúsve poenis sermó-  
ne, in ubérrimas lácrymas con-  
tínuo effúsa, extra se rapiebá-  
tur. In ejúsdem vero passiónis  
cogitatióne defíxa, corpore ad  
formam crucis compósito, diu-  
túrnám aliquándó éxtasim pa-  
tiebátur, dolóre tanto, tantáque  
óssium collisióne ac fragóre, ut  
artus ejus omnes dilacerári ac  
dissólvi videréntur. Quo fla-  
grábat caritátis ardóre plerós-  
que accendébat : quare hortátu  
et exémplo a terrenórum con-  
témptu ad religiósae vitae  
Institúta complúres addúxit.

Lectio vj.

**C**OLLATA in se áffatim  
divína charísmata, prae-  
cípua humilitátis stúdio celáre  
ómnibus diligentíssime sata-  
gébat. Cum se ómnium sce-  
lestíssimam habéret ac prae-  
dicáret, contémni a síngulis  
veheménter optábat : proptér-  
ea, injúriis et contuméliis la-  
cessíta, pro iis orábat impén-  
sius, a quibus durióra patiebá-  
tur. Várias daemonis moléstias  
et cruciátus, tum diutúrnas  
córporis aegritúdes hílari  
semper vultu patientíssime  
tulit, édita nunquam doloris  
significatióne. Praenuntiáto  
tandem vitae suae éxitu, Sa-

craméntis Ecclésiæ muníta, migrávit ad Sponsum, anno salutis millésimo trecentésimo sexto, aetátis vero suae quadragésimo secúndo. Ejus cultum ex Ecclésiæ légibus Benedíctus Décimus quartus rite probávit, et Offícium ac Missam ab univérso Praedicatórum Ordine, et clero Urbevetáno celebrári concéssit.

In iij. Nocturno, Homilia in Evangelium Símile erit regnum caelórum decem virgínibus. de Comm. Virg. non Mart. pag. lxxxv.

Eodem die in Laud. Mem. S. Apollinaris Episc. et Mart.

Oratio.

**D**EUS, qui nos beáti Apollináris Mártyris tui atque Pontíficis ánnua solemnitáte laetíficas : concéde propítius, ut cujus natalítia cólimus, de ejúsdem étiam protectióne gaudeámus. Per Dóminum.

#### DIE XXIV. JULII.

S. Camilli de Lellis Conf.

Duplex. Oratio.

**D**EUS, qui beátum Camillum, ad animárum in extrémó agóne luctántium subsidium, singulári caritátis prerogátiva decorásti : ejus, quæsumus, méritis spíritum nobis tuæ dilectiónis infúnde; ut in hora éxitus nostri hostem vincere, et ad caeléstem mereámur coronam perveníre. Per Dóminum.

In secundo Nocturno.

Lectio iv.



**C**AMILLUS Bucclá-nici, Theatínae dioecesis óppido, ex nobili Lelliórum família natus est, matre sexagenária, cui grávidae visum est per quietem puérulum, crucis signo in péctore munítum, et ágmini puerórum idem signum gestántium praeceúntem, se peperísse. Adoléscens, rem militárem secútus, saeculi vítiis aliquándiu indúlsit : donec vigésimum quintum agens aetátis annum, tanto supérnae grátiae lúmine, divinaeque offénsae dolore corréptus fuit, ut ubérrimo lacrymárum imbre illico perfúsus, anteáctae vitae sordes indesinénter abstérgere, novúmque induére hóminem firmiter decreverit. Quare ipso, quo id cóntigit, Purificatiónis beatíssimae Vírginis festo die, ad Fratres Minóres, quos Capuccínos vocant, cónvolans, ut eórum número adscriberétur, summis précibus exorávit. Voti semel, atque iterum compos factus est : sed foedo úlcere, quo aliquándó laboráverat, in ejus tibia iterató recrudescénte, divínae Providéntiae, majóra de eo disponéntis, consílio humíliter se subjécit, suíque victor, illíus Religiónis bis expetítum et susceptum hábitum, bis dimísit.

## Lectio v.

**R**OMAM profectus, in nosocomium, quod Insanabilium dicitur, receptus est : cujus etiam administrationem, ob perspectas ejus virtutes sibi demandatam, summa integritate, ac sollicitudine vere paterna perégit. Omnium aegrorum servum se reputans, eorum sternere lectulos, sordes tergere, ulceribus mederi, agonique extremo piis precibus et cohortationibus opem ferre, solenne habuit : quibus in muneribus praeclara praebuit admirabilis patientiae, invictae fortitudinis, et heróicae caritatis exempla. Verum cum animarum in extremis periclitantium, (quod únice intendebat) levámini, subsidium litterarum plurimum conferre intelligeret : triginta duos annos natus, in primis grammaticae elementis tirocinium inter pueros iterum subire non erubuit. Sacerdotio postea rite initiatus, nonnullis sibi adjunctis sociis, prima jecit Congregationis Clericorum Regularium infirmis ministrantium fundamenta, irritó conátu obnitente humani generis hoste. Nam Camillus caelesti voce e Christi crucifixi, manus etiam de ligno avulsas admirando prodigio protendentis, simulacro emissa mirabiliter confirmatus, Ordinem suum a sede Apostolica approbári obtinuit, sodalibus quarto obstrictis

máxime árduo voto, infirmis, quos etiam pestis infecerit, ministrandi. Quod institutum, quam foret Deo acceptum, et animarum salutí proficuum, sanctus Philíppus Nérius, qui Camillo a sacris confessionibus erat, comprobávit; dum ejus alúmnis, decedéntium agóni opem feréntibus, Angelos suggeréntes verba saepius se vidísse testátus est.

## Lectio vj.

**A**RCTIORIBUS hisce vñculis aegrotantium ministério mancipátus, mirum est qua alacritáte, nullis fractus laboribus, nullis deterritus vitae periculis, diu noctúque ad supréum usque spíritum, eorum cómodis vigiláverit. Omnibus ómnia factus, vilíssima quaeque officia demissíssimo obséquio, flexisque plerúmque génibus, véluti Christum ipsum cerneret in infirmis, hílari promptoque ánimo arripiébat : utque ómnium indigéntiis praesto esset, generálem Ordinis praefectúram, caelíque delicias, quibus in contemplatione defixus affluébat, sponte dimísit. Patérnus vero illíus erga míseros amor tum máxime effúlsit, cum et Urbs contagióso morbo primum, deínde extrémá annónae laboráret inópia, et Nolae in Campánia dira pestis grassaréetur. Tanta dénique in Deum et próximum caritáte exársit, ut Angelus nuncupári,

et Angelórum opem in vário itínerum discrímine experíri promererétur. Prophetíae dono, et grátia sanitátum prae-ditus, arcána quoque córdium inspéxit : ejúsque précibus nunc cibária multiplicáta sunt, nunc aqua in vinum convérsa. Tandem vigíliis, jejúniis, et assíduis attrítus labóribus, cum pelle tantum et óssibus constáre viderétur, quinque moléstis aequae ac diútinis morbis, quos misericórdias Dómini appellábat, fórtiter tolerátis, Sacraméntis múnitus, Romae inter suavíssima Jesu et Maríae nómina, ad ea verba : Mitis atque festívus Christi Jesu tibi aspéctus appáreat; qua praedíxerat hora, obdormívit in Dómino, pridie Idus Júlii, anno salutis millésimo sexcentésimo decimo quarto, aetátis suae sexagésimo quinto : quem plúribus illústrem miraculis Benedíctus Décimus quartus Beátis adscrípsit.

In iij. Nocturno, Homilia in Evang. Sint lumbi. de Comm. Conf. non Pont. p. lxxvj.

In Laudibus, Mem. S. Christinae Virg. et Mart.

Oratio.

**I**NDULGENTIAM nobis, quaesumus Dómine, beáta Christína Virgo et Martyr implóret : quae tibi grata semper éxstitit, et mérito castitátis, et tuae professione virtútis. Per Dóminum.

## DIE XXV. JULII.

Sancti Jacobi Apostoli.

Totum Duplex.

Omnia de Comm. Apost. praeter sequentia.

AD VESPERAS.

Super Psalm. Añá. O beáte Jacóbe, ómnium corde et ore laudánde! o patróné singuláris et amábilis, intercède pro nobis ad Dóminum.

R7. vj. Vos estis. de Comuni Apost. pag. ix.

Ad Magnificat, Añá. O lux et decus Hispániae, sanctíssime Jacóbe! qui inter Apóstolos primátum tenes, primus eórum martyrio laureátus. O singuláre praesídium! qui meruísti vidére Redemptórem nostrum adhuc mortálem in Deitáte transformátum. Exáudi preces servórum tuórum, et intercède pro nostra salute, omniúmque populórum.

Oratio.

**E**STO, Dómine, plebi tuae sanctificátor et custos : ut Apóstoli tui Jacóbi múnita praesídiis, et conversatióne tibi pláceat, et secúra mente deserviat. Per Dóminum nostrum.

In primo Nocturno.

De Epístola beáti Pauli Apóstoli ad Ephésios.

Lectio j.

Cap. 3.



LIIS generatióibus non est ágnitum filiis hóminum, sicuti nunc revelátum est sanctis Apóstolis ejus, et prophétis in



Spíritu, Gentes esse coheredes, et concorporales, et participes promissionis ejus in Christo Jesu per Evangelium : cujus factus sum minister secundum donum gratiae Dei, quae data est mihi secundum operationem virtutis ejus.

Lectio ij.

**M**IHI omnium sanctorum minimo data est gratia haec : In Gentibus evangelizare investigabiles divitias Christi, et illuminare omnes, quae sit dispensatio sacramenti absconditi a saeculis in Deo, qui omnia creavit. Ut innotescat principatibus, et potestatibus in caelestibus per Ecclesiam, multiformis sapientia Dei, secundum praefinitionem saeculorum, quam fecit in Christo Jesu Domino nostro : in quo habemus fiduciam, et accessum in confidentia per fidem ejus.

Lectio iij.

**P**ROPTER quod peto ne deficiatis in tribulationibus meis pro vobis : quae est gloria vestra. Hujus rei gratia flecto genua mea ad Patrem Domini nostri Jesu Christi, ex quo omnis paternitas in caelis, et in terra nominatur, ut det vobis secundum divitias gloriae suae, virtute corroborari per Spiritum ejus in interiorem hominem, Christum habitare per fidem in cordibus vestris.

In secundo Nocturno.

*Ex Evang. Act. Apost. Clemente Alexandrino, et Romano Breviario.*

Lectio iv.

**J**ACOBUS, Zebedaei filius, Joannis Apostoli germanus frater, Galilaeus, inter primos Apostolos vocatus cum fratre, relictis patre ac retibus, secutus est Dominum, et ambo ab ipso Jesu Boanerges, id est, tonitruum filii sunt appellati. Is unus fuit ex tribus Apostolis, quos Salvator maxime dilexit, et testes esse voluit suae transfigurationis, et interesse miraculo, cum archisynagoga filiam a mortuis excitavit, et adesse, cum secessit in montem Oliveti Patrem oraturus, antequam a Judaeis comprehenderetur.

Lectio v.

**P**OST Jesu Christi ascensum in caelum, in Judaea et Samaria ejus divinitatem praedicans, plurimos ad christianam fidem perduxit. Mox in Hispaniam profectus, ibi aliquos ad Christum convertit : ex quorum numero septem postea Episcopi a beato Petro ordinati, in Hispaniam primi directi sunt. Deinde Jerosolymam reversus, cum inter alios Hermogenem magnum fidei veritate imbuisset, Herodes Agrappa Claudio im-

peratōre ad regnum elātus, ut a Judaeis grātiā inīret, Jacōbum, libere Jesum Christum Deum confitētem, cāpitis condemnāvit. Quem cum is, qui eum dūxerat ad tribūnal, fōrtiter martyrium subeūntem vidīssset, statim se et ipse Christiānum esse professus est.

Lectio vj.

**A**D supplīcium cum raperētur, pētiit ille a Jacōbo vēniā : quem Jacōbus osculātus, Pax, inquit, tibi sit. Itaque uterque est secūri percūssus, cum paulo ante Jacōbus paralyticum sanāset. Corpus ejus pōstea Compostellam translātum est, ubi summa celebritāte cōlitur, conveniētibz eo, religiōnis et voti causa, ex toto terrārum orbe peregrīnis. Memōria ipsū natālis hodiērno die, quī translatiōnis dies est, ab Ecclēsia celebrātur, cum ipse circa festum Paschae, primus Apostolorum Jerosōlymis profūso sāguine testimōnium Jesu Christo dēderit.

In tertio Nocturno.

Lectio sancti Evangelii secundum Matthaeum.

Lectio vij.

Cap. 20.

**I**N illo tēpore : Accēssit ad Jesum mater filiōrum Zebedaei cum filiis suis, adorans et petens āliquid ab eo. Et reliqua.

Homilia sancti Hieronymi  
Presbyteri.

Lib. 1. *Comment. in Matth.*  
cap. 20.



**Q**UIA dixerat Dōminus : Et tertia die resurget; putāvit eum mulier post resurrectionem illico regnatūrum, et hoc, quod in secūdo adventu promittitur, in primo esse complēndum : et aviditate femīnea, praesentia cupit, immemor futurorum. Pōstulat autem mater filiōrum Zebedaei, errore muliebri, et pietatis affēctu, nesciens quid pēteret. Nec mirum, si ista arguatur imperītia; cum de Petro dicatur, quando tria vult facere tabernacula, Nesciens quid diceret. Respōdens autem Jesus, dixit eis : Nescitis quid petātis.

Lectio viij.

**M**ATER pōstulat, et Dōminus discipulis loquitur : intēlligens preces ejus ex filiōrum descēdere voluntate. Potēstis bībere cālicem, quem ego bibitūrus sum? Cālicem in Scriptūris divinis intēlligimus passiōnem, juxta illud : Pater, si possībile est, transeat a me calix iste. Et in Psalmo : Cālicem salutāris accīpiam. Statimque infert, quis sit iste calix : Pretiōsa in conspēctu Dōmini mors sanctōrum ejus. Ait illis : Cālicem quidem meum bibētis.

Lectio ix.

**Q**UAERITUR, quomodo cálicem martyrii Zebedaei filii, Iacobus videlicet et Joannes biberint, cum Scriptura narret Iacobum tantum Apóstolum ab Heróde cápite truncátum, Joannes autem propria morte vitam finérit. Sed si legámus ecclesiásticas historias, in quibus fertur, quod et ipse propter martyrium sit missus in fervéntis ólei dólium, et inde ad suscipiéndam corónam Christi athléta processerit, statimque relegátus in Patmos ínsulam sit : vidébitur martyrio ánimum non defuisse, et bibisse Joannem cálicem confessiónis.

Eadem die fiat Mem. in Laudibus de SS. Christophoro et Cucuphate Mart.

Oratio.

**P**RAESTA, quaesumus omnipotens Deus : ut qui gloriósos Mártyres tuos Christóphorum et Cucuphátém fortes in sua confessióne cognóvimus, pios apud te in nostra intercessióne sentiámus. Per Dóminum.

DIE XXVI. JULII.

S. Annae Matris B. M. V.

Totum Duplex.

Oratio.

**D**EUS, qui beátam Annam Genitrícis tuae matrem ad caeléstis vitae gáudia extu-

lísti : fac nos, quaesumus, gloriósis ejus méritis ad aetérnam pertíngere beatitúdinem, ex cujus salutári puerpério pro salute mundi humanam naturam assumere dignátus es : Qui vivis.

In primo Nocturno.

De libro Ecclesiástici.

Lectio j.

Cap. 26.



**G**RATIA mulieris sédulae delectábit virum suum, et ossa illíus impinguábit. Disciplína illíus datum Dei est : mulier sensáta et tácita, non est immutátio erudítae ánimae. Grátia super grátiam mulier sancta, et pudoráta. Omnis autem ponderátio non est digna continéntis ánimae. Sicut sol óriens mundo in altíssimis Dei, sic mulieris bonae spécies in ornáméntum domus ejus.

De Epístola prima beáti Petri Apóstoli.

Lectio ij.

Cap. 3.

**M**ULIERES súbditae sint viris suis : ut et si qui non credunt verbo, per mulierum conversatióne sine verbo lucrifiant, considerántes in timóre castam conversatióne vestram. Quarum non sit extrínsecus capillatúra, aut circumdátio auri, aut induménti vestimentórum cultus : sed qui abscondítus est cordis homo, in incorruptibilitáte

quiéti, et modésti spíritus, qui est in conspéctu Dei lócuples. Sic enim aliquándo et sanctae muléres, sperántes in Deo, ornábant se, subjéctae própriis viris. Sicut Sara obediébat Abrahae, dóminum eum vocans.

De Epístola prima beáti Pauli Apóstoli ad Timótheum.

Lectio iij.

Cap. 2.

**V**OLO ergo viros oráre in omni loco, levántes puras manus sine ira, et disceptatióne. Simíliter et muléres in hábitu ornáto, cum verecúndia, et sobrietáte ornántes se, et non in tortis crínibus, aut auro, aut margarítis, vel veste pretiósa : sed quod decet muléres, promitténtes pietátem per ópera bona. Múlier in siléntio discat cum omni subjeccióné. Docére autem muléri non permítto, neque dominári in virum : sed esse in siléntio.

In secundo Nocturno.

Sermo sancti Joánnis Damascéni.

*Orat. 2. de Nativ. B. Mariae prope fin.*

Lectio iv.



**P**ROPONITUR nobis Annae thálamus, conjugális vitae simul et virginitátis formam réferens, illam matris, hanc filiae : quarum áltera recens sterilitáte liberáta est; áltera autem aliquánto post, Christi partum, ad nostrae natúrae

conditiónem divíno opifício formátum, supra natúram est editúra. Mérito ígitur Anna divíno Spíritu plena, laeto hilaríque ánimo pérsonat : Congaudéte mecum, quae promissionis germen ex stérili ventre péperi, ac benedictiónis fructum ubéribus meis, ut optáveram, nútrio. Sterilitátis molestítiam éxui, ac laetam fecunditátis vestem índui.

Lectio v.

**C**ONGAUDEAT mecum hódie Anna illa, Phenénnae adversária, et novum hoc atque inopinátum miraculum, quod in me gestum est, suo exémplo concélebret. Exsúltet Sara senáli gáudio géstiens, meúmque ab sterilitáte concéptum praefigúrans. Cóncinant simul stériles et infecúndae visitatiónem meam admirábili modo caelitus factam. Dicant item matres omnes hac fecunditáte praeditae : Benedíctus, qui orántibus id, quod optábant, largítus est, et fecunditátem stérili dedit, ac felicíssimum illud germen Vírginis concéssit, quae mater Dei secúndum carnem fuit, cujus venter caelum est, in qua habitávit is, qui nullo loco capi potest.

Lectio vj.

**V**ERE beáta es, ac ter beáta, quae beatitúdine donátam a Deo infántem, hoc est, Mariám, nómine quoque ipso magnópere venerándam,

peperisti : ex qua Christus vitae flos exstitit; cujus Virginitis et gloriósus fuit ortus, et partus mundo sublimior. Nos quoque, o beatíssima femina, tibi gratulamur. Etenim nostrum ómnium spem divinitus concessam, hoc est, promissionis fetum, peperisti. Beata revéra es, et beátus fructus ventris tui. Piórum autem lingua germen tuum magnificat, ac sermo omnis laetus partum tuum praedicat.

In iij. Nocturno, Homilia in Evang. Símile est regnum caelórum thesauro abscondito. de Comm. nec Virg. nec Mart. pag. xcij.

### DIE XXVII. JULII.

B. Augustini de Bugella Conf. Ord. Praed.

Duplex. Oratio.

**D**A nobis, quaesumus Dómine Jesu, beáti Augustíni Confessóris tui méritis et imitatione, ita carnis desidéria per poeniténtiam exstinguere; ut in tua semper grátia et cognitione crescámus : Qui vivis.

In j. Nocturno, Lektionen Beátus vir. de Comm. Conf. non Pont. pag. lxiv.

In secundo Nocturno.

Lectio iv.

**A**UGUSTINUS Bugellae, cum haec Vercellénsis agri atque dioecésis illústre adhuc esset oppidum, nóbili stir-

pe de Fángiis saeculo décimo quinto ortus est. Adoléscent Praedicatorum Ordini, in pátrio sancti Domínici coenóbio nuper exstrúcto, nomen dedit; ac tali ardóre ad acquiréndam sanctórum sciéntiam conténdit, ut brevi egrégiam rerum divinárum cognitióem adeptus sit, atque ipsos evangélicae perfectiόνis ápices attígerrit. Itaque licet ejus vita tamquam singuláre innocéntiae exémpplar celebrarétur, níhilo tamen sécius carnem suam vígiliis, aspérrimo cilício, ac fere contínuo jejúnio constánter afflíxit. Hinc magnam ánimi patiéntiam consecútus est; eáque tunc máxime enítuit, cum ei summa úlcerum ora, quibus totum corpus aliquándo instabátur, ferro praecideréntur : tantum enim cruciátum, nullo prorsus édito dolóris indício, mira tranquillitáte pertulit. Non minus praeclára illús fuit humílitas. Caritátis autem ejus in Deum tanta vis exstitit, ut semper oráre viderétur, nec solum mente in caelum erécta, sed corpore ipso e terra fréquenter eleváto. Saepius étiam inter orándum vim lacrymárum profundébat, máxime cum vel canónicas preces in choro persólveret, vel ad altáre Sacris operarétur.

Lectio v.

**E**RGÁ Deíparam Vírginem insígni quoque pietáte ac religióne fuit. Proximórum

salútis cupidíssimus, in verbi ministério, excipiendisque poeniténtium confessiónibus, in consíliis feréndis, in visitatióne infirmórum indefessam óperam pósuit, atque ádeo innúmeris méritis ánimos sibi Christifidélium, ipsorúmque Ecclesiae Pastórum devínxit. Coenobiórum regímini váriis in locis praeféctus, prístinum ubíque reguláris observántiae decus, vel collápsum restítuit, vel restitútum assérui. Multis, étiam extérius, colluctatióibus a daemónibus vexátus, nunquam cessit eórum insídiis atque furóri : immo tale in ipsos impérium divínitus obtínuit, ut fácte eos ab obséssis corpóribus depélleret. Tanta étiam grátia ab omnipoténti Deo ditátus est, ut sola oratióne vel attáctu salútem aegrótis haud raro impertíret. Aliis insuper adhuc vivens claruisse fertur miráculis, e quibus vétérum monumentórum consénsu memóriæ próditum, quod in óppido Soncíní infántem sine baptísimo mórtuum lugénti matri, ac mox prodígii admiratióne et gáudio stupénti, restitúerit vivum.

Lectio vj.

**P**OSTREMOS ingravéscéntis aetátis annos, inter assídua ómnium virtútum exercítia, Venétiis transégit in célebrí olim arctióri disciplínae coenóbio sancti

Domínici. Ibi extrémó tandem morbo corréptus, Ecclesiae Sacraméntis devotíssime susceptis, ad óbítum se comparávit. Quo incumbénte, vir ánimi infrácti, et ne a morte quidem vincéndi, léctulo assúrgens, et in génua se excipiens, fixis in caelum óculis, hilaríque vultu, Deo, inquit, laus sit, laus sit Altíssimo; ac statim novum jam et aetérnum cánticum sedénti in throno et Agno inceptúrus, e corpóreis vínculis ad súperos evolávit undécimo Kaléndas Augústi, anno millésimo quadringentésimo nonagésimo tértio. Quátuor post annos, crescén-te in dies beneficiórum fama, quibus se plures ejus intercessióne a Deo auctos profitebántur, corpus ipsíus íntegrum incorruptúmque repértum, etsi in sepúlcro aquis oppléto támdiu mansísset, ad lóculum éditum, et mármore auróque niténtem translátum est; atque ex eo praesértim témpore públicus beáto viro adhibéri non déstitit religiósus cultus. Quem múltiplici monumentórum et Ordinariórum testimonío confirmátum, Pius Nonus Póntifex Máximus ex sacrae Rítuum Congregatiónis consúlto Apostólica auctoritaté probávit, fácta univérso Praedicatórum Ordini, itémque Bugellénsi et Vercellénsi dioecésibus potestáte próprii Offícii cum Missa in ejus honórem celebrándi.

In iij. Nocturno, Homilia in Evang. Sint lumbi vestri. de Comm. Conf. non Pont. p. lxxvj.

### DIE XXVIII. JULII.

B. Antonii ab Ecclesia Conf.  
Ord. Praed.

Duplex. Oratio.

**D**EUS, qui beátum Antónium Confessórem tuum divíno amóre inflammásti : accénde quaesumus, eo intercedénte, in córdibus nostris ignem tuae caritátis; ut te diligétes in terris, gáudiis aetérnis perfruámur in caelis. Per Dóminum.

In j. Nocturno, Lectiones Beátus vir. ut in Comm. Conf. non Pont. pag. lxiv.

In secundo Nocturno.

Lectio iv.



**A**NTONIUS nóbili genere natus in óppido prope Vercéllas, quod a sancto Germáno nomen duxit, in Insúbriae fínibus, totum ab ineúnte aetáte oratióni, ac litterárum stúdio se dedit. Hinc ardentísimo desidério flagrans Praedicatórum Ordini sese addicénde, reluctántis patris oppositióibus bona cum vénia superátis, illum tandem Vercéllis ampléxus est. Eo suscepto Institúto, exsultávit ut gigas ad curréndam perfectiόνis viam : tantóque ánimi fervóre humilitáti, suíque ipsíus abnegatióni, tum étiam oratióni, ac

divinárum rerum stúdio sese devóvit, ut brevi et sanctitátis exémplum, et sacrárum scientiárum doctíssimus eváserit. Paupertátem, obediéntiam, ac regulárem disciplínam severíssime cóluit : castitátem vero tum solertíssima sénsuum custódia, tum assídua carnis maceratióne semper illibátam servávit.

Lectio v.

**S**ACRIS Ordínibus initiátus, promovéndae Dei glóriæ, hominúmque salúti, praedicatióne, consíliis, ac Sacraméntis omnem navávit óperam : in quo quidem usque ad últimum vitae éxitum tanta prudéntia, lenitáte, ac sollicitúde se exércuit, ut nemo tam péricax esset, qui non mélior factus, aut tristis ab eo discéderet; ipsámque Novocómi civitátem, in qua tunc corrúpti mores irrépserant, ad bonam frugem revocávit. Quamvis autem honóres ac praefectúras summópere aversaré-tur, tamen Praesidum jussu eas gérere coáctus est Novocómi, Savónæ, Floréntiæ, atque Bonóniæ : et ubíque regulárem observántiam verbo et exémplo restituit. Savóna proféctus, a pirátis captus fuit, ac mirífice liberátus.

Lectio vj.

**D**ONO prophetíæ, sanitátum, ac discretiónis spirítuum divínitus ditátus est.

Floréntiae muto a nativitate loquélam impetrásse, pluresque undequaque aegrotántes a difficíllimis morbis sua tantum benedictióne sanásse fertur. Olim visus est sénsibus alienátus dúlcia cum Deípara habére collóquia, refulgénte divíno quodam splendóre cubículo. Novocómum revocátus, impendéntem suum óbitum prænuntiávit; morboque corréptus inter astántium lácrymas placidíssime quíevit in Dómino, anno reparatiónis millésimo quadringentésimo quinquagésimo nono, annos natus quinque et sexagínta. Ejus funus ingénti pópuli accúrsu, et complúribus signis illustrátum fuit : sacrae autem ejus exúviae recónditae in ecclésia sancti Joánnis prope Novocómum, unde die vigésima octáva Quintílis anni millésimi octingentésimi décimi ad parochiálem sancti Germáni ecclésiám solémni ritu translátæ fuérunt. Beáti cultum ab illius óbitu incéptum Pius Séptimus Póntifex Máximus rite approbávit, indulstque, ut in utrâque dioecési, Novocoménsi scílicet ac Vercellénsi, nec non ab universo Praedicatórum Ordine beáti Antónii memória cum Offício et Missa quinto Kaléndas Augústi, illius translationis die, quotánnis recolátur.

In iij. Nocturno, Homilia in Evang. Sint lumbi de Comm. Conf. non Pont. p. lxxvj.

Deinde fiat Mem. in Laudibus SS. Nazarii, Celsi, et Pantaleonis Mart.

Oratio.

**D**EUS, qui nos concédís sanctórum Mártyrum tuórum Nazárii, Celsi, et Pantaleónis natalítia cólere; da nobis in aetérna beatitúdine de eórum societáte gaudére. Per Dóminum.

### DIE XXIX. JULII.

S. Marthae Virginis. Duplex.

Oratio.

**E**XAUDI nos Deus salutaris noster : ut sicut de beatae Marthae Virginitis tuae festivitáte gaudémus, ita pia devotionis erudiámur afféctu. Per Dóminum.

Eadem die, fiat Mem. in utrisque Vesperis et in Laudibus Oct. Simpl. S. Mariae Magdalenae.

In secundo Nocturno.

*Ex probatis Actis, et Romano Breviario.*

Lectio iv.



**M**ARTHA Lázari soror, nobílibus et copiósis paréntibus nata, sed Christi hospítio clárior, post ejus ascénsum in caelum, cum fratre, soróre, et Marcélla pedísequa, ac Maximíno, uno ex septuagínta duóbus discípulis Christi Dómini, qui totam illam domum baptizáverat,



multisque aliis Christianis, comprehensa a Judaeis, in navem sine velo ac remigio imponitur, vastissimoque mari ad certum naufragium committitur: sed navis, Deo gubernante, salvis omnibus, Massiliam appulsa est.

Lectio v.

**E**O miraculo, et horum praedicatione primum Massilienses, mox Aquenses, ac finitimae gentes in Christum crediderunt: Lazarusque Massiliensium, Maximinus Aquensium Episcopus creatur. Magdalena vero assuecta orationi, et pedibus Domini, ut optima parte contemplandae caelestis beatitudinis, quam elegerat, frueretur, in vastam altissimi montis speluncam se contulit: ubi triginta annos vixit, ab omni hominum consuetudine disjuncta, quotidieque per id tempus, ad audientias caelestium laudes, in altum ab Angelis elata.

Lectio vj.

**M**ARTHA autem mirabili vitae sanctitate, et caritate, omnium Massiliensium animis in sui amorem et admirationem adductis, in locum a viris remotum cum aliquot honestissimis feminis se recepit: ubi summa cum laude pietatis et prudentiae diu vixit, ac demum, morte sua multo ante praedicta, miraculis clara migravit ad Dominum quarto

Kalendas Augusti. Cujus corpus apud Tarascum magnam habet venerationem.

In tertio Nocturno.

Lectio sancti Evangelii secundum Lucam.

Lectio vij.

Cap. 10.

**I**N illo tempore: Intravit Jesus in quoddam castellum: et mulier quaedam Martha nomine, excepit illum in domum suam. Et reliqua.

Homilia sancti Augustini Episcopi.

Serm. 26. de verbis Domini.



**M**ARTHA et Maria duae sorores erant, ambae non solum carne, sed etiam religionē germanae: ambae Domino cohaeserunt: ambae Domino in carne praesenti concorditer servierunt. Suscepit eum Martha, sicut solent suscipi peregrini: sed tamen suscepit famula Dominum, aegra Salvatorem, creatura Creatorem. Suscepit autem spiritu pascenda, in carne pascendum. Voluit enim Dominus formam servi accipere, et accepta forma servi, in illa pasci a servis, dignatione; non conditione. Nam et ista dignatio fuit, se praebere pascendum.

Lectio viij.

**H**ABEBAT carnem, in qua esuriret quidem, et sitiret: sed nescitis, quia in eremo esuriēti Angeli ministrabant?

Ergo quod pasci vóluit, pascénti praestitit. Quid autem mirum, si et de sancto Elía praestitit víduae, quem prius corvo ministránte pascébat? Numquid pascéndo defécerat, quando ad víduam mittébat? Nequáquam, sed religiósam víduam per obséquium exhibitum servo suo, benedícere disponébat.

Lectio ix.

**S**IC ergo susceptus est Dóminus tamquam hospes, qui in sua própria venit, et sui eum non recepérunt: sed quotquot recepérunt eum, dedit eis potestátem filios Dei fieri: adóptans servos, et liberos fáciens; rédimens captívos, et fáciens coherédes. Ne quis tamen vestrum fórstan dicat: O beáti, qui Christum suscipere in domum própriam meruérunt! Noli dolére, noli murmuráre, quia temporibus natus es, quando jam Dóminum non vides in carne. Non tibi ábstulit istam dignatióem. Cum uni, inquit, ex mínimis meis fecístis, mihi fecístis.

Eadem die, in Laudibus Mem. SS. Felicis, Simplicii, Faustini, et Beatricis Mart.

Oratio.

**P**RAESTA, quaesumus Dómine: ut sicut pópulus cristiánus Mártyrum tuórum Felicis, Simplicii, Faustini, et Beatricis temporáli solemnitate congáudet, ita per-

fruátur aetérna; et quod votis célebrat, comprehéndat efféctu. Per Dóminum.

## DIE XXX. JULII.

B. Mannis Conf. Ord. Praed.  
Duplex. Oratio.

**D**EUS, qui beátum Mannem Confessórem tuum, dispositiόe mirábili in viam perfectiόnis traduxísti: eádem misericórdiae grátia dírige actus nostros; ut possímus quaerere quod jubes, et ásequi quod promíttis. Per Dóminum.

In j. Vesperis et Laudibus Mem. SS. Abdon et Sennen Mart.

Oratio.

**D**EUS, qui sanctis tuis Abdon et Sennen ad hanc glóriam veniéndi copiósum munus grátiae contulísti; da fámulis tuis suórum véniam peccatórum: ut Sanctórum tuórum intercedéntibus méritis, ab ómnibus mereántur adversitatibus liberári. Per Dóminum.

In j. Nocturno, Lectiones Beátus vir. de Comuni Confessoris non Pontificis, p. lxiv.

Lectio iv.



**M**ANNES, sive Marmertus, Calarógae in Hispánia ex nobilísimis paréntibus Felici de Guzman pietáte exímio, et beáta Joánna de Aza progenitus, fratrem germánum

hábuit divum Domínicum Praedicatórum Ordinis Institutórem. Tantórum paréntum roborátus exémpis, morum sanctitáte, et vitae innocéntia elúxit. Sacrae milítiae mancipátus, caeléstium contemplatióne mirum in modum praecélluit, atque sancti et contemplatóris nómine passim nuncupári consuévit : sed animárum zelus, quo flagrábat, ad majóra eum excitávit, ádeo ut, quamquam illi recéssus delíciis afflúeret, frequens tamen esset ad pópulum conciónibus instituéndum. In Aquitániam proféctus, germánum suum Domínicum convénit, cum quo nullis térritus pérículis, nullis fractus labóribus, eódem supérno Spíritu ductus, omne cóntulit stúdiu ad haereticórum Albigénsium conversiónem : quam ut secúrius obtinéret, piis précibus, corporisque maceratióne usus est.

## Lectio v.

**P**RAEDICATORUM Ordine institúto, ex primis fuit, qui eúmdem ingressus est, hábitu de manu ipsíus Fundatóris in convéntu Pruliano circa annum millésimum ducentésimum decimum sextum suscepto : et ita germánus secúndum carnem, fílius secúndum spíritum, ipsíus sanctitátis verus imitátor efféctus est. Ab eódem sancto Domínico Parísios cum áliis sex

ejúsdem Ordinis alúmni mis-sus, ibi conciónes ad pópulum hábuit, ex quibus fructus manárunt ubérrimi. Spíritu lenitátis, pacis, ac suavitátis replétus, ómnium ánimos in se convértit, et Praedicatórum Ordinem amplificávit; quaprópter mérito percélebris coenóbii sancti Jacóbi tamquam institútor habétur. Parisiénsi convéntu erécto, Matritum conténdit, ubi a sancto ejus germáno Praeféctus assignátus sanctimoniálibus coenóbii de Majorito, quod sancti Domínici póstea nomen hábuit, hoc munus summa aedificatióne adimplévit.

## Lectio vj.

**C**ALAROGAM praedicationis causa véniens, postquam diu in Ordine sincéro corde, et pura mente Deo famulátus fúerat, innúmeris auctus méritis diem óbiit suprému circa annum millésimum bis centésimum trigésimum. Ejus corpus apud mónachos Cisterciénses sancti Petri de Gúmiel summo honóre primum prope altáre tumultátum, dein translátum, in majóri altári collocátum fuit cum áliis Sanctórum Relíquiis, ubi étiam nunc cólitur. Plúrima ab eo patrátá fuisse prodígia scriptóres testántur : quare sancto viro, quem doctórem et ducem dum in humánis ágeret, et post mortem patrónum validíssi-

num expérti fúerant fidéles, ecclesiástici cultus spécies omnes statim exhibére coepérunt : quem ad haec usque témpora propagátum Gregórius Décimus sextus Póntifex Máximus ex sacrórum Rítuum Congregatiónis consúlto aprobávit, atque ut in univérso Praedicatórum Ordine de beáto Manne Offícium recitári, ac Missa celebrári possit, benígne indúlsit.

In iij. Nocturno, Homilia in Evang. *Sint lumbi.* ut in Communi Confess. non Pont. pag. lxxvj.

## DIE XXXI. JULII.

Sancti Ignatii Conf.

Duplex. Oratio.

**D**EUS, qui ad majórem tui nóminis glóriam propagándam, novo per beátum Ignátium subsidio militántem Ecclesiám roborásti : concéde, ut ejus auxílio et imitatióne certántes in terris, coronári cum ipso mereámur in caelis. Per Dóminum.

Ad Mem. sancti Germani Episc. et Conf. in j. Vesperis et Laudibus.

Oratio.

**E**XAUDI, quaesumus Dómine, preces nostras, quas in beáti Germáni Confessóris tui atque Pontíficis solemnitate deférimus : ut qui tibi digne méruit famulári, ejus intercedéntibus méritis, ab

ómnibus nos absólvas peccátis. Per Dóminum.

In secundo Nocturno.

*Ex Romano Breviario.*

Lectio iv.



**IGNATIUS** natióne Hispánus, nóbilis genere, Lóyolae in Cantábria natus, primo Cathólici regis aulam, deínde milítiam secútus est. In propugnatióne Pampelonénsi accépto vulnere grávitè decúmbens, ex fortúita piórum librórum lectióne, ad Christi Sanctórumque sectándam vestígia mirabíliter exársit. Ad Montem serrátum proféctus, ante aram beátae Vírginis suspénsis armis, noctem éxcubans, sacrae milítiae tirocínium pósuit. Inde, ut erat indútus sacco, tráditis ántea mendíco pretiósus véstibus, Manrésam secéssit. Eo in loco, emendicáto pane, et aqua víctitans, exceptísque diébus Domínicis, jejúnans, áspera caténa, cilicióque carnem domans, humi cubans, et férreis se flagéllis cruéntans, per annum commorátus est : claris ádeo illustratió nibus a Deo recreátus, ut póstea dicere sólitus sit : Si sacrae Litterae non exstárent, se tamen pro fide mori parátum ex iis solum, quae sibi Manrésae patefécerat Dóminus. Quo témpore homo litterárum plane rudis, admirábilem illum compósuit

Exercitiórum librum, sedis Apostólicae iudicio, et ómnium utilitaté comprobátum.

Lectio v.

**U**T vero se ad animárum lucra rite formáret, subsidium litterárum, a grammática inter púeros exórsus, adhibére stáuit. Cumque nihil interim omítteret de stúdio aliénæ salutis, mirum est, quas ubique locórum aerúmna, ac ludíbria devoráverit, aspérri- ma quaeque, et víncula, et vérbera pene ad mortem usque perpéssus: quibus tamen longe plura pro Dómini sui glória semper expetébat. Lutétiae Parisiórum adjúctis sibi ex illa académia variárum natiónum sóciis novem, qui omnes ártium magistéris, et theologiae grádibus insígnés erant, ibídem in Monte mártýrum prima Societátis fundaménta jecit. Romam póstea proféctus, ibídem Ordinem suum constítuens, ad tria consuéta quarto áddito de missiόνibus voto, sedi Apostólicae árctius astrínxit, et Paulus Tértius primo recépit, confirmavítque: mox álíi Pontífices, ac Tridentína synodus probavére. Ipse autem misso ad praedicándum Indis Evangélium sancto Francísco Xavério, aliisque in alias mundi plagas ad religiónem propagándam disseminátis, éthnicae superstitioni, haeresisque bellum indí-

xit, eo succéssu continuátum, ut constans fúerit ómnium sensus, étiam Pontíficio confirmátus oráculo: Deum sicut álíos álíis tempóribus sanctos viros, ita Luthéro, ejusdémque témporis haeréticis, Ignátium, et institútam ab eo Societátém objecísse.

Lectio vj.

**S**ED in primis inter Cathólicos instauráre pietátém cura fuit. Templórum nitor, catechísmini tradítio, conciónum ac Sacramentórum frequentia ab ipso incrementum accepére. Ipse, apértis ubique locórum ad juventútem erudiéndam in litteris ac pietáte gymnásiis; eréctis Romae Germanórum collégio, male nuptárum, et periclitántium puellárum coenóbiis; utriúsque sexus tam orphanórum, quam catechumenórum dómibus; aliisque pietátis opéribus, indeféssus lucrándis Deo ánimis instábat: audíus aliquándó dícere: Si óptio darétur, malle se beatitúdinis incértum vívere, et ínterim Deo inservíre, et proximórum salutí, quam certum ejúsdem glóriæ statim mori. In daemones mirum exércuit impérium. Vultum ejus caeléstí luce radiántem sanctus Philíppus Nérius, aliisque conspexére. Dénique aetátis anno sexagésimo quinto, ad Dómini sui ampléxum, cujus majórem glóriam in ore sem-

per habúerat, semper in ómnibus quaesíerat, emigrávit. Quem Gregórius Décimus quintus, magnis in Ecclésiám méritis et miráculis illústrem, Sanctórum fastis adscrípsit.

In iij. Nocturno, Homília in Evang. Designávit Dóminus. ut in Communi Confessoris non Pontificis, pag. lxviij.

### DIE I. AUGUSTI.

Sancti Petri ad Vincula.

Duplex.

Omnia fiant sicut in principali ejus festo, die xxix. Junii, pag. 505. praeter hic notata.

#### AD VESPERAS.

Hymnus.



AM bone pastor Petre clemens áccipe Vota precántum, et peccáti víncula Resólve, tibi potestáte tráditá, Qua cunctis caelum verbo claudis, áperis.

Sit Trinitáti sempitérna glória,  
Honor, potéstas, atque jubilátio,  
In unitáte, cui manet impérium,  
Ex tunc, et modo per aetérna saecula. Amen.

V. Tu es Petrus. R. Et super hanc petram aedificábo ecclésiám meam.

Ad Magnificat, Aña. Tu es pastor óvium, princeps Apostolórum : tibi tráditae sunt claves regni caelórum.

Oratio.

**D**EUS, qui beátum Petrum Apóstolum, a vínculis absolútum, illaesum abíre fecísti : nostrórum, quaesumus, absólve víncula peccatórum, et ómnia mala a nobis propitiátus exclúde. Per Dóminum.

#### AD MATUTINUM.

Invitatorium. Tu es pastor óvium, princeps Apostolórum : \* Tibi trádidit Deus claves regni caelórum.

Hymnus. Jam bone pastor. Aña, Psalmi et XV. Noct. de Comm. Apost. pag. v.

In primo Nocturno.

De Actibus Apostolórum.

Lectio j. Cap. 12.



ISIT Heródes rex manus, ut afflígeret quosdam de Ecclésia. Occídit autem Jacóbum fratrem Joánnis gládio. Videns autem quia placéret Judaeis, appósuit ut apprehénderet et Petrum. Erant autem dies Azymórum. Quem cum apprehendísset, misit in cárcerem, tradens quátuor quaterniónibus mílitum custodiéndum, volens post Pascha producere eum pópulo. Et Petrus quidem servabátur in cárcere. Orátio autem fiebat sine intermissióne ab Ecclésia ad Deum pro eo.

R. Simon Petre, ántequam de navi vocárem te, novi te : et super plebem meam prín-

cipem te constítui, \* Et claves regni caelórum trádidi tibi. *V.* Quodcúmque ligáveris super terram, erit ligátum et in caelis : et quodcúmque sólveris super terram, erit solútum et in caelis. Et claves.

Lectio ij.

**C**UM autem productúrus eum esset Heródes, in ipsa nocte erat Petrus dórmienti inter duos mílites, vinctus caténis duábus : et custódes ante óstium custodiébant cárcerem. Et ecce Angelus Dómini ástitit : et lumen refulsít in habitáculo : percussóque látere Petri, excitávit eum, dicens : Surge velóciter. Et cecidérunt caténæ de mánibus ejus. Dixit autem Angelus ad eum : Praecíngere, et cálcea te cáligas tuas. Et fecit sic. Et dixit illi : Circúmda tibi vestiméntum tuum, et séquere me.

*R.* Si dñligis me, Simon Petre, pasce oves meas. Dómine, tu nosti quia amo te : \* Et ánimam meam pono pro te. *V.* Si oportúerit me mori tecum, non te negábo. Et.

Lectio iij.

**E**T éxiens sequebátur eum, et nesciébát quia verum est, quod fiébat per Angelum : existimábát autem se visum vidére. Transeúntes autem primam et secúndam custódiám, venérunt ad portam férream, quae ducit ad civitátem : quae ultro apérta est eis. Et exeúntes

processérunt vicum unum : et contínuo discéssit Angelus ab eo. Et Petrus ad se revérsum, dixit : Nunc scio vere quia misit Dóminus Angelum suum, et erípuit me de manu Heródis, et de omni exspectatióne plebis Judaeórum.

*R.* Cornélius centúrio, vir religiósus, ac timens Deum, vidit manifeste Angelum Dei, dicéntem sibi : \* Cornéli, mitte, et accérsi Simónem, qui cognominátur Petrus : Hic dicet tibi quid te opórteat fácere. *V.* Cum orásset Cornélius nondum in Christo renátus, apparuit ei Angelus, dicens. Cornéli. Glória Patri. Hic.

In secundo Nocturno.

*Ex Romano Breviario.*

Lectio iv.



**E**UDOSIO Junióre imperánte, cum Eudócia ejus uxor Jerosólymam solvéndi voti causa venísset, ibi multis est affécta munéribus. Prae céteris, insigne donum accépit férreae caténæ, auro gemmísque ornátae : quam illam esse affirmábant, qua Petrus Apóstolus ab Hérode vinctus fúerat. Eudócia caténam pie veneráta, eam póstea Romam ad fíliam Eudóxiam misit, quae illam Pontífici Máximo détulit ; isque vicíssim illi monstrávit álteram caténam, qua, Neróne imperátore, idem Apóstolus constrictus fúerat.

R. Dómine, si tu es, jube me venire ad te super aquas. Et extendens manum, apprehendit eum : \* Et dixit Jesus: Módicæ fidei, quare dubitásti? V. Cumque vidísset ventum válidum veniéntem, tímuit : et cum coepísset mergi, clamávit dicens : Dómine, saluum me fac. Et.

Leção v.

**C**UM ígitur Póntifex Románam caténam cum ea, quæ Jerosólymis alláta fúerat, contulísset; factum est ut illæ inter se sic connecteréntur, ut non duæ, sed una caténa ab eódem artífice confécta esse viderétur. Quo miráculo tantus honor sacris illis Vínculis habéri coepit, ut proptérea hoc nómine sancti Petri ad Víncula ecclésia, título Eudóxiæ, dedicáta sit in Exquísilis, ejúsque memóriæ dies festus institútus Kaléndis Augústi.

R. Tu es pastor óvium, princeps Apostolórum : tibi trádedit Deus ómnia regna mundi : \* Et ideo tráditæ sunt tibi claves regni caelórum. V. Tibi enim a Dómino colláta est potéstas ligándi atque solvéndi. Et.

Leção vj.

**Q**UO ex témpore honos, qui eo die profánis Gentílium celebritátibus tríbui sólitus erat, Petri Vínculis habéri coepit : quæ tacta aegros sánabant, et daemones ejiciébant. Quo in género anno salutis humánae nongentésimo sexa-

gésimo nono áccidit, ut quidam comes, Othónis imperatóris familiáris, occupátus ab immúndo spírítu, seípsum déntibus dilaniáret. Quare is jussu imperatóris ad Joánnem Pontíficem dúcitur : qui, ut sacra caténa cómitis collum áttigit, erúmpens nefárius spírítus hóminem líberum relíquit : ac deinceps in Urbe sanctórum Vinculórum religio propagáta est.

R. Surge Petre, et índue vestiménta tua : áccipe fortitúdinem ad salvándas gentes : \* Quia cecidérunt caténæ de mánibus tuis. V. Angelus Dómini ástitit : et lumen refúlsit in habitáculo cárceris : percussóque látere Petri, excitávit eum, dicens : Surge velóciter. Quia. Glória Patri. Quia.

In tertio Nocturno.

Leção sancti Evangélii secundum Matthaeum.

Leção vij. Cap. 16.

**I**N illo témpore : Venit Jesus in partes Caesariæ Philíppi : et interrogábat discípulos suos, dicens : Quem dicunt hómines esse Fílium hóminis? Et reliqua.

Homília sancti Augustíni Epíscopi.

Serm. 29. de Sanctis.



**S**OLUS Petrus inter Apóstolos méruit audíre : Amen dico tibi, quia tu es Petrus, et super hanc petram



aedificábo ecclésiám meam. Dignus certe, qui aedificándis in domo Dei pópulis lapis esset ad fundaméntum, columna ad sustentáculum, clavis ad regnum. De hoc ait sermo divínus : Et ponébant infirmos suos, ut umbra saltem transeúntis Petri obumbráret eos.

R̃. Quem dicunt hómines esse Fílium hóminis? dixit Jesus discípulis suis. Respóndens Petrus, dixit : Tu es Christus, fílius Dei vivi. \* Et ego dico tibi, quia tu es Petrus, et super hanc petram aedificábo ecclésiám meam. Ṽ. Beátus es Simon Bar Jona : quia caro, et sanguis non revelávit tibi, sed Pater meus, qui est in caelis. Et ego.

Lectio viij.

**S**I tunc opem ferre póterat umbra córporis, quanto magis nunc plenitúdo virtútis? Mérito per omnes Ecclé-  
sias auro pretiósius habétur ferrum illud poenálium Vinculórum. Si tam medicábilis fuit obumbrátio visitántis, quanto magis caténa vinciéntis? Si inánis quaedam spécies vácuæ imáginis habére pótuit in se vim salútis, quanto plus de córpore meruérunt attráhere salubritátis, férreo póndere sacris impréssa membrís Víncula passiónis?

R̃. Ego pro te rogávi, Petre,  
\* Ut non deficiat fides tua :

et tu aliquándo convérsus confírma fratres tuos. Ṽ. Simon, ecce satan expetívít vos ut cribráret sicut tríticum : ego autem rogávi pro te. Ut.

Lectio ix.

**S**I ad praesidia supplicántium tam potens fuit ante martyrium, quanto magis éfficax post triúmphum? Felícis illi nexus, qui de mánicis et compédibus in coronam mutándi, Apóstolum contingéntes mártirem reddidérunt. Felícia Víncula : quae reum suum usque ad Christi crucem, non tam condemnatúra, quam consecratúra, misérunt.

R̃. Quodcúmque ligáveris super terram, erit ligátum et in caelis : \* Et quodcúmque sólveris super terram, erit solútum et in caelis. Ṽ. Et ego dico tibi, quia tu es Petrus, et super hanc petram aedificábo ecclésiám meam. Et quodcúmque. Glória Patri. In caelis.

IN LAUDIBUS.

Añae et Capit. ut in festo principali, pag. 510.

Hymnus. Æténa Christi. et Ṽ. Annuntiavérunt. ut in Comm. Apost. pag. xv.

Eadem die in Laud. Mem. SS. Machabaeorum Mart.

Oratio.

**F**RATERNA nos, Dómine, Mártýrum tuórum coróna laetíficet : quae et fidei nostrae praebeat incrementa virtútum, et múltiplici nos

suffrágio consolétur. Per Dóminum.

AD VESPERAS.

Super Psalm. Aña j. Laudum, **Petrus, et Joáñnes.** Psalmi de Apostolis, pag. xvj.

Capit. Hymnus et V. ut in j. Vesperis.

Ad Magnificat, Aña. Angelus Dómini ástitit : et lumen refúlsit in habitáculo cárceris : percussóque látere Petri, excitávit eum, dicens : Surge velóciter. Et contínuo cecidérunt caténæ de mánibus ejus.

DIE II. AUGUSTI.

B. Joannae de Aza Matris sancti Patriarchae Dominici.

Duplex.

In utrisque Vesperis, V. Ora pro nobis beáta Joáñna.

Oratio.

**D**EUS, qui beátae Joáñnae fámulae tuae grátiam supérnae vocatiónis filii sui Domínici mirábiliter ostendísti : quaesumus, ut ipsam, praemonstrátumque filium imitántes, pio utriúsque intervéntu aetérna praemia consequámur. Per Dóminum.

Mem. S. Stephani Papae et Mart. in j. Vesp. et Laud.

Oratio.

**D**EUS, qui nos beáti Stéphaní Mártiris tui atque Pontíficis ánnua solemnitate laetíficas : concéde propítius, ut cujus natalítia cólimus, de

ejúsdem étiam protectiône gaudeámus. Per Dóminum.

In secundo Nocturno.

Lectio iv.



**Z**AE in regno Castéllae véteris Hispaniárum Joáñna primam caeli lucem aspéxit circa dimídiū saeculi duodécimi. Claríssimum a progenitoribus accéptum decus, virtúte ac sanctitate mirábiliter auxit ac illustrávit. Córporis venustáte, muliebribúsque officiis ornátam saeculi oblectaménta allícere nullo modo valuérunt; quin immo natúrae dona, seque ipsam Deo a primórdiis mancipávit. Felici de Guzman viro summa probitate, liberalitate, aequae ac nobilitate praedito, in matrimónium data, nihil in se praetulit, quod mulieris fortis imáginem non exprésserit. Licet illíus ditiónis dómina, et feminárum prima, céteras nihilóminus humilitate praeíre stúduit, illisque honestate, pudicitia, prudentia, ac boni nóminis fama praefúlsit. Domésticis curis absolutis, réliquum témporis pietáti ac religióni tribuébat; hinc est, quod sacra límina adíre, infirmos visitáre, afflictósque solári gratíssimum illi fúerit. In páuperum indigéntiis sublevándis mirífice se exércuit : cujus caritatem Deus étiam aliquándo miraculo confirmásse légitur, cum dólum

vini illis distribútum mox plenum invénierit.

Lectio v.

**O**RATIONI addícta, diví-  
nas in se promérui benedicti-  
ones. Nam duos fílios hábuit, quos adhortati-  
onibus, ac praecipue exémplo ad virtútes excitábat, ac ad eam perfecti-  
onem illos evéxit, ut utérque ad mortem usque ecclesiásticis exémp-  
lis, pópulis vero morum norma exstiterint. Tértium inde fí-  
lium obtínuít sanctum Domí-  
nicum, Ordinis Praedicatorum, unde totíus sanctitátis, et do-  
ctrínae exémp-  
la in Ecclesiám promaná-  
runt, Institutórem ac Paréntem : ipsúmque fructum fuisse precum, quas Joánna fervénter Deo effúderat, sanctus Domínicus Abbas Sylén-  
sis ei apérui, et visio in somnis hábita haud dúbie osténdit. Etenim hujus grá-  
vida per quiétem cá-  
tulum in alvo continére sibi visa est, qui facem ore gestans orbem univérsum illumináret. Quo só-  
mnio significabátur, fílium contra inférni lupos latratú-  
rum, ac pópulos inflamma-  
túrum ad Dei ac próximi amórem. Hinc haud mirum, si nulli álii, quam sibi tantae pro-  
lis curam Joánna reservá-  
verit, ut una cum lacte pró-  
prias virtútes in illum tradú-  
ceret. Tandem tot tantisque a Deo aucta munéribus, et

cumuláta virtútibus, sancti-  
tate percélebris, mundo amá-  
bilis, et Deo grata, Calarógae placidíssime spíritum Deo réd-  
didit.

Lectio vj.

**P**OST ejus mortem mira-  
culórum fama longe laté-  
que perfúsa, incolae in Patrónam sibi eam adscivérunt, ac ejus opem in grátiis obtinén-  
dis, et in advérsis amovéndis praeséntem sunt expérti. Hinc ad ecclesiám ejus corpus delá-  
tum, in ipsíus coemetério cón-  
ditum fuit, ibíque sacéllum sub invocati-  
one sanctae Joán-  
nae de Aza eréctum; ad quod etiámnum perseverans, fre-  
quens est populórum concúr-  
sus religi-  
onis et voti causa. Inde ad Gumiliénsem eccle-  
siám translátum, juxta sponsi ejus Felícis exúvias fuit repó-  
situm. Póstea sereníssimus Hispaniárum infans Joánnes Emmánuel sancti regis Fer-  
dinándi nepos, in paréntem pio flagrans amóre, ad coenóbium Rupisfidélis Fratrum Praedicatorum, quod ipse pró-  
priis sump-  
tibus e fundaméntis eréxerat, transmitténdum curávit; atque ípsemet regális princeps, univérso plaudénte pópulo, et gratulánte, sacrum pignus suis húmeris déferens, in sepúl-  
cro, régia munificéntia exornáto, juxta aram máxi-  
mam collocávit : ubi illíus regi-  
onis pópuli conveniéntes sacros cíneres cólere et vene-

rári gloriántur. Quem cultum Azae, Calarógae, aliisque pópulis ad haec nostra témpora propagátum, ac nunquam intermíssum, instánte rege Cathólico Ferdinándó Séptimo, et optimátibus Hispániae princípibus, Leo Duodécimus Póntifex Máximus approbávit, ac de beáta Joáнна festum cum Offício et Missa ab univérso Praedicatórum Ordine celebrándum concéssit.

In iij. Nocturno, Homilia in Evang. *Símile est regnum caelórum thesauro.* ut in Comuni unius nec Virg. nec Mart. pag. xcij.

### DIE III. AUGUSTI.

In Inventione corporis  
S. Stephani Protomartyris.  
Simplex.

Omnia de Comuni unius  
Mart. p. xix. praeter hic posita.

AD VESPERAS.

Capitulum. *Act. 6.*

**S**TEPHANUS autem plenus grátia, et fortitúdine faciébat prodígia, et signa magna in pópulo.

Ad Magnificat, Aña. Osténdit sanctus Gamáliel per visum Luciáno sacerdoti tres cálatos áureos rosis refértos, et quartum argéteum croco plenum, et dixit : Hi sunt nostri lóculi, et nostrae reliquiae : hic autem sanguíneas habens rosas, lóculus est sancti Sté-

phani, qui solus ex nobis martyrio méruit coronári.

Oratio.

**D**A nobis, quaesumus Dómine, imitári quod cólimus, ut discámus et inimícos dilígere : quia ejus córporis Inventiόνem celebrámus, qui novit étiam pro persecutóribus exoráre : Dóminum nostrum.

AD MATUTINUM.

Invitatorium. Adorémus Regem magnum Dóminum,\* Qui in Sanctis suis semper est mirábilis.

In secundo Nocturno.

*Ex Epistola Luciani  
Presbyteri, et Rom. Breviario.*

Lectio iv.



**S**ANCTORUM córpora Stéphaní Protomártyris, Gamaliélis, Nicodémi, et Abibónis, quae diu in obscúro ac sórdido loco jacuérant, Honório imperatóre, Luciáno Presbytero divínitus admónito, invénta sunt prope Jerosólymam. Cui Gamáliel cum in somnis apparuísset, gravi quadam et praeclára senis specie, locum jacéntium córporum commonstrávit; ímperans, ut Joánnem Jerosolymítánum Antístitem adíret, agerétque cum eo, ut honéstius illa córpora sepeliréntur. Quibus audítis Jerosolymórum Antístes, finitimárum úrbium Episcopis, Presbyterisque convocátis, ad

locum pergit, defóssos lóculos invenit, unde suavíssimus odor efflabátur.

Lectio v.

**E**JUS rei fama, commóta magna hóminum multitúdo eo convénit, multíque ex váriis morbis aegróti ac débiles, sani et íntegri domum rediérunt. Sacrum autem sancti Stéphani corpus, quod summa cum celebritáte in sanctam ecclésiám Sion illátum est, sub Theodósio Junióre Constantinópolis, inde Romam, Pelágio Primo summo Pontífice, translátum, in agro Veráno in sepúlcro sancti Lauréntii Mártiris collocátum est.

Ex libro sancti Augustíni  
Epíscopi de Civitate Dei.

*Lib. 22. cap. 8.*

Lectio vj.

**A**D aquas Tibilitánas, Epíscopo afferente Projécto Relíquias gloriosíssimi Stéphani, ad ejus memóriam veniébat magnae multitudínis concúrsus et occúrsus. Ibi caeca múlter, ut ad Epíscopum portántem pínora sacra ducerétur, orávit : flores, quos ferébat, dedit; recépit, óculis admóvit, prótinus vidit. Memoráti memóriam Mártiris Lucíllus Epíscopus, pópulo praecedente atque sequente, portábat : fístula, cujus moléstia jam diu laboráverat, ubi sanctas attigísset Relíquias, repénite sanáta est.

In tertio Nocturno.

Lectio sancti Evangélii secundum Matthaeum.

Lectio vij.

*Cap. 23.*

**I**N illo témpore : Dicébat Jesus Scribis, et Pharisaeis : Ecce ego mitto ad vos prophétas, et sapiéntes, et scribas, et ex illis occidétis, et crucifigétis, et ex eis flagellábitis in synagógis vestris. Et reliqua.

Homília sancti Hierónymi  
Presbyteri.

*Lib. 23. Comment. in cap. 23.  
Matthaei.*



**B**SERVA, juxta Apóstolum scribéntem ad Corínthios, vária esse dona discipulorum Christi : álios prophétas, qui ventúra praedicent : álios sapiéntes, qui novérunt quando débeant proférre sermónem : álios scribas in lege doctíssimos : ex quibus lapidátus est Stéphanus, Paulus occísus, crucifíxus Petrus, flagelláti in Actibus Apostolorum discípuli. Quaerimus, quis sit iste Zacharías fílius Barachíae : quia multos légimus Zacharías.

Lectio viij.

**I**N diversis diversa legi : et débeo singulorum opi-niónes pónere. Alii Zacharíam fílium Barachíae dicunt, qui in duódecim Prophétis undécimus est, patrísque in eo nomen conséntit : sed ubi

occísus sit inter templum et altáre, Scriptúra non lóquitur; máxime cum tempóribus ejus vix ruínae templi fúerint. Alii Zacharíam patrem Joánis intélligi volunt, ex quibúsdam apocryphórum sómniis approbántes, quod proptérea occísus sit, quia Salvatóris praedicáret advéntum.

## Lectio ix.

**A**LII istum esse volunt Zacharíam, qui occísus est a Joas rege Juda inter templum et altáre, sicut Regum narrat história. Sed observándum, quod ille Zacharías non sit fílius Barachíae, sed fílius Joíadae sacerdotís : unde et Scriptúra refert : Non fuit recordátus Joas patris ejus Joíadae, quia sibi fecísset bona. Cum ergo et Zacharíam teneámus, et occisiónis conséntiat locus : quaerimus, quare Barachíae dícitur fílius, et non Joíadae? Barachías lingua nostra Benedíctus Dómini dícitur : et sacerdotís Joíadae justítia Hebraeo nómine demonstrátur. In Evangelío, quo utúntur Nazaraei, pro fílio Barachíae, fílium Joíadae reperímus scriptum.

R̃. ix. Sancte Dei pretióse Protomártir Stéphane, qui

virtúte caritátis circumfúltus úndique, Dóminum pro inimíco exorásti pópulo : \* Funde preces Pro devóto tibi nunc collégio. V. Ut tuo propitiátus intervéntu Dóminus, nos purgátos a peccátis jungat caeli cívibus. Funde preces. Glória Patri. Pro.

## IN LAUDIBUS.

Ad Benedictus, Añá. Ex odóris mira fragrántia sánitas aegrótis emanávit máxima : septuagínta namque et tres tunc a váriis languóribus curáti sunt hómines in Inventiône córporis Stéphani dilectíssimi Mártiris, Deum benedícéntes.

Ad Tertiam, Capitulum. Stéphanus autem. ut supra, p. 583.

## AD SEXTAM.

Capitulum. *Añ. 7.*

**C**UM esset Stéphanus ple-nus Spíritu sancto, inténdens in caelum, vidit glóriam Dei, et Jesum stantem a dextris Dei.


## AD NONAM.

Capitulum. *Añ. 7.*

**P**OSITIS autem génibus, beátus Stéphanus clamávit voce magna, dicens : Dómine ne státuas illis hoc peccátum.









DIE IV. AUGUSTI.



# Sancti Dominici Confessoris



PATRIS NOSTRI.



TOTUM DUPLEX.



## AD VESPERAS.

Super Psalm. Aña. Gaude felix parens Hispânia, novae prolis dans mundo gáudia : sed tu magis plaude Bonónia, tanti Patris dotáta glória : lauda tota mater Ecclésia, novae laudis agens solémnia. Psalm. Laudáte. cum ceteris, pag. j.

Capitulum. *Eccli. 50.*



UASI stella matutína in médio nébulæ, et quasi luna plena in diébus suis, et quasi sol refúlgens, sic iste effúlsit in templo Dei.

R̃. ix. O spem miram. etc. pag. 592.

## Hymnus.

**G**AUDE mater Ecclésia, Laetam agens memóriam :

Quae novae prolis gáudia Mittis ad caeli cúriam.

Praedicatórum Ordinis  
Dux et Pater Domínicus,  
Mundi jam fulget términis,  
Civis efféctus caelicus.

Carnis liber ergástulo,  
Caeli potítur glória :  
Pro paupertátis cingulo,  
Stola dotátur régia.

Fragrans odor de túmulo,  
Cum virtútum frequéntia,  
Clamat pro Christi fámulo  
Summi Regis magnália.

Trino Deo et simplici  
Laus, honor, virtus, glória :  
Qui nos prece Domínici  
Ducat ad caeli gáudia. Amen.

Ÿ. Ora pro nobis beáte  
Pater Domínice. R̃. Ut digni efficiámur promissionibus Christi.

Ad Magnificat, Aña. Transit pauper ad regni sólum, dux ad sceptrum, victor ad prae-mium : mors in vitam, labor in ótium, praesens cedit luctus in gáudium.



Oratio.

**D**EUS, qui Ecclesiam tuam beáti Domínici Confessóris tui, Patris nostri, illumináre dignátus es méritis et doct́rnis : concéde, ut ejus intercessióne, temporálibus non destituátur auxiliis, et spirituálibus semper proficiat increméntis. Per Dóminum.

Deinde fiat Mem. de S. Stephano. Aña. Hódie Joánnes Póntifex cum máximo cleri plebísque tripúdio, pretiósas Protomártiris Stéphaní reliquias in sanctam tránstulit ecclesiam Sion, ubi quondam Archidiáconi functus est officio : cujus pia apud Deum sit pro nobis, quaesumus, intercessio.

AD MATUTINUM.

Invitatorium. Adsunt Domínici laeta solémnia : \* Laude múltiplici plaudat Ecclesia.

Hymnus.

**N**OVUS athléta Dómini Collaudétur Domínicus, Qui rem confórmát nómini, Vir factus evangélicus.

Conservans sine mácula Virginitátis lílium,  
Ardébat quasi fácula  
Pro zelo pereúntium.

Mundum calcans sub pédibus,

Manum misit ad fórtia :  
Nudus occúrrens hóstibus,  
Christi suffúltus grátia.

Pugnat verbo, miráculis,  
Missis per orbem frátribus :

Crebros adjúgens sédulis  
Fletus oratióibus.

Trino Deo et símplici. ut  
in Vesperis.

In primo Nocturno.

Aña. Praeco novus et caelicus missus in fine saeculi, pauper fulsit Domínicus, forma praevisus cáuli. Psalmi, ut in Comm. Conf. pag. 1j.

Aña. Florem pudicítiae servans illibátum, áttigit exímiae vitae caelibátum.

Aña. Documentis ártium eruditus satis, tránsiit ad stúdiu summae veritátis.

℣. Amávit eum Dóminus.

De Epístola prima beáti Pauli Apóstoli ad Corínthios.

Lectio j.

Cap. i.

**N**ONNE stultam fecit Deus sapiéntiam hujus mundi? Nam quia in Dei sapiéntia non cognóvit mundus per sapiéntiam Deum : plácuít Deo per stultítiam praedicationis salvos fácere credéntes. Quóniam et Judaei signa petunt, et Graeci sapiéntiam quaerunt : nos autem praedicámus Christum crucifíxum : Judaeis quidem scándalum, géntibus autem stultítiam, ipsis autem vocátis Judaeis, atque Graecis, Christum Dei virtútem, et Dei sapiéntiam : quia quod stultum est Dei, sapiéntius est homínibus : et quod infirmum est Dei, fórtius est homínibus.

R̃. Mundum vocans ad Agni nuptias, hora cenae paterfamilias servum mittit, \* Promittens varias vitae delicias. Ṽ. Ad hoc convivium tam permagnificum, elegit nuntium sanctum Dominicum. Promittens.

De Epistola secunda beati Pauli Apostoli ad Corinthios.

Lectio ij.

Cap. 4.

**H**ABENTES administrationem, juxta quod misericordiam consecuti sumus, non deficimus, sed abdicamus occulta dedecoris, non ambulantes in astutia, neque adulterantes verbum Dei, sed in manifestatione veritatis commendantes nosmetipsos ad omnem conscientiam hominum coram Deo. Quod si etiam opertum est Evangelium nostrum : in iis, qui pereunt, est opertum : in quibus Deus hujus saeculi excaecavit mentes infidelium, ut non fulgeat illis illuminatio Evangelii gloriae Christi, qui est imago Dei.

R̃. Datum mundo pro mundi gloria, mira Christi praesignat gratia : \* Cujus ortum praecurrunt nuntia, veri praesagia. Ṽ. Stella micans in fronte parvuli, novum jubar praemonstrat saeculi. Cujus.

Lectio iij.

**N**ON enim nosmetipsos praedicamus, sed Jesum Christum Dominum nostrum : nos autem servos vestros per

Jesum : quoniam Deus, qui dixit de tenebris lucem splendescere, ipse illuxit in cordibus nostris ad illuminationem scientiae claritatis Dei, in facie Christi Jesu. Habemus autem thesaurum istum in vasis fictilibus : ut sublimitas sit virtutis Dei, et non ex nobis. In omnibus tribulationem patimur, sed non angustiamur : aporiamur, sed non destituimur : persecutionem patimur, sed non derelinquimur : depreciamur, sed non perimus : semper mortificationem Jesu in corpore nostro circumferentes, ut et vita Jesu manifestetur in corporibus nostris.

R̃. Verbum vitae dum palam promitur, surgunt hostes, liber conscribitur, favent omnes : \* Sic error vincitur, Fides extollitur. Ṽ. Ter in flammis libellus traditus, ter exivit illaesus penitus. Sic. Gloria Patri. Fides.

In secundo Nocturno.

Añã. Sub Augustini regula mente profecit sedula : tandem virum canonicum auget in apostolicum.

Añã. Agonizans pro Christi nomine, mundum replet divino semine, paupertatis degens sub tegmine.

Añã. Pernox cum Christo proprium non possidebat lectulum : post lacrymarum fluvium, vix humi dans corpusculum.

Ṽ. Justum deduxit Dominus.

*Ex Theodor. de Apold. S. Antonino, et aliis gestor. ejus Auctor.*

Lectio iv.



**S**ANCTISSIMUS Pater Dominicus Calarogae in Hispania ex nobilissima Gumanorum familia natus est. Hujus mater gravida sibi visa est per quietem continere in alvo catulum, qui facem ore praeferens, orbem terrarum incenderet. Quo somnio significabatur fore, ut splendore sanctitatis ac doctrinae ejus gentes ad christianam pietatem inflammarentur. Post liberalium artium, ac theologiae studia, ex quibus singularem sibi eruditionem comparavit, primum Oxomensis Ecclesiae canonicus regularis fuit : deinde clarissimum Praedicatorum Ordinem, unde innnumera totius sanctitatis et doctrinae exempla in Ecclesiam promanarunt, instituit, ab Honorio Tertio summo Pontifice confirmatum anno salutis millesimo ducentesimo decimo sexto.

R. Paupertatis ascendens culmina, clamat mundi detestans crimina, frangit hostes, et fugat agmina. \* Nulla Sanctum frangunt discrimina. V. Nocte caeli perlustrans limina, die terris dat verbi semina. Nulla.

Lectio v.

**P**OST confirmatum Ordinem, noctes in ecclesia pene ducebat insomnes : ac

modo in genua procumbens, modo toto corpore prostratus orabat : et si quando gravior somnus fessa membra obrueret, stans nixus altari, vel ad durum lapidem inclinatus paululum quiescebat. Catena ferrea singulis noctibus adeo acriter nudum corpus affligebat, ut sanguinis rivi defluerent. Maximam lacrymarum vim assidue profundebat : atque in primis cum sacrum Missae sacrificium peragebat. Nulla re aequae laetabatur, ac sui contemptu : puritatem tum corporis, tum animi integerrimam perpetuo servavit.

R. Panis oblatus caelitus fratrum supplet inopiam : \* Vitaeque natus redditus matris pellit tristitiam. V. Signo crucis obedit pluvia, lingua verba transformat varia. Vitaeque.

Lectio vj.

**P**ECCATIS et aerumnis humanis vehementer discruciabatur : itinera nudis pedibus, etiam per loca aspera, hymnos concinens conficiebat. Abstinencia rara, carnes nunquam edebat : jejunia nec aeger solvebat. Letalis criminis totam vitam expertem omnino duxit. Linguae observantissimus custos, non nisi cum Deo, aut de Deo colloquebatur : ac vix de aliis rebus illi sermo erat. Salutis animarum sitientissimus, martyrii quoque cupidissimus fuit. In evertendis

haereticis Albigensibus septem consumpsit annos, multis eorum ad catholicam fidem adductis. Máximis vivens et post mortem miraculis fulsit : et inter ália, Romae tres mórtuos suscitávit. Fuit vir plane apostólici pectoris ac spíritus, fidei cólumen, Evangélii tuba, orbis óculus, Christi lucérna, secundus Praecúrsor, et magnus animárum oecónomus : quem múltiplices tantárum virtútum in caelo corónae decórant.

R. Granum excússum pálea, nexu solúto lúteo, de paupertátis área, caeli locátur hórreo : \* Cum mercéde virgínea, Doctórum fulgens cúneo. V. Flos in florum virens aréola, bina gaudet fortis auréola. Cum mercéde. Glória. Doctórum.

In tertio Nocturno.

Aña. Sitiébat servus Christi martyrium, sicut sitit cervus ad aquae flúvium.

Aña. Migrans Pater, fíliis vitae firmaméntum, paupertátis húmilis condit testaméntum.

Aña. Liber carnis vínculo caelum introívit, ubi pleno pócúlo gustat, quod sitívit.

V. Justus ut palma florébit.

Lectio sancti Evangélii secundum Matthaeum.

Lectio vij.

Cap. 5.

**I**N illo témpore: Dixit Jesus discípulis suis : Vos estis sal terrae. Quod si sal evanúerit, in quo salietur? Et reliqua.

Homilía sancti Augustíni  
Epíscopi.

Lib. 1. de Serm. Domini in  
monte c. 16. Tom. 3.



**S**TENDIT Dóminus fátuos esse judicandos, qui temporálium bonórum vel cópiam sectántes, vel inópiam metuéntes amíttunt aetérna, quae nec dari possunt ab homínibus, nec auférri. Itaque si sal infatuátum fúerit, in quo salietur? Id est, si vos, per quos condiéndi sunt quodámodo pópuli, metu persecutiónum temporálium amiséritis regna caelórum : qui erunt homínes, per quos a vobis error auferátur, cum vos elégerit Deus, per quos errórem áuferat ceterórum?

R. Felix vitis, de cujus súrculo tantum germen redúndat saeculo, \* Caeli vinum propínans pópulo vitáli pócúlo. V. Ex ubertáte pálmitum, mundi jam cinxit ámbitum. Caeli.

Lectio viij.

**E**RGO ad níhilum valet sal infatuátum, nisi ut mitátur foras, et conculcétur ab homínibus. Non ítaque calcátur ab homínibus, qui pátitur persecutiónem : sed qui persecutiónem timéndo infatuátur. Calcári enim non potest, nisi inférrior : sed inférrior non est, qui, quamvis córpore multa in terra sustíneat, corde tamen fixus in caelo est.

R̃. Ascendēti de valle lúbrici mundi, chori plaudunt angélici : \* Jesu bone, prece Domínici, tibi praesta nos gratos éffici. Ṽ. Per quem multos a morte súscitas, poenas nobis reláxa débitas. Jesu.

## Lectio ix.

**V**OS estis lumen mundi. Quómodo supérius dixit sal terrae, sic nunc dicit lumen mundi. Nam neque supérius ista terra accipiēda est, quam pédibus corpóreis calcámus: sed hómines, qui in terra hábitant, vel étiam peccatóres, quorum condiēdis et exstinguēdis putóribus Apostólicum salem Dóminus misit in mundum. Et hic mundum, non caelum et terram, sed hómines, qui sunt in mundo, vel d̃ligunt mundum, opórtet intéllegi, quibus illuminándis Apóstoli missi sunt.

R̃. O spem miram, quam dedísti mortis hora te fléntibus, dum post mortem promissísti, te profutúrum frátribus! \* Imple Pater, quod dixísti, nos tuis juvans précibus. Ṽ. Qui tot signis claruísti in aegrórum corpóribus, nobis opem ferens Christi, aegris medére móribus. Imple. Glória Patri. Imple.

Ante Laudes, Ṽ. Ora pro nobis beáte Pater Domínice. R̃. Ut digni efficiámur promissionibus Christi.

## IN LAUDIBUS.

Añā. Adest dies laetítiae, quo beátus Domínicus aulam

caeléstis cúriae civis intrat magníficus. Psalm. Dóminus regnávít. cum ceteris, pag. xj.

Añā. Pauper in pecúlio, dives vita pura, paupertátis prétio caeli tenet jura.

Añā. Scala caelo próminens fratri revelátur, per quam Pater tránsiens sursum ferebátur.

Añā. Linguae, manus stúdio scalam hanc eréxit, quam Virgo cum Fílio mater sursum vexit.

Añā. Fulget in choro Vírginum Doctór veritátis, sertum honóris géminum gerens cum Beátis.

Capit. Quasi stella. ut supra, pag. 587.

## Hymnus.

**H**YMNUM novae laetítiae, Dulci productum cántico, Noster deprómat hódie Chorus sancto Domínico.

Vergēte mundi vespere, Novum sidus exóritur, Et clausis culpae cárcere Praeco salútis míttitur.

Doctrínam evangélicam Spargens per orbis cárdinem, Pestem fugat haeréticam, Novum producens Ordinem.

Hic est fons ille módicus Crescens in flumen máximum, Qui mundo jam miríficus Potum largítur óptimum.

Trino Deo et simplici Laus, honor, virtus, glória : Qui nos prece Domínici Ducat ad caeli gáudia. Amen. Ṽ. Justus germinábit.

Ad Benedictus, Aña. Carnis viror, mentis martyrium, mundum replens linguae praecónium, pauper Christi, post cursus stádium, vitae tibi mercántur praemium.

Ad Tertiam, Capit. Quasi stella. ut supra, pag. 587.

R̃R̃. Horarum de Comm. Conf. pag. lx.

## AD SEXTAM.

Capitulum. *Isaiae 59.*

**S**PIRITUS meus, qui est in te, et verba mea, quae pósui in ore tuo, non recédent de ore tuo, et de ore séminis tui, dicit Dóminus, ámodo et usque in sempitérnum.

## AD NONAM.

Capitulum. *Malach. 2.*

**L**EX veritátis fuit in ore ejus, et iníquitas non est invénta in lábiis ejus : in pace, et aequitáte ambulávit mecum, et multos avértit ab iniquitáte.

## AD VESPERAS.

Aña j. Laudum super Psalm. de Comm. Conf.

Capitulum, Hymnus et V. ut in j. Vesperis.

Ad Magnificat, Aña. O lumen Ecclésiae, doctor veritátis, rosa paciéntiae, ebur castitátis, aquam sapiéntiae propinásti gratis : praedicátor grátiae nos junge Beátis.

## PER OCTAVAM.

Ad Mem. in Laudibus, Aña. Benedíctus Redémptor ómnium, qui salúti próvidens

hóminum, mundo dedit sanctum Domínicum.

In Vesperis, Aña. Magne Pater sancte Domínice, mortis hora nos tecum súscipe, et hic semper nos pie réspice.

## DIE V. AUGUSTI.

Sanctae Mariae ad Nives.

Duplex.

Omnia, praeter hic posita, fiant ut in Nativitate ejusdem, mutato nomine **Nativitátis**, in **Solemnitátis**.

In primo Nocturno, Lectio-  
nes **Osculétur me.** ut in Nativitate B. Mariae.

In secundo Nocturno.

Lectio iv.



**I**BERIO summo Pontífice, Joánnes Patrícus RománuS, et uxor pari nobilitáte, cum líberos non suscepís-  
sent, quos bonórum herédes relínquerent, suam hereditátem sanctíssimae Vírgini Dei matri vovérunt, ab ea summis précibus assídue peténtes, ut in quod pium opus eam pecúniám potíssimum erogári vellet, áliquo modo significáret. Quorum preces, et vota ex ánimo facta, beáta Virgo María benígne áudiens, miráculo comprobávit.

Lectio v.

**D**ONIS ígitur Augústi, quo témpore in Urbe máximi calóres esse solent, noctu nix partem collis Exquilíni contéxit. Qua nocte Dei Mater

separátim Joánnem et cónjugem in somnis admónuit, ut quem locum nive conspérsus vidérent, in eo ecclésiám aedificárent, quae Maríae Vírginis nómine dicarétur : se enim ita velle ab ipsis herédem instítui. Quod Joánnes ad Libérium Pontíficem détulit : qui idem per sómnum sibi contigísse affirmávit.

Lectio vij.

**Q**UARE solémni Sacerdotum et pópuli supplicatióne ad collem venit nive coopértum, et in eo locum ecclésiæ signávit, quae Joánnis, et uxóris ejus pecúnia exstrúcta est, póstea a Xysto Tértio restitúta. Váriis nomínibus primum est appelláta, basílica Libérii, sancta Maríá ad Praesépe. Sed cum multae jam essent in Urbe ecclésiæ sub nómine sanctæ Maríae Vírginis : ut basílica, quae novitáte miráculi, ac dignitáte céteris ejúsdem nóminis basílicis praestáret, vocábuli étiam excelléntia significarétur, ecclésiá sanctæ Maríae Majóris dicta est. Cujus dedicatiónis memória ex nive, quae hac die mirabíliter cécidit, anniversária celebritáte cólitur.

In tertio Nocturno.

Lectio sancti Evangélíi secúndum Lucam.

Lectio vij.

Cap. 11.

**I**N illo témpore : Loquente Jesu ad turbas, extóllens vocem quaedam múlíer de

turba dixit illi : Beátus venter, qui te portávit, et úbera, quae suxísti. Et réliqua.

Homilía venerábilis Bedae Presbyteri.

Lib. 4. cap. 49. in Luc. 11.



**M**AGNAE devotiónis et fidei haec múlíer osténditur : quae, Scribis et Phariseis Dóminum tentántibus, simul et blasphemántibus, tanta ejus incarnatióne prae ómnibus sinceritáte cognóscit, tanta fidúcia confitétur, ut et praeséntium prócerum calúmniám, et futurórum confúndat haericórum perfídiam. Nam sicut tunc Judaei, sancti Spíritus ópera blasphemándo, verum consubstantialémque Patri Dei Fílium negábant : sic haerétici póstea, negándo Maríam semper Vírginem, sancti Spíritus operánte virtúte, nascitúro cum humánis membris Unigénito Dei, carnis suae matériam ministrásse, verum consubstantialémque matri Fílium hómínis fatéri non debére dixerunt.

R. Regáli ex progénie Maríá exórta refúlget : \* Cujus précibus nos adjuvári, mente et spíritu devotíssime póscimus. V. Corde et ánimo Christo canámus glóriam in hac sacra solemnitáte praecélsae Genitrícis Dei Maríae. Cujus.

Lectio viij.

**S**ED si caro Verbi Dei secúndum carnem nascéntis, a carne Vírginis matris

pronuntiátur extránea, sine causa venter, qui eum portásset, et úbera, quae lactássent, beatificántur. Dicit enim Apóstolus : Quia misit Deus Fílium suum factum ex muliere, factum sub lege. Neque audiéndi sunt, qui legéndum putant : Natum ex muliere, factum sub lege; sed factum ex muliere : quia concéptus ex útero virgináli, carnem non de nihilo, non aliúnde, sed materna traxit ex carne : alióquin nec vere Fílius hóminis dicerétur, qui oríginem non haberet ex hómine.

R̃. Corde et ánimo Christo canámus glóriam \* In hac sacra solemnitate praecelsae Genitrícis Dei Maríae. Ṽ. Cum jucunditate (Solemnitatem) sanctae Maríae celebrémus. In hac.

Lectio ix.

**E**T nos igitur his contra Eutychem dictis extollámus vocem cum Ecclesia cathólica, cujus hacc mulier typum gessit : extollámus et mentem de médio turbárum : dicamúsque Salvatóri : Beátus venter, qui te portávit, et úbera, quae suxísti. Vere enim beáta parens, quae, sicut quidam ait, eníxa est puerpera Regem, qui caelum terrámque regit per saecula.

R̃. Felix namque es sacra Virgo María, et omni laude digníssima : \* Quia ex te ortus est sol justítiae, Christus Deus noster. Ṽ. Ora pro pópulo, inté-

veni pro clero, intercède pro devóto femíneo sexu : séntiant omnes tuum juvámén, quicúmque célebrant tuam solemnitátem. Quia. Glória Patri. Christus.

## DIE VI. AUGUSTI.

In Transfiguratione Domini.  
Totum Duplex.

### AD VESPERAS.

Super Psalm. Aña. Assúmpsit Jesus. j. Laudum, pag. 607. Psalm. Laudáte púeri. cum ceteris, pag. j.

Capitulum.

*Philipp. 3.*



**S**ALVATOREM expectámus Dóminum nostrum Jesum Christum, qui reformábit corpus humilitátis nostrae, configurátum córpori claritátis suae.

R̃. ix. Dum oráret. pag. 606.

Hymnus.

**Q**UICUMQUE Christum quaeritis,  
Vultus in altum tollite :  
Illic licébit visere  
Signum perénis glóriæ.

Illústre quiddam cernimus,  
Quod nésciat finem pati,  
Sublíme, celsum, intéminum,  
Antíquiús caelo et chao.

Hic ille Rex est géntium,  
Plebísque Rex Judáicæ,  
Promíssus Abrahae Patri,  
Ejúsque in ævum sémini.

Ilunc et Prophétis téstibus,  
Iisdémque signatóribus,



Testátor et Pater jubet  
Audíre nos, et crédere.

Glória tibi Dómine,  
Qui apparuísti hódie,  
Cum Patre et sancto Spíritu,  
In sempitérna saecula.

Amen.

Haec Strophá dicitur in fine  
Hymn. Compl. et Horar.

¶ Gloriósus apparuísti in  
conspéctu Dómini. R. Pro-  
ptérea decórem índuit te  
Dóminus.

Ad Magnificat, Aña. Chri-  
stus Jesus splendor Patris, et  
figúra substantiae ejus, portans  
omnia verbo virtútis suae, pur-  
gationem peccatórum fáciens,  
in monte excélsa gloriósus  
apparére hódie dignátus est,  
allelúia.

Oratio.

**D**EUS, qui fidei sacraménta  
in Unigéniti tui gloriósa  
Transfiguratióne Patrum testi-  
mónio roborásti; et adoptiõem  
filiórum perféctam, voce delá-  
psa in nube lúcida, mirábiliter  
praesignásti : concéde propí-  
tius, ut ipsíus Regis glóriæ  
nos coherédes efficias, et ejús-  
dem glóriæ tríbuas esse con-  
sórtes. Per eúndem Dóminum  
nostrum.

AD MATUTINUM.

Invitatorium. Summum  
Regem glóriæ Christum ad-  
orémus : \* Et pro dono grátiae  
ejus jubilémus.

Hymnus. Quicúmque. ut  
supra.

In primo Nocturno.

Psalmus 8.



**D**OMINE Dóminus  
noster, \* quam admi-  
rábile est nomen  
tuum in univérsa  
terra!

Quóniam eleváta est magni-  
ficéntia tua, \* super caelos.

Ex ore infántium et lactén-  
tium perfecísti laudem propter  
inimícos tuos, \* ut déstruas  
inimícum et ultórem.

Quóniam vidébo caelos tuos,  
ópera digitórum tuórum : \* lu-  
nam et stellas, quae tu fundásti.

Quid est homo, quod memor  
es ejus? \* aut fílius hóminis,  
quóniam vísitas eum?

Minuísti eum paulo minus  
ab Angelis, ꝫ glória et honóre  
coronásti eum : \* et constituísti  
eum super ópera mánuum tuá-  
rum.

Omnia subjecísti sub pédibus  
ejus, \* oves et boves univérs-  
as : insuper et pécora campi.

Vólucres caeli, et pisces ma-  
ris, \* qui perámbulant sémitas  
maris.

Dómine Dóminus noster, \*  
quam admirábile est nomen  
tuum in univérsa terra!

Aña. Paulo minus ab Ange-  
lis minorátus, glória et honóre  
coronátus est, et constitútus  
super ópera mánuum Dei.

Psalmus 28.

**A**FFERTE Dómino filii  
Dei : \* afférte Dómino  
fílios aríetum :

Afférte Dómino glóriam et honórem, ꝛ afférte Dómino glóriam nómini ejus : \* adoráte Dóminum in átrio sancto ejus.

Vox Dómini super aquas, ꝛ Deus majestátis intónuit : \* Dóminus super aquas multas.

Vox Dómini in virtúte : \* vox Dómini in magnificéntia.

Vox Dómini confringéntis cedros : \* et confrínget Dóminus cedros Líbani :

Et commínuet eas tamquam vítulum Líbani : \* et diléctus quemádmódum fílius unicór-nium.

Vox Dómini intercidéntis flammam ignis : ꝛ vox Dómini concutiéntis desértum : \* et commovébit Dóminus desértum Cades.

Vox Dómini praeparántis cervos, ꝛ et revelábit condénsa : \* et in templo ejus omnes dicent glóriam.

Dóminus dilúvium inhabi-táre facit : \* et sedébit Dóminus rex in aetérnum.

Dóminus virtútem pópulo suo dabit : \* Dóminus benedícet pópulo suo in pace.

Añã. Revelávit Dóminus condénsa : et in templo ejus omnes dicent glóriam.

Psalmus 44.

**E**RUCTIONE cor meum  
verbum bonum : \* dico  
ego ópera mea regi.

Lingua mea cálamus scri-bae, \* velóciter scribéntis.

Speciósus forma prae fíliis hóminum, ꝛ diffúsa est grátia in lábiis tuis : \* proptérea benedíxit te Deus in aetérnum.

Accíngere gládio tuo super femur tuum, \* potentíssime,

Spécie tua et pulcritúdine tua \* inténde, prospere procéde, et regna,

Propter veritátem et mansuetúdinem, et justítiam : \* et dedúcet te mirabíliter dextera tua.

Sagíttae tuae acútae, ꝛ pópuli sub te cadent, \* in corda inimicórum regis.

Sedes tua Deus in saeculum saeculi : \* virga directiónis virga regni tui.

Dilexísti justítiam, et odísti iniquitátem : \* proptérea unxit te Deus Deus tuus óleo laetítiae prae consórtibus tuis.

Myrrha, et gutta, et cásia a vestiméntis tuis, a dómibus ebúrneis : \* ex quibus delectáverunt te fíliae regum in honóre tuo.

Astitit regína a dextris tuis in vestítu deauráto : \* circúmdata varietáte.

Audi fília, et vide, et inclína aurem tuam : \* et oblivíscere pópulum tuum, et domum patris tui.

Et concupíscet rex decórem tuum : \* quóniam ipse est Dóminus Deus tuus, et adorábunt eum.

Et fíliae Tyri in munéribus \* vultum tuum deprecabúntur : omnes dívites plebis.

Omnis glória ejus filiae regis ab intus, \* in fimbriis aureis circumamicta varietatibus.

Adducéntur regi vírgines post eam : \* próximae ejus afferéntur tibi.

Afferéntur in laetitia et exultatione : \* adducéntur in templum regis.

Pro pátribus tuis nati sunt tibi filii : \* constitues eos príncipes super omnem terram.

Mémores erunt nóminis tui \* in omni generatióne et generatióne.

Propterea pópuli confitebúntur tibi in aetérnum : \* et in saeculum saeculi.

Añá. Speciosus forma prae filiis hóminum, diffusa est grátia in lábiis tuis.

℣. Gloriosus apparuísti in conspéctu Dómini. R. Propterea decórem induit te Dóminus.

De Epístola secúnda beáti Petri Apóstoli.

Lectio j.

Cap. I.



**R**ATRES, magis satágit ut per bona ópera certam vestram vocatióne, et electiÓnem faciátis : haec enim facientes, non peccábitis aliquándo. Sic enim abundánte ministrábitur vobis intróitus in aetérnum regnum Dómini nostri, et Salvatóris Jesu Christi. Propter quod incípíam vos semper commonére de his : et quidem sciéntes et confirmátos

vos in praesénti veritáte. Justum autem árbitor quámdiu sum in hoc tabernáculo, suscitáre vos in commonitióne : certus quod velox est depositio tabernáculo mei secúndum quod et Dóminus noster Jesus Christus significávit mihi.

R. Surge, illumináre Jerúsalem : quia venit lumen tuum, \* Et glória Dómini super te orta est. ℣. Et ambulábunt gentes in lúmine tuo, et reges in splendóre ortus tui. Et glória.

Lectio ij.

**D**ABO autem óperam et frequénter habére vos post óbitum meum, ut horum memóriam faciátis. Non enim doctas fábulas secúti notam fécimus vobis Dómini nostri Jesu Christi virtútem, et praeséntiam : sed speculatóres facti illíus magnitúdinis. Accípiens enim a Deo Patre honórem, et glóriam, voce delápsa ad eum hujuscémodi a magnífica glória : Hic est Filius meus diléctus, in quo mihi complácuí, ipsum audíte.

R. In splendénti nube Spíritus sanctus visus est, patérna vox audíta est : \* Hic est Filius meus diléctus, in quo mihi bene complácuí : ipsum audíte. ℣. Appáruit nubes obúmbrans, et vox Patris intónuit. Hic.

Lectio iij.

**E**T hanc vocem nos audívimus de caelo allátam, cum essémus cum ipso in

monte sancto. Et habemus firmiorem propheticum sermonem : cui bene facitis attendentes quasi lucernae lucenti in caliginoso loco donec dies elucescat, et lucifer oriatur in cordibus vestris : hoc primum intelligentes quod omnis prophetia Scripturae propria interpretatione non fit. Non enim voluntate humana allata est aliquando prophetia : sed Spiritu sancto inspirati, locuti sunt sancti Dei homines.

R. Videte qualem caritatem dedit nobis Deus Pater, \* Ut filii Dei nominemur et simus. V. Scimus quoniam cum apparuerit, similes ei erimus : quoniam videbimus eum sicuti est. Ut filii. Gloria Patri. Ut filii.

In secundo Nocturno.

Psalmus 75.



**I**OTUS in Iudaea Deus : \* in Israel magnum nomen ejus.

Et factus est in pace locus ejus : \* et habitatio ejus in Sion.

Ibi confrégit poténtias arcuum, \* scutum, gládium, et bellum.

Illúminans tu mirábiliter a móntibus aetérnis : \* turbáti sunt omnes insipientes corde.

Dormiérunt somnum suum : \* et nihil invenérunt omnes viri divitiárum in mánibus suis.

Ab increpatione tua Deus Jacob \* dormitavérunt qui ascendérunt equos.

Tu terríbilis es, et quis resístet tibi? \* ex tunc ira tua.

De caelo audítum fecísti judícium : \* terra trémuit et quiévit,

Cum exsúrgeret in judícium Deus, \* ut salvos fáceret omnes mansuétos terrae.

Quóniam cogitátio hóminis confitébitur tibi : \* et relíquiae cogitátionis diem festum agent tibi.

Vovéte, et réddite Dómino Deo vestro : \* omnes qui in circúitu ejus affértis múnera.

Terríbili et ei qui aufert spíritum príncipum, \* terríbili apud reges terrae.

Añña. Illúminans tu mirábiliter a móntibus aetérnis : turbáti sunt omnes insipientes corde.

Psalmus 83.

**Q**UAM dilécta tabernácula tua Dómine virtútum : \* concupíscit, et déficit ánima mea in átria Dómini.

Cor meum, et caro mea \* exsultavérunt in Deum vivum.

Etenim passer invénit sibi domum : \* et turtur nidum sibi, ubi ponat pullos suos.

Altária tua Dómine virtútum : \* rex meus, et Deus meus.

Beáti, qui hábitant in domo tua Dómine : \* in saecula saeculórum laudábunt te.

Beátus vir, cujus est auxiliúm abs te : \* ascensiónes in corde suo dispósuit, in valle

lacrymarum in loco, quem posuit.

Etenim benedictionem dabit legislator, et ibunt de virtute in virtutem : \* videbitur Deus deorum in Sion.

Domine Deus virtutum exaudi orationem meam : \* auribus percipe Deus Jacob.

Protector noster aspice Deus : \* et respice in faciem Christi tui :

Quia melior est dies una in atriis tuis, \* super millia.

Elégi abjectus esse in domo Dei mei : \* magis quam habitare in tabernaculis peccatorum.

Quia misericordiam, et veritatem diligit Deus : \* gratiam, et gloriam dabit Dominus.

Non privabit bonis eos, qui ambulant in innocentia : \* Domine virtutum, beatus homo, qui sperat in te.

Añā. Melior est dies una in atriis tuis, super millia.

Psalmus 86.

**F**UNDAMENTA ejus in montibus sanctis : \* diligit Dominus portas Sion super omnia tabernacula Jacob.

Gloriosa dicta sunt de te, \* civitas Dei.

Memor ero Rahab, et Babylonis \* scientium me.

Ecce alienigenae, et Tyrus, et populus Aethiopum, \* hi fuerunt illic.

Numquid Sion dicet : Homo, et homo natus est in ea : \*

et ipse fundavit eam Altissimus?

Dominus narrabit in scripturis populorum, et principum : \* horum, qui fuerunt in ea.

Sicut laetantium omnium \* habitatio est in te.

Añā. Gloriosa dicta sunt de te, civitas Dei.

V. Gloria et honore coronasti eum, Domine. R. Et constituisti eum super opera manuum tuarum.

Sermo sancti Leonis Papae.

*Serm. de Transfigur. ante medium.*

Lectio iv.



**P**ERIT Dominus coram electis testibus gloriam suam, et communem illam cum ceteris corporis formam tanto splendore clarificat, ut et facies ejus solis fulgori similis, et vestitus candori nivium esset aequalis. In qua Transfiguratione illud quidem principaliter agebatur, ut de cordibus discipulorum crucis scandalum tolleretur : nec conturbaret eorum fidem voluntariae humilitas passionis, quibus revelata esset absconditae excellentiae dignitatis. Sed non minore providentia spes sanctae Ecclesiae fundabatur, ut totum Christi corpus agnosceret, quali esset commutatione donandum : ut ejus sibi honoris consortium

membra promitterent, qui in capite praefulsisset.

R. Inebriati sunt ab ubertate domus tuae : \* Et torrénte voluptatis tuae potasti eos. V. Quoniam apud te est fons vitae : et in lumine tuo vidimus lumen. Et.

Lectio v.

**C**ONFIRMANDIS vero Apóstolis, et ad omnem scientiam provehendis, alia quoque in illo miraculo accessit instructio. Móyses enim et Elías, Lex scilicet et Prophetae, apparuerunt cum Dómino loquentes : ut verissime in illa quinque virorum praesentia compleretur, quod dictum est : In duobus vel tribus testibus stat omne verbum. Quid hoc stabilius, quid firmitus verbo, in cuius praedicatione veteris et novi Testaménti concinit tuba, et cum evangélica doctrina, antiquarum protestationum instrumenta concurrunt?

R. Praeceptor, bonum est nos hic esse : faciamus hic tria tabernacula, \* Tibi unum, Móysi unum, et Elíae unum. V. Non enim sciebat quid diceret. Tibi.

Lectio vj.

**A**STIPULANTUR enim sibi invicem utriusque foederis paginae : et quem sub velamine mysteriorum praecedentia signa promiserant, manifestum atque perspicuum praesentis glóriae splendor

ostendit. His ergo sacramentorum revelatióibus Petrus Apóstolus incitatus, mundana spernens, et terréna fastidians, in aeternorum desiderium quodam mentis rapiebatur excessu : et gaudio totius visionis impletus, ibi cum Jesu optabat habitare, ubi manifestá ejus glória laetabatur.

R. Si ministratio mortis litteris deformata in lapidibus, fuit in glória, ita ut non possent inténdere filii Israël in faciem Móysi propter glóriam vultus ejus, quae evacuatur : \* Multo magis ministratio Spíritus, quae manet, erit in glória. V. Amplioris enim glóriae Christus prae Móyse dignus est hábitus, quanto ampliorem honórem habet domus, qui fabricávit eam. Multo magis. Glória Patri. In glória.

In tertio Nocturno.

Psalms 88.



**M**ISERICORDIAS Dómini \* in aeternum cantábo.

In generatióem et generatióem \* annuntiábo veritatem tuam in ore meo.

Quoniam dixisti : In aeternum misericórdia aedificabitur in caelis : \* praeparabitur veritas tua in eis.

Dispósui testaméntum electis meis, et jurávi David servo meo : \* Usque in aeternum praeparábo semen tuum.

Et aedificábo in generatió-  
nem, et generatióem \* sedem  
tuam.

Confitebúntur caeli mirabí-  
lia tua Dómine : \* étenim veri-  
tátem tuam in ecclésia sanctó-  
rum.

Quóniam quis in núbibus  
aequábitur Dómino : \* símilis  
erit Deo in fíliis Dei?

Deus, qui glori ficá tur in con-  
sílio sanctórum : \* magnus et  
terríbilis super omnes qui in  
circúitu ejus sunt.

Dómine Deus virtútum quis  
símilis tibi? \* potens es Dómi-  
ne, et véritas tua in circúitu tuo.

Tu domináris potestáti ma-  
ris : \* motum autem flúctuum  
ejus tu mítigas.

Tu humiliásti sicut vulnerá-  
tum, supérbum : \* in bráchio  
virtútis tuae dispersísti inimí-  
cos tuos.

Tui sunt caeli, et tua est  
terra, ꝛ orbem terrae et pleni-  
túdinem ejus tu fundásti : \*  
aquilónem, et mare tu creásti.

Thabor et Hermon in nómi-  
ne tuo exsultábunt : \* tuum  
bráchium cum poténtia.

Firmétur manus tua, et  
exaltétur délixtera tua : \* justí-  
tia et judícium praeparátio sedis  
tuae.

Misericórdia et véritas prae-  
cédent faciém tuam : \* beátus  
pópulus, qui scit jubilatióem.

Dómine, in lúmine vultus  
tui ambulábunt, ꝛ et in nómi-  
ne tuo exsultábunt tota die : \*  
et in justítia tua exaltabúntur.

Quóniam glória virtútis  
eórum tu es : \* et in beneplá-  
cito tuo exaltábitur cornu  
nostrum.

Quia Dómini est assúptio  
nostra : \* et sancti Israél regis  
nostri.

Tunc locútus es in visióne  
sanctis tuis, ꝛ et dixísti : Pó-  
sui adjutórium in poténte : \*  
et exaltávi eléctum de plebe  
mea.

Invéni David servum me-  
um : \* óleo sancto meo unxi  
eum.

Manus enim mea auxiliábi-  
tur ei : \* et bráchium meum  
confortábit eum.

Nihil profíciet inimícus in  
eo, \* et fílius iniquitátis non  
appónet nocére ei.

Et concídám a faciē ipsíus  
inimícos ejus : \* et odiéntes  
eum in fugam convértam.

Et véritas mea, et misericór-  
dia mea cum ipso : \* et in nómi-  
ne meo exaltábitur cornu ejus.

Et ponam in mari manum  
ejus : \* et in flumínibus délixte-  
ram ejus.

Ipse invocábit me : Pater  
meus es tu : \* Deus meus, et  
suscéptor salútis meae.

Etego primogénitum ponam  
illum \* excélsum prae régibus  
terrae.

In aetérnum servábo illi  
misericórdiam meam : \* et te-  
staméntum meum fidéle ipsi.

Et ponam in saeculum sae-  
culi semen ejus, \* et thronum  
ejus sicut dies caeli.

Si autem dereliquerint filii ejus legem meam : \* et in iudiciis meis non ambulaverint :

Si iustitias meas profanaverint : \* et mandata mea non custodierint :

Visitabo in virga iniquitates eorum : \* et in verbis peccata eorum.

Misericordiam autem meam non dispergam ab eo : \* neque nocēbo in veritate mea :

Neque profanabo testamentum meum : \* et quae procedunt de labiis meis non faciam irrita.

Semel iuravi in sancto meo, et si David mentiar : \* semen ejus in aeternum manebit.

Et thronus ejus sicut sol in conspectu meo, et sicut luna perfecta in aeternum : \* et testis in caelo fidelis.

Tu vero repulisti et despectisti : \* distulisti Christum tuum.

Evertisti testamentum servi tui : \* profanasti in terra Sanctuarium ejus.

Destruxisti omnes sepes ejus : \* posuisti firmamentum ejus formidinem.

Diripuērunt eum omnes transeūtes viam : \* factus est opprobrium vicinis suis.

Exaltasti dexteram deprimentium eum : \* laetificasti omnes inimicos ejus.

Avertisti adiutorium gladii ejus : \* et non es auxiliatus ei in bello.

Destruxisti eum ab emundatione : \* et sedem ejus in terram collisisti.

Minorasti dies temporis ejus : \* perfudisti eum confusione.

Usquequo Domine avertis in finem : \* exardescet sicut ignis ira tua?

Memorare quae mea substantia : \* numquid enim vane constituisti omnes filios hominum?

Quis est homo, qui vivet, et non videbit mortem : \* eruet animam suam de manu inferi?

Ubi sunt misericordiae tuae antiquae Domine, \* sicut iurasti David in veritate tua?

Memor esto Domine opprobrii servorum tuorum \* (quod continui in sinu meo) multarum gentium.

Quod exprobraverunt inimici tui Domine, \* quod exprobraverunt commutationem Christi tui.

Benedictus Dominus in aeternum : \* fiat, fiat.

Añā. Thabor et Hermon in nomine tuo exsultabunt : tuum brachium cum potentia.

Psalmus 96.

**D**OMINUS regnavit, exsultet terra : \* laetentur insulae multae.

Nubes, et caligo in circuitu ejus : \* iustitia, et iudicium correctio sedis ejus.



Ignis ante ipsum praecedet, \*  
et inflammabit in circuitu inimicos ejus.

Illuxerunt fulgura ejus orbi terrae : \* vidit, et commota est terra.

Montes, sicut cera fluxerunt a facie Domini : \* a facie Domini omnis terra.

Annuntiaverunt caeli justitiam ejus : \* et viderunt omnes populi gloriam ejus.

Confundantur omnes, qui adorant sculptilia : \* et qui gloriantur in simulacris suis.

Adorate eum omnes Angeli ejus : \* audivit, et laetata est Sion.

Et exultaverunt filiae Judae, \* propter judicia tua Domine :

Quoniam tu Dominus altissimus super omnem terram : \* nimis exaltatus es super omnes deos.

Qui diligitis Dominum, odite malum : \* custodit Dominus animas sanctorum suorum, de manu peccatoris liberabit eos.

Lux orta est justo, \* et rectis corde laetitia.

Laetamini justi in Domino : \* et confitemini memoriae sanctificationis ejus.

Aññ. Lux orta est justo, et rectis corde laetitia.

Psalmus 103.

**B**ENEDIC anima mea Domino : \* Domine Deus meus magnificatus es vehementer.

Confessionem, et decorem induisti : \* amictus lumine sicut vestimento :

Extendens caelum sicut pellem : \* qui tegis aquis superiora ejus.

Qui ponis nubem ascensum tuum : \* qui ambulas super pennas ventorum.

Qui facis Angelos tuos, spiritus : \* et ministros tuos ignem urentem.

Qui fundasti terram super stabilitatem suam : \* non inclinabitur in saeculum saeculi.

Abyssus, sicut vestimentum, amictus ejus : \* super montes stabunt aquae.

Ab increpatione tua fugient : \* a voce tonitru tui formidabunt.

Ascendunt montes : et descendunt campi \* in locum, quem fundasti eis.

Terminum posuisti, quem non transgredientur : \* neque convertentur operire terram.

Qui emittis fontes in convallibus : \* inter medium montium pertransibunt aquae.

Potabunt omnes bestiae agri : \* expectabunt onagri in siti sua.

Super ea volucres caeli habitabunt : \* de medio petrarum dabunt voces.

Rigans montes de superioribus suis : \* de fructu operum tuorum satiabitur terra :

Producens foenum jumentis, \* et herbam servituti hominum :

Ut edúcas panem de terra : \*  
et vinum laetíficet cor hómi-  
nis :

Ut exhílares fáciem in óleo : \*  
et panis cor hóminis confir-  
met.

Saturabúntur ligna campi, ꝛ  
et cedri Líbani, quas plantá-  
vit : \* illic pásseres nidificá-  
bunt.

Heródii domus dux est eó-  
rum : ꝛ montes excélsi cervis : \*  
petra refúgium herináciis.

Fecit lunam in témpora : \*  
sol cognóvit occásu suum.

Posuísti ténebras, et facta  
est nox : \* in ipsa pertransíbunt  
omnes béstiae silvae.

Cátuli leónum rugiéntes, ut  
rápíant, \* et quaerant a Deo  
escam sibi.

Ortus est sol, et congregáti  
sunt : \* et in cubílibus suis  
collocabúntur.

Exíbit homo ad opus suum : \*  
et ad operatióem suam usque  
ad vésperum.

Quam magnificáta sunt ópera  
tua Dómine! ꝛ ómnia in sa-  
piéntia fecísti : \* impléta est  
terra possessióne tua.

Hoc mare magnum, et spa-  
tíósum mánibus : \* illic re-  
ptília, quorum non est núme-  
rus.

Animália pusílla cum ma-  
gnis : \* illic naves pertrans-  
íbunt :

Draco iste, quem formásti ad  
illudéndum ei : \* ómnia a te  
exspéctant ut des illis escam  
in témpore.

Dante te illis, cólligent : \*  
aperiénte te manum tuam,  
ómnia implebúntur bonitáte.

Averténte autem te fáciem,  
turbabúntur : ꝛ áuferes spíri-  
tum eórum, et defícient, \* et in  
púlverem suum reverténtur.

Emíttes spíritum tuum, et  
creabúntur : \* et renovábis  
fáciem terrae.

Sit glória Dómini in saecu-  
lum : \* laetábitur Dóminus in  
óperibus suis :

Qui réspicit terram, et facit  
eam trémere : \* qui tangit  
montes, et fúmigant.

Cantábo Dómino in vita  
mea : \* psallam Deo meo  
quámdiu sum.

Jucúndum sit ei elóquium  
meum : \* ego vero delectábor  
in Dómino.

Defícient peccatóres a terra, ꝛ  
et iníqui ita ut non sint : \*  
benedic ánima mea Dómino.

Añã. Confessióem, et decó-  
rem induit : amíctus lúmine  
sicut vestiménto.

℣. Magna est glória ejus in  
salutári tuo. ℞. Glóriam et  
magnum decórem impónes  
super eum.

Léctio sancti Evangélíi secún-  
dum Matthaeum.

Léctio vij.

Cap. 17.

**I**N illo témpore : Assúmpsit  
Jesus Petrum, et Jacó-  
bum, et Joánnem fratrem ejus,  
et duxit illos in montem excél-  
sum seórsum : et transfigurá-  
tus est ante eos. Et réliqua.

Homilia sancti Joannis  
Chrysostomi.

*Homilia 57. in Matth. in  
initio.*



**Q**UONIAM multa de periculis, multa de passione sua, multa de morte, et de caede discipulorum locutus est Dominus : et aspera complura atque ardua eis injunxit, et illa quidem in praesenti vita, et jam imminabant, bona vero in spe et expectatione erant : ut puta quia servarent animam suam, si perderent eam; quia in gloria Patris sui venturus sit, et praemia redditurus : ut visu etiam certiores faceret, et ostenderet quidnam sit illa gloria, cum qua venturus est, quantum capere poterant in hac praesenti vita, illis ostendit, eamque deiecit, ne aut sua, aut Domini morte doleant, et maxime Petrus.

R. Vocavit nos Deus vocatione sua sancta, secundum gratiam suam, quae manifestata est nunc \* Per illuminationem Salvatoris nostri Jesu Christi. V. Qui destruxit mortem, illuminavit autem vitam in incorruptionem. Per.

Lectio viij.

**E**T vide quid agit, cum de regno et de gehenna disseruerit. Nam in eo, quod dixit : Qui invenit animam suam, perdet eam; et quicumque perdet eam gratia mei,

inveniet ipsam : et in eo, quod ait : Reddet unicuique secundum opera sua : et regnum, et gehennam designavit. Cum igitur de utrisque disseruerit, regnum quidem, ut oculis cernatur, concedit; gehennam autem minime, quoniam rudioribus atque ineptioribus illud necessarium fuisset : sed cum illi probi essent, ac perspicaces, satis fuit eos a melioribus confirmari.

R. Deus, qui dixit de tenebris lumen splendescere, illuxit in cordibus nostris \* Ad illuminationem scientiae claritatis Dei, in facie Jesu Christi. V. Exortum est in tenebris lumen rectis corde : misericors, et miserator, et justus. Ad.

Lectio ix.

**P**RIMOS igitur Apostolorum seorsum assumpsit. Et adduxit in montem : et transfiguratus est ante eos. Et resplenduit facies ejus sicut sol : vestimenta vero ejus facta sunt alba sicut nix. Quamobrem hos accepit? Quia excellentiores ceteris videlicet erant. Et Petrus quidem, quia valde Christum diligebat, idcirco praestabat : Joannes vero, qui nimium diligebatur, ac Jacobus a responso, quod dedit cum fratre interrogatus, dicens : Possumus hunc calicem bibere.

R. Dum oraret Jesus, facta est species vultus ejus altera : et vestitus ejus albus reful-

gens : et duo viri loquebantur cum illo : \* Móyses, et Elías, visi In majestáte. *V.* Dicébant autem excéssum ejus, quem completúrus erat in Jerúsalem. Móyses. Glória Patri. In majestáte.

Ante Laud. *V.* Emítte lucem tuam et veritátem tuam. *R.* Ipsa me deduxérunt, et adduxérunt in montem sanctum tuum, et in tabernácula tua.

## IN LAUDIBUS.

Aña. Assúmpit Jesus Petrum, et Jacóbum, et Joánnem fratrem ejus, et addúxit eos in montem excélsu seórsum : et transfigurátus est ante eos. Psalm. Dóminus regnávít. cum ceteris, pag. xj.

Aña. Resplénduit fácies ejus sicut sol : vestiménta autem ejus facta sunt alba sicut nix, allelúia.

Aña. Et ecce apparuérunt eis Móyses, et Elías, loquéntes cum Jesu.

Aña. Respóndens autem Petrus, dixit ad Jesum : Dómine, bonum est nos hic esse.

Aña. Adhuc eo loquente, ecce nubes lúcida obumbrávit eos.

Capitulum. Salvatórem. ut supra in Vesperis, pag. 595.

## Hymnus.

**A**MOR Jesu dulcissime,  
Quando cor nostrum ví-  
sitas,  
Pellis mentis caliginem,  
Et nos reples dulcedine.

Quam felix est, quem sáticas!  
Consors patérnae dexteræ :  
Tu verae lumen pátriae,  
Quod omnem sensum súperat.  
Splendor aetérnae glóriæ,  
Incomprehénsa bónitas,  
Amóris tui cópiam  
Da nobis per praeséntiam.

Glória tibi Dómine. etc. ut supra in Vesperis, pag. 596.

*V.* Coróna áurea super caput ejus. *R.* Expréssa signo sanctitátis.

Ad Benedictus, Aña. Et ecce vox de nube, dicens : Hic est Fílius meus diléctus, in quo mihi bene complácuí : ipsum audíte, allelúia.

Deinde Mem. SS. Xysti, Felicissimi, et Agapiti Mart.

## Oratio.

**D**EUS, qui nos concédis sanctórum Mártyrum tuórum Xysti, Felicissimi, et Agápiti natalítia cólere; da nobis in aetérna beatitúdine de eórum societáte gaudére. Per Dóminum.

Ad Primam, *R.* Jesu Christe. *V.* Qui apparuísti hódie.

## AD TERTIAM.

Capitulum. Salvatórem. ut supra in Vesperis, pag. 595.

*R.* Gloriósus apparuísti in conspéctu Dómini, \* Allelúia, allelúia. Gloriósus. *V.* Proptérea decórem induit te Dóminus. Allelúia. Glória Patri. Gloriósus.

*V.* Glória et honóre coronásti eum, Dómine. *R.* Et consti-

tuísti eum super ópera mánuum tuárum.

## AD SEXTAM.

Capitulum. 2. *Cor.* 3.

**D**OS omnes, reveláta fácie glóriam Dómini specularantes, in eámdem imáginem transformámur a claritáte in claritátem, tamquam a Dómini Spíritu.

R̃. Glória et honóre coronásti eum, Dómine, \* Allelúia, allelúia. Glória. Ṽ. Et constituísti eum super ópera mánuum tuárum. Allelúia. Glória Patri. Glória.

Ṽ. Magna est glória ejus in salutári tuo. R̃. Glóriam et magnum decórem impónes super eum.

## AD NONAM.

Capitulum. *Apoc.* 21.

**S**USTULIT me in spíritu in montem magnum, et altum, et osténdit mihi civitátem sanctam Jerúsalem descendéntem de caelo a Deo, habéntem claritátem Dei : et lucérna ejus est Agnus.

R̃. Magna est glória ejus in salutári tuo, \* Allelúia, allelúia. Magna. Ṽ. Glóriam et magnum decórem impónes super eum. Allelúia. Glória Patri. Magna.

Ṽ. Coróna áurea super caput ejus. R̃. Expressa signo sanctitátis.

## AD VESPERAS.

Super Psalm. Aña. Assúmpsit. j. Laudum. Psalmi de

Dominica, pag. 89. et loco ultimi, Ps. 116. Laudáte Dóminum. pag. 92.

Capitulum, Hymnus et Ṽ. ut in j. Vesperis.

Ad Magnificat, Aña. Et audiéntes discípuli cecidérunt in fáciem suam, et timuérunť valde. Et accéssit Jesus, et tétigit eos : dixítque eis : Súrgite, nolíte timére, allelúia, allelúia.

## DIE VII. AUGUSTI.

S. Cajetani Confessoris.

Duplex. Oratio.

**D**EUS, qui beáto Cajetano Confessóri tuo Apostólicam vivéndi formam imitári tribuísti : da nobis, ejus intercessióne et exémplo, in te semper confídere, et sola caeléstia desideráre. Per Dóminum.

In secundo Nocturno.

Lección iv.



**CAJETANUS** nóbili Thienaea gente Vicéntiae ortus, statim a matre Desparae Vírgini oblátus est. Mira a téneris annis morum innocéntia in eo elúxit, ádeo ut Sanctus ab ómnibus nuncuparétur. Juris utriúsq̃e láuream Patávii adéptus, Romam proféctus est : ubi inter Praelátos a Júlio Secúndo collocátus, et Sacerdótio initiátus, tanto divíni amoris aestu succénsus est, ut, relícta aula, se totum Deo mancipáverit. Nosocomíis próprio

aere fundátis, étiam morbo pestilénti laborántibus, suis ipse mánibus inserviébat. Proximórum salúti assídua cura incumbébat, dictus proptérea Venátor animárum.

Lectio v.

**C**OLLAPSAM Ecclesiasticórum disciplinam ad formam Apostólicae vitae instauráre desíderans, Ordinem Clericórum Regulárium instítuit; qui, abdicáta rerum ómnium terrenárum sollicitúdine, nec réditus possidérent, nec vitae subsidia a fidélibus péterent, sed solis eleemósynis sponte oblátis víverent. Itaque, approbánte Cleménte Séptimo, ad aram máximam basílicae Vaticánae una cum Joánnē Petro Caráfa Epísopo Theatíno, qui póstea Paulus Quartus Póntifex Máximus fuit, et áliis duóbus exímiae pietátis viris, vota solémnia emísit. In Urbis directióne a milítibus crudelíssime vexátus, ut pecúniam próderet, quam dudum in caeléstes thesauros manus páuperum deportáverant, vérbera, torménta, et cárceres invícta patiéntia sustínuit. In suscepto vitae institúto constantíssimē perseverávit, soli divínae providéntiae inhaerens, quam sibi nunquam defuisse aliquándō mirácula comprobáruť.

Lectio vj.

**D**IVINI cultus stúdiuť, nitórem domus Dei, sacrórum rítuť observántiam,

et sanctíssimae Eucharistíae frequentiórem usum máxime promóvit. Haeresum monstra et látebras non semel detéxit, ac profligávit. Orationē ad octo passim horas júgibus lácrymis protrahébat; saepe in éxtasim raptus, ac prophetíae dono illústris. Romae nocte natalítia ad Praesépe Dómini infántem Jesum accípere méruit a Deípara in ulnas suas. Corpus íntegras noctes intérdum verberatióibus affligébat: nec unquam addúci pótuit, ut vitae asperitátem emollíret: testátus in cínere et cilício velle se mori. Dénique ex ánimi dolóre concépto morbo, quod offéndi plebis seditióne Deum vidéret, caelésti visióne recreátus, Neápoli migrávit in caelum; ibíque corpus ejus in ecclésia sancti Pauli magna religióne cólitur. Quem multis miráculis in vita et post mortem gloriósum Clemens Décimus Póntifex Máximus Sanctórum número adscrípsit.

In iij. Nocturno, Homilia in Evang. Nemo potest duóbus dómínis servíre. ut in Dom. xij. post Octavam Trinitatis, p. 327.

In Laudibus fiat Memoria S. Donati Episcopi et Martyris.

Oratio.

**D**EUS, tuórum glória Sacerdótum: praesta quaesumus, ut sancti Mártyris tui et Epísopi Donátī, cujus festa gérimus, sentiámus auxíliuť. Per Dóminuť.

## DIE VIII. AUGUSTI.

B. Augustini Lucerini  
Episc. et Conf. Ord. Praed.

Duplex. Oratio.

**D**EUS, qui Ecclesiae tuae in beato Augustino Confessore tuo atque Pontifice boni pastoris exemplum providere dignatus es : concède propitius; ut ejus intercessione, in loco pascuae tuae perpetuo collocari mereamur. Per Dominum.

In j. Nocturno, Lectiones  
**Fidelis sermo.** de Comuni  
Conf. Pont. pag. liij.

In secundo Nocturno.

Lectio iv.



**AUGUSTINUS** Trágurii in Dalmátia, sub Spalaténsi Archiepiscopátu, paréntibus nobilitáte, ac orthodoxae fidei pietáte illústribus, natus est. Adoléscens, ut totum se Deo mancipáret, saeculári património dimísso, sacrae Pradicatórum famíliae nomen dedit : ibique in sectándis sancti Domínici, quem sibi patrem elégerat, vestígiis ádeo incúbuit, ut adhuc júvenis tamquam reguláris observántiae exemplar ómnibus proponerétur. Exácto tirocínio, Parísios, una cum fratre Jacóbo Ursíni, studiórum causa missus, sanctum Thomam Aquinátem magístrum hábuit : sub quo mirum

est, quantum in sciéntia, pietáte, ceterísque virtútibus profécerit.

Lectio v.

**I**N pátriam revérsus, Superiorum jussu praedicatióni divíni verbi addíctus est. Máximo ínterim salutis animárum stúdio inardéscens, nihil unquam omísit, quo infidéles ad fidem, peccatóres ad poeniténtiam revocáret. In oratíone assíduus, cui incúmbens plures noctes ducébat insómnes, illud sancti Doctóris Augustíni fréquenter usurpábat : Recte novit vívere, qui recte novit oráre. Ne vero sub módio virtútum ejus lucérna delitésceret, a Benedícto Undécimo ad Zagabriénsensem Episcopátum promotus fuit. Quo in múnere, humilitátis, patiéntiae, misericórdiae erga páuperes laude, et praecipue indeféssis in custodiéndogrege sibi commísso labóribus ádeo enítuit, ut Robértus rex Neápolis, audíta ejus fama, summis précibus a Joáñne Vigésimo secúndo impetrárit, pastórem illum praefici Ecclesiae Lucerínae : ut eam a Saracenórum erróribus, quibus infécta fúerat, expurgáret.

Lectio vj.

**A**D Lucerínam Ecclesiam proféctus, novae sponsae suae máculas a Saracenórum labe expurgatúrus, mirum quas aerúmna, quos labóres perpéssus sit : donec oratíonis fer-

vóre, praedicationis efficácia, morum sanctitate, univérsum ovíle suum catholicum vidére merúerit. Utque illud a quolibet futúro inquinaménto serváret immúne, Deíparae vírginis poténti patrocínio submisit totam dioecésim, ac praecipue urbem Lucerínam, quam, mutáto nómine, civitátem sanctae Maríae appellári vóluit : qua nomenclatúra nostris étiam temporibus dicta civitas decorátur. Tandem méritis plenus, et miraculorum fama illústris, ánimam réddidit Creatóri, die tértia Augústi circa annum salutis millésimum trecentésimum vigésimum tértium, aetátis vero suae septuagésimum; cujus corpus in ecclésia, quam suo Ordini aedificáverat, honorífice cónditum, tot prodígiis a Deo insignítum ferunt, ut paucis post ejus óbitum annis, Cárolus dux Calábriae súpplices déderit líttas Joánni Vigésimo secúndo Pontífici Máximo, ut Augustínus Beatórum fastis adscribere dignarétur. Clemens vero Undécimus, ut in toto Praedicatorum Ordine ejus festum cum Offício et Missa de Commúni uníus Confessoris Pontíficis celebrarétur, benígne concéssit.

In iiij. Nocturno, Homilia in Evang. **Homo pégre.** ut in Comm. Conf. Pont. pag. lxj.

In Laud. fiat Mem. SS. Cyríaci, Largi, et Smaragdi Mart.

Oratio.

**D**EUS, qui nos ánnua beatorum Mártyrum tuorum Cyríaci, Largi, et Smaragdi solemnitáte laetíficas : concéde propítius, ut quorum natalítia cólimus, virtútem quoque passionis imitémur. Per Dóminum.

## DIE IX. AUGUSTI.

B. Joannis de Salerno  
Conf. Ord. Praed.

Duplex.

Oratio.

**D**EUS, qui in fidei incrementum, beátum Joánnem Confessórem verbi tui praecónem exímium effecísti : ejus nobis intercessióne largíre, ut quod corde crédimus ad justítiam, ore ad salutem confiteámur. Per Dóminum.

In j. Nocturno, Lectíones  
Beátus vir, qui invéntus est.  
de Communi Conf. non Pont.  
pag. lxiv.

In secundo Nocturno.

Lectio iv.



**JOANNES**, Salérni gente Quarna vétérum Normannórum ortus, Bonóniae in Fratrum Praedicatorum familiam cooptátus est, ejúsque de manu beáti Domínici vestes suscepit. Ipso duce et magístro, tantum in sémita virtútis, et religiósae perfectiónis profécit, ut missis ab eódem sancto Fundatóre ad propagándum per Istrúriam Ordinem duódecim



probatissimis viris, Joánnem, etsi junióris aetátis tunc fuísse mérito cónjici possit, praefecerit. Sanctíssimi Patris praecéptis obtémperans, cum sóciis conténdit Floréntiam versus : ac Rípulis, tértio ferme ab ea lápide, primum cónstitit in domo, a pio cive Florentíno illis paráta, prope sacéllum, quod éxstrui is ipse curáverat. Inde vir sanctus quotidie in urbem véniens, jugi verbi Dei praedicatióne, ac morum innocentia arctíssime sibi devínxit ánimos Florentinórum, qui pérditos in viam salutis redíre, réliquos autem in bono confirmári illíus hortaméntis atque mónitis perspiciébant. Verum qui rem civitátis públicam tunc moderabántur, animadverténtes incómodum eídem esse, quod síngulis diébus summo mane Floréntiam pérgeré, et vésperé ad hospítium Ripulitánum remeáre debéret, de loco, in quo intra urbis moenia una cum sóciis dégere posset, ei providéndo cogitáruunt. Itaque primum ad sancti Pancrátii, dein ad sancti Pauli, ac demum ad sanctae Maríae Novéllae, seu Vineárum, rite fuit eis domicílium constitútum.

Lectio v.

**H**OC in loco piórum largitióibus sacra aede amplificáta, constructóque coenóbio, novi Praedicatóres Floréntiae vívere coepérunt arctióri legum sui Ordinis observántia.

Exémpla suo cunctis Joánnes praefibat. Assídua cibi potúsque abstinéntia, despiciéntia et castigatióne sui, quotidiano oratiónis stúdio, rerum divinárum contemplatióne, quam ad plures horas (noctu praesértim) ducébat, fervénti devotióne, ac caeremoniárum observatióne diligentíssima dum Sacris operarétur, ceterisque virtútibus, quae hóminem cumprímis decent aliórum regímíni praeféctum, ad sui imitatióem, atque puriorem reguláris disciplínae cultum sodáles magnópere excitábat. Córporis animíque cástitas potíssimum in eo excélluit : qua sane quantum praestáret, miro prorsus modo Deus voluit esse perspícuum. Siquidem cum ab impudíca muliere frustra tentátus, relátam de inmúndo spírítu ab se victóriam singulári humilitáte celáre niterétur, daemon ipse, Deo ita jubénte, per os energúmeni rem totam palam fecit, negans se líberum hóminem aliquándo dimissúrum, nisi is, qui inter flammás innóxijs permánserat, se inde expélleret; vocatóque Dei fámulo, ad ipsíus nutum, aegrum multum discerpens, íllico discéssit. His aliisque ab eo praecláre gestis, grátia quoque curatiónum, qua ferunt a Deo fuísse donátum, factum est, ut plures pietáte, nobilitáte géneris, doctrínae fama, ecclesiasticisque dignitátibus fulgéntes viri ab illo in

Ordinem récipi postularent, reque ipsa fúerint recépti : quos inter unus sángine christiánam fidem sancívit, duo autem conspícuis fuérunt deínde Itálie Ecclésiis praepósi.

Lectio vj.

**I**NSTANTE óbitu sancti Domínici, Bonóniam perrexit, ut Parénti óptimo filii obsequéntis atque amantíssimi extréma exhibéret offícia. Floréntiam inde redux, in haeréticos Patarénos, exitiálem Manichaeórum sóbolem, Ecclésiae aequae ac reipublicae statum perturbántes, cum id a Gregório Nono Románo Pontífice ipsi fuisset demandátum, insurgens, eórum audáciam fregit, atque contuméliis ac probris, quibus illum ab incépto deterére conabántur, fórtiter toleráti, catholicam fidem egrégie tutátus est. Ejúsdem Pontíficis jussu opus reformatiónis apud mónachos sancti Anthími Clusínae dioecesis strénue promovit. In aedibus Ripulárum, ubi primo suo in Etrúriam advéntu conséderat, sacrárum vírginum collégium instítuit sub sui Ordinis régula. Innúmeris demum pro Ecclésiae bono, fideique incremento perfúntum labóribus, post administrátam ad plures annos ingénti cum suórum, tum civium proféctu coenóbii sanctae Maríae Novéllae praefectúram, dies última excépit : quam laetus aspéxit, fratrésque, quos de suo

óbitu ántea monúerat, ad vitae sanctimóniam, atque ad vota sua Deo fidéliter reddénda cohortátus, sacris Ecclésiae expiátus, sanctíssime excéssit. Ad ejus sepúlcrum frequens coepit fieri concúrsus populórum, illíus opem implorántium, seque eam adéptos profiténtium, ac eidem cultum deferéntium Beatórum : quem cultum ad haec usque témpora continénter propagátum Pius Sextus Póntifex Máximus Apostólica auctoritáte probávit, et de beáto Joánne festum cum Offício et Missa ab univérso Ordine Fratrum Praedicatórum celebrári benígne concéssit.

In iij. Nocturno, Homilia in Evangelium Designávit Dóminus. ut in Communi Conf. non Pont. pag. lxviij.

## DIE X. AUGUSTI.

S. Laurentii Martyris.

Totum Duplex.

Quae desunt, desumantur ex Comm. unius Mart.

### AD VESPERAS.

Super Psalm. Aña. Lauréntius ingressus est Martyr, et conféssus est nomen Dómini Jesu Christi. Psalm. Laudáte púeri. cum ceteris, pag. j.

R̃. iv. Beátus Lauréntius clamávit. pag. 615.

Ad Magnificat, Aña. Beátus Lauréntius, dum in craticula suprapósitus urerétur, ad im-

piíssimum tyránnum dixit : Assátum est, jam versa, et mandúca : nam facultátes Ecclésiae, quas requíris, in caeléstes thesáuros manus páuperum depor-tavérunt.

Oratio.

**A**DESTO Dómine suppli-cationibus nostris : et intercessióne beáti Lauréntii Mártiris tui, cujus praevení-mus festivitátem, perpétuam nobis misericórdiam benígnus impénde. Per Dóminum no-strum.

AD MATUTINUM.

Invitatorium. Regem sempi-térnum veníte adorémus, \* Qui Mártirem suum digne pro mé-ritis coronávit in caelis.

In primo Nocturno.

Aña. Quo progréderis sine fílio, pater? quo, Sacerdos san-cte, sine minístro próperas?

Aña. Noli me derelínquere, pater sancte, quia thesáuros tuos jam expéndi, quos tradi-dísti mihi.

Aña. Non ego te désero, fili, neque derelínquo : sed majóra tibi debéntur pro fide Christi certámina.

V. Glória et honóre.

De libro Ecclesiástici.

Lectio j.

Cap. 51.



CONFITEBOR tibi Dómine rex, et col-laudábo te Deum sal-vatórem meum. Con-fitébor nómini tuo : quóniam

adjútor et protéctor factus es mihi, et liberásti corpus meum a perditíone, a láqueo linguae iníquae, et a lábiis operántium mendácium, et in conspéctu astántium factus es mihi adjútor. Et liberásti me secúndum multitudinem misericórdiae nóminis tui a rugiéntibus, praeparátis ad escam, de má-nibus quaeréntium ánimam meam, et de portis tribulatió-num quae circumdedérunt me : a pressúra flammae, quae cir-cúmdedit me, et in médio ignis non sum aestuátus : de altitú-dine ventris ínferi, et a lingua coinquináta, et a verbo men-dácii, a rege iníquo, et a lingua injústa.

R. Levíta Lauréntius bonum opus operátus est : qui per signum crucis caecos illuminá-vit, \* Et thesáuros Ecclésiae dedit paupéribus. V. Dispérsit, dedit paupéribus : justítia ejus manet in saeculum saeculi. Et.

Lectio ij.

**L**AUDABIT usque ad mortem ánima mea Dó-minum, et vita mea appropín-quans erat in inférno deórsum. Circumdedérunt me úndique, et non erat qui adjuváret. Res-piciens eram ad adjutórium hóminum, et non erat. Memo-rátus sum misericórdiae tuae Dómine, et operatiónis tuae, quae a saeculo sunt : quóniam éruis sustinéntes te Dómine, et liberas eos de mánibus gén-tium.

R̃. Quo progréderis sine filio, pater? quo Sacerdos sancte, sine diácono próperas? \* Tu nunquam sine ministro sacrificium offerre consuéveras. Ṽ. Quid in me ergo displicuit paternitati tuae? numquid degenerem me probásti? Experire certe, utrum idóneum ministrum elégeris, cui commisísti Domínici ságuinis dispensatióem. Tu.

Lectio iij.

**E**XALTASTI super terram habitatióem meam, et pro morte defluente deprecátus sum. Invocávi Dóminum patrem Dómini mei, ut non derelínquat me in die tribulatióis meae, et in témpore superbórum sine adjutório. Laudábo nomen tuum assidue, et collaudábo illud in confessiõe, et exaudíta est orátio mea. Et liberásti me de perditiónē, et eripuísti me de témpore iníquo. Propterea confitébor, et laudem dicam tibi, et benedícam nómini Dómini.

R̃. Noli me derelínquere, pater sancte, quia thesáuros tuos jam expéndi. \* Non ego te désero, fili, neque derelínquo : Sed majóra tibi debéntur pro fide Christi certámina. Ṽ. Nos quasi senes levióris pugnae cursum recípiamus; te autem quasi júvenem manet gloriósior de tyránno triúmpus : post trídium me sequéris Sacerdótem Levíta. Non ego. Glória Patri. Sed.

In secundo Nocturno.

Añã. Beátus Lauréntius orábat, dicens : Dómine Jesu Christe, Deus de Deo, miserere mihi servo tuo.

Añã. Beátus Lauréntius dixit : Mea nox obscurum non habet, sed ómnia in luce clarescunt.

Añã. Dixit Románus ad beátum Lauréntium : Vídeo ante te júvenem pulcherrimum : festína me baptizáre.

Ṽ. Posuísti Dómine.

Sermo sancti Augustini  
Epíscopi.

*Serm. 30. de Sanctis.*

Lectio iv.



**D**EATISSIMI Lauréntii Mártyris, cujus natálem hódie celebrámus, passióem nosse vos credo : et quanta in persecutiõe pertúlerit, dilectiõe vestram scire posse non dúbito. Tanta enim ejus martyrii glória éxstitit, ut passiõe sua mundum illumináverit univérsum. Illuminávit pláne mundum Lauréntius eo lumine, quo ipse accénsus est; et flammis, quas ipse pertulit, ómnium Christianórum corda calefécit. Quis nolit ad horam uri Lauréntii igne, ut aetérnum gehénnae non patiátur incéndium?

R̃. Beátus Lauréntius clamávit, et dixit : Deum meum colo, et ipsi soli sérvio, \* Et

ideo non timeo tormenta tua. *V.* Mea nox obscurum non habet, sed omnia in luce clarescunt. Et ideo.

Lectio v.

**B**EATI igitur Laurentii exemplo provocamur ad martyrium, accendimur ad fidem, incallescimus ad devotionem. Et si nobis persecutoris flamma deest, fidei tamen flamma non deest. Non ardemus quidem corpore pro Christo, sed ardemus affectu. Non subicit mihi persecutor ignem, sed suggerit mihi ignem desiderium Salvatoris. Quo igne succensi illi duo discipuli dixerunt: Nonne cor nostrum ardens erat in nobis, dum loqueretur in via, et aperiret nobis Scripturas?

*R.* Strinxerunt corporis membra posita in craticula: subjicientibus prunas insultat Levita Christi. \* Beate Laurenti, Martyr Christi, intercede pro nobis. *V.* Carnifices vero urgentes ministrabant carbones subter cratem ferream. Beate.

Lectio vj.

**H**OC igitur igne beatus Laurentius accensus, flammarum non sentit incendia: et dum Christi ardet desiderio, persecutoris poenam non sentit. In quantum enim in illo fidei ardor fervet, in tantum supplicii flamma frigescit. Corporali enim beatus Laurentius laborat incendio, sed divinus

Salvatoris ardor materiale tyranni restinxit ardorem. Quamvis enim in favillam membra solvantur, fidei tamen fortitudo non solvitur. Corporis quidem detrimentum sustinet, sed lucrum salutis acquirit.

*R.* Beatus Laurentius dixit: Ego me obtuli sacrificium Deo \* In odorem suavitatis. *V.* Gaudio plane, quia hostia Christi effici merui. In odorem. Gloria Patri. In odorem.

In tertio Nocturno.

*Añ.* Strinxerunt corporis membra posita in craticula: subjicientibus prunas insultat Levita Christi. Psalm. 10. In Domino confido. pag. xxiv.

Psalmus 16.

**E**XAUDI Domine justitiam meam: \* intende deprecationem meam.

Auribus percipe orationem meam, \* non in labiis dolosis.

De vultu tuo iudicium meum prodeat: \* oculi tui videant aequitates.

Probasti cor meum, et visitasti nocte: \* igne me examinasti, et non est inventa in me iniquitas.

Ut non loquatur os meum opera hominum: \* propter verba labiorum tuorum ego custodivi vias duras.

Percipe gressus meos in semitis tuis: \* ut non moveantur vestigia mea.

Ego clamavi, quoniam exaudivisti me Deus: \* inclina aurem

tuam mihi, et exáudi verba mea.

Mirífica misericórdias tuas, \* qui salvos facis sperántes in te.

A resisténtibus dexteræ tuæ custódi me, \* ut pupíllam óculi.

Sub umbra alárum tuárum prótege me : \* a fácie impiórum qui me afflixérunt.

Inimíci mei ánimam meam circumdedérunt, ⁊ ádipem suum conclusérunt : \* os eórum locútum est supérbiam.

Projiéntes me nunc circumdedérunt me : \* óculos suos statuérunt declináre in terram.

Suscepérunt me sicut leo parátus ad praedam : \* et sicut cátulus leónis hábitans in ábditis.

Exsúrge Dómine, praeveni eum, et supplánta eum : \* éripe ánimam meam ab ímpio, frámeam tuam ab inimícis manus tuæ.

Dómine a paucis de terra dívide eos in vita eórum : \* de absconditis tuis adimplétus est venter eórum.

Saturáti sunt fíliis : \* et dimisérunt relíquias suas párvulis suis.

Ego autem in justítia apparebo conspéctui tuo : \* satiábor cum apparúerit glória tua.

Aña. Igne me examinásti, et non est invénta in me iníquitas.

Aña. Interrogátus te Dóminum conféssus sum, assátus

grátias ago. Psalmus 20. Dómine in virtúte tua laetábitur. pag. xxv.

℣. Magna est glória.

Homilia in Evang. Nisi granum. ut in Communi unius Mart. pag. xxxij.

R̃. vij. In cratícula te Deum non negávi : et ad ignem applicátus, \* Te Dóminum Jesum Christum conféssus sum. ℣. Accusátus non negávi nomen sanctum tuum : et interrogátus. Te Dóminum.

R̃. viij. Gáudeo plane, quia hóstia Christi éffici mérui : accusátus non negávi nomen sanctum ejus, interrogátus Christum conféssus sum, \* Assátus grátias ago. ℣. Ego me obtuli sacrificium Deo in odórem suavitátis. Assátus.

R̃. ix. Mérui esse hóstia Christi Levíta Lauréntius, qui dum assarétur, non negávit Dóminum : \* Et ídeo invéntus est sacrificium laudis. ℣. In cratícula pósitus, Deum non negávit : et ad ignem applicátus, Christum conféssus est. Et ídeo. Glória Patri. Et ídeo.

Ante Laud. ℣. Ora pro nobis.

#### IN LAUDIBUS.

Aña. Lauréntius ingrèssus est Martyr, et conféssus est nomen Dómini Jesu Christi. Psalmus. Dóminus regnávit. cum ceteris, pag. xj.

Aña. Lauréntius bonum opus operátus est, qui per signum crucis caecos illuminávit.

Añā. Adhaesit ánima mea post te, quia caro mea igne cremáta est pro te, Deus meus.

Añā. Misit Dóminus Angelum suum, et liberávit me de médio ignis, et non sum aestuátus.

Añā. Beátus Lauréntius orábat, dicens : Grátias tibi ago, Dómine, quia jánuas tuas ingredi mérui.

Ad Benedictus, Añā. In cráticula te Deum non negávi, et ad ignem applicátus te Christum conféssus sum : probásti cor meum, et visitásti nocte : igne me examinásti, et non est invénta in me iníquitas.

Oratio.

**D**A nobis, quaesumus omnipotens Deus, vitiórum nostrórum flammās exstinguere; qui beáto Lauréntio tribuísti tormentórum suórum incéndia superáre. Per Dóminum.

AD VESPERAS.

Super Psalm. Añā j. Laudum. Psalmi, ut in Comuni unius Mart. p. xxviii.

Ad Magnificat, Añā. Levíta Lauréntius bonum opus operátus est, qui per signum crucis caecos illuminávit, et thesáuros Ecclésiae dedit paupéribus.

Mem. octavae diei S. Dominici Patris nostri.

Deinde fiat Mem. de S. Tibúrtio. Añā. Inclytus Martyr Tibúrtius, cum nudátis plantis super prunas ardéntes incéderet, Fabiáno praefécto dixit :

Vidétur mihi, quod super róseos flores incédam in nómine Dómini mei Jesu Christi.

℟. Posuísti Dómine.

Oratio.

**B**EATI Tibúrtii Mátyris tui nos, Dómine, sóveant continuáta praesídia : quia non désinis propítius intuéri, quos tálibus auxiliis concésseris adjuvári. Per Dóminum.

Per Oct. S. Laurentii, praeterquam in utrisque Vesperis et Laudibus Assumptionis, fiat Mem. in Laud. per Añam. Lauréntius ingressus. j. Laudum.

℟. Coróna áurea.

In Vesperis, per Añam. Lauréntius bonum. ij. Laudum.

℟. Glória et honóre.

## DIE XI. AUGUSTI.

Octava S. Dominici Patris nostri.

Solemnis.

In secundo Nocturno.

*Ex Theod. S. Anton. et aliis.*

Lectio iv.



**C**UM sanctíssimi Patris Domínici ópera, ubíque terrárum monastéria jam aedificarentur, innumerabílesque hómines religiósam ac piam vitam institúerent, Ordóque Praedicatorum mirífice propagarétur : ádfuit tandem exoptatíssimum sibi tempus, quo vir Dei tantórum labórum praemia percepturus migráret in caelum.

Imminéntem igitur tránsitum divína revelatióne cognóvit. Oránti enim, et amóre divínorum ardéntius aestuánti ástitit pulchérissimus júvenis, humana spécie major, his eum verbis allocútus : Veni dilécte, et in vera gáudia ingrédere.

Lectio v.

**Q**UO núnctio summópere laetátus, certíssimam concépit de sua salúte fidúciam. Sub finem igitur mensis Júlii, aestu, et labóre itíneteris conféctus, Bonóniam venit. Et cum vix prae lassitúdine membra subsisterent, incredíbili tamen devotiónis ardóre succénsus, in ecclésia totam noctem orans de more consúmpsit, ac matutínis étiam précibus cum frátribus intérfuit. Quibus finítis, gravi cápitis dolóre afféctus, in febrem incidit, ex qua procul dúbio se moritúrum intelléxit. Rara fuit ejus in extrémó morbo paciéntia : nam fébribus exústus, semper vultu hílari ac jucúndo erat.

Lectio vj.

**C**UM autem vidéret supré- mum sibi vitae diem jam adésse, accérsiit ad se novítios, et vivis ac ferventíssimis verbis eos ad amórem Dei, et vitae monásticae observántiam est hortátus. Et quamvis tam afflícta esset valetúdine, nóluit in lectúlo, sed super saccum cubáre. Dein accítis duódecim ex senióribus et praestantióribus frátribus, Prióri convéntus

Bononiénsis generáliter ómnia peccáta conféssus est, exomologesíque sacro ritu perácta, illis astántibus dixit : En, fratres caríssimi, in hanc usque horam illibáta mihi virgíntas singulári Dei múnere cónstitit : quam si vos étiam persánte coluéritis, et vitae mundítia, et odóre clarae famaé, mirum in modum in pópulis promovebímini.

In iij. Noct. Homil. Dominicae.

Post Mem. S. Laurentii, fiat Mem. de S. Tiburtio per Añam. **Qui vult veníre.** ut in Comuni Mart. pag. xxviij.

**X. Magna est.**

## DIE XII. AUGUSTI.

S. Clarae Virginis.

Duplex.

Oratio.

**F**AMULOS tuos, quaesumus Dómine, beátae Virginis tuae Clarae votíva natalítia recenséntes; caeléstium gaudiórum sua fácias intervencióné partícipes, et tui Unigéniti coherédes : Qui tecum vivit et regnat.

In secundo Nocturno.

Lectio iv.



**CLARA** nóbilis virgo, Assísii nata in Umbria, sanctum Francíscum civem suum imitáta, facultátibus suis in páuperes erogátis, quemádmódum ille fratrum, sic ipsa



sacrárum sorórum collégium instítuit : cum quibus in ecclé-  
sia sancti Damiáni vixit admi-  
rábili sanctitáte. Quae Sara-  
cénis Assísium obsidéntibus,  
et monastérium, cui illa prae-  
erat, invádere conántibus, aegra  
se ad portam afférri vóluit,  
unáque vas, in quo sanctíssi-  
mum Eucharistíae sacramén-  
tum erat inclúsum : ibíque  
orávit in hunc modum : Ne  
tradas Dómine béstiis ánimas  
confiténtes tibi, et custódi fámu-  
las tuas, quas pretíoso sáanguine  
redemísti. In cujus oratióne ea  
vox audíta est : Ego vos sem-  
per custódiam. Saracéni autem  
partim se fugae mandárunt,  
partim, qui murum ascénde-  
rant, capti óculis, praecípites  
cecidérunt.

## Lectio v.

**I**PSA virgo paulo post jejú-  
niis, oratióibus, vigiliis-  
que confécta, cum duos et qua-  
dragínta annos summa cum  
laude monastérium gubernás-  
set, múltaque edidísset mirá-  
cula; prídie Idus Augústi sacra  
Eucharistía sumpta, ánimam  
Deo réddidit, Innocéntio Quar-  
to summo Pontífice : qui aegro-  
tántem vírginem invísit, eíque  
supplíciter peténti, indulgén-  
tiam peccatórum impertívit.  
Quam póstea Alexánder Quar-  
tus inter sanctas Vírgines ré-  
tulit.

Lectio vj. erit j. de Serm.  
S. Augustini, de Comuni

Virg. non Mart. In festo Vír-  
ginis. etc. pag. lxxxiv.

In iij. Nocturno, Homilia in  
Evang. Símile erit regnum  
caelórum decem virgínibus. ut  
in Comuni unius Virg. non  
Mart. pag. lxxxv.

## DIE XIII. AUGUSTI.

SS. Hippolyti sociorumque  
Martyrum.

Duplex. Oratio.

**D**A, quaesumus omnipotens  
Deus : ut beáti Hippólyti  
Mártyris tui, sociorúmque ejus  
veneránda solémnitas, et devo-  
tiónem nobis áugeat, et salú-  
tem. Per Dóminum.

In secundo Nocturno.

*Ex Actis fidelioribus, et  
Rom. Brev.*

Lectio iv.



**H**IPPOLYTUS a san-  
cto Lauréntio bapti-  
zátus, domi suae,  
dum Eucharistíam  
súmeret, comprehénsus, et ad  
Valeriánum imperátorem ad-  
dúctus, ab eo de suae religió-  
nis professione interrogátus,  
libere se Christiánum profés-  
sus est. Quamóbrem fústibus  
caeditur : quibus in verbéribus  
cum ejus fides constántior in-  
venirétur, munéribus, et honó-  
rum promíssis tentátur. Quae  
cum ómnia frustra diceréntur,  
praefécto occidéndus tráditur.

Lectio v.

**Q**UI domum Hippólyti vé-  
niens, ut ejus facultates  
publicáret, tota famíliam chri-

stiánam esse cognóscit : atque iis a christiána fide frustra detérritis, primum plumbátis caesa Concórdia, Hippólyti nutríce, quae céteros confirmábat, réliquos extra portam Tiburtínam occídi jubet. Hippólytus, indómitis equis raptátus per loca, tribulis et cárduis cónsita, lacerató corpore, spíritum Deo réddidit, unáque cum réliquis a Justíno Presbytero ad agrum Veránum sepúltus est.

Lectio vj.

**S**ED cum idem Justínus corpus Concórdiae inveníre non posset, miles quidam Porphyrius rogávit Irenaeum cloacárium, ut corpus Concórdiae in cloacam proyéctum extráheret. Sperábat enim aurum et gemmas se in véstibus ejus repertúrum. Extrácto corpore, cum nihil miles reperísset eórum, quae putáverat, aufúgit. Irenaeus vero, vocáto ad se Abúndio Christiáno, ambo corpus sanctae Concórdiae ad Justínus Presbyterum detulé- runt, quod ille juxta Hippóly- tum sociósque sepelívit.

In iij. Nocturno, Homilia in Evang. Atténdite. ut in festo SS. Joannis et Pauli, xxvj. Junii, pag. 502.

#### DIE XIV. AUGUSTI.

S. Emygdii Episc. et Martyris.  
Duplex. Oratio.

**D**EUS, qui beátum Emyg- dium Mártirem tuum atque Pontíficem, idolórum

viótória, et miraculórum glória decorásti : concéde propítius, ut eo interveniénte, malórum spírituum fraudes vincere, et coruscáre virtútibus mereámur. Per Dóminum nostrum.

In secundo Nocturno.

Lectio iv.



**MYGDIUS** e nobili Francórum prosápia Tréviris natus, anno aetátis vigésimo tér- tio, paréntibus idolólatris fru- stra obstántibus, fidem Christi suscepit, et constantíssime pro- fessus est. Cum tribus discí- pulis Euplo, Germáno, et Va- lentíno vitam duxit : humánis spretis oblectaméntis, rebus divínis plénius incumbébat; erga próximum caritátis ardóre aestuábat : idcirco ad procu- rándam multórum salútem Romam se cóntulit. Hospítio excéptus in ínsula Tíberis, hóspitis fíliam per quinquén- nium immedicábili morbo lan- guéntem baptísimo sanávit.

Lectio v.

**M**OX, óculis caeci coram pópulo signo crucis apértis, a multitúdine, eum fílium Apóllinis credénte, in templum Æsculápii rápitur. Ibi Christi servum se profes- sus, ejus invocatióne magnum númerum aegrórum, nequíd- quam idóli opem implorán- tium, valetúdini restítuit, aras díruit, Æsculápii signum con- fráctum in Tíberim proyécit.

Quibus rebus, et mille tercentorum gentilium, praeter Æsculapii sacerdotes, conversiōe inde secūta, irritāti Posthūmii Titiāni praefēcti Urbis minas Angeli mōnitu declīnans, sanctum Marcēllum Pontīficem adiit, a quo Episcopus ordinātus, et Asculum missus est.

Lectio vj.

**M**ULTIS in itinere miraculis ingēti multitudine Christo adjūcta, simul ac Asculum Emygdus pervēnit, daemones, e simulacris idolōrum per cuncta fana ejulātibus editis, peregrinum doloris sui causam indicārunt. Quem cum concitāta plebs ad caedem quaereret, excitus tumūltu Polymius civitātis praeses, eum ad se vocātum multis, sed irritis verbis ad Jovis, et Angāriae deae Asculi patrōnae veneratiōnem hortatur, promissis etiā in praemium nūptiis prōpriae filiae Polysiae : quam Emygdus ad Christum convērsam baptizāvit, et post eam mille

et sexaginta hōmines, edūcta e saxo per ingens miraculum aquarum cōpia. His in rābiem actus Polymius sancto Episcopo caput abscidit : quo factō, truncus ejus mirabiliter erectus, abjectum humo prōprium caput attollens manibus, per spātium tercentorum passuum ad oratōrium portāvit : inde ad templum māximum translātus est, ubi magna religiōe Asculāni pōpuli, et concūrsu exterōrum hanc usque in diem cōlitur. Incidit ejus beāta mors, persecutiōne Diocletiāni durānte.


In iij. Nocturno, Homilia in Evang. **Si quis venit.** de Comuni Mart. Pont. pag. xxvj.

In Laudibus, Mem. S. Eusebii Confessoris.

Oratio.

**D**EUS, qui nos beāti Eusebii Confessoris tui ānnua solemnitate laetificas : concēde propitius, ut cujus natalitia cōlimus, per ejus ad te exēmpla gradiāmur. Per Dōminum.





DIE XV. AUGUSTI.

## In Assumptione B. M. V.

TOTUM DUPLEX.

AD VESPERAS.

Super Psalm. Aña. Tota pulcra es amíca mea, et mácula non est in te : favus distillans lábia tua, mel et lac sub lingua tua, odor unguentórum tuórum super ómnia arómata : jam enim hiems tránsiit, imber ábiit, et recéssit : flores apparuerunt, víneae floréntes odórem dedérunt, et vox túrturis audíta est in terra nostra : surge, própéra amíca mea : veni de Líbano, veni, coronáberis. Psalm. Laudáte púeri. cum ceteris, pag. j.

Capitulum. *Eccli.* 24.



N ómnibus réquiem quaesívi, et in hereditáte Dómini morábor. Tunc praecépit, et dixit mihi Creátor ómnium :

et qui creávit me, requiévít in tabernáculo meo.

R̃. vj. Beáta es. pag. 627.

Hymnus.

Hic genuflectitur usque ad Sumens.

**A**VE maris stella,  
Dei Mater alma,  
Atque semper virgo,  
Felix caeli porta.

Sumens illud ave  
Gabriélis ore,  
Funda nos in pace,  
Mutans nomen Evae.

Solve vincla reis,  
Profer lumen caecis :  
Mala nostra pelle,  
Bona cuncta posce.

Monstra te esse matrem :  
Sumat per te preces,  
Qui pro nobis natus  
Tulit esse tuus.

Virgo singuláris,  
Inter omnes mitis,  
Nos culpís solútos,  
Mites fac et castos.

Vitam praesta puram,  
Iter para tutum :  
Ut vidéntes Jesum,  
Semper collaetémur.

Sit laus Deo Patri,  
Summo Christo decus,  
Spíritu sancto,  
Tribus honor unus. Amen.

℣. Exaltáta es sancta Dei  
Génitrix. ℞. Super choros An-  
gelórum ad caeléstia regna.

Ad Magnificat, Añá. Ascén-  
dit Christus super caelos, et  
praeparávit suae castíssimae  
Matri immortalitátis locum :  
et haec est illa praeclára festi-  
vitas, ómnium Sanctórum festi-  
vitátibus incomparábilis, in qua  
gloriósa et felix, mirántibus  
caeléstis cúriae ordínibus, ad  
aethéreum pervénit thálamum :  
quo pia sui mémorum ímme-  
mor nequáquam exsístat.

Oratio.

**D**EUS, qui virgínalem au-  
lam beátae Maríae, in  
qua habitáres, elígere dignátus  
es : da quaesumus, ut sua nos  
defensióne munítos, jucúndos  
fácias suae interésse festivi-  
táti : Qui vivis.

Ad Completorium, super  
Psalm. Añá. Virgo María. ut  
in Officio B. M. V. in Sabbato,  
pag. xcviij.

Ad Nunc dimittis, Añá. Sub  
tuum praesídium confúgimus.  
ibid.

Praedíctae Añae dicantur in  
Compl. per totam Oct. etiam  
in festis Sanctórum.

Duae Strophae María mater.  
et Glória tibi Dómine. dicantur  
in fine omnium Hymno-  
rum ejusdem metri per totam  
Oct. etiam in festis Sancto-  
rum, nisi aliter notetur, sicut  
et ad Primam, ℣. Qui natus es  
de Vírgine María.

AD MATUTINUM.

Invitatorium. Veníte adoré-  
mus Regem regum, \* Cujus  
hódie ad aethéreum Mater  
virgo assúpta est caelum.

Hymnus.

**Q**UEM terra, pontus, aethe-  
ra  
Colunt, adórant, praedicant,  
Trinam regéntem máchinam,  
Claustrum Maríae bájulat.

Cui luna, sol, et ómnia  
Desérviunt per témpora :  
Perfúsa caeli grátia,  
Gestant puéllae víscera.

Beáta mater múnere,  
Cujus supérnus ártifex,  
Mundum pugílo cóntinens,  
Ventris sub arca clausus est.

Beáta caeli núntio,  
Fecúnda sancto Spíritu,  
Desiderátus géntibus  
Cujus per alvum fusus est.

María mater grátiae,  
Mater misericórdiae,  
Tu nos ab hoste prótege,  
Et hora mortis súscipe.

Glória tibi Dómine,  
Qui natus es de Vírgine,

Cum Patre et sancto Spíritu,  
In sempiterna saecula.

Amen.

In primo Nocturno.

Añā. Exaltāta es sancta Dei  
Génitrix super choros Angeló-  
rum ad caeléstia regna. Psalm.  
Dómine Dóminus noster. cum  
ceteris de Communi Virg. et  
Mart. pag. lxxj.

Añā. Paradísi portae per te  
nobis apértae sunt : quae hó-  
die gloriósa cum Angelis  
triúmphas.

Añā. Hortus conclúsus es,  
Dei Génitrix, hortus conclúsus,  
fons signátus : surge, própera  
amíca mea, et veni.

Ÿ. Sancta Dei Génitrix, vir-  
go semper María. R7. Intercéde  
pro nobis ad Dóminum Deum  
nostrum.

De Cánticis canticórum.

Lectio j. *Cap. 3. et 4.*



QUAE est ista, quae  
ascendit per désertum  
sicut vírgula fumi ex  
aromatibus myrrhae,  
et thuris, et univérsi púlveris  
pigmentárii? Quam pulcra es  
amíca mea, quam pulcra es!  
Oculi tui columbárum, absque  
eo, quod intrínsecus latet. Ca-  
pílli tui sicut greges caprárum,  
quae ascenderunt de monte  
Gálaad. Dentes tui sicut greges  
tonsárum, quae ascenderunt de  
lavacro, omnes geméllis fétí-  
bus, et stérilis non est inter eas.

R7. Vidi speciósam sicut co-  
lúmbam, ascendéntem désuper

rivos aquárum : cujus inaesti-  
mábilis odor erat nimis in  
vestiméntis ejus. \* Et sicut  
dies verni circúmdabant eam  
flores rosárum, et lília convál-  
lium. Ÿ. Quae est ista, quae  
ascendit per désertum sicut  
vírgula fumi ex aromatibus  
myrrhae, et thuris? Et sicut.

Lectio ij.

SICUT vitta coccínea, lábia  
tua : et elóquium tuum,  
dulce. Sicut fragmen mali pú-  
nici, ita genae tuae, absque eo,  
quod intrínsecus latet. Sicut  
turris David collum tuum,  
quae aedificáta est cum propu-  
gnáculis : mille clypei pendent  
ex ea, omnis armatúra fórtium.  
Duo úbera tua, sicut duo hín-  
nuli cápreae gemélli, qui pa-  
scúntur in líliis. Donec aspíret  
dies, et inclinéntur umbrae,  
vadam ad montem myrrhae, et  
ad collem thuris. Tota pulcra  
es amíca mea, et mácula non  
est in te.

R7. Sicut cedrus exaltáta sum  
in Líbano, et sicut cypréssus  
in monte Sion : quasi myrrha  
elécta\* Dedi suavitátem odóris.  
Ÿ. Sicut cinnamómum, et bál-  
samum aromatízans. Dedi.

Lectio iij.

VENI de Líbano sponsa  
mea, veni de Líbano,  
veni : coronáberis de cápíte  
Amana, de vértice Sanir et  
Hermon, de cubílibus leónum,  
de móntibus pardórum. Vul-  
nerásti cor meum soror mea

sponsa, vulnerásti cor meum in uno oculórum tuórum, et in uno crine colli tui. Quam pulcrae sunt mammae tuae soror mea sponsa! pulcrióra sunt úbera tua vino, et odor unguentórum tuórum super ómnia arómata.

R̃. Quae est ista, quae processit sicut sol, et formósa tamquam Jerúsalem? Vidérunt eam filiae Sion, et beátam dixerunt : \* Et regínae laudavérunt eam. Ṽ. Et sicut dies verni circúmdabant eam flores rosárum, et lília convállium. Et regínae. Glória Patri. Et regínae.

In secundo Nocturno.

Aña. Emissiões tuae paradísus malórum punicórum cum pomórum frúctibus.

Aña. Fons hortórum : púteus aquárum vivéntium, quae fluunt ímpetu de Líbano.

Aña. Véniat diléctus meus in hortum suum, ut cómedat fructum pomórum suórum.

Ṽ. Post partum virgo invioláta permansísti. R̃. Dei Génitrix intercède pro nobis.

Sermo sancti Joánnis  
Damascéni.

*Orat. 2. de dorm. beatæ  
Mariae, post init.*

Lectio iv.



ODIE sacra et animáta arca Dei vivéntis, quae suum in útero concépit Creatórem, requiescit in templo

Dómini, quod nullis est extrúctum mánibus : et David exsúltat ejus parens : et cum eo choros ducunt Angeli, célebrant Archángeli, Virtútes gloríficant, Principátus exsúltant, Potestátes collaetántur, gaudent Dominationes, Throni festum diem agunt, laudant Chérubim, glóriam ejus praedicant Séraphim. Hódie Eden novi Adam Paradísus súscipit animátum, in quo solúta est condemnátio, in quo plantátum est lignum vitae, in quo opérta fuit nostra núditas.

R̃. Super salútem et omnem pulcritúdinem dilécta es a Dómino, et Regína caelórum vocári digna es. \* Gaudent chori Angelórum, consórtes et concíves nostri. Ṽ. Exaltáta es sancta Dei Génitrix super choros Angelórum ad caeléstia regna. Gaudent.

Lectio v.

**H**ODIE Virgo immaculáta, quae nullis terrénis inquináta est afféctibus, sed caeléstibus educáta cogitatióibus, non in terram revérta est : sed cum esset animátum caelum, in caeléstibus tabernáculis collocátur. Ex qua enim ómnibus vera vita manávit, quómodo illa mortem gustáret? Sed cedit legi latae ab eo, quem genuit : et ut filia véteris Adam, véterem senténtiam súbiit; (nam et ejus Fílius, qui est vita ipsa, eam non recusá-

vit) ut autem Dei vivéntis Mater, ad illum ipsum digne assúmitur.

R. Ista est speciósá inter fílias Jerúsalem, sicut vidístis eam plenam caritáte et dilectióne, \* In cubílibus, et in hortis arómatum. V. Ista est, quae ascéndit de desérto, delíciis áffluens. In cubílibus.

Lectio vj.

**H**EVA, quae serpéntis suggestióni assénsus prae-buit, partus dolóre, et mortis senténtia damnátur, et in inferórum collocátur penetrálibus. Hanc autem vere beátam, quae Dei verbo aures praestitit, et Spíritus sancti operatióne repléta est, atque ad Archángeli spiritálem salutatióne, sine voluptáte et viríli consórtio Dei Fílium concépit, et sine dolóre áliquo péperit, ac totam se Deo consecrávit, quonam modo mors devoráret? quómodo ínferi suscíperent? quómodo corrúptio inváderet corpus illud, in quo vita suscépta est? Huic recta, plana, et fácilis ad caelum paráta est via.

R. Beáta es Virgo María Dei génitrix, quae credidísti Dómino : perfécta sunt in te, quae dicta sunt tibi : ecce exaltáta es super choros Angelórum : \* Intercéde pro nobis ad Dóminum Jesum Christum. V. Benedícta et venerábilis es Virgo María, quae sine tactu pudóris invénta es mater Sal-

vatóris. Intercéde. Glória Patri. Intercéde.

In tertio Nocturno.

Añá. Veni in hortum meum soror mea sponsa, méssui myrrham meam cum aromátibus meis.

Añá. Comédi favum cum melle meo, bibi vinum meum cum lacte meo.

Añá. Talis est diléctus meus, et ipse est amícus meus, fíliae Jerúsalem.

V. Speciósá facta es, et suávis. R. In delíciis tuis, sancta Dei Génitrix.

Lectio sancti Evangélij secúndum Lucam.

Lectio vij.

Cap. 10.

**I**N illo témpore : Intrávit Jesus in quoddam castélum : et múlter quaedam Martha nómine, excépit illum in domum suam. Et réliqua.

Homília sancti Ambrósii Epíscopi.

Comm. in Luc. 10.



**M**ARTHA et Maríae exémplo, altérius opéribus actúosa devótio, altérius religiósá mentis inténtio, Dei verbo exprímitur : quae si cum fide cóngruat, étiam ipsis opéribus antefértur, juxta quod scriptum est : María óptimam partem sibi elégit, quae non auferétur illi. Studeámus igitur et nos habére, quod nemo no-



bis possit auferre : non ut perfunctoria, sed diligens audientia deferatur. Solent enim etiam ipsius semina verbi caelestis auferri, si secus viam sint seminata.

R. Hodie Maria Virgo caelos ascendit : \* Gaudete, quia cum Christo regnat in aeternum. V. Regina mundi hodie de saeculo nequam eripitur. Gaudete.

Lectio viij.

**A**GAT te, sicut Mariam, desiderium sapientiae. Hoc enim majus, hoc perfectius opus. Nec ministerii cura a cognitione verbi caelestis avertat : nec arguas eos, et otiosos iudices, quos videas studere sapientiae. Hanc enim sibi cohabitantem Salomon ille pacificus adscivit. Nec Martha tamen in bono ministerio reprehenditur : sed Maria, quod meliorem partem sibi elegerit, antefertur. Jesus enim multis abundat, et multa largitur. Et ideo sapientior iudicatur, quia quod principale advertit, elegit.

R. Beata me dicent omnes generationes : quia fecit mihi Dominus magna, \* Qui potens est, et sanctum nomen ejus. V. Magnificat anima mea Dominum : et exultavit spiritus meus in Deo salutari meo. Qui.

Lectio ix.

**D**ENIQUE Apostoli optimum non putaverunt relinquere Dei verbum, et mi-

nistrare mensis : sed utrumque munus sapientiae est. Nam et Stephanus plenus sapientia, minister electus est : ideo qui ministrat, doctori deferat ; et ministrantem doctor invitet et provocet. Unum enim corpus Ecclesiae, et si diversa membra : alterum altero eget. Non potest dicere oculus manui : Operam tuam non desidero ; aut iterum caput pedibus : et auricula se negare esse de corpore. Nam etsi principalia, tamen alia necessaria. Sapientia in capite, actus in manibus : Oculi enim sapientis in capite ejus. Quia ille vere sapit, cujus animus in Christo est, et cujus interior oculus erigitur ad superna. Et ideo sapientis oculi in capite ipsius : stulti autem in calcaneo.

R. Felix namque es sacra Virgo Maria, et omni laude dignissima : \* Quia ex te ortus est sol iustitiae, Christus Deus noster. V. Ora pro populo, interveni pro clero, intercede pro devoto femineo sexu : sentiant omnes tuum juvamen, quicumque celebrant tuam Assumptionem. Quia. Gloria Patri. Christus.

Ante Laud. V. Exaltata es sancta Dei Genitrix. R. Super choros Angelorum ad caelestia regna.

IN LAUDIBUS.

Añ. Assumpta est Maria in caelum : gaudent Angeli, lau-

dántes benedícunt Dóminum.  
Psalm. Dóminus regnávít. cum  
ceteris, pag. xj.

Aña. *María Virgo assúpta  
est ad aethéreum thálamum,  
in quo Rex regum stelláto se-  
det sólio.*

Aña. *In odórem unguentó-  
rum tuórum cúrrimus : adole-  
scéntulae dilexérunt te nimis.*

Aña. *Benedícta filia tu a  
Dómino : quia per te fructum  
vitae comunicávimus.*

Aña. *Pulcra es et decóra,  
fília Jerúsalem, terríbilis ut  
castrórum ácies ordináta.*

Capitulum. *In ómnibus. ut  
supra in Vesperis, pag. 623.*

Hymnus.

**O** GLORIOSA Dómina,  
Excélsa supra sídera :  
Qui te creávit próvide,  
Lactásti sacro úbere.

Quod Heva tristis ábstulit,  
Tu reddis almo gérmine :  
Intrent ut astra flébiles,  
Caeli fenéstra facta es.

Tu regis alti jánuá,  
Et porta lucis fúlgida :  
Vitam datam per Vírginem,  
Gentes redéptae, pláudite.

*María mater grátiae. etc.*

*Glória tibi Dómine. etc.*

*V. Elégit eam Deus, et prae-  
elégit eam. R. Et habitáre eam  
facit in tabernáculo suo.*

Ad Benedíctus, Aña. *Quae  
est ista, quae ascéndit sicut  
auróra consúrgens : pulcra ut  
luna, elécta ut sol, terríbilis ut  
castrórum ácies ordináta?*

Oratio.

**V**ENERANDA nobis,  
Dómine, hujus diéi fe-  
stívitás opem cónferat salutá-  
rem; in qua sancta Dei Gén-  
trix mortem súbiit temporálem :  
nec tamen mortis néxibus dé-  
primi pótuit, quae Fílium tuum  
Dóminum nostrum de se gé-  
nuit incarnátum : Qui tecum  
vivit.

Quando praedícta Oratio di-  
citur ad Memoriam, et sequitur  
immediate secunda Memoria,  
terminetur sic : *génuit incar-  
nátum : Qui tecum vivit et  
regnat per ómnia saecula sae-  
culórum.*

AD PRIMAM.

*R. Jesu Christe. V. Qui na-  
tus es de Vírgine María.*

AD TERTIAM.

Capitulum. *In ómnibus ré-  
quiem. ut supra in Vesperis,  
pag. 623.*

*R. Sancta Dei Génitrix,  
virgo semper María, \* Allelúia,  
allelúia. Sancta. V. Intercéde  
pro nobis ad Dóminum Deum  
nostrum. Allelúia. Glória Pa-  
tri. Sancta.*

*V. Post partum virgo invio-  
láta permansísti. R. Dei Gén-  
trix intercéde pro nobis.*

AD SEXTAM.

Capitulum. *Eccli. 24.*

**E**T sic in Sion firmáta sum,  
et in civitáte sanctificáta  
simíliter requiévi, et in Jerú-  
salem potéstas mea.

R. Post partum virgo inviolata permansisti, \* Allelúia, allelúia. Post. V. Dei Génitrix intercède pro nobis. Allelúia. Glória Patri. Post.

V. Speciósá facta es, et suavis. R. In delíciis tuis, sancta Dei Génitrix.

## AD NONAM.

Capitulum. *Eccli. 24.*

**E**T radicavi in pópulo honorificáto, et in parte Dei mei heréditas illius, et in plenitudine sanctorum detentiomea.

R. Speciósá facta es, et suavis, \* Allelúia, allelúia. Speciósá. V. In delíciis tuis, sancta Dei Génitrix. Allelúia. Glória Patri. Speciósá.

V. Elégit eam Deus, et praeelégit eam. R. Et habitare eam facit in tabernáculo suo.

## AD VESPERAS.

Super Psalm. Añá. Assumpta est. j. Laudum. Psalm. Dixit Dóminus. cum ceteris de Comuni Virg. pag. lxxxj.

Capitulum, Hymnus et V. ut in j. Vesperis.

Ad Magnificat, Añá. Hódie María Virgo caelos ascéndit : gaudéte, quia cum Christo regnat in aetérnum.

## PER OCTAVAM.

Dicitur Invitatorium sicut in die. Sequentes autem Añae dicuntur quotidie per Oct.

Ad Mem. in Laudibus, Añá. Virgo prudentíssima, quo progréderis quasi auróra valde rútilans? filia Sion, tota for-

mósa et suavis es, pulcra ut luna, elécta ut sol.

In Vesperis, ad Mem. Añá. Speciósá facta est, et suavis in delíciis virginitátis sancta Dei Génitrix : quam vidéntes filiae Sion vernántem in flóribus rosárum, et líliis convállium, beatíssimam praedicavérunt, et regínae laudavérunt eam.

## DIE XVI. AUGUSTI.

S. Hyacinthi Conf. Ord.

Praedic.

Totum Duplex.

## AD VESPERAS.

Super Psalm. Añá. Diem celebrémus laetítiae, qua caeli scandit átria Hyacínthus, lux Polóniae, bina refúlgens glória. Psalm. Laudáte púeri Dóminum. cum ceteris, pag. j.

Capitulum. *Eccli. 49.*



**L**PSE est directus divinitus in poenitentiam gentis, et tulit abominatiões impietátis, et in diébus peccatorum corroborávit pietátem.

R. vj. Invénit Hyacínthus. pag. 633.

Hymnus.

**I**N hoc Hyacínthi júbilo, Laetis canámus vóciis, Deúmque, pulso núbilo, Puris colámus méntibus.

Dux et Pater Domínicus Hunc veste sacra índuit : Cunctísque mox apparuit Vir factus apostólicus.

Patrem secútus fílius,  
 Patris refúlget móribus :  
 Ducis secútus tráitem,  
 Mundi triúmphant príncipem.

Hunc Virgo visit ínclita,  
 Solátur, et dat gáudia :  
 Miraculórum glória  
 Christi corúscat grátia.

Infra Oct. Assumptionis.

María mater grátiae. etc.

Tibi Deus sit glória  
 In sempitérna saecula :  
 Et nos Hyacínthi précibus  
 Adjúnge caeli coetibus. Amen.

℟. Ora pro nobis beáte Hyacínthe. ℞. Ut digni efficiámur promissionibus Christi.

Ad Magnificat, Añña. Magnus praeco Hyacínthus ad justítiam erudívit multos: Christi subégit légibus diversos natiónum pópulos.

Oratio.

**D**EUS, qui beátum Hyacínthum Confessórem tuum, in diversis natiónum pópulis, óperum sanctitate, et miraculórum glória fecísti conspicuum : da nobis, ut ejus in mélius reformémur exémples; et in adversis protegámur auxiliis. Per Dóminum.

AD MATUTINUM.

Invitatorium. Grátiae largitórem adorémus Dóminum,  
 \* Qui salútis praecónem glori-  
 ficávit Hyacínthum.

Hymnus.

**C**HRISTI fídelis nún-  
 tius  
 Dum praedicátor míttitur,  
 Praeco salútis caelicus  
 Late per orbem fúnditur.

U'bique verbi sémina,  
 Rectíque spargit lúmina :  
 Fluunt ab ore fáculae,  
 Vitae corúscant régulae.

Rectas salútis sémitas,  
 Dignósque mores édocet,  
 Verbóque tangens ánimas  
 Ad poeniténdum cómmovet.

Ab hoste praedas éripit,  
 Dum dura mollit péctora :  
 Caelóque dignos éfficit,  
 Dum frangit hostis róbor.

Infra Oct. Assumptionis.

María mater grátiae. etc.

Tibi Deus. ut supra.

In primo Nocturno.

Añña. Disciplínam et sciéntiam edóctus in juventúte sua, fructum dedit Hyacínthus in témpore suo. Psalmi ut in Comm. Conf. pag. 1j.

Añña. Constitútus a Dómino promulgátor Evangélii, verbo, vita, miraculis dócuit pópulos, praedicans praecéptum ejus.

Añña. Voce sua lumen diffúndens fídei, a ténebris revocávit mília pópuli.

℟. Amávit eum Dóminus.

De Epístola beáti Pauli Apóstoli ad Philippénes.

Lectio j.

Cap. 3. et 4.



**F**RATRES, ego me non árbitror comprehendísse. Unum autem : quae quidem retro sunt oblivíscens, ad ea vero, quae sunt prióra exténdens meípsum, ad destinátum persequor, ad bravíum super-

nae vocatiónis Dei in Christo Jesu. Quicúmque ergo perfécti sumus, hoc sentiámus : et si quid áliter sápit, et hoc vobis Deus revelábit. Verúmtamen ad quod pervénimus ut idem sapiámus, ut in eádem permanéamus régula.

R. Dum Hyacínthum Polónia génuít, purum florem édídít, omni flore puriorem : \* Gemmam novam prótulít, omni lápide pretiosiorem. V. Flos est rédolens puritaté, gemma émicans virtuté. Gemmam.

Lectio ij.

**I**MITATORES mei estóte fratres, et observáte eos qui ita ámbulant, sicut habétis formam nostram. Multi enim ámbulant, quos saepe dicébam vobis (nunc autem et flens dico) inimícos crucis Christi : quorum finis intéritus : quorum Deus venter est : et glória in confusióne ipsórum, qui terréna sápiunt. Nostra autem conversátio in caelis est.

R. Egréditur Hyacínthus de sua pátria, Romae sacra invísit límina : \* Relíctis pompis saeculi, claustrum subit Domínici. V. Patrem sectátus óptimum, fit norma virtútum ómnium. Relíctis.

Lectio iij.

**U**NDE étiam Salvatórem nostrum Jesum Christum, qui reformábit corpus humilitátis nostrae, configurátum córpori

claritátis suae, secúndum operatiónem, qua étiam possit subjícere sibi ómnia. Itaque fratres mei caríssimi, et desideratíssimi, gáudium meum, et coróna mea : sic state in Dómino, caríssimi.

R. Castitaté nítidus, caritaté férvidus, jejúniis et oratiónibus instábat assídue, \* Et in lege Dómini meditabátur die ac nocte. V. Carnem suam domábat poeniténtia, ut digna Deo mererétur fíeri hóstia. Et in lege. Glória Patri. Et in lege.

In secundo Nocturno.

Añã. Constituísti eum, Dómine, singuláriter in spe, quóniam die ac nocte invocábat te.

Añã. Intendébant turbæ voci praedicatiónis ejus, et mirabántur grátiam miraculórum ejus.

Añã. In signis et prodígiis portávit coram pópulis multis admirábile nomen Dómini.

V. Justum dedúxit Dóminus.

*Ex Bulla Canoniz. ejus a Clemente VIII. data anno 1594. xv. Kal. Maii.*

Lectio iv.

**H**ATUS est beátus Hyacínthus in Cracmiénsi villa, Episcopátus Wratislaviénsis, in Polónia, ex nobílibus christianísque paréntibus. Cracoviénsis Ecclésiæ canónicus factus, exímia eruditióné ac

pietate singulis exemplo fuit. Ab Ivone deinde Episcopo Cracoviensi, patruo suo, Romam perductus, ibidem manibus beati Patris Domini habitum Praedicatorum Ordinis suscepit. Inde Cracoviam reversus, nascentem Ordinem propagavit. Nihil eo demissius, nihil modestius. Virginitatem perpetuo coluit, ac quo facilius carnem spiritui subditam contineret, sese singulis noctibus, usque ad sanguinis effusionem, affligebat.

R. Communicavit ei Dominus sapientiae suae thesaurum, per evangelicae praedicationis officium \* Fidelibus ac infidelibus largiter erogandum. V. Posuit verba sua in ore ejus, et cordis sui arcana commisit ei. Fidelibus.

Lectio v.

**M**IRA in ejus victu continentia : solo pane et aqua saepius jejunabat. Integras noctes in templo fundendis precibus frequenter ducebat : et si quando fesso corpori quietis aliquid indulgendum erat, aut humi prostratus, aut innixus altari quiescebat. Quidquid ei temporis ab oratione vacuum supererat, id omne vel colendis sacris studiis, vel habendis concionibus, vel excipiendis confessionibus impendebat. Vix quisquam narrare valeret, quam varias, quamque dissitas regiones, evangelicae praedicationis cau-

sa peragraverit : quot pro Christi gloria pertulerit labores, quotve infideles ad Ecclesiam, fideles ad poenitentiam revocaverit.

R. Mater Domini laetificavit eum in gaudio cum vultu suo, dicens : Gaude fili Hyacinthe, \* Quia Filio meo gratiae sunt preces tuae. V. Et quidquid petendum duxeris, me interveniente consequeris. Quia.

Lectio vj.

**C**UM demum admirabili vitae genere annos prope quadraginta a professione perduxisset : ipsa die Assumptionis Deiparae, in quam singulari pietate ac devotione fervebat, obdormivit in Domino, anno salutis millesimo ducentesimo quinquagesimo septimo. Innumeris vivens, ac post mortem miraculis claruit, inter quae illud clarissimum memoratur, quod Vandalum flumen Villogradum Massoviae urbem redundantibus aquis praeterfluens, siccis vestigiis, expanso super aquas pallio, una cum sociis trajecerit. Relatus est in Sanctorum numerum a Clemente Octavo : quo ex tempore, festa ejus, per totum ferme christianum orbem, clarissimis laetitiae significationibus celebrantur.

R. Invenit Hyacinthus in aquis viam, et inter fluctus semitam firmissimam : stetit unda fluens, \* Et ipse transivit tamquam per siccum. V. Ge-

stans in mánibus státuam Vírginis, undas sub pédibus firmávit flúminis. Et ipse. Glória Patri. Et ipse.

In tertio Nocturno.

Aña. Divíni verbi sémíne Christo genuit pópulos, et ad nñhilum dedúxit malígnum.

Aña. In virtúte tua, Dómine, mundi purgávit vítia, daemónium ac mortis fórtiter súbruit jura.

Aña. Innocens mánibus et mundo corde ascéndit in montem Dómini, qui super aquas ambulávit intrépidus.

℣. Justus ut palma florébit.

Léctio sancti Evangelii secundum Matthaeum.

Léctio vij. Cap. 10.

**I**N illo témpore : Dixit Jesus discíplis suis : Eúntes praedicáte, dicétes : Quia appropinquávit regnum caelórum. Et réliqua.

Homilía sancti Joánnis Chrysóstomi.

In Hom. 33. in Matth.



**C**ONSIDERAquáliter Dóminus non minórem curam habet, ut mores eórum in mélius redúcat, quam ut signórum praebeat potestátem. Nam ut osténdat, absque nobilitátemorum, nihil signa valére; utque in nullum fastum ánimí, atque tumórem incíderent, Grátis, inquit, accepístis : deínde, ne cupiditátem pecuniárum mo-

veréntur, íntulit, Grátis date. Nam ne, quasi sua ipsórum potestátem mirácula faciéntes, inde superbírent : grátis, dixit, accepístis : nihil largímíni iis, qui vos recípiunt. Non enim tamquam mercédem, vestris labóribus débitam, ista accepístis : mea enim est grátia. Sic ígitur áliis quoque haec benefícia, quorum nullum potest condígnum praemium inveníri, grátis date.

R7. Egréssus in salútem pópuli, Aquilónis fugávit crímina : \* Verbi calóre caelici frígida inflammávit pécóra. ℣. Virtúte magna praeditus, culpa destrúxit impérium, et mente semper férvidus, curam gessit fidélium. Verbi.

Léctio viij.

**P**OST haec, cum radícem omnium malórum volúerit evéllere, vitiorúmque fundaméntum dirúere, Non possideátis, inquit, aurum, neque argéntum, neque pecúnias in zonis vestris : non peram in via, nec duas túnicas, neque calceaménta, neque virgam. Non dixit, Non accipiátis vobíscum; sed, Non possideátis : ut si et aliúnde recíperere possent, recusárent tamen, ac perniciosam hanc aegritúdinem fúgerent. Quo deínde praecépto multa profécito compléctitur cómmoda. Primum, ut nulla de discíplis possit esse suspício; deínde ab omni saeculári cura sic ipsos líberos reddit, ut

praedicationi solum vacare possint : demum immensam suam potentiam ipsis patefacit : quod et postea commemoravit, dicens : Numquid vobis tunc aliquid defuit, quando vos nudos absque calceis misi?

R. Sui nominis praediconem eximium mirificavit Dominus Hyacinthum : \* Ut mortuos suscitaret, caecos illuminaret, variisque languoribus sanaret detentos. V. In vita sua fecit monstra, et in morte operatus est mirabilia. Ut mortuos.

Lectio ix.

**I**LLUD etiam consideratione dignum est, quod non incipiens statim dixit, Non possideatis aurum, neque argentum : sed cum prius mundandi leprosos, ejiciendi daemonia, potestatem eis dederit, tunc intulit : Nihil possideatis, gratis accepistis, gratis date. Sic rebus ipsis docuit, utilia se, et honesta, et facilia factu eis praecipere. Sed inquires, cetera quidem non absque ratione certa dicta esse : quid autem, ut peram non habeant in via, nec duas tunicas, nec virgam, nec calceamenta, quam de causa eis injunxit? Exactissime certe sublimioris vitae fundamenta voluit jacere : sic et in superioribus, nullam de crastina die curam ipsos habere hortatur.

R. Dum Hyacinthus de saeculo eripitur, cum ingenti lumine in caelum vehitur : \* Occur-

rit chorus psallentium, Suscipit Regina Virginum. V. Dum scandit caeli sidera, consecutus praemia. Occurrit. Gloria Patri. Suscipit.

IN LAUDIBUS.

Añ. Signo crucis confrégit fluctus, quos elevaverunt flumina in aquis multis. Psalm. Dominus regnavit. cum ceteris, pag. xj.

Añ. Placuit Deo in sanctitate animae suae : introivit in atria ejus in exultatione.

Añ. Quasi tuba exaltavit vocem suam, ut confiterentur tibi populi Deus.

Añ. Benedicant maria, et flumina Domino, qui aquas fluminis solidavit sub pedibus Hyacinthi.

Añ. Omnes populi laudent Dominum, qui viventem, et vita functum mirificavit servum suum Hyacinthum.

Capitulum. Ipse est directus. ut supra in Vesp. pag. 630.

Hymnus.

**V**OX pura laudet exitum,  
Et cor Hyacinthi meritum :

Corusca lustrat agmina,  
Bina decorus laurea.

Hunc vita clara indicat,  
Diversa signa intonant :  
Secreta, quae hic noverat,  
Totum per orbem praedicant.

Ventis et undis imperat,  
Fluctus tumentes edomat :  
Aquae stupescunt fluminum,  
Iterque praebent solidum.



Vitae resúrgunt mórtui,  
Claudíque dantur gréssui,  
Caecis patéscunt lúmina,  
Fantur Dei magnália.

Infra Oct. Assumptionis.

María mater grátiae. etc.

Tibi Deus sit glória  
In sempitérna saecula :  
Et nos Hyacínthi précibus  
Adjúnge caeli coetibus.

Amen.

Ad Benedictus, Aña. Prae-  
dicávit verbum Dei in omni  
pópulo, ad dandam sciéntiam  
salútis plebi ejus, in remissió-  
nem peccatórum eórum.

Ad Tertiam, Capitulum. Ipse  
est diréctus. etc. ut supra,  
pag. 630.

R̃ R̃. Horarum de Comuni  
Conf. pag. lx.

#### AD SEXTAM.

Capitulum. *Isaiae 42.*

**E**CCE servus meus, suscí-  
piam eum : eléctus meus,  
complácuít sibi in illo ánima  
mea : dedi spíritum meum su-  
per eum.

#### AD NONAM.

Capitulum. *Isaiae 58.*

**C**YLAMA, ne cesses, quasi  
tuba exálta vocem tuam,  
et annúntia pópulo meo scélera  
eórum, et dómui Jacob peccáta  
eórum.

#### AD VESPERAS.

Super Psalm. Aña j. Lau-  
dum. Psalmi de Comm. Conf.  
pag. xxviiij.

Capit. Hymnus et Ṽ. ut in  
j. Vesperis.

Ad Magnificat, Aña. Praedi-  
cátórum Órdinis flos pulchér-  
rime, Hyacínthe, tua canéntes  
mérita, tui nos ímbue odóris  
fragrántia.

#### PER OCTAVAM.

Ad Mem. in Laudibus, Aña.  
O beáte Hyacínthe, preces no-  
stras súscipe : tuis adjúti suffrá-  
giis, caeli fruámur gáudiis.

In Vesperis, Aña. Tuum Dó-  
mine fac sentiámus auxílium,  
qui beáti Hyacínthi depósci-  
mus patrocínium.

### DOMINICA

infra Oct. Assumpt. B. M. V.

Sancti Joachim Conf.  
et Patris ejusdem B. M. V.  
Totum Duplex.

Oratio.

**D**EUS, qui prae ómnibus  
sanctis tuis beátum Jóa-  
chim Genitrícis Fílii tui patrem  
esse voluísti : concéde quaesu-  
mus, ut cujus festa venerámur,  
ejus quoque perpétuo patrocí-  
nia sentiámus. Per eúndem.

In j. Noct. Lect. Beátus vir,  
qui invéntus est. ut in Comm.  
Conf. non Pont. pag. lxiv.

In secundo Nocturno.

Sermo sancti Epiphánii  
Epíscopi.

*De Laud. S. Deiparae.*

Lectio iv.



**D**E radíce Jesse ortus  
est rex David, et de  
tribu regis David  
sancta Virgo: sancta,  
inquam, et sanctórum virórum

fília : cujus paréntes fuérunt Jóachim et Anna : qui quidem in vita sua Deo placuérunt, atque étiam fructum ejúsmodi germinárunt, sanctam Vírginem Maríam, templum Dei simul et matrem. Jóachim porro, Anna, et María, hi tres Trinitáti palam sacrificium laudis offerébant. Jóachim enim interpretátur prae-parátio Dómini; eo quod ex illo prae-parátum sit templum Dómini, nempe Virgo.

Sermo sancti Joánnis  
Damascéni.

*Serm 1. de Nativ. Deiparae.*

Lectio v.

**O** PAR beátum, Jóachim et Anna! Vobis omnis creatúra obstrícta est. Per vos enim donum, ómnium donórum prae-stantíssimum, Creatóri obtulit: nempe castam matrem, quae sola Creatóre digna erat. Ex-súlta Jóachim, quóniam ex fília tua Fílius natus est nobis : et vocátur nomen ejus magni consílii, hoc est, salútis totíus mundi, Angelus.

Lectio vj.

**O** BEATUM par, Jóachim et Anna, et vere immaculátum! Ex fructu ventris vestri agnoscímini : quemádmodum Christus alícubi dicit : Ex fructibus eórum cognoscétis eos. Ut Deo gratum erat, ac dignum ea, quae a vobis orta est, vixístis, et caste sanctéque

vivéntes, virginitátis thesáurum produxístis. O castíssimum rationálium túrturum par! Juxta natúrae legem castitáte serváta, quae supra natúram erant, accípere meruístis, et ad justítiam seminántes, fructum vitae messuístis.

In tertio Nocturno.

Lectio sancti Evangélíi secúndum Matthaeum.

Lectio vij.

*Cap. 1.*

**L**IBER generatiónis Jesu Christi fílii David, fílii Abraham. Abraham genuit Isaac. Isaac autem genuit Jacob. Et réliqua.

Homilía sancti Joánnis  
Chrysóstomi.

*Hom. 2. in Matth. post init.*



**A**UDITU quidem mirábile est, quod infábilis Deus, et qui nec sermónibus explicári potest, nec cogitatióibus comprehendí, Patrísque per ómnia coaequális, per Vírginis ad nos venit úterum, et fieri ex muliere dignátus est, et habére progenitóres David et Abraham. Quid dico, David et Abraham? Etiam illas, quod magis stupéndum est, féminas, quas paulo ante memorávi.

Lectio viij.

**H**AEC áudiens, mente consúrge, nihílque húmile suspicéris; sed pótius propter hoc ipsum máxime miráre :

quia cum verus et diléctus Fílius sit sempitérni Dei, étiam fílius David esse dignátus est, modo ut te fílium fáceret Dei : servum patrem habére dignátus est, modo ut tibi servo patrem fáceret ipsum Deum. Vides ab ipso statim princípio, quam laeta sint haec núnčia! Quod si ámbigis de his, quae ad tuum spectant honórem, ab iis, quae illíus sunt, étiam tua disce crédere.

Lectio ix.

**Q**UANTUM cónsequi potest humana rátio, multo est difficílius Deum hóminem fíeri, quam hóminem Dei fílium consecrári. Cum ergo audieris, quia Fílius Dei, fílius sit et David et Abrahae, dubitáre jam désine, quod et tu, qui fílius es Adae, futúrus sis fílius Dei. Non enim semetípsum ita humiliáset, nisi nos esset exaltáturus. Natus est enim secúndum carnem, ut tu nasceréris spírítu; natus est ex muliere, ut tu desíneres fílius esse mulieris.

## DIE XVII. AUGUSTI.

B. Aemiliae Bicchieri Virginis  
Ord. Praedicat.

Duplex.

Oratio.

**D**EUS, qui beatae Aemiliae Virgini tuae terréna cuncta despícere, et te solum quae-rere tribuísti : ejus méritis et intercessióne concéde, ut spretis peritúris illécebris, te toto

corde diligámus. Per Dóminum nostrum.

Memoria diei octavae Simpl. S. Laurentii Mart. in utrisque Vesperis et Laudibus.

In j. Nocturno, Lectiones De virgínibus. ut in Comuni Virg. non Mart. pag. lxxxiiij.

In secundo Nocturno.

Lectio iv.



**A**EMILIA, Vercéllis nobili génere orta, vel ab ipsis aetátis primórdiis pietátem in Deum et paréntes impénse cóluit. Patre defúncto, in eam, quam ántea inérat, sancte ac innocénter vivéndi ratióne alácrius incúmbere coepit. Quare ópibus, partitióne patrénnae hereditátis sibi obveniéntibus, monastérium sanctae Margarítæ prope Vercéllas aedificávit, quo cum áliquot nobílibus puéllis se recépit, ut quod in votis jam habúerat, Deo sub régula sancti Augustíni, ac institútis sorórum de Poeniténtia sancti Domínici libérius inservíret. Anno post, qui fuit aetátis suae décimus nonus, se per religiósam professióne caeléstí Sponso árctius obstrínxit, vitam inde actúra, quam nec terrenárum sollicitúdo, nec saeculi blandiménta violárent.

Lectio v.

**M**UNDI contéptum contéptui sui ipsíus, et perféctae abnegatióni perpétuo foedere sociávit. Ut puritátem,

quam Deo dicáverat, illibátam custodíret, crebris flagellatióibus, cilício, ac jejúniis carnem júgiter afflígens, eam spirítui servíre coégit. Tanta fuit humilitáte, ut nedum vilióra quaeque domus ministéria laetíssima obíret, sed étiam, quamvis ómnium mater haberétur, nonnisi aegre addúci pótuit, ut céteris praeéset. Quod sane munus singulári prudéntia ac zelo plúries gessit. Oratióni summópere addícta, una caeléstium mysteriórum contemplatióne íntegros dies quandóque transégit. Hinc de ipsa praeclárum illud fertur ad soróres mónitum : Sanctimoniálem, quae in hoc orándi génere non fúerit valde exercitáta, ad instar esse ádvenae, urbem ad coëméndas merces ingrediéntis, ac nesciéntis, cum quibus de hoc agat, vel quo pretio eas váleat comparáre.

Lectio vj.

**V**IRGINEM Deíparam, ceu matrem amantíssimam, praecípua pietátis afféctu venerabátur. Tanta autem in Domínicae passióis mystéria erat devotióne, ac ita illíus mentem cruciátuum, quos pertulit Christus, oblectábat contemplátió, ut eorúmdem se étiam partícipem fieri veheménter optáret. Tandem cum annos octo et quinquaginta in monastério pie justéque exegisset, méritis ac virtútibus plena migrávit ad Sponsum die tértia

Máii, vivíficae crucis InventiÓne solémni, anno millésimo tercentésimo quartodécimo, aetátis suae septuagésimo sexto. Cultum eídem delátum, ac praesértim post priórem illíus córporis translatiÓnem auctum propagatúmque, Clemens Décimus quartus Póntifex Máximus Apostólica auctoritáte probávit, atque ut festum beátae Æmíliae cum Officio et Missa décimo sexto Kaléndas Septémbris, quo die sacrae illíus Relíquiae secúndo elátæ sunt, ab univérso Fratrum Praedicatórum Ordine celebrarétur, benígne concéssit.

In iij. Nocturno, Homilia in Evang. Símile erit regnum caelórum decem virgínibus. de Comuni Virg. non Martyris, pag. lxxxv.

## DIE XVIII. AUGUSTI.

Sancti Rochi Conf.

Duplex. Oratio.

**P**OPULUM tuum, quaesumus Dómine, continúa pietáte custódi : et beáti Rochi suffragántibus méritis, ab omni fac ánimae et córporis contagiÓne secúrum. Per Dóminum.

In secundo Nocturno.

*Ex scriptoribus ecclesiast.*

Lectio iv.



**E**ATUS Rochus Montepessuláno, Narbonénsis Gálliae civitáte non ignóbili, olim Agatha seu Agathápolis

dicta, natus, jam ab ipso partu, caelēsti futūrae sanctitātis signo est insignitus. Nimírum parēntes ejus Joānnes et Líbera longaeva aetāte provēcti, et ántea stériles, voto concēpto ac frequentíssimis précibus fílium hunc tandem impetrárunť; quem nascēntem novo miraculo rúbea cruce in pēctore insignítum parēntes ipsi, viciníque omnes sunt admiráti. Expectatiónem caelēstis augúrii Rochus non feféllit. Ecce enim adhuc infántulus, matérnae pietātis imitátor, quartae ac sextae Feriárum cuiúsque hebdómadae jejúnio, quo fúerat concēptus, étiam nondum ratiónis compos vóluit enutrírí. Mórtuo paulo post utróque parēnte, amplíssimi patrimoníi heres únicus, et civitātis ipsíus suprémus dóminus ac moderátor relíctus, qui infans jam virili abstinentia sese matérno ab úbere depúlerat, fortióri rerum humanárum contēptu, vir factus pátriam, bónaque ómnia, et dignitatē patérnas nedum deséruiť, sed contémpsit. Inde immortalē pátriam, própria contēpta, quaesitúrus, dum sciret ex Apóstolo permanēntem civitátem nos hic nullam habére, sed futúram inquirere, loca sanctióra, et toto terrárum orbe sanctitātis vestígiis celebéríma, coepit pedes invísere. Primum Aquampendēntem Itáliae urbem áppulit, et ecce, hac in civitatē primam erga

infírmos exercēndae caritātis naćtus occasiōnem, beátus Rochus, cum tota fere civitas pestiléntiae morbo contabésceret, afflíctis contágii lue homínibus sublevándis totum se addíxit. Inde, civitatē a morbo epidemíae liberáta, primum Caesēnam, deínde Placéntiam, et vicinas Itáliae urbes peragravit, mira ubíque exércens ópera caritātis, ac praesértim supra humanas vires divína virtúte, et curatiónum frequentióribus signis toto illo in orbe celebérímus; inter quae illud áccidit, quod Romam ad purpúrei senátus príncipem quemdam (Cardinálem dicunt) vocátus, eum peste laborántem, signo crucis in fronte aegrotántis impréssó, prótinus sanávit; alíaque quamplúrima ínibi, et per totam ferme Itáliam sanitátum miracula édídít sanctíssimus peregrínus.

Lectio v.

**E**NIMVERO probatíssimi et gratíssimi Deo et homínibus viri, necesse fuit ut patiéntiam probáret tentátio. Quamóbrem in Itália primum gravi febre, et infíxo divína permissiōe sagíttae vúlnerē percússus, omni ope humana destitútus, sub árbore jácuit, cui, ut olim Christo ipsi, appáruit Angelus de caelo confórtans eum, eumdémque, per id tempus, canis, sumpto de mensa dómini pane quotidiano, pavit; non instínctu naturáli, sed ejus jussu, qui corvis mini-

strántibus Prophétas suos enutrivit, et sitiénti pópulo fontem aquae e rupe duríssima edúxit. Inde in pátriam redeúntem novíssima, sed longe gravióre tentatióne Sanctum suum Dóminus mirificávit. Illum enim vili in hábitu, quem evangélicae paupertátis aemulatióne indúerat, deprehensum cives Montepessuláni, tamquam pátriae proditorem aut explorátorem in cárcerem detrúduunt.

Lectio vj.

**I**LLIC postrémus fuit, ac certe ad meritórum augmentum gloriosíssimus christiáni antagonístae cum mundo et cum daemone confliktus : dum illum, sibi jure hereditário débíti civitátis Montispessulánae domínii contéptu, hunc vero per próprios cives et paréntes exasperántem adversus Sanctum, mira tot injuriarum tolerántia súperat ac devíncit. Tandem longe misericordíssimus Deus, qui mílitem suum toto jam quinquénio cum concupiscéntia mundi, et supérbia vitae conflictántem e caeli spécula intuebátur, prius angélica visitatióne confortátum, solo edúxit caelo donándum : quem oecuménici Constantiénsis concílii Patres, eláta ejus in solémni supplicatióne imáagine, omnesque toto terrarum orbe pópuli christiáni, in pública pestiléntiae clade ádeo propítium advocátum sunt ex-

pérsti, ut tot miraculórum frequentia, et unánimi orthodoxae Ecclésiae consénsu firmáta ejus sanctitáte, et arae Confessóri sanctíssimo eréctae, et supplicatiónes públicae fúerint institútae : illúmque plebs christiána velut caelo jam beátum jure mérito venerétur.

In iij. Nocturno, Homilia in Evang. **Nolíte timére.** de Comuni Conf. non Pont. pag. lxxvj.

In Laudibus fit Mem. S. Agapiti Mart.

Oratio.

**L**AETETUR Ecclésia tua, Deus, beáti Agápiti Mártiris tui confísa suffrágiis : atque ejus précibus gloriósis, et devóta permáneat, et secúra consístat. Per Dóminum.

## DIE XIX. AUGUSTI.

S. Alphonsi Mariae de Ligorio  
Episc. Conf. et Ecclesiae  
Doctoris.

Duplex. Oratio.

**D**EUS, qui per beátum Alphónsum Mariám Confessórem tuum atque Pontíficem, animárum zelo succénsum, Ecclésiam tuam nova prole fecundásti : quaesumus, ut ejus salutáribus mónitis edócti, et exémpis roboráti, ad te pervenire felíciter valeámus. Per Dóminum.

In j. Nocturno, Lectiones Beátus vir. de Comm. unius Doct. pag. lxxij.

In secundo Nocturno.

Lectio iv.



**ALPHONSUS** María de Ligório, Neápoli nobilibus paréntibus natus, ab ineúnte aetáte non obscura praebuit sanctitátis indícia. Eum adhuc infántem cum paréntes obtulissent sancto Francísco de Hierónymo e Societáte Jesu, is bene precátus edíxit, eúndem ad nonagésimum usque annum perventúrum, ad episcopálem dignitátem evéctum iri, máximoque Ecclésiæ bono futurum. Jam tum a puerítia a ludis abhórrens, nóbiles ephébos ad modéstiam verbo et exémplo componébat. Adoléscens, dato piis sodalitátibus nómine, in públicis nosocomíis aegrótis inservíre, jugi in templis orationi vacáre, ac sacra mystéria frequénter obíre in delíciis habébat. Pietátem litterárum stúdiis ádeo conjúnxit, ut séxdecim vix annos natus, utriúsque juris láuream in pátria universitáte fúerit assecútus. Patri obtémperans, causárum patrocinia suscepit, in quo múnere obeúndo etsi magnam sibi laudem comparáset, fori tamen perícula expértus, ejúsmodi vitae institútum ultro dimísit. Spreto ígitur praecláro conjúgio sibi a patre propósito, avíta primogenitúra abdicáta, et ad aram Vírginis de Mercéde ense suspénso, divínis ministériis

se mancipávit. Sacerdos factus tanto zelo irruit in vítia, ut apostólico múnere fungens, huc illuc pérvolans, ingéntes perditórum hóminum conversiones perágeret. Páuperum praesértim, et ruricolárum miserátus, Congregatióem Presbyterórum instituit sanctíssimi Redemptóris, qui ipsum Redemptórem secúti, per agros, pagos et castélla paupéribus evangelizárent.

Lectio v.

**D**E autem a propósito unquam divérteret, perpétuo se voto obstrínxit nullam témporis jactúram faciéndi. Hinc animárum zelo succénsum, tum divíni verbi praedicatione, tum scriptis sacra eruditione et pietáte refértis, ánimas Christo lucrifácere, et ad perfectiorem vitam addúcere stúduit. Mirum sane quot ódia exstínxerit, quot dévios ad rectum salutis iter revocáverit. Dei Genitrícis cultor exímus, de illíus láudibus librum édedit, ac de iis dum fervéntius concionádo dísserit, a Vírginis imáGINE in eum immísso miro splendóre totus fácie coruscáre, et in éxtasim rapi coram universo pópulo non semel visus est. Domínicae passiÓnis, et sacrae Eucharistíae contemplátor assíduus, ejus cultum mirífice propagávit. Dum vero ad ejus aram oráret, vel Sacrum fáceret, quod nunquam omísit, prae amóris veheméntia, vel

seráphicis liquescébat ardóribus, vel insólitis quatiebátur mótibus, vel abstrahebátur a sénsibus. Miram vitae innocéntiam, quam nulla unquam letáli labe foedávit, pari cum poeniténtia sócians, corpus suum inédia, férreis caténulis, cilíciis, cruentáque flagellatióne castigábat. Inter haec prophetíae, scrutatiónis córdium, bilocatiónis, et miraculórum donis incláruit.

Lectio vj.

**A**B ecclesiásticis dignitatibus sibi oblátis constantissime abhórruit. At Cleméntis Décimi tértii Pontíficis auctoritaté coáctus, sanctae Agathae Gothórum Ecclésiám gubernándam suscepit. Episcopus extérnum dumtaxat hábitum, non autem sevérám vivéndi ratiónem immutávit. Eadem frugalitas, summus christiánae disciplínae zelus, impénsum in vítiis coercéndis arcendisque erróribus, et in réliquis pastorálibus munéribus obeúndis stúdiúm. Liberális in páuperes, omnes Ecclésiæ provéntus iisdem distribuébat, et urgénte annónæ caritaté, ipsam domésticam supelléctilem in aléndis famélicis erogávit. Omnibus ómnia factus, sanctimoniáles ad perfectiorem vivéndi formam redégit, suaeque Congregatiónis moniálium monastérium constituéndum curávit. Episcopátu ob graves habitualésque morbos dimísso, ad alúmnos suos,

a quibus pauper discésserat, revértitur pauper. Demum quamvis sénio, labóribus, diutúrna arthritide, aliisque gravíssimis morbis fractus corpore, spíritu tamen alácrior de caeléstibus rebus disseréndi aut scribéndi finem nunquam adhíbuit, donec nonagenárius Kaléndis Augústi, anno millésimo septingentésimo octogésimo séptimo, Nucériae Paganórum inter suórum alumnórum lácrymas placidissime expirávit. Eum inde virtútibus et miraculis clarum Pius Séptimus Póntifex Máximus, anno millésimo octingentésimo décimo sexto, Beatórum fastis: novisque fulgéntem signis Gregórius Décimus sextus in festo sanctíssimæ Trinitátis, anno millésimo octingentésimo trigésimo nono, solémni ritu Sanctórum catálogo accénsuit. Tandem Pius Nonus Póntifex Máximus, ex sacrórum Rítuum Congregatiónis consúlto, universális Ecclésiæ Doctórem declarávit.

In iij. Nocturno, Homilia in Evang. Designávit Dóminus. ut in Comm. Conf. non Pont. pag. lxxviii.

## DIE XX. AUGUSTI.

S. Bernardi Abbatis  
et Eccl. Doct.

Duplex. Oratio.

**D**EUS, qui pópulo tuo aetérnae salútis beátum Bernárdum minístrum tribuí-



sti : praesta quaesumus, ut quem doctorem vitae habuimus in terris, intercessorem habere mereamur in caelis. Per Dominum nostrum.

In j. Nocturno, Lectiones de Scriptura currente.

In secundo Nocturno.

*Ex prob. Auct. et Brev. Rom.*

Lectio iv.



**B**ERNARDUS, Fontanis in Burgundia honesto loco natus, servandae castitatis studio, monasterium Cisterciense adolescens adire constituit. Fratres suos, aliosque amicos, eum a sancto consilio deterrentes ita devicit, ut et ipsi, alique bene multi eamdem simul Religionem professi sint. Monachus jejuniis plane deditus, quoties sumendus ei cibus erat, toties tormentum se subire putabat. In vigiliis et orationibus mirifice se exercebat : christianamque paupertatem colens, quasi caelestem vitam agebat in terris, ab omni caducarum rerum cura, et cupiditate alienam.

Lectio v.

**G**ENUENSEM ac Medianensem Episcopatus oblatus recusavit, professus se tanti officii munere prorsus indignum. Sacrarum Scripturarum lectioni assidue vacans, ejus sibi stylum familiarem

fecit, nec eam melius, quam per illam ipsam intelligere solébat. Abbas factus Claraevallensis, multis in locis aedificavit monasteria. Romae sanctorum Vincentii et Anastasii monasterio, ab Innocentio Secundo Papa restituto, praefecit Abbatem illum, qui postea Eugenius Tertius summus Pontifex fuit : ad quem etiam libros dedit de Consideratione.

Lectio vj.

**M**ULTA scripsit, in quibus apparet eum doctrina potius divinitus tradita, quam labore comparata instructum fuisse. Exoratus a maximis principibus de eorum componendis controversiis, et de ecclesiasticis rebus constituendis, saepius in Italiam venit. Innocentium item Secundum Pontificem Maximum in confutando schismate Petri Leonis, cum apud imperatorem, et Henricum Angliae regem, tum in concilio Pisis coacto egregie adjuvit. Denique sexaginta et tres annos natus, obdormivit in Domino : ac miraculis illustris, ab Alexandro Tertio Papa inter Sanctos relatus est. Pius vero Octavus Pontifex Maximus, ex sacrorum Rituum Congregationis consilio, sanctum Bernardum universalis Ecclesiae Doctorem declaravit, et confirmavit; nec non Missam et Officium de Doctoribus ab omnibus recitari jussit, atque

Indulgéntias plenárias quot-ánnis in perpétuum Ordinis Cisterciénsium ecclésiás visitántibus die hujus Sancti festo concéssit.

In iij. Nocturno, Homilia in Evang. **Vos estis sal terrae.** de Comm. Doct. pag. lxij.

### DIE XXI. AUGUSTI.

S. Joannae Franciscæ Fremiot de Chantal Viduae.

Duplex.

Oratio.

**O**MNIPOTENS et miséricors Deus, qui beatam Joannam Franciscam tuo amore succensam, admirabili spiritus fortitudine per omnes vitae semitas in via perfectionis donasti; quique per illam illustrare Ecclesiam tuam nova prole voluisti: ejus meritis et precibus concede, ut qui infirmitatis nostrae conscii de tua virtute confidimus, caelestis gratiae auxilio cuncta nobis adversantia vincamus. Per Dominum nostrum.

In secundo Nocturno.

Lectio iv.



**J**OANNA Francisca Fremiot de Chantal, Diviône in Burgúndia claríssimis orta natalibus, ab ineunte aetate exímiae sanctitátis non obscuras edidit significatiónes. Eam enim vix quinquénnem, nobilem quemdam Calvinístam só-

lida super aetatem argumentatione perstrinxisse ferunt, collatumque ab eo munusculum flammis illico tradidisse in haec verba: En quomodo haeretici apud inferos comburentur, qui loquenti Christo fidem detractant. Matre orbata, Deiparae Virginis tutelae se commendavit, et famulam, quae ad mundi amorem eam alliciebat, ab se rejecit. Nihil puerile in moribus exprimens, a saeculi deliciis abhorrrens, martyriumque anhelans, religioni ac pietati impense studebat. Baróni de Chantal nuptui a patre tradita, virtutibus omnibus excellendis operam dedit, liberos, famulos, aliosque sibi subiectos, in fidei doctrina, bonisque moribus imbuiere satagens. Profusa liberalitate pauperum inopiam sublevabat, annona divinitus non raro multiplicata: quo factum est, ut nemini se unquam Christi nomine roganti, stipem abnegaturam spoponderit.

Lectio v.

**V**IRO in venatione interempto, perfectioris vitae consilium iniens continentiae voto se obstrinxit. Viri necem non solum aequo animo tulit; sed in publicum indultae veniae testimonium, occisoris filium e sacro fonte suscipere, sui victrix elegit. Modica familia, tenui victu atque vestitu contenta, pretiosas vestes in pios usus

convértit. Quidquid a domésticis curis supérrat témporis, précibus, piis lectiónibus, laborique impendébat. Nunquam addúci pótuit, ut álteras nuptias, quamvis útiles et honoríficas, iníret. Ne autem a propósito castimóniae observándae in pósterum dimoverétur, illíus voto innováto, sanctíssimum Jesu Christi nomen candénti ferro pécctori insculpsit. Ardéntius in dies caritate fervéscens, páuperes, derelíctos, aegros, teterrimisque morbis inféctos ad se adducéndos curábat : eósque non hospítio tantum excipiébat, solabátur, fovebat, verum étiam sórdidas eorúmdem vestes depurgábat, láceras reficiébat, et manántibus foetido pure ulcéribus lábia admovére non exhorrébat.

Lectio vj.

**A** SANCTO Francísc Salésio, quo spíritus moderatóre usa fuit, divínam voluntátem edócta, próprium paréntem, sócerum, fílium dénique ipsum, quem étiam vocatióni obsisténtem, sua e domo egrédiens, pédibus calcáre non dubitávit, invícta constántia desérui, et sacri Institúti Visitationis sanctae Maríae fundaménta jecit. Ejus Institúti leges integérrime custodívit, et ádeo paupertátis fuit amans, ut vel necessariá sibi deesse gauderet. Christiánae vero ánimi demis-

siónis et obediéntiae, virtútum dénique ómnium perfectíssimum exémpplar se prae-buit. Altióres in corde suo ascensiónes dispónens, arduíssimo efficiéndi semper id, quod perfectíus esse intelligeret, voto se obstrínxit. Dénique sacro Visitationis Institúto, ejus potíssimum ópera, longe latéque diffúso, verbo, exémplo, et scriptis étiam divína sapiéntia refértis, ad pietátem et caritátem soróribus excitátis, méritis reférta, et Sacraméntis rite susceptis, Molínis, anno millésimo sexcentésimo quadragésimo primo, die décima tértia Decémbris, migrávit ad Dóminum, ejúsque ánimam, occurrénte sancto Francísc Salésio, in caelos deférri sanctus Vincéntius a Paulo, procul distans, aspéxit. Ejus corpus póstea Annécium translátum fuit; eámque miráculis ante et post óbitum claram, Benedíctus Décimus quartus Beatórum, Clemens Décimus tértius albo Sanctórum adjécit. Festum autem ejúsdem die duodécimo Kaléndas Septémbris ab univérsa Ecclésia Clemens Décimus quartus Póntifex Máximus celebrári praecepit.

In iij. Nocturno, Homilia in Evang. Símile est regnum caelórum thesauro. ut in Comm. unius nec Virg. nec Martyris, pag. xcij.



## DIE XXII. AUGUSTI.

Octava Assumptionis B. M. V.  
Solemnis.

In secundo Nocturno.

De Sermóne sancti Joánnis  
Damascéni.

*Orat. 2. de dormit. Deip.  
sub fin.*

Lectio iv.



**X** antíqua accépimus  
traditíone, quod témpore  
gloriósae dormitíonis  
beátae Vírginis, univér-  
si quidem sancti Apóstoli,  
qui orbem terrae ad salútem  
géntium peragrábant, momén-  
to témporis in sublíme eláti,  
convenérunt Jerosólymis.  
Cumque illic essent, eis ví-  
sio appáruit angélica, et audí-  
ta est psalmodía caeléstium  
Potestátum; et sic cum diví-  
na glória in manus Dei sanctam  
trádidit ánimam. Ejus autem  
corpus, quod Deum ineffábili  
quadam ratióne suscepit, cum  
angélica et apostólica hym-  
nodía elátum, in lóculo fuit  
depósitum Gethsémani : quo  
in loco Angelórum cantus  
mansit tres dies contínuos.

Lectio v.

**P**OST tres autem dies an-  
gélíco cantu cessánte, qui  
áderant Apóstoli (cum unus  
Thomas, qui abfúerat, post  
tértium diem venísset, et, quod  
Deum suscepérat, corpus ad-  
oráre voluísset) túmulum ape-

ruérunt : sed omni ex parte  
sacrum ejus corpus nequáquam  
inveníre potuérunt. Cum ea  
autem tantum invenísset, in  
quibus fúerat compósitum, et  
ineffábili, qui ex iis proficisce-  
bátur, essent odóre repléti,  
lóculum clausérunt. Ejus my-  
stérii obstupescéti miráculo,  
hoc solum cogitáre potuérunt,  
quod cui plácuít ex María Vír-  
gine carnem súmeré, et hómi-  
nem fieri, et nasci, cum esset  
Deus Verbum, et Dóminus  
glóriæ, quique post partum  
incorrúptam servávit ejus vir-  
ginitátem : eidem étiam plácuít  
et ipsíus, postquam migrávit,  
immaculátum corpus, incorrú-  
ptum servátum, translatióne  
honoráre ante commúnem et  
universálem resurrectíonem.

Lectio vj.

**A**DERANT tunc cum  
Apóstolis sanctíssimus  
Timótheus, primus Epíscopus  
Ephesiórum, et Dionysius  
Areopagíta, sicut ipse testátur  
in iis, quae de beáto Hierótheo,  
qui ipse quoque tunc áderat,  
scripsit ad praedíctum Timó-  
theum, sic dicens : Nam étiam  
apud ipsos a Deo afflátos sa-  
crórum antístites, quando nos  
quoque, ut nosti, et multi ex  
sanctis nostris frátribus, ad  
contuéndum corpus, quod vitae  
príncípium dedit, et Deum sus-  
cepit, convenissémus; (áderat  
autem et Dómini frater Jacó-  
bus, et Petrus, supréma et an-

tiquíssima theologorum summitas) et viso sacro corpore, placuit omnibus, prout quisque poterat, hymnis celebrare infinitam bonitatem divinae potentiae.

In iij. Nocturno, Homilia Dominicae.

Eodem die fiat in Laudibus Mem. SS. MM. Timothei et Symphoriani.

Oratio.

**A**UXILIUM tuum nobis, Dómine quaesumus, placatus impende : et intercedentibus beáteis Martyribus tuis Timótheo atque Symphoriáno, dexteram super nos tuae propitiatiónis extende. Per Dóminum.

## DIE XXIII. AUGUSTI.

B. Jacobi de Mevania Conf.  
Ord. Praedic.

Duplex.

Oratio.

**D**EUS, qui prodigiósa tui sanguinis aspersione dignatus es beátum Jacobum Confessórem secúra aeternae salutis fidúcia roborare : dilata super nos eadem viscera misericórdiae tuae; ut redemptionis nostrae imbúti signáculo, inter oves dexteræ tuae perpétuo computémur : Qui vivis.

Memoria diei oét. Simpl. S. Hyacinthi in utrisque Vesperis, et in Laudibus.

In j. Nocturno, Lectiones Beátus vir, qui invéntus est.

ut in Comm. unius Conf. non Pont. pag. lxiv.

In secundo Nocturno.

Lectio iv.



**BEATUS** Jacobus, Mevaniae in Umbria piis nobilibusque ortus paréntibus, quantus in adulta aetate futurus esset, portenta caeléstia praemonstrarunt. Adoláscens Spoletí Praedicatórum Ordinem amplexus, inter prima Religiónis tirocínia miraculis clarere coepit, brevique compendio simul ad sanctitátis et litteraturae ápicem pervénit, ádeo ut vigésimo quinto aetátis anno concreditum ei fúerit munus apostólicae praedicationis. Nec sine fructu : nam renascéntem in Umbria Nicolaitárum haeresim fúnditus profligávit : ipsúmque tandem Ortinéllum pestíferae sectae coryphaeum ad públicam erróris detestatió-nem perdúxit.

Lectio v.

**S**OMNI parcíssimus, ad exéplum sancti Patris sui Domínici, ter singulis nóctibus aspérro flagélló corpúsculum suum cruentábat. Catenam férream ita lumbis astrínxerat, ut deinceps avélli non potúerit. Virgínea puritas, doctrínae fama, vitae innocéntia, coruscátio tot miraculórum, plausus et admirátio pópuli Jacobo ánxium aeternae da-

mnationis metum ádeo non alleviárunť, ut vix non succubúerit desolátus, donec imágo Crucifíxi ex lateráli vúlñere servum Dei copióso sánguini imbre totum perfudísset, áddita caelésti hac voce : Sanguis iste sit in signum tuae salutis.

Lectio vj.

**M**ORIENTI visíbiles astiterunt Christus Salvátor, Virgo Deípara, sancti Geórgius Martyr, et Patriárcha Domínicus. Sub commendatióne ánimae vox désuper insónuit : Non Deum pro ipso, sed ipsum pro vobis invocáte. Defúncti corpus intra trecéntos ab óbitu annos ter in locum decentiorem translátum, tótidem vícibus repértum fuit íntegrum et incorrúptum; illúdque primis diébus Maii pie inviséntibus Bonifácus Nonus Indulgéntias benígne concéssit, ac déni- que Clemens Papa Décimus ex sacrórum Rítuum Senátus consúlto solémnem hujus Beáti festivitátem ad totum Praedicatórum Ordinem exténdit.

In iij. Nocturno, Homilia in Evang. **Respóndens Jesus dixit.** ut in Comm. Conf. non Pont. pag. lxxvj.

Sequens festum S. Bartholomaei celebretur secundum consuetudinem locorum xxv. vel xxiv. Augusti : Romae celebratur die xxv.

## DIE XXIV. vel XXV. AUGUSTI.

S. Bartholomaei Apostoli.

Totum Duplex.

Oratio.

**O**MNIPOTENS sempitérne Deus, qui hujus diéi venerándam sanctámque laetitiam in beáti Apóstoli tui Bartholomaei festivitáte tribuísti : da Ecclésiae tuae, quaesumus, et amáre quod crédidit, et praedicáre quod dócuit. Per Dóminum.

In primo Nocturno.

De Epístola beáti Pauli Apóstoli ad Ephésios.

Lectio j.

Cap. 2.



**D**EUS autem, qui dives est in misericórdia, propter nímiam caritátem suam, qua diléxit nos, et cum essémus mórtui peccátis, convivicávit nos in Christo, (cujus grátia estis salváti) et conresuscitávit, et consedére fecit in caeléstibus in Christo Jesu : ut osténderet in saeculis superveniéntibus abundántes divítias grátiae suae in bonitáte super nos in Christo Jesu.

Lectio ij.

**G**RATIA enim estis salváti per fidem, et hoc non ex vobis : Dei enim donum est, non ex opéribus, ut ne quis gloriétur. Ipsíus enim sumus

factúra, creati in Christo Jesu in opéribus bonis, quae prae-  
parávit Deus ut in illis ambu-  
lémus. Propter quod mémores  
estóte, quod aliquándo vos  
gentes in carne, qui dicimini  
praepútium ab ea, quae dicitur  
circumcisio in carne, manu fa-  
cta : quia erátis illo in témpore  
sine Christo, alienáti a con-  
versatióne Israël, et hóspites  
testamentórum, promissiónis  
spem non habéntes, et sine  
Deo in hoc mundo.

Lectio iij.

**D**UNC autem in Christo  
Jesu vos, qui aliquándo  
erátis longe, facti estis prope  
in ságuine Christi. Ipse enim  
est pax nostra, qui fecit útra-  
que unum, et médium parietem  
maceriae solvens, inimicítias  
in carne sua : legem mandató-  
rum decretis evácuans, ut duos  
condat in semetípso in unum  
novum hóminem, fáciens pa-  
cem, et reconcíliet ambos in uno  
córpoze, Deo per crucem, inter-  
ficiens inimicítias in semetípso.

In secundo Nocturno.

*Ex antiq. Auñt. et Rom. Brev.*

Lectio iv.



**B**ARTHOLOMAEUS  
Apóstolus, Galilaeus,  
cum in Indiam cite-  
riórem, quae ei in or-  
bis terrárum sortitióne ad prae-  
dicándum Jesu Christi Evan-  
gélium obvenerat, progréssus  
esset : advéntum Dómini Jesu,  
juxta sancti Matthaei Evangé-

lium, illis géntibus praedicá-  
vit. Sed cum in ea província  
plúrimos ad Jesum Christum  
convertísset : multos labóres,  
calamitatésque perpéssus, venit  
in majórem Arméniam.

Lectio v.

**I**BI Polymium regem, et  
cónjugem ejus, ac prae-  
terea duódecim civitatés ad  
christiánam fidem perdúxit.  
Quae res in eum magnam in-  
vidiam concitávit illius gentis  
sacerdótum. Nam usque ádeo  
Astyagem Polymii regis fra-  
trem in Apóstolum incendé-  
runt, ut is vivo Bartholomaeo  
pellem crudéliter détrahi jús-  
serit, ac caput abscíndi : quo  
in martyrio ánimam Deo réd-  
didit.

Lectio vj.

**E**JUS corpus Albáni, quae  
est urbs majóris Armé-  
niae, ubi is passus fúerat, se-  
púltum fuit : quod póstea ad  
Líparam ínsulam delátum, inde  
Benevéntum translátum est :  
postrémo Romam ab Othóne  
Tértio imperatóze portátum, in  
Tíberis ínsula, in ecclésia ejus  
nómine Deo dicáta, collocátum  
fuit, ubi magna pópuli frequén-  
tia celebrátur.

In tertio Nocturno.

Lectio sancti Evangélii secún-  
dum Lucam.

Lectio vij.

Cap. 6.

**I**N illo témpore : Exiit Je-  
sus in montem oráre, et  
erat pernóctans in oratióne

Dei. Et cum dies factus esset, vocavit discipulos suos. Et reliqua.

Homilia sancti Ambrósii  
Epíscopi.

*Lib. 5. Comment. in Luc.*



MNES magni, omnes sublimes montem ascendant. Non enim cuicumque Propheta dicit : Ascende in montem excelsum, qui evangelizas Sion : exalta in virtute vocem tuam, qui evangelizas Jerusalem. Non vestigiis corporalibus, sed factis sublimioribus in hunc montem ascende, et sequere Christum, ut ipse esse mons possis : montes enim in circuitu ejus. Quare in Evangelio invenies solos cum Domino montem ascendisse discipulos.

Lectio viij.

**O**RAT ergo Dominus, non ut pro se obsecret, sed ut pro me impetret. Nam etsi omnia posuerit Pater in potestate Filii, Filius tamen, ut formam hominis impleret, obsecrandum Patrem putat esse pro nobis, quia advocatus est noster. Et erat, inquit, pernoctans in oratione Dei. Species tibi datur, forma praescribitur, quam debeas aemulari. Quid enim te pro salute tua facere oportet, quando pro te Christus in oratione pernoctat?

Lectio ix.

**Q**UID te facere convenit, cum vis aliquod officium pietatis adorari, quando Chri-

stus, missurus Apostolos, oravit prius, et solus oravit? Nec usquam alibi (si non fallor) orasse cum Apostolis reperitur : ubique solus obsecrat. Dei enim consilium humana vota non capiunt : nec quisquam interiorum potest esse participes Christi. Vocavit, inquit, discipulos suos, et elegit duodecim ex ipsis, quos ad propagandum auxilium salutis humanae per terrarum orbem satores fidei destinaret.

Ubi vero festum S. Bartholomaei celebratur die xxv. de S. Ludovico fiat die xxvj. et de S. Philippo fiat die xxiv.

## DIE XXV. AUGUSTI.

S. Ludovici Regis et  
Confessoris.

Duplex. Oratio.

**D**EUS, qui beatum Ludovicum cum Confessorem tuum de terreno regno ad caelestis regni gloriam transtulisti : ejus, quaesumus, meritis et intercessione, Regis regum Jesu Christi Filii tui facias nos esse consortes : Qui tecum vivit.

In primo Nocturno.

De libro Sapientiae.

Lectio j.

*Cap. 6.*



ELIOR est sapientia quam vires : et vir prudens quam fortis. Audite ergo reges, et intelligite, discite iudices



fínium terrae. Praebéte aures vos, qui continétis multitudínes, et placétis vobis in turbis natiónum : quóniam data est a Dómino potéstas vobis, et virtus ab Altíssimo, qui interrogábit ópera vestra, et cogitatiónes scrutábitur : quóniam cum essétis minístri regni illius, non recte judicástis, nec custodístis legem justítiae, neque secúndum voluntátem Dei ambulástis.

Lectio ij.

**H**ORRENDE et cito apparebit vobis : quóniam iudícium duríssimum his, qui praesunt, fiet. Exíguo enim concéditur misericórdia : poténtes autem poténter torménta patiéntur. Non enim súbtrahet persónam cuiúsquam Deus, nec verébitur magnitúdinem cuiúsquam : quóniam pusíllum et magnum ipse fecit, et aequáliter cura est illi de ómnibus. Fortióribus autem fórtior instat cruciatio.

Lectio iij.

**A**D vos ergo reges sunt hi sermónes mei, ut discátis sapiéntiam, et non excidátis. Qui enim custodíerint justa juste, justificabúntur : et qui didícerint ista, invénient quid respóndent. Concupíscite ergo sermónes meos, dilígite illos, et habébitis disciplínam. Clara est, et quae nunquam marcescit sapiéntia, et fáciie vidétur ab his qui dilígunt eam, et in-

venítur ab his qui quaerunt illam.

In secundo Nocturno.

*Ex bonis Auctóribus, et Romano Breviario.*

Lectio iv.



**LUDOVICUS** Nonus Gálliae rex, Fratrum praesértim Praedicatorum, ac Minórum curis educátus est. De recuperánda Ierosolymórum possessione cógitans, vexíllum ab Epíscopo Parisiénsi accépit; deínde mare cum ingénti exercitu trajíciens, primo proelio Saracénos fugávit. Sed cum pestiléntia magna mílitum multitúdo perísset, victus ipse, captúsque est. Rebus póstea cum Saracénis compósitis, liber rex exercitúsque dimíttitur. Quinque annis in Oriénte commorátus, plúrimos Christiános a barbarórum servitúte redémit : multos étiam infidéles ad Christi fidem convértit : áliquot étiam Christianórum urbes refécit.

Lectio v.

**C**ORPORA caesórum mílitum jam tabo fluéntia ipse própriis má nibus sepelívit; cum álii intolerándum foetórem vix ferre possent. Ejus matre defúncta, domum revérsus, totum se dedit pietátis officiis. Multa aedificávit monastéria, et hospítia páuperum : atque in primis Frátribus Praedicatoribus, ac Minóribus plura

coenóbia a fundaméntis eréxit : iisque, Parísios studiórum causa missis,ingénteseleemósynas profúdit. Páuperes aegrótos nedum plúrima beneficéntia juvit, sed eis flexis génibus saepius ministrávit. Veste vulgári utebátur : cilício ac jejúnio corpus assidue affligébat. Sacras Relíquias, ac praesértim Domínicam crucem veneratióne prosequébátur.

Lectio vj.

**I**N administrádo regno summa justítia ac prudéntia enítuit : duélla prohibuit,usurárum voráginem compéscuit; blasphémós inústis cautério lábiis castigári jussit : causis páuperum bis in hebdómada vacávit. Cum clades ac damna Terrae sanctae ferre non valens, íterum transmisisset, bellum Saracénis illatúrus, jamque castra in ipsórum conspéctu posuisset, pestiléntia ictus, divínis Sacraméntis rite percéptis, sanctíssime decéssit. Ejus corpus Parísios póstea translátum est, quod in célebri sancti Dionysii templo cólitur : caput vero in sacro Sacélló asservátur. A Bonifácio Océavo inter Sanctos adscríptus est.

In tertio Nocturno.

Lectio sancti Evangelii secundum Lucam.

Lectio vij.

Cap. 19.

**I**N illo témpore : Dixit Jesus discipulis suis parabolam hanc : Homo quidam

nóbilis ábiit in regiónem longínquam accípere sibi regnum, et revérti. Et réliqua.

Homilía sancti Ambrósii  
Epíscopi.

*Ex lib. 8. in Lucam.*



**D**ONUS ordo, ut vocatúrus Gentes, et Judaeos jussurus interfici, qui noluerunt regnare supra se Christum, hanc praemitteret comparationem, ne diceretur : Nihil dederat populo Judaeorum, unde melior poterat fieri. Ut quid ab eo, qui nihil recepit, exigitur? Non mediocris ista est mna, quam supra mulier evangelica, quia non invenit, lucernam accendit, lumine quaerit admoto, gratulatur inventam. Denique ex una decem mnas alius fecit, alius quinque. Fortasse iste moralia habet, quia quinque sunt corporis sensus : ille duplicia, id est, mystica legis, et moralia probitatis.

Lectio viij.

**E**T hic possumus decem mnas, decem verba intelligere, id est, Legis doctrinam; quinque autem mnas, magisteria disciplinae. Sed legisperitum in omnibus volo esse perfectum. Non enim in sermone, sed in virtute est regnum Dei. Bene autem, quia de Judaeis dicit, duo soli multiplicatam pecuniam deferunt, non utique aeris, sed dispensationis usuris.

Alia est enim pecúniae fénebris, ália doctrínae caeléstis usúra. Cum Dóminus dicit, Quare non dedísti pecúniám meam ad mensam? non nostra, sed suae pecúniae quaerit usúram. Unus in terra abscondísse se dicit : quod ratió- nem, quae ad imáginem Dei data est nobis, stúdio voluptá- tis óbruit, et tamquam in fóvea carnis abscondit.

Lectio ix.

**D**E áliis silétur, qui quasi pródigi debitóres, quae accéperant, perdidérunt. In duóbus illis pauci sunt, qui per duas vices ad cultóres víneae destináti sunt; in réliquis omnes Judaei. Quam compara- tió- nem Matthaeus étiam nobis vóluit aptáre : quod simíliter ut dives, qui pecúniám suam non impártit paupéribus, ita étiam, qui doctrínae suae grá- tiam non dívidit imperítis, docére cum possit, haud me- díocris reus est culpae. Civitá- tes autem quinque esse quae possunt, nisi forte ánimae, qui- bus jure praepónitur, qui pecú- niám Dómini, et illa elóquia casta probáta sicut argéntum méntibus hóminum fenerá- verit?

DIE XXVI. AUGUSTI.

S. Philippi Benitii Conf.

Duplex. Oratio.

**D**E U S, qui per beátum Philíppum Confessórem tuum, exímium nobis humili-

tátis exémp- lum tribuísti : da fámulis tuis próspera mundi ex ejus imitatió- ne despícere, et caeléstia semper inquirere. Per Dóminum nostrum Jesum Christum Filíum tuum.

In secundo Nocturno.

*Ex Romano Breviario.*

Lectio iv.



**PHILIPPUS**, ex nó- bili Benitiórum famí- lia Floréntiae natus, futúrae sanctitátis jam inde ab incunábulis indí- cium prae- buit : vix enim quin- tum aetátis mensem ingressus, linguam in voces mirífice sol- vit, hortatúsque fuit matrem, ut Deíparae Servis eleemósy- nam impertíret. Adoléscens, dum Parísíis litterárum stúdia cum pietátis ardóre conjú- get, plúrimos ad caeléstis pá- triae desidérium inflammávit. Revérsus in pátriam, et singu- lári visió- ne a beatíssima Vír- gine in Servórum suórum famí- liam nuper institútam vocátus, in Senárii montis antrum con- céssit, ubi ásperam quidem jugi córporis castigatió- ne, sed Christi Dómini cruciátuum meditatió- ne suá- vem vitam du- xit : indéque per univérsam pene Euró- pam, magnánque Asiae partem, quam evangé- lis praedicationibus obívit, sodalítia septem Dolórum Dei Matris instítuit, suúmque Or- dinem exímio virtútum exém- plo propagávit.

## Lectio v.

**D**IVINAE caritátis, et cathólicae fidei dilatandae ardóre veheménter accensus, sui Ordinis Generális relúctans atque invítus renuntiátus, fratres ad praedicándum Christi Evangélium in Scythiam misit : ipse vero plúrimas Itáliae urbes concúrrians, gliscéntes in eis civium discórdias compósuit, multásque ad Románi Pontíficis obediéntiam revocávit; nihílque de stúdio aliénæ salutis omíttens, perditíssimos hómínes e vitiórum coeno ad poeniténtiam, ac Jesu Christi amórem perdúxit. Oratióni summópere addíctus, saepe in éxtasim rapi visus est. Virginitátem vero ádeo cóluit, ut ad extrémum usque spíritum voluntáriis ac duríssimis supplíciis illibátam custodíerit.

## Lectio vj.

**A**FFLORUIT in eo júgiter singuláris erga páuperes misericórdia; sed praecipue cum apud Camiliánum agri Senénsis vicum lepróso nudo, eleemósynam peténti, propriam, qua indútus erat, vestem fuit elargítus; qua ille contéctus, statim a lepra mundátus est. Cujus miráculi cum longe latéque fama manásset, nonnulli ex Cardinálibus, qui Vitérbium, Cleménte Quarto vita functo, pro successóre deligendo convénierant, in Philíppum, cujus caeléstem étiam prudén-

tiam perspéctam habébant, intendérunt. Quo compérto, vir Dei, ne forte pastorális regíminis onus subíre cogerétur, apud Tuniátum montem tándiu delítuit, donec Gregórius Décimus Póntifex Máximus fúerit renuntiátus : ubi bálneis, quae étiam hódie sancti Philíppi vocántur, virtútem sanándi morbos, suis précibus impetrávit. Dénique Tudérti anno millésimo ducentésimo octogésimo quinto in Christi Dómini e cruce pendéntis ampléxu, quem suum appellábat librum, sanctíssime ex hac vita migrávit. Ad ejus túmulum caeci visum, claudi gréssum, mórtui vitam recepérunt. Quibus, aliisque plúrimis fulgéntem signis Clemens Décimus Póntifex Máximus Sanctórum número adscrípsit.

In iij. Nocturno, Homilia in Evangelium *Nolíte timére.* ut in Comm. Conf. non Pont. pag. lxxvj.

## DIE XXVII. AUGUSTI.

S. Josephi Calasanctii  
Confessoris.

Duplex.

Oratio.

**D**EUS, qui per sanctum Joséphum Confessórem tuum, ad erudiéndam spírítu intelligéntiae ac pietátis juventútem, novum Ecclésiæ tuæ subsidium providére dignátus es : praesta quaesumus, nos ejus exémplo et intercessióne

ita fácere et docére, ut praemia consequámur aetérna. Per Dóminum nostrum.

Memoria S. Rufi Episc. et Mart. in j. Vesperis et Laudibus.

Oratio.

**A**DESTO Dómine supplicatióibus nostris : ut qui ex iniquitáte nostra reos nos esse cognóscimus, beáti Rufi Mártyris tui atque Pontíficis intercessióne liberémur. Per Dóminum.

In secundo Nocturno.

Lección iv.



**I**OSEPHUS Calasántius a Matre Dei, Petráltae in Aragónia nobili génere natus, a téneris annis futúrae in púeros caritátis, et eórum institutiónis indícia praebuit. Nam adhuc párvulus eos, ad se convocátos, in mystériis fídei, et sacris précibus erudiébat. Humanís divínisque lítteris egrégie doctus, cum stúdiis theológicis Valentiae óperam daret, nobilis potentísque féminae illécebris fórtiter superátis, virginitátem, quam Deo vóverat, inoffénsam insígni victória servávit. Sacerdos ex voto factus, a complúribus Episcopis in Castéllae Novae, Aragóniae, et Cataláuniae regnis, in partem labóris adscítus, expectatió-nem ómnium vicit, pravis ubí-que móribus emendátis, ecclesiástica disciplína restitúta,

inimicítiis cruentísque facti-  
onibus mirífice exstíntis. At  
caelésti visióne, et Dei voce  
frequénte admónitus, Romam  
proféctus est.

Lección v.

**I**N Urbe summa vitae aspe-  
ritáte, vigíliis, et jejúniis  
corpus affligens, in oratióibus,  
et caeléstium rerum contem-  
platióne dies noctésque versa-  
bátur, septem ejúsdem Urbis  
ecclésias singulis fere nóctibus  
obíre sólitus : quem inde mo-  
rem complúres annos servávit.  
Dato piis sodalitátibus nómine,  
mirum quanto ardóre páupe-  
res, infirmos potíssimum, aut  
carcéribus deténtos, eleemósy-  
nis, omníque pietátis officio  
subleváret. Lue Urbem depopu-  
lante, una cum sancto Camí-  
llo, tanto fuit áctus ímpetu  
caritátis, ut praeter subsídía  
aegrótis paupéribus large col-  
láta, ipsa étiam defunctorum  
cadáverá suis húmeris tumu-  
lánda transférret. Verum cum  
divínitus accepísset, se ad in-  
formándos intelligéntiae ac  
pietátis spírítu adolescéntulos,  
praecípue páuperes, destinári,  
Ordinem Clericórum Regulá-  
rium páuperum Matris Dei  
scholárum piárum fundávit,  
qui peculiárem curam circa pue-  
rórú eruditiónem ex próprio  
institutó proferéntur : ipsúm-  
que Ordinem a Cleménte Octá-  
vo, a Paulo Quinto, aliisque  
summis Pontíficibus magnó-  
pere probátum, brevi témpore

per plúrimas Európaе províncias et regna mirábiliter propagávit. In hoc autem tot labóres perpéssus est, ac tot aerúmnas invícto ánimo tolerávit, ut ómnium voce miráculum fortitúdinis, et sancti Jobi exémpulum dicerétur.

Lectio vj.

**Q**UAMVIS Ordini univérso praeéssset, totisque víribus ad animárum salútem incúmberet, nunquam tamen intermísit púeros, praesértim pauperiôres, erudíre, quorum scholas vérrere, eósque domum comitári consuévít. In eo summae patiéntiae et humilitátis múnere, valetúdine étiam infírma, duos et quinquagínta annos perseverávit : dignus proptérea, quem crebris Deus miráculis coram discíplis illustráret, et cui beatíssima Virgo cum púero Jesu, illis orántibus benedicénte, apparéret. Amplíssimis ínterim dignitatibus repudiátis, prophetia, ábdita córdium, et abséntia cognoscéndi donis, et miráculis clarus, Deíparae Vírginis, quam singulári pietáte et ipse ab infántia cóluit, et suis máxime commendávit, aliorúmque caelitum frequénti apparitíone dignátus, cum óbitus sui diem, et Ordinis tunc prope evérsi restitutíonem atque incrementum praenuntiáset, secúndum et nonagésimum annum agens, Romae obdormívit in Dómino, octávo Kaléndas

Septémbris, anno millésimo sexcentésimo quadragésimo octávo. Ejus cor et lingua post saeculum íntegra et incorrúpta repérta sunt. Ipse vero multis post óbitum quoque signis a Deo illustrátus, primum a Benedícto Décimo quarto Beatórum cultu decorátus fuit, ac deínde a Cleménte Décimo tertio inter Sanctos solémniter est relátus.

In tertio Nocturno.

Lectio sancti Evangélii secúndum Matthaeum.

Lectio vij.

Cap. 18.

**I**N illo témpore : Accessérunt discípli ad Jesum, dicéntes : Quis putas, major est in regno caelórum? Et reliqua.

Homilía sancti Joánnis Chrysóstomi.

In cap. 18. Matth. Hom. 60.



**V**IDETE, ne áliquem istórum contempsérítis parvulórum, quia eórum Angeli Patris mei fáciem semper aspíciunt, et quia ego propter eos veni, et haec Patris mei volúntas est. Ad tuéndos conservandósque pusíllos, diligentíores nos reddit. Pérspicis quam ingéntia in tutelám tenúium moenia eréxerit, et quantum stúdiúm curámque hábeat, ne perdántur : tum quia suprémimas despiciéntibus eos poenas

státuit, tum quia summam pollicétur mercédem iis, qui curam eórum suscípunt, idque tam suo, quam Patris exémplo corróborat.

Lectio viij.

**D**OMINUM igitur étiam nos imitémur, et nihil pro fratribus omittámus, étiam eórum, quae humília vilíaque nímium vidéntur : sed si administratióne nostra étiam opus fúerit, quamvis ténuis, atque abjéctus quidem, cui administrándum sit, fúerit, quamvis árdua nobis res, atque labóris plena esse videátur, ómnia haec pro fratris salúte tolerabilióra facilióraque, oro, videántur. Tanto enim stúdio, tantáque cura Deus dignam esse ánimam osténdit, ut neque Fílio suo pepérceat.

Lectio ix.

**S**I non est nobis satis ad salútem, quod virtuóse ipsi vivámus, sed opórtet aliórum salútem re ipsa desideráre : cum neque nos recte vivámus, neque álios hortémur, quid respondébimus? quae nobis spes salútis réliqua erit? Quid majus, quam ánimis moderári, quam adolescentulórum fíngere mores? Omni certe pictóre, omni certe statuário, ceterisque hujúsmodi ómnibus excellentiórem hunc duco, qui júvenum ánimos fíngere non ignóret.

DIE XXVIII. AUGUSTI.

S. Augustíni

Episc. et Conf. ac Doct. Eccl.

TOTUM DUPLEX.

Quae desunt, ex Communi unius Conf. Pontif. pag. I. desumantur.

AD VESPERAS.

Super Psalm. Añ. Laetáre mater nostra Jerúsalem, quia Rex tuus dispensatórem strénuum, et civem fidelíssimum de servitúte Babylónis tibi redémit Augustínus. Psalm. Laudáte púeri. cum ceteris, pag. j.

R. vj. Volébat. pag. 661.

Hymnus.

**M**AGNE Pater Augustíne  
Preces nostras súscipe,  
Et per eas Conditóri  
Nos placáre sátage,  
Atque rege gregem tuum,  
Summum decus Praesulum.

Amatórem paupertátis  
Te colláudant páuperes :  
Assertórem veritátis  
Amant veri júdices :  
Frangis nobis favos mellis,  
De Scriptúris dísserens.

Quae obscura prius erant,  
Nobis plana faciens,  
Tu de verbis Salvatóris  
Dulcem panem cóncis,  
Et propínas potum vitae  
De Psalmórum néctare.

Tu de vita Clericórum  
Sanctam scribis régulam,  
Quam qui amant et sequún-  
tur,

Viam tenent régiam,  
Atque tuo sancto ductu  
Rédeunt ad pátriam.

Regi regum salus, vita,  
Decus et impérium :  
Trinitáti laus et honor  
Sit per omne saeculum :  
Qui concíves nos adscríbat  
Supernórum cívium. Amen.

℣. Ora pro nobis beáte Au-  
gustíne.

Ad Magnificat, Añá. Adest  
dies célebris, quo solútus nexu  
carnis sanctus Praesul Augu-  
stínus, assúptus est cum An-  
gelis : ubi gaudet cum Prophé-  
tis, laetátur cum Apóstolis,  
quorum plenus spíritu, quae  
praedixerunt mystica, fecit no-  
bis pérvia : post quos secúnda  
dispensándi verbi Dei primus  
refúlsit grátia.

Oratio.

**A**DESTO supplicatióibus  
nostris omnipotens Deus :  
et quibus fidúciam sperándae  
pietátis indúlges; intercedénte  
beáto Augustíno Confessóre  
tuo atque Pontífice, consuetae  
misericórdiae tríbue benígnus  
efféctum. Per Dóminum.

AD MATUTINUM.

Invitatorium. Magnus Dó-  
minus, et laudábilis valde :  
\* Qui de ténebris géntium lu-  
men Ecclesiae suae vocávit  
Augustínus.

Hymnus. Magne Pater. ut  
supra in Vesperis.

In primo Nocturno.

Añá. Apéruit Augustínus  
códicem Apostólicum, et con-  
jéctis óculis ad primum capítu-  
lum, legit : Induímini Dómi-  
num Jesum Christum : et sta-  
tim, quasi infúsa luce securi-  
tátis, ab eo omnes dubietátis  
ténebrae diffugérunt. Psalmi  
de Comm. Conf. pag. lj.

Añá Insinuávit ergo per lít-  
teras sancto viro Ambrósio  
praesens votum suum, ut mó-  
neret, quid sibi de libris sanctis  
legéndum esset, quo percipién-  
dae christiánae grátiae áptior  
fieret, atque parátior.

Añá. At ille jussit Isaiám  
Prophétam : quod prae céteris  
Evangélii vocationísque Gén-  
tium sit praenuntiátor apértior.

℣. Amávit eum Dóminus.

Lectiones Beátus vir, qui in  
sapiéntia. ut in Comm. Doct.  
pag. lxij.

R̃. j. Invénit se Augustínus  
longe esse a Deo in regiónē  
dissimilitúdinis, tamquam au-  
díret vocem Dei de excélso :  
Cibus sum grándium : \* Cre-  
sce, et manducábis me. ℣. Nec  
tu me mutábis in te, sicut  
cibum carnis tuae : sed tu mu-  
táberis in me. Cresce.

R̃. ij. Sensit ígitur et expér-  
tus est, non esse mirum, quod  
paláto non sano poena est pa-  
nis, qui sano est suávis, \* Et  
óculis aegris odiósa lux, quae  
puris est amábilis. ℣. Propter



iniquitatem corripuisti hominem, et tabescere fecisti, sicut araneam, animam ejus. Et.

R7. iij. Tum vero invisibilia Dei per ea, quae facta sunt, intellecta conspexit, sed aciem figere non valuit : \* Quia non secum ferébat nisi amantem memoriam, Et quasi olfacta desiderantem, quae comedere nondum posset. V. Quid autem sacramenti haberet : Verbum caro factum est : nec suspicari poterat. Quia. Glória Patri. Et quasi.

In secundo Nocturno.

Añã. Verúmtamen primam hujus lectionem non intelligens, totumque tale arbitrans, distulit repetendum exercitior in Domínico elóquio.

Añã. Inde, ubi tempus advénit, quo nomen eum dare oportéret, relicto rure Mediolánum rémeans, baptizatus est a beato Ambrósio : fugitque ab eo sollicitudo vitae praeteritae.

Añã. Nec satiabatur illis diebus dulcedine mirabili, considerare altitudinem consilii divini super salutem generis humani.

V. Justum deduxit Dóminus.  
*Ex ipsius scriptis, Possidio Episcopo Calamensi, et Romano Brev.*

Lectio iv.



AUGUSTINUS, clarissimum Ecclesiae lumen, Tagaste in Africa honestis parentibus natus, ac puer docili-

tate ingenii aequales longe superans, brevi omnibus doctrina antecelluit. Adollescens, dum esset Carthagine, in Manichaeorum haeresim incidit. Póstea Romam profectus : inde Mediolánum missus, ut rhetoricam doceret, cum ibi frequens Ambrósii Episcopi esset auditor, ejus ópera incensus stúdio catholicae fidei, annos natus triginta tres ab ipso baptizatur. Sed et sanctissimae matris Mónicae juges pro filii conversióne lacrymas Augustinum Ecclesiae quodammodo peperisse, ipse etiam ingenuè est professus, cum refert, matri ubertim pro se flenti dixisse quemdam Episcopum : Vade a me, ita vivas : fieri enim non potest, ut filius istarum lacrymarum pereat.

R7. Itaque avidissime legere coepit, prae céteris, Apóstolum Paulum : \* Et perierunt illae questionés, in quibus aliquando visus est ei adversári testimoniis legis et Prophetarum, textus sermonum ejus. V. Et apparuit ei una facies eloquiorum castorum : et exultare cum tremore didicit. Et.

Lectio v.

EX audita quoque vita Antonii Magni, Augustinum ad capessendam catholicam fidem vehementer fuisse inflammatum constat, cum illud gemebundus protulit : Surgunt indócti, et caelum rapiunt; et nos in doctrinis nostris sine

corde ecce ubi volutámur in carne et sáanguine. Revérsus in Africam, cum religióne vitae sanctimóniam conjúgens, a Valério, notae sanctitátis Epíscopo Hipponénsi, Présbyter factus est. Quo témpore famíliam instítuit Religiosórum, quibúscum víctu commúni, eodémque cultu utens, eos ad Apostólicaе vitae doctrinaeque disciplínam diligéntissime erudiébat.

Rz. Misit ergo Dóminus in mentem ejus, visúmque est bonum in conspéctu ejus, pèrgere ad Simpliciánum, qui ei bonus apparébat servus Dei, \* Et lucébat in eo grátia divína. V. Audíerat enim, quod a juventúte sua devotíssime Deo víveret : et vere sic erat. Et lucébat.

Lectio vj.

**S**ED cum vigéret Manichaeórum haeresis, vehementius in illam ínvehi coepit, Fortunatúmque haeresiárcham confutávit. Hac Augustíni pietáte commótus Valérius, eum adjutórem adhibuit episcopális officii : de cujus ordinatióne haec ad ipsum scripsit sanctus Paulínus Nolánus Epíscopus : Non autem tantum hoc scríbimus gratulándum, quod Episcopátum Augustínus accéperit, sed quod hanc Dei curam merúerint Africánae Ecclésiae, ut verba caeléstia Augustíni ore percíperent.

Rz. Volébat enim conferénti aestus suos, ut proférret quis esset aptus modus vivéndi sic affécto, ut ipse erat, ad ambulándum in via Dei, \* In qua álius sic, álius sic ibat. V. Displicébat ei quidquid agébat in saeculo prae dulcédine Dei, et decóre domus ejus, quam diléxit. In qua. Glória Patri. In qua.

In tertio Nocturno.

Aña. Flebat autem ubérrime in hymnis et cánticis, suáve sonántis Ecclésiae vócbus vehementer afféctus.

Aña. Voces ígitur illae influébant áuribus ejus, et eliquabátur véritas in cor ejus : et fluébant lácrymae, et bene illi erat cum eis.

Aña. Adjúñctus inde Nebrídio et Evódio, remeábat ad Africam, quaerens quis eos ad bene vivéndum locus habéret utílior : sed cum esset apud Ostia Tiberína, pia mater ejus defúncta est.

V. Justus ut palma florébit.

Homilia in Evang. Vos estis sal terrae. ut in festo S. P. N. Dominici, pag. 591.

Rz. vij. Vulnéraverat caritas Christi cor ejus, et gestábat verba ejus in viscéribus quasi sagíttas acútas : \* Et exémpa servórum Dei, quos de mórtuis vivos fécerat, tamquam carbónes vastatóres. V. Ascendénti a conválle ploratiónis, et cantánti Cánticum grádium, déderat sagíttas acútas. Et exémpa.

R7. viij. Accépta Baptísmi grátia, pósitus apud Ostia Tiberína cum matre sua, colloquebántur soli valde dúlciter, et inhiábant ore cordis páriter in supérna fluénta fontis vitae : \* Vilescebátque mundus iste inter verba, cum delectatióibus suis. V. Tunc ait illa fílio : Nulla re jam deléctor in hac vita, cum te, contémpta felicitáte terréna, vídeam servum Christi. Vilescebátque.

R7. ix. Verbum Dei usque ad ipsam suam aegritúdinem, impraetermísse, alácriter, et fórtiter, sana mente, sanóque consílio, in sancta Ecclesiá praedicávit : membris ómnibus sui córporis incólumis, íntegro aspéctu, atque audítu, \* Coram pósitis frátribus, et orántibus, Dormívit cum pátribus suis. V. Testaméntum nullum fecit : quia, unde fáceret, pauper Christi non hábuit. Coram. Glória Patri. Dormívit.

Ante Laudes, V. Ora pro nobis.

#### IN LAUDIBUS.

Aña. Post mortem matris revérsus est Augustínus ad agros próprios : ubi cum amícis jejúniis et oratióibus vacans, scribébat libros, et docébat indóctos. Psalm. Dóminus regnávit. cum ceteris, pag. xj.

Aña. Compérta autem ejus fama, beátus Valérius, Hipponénsis Epíscopus, eum ad se accersíri fecit : et licet invítum, Presbyterum ordinávit.

Aña. Factus ergo Présbyter, monastérium clericórum mox instítuit : et coepit vívere secúndum régulam sub sanctis Apóstolis constitútam.

Aña. Sanctus autem Valérius ordinátor ejus exsultábat ubérius, hóminem sibi talem datum divínitus, qui in doctrína sana aedificáre Ecclesiám esset idóneus.

Aña. Eódem témpore Fortunátus Présbyter Manichaeórum versútia plúrimos seducebat : quem sanctus Augustínus, in convéntu ómnium dísputans, públice superávit.

Hymnus.

**C**AELI cives appláudite,  
Et vos fratres concínite :  
Patris nostri solémnia  
Solis redúxit órbita.

Quod lingua foris pérsonat,  
Intus afféctus séntiat :

Nec imitári pígeat,  
Quod laudáre mens ápprobat

Hunc post mundi currícula  
Caeli suscepit cúria :  
Quem cum suis fidélibus  
Jam coronávit Dóminus.

Conémur totis víribus,  
Jungámus preces précibus,  
Ut Augustíni méritis,  
Caeli fruámur gáudiis.

Praesta Pater piíssime,  
Patrique compar Unice,  
Cum Spíritu Paráclito  
Regnans per omne saeculum.

Amen.

V. Justus germinábit.

Ad Benedíctus, Aña. In díebus ejus obséssa est civitas

Hipponénsis ab exercitu Barbarorum : inter quae mala fuerunt Augustino lacrymae suae panes die ac nocte, atque sub hoc eventu ad extremam horam veniens obdormivit in pace.

## AD VESPERAS.

Super Psalm. Añā j. Laud. Psalmi de Communi Conf. Hymnus et V. ut in j. Vesp.

Ad Magnificat, Añā. Hódie gloriósus Pater Augustinus, dissoluta hujus habitationis domo, domum non manufactam accepit in caelis, quam sibi cooperante Dei gratia, manu, lingua fabrefecit in terris : ubi jam quod sitivit internum, gustat aeternum, decoratus una stola, securusque de reliqua.

## PER OCTAVAM.

Ad Benedictus, Añā. Augustini mater devotissima, quem carne prius pepererat mundo, caritatis visceribus postmodum multo semine lacrymarum genuit Christo.

Ad Magnificat, Añā. Laetare mater nostra Jerusalem, quia Rex tuus dispensatorem strenuum, et civem fidelissimum de servitute Babylónis tibi redemit Augustinum.

## DIE XXIX. AUGUSTI.

In Decollatione S. Joannis Baptistae.  
Duplex.

Omnia de Communi unius Mart. praeter hic posita.

## IN I. VESPERIS.

Ad Mem. Añā. Arguebat Herodem Joannes propter Herodíadem, quam túlerat fratri suo Philíppo uxórem.

Oratio.

**S**ANCTI Joannis Baptistae Praecursoris et Martyris tui, quaesumus Dómine, veneranda festívitās; salutáris auxílii nobis praestet efféctum : Qui vivis.

In primo Nocturno.

Lectíones de Feria currente.

R. iij. Misit Heródes rex manus, ac tenuit Joánnem, et vinxit eum in cárcere : quia metuébat eum propter Herodíadem, \* Quam túlerat Fratri suo Philíppo uxórem. V. Arguébat Joánnes Heródem propter Herodíadem. Quam. Glória Patri. Fratri.

In secundo Nocturno.

Ex libro sancti Ambrósii Epíscopi de Virgínibus.

Lectio iv.

Lib. 5.



**U**ONIAM beati Joannis Baptistae non strictim praetereunda est recordatio, interest, ut quis, et a quibus, et quam ob causam, quo modo, et quo tempore sit occisus, advertere debeamus. Ab adulteris justus occiditur, et a reis in iudicem capitalis sceleris poena convertitur. Deinde, praemium saltatrix mors est Prophetae.

Postrémo (quod étiam omnes bárbari horrére consuevérunt) inter épulas atque convívia, consummándae crudelitátis profértur edíctum : et a convívio ad cárcerem, de cárcere ad convívium ferális flagítii circumfértur obséqium. Quanta in uno facínore sunt crímina!

Lectio v.

**Q**UIS non, cum e convívio ad cárcerem cursári vidéret, putáret Prophétam jussum esse dimítti? Quis, inquam, cum audísset natálem esse Heródis, solémne convívium, puéllae optiónem eligéndi, quod vellet, datam, missum ad Joánnem ob solutiónem non arbitrarétur? Quid crudelitáti cum delíciis? Quid cum funéribus voluptáti? Rápitur ad poenam Prophéta conviváli témpore, conviváli praecépto, quo non cúperet vel absólvi : perímítur gládio, caput ejus affértur in disco. Hoc crudelitáti férculum debebátur, quo insatiáta épulis féritas vescerétur.

Lectio vj.

**I**NTUERE, rex acerbíssime, tuo spectácula digna convívio : pórrige dexteram, ne quid saevítiae tuae desit : ut inter dígitos tuos rivi défluant sacri cruóris. Et quóniam non exsaturári épulis fames, non restíngui póculis pótuit inaudítae saevítiae sitis : bibe sanguinem, scaturiéntibus adhuc venis exsécti cápitis profluén-

tem. Cerne óculos in ipsa morte scéleris tui testes, aversántes conspéctum deliciárum. Claudúntur lúmina, non tam mortis necessitáte, quam horróre luxúriae. Os áureum illud exsángue, cujus senténtiam ferre non póteras, conticéscit, et adhuc timétur.

R7. In médio cárceris stabat beátus Joánnes : voce magna clamávit, et dixit : \* Dómine Deus meus, Tibi comméndo spíritum meum. V. Misit rex, et decollári jussit Joánnem in cárcere, orántem et dicéntem. Dómine. Glória Patri. Tibi.

In tertio Nocturno.

Lectio sancti Evangelíi secundum Marcum.

Lectio vij.

Cap. 6.

**I**N illo témpore : Misit Heródes, ac tenuit Joánnem, et vinxit eum in cárcere propter Herodiádem uxórem Philíppi fratris sui, quia dúxerat eam. Et réliqua.

Homília sancti Joánnis Chrysóstomi.

Homilia 49. in Matth.



**BEATI** Joánnis Baptistae caedem descriptúrus Evangelísta, históriam nobis contéxit, dicens : Cum autem natalítia Heródis ageréntur, saltávit fília Herodiádis in médio, et plácuit Heródi. O convívium diabólicum! O sátanae spectá-

culum! O iníquum tripúdium, ac mercédem tripúdii multo iniquiorem! Caedes enim ómnium scelestíssima caedium excogitabátur: et qui coronári, ac láudibus in caelum efférri merebátur, percússus secúri jacébat. Qui daemones devícit, ejus caput, post caedem, ad mensam afferebátur.

Leñtio viij.

**T**U vero perspice, quómodo totum illud spectáculum sátanae erat. Nam primum temuléntia et delíciis constábat, unde nihil unquam probe factum est. Deínde spectatóres omnes erant corrúpti, et ille, qui convívio praeerat, ómnium iniquíssimus. Tértio volúptas, atque licéntia ómnia dicéndi, audiéndi, faciéndi, máxima in ipsis erat. Quarto puélla, propter quam matrimónium fíeri non póterat, quae abdi atque occultári propter contéptum matris debébat, ingréditur, ómnia palam fáciens, et omnes meretrices virgo impudéntia súperans.

Leñtio ix.

**T**EMPORIS quoque ipsíus inopportúnitas mirum in modum scelus Heródis amplícat. Nam quando grátias Deo ágere oportébat, qui eum illo die in lucem produxit, tunc nefandíssimam caedem commíttit. Quando vinctum ex gáudio sólvare debébat, ad víncula iniquíssima mors jussu ejus accédit. Deus

autem sustínuit, nec terrae hiátu turpíssimum illud est absóruptum convívium: ut et justus ille fulgentiões in caelo coronas consequerétur, et qui póstea injúriam passúri essent, hoc exémplo corroboráti, aequióri ánimo cuncta perférrent.

R7. Accedéntes discípuli sancti Joánnis Baptístae, \*Tulérunt corpus ejus, Et sepeliérunt illud. V. Jussu Heródis amputátum est caput Joánnis in cárce-re: quo audíto, discípuli ejus. Tulérunt. Glória Patri. Et.

Ante Laudes, V. Ora pro nobis beáte Joánnes Baptísta.

IN LAUDIBUS.

Aña. Heródes enim ténuít, et ligávit Joánnem, et pósuit in cárcerem, propter Herodíadem. Psalm. Dóminus regnávit. cum ceteris, pag. xj.

Aña. Puéllae saltánti imperávit mater: Nihil áliud petas, nisi caput Joánnis.

Aña. Dómine mi rex, da mihi in disco caput Joánnis Baptístae.

Aña. Da mihi in disco caput Joánnis Baptístae: et contrístátus est rex propter jusjurándum.

Aña. Misit rex incrédulus mínístrum detestábilem, et amputári jussit caput Joánnis Baptístae.

Ad Benedictus, Aña. Misso Heródes spiculátore, praecépit amputári caput Joánnis in cárce-re: quo audíto, discípuli ejus venérunt, et tulérunt corpus

ejus, et posuerunt illud in monumento.

Postea Mem. de S. Sabina Mart. in Laudibus per Añam. Veni electa. V. Elégit eam Deus, et praelegit eam.

Oratio.

**D**EUS, qui inter cetera potentiae tuae miracula, etiam in sexu fragili victoriam martyrii contulisti : concede propitius, ut qui beatae Sabinae Martyris tuae natalitia colimus, per ejus ad te exempla gradiamur. Per Dominum.

IN IL. VESPERIS.

Ad Mem. Aña. Perpetuis nos, Domine, sancti Joannis Baptistae tuere praesidiis : et quanto fragiliores sumus, tanto magis necessariis attolle suffragiis.

## DIE XXX. AUGUSTI.

S. Rosae de S. Maria  
Virg. Limensis Ord. Praed.  
Totum Duplex.

AD VESPERAS.

Super Psalm. Aña. Incipite Domino in tympanis, cantate Domino in cymbalis, modulamini illi psalmum novum, exaltate, et invocate nomen ejus. Psalm. Laudate pueri. cum ceteris, pag. j.

Capitulum.

Sap. 8.



**A**NC amavi, et exquisivi a juventute mea, et quaesivi sponsam mihi eam assumere, et amator factus sum formae

illius, ait Dominus omnipotens.

R7. iij. Ego quasi storax. pag. 668.

Hymnus.

**M**ELLURIS omnes incolae

Rosae plaudant solénniis,  
Ejusque laudes concinant  
A solis ortu ad Hesperum.

Haec a parentis úbere  
Praevénta donis grátiae,  
Deoque plena, vindicem  
Armávit in se dexteram.

Miris modis innóxios  
Afflíxit artus, spíneis  
Cinxit coróllis vérticem,  
Cibósque felle pólluit.

Nunc laeta, poeniténtiae  
Largo potítur praemio,  
Novúmque psallit cánticum,  
Agni sequens vestígia.

Horum Datóri múnere  
Sit laus decúsque pérpetim :  
Qui trinus unus ómnia  
Regit Deus per saecula.

Amen.

V. Ora pro nobis beata Rosa.

Ad Magnificat, Aña. Benedícta tu a Deo tuo, Rosa, in omni tabernáculo Jacob, quóniam in omni gente, quae audíerit nomen tuum, super te Deus Israël magnificábitur.

Oratio.

**B**ONORUM ómnium largítor omnipotens Deus : qui beátam Rosam caeléstis grátiae rore praevéntam, virginitátis et patiéntiae decóre, Indis floréscere voluísti; da

nobis fámulis tuis, ut in odórem suavitátis ejus curréntes, Christi bonus odor éffici mereámur : Qui tecum.

## AD MATUTINUM.

Invitatorium. Regem semipitérnum veníte adorémus,  
\* Qui Rosam cordis sui digne pro méritis coronávit in caelis.

## Hymnus.

**L**IMANA regum cívitas  
Regále munus édedit :  
Rosam Deo gratíssimam,  
Caeléstis orae flósculum.

Vicit nitóre sídera,  
Pulsa soli calígine :  
Et par beátis méntibus,  
Numen gerébat pectore.

Porténta vel ludíbria  
Saevae Stygis non hórruit,  
Sedítque solitária,  
Turbam perósa et saeculum.

Nos o Beáta réspice  
Tuis vacántes láudibus,  
Et expíatis sórdibus,  
Duc ad supérna gáudia.

Sit, Christe Sponse vírginum,  
Tibi, Patrísque glória,  
Cum Spíritu Paráclito,  
In saeculórum saecula.

Amen.

In primo Nocturno.

Aña. Rosam tuam, Dómine,  
minuísti paulo minus ab Angelis,  
quia glória et honóre coronásti eam.  
Psalmi de Comuni Virg. pag. lxxj.

Aña. Tamquam sponsus procedens de thálamo suo, in Rosa pósuit tabernáculum suum.

Aña. Rosa innocens máribus et mundo corde, ascéndit in montem Dómini, et stabit in loco sancto ejus.

V. Diffúsa est grátia.

De Cánticis canticórum.

Lectio j.

Cap. 2.



**E**GO flos campi, et lílium convállium. Sicut lílium inter spinas, sic amíca mea inter fílias. Sicut malus inter ligna silvárum, sic diléctus meus inter fílios. Sub umbra illús, quem desideráveram, sedi : et fructus ejus dulcis gútturi meo. Introduxit me in cellam vináriam, ordinávit in me caritátem. Fulcíte me flóribus, stipáte me malis : quia amóre lángueo. Laeva ejus sub cápite meo, et dextera illús amplexábitur me. Adjúro vos filiae Jerúsalem per cápreas cervósque campórum, ne suscitétis, neque evigiláre faciátis diléctam quoadúsque ipsa velit.

R. Atténdite pópuli de longe : Dóminus ab útero vocávit me, de ventre matris meae  
\* Recordátus est nóminis mei.  
V. Magnus pastor óvium, in ságuine testaménti aetérni, próprias oves vocat nominátim, et edúcit eas. Recordátus.

De libro Proverbiórum.

Lectio ij.

Cap. 8.

**E**GO diligéntes me díligo : et qui mane vígilant ad me, invénient me. Mecum sunt



divítiae, et glória, opes superbæ, et justítia. Mélior est enim fructus meus auro, et lápide pretíoso, et genímína mea argénto elécto. In viis justítiae ámbulo, in médio semítarum judícii, ut ditem diligéntes me, et thesáuros eórum répleam. Dóminus possédit me in inítio viárum suárum, ántequam quidquam fáceret a principio. Ab aetérno ordinátus sum, et ex antíquis ántequam terra fieret.

R. Datum est Rosae nomen mélius a filiis et filiabus : nomen novum, \* Quod os Dóminæ nominávit. V. Dabo illi cálculum cándidum : et in cálculo nomen novum. Quod.

De libro Ecclesiástici.

Lectio iij.

Cap. 39.

**O**BAUDITE me divíni fructus, et quasi rosa plantáta super rivos aquárum fructificáte. Quasi Líbanus odórem suavitátis habéte. Floréte flores, quasi lílium, et date odórem, et frondéte in grátiam, et collaudáte cánticum, et benedicíte Dóminum in opéribus suis. Date nómini ejus magnificéntiam, et confitémini illi in voce labiórum vestrórum, et in cánticis labiórum, et cítharis, et sic dicétis in confesióné : Opera Dómini univérsa bona valde.

R. Ego quasi storax, et gálbanus, et quasi Líbanus non incísus vaporávi habitatiónem

meam : \* Quasi bálsamum non mistum Odor meus. V. Dedit Indica Rosa odórem suavitátis, et domus impléta est ex odóre unguénti. Quasi. Glória Patri. Odor.

In secundo Nocturno.

Añá. Omnis glória Rosae ab intus, in vestítu deauráto, circumamícta varietáte : ideo concupívit Rex spéciem ejus.

Añá. Adjúvit Rosam Dóminus mane dilúculo, et in médio cordis ejus non commóvetur.

Añá. Fundaménta Rosae in móntibus sanctis : et ipse fundávit eam Altíssimus super ómnia tabernácula Jacob.

V. Spécie tua.

*Ex Actis, et Bulla Beatificat.*

Lectio iv.



**R**IMUS Américæ Meridionális flos sanctitátis Virgo Rosa, christiánis paréntibus Limæ progénita, mox ab incunábulis cláruit futúrae sanctimóniae indíciis. Nam vultus infántis mirábiliter in rosae effígiem transfigurátus, huic nómini occasiódem dedit, cui póstea Virgo Delpara cognómen adjécit, jubens vocári deinceps Rosam a sancta María. Quinquénis votum perpétuae virginitátis emísit. Adúltior, ne a paréntibus ad nuptias cogerétur, clam síbimet venustíssimam cápitis caesáriem

praescídit. Jejúniis supra húmanum modum addícta, íntegras Quadragésimas transégit pane ábstinens, ac diétim solis quinque gránulis mali cítrini víctitans.

R̃. Non conferétur haec Rosa tinctis Indiae colóribus, nec dábitur aurum obrízum pro ea :

\* Quóniam omne aurum in comparatióne illíus, aréna est exígua. Ṽ. Glória, et divítiae in domo ejus : et justítia ejus manet in saeculum saeculi. Quóniam.

Lectio v.

**H**ABITU tértii Ordinis sancti Patris nostri Domínici assumpto, prístinas vitae austeritátes duplicávit. Oblóngo asperrimóque cilício sparsim minúsculas acus innéxuit; sub velo coronam densis acúleis intrórsus obarmátam, intérdiu noctúque gestávit. Sanctae Catharinae Senénsis árdua premens vestígia, caténa férrea, tríplici nexu circumdúcta, lumbos cinxit. Léctulum sibi e truncis nodósis compósuit, horúmque vácuas commissúras fragmínibus testárum implévit. Célulam sibi angustíssimam struxit in extrémó horti ángulo, ubi caeléstium contemplatióni dédita, crebris disciplínis, inédia, vigíliis corpúsculum exténuens, at spíritu vegetáta, larvas daemonum, frequénti certámine víctrix, impávide protrívit, ac superávit.

R̃. Fecit sibi secrétum cubículum, in quo clausa morabátur, et habens super lumbos suos cilícium, \* Jejunábat ómnibus diébus vitae suae. Ṽ. Virgo Rosa cogitábat, quae Dómini sunt, ut esset sancta corpore et spíritu. Jejunábat.

Lectio vj

**A**EGRITUDINUM tormentis, domesticórum insúltibus, linguárum mórsibus dire agitáta, nondum satis pro mérito se afflígi querebátur. Per quíndecim annos, ad plúsculas horas desolatióne spíritus, et ariditáte misérime contabéscens, forti ánimo tulit agónes omni morte amarióres. Exínde coepit supérnis abundáre delíciis, illustrári visióibus, colliquéscere seráphicis ardóribus. Angelo tutelári, sanctae Catharinae Senénsi, Vírgini Deíparae, inter assíduas apparitiónes mire familiáris, a Christo has voces audíre méruit : Rosa cordis mei, tu mihi sponsa esto. Dénique Sponsi hujus paradíso feliciter invéctam, plurimísque ante et post óbitum miraculis corúscam, Clemens Décimus Póntifex Máximus sanctárum Vírginum catálogo ritu solémni adscrípsit.

R̃. Benedícta es tu filia a Deo excélso : quia non pepercísti ánimaе tuae propter angústias et tribulatiónem géneris tui, \* Sed subvenísti ruínae

Ante conspéctum Dei nostri.  
 V. Curásti gentem tuam, et  
 liberásti eam a perditione. Sed.  
 Glória Patri. Ante.

In tertio Nocturno.

Aña. Surgénte Rosa, gaudébant campi, et ómnia, quae in eis sunt : et exsultábant ómnia ligna silvárum.

Aña. Exsúltet terra, et laeténtur ínsulae multae : quia vidérunt omnes pópuli glóriam sanctificatiónis ejus.

Aña. Moveátur mare, et plenitúdo ejus : orbis terrárum, et qui hábitant in eo : quia Dóminus in Rosa mirabília fecit.

V. Adjuvábít eam Deus.

Homilia in Evang. Símile est regnum caelórum grano sinápis. ut in festo S. Catharinae Senensis, pag. 374.

R. vij. Diléxit Rosa decórem domus Dei, et locum habitatiónis glóriæ ejus : ideo \* Requiescet in monte sancto ejus. V. Non discedébat de templo, jejúniis, et obsecratióibus sérvians nocte, et die. Requiescet.

R. viij. Veni de Líbano Rosa cordis mei, veni de Líbano sponsa : \* Veni, coronáberis de vértice Sanir et Hermon. V. Média nocte clamor factus est : Ecce sponsus venit. Veni, coronáberis.

R. ix. Gaudeámus, et exsultémus, quia venérunt núptiae Agni, et uxor ejus praeparávit se : \* Datum est illi, ut coopériat se byssino splendénti, et

cándido, quae sunt Justificatiónes sanctórum. V. Pósuit rex diadéma regni in cápite ejus, fecítque eam regnáre. Datum. Glória Patri. Justificatiónes.

Ante Laudes, V. Ora pro nobis.

#### IN LAUDIBUS.

Aña. Mirábilis in altis Dóminus, ut sponsam suam mirificáret, decórem indútus est, praecíngens se virtúte. Psalm. Dóminus regnávit. cum ceteris, pag. xj.

Aña. In laetítia, et exsultatióne sérvians Deo beáta Rosa, introívit in átria ejus.

Aña. Exsultávit Rosa in velaménto alárum tuárum, quia suscepit eam dextera tua.

Aña. Benedícat omnis imber, et ros Dómino, qui Rosam benedictiόne irrigávit de superioribus suis.

Aña. Laudent nomen Dómini aquae omnes, quae super caelos sunt, ubi Rosa vernat plantáta juxta rivos aquárum.

Capitulum. Hanc amávi. ut supra in Vesperis, pag. 666.

#### Hymnus.

**A**URORA caelum púrpu-rat,  
 Rosísque mane cóncolor  
 Laudes sacratae Vírginis  
 Rosae monet nos pángere.

Hanc ergo laudent Angeli,  
 Et omnis ordo caelitem :  
 Laudent chori mortálium,  
 Ubíque gestis ínclytam.

Hanc primam amoris vícti-  
mam

Admóvit aris India,  
Orbis juvámén praepotens,  
Exémplar innocéntiae.

Dat caecis luce pérfrui,  
Solvítque linguae víncula,  
Claudos jacéntes érigit,  
Morbis medétur ómnibus.

Jugis tibi laus, Trínitas,  
Reddátur omni témpore,  
Et cum Rosa nos pértrahe  
Ad nuptiále gáudium.

Amen.

V. Adducéntur regi.

Ad Benedictus, Aña. O Rosa  
odorífera, spargens ubíque vir-  
tútum odórem, fac nos ejus,  
qua frúeris, lucis, suavitatís-  
que partícipes.

Mem. de SS. Felice et Adau-  
cto MM. in Laudibus.

Oratio.

**M**AJESTATEM tuam,  
Dómine, súpplícés ex-  
orámus : ut sicut nos júgiter  
Sanctórum tuórum comme-  
moratióne laetíficas; ita  
semper supplicatióne deféndas.  
Per Dóminum.

Ad Tértiam, Capitulum.  
Hanc amávi. ut supra, pag. 666.

R̃yR̃y. Hor. de Comm. Virg.  
pag. lxxx.

AD SEXTAM.

Capitulum. *Eccli. 39.*

**O**BAUDITE me divíni  
fructus, et quasi rosa  
plantáta super rivos aquárum  
fructificáte. Quasi Líbanus odó-  
rem suavitatís habéte.

AD NONAM.

Capitulum.

*Ibid.*

**F**LORETE flores quasi  
lílium, et date odórem,  
et frondéte in grátiam : col-  
laudáte cánticum, et bene-  
dícite Dóminum in opéribus  
suis.

AD VESPERAS.

Super Ps. Aña. Mirábilis.  
j. Laudum. Psalmi de Comm.  
Virg.

Capitulum, Hymnus et V.  
ut in j. Vesperis.

Ad Magnificat, Aña. Tu gló-  
ria Jerúsalem, tu laetítia Israël,  
tu honorificéntia pópuli nostri :  
o Rosa, fecísti viríliter, et con-  
fortátum est cor tuum.

PER OCTAVAM.

In Laudibus ad Mem. Aña.  
In médio pópuli sui Rosa exal-  
tábitur, et in plenitúdine san-  
cta admirábitur : in multítú-  
dine electórum habébit lau-  
dem.

In Vesperis ad Mem. Aña.  
Rosa soror nostra, bene sit  
nobis propter te, et vivat áni-  
ma nostra ob grátiam tui.

DIE XXXI. AUGUSTI.

S. Raymundi Nonnati  
Confessoris.

Duplex.

Oratio.

**D**EUS, qui in liberándis  
fidélibus tuis ab impió-  
rum captivitáte beátum Ray-

múndum Confessórem tuum mirábilem effecísti : ejus nobis intercessióne concéde, ut a peccatórum vínculis absolúti, quae tibi sunt plácita, liberis mén-tibus exsequámur. Per Dóminum nostrum.

In j. Nocturno, Lectiones de Scriptura currente, vel, in Dominica, de Apostolo.

In secundo Nocturno.

Lectio iv.

**R**AYMUNDUS, Nonnátus cognométo dictus, quia praeter commúnem natúrae legem e mórtuae matris dissécto látere in lucem edúctus fuit, Portélli in Cataláunia piis et nobílibus paréntibus ortus, ab ipsa infántia futúrae sanctitátis indícia dedit. Nam puerília oblectaménta, mundíque illícebras réspuens, ita pietáti óperam dabat, ut omnes in púero adúltam virtútem admiraréntur. Crescénte vero aetáte, litterárum stúdiis incúbuit : sed mox, jubén-te patre, vitam ruri agens, sacéllum sancti Nicolái in Portélli fínibus situm crebro adíbat, ut sacram Deíparae imáginem, quae in eo summa fidélium veneratióne étiam nunc cólitur, visitáret. Ibi effúsus in preces, ipsam Dei Paréntem, ut se in fílium adoptáre, viámque salutis, ac sciéntiam Sanctórum edocére dignarétur, eníxe deprecabátur.

Lectio v.

**N**EC defuit votis ejus benigníssima Virgo : ab ipsa enim intelléxit, gratíssimum sibi fore, si Religióne sub título de Mercéde, seu de Misericórdia Redemptiónis captivórum, ea suggerén-te, nuper fundátam, ingrederétur. Qua monitióne percépta, Barcinónam statim proféctus, illud tam praecelléntis erga próximam caritátis institútum amplexus est. Regulári ígitur militiae adscríptus, virginitátem, quam pridem beátae Vírgini consecráverat, perpétuo cóluit, ceterisque virtútibus enítuit, caritáte praesértim erga Christiános, qui sub potestáte paganórum míseram in captivitate vitam degébant. Hos ut redímeret, in Africam missus, cum jam multos a servitúte liberásset, ne consúpta pecúnia, áliis item in próximo abnegándae fidei discrimine constitútis deéssset, se ipsum pígiori dedit : sed cum ardentíssimo salutis animárum desidério succénsus, plures Mahometános suis conciónibus ad Christum converteret, in arctam custódiam a Bárbaris conjéctus, variisque supplicíis cruciátus, mox lábiis perforátis, et sera férrea clausis, crudéle martyrium diu sustínuit.

Lectio vj.

**O**B haec, et ália fórtiter gesta, sanctitátis ejus fama longe latéque diffúsa est :

qua permotus Gregorius Nonus in amplissimum sanctae Romanae Ecclesiae Cardinalium collegium Raymundum adscripsit: sed vir Dei in ea dignitate ab omni pompa abhorrrens, religiosae humilitatis tenacissimus semper fuit. Romam vero pergens, statim ac Cardonam pervenit, extremo morbo confectus ecclesiasticis Sacramentis muneri summis precibus postulavit. Cumque morbus ingravesceret, et Sacerdos diutius tardaret, Angelorum ministerio, sub specie Religiosorum sui Ordinis apparentium, salutari Viatico refectus fuit. Quo sumpto, et gratiis Deo peractis, migravit ad Dominum Domínica última Augústi, anno millésimo ducentésimo quadragésimo. Mortui corpus, cum circa locum sepulturae contentio orta esset, arcae inclusum, et mulae caecae impositum, ad sacellum sancti Nicolai Dei nutu delatum fuit, ut ibi tumularetur, ubi prima jecerat sanctioris vitae fundamenta. Illic constructo sui Ordinis coenobio, a confluentibus voti causa ex universa Catalaunia fidelibus populis honoratur, variis miraculis et signis gloriosus.

In iij. Nocturno, Homilia in Evang. Sint lumbi vestri. ut in Communi Conf. non Pont. pag. lxxvj.



## DIE I. SEPTEMBRIS.

S. Philumenae Virg. et Mart.

Duplex. Oratio.

**D**EUS, qui inter cetera potentiae tuae miracula, etiam in sexu fragili victoriam martyrii contulisti: concede propitius, ut qui beatae Philuménae Virginis et Mártiris tuae natalitia colimus, per ejus ad te exempla gradiamur. Per Dóminum.

Mem. S. Aegidii Abbatis, in j. Vesperis et Laudibus.

Oratio.

**I**NTERCESSIO nos, quaesumus Dómine, beati Aegidii Abbátis commendet: ut quod nostris méritis non valémus, ejus patrocínio assequámur. Per Dóminum.

In secundo Nocturno.

Lectio iv.

**I**NTER cetera Mártirum sepúlcrá, quae in coemetério Priscillae ad viam Salariam reperiri solent, illud exstitit, quo repósitum fúerat sanctae Philuménae corpus, uti ex túmuli inscriptióne tribus láterculis appósita perlegebátur. Licet vero invénta ibídem fúerit phála sánguinis, et ália inscúlpta conspiceréntur martyrii insígnia, doléndum tamen est, res ab eádem gestas, áctaque ac genus martyrii, quod ipsa fecit, obscura perstitisse.

Céterum, ubi primum sacrum hoc corpus, ex beneficéntia Pii Séptimi iníitio pontificátus ejus accéptum, cúltoi fidélis pópuli propósitum fuit Mugnáni in Nolána dioecési, ingens íllico famae celébritas, ac relígio erga sanctam Mártyrem percrébuit, praesértim ob signa, quae ejúsdem praesídio accessísse úndique ferebántur. Hinc factum est, ut complúrium Antístitum, cultorúmque Mártyris postulatióibus permótus Gregórius Décimus sextus Póntifex Máximus, univérsa rei ratióne matúre perpénsa, festum ejúsdem cum Offício et Missa in memoráta Nolána dioecési, et álibi agéndum benígne permiserit.

Lect. v. et vj. erunt iv. et v. de Communi Virg. et Mart. Sermo S. Máximi Epíscopi. Cum in toto mundo. pag. lxxv.

In iij. Nocturno, Homilia in Evang. Símile est regnum caelórum thesauro. ut in eodem Comm. pag. lxxviij.

## DIE II. SEPTEMBRIS.

S. Stephani Hungariae regis, Confessoris.

Duplex.

Oratio.

**C**ONCEDE, quaesumus, Ecclésiæ tuæ omnipotens Deus : ut beátum Stéphanum Confessórem tuum, quem regnántem in terris propagatórem hábuit, propugnatórem

habére mereátur gloriósum in caelis. Per Dóminum nostrum.

In secundo Nocturno.

Lectio iv.



**S**TEPHANUS in Hungáriam Christi fidem, et régium nomen invéxit. Régia coróna a Románo Pontífice impetráta, ejúsqe jussu in regem inúñctus, regnum sedi Apostólicae obtulit. Vária pietátis domicília Romae, Jerosólymis, Constantinópoli, in Hungária Archiepiscopátum Strigoniénsem, Episcopátus decem, admirábili religióne et munificéntia fundávit. Par in páuperes amor et liberálitas, quos véluti Christum ipsum compléctens, néminem a se moeréntem ac vácuum unquam dimísit; quin ad eórum inópiam sublevándam amplíssimis facultátibus erogátis, domésticam quoque supelléctilem exímia benignitáte frequénter distribuit : suis ínsuper mánibus laváre páuperum pedes, noctu solus et ignótus nosocomía frequentáre, decumbéntibus inservíre, ac cétera caritátis officia exhibére consuévit : quarum virtútum mérito, illius dextera, resolutó cétero corpore, incorrúpta permánsit.

Lectio v.

**O**RANDI stúdio noctes pene totas ducébat insómnes : atque in caeléstium rerum contemplatióne defíxus,

intérdum extra sensus raptus, sublímis in áera ferri visus fuit. Perduéllium conspiratiónes, ac validórum hóstium ímpetus, miro prorsus modo, non semel oratiónis praesídio evitávit. Suscéptum ex Ghisélla Bavárica, sancti Henríci imperatóris soróre, quam sibi matrimónio júnxerat, Emerícum fílium tanta morum disciplína, talíque pietáte enutrívít, quantum ejus póstea sánctitas declarávit. Regni vero negótia ita dispósuit, ut accítis úndique prudentíssimis ac sanctíssimis viris, nihil unquam sine illórum consílio molirétur. Humíllimis ínterim précibus in cínere et cilício Deum déprecans, ut univérsum Hungárie regnum, ántequam e vita migráret, cathólicum vidére mererétur. Vere propter ingens dilatándae fidei stúdiúm, illús gentis Apóstolus nuncupátus, facta a Románo Pontífice ipsi, posterísque régibus praeferéndae crucis potestate.

Lectio vj.

**D**EI Genitrícem, quam ardentíssime venerabátur, amplíssimo in ejus honórem constrúcto templo, Hungárie Patrónam instituit : ab eádem vicíssim Vírgine recéptus in caelum ipso suae Assumptiós die, quem Húngari e sancti regis institúto, Magnae Dóminae diem appéllant. Sacrum ejus corpus suavíssimo fragrans odóre, liquóre caeléstí

scatens, inter multa et vária miracula, Románi Pontíficis jussu nobiliórem in locum translátum est, atque honorificéntius cónditum. Ejus autem festum Innocéntius Undécimus Póntifex Máximus quarto Nonas Septémbris, ob insígnem victóriam ab exércitu Leopóldi Primi Romanórum elécti imperatóris, et Hungárie regis, eádem die in Budae expugnatióne ope divína e Turcis reportátam, celebrándum instituit.

In iij. Nocturno, Homilia in Evang. Homo quidam nóbilis. pag. 653.

### DIE III. SEPTEMBRIS.

B. Gualae Episc. Conf.

Ord. Praed.

Duplex. Oratio.

**D**EUS, qui ad plebem tuam in pace et pietáte firmándam, beátum Gualam Confessórem ac Pontíficem singulári grátia decorásti : ejus nobis intercessióne concéde, ut pacis stúdia operóse sectántes, úberes pietátis fructus percipiámus. Per Dóminum.

In j. Nocturno, Lectiones Fidélis sermo. de Comuni Conf. Pont. pag. liij.

In secundo Nocturno.

Lectio iv.

**D**EATUS Guala ex illústri Roniórú gente Bérghi ortus est verténte saeculo duodécimo. Ordinem Praedi-



catórum ampléxus, ob egrégiam vitae ratióem ínclýto Fundatóri ita fuit accéptus, ut coenóbio Brixiénsi praefici merúerit, prióris sui Praesidis ab ipso beáto Domínico auctus múnere. In hoc autem officio obeúndo, non modo ab iis, quibus praerat, diléctus et cultus est, sed étiam cívium amórem sibi conciliávit, tum propter exímiam vitae sanctimóniam, tum étiam quia téneram de egénis sollicitúdinem gerens, nil áliud in suis actiόνibus nisi públicum bonum spectáre videbátur.

Lectio v.

**S**UMMA praeditus doctrína, omni virtútum genere fulgébat, praesértim humilitáte, et caritáte erga próximos. Jugi carnis maceratióni singuláre adjúnxit oratiónis stúdiu, quo mérui de beáti Domínici ad caelum ascénsu supérna visióne monéri, ceu constans nos édocet tradítio, históricis ac pictóriæ artis monuméntis firmáta. Exímii viri pietátem et sciéntiam mirátus Gregórius Nonus, in partem sollicitúdinis pastorális eum ádvocans, difficíllima quaeque negótia in máximis christiánae reipúblicae necessitatibus eidem commísit. Etenim suprémus fidei Quaesítor est constitútus, neque non sanctae sedis legátus ad sedándas discórdias inter pópulos Gálliae Cisalpinae, tum ad pacem firmándam

inter Longobárdos et Friderícum imperatórem, ne sacra expeditio contra hostes christiáni nóminis lóngius protraherétur.

Lectio vj.

**I**NTEREA, Brixiénsi Ecclésia suo viduáta pastóre, non álii Gregórius Nonus eam sedem impertíri voluit quam dilécto Gualae, cujus prudéntiam óptime nóverat. Relúctans licet, christiánam plebem regéndam suscepit, sedulo studens reformáre mores, pietatémque fovére. Diu tamen episcopáli múnere fungi haud pótuit : quippe ob cívium factiões fúgere coáctus, apud mónachos Vallis umbrósae prope Bérgomum sese recépít, ubi sacris stúdiis ac piis opéribus vacans, diem exspectábat quo ad Ecclesiám suam posset remeáre. Post quinquénnum voti compos efféctus, commúni laetítia, et potíssima honóris significatióne a suo grege excéptus est. Dum boni pastóris officiis totus incumberet, Bérgomum vocátur ut ecclésiæ sancti Stéphaní primum lápidem póneret. Solémni vix compléta caeremónia, morbo corréptus est, atque die tértia Septémbris anni millésimi biscentésimi quadragésimi quarti in coenóbio Astinénsi beátum spíritum Deo réddidit, ibíque sacra in aede tumulátus est prouti jússerat. Ita autem percrebuit sanctitátis fama,

quam in vita obtinuerat, ut ejus exuviae, tria post saecula sollemniter elevatae, público cultu a fidelibus ad haec usque tempora honoratae fuerint. Porro hujusmodi cultum immemorialem sacrarum Rituum Congregationis consulto Pius Nonus Pontifex Maximus ratum habuit et confirmavit, indulsitque ut in dioecesibus Bergomensis et Brixienis, neque non in Praedicatorum Ordine festum beati Gualae cum Officio et Missa quotannis celebretur.

In iij. Nocturno, Homilia super Evang. **Vigilate.** de Communi Conf. Pont. pag. lvijj.

#### DIE IV. SEPTEMBRIS.

Octava sancti Augustini.  
Solemnis.

Omnia ut in die, praeter hic posita.

In j. Nocturno, Lectiones de Feria currente.

In secundo Nocturno.

Lectio iv.



**AUGUSTINI** cum omnis de religione, tum de gratia imprimis, et praedestinatione doctrina a conciliis semper, Pontificibusque Maximis singulari laude celebrata est. Nam synodi Jerosolymitanae Patres, cum adhuc ille in vivis ageret, testati publice sunt, ex ejus ore concessam a

Domino fuisse universae Africae sanitatem. Inde cum vir maximus tot libris, rebusque gestis ad sempiternam memoriam sui nominis gloriam propagasset, consequentibus saeculis a synodo oecumenica quinta splens inter Episcopos Africae, a Lateranensi sub Martino primo eximius doctor, a sexta oecumenica veritatis prudentissimus praedicator, a septima magnus magister appellatus est. Quamobrem meruit, ut deinceps a Duziacensi prima, non parva Christi portio, et Ecclesiae catholicae institutio atque defensio : a Triburiensi vero, doctor mirabilis vocaretur. Gelasius autem primus ei, qua Augustinus floruit, aetati suppar, lumen ipsum ecclesiasticorum magistrorum dixit. Post Joannes Secundus, quum Augustini quemdam esset allaturus locum, Hujus doctrinam, inquit, secundum praecessorum meorum statuta, Romana sequitur et servat Ecclesia. Quod idem fere Pelagius Secundus, Agatho, Hadrianus Primus, Nicolaus Primus, Leo Nonus, Gregorius Septimus, Martinus Quintus, ceterique Pontifices confirmarunt. Ac Martinus quidem tantum ei laudis tribuit, quantum vix ulli unquam Doctorum tributum est : Nihil pene, inquit, ex sacris litteris, nisi eo duce, intelligi atque explicari potest. Idem Prophe-

tárum oráculos, idem Apostolorum voces refert, idem omnium Scripturarum sensum exprimit, unus postrémo omnium Patrum sapientúmque ingénia exhibet.

Lectio v.

**I**N synodo Palaestina, quum de grátia, libertatèque arbitrii agerétur, Joánni Jerosolymitano mentiénti, actúrum se Augustíni nómine in Pelágium haeresiárcham, fuérunt, qui líbere responderent : Si Augustíni persónam assúmis, Augustíni senténtiam séquere. Saeculo sexto Episcopi Africáni, quos Trasimúndus, Wandalórum rex, in Sardíniam exsulátum míserat, mónachis Scythis, qui nuntiárant, ab aliquibus minus, quam oportéret, tríbui auxílio Dei, synódicis lítteris responderunt, curándum omni ope esse, ut fratribus Augustíni libri ad Prósperum et Hilárium legéndi ingerántur. Animadvérterant enim Hormísdam Pontíficem ad Possessórem in hanc senténtiam scripsísse : De arbitrio líbero, et grátia Dei, quid Romana, hoc est cathólica, sequátur et servet Ecclésia, ex váriis libris beáti Augustíni, et máxime ad Prósperum et Hilárium abúnde cognósci potest. Post id tempus, Patres synodi Arausicánae secúndae, Augustíni senténtiis sibi ab Apostólica sede transmíssis, cánones áliquot de auxíliis divínae grá-

tiae condidérunt. Horum exémp-  
plum Tridentína synodus est imitáta : utque imitarétur, consensióne auctóritatèque Pontíficum Romanórum permóta est. Nam Innocéntius Primus, de lítteris Antístitum Africanórum advérsus Pelagiános loquens, quas auctóre potíssimum Augustíno perscriptas fuisse nóverat : Eárum, inquit, tenor, omnisque contéxtio in consideratióne quotidíanae grátiae Dei, et in eórum, qui contra sentiunt, correctióne íntegra ratióne consístit, ut et illis omnem tollere possit errórem; et idóneum, dato quovis legis nostrae exémplo, quem sequi debeant, possit praebére doctórem. Bonifácus vero Primus epístolas duas Pelagianórum, quae clam magno orthodoxórum damno circumferebantur, ad eum unum mitti curávit, a quo ipsas egrégie refélli posse perspéxerat.

Lectio vj.

**CAELESTINUS** inde, quod intellexísset sanctíssimum virum a nonnullis imbutis haeresi Semipelagianórum, in suspiciónem invidiámque erróris vocári, lítteras ad Episcopos Galliárum dedit, injuriámque conquéstus, Augustínus, inquit, sanctae recordatiónis virum, tanta sciéntia claruisse, ut inter magistros óptimos, étiam a superióribus Pontíficibus semper sit hábitus : bene autem de eo omnes

sensisse, útpote qui ubíque cunctis et amóri fúerit, et honóri. Nec minus illústre eódem in génere praecónium Gelásii Primi, Bonifacíque Secúndi fuit. Hi namque sibi probári affirmárunť, quae his de rebus Augustíni libris containeréntur: quae quidem rátio ita in posteriorem manávit aetátem, ut quóties ortae de auxiliis controversiae sunt, Pontífices Máximi Augustíni sententiárum ratiónem imprímis habéndam putáverint. Id vero cum plúrium aliórum, tum Cleméntis Octávi, Pauli Quinti, Alexándri Séptimi, Cleméntis Décimi líteris exemplísque constat. Alexándér vero non modo sancti viri de grátia dógmata inconcússa atque tutíssima vocávit, sed nomen étiam, omnem laudem supergréssum, novi praecónii commendatióne non egére testátus est. Jam Clemens Undécimus, ut plane osténderet nulla re aliquándo quidquam fúisse de Augustíni auctoritáte deréptum, ubi eum fulgidíssimum cathólicae Ecclésiae lumen, máximúmque doctórem appellávit: Romanórum Pontíficum, inquit, qui ejúsdem praecélsam doctrínam magno semper in prétio habuérunť, totóque mentis afféctu ampléxi fúerunt, vestígiis fírmiter inhaerére vólumus. Sed ut superiorum, ita sequéntium Pontíficum, Benedícti Décimi tértii, Cleméntis Duodécimi, et Bene-

dícti Décimi quarti testimónia, tam multa tamque praeclára sunt, ut satis índicent, Románae, atque ádeo cathólicae Ecclésiae de auxiliis divínis, praedestinationéque decréta Augustínus et comprehendísse ánimo, et accuráte, vere, ac strénue contra hostes grátiae defendísse.

In iij. Nocturno, Homilia Dominicae.

## DIE V. SEPTEMBRIS.

B. Catharinae a Raconixio  
Virg. Ord. Praed.

Duplex.

Oratio.

**S**PES nostra Dómine, qui beatae Catharinae cor teípso plenum, caeléstium donórum abundántia decorásti: tantae Vírginis intercessióne concéde, ut totus nobis figátur in corde, qui totus pro nobis fixus fuit in cruce: Dóminus noster Jesus Christus Fílius tuus; qui tecum.

Brevis terminatio sic, Christus Dóminus noster.

In j. Nocturno, Lectiones De virgínibus. ut in Comuni Virg. pag. lxxxiiij.

In secundo Nocturno.

Lectio iv.



**C**ATHARINAE de Matthaeis, Raconíxii in Subalpínis ortae, mens óptima pro genere et ópibus data est: et

adhuc quinquenni inexplēbile salutis animarum, et patiēdi pro Christo desidērium Spīritus sanctus ingēssit. Virgīnei candōris stūdio ad Prōtomartyrem Stēphanum confūgiens, quem fragiliōri sēxui ab Apōstolis praepōsitum nōverat, et contemplāta Petri Mārtyris effigiem, ad martyrium incēnsa, dīdidit, castitātis mērita geminādo, fācere de tentatiōne provēntum, et patiēntiae magnitūdine incruēntum martyrium jūgiter celebrāre. Jejūniis et voluntāriis afflictatiōnibus mire dēdita, in carne praeter carnem vixit : atque dolōrum Christi, et omnis gēneris tribulatiōnis pārticeps, ac peccāntium poenas idēntidem in se convērti impetrans, ardentissimae caritātis, incessāntis oratiōnis, et caelēstis doct̄inae mūnere permūltos Christo pēperit : apostolicum Parēntem Domīnicum, et serāphicam magīstram Catharīnam pie aemulāta, ac hujus praesertim virtūtes ādeo ad vivum ēxprimens, ut quidam scrīpserint : Raconixiēsem a Senēsi una canonizatiōne diffēre.

## Lectio v.

**P**OST emīssum virginitātis votum, recepisse a Christo perhibētur desponsatiōnis ānulum, pretiōsa monīlia, vestem, crucem etiā, ac sertum spīneum, ipsaque sacra

stīgmata, et cor ejus a Sponso fuisse mundātum, innovātum, transfixum, ac radiāta āurea inscriptiōne ista ornātum : Jesu, spes mea. Eīdem Deīpara Ordinem de Poenitēntia sancti Domīnici suscipiēndum suāsīt, ostendītque Pūerum, qui caelum récreat. Frequens illi cum caelītibz conversātiō, et Angelōrum ministērium erat. Mēmōriae prōditum est, eam castitātis cīngulo Angelōrum ope fuisse munitā; futūra praevidisse, ac saepe sua e domo divīnitus ad remōtas oras fuisse asportātā; ejus item grātia aliquāndiu substitisse lucem post solis occāsum, fugātos daemones, ignem, grāndinem, pestem. Se ipsa major, saevas malignāntium spīrituum iras, hominūque calūmnias impāvide pētulit; atque a viris principibus summo in honōre hābita, sibi constans, et hūmilis esse non dēstitit.

## Lectio vj.

**B**ELLO demum recrudescēte, quod multam āntea fēcerat cōrporum rerūque cladem, animarum magis pernīciem, morum āgnita eversīōne, deplōrans, offēso Nūmini hōstiam se obtulit placatiōnis : obtentisque ab eo malōrum induciis, repēdens ipsa vitam per diūtinam acerbāmque aegritūdinem, Caramāniae obdormīvit in Dōmino pridie Nonas Septēbris, ineūte aetātis

anno sexagésimo secúndo, reparatae vero salutis millésimo quingentésimo quadragésimo séptimo. Corpus ejus Garéxium quinto post mense translátum, múltiplici beneficio fidéles in sui veneratióne impulit. Ita autem exinde propagátus, et in dies auctus est Vírginis cultus, ut tandem Pius Séptimus Póntifex Máximus unívsero Praedicatórum Ordini, et Taurinénsi, Monregalénsi, ac Salutiénsi clero Offícium cum Missa in ejus honórem recitándum benígne indúlserit.

In iij. Nocturno, Homilia in Evang. Símile erit regnum caelórum decem virgínibus. ut in Comm. Virg. pag. lxxxv.

## DIE VI. SEPTEMBRIS.

B. Bertrandi de Garriga Conf.  
Ord. Praed.

Duplex. Oratio.

**D**EUS, qui sancto Patriarchae Domínico beátum Bertrándum Confessórem tuum, sócium et imitatórem exímium adjunxísti : ejus nobis pio intervéntu concéde, ita ejúsdem sequi vestígia, ut assequámur et praemia. Per Dóminum.

In utrisque Vesperis et in Laudibus, fiat Mem. de die oct. Simplici S. Rosae Lim. Virginis.

In j. Nocturno, Lectiones **Beátus vir.** de Comm. Conf. non Pont. pag. lxiv.

In secundo Nocturno.

Lectio iv.



**B**ERTRANDUS, dictus de Garriga ab natáli vico prope Aléstum, dioecesis nunc Nemausénsis, in Gállia Narbonénsi, unus e primis fuit qui ad sanctum Praedicatórum Ordinis Institutórem Domínicum, in pártibus Tolosánis advérsus Albigéneses haeréticos decertántem, accésserint, seque in ejus disciplínam, ac vitae societátem tradíderint. Tanti Patris magistério excúltus, cito vir éxstitit sanctitáte admirábilis : carnem suam vigíliis, jejúniis, flagéllis acérrime dómuit, alíaque patérnae virtútis exémpla imitátus, Domínici imáginem in se expréssam propémódum referébat. Adeo de se modéste humilitérque sentiébat, ut a suis deplorándis flagítiis, quae gravíssima arbitrábatur, vix cessáret. Quod advértens beátus Patriárcha, ei aliquándó praecépít ne sua ámodo, sed pótius aliéna peccáta defléret. Hinc quólibet fere die Missam pro peccatórum conversióne celebráre, et alias preces fúndere consuévít : neque minóra subsídía defúctis animábus afférre stúduit, noctúrno osténto, uti fertur, ad hoc caritátis offícium excitátus.

Lectio v.

**O**B tam egrégias virtútes sancto eídem Institutóri Domínico valde probátus, non

semel ab eo labórum atque itínereum sócius deléctus est; ideóque quorúmdam signórum testis et consors evásit, quibus Deus omnípotens mirábilem illús apostolátum confirmávit. Ei áderat, cum haud procul Carcassóna obórtam tempestátem ille signo crucis ita coércuit, ut utérque inter effusíssimos imbres nihil madefáctus incéderet. Aderat rursus in itínere Parisiénsi, in quo Teutónicae linguae intelligéntia et usus divínitus utrúque concéssus perhibétur, ut possent spirituálem vicem réddere alíquibus Germánicis peregrínis, quos per áliquot dies viae cómites, et pios corporális sustentatiónis minístros habuérunt. In constituéndo propagandóque Praedicatórum Ordine Bertrándi ópera magni fuit. Etenim ex sancti Fundatóris voluntáte praefuit primo, idest Tolosáno, coenóbio; et cum beáto Manne, ipsíus Domínici germáno fratre, et quinque áliis conspícua probitáte sóciis, Parísios venit, ut in ea príncipe Galliárum urbe domum fundárent. Anno autem millésimo ducentésimo vigésimo primo, cum in generalibus comítiis secúndo Bonóniae celebrátis idem sanctus Patriárcha in octo provincias Ordinem dispertísset, latíssimam illam quae tunc in meridionali Gállia a Pyrenaeis ad Alpes porrigebátur, et provincia Provinciae est di-

cta, Bertrándo regéndam comísit.

Lectio vj.

**D**ELATUM laboriósium munus vir Dei praefiníto témpore strénue et sancte gessit, aucta provincia sibi crédita novis dómibus, alumnisque illic recéptis. Neque déstitit operárius inconfusibilis vel extrémó vitae spátio Evangélicae praedicatióni instáre; et cum functúrus hoc múnere Bosqué-tum, olim Tricastinénsis et nunc Valentinénsis dioecésis óppidum, anno décimi tértii saeculi círciter trigésimo, se contulísset, in monastério sanctimoniálíum Ordinis Cisterciénsis consistens, morbo implícitus, supréum ibi in ósculo Dómini diem obiit. In coemeterio ecclésiiae dicti monastérii tumultum ejus corpus, post vigínti tres annos inde érutum, et íntegrum incorruptúmque repértum, in ipsam ecclésiám translátum est; ubi magno honóre ac devotióne coli coepit, plúribus a Deo, uti prisca réferunt monuménta, ejus intercessiόne patrátis miráculis. Exínde piórum Bosquenténsium ánimis tanta erga beátum Bertrándum insédit relígio, ut étiam ejus corpore Aráusicam deinceps deláto, et inter máximos saeculi décimi sexti Galliárum túrbines ab haeréticis postérius combústó, nunquam ab ipso públice coléndo et in-

vocando destiterint. Dénique summus Póntifex Leo Décimus tértius cultum ab immemorábili témpore eidem exhibitum, ex sacrórum Rítuum Congregatiónis consúlto ratum hábuit et confirmávit, ac de eo Offícium et Missam ab univérso Praedicatórum Ordine, atque in Valentínensi et Nemausénsi dioecésibus quotánnis celebrári permísit.

In iij. Nocturno, Homilia in Evang. Sint Iumbi. de eodem Communi, pag. lxxvj.

## DIE VII. SEPTEMBRIS.

S. Rosae de Viterbio  
Virginis.

Duplex. Oratio.

**D**EUS, qui beátam Rosam sanctárum tuárum Vírginum collégio aggregáre dignátus es: tríbue nobis, quaesumus, ut ejus précibus et méritis a culpis ómnibus expiémur, et tuae majestátis consórtio perfruámur aetérno. Per Dóminum nostrum.

In j. Vesperis et Laudibus  
Mem. S. Marcelli Mart.

Oratio.

**P**RAESTA, quaesumus omnipotens Deus: ut qui beáti Marcelli Mártiris tui natalítia cólimus; intercessióne ejus in tui nóminis amóre roborémur. Per Dóminum nostrum.

In secundo Nocturno.

Lectio iv.



**R**OSA, Vitérbii piis paréntibus nata, ab ipsa infántia omni virtúte enítuit, facta perfectiónis magístra, cum vix loqui didicísset. Mundi exósa vanitátes, rudi amíctu, pedum nudité, cilício, jejúniis, aliisque austeritátibus corpúsculum afflígens, divínae contemplatióni júgiter vacábat. Hanc vero exímiam sanctitátem insígni miráculo Deus testátam vóluit: nam adhuc puélla avúnculam defúctam ad vitam revocávit. Ad virginitátem, quam perpétuo cóluit, solo aspéctu intuéntium ánimos excitábat. Caritátis erga páuperes studiosíssima, cum aliquándo hibérno témpore subtráctum sibi panem clam illis deférret, patre imperánte ut próderet quid grémio absconditum ferret, panis in rosas convérsus est.

Lectio v.

**C**UM séptimum explésset annum, solitúdinis desiderio flagrans, domus suae angústam cèllulam elégit, cui se tamquam voluntário cárce-ri inclúsit, et oratióni, corporisque castigatióni ardén-ter incúbens, Dei cleméntiam deprecabátur pro sanctae Ecclésiae tranquillitáte, quam Frideríci Secúndi imperatónis impietas acérime divexábat.



Ex diútina autem maceratióne in morbum letálem incidit, in quo beátae Vírginis visitatióne recreáta, hábitum Tértii Ordinis sancti Francisci induere iussa est. Decénis a Deo inspiráta, piis adhortatióibus, validisque arguméntis multos haeréticos ad fidem, et obediéntiam Románi Pontificis redúxit. Qua de causa cum tota cognatióne sua in exsílum ejécta, ad vicína óppida venit, ubi Frideríci mortem, et Ecclesiæ pacem prophético spírítu prae-díxit. Mulierem caecam a natiuitate illuminávit, et ad fidei veritatem astruéndam, succénsum rogam ingressa, ac tribus horis in eo illaesa pérmanens, cujúsdam haeréticae mulieris pervicáciam vicit, eámque cum aliis ad fidem convértit.

Lectio vj.

**M**ANDEM Vitérbium summa civium gratulatióne revérta, in consórtium sanctimoniálum sanctae Maríae de Rosís admítti pétiit; sed illis ingressum ob puéllae inópiam denegántibus, se mórtuam in eo coenóbio commoraturam praedíxit. Mox ad prístinum domus suae cárcerem regréssa, cum in ea duóbus annis permansísset, morbo corrépta, et ad beátam pátriam suspírans, méritis plena migrávit ad Sponsum, décimo octávo suae vitae anno nondum exácto. Corpus ejus, miro splen-

dóre illustrátum, suavíque odóre perfúsum, in templo sanctae Maríae de Pódio effóssa humo, ac désuper ingésta, tumulátum fuit; donec post trigínta círciter menses ab Alexándro Quarto, tunc Vitérbii sedénte, et in somnis ter ab ea admónito refóssum, et incorruptum repértum, pridie Nonas Septémbris ad praefátum monastérium, quod póstea sanctae Rosae nuncupátum est, solémniter translátum fuit, ubi usque ad hodiérnam diem íntegrum et flexíbile summa totíus orbis admiratióne asservátur, et novis semper miráculis corúscat.

In iij. Nocturno, Homilia in Evang. Símile erit regnum caelórum decem virgínibus. in Comm. Virg. pag. lxxxv.

---

## DIE VIII. SEPTEMBRIS.

---

—\*— In Nativitate —\*—

---

**B. Maríae Vírginis.**

---

TOTUM DUPLEX.

---

AD VESPERAS.

Super Psalm. Aña. Haec est Regína Vírginum, quae genuit Regem, velut rosa decóra : Virgo Dei génitrix, per quam repérimus Deum et hóminem : alma Virgo intercède pro nobis ómnibus. Psalm. Laudáte pueri. cum ceteris, pag. j.

Capitulum.

*Eccli. 24.*

GO quasi vitis fructi-  
ficávi suavitatem  
odóris : et flores mei  
fructus honóris et  
honestátis.

R. ij. *Stirps Jesse.* pag. 686.

Hymnus. Ave maris stella.  
ut in Assumptione B. Mariae,  
pag. 623.

V. Ora pro nobis sancta Dei  
Génitrix.

Ad Magnificat, Aña. Beatís-  
simae Vírginis Maríae Nati-  
vitátem devotíssime celebré-  
mus : ut ipsa pro nobis inter-  
cedat ad Dóminum Jesum  
Christum.

Oratio.

**S**UPPLICATIONEM  
servórum tuórum Deus  
miserátor exáudi : ut qui in  
Nativitáte Dei Genitrícis et  
Vírginis congregámur, ejus  
intercessiónibus a te de instán-  
tibus perículis eruámur. Per  
eúmdem Dóminum.

AD COMPLETORIUM.

Super Psalm. Aña. Virgo  
María, non est tibi símilis  
nata in mundo inter muléres,  
florens ut rosa, fragrans sicut  
lílium : ora pro nobis sancta  
Dei Génitrix.

In fine Hymnorum Com-  
pletorii et Horarum additur,  
María mater. et Glória tibi Dó-  
mine. etc. et etiam per Oct.  
quando fit de ea.

Ad Nunc dimittis, Aña. Cor-  
de et ánimo Christo canámus

glóriam in hac sacra solemni-  
táte praecélsae Genitrícis Dei  
Maríae.

Praedictae Añae dicuntur ad  
Completorium per Oct. quando  
de ea agitur.

AD MATUTINUM.

Invitatorium. Nativitátem  
Vírginis Maríae celebrémus :  
\* Christum ejus Fílium adoré-  
mus Dóminum.

Hymnus. Quem terra. ut  
in Assumptione B. Mariae,  
pag. 624.

In primo Nocturno.

Aña. Ecce tu pulcra es amí-  
ca mea, ecce tu pulcra, óculi  
tui columbárum. Psalmi de  
Communi Virg. pag. lxxj.

Aña. Sicut lílium inter spi-  
nas, sic amíca mea inter fílias.

Aña. Favus distíllans lábia  
tua sponsa, et odor vestimen-  
tórum tuórum sicut odor  
thuris.

V. Sancta Dei Génitrix vir-  
go semper María. R. Intercéde  
pro nobis ad Dóminum Deum  
nostrum.

Incípiunt Cántica canticórum.

Lectio j.

*Cap. 1.*

**S**CULETUR me  
ósculo oris sui : quia  
melióra sunt úbera  
tua vino, fragrántia  
unguéntis óptimis. Oleum effú-  
sum nomen tuum : ideo adole-  
scéntulae dilexérunt te. Trahe  
me : post te currémus in odórem  
unguentórum tuórum. Intro-

dúxit me rex in cellária sua : exsultábimus et laetábimur in te, mémoires úberum tuórum super vinum : recti díligunt te. Nigra sum, sed formósa, fíliae Jerúsalem, sicut tabernácula Cedar, sicut pelles Salomónis.

R̃. Hódie nata est beáta Virgo María ex progénie David, per quam salus mundi credéntibus appáruit : \* Cujus vita gloriósa lucem dedit saeculo. Ṽ. Beatíssimae Vírginis Maríae Nativitátem devotíssime celebrémus. Cujus.

In aliis festis B. M. V. R̃. Hódie solémnitas est beátae Vírginis Maríae ex progénie David, per quam salus mundi credéntibus appáruit : \* Cujus vita gloriósa lucem dedit saeculo. Ṽ. Beatíssimae Vírginis Maríae solemnitátem devotíssime celebrémus. Cujus.

Lectio ij.

**N**OLITE me consideráre quod fusca sim, quia decolorávit me sol : fílii matris meae pugnavérunt contra me, posuérunt me custódem in víneis : víneam meam non custodívi. Indica mihi, quem díligit ánima mea, ubi pascas, ubi cubes in merídie, ne vagári incípíam post greges sodálium tuórum. Si ignóras te o pulchérissima inter mulieres, egrédere, et abi post vestígia gregum, et pasce haedos tuos juxta tabernácula pastórum. Equitátui meo in cúrribus Pharaónis assimilávi te amíca

mea. Pulcrae sunt genae tuae sicut túrturis : collum tuum sicut monília.

R̃. Gloriósa Vírginis Maríae ortum digníssimum recolámus : \* Cujus Dóminus humilitátem respéxit : quae Angelo nuntiánte concépit Redemptórem mundi. Ṽ. Hódie nata est beáta Virgo María ex progénie David. Cujus.

In aliis festis B. M. V. R̃. Gloriósa Vírginis Maríae solemnitátem digníssimam recolámus : \* Cujus Dóminus humilitátem respéxit : quae Angelo nuntiánte concépit Redemptórem mundi. Ṽ. Hódie solémnitas est beátae Vírginis Maríae ex progénie David. Cujus.

Lectio iij.

**M**URENULAS áureas faciémus tibi, vermiculátas argénto. Dum esset rex in accúbitu suo, nardus mea dedit odórem suum. Fascículus myrrhae diléctus meus mihi, inter úbera mea commorábitur. Botrus cypri diléctus meus mihi, in víneis Engáddi. Ecce tu pulcra es amíca mea, ecce tu pulcra es, óculi tui columbárum. Ecce tu pulcher es dilécte mi, et decórus. Léctulus noster flóridus : tigna domórum nostrárum cédrina, laqueária nostra cypréssina.

R̃. Stirps Jesse virgam produxit, vírgaque florem : \* Et super hunc florem Requiéscit Spíritus almus. Ṽ. Virgo Dei

génitrix virga est : flos Fílius ejus. Et super. Glória Patri. Requiéscit.

In secundo Nocturno.

Añã. Emissiões tuae paradísus malórum punicórum cum pomórum frúctibus.

Añã. Fons hortórum : púteus aquárum vivéntium, quae fluunt ímpetu de Líbano.

Añã. Véniat diléctus meus in hortum suum, ut cómedat fructum pomórum suórum.

V. Post partum virgo invioláta permansísti. R. Dei Génitrix intercède pro nobis.

Sermo sancti Augustíni  
Epíscopi.

*Serm. 18. de Sanctis, qui est  
2. de Annunt.*

Lección iv.



DEST nobis, dilectíssimi, optátus dies beátæ ac venerábilis semper vírginis Maríæ : ídeo cum summa exultatióne gaudeat terra nostra, tantæ Vírginis illustráta natáli. Haec est enim flos campi, de qua ortum est pretiósum lílium convállium, per cujus partum mutátur natúra, protoplastórum delétur et culpa. Praecísus est in ea illud Hevae infelicitátis elógium, quo dícitur : In dolóre páries fílios tuos : quia ista in laetítia Dóminum péperit.

R. Natívitas gloriósae Vírginis Maríæ ex sémine Abra-

hae, ortae de tribu Juda, clara ex stirpe David : \* Cujus vita ínclýta cunctas illústrat Ecclé-sias. V. Regáli ex progénie María exórta refúlget. Cujus.

Lección v.

**H**EVA luxit, ista exsultávit : Heva lácrymas, María gáudium in ventre portávit : quia illa peccatórem, ista édedit innocéntem. Mater géneris nostri poenam íntulit mundo : Génitrix Dómini nostri salútem áttulit mundo. Aucríx peccáti Heva : aucríx mériti María. Heva occidéndó ób-fuit : María vivificándó pró-fuit. Illa percússit : ista sanávit. Pro inobediéntia enim obediéntia commutátur, fides pro perfídia compensátur.

R. Natívitas tua, Dei Génitrix virgo, gáudium annuntiávit univérso mundo : \* Ex te enim ortus est sol justítiae, Christus Deus noster : qui solvens maledictiónem, dedit benedictiónem, et confúndens mortem, donávit nobis vitam sempitérnam. V. Felix namque es, quae sola genitrícis dignitátem obtinuísti, et virgínalem pudicítiam non amisísti. Ex te.

Sermo sancti Bernárdi  
Abbátis.

*Serm. de Nativit. B. Mariae.*

Lección vj.

**I**NTUEAMINI, fratres, quanto devotiónis afféctu a nobis Maríam volúerit hono-

rári, qui totíus boni plenitúdinem pósuit in María : ut proinde, si quid spei in nobis est, si quid grátiae, si quid salutis, ab ea novérimus redundáre, quae ascéndit delíciis áffluens Hortus plane deliciárum, quem non modo affláverit véniens, sed et perfláverit supervéniens Auster ille divínus, ut úndique fluant, et éffluant arómata ejus, charísmata scilicet gratiárum.

R̃. Ad nutum Dómini nostrum ditántis honórem, \* Sicut spina rosam, génuit Judaea Mariám. Ṽ. Ut vítiū virtus operíret, grátia culpam. Sicut. Glória Patri. Sicut.

In tertio Nocturno.

Añá. Veni in hortum meum soror mea sponsa, méssui myrrham meam cum aromátibus meis.

Añá. Comédi favum cum melle meo, bibi vinum meum cum lacte meo.

Añá. Talis est diléctus meus, et ipse est amícus meus, filiae Jerúsalem.

Ṽ. Speciósá facta es, et suavis. R̃. In delíciis tuis, sancta Dei Génitrix.

Léctio sancti Evangélíi secúndum Matthaeum.

Léctio vij.

Cap. i.

**L**IBER generatiónis Jesu Christi filii David, filii Abraham. Abraham génuit Isaac. Isaac autem génuit Jacob. Et reliqua.

Homília sancti Hierónymi Presbyteri.

Lib. i. in Matth.



**L**N Isaia légimus : Generationem ejus quis enarrábit? Non putémus Evangelístam Prophétae esse contrárium, ut quod ille impossíbile dixit effátu, hic narráre incípiat : quia ibi de generatióne divinitátis, hic de incarnatióne est dictum. A carnálibus autem coepit, ut per hóminem, Deum díscere incipiámus. Filii David, filii Abraham. Ordo praepósterus, sed necessário commutátus. Si enim primum posuísset Abraham, et póstea David, rursus ei repeténdus fúerat Abraham, ut generatiónis séries texerétur.

R̃. Regáli ex progénie María exórta refúlget : \* Cujus précibus nos adjuvári, mente et spírítu devotíssime póscimus. Ṽ. Corde et ánimo Christo canámus glóriam in hac sacra solemnitáte praecélsae Genitrícis Dei Maríae. Cujus.

Léctio viij.

**I**DEO autem céteris prae-termíssis, horum filium nuncupávit, quia ad hos tantum facta est de Christo re-promíssio. Ad Abraham, In sémine, inquit, tuo benedicéntur omnes gentes : quod est Christus. Ad David : De fructu ventris tui ponam super sedem tuam. Judas autem génuit

Phares, et Zaram de Thamar. Notandum, in genealogía Salvatoris nullam sanctarum assumi mulierum : sed eas, quas Scriptura reprehendit : ut qui propter peccatores venerat, de peccatoribus nascens, omnium peccata deleret. Unde et in consequentibus Ruth Moabitis ponitur, et Bethsabée uxor Uriae.

R. Corde et ánimo Christo canamus glóriam \* In hac sacra solemnitate praecelsae Genitricis Dei Mariae. V. Cum jucunditate Nativitatem sanctae Mariae celebramus. In hac.

## Lectio ix.

**J**ACOB autem genuit Joseph virum Mariae. Hunc locum objicit nobis Juliánus Augústus dissonantiae Evangelistarum, cur Evangelista Matthaeus Joseph dixerit filium Jacob, et Lucas eum filium appellárit Heli : non intelligens consuetudinem Scripturarum, quod alter secundum naturam, alter secundum legem ei pater sit. Scimus enim hoc per Móysen, Deo jubente, praecéptum, ut si frater aut propinquus absque liberis mortuus fuerit, álius ejus accípiat uxórem, ad suscitándum semen fratris vel propinqui sui.

R. Solem justitiae, Regem paritúra supréum, \* Stella María maris Hódie processit ad ortum. V. Cernere divinum

lumen, gaudete fideles. Stella. Glória Patri. Hódie.

Ante Laudes, V. Ora pro nobis.

## IN LAUDIBUS.

Añá. Nativitas gloriósae Virginis Mariae ex semine Abrahæ, ortae de tribu Juda, clara ex stirpe David. Psalm. Dóminus regnávít. cum ceteris, pag. xj.

Añá. Nativitas est hódie sanctae Mariae Virginis, cujus vita ínclýta cunctas illústrat Ecclésiás.

Añá. Regáli ex progénie María exórta refúlget : cujus precibus nos adjuvári, mente et spíritu devotíssime póscimus.

Añá. Corde et ánimo Christo canamus glóriam in hac sacra solemnitate praecelsae Genitricis Dei Mariae.

Añá. Cum jucunditate Nativitatem sanctae Mariae celebramus, ut ipsa pro nobis intercedat ad Dóminum Jesum Christum.

Capit. Ego quasi. ut supra, pag. 685.

Hymnus. O gloriósá. ut in Assumptione B. M. V. pag. 629.

V. Elégit eam Deus, et praelegit eam. R. Et habitare eam facit in tabernáculo suo.

Ad Benedictus, Añá. Nativitatem hodiernam perpétuae virginis Genitricis Dei Mariae solémniter celebramus, qua cel-sitúdo throni processit, alle-lúia.

## AD PRIMAM.

R<sup>7</sup>. Jesu Christe. V. Qui natus es de Vírgine María. Et dic. per Oct. quando fit de ea.

## AD TERTIAM.

Capitulum. Ego quasi. pag. 685.

R<sup>7</sup>. Sancta Dei Génitrix, virgo semper María, \* Allelúia, allelúia. Sancta. V. Intercéde pro nobis ad Dóminum Deum nostrum. Allelúia. Glória Patri. Sancta.

V. Post partum virgo inviolata permansisti. R<sup>7</sup>. Dei Génitrix intercéde pro nobis.

## AD SEXTAM.

Capitulum. *Eccli. 24.*

**T**RANSITE ad me omnes qui concupiscitis me, et a generationibus meis implémini : spíritus enim meus super mel dulcis, et heréditas mea super mel et favum.

R<sup>7</sup>. Post partum virgo inviolata permansisti, \* Allelúia, allelúia. Post. V. Dei Génitrix intercéde pro nobis. Allelúia. Glória Patri. Post.

V. Speciosa facta es, et suavis. R<sup>7</sup>. In delíciis tuis, sancta Dei Génitrix.

## AD NONAM.

Capitulum. *Eccli. 24.*

**Q**UI audit me, non confundetur : et qui operantur in me, non peccabunt. Qui elúcidant me, vitam aetérnam habébunt.

R<sup>7</sup>. Speciosa facta es, et suavis, \* Allelúia, allelúia. Speciosa. V. In delíciis tuis, sancta Dei Génitrix. Allelúia. Glória Patri. Speciosa.

V. Elégit eam Deus, et praeelégit eam. R<sup>7</sup>. Et habitare eam facit in tabernáculo suo.

## AD VESPERAS.

Super Psalm. Aña. Nativitas. j. Laudum. Psalmi ut in Comm. unius Virg. pag. lxxxj.

Capitulum, Hymnus, V. ut in j. Vesperis.

Ad Magnificat, Aña. Nativitas tua, Dei Génitrix virgo, gáudium annuntiávit univérso mundo : ex te enim ortus est sol justítiae, Christus Deus noster : qui solvens maledictiónem, dedit benedictiónem, et confúndens mortem, donávit nobis vitam sempitérnam.

## PER OCTAVAM.

Ad Benedictus vel ad Mem. Aña. María Virgo semper laetare, quae meruísti Christum portare, caeli et terrae Condítorem : quia de tuo útero protulísti mundi Salvátorem.

Ad Magnificat vel ad Mem. Aña. Sancta María, vírginum piíssima, súscipe vota servulórum assídua : lapsos érige, errántes córrige, treméntes corróbora, pusillánimes confórta : ut tibi semper referámus laudes, quam Dei summi cólimus Genitrícem.

## PRIMA DIE

infra Oct. Nativit. B. M. V.  
De Sermóne sancti Augustíni  
Epíscopi.

*Serm. 18. de Sanctis, in  
medio.*

Lectio iij.

**E**XSULTAT Maríá, et matrem se laeta mirátur, et de Spíritu sancto se peperísse gaudet : nec quia péperit innúpta, terrétur; sed quia genúerit, cum exsultatióne mirátur. O fémina super féminas benedícta, quae virum omníno non novit, et virum suo útero circúmdedit! Circúmdat virum María Angelo fidem dando, quia Heva pérdidit virum serpénti consentiédo. O felix obediéntia, o insígnis grátia, quae dum fidem humíliter dedit, caeli in se opíficem corporávit!

## SECUNDA DIE

infra Oct. Nativit. B. M. V.  
Ex Sermóne sancti Bernárdi  
Abbátis.

*Serm. de Nativit. B. Mariae.*

Lectio iij.

**T**OLLE corpus soláre, quod illúminat mundum: ubi dies? Tolle Maríam, maris stellam, maris útique magni et spatiósi : quid nisi caligo invólvens, et umbra mortis, ac densíssimae ténebrae relinquúntur? Totis ergo medúllis córdium, totis praecordiórú

afféctibus, et votis ómnibus Maríam hanc venerémur : quia sic est volúntas ejus, qui totum nos habére vóluit per Maríam.

## TERTIA DIE

infra Oct. Nativit. B. M. V.

Sermo sancti Joánnis

Chrysóstomi.

*Apud Metaphr.*

Lectio iij.

**M**AGNUM revéra miráculum, fratres dilectíssimi, fuit beáta semper Virgo María. Quid namque illa majus aut illústrius ullo unquam témpore invéntum est, seu aliquándo inveníri póterit? Haec sola caelum ac terram amplitúdine superávit. Quidnam illa sánctius? Non Prophétae, non Apóstoli, non Mártyres, non Patriárchae, non Angeli, non Throni, non Dominationes, non Séraphim, non Chérubim, non dénique áliud quídpian inter creatas res visíbiles aut invisíbiles, majus aut excelléntius inveníri potest.

## QUARTA DIE

infra Oct. Nativit. B. M. V.  
Ex Sermóne sancti Bernárdi  
Abbátis.

*Serm. de Nativ. B. Mariae.*

Lectio iij.

**A**D Patrem verebáris accédere; solo audítu térritus, ad fólía fugiébas : Jesum tibi dedit mediatórem. Quid



non apud talem Patrem Fílius talis obtíneat? Exaudiétur útique pro reveréntia sua. Sed fórsitan et in ipso majestátem vereáre divínam, quod, licet factus sit homo, mánserit tamen Deus. Advocátum habére vis et ad ipsum? Ad Mariám recurre. Nec dúbius díxerim : Exaudiétur et ipsa pro reveréntia sua.

**DOMINICA**  
**infra Oct. Nativit. B. M. V.**

SS. Nominis Mariae.  
Totum Duplex.

**AD VESPERAS.**

Aña. Dum esset rex in accúbitu suo, nardus mea dedit odórem suavitátis. Psalm. Laudáte púeri. cum ceteris, pag. j.

Capitulum. *Eccli. 24.*



**A**B inítio, et ante saecula creáta sum, et usque ad futúrum saeculum non désinam, et in habitatióne sancta coram ipso ministrávi.

R. vij. Stirps Jesse. p. 695.

Hymnus. Ave maris stella. ut in Assumptione B. M. V. pag. 623.

V. Ora pro nobis.

Ad Magnificat, Aña. Beáta mater, et intácta virgo, gloriósa Regína mundi, intercède pro nobis ad Dóminum.

Oratio.

**D**EUS, qui gloriósam Matrem tuam nominári Mariám voluísti : concéde

quaesumus, ut qui dulce Mariæ nomen implórant, perpétuum sentiant suae benedictiónis auxílium : Qui vivis.

Hac die in utrisque Vesperis et Laudibus non fit Memor. de Oct. Nativit.

Ad Completorium, super Psalm. Aña. Virgo María. pag. xcviij.

Ad Nunc dimittis, Aña. Subtuum praesídium. ibid.

**AD MATUTINUM.**

Invitatorium. Sancta María, Dei Génitrix virgo, \* Intercède pro nobis.

Hymnus. Quem terra. ut in Assumptione B. M. V. pag. 624.

In primo Nocturno.

Aña. Benedícta tu in mulieribus, et benedíctus fructus ventris tui. Psalmi ut in Comuni Virg. pag. lxxj.

Aña. Sicut myrrha elécta odórem dedísti suavitátis, sancta Dei Génitrix.

Aña. Ante torum hujus Virginis frequentáte nobis dúlcia cántica drámatis.

V. Sancta Dei Génitrix. ut in Nativit. B. M. V. pag. 685.

De libro Proverbiórum.

Lectio j

Cap. 8.



**G**O sapiéntia hábito in consílio, et eruditís intérsus cogitatió nibus. Timor Dómini odit malum : arrogantiam, et supérbiam, et viam

pravam, et os bilingue detestor. Meum est consilium, et aequitas, mea est prudentia, mea est fortitudo. Per me reges regnant, et legum conditores justa decernunt. Per me principes imperant, et potentes decernunt iustitiam. Ego diligentes me diligo : et qui mane vigilant ad me, inveniunt me.

R. Sancta et immaculata virginitas, quibus te laudibus efferam nescio : \* Quia quem caeli capere non poterant, tuo gremio contulisti. V. Benedicta tu in mulieribus, et benedictus fructus ventris tui. Quia.

LECTIO IIJ.

**M**ECUM sunt divitiae, et gloria, opes superbae, et iustitia. Melior est enim fructus meus auro, et lapide pretioso, et gemina mea argento electo. In viis iustitiae ambulo, in medio semitarum iudicii, ut ditem diligentes me, et thesauros eorum repleam. Dominus possedit me in initio viarum suarum, antequam quidquam faceret a principio. Ab aeterno ordinata sum, et ex antiquis antequam terra fieret. Nondum erant abyssi, et ego jam concepta eram : necdum fontes aquarum eruperant : necdum montes gravi mole constiterant : ante colles ego parturiebar.

R. Congratulamini mihi omnes, qui diligitis Dominum : quia cum essem parvula, placui

Altissimo,\* Et de meis visceribus genui Deum et hominem. V. Beata me dicent omnes generationes, quia ancillam humilem respexit Deus. Et de meis.

LECTIO IIJ.

Cap. 8. et 9.

**B**EATUS homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino : qui autem in me peccaverit, laedet animam suam. Omnes, qui me oderunt, diligunt mortem. Sapientia aedificavit sibi domum, excidit columnas septem. Immolavit victimas suas, miscuit vinum, et proposuit mensam suam. Misit ancillas suas ut vocarent ad arcem, et ad moenia civitatis : Si quis est parvulus, veniat ad me. Et insipientibus locuta est : Venite, comedite panem meum, et bibite vinum quod miscui vobis.

R. Beata es Virgo Maria, quae Dominum portasti creatorem mundi : \* Genuisti eum, qui te fecit, et in aeternum permanes virgo. V. Ave Maria gratia plena : Dominus tecum. Genuisti. Gloria Patri. Genuisti.

In secundo Nocturno.

Añ. Specie tua et pulcritudine tua intende, prospere procede, et regna.

Añā. Adjuvābit eam Deus vultu suo : Deus in medio ejus, non commovēbitur.

Añā. Sicut laetantium omnium nostrum habitatio est in te, sancta Dei Génitrix.

℣. Post partum.

Sermo sancti Bernardi  
Abbātis.

*Ex Hom. 2. super Missus est.  
circa finem.*

Lectio iv.



**S**T nomen, inquit, virginis María. Loquāmur pauca et super hoc nómīne, quod interpretatum maris Stella dicitur, et Matri virgini valde conveniēter aptatur. Ipsa namque aptissime sideri comparatur : quia sicut sine sui corruptione sidus suum emittit radium, sic absque sui laesione Virgo parturit filium. Nec sideri radius suam minuit claritatem, nec Virgini filius suam integritatem. Ipsa est igitur nobilis illa stella ex Jacob orta, cujus radius universum orbem illuminat, cujus splendor et praefulget in supernis, et inferos penetrat, terras etiam perlustrans; et calefaciens magis mentes, quam corpora, fovet virtutes, excoquit vitia. Ipsa, inquam, est praeclara et eximia stella, super hoc mare magnum et spatiosum necessario sublevata, micans meritis, illustrans exemplis.

℣. Sicut cedrus exaltata sum in Libano, et sicut cyprissus in

monte Sion : quasi myrrha electa \* Dedi suavitatem odoris. ℣. Et sicut cinnamomum, et balsamum aromatizans. Dedi.

Lectio v.

**O** QUISQUIS te intelligis, in hujus saeculi profluvio magis inter procéllas et tempestates fluctuare, quam per terram ambulare : ne avertas oculos a fulgore hujus sideris, si non vis obrui procéllis. Si insurgant venti tentationum, si incurras scopulos tribulationum, respice stellam, voca Mariam. Si jactaris superbiae undis, si ambitionis, si detractionis, si aemulationis, respice stellam, voca Mariam. Si iracundia, aut avaritia, aut carnis illécebra naviculam concusserit mentis, respice ad Mariam. Si criminum immanitate turbatus, conscientiae foeditate confusus, judicii horrore perterritus, barathro incipias absorbéri tristitiae, desperationis abysso, cogita Mariam.

℣. Quae est ista, quae processit sicut sol, et formosa tamquam Jerusalem? \* Viderunt eam filiae Sion, et beatam dixerunt, et reginae laudaverunt eam. ℣. Et sicut dies verni circumdabant eam flores rosarum, et lilia convallium. Viderunt.

Lectio vj.

**I**N periculis, in angustiis, in rebus dubiis Mariam cogita, Mariam invoca. Non recedat ab ore, non recedat a corde : et ut impetres ejus

oratiónis suffrágium, non dése-  
ras conversatiónis exémplum.  
Ipsam sequens, non dévias;  
ipsam rogans, non despéras;  
ipsam cógitans, non erras; ipsa  
tenénte, non córruis; ipsa prote-  
génte, non métuis; ipsa duce,  
non fatigáris; ipsa propítia,  
pérvenis : et sic in temetípso  
experíris, quam mérito dictum  
sit : Et nomen vírginis María.  
Quod quidem venerábile No-  
men, jam pridem in quibúsdam  
christiáni orbis pártibus spe-  
ciáli ritu cultum. Innocéntius  
Undécimus Románus Pónti-  
fex, ob insígnem victóriam sub  
ejúsdem Vírginis Maríae prae-  
sidio de immaníssimo Turcá-  
rum tyránno, cervícibus pópuli  
christiáni insultánte, Viénnae  
in Austria partam, et in perénne  
tanti beneficii monuméntum,  
in Ecclésia universáli singulis  
annis Domínica infra Octávam  
Nativitátis beátae Vírginis  
Maríae celebrári praecépít.

R̃. Ornátam monílibus  
fíliam Jerúsalem Dóminus  
concupívit : \* Et vidéntes eam  
fíliae Sion, beatíssimam prae-  
dicavérunt, dicéntes : Unguén-  
tum effúsum nomen tuum.  
Ṽ. Astitit regína a dextris tuis  
in vestítu deauráto : circúm-  
data varietáte. Et vidéntes eam  
fíliae Sion. Glória Patri. Un-  
guéntum effúsum.

In tertio Nocturno.

Aña. Gaude María Virgo,  
cunctas haereses sola intere-  
místi in univérso mundo.

Aña. Dignáre me laudáre  
te, Virgo sacráta : da mihi vir-  
tútem contra hostes tuos.

Aña. Post partum virgo  
invioláta permansísti : Dei  
Génitrix intercède pro nobis.

Ṽ. Speciósá facta es.

Léctio sancti Evangélii secún-  
dum Lucam.

Léctio vij.

Cap. 1.

**I**N illo témpore : Missus  
est Angelus Gábriel a  
Deo in civitátem Galilaeae, cui  
nomen Názaeth, ad vírginem  
desponsátam viro, cui nomen  
erat Joseph, de domo David,  
et nomen vírginis María. Et  
réliqua.

Homilía sancti Petri  
Chrysólogi.

Serm. 142. de Annuntiát.

**A**UDISTIS hódie, fra-  
tres caríssimi, An-  
gelum cum muliere  
de hómínis repara-  
tióne tractántem. Audístis agi,  
ut homo cúrsibus eisdem, qui-  
bus dilápsus fúerat ad mortem,  
redíret ad vitam. Agit, agit  
cum María Angelus de salúte,  
quia cum Heva ángelus égerat  
de ruína. Audístis Angelum  
de carnis nostrae limo templum  
divínae majestátis arte ineffá-  
bili construéntem. Audístis in  
terris Deum, in caelis hómí-  
nem sacraménto incomprehen-  
síbili collocári.

R̃. Stirps Jesse virgam pro-  
dúxit, vírgaque florem : \* Et

super hunc florem requiescit Spíritus almus. *V.* Virgo Dei génitrix virga est, flos Fílius ejus. Et.

Lectio viij.

**A**UDISTIS inaudíta ratióne in uno corpore Deum hominémque miscéri. Audístis frágitilem nostrae carnis natúram ad portándam totam Deitátis glóriam angélica exhortatióne roborári. Dénique ne tanto pónderi caeléstis fábricae in María subtilis nostri córporis aréna succumberet, et in Vírgine, totíus géneris humáni portátura fructum, virga ténuis frangerétur, fugátura metum vox Angeli mox praecessit, dicens : Ne tíneas María.

*R.* Beátam me dicent omnes generatiónes : \* Quia fecit mihi Dóminus magna, qui potens est : et sanctum nomen ejus. *V.* Et misericórdia ejus a progénie in progénies tíméntibus eum. Quia fecit.

Lectio ix.

**A**NTE causam dígnitas Vírginis annuntiátur ex nómine. Nam María Hebraeo sermóne, Latíne Dómina nuncupátur. Vocat ergo Angelus Dóminam, ut Dominatóris genitrícem trepidátio déserat servitútis, quam nasci et vocári Dóminam, ipsa sui gérmis fecit et impetrávit auctóritas. Ne tíneas María, invenísti enim grátiam. Verum est, quia

qui invénit grátiam, nescit tímère.

*R.* Felix namque es sacra Virgo María, et omni laude digníssima : \* Quia ex te ortus est sol justítiae, Christus Deus noster. *V.* Ora pro pópulo, intérvieni pro clero, intercède pro devóto femíneo sexu : sentiant omnes tuum juvámén, quicúmque célebrant tuam solemnitátem. Quia. Glória Patri. Christus.

Ante Laudes, *V.* Ora pro nobis.

IN LAUDIBUS.

Aña. Dum esset rex in accúbitu suo, nardus mea dedit odórem suavitátis. Psalm. Dóminus regnávit. cum ceteris, pag. xj.

Aña. Laeva ejus sub cápite meo, et dextera illíus amplexábitur me.

Aña. Nigra sum, sed formósa, fíliae Jerúsalem : ideo diléxit me rex, et introduxit me in cubículum suum.

Aña. Jam hiems tránsiit, imber ábiit, et recéssit : surge, amíca mea, et veni.

Aña. Speciósá facta es, et suávis in delíciis tuis, sancta Dei Génitrix.

Capit. Ab inítio. ut supra, pag. 692.

Hymnus. O gloriósá. ut in Assumpt. B. M. V. pag. 629.

*V.* Elégit eam Deus.

Ad Benedíctus, Aña. Beáta Dei Génitrix María, virgo perpétua, templum Dómini, sacrá-

rium Spíritus sancti, tu sola sine exémplo placuísti Dómino nostro Jesu Christo : ora pro pópulo, intérvieni pro clero, intercède pro devóto femíneo sexu.

Ad Tertiam, Capitulum. Ab initio, ut supra, pag. 692.

R̃. et Ṽ. Horarum, ut in Nativit. B. M. V. pag. 690.

## AD SEXTAM.

Capitulum. *Eccli. 24.*

**E**T sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

## AD NONAM.

Capitulum. *Eccli. 24.*

**S**ICUT cinnamómum, et bálsamum aromatízans odórem dedi : quasi myrrha elécta dedi suavitátem odóris.

## AD VESPERAS.

Super Psalm. Aña j. Laudum. Psalmi de Comuni Virg.

Capitulum, Hymnus et Ṽ. ut in j. Vesperis.

Ad Magnificat, Aña. Solémnitas tua, Dei Génitrix virgo, gáudium annuntiávit univérso mundo : ex te enim ortus est sol justítiae, Christus Deus noster : qui solvens maledictiónem, dedit benedictiónem,

et confúndens mortem, donávit nobis vitam sempitérnám.

Si vero eadem die Dominica occurrerit festum Exaltationis S. Crucis, transfertur festum Nominis Mariae in proximam Feriam non impeditam.

## DIE IX. SEPTEMBRIS.

Ad Mem. S. Gorgonii Mart. in Laudibus.

Oratio.

**S**ANCTUS Martyr tuus Gorgónius sua nos, Dómine, intercessióne laetíficet; et pia fáciat solemnitáte gaudére. Per Dóminum.

## DIE X. SEPTEMBRIS.

S. Nicolai de Tolentino Confessoris.

Duplex.

Oratio.

**C**ONCEDE, quaesumus Omnípotens Deus : ut Ecclésia tua, quae beáti Nicolái Confessóris tui virtútum et miraculorum glória corúscat; ejus intercessióne et méritis, perpétua pace atque unitáte laetétur. Per Dóminum nostrum.

In secundo Nocturno.

*Ex sancto Antonino et aliis  
Auct. et Rom. Brev.*

Lectio iv.



**N**ICOLAUS de Tolentino, piis paréntibus ortus, ab infántia multárum virtútum, ac praesértim abstinéntiae

spécimen dedit. Nam anno vix séptimo complúres hebdóma-dae dies jejunáre coepit, eám-que deinceps consuetúdinem retínuit, solo pane, et aqua conténtus. Adúlta aetáte jam clericáli militíae adscríptus, cum die quadam concionató-rem Ordinis sancti Augustíni de mundi contéptu dicéntem audiísset, eúndem Ordinem statim ingræssus est. In quo religiosárum virtútum, ac prae-sértim caritátis, humilitátis, abstinentiae, ac paciéntiae pro-fessione, céteris praelúxit.

Lectio v.

**O**RANDI stúdiu, váriis licet daemonum ártibus oppetítus, non intermísit. Cum aliquándo acutíssima febrí urerétur, beatíssima Virgo se illi conspícua osténdit, blandísque verbis admónuit, ut a religiósá fémina recéntem panem in nómine Jesu Christi postuláret : quod cum ipse fecísset, et panem accéptum intínctum aqua degustásset, statim febris abscéssit. Ad preces pro animábus in purgatório deténtis fundéndas divína revelatióne excitátus, sólitum orándi fervórem auxit; earúm-que plúrimam multitudinem liberávit.

Lectio vj.

**S**EX ante óbitum ménsi-bus, síngulis nóctibus Angelórum choros concinén-tes audívit : quorum suavitate cum jam Paradísi gáudia prae-

gustáret, saepius in haec Apó-stoli verba erumpébat : Cúpio dissólvi, et esse cum Christo. Demum imminéntis sibi óbitus diem frátribus praenuntiávit, qui fuit quarto Idus Septém-bris. Miráculis multis étiam post mortem cláruit : quibus rite cógnitis ac probátis, ab Eugénio Papa Quarto Sanctó-rum fastis adscríptus est.

In iij. Nocturno, Homilia in Evang. Nolíte timére. ut in Comm. Conf. non Pont. p. lxxij.

#### DIE XI. SEPTEMBRIS.

Ad Mem. SS. MM. Proti et Hyacinthi in Laudibus.

Oratio.

**B**EATORUM Mártyrum tuórum Proti et Hyacín-thi nos, Dómine, fóveat pre-tiósá conféssio; et pia júgiter intercessio tueátur. Per Dó-minum.

#### DIE XIV. SEPTEMBRIS.

In Exaltatione S. Crucis.

Totum Duplex.

AD VESPERAS.

Super Psalm. Aña. O Crux admirábilis, evacuátio vúlne-ris, restitútio sanitátis! Psalm. Laudáte. cum ceteris, pag. j.

Capitulum.

Gal. 6.



**I**HI autem absit glo-riári, nisi in cruce Dómini nostri Jesu Christi : per quem mihi mundus crucifíxus est, et ego mundo.

R<sup>7</sup>. ix. Per tuam Crucem.  
pag. 708.

Hymnus.

**S**ALVE Crux sancta, salve  
mundi glória,  
Vera spes nostra, vera ferens  
gáudia,  
Signum salutis, salus in períc-  
ulis,  
Vitale lignum vitam ferens  
ómnium.

Te adorándam, te Crucem  
vivíficam,

Per te redempti, dulce decus  
saeculi,

Semper laudámus, semper tibi  
cánimus :

Per lignum servi, per te sumus  
líberi.

Sit Deo Patri laus in Cruce  
Fílii,

Sit coaequális laus sancto Spi-  
ritui :

Cívibus summis gáudium sit  
Angelis,

Honor sit mundo Crucis Exal-  
tatio. Amen.

℣. Hoc signum Crucis erit  
in caelo. R<sup>7</sup>. Cum Dóminus ad  
judicándum vénerit.

Ad Magnificat, Añá. Crux  
fidélis, inter omnes arbor una  
nóbilis : nulla silva talem pro-  
fert fronde, flore, gérmine :  
dulce lignum, dulces clavos,  
dulce pondus sustínuit.

Oratio.

**D**EUS, qui nos hodiérna  
die Exaltatiónis sanctae  
Crucis ánnua solemnitate lae-  
tificas : praesta quaesumus, ut  
cujus mystérium in terra

cognóvimus, ejus redempti-  
onis in caelo praemia consequá-  
mur. Per eúmdem Dóminum.

AD MATUTINUM.

Invitatorium. Regem Dómi-  
num, qui per Crucis mystérium  
redémit mundum, \* Veníte  
adorémus.

Hymnus. Salve Crux. ut su-  
pra in Vesperis.

In primo Nocturno.

Psalmus 8.



**D**OMINE Dóminus  
noster, \* quam admi-  
rábile est nomen tuum  
in univérſa terra!

Quóniam eleváta est magni-  
ficéntia tua, \* super caelos.

Ex ore infántium et lactén-  
tium perfecísti laudem propter  
inimícos tuos, \* ut déstruas  
inimícum et ultórem.

Quóniam vidébo caelos tuos,  
ópera digitórum tuórum : \*  
lunam et stellas, quae tu fun-  
dásti.

Quid est homo, quod me-  
mor es ejus? \* aut fílius hómi-  
nis, quóniam vísitas eum?

Minuísti eum paulo minus  
ab Angelis, et glória et honóre  
coronásti eum : \* et consti-  
tuísti eum super ópera má-  
nuum tuárum.

Omnia subjecísti sub pédi-  
bus ejus, \* oves et boves  
univérſas : insuper et pécora  
campi.

Vólucres caeli, et pisces ma-  
ris, \* qui perámbulant sémitas  
maris.



Dómine Dóminus noster, \*  
quam admirábile est nomen  
tuum in univérſa terra!

Aña. Adorámus te, Christe,  
et benedícimus tibi : quia per  
Crucem tuam redemísti mun-  
dum.

Psalmus 20.

**D**OMINE in virtúte tua  
laetábitur rex : \* et super  
salutáre tuum exsultábit vehe-  
ménter.

Desidérium cordis ejus tri-  
buísti ei : \* et voluntáte labio-  
rum ejus non fraudásti eum.

Quóniam praevenísti eum  
in benedictiónibus dulcédi-  
nis : \* posuísti in cápite ejus  
corónam de lápide pretióso.

Vitam pétiit a te : \* et tri-  
buísti ei longitudínem diérum  
in saeculum, et in saeculum  
saeculi.

Magna est glória ejus in salu-  
tári tuo : \* glóriam et magnum  
decórem impónes super eum.

Quóniam dabis eum in  
benedictiónem in saeculum  
saeculi : \* laetificábis eum in  
gáudio cum vultu tuo.

Quóniam rex sperat in Dó-  
mino : \* et in misericórdia  
Altíssimi non commovébitur.

Inveniátur manus tua ómni-  
bus inimícis tuis : \* dextera  
tua invéniat omnes, qui te  
odérunt.

Pones eos ut clíbanum  
ignis in témpore vultus tui : \*  
Dóminus in ira sua conturbá-  
bit eos, et devorábit eos ignis.

Fructum eórum de terra  
perdes : \* et semen eórum a  
fíliis hóminum.

Quóniam declinavérunt in  
te mala ; \* cogitavérunt con-  
sília, quae non potuérunt sta-  
bilíre.

Quóniam pones eos dor-  
sum : \* in reliquiis tuis prae-  
parábis vultum eórum.

Exaltáre Dómine in virtúte  
tua : \* cantábis et psallémus  
virtútes tuas.

Aña. Hoc signum Crucis  
erit in caelo, cum Dóminus ad  
judicándum vénerit.

Psalmus 23.

**D**OMINI est terra, et ple-  
nitúdo ejus : \* orbis ter-  
rarum, et univérſi, qui hábitant  
in eo.

Quia ipse super mária fun-  
dávít eum : \* et super flúmina  
praeparávit eum.

Quis ascéndet in montem  
Dómini? \* aut quis stabit in  
loco sancto ejus?

Innocens mánibus et mundo  
corde, ꝫ qui non accépit in vano  
ánimam suam, \* nec jurávit in  
dolo próximo suo.

Hic accípiet benedictiónem  
a Dómino : \* et misericórdiam  
a Deo salutári suo.

Haec est generátio quaerén-  
tium eum, \* quaeréntium fá-  
ciem Dei Jacob.

Attóllite portas príncipes  
vestras, ꝫ et elevámini portae  
aeternáles : \* et introíbit rex  
glóriae.

Quis est iste rex glóriæ? \*  
Dóminus fortis et potens : Dó-  
minus potens in proelio.

Attóllite portas príncipes  
vestras, ⁊ et elevámini portæ  
aeternáles : \* et introibit rex  
glóriæ.

Quis est iste rex glóriæ? \*  
Dóminus virtútum ipse est rex  
glóriæ.

Añã Per signum Crucis de  
inimícis nostris líbera nos,  
Deus noster.

V. Hoc signum Crucis erit  
in caelo. R. Cum Dóminus ad  
judicándum vénerit.

De libro Numerórum.

Lección j.

Cap. 21.



T taedére coepit pópulo  
lum itíneris ac labó-  
ris : locutúsque con-  
tra Deum et Móysen,  
ait : Cur eduxísti nos de  
Ægypto, ut morerémur in so-  
litudíne? Deest panis, non sunt  
aquæ : ánima nostra jam náu-  
seat super cibo isto levíssimo.  
Quámóbrem misit Dóminus in  
pópulum ignítos serpéntes, ad  
quorum plagas et mortes pluri-  
mórum, venérunt ad Móysen,  
atque dixerunt : Peccávimus,  
quia locúti sumus contra Dó-  
minum et te : ora ut tollat a  
nobis serpéntes. Oravítque  
Móyses pro pópulo, et locútus  
est Dóminus ad eum : Fac  
serpéntem aeneum, et pone  
eum pro signo : qui percússus  
aspéxerit eum, vivet. Fecit  
ergo Móyses serpéntem

aeneum, et pósuit eum pro  
signo : quem cum percússi  
aspícerent, sanabántur.

R. Dulce lignum dulces cla-  
vos, dulce pondus sustínuit,  
\* Quæ digna fuit portáre pré-  
tium hujus sæculi. V. Hoc  
signum Crucis erit in caelo,  
cum Dóminus ad judicándum  
vénerit. Quæ.

De Epístola beáti Pauli Apó-  
stoli ad Gálatas.

Lección ij.

Cap. 3.

**P**ROVIDENS autem Scri-  
ptúra quia ex fide justífi-  
cat gentes Deus, prænuntiávit  
Abrahæ : Quia benedicéntur  
in te omnes gentes. Igitur qui  
ex fide sunt, benedicéntur cum  
fidéli Abraham. Quicúmque  
enim ex opéribus legis sunt,  
sub maledícto sunt. Scriptum  
est enim : Maledíctus omnis,  
qui non permánserit in ómni-  
bus, quæ scripta sunt in libro  
legis ut fáciat ea. Quóniam  
autem in lege nemo justifi-  
cátur apud Deum, maniféstum  
est : quia justus ex fide vivit.  
Lex autem non est ex fide,  
sed, Qui fécerit ea, vivet in  
illis. Christus nos redémit de  
maledícto legis, factus pro  
nobis maledíctum : quia scri-  
ptum est : Maledíctus omnis  
qui pendet in ligno : ut in gén-  
tibus benedíctio Abrahæ fieret  
in Christo Jesu, ut pollicita-  
tiónem Spíritus accipiámus  
per fidem.

R. Hoc signum Crucis erit  
in caelo, cum Dóminus ad

judicándum vénerit : \* Tunc manifestá erunt abscondita cordis nostri. *V.* Cum séderit Fílius hóminis in sede majestátis suae, et coeperit judicáre saeculum per ignem. Tunc.

De Epístola ad Philippenses.

Lectio iij.

Cap. 2.

**H**OC enim sentíte in vobis, quod et in Christo Jesu : qui cum in forma Dei esset, non rapínam arbitrátus est esse se aequálem Deo : sed semetípsum exinanívit formam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen : ut in nómine Jesu omne genu flectátur caeléstium, terréstrium, et infernórum, et omnis lingua confiteátur quia Dóminus Jesus Christus in glória est Dei Patris.

*R.* O Crux gloriósa, o Crux adoránda, o lignum pretiósum, et admirábile signum : \* Per quod diábolus est victus, Et mundus Christi ságuine redemptus! *V.* Adorémus Crucis signáculum, per quod salútis sumpsimus sacraméntum. Per. Glória Patri. Et mundus.

In secundo Nocturno.

Psalmus 29



**G**XALTABO te Dómine quóniam suscepísti me : \* nec deletásti inimícos meos super me.

Dómine Deus meus clamávi ad te, \* et sanásti me.

Dómine eduxísti ab inférno ánimam meam : \* salvásti me a descendéntibus in lacum.

Psállite Dómino sancti ejus : \* et confitémini memóriæ sanctitátis ejus.

Quóniam ira in indignatione ejus : \* et vita in voluntáte ejus.

Ad vésperum demorábitur fletus : \* et ad matutínium lætítia.

Ego autem dixi in abundántia mea : \* Non movébor in aetérnum.

Dómine in voluntáte tua, \* praestitísti decóri meo virtútem.

Avertísti faciém tuam a me, \* et factus sum conturbátus.

Ad te Dómine clamábo : \* et ad Deum meum deprecabor.

Quae utilitas in ságuine meo, \* dum descéndo in corruptionem?

Numquid confitébitur tibi pulvis, \* aut annuntiábit veritátem tuam?

Audívit Dóminus, et misértus est mei : \* Dóminus factus est adjútor meus.

Convertísti planctum meum in gáudium mihi : \* conscidí-

sti saccum meum, et circumdedisti me laetitia :

Ut cantet tibi gloria mea, et non compungar : \* Domine Deus meus in aeternum confitebor tibi.

Añā. Salva nos, Christe Salvator, per virtutem sanctae Crucis : qui salvasti Petrum in mari, miserere nobis.

Psalmus 46.

**O**MNES gentes plaudite manibus : \* jubilate Deo in voce exultationis.

Quoniam Dominus excelsus, terribilis : \* Rex magnus super omnem terram.

Subjecit populos nobis : \* et gentes sub pedibus nostris.

Elégit nobis hereditatem suam : \* speciem Jacob, quam dilexit.

Ascendit Deus in jubilo : \* et Dominus in voce tubae.

Psallite Deo nostro, psallite : \* psallite Regi nostro, psallite.

Quoniam Rex omnis terrae Deus : \* psallite sapienter.

Regnabit Deus super gentes : \* Deus sedet super sedem sanctam suam.

Principes populorum congregati sunt cum Deo Abraham : \* quoniam dii fortes terrae, vehementer elevati sunt.

Añā. Salvator mundi salva nos, qui per Crucem et sanguinem redemisti nos : auxiliare nobis, te deprecamur, Deus noster.

Psalmus 65.

**J**UBILATE Deo omnis terra, et psalmum dicite nomini ejus : \* date gloriam laudi ejus.

Dicite Deo : quam terribilia sunt opera tua Domine! \* in multitudine virtutis tuae mentiuntur tibi inimici tui.

Omnis terra adoret te, et psallat tibi : \* psalmum dicat nomini tuo.

Venite, et videte opera Dei : \* terribilis in consiliis super filios hominum.

Qui convertit mare in aridam, et in flumine pertransibunt pede : \* ibi laetabimur in ipso.

Qui dominatur in virtute sua in aeternum, et oculi ejus super gentes respiciunt : \* qui exasperant non exaltentur in semetipsis.

Benedicite gentes Deum nostrum : \* et audiam facite vocem laudis ejus,

Qui posuit animam meam ad vitam : \* et non dedit in commotionem pedes meos.

Quoniam probasti nos Deus : \* igne nos examinasti, sicut examinatur argentum.

Induxisti nos in laqueum, et posuisti tribulationes in dorso nostro : \* imposuisti homines super capita nostra.

Transivimus per ignem et aquam : \* et eduxisti nos in refrigerium.

Introibo in domum tuam in holocaustis : \* reddam tibi

vota mea, quae distinxerunt  
lábia mea.

Et locútum est os meum, \*  
in tribulatióne mea.

Holocáusta medulláta óffe-  
ram tibi cum incénso aríe-  
tum : \* ófferam tibi boves cum  
hircis.

Veníte, audíte, et narrábo,  
omnes qui timétis Deum, \*  
quanta fecit ánimae meae.

Ad ipsum ore meo clamávi, \*  
et exaltávi sub lingua mea.

Iniquitátem si aspéxi in  
corde meo, \* non exáudiet  
Dóminus.

Proptérea exaudivit Deus, \*  
et atténdit voci deprecatiónis  
meae.

Benedíctus Deus, \* qui non  
amóvit oratiónem meam, et  
misericórdiam suam a me.

Aññ. Adorémus Crucis si-  
gnáculum, per quod salutis  
súmpsimum sacraméntum.

V. Per signum Crucis de  
inimícis nostris. R. Líba  
nos Deus noster.

*Ex Romano Breviario.*

Lección iv.



**C**HOSROAS Persá-  
rum rex, extrémis  
Phocae impérii tem-  
póribus, Ægypto et  
Africa occupáta, ac Jerosólyma  
capta, multisque ibi caesis  
Christianórum míllibus, Chri-  
sti Dómini Crucem, quam  
Hélena in monte Calváriae  
collocárat, in Pérsidem ábstu-  
lit. Itaque Heráclius, qui Pho-  
cae succésserat, multis belli

incómodis et calamitátibus  
afféctus, pacem petébat, quam  
a Chósroa, victóriis insolénte,  
ne iníquis quidem conditióni-  
bus impetráre póterat. Quare  
in summo discrímine se assí-  
duis jejúniis et oratióibus  
exércens, opem a Deo vehe-  
ménter implorábat : cujus mó-  
nitu exercitu comparáto, signa  
cum hoste cóntulit, ac tres  
duces Chósroae cum tribus  
exercítibus superávit.

R. Ecce Crucem Dómini :  
fúgite partes advérsae : vicit  
leo de tribu Juda, \* Radix  
David. V. Crux benedícta, in  
qua triumphávit Rex Angeló-  
rum. Radix David.

Lección v.

**Q**UIBUS cládibus fractus  
Chósroas, in fuga, qua  
trajícere Tigrim parábat, Me-  
dársem fílium sócium regni  
desígnat. Sed eam contumé-  
liam cum Síroes, Chósroae  
major natu fílius, ferret atróci-  
ter, patri simul ac fratri necem  
machinátur : quam paulo post  
utríque ex fuga retrácto áttulit,  
regnúmque ab Heráclio impe-  
trávit, quibúsdam accéptis  
conditiónibus : quarum ea  
prima fuit, ut Crucem Christi  
Dómini restitúeret. Ergo Crux  
quatuórdecim annis, postquam  
vénerat in potestátem Persá-  
rum, recépta est : quam rédiens  
Jerosólymam Heráclius, so-  
lémni celebritáte suis húmeris  
rétulit in eum montem, quo  
eam Salvátor túlerat.

R. Crux fídelis, inter omnes arbor una nóbilis : nulla silva talem profert fronde, flore, gérmine : \* Dulce lignum dulces clavos, dulce pondus sustínuit. V. Super ómnia ligna cedrórú tu sola excélsior. Dulce.

Lectio vj.

**Q**UOD factum illústri miráculo commendátum est. Nam Heráclius, ut erat auro et gemmis ornátus, insístere coáctus est in porta, quae ad Calváriae montem ducébat. Quo enim magis prógredi conabátur, eo magis retinéri videbátur. Cumque ea re et ipse Heráclius, et reliqui omnes obstupéscerent, Zacharías Jerosolymórum Antístes, Vide, inquit, imperátor, ne isto triumpháli ornátu, in Cruce ferénda parum Jesu Christi paupertátem et humilitátem imitére. Tum Heráclius, abjécto amplíssimo vestítu, detractísque cálceis, ac plebéio amíctu indútus, réliquum viae fácele confécit, et in eódem Calváriae loco Crucem státuit, unde fúerat a Persis asportáta. Itaque Exaltatiónis sanctae Crucis solémnitas, quae hac die quotánnis celebrabátur, illústrior habéri coepit ob ejus rei memóriam, quod ibídem fúerit repósita ab Heráclio, ubi Salvatóri primum fúerat constitúta.

R. Tuam Crucem adorámus Dómine, tuam gloriósam recólimus passióem : \* Miserére

nostri, qui passus es pro nobis. V. Adorámus te, Christe, et benedícimus tibi, quia per Crucem tuam redemísti mundum. Miserére. Glória Patri. Miserére.

In tertio Nocturno.

Psalmus 75.



**D**OTUS in Judaea Deus : \* in Israël magnum nomen ejus.

Et factus est in pace locus ejus : \* et habitatio ejus in Sion.

Ibi confrégit poténtias arcuum, \* scutum, gládium, et bellum.

Illúminans tu mirabíliter a móntibus aetérnis : \* turbáti sunt omnes insipientes corde.

Dormiérunt somnum suum : \* et nihil invenérunt omnes viri divitiárum in má nibus suis.

Ab increpatióne tua Deus Jacob \* dormitavérunt qui ascendérunt equos.

Tu terríbilis es, et quis resistet tibi? \* ex tunc ira tua.

De caelo audítum fecísti judícium : \* terra trémuit et quiévit,

Cum exsúrgeret in judícium Deus, \* ut salvos fáceret omnes mansuétos terrae.

Quóniam cogitatio hóminis confitébitur tibi : \* et reliquiae cogitatiónis diem festum agent tibi.

Vovéte, et réddite Dómino Deo vestro : \* omnes qui in circúitu ejus affértis múnera.

Terríbili et ei qui aufert spíritum princípum, \* terríbili apud reges terrae.

Añā. Tuam Crucem adorāmus Dómine, tuam gloriósam recólimus passióem : miserrere nostri, qui passus es pro nobis.

Psalmus 95.

**C**ANTATE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirábilia ejus.

Quóniam magnus Dóminus, et laudábilis nimis : \* terríbilis est super omnes deos.

Quóniam omnes dii géntium daemónia : \* Dóminus autem caelos fecit.

Conféssio, et pulcritúdo in conspéctu ejus : \* sanctimónia, et magnificéntia in sanctificatióne ejus.

Afférte Dómino pátriae géntium, ꝛ afférte Dómino glóriam et honórem : \* afférte Dómino glóriam nómini ejus.

Tóllite hóstias, et introíte in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dícite in géntibus quia Dóminus regnávít.

Etenim corréxit orbem terrae qui non commovébitur : \* judicábit pópulos in aequitate.

Laeténtur caeli, et exsúltet terra, ꝛ commoveátur mare, et plenitúdo ejus : \* gaudébunt campi, et ómnia, quae in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terrae in aequitate, \* et pópulos in veritate sua.

Añā. Crucem tuam adorāmus Dómine, et sanctam resurrectionem tuam laudāmus, et glorificāmus : ecce enim propter Crucem venit gáudium in univérso mundo.

Psalmus 96.

**D**OMINUS regnávít, exsúltet terra : \* laeténtur insulae multae.

Nubes, et calígo in circúitu ejus : \* justítia, et judícium corréctio sedis ejus.

Ignis ante ipsum praecedet, \* et inflammábit in circúitu inimícos ejus.

Illuxérunt fúlgura ejus orbi terrae : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt caeli justítiam ejus : \* et vidérunt omnes pópuli glóriam ejus.

Confundántur omnes, qui adorant sculptília : \* et qui gloriántur in simulácris suis.

Adoráte eum omnes Angeli ejus : \* audívit, et laetáta est Sion.

Et exsultavérunt filiae Judae, \* propter judícia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui dilígitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde laetítia.

Laetámini justí in Dómino : \* et confitémini memóriæ sanctificatiónis ejus.

Añá. Crux alma fulget, per quam salus réddita est mundo : Crux vincit, Crux regnat, Crux repéllit omne crimen, allelúia.

℣. Adorámus te, Christe, et benedícimus tibi. ℞. Quia per Crucem tuam redemísti mundum.

Lectio sancti Evangelii secundum Joánnem.

Lectio vij. Cap. 12.

**I**N illo témpore : Dixit Jesus turbis Judaeórum : Nunc judícium est mundi : nunc princeps hujus mundi ejiciétur foras. Et reliqua.

Homilía sancti Augustíni  
Epíscopi.

Tract. 52. in Joán.



**D**OSSIDEBAT diábolus genus húmánum, et reos suppliciórum tenébat chirógrapho peccatórum; dominabátur in córdibus infidélium; ad creatúram coléndam, desérto Creatóre, decéptos captívosque pertrahébat : per Christi autem fidem, quæ morte ejus et resurrectione firmáta est, per ejus sánguinem, qui in remissionem fusus est peccatórum, míllia credéntium a dominátu liberántur diáboli, Christi córpori copulántur, et sub tanto cápite, uno ejus spírítu fidélia membra vegetántur. Hoc vocat judícium, hanc discretiónem, hanc a suis redéemptis diáboli expulsiónem.

℞. O Crux benedícta, \* Quæ sola fuísti digna portáre Regem caelórum, ac Dóminum!  
℣. O Crux admirábilis, evacuátió vúlneris, restitútió sanitátis! Quæ.

Lectio viij.

**N**UNC, inquit, princeps hujus mundi ejiciétur foras. Praedicébat Dóminus, quod sciébat post passióem et glorificatióem suam per univérsum mundum multos pópulos creditúros, in quorum córdibus diábolus intus erat : cui quando ex fide renúntiant, ejicitur foras. Absit autem, ut



diábolum mundi príncipem ita dictum existimémus, ut eum caelo et terrae dominári posse credámus; sed mundus appellátur in malis homínibus, qui toto terrárum orbe diffúsi sunt. Sic ergo dictum est, princeps hujus mundi, id est, princeps malórum ómnium, qui hábitant in mundo.

R̃. Adorámus te, Christe, et benedícimus tibi : \* Quia per Crucem tuam redemísti mundum. Ṽ. Tuam Crucem adorámus Dómine : tuam gloriósam recólimus passiónem. Quia.

Lectio ix.

**E**T ego, inquit, si exaltátus fuero a terra, ómnia traham post me. Non autem dixit, omnes, sed ómnia : non enim ómnium est fides. Non itaque hoc ad universitátem hóminum rétulit, sed ad creatúrae integritátem, id est, spíritum, et ánimam, et corpus. Aut si per ómnia, ipsi hómines intelligéndi sunt, ómnia prae-destináta ad salútem póssumus dícere. Aut certe ómnia hóminum génera, ab excelsísimis usque ad humíllimos, a rege usque ad mendícum : ómnia, inquit, traham post me, ut sim caput eórum, et illi membra mea.

R̃. Per tuam Crucem salva nos, Christe Redémptor, qui mortem nostram moriéndó destruxísti, \* Et vitam resurgéndo reparásti. Ṽ. Miserére nostri, Jesu benígne, qui pas-

sus es cleménte pro nobis. Et. Glória Patri. Et.

Ante Laudes, Ṽ. Dícite in natióibus. R̃. Quia Dóminus regnávít a ligno.

IN LAUDIBUS.

Aña. O magnum pietátis opus! mors mórtua tunc est, in ligno quando mórtua vita fuit. Psalm. Dóminus regnávít. cum ceteris, pag. xj.

Aña. Ecce Crucem Dómini : fúgite partes advérsae : vicit leo de tribu Juda, radix David, allelúia.

Aña. Nos autem gloriári opórtet in Cruce Dómini nostri Jesu Christi.

Aña. O Crux admirábilis, evacuátio vúlneris, restitútio sanitátis!

Aña. Crux benedícta nitet, Dóminus qua carne pepéndit, atque cruóre suo vúlnera nostra lavit.

Capit. Mihi autem. ut supra, pag. 698.

Hymnus.

**O**RIGINALE crimen necans in Cruce,  
Nos a privátis Christe munda máculis :

Humanitátem miserátus fráglem,  
Per Crucem sanctam lapsis dona véniam.

Prótege, salva, benedic, sanctífica  
Pópulum cunctum Crucis per signáculum :

Morbos avérte córporis et ánimae :

Hoc contra signum nullum  
stet periculum.

Sit Deo Patri laus in Cruce  
Filii,

Sit coaequalis laus sancto Spi-  
ritui :

Cívibus summis gáudium sit  
Angelis,

Honor sit mundo Crucis Exal-  
tatio. Amen.

V. Tuam Crucem adorámus,  
Dómine. R. Tuam gloriósam  
recólimus passiónem.

Ad Benedictus, Aña. Super  
omnia ligna cedrorum tu sola  
excelsior, in qua vita mundi  
pepéndit, in qua Christus  
triumphávit, et mors mortem  
superávit, allelúia.

#### AD TERTIAM.

Capitulum. Mihi autem. ut  
supra, pag. 698.

R. Hoc signum Crucis erit  
in caelo, \* Allelúia, allelúia.  
Hoc. V. Cum Dóminus ad  
judicándum vénerit. Allelúia.  
Glória Patri. Hoc.

V. Per signum Crucis de  
inimícis nostris. R. Líbera nos  
Deus noster.

#### AD SEXTAM.

Capitulum. I. Cor. I.

**V**ERBUM crucis pereún-  
tibus stultítia est : his  
autem, qui salvi fiunt, id est  
nobis, virtus Dei est.

R. Per signum Crucis de  
inimícis nostris, \* Allelúia,  
allelúia. Per. V. Líbera nos  
Deus noster. Allelúia. Glória  
Patri. Per.

V. Adorámus te, Christe, et  
benedícimus tibi. Quia per  
Crucem tuam redemísti mun-  
dum.

#### AD NONAM.

Capitulum. I. Cor. I.

**D**OS autem praedicámus  
Christum crucifixum :  
Judaeis quidem scándalum,  
Géntibus autem stultítiam,  
ipsis autem vocátis Judaeis,  
atque Graecis, Christum Dei  
virtútem, et Dei sapiéntiam.

R. Adorámus te, Christe, et  
benedícimus tibi, \* Allelúia,  
allelúia. Adorámus. V. Quia  
per Crucem tuam redemísti  
mundum. Allelúia. Glória Pa-  
tri. Adorámus.

V. Tuam Crucem adorámus,  
Dómine. R. Tuam gloriósam  
recólimus passiónem.

#### AD VESPERAS.

Aña. O magnum. j. Laudum.  
Psalmi de Dominica, pag. 89.  
praeter ult. Psalm. 116. Lau-  
date Dóminum omnes. pag. 116.

Capit. Hymnus, V. ut in  
j. Vesperis.

Ad Magnificat, Aña. O Crux  
benedícta, quia in te pepéndit  
Salvátor mundi, et in te trium-  
phávit rex Angelórum, allelúia.

### DIE XV. SEPTEMBRIS.

In Commemoratione S. P. N.  
Dominici in Suriano.

Totum Duplex.

Assumatur Offic. ejusdem,  
ut recitatur die iv. Augusti,  
pag. 587. praeter hic notata.

## IN I. VESPERIS.

Ad Magnificat, vel ad Mem. Aña. Magne Pater sancte Domínice, mortis hora nos tecum súscipe, et hic semper nos pie réspice.

Eodem die fiat Mem. diei oct. Simplicis Nativ. B. M. V. in utrisque Vesperis et Laudibus.

In secundo Nocturno.

Lectio iv. et v. sumantur ex praecipuo ejus festo, pag. 590.

Lectio vj.

**F**UIT sanctíssimus Pater vir plane apostólici péc-  
toris ac spíritus, fidei cólumen,  
Evangélíi tuba, orbis óculus,  
Christi lucérna, secúndus prae-  
cúrsor, et magnus animárum  
oecónomus : quem múltiplices  
tantárum virtútum in caelo  
corónae decórant. Máximis  
vivens et post mortem mirá-  
culis fulsit. Ad cujus majórem  
glóriam cumulándam Deus  
omnípotens célebrem ejus imá-  
ginem, quae in óppido Suriáni  
asservátur, maximáque pópuli  
devotióne cólitur, miraculórum  
frequentia quotidie illustráre  
dignátur.

## IN LAUDIBUS.

Super Psalm. Aña j. Pie Pater Domínice, tuórum me-  
mor óperum, sta coram summo  
Júdice pro tuo coetu páupe-  
rum.

Quae Aña dicetur etiam ad  
Primam, et in ij. Vesperis su-  
per Psalmos.

Mem. in Laudibus S. Nico-  
medis Martyris.

Oratio.

**A**DESTO Dómine pópulo  
tuo : ut beáti Nicomédís  
Mártyris tui mérita praeclára  
suscípiens; ad impetrándam  
misericórdiam tuam semper  
ejus patrocíniis adjuvétur. Per  
Dóminum nostrum.

## DIE XVI. SEPTEMBRIS.

B. Imeldae Lambertini Virg.

Ord. Praedic.

Duplex.

Oratio.

**D**OMINE Jesu Christe,  
qui beátam Vírginem  
Iméldam igníto caritátis amóre  
sauciátam, et immaculáta hó-  
stia mirábiliter reféctam, in  
caelum suscepisti : fac nos ejus  
intercessiόne, eódem caritátis  
fervóre ad sacram mensam  
accédere; ut appetámus dissól-  
vi, et esse tecum mereámur :  
Qui vivis.

In j. Vesp. et Laud. Mem.  
S. Euphemiae Virg. et Mart.

Oratio.

**O**MNIPOTENS sempi-  
térne Deus, qui infírma  
mundi éligis, ut fórtia quaeque  
confúndas : concéde propítius,  
ut qui beatae Euphémiæ Vír-  
ginis et Mártyris tuae solémnia  
cólimus, ejus apud te patrocí-  
nia sentiámus. Per Dóminum.

In j. Nocturno, Lectiones  
De virgínibus. ut in Comm.  
Virg. non Mart. pag. lxxxij.

In secundo Nocturno.

Lectio iv.



**I**MELDA, ex nóbili Lambertinórum prosápia Bonóniae orta, adhuc balbútiens áliquid supra humánum ostentábat, indolémque prodébat jam virtúte imbútam. Enimvéro nihil in puérula levitátis, nulum immatúrae immodéstiae spécimen; sed rara pótius quaedam matúritas univérso mérito in admiratióne rapiébat. A fletu, non anílium fabulárum, sed spirituálium rerum narratióne, piis documéntis se avocári sinébat. Infántiae annos páululum excédens, oratórium sibi a se constrúctum, Davídicos versus, et álios piárum precum libéllos puerílium crepundiórum loco habébat. Tandem simul atque décimum aetátis annum áttigit, atque mundi decora, ac patérnae domus splendórem adolescéntula conspéxit, contínuo ab eis se removére státuit, et voluntáriam paupertátem, castitátem, et obediéntiam amplécti, atque ádeo in religiósam domum transíre decrevit : unde in praecláram sancti Domínici famíliam adscrípta est.

Lectio v.

**H**UIC novae milítiae adscrípta, quemádmódum strénue religiósae disciplínae exercitatióibus usa sit, quas córporis asperitátes adhibúerit,

quantostúdio in afféctuum interiórurum refrenatióem incubúerit, quantóque orándi stúdio fúerit impetíta, quam generóse cétera múnia tum insuéta, tum áspera subíerit, dici nequit. Hoc certum testatúmque, illam áliis et annis et exercitatióne se superióribus, facem semper praetulísse. Venerábilem Eucharistíam praecípua religióne observáre nihil habébat jucúndius. Nunquam Sacro intérerat, quod in dies contingébat, quin profundíssima mystérii hujus arcána attentíssima mente pervólveret, et lácrymis amórem suum indicáret, desiderii que índices, gémitus exhaláret. Tunc vero vel máxime cruciabátur ánimo, cum céteris caeléstí pábulo reféctis, ipsa per aetátem abstinére cogerétur : ita visum erat iis, qui ei a confessiόνibus erant, virtútem, pietátem, modéstiam, sapiéntiam, non ut in hac vírgine erant, sed annórum paucitátem ponderántibus. At non diu votis suis destitúitur, qui Deum ardentíssimo amóre proséquitur. Ipse enim longe aequióre lance, non témporis, sed virtútum ratióne subdúcta, Iméldam aequávit céteris, immo vero étiam prae céteris dignam citra spem omnem manifésto prodígio declarávit.

Lectio vj.

**R**ELIGIOSIS ergo ómnibus stata die ad sacram synáxim accedéntibus, Iméldae

accessus prohibebatur : quae tamen dolore, precibus, lacrymis, gemitibusque quam maxime eo anhelabat. Et ecce illico de caelo delapsa augustissima Sacramenti hostia medio in aere haerens, visa est virginis capiti supereminere. Quae tum virginis mens, quae suspiria, quae colloquia, quae alia ex aliis iterabat, nihil opus est pluribus commemorare. Consodales ejus virgines rei novitate percussae haerebant, oculis fidem aegre adhibentes. Demum Sacerdoti, qui eis praeerat, nuntiant; venit, videt, patena sanctam hostiam excipit, quam Imeldae, quoniam Dei nutum et placitum id esse videbat, impertiretur; ac ita Imelda ex voto desiderioque suo caelitem pabulo refecta est. Tantum vero priori gaudio accessit, ut ferendo amplius satis non esset. Clausis igitur suaviter oculis, quasi somno indulgens, spiritum Christo sponso suo reddidit, cum mortali corpore conclusa tantas delicias ferre diutius non posset. Hujus prodigii fama, per omnium ora longe lateque vulgata, celeberrimum fecit virginis nomen; quae illustri tumultu illata, semper instar Sanctae summa veneratione habita est, ac Deus optimus maximus plurima hujus sanctissimae Virginis nomine mortalibus munera omni tempore impertiri dignatus fuit, ut

historica monumenta tradunt. Quibus probe cognitis, Leo Duodecimus Pontifex Maximus, ex sacrae Rituum Congregationis consulto, cultum beatae Imeldae praestitum probavit, Missamque in ejus honorem celebrandi, et Officium recitandi universo Praedicatorum Ordini potestatem benigne largitus est.

In tertio Nocturno, Homilia in Evang. Simile erit regnum caelorum decem virginibus. ut in Communi Virginum, pag. lxxxv.

---

## DIE XVII. SEPTEMBRIS.

Impressionis sacr. Stigmatum  
in corpore S. Francisci.

Duplex.

Omnia de Communi unius Conf. praeter hic posita.

Ad Vesperas et Matutinum, Hymnus. Iste Confessor Domini sacratus, Sobrius, castus. etc.

Oratio.

**D**OMINE Jesu Christe, qui frigescente mundo, ad inflammanda corda nostra tui amoris igne, in carne beati Francisci passionis tuae sacra Stigmata renovasti : concede propitius, ut ejus meritis et precibus crucem jugiter feramus, et dignos fructus poenitentiae faciamus : Qui vivis et regnas.

Eodem die in j. Vesperis et in Laudibus fiat Memoria S. Lamberti Episcopi et Martyris.

Oratio.

**D**A, quaesumus omnípotens Deus : ut qui beáti Lamberti Mártiris tui atque Pontíficis solémnia cólimus, ejus apud te intercessiónibus adjuvémur. Per Dóminum nostrum.

In primo Nocturno.

De Epístola beáti Pauli Apóstoli ad Gálatas.

Lectio j. *Cap. 5. et 6.*

**S**I spíritu vivimus, spíritu et ambulémus. Non efficiámur inánis glóriæ cúpidi, invicem provocántes, invicem invidéntes. Fratres, et si praeoccupátus fúerit homo in áliquo delícto, vos, qui spirituáles estis, hujúsmodi instrúite in spíritu lenitátis, considérans teípsum, ne et tu tentéris. Alter altérius ónera portáte, et sic adimplébitis legem Christi. Nam si quis exístimat se áliquid esse, cum nihil sit, ipse se sedúcit. Opus autem suum probet unusquisque, et sic in semetípso tantum glóriam habébit, et non in áltero. Unusquisque enim onus suum portábit. Commúnicet autem is, qui catechizátur verbo, ei, qui se catechízat, in ómnibus bonis.

Lectio ij.

**N**OLITE erráre : Deus non irridétur. Quae enim semináverit homo, haec et metet. Quóniam qui séminat in carne sua, de carne et metet corruptiónem : qui autem séminat in spíritu, de spíritu metet vitam aetérnam. Bonum autem faciéntes, non deficiámus : témpore enim suo metémus non deficiéntes. Ergo dum tempus habémus, operémur bonum ad omnes, máxime autem ad domésticos fidei. Vidéte quálibus lítteris scripsi vobis mea manu. Quicúmque enim volunt placére in carne, hi cogunt vos circumcídí, tantum ut crucis Christi persecutióne non patiántur. Neque enim qui circumcidúntur, legem custódiunt : sed volunt vos circumcídí, ut in carne vestra gloriéntur.

Lectio iij.

**I**HI autem absit gloriári, nisi in cruce Dómini nostri Jesu Christi : per quem mihi mundus crucifíxus est, et ego mundo. In Christo enim Jesu neque circumcísio áliquid valet, neque praepútium, sed nova creatúra. Et quicúmque hanc régulam secúti fúerint, pax super illos, et misericórdia, et super Israël Dei. De cétero nemo mihi moléstus sit : ego enim stigmata Dómini Jesu in corpore meo porto. Grátia Dómini nostri Jesu Christi, cum spíritu vestro, fratres. Amen.

In secundo Nocturno.

*Ex S. Bonaventura in vita  
S. Francisci, cap. 13. De  
sacr. Stigm.*

Lectio iv.



**F**IDELIS fámulus Christi Franciscus, ántequam spíritum rédderet caelo, in monte Alvérniae quadragená-rio in honórem Archángeli Michaélis jejúnio inchoáto, dum seráphicis desideriórum ardóribus agerétur in Deum, et afféctus compassívi teneritú-dine in eum transformarétur, cui ex caritaté nímia crucifígi complácuit, quodam mane orans, vidit quasi spéciem uníus Séraphim sex alas tam fúlidas, quam ignítas habén-tem, de caelórum sublimitáte descéndere : qui volátu celérri-mo ad áeris locum viro Dei propínquum pervéniens, non solum alátus, sed et crucifíxus appáruit; manus quidem et pedes habens exténsos, et cruci affíxos; alas vero sic miro modo hinc inde dispósitas, ut duas super caput erígeret, duas ad volándum exténdere, duá-bus vero totum corpus circum-plecténdo veláret.

Lectio v.

**D**ISPARENS visio, post arcánum ac familiáre collóquium, mentem ipsíus seráphico intérius inflammávit ardóre, carnem vero Crucifíxo

confórmi extérius insignívit effígie, tamquam si ad ignis calefactívam virtútem praeám-bulam sigillatíva quaedam esset impréssio subsecúta. Sta-tim namque in mánibus et pédibus ejus apparére coepé-runt signa clavórum, ipsórum capítibus in inferióri parte mánuum, et superióri pedum apparéntibus, et eórum acumí-nibus exsisténtibus ex advérso. Dextrum quoque latus, quasi láncea transfíxum, rubra cica-tríce obductum erat, et sacrum saepe sánguinem effundébat.

Lectio vj.

**E**T quamvis seráphicus vir signácula illá sacra pro víribus occultábat, Dóminus tamen ipse, qui ea secréte im-présserat, mirácula quaedam apérte per ipsa monstrávit : ut illórum occúlta et mira vis stígmatum, manifestá patéret claritaté signórum. Porro rem ádeo admirábilem, ac tantópere testátam, atque in pontificiis diplomátibus, praecípuius láu-dibus et favóribus exaltátam, Benedíctus Papa Undécimus anniversária solemnitáte Dú-plici Offício celebrári vóluit : quam póstea lapsam Paulus Quintus Póntifex Máximus, ut corda fidélium in Christi cru-cifíxi accenderéntur amórem, restítuit.

In iij. Nocturno, Homilia in Evang. Si quis vult post me veníre. ut in Comm. unius Mart. pag. xxxij.

## DIE XVIII. SEPTEMBR.

SS. Cornelii et Cypriani  
Martyrum.

Duplex. Oratio.

**I**NFIRMITATEM nostram, quaesumus Dómine, propítius réspice : et mala ómnia, quae juste merémur, sanctórum Mártyrum tuórum atque Pontíficum Cornelii et Cypriáni intercessióne avérte. Per Dóminum.

In j. Nocturno, Lectiones  
Fidélis sermo. ut in Comm.  
unius Conf. Pont. pag. liij.

In secundo Nocturno.

*Ex S. Cypriano, et Libro  
de Romanis Pontificibus.*

Lectio iv.

**C**ORNELIUS Romá-  
nus, Póntifex de Dei  
et Christi ejus judí-  
cio factus, sub Gallo  
et Volusiáno imperatóribus  
Ecclésiám rexit. Ad eos delátus, quod multos ad christiánam fidem vocásset, in exsíl-  
lium ad Centumcéllas pulsus  
est. Verum cum ibi christiánae  
caritátis, ac vigilántiae pasto-  
rális offícia ímpiger obíret, id  
aegre tulérunt imperatóres.  
Quare Romam accersítus, uti  
laesae majestátis reus, primum  
plumbátis caesus, tum ad Mar-  
tis simulácrum ductus, sacri-  
ficáre jussus est. Quod cum  
plane detestarétur, cápite mi-  
nútus est, décimo octávo Ka-  
léndas Octóbris, post transáctos

in Pontificátu annos circiter  
duos.

*Ex S. Greg. Naz. et  
S. Hieronymo.*

Lectio v.

**C**YPRIANUS Afer, illú-  
stris génere, rhetóricis ac  
philosóphicis disciplínis per-  
polítus, a Presbytero Caecílio  
factus ChristiánuS, substán-  
tiam suam omnem paupéribus  
erogávit. Présbyter primum,  
tum Epíscopus ordinátus, ab  
Aspásio Patérno Africae pro-  
cónsule, ob confessiónem nó-  
minis Christi, in exsílum jus-  
sus est deportári. Póstmodum  
a Galério Máximo, Aspásii  
successóre, Cartháginem revo-  
cátus, ac de fide, assumptóque  
Episcopátu interrogátus, diís-  
que offérre jussus, invícta ánimi  
fortitúdine stetit : datóque sibi  
ad consuléndum témpore, in  
re tam justa consultatiónem  
nullam esse respóndit.

Lectio vj.

**Q**UARE Galérius de con-  
sílio senténtiam in eum  
dixit, qua, uti Románis diis ac  
légibus infénsus, cujus sán-  
guine disciplína sancienda fo-  
ret, tradúctus est. Tum decre-  
tum ex tabélla recitávit in haec  
verba : Tháscium Cypriánum  
gládio animadvérte placet. Cui  
respóndit CypriánuS : Deo gra-  
tias. Unde in agrum Sexti  
ductus, dalmática exútus in  
línea stetit, áureos vigínti  
quinque spiculatóri dari jussit,



óculos própria manu textit, atque ita gládio petítus, disciplinam christíanam suo sanguine sanxit. Passus est eádem die, qua Romae Cornélius, at non eódem anno. Egrégia reliquit ingénii sui monuménta.

In iij. Nocturno, Homilia in Evang. Cum audiéritis proelia. ut in Comuni plurim. Mart. pag. xliij.

## DIE XIX. SEPTEMBRIS.

SS. Martyrum Januarii  
Episc. et sociorum.

Duplex. Oratio.

**D**EUS, qui nos ánnua sanctorum Mártyrum tuorum Januárii et sociorum ejus solemnitate laetíficas : concéde propítius, ut quorum gaudémus méritis, accendámur exémpis. Per Dóminum.

Si hoc festum venerit in Quatuor Temporibus, Lectíones j. Nocturni erunt **Exístimo.** de Comuni plur. Mart. pag. xxxvij.

In secundo Nocturno.

Lectio iv.



**J**ANUARIUS Benevéniti Episcopus, Diocletiano et Maximiano in Christiános saevientibus, ad Timótheum Campániae praesidem ob christiánae fidei professiónem Nolam perdúctur. Ibi ejus constantia várie tentáta, in ardéntem fornácem conjéctus, ita illaesús evásit, ut ne vesti-

méntum, aut capíllum quidem flamma violáverit. Hinc praeses accénsus iracúndia, Mártyris corpus ímperat usque eo dístrahi, quoad nervórum compáges artuúmque solvántur. Festus intérea ejus Diáconus, et Desidérius Lector comprehénsi, vinctique una cum Episcopo ante rhedam praesidis Putéolos pertrahúntur, et in eúmdem cárcerem, in quo Sósíus Misénas, et Próculus Puteolánus Diáconus, Eutyches et Acútiús láici ad béstias damnáti detinebántur, simul conjiciúntur.

Lectio v.

**P**OSTERO die omnes in amphitheátro feris objécti sunt : quae naturalis oblítae feritátis, ad Januárii pedes se prostravére. Id Timótheus mágicis incantatióibus tríbuens, cum senténtiam cápitis in Christi Mártyres pronuntiásset, óculis repénite captus, oránte mox beáto Januário, lumen recépit; quo miraculo, hóminum míllia fere quinque Christi fidem suscepérunt. Verum ingrátus judex, níhilo placátior factus benefício, sed conversiόne tantae multitudinis áctus in rábiem, véritus máxime príncipum decreta, sanctum Episcopum cum sóciis gládio pércuti jussit.

Lectio vj.

**H**ORUM córpora finítimae urbes, pro suo quaeque stúdio certum sibi patrónum

ex iis apud Deum adoptandi, sepelienda curarunt. Januarii corpus Neapolitani divino admonitu extulere: quod primo Beneventum, inde ad monasterium Montis Virginis, postremo Neapolim translatum, et in majore ecclesia conditum, multis miraculis claruit. Sed illud in primis memorandum, quod erumpentes olim e monte Vesuvio flammarum globos, nec vicinis modo, sed longinquis etiam regionibus vastitatis metum afferentes, exstinxit. Praeclarum illud quoque, quod ejus sanguis, qui in ampulla vitrea concretus asservatur, cum in conspectu capitis ejusdem Martyris ponitur, admirandum in modum colliquefieri et ebullire, perinde atque recens effusus, ad haec usque tempora cernitur.

In tertio Nocturno.

Lectio sancti Evangelii secundum Matthaeum.

Lectio vij.

Cap. 24.

**I**N illo tempore: Sedente Jesu super Montem oliveti, accesserunt ad eum discipuli secreto, dicentes: Dic nobis, quando haec erunt? Et reliqua.

Homilia sancti Hilarii  
Episcopi.

Comm. in Matth. can. 24.



DISCIPULI Dominum interrogant, quando haec fierent, quodve signum et adventus sui, et consummatio-

nis saeculi noscerent. Et quia tria haec in unum quaesita sunt, distinctis et temporis et intelligentiae significationibus separantur. Respondetur igitur primum de civitatis occasu: et confirmantur veritate doctrinae, ne quis fallax ignorantibus posset obréperere. Venturi enim erant etiam eorum tempore, qui se Christum essent nuncupaturi. Ut igitur fides pestifero mendacio détrahi posset, admonitio praecessit.

Lectio viij.

**C**ONFIRMAT igitur eos ad tolerantiam passionum, fugae, verberationis, interitus, et publici in eos odii, propter nomen ejus. Atque his quidem vexationibus multi turbabuntur, et tantis insurgentibus malis scandalizabuntur, et usque in mutuum odium excitabuntur. Et falsi prophetae erunt (ut Nicolaus, unus ex septem Diaconibus fuit) multosque ementita veritate pervertent: et abundante nequitia, caritas refrigescet.

Lectio ix.

**S**ED usque in finem perseverantibus salus reservata est: ac tum per omnes orbis partes, viris Apostolicis dispersis, Evangelii veritas praedicabitur. Et cum universis fuerit cognitio sacramenti caelestis invecta, tum Jerusalem occasus et finis incumbet: ut praedicationis fidem, et infi-

délium poena, et metus civitatis érutae consequatur. Haec igitur in eam, ut fúerant praedícta, perfécta sunt : et lapidátis, fugátis, peréptis Apóstolis, fame, bello, captivitate consúpta est. Ac tum fuit digna non esse, cum ejéctis praedicatóribus Christi, indignam Dei praedicatione se praebuit.

### DIE XX. SEPTEMBRIS.

B. Francisci de Possadas  
Conf. Ord. Praed.

Duplex.

Oratio.

**D**EUS, qui beátum Franciscum Confessórem tuum, supérnae caritátis dulcedine perfúsum, verbi tui praecónem exímium effecísti : ejus intercessióne concéde, ut igne tui amoris incénsi, in tua dilectióne semper vivámus. Per Dóminum.

In j. Nocturno, Lectiones  
Beátus vir. ut in Comuni  
Conf. non Pont. pag. lxiv.

In secundo Nocturno.

Lectio iv.



**F**RANCISCUS de Possadas, Córdubae in regno Vandaliciae Hispaniarum piis honestisque paréntibus natus, ac dulcedinis benedictionibus praeventus, ab ipsa infántia sanctitátis indícia praebere visus est : quibúsdam enim hebdomadae diébus, velut alter Nicoláus Myrénsis, a lacte

sugéndo abstinébat, ac dulcíssimum Maríae nomen, quod in corde inscúptum habére videbátur, adhuc balbútiens proférre consuévit. Puer a lúdicris semper abhórrens, ómnibus elúxit virtútibus, quae illam ornant aetátem; tantámque ex eo témpore in Christi páuperes dilectiónem prae se tulit, ut eis panem, quo se vesci oportébat, ultro distribúeret. Adoléscens aequáles suos, válidis supra aetátem ratióne, ad pietátem in Deum parentésque coléndam excitábat. Ineúnte vero juventúte ascensiónes in corde suo dispónens, Praedicatorum Ordinem, post várias contradicciónes felíciter superátas, in convéntu Scalae caeli ingrés-sus, corpus suum jejúniis, flagéllis, et aspérrimo cilício in servitútem redégit; et impén-sius virtútibus intérnis excoléndis óperam dedit. Expléto studiórum currículo, et Sacerdótio initiátus, jugi verbi Dei praedicationi, et confessiónibus audiéndis ádeo incúbuit, ut ódia, ad internecióne usque flagrántia, exstínxerit, errántes vero ad poeniténtiam, et poeniténtes ad christiánam perfectiόnem addúxerit.

Lectio v.

**B**ONUS itaque Christi miles efféctus, tanto divíni amoris aestu, tantóque animárum zelo flagrávit, ut sanctus Vincéntius Ferrérius, quem

sibi in hoc imitandum proposuerat, revixisse videretur. In apostolicis missionibus obeundis divina in eo charismata eluxere, quae audientium animos in admirationem, cordisque compunctionem trahabant. Ignorantes rudisque personas in catholicae fidei mysteriis saepe a mane ad vesperam erudiebat. Summa in pauperes, infirmos, et carcere detentos miseratione ita ferebatur, ut ipsis vestes, calceamenta, medicinas, et alia ad proprium usum pertinentia, alacriter impertiri soleret. A concivibus suis Cordubensibus eloquentiae vi, et caelestis doctrinae virtute obtinuit, ut theatralia spectacula, quae non sine maxima animarum iactura exercebantur, in perpetuum eliminarentur, aequo ipsorum moderatorum civitatis animo.

Lectio vj.

**O**RANDI studio, cordis mansuetudine, atque in Deum et proximum amore, animique demissione adeo clauit, ut nedum abjectissimis quibusque officiis exercendis praesto esset, verum etiam humanas laudes abhorrens, in opprobriis tantummodo, irrisionibus, et illatis calumniis laetaretur. Miris a daemone colluctationibus vexatus, semper triumphator evasit, adversus praesertim castitatis insidias. Prophetia, spirituum discretione, aliisque supernis

donis a Deo ditatus fuit. Praefecturas Ordinis totis viribus humiliter rejecit, et oblatos sibi Algherensem et Gadicensem Episcopatus recusavit. Omnibus tandem omnia factus, confessarii, et sacri concionatoris muneribus per annos ferme quadraginta sanctissime functus, septuagenarius, sontico morbo correptus, extremum in osculo Domini diem clausit, die vigesima Septembris anni millésimi septingentésimi decimi tertii. Postquam vero heróicas omnes illius virtutes testimonio divino, miraculorum ope, Excelsi dextera confirmavit, Pius Séptimus Pontifex Máximus, expléto de more prodigiórum exámine, rite venerabilem virum Beatórum fastis adscrípsit.

In iij. Nocturno, Homilia in Evang. Sint lumbi. de Comuni Conf. non Pont. pag. lxxvj.

## DIE XXI. SEPTEMBRIS.

Sancti Matthaei Apostoli  
et Evangelistae.

Totum Duplex.

Omnia de Comuni Evangelistarum, pag. lxxvii. praeter hic posita.

Oratio.

**D**A, quaesumus omnipotens Deus: ut beati Matthaei Apostoli tui et Evangelistae, quam praevenimus, veneranda sollemnitas, et devotionem nobis augeat, et salutem. Per Dóminum nostrum.

In primo Nocturno.

De Epístola beáti Pauli Apóstoli ad Ephésios.

Lectio j.

Cap. 4.

**M**ISECRO itaque vos ego vinctus in Dómino, ut digne ambulétis vocatióne, qua vocáti estis, cum omni humilitáte, et mansuetúdine, cum paciéntia, supportántes invicem in caritáte, solliciti serváre unitátem Spíritus in vínculo pacis. Unum corpus, et unus Spíritus sicut vocáti estis in una spe vocatiónis vestrae. Unus Dóminus, una fides, unum baptísma. Unus Deus et Pater ómnium, qui est super omnes, et per ómnia, et in ómnibus nobis.

Lectio ij.

**U**NICUIQUE autem nostrum data est grátia secúndum mensúram donatiónis Christi. Propter quod dicit: Ascéndens in altum captívam duxit captivitátem: dedit dona homínibus. Quod autem ascéndit, quid est, nisi quia et descéndit primum in inferiúres partes terrae? Qui descéndit, ipse est et qui ascéndit super omnes caelos, ut impléret ómnia.

Lectio iij.

**E**T ipse dedit quosdam quidem Apóstolos, quosdam autem prophétas, álios vero Evangelístas, álios autem pastóres, et doctóres ad consummationem sanctórum in opus

ministérii, in aedificatióne corpóris Christi: donec occurrámus omnes in unitátem fidei, et agnitiónis Fílii Dei, in virum perféctum, in mensúram aetátis plenitúdinis Christi.

In secundo Nocturno.

Lectio iv.



**M**ATTHAEUS, qui et Levi, Apóstolus et Evangelísta, post Christi resurrectiõem, ántequam in provinciám proficiscerétur, quae ei ad praedicándum obtígerat, primus in Judaea, propter eos, qui ex circumcisióne credíderant, Evangelíum Jesu Christi Hebraíce scripsit: mox in Æthiópíam proféctus, Evangelíum praedicávit, ac praedicationem multis miráculis confirmávit.

Lectio v.

**I**LLO ígitur in primis miraculo, quo regis filiam a mórtuis excitávit, regem patrem, et uxórem ejus, cum univérsa provinciá ad Christi fidem convértit. Rege mórtuo, Hírtacus ejus succéssor, cum Iphigéniam régiam fíliam vellet sibi dari in matrimónium, Matthaeum, cujus ópera illa virginitátem Deo vóverat, et in sancto propósito perseverábat, ad altáre mystérium celebrántem jussit occídi.

Lectio vj.

**I**TAQUE undécimo Kaléndas Océtobris, munus Apostólicum martyrii glória

cumulávit, vere factus víctima virginitátis. Cujus corpus Salérnum translátum, ac póstmódum in ecclésia ejus nómine dedicáta Gregório Séptimo summo Pontífice cónditum, ibídem magno hóminum concúrsu, ac pietáte cólitur. Ipsum semínibus, baccis, atque oléribus absque cárnibus víctitare sólitum, refert Clemens Alexandrínus.

In tertio Nocturno.

Léctio sancti Evangélii secúndum Matthaeum.

Léctio vij.

Cap. 9.

**I**N illo témpore : Vidit Jesus hóminem sedéntem in telónio, Matthaeum nómine. Et ait illi : Séquere me. Et réliqua.

Homília sancti Joánnis Chrysóstomi.

*Hom. 31. in Matth. post init.*



**M**ON est abs re grandem Evangelístae philosophíam admirári, qui anteaáctam vitam suam non celávit, et nomen suum adscrípsit, quod álii mutáta appellatióne occultáverant. Sed cur dixit in telónio sedísse? Virtútem vocántis vóluit osténdere, qui non impósito adhuc fine pravae publicanórum conversatióni, e médio malórum pélagó ipsum abstráxit : sicut beátum Paulum quoque, furéntem, ac omni

rábie ardéntem, et ignem Ecclésiae inferéntem, redúxit.

Léctio viij.

**P**UBLICANORUM autem stúdia et exercitatio, impudéntiae ac crudelitátis plena sunt : quaestus nota illiberalitátis, turpis quaedam mercatúra, immo rapína lege saeculári concéssa : quae ómnia non erúbuit Dóminus, si sibi amicum fecit publicánum. Nec mirum, quando nec meretrícem erúbuit, quam non a fornicatióne solum erípuit, verum étiam pedes osculári permísit. Venit enim, non ut córpora solum curáret, verum étiam multo magis, ut aegrótiis ánimis incolumitátem praestáret.

Léctio ix.

**Q**UOD planum in paralytico fecit, cujus cum peccáta dimísset, tunc ad Matthaeum accéssit, ne turbaréntur, si publicánum vidént in discipulórum consórtio collocátum. Nam qui potest delictórum dissólvere víncula, cur mirum est, si peccatórem Apóstolum fecit? Vidísti virtútem vocántis, disce nunc vocáti obediéntiam. Non enim repugnávit, nec ambigéndo secum dixit : Putásne publicánum peccatóremque me recte absque fraude vocáverit? Non est enim hujuscémodi humílitas laudábilis : sed conféstim ita obtemperávit, ut nec domum quidem ad comunicándum rem cum suis proféctus sit.

IN LAUDIBUS  
et ad alias Horas.

Oratio.

**B**EATI Apóstoli et Evangelístae Matthaei, Dómine, precibus adjuvémur : ut quod possibilitas nostra non obtinet, ejus nobis intercessióne donétur. Per Dóminum.

## DIE XXII. SEPTEMBRIS.

SS. Mauricii et sociorum  
Martyrum.

Simplex. Oratio.

**A**NNUE, quaesumus  
omnípotens Deus : ut sanctórum Mártyrum tuórum Mauricii, Exsupérii, Cándidi, Vitális, Innocéntii, ac sociórum eorúndem nos laetíficet festíva solémnitas; ut quorum suffrágiis nítimur, eórum natalítiis gloriémur. Per Dóminum.

Quando hoc festum venerit in aliqua FERIA Quatuor Temporum, Lectíones j. Nocturni erunt **Existimo.** de Comuni plur. Mart. pag. xxxvij.

In secundo Nocturno.

*Ex Romano Breviario.*

Lectio iv.



**C**UM Maximianus imperátor, ducto in Gálliam exercitu, in sínibus Sedunórum sacrificii causa constitísset, Thebaeórum légio, ne se impiórum sacrórum societáte contamináret, a réliquis cópiis

discéssit. Quare imperátor misit ad eos mílites, qui suo nómine nuntiárent, ut si salvi esse vellent, in castra ad sacrificia redírent. Qui cum se christiána religióne impedíri respondérent, eórum respónsum ille indigníssime ferens, majóri iracúndia, quam ántea, exársit.

Lectio v.

**I**TAQUE immíssa parte  
exercitus in Thebaeos, décimum quemque eórum primum occídi jussit : quod martyrium sua sponte, maximéque hortatóre Maurício, ferre maluerunt, quam imperáta fácere nefárii imperatóris : ac deínde réliquos omnes, constantíssime Christum praedicántes, décimo Kaléndas Octóbris ab unívsero exercitu trucidári imperat. Máximis porro sancti Mártyres Thebaei miráculis claruerunt.

*Ex Epist. Decani et canonico-  
rum Castri novi in Galliis  
ad Philippum Coloniensem  
Archiepisc.*

Lectio vj.

**I**LLUD in primis memórandum, quod cum beátus Martínus Turonénsis Epíscopus peregríni hábitu Agáunum ad sacra Mártyrum pínora visénda venísset, rogassétque ut sibi de sanctis Relíquiis áliquíd donarétur, et ab iis, quibus eárum custódia demandáta erat, repúlsam tulísset : saltem osténdi sibi pétiit locum agónis, ubi Mártyres pro Chri-

sto sánguinem fuderunt. Ibi post preces, exémpo vagína cultélló, mox ut manu viréntis gráminis in gyrum caespitem incísum sústulit, densus ab ipso caespite copiósi sánguinis imber distilláre coepit.

In iij. Nocturno, Homilia in Evang. Cum audiéritis proelia. de Comm. plur. Mart. pag. xliij.

### DIE XXIII. SEPTEMBR.

S. Theclae. Virg. et feminar.  
Protomartyris.

Duplex. Oratio.

**D**EUS, pro cujus nóminis glória magnum certámen passiónum beáta Thecla Virgo et Martyr tua, feminárum prima, invícta fide sustínuit : da nobis, ejúsdem fidei imitatio-  
ne, próspera mundi despícere, et nulla ejus advérsa formidáre. Per Dóminum.

In j. Nocturno, Lectiones Confitébor tibi. ut in Comm. unius Virg. et Mart. pag. lxxij.

In secundo Nocturno.

Lectio iv.



**T**HECLA virgo, ex illústribus paréntibus Icónii in Lycaónia nata, a Paulo Apóstolo fidei praeceptis instituta fuit. Cum enim idem Apóstolus Icónium ad Christi Evangélium praedicándum accessisset, cumque mystéria fidei, et castitátis laudes expo-

néntem Thecla audivisset, sic ad fidem et virginitátis propósitum ánimus inténdit, ut Thamíridem, júvenem nobilitáte ac forma praestantíssimum, cui illam paréntes despónderant, invícto ánimo desérere, ac caeléstis sponsi Jesu Christi núptias amplexi omníno decreverit. Vitam itaque, quam ex Apóstoli prae-  
scripto ad evangélicae perfectiónis normam institúerat, aggressa, quamplúrimas exínde adolescentulas exémpo suo ad fidem et castitátem coléndam addúxit : ex quibus sanctae potíssimum mulieres Tryphéna et Tryphósa in christiána disciplína sub ea postmodum mirífice profecerunt.

Lectio v.

**Q**UOD cum iníquo ánimo ferrent sponsus et paréntes Theclae, illam apud júdicem, quod Christiána esset, accusárunt. Cujus jussu in ardéntem rogum, qui, nisi Christo renunciáret, ei parátus erat, prius signo crucis armáta, seípsam injécit. Sed igne pluvia, quae repénite exórta est, exstíncto, Antióchiam venit : ubi feris objécta, et tauris in diversa incitátis alligáta, mox conjécta in fossam plenam serpéntibus, ex ómnibus Jesu Christi grátia liberátur. Cujus ardóre fidei, et vitae sanctitáte multi ad Christum convérsi sunt.



Lectio vj.

**M**ANTIS Christi Dómini virtúte perículis erépta Thecla, in pátriam rédiens, in montem sola secéssit, ac praecípua vitae sanctitáte, et miráculis insígnis. nonagenária migrávit ad Dóminum. Sacrum ejus corpus, Selúciae sepúltum, celeberrima totíus Oriéntis veneratióne, et frequénti Christianórum concúrsu illuc adeúntium, honorífice hábitum fuit, ac sanctus Gregórius Nazianzénus ad illud venerándum, Selúciam se contulísse testátur. Eam summis láudibus, tum ipse, tum omnes fere sancti Patres suis scriptis extulérunt, ádeo ut, si quando praecelléntem áliquam sanctitáte féminam celebráre vellent, non álio, quam Protomártiris Theclae nómine exornárent.

In iij. Nocturno, Homilia in Evang. Símile erit regnum caelórum decem virgínibus. ut in Comm. unius Virg. pag. lxxv.

**DIE XXIV. SEPTEMBR.**

S. Mariae de Mercede.

Totum Duplex.

Omnia, praeter hic posita, desumantur ex Nativitate B. M. V. pag. 684. mutato nomine Nativitátis in Solemnitátis.

Oratio.

**D**EUS, qui per gloriosíssimam Fílii tui Matrem, ad liberándos Christi fidéles

a potestáte Paganórum, nova Ecclésiám tuam prole amplificáre dignátus es : praesta quaesumus, ut quam pie venerámur tanti óperis institutricem; ejus páriter méritis et intercessióne a peccátis ómnibus, et captivitáte daemonis liberémur. Per eúndem Dóminum.

In secundo Nocturno.

Lectio iv.



**U**O témpore major feliciórque Hispaniárum pars diro Saracenórum opprimebátur jugo, innumeríque fidéles sub inimáni servitúte, máximo cum perículo christiánae fidei abjurándae, amittendaeque salutis aetérnae, infelíciter detinebantur: beatíssima caelórum Regína, tot tantisque benigniter occúrrens malis, nímiám caritátem suam in iis redimendis osténdit. Nam sancto Petro Noláscó, pietáte et ópibus florénti, qui sanctis vacans meditatió nibus, júgiter ánimo recogitábat, qua ratióne tot Christianórum aerúm nis, sub Maurórum captivitáte degéntium, succúrri posset, ípsamet beatíssima Virgo seréna fronte se conspiciéndam dedit, et acceptíssimum sibi ac unigénito suo Fílio fore dixit, si suum in honórem instituerétur ordo Religiosórum, quibus cura incúmbetet captívos e Turcárum tyránnide liberándi. Qua caelésti visióne vir Dei

recreátus, mirum est, quo caritátis ardóre flagrâre coeperit, hoc unum servans in corde suo, ut ipse, ac instituênda ab eo Religio máximam illam caritâtem sêdulo exercérent, ut quisque ánimam suam póneret pro amícis et próximis suis.

Lectio v.

**E**A ipsa nocte éadem Virgo sanctíssima beáto Raymúndo de Pénnafort Ordinis Praedicatórum, et Jacóbo Aragóniae regi apparuit, idípsum de Religíosis instituêndis ádmonens, suadénsque ut opem pro constructióne tanti óperis ferrent. Petrus autem statim ad Raymúndi pedes, qui ipsi erat a sacris confessiónibus, ádvolans, ei rem omnem apéruit, quem étiam caelitus instrúctum réperit, ejúsque directióni se humíllime subjécit. At supervéniens Jacóbus rex, quam et ipse accéperat a beatíssima Vírgine, revelatiónem éxsequi státuit.

Lectio vj.

**U**NDE collátis inter se consíliis, et consentiéntibus ánimis, in honórem ejúsdem Vírginis matris Ordinem instituere aggréssi sunt, sub invocatióne sanctae Maríae de Mercéde Redemptiόνis captivórum. Die ígitur décima Augústi, rex idem Jacóbus eam institutióne jam pridem ab íisdem sanctis viris concéptam éxsequi státuit, sodálibus quar-

to voto astríctis manéndi in pignus sub Paganórum potestate, si pro Christianórum liberatióne opus fúerit. Quibus rex ipse arma sua régia in péctore deférre concéssit, et a Gregório Nono illud tam prae-celléntis erga próximum caritátis institútum, et Religiónem confirmári curávit.

In iij. Nocturno, Homilia in Evang. Loquente Jesu. ut die 5. Aug. pag. 594. cum tribus R̄R̄. ibid. notatis.

## DIE XXV. SEPTEMBR.

S. Thomae de Villanova

Episc. et Conf.

Duplex.

Oratio.

**D**EUS, qui beátum Thomam Pontíficem insígnis in páuperes misericórdiae virtúte decorásti : quaesumus, ut ejus intercessiône, in omnes, qui te deprecántur, divítias misericórdiae tuae benígnus effúndas. Per Dóminum.

In secundo Nocturno.

Lectio iv.



**T**HOMAS, in óppido Fontispláni Toletánae dioecéseos in Hispânia natus anno Dómini millésimo quadringentésimo octogésimo octávo, ab óptimis paréntibus, ineúnte vita, pietátem et singulárem in páuperes misericórdiam accépit; cujus adhuc puer complúra dedit exémpa : sed illud in

primis nobile, quod ut nudos operiret, propriis vestibus non semel se ipsum exuit. Exacta pueritia, Compluto, quo missus fuerat, ut litteris operam daret, patris obitu revocatus, universam hereditatem egenis virginibus alendis dicavit, eodemque statim profectus est, ut curriculum sacrae theologiae conficeret : interim assiduus precibus scientiam Sanctorum, et rectam vitae morumque normam a Domino vehementissime postulans. Quare divino instinctu Eremitarum sancti Augustini amplexus est Institutum.

## Lectio v.

**R**ELIGIONEM professus, omnibus religiosi hominis virtutibus et ornamentis excelluit, humilitate, patientia, continentia, sed ardentissima caritate summe conspicuus : inter varios et assiduos labores, orationi, rerumque divinarum meditationi invicto spiritu semper intentus. Praedicandi onus, utpote sanctimonia et doctrina praestans, subire jussus, caelesti aspirante gratia, innumerabiles e vitiis coeno in viam salutis eduxit. Regendis deinde fratribus admotus, prudentiam, aequitatem, et mansuetudinem par cum sedulitate ac severitate conjunxit : adeo ut priscam sui Ordinis disciplinam multis in locis vel firmaverit, vel restituerit.

## Lectio vj.

**G**RANATENSIS Archiepiscopus designatus, mira humilitate et constantia insigne munus rejecit. Verum non multo post Valentianam Ecclesiam, Superiorum auctoritate coactus, gubernandam suscepit : quam annis ferme undecim ita rexit, ut sanctissimi et vigilantissimi pastoris partes explerit. Ceterum consueta vivendi ratione nihil admodum immutata, inexplabili caritati multo magis indulgit, cum amplos Ecclesiae redditus in egenos dispersit, ne lectulo quidem sibi relicto : nam eum, in quo decumbebat, cum in caelum evocaretur, ab eodem commodatum habuit, cui paulo ante eleemosynae loco donaverat. Obdormivit in Domino sexto Idus Septembris, annos natus octo et sexaginta. Servi sui sanctitatem adhuc viventis, et exinde post mortem, miraculis Deus testatam voluit : praesertim cum horreum, frumento pauperibus distributo, penitus vacuum, repente plenum inventum est; et cum ad ejus sepulcrum puer mortuus revixit. Quibus, aliisque non paucis fulgentem signis, Alexander Septimus Pontifex Maximus Sanctorum numero adscripsit, atque ejus memoriam quartodecimo Kalendas Octobris celebrari mandavit.

In iij. Nocturno, Homilia in  
Evang. Homo peregere. ut in  
Comm. Conf. Pont. pag. lxj.

## DIE XXVI. SEPTEMBR.

B. Dalmatii Monerii Conf.  
Ord. Praed.

Duplex. Oratio.

**D**EUS, qui humilem famulum tuum Dalmatium multis signis atque virtutibus decorasti; ac mirabiliter in tuo amore, spretis temporalibus, inflammasti: tribue nobis, quaesumus, ut ejus intercessione, a terrenis affectibus expediti, et a cunctis adversitatibus liberati, sola caelestia appetamus. Per Dominum.

In j. Nocturno, Lectiones  
Beatus vir. de Comm. Conf.  
non Pont. pag. lxiv.

In secundo Nocturno.

Leccio iv.



**D**ALMATIUS Monerius, natione Hispanus, in Catalauniae principatu Villa sanctae Columbae de Farnesiis dioecesis Gerundensis, honestis piisque parentibus ortus, ab ineunte aetate, morum candore ac innocentia futurae sanctitatis indicia praebuit. Adolescens liberalibus disciplinis Gerundae instructus, ad altiorem doctrinae ac virtutis palmam aspirans, Montem Pessulanum adiit: ubi mentem litteris, bonisque moribus exco-

lens, et cuncta malorum incitamenta sedulo devitans, illibatam a quolibet inquinamento corpus et animum studiose custodivit. Cumque in scientiis et virtutibus plurimum profecisset, in patriam reversus est. Hinc a Deo vocatus, mundo, cui corde nunquam adhaeserat, nuntium remittens, Gerundae habitum Ordinis Praedicatorum suscepit. In ipso Religionis exordio mores suos ad legum praescripta exactissime composuit: eandemque vivendi rationem, quam sibi primo constituit, perseveranter usque in finem servavit.

Leccio v.

**T**ERRENA cuncta despiciens, ac sola caelestia concupiscens, ut liberior Deo posset inservire, docendi officio, quod per plures annos summa cum laude peregerat, humiliter se abdicavit. Durissimae austeritatis, ac mirabilis abstinentiae fuit. Leguminiis, herbarumque radicibus vix igni expositis, ut plurimum vescebatur; carnes vero non nisi cogente infirmitate sumebat; vino vel nunquam, vel rarissime utebatur: saepius etiam per viginti dies vel aestivo tempore ab omni potu penitus abstinebat. In oratione et meditatione diu nocturne assiduus, vigiliis ac jejuniis fatigatus, super nudam humum paululum quiescebat. Virgineam quoque carnem aspero

cilicio, et crebris flagellis ad sánguini usque effusiónem affligébat. Spíritu prophético multa futúra praedíxit. Secrétá córdium plúries penetrávit, ac inter orándum saepius in sublíme tolli visus est. Propter familiárem cum Angelo consuetúdinem, Frater cum Angelo loquens dicebátur : et qui áliqua adversitáte premebántur, quandóque caelitus móniti, ad ipsum velut ad ómnium consolatórem confluébant.

Lectio vj.

**T**EMPORALIS vitae subsidia secum, dum iter ágeret, nulla deferébat; immo et ab áliis obláta modéste recusábat, omnem spem suam in solo Dómino repónens, a quo plúries juxta indigéntiam sibi per Angelos missa sunt. Sanctae Maríae Magdalénæ, quam peculiáriter venerabátur, poeniténtiam quadántenus imitáturus, secrétum sibi atque hórridum habitáculum intra septa monastérii vivo saxo incídit, ubi per annos quátuor usque ad mortem latitávit. Hoc in ergástulo rigidióris poeniténtiae opéribus corpus in servitútem rédicens, talem actantam integritátem retínuit, ut nec carnis, nec mentis unquam sénserit corruptélam. Tandem virtútibus et méritis plenus, die vigésima quarta Septémbris, anno salútis millésimo trecentésimo quadragésimo primo, aetátis vero suae

quingagésimo, Gerúndae obdormívit in Dómino : quem vivéntem, et vita functum plúribus ferunt miráculis coruscásse. Ejus porro cultum Innocéntius Papa Décimus tértius approbávit. Ut autem festum ejus cum Offício et Missa tam in univérso Praedicatorum Ordine, quam in civitáte Gerundénsi, quae singulári ejus protectióne laetátur, atque innúmeris a Deo beneficiis ejus patrocínio in dies augétur, ac tota respectíve dioecési, ab omni ejus clero celebrarétur, Benedíctus Décimus tértius benígne concéssit.

In iij. Nocturno, Homilia in Eváng. Sint lumbi. ut in Comuni Conf. non Pont. pag. lxxj.

## DIE XXVII. SEPTEMBR.

SS. Cosmae et Damiani

Martyrum.

Simplex. Oratio.

**P**RAESTA, quaesumus omnipotens Deus : ut qui sanctórum Mártyrum tuórum Cosmae et Damiáni natalítia cólimus, a cunctis malis imminéntibus eórum intercessiónibus liberémur. Per Dóminum.

In secundo Nocturno.

*Ex S. Greg. Turon. Procopio Caesariensi, et aliis.*

Lectio iv.



**C**OSMAS et Damiánus fratres Arabes, in Aegéa urbe nati, nobiles médici, imperatoribus Diocletiano et Maxi-

miáno, non magis medicínae sciéntia, quam Christi virtúte, morbis étiam insanábilibus medebántur. Quorum religiónem cum Lysias praeféctus cognovísset, addúci eos ad se jubet, ac deos venerári, et christiánam fidem líbere praedicántibus, cruciátus, et necem acerbíssimam comminátur.

## Lectio v.

**V**ERUM ut se frustra haec illis propónere intélligit, colligátis mánibus et pédibus, torquéri, atque in profúndum mare prójici praecipit : unde cum salvi ac solúti essent egréssi, mágicis ártibus factum assígnans, eos in cárce-rem tradit; ac postrídie edúctos, in ardéntem rogum ínjecti, flam- máque ab ipsis refugiente, de- mum secúri pércuti jubet.

## Lectio vj.

**M**ULTA miracula incolis osténdunt. Nam si quis ad eórum sepúlcrum fide plen- us oráverit, statim adipíscitur medecínam sanitátis. Réferunt étiam pleríque, apparére eos per visum languéntibus, et quid fáciant, indicáre : quod cum fécerint, sani discédunt. Justiniánum imperatórem inter céteros gráviter aegrotán- tem, et jam a médis desperá- tum, per visum ei apparéntes, curásse perhibéntur.

In iij. Nocturno, Homilia in Evang. Descéndens Jesus.

ut in Communi plur. Mart pag. xlix.

## DIE XXVIII. SEPTEMBR.

S. Josephi a Cupertino  
Confessoris.

Duplex. Oratio.

**D**EUS, qui ad unigénitum Fílium tuum exaltátum a terra ómnia tráhere dispo- suísti : pérfice propítius, ut méritis et exémplo seráphici Confessóris tui Joséphi, supra terrénas omnes cupiditátes eleváti, ad eum perveníre me- reámur : Qui tecum.

Mem. S. Venceslai Mart. in j. Vesp. et Laud.

Oratio.

**D**EUS, qui beátum Ven- cesláum per martyrii palmam a terréno principátu ad caeléstem glóriam transtu- lísti : ejus précibus nos ab omni adversitáte custódi, et ejúsdem tríbue gaudére con- sórtio. Per Dóminum.

In primo Nocturno.

De Epístola secúnda beáti Pauli Apóstoli ad Corínthios.

Lectio j. Cap. 4.



**D**EUS, qui dixit de ténebris lucem splen- descere, ipse illúxit in córdibus nostris ad illuminatióem sciéntiae claritátis Dei, in fácie Christi Jesu. Habémus autem thesau-

rum istum in vasis fictilibus : ut sublimitas sit virtutis Dei, et non ex nobis. In omnibus tribulationem patimur, sed non angustiamur : aporiamur, sed non destituimur : persecutionem patimur, sed non derelinquimur : deicimur, sed non perimus : semper mortificationem Jesu in corpore nostro circumferentes, ut et vita Jesu manifestetur in corporibus nostris. Semper enim nos, qui vivimus, in mortem tradimur propter Jesum : ut et vita Jesu manifestetur in carne nostra mortali.

Lectio ij.

Cap. 5.

**S**CIMUS enim quoniam si terrestris domus nostra hujus habitationis dissolvatur, quod aedificationem ex Deo habemus, domum non manufactam, aeternam in caelis. Nam et in hoc ingemiscimus, habitationem nostram, quae de caelo est, superindui cupientes : si tamen vestiti, non nudi inveniamur. Nam et qui sumus in hoc tabernaculo, ingemiscimus gravati : eo quod nolumus exspoliari, sed supervestiri, ut absorbeatur quod mortale est, a vita. Qui autem efficit nos in hoc ipsum, Deus, qui dedit nobis pignus spiritus. Audentes igitur semper, scientes quoniam dum sumus in corpore, peregrinamur a Domino : (per fidem enim ambulamus, et non per spé-

ciem) audemus autem, et bonam voluntatem habemus magis peregrinari a corpore, et praesentes esse ad Dominum.

Lectio iij.

Cap. 12.

**S**I gloriari oportet (non expedit quidem :) veniam autem ad visiones, et revelationes Domini. Scio hominem in Christo ante annos quatuordecim, sive in corpore nescio, sive extra corpus nescio, Deus scit, raptum hujusmodi usque ad tertium caelum. Et scio hujusmodi hominem sive in corpore, sive extra corpus nescio, Deus scit : quoniam raptus est in Paradisum : et audivit arcana verba, quae non licet homini loqui. Pro hujusmodi gloriabor : pro me autem nihil gloriabor nisi in infirmitatibus meis. Nam, et si volueram gloriari, non ero insipiens : veritatem enim dicam : parco autem, ne quis me existimet supra id, quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meae angelus Satae, qui me colaphizet. Propter quod ter Dominum rogavi ut discederet a me : et dixit mihi : Sufficit tibi gratia mea : nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi.

In secundo Nocturno.

Lectio iv.



**I**OSEPHUS a Cupertino, oppido in Salentinis dioecesis Neritonensis, anno reparatae salutis millésimo sexcentésimo tertio, piis ibidem paréntibus ortus, Deique amore praeventus, pueritiam atque adolescéntiam summa cum simplicitate, morúmque innocentia transégit. A diutúrno molestoque morbo, patientissime tolerato, Deiparae Virginitis ope liberátus, se totum pietátis opéribus, ac excoléndis virtútibus dedit : utque Deo, ad majóra vocánti, se intímus conjúngeret, Ordini Seráphico nomen dare constituit. Post vários evéntus voti tandem compos factus, apud Minóres Conventuáles in coenóbio Cryptulae, inter láicos primum ob litterárum imperítiam, deínde inter cléricos divína dispositióne connumerátus est. Sacerdótio post solémnia vota initiátus, perfectius sibi vitae institútum propósuit. Quamóbrem mundánis quibuscúmque afféctibus, terrenisque rebus pene ad vitam necessariis illico a se abdicátis, cilíciis, flagéllis, caténis, omni demum asperitátum ac poenárum génere corpus afflíxit; spíritum vero sanctae oratiónis, altissimaeque contemplatiónis assiduitate dulciter enutrívit. Hinc factum est,

ut caritas Dei, quae jam erat in ejus corde a prima aetate diffúsa, miro planéque singulári modo in dies coruscáverit.

Lectio v.

**E**LUXIT praecipue ardentissima ejus caritas in extásibus ad Deum suavíssimis, stupendisque ráptibus, quibus frequénter afficiebátur. Mirum autem, quod alienato a sénsibus ánimo, statim ab éxtasi eum revocabat sola obediéntia. Hanc quippe virtutem exímio stúdio prosequébatur, dícere solitus, se ab ea véluti caecum circumdúci, et mori pótius velle, quam non obedíre. Paupertatem vero seráphici Patriarchae ita aemulátus est, ut morti próximus Praeláto suo assérere vere potúerit, se nihil habére, quod more Religiosórum resignáret. Itaque mundo sibique mórtuus, vitam Jesu manifestábat in carne sua : quae dum in alíquibus ex turpitúdine obscénium flagítium sentiébat, prodigiósum de se afflábat odórem, indícium nitidíssimae illius puritátis, quam immúndo spíritu vehementíssimis tentatiónibus frustra obnubiláre diu conánte, servávit illaesam, tum arcta sénsuum custódia, tum jugi córporis maceratióne, tum dénique speciáli protectióne puríssimae Virginitis Maríae, quam Matrem suam appelláre consuévít, ac véluti matrem dulcíssimam íntimo



cordis afféctu venerabátur, eámque ab áliis venerári exoptábat, ut cum ejúsdem patrocínio, sicut ipse aiébat, ómnia bona consequeréntur.

Lectio vj.

**H**AEC beáti Joséphi sollicitúdo a sua erga próximos caritáte prodíbat : tanto enim animárum zelo exardébat, ut ómnium salútem modis ómnibus intentíssime procuráret. Exténdens páriter caritátem suam in próximum, sive infirmum, sive páuperem, sive quacúmque ália tribulatióne vexátum, quantum in ipso erat, illum recreábat. Nec aliéni erant ab ejus caritáte, qui objurgatióibus, probris, omnísque géneris injúriis ipsum appéterent : nam eádem paciéntia, mansuetúdine, vultúsque hilaritáte tália excipiebat, qua tot inter ac tantas vicissitúdines resplénduit, dum vel moderatórum Ordinis, vel sacrae Inquisitionis jussu hac illac erráre versaríque coáctus est. Quamquam vero pópuli non solum, sed viri príncipes exímiam ejus sanctitátem, et supérna charísmata admiraréntur : ea nihilóminus erat humilitáte, ut magnum se peccatórem reputans, Deum eníxe deprecáretur, ut sua ab eo illústria dona removéret; hómines vero exoráret, ut in eum locum mórtuum ejus corpus injicerent, ubi memória sui esset prorsus oblitteráta. At

Deus, qui ponit húmiles in sublíme, quique servum suum, dum víveret, caelésti sapiéntia, prophetía, córdium perscrutatióne, curatiónum grátia, ceterisque donis cumulatíssime exornáverat, ejus quoque mortem iis, quibus ipse ántea prae-díxerat, loco ac témpore, anno aetátis suae sexagésimo primo, Auximi in Picéno pretiósam réddidit, sepulcrúmque gloriósum. Illum dénique étiam post óbitum miraculis coruscántem Benedíctus Quartusdecimus Beatórum, Clemens Tertiusdecimus Sanctórum fastis adscrípsit : ejus autem Offícium et Missam Clemens Quartusdecimus ejúsdem Ordinis, ad univérsam Ecclésiám exténdit.

In tertio Nocturno.

Lectio sancti Evangelii secundum Matthaeum.

Lectio vij.

Cap. 22.

**I**N illo témpore : Loquebátur Jesus princípibus sacerdotum, et Phariseis in parábolis, dicens : Símile factum est regnum caelórum hómini regi, qui fecit núptias filio suo. Et reliqua.

Homilía sancti Gregórii Papae.

Lib. 2. Hom. Homil. 38.  
circa medium.



**U**IA jam, largiénte Dómino, nuptiárum domum, id est, sanctam Ecclésiám intrástis, solérter, fratres, aspí-

cite, ne áliquid de mentis vestrae hábitu rex ingrédians reprehéndat. Cum magno enim cordis timóre pensándum est, quod prótinus súbditur : Intrávit autem rex ut vidéret discumbéntes, et vidit ibi hóminem non vestítum veste nuptiáli. Quid, fratres caríssimi, éxprimi per nuptiálem vestem putámus? Si enim vestem nuptiálem baptísma vel fidem dícimus : quis sine baptísmate et fide has núptias intrávit? Eo enim ipso foris est, qui necdum crédidit. Quid ergo debémus intelligere per nuptiálem vestem, nisi caritátem? Intrat enim ad núptias, sed cum nuptiáli veste non intrat, qui in sancta Ecclésia assístens fidem habet, sed caritátem non habet. Recte enim caritas nuptiális vestis vocátur, quia hanc in se Cónditor noster hábuit, dum ad sociándae sibi Ecclésiae núptias venit.

## Lectio viij.

**S**OLA quippe dilectióne Dei actum est, ut ejus Unigénitus mentes sibi electórum hóminum uníret. Unde et Joánnes dicit : Sic enim dilexit Deus mundum, ut Fílium suum unigénitum daret pro nobis. Qui ergo per caritátem venit ad hómines, eámdem caritátem innótuít vestem esse nuptiálem. Omnis ergo vestrum, qui in Ecclésia pósitus, Deo crédidit, jam ad núptias

intrávit : sed cum nuptiáli veste non venit, si caritátis grátiam non custódit. Et certe, fratres, si quis ad carnáles núptias esset invitátus, vestem mutáret, congaudére se sponso et sponsae ex ipso sui hábitus decóre osténderet; inter gaudentes, et festa celebrántes, despéctis véstibus apparére erubésceret. Nos ad Dei núptias venímus, et cordis vestem mutáre dissimulámus. Congáudent Angeli, cum ad caelum assumúntur elécti. Qua ergo mente haec spirituália festa conspícimus, qui nuptiálem vestem, id est, caritátem, quae sola nos speciósos éxhibet, non habémus?

## Lectio ix.

**S**CIENDUM vero est, quia sicut in duóbus lignis, superiori videlicet, et inferiori, vestis téxitur, ita in duóbus praecéptis caritas habétur, in dilectióne scílicet Dei, et próximi. Scriptum quippe est : Díliges Dóminum Deum tuum ex toto corde tuo, et ex tota ánima tua, et ex tota virtúte tua : et próximum tuum sicut teípsum. Qua in re notándum est, quia in dilectióne próximi mensúra amoris pónitur, cum dícitur : Díliges próximum tuum sicut teípsum. Dei autem diléctio nulla mensúra constrígitur, cum dícitur : Díliges Dóminum Deum tuum ex toto corde tuo, ex tota ánima tua, ex tota virtúte tua.

Non enim jubetur quisque quantum diligat, sed ex quanto, cum dicitur ex toto : quia ille veraciter Deum diligit, qui sibi de se nihil relinquit. Duo ergo necesse est ut caritatis praecepta custodiat, quisquis habere in nuptiis vestem nuptialem curat.

## DIE XXIX. SEPTEMBR.

## S. Michaelis

## Archangeli.

## TOTUM DUPLEX.

## AD VESPERAS.

Super Psalm. Añã. Dum committeret bellum draco cum Michaële Archángelo, audita est vox míllia míllium dicentium : Salus Deo nostro. Psalm. Laudáte púeri. cum ceteris, pag. j.

Capitulum. *Apoc. i.*



**S**IGNIFICAVIT Deus, quae oportet fieri cito, loquens per Angelum suum servo suo Joánni : qui testimonium perhibuit verbo Dei, et testimonium Jesu Christi, quaecúmque vidit.

R̃. ix. Te sanctum Dóminum. pag. 743.

Hymnus.

**M**IBI Christe, splendor Patris,  
Vita, virtus córdium,

In conspéctu Angelórum  
Votis, voce psállimus :  
Alternántes concrepádo  
Melos damus vóciбус.

Collaudámus venerántes  
Omnes caeli mílites;  
Sed praecipue primátem  
Caeléstis exércitus  
Michaélem, in virtúte  
Conteréntem Zábulum.

Quo custóde, procul pelle,  
Rex Christe píssime,  
Omne nefas inimíci  
Mundo corde, et córpore :  
Paradíso redde tuo  
Nos sola cleméntia.

Glóriam Patri melódis  
Personémus vóciбус :  
Glóriam Christo canámus,  
Glóriam Paráclito :  
Qui trinus et unus Deus  
Exstat ante saecula.

Amen.

V. Stetit Angelus juxta aram  
templi. R̃. Habens thuríbulum áureum in manu sua.

Ad Magnificat, Añã. Dum sacrum mystérium cérneret Joánnes, Archángelus Míchaël tuba cécinit : Dignus es Dómine Deus noster accípere librum, et sólvare signácula ejus, allelúia.

Oratio.

**D**EUS, qui miro órđine Angelórum ministéria, hominúmque dispénsas; concede propítius : ut a quibus tibi ministrántibus in caelo semper assístitur, ab his in terra vita nostra muniátur. Per Dóminum.

## AD MATUTINUM.

Invitatorium. Regem Angelorum Dóminum \* Veníte adorémus.

Hymnus. Tibi Christe, splendor. ut supra in Vesp.

In primo Nocturno.

Añā. Stetit Angelus.

Psalmus 5.



ERBA mea áuribus pèrcipe Dómine, \* intèllige clamórem meum.

Intènde voci oratiónis meae, \* rex meus et Deus meus.

Quóniam ad te orábo : \* Dómine mane exáudies vocem meam.

Mane astábo tibi et vidébo : \* quóniam non Deus volens iniquitátem tu es.

Neque habitábit juxta te malignus : \* neque permanébunt injústi ante óculos tuos.

Odísti omnes, qui operántur iniquitátem : \* perdes omnes, qui loquúntur mendácium.

Virum sánguinem et dolósum abominábitur Dóminus : \* ego autem in multítudine misericórdiae tuae.

Introíbo in domum tuam : \* adorábo ad templum sanctum tuum in timóre tuo.

Dómine deduc me in justítia tua : \* propter inimícos meos dírige in conspéctu tuo viam meam.

Quóniam non est in ore eórum véritas : \* cor eórum vanum est.

Sepúlcrum patens est guttur eórum, & linguis suis dolóse agébant, \* júdica illos Deus.

Décidant a cogitatióibus suis, & secúndum multítudinem impietátum eórum expélle eos, \* quóniam irritavérunt te Dómine.

Et laeténtur omnes, qui sperant in te, \* in aetérnum exsultábunt : et habitábis in eis.

Et gloriabúntur in te omnes, qui díligunt nomen tuum, \* quóniam tu benedíces justo.

Dómine, ut scuto bonae voluntátis tuae \* coronásti nos.

Añā. Stetit Angelus juxta aram templi, habens thuríbulum áureum in manu sua.

Añā. Ascéndit fumus.

Psalmus 8.

**D**OMINE Dóminus noster, \* quam admirábile est nomen tuum in univérſa terra!

Quóniam eleváta est magnificentia tua, \* super caelos.

Ex ore infántium et lacténtium perfecísti laudem propter inimícos tuos, \* ut déstruas inimícum et ultórem.

Quóniam vidébo caelos tuos ópera digitórum tuórum : \* lunam et stellas, quae tu fundásti.

Quid est homo, quod memor es ejus? \* aut fílius hómīnis, quóniam vísitas eum?

Minuísti eum paulo minus ab Angelis, & glória et honóre coronásti eum : \* et consti-

tuísti eum super ópera mánuum tuárum.

Omnia subjecísti sub pédi-  
bus ejus, \* oves et boves uni-  
vérsas : ínsuper et pécora  
campi.

Vólucres caeli, et pisces ma-  
ris, \* qui perámbulant sémitas  
maris.

Dómine Dóminus noster, \*  
quam admirábile est nomen  
tuum in univérsa terra!

Aña. Ascéndit fumus aróma-  
tum in conspéctu Dómini de  
manu Angeli.

Aña. Míchaël.

Psalmus 10.

**I**N Dómino confído : quó-  
modo dícitis ánimae  
meae : \* Trásmigra in mon-  
tem sicut passer?

Quóniam ecce peccatóres in-  
tendérunt arcum, ꝛ paravérunt  
sagíttas suas in pháretra, \* ut  
sagíttent in obscéro rectos  
corde.

Quóniam quae perfecísti,  
destruxérunt : \* justus autem  
quid fecit?

Dóminus in templo sancto  
suo, \* Dóminus in caelo sedes  
ejus :

Oculi ejus in páuperem  
respíciunt : \* pálpebrae ejus  
intérrogant filios hóminum.

Dóminus intérogat justum  
et ímpium : \* qui autem díli-  
git iniquitátem, odit ánimam  
suam.

Pluet super peccatóres lá-  
queos : \* ignis, et sulphur, et

spíritus procellárum pars cá-  
licis eórum.

Quóniam justus Dóminus  
et justítias diléxit : \* aequitá-  
tem vidit vultus ejus.

Aña. Míchaël Archángele  
veni in adjutórium pópulo  
Dei.

℣. Stetit Angelus juxta aram  
templi. R̃. Habens thuríbulum  
áureum in manu sua.

De Daniéle Prophéta.

Lectio j. *Cap. 7.*



**A**SPICIEBAM donec  
throni pósito sunt, et  
antíquus diérum se-  
dit : vestiméntum  
ejus cándidum quasi nix, et  
capílli cápitis ejus quasi lana  
munda : thronus ejus flammæ  
ignis : rotæ ejus ignis accén-  
sus. Flúvius ígneus, rapidús-  
que egrediebátur a fácie ejus.  
Míllia míllium ministrábant  
ei, et decies míllies centéna  
míllia assistébant ei : judícium  
sedet, et libri apérti sunt. Aspi-  
ciébam propter vocem sermó-  
num grándium, quos cornu  
illud loquebátur : et vidi quó-  
niam interfécta esset béstia,  
et periísset corpus ejus, et trá-  
ditum esset ad comburéndum  
igni.

R̃. Factum est siléntium in  
caelo, dum commítteret bel-  
lum draco cum Michaéle Arch-  
ángelo : audíta est vox míllia  
míllium dicéntium : Salus,  
honor, et virtus \* Omnipoténti  
Deo. ℣. Míllia míllium mini-  
strábant ei, et decies centéna

míllia assistébant ei. Omnipoténti.

De Ezechiéle Prophéta.

Lectio ij.

Cap. 28.

**H**AEC dicit Dóminus Deus : Tu signáculum similitúdinis, plenus sapiéntia, et perféctus decóre, in delíciis paradísi Dei fuísti : omnis lapis pretiósus operiméntum tuum : sárdius, topázus, et jaspis, chrysólithus, et onyx, et beryllus, sapphírus, et carbúnculus, et smarágdus : aurum opus decóris tui : et forámina tua in die, qua cónditus es, praeaparáta sunt. Tu cherub exténtus, et prótegens, et pósui te in monte sancto Dei, in médio lápidum ignitórum ambulásti. Perféctus in viis tuis a die conditionis tuae.

R. Stetit Angelus juxta aram templi, habens thuríbulum áureum in manu sua : et data sunt ei incénsa multa.

\* Et ascéndit fumus arómatum de manu Angeli in conspéctu Dómini. V. Factum est siléntium in caelo : et accépit Angelus thuríbulum, et implévit illud de igne altáris. Et ascéndit.

De libro Apocalypsis beáti Joánnis Apóstoli.

Lectio iij.

Cap. 12.

**E**T factum est proelium magnum in caelo : Míchaél, et Angeli ejus proeliabántur cum draconé, et draco pugnábat, et ángeli ejus : et non valuérunt, neque locus

invéntus est eórum ámplius in caelo. Et proyéctus est draco ille magnus, serpens antíquus, qui vocátur diábolus, et sátnas, qui sedúcit univérsum orbem : et proyéctus est in terram, et ángeli ejus cum illo missi sunt. Et audívi vocem magnam in caelo dicéntem : Nunc facta est salus, et virtus, et regnum Dei nostri, et potéstas Christi ejus : quia proyéctus est accusátor fratrum nostrórum, qui accusábat illos ante conspéctum Dei nostri die ac nocte.

R. Hic est Míchaél Archángelus, princeps milítiae Angelórum : \* Cujus honor praestat benefícia populórum, Et orátio perdúcit ad regna caelórum. V. Archángele Christi, per grátiam, quam meruísti, te deprecámur, ut erípias nos a láqueo mortis. Cujus. Glória Patri. Et.

In secundo Nocturno.

Aña. Míchaél.

Psalmus 14.



**D**OMINE quis habitabit in tabernáculo tuo? \* aut quis requiescet in monte sancto tuo?

Qui ingreditur sine mácula, \* et operátur justítiam :

Qui lóquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non acépit advérsus próximos suos.

Ad níhilum dedúctus est in conspéctu ejus malignus : \* timéntes autem Dóminum gloriícat :

Qui jurat próximo suo, et non decipit, ꝛ qui pecúniám suam non dedit ad usúram, \* et múnera super innocentem non accépit.

Qui facit haec, \* non movébitur in aetérnum.

Añā. Michaël praepósitus paradísi, quem honoríficant Angelórum cives.

Añā. Gloriósus.

Psalmus 29.

**E**XALTABO te Dómine quóniam suscepísti me : \* nec delectásti inimícos meos super me.

Dómine Deus meus clamávi ad te, \* et sanásti me.

Dómine eduxísti ab inférno ánimam meam : \* salvásti me a descendéntibus in lacum.

Psállite Dómino sancti ejus : \* et confitémini memóriæ sanctitátis ejus.

Quóniam ira in indignatióne ejus : \* et vita in voluntáte ejus.

Ad vésperum demorábitur fletus : \* et ad matutínium laetítia.

Ego autem dixi in abundántia mea : \* Non movébor in aetérnum.

Dómine in voluntáte tua, \* praestitísti decóri meo virtútem.

Avertísti faciém tuam a me, \* et factus sum conturbátus.

Ad te Dómine clamábo : \* et ad Deum meum deprecábor.

Quae utilitas in sángine meo, \* dum descéndo in corruptiódinem?

Numquid confitébitur tibi pulvis, \* aut annuntiábit veritátem tuam?

Audívit Dóminus, et misértus est mei : \* Dóminus factus est adjútor meus.

Convertísti planctum meum in gáudium mihi : \* conscidísti saccum meum, et circumdedísti me laetítia :

Ut cantet tibi glória mea, et non compúngar : \* Dómine Deus meus in aetérnum confitébor tibi.

Añā. Gloriósus apparuísti in conspéctu Dómini : proptérea decórem induit te Dóminus.

Añā. Angelus.

Psalmus 46.

**O**MNES gentes pláudite mánibus : \* jubiláte Deo in voce exsultatiónis.

Quóniam Dóminus excélsus, terríbilis : \* Rex magnus super omnem terram.

Subjécit pópulos nobis : \* et gentes sub pédibus nostris.

Elégit nobis hereditátem suam : \* spéciem Jacob, quam diléxit.

Ascéndit Deus in júbilo : \* et Dóminus in voce tubae.

Psállite Deo nostro, psállite : \* psállite Regi nostro, psállite.

Quóniam Rex omnis terrae Deus : \* psállite sapiénter.

Regnabit Deus super gentes : \* Deus sedet super sedem sanctam suam.

Príncipes populórum congregáti sunt cum Deo Abraham : \* quóniam dii fortes terrae, veheménter eleváti sunt.

Añā. Angelus Archángelus Míchaël, Dei nún-tius pro animábus justis suscipiéndis.

V. Ascéndit fumus arómatum in conspéctu Dómini. R. De manu Angeli.

Sermo sancti Gregórii Papae. *Hom. 34. in Evang. ante med.*

Lectio iv.



**O**VE M Angelórum órdenes esse, testánte sacro elóquio, sci-mus : Angelos, Arch-ángelos, Virtútes, Potestátes, Principátus, Dominationes, Thronos, Chérubim, atque Séraphim. Esse namque Angelos et Archángelos, pene omnes sacri elóquii páginae testántur. Chérubim vero atque Séraphim saepe, ut notum est, libri Prophetárum loquúntur. Quátuor quoque ór-dinum nómina Paulus Apóstolus ad Ephésios enúmerat, dicens : Supra omnem Principátum, et Potestátem, et Virtútem, et Dominationem.

R. Venit Míchaël Archángelus cum multitudíne Angelórum, cui trádedit Deus ánimas sanctórum : \* Ut perdúcat eas in paradísum exsultatiónis. V. Data est potéstas Archángelo Michaéli super ánimas sanctórum. Ut perdúcat.

Lectio v.

**Q**UI rursus ad Colossénses scribens, ait : Sive Throni, sive Dominationes, sive Principátus, sive Potestátes. Dum ergo illis quátuor, quae ad Ephésios dixit, conjungúntur Throni, quinque sunt ór-dines : quibus dum Angeli, et Archángeli, Chérubim, atque Séraphim adjúnc-ti sunt, proculdúbio novem esse Angelórum órdenes inveniúntur. Sciéndum quoque, quod Angelórum vocábulum nomen est officii, non natúrae. Nam sancti illi caeléstis pátriae spíritus semper quidem sunt spíritus, sed semper vocári Angeli nequáquam possunt : quia tunc solum sunt Angeli, cum per eos áliqua nuntiántur.

R. Archángeli Michaélis interventiône suffúl-ti, te Dómine deprecámur, \* Ut quos honóre proséquimur, contingámus et mente. V. Perpétuum nobis, Dómine, tuae miseratiónis praesta subsidium, quibus et angélica praestitísti suffrágia non deesse. Ut quos.

Lectio vj.

**H**I autem, qui mínima nún-tiant, Angeli : qui vero summa, Archángeli vocántur. Hinc est enim, quod ad Mariám Vírginem non quilibet Angelus, sed Gábriel Archángelus míttitur. Ad hoc quippe ministérium, summum Angelum veníre dignum fúerat, qui summum ómnium nuntiábat.



Qui idcirco étiam privátis nominibus censéntur, ut signétur per vocábula, étiam in operatióne quid váleant. Míchaël namque, Quis ut Deus: Gábriel autem, Fortitúdo Dei: Ráphaël vero dícitur Medicína Dei. Et quóties mirae virtútis áliquíd ágitur, Míchaël mitti perhibétur.

R. Fidélis sermo, et omni acceptióne dignus: Míchaël Archángelus pugnávit cum diábolo: \* Grátia Dei ille victor in caelis éxstitit, Et illi hosti antiquo páuit ruína magna. V. Gaudent Angeli, laetántur Archángeli, et colláudant in caelis Fílium Dei. Grátia Dei. Glória Patri. Et illi.

In tertio Nocturno.

Añã. Concússum est.

Psalmus 96.



DOMINUS regnávit, exsúltet terra: \* laeténtur ínsulae multae.

Nubes, et calígo in circúitu ejus: \* justítia, et judícium corréctio sedis ejus.

Ignis ante ipsum praecedet, \* et inflammábit in circúitu inimícos ejus.

Illuxérunt fúlgura ejus orbi terrae: \* vidit, et commóta est terra.

Montes, sicut cera fluxérunt a fácie Dómini: \* a fácie Dómini omnis terra.

Annuntiavérunt caeli justítiam ejus: \* et vidérunt omnes pópuli glóriam ejus.

Confundántur omnes, qui adorant sculptília: \* et qui gloriántur in simulácris suis.

Adoráte eum omnes Angeli ejus: \* audívit, et laetáta est Sion.

Et exsultavérunt fíliae Judae, \* propter judícia tua Dómine:

Quóniam tu Dóminus altíssimus super omnem terram: \* nimis exaltátus es super omnes deos.

Qui dilígitis Dóminum, odíte malum: \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde laetítia.

Laetámini justí in Dómino: \* et confitémini memóriæ sanctificatiónis ejus.

Añã. Concússum est mare, et contrémuit terra, ubi Archángelus Míchaël descendébat de caelo.

Añã. Data sunt.

Psalmus 98.

DOMINUS regnávit, irascántur pópuli: \* qui sedet super Chérubim, moveátur terra.

Dóminus in Sion magnus: \* et excélsus super omnes pópulos.

Confiteántur nómini tuo magno: ꝫ quóniam terríbile, et sanctum est: \* et honor regis judícium díligit.

Tu parásti directiões : \*  
judícium et justítiam in Jacob  
tu fecísti.

Exaltáte Dóminum Deum  
nostrum, ⁊ et adoráte scabél-  
lum pedum ejus : \* quóniam  
sanctum est.

Móyses, et Aaron in sacer-  
dótibus ejus : \* et Sámuel in-  
ter eos, qui ínvocant nomen  
ejus :

Invocábant Dóminum, et  
ipse exaudiébat eos : \* in co-  
lúmna nubes loquebátur ad  
eos.

Custodiébant testimónia  
ejus, \* et praeceptum quod  
dedit illis.

Dómine Deus noster tu ex-  
audiébas eos : \* Deus tu pro-  
pítius fuísti eis, et ulciscens in  
omnes adinventiões eórum.

Exaltáte Dóminum Deum  
nostrum, ⁊ et adoráte in monte  
sancto ejus : \* quóniam san-  
ctus Dóminus Deus noster.

Aññ. Data sunt ei incénsa  
multa, ut adoléret ea ante  
altáre áureum, quod est ante  
óculos Dómini.

Aññ. Laudémus.

Psalmus 102.

**B**ENEDIC ánima mea Dó-  
mino : \* et ómnia, quae  
intra me sunt, nómini sancto  
ejus.

Benedic ánima mea Dómi-  
no : \* et noli oblivísci omnes  
retributiões ejus :

Qui propitiátur ómnibus  
iniquitatibus tuis : \* qui sanat  
omnes infirmitates tuas.

Qui rédimit de intéritu vi-  
tam tuam : \* qui coronat te  
in misericórdia et miseratió-  
nibus.

Qui replet in bonis desidé-  
rium tuum : \* renovábitur ut  
áquilae juvéntus tua :

Fáciens misericórdias Dó-  
minus : \* et judícium ómnibus  
injúriam patiéntibus.

Notas fecit vias suas Móysi, \*  
filiis Israël voluntates suas.

Miserátor, et miséricors Dó-  
minus : \* longánimis, et mul-  
tum miséricors.

Non in perpétuum irascé-  
tur : \* neque in aetérnum com-  
minábitur.

Non secúndum peccáta  
nostra fecit nobis : \* neque  
secúndum iniquitates nostras  
retribuit nobis.

Quóniam secúndum altitú-  
dinem caeli a terra : \* corro-  
borávit misericórdiam suam  
super timéntes se.

Quantum distat ortus ab  
occidente : \* longe fecit a nobis  
iniquitates nostras.

Quómodo miserétur pater  
filiórum, ⁊ misértus est Dó-  
minus timéntibus se : \* quó-  
niam ipse cognóvit figméntum  
nostrum.

Recordátus est quóniam  
pulvis sumus : ⁊ homo, sicut  
foenum dies ejus, \* tamquam  
flos agri sic efflorébit.

Quóniam spíritus pertrans-  
íbit in illo, et non subsístet : \*  
et non cognóscet ámplius lo-  
cum suum.

Misericórdia autem Dómini ab aetérno, \* et usque in aetérnum super timéntes eum.

Et justítia illíus in filios filiórum, \* his qui servant testaméntum ejus :

Et mémoires sunt mandatórum ipsíus, \* ad faciéndum ea.

Dóminus in caelo parávit sedem suam : \* et regnum ipsíus ómnibus dominábitur.

Benedícite Dómino omnes Angeli ejus : \* poténtes virtúte, faciéntes verbum illíus, ad audiéndam vocem sermónum ejus.

Benedícite Dómino omnes virtútes ejus : \* minístri ejus, qui fácitis voluntátem ejus.

Benedícite Dómino ómnia ópera ejus : \* in omni loco dominationis ejus, benedic ánima mea Dómino.

Aña. Laudémus Dóminum, quem laudant Angeli, cui Chérubim et Séraphim Sanctus, Sanctus, Sanctus proclamant.

℟. In conspéctu Angelórum psallam tibi, Deus meus. ℞. Adorábo ad templum sanctum tuum, et confitébor nómini tuo.

Léctio sancti Evangélíi secúndum Matthaeum.

Lectio vij. Cap. 18.

**I**N illo témpore : Accessérunt discípuli ad Jesum, dicéntes : Quis putas, major est in regno caelórum? Et réliqua.

Homilía sancti Hierónymi Presbyteri.

Lib. 3. Comm. in c. 18. Matth.



**D**OST invéntum statérem, post tribúta rédita, quid sibi vult Apostolórum repentina interrogátio, Quis putas, major est in regno caelórum? Quia víderant pro Petro et Dómino idem tribútum rédítum, ex aequalitáte prétéii arbitrátí sunt Petrum ómnibus Apóstolis esse praelátum, qui in redditióne tribúti Dómino fúerat comparátus : ideo intérogant, quis major sit in regno caelórum?

℞. In conspéctu géntium nolíte timére : vos enim in córdibus vestris adoráte, et timéte Dóminum : \* Angelus enim ejus vobíscum est. ℣. Cantáte ei cánticum novum : bene psállite ei in vociferatióne. Angelus.

Lectio viij.

**N**ISI efficiámini sicut párvuli, non intrábitis in regnum caelórum. Non prae-cípitur Apóstolis, ut aetátem hábeant parvulórum, sed ut innocentiam : et quod illi per annos pössident, hi possídeant per indústriam : ut malítia, non sapiéntia párvuli sint. Quicúmque ergo humiliáverit se sicut párvulus iste, hic est major in regno caelórum. Sicut. iste párvulus (cujus vobis exémpulum tríbuo) non perseverát in

iracúndia, non laesus méminit, non videns pulcrā mulierem delectátur, non áliud cógitat, et áliud lóquitur : sic et vos, nisi talem habuéritis innocéntiam, et ánimi puritátem, non potéritis regnum caelórum intráre.

R̃. In conspéctu Angelórum psallam tibi, et adorábo ad templum sanctum tuum, \* Et confitébor nómini tuo Dómine. Ṽ. Deus meus es tu, et confitébor tibi : Deus meus es tu, et exaltábo te. Et confitébor.

## Lectio ix.

**V**IDETE ne contemnátis unum ex his pusíllis : quia Angeli eórum in caelis semper vident fáciem Patris mei. Magna dígnitas animárum, ut unaquaeque hábeat ab ortu nativitátis in custódiam sui Angelum delegátum. Unde légimus in Apocalypsi Joánnis: Angelo Ephesi, et reliquárum Ecclesiárum scribe haec. Apóstolus quoque praecipit, velári cápita feminárum in Ecclésiis propter Angelos.

R̃. Te sanctum Dóminum in excélsis laudant omnes Angeli, dicéntes : \* Te decet laus, Et honor, Dómine. Ṽ. Chérubim quoque et Séraphim Sanctus proclámant, et omnis caelicus ordo, dicéntes. Te decet. Glória Patri. Et.

Ante Laudes, Ṽ. Gloriósus apparuísti in conspéctu Dó-

mini. R̃. Proptérea decórem induit te Dóminus.

## IN LAUDIBUS.

Añā. Dum proeliarétur Míchaël Archángelus cum dracóne, audíta est vox dicéntium : Salus Deo nostro, allelúia. Psalmus. Dóminus regnávít. cum ceteris, pag. xj.

Añā. Dum commítteret bellum draco cum Michaéle Archángelo, audíta est vox míllia míllium dicéntium : Salus Deo nostro.

Añā. Archángele Míchaël, constítui te príncipem super omnes ánimas suscipiéndas.

Añā. Angeli Dómini Dóminum benedícite in aetérnum.

Añā. Angeli, Archángeli, Throni, et Dominationes, Principátus, et Potestátes, Virtútes caelórum, laudáte Dóminum de caelis, allelúia.

Capit. Significávit. ut supra in Vesperis, pag. 734.

## Hymnus.

**C**HRISTE, sanctórum decus Angelórum, Auctór humáni géneris, et rector, Nobis aetérnum tríbue benígnus

Scándere caelum.

Angelum pacis Míchaël ad istam

Caelitus mitti rogítamus aulam :

Nobis ut crebro veniénte crescant

Próspera cuncta.

Angelus fortis Gábríel, ut  
hostem  
Pellat antíquum, vólitet ab  
alto,  
Saepius templum véniens ad  
istud

Vísere nostrum.

Angelum nobis medicum  
salútis

Mitte de caelis Ráphaël, ut  
omnes

Sanet aegrótos, paritérque  
nostros

Dírigat actus.

Hinc Dei nostri Génitrix  
María,

Totus et nobis chorus Ange-  
lórum

Semper assístat, simul et  
beáta

Cóncio tota.

Praestet hoc nobis Déitas  
beáta

Patris, ac Nati, paritérque  
sancti

Spíritus, cujus réboat in omni  
Glória mundo.

Amen.

V. Adoráte Deum. R. Omnes  
Angeli ejus.

Ad Benedictus, Añá. Factum  
est siléntium in caelo, dum  
draco committeret bellum : et  
Míchaël pugnávit cum eo, et  
fecit victóriam, allelúia.

#### AD TERTIAM.

Capitulum. Significávit. ut  
supra, pag. 734.

R. Stetit Angelus juxta  
aram templi, \* Allelúia, alle-  
lúia. Stetit. V. Habens thurí-

bulum áureum in manu sua.  
Allelúia. Glória Patri. Stetit.

V. Ascéndit fumus aróma-  
tum in conspéctu Dómini.  
R. De manu Angeli.

#### AD SEXTAM.

Capitulum. *Apoc. 12.*

**F**ACTUM est proelium  
magnum in caelo : Mí-  
chaël, et Angeli ejus proelia-  
bántur cum dracóne, et draco  
pugnábat, et ángeli ejus : et  
non praevaluérunt, neque locus  
inventus est eórum ámplius  
in caelo.

R. Ascéndit fumus aróma-  
tum in conspéctu Dómini,  
\* Allelúia, allelúia. Ascéndit.  
V. De manu Angeli. Allelúia.  
Glória Patri. Ascéndit.

V. In conspéctu Angeló-  
rum psallam tibi, Deus meus.  
R. Adorábo ad templum san-  
ctum tuum, et confitébor nó-  
mini tuo.

#### AD NONAM.

Capitulum. *Apoc. 5.*

**A**UDIVI vocem Angeló-  
rum multórum in cir-  
cúitu throni, et animálium, et  
seniórum : et erat númerus  
eórum míllia míllium, voce  
magna dicéntium : Salus Deo  
nostro.

R. In conspéctu Angeló-  
rum psallam tibi, Deus meus,  
\* Allelúia, allelúia. In conspé-  
ctu. V. Adorábo ad templum  
sanctum tuum, et confitébor  
nómini tuo. Allelúia. Glória  
Patri. In conspéctu.

V. Adoráte Deum. R. Omnes Angeli ejus.

## AD VESPERAS.

Super Psalm. Añā. Dum proeliarétur. j. Laudum. Psalmi de Dominica, pag. 89. et loco ultimi, Psalm. 137. Confitebor tibi. pag. 109.

Capitulum, Hymnus et V. ut in j. Vesperis.

Ad Magnificat, Añā. Arch-ángeli Michaélis interventióne suffúlti, te Dómine deprecámur, ut quos honóre proséquimur, contingámus et mente, allelúia.

Infra Octavam ad Benedictus, et ad Magnificat, Añāe ut in die.

Infra Oct. quando dicitur in Matutino, Añā. Stetit Angelus. dicatur V. Ascéndit fumus. et e converso.

## DIE XXX. SEPTEMBR.

S. Hieronymi Presbyt. Conf. ac Doct. Eccl.  
Totum Duplex.

## Oratio.

**D**EUS, qui Ecclesiæ tuæ in exponendis sacris Scriptúris beátum Hierónymum Confessórem tuum, Doctórem máximum providére dignátus es : praesta quaesumus, ut ejus suffragántibus méritis, quod ore simul et ópere dócuit, te adjuvánte, exercére valeámus. Per Dóminum.

In primo Nocturno.

De libro Job.

Lectio j.

Cap. 28.



**A**B E T argéntum, venárum suárum princípia : et auro locus est, in quo conflátur. Ferrum de terra tóllitur : et lapis solútus calóre, in aes vértitur. Tempus pósuit ténebris, et universórum finem ipse consíderat, lápidem quoque calígini, et umbram mortis. Dívidit torrens a pópulo peregrinánte, eos, quos oblítus est pes egéntis hóminis, et invios. Terra, de qua oriebátur panis in loco suo, igni subvérsa est. Locus sapphíri lápides ejus, et glebae illús aurum.

Lectio ij.

**S**EMITAM ignorávit avis, nec intúitus est eam óculus vúlturis. Non calcavérunt eam filii institórum, nec pertransívit per eam leaena. Ad sílicem exténdit manum suam, subvértit a radícibus montes. In petris rivos excídit, et omne pretiósum vidit óculus ejus. Profúnda quoque fluviórum scrutátus est, et abscondita in lucem produxit.

Lectio iij.

**S**APIENTIA vero ubi invenítur? et quis est locus intelligéntiae? Nescit homo pretium ejus, nec invenítur in terra suáviter vivéntium. Abyssus dicit : Non est

in me : et mare loquitur : Non est mecum. Non dabitur aurum obrizum pro ea, nec appendetur argentum in commutatione ejus. Non conferetur tinctis Indiae coloribus, nec lapidi sardonycho pretiosissimo, vel sapphiro. Non adaequabitur ei aurum vel vitrum, nec commutabuntur pro ea vasa auri.

In secundo Nocturno.

*Partim ex ipso S. Hier.  
partim ex gravissimis Script.*

Lectio iv.



**H**IERONYMUS, Eusebii filius, Stridone in Dalmatia natus, Romae adolescens baptizatus est, et in liberalibus disciplinis a doctissimis viris eruditus. Tum discendi studio Galliam peragravit, ubi pios aliquot, et in divinis litteris eruditos viros coluit. Mox Thraciam, Pontum, Bithyniam, Galatiam, Cappadociam lustrans, per Ciliciam in Syriam descendit : ubi in ea eremi parte, quae inter Syros et Saracenos vastum litem ducit, monachi institutum ardenti studio exercuit. Presbyter a Paulino Episcopo Antiochiae factus, Constantinopolim profectus, Gregorio Nazianzeno doctore, sacras litteras didicit.

Lectio v.

**E**LAPSI aliquot annis, cum sanctis Episcopis Paulino et Epiphanio Romam

venit, ubi Damasus Pontifici ab epistolis fuit. Verum pristinae solitudinis ardore succensus, in Orientem reversus, Bethlehem ad Christi Domini praesepem, in monasterio, quod a Paula Romana exstructum erat, caelestem quamdam vitae rationem instituit. Ad ipsum, uti ad oraculum, ex omnibus terrae partibus Scripturae sacrae quaestiones explicandae referebantur. Latine, Graece, Hebraice, et Chaldaice peritus, omnes pene scriptores legit, infatigabili studio in legendo ac scribendo perpetuo usus.

Lectio vj.

**H**AERETICOS acerrimis libris exagitavit. Vetus Testamentum ex Hebraeo convertit. Novum jussu Damasi Graecae fidei reddidit, magna etiam ex parte explicavit. Multa praeterea Latine reddidit scripta virorum doctorum, et ipse aliis proprii ingenii monumentis Ecclesiam illustravit. Ac demum, fracta laboribus, morbis, ac studiis senectute, Honorio imperante, ad aeternam felicitatem commigravit. Hujus egregias laudes, cum omnes sint admirati, potissimum sanctus Augustinus non semel magnifice praedicavit : quem ab Oriente usque ad Occidentem instar lampadis resplenduisse commemorat.

In iij. Nocturno, Homilia in Evang. Vos estis sal terrae. ut in Comm. Doct. pag. lxij.



—✠— DOMINICA PRIMA OCTOBRIS. —✠—

## In Festo SS. Rosarii B. M. V.

—✠—✠— TOTUM DUPLEX. —✠—✠—

### AD VESPERAS.

Super Psalm. Aña. Haec est Regina Virginum, quae genuit Regem, velut rosa decora : Virgo Dei genitrix, per quam reperimus Deum, et hominem : alma Virgo intercede pro nobis omnibus. Psalmus. Laudate pueri. cum ceteris, pag.-j.

Capitulum. *Eccli. 39.*



**B**AUDITE me divini fructus, et quasi rosa plantata super rivos aquarum fructificate. Quasi Libanus odorem suavitatis habete.

R. j. Sumite psalterium. pag. 749.

### Hymnus.

**C**AELESTIS aulae nuntius,  
Arcana pandens Numinis,  
Plenam salutat gratia  
Dei parentem Virginem.

Virgo propinquam sanguine  
Matrem Joannis visitat,  
Qui clausus alvo gestiens,  
Adesse Christum nuntiat.

Verbum, quod ante saecula  
E mente Patris prodiit,  
E Matris alvo virginis  
Mortalis infans nascitur.

Templo puellus sistitur,  
Legique paret Legifer :  
Hic se Redemptor, paupere  
Pretio redemptus, immolat.

Quem jam dolébat pérdi-  
tum,  
Mox laeta Mater invenit,



Ignóta doctis méntibus  
Edisseréntem Fílium.

Sit Trinitáti glória,  
Quae sacra per mystéria  
Orántibus det grátiam,  
Qua consequántur glóriam.

Amen.

V. Regína sacratíssimi Rosárii ora pro nobis. R. Ut digni efficiámur promissionibus Christi.

Ad Magnificat, Añá. Speciosa facta est, et suávis in delíciis virginitátis, sancta Dei Génitrix : quam vidéntes fíliae Sion vernántem in flóribus rosárum, et líliis convállium, beatíssimam praedicavérunt, et regínae laudavérunt eam.

Oratio.

**D**EUS, cujus Unigénitus per vitam, mortem, et resurrectionem suam nobis salutis aetérnae praemia comparávit : concéde quaesumus, ut haec mystéria sanctíssimo Rosário beatae Maríae Vírginis recoléntes, et imitémur quod cóntinent, et quod promíttunt assequámur. Per eúmdem Dóminum.

Ad Completorium, super Psalm. Añá. Virgo María. ut in Nativitate B. M. V. p. 685.

Ad Nunc dimittis, Añá. Corde et ánimo. ibid.

Praedictae Añae dicantur ad Complet. per totam Octavam, etiam in festis Sanctorum.

Pari modo duae Strophae Maríae mater grátiae. et Glória

tibi Dómine. dicantur per Oct. in fine omnium Hymnorum ejusdem metri (exceptis propriis Rosarii) nisi aliter notetur.

AD MATUTINUM.

Invitatorium. Solemnitátem Rosárii Vírginis Maríae celebremus : \* Christum ejus Fílium adorémus Dóminum.

Hymnus.

**I**N monte olívis cónsito  
Redémptor orans, prócidit,  
Moeret, pavéscit, déficit,  
Sudóre manans sánguinis.

A proditóre tráditus,  
Raptátur in poenas Deus,  
Durisque vinctus nexibus,  
Flagris cruéntis caeditur.

Intéxta acútis séntibus,  
Coróna contuméliae,  
Squalénti amíctum púrpura,  
Regem coronat glóriae.

Molis crucem ter árduae,  
Sudans, anhélans, cóncidens,  
Ad montis usque vérticem  
Gestáre vi compéllitur.

Confíxus atro stípíte  
Inter sceléstos ínnocens,  
Orándo pro tortóribus,  
Exsánguis efflat spíritum.

Sit Trinitáti glória. etc. ut supra, in Vesperis.

In primo Nocturno.

Añá. Angelus Gábriel nuntiávit Maríae, et concépit de Spíritu sancto. Psalmi de Comuni Virg. pag. lxxj.

Añá. Intrávit María in domum Zacharía, et salutávit Elísabeth.

Añā. Péperit fílium suum primogénitum, et reclinávit eum in praesépio.

V. Sancta Dei Génitrix, virgo semper María. R. Intercede pro nobis ad Dóminum Deum nostrum.

De libro Ecclesiástici.

Lectio i.

Cap. 24.



N omnibus réquiem quaesívi, et in hereditáte Dómini morábor. Tunc praecépít, et dixit mihi Creátor ómnium : et qui creávit me, requiévít in tabernáculo meo, et dixit mihi : In Jacob inhábíta, et in Israël hereditáre, et in eléctis meis mitte radíces. Ab inítio, et ante saecula creáta sum, et usque ad futúrum saeculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiéví, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenítudine sanctórum deténtio mea.

R. Súmite psaltérium jucúndum, in insígni die solemnitátis vestrae : \* Et exsultáte Virgini adjutríci nostrae. V. Cantáte ei cánticum novum : annuntiáte inter gentes glóriam ejus. Et exsultáte.

Lectio ij.

Q UASI cedrus exaltáta sum in Líbano, et quasi cypréssus in monte Sion :

quasi palma exaltáta sum in Cades, et quasi plantátio rosae in Jéricho : quasi olíva speciósas in campis, et quasi plátanus exaltáta sum juxta aquam in platéis. Sicut cinnamómum, et bálsamum aromatízans odórem dedi : quasi myrrha elécta dedi suavitátem odóris : et quasi storax, et gálbanus, et úngula, et gutta, et quasi Líbanus non incísus vaporávi habitatióne meam, et quasi bálsamum non mistum odor meus. Ego quasi terebínthus exténdi ramos meos, et rami mei honóris et grátiae.

R. Vidi speciósam ascendéntem désuper rivos aquárum, cujus inaestimábilis odor erat nimis : \* Et sicut dies verni circúmdabant eam flores rosárum, et lília convállium. V. Astitit regína a dextris tuis in vestítu deauráto : circúmdata varietáte. Et sicut.

Lectio iij.

E GO mater pulcrae dilectiónis, et timóris, et agnitiónis, et sanctae spei. In me grátia omnis viae et veritátis, in me omnis spes vitae et virtútis. Transíte ad me omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes saeculórum. Qui edunt me, adhuc esúrient : et qui bibunt me, adhuc sítient.

Qui audit me, non confundetur : et qui operantur in me, non peccabunt. Qui elúcidant me, vitam aetérnam habébunt.

R. Quae est ista, quae processit sicut sol, et formósa tamquam Jerúsalem? Vidérunt eam fíliae Sion, et beátam dixerunt : \* Et regínae laudavérunt eam. V. Et sicut dies verni circúmdabant eam flores rosárum, et lília convállium. Et regínae. Glória Patri. Et regínae.

In secundo Nocturno.

Añá. Cum indúcerent Jesum paréntes ejus, ut sísterent eum Dómino : Símeon accépit eum in ulnas suas, et benedíxit Deum.

Añá. Requirentes Jesum paréntes ejus, invenérunt illum post tríduum in médio doctórum.

Añá. Coepit contristári, et factus est sudor ejus in horto, sicut guttae sanguínis.

V. Post partum virgo invioláta permansísti. R. Dei Génitrix intercède pro nobis.

Lectio iv.

**C**UM Albigénsium haeresis, sacrosánctae Matris Dei dignitati potíssimum infésta, in regione Tolosátium ímpie grassaréetur, beatíssimus Pater Domínicus, qui eo témpore Praedicatórum Ordinis fundaménta jecit, in eam haeresim debellándam totus incúmbens,

ob idque beatíssimam Vírginem assíduis précibus interpellans, ab ipsa monétur, ut Rosárium omni mentis fervóre praedicet, velut singuláre ad everténdas haereses, et vítia exstinguénda praesídium. Coepit ergo deinceps incredíbili cum animárum fructu saluberrimum Rosárii institútum per beátum Domínicum promulgári : quem ejus auctórem fuisse, Leo Décimus, Pius Quintus, Gregórius Tertiusdecimus, et Sixtus Quintus Apostólicis diplomátibus profiténtur.

R. Tu glória Jerúsalem, tu laetítia Israël, tu honorificéntia pópuli nostri : fecísti viríliter : \* Quia cunctas haereses sola interemísti. V. Pulcra es et decóra, terríbilis ut castrórum ácies ordináta. Quia.

Lectio v.

**E**ST autem Rosárium, sive Psaltérium, sacra quaedam fórmula precándi Deum in honórem beatae Maríae : qua per quíndecim salutatiónis angélicae décadas, interjécta singulis oratióne Domínica, quíndecim praecípua redemptiόνis humánae mystéria piis meditatióibus percenséntur. Inter innúmeros porro ejus fructus mérito navális ea víctória celebrátur, quam anno Dómini millésimo quingentésimo septuagésimo primo, die séptima Octóbris, quae Domínica fuit, ad Naupáctum Achái-

ci sinus de Turcárum classe longe potentióri, christiáni príncipes reportárunť. Nam cum eo die sodalitátes Rosárii sólitas preces ac processiónes habérent, eas pie crédito est pro christiána classe plúrimum profúisse.

R̃. Dóxtera tua magnificáta est in fortitúdine, dóxtera tua confrégit inimícos: \* Submérsi sunt in aquis veheméntibus, et opéruit eos mare. V. Benedíxit te Dóminus in virtúte sua, quia per te ad níhilum redégit inimícos nostros. Submérsi.

Lectio vj.

**I**LLUD étiam ipsum Gregórius Tertiusdécimus lítteris Apostólicis apérte testátus est. Quocírca Clemens Octávus Apostólica auctoritáte confirmandum festum Rosárii, Domínica prima Octóbris ab eódem Gregório proptérea institútum, públicis Ecclésiae tábulis haec inscribéndá praecepit: Die séptima Octóbris, Commemorátio sanctae Mariáe de Victória, quam Pius Quintus Póntifex Máximus ob insígnem victóriam a Christiánis bello naváli, ejúsdem Dei Genitrícis auxílio, hac ipsa die de Turcis reportátam, quotánnis fíeri instituit: et Gregórius Tertiusdécimus, prima hujus mensis Domínica die, ánnuam solemnitátem Rosárii ejúsdem beatíssimae Vírginis celebrándam decrevit.

R̃. Signum magnum appáruit in caelo: Múlier amícta sole, et luna sub pédibus ejus, \* Et in cápite ejus coróna stel-lárum duódecim. V. Dábitur cápiti tuo augméntum gratiárum, et coróna ínclýta próteget te. Et in cápite. Glória Patri. Et.

In tertio Nocturno.

Añá. Apprehéndit Pilátus Jesum, et flagellávit.

Añá. Mílites plecténtes corónam de spinis, imposuérunt super caput ejus.

Añá. Crucis impérium super húmerum ejus: regnávit a ligno Deus.

V. Speciósá facta es, et suávis. R̃. In delíciis tuis, sancta Dei Génitrix.

Léctio sancti Evangélii secúndum Lucam.

Lectio vij.

Cap. i.

**I**N illo témpore: Missus est Angelus Gábriel a Deo in civitátem Galilaeae, cui nomen Názareth, ad vírginem desponsátam viro, cui nomen erat Joseph, de domo David, et nomen vírginis Mariá. Et reliqua.

Homilía sancti Bernárdi Abbátis.

Sermo de S. Maria.



D commendatióem grátiae suae, et ad destructiόem húmánae sapiéntiae, Deus de fémina, sed vírgine,

dignátus est carnem assúmere, ut símilem símili rédderet, contrárium contrário curáret, pestíferam spinam evélleret, peccáti chirógraphum potentíssime deléret. Heva spina fuit, María rosa éxstitit. Heva spina vulnerádo, María rosa ómnium afféctus mulcéndo. Heva spina infígens ómnibus mortem, María rosa reddens salutíferam ómnibus sortem. María rosa fuit cándida per virginitátem, rubicúnda per caritátem. Cándida carne, rubicúnda mente : cándida virtútem sectádo, rubicúnda vítia calcádo. Cándida afféctum purificádo, rubicúnda carnem mortificádo : cándida Deum diligédo, rubicúnda próximo compatiédo.

R̃. Ego quasi vitis fructificávi suavitátem odóris : \* Et flores mei fructus honóris et honestátis. Ṽ. Ego mater pulcræ dilectiónis, et timóris, et agnitiónis, et sanctæ spei. Et flores.

*In serm. de Aquaeductu.*

Lectio viij.

**V**ERBUM caro factum est, et hábitat jam in nobis. Hábitat in memória nostra, hábitat in cogitatiónem, quia usque ad ipsam descéndit imaginatiónem. Quonam modo, inquis? Nimírum jacens in praesépio, in virgináli grémio cubans, in monte praedicans, in oratiónem pernóctans, in cru-

ce pendens, in morte pallens, liberinter mórtuos, et in inférno imperans : seu étiam tértia die resúrgens, et Apóstolis loca clavórum, victóriæ signa, demónstrans, novíssime coram eis caeli secréta conscéndens. Quid horum non vere, non pie, non sancte cogitátur?

R̃. Surge, própéra amíca mea : jam enim hiems tránsiit, imber ábiit, et recéssit : \* Flores apparuérunt in terra nostra. Ṽ. Dóminus dabit benignitátem, et terra nostra dabit fructum suum. Flores.

Lectio ix

**Q**UIDQUID horum cógito, Deum cógito, et per ómnia est Deus meus. Hacc ego meditári dixi sapiéntiam, et prudéntiam judicávi erucláre memóriam suavitátis : quóniam in hujuscémodi núcleis virga sacerdotális copióse produxit, quam in supérnis háueriens, ubérius nobis María refúdit. In supérnis plane, et ultra Angelos : quae Verbum ex ipso Patris corde suscepit.

R̃. Obaudíte me divíni fructus, et quasi rosa plantáta super rivos aquárum fructificáte. \* Quasi Líbanus odórem suavitátis habéte. Ṽ. Floréte flores, quasi lílium, et date odórem, et frondéte in grátiam. Quasi. Glória Patri. Quasi.

Ante Laudes. Ṽ. Regína sacratíssimi Rosárii ora pro nobis. R̃. Ut digni. etc.

## IN LAUDIBUS.

Añã. Laetare Virgo mater, allelúia : surréxit Christus de sepúlcro, allelúia. Psalm. Dóminus regnávít. cum ceteris, pag. xj.

Añã. Ascéndit Deus in jubilatione : et Dóminus in voce tubae, allelúia.

Añã. Spíritus Dómini replévit orbem terrárum, allelúia.

Añã. Assúpta est María in caelum : gaudent Angeli, laudántes benedícunt Dóminum, allelúia.

Añã. Exaltáta est Virgo María super choros Angelórum : et in cápíte ejus coróna stellárum duódecim, allelúia.

Capit. Obaudíte me. ut in Vesperis, pag. 747.

## Hymnus.

**J**AM morte victor óbruta  
Ab ínferis Christus  
redit,  
Fractisque culpae vínculis,  
Caeli reclúdit límina.

Visus satis mortálibus,  
Ascéndit ad caeléstia,  
Dextraeque Patris ássidet,  
Consors patérnae glóriæ.

Quem jam suis promiserat,  
Sanctum datúrus Spíritum,  
Linguis amoris ígneis  
Moestis alúmnis impluit.

Solúta carnis póndere  
Ad astra Virgo tóllitur,  
Excépta caeli júbilo,  
Et Angelórum cánticis.

Bis sena cingunt sídera  
Almae Paréntis vérticem :

Throno propínqua Fílii,  
Cunctis créatis ímperat.

Sit Trinitáti glória,  
Quae sacra per mystéria  
Orántibus det grátiam,  
Qua consequántur glóriam.

Amen.

V. Elégit eam Deus, et praelégit eam. R. Et habitare eam facit in tabernáculo suo.

Ad Benedíct. Añã. Solemnitatem hodiérnam sanctíssimi Rosárii Genitrícis Dei Maríæ devóte celebrémus, ut ipsa pro nobis intercédât ad Dóminum Jesum Christum.

## AD PRIMAM.

R. Jesu Christe. V. Qui natus es de Vírgine María. Et dicitur per totam Oct. etiam in festis Sanctorum.

Ad Tertiam, Capitulum. Obaudíte. ut supra in Vesp. pag. 747.

R. R. Horar. ut in Nativitate B. M. V. pag. 690.

## AD SEXTAM.

Capitulum. *Eccli. 30.*

**F**LORETE flores, quasi lílium, et date odórem, et frondéte in grátiam : collaudáte cánticum, et benedícite Dóminum in opéribus suis.

## AD NONAM.

Capitulum. *Eccli. 24.*

**Q**UASI cedrus exaltáta sum in Líbano, et quasi cypréssus in monte Sion : quasi palma exaltáta sum in Cades, et quasi plantátio rosae in Jéricho.

## AD VESPERAS.

Super Psalm. Aña. **Laetáre.**  
j. Laudum. Psalmi de Comm.  
Virg. pag. lxxxj.

Capitulum ut in j. Vesperis,  
pag. 747.

## Hymnus.

**M**E gestiéntem gáudiis,  
Te sáuciam dolóribus,  
Te jugi amíctam glória,  
O Virgo mater, pángimus.

Ave redúndans gáudio,  
Dum cóncipis, dum vísitas,  
Et edis, offers, ínvenis,  
Mater beáta, Fílium.

Ave dolens, et íntimo  
In corde agónem, vérbera,  
Spinas, crucémque Fílii  
Perpéssa, princeps mártýrum.

Ave in triúmphis Fílii,  
In ígnibus Parácliti,  
In regni honóre et lúmine,  
Regína fulgens glória.

Veníte gentes, cárpíte  
Ex his rosas mystériis,  
Et pulcri amóris ínclýtae  
Matri coronas néctite.

Sit Trinitáti glória. ut supra,  
in Laudibus.

℟. Regína sacratíssimi Ro-  
sárii ora pro nobis.

Ad Magnificat, Aña. Beáta  
mater, et intácta virgo, glo-  
riosa Regína mundi, séntiant  
omnes tuum juvámen, qui-  
cúmque célebrant tuam sacra-  
tíssimi Rosárii solemnitátem.

## PER OCTAVAM.

Ad Benedictus, vel ad Me-  
moriam, Aña. **Speciósá.** ut  
supra, pag. 748.

Ad Magnificat, vel ad Mem.  
Aña. **Sancta** María vírginum  
piíssima, súscipe vota servu-  
lórum assídua : lapsos érige,  
errántes córrige, treméntes  
corróbora, pusillánimes con-  
fórta : ut tibi semper referá-  
mus laudes, quam Dei summi  
cólimus Genitrícem.

## OCTAVA

sanctíssimi Rosarii.  
Solemnis.

In j. Nocturno, Lectiones  
de Apost. Dom. curr.

In secundo Nocturno.

Lectio iv.



**C**UM, beáto Domínico  
morte in caelum re-  
cépto, célebris Ro-  
sárii consuetúdo, vel  
hóminum negligéntia, vel dae-  
monis arte paulátim coepísset  
excídere, ut pene jam exstíncta  
viderétur : sacratíssima Virgo,  
imménso circúmdata lúmine,  
fratri Aláno Británno, exímio  
concionatóri, se viséndam exhí-  
buit, atque mónuit, ut tum  
ipse, tum ejus sócii Praedica-  
tóres collápsam sacri Rosárii  
devotiómem totis víribus resti-  
tuere conaréntur.

Lectio v.

**F**IDEM étiam fratri Aláno  
affirmávit caelórum Re-  
gína, hoc genus orándi prom-  
ptum ac fáciie, esse sibi gra-  
tíssimum, et ad impetrándam  
divínam misericórdiam accom-

modatissimum, pópulis salutáre, et contra quaevis advérsa praesens auxiliúm. Sed et Priórem convéntus Praedicatorum Colóniae civitátis éadem sanctíssima Virgo, ad eúmdem instaurándum sacrum ritum, cum se illi fecisset conspícua, vehementer accéndit.

Lectio vj.

**V**IX verbis éxprimi potest, quantum praedicatione et ópera Fratrum Praedicatorum divína ista devótio in christiáno pópulo fúerit ubique propagáta : quot quantaque in honórem Dei Genitrícis sub Rosárii nómine fundatae sint societátes, in quas príncipes, reges, imperatóres, atque Ecclésiæ Praesides pro summo ducunt honóre cooptári.

In tertio Nocturno.

Lectio vij.



**ROMANI** étiam Pontífices innúmeris Indulgéntiis, privilégíis, favóribus, atque grátiis sacrum hoc Rosárium egrégie ornárunť. Inter quos Leo Décimus hujus institúti ritum, modúmque orándi tribus diébus cujúslibet hebdómadae ad honórem Dei, et beatíssimae Vírginis, conjúntim vel divísim, Apostólica auctoritáte confirmávit, ac Indulgéntias omnes per suos praedecessóres eidem concéssas, de novo largítus est : quod etiam céteri

ejus successóres liberalíssime praestitérunt.

Lectio viij.

**G**REGORIUS vero Tertiusdecimus, post commemorátum ínclytum illum de Turcis Rosárii ope reportátum triúmphum : Ad tantae, inquit, victóriæ, caelitus proculdúbio concéssae, memóriam conservándam, et ad grátias Deo, et beatíssimae Vírgini agéndas, festum solémne sub nuncupacióné Rosárii in prima Domínica mensis Octóbris, síngulis annis, perpétuis futúris temporibus, per univérsi orbis partes in ecclésiis, in quibus altáre vel capélla Rosárii fúerit, ab ómnibus et síngulis utriúsque sexus Christi fidélibus sub Dúplícis majóris Offício, ad instar aliárum solénnium festivitátum, de Apostólicae potestátis plenitúdine, celebrándum et sanctificándum decérnimus.

Lectio ix.

**S**ED ipsa potíssimum divíni hujus institúti invéntrix Deípara María, hoc idem mirífice fovet et amplíficat, cultóres ejus innúmeris grátiis cúmulat, et claríssimis miráculis illústrat. Hanc itaque sanctíssimam caelórum Regínam, Dei matrem, et peccatórum advocátam, sub hoc salubérrimo ritu assídue venerémur, tántaque in nos per



sacrosánctum Rosárium libe-  
ráliter ab ejus Fílio colláta  
benefícia, grata memória ita  
prosequámur, ut ejus tandem  
úberes fructus in caelésti regno  
perpétuo cónsequi mereámur.

### DIE I. OCTOBRIS.

SS. Eustachii et sociorum  
Martyrum.

Duplex. Oratio.

**D**EUS, qui nos concédís  
sanctórum Mártyrum  
tuórum Eustáchii et sociórum  
ejus natalítia cólere; da nobis  
in aetérna beatitúdine de eó-  
rum societáte gaudére. Per  
Dóminum.

Eodem die fiat Mem. in  
j. Vesperis et Laudibus, S. Re-  
migii Episc. et Conf.

Oratio.

**D**A, quaesumus omnípo-  
tens Deus : ut beáti Re-  
mígii Confessóris tui atque  
Pontíficis veneránda solémni-  
tas, et devotiónem nobis áu-  
geat, et salútem. Per Dómi-  
num.

In secundo Nocturno.

Lectio iv.



**E**USTACHIUS, qui  
et Plácidus, génere,  
ópibus, et militári  
glória inter Romános  
insígnis, sub Trajáno impera-  
tore magístri mílitum título  
mérui. Cum vero sese ali-  
quándo in venatiónem exercéret,  
ac fugiéntem mirae magnitúdi-

nis cervum insequerétur, vidit  
repénte inter consistentis ferae  
córnu excélsam atque fulgén-  
tem Christi Dómini e cruce  
pendéntis imáginem : cujus  
voce ad immortalis vitae prae-  
dam invitátus, una cum uxóre  
Theopísta, ac duóbus párvulis  
fíliis Agápito et Theopístó, chri-  
stiánae milítiae nomen dedit.

Lectio v.

**M**OX ad visiónis prístinae  
locum, sicut ei Dómi-  
nus praecéperat, regréssus,  
illum praenuntiántem audívit,  
quanta sibi deinceps pro ejus  
glória perferénda essent. Quo-  
círca incredsíbiles calamitátes  
mira patiéntia perpéssus, brevi  
in summam egestátem redá-  
ctus est. Cumque clam se sub-  
ducere cogerétur, in itínere  
cónjugem primum, deínde  
étiam líberos sibi miserábiliter  
eréptos, ingémuit. Tantis ob-  
volútus aerúmnis, in regiónē  
longínqua, víllicum agens,  
longo témpore delítuit : donec  
caelésti voce recreátus, ac nova  
occasione a Trajáno conquisí-  
tus, íterum bello praefícitur.

Lectio v.

**I**LLA in expeditiónē, líbe-  
ris simul cum uxóre in-  
speráto recéptis, victor Urbem  
ingénti ómnium gratulatióne  
ingréditur. Sed paulo post  
inánibus diis pro parta victó-  
ria sacrificáre jussus, constan-  
tíssime rénuít. Cumque váriis  
ártibus ad Christi fidem eju-

rándam frustra tentarétur, una cum uxóre et líberis leónibus objícitur. Horum mansuetúdine concitátus imperátor, aeneum in taurum, subjéctis flammis candéntem, eos immítti jubet, ubi divínis in láudibus consummáto martyrio, duodécimo Kaléndas Octóbris ad sempitérnam felicitátem convolárunt : quorum illaesa córpora, religiósè a fidélibus sepúlta, póstmodum ad ecclésiám, eórum nómine eréctam, honorífice transláta sunt.

In iij. Nocturno, Homilia in Evang. Descéndens Jesus. de Comm. plur. Mart. pag. xlix.

## DIE II. OCTOBRIS.

SS. Angelorum Custodum.  
Totum Duplex.

### AD VESPERAS.

Super Psalm. Añá. Angelis suis. j. Laudum. Psalm. Laudáte púeri. cum ceteris, pag. j. Capitulum. *Exodi 23.*



CCE ego mittam Angelum meum, qui praecedat te, et custódiat in via, et introducat in locum quem parávi. Obsérva eum, et audi vocem ejus.

R. iij. In conspéctu géntium. pag. 760.

### Hymnus.

**C**USTODES hóminum psállimus Angelos, Natúrae frágili quos Pater áddidit

Caeléstis cómites, insidiántibus

Ne succumberet hóstibus.

Nam quod corrúerit próditor ángelus,

Concéssis mérito pulsus honóribus,

Ardens invídia, péllere nítitur, Quos caelo Deus ádvocat.

Huc custos igitur púvigil ádvola,

Avértens pátria de tibi crédito Tam morbos ánimí, quam requiescere

Quidquid non sinit íncolas.

Sanctae sit Tríadi laus pia júgiter,

Cujus perpétuo númine máchina

Triplex haec régitur, cujus in ómnia

Regnat glória saecula.

Amen.

V. In conspéctu Angelórum psallam tibi, Deus meus.

R. Adorábo ad templum sanctum tuum, et confitébor nómini tuo.

Ad Magnificat, Añá. Omnes sunt administratórii spíritus, in ministérium missi propter eos, qui hereditátem cápiunt salútis.

### Oratio.

**D**EUS, qui ineffábili provi-déntia sanctos Angelos tuos ad nostram custódiam mittere dignáris : largíre supplicibus tuis; et eórum semper protectióne deféndi, et aetérna societáte gaudére. Per Dóminum.

## AD MATUTINUM.

Invitatorium. Regem Angelorum Dóminum \* Veníte adorémus.

Hymnus. Custódes hóminum. ut supra in Vesperis, pag. 757.

In primo Nocturno.

Psalmus 8.

**D**OMINE Dóminus noster, \* quam admirábile est nomen tuum in univérſa terra!

Quóniam eleváta est magnificentia tua, \* super caelos.

Ex ore infántium et lacténtium perfecísti laudem propter inimícos tuos, \* ut déstruas inimícum et ultórem.

Quóniam vidébo caelos tuos, ópera digitorum tuórum : \* lunam et stellas, quae tu fundásti.

Quid est homo, quod memor es ejus? \* aut fílius hóminis, quóniam vísitas eum?

Minuísti eum paulo minus ab Angelis, & glória et honóre coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérſas : ínsuper et pécora campi.

Vólucres caeli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérſa terra!

Añā. Dóminus Deus caeli et terrae, ipse mittet Angelum suum coram te.

Psalmus 10.

**I**N Dómino confído : quómo dícitis ánimae meae : \* Trásmigra in montem sicut passer?

Quóniam ecce peccatóres intendérunt arcum, & paravérunt sagíttas suas in pháretra, \* ut sagíttent in obscúro rectos corde.

Quóniam quae perfecísti, destruxérunt : \* justus autem quid fecit?

Dóminus in templo sancto suo, \* Dóminus in caelo sedes ejus :

Oculi ejus in páuperem respíciunt : \* pálpebrae ejus intérogant fílios hóminum.

Dóminus intérogat justum et ímpium : \* qui autem dñligit iniquitátem, odit ánimam suam.

Pluet super peccatóres láqueos : \* ignis, et sulphur, et spíritus procellárum pars cálicis eórum.

Quóniam justus Dóminus et justítias diléxit : \* aequitátem vidit vultus ejus.

Añā. Deus meus misit Angelum suum, et conclusit ora leónum, et non nocuerunt mihi.

Psalmus 14.

**D**OMINE quis habitábit in tabernáculo tuo? \* aut quis requiescet in monte sancto tuo?

Qui ingreditur sine mácula,\*  
et operátur justítiam :

Qui lóquitur veritátem in  
corde suo,\* qui non egit  
dolum in lingua sua :

Nec fecit próximo suo ma-  
lum,\* et oppróbrium non accé-  
pit advérsus próximos suos.

Ad níhilum dedúctus est in  
conspéctu ejus malignus : \*  
timéntes autem Dóminum  
glorificat :

Qui jurat próximo suo, et  
non decipit, ꝛ qui pecúniám  
suam non dedit ad usúram,\*  
et múnera super innocentem  
non accépit.

Qui facit haec,\* non mové-  
bitur in aetérnum.

Añā. Bene ambulétis, et  
Dóminus sit in itínere vestro,  
et Angelus ejus comitétur  
vobíscum.

℣. Stetit Angelus juxta aram  
templi. R. Habens thursíbulum  
áureum in manu sua.

De libro Exodi.

Lectio j. Cap. 23.



**C** C E ego mittam  
Angelum meum, qui  
praecedat te, et cu-  
stódiat in via, et  
introdúcat in locum quem  
parávi. Obsérva eum, et audi  
vocem ejus, nec contemnén-  
dum putes : quia non dimíttet  
cum peccáveris, et est nomen  
meum in illo. Quod si audíseris  
vocem ejus, et féceris ómnia  
quae loquor, inimícus ero ini-  
mícis tuis, et afflígam affligén-

tes te. Praecedétque te Angelus  
meus.

R. Angelis suis Deus man-  
dávít de te : ut custódiant te  
in ómnibus viis tuis. \* In  
mánibus portábunt te : ne  
unquam offéndas ad lápidem  
pedem tuum. ℣. Míllia míl-  
lium ministrábant ei, et decies  
míllies centéna míllia assisté-  
bant ei. In mánibus.

Ex Zacharía Prophéta.

Lectio ij. Cap. i.

**F**ACTUM est verbum  
Dómini ad Zacharíam  
fílium Barachíae, fílii Addo,  
prophétam, dicens : Vidi per  
noctem, et ecce vir ascéndens  
super equum rufum, et ipse  
stabat inter myrtéta, quae  
erant in profúndo : et post  
eum equi rufi, várii, et albi.  
Et dixi : Quid sunt isti, Dó-  
mine mi? Et dixit ad me  
Angelus, qui loquebátur in  
me : Ego osténdam tibi quid  
sint haec. Et respóndit vir, qui  
stabat inter myrtéta, et dixit :  
Isti sunt, quos misit Dóminus  
ut perámbulent terram.

R. Respóndit Angelus Dó-  
mini, et dixit : Dómine exercí-  
tuum \* Usquequo tu non mise-  
réberis Jerúsalem, et úrbium  
Juda, quibus irátus es? ℣. Iste  
enim septuagésimus annus est.  
Usquequo.

Lectio iij. Cap. 2.

**E**T levávi óculos meos, et  
vidi : et ecce vir, et in  
manu ejus funículus mensó-

rum. Et dixi : Quo tu vadis? Et dixit ad me : Ut métiar Jerúsalem, et vídeam quanta sit latitúdo ejus, et quanta longitúdo ejus. Et ecce Angelus, qui loquebátur in me, egrediebátur, et Angelus álius egrediebátur in occúrsum ejus. Et dixit ad eum : Curre, loquere ad púerum istum dicens : Absque muro habitábitur Jerúsalem prae multitudíne hóminum, et jumentórum in médio ejus. Et ego ero ei, ait Dóminus, murus ignis in circúitu : et in glória ero in médio ejus.

R. In conspéctu géntium nolíte timére : vos enim in córdibus vestris adoráte, et timéte Dóminum : \* Angelus enim ejus vobíscum est. V. Stetit Angelus juxta aram templi, habens thuríbulum áureum in manu sua. Angelus. Glória Patri. Angelus.

In secundo Nocturno.

Psalmus 18.



**A**ELI enarrant glóriam Dei, \* et ópera mánuum ejus annúntiat firmaméntum.

Dies diéi erúctat verbum, \* et nox nocti índicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo caelo egréssio ejus :

Et occúrsum ejus usque ad summum ejus : \* nec est qui se abscondat a calóre ejus.

Lex Dómini immaculáta convértens ánimas : \* testimónium Dómini fidéle, sapiéntiam præstans párvulis.

Justítiae Dómini rectæ, laetificántes corda : \* præcéptum Dómini lúcidum, illúminans óculos.

Timor Dómini sanctus, pérmans in saeculum saeculi : \* judícia Dómini vera, justificáta in semetípse.

Desiderabília super aurum et lápidem pretiósum multum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delícta quis intélligit? : ab occúltis meis munda me : \* et ab aliénis parce servo tuo.

Si mei non fúerint domínati, tunc immaculátus ero : \* et emundábor a delícto máximo.

Et erunt ut compláceant elóquia oris mei : \* et meditátio cordis mei in conspéctu tuo semper.

Dómine adjútor meus, \* et redémptor meus.

Añã. Cum essem vobiscum,  
per voluntatem Dei eram :  
ipsum benedicite, et cantate ei.

Psalmus 23.

**D**OMINI est terra, et plenitudo ejus : \* orbis terrarum, et universi, qui habitant in eo.

Quia ipse super maria fundavit eum : \* et super flumina praeparavit eum.

Quis ascendet in montem Domini? \* aut quis stabit in loco sancto ejus?

Innocens manibus et mundo corde, et qui non accepit in vano animam suam, \* nec juravit in dolo proximo suo.

Hic accipiet benedictionem a Domino : \* et misericordiam a Deo salutari suo.

Haec est generatio quaerentium eum, \* quaerentium faciem Dei Jacob.

Attollite portas principes vestras, et elevamini portae aeternales : \* et introibit rex gloriae.

Quis est iste rex gloriae? \* Dominus fortis et potens : Dominus potens in proelio.

Attollite portas principes vestras, et elevamini portae aeternales : \* et introibit rex gloriae.

Quis est iste rex gloriae? \* Dominus virtutum ipse est rex gloriae.

Añã. Tollens se Angelus Domini, qui praecedebat castra Israël, abiit post eos.

Psalmus 33.

**B**ENEDICAM Dominum in omni tempore : \* semper laus ejus in ore meo.

In Domino laudabitur anima mea : \* audiant mansueti, et laetentur.

Magnificate Dominum mecum : \* et exaltemus nomen ejus in idipsum.

Exquisivi Dominum, et exaudivit me : \* et ex omnibus tribulationibus meis eripuit me.

Accedite ad eum, et illuminamini : \* et facies vestrae non confundentur.

Iste pauper clamavit, et Dominus exaudivit eum : \* et de omnibus tribulationibus ejus salvavit eum.

Immittet Angelus Domini in circuitu timentium eum : \* et eripiet eos.

Gustate, et videte quoniam suavis est Dominus : \* beatus vir, qui sperat in eo.

Time Domini omnes sancti ejus : \* quoniam non est inopia timentibus eum.

Divites eguerunt et esurierunt : \* inquirentes autem Dominum non minuentur omni bono.

Venite filii, audite me : \* timorem Domini docebo vos.

Quis est homo qui vult vitam : \* diligit dies videre bonos?

Prohibe linguam tuam a malo : \* et labia tua ne loquantur dolum.

Divérte a malo, et fac bonum : \* inquiré pacem, et perséquare eam.

Oculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multae tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

Añña. Immíttet Angelus Dómini in circúitu tíméntium eum : et erípiet eos.

℟. Ascéndit fumus arómatum in conspéctu Dómini.

℞. De manu Angeli.

Sermo sancti Bernárdi  
Abbátis.

*In Ps. Qui hábitat. Serm. 12.*  
Lectio iv.



ANGELIS suis mandávit de te. Mira dignátio, et vere magna diléctio caritátis. Quis enim, quibus, de quo,

quid mandávit? Studiósé considerémus, fratres, diligénter commendémus memóriæ hoc tam grande mandátum. Quis enim mandávit? cujus sunt Angeli? cujus mandátis obtémperant? cujus obédiunt voluntáti? Nempe Angelis suis mandávit de te, ut custódiant te in ómnibus viis tuis : nec cunctántur, quin étiam in mánibus tollant te. Summa ergo Majestas mandávit Angelis, et Angelis suis mandávit. Illis útique sublímbus, tam beátis, tam próxime sibi cohaeréntibus, et vere domésticis Dei mandávit de te.

℞. Vivit ipse Dóminus, \* Quóniam custodívit me Angelus ejus et hinc eúntem, et ibi commorántem, et inde huc reverténtem. ℟. Et non permísit me Dóminus ancíllam suam coinquinári. Quóniam.

Lectio v.

**S**ED quid, putas, mandávit de te? Ut custódiant te. Quantam tibi debet hoc verbum inférre reveréntiam, afférre devotióem, conférre fidúciam! Reveréntiam pro praeséntia, devotióem pro benevoléntia, fidúciam pro custódia. Cauté ámbula, ut vidélicet cui adsunt Angeli, sicut eis mandátum est, in ómnibus viis tuis. In quovis diversório, in quovis ángulo, Angelo tuo reveréntiam habe. Tu ne áudeas illo praesénte, quod vidénte me

non audéres. An praeséntem esse dúbitas, quem non vides? Si fidem cónsulas, ea tibi angélicam probat praeséntiam non deesse.

R. Angelus Dómini descéndit cum Azaría, et sóciis ejus in fornácem : et excússit flammam ignis de fornáce, \* Et non tégit eos omníno ignis, neque contristávit. V. Benedíctus Deus eórum, qui misit Angelum suum, et éruit servos suos, qui credidérunt in eum. Et non.

Lectio vj.

**A**DSUNT igitur Angeli, et adsunt tibi, non modo tecum, sed étiam pro te. Adsunt, ut prótegant; adsunt, ut prosint. Quid sub tantis custódibus timeámus? Nec superári, nec sedúci, minus autem sedúcere possunt, qui custódiunt nos in ómnibus viis nostris. Fidéles sunt, prudéntes sunt, poténtes sunt; quid trepidámus? Tantum sequámur eos, adhaereámus eis, et in protectióne Dei caeli commorémur. Quóties ergo gravíssima cernitur urgére tentátio, et tribulátio véhemens imminére, ínvo-ca custódem tuum, ductórem tuum, adjutórem tuum in oportunitátibus, in tribulatióne. Incláma eum, et dic : Dómine salva nos, perímus.

R. In omni tribulatióne eórum non est tribulátus, \* Et Angelus faciéi ejus salvávit

eos. V. In dilectióne sua, et indulgéntia sua ipse redémit eos, et portávit eos, et elevávit eos cunctis diébus saeculi. Et Angelus. Glória Patri. Et.

In tertio Nocturno.

Psalmus 95.



**C**ANTATE Dómino cánticum novum : \* cantáte Dómino omnis terra.

Cantáte Dómino, et benedícite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabília ejus.

Quóniam magnus Dóminus, et laudábilis nimis : \* terríbilis est super omnes deos.

Quóniam omnes dii géntium daemónia : \* Dóminus autem caelos fecit.

Conféssio, et pulcritúdo in conspéctu ejus : \* sanctimónia, et magnificéntia in sanctificatióne ejus.

Afférte Dómino pátriae géntium, et afférte Dómino glóriam et honórem : \* afférte Dómino glóriam nómini ejus.

Tóllite hóstias, et introíte in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dícite in géntibus quia Dóminus regnávit.

Etenim corréxit orbem terrae qui non commovébitur : \* judicábit pópulos in aequitáte.



Laeténtur caeli, et exsúltet terra, ⁊ commoveátur mare, et plenitúdo ejus : \* gaudébunt campi, et ómnia, quae in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terrae in aequitáte, \* et pópulos in veritáte sua.

Añã. Misit Dóminus Angelum suum, qui percússit omnem virum robústum, et bellatórem, et príncipem exércitus regis Assyriórum.

Psalmus 96.

**D**OMINUS regnávít, exsúltet terra : \* laeténtur ínsulae multae.

Nubes, et calígo in circúitu ejus : \* justítia, et judícium corrèctio sedis ejus.

Ignis ante ipsum praecedet, \* et inflammábit in circúitu inimícos ejus.

Illuxérunt fúlgora ejus orbi terrae : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt caeli justítiam ejus : \* et vidérunt omnes pópuli glóriam ejus.

Confundántur omnes, qui adórant sculptília : \* et qui gloriántur in simulácris suis.

Adoráte eum omnes Angeli ejus, \* audívit, et laetáta est Sion.

Et exsultavérunt fíliae Judae, \* propter judícia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui dilígitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde laetítia.

Laetámini justí in Dómino : \* et confitémini memóriæ sanctificatiónis ejus.

Añã Adoráte Dóminum omnes Angeli ejus : audívit, et laetáta est Sion.

Psalmus 102.

**B**ENEDIC ánima mea Dómino : \* et ómnia, quae intra me sunt, nómini sancto ejus.

Benedic ánima mea Dómino : \* et noli oblivísci omnes retributiónes ejus :

Qui propitiátur ómnibus iniquitatibus tuis : \* qui sanat omnes infirmitates tuas.

Qui rédimit de intéritu vitam tuam : \* qui coronat te in misericórdia et miseratióibus.

Qui replet in bonis desidérium tuum : \* renovábitur ut áquilæ juvéntus tua :

Fáciens misericórdias Dóminus : \* et judícium ómnibus injúriam patiéntibus.

Notas fecit vias suas Móysi, \* fíliis Israël voluntates suas.

Miserátor, et miséricors Dóminus : \* longánimis, et multum miséricors.

Non in perpétuum irascétur : \* neque in aetérnum comminábitur.

Non secúndum peccáta nostra fecit nobis : \* neque secúndum iniquitátes nostras retríbuít nobis.

Quóniam secúndum altitúdinem caeli a terra : \* corroborávit misericórdiam suam super timéntes se.

Quantum distat ortus ab occidénte : \* longe fecit a nobis iniquitátes nostras.

Quómodo miserétur pater filiórum, et misértus est Dóminus timéntibus se : \* quóniam ipse cognóvit figméntum nostrum.

Recordátus est quóniam pulvis sumus : et homo, sicut foenum dies ejus, \* tamquam flos agri sic efflorebit.

Quóniam spíritus pertransíbit in illo, et non subsístet : \* et non cognóscet ámplius locum suum.

Misericórdia autem Dómini ab aetérno, \* et usque in aetérnum super timéntes eum.

Et justítia illíus in filios filiórum, \* his qui servant testaméntum ejus :

Et mémoires sunt mandatórum ipsíus, \* ad faciéndum ea.

Dóminus in caelo parávit sedem suam : \* et regnum ipsíus ómnibus dominábitur.

Benedícite Dómino omnes Angeli ejus : \* poténtes vir-

túte, faciéntes verbum illíus, ad audiéndam vocem sermónum ejus.

Benedícite Dómino omnes virtútes ejus : \* minístri ejus, qui fácitís voluntátem ejus.

Benedícite Dómino ómnia ópera ejus : \* in omni loco dominationis ejus, bédedic ánima mea Dómino.

Aññ. Benedícite Dómino omnes Angeli ejus : poténtes virtúte, faciéntes verbum illíus, ad audiéndam vocem sermónum ejus.

V. In conspéctu Angelórum psallam tibi, Deus meus. R. Adorábo ad templum sanctum tuum, et confitébor nómini tuo.

Léctio sancti Evangélíi secúndum Matthaeum.

Lectio vij. Cap. 18.

**I**N illo témpore : Accessérunt discípuli ad Jesum, dicéntes : Quis putas, major est in regno caelórum? Et reliqua.

Homilía sancti Hilárii Epíscopi.

*Comment. in Matth. cap. 18.*



**NONNISI** revérsos in natúram puerórum introíre regnum caelórum Dóminus docet : id est, per simplicitátem puerílem vítia córporum nostrórum, animaeque revocánda. Púeros autem, credéntes omnes per audiéntiae fidem

nuncupávit. Hi enim patrem sequúntur, matrem amant, próximo velle malum nésciunt, curam opum négligunt : non insoléscunt, non odérunt, non mentiúntur, dictis credunt, et quod áudiunt, verum habent. Reverténdum igitur est ad simplicitátem infántium : quia in ea collocáti, spéciem humilitátis Domínicae circumferémus.

R. Machabaeus, et qui cum eo erant, cognoscéntes expugnári praesídia, \* Cum fletu et lácrymis rogábant Dóminum, et omnis turba simul, ut bonum Angelum mitteret ad salutem Israël. V. Cum páriter prompto ánimo procéderent, Jerosólymis apparuit praecedens eos eques in veste cándida. Cum.

Lectio viij.

**V**AE huic mundo a scándalis. Humílitas passiónis, scándalum mundo est. In hoc enim máxime ignorántia detinéetur húmana, quod sub deformitáte crucis, aetérnae glóriae Dóminum nóluit accíperere. Et quid mundo tam periculósum, quam non recepísse Christum? Ideo vero necesse esse ait, veníre scándala : quia ad sacraméntum reddéndae nobis aeternitátis, omnis in eo passiónis humílitás esset explénda.

R. Tu Dómine, qui misísti Angelum tuum sub Ezechía rege Juda, et interfecísti de

castris Sennácherib centum octogínta quinque míllia : \* Et nunc dominátor caelórum mitte Angelum tuum bonum ante nos in timóre, et tremóre magnitúdinis bráchii tui. V. Ut métuant qui cum blasphémia véniunt advérsus sanctum pópulum tuum. Et nunc.

Lectio ix.

**V**IDETE ne contemnátis unum de pusillis istis, qui credunt in me. Arctíssimum vínculum mútui amoris impósuit, ad eos praecipue, qui vere in Dómino credidíssent. Pusillórum enim Angeli quotidie Deum vident : quia Fílius hóminis venit salváre quae pérdita sunt. Ergo et Fílius hóminis salvat, et Deum Angeli vident, et Angeli pusillórum praesunt fidélium oratió-nibus. Praeesse Angelos, absoluta auctóritas est. Salvatórum igitur per Christum oratiónes Angeli quotidie Deo offerunt. Ergo periculóse ille contémnitur, cujus desidéria ac postulatiónes ad aetérnum et invisibilem Deum, ambitióso Angelórum famulátu ac ministério pervehúntur.

R. In conspéctu Angelórum psallam tibi, et adorábo ad templum sanctum tuum, \* Et confitébor nómini tuo Dómine. V. Deus meus es tu, et confitébor tibi : Deus meus es tu, et exaltábo te. Et confitébor. Glória Patri. Et confitébor.

Ante Laudes, *V.* Muro inextinguibili protectionis tuae custodi nos, Angele Dei. *R.* Et armis tuae potentiae protege nos semper.

## IN LAUDIBUS.

Añā. Angelis suis Deus mandavit de te : ut custodiant te in omnibus viis tuis. Psalm. Dominus regnavit. cum ceteris, pag. xj.

Añā. Laudemus Dominum, quem laudant Angeli, cui Cherubim et Seraphim Sanctus, Sanctus, Sanctus proclamant.

Añā. Angeli eorum semper vident faciem Patris mei, qui est in caelis.

Añā. Benedictus Deus, qui misit Angelum suum, et eruit servos suos, qui crediderunt in eum.

Añā. Laudate Deum omnes Angeli ejus : laudate eum omnes virtutes ejus.

Capitulum. Ecce ego. ut supra in Vesperis, pag. 757.

## Hymnus.

**O**RBIŠ patrator optime,  
Qui quidquid est, potentia  
Magna creasti, nec regis  
Minore providentia :

Adesto supplicantium  
Tibi reorum coetui,  
Lucisque sub crepusculum  
Lucem novam da mentibus :

Tuusque nobis Angelus,  
Electus ad custodiam,  
Hic adsit, a contagio  
Ut criminum nos protegat :

Nobis draconis aemuli  
Versutias exterminet,  
Ne rete fraudulentiae  
Incauta nectat pectora.

Metum repellat hostium  
Nostris procul de finibus :  
Pacem procuret civium,  
Fugetque pestilentiam.

Deo Patri sit gloria,  
Qui quos redemit Filius,  
Et sanctus unxit Spiritus,  
Per Angelos custodiat. Amen.

*V.* Adorate Deum. *R.* Omnes Angeli ejus.

Ad Benedictus, Añā. Reverendus est Angelus, qui loquebatur in me, et suscitavit me, quasi virum, qui suscitatur a somno suo.

Ad Tertiam. Capitulum. Ecce ego. ut supra, pag. 757.

*R.* Horarum, ut in festo S. Michaelis, pag. 744.

## AD SEXTAM.

Capitulum. *Exodi* 23.

**N**EC contemnendum putes:  
quia non dimittet cum  
peccaveris, et est nomen meum  
in illo.

## AD NONAM.

Capitulum. *Exodi* 23.

**S**I audieris vocem ejus, et  
feceris omnia quae lo-  
quor, inimicus ero inimicis  
tuis, et affligam affligentes te :  
praecedetque te Angelus meus.

## AD VESPERAS.

Super Psalm. Añā j. Laudum. Psalmi de Dominica, pag. 89. et loco ultimi, Ps. 137. Confitebor tibi. pag. 109.

Capitulum, Hymnus et V. ut in j. Vesperis.

Ad Magnificat, Añña. Sancti Angeli custódes nostri, deféndite nos in proelio : ut non pereámus in treméndo judício.

### DIE III. OCTOBRIS.

B. Joannis Massias Conf.  
Ord. Praed.

Duplex. Oratio.

**D**EUS, qui beátum Joánnem Confessórem, grátiae tuae ubertáte praevéntum, in húmili vitae génere morum candóre floréscere voluísti : da nobis, quaesumus, ita ejus vestígia pérsequi, ut ad te puris méntibus pervenire mereámur. Per Dóminum.

In j. Nocturno, Lectiones Beátus vir. ut in Comm. Conf. non Pont. pag. lxiv.

In secundo Nocturno.

Lectio iv.



**J**OANNES ex compátris nómine, uti fertur, Massías dictus, in óppido Rivéra Palentínae dioecésis in Hispánia ex Joáñne de Arcas, et Agnéte Sanchez, avíta nobilitáte claris, sed ob vários instábilis fortúnae casus mundi honóribus ac divítiis destitútis, morum tamen candóre claríssimis, ortum hábuit anno millésimo quingentésimo octogésimo quinto. Primo aetátis lustro nondum perácto, mentem se-

nilem jam habuisse videbátur. In eo quippe et perféctus ratiónis usus, et moráles virtútes ádeo effulgébant, ut ómnibus esset admiratiónis et gáudii. Spretis enim puerilibus nugis et oblectaméntis, Deíparae Vírgini Rosárii Regínae se totum dicávit. Ter in die ejus Psaltérium recitáre ánimo sibi propósuit, pro semetípso scílicet, pro peccatórum conversióne, et pro animábus piaculáribus flammis addíctis : quem morem toto vitae suae cursu, nec sine máximo emoluménto, retínuit. Statim ac per aetátem lícuit, ad Poeniténtiae et Eucharistíae sacraménta accédere ferventíssimo amóris ardóre in delíciis hábuit. Sermónes divínis de rebus libéntius excípiens, eísdem párvulos erúdiens, eórum corda ad pietátem efformábat.

Lectio v.

**P**ARENTIBUS brevi témporis spátio orbátus, sub pátrui disciplína relíctus, in pascéndis óvibus sibi commíssis adolescentíam perégit. Hoc in húmili vitae génere magis magisque aetérno animárum Pastóri placére stúduit, ut inter oves dexteræ suae perpétuo collocári mererétur. Contemplátis in visióne caeléstis pátriae mansiónibus, egréssus de terra et cognatióne sua, permúltis Indiárum regiónibus peragrátis, ubíque relínquens

sanctitatis suae vestigia, Limam regalem tandem pervenit. Abdicatis fortunae bonis, sudore vultus sui comparatis, ad coenobium sanctae Mariae Magdalénæ Poenitentis convolvit, lacrymis orans, ut inter alumnos, quos Conversos vocant, sancti Patriarchae Domínici reciperetur. Voti compos factus, exacto summa cum laude tirocinio, solénnibus votis Deo se arctius mancipavit. Nihil aliud dein optatius in corde habuit, quam perfecta proprii muneris satisfactione reddere Altíssimo vota sua; quod ut plénius consequi posset, jejuniis, ciliciis, férreis flagellis corpus suum cruentabat, et mentem diu noctúque divinárum rerum meditatione fovebat. Mira constantia molestíssimos morbos, hominúmque convicia ac injurias non solum, sed furéntes daemonum ímpetus per duódecim et ámplius annos ádeo toleravit, ut semper victor ac triumphator de eórum nequíssimis ártibus eváserit.

## Lectio vj.

**D**E proximorum salute cupidíssimus, a via justitiae errántes mónitis ac precibus in viam salutis revocábat, et ad Dei amórem excitábat. Míseros, aegrótos, ac paupérri-mos, quorum bis centum in die alébat, se ipso carióres habens, iis flexis génibus inservíre,

véstibus atque emendicáta pecúnia eos recreáre, et humilióra quaeque ministéria exércens, opem illis conférre satagébat. Tam sublímis Joánnis sanctitas quidem méruit, ut magnífice illustrarétur a Deo. Hinc divíno spírítu afflátus futúra praedíxit, de augústis fídei mystériis, licet illitterátus, sapientíssime loquebátur. Arcána collóquia cum caelítibus frequénter tenére, non raro miránda prodígia operári, et sublátus a terra divínas perfectiónes contemplári saepe saepius visus est. Jam vero caelo matúrus, tot ac tantis heróicis virtútibus clarus, gravi morbo corréptus, Ecclesiae Sacraméntis múnitus, praenuntiáto mortis suae die, férrea ad lumbos praecínctus caténa, óculis in caelum sublátis, et divínae caritátis igne consúptus, ex hac ploratiónis valle ad immortálem glóriam advolávit, décimo sexto Kaléndas Octóbris, anno millésimo sexcentésimo quadragésimo quinto, aetátis suae sexagésimo primo. Quem Gregórius Décimus sextus Póntifex Máximus, ante et post óbitum fulgéntem signis, inter Beatórum fastos solénni ritu adscrípsit, et festum de beáto Joáñne cum Offício et Missa ab univérso Fratrum Praedicatorum Ordine, nec non dioecési Limána et Palentína benígne celebrári indúlsit.

In iij. Nocturno, Homilia  
in Evang. Sint lumbi. ut in  
Comm. Conf. non Pont. p. lxxvj.

---

DIE IV. OCTOBRIS.

S. P. Francisci Conf.

Ordinis Minorum Fundat.

TOTUM DUPLEX.

---

AD VESPERAS.

Super Psalm. Añā. Fran-  
ciscus vir catholicus, et totus  
apostolicus, Ecclesiae teneri  
fidem Romanae docuit, Pres-  
byterosque monuit prae cun-  
ctis revereri. Psalm. Laudate.

pueri. cum ceteris, pag. j.

Capitulum.

Galat. 6.



RATRES, Mihi au-  
tem absit gloriari,  
nisi in cruce Domini  
nostri Jesu Christi :  
per quem mihi mundus cruci-  
fixus est, et ego mundo.

R. ix. Mihi absit. pag. 775.

Hymnus.

PROLES de caelo prodiit,  
Novis utens prodigiis :  
Caelum caecis aperuit,  
Siccis mare vestigiis :

Spoliatis Aegyptiis,  
Transit dives, sed pauperis  
Nec rem nec nomen perdidit,  
Factus felix pro miseris.

Assumptus cum Apostolis  
In montem novi luminis,  
In paupertatis praediis  
Christo Franciscus intulit :

Fac tria tabernacula;  
Petri secutus studia,  
Cujus exemplo nobili  
Sponte reliquit omnia.

Legi, Prophetae, gratiae  
Gratum gerens obsequium,  
Trinitatis officium  
Festo solenni celebrat :

Dum reparat virtutibus  
Hospes triplex hospitium,  
Et beatarum mentium  
Dum templum Christo conse-  
crat.

Domum, portam, et tumulum  
Pater Francisce visita,  
Et Hevae prolem miseram  
A somno mortis excita. Amen.

Infra Oct. SS. Rosarii, in  
j. Vesperis et ad Matutinum post  
ultimam Stroph. Hymni add.  
Maria mater gratiae. et Gloria  
tibi Domine. in Laudibus vero  
dicitur tantum Maria mater  
gratiae. ante ult. Stropham.

V. Ora pro nobis beate Pa-  
ter Francisce.

Ad Magnificat, Añā. O stu-  
por et gaudium, o iudex homo  
mentium, tu nostrae militiae  
currus et auriga. Ignea, prae-  
sentibus transfiguratum fratri-  
bus in solari specie, vexit te  
quadriga. In te signis radians,  
in te ventura nuntians, requie-  
vit spiritus duplex Prophetarum.  
Tuis asta posteris, Pater  
Francisce, miseris; nam incre-  
scunt gemitus ovium tuarum.

Oratio.

DEUS, qui Ecclesiam tuam  
beati Patris nostri Fran-  
cisci meritis, fetu novae prolis

amplificas : tríbue nobis ex  
ejus imitatione terréna despí-  
cere, et caeléstium donórum  
semper participatione gaudére.  
Per Dóminum.

## AD MATUTINUM.

Invitatorium. Regi, quae  
fecit ópera, Christo confiteán-  
tur : \* Cujus in sancto vúlnera  
Francísco renovántur.

## Hymnus.

**I**N caelésti collégio  
Novus colléga cólitur :  
In Sanctórum rosário  
Novéllus flos produćitur.

Francíscus florens grátia,  
Forma factus humílium,  
Laetus potítur glória,  
Sortis consors sublílium.

Metit de sparso sémíne  
Plenae messis manípulum,  
Fallens sub terrae tégmíne  
Nostrae salútis aemulum.

Ilic carnis supercílíum  
Legi subjécit spíritus :  
Mundum vicit, et vítium,  
Se vícto, víctor ínclitus.

Linguae manus praeámbula  
Verbo parávit sémítam :  
Et amplectúntur saecula  
Doctrínam facto próditam.

In paupertátis praedio  
Minórum plantans víneam,  
Osténdit magistério  
Vitae vivéndi líneam.

Ad aetérnas divítias  
Turbam alléxit páuperum,  
Quos ad caeli delícias  
Lingua vocávit óperum.

Vita, doctrína splénduit,  
Respléndet et miráculis :

Sic praefuit, quod prófuit,  
Viva lucérna pópulis.

Summi Regis palátio  
Doctór loca discípulos :  
Salútis privilégio  
Christi praemúni fámulos.

De ténebris misériae,  
Sequáces stellae praeviae,  
Quaerámus Patrem grátiae,  
Consórtes tandem glóriae.  
Amen.

## In primo Nocturno.

Añá. Hic vir de vanitátibus  
dum cógitat frequénter, diví-  
nis charismátibus praevéntus  
est cleménter. Psalmi de Com-  
muni Conf. pag. 1j.

Añá. Excélsi dextrae grátia  
in dies confortátus, caeli su-  
spírat praemia, quae tenet  
nunc beátus.

Añá. Edóctus autem caeli-  
tus per visum, per languóres,  
mundi contémnit pénitus the-  
sáuros et honóres.

℣. Pósuit me sibi quasi in  
signum. ℞. Circúmdedit me  
lánceis suis.

Lecciónes de Apostolo, Si  
spíritu vívimus. ut in festo  
SS. Stigmatum ejusdem S.  
Francisci, die xvij. Septem-  
bris, pag. 713.

℞. j. Francíscus ut in públi-  
cum cessat negotiári, in agrum  
mox Domínicum secédit me-  
ditári : \* Invéntum evangéli-  
cum thesáurum vult mercári.  
℣. Deum quid agat únicum  
consúltans, audit caelicum ín-  
signe sibi dari. Invéntum.



R. ij. In Dei fervens ópere, statim ut sua vendit, paupéribus impendere pecúniám inténdit : \* Quae gravi suo pón-  
dere cor líberum offéndit. V. Quam formidánte páupere Presbytero recípere, abjéctam vilipéndit. Quae.

R. iij. Dum pater hunc per-  
séquitur, latens dat locum irae;  
constánter post aggréditur in  
públicum prodíre : \* Squalénti  
vultu cérnitur, putátur insa-  
nñre. V. Luto, saxis impétitur :  
sed pátiens vir nítitur, ut  
surdus pertransíre. Squalénti.  
Glória Patri. Squalénti.

In secundo Nocturno.

Aña. Pertráctum domi vér-  
berat plus cunctis furens pa-  
ter : objúrgans vincit, cárcerat,  
quem furtim solvit mater.

Aña. Jam liber patris fúriæ  
non cedit effrenáti, clamans se  
voluntárie pro Christo mala  
pati.

Aña. Ductus ad loci Prae-  
sulem, sua patri resígnat : nu-  
dúsque manens, éxsulem in  
mundo se désígnat.

V. Sagíttæ tuæ infíxæ sunt  
mihi. R. Et confirmásti super  
me manum tuam.

Ex Commentáriis sancti  
Bonaventúrae Epíscopi.

Lectio iv.



**F**RANCISCUS de  
vallis Spoletánae  
pártibus civitáte As-  
sísii trahens origi-  
nem, primúmque Joánnes

vocátus a matre, dehinc Fran-  
ciscus a patre, vocatiónis qui-  
dem patérnae vocábulum té-  
nuit, sed et rem matérni  
nóminis non relíquit. Licet  
enim inter vanos fúerit hómi-  
num fílios juveníli aetáte nu-  
trítus in vanis, et post aliquá-  
lem litterárum notítiam, lucra-  
tívis mercatiónum deputátus  
negótiis : supérno tamen sibi  
assisténte praesídio, nec inter  
lascívos júvenes post carnis  
petulántiam ábiit, nec inter  
cúpidos mercatóres sperávit in  
pecúnia et thesáuris. Inerat  
namque júvenis Francísci prae-  
córdiis divínitus índita cum  
lenitáte mansuetúdinis quae-  
dam ad páuperes miserátio  
liberális : quae secum ab infán-  
tia crescens, tanta cor illíus  
benignitáte repléverat, ut jam  
Evangélii non surdus audítor,  
omni propóneret se peténti tri-  
búere, máxime si divínium alle-  
gáret amórem. In ipso namque  
juventútis flore, firma se Dó-  
mino sponsiône constríngens,  
quod nunquam (si possibílitás  
afforet) peténtibus pro amóre  
Dómini se negáret : dum pro-  
míssum tam nóbile usque ad  
mortem serváre non déstitit, ad  
copiosióra in Deum dilectiόνis  
et grátiae increménta pervénit.

R. Dum seminúdo córpore  
laudes decántat gállice zelátor  
novae legis, latrónibus in né-  
more \* Respóndet sic prophé-  
tice : Praeco sum magni Regis.  
V. Audit in nivis frígore pro-

jéctus : Jace rústice, futúrus pastor gregis. Respóndet.

Lectio v.

**V**ERUM licet huic júgiter in corde ipsíus divíni amóris vigéret ignículus: ignorábat adhuc adoléscens, curis terrénis implícitus, caeléstis allocutiónis arcánium : donec facta manu Dómini super eum, et castigátus fuit extérius prolíxi languóris gravédine, et clarificátus intérius sancti Spíritus unctióne. Corpóreis postmodum víribus utcúmque resúmpptis, ménteque mutáta in mélius, cum mílitem quemdam, nóbilem quidem génere, sed ínopem rebus, óbviu[m] insperáto habuísset occúrsu : generósi Regis, et páuperis Christi memor efféctus, tanta fuit erga virum pietáte permótus, ut decéntia, quae sibi de novo paráverat, induménta depóneret, illúmque prótinus, se nudáto, vestíret. Nocte vero sequénti, cum se sopóri dedísset, palátium spatiósum et magnum, cum militáribus armis crucis signáculo insignítis, is, pro cujus amóre míliti egéno subvénerat, dignatíva sibi revelatióne monstrávit : necnon visa ómnia sua fore, militúmque suórum, si crucis Christi vexíllum constánter assúmeret, sub asseveratiónis certitúdine repromísit.

R̃. Amícum quaerit prístinum, qui spretum in coenóbio

tunícula contéxit : contéptu gaudens hóminum, \* Leprósis fit obséquio, quos ántea despéxit. Ṽ. Sub typo trium Ordinum, tres nutu Dei prae-vio ecclésiās eréxit. Leprósis.

Lectio vj.

**E**X tunc a públicae negotiatiónis tumultu se súbtrahens, solitária loca quærébat amíca moeróribus. In quibus cum gemítibus inenarrabílibus incessánter inténdere, post longam precum instántiam, qua sibi perfectiúnis sémitam a Dómino postulábat osténdi, ad votum exaudíri promérui[t]. Una quippe diérum, dum sic sequestrátus oráret, appáruit ei Christus Jesus véluti cruci confíxus, eidem tam effícaciter íngerens Evángelicum illud : Qui vult veníre post me, ábneget semetípsum, et tollat crucem suam, et sequátur me; ut mentem ipsíus intrínsecus, et incéndio dilectiúnis adúreret, et absínthio compassiúnis impléret. Nam et ad praemíssae visiúnis contúitum liquefacta est ánima ejus, et memória passiúnis Christi viscéribus cordis ipsíus ádeo impréssa medúllitus : ut et Crucifíxi plagas óculis mentis intérius quasi júgiter cérneret, et vix extérius a lacrymósis gemítibus continéri valéret.

R̃. Audit in Evángelio, quae suis Christus lóquitur, ad praedicándum missis : Hoc,

inquit, est quod cūpio. \* Laetānter his innītitur, memōriāe commīssis. *V.* Non utens virga, cālceo, nec pera, fune cīngitur, duplīcibus dimīssis. Laetānter. Glōria Patri. Laetānter.

In tertio Nocturno.

Añā. Cor verbis novae grātiaē sollicitus appōnit, verbūmque poenitētiaē simplīciter propōnit.

Añā. Pacem, salūtem nūntiat in spīritus virtūte, veraeque paci sōciat longīnquos a salūte.

Añā. Ut novis Sancti mērita remunerēntur natis, his nova tradit mōnita, viam simplicitātis.

*V.* Manus meae stillavērunt myrrham. *R.* Et dīgiti mei pleni myrrha probatīssima.

Lectio sancti Evangelii secundum Matthaeum.

Lectio vij. Cap. II.

**I**N illo tēpore : Respōndens Jesus dixit : Confīteor tibi, Pater, Dōmine caeli et terrae, quia abscondīsti haec a sapiētibz, et prudētibz, et revelāsti ea pārvulis. Et reliqua.

Homilīa sancti Joānnis Chrysōstomi.

*Quae est 38. alias 39. in Matth. sup. hoc Evang.*



CONFITEOR tibi, hic significat, grātias ago tibi. Grātias ago, inquit, quia abscondīsti haec a sapiētibz, et prudē-

tibus : sapiēntes autem hic vocat Scribas et Phariseos. Haec porro dicit, ut discipulos alacriōres reddat, et ostēdat quanta consecūti sint piscatōres, a quibus illi omnes exciderunt. Cum vero sapiēntes vocat illos, non de vera et laudābili sapiēntia lōquitur, sed de illa, quam videbāntur ex gravitāte consecūti : idcirco non dixit, Revelāsti stultis, sed pārvulis, sincēris scīlicet, ac simplīcibus; ostenditque illos, non solum quod digni non essent, sed jure etiā haec non esse adēptos. Nosque per omnia docet, ut a supēbia fugiāmus, sed simplicitātem sectēmur. Deīnde cum per ea, quae dīxerat, ipsis desidērium indidīssset, suāmque ineffābilem potēntiam demonstrāssset : tunc vocāvit illos, dicens : Venīte ad me omnes, qui laborātis, et onerātī estis, et ego refīciam vos.

*R.* Carnis spicam contēptus ārea. Francīscus terens, calcans tērrea, \* Granum purum, excūssa pālea, summi Regis intrat in hōrrea. *V.* Vivo panī morte jūctus, vita vivit vita functus. Granum.

Lectio viij.

**V**ENITE, non ut poenas ēxpetam, sed ut peccāta solvam : venīte, non quod glōria vestra ēgeam, sed quod salūtem vestram sītiam. Ego, inquit, refīciam vos. Non ait,

salvos fáciam, sed quod multo magis est, in omni quiéte constítuam. Tóllite jugum meum super vos, et díscite a me, quia mitis sum, et húmilis corde : et inveniétis réquiem animábus vestris. Jugum meum suáve est, et onus meum leve. Ne timeátis, inquit, cum jugum audítis, suáve quippe est : ne formidétis quia dixi onus, leve quippe est. Et quómodo supra dixit : Angústa est porta, et arcta via? Nempe si segnis sis, si remíssus; at si supra dicta perféceris, leve erit onus : idcirco nunc illud hujúsmodi esse dixit. Quómodo autem id perfícitur? Si fúeris húmilis, mansuétus, et modéstus.

R̃. De paupertátis hórreo sanctus Francíscus sátiat turbam Christi famélicam, in via ne deficiat : \* Iter pandit ad glóriam, et vitae viam ampliát. Ṽ. Pro paupertátis cópia regnat dives in pátria, reges sibi substítuens, quos hic ditat inópia. Iter.

Lectio ix.

**J**UGUM enim meum suáve est, et onus meum leve. Ita et Paulus suádet dicens : Momentáneum et leve tribulatiónis, mire et supra modum aetérnum glóriæ pondus operátur. Et quómodo leve est onus, inquies, cum dicat : Nisi quis ódio habúerit patrem, et matrem; et qui non tollit crucem suam, et séquitur

me, non est me dignus; et qui non renúnciat ómnibus, quæ pòssidet, non potest meus esse discípulus : cum júbeat ipsam quoque ánimam ódio habére? Te Paulus dóceat, dicens: Quis nos separábit a caritaté Christi? Tribulátio, an angústia, an persecútio, an fames, an núditas, an perículum, an gládus? Et : Non sunt condígnæ passiónes hujus témporis ad futúram glóriam, quæ revelábitur in nobis. Dóceant te, qui a conséssu Judaeórum post mille vérbera redíbant gaudéntes, quia digni hábiti fúerant pro nómine Christi contuméliam pati.

R̃. Mihi absit gloriári, nisi in cruce Dómini nostri Jesu Christi : \* Per quem mihi mundus crucifíxus est, et ego mundo. Ṽ. Ego enim stígmata Dómini Jesu in córpore meo porto. Per. Glória Patri. Per.

Ante Laudes, Ṽ. Ora pro nobis beáte Pater Francíscus.

IN LAUDIBUS.

Añá. Sanctus Francíscus praevis oratiónum stúdiis quid fáciat instrúctus, non sibi soli vívere, sed áliis profícere vult Dei zelo ductus. Psalm. Dóminus regnávít. cum reliquis, pag. xj.

Añá. Hic praedicádo círcuit, et quem non homo dócuit, fit doctis in stupórem : virtútum verba lóquitur, novúmque nova séquitur milítia ductórem.

Añā. Tres Ordines hic ordi-  
nat : primúmque Fratrum nó-  
minat Minórum : pauperúm-  
que fit Dominárum médius :  
sed Poeniténtum tértius sexum  
capit utrúmque.

Añā. Doctus doctrice grátia,  
doctus experiéntia, quae sunt  
perfectiónis : haec fratres do-  
cet ómnia, tam factis, quam  
frequéntia mellíflui sermónis.

Añā. Laudans laudáre mó-  
nuit, laus illi semper ádfuit,  
laus, inquam, Salvatóris : in-  
vítat aves, béstias, et creatúras  
álias ad laudem Conditóris.

Capitulum. Fratres, Mihi.  
ut supra, pag. 770.

Hymnus.

**P**LAUDE turba paupér-  
cula,  
Patre ditáta páupere :  
Laudis propína pócula,  
Sacro depréssa úbere.

Hic simplex, rectus, húmilis,  
Pacis cultor amábilis,  
Lumen in vase fictili  
Ardens, lucens in frágili.

Vili contéctus tégmene,  
Sancto caléscens Flámene,  
Inter caeli charísmata,  
Christi recépit stígmata.

Carnem mundúmque conte-  
rens,  
Hostes malignos próterens,  
Auream victor mérui,  
Auréolam dum dócuit.

Pauper, nudus egréditur,  
Caelum dives ingréditur :  
Spargit virtútum múnera,  
Ægris proflígat vúlnera.

Verórum Pater páuperum,  
Nos páuperes fac spíritu :  
Consórtes redde súperum,  
Eréptos ab intéritu.

Patri, Nato, Paráclito  
Decus, honor, et glória :  
Sancti sint hujus mérito  
Nobis aetérna gáudia.

Amen.

℣. Cor meum, et caro mea.  
℞. Exsultavérunt in Deum  
vivum.

Ad Benedictus, Añā. O  
Martyr desidério, Francísce,  
quanto stúdio compátiens  
hunc séqueris, quem passum  
libro réperis, quem aperuísti!  
Tu cóntuens in áere Seraph in  
cruce pósito, ex tunc in pal-  
mis, látere, et pédibus effígiem  
fers plagárum Christi. Tu gregi  
tuo próvide, qui post felícem  
tránsitum, dirae prius et lívi-  
dae, glorificátae spéciem carnis  
praetendísti.

AD TERTIAM.

Capitulum. Fratres, Mihi.

℞. Pósuit me sibi quasi in  
signum, \* Allelúia, allelúia.  
Pósuit. ℣. Circúmdedit me  
lánceis suis. Allelúia. Glória  
Patri. Pósuit.

℣. Sagíttae tuae infixae sunt  
mihi. ℞. Et confirmásti super  
me manum tuam.

AD SEXTAM.

Capitulum. Galat. 6.

**E**T quicúmque hanc régu-  
lam secúti fúerint, pax  
super illos, et misericórdia,  
et super Israél Dei.

R. Sagittae tuae infixae sunt mihi, \* Allelúia, allelúia. Sagittae. V. Et confirmasti super me manum tuam. Allelúia. Glória Patri. Sagittae.

V. Manus meae stillavérunt myrrham. R. Et dígiti mei pleni myrrha probatíssima.

AD NONAM.

Capitulum. *Galat. 6.*

**D**E cétero nemo mihi mólestus sit : ego enim stigmata Dómini Jesu in corpore meo porto. Grátia Dómini nostri Jesu Christi cum spíritu vestro, fratres. Amen.

R. Manus meae stillavérunt myrrham, \* Allelúia, allelúia. Manus. V. Et dígiti mei pleni myrrha probatíssima. Allelúia. Glória Patri. Manus.

V. Cor meum, et caro mea. R. Exsultavérunt in Deum vivum.

AD VESPERAS.

Super Psalm. Aña j. Laudum. Psalmi de Comuni Conf. pag. xxviii.

Capitulum. *Fratres, Mihi.* ut in j. Vesp. pag. 770.

Hymnus.

**D**ECUS morum, dux Minórum,  
Franciscus tenens praemium,  
In te vite datur vitae,  
Christe Redemptor ómnium.

Plaudat frater, regnat Pater,  
Concívius caeli cívibus :  
Cedat fletus, psallat coetus,  
Exsúltet caelum láudibus.

Demptum solo, datum polo  
Signórum probant ópera :  
Ergo vivit, nam advit  
Æténa Christi múnera.

Pro terrénis votis plenis  
Repórtat dona glóriæ :  
Quem decóras, quem honóras,  
Summae Deus cleméntiae.

Ilunc sequántur, huic jun-  
gántur,

Qui ex Ægypto éxeunt :  
In quo duce, clara luce  
Vexílla Regis pródeunt.

Regis signum ducem di-  
gnum

Insígnit manu, látere :  
Lux accédit, nox recédit,  
Jam lucis orto sídere.

. Est dux fidus, clarum sidus,  
Ducit, relúcet, dévia  
Devitándo, demonstrándo  
Beáta nobis gáudia.

Mina gregem dux ad Regem,  
Collisor hostis cállidi :  
Nos condúcas, et indúcas  
Ad cenam Agni próvidi.

Amen.

V. Ora pro nobis beáte Pa-  
ter Francísce. R. Ut digni effi-  
ciámur promissióibus Christi.

Ad Magnificat, Aña. O virum  
mirábilem in signis et prodí-  
giis, languóres cum daemóniis  
quóslibet pelléntem! Dat au-  
rem suis ávium praedicans sil-  
véstrium verbis intendéntem.  
O vitam laudábilem, qua fidem  
sic magnificat, sed et multos  
vivificat mórtuos defúctus!  
Francísce nos caeléstiū fac  
cónsórtes cívium, quibus es  
conjúctus.

## PER OCTAVAM.

Ad Benedictus, Añā. Sancte Francísce própēra, veni Pater, accēlera ad pópulum, qui prēmītur, et tēritur sub ónere, pálea, luto, látere : et sepúlto Ægyptio sub sábulō, nos líbera, carnis exstíncto vítio.

Ad Magnificat, Añā. Salve sancte Pater, pátriae lux, forma Minórum, virtútis spéculum, recti via, régula morum : carnis ab exsílio duc nos ad regna polórum.

Si propter translationem, contigerit fieri Officium de S. Francisco infra Oct. Lect. iij. in Matut. erit seq.

## Lectio iij.

**I**NSIGNIS sectátor crucifíxi Jesu vir Dei Francíscus a suae conversiónis primórdiis tanta disciplínae rigiditate carnem crucifigēbat cum vítiis, motúsque sensuales tam stricta frenābat modéstiae lege, ut vix necessariá súmeret sustentationi natúrae. Nam cocta cibária sanitátis témpore vix admittēbat, et raro; admíssa vero, aut commistióne cíneris intérdum faciēbat amára, aut áquei superinfusióne liquóris ut plúrimum reddēbat insípida. Quam vero distríctam in potu parcitátem serváverit, carnem suam a vino ábstrahens, ut transférret ánimam ad sapiéntiae lucem, hinc líquido valémus advértere, quod et de

aqua frígida, cum sitis aestuábat ardóre, vix audēbat ad sufficiéntiam bíbere. Nuda humus, ut saepius, lectus erat lassáto corpúsculo : cervícal, lapis vel lignum; vestísque simplex, rugósa et hispida, teguméntum : pro eo quod experiéntia certa didícerat, hostes malignos duris et áspēris in fugam convérti; delicátis autem et móllibus ad tentándum fórtius animári.

## OCTAVA

S. P. Francisci. Solemnis.

Omnia ut in die, praeter sequentia.

In j. Nocturno, Lectiones de Scriptura corrente.

In secundo Nocturno.

## Lectio iv.



**S**ANCTUS Francíscus tránsitum suum longe ante praescívit : diéque óbitus imminénte, dixit fratribus, sui córporis tabernáculum depónéndum in' próximo, quemádmōdum demonstrátum sibi fúerat a Christo. Biénnio itaque ab impressiōne sacrórum stígmātum, anno videlicet a sua conversiōne vigésimo, ad sanctam Maríam de Portiúncula se deférri popóscit : ut ubi per Vírginem matrem Dei spíritum concéperat perfectiōnis et grátiae, ibídem mortis solúto débito, ad bravúm perveníret retributiōnis aetérnae. Perdú-

ctus autem ad locum praefatum, ut veritatis exemplo monstraret, quod nihil erat ei commune cum mundo, in illa infirmitate tam gravi super nudam humum se totum nudatum deposuit : quatenus hora illa extrema, in qua poterat adhuc hostis irasci, nudus luctaretur cum nudo. Decubans sic in terra et pulvere nudatus athleta, manu sinistra dextri lateris vulnus, ne videretur, obtexit : facieque serena solito more levata in caelum, intendens illi gloriae totus, magnificare coepit Altissimum, pro eo quod expeditus ab omnibus, liber jam transfret ad ipsum.

Lectio v.

**H**ORA denique sui transitus jam instante, omnes fratres existentes in loco ad se fecit vocari, et eos consolationis verbis pro sua morte demulcens, paterno affectu ad divinum est hortatus amorem. Possessionem quoque paupertatis et pacis hereditaria ipsis successione relinquens et legans, ut se ad aeterna protenderent, ac contra mundi huius munirent pericula, vigilanter admonuit : et ad crucifixi Jesu perfecte sectanda vestigia, omni, qua potuit, efficacia sermonis induxit. Circumsedentibus vero filiis coram pauperum Patriarcha, cujus jam caligaverant oculi, non senectute, sed lacrymis, vir sanctus caecum

tiens, et morti jam proximus, extendit super eos manus in modum crucis brachiis cancellatis, pro eo quod hoc signum semper amabat : et omnibus fratribus, tam praesentibus quam absentibus, in Crucifixi virtute ac nomine benedixit.

Lectio vj.

**P**OST haec Evangelium secundum Joannem ab illo loco, Ante diem festum Paschae, sibi legi poposcit, ut in eo vocem Dilacti pulsantis audiret, a quo solus eum jam paries carnis disjungebat. Tandem cunctis in eum completis mysteriis, orans et psallens, vir beatus obdormivit in Domino, et anima illa sanctissima, carne soluta, in aeternae claritatis abyssum absorpta est. Ipsa tunc hora unus ex fratribus et discipulis ejus, vir utique sanctitate famosus, animam illam felicem conspexit, sub specie stellae praefulgidae, candida subvectam nubecula, super aquas multas in caelum tramite recto conscendere : utpote quae conscientiae nitore candescens, et meritum praerogativa refulgens, tam efficaciter sursum ferebatur affluentia gratiarum, et deiformitate virtutum, ut a visione caelestis lucis et gloriae nec modicum retardari valeret.

In iij. Nocturno, legatur Homilia Dom. curr. Si vero jam lecta fuerit, dicantur sequentes Lectiones.



Lectio sancti Evangelii secundum Matthaeum.

Lectio vij. Cap. II.

**I**N illo tempore : Respondens Jesus dixit : Confiteor tibi, Pater, Domine caeli et terrae, quia abscondisti haec a sapientibus, et prudentibus, et revelasti ea parvulis. Et reliqua.

Homilia sancti Augustini  
Episcopi.

Serm. 12. de Verbis Apostoli,  
cap. 7. et 8.



**D**ISCITE a me, inquit, quoniam mitis sum, et humilis corde. Quid tamen fecit propter te? Semetipsum exinanivit formam servi accipiens, in similitudinem hominum factus, et habitu inventus ut homo. Ecce propter te Deus factus est homo : et non te vis agnoscere, cum sis homo? Ecce propter te Deus factus est homo sine peccato : et non vis te agnoscere cum peccato, ut venias ad illum, qui ait : Venite ad me omnes, qui laboratis, et onerati estis, et ego vos reficiam?

Lectio viij.

**M**OLLITE jugum meum super vos. Tulisti hoc jugum? Tulisti? Sentis te habere sessorem? Tulisti hoc jugum? Dicis : Tuli. Sentis te habere sessorem? Sentis te habere rectorem? Sentio, inquis. Illi ergo dic : Gressus meos

diriges secundum verbum tuum. Regit te sub jugo suo, et sub sarcina sua. Ut enim sarcina ejus sit tibi levis, et jugum ejus suave : ille tibi amorem inspiravit. Amanti suave est, non amanti durum est. Amanti suave est : Dominus dedit suavitatem.

Lectio ix.

**A**N forte, quia venisti audiens, Venite ad me; hoc ipsum tibi arrogare contendis, quia venisti? Ecce, inquis, veni ad illum arbitrio meo, voluntate mea. Quia veni, reficit me; quia veni, jugum suum imponit mihi suave; quia dat amorem, sarcinam suam levem imponit mihi amanti et diligenti. Haec omnia fecit in me; sed quia veni ad eum. Ergo hoc sapis, quia venisti : tu tibi hoc praestitisti? Quid enim habes, quod non accepisti? Quomodo venisti? Credendo venisti, sed nondum pervenisti. Adhuc in via sumus. Venimus, sed nondum pervenimus. Vis nosse quia et hoc praestitum est tibi? Ipsum audi vocantem : Nemo venit ad me, nisi Pater, qui misit me, traxerit eum.

DIE V. OCTOBRIS.

SS. Placidi ac soc. Mart.

Simplex.

Oratio.

**O**MNIPOTENS sempiternus Deus, qui hodierna die beatum Placidum cum só-

ciis suis per martyrii palmam ad regna sidérea sublevásti : concéde propítius, ut quod in eórum festivitáte depóscimus, ipsórum intercessióne cónsequi mereámur. Per Dóminum nostrum Jesum Christum Fílium tuum; qui tecum vivit.

In secundo Nocturno.

*Ex Leone Ostiensi, et aliis, ac Rom. Brev.*

Lectio iv.



**P**LACIDUS, Romae Tertúllo patre in primis nóbili natus, puer Deo oblátus, et sancto Benedícto tráditus, tantum ejus disciplína, et monásticae vitae institútis profécit, ut inter praecípuos illíus discipulos numerarétur. Oratióni, lectióni, ac meditatióni assídue vacans, compunctiónis spírиту copiósas lácrymas effundébat. In Quadragésima Domínico die, ac Féria tértia, et quinta, pane tantum et aqua contén-tus, áliis diébus nihil omníno sumébat. Quadagesimáli per totam vitam cibo, et cilício, vino nunquam, usus est.

Lectio v.

**A**SANCTO Benedícto in Sicíliam missus, eo in itínere caecum illuminávit, paralyticum curávit, claudogres-sum, muto loquélam restítuit, surdum simul caecum et mutum, quin et álium daemoníacum liberávit : alíaque fecit

complúra mirácula. Ubi vero pervénit, constrúcto in honórem sancti Joánnis Baptístae monastério juxta Messánae portum, ibi cum mónachis admirábili sanctitáte vixit.

Lectio vj.

**E**JUS viséndi causa cum eo veníssent Eutychius et Víctorínus illíus fratres, et Flávia virgo soror, eódem témpore illuc áppulit immánis quídam piráta, Manúcha nómine, qui capto monastério, cum Plácidum et céteros nullo modo addúcere potuísset, ut Christum negárent, ipsum, fratresque illíus ac sorórem crudéliter necári jussit. Cum quibus étiam Donátus, Firmátus Diáconus, Faustus, alíque trigínta mónachi martyrii agónem felíciter consummárunť, tértio Nonas Octóbris, anno salutis quingentésimo trigésimo nono.

In iij. Nocturno. Homilia in Evang. Sedénte. ut in festo SS. Mart. Januarii et soc. pag. 717.

## DIE VI. OCTOBRIS.

S. Brunonis Confessoris.

Duplex. Oratio.

**S**ANCTI Brunónis Confessoris tui, quaesumus Dómine, intercessiónibus adjuvémur : ut qui majestátem tuam gráviter delinquéndo offéndimus; ejus méritis et

précibus, nostrorum delictorum véniam consequámur. Per Dóminum.

Mem. diei octavae Simpl. S. Michaëlis Archangeli in utrisque Vesperis et in Laudibus.

In secundo Nocturno.

Lectio iv.

**B**RUNO Carthusiánae Religiónis institutor, Colóniae Agrippinae natus est. Ab ipsis incunábulis spécimen futúrae sanctitátis praeferens, morum gravitate, puerilia illius aetatis, divína favente grátia, declinans, ádeo excelluit, ut jam inde monachorum Pater, vitaeque anachoréticae futurus instaurator agnosceretur. A paréntibus genere ac virtute claris Lutétiam Parisiorum missus, tantum ibi in philosophiae ac theologiae studiis profecit, ut doctóris ac magístri munus in utráque facultate sit adeptus, nec multo post, ob egregias ipsius virtutes, Ecclesiae Rheménsis canonicatu potitus.

Lectio v.

**E**LAPSIS aliquot annis, cum sex aliis familiáribus mundo renúntians, sanctum Hugónem Episcopum Gratianopolitánum ádiit. Qui causa eorum adventus cognita, eosdemque intélligens esse, quos eádem nocte véluti se-

ptem stellas ad suos pedes corruéntes in somnis viderat, montes suae dioecésis aspérrimos, quos Carthusiános appellánt, illis concessit. Illuc Bruno cum sóciis, ipso Hugóne comitánte, secédens, cum per aliquot annos eremíticam vitam egísset, ab Urbáno Secúndo, qui ejúsdem Brunónis discípulus fúerat, Romam accersitur. Ejus consíliis ac doctrína Póntifex in tot illis Ecclesiae calamitátibus per aliquot annos usus est, donec Bruno, recusato Rhegiénsi Archiepiscopátu, discedéndi facultatem obtínuit.

Lectio vj.

**I**GITUR solitúdinis amore erémum quamdam apud Squíllacum in Calábriae finibus pétiit. Quo in loco, cum ipsum orántem Rogérius comes Calábriae inter venándum, latrántibus ad illius spelúncam cánibus, reperísset, sanctitate viri permótus, illum ac sócios fovére et cólere impénse coepit. Nec liberálitas sine praemio fuit. Cum enim idem Rogérius Cápuam obsidéret, eúmque Sérgius quidam excubiárum magíster pródere statuísset, Bruno adhuc in dicta eremo vivens, in somnis illi ómnia apériens, ab imminénti periculo cómitem liberávit. Tandem virtútibus ac méritis plenus, nec sanctitate minus quam doctrínae fama clarus, obdor-

mívit in Dómino, sepultusque est in monasterio sancti Stéphani ab ipso Rogério constructo, ubi háctenus honorífice colitur.

In tertio Nocturno.

Lectio sancti Evangelii secundum Lucam.

Lectio vij. *Cap. 12.*

**I**N illo tempore : Dixit Jesus discipulis suis : Sint lumbi vestri praecincti, et lucernae ardentes in manibus vestris, et vos similes hominibus expectantibus dominum suum quando revertatur a nuptiis. Et reliqua.

Homilia sancti Brunonis Confessoris.

*Ex Serm. 5. de Confessoribus.*

**N**ON possunt alii esse lucernae ardentes, nisi illi qui lumbos praecinctos habent. Lucernae quidem esse possunt : ardentes esse non possunt. Nisi enim ignis inferior exstinguatur, superior lucere non potest. Inferior ignis luxuria est; superior vero quis alius, nisi gratia Spiritus sancti? Lucernae autem ipsi sunt, qui nisi continentiam et castitatem habuerint, non lumen et claritatem, sed tenebras ministrant, et caecitatem. Caecus enim si caecum duxerit, ambo in foveam cadunt, Domini sententia est. Qui autem lucerna ardens esse

vult, lumbos praecingat, continentiam et castitatem custodiat.

Lectio viij.

**S**IC enim praecinctos esse oportet, qui Salomonis custodiunt lectum. Lectus Salomonis est Ecclesia; illius videlicet Salomonis, qui ait : Ecce plus quam Salomon hic. Unde illi bene praecincti sunt, qui super femur suum, suum gladium habent : illum videlicet gladium, quo castissima Judith Holofernem interfecit. Apostolus enim non solum Episcopos et Sacerdotes, verum etiam omnes Christianos, sanctos, castos, et continentes esse jubet, cum dicit : Qui habent uxores, tamquam non habentes sint : et qui solutus est ab uxore, non ducat uxorem.

Lectio ix. *Ex Serm. 7.*

**S**ECQUITUR : Beati servi illi, quos cum venerit dominus, invenerit vigilantes. Si ad ultimum adventum respiciamus, et bonos et malos omnes vigilantes inveniet. Non erit tunc tempus dormiendi, sive boni sive mali aliquid agendi, sed solummodo timendi, et iudicium expectandi. Ergo dum tempus habemus, cum Apostolo operemur bonum ad omnes. Hoc est enim vigilare, in bonis operibus perseverare. Illa anima dormit, immo quasi mortua jacet, quae negligens et desidiósa est, et

nihil boni operátur. Ille bene vigilábat, qui ait: Média nocte surgébam ad confiténdum tibi. Iste enim non solum vigilábat, sed et vigiládo Deum laudábat.

### DIE VII. OCTOBRIS.

B. Matthaei Carrerii Conf.  
Ordinis Praedicat.

Duplex. Oratio.

**E**XCITA Dómine in córdibus nostris crucis et passionis amórem : ut beáti Matthaei intercessióne et exémplo, dolórum Christi partícipes efficiámur, et glóriae : Qui tecum vivit.

In j. Nocturno, Lectiones  
Beátus vir. de Comm. Conf.  
non Pont. pag. lxiv.

In secundo Nocturno.

Lectio iv.



**MATTHAEUS** ex nobili Carreriórum familia, piis paréntibus Mántuae ortus est. Adoléscens Praedicatorum institútum in pátria ampléxus, aspérrimam vitae ratióne iníit, quam etsi Superiórum nutu aliquándo mitigáverit, mira tamen fuit, dum vixit, potus cibíque abstinentia. Siléntii item et solitúdinis tenax ádeo, ut quoad lícuit, vix e cella prodíret, ac nonnisi de Deo, rebúsque divínis loquerétur. Puritatem ánimi et córporis mirífice cóluit : humilitate cum primis excélluit, ab ináni glória, quam subtíle vítium

appelláre consuéverat, vehementer abhórrens. In divínis láudibus persolvéndis tanto aestuábat pietátis ardóre, ut extra se rapi saepe viderétur.

Lectio v.

**A**D apostólicae praedicationis munus, quo ad mortem usque se exércuit, jugi stúdio, assiduáque oratióne se comparábat. Ferventíssimus illi animárum zelus, quo gravíssimos peccatóres ad viam salutis revocávit. Proximórum aerúmni vehementer ádeo commovebátur, ut seípsum in servitútem aliquándo déderit pro vírgine quadam, una cum matre ab iníquo praedóne intercéptis, rediménda : quam ille tamen exímiam viri caritatem admirátus, utrámque et illum libertáte donávit.

Lectio vj.

**J**UGI altissimáque divinárum rerum contemplatióne defíxus, praesértim dum Sacris operarétur, in lácrymas solvebátur. Dolórum Christi, ántequam e vita migráret, particeps fieri vehementer optábat, votíque compos efféctus est. Nam cum mente in Domínicam passióne erécta, ejus cálicem admovéri sibi eníxe flagitáret, cor suum quasi acúta sagitta transfíxum eo sensit dolore, ut exánimis pene defíceret. Quo signo horam sibi imminére supréam praeséntiens, Sacraméntis Ecclésiae

devotissime susceptis, ac vénia a Superióre humiliter petita, placidissime exspiravit Viglévani in Insúbria, anno salutis millésimo quadringentésimo septuagésimo. Miráculis statim post mortem inclaréscere, et magna fréquentia coli coepit. Quibus Xystus Quartus permótu, duodécimo ab ejus óbitu anno, ipsíus córporis translationem, atque in divínis Offíciis commemoratióem fieri indúlsit. Benedíctus vero Décimus quartus ejus Offícium et Missam in Ecclésiis Mantuána et Viglevanénsi, atque univérso Praedicatórum Ordine celebrári concéssit.

In iij. Nocturno, Homilia in Evang. Sint lumbi. de Comm. Conf. non Pont. pag. lxxvj.

## DIE VIII. OCTOBRIS.

Sanctae Birgittae Viduae.

Simplex.

Oratio.

**D**OMINE Deus noster, qui beátae Birgittae per Fílium tuum unigénitum secréta caeléstia revelásti : ipsíus pia intercessióne da nobis fámulis tuis, in revelatióne sempitérnae glóriæ tuæ gaudére laetántes. Per eúmdem Dóminum.

In secundo Nocturno.

Lectio iv.



**B**IRGITTA in Suécia, illústribus et piis paréntibus orta, sanctíssime vixit. Cum adhuc in útero gestarétur, a

naufrágio propter eam mater erépta est. Decénis, post audítum de passióne Dómini sermónem, sequénti nocte Jesum in cruce recénti ságuine perfúsum vidit, et de eádem passióne secum loquéntem : quo ex témpore in ejúsdem meditatióne ita afficiebátur, ut de ea sine lácrymis cogitare deinceps nunquam posset.

Lectio v.

**U**LFONI Neríciae príncipi in matrimónium trádita, virum ipsum ad pietátis offícia, tum óptimis exémpis, tum effícacibus verbis adhortáta est. In filiórum educatióne piíssima. Paupéribus, et máxime infirmis, domo ad id múnus dicáta, inserviébat quam diligentíssime, illórum pedes sólita laváre et osculári. Cum autem una cum viro suo redíret Compostélla, ubi sancti Jacóbi Apóstoli sepúlcrum visitáverant, et Atrébati Ulfo graviter aegrotáret, sanctus Dionysius Birgittae noctu appáruit, et de maríti salute, aliisque de rebus, quae futúrae erant, praemónuit.

Lectio vj.

**V**IRO Cisterciénsi mónacho factó, et paulo post defúncto, Birgitta, audíta Christi voce in somnis, arctiorem vitae formam est aggréssa. Cui deínde arcána multa fuérunt divínitus reveláta. Monasté-

rium Vastanénse sub régula sancti Salvatoris, ab ipso Domino accepta, instituit. Romam Dei jussu venit, ubi plurimos ad amorem divinum vehementer accendit. Inde Jerosolymam petiit, et iterum Romam; quae ex peregrinatione cum in febrem incidisset, gravibus per annum integrum afflictata morbis, cumulatam meritis, praenuntiata mortis die, migravit in caelum. Corpus ejus ad Vastanénse monasterium translatum est: et miraculis illustrem Bonifacius Nonus in Sanctorum numerum retulit.

In iij. Nocturno, Homilia in Evang. Símile est regnum caelorum thesauro. ut in Comuni nec Virg. nec Mart. pag. xcij.

### DIE IX. OCTOBRIS.

SS. Martyrum Dionysii  
et sociorum ejus.

Totum Duplex.

Oratio.

**D**EUS, qui hodierna die beatum Dionysium Martyrem tuum atque Pontificem virtute constantiae in passione roborasti; quique illi ad praedicandum gentibus gloriam tuam, Rusticum et Eleutherium sociare dignatus es: tribue nobis, quaesumus, ex eorum imitatione pro amore tuo prospera mundi despiciere, et nulla ejus adversa formidare. Per Dominum.

In primo Nocturno.

De Actibus Apostolorum.

Lectio j. Cap. 17.



**S**TANS autem Paulus in medio Areopagi, ait: Viri Athenienses per omnia quasi superstitiosiores vos video. Praetereans enim, et videns simulacra vestra, inveni et aram, in qua scriptum erat: Ignoto Deo. Quod ergo ignorantes colitis, hoc ego annuntio vobis. Deus, qui fecit mundum, et omnia quae in eo sunt, hic caeli et terrae cum sit Dominus, non in manufactis templis habitat, nec manibus humanis colitur indigens aliquo, cum ipse det omnibus vitam, et inspirationem, et omnia.

Lectio ij.

**F**ECITQUE ex uno omne genus hominum inhabitare super universam faciem terrae, definiens statuta tempora, et terminos habitationis eorum, quaerere Deum si forte attraherent eum, aut inveniant, quamvis non longe sit ab unoquoque nostrum. In ipso enim vivimus, et movemur, et sumus: sicut et quidam vestrorum poetarum dixerunt: Ipsius enim et genus sumus. Genus ergo cum simus Dei, non debemus aestimare auro, aut argento, aut lapidi, sculpturae artis, et cogitationis hominis, Divinum esse simile.

## Lectio iij.

**E**T témpora quidem hujus ignorantiae despiciens Deus, nunc annúnciat homínibus ut omnes ubique poenitentiam agant, eo quod státuit diem, in quo judicatúrus est orbem in aequitate, in viro, in quo státuit, fidem praebens ómnibus, súscitans eum a mórtuis. Cum audíssent autem resurrectionem mortuórum, quidam quidem irridébant, quidam vero dixerunt : Audiémus te de hoc íterum. Sic Paulus exívit de médio eórum. Quidam verò viri adhaeréntes ei, credidérunt : in quibus et Dionysius Areopagíta, et múlter nómine Dámaris, et álíi cum eis.

In secundo Nocturno.

*Ex Metaphr. et ex vetustis tum Graecis, tum Latinis monumentis, ab Hilduino Abbate, et Hincmaro Rhemensis Episcopo collectis, et ex Romano Brev.*

## Lectio iv.

**D**IONYSIUS Atheniënsis, unus ex Areopagítis judícibus, vir fuit omni doctrínae génere instrúctus. Qui cum adhuc in gentilitátis erróre versarétur, eo die, quo Christus Dóminus cruci affíxus est, solem praeter natúram defecísse animadvértens, exclamásse tráditur : Aut Deus natúrae pátitur, aut mundi

máchina dissólvitur. Sed cum Paulus Apóstolus véniens Athénas, et in Areopágum ductus, ratió nem reddidísset ejus doctrínae, quam praedicábat, affírmans Christum Dóminum resurrexísse, et mórtuos omnes in vitam reditúros esse : cum álíi multi, tum ipse Dionysius in Christum credidit.

## Lectio v.

**I**TAQUE et baptizátus est ab Apóstolo, et Atheniënsium Ecclesiæ praeféctus. Qui cum póstea Romam vénisset, a Cleménte Pontífice missus est in Gálliam praedicándi Evangélii causa. Quem Lutétiam usque Parisiórum Rústicus Présbyter, et Eleuthérius Diáconus prosecúti sunt : ubi a Fescénio praefécto, quod multos ad christiánam religió nem convertísset, ipse cum sóciis, virgis caesus est : cumque in praedicatione christiánae fidei constantíssime perseveráret, in craticulam subjécto igne injícitur, multisque praeterea supplíciis una cum sóciis cruciátur.

## Lectio vj.

**S**ED ea tormentórum génera ómnibus forti ac libénti ánimo perferéntibus, Dionysius annum agens supra centésimum, cum réliquis secúri percútitur séptimo Idus Octóbris. De quo illud memoriae próditum est, abscíssum



suum caput sustulisse, et progressum ad duo millia passuum in manibus gestasse. Libros scripsit admirabiles, ac plane caelestes, de divinis nominibus, de caelesti, et ecclesiastica hierarchia, de mystica theologia, et alios quosdam. Ejus scripta miraculis fuisse illustrata produntur.

In iij. Nocturno, Homilia in Evang. Attendite a fermento Pharisaeorum. ut in festo SS. Joannis et Pauli, pag. 502.

### DIE X. OCTOBRIS.

S. Ludovici Bertrandi Conf.  
Ord. Praed.  
Totum Duplex.

#### AD VESPERAS.

Super Psalm. Aña. Quasi meridianus fulgor consurgit tibi ad vespem : et cum te consumptum putaveris, oriéris ut lucifer. Psalm. Laudate pueri Dominum. cum ceteris, pag. j.

Capitulum. *Apoc. 14.*



IDI alterum Angelum volantem per medium caeli, habentem Evangelium aeternum, ut evangelizaret sedentibus super terram, et super omnem gentem.

R. In nomine meo daemonia ejicient : linguas loquentur novis : serpentes tollent : \* Et si mortiferum quid biberint, Non eis nocébit. V. Filios tuos, nec draconum venenató-

rum vicérunt dentes : quia misericordia tua adveniens sanábat illos. Et. (Gloria Patri. Non.

#### Hymnus.

**D**UM Ludovici glória  
Corúscat inter sídera,  
Fecúnda Sanctórum parens  
Det júbilos Valéntia.

Immo parens Ecclésia  
Laetis canóra vóci bus  
Grates ubique pérsonet  
Pro Núminis cleméntia.

Haec Ludovici párvuli  
Primam rigans infántiam,  
Praevénit in dulcédine  
Lacténtis innocéntiam.

Ilaec jugis illi praefuit  
Ad usque vitae vésperam,  
Armísque poeniténtiae  
Perdúxit ad victóriam.

Infra Oct. Rosarii. María mater grátiae.

Sit laus Patri cum Fílio,  
Simúlque sancto Flámini :  
Laus sit polórum cívibus  
In tympanis et cymbalis.

Amen.

V. Ora pro nobis beáte Ludovíce.

Ad Magnificat, Aña. O novi mundi lampas praefulgida, sancte Ludovíce, qui Indis Evangelium Christi nuntiádo, Apostolórum glóriæ consors fieri meruísti! semper pius exorátor adsis pro nobis apud Deum, qui te elégit.

#### Oratio.

**D**EUS, qui beátum Ludovicum Confessórem tuum, per córporis mortifica-

tióne, et fidei praecónium  
Sanctorum glórie coequásti :  
praesta, ut quod fide profité-  
mur, pietátis opéribus júgiter  
impleámus. Per Dóminum.

## AD MATUTINUM.

Invitatorium. Jubilémus  
magno Regi, conditori saecu-  
lórum : \* In quo vivit Ludo-  
vícus, consors glórie Sanctó-  
rum.

## Hymnus.

**D**OCTURNA caeli lúmina,  
Suspiriórum cónschia,  
Quae Ludovícus aetheri  
Mittébat inter vérbera :

Plagas cruéntas dícite,  
Flagélla, sulcos, vúlnera,  
Quae Sanctus ultro próprium  
Vibrábat in corpúsculum.

Fluxit paviménto cruor,  
Cellae madébat ámbitus,  
Postquam supína lígneus  
Luxárat ossa léctulus.

Sed tunc flagéllis lívidum  
Supérna lux circúmdabat :  
Divaeque binae débilem  
Castis levábant bráchiis.

Infra Oct. Rosarii. María  
mater grátiae.

Laus et perénis glória  
Deo Patri cum Fílio,  
Et utriúsque Spíritu,  
In sempitérna saecula.

Amen.

In primo Nocturno.

Añá. Tamquam lignum se-  
cus decúrsus aquárum, Ludo-  
vícus orbi novo fructum dedit  
in témpore suo. Psalmi ut in  
Communi Conf. pag. Ij.

Añá. Fremuérunt gentes, si-  
mulácra cadunt inánia, dum  
praedicans Indis pandit Chri-  
sti magnália.

Añá. Non timébat míllia pó-  
puli se circúmdántis, non saxa,  
clavas, jácula, zelus evangeli-  
zántis.

V. Amávit eum Dóminus.

De Epístola secúnda beáti  
Pauli Apóstoli ad Corínthios.

Lectio j.

Cap. 5.



**S**CIMUS enim quó-  
niam si terréstris  
domus nostra hujus  
habitatiónis dissol-  
vátur, quod aedificatióne ex  
Deo habémus, domum non  
manufáctam, aetérnam in cae-  
lis. Nam et in hoc ingemísci-  
mus, habitatiónem nostram,  
quae de caelo est, superíndui  
cupiéntes : si tamen vestíti,  
non nudi inveniámur. Nam et  
qui sumus in hoc tabernáculo,  
ingemíscimus graváti : eo quod  
nólumus exspoliári, sed super-  
vestíri, ut absorbeátur quod  
mortále est, a vita.

R. Ecce servus meus, suscíp-  
iam eum : eléctus meus, com-  
plácuit sibi in eo ánima mea :  
\* Dedi spíritum meum super  
eum. V. Bonum est viro, cum  
portáverit jugum Dómini ab  
adolescéntia sua. Dedi.

Lectio ij.

**A**UDENTES ígitur sem-  
per, sciéntes quóniam  
dum sumus in corpore, per-  
egrinámur a Dómino : (per

fidem enim ambulámus, et non per spéciem) audémus autem, et bonam voluntátem habémus magis peregrinári a corpore, et praeséntes esse ad Dóminum. Et ideo conténdimus sive abséntes, sive praeséntes placére illi. Omnes enim nos manifestári opórtet ante tribúnal Christi, ut réferat unusquisque própria corpóris, prout gessit, sive bonum, sive malum.

R̃. Omnis quidem disciplína in praesénti vidétur non esse gáudii, sed moeróris : at póstea \* Fructum pacatíssimum reddit exercitátis per eam. Ṽ. Pósui vestiméntum meum cilícium, et opéruí in jejúnio ánimam meam. Fructum.

Lectio iij.

**S**CIENTES ergo timórem Dómini homínibus suadémus, Deo autem manifesti sumus. Spero autem et in consciéntiis vestris manifestos nos esse. Non íterum commendámus nos vobis, sed occasiónem damus vobis gloriándi pro nobis : ut habeátis ad eos, qui in fácie gloriántur, et non in corde. Sive enim mente excédimus, Deo : sive sóbrii sumus, vobis. Cáritas enim Christi urget nos.

R̃. Ecce odor filii mei sicut odor agri pleni, cui benedíxit Dóminus. \* Incurvéntur ante te filii matris tuae. Ṽ. Deus odórem notítiae suae manifestat per nos : quia Christi bo-

nus odor sumus Deo. Incurvéntur. Glória Patri. Incurvéntur.

In secundo Nocturno.

Añá. Scitóte quia Dóminus Sanctum suum mirificávit : invocántis cor húmile in tribulatióne dilatávit.

Añá. Justi clamórem intélligens Rex aetérnae majestátis, Ludovicum coronávit scuto bonae voluntátis.

Añá. Dóminus, ut déstruat ultórem et inimicum, perfécit sui nóminis laudem per Ludovicum.

Ṽ. Justum dedúxit Dóminus.

Lectio iv.

**L**UDOVICUS Bertrándus, Valentiae in Hispánia Tarracónénsi honéstis piisque paréntibus natus, ab ipsa pene infántia, sanctitátis ac poeniténtiae tirocínium inchoávit. Exácta puerítia, intérdum nuda cubábat humo, noctes saepe ducébat insómnes, ac in pietátis et caritátis officia sédulus incumbébat. Mundi contéptu, ac religiósae vitae ardóre succénsus, paréntum artes, quibus eum a sancto propósito dimovére conabántur, mira constántia superávit. Sui tandem voti compos efféctus, Praedicatórum Ordini nomen dedit : ubi brevi tantum profécit, ut vel provectióribus ipsis, quamvis tiro, fúerit exémplo. Emíssa professióne, mirum quot et

quantis virtutum incrementis priorem vitae rationem cumularit. Jejuniis, flagellis, ciliciis, vigiliisque carnem domans, mentem jugi orationis pabulo nutrebat : ex quo tantum internae animi modestiae ac puritatis hauriebat, ut vel in ejus oculis ac vultu appareret.

R. Linguae in signum sunt non fidelibus, sed infidelibus : gratias ago Deo meo, quod \* Omnium vestrum lingua loquor. V. Dedit mihi Dominus linguam mercedem meam : in ipsa laudabo eum : aperui os meum, et locutus sum. Omnium.

Lectio v.

**A**DHUC juvenis, novitiorum praefectus institutioni, eos ad omnem verbo et exemplo sanctimoniam efformabat. Ad occidentales Indos evangelicus praedicator missus, quamvis uno tantum Hispanico uteretur idiomate, eum tamendiversae atque inter se dissitae nationes, sua veluti loquentem lingua, singulae audiebant : ex quibus innumeros ad christianam fidem adduxit. Ibi que venenum, non semel sibi a Barbaris propinatum, innoxie hausit. Publicam vitiorum objurgationem, tamquam in se unum directam, nobilis quidam ulturus, mortem Ludovico intemat, cum strictus in eum sclopus in Crucifixi formam repente convertitur. Quo miraculo nefarius aggressor permotus, ad sancti

viri pedes provolutus, tanti facinoris veniam enixe deprecatur.

R. Annuntiavit in gentibus, et auditum fecit : levavit signum crucis in populis : confusa sunt sculptilia, \* Superata sunt idola eorum. V. Quod ergo tu signum facis ut videamus, et credamus tibi? Superata.

Lectio vj.

**H**UMILITATE ac patientia insignis, illud identidem usurpabat : Domine hic ure, hic seca, hic non parcas, ut in aeternum parcas. Prophetico afflatus spiritu, multa praedixit. Ignem signo crucis exstinxit, tempestatem sedavit, ferarum impetus cohibuit, mortuis vitam, caecis visum, claudis gressum, surdis reddidit auditum. Tandem durius poenitentiae laboribus fractus, in morbum incidit, sacrisque mysteriis rite expiatus, migravit in caelum, septimo Idus Octobris, anno millesimo quingentesimo octogesimo primo, aetatis vero suae quinquagesimo quinto. Quem multis etiam post obitum miraculis clarum, Paulus Quintus Beatorum, Clemens vero Decimus Sanctorum numero adscripsit. Ejus demum festum Alexander Octavus, instante rege Catholico, ab universo ditiois ipsius clero saeculari, sub ritu Duplici celebrandum decrevit, sanctumque Confessorem novi

regni Granatensis Patrónum Apostólica auctoritate declaravit.

R. Castigo corpus meum, et in servitutem redigo.\* Ne forte cum aliis praedicaverim, ipse reprobus efficiar. V. Domine, hic ure, hic seca, hic non parcas, ut in aeternum parcas. Ne forte. Glória Patri. Ne forte.

In tertio Nocturno.

Añ. Ingressus sine macula, et operatus justitiam, in montis tabernaculo jam possidet laetitiam.

Añ. In benedictionibus dulcedinis praeventus, nunc cordis desiderio perfruitur contentus.

Añ. In dolo juravit nemini, cavens a culpae sorde : ascendit in montem Domini, innocens manibus et mundo corde.

V. Justus ut palma florebit. Lectio sancti Evangelii secundum Marcum.

Lectio vij. Cap. 16.

**I**N illo tempore : Dixit Jesus discipulis suis : Euntes in mundum universum, praedicare Evangelium omni creaturae. Et reliqua.

Homilia sancti Gregorii Papae.

Homilia 29. in Evang. post initium.



**Q**UOTEST omnis creaturae nomine, omnis natio gentium designari. Ante etenim dictum fuerat : In viam gen-

tium ne abieritis; nunc autem dicitur : Praedicare omni creaturae : ut scilicet prius a Iudaea Apostolorum repulsa praedicatio, tunc nobis in adiutorium fieret, cum hanc illa ad damnationis suae testimonium superba repulisset. Sed cum discipulos ad praedicandum Veritas mittit, quid aliud in mundo facit, nisi grana seminis spargit? Et pauca grana mittit in semine, ut multarum messium fruges recipiat ex nostra fide.

R. Consiliatus sum ut facerem sapientiam, et in faciendo eam confirmatus sum : \* Zelatus sum bonum, et non confundar. V. Si adhuc hominibus placerem, Christi servus non essem. Zelatus.

Lectio viij.

**N**EQUE etenim in universo mundo tanta fidelium messis exurgeret, si de manu Domini super rationalem terram illa electa grana praedicantium non venissent. Sequitur : Qui crediderit, et baptizatus fuerit, salvus erit : qui vero non crediderit, condemnabitur. Fortasse unusquisque apud semetipsum dicat : Ego jam credidi, salvus ero. Verum dicit, si fidem operibus tenet. Vera etenim fides est, quae in hoc, quod verbis dicit, moribus non contradicit. Hinc est enim, quod de quibusdam falsis fidelibus Paulus dicit : Qui confitentur se nosse Deum, factis autem negant.

R. Non perimus, semper mortificationem Jesu circumferentes, \* Ut et vita Jesu manifestetur in corpore nostro. V. Da mihi, Domine, ut ego moriar pro te, sicut tu dignatus es mori pro me. Ut et vita.

Lection ix.

**S**IGNA autem eos, qui credituri sunt, haec sequentur : In nomine meo daemonia ejicient : linguas loquentur novis : serpentes tollent : et si mortiferum quid biberint, non eis nocabit : super aegros manus imponent, et bene habebunt. Numquidnam, fratres mei, quia ista signa non facitis, minime creditis? Sed haec necessaria in exordio Ecclesiae fuerunt. Ut enim ad fidem cresceret multitudo credentium, miraculis fuerat nutrienda. Quia et nos, cum arbusta plantamus, tamdiu eis aquam infundimus, quousque ea in terra jam coaluisse videmus; et si semel radicem fixerint, irrigatio cessabit. Hinc est enim, quod Paulus dicit : Linguae in signum sunt non fidelibus, sed infidelibus.

R. Indue te decore ejus, quae a Deo tibi est, sempiternae gloriae : Deus enim ostendet splendorem suum in te, et imponet mitram capiti \* Honoris aeterni. V. Conscidisti saccum meum, et circumdedisti me laetitia : ut cantet tibi gloria mea. Honoris. Gloria Patri. Honoris.

Ante Laud. V. Ora pro nobis.

IN LAUDIBUS.

Añã. Mirabilem in altis Dominum Ludovice dum affaris, repente silent mirabiles elationes maris. Psalm. Dominus regnavit. cum ceteris. pag. xj.

Añã. In tali servo Dominum laudent grandes et pusilli : atria ejus in hymnis confitemini illi.

Añã. Ad te de luce vigilans, sitivit anima ejus, suspirans, et ingeminans : O Deus Deus meus!

Añã. Carmen trium puerorum flamma camini timuit : flammam quoque vi signorum Ludovicus cohibuit.

Añã. Ignis, grando, nix, beluae, spiritusque procellarum saepe non ausa tangere Ludovicum Deo carum.

Capitulum. Vidi alterum Angelum. pag. 788.

Hymnus

**E**N Ludovici laudibus Aurora laxat purpuram : Nox atra condit pallium, Festivus albescit dies.

Sic Ludovicus Indiis Noctis tenébras dispulit, Idola fregit, et cruce Stetit feroces tigrides.

Bis ob fidem saevissimi Hausit veneni pocula : Sedavit undas aequoris, Ignisque fixit litem.

Heróicis virtutibus Ideá factus Ordini :

Efflans ad astra spíritum,  
Exhálát ore lúmina.

Infra Oct. Rosarii. María  
mater grátiae.

Sit Trinitáti júgiter  
Laus et perénnis glória,  
Quae Ludovíci fúlgida  
Respléndet in victória.

Amen.

℣. Justus germinábit.

Ad Benedictus, Añá. Dó-  
minus Deus Israël visitávit  
plebem suam, in terris Indiá-  
rum mittens ei púerum suum,  
qui praeíret ante fáciem Dó-  
mini paráre vias ejus.

Ad Tertiam, Capítulum,  
Vidi álterum. pag. 788.

R̃:R̃. Hor. de Comm. Conf.

#### AD SEXTAM,

Capítulum. 2. Cor. 12.

**M**AMETSI nihil sum :  
signa tamen Apostolátus  
mei facta sunt super vos in  
omni patiéntia, in signis, et  
prodígiis, et virtútibus.

#### AD NONAM.

Capítulum. Rom. 1.

**P**RO Jesu Christo accépi-  
mus grátiam, et Aposto-  
látum ad obediéndum fídei in  
óm nibus géntibus, in quibus  
estis et vos vocáti Jesu Christi.

#### AD VESPERAS.

Super Psalm. Añá j. Lau-  
dum. Psalmi de Comm. Conf.

Capítulum, Hymnus et ℣.  
ut in j. Vesperis.

Ad Magnificat, Añá. Respé-  
xit Dóminus humilitátem servi

sui, per quem esuriéntes Indos  
implévit bonis : et ex hoc beá-  
tum hunc dicent omnes gene-  
ratiónes.

#### PER OCTAVAM.

Invitatorium, Hymni, etc.  
ut in die.

Ad Benedictus, vel ad Mem.  
Añá. Laudábit ánimam suam,  
et in Deo honorábitur : in mul-  
títú dine electórum habébit lau-  
dem, et inter benedíctos bene-  
dicétur.

Ad Magnificat, vel ad Mem.  
Añá. Dóminus Deus ejus erat  
cum eo, et magnificávit eum in  
excélsum : confortátus est in  
regno suo.

#### UNICA DIE

infra Octavam S. Ludovici  
Bertrandi.

*Ex Bulla Canonizationis.*

Lección iij.

**C**ETERAS inter virtútes,  
quibus sancti Ludovíci  
mentem ornáverat Deus, sum-  
ma fulsit humíltas, qua se  
óm nium in virtútibus míni-  
mum, in peccátis máximum  
praedicábat. Ab inferióribus,  
atque ab ipsis novítiis de pró-  
priis deféctibus admónitus ne-  
dum grato ánimo excipiebat,  
sed seípsum probris ac conví-  
ciis onerábat. Summo ánimo  
dolóre, dum ab áliis honóre  
exciperétur, afficiebátur. Si  
quem vel léviter laesísse ti-  
muísset, genufléxus véniam  
rogábat. In ipsis étiam favóri-

bus caeléstibus, divínisque revelatióibus, própriae semper infirmitátis sensu detinebátur.

### OCTAVA

S. Ludovici Bertrandi Conf.  
Simplex.

In secundo Nocturno.

*Ex Bulla Canonizationis.*

Lectio iv.



POSTOLICO zelo succensus beátus Ludovicus, ad occidentáles Indos, repugnántibus licet frátribus et amícis, iter arrípuit, quod non absque miraculo confécit. Précibus a Deo obtínuit, ut pátria lingua usus, ab Indis sine intérprete intelligerétur. Vigílias, sitim, famem, aestum, et frígora in hoc ministério ferens, plúrimos vocávit ad fidem. Visus est saepius in itínere a via secédens, duris se flagéllis caedere. Feras sibi óbvias signo crucis mansuefécit. Stérilem árborem moménto pomíferam fecit, fontémque ex radíce ejus elscuit.

Lectio v.

**T**UBARAM a Superióri-  
bus missus, ut gentes il-  
las Dei cognitióne imbúeret, et  
sacris initiáret, eórum ómnium  
infidélium conversiónem fusis  
ad Deum précibus obtínuit.  
Daemonem ibi mentíto hábitu  
eum a sancto ministério de-  
hortántem detéxit, ac dedit in

fugam. Idolórum lucos suc-  
céndit, státuas commínuit, pro-  
fános sacerdótes sacro baptí-  
smate tinxit. Tanta apud bár-  
baros illos grátia et auctoritáte  
váluit, ut furéntes illos sola  
praeséntia sedárit; iisque vi-  
císsim abeúntem illum amarís-  
sime fléverint.

Lectio vj.

**I**N coenóbio Valentiae Su-  
periórum jussu, invítus  
licet, Prior constitútus, in cella  
sancti Vincéntii Ferrérii, régi-  
men ipsi commédans, ab ejus  
imáagine, coram qua genufléxus  
orábat, se inclinánte méruit am-  
pléxu honorári. Ut studiórum  
exercítia accuráte perficeréntur,  
sédulo invigilábat; cúpiens  
Religiósos in sanctis aut eru-  
dítis exercitatióibus semper  
occupári : eorúmque proptérea  
e claustro éxitum, urgénte  
dumtáxat necessitáte permitté-  
bat. Ostio cubículi sui Apostó-  
licam illam senténtiam, cujus  
observantíssimus fuit, inscribí  
vóluit : Si homínibus placé-  
rem, servus Christi non essem.

In iij. Nocturno, Homilia  
ut in die, vel de Dom. curr.

### DIE XI. OCTOBRIS.

In j. Vesperis et Laudibus  
Mem. S. Leodegarii Episc. et  
Mart.

Oratio.

**L**AETETUR Ecclésiá tua,  
Deus, beáti Leodegárii  
Mártyris tui atque Pontíficis



confissa suffrágiis : atque ejus  
précibus gloriósis, et devóta  
permáneat, et secúra consistat.  
Per Dóminum.

## DIE XII. OCTOBRIS.

B. Jacobi ab Ulma laici,  
Conf. Ord. Praed.

Duplex.

Oratio.

**D**EUS, qui beátum Jacó-  
bum Confessórem tuum,  
humilitátis et obediéntiae vir-  
túte mirábiliter decorásti : ejus  
intercessióne fac nos terréna  
despícere, et mandátis tuis jú-  
giter inhaerére. Per Dóminum  
nostrum.

In j. Nocturno, Lectiones  
Beátus vir. de Communi Conf.  
non Pont. pag. lxiv.

In secundo Nocturno.

Lectio iv.



**J**ACOBUS Ulmae in  
Germánia ex honésta  
família natus, a patre  
pie sanctéque educá-  
tus, in delíciis habébat conció-  
nes adíre, divinísque Offíciis  
interesse. Adoléscens, annuente  
patre, Romam pétiit, ut pró-  
pius Príncipis Apostolórum,  
et tot Christi athletárum certá-  
mine loca illustrióra contem-  
plarétur. In pátriam rédiens, ubi  
primum Bonóniam pervénit,  
divíno consílio factum est, ut  
prae céteris ecclésiám Ordinis  
Praedicatorum oratúrus potís-  
sime ingrederétur, ibíque pau-

látim patris patriaeque obliví-  
scens, Religiónis sancti Domí-  
nici hábitum assúmere constí-  
tuit. Lítteris licet mediócritér  
erudítus esset, tamen ob exí-  
miam suam humilitátem, ex  
eórum número esse vóluit, qui  
Convérsi nuncupántur.

Lectio v.

**I**N Religíone cooptátus,  
contínuo se totum Deo  
mancipávit, nec quidquam omí-  
sit, quod ad verum illíus cultó-  
rem pertinéret. Ita demísse de  
se sentiébat, ut quamvis perfe-  
ctióne némini secúndus, ánte-  
quam solémnia vota emíteret,  
ad singulórum génua provolú-  
tus, suppliciter, ne suis offénsi  
crimínibus ab eórum consórtio  
repéllerent, flagitávit. Quae au-  
tem profiténdo promíserat, tam  
constánter servábat, ut mirá-  
bile ómnibus obediéntiae, pau-  
pertátis, ac patiéntiae exem-  
plar foret. Pudicítiám jejú-  
niis, vigíliis, oratióibus per-  
pétuo custodívit. Servatóris  
cruciátus et acerbíssimam mor-  
tem multis cum lácrymis con-  
templabátur : pro vivis ac pro  
defúntis assídue preces Deo  
fundébat. Nihil putábat jucún-  
dius, quam aegrotántibus in  
monastério inservíre.

Lectio vj.

**U**T sui Ordinis leges im-  
pléret, perpétuum ótio  
bellum indíxit. Ad tantum  
ígítur sanctitátis gradum per-

vénit, ut caeléstibus donis cumulári merúerit. Tandem gravíssimis dolóribus patiénter tolerátis, octuagenário major, praeséntiens suae peregrinaciónis finem adveníre, Ecclésiae Sacraméntis piíssime susceptis, mánibus pedibúsque a semetípso decénter compósitis, felícem efflávit ánimam. Ingens factus est populórum concúrsus ad illíus venerándum corpus, quod separáto in loco tumulátum fuit, et multis clarúisse miráculis fertur : unde factum est, ut indeficiéntem cultum obtinúerit. Quem ad haec usque témpora nunquam intermíssum, Leo Duodécimus Póntifex Máximus ex sacrórum Rítuum Congregatiónis consúlto probávit, atque in univérso Praedicatórum Ordine, ac dioecési Bononiénsi, Offícium recitándi, et Missam celebrándi potestátem fecit.

In iij. Nocturno, Homilia in Evang. Sint lumbi. de Comuni Conf. non Pont. pag. lxxvj.

### DIE XIII. OCTOBRIS.

S. Eduardi Regis et Conf.

Duplex.

Oratio.

**D**EUS, qui beátum regem Eduárdum Confessórem tuum aeternitátis glória coronásti : fac nos, quaesumus, ita eum venerári in terris, ut cum eo regnáre possimus in caelis. Per Dóminum.

In secundo Nocturno.

Lectio iv.



**EDUARDUS** cognomento Conféssor, nepos sancti Eduárdi regis et Mátyris, Anglo-Sáxonum regum últimus, quem futúrum regem Brithuáldo viro sanctíssimo in mentis excéssu Dóminus demonstrávit, decénis a Danis Angliam vastántibus quaesítus ad necem, exsuláre cógitur apud avúnculum Normánniae ducem, ubi in médiis vitiórum illécebris, talem se exhibuit integritáte vitae, morúmque innocéntia, ut ómnibus admiratióni esset. Elúxit in eo vel tum mira píetas in Deum, ac res divínas, fúitque ingénio mitíssimo, atque ab omni dominándi cupiditate aliéno; cujus ea vox fertur : malle se regno carére, quod sine caede et ságuine obtinéri non possit.

Lectio v.

**EX**STINCTIS mox tyránnis, qui frátribus suis vitam et regnum eripúerant, revocátur in pátriam : ubi summis ómnium votis et gratulatióne regno potítus, ad hostílium irárum delénda vestígia totum se convértit, a sacris exórsus, ac divórum templis, quorum ália a fundaméntis eréxit, ália refécit, auxítque redítibus ac privilégiis; in eam curam potíssimum inténtus, ut refluóresceret

collápsa religio. Ab aulae procéribus compúlsum ad núptias, constans est assértio scriptórum, cum vírgine sponsa virginitátem in matrimónio servásse. Tanta in eo fuit in Christum amor, et fides, ut illum aliquándo inter Missárum solémnia vidére merúerit blando vultu, et divína luce fulgéntem. Ob profúsam caritátem, orphanórum et egenórum pater passim dicebátur, nunquam laetior, quam cum régios thesaúros exhausísset in páuperes.

Lectio vj.

**P**ROPHETIAE dono illústris, de Angliæ futúro statu multa caelitus praevidit, et illud in primis memorábile, quod Sweyni Danórum regis in mare demérsi mortem, dum Angliam invadéndi ánimo, classem conscénderet, eódem, quo accidit, moménto, divínus intelléxit. Joánnem Evangelístam mirífice cóluit, nihil cuíquam, quod ejus nómine peterétur, negáre sólitus. Cui olim sub lácera veste suo nómine stipem rogánti, cum nummi deéssent, detráctum ex dígito ánulum porréxit, quem divus non ita post multo Eduárdo remísit, una cum núntio secutúrae mortis. Quare rex, indíctis pro se précibus, ipso ab Evangelísta praedícto die píssime óbiit, Nonis videlicet Januárii, anno salutis millésimo sexagésimo sexto :

quem sequénti saeculo, Alexánder Papa Tértius miráculis clarum, Sanctórum fastis adscrípsit. At ejus memóriam Innocéntius Undécimus Officio público per univérsam Ecclésiám eo die celebrári praecépit, quo annis ab óbitu sex et trigínta, translátum ejus corpus incorrúptum, et suávem spirans odórem repértum est.

In iij. Nocturno, Homilia in Evang. Homo quidam nóbilis. ut in festo S. Ludovici regis, pag. 653.

## DIE XIV. OCTOBRIS.

B. Magdalénæ de Panateriis  
Virg. Ord. Praed.

Duplex.

Oratio.

**D**EUS, qui néminem in te sperántem déseris; et pie deprecántem misericórditer exáudis : tríbue quaesumus, ut quod nostris méritis non valémus, beátae Magdalénæ Vírginis patrocínio consequámur. Per Dóminum.

In j. Vesperis et Laudibus  
Mem. S. Callisti Papae et Mart.

Oratio.

**D**EUS, qui nos cóspicis ex nostra infirmitáte defícere; ad amórem tuum nos misericórditer per Sanctórum tuórum exéempla restáura. Per Dóminum.

In j. Nocturno, Lectiones De virgínibus. ut in Comm. unius Virg. non Mart. p. lxxxij.

In secundo Nocturno.

Lectio iv.



**M**AGDALENA, honesta stirpe de Panatériis Tridíni diocesis Vercellénsis orta circa medietatem saeculi décimi quinti, specie corporis et animi amabilis apparuit. Caeléstibus donis praeventa, omnia pericula declinavit, unde vitae sanctimóniam ac innocentiam maculare posset. Nam luxum, saeculi consórtium, linguae excéssus, liberámque oculórum vagatiónem cohíbit; quapropter nihil mirum, si adhuc puélla virginitatem suam Deo vóverit. Inter soróres póstmódum de Poeniténtia Ordinis sancti Domínici, ut eníxe postuláverat, adscrípta, séráphicae Catharínae Senénsis áspéra premens vestígia, jejúniis, vigíliis, assíduis precatióibus, flagéllis, paciéntia, humilitáte, ac mansuetúidine dignam se divínis núptiis efformáre stúduit. Cibi ac somni parcíssima, in oratióne, ac caeléstium rerum meditatióne ita defixa erat, ut aliquándo in iis contemplándis íntegras noctes dúceret insómnes. Christi passióne fervénter affécta, Sponsi sui dolórum párticeps fieri méruit. Sanctíssimum Jesu nomen summa religióne venerabátur, sólita quotidie ad sacram mensam accédere.

Lectio v.

**C**ARITATE in próximum excéllens, mendícos quacúmque póterat ope juvábatur, seípsam oblíta, modo eórum necessitatibus non deéssset. Infirmos étiam sédulo invísens, eisque summa diligéntia inserviens, et verbo et ópere ad paciéntiam incitátos consolabátur. Cum die quodam se illi obtulísset Dóminus, uti tráditum est, strícto fúlmine Itáliam eversúrus, ab eo illud obtínuit, ut Tridinénsi saltem óppido indulgéret. Salútis animárum sancti Patris sui Domínici instar sitientíssima, non semel ímpios ad poeniténtiam fervéntíssimis exhortatióibus addúxit, quos inter quemdam géneris nobilitáte claríssimum précibus Deo comméndans, in virum álterum repénte mutávit.

Lectio vj.

**P**ROPHETICO donáta spírítu, bella, et calamitatés Italiae impendéntes divína revelatióne praescivísse fertur; mortem quoque suam triénno ante sibi caelitus revelátam novit. Ætáte demum confécta, ac bonis opéribus cumuláta, divínis muníta Sacraméntis, et Deum pro Ordine Praedicatórum, proque dilectíssima sua pátria, votis ómnibus deprecáta, dum Psalmum Davídicum, In te Dómine sperávi, jam ad extrémum re-

citáret, in illis verbis : In manus tuas comméndo spíritum meum; placidíssime, anno milésimo quingentésimo tértio, obdormívit in ósculo Dómini. Sacrum ejus cadáver tríduo insepúltum suavíssimum semper efflavit odórem. Multis clarúisse miráculis vétera monuménta testántur. Ab ipso statim óbitu cultu religiósio donáta est, conveniéntibus ad aram, ipsíus nómine Deo dicáta, ómnium órdinum viris, tamquam ad tutíssimum pátriae asyllum. Quem cultum nunquam intermíssum, sed pótius propagátum Leo Duodécimus Póntifex Máximus ex sacrae Rítuum Congregatiónis consúlto probávit, utque quotánnis beátae Magdalénæ memoria Officii recitatióne, et Missae celebratióne fíeret, univérso Praedicatórum Ordini, ac Vercellénsi dioecési potestátem fecit.

In iij. Nocturno, Homilia in Evang. Símile erit regnum caelórum decem virgínibus. ut in Comm. unius Virg. non Mart. pag. lxxxv.

## DIE XV. OCTOBRIS.

S. Teresiae Virginis.

Duplex.

Oratio.

**E**XAUDI nos Deus salutáris noster; ut sicut de beátae Teresiae Virgínis tuae festivitáte gaudémus : ita caeléstis ejus doctrínae pábulo

nutriámur, et piae devotiónis erudiámur afféctu. Per Dóminum.

In secundo Nocturno.

Lectio iv.



**T**ERESIA virgo Abulae in Hispánia, piis ac nobílibus paréntibus nata est. Lectis sanctórum Mártyrum actis, ádeo sancti Spíritus igne succénsa est, ut domo aufúgiens in Africam trajécerit, vitam pro Christi glória profusúra. Inde a pátruo revocáta, ardens martyrii desidérium piis opéribus compensávit. Vigésimum aetátis annum agens, ad moniales sanctae Maríae de Monte Carmélo se cóntulit : ubi per annos duodevigínti arctíssimam poeniténtiam egit.

Lectio v.

**S**EVERIOREM véterum Carmelitárum régulam, approbánte Pio Quarto, primum muliéribus, deínde viris observándam propósuit. Infidélium ténebras contínuo lúgens, ad placándam divínae ultiónis iram, próprii córporis cruciátus Deo pro eórum salute dicábat. Divíni amoris incéndio conflágrans, Angelum igníto jáculo sibi praecórdia transverberántem sensit; Christúmque sibi data dextera dicéntem audívit : Deinceps ut vera sponsa meum zelábis honórem.

Lectio vj.

**I**NTER asperrimos severissimae poenitentiae cruciatus sacrum illud promere solébat : Dómine, aut pati, aut mori. Prophetiae dono excéluít, eámque divinis charismatibus tam liberaliter locupletávit Deus, ut saepius exclámans péteret, beneficiis in se divinis modum impóni. Intolerábili divini amoris incéndio pótius quam vi morbi, Albae, praenuntiáto mortis die, sub colúmbae spécie puríssimam ánimam Deo réddidit, anno salutis millésimo quingentésimo octogésimo secúndo. Quam miraculis ante et post óbitum illústrem, Gregórius Décimus quintus in Sanctárum númerum rétulit.

In iij. Nocturno, Homilia in Evang. Símile erit regnum caelórum decem virgínibus. ut in Comm. Virg. non Mart. pag. lxxxv.

## DIE XVIII. OCTOBRIS.

S. Lucae Evangelistae.

Totum Duplex.

Omnia fiant de Comuni unius Evang. pag. xvij.

Oratio.

**I**NTERVENIAT pro nobis, quaesumus Dómine, sanctus tuus Lucas Evangelista; qui crucis mortificationem júgiter in suo corpore pro tui nóminis amore portávit. Per Dóminum.

In j. Nocturno, Lectiones de Ezechiele, Et factum est. ut in Dominica j. Novembris, pag. 287.

In secundo Nocturno.

*Ex S. Hieron. de Script. eccl. et ex aliis antiquis Patribus.*

Lectio iv.



**L**UCAS medicus Antiochénus, ut ejus scripta indicant, Graeci sermónis non ignárus, fuit discipulus ac sectátor Apóstoli Pauli, et peregrinationum ejus comes. Scripsit Evangélium, de quo idem Paulus, Mísimus, inquit, cum illo fratrem, cujus laus est in Evangélio per omnes Ecclé-sias : nam de ipso Paulum intellexisse plerique sanctorum Patrum affírmant. In Acháiae, Boeotiaeque pártibus Evangélium conscripsisse, sanctus Hierónymus refert.

Lectio v.

**A**LIIUD quoque édedit volúmen egrégium, quod Acta Apostolorum praenotátur : cujus história usque ad biénnum Romae commorántis Pauli pervénit, id est, usque ad quartum Nerónis annum. Ex quo intelligimus, in eádem urbe librum esse compósitum. Evangélium quidem, sicut ab Apóstolis audíerat, scripsit : quod in princípio sui volúminis apérte declárat. Acta vero Apostolorum, sicut víderat ipse, compósuit.

Lectio vj.

**E**VANGELIUM praedicasse in Dalmátia, Gália, Itália, ac Macedónia sanctus Epiphánius prodit. Insuper arte pingendi praestantem, Christi, ac sacrae Desparae, Apostolorumque Petri et Pauli effigies, manu, penicillo, coloribusque pinxisse permulti tradiderunt. Vixit octoginta et quatuor annos, uxorem non habens. Spiritu sancto plenus obiit in Bithynia; et ejus ossa Constantinópolis vigésimo Constantii anno, cum reliquiis Andréae Apostoli, translata sunt de Acháia.

In iij. Nocturno, Homilia in Evang. Designavit Dominus. ut in Comm. Conf. non Pont. pag. lxxviii.

**DIE XIX. OCTOBRIS.**

S. Petri de Alcantara Conf.

Simplex.

Oratio.

**D**EUS, qui beatum Petrum Confessorem tuum admirabilis poenitentiae, et altissimae contemplationis munere illustrare dignatus es: da nobis, quaesumus; ut ejus suffragantibus meritis, carne mortificati facilius caelestia capiamus. Per Dominum.

In secundo Nocturno.

Lectio iv.



**P**ETRUS Alcantarae in Hispania nobilibus parentibus natus, a teneris annis futurae sanctitatis indicia prae-

buit. Décimo sexto aetatis anno Ordinem Minorum ingressus, se omnium virtutum exemplar exhibuit. Tum munus concionatoris ex obedientia exercens, innumeros a vitiis ad veram poenitentiam traduxit. Primaevum sancti Francisci institutum exactissime reparare cupiens, ope divina fretus, et Apostolica munitus auctoritate, angustissimum et pauperrimum coenobium juxta Pedrosum fundavit: quod vitae genus asperissimum ibi feliciter coeptum, per diversas Hispaniae provincias usque ad Indias mirifice propagatum fuit. Sanctae Teresiae, cujus probaverat spiritum, in promovenda Carmelitarum reformatione adjutor fuit. Ipsa autem a Deo edocta, quod Petri nomine nihil quisquam peteret, quin protinus exaudiretur, ejus precibus se commendare, et ipsum adhuc viventem, Sanctum appellare consuevit.

Lectio v.

**P**RINCIPUM obséquia, qui ipsum velut oraculum consulébant, summa humilitate declinans, Cárolo Quinto imperatori a confessionibus esse recusavit. Paupertatis rigidissimus custos, una túnica, qua nulla deterior esset, contentus erat. Puritatem ita coluit, ut a fratre in extremo morbo sibi inserviente, nec leviter quidem tangi passus

sit. Corpus suum perpétuis vigíliis, jejúniis, flagéllis, frígore, nudité, atque omni génere asperitátum in servitútem redégit : cum quo páctum iníerat, ne ullam in hoc saeculo ei réquiem praeberet. Cáritas Dei et próximi in ejus corde diffúsa, tantum quandóque excitábat incéndium, ut e cellae angústiiis in apértum campum prosilíre, aërisque refrigério concéptum ardórem temperáre cogerétur.

Leção vj.

**G**RATIA contemplationis admirábilis in eo fuit, qua cum assidue spíritus reficerétur, interdum accidit, ut ab omni cibo et potu plúribus diébus abstinúerit. In áera frequenter sublátus, miro fulgóre coruscáre visus est. Rápidos flúvios sicco pede trajécit. Fratres in extréma penúria, caelitus deláta alimónia cibávit. Báculus ab ipso terrae defíxus, mox in víridem ficúlneam excrevit. Cum noctu iter ágeret, densa nive cadénte, dírutam domum sine tecto ingressus est, eíque nix in áere péndula pro tecto fuit, ne illús cópia suffocarétur. Dono prophetíae, ac discretiónis spírituum imbútum fuisse, sancta Terésia testátur. Dénique annum agens sexagésimum tértium, hora, qua praedíxerat, migrávit ad Dóminum, mirábili visióne, Sanctórumque praeséntia con-

fortátus. Quem eódem moménto in caelum ferri beáta Terésia procul distans vidit : cui póstea appárens dixit : O felix poeniténtia, quae tantam mihi promérui glóriam! Post mortem vero plúrimis miráculis cláruit, et a Cleménte Nono Sanctórum número adscríptus est.

In iij. Nocturno, Homilia in Evang. **Nolite timére.** ut in Comm. Conf. non Pont. pag. lxxvij.

## DIE XX. OCTOBRIS.

S. Marci Papae et Conf.  
Tres Lectiones.

Oratio.

**E**XAUDI Dómine preces nostras : et interveniénte beáto Marco Confessóre tuo atque Pontífice, supplicatiónes nostras placátus inténde. Per Dóminum.

*Ex lib. de Romanis Pontif.  
et Rom. Brev.*

Leção iij.

**M**ARCUS Románus, Constantíno Magno imperatóre Póntifex, instítuit ut Epíscopus Ostiénsis, a quo Románus Póntifex consecrátur, pállio uterétur. Duas Romae basílicas aedificávit, áltéram in Urbe, áltéram via Ardeatína : quas Constantínus auctas magnis munéribus exornávit. Vixit in Pontificátu menses octo : sepultúsque est in coemetério Balbínae.



Eodem die in Laudibus  
Mem. SS. Sergii, Bacchi,  
Marcelli, et Apuleii Mart.

Oratio.

**S**ANCTORUM Mátyrum  
tuorum nos, Dómine,  
Sérgii, Bacchi, Marcélli, et  
Apuléii beáta mérita prose-  
quántur; et tuo semper fáciant  
amóre fervéntes. Per Dómi-  
num.

### DIE XXI. OCTOBRIS.

SS. Ursulae et sociarum  
Virg. et Mart.  
Totum Duplex.

Omnia de Comm. plurimo-  
rum Mart. pag. xxxiv. practer  
hic posita.

#### AD VESPERAS.

Super Psalm. Aña. Hae  
sunt, quae venérunt ex magna  
tribulatióne, et lavérunt stolas  
suas in ságuine Agni.

R̃. ix. Lavérunt stolas. ut  
infra, pag. 805.

Oratio.

**D**A nobis, quaesumus Dó-  
mine Deus noster, san-  
ctárum Vírginum et Mátyrum  
tuárum Ursulae et sociárum  
ejus palmas incessábili devo-  
tióne venerári : ut quas digna  
mente non pössumus celebráre,  
humílibus saltem frequenté-  
mus obséquiiis. Per Dóminum.

#### AD MATUTINUM.

Invitat. Agnum sponsum  
Vírginum, \* Veníte adorémus  
Dóminum Jesum Christum.

In primo Nocturno.

Lectiones de Feria currente.

R̃. ij. Vírgines sanctae glo-  
riósum sánguinem fuderunt  
pro Dómino, amavérunt Chri-  
stum in vita sua, imitátae sunt  
eum in morte sua : Et ideo  
corónas triumpháles merué-  
runt. Ṽ. Unus spíritus, et una  
fides erat in eis. Et ideo.

R̃. iij. Tradidérunt córpora  
sua propter Deum ad supplí-  
cia, \* Et meruérent habére  
corónas perpétuas. Ṽ. Istae  
sunt, quae venérunt ex magna  
tribulatióne, et lavérunt stolas  
suas in ságuine Agni. Et.  
Glória Patri. Et.

In secundo Nocturno.

*Ex Gaufrido Episc. Ala-  
phensi, Comment. de rebus  
Britannicis, quae jam ab  
omnibus ferme probantur.*

Lectio iv.



**G**RATIANO impera-  
tore, Flávius Cle-  
mens Máximus, Ro-  
máni exércitus in  
Británnia dux, arrépta tyrán-  
nide, imperátor a militibus  
acclamátur. Inde cópias in  
Gállias transmíttens, ab infén-  
sis Gratiáno legiónibus excé-  
ptus, impérium sibi corróborat.  
Cumque Armoricórum úberem  
regiónem, ejéctis antíquis ha-  
bitatóribus, Británnicis milíti-  
bus, quos secum dúxerat, divi-  
sisset : quo novas colónias  
propagáret in pósteros, Con-

náni Británnici réguli, quem Britannórum ducem habébat in exércitu, consílio, missa legatióne in Británniam, singulis militibus novis colónis singulas vírgines conjúgio foederándas póstulat.

Lectio v.

**H**AUD visa Británniae régulis absurda petítio : unde in grátiam novi imperatóris, et quod fílias suas nonnisi gentílibus suis, íisque donátis nova província praedivítibus, honestíssime collocándas scirent : pro número militum, tótidem deléctae sunt vírgines, omnes número undecim mille : quarum princeps erat Ursula Dionóci Cornúbiae regis fília, desponsáta Connáno duci Britannórum militum in exércitu Máximi. Cunctae ígitur Londíni colléctae, impósitae sunt invítae navígiis. Solvéntes nauetae, dum Armoricórum regiónem cógitant, a saeva procélla in Germánicum litus ejiciúntur.

Lectio vj.

**C**ONTIGIT adesse tunc ibi Hunnórum cópias, quas a Gratiáno imperatóre advérsus Máximum evocátas ferunt. Naçti ígitur bárbari praecílarum illud vírginum agmen, impoténti libídinis aestu furéntes, in eas írruunt. Sed cum, hortánte Ursula, mortem pótius oppétere, quam virgínei pudóris jaçtúram pati, invícto ánimi vigóre decrevis-

sent, Hunni in rábiem immanitátis convérsi, ad unam omnes trucídant. Sicque Ursula super cómitum suárum, velut caeléstium margaritárum pretiósum acérvum, gloriósa víctima procúbens, púrpura pro Christo fusi sánguine decoráta, triumphatórem tot Vírginum exércitum, géminis nempe virginitátis et martyrii láureis insígnem, ducens, caelum víctrix intrávit. Quarum córpora Coloniénses summo honóre condidérunt, earúmque illústrem agónem christiánus orbis florénti semper memória célebrat.

In iij. Nocturno, Homilia in Evang. Símile erit regnum caelórum decem virgínibus. ut in Comm. Virg. non Mart. pag. lxxxv.

R. ix. Lavérunt stolas suas, et cándidas eas fecérunt \* In ságuine Agni. V. Istae sunt, quae venérunt ex magna tribulatióne, et lavérunt stolas suas. In. Glória Patri. In.

## DIE XXII. OCTOBRIS.

B. Petri a Tiferno Conf.  
Ord. Praed.

Duplex.

Oratio.

**D**EUS, qui fídeles tuos memorántes novíssima, nunquam peccatúros praenuntiásti : fac nos beáti Petri Confessóris tui précibus et exémpis, ita temporálem mortem mente recólere; ut júgiter

admissa peccata flentes, vitemus aeternam. Per Dominum nostrum.

Eodem die fiat Memoria S. Hilarionis Abbatis, in j. Vesperis et Laudibus.

Oratio.

**I**NTERCESSIO nos, quaesumus Domine, beati Hilarionis Abbatis commendet: ut quod nostris meritis non valemus, ejus patrocinio assequamur. Per Dominum nostrum.

In j. Nocturno. Lectiones Beatus vir. de Comm. Conf. non Pont. pag. lxiv.

In secundo Nocturno.

Lectio iv.



**P**ETRUS, nobili Caputiorum familia Tiferno natus anno millésimo tercentésimo nonagésimo, caelésti benedictione praeventus, ita a puerilibus oblectamentis fuit alienus, rebúsque divinis addictus, ut eximiae futurae sanctitatis non obscura praebuerit argumenta. Etenim saeculi vanitates perosus, ne mundus, totus in maligno positus, illius intellectum mutaret unquam, ad Praedicatorum Ordinem convolavit annum agens decimum quintum. In coenobio ejusdem civitatis, sancti Domínici habitu suscepto, ibidemque solénni emissa professione, mirum est, qua morum

innocéntia ac honestate claruerit, quo animi fervore omnia, quae ad Dei cultum pertinent, fuerit prosecutus, qua caritate, abjectione sui, legumque Ordinis observantia excelluerit. Solitudinis amator, ac divinis contemplationibus assidue studens, nil aliud prae oculis habere visus est, quam se Deo ferventius conjungere, ac mentem ecclesiasticis disciplinis locupletare, ut non solum precibus et exemplis, sed etiam zelo secundum scientiam posset ad sacri sui Instituti normam salutis animarum utilius incumbere.

Lectio v.

**C**ORTONAM a Superioribus missus, et Sacerdotio initiatus, omnium admirationem in se rapuit cunctarum splendore virtutum. Adeo autem in humilitate excelluit, ut quamvis avita nobilitate clarus, et magna apud cives universos auctoritate polleret, abjectissima, tam intra, quam extra monasterii limina, alacri animo officia obire curaret. Hinc et eleemosynas quaeritare per urbem, et pauperibus aegrotisque inservire summopere cupiebat. Salutis animarum zelo succensus, non paucos perditae vitae homines ad meliorem frugem perduxit: duosque inter ceteros, plurimorum facinororum reos, et jam carcere trusus, ac de aeterna salute

desperantes, ad poenitentiam convertit, et a morte, cujus supplicio plectendi erant, prodigio liberavit, ut monimenta ferunt. Effrenem itidem juvenem, scelera patranda mente volventem, divino spiritu cognoscens, ut pie creditur, ipsūque opportune increpans, ac de futura morte crastino die, (uti accidit) illi obventura praemonens, sua perfusis lacrymis peccata deflere coegit. Sanctitatis inde fama notissimus, prophetiae, extasum, et miraculorum donis inclaruisse, et praesertim aridum mulieris brachium signo crucis sanasse, vacuumque dolium suis meritis vino plenum inventum esse, legitur.

Lectio vj.

**I**N ANDEM tot meritis conspicuus, mortem, quam diu meditatus fuerat, saepius illius imaginem, sive inter orandum, vel concionandum manu tenens, laetus aspexit, et Ecclesiae Sacramentis devotissime susceptis, ad caelestem patriam evolavit in eodem conventu sancti Domini Cortonae, duodecimo Kalendas Novembris anni millésimi quadringentésimi quadragésimi quinti. Vix vita functum Cortonenses et Tifernates cives, qui beati Petri virtutes alte suspexerant, ut Sanctum venerari coeperunt, illiusque opem implorare; donec tandem

sacrum ejus corpus antea honorifico loco conditum, ut devotioni fidelium fieret satis, in summitate principis altaris elevaretur, anno millésimo quingentésimo nonagésimo séptimo, ubi permansit usque ad annum millésimum septingentésimum octogésimum sextum. Quo ex tempore piissimus Hispaniarum infans Ferdinándus Primus, in Ordinem Praedicatorum, cujus regulam, de Poenitentia dictam, profitebatur, et erga beatum Petrum mirifice affectus, ad ecclesiam sancti Liborii Colurni prope Parmam, ad augendam sacram lypsanthecam amplissimam, quam ibi collégerat ipse, transferrí impetravit. Sed illo vita functo, Cortonensis Antistes pro singulari sua erga Ordinem, et beatum Petrum devotione, sacrum pignus, curis et sumptibus recuperatum, in priori sede locavit, illiusque cultus approbationem apud Apostolicam sedem enixe postulavit. Quibus omnibus mature perpensis, Pius Séptimus Póntifex Máximus, ut Officium et Missa in beati Petri honorem a clero Cortonensi et Tifernati, et Ordine Fratrum Praedicatorum celebraretur, sacrae Rituum Congregationis consúlto benigne concessit.

In iij. Nocturno, Homilia in Evang. Sint lumbi. de Comm. Conf. non Pont. pag. lxxvj.

## DIE XXIII. OCTOBRIS.

B. Bartholomaei de Bregantia  
Episc. Conf. Ord. Praed.

Duplex. Oratio.

**D**EUS, qui in fidei hóstibus ab errórum ténebris ad veritátis lucem adducéndis, et in pópulis ad pacem et concórdiam revocándis, beátum Bartholomaeum Confessórem tuum atque Pontíficem miráblem effecísti : ejus intercessióne concéde; ut pax tua, quae exsúperat omnem sensum, custódiat corda nostra et intelligéntias nostras in Christo Jesu Dómino nostro : Qui tecum vivit.

In j. Nocturno, Lectiones  
Fidélis sermo. ut in Comm.  
Conf. Pont. pag. liij.

In secundo Nocturno.

Lectio iv.



**B**ARTHOLOMAEUS Vicéntiae ex antíqua et nóbili Bregantiárum família, saeculo decimotértio ineúnte, natus est. A paréntibus, ut lítteris imbuerétur, Patávium missus, vix adolescéntiam áttigit, divíni Spíritus afflátu Praedicatórum Ordini, recens institúto, nomen dedit, atque ab ipso tirocínio mores suos ad sancti Patris sui Domínici praecépta et exéempla conformávit. Quare cum magnos in religiósá perfectióne, rerúmque divinárum cognitióne progrés-

sus fecísset, Sacerdótio initiátus, sacras lítteras summa cum laude explicávit. Multas Itáliae, praesértim vero Insúbriae atque Æmíliae civitátes, errórum vitiorúmque collúvie foedátas, et cruéntis factiónibus discéptas, apostólicis praedicatió- nibus lustrans, plúrimos ad cathólicam fidem, ad virtútem et concórdiam, Deo adjuvánte, revocávit.

Lectio v.

**L**ATIUS manánte de ejus sanctimónia et eruditióné fama, Gregórius Nonus illum, Romam accítum, et magistérii cáthedra ornátum, apud se consílii causa hábuit. Innocéntius Quartus, Lugdúnum ad concílium generále celebrándum profectúrus, eum sibi cómitem adjúnxit, et Nimociénsi Ecclésiae Episcopum praefecit; ac demum Alexánder Quartus a Nimociénsi sede, quam ille octo annis summa vigilántia réxerat, ad Vicéntinam tráns- tulit, eúmque ab Eccelíno de Románo, qui Vicéntiae domi- nabáthur, quaesítum ad necem, prohibitúmque ad novum gregem adíre, pro gravíssimis fidei negótiis ad Anglórum regem legátum misit. Hac le- gatióne máximo christiánae reipúblicae bono functus, Lu- tétiam Parisiórum se cóntulit, ubi a sancto Ludovíco Nono Galliárum rege, cujus sibi be- nevoléntiam in Syria conciliá-

verat, amantissime excéptus, Domínicae crucis partícula, ac una spina ex corónâ, Christi cápiti impósita, auctus est.

Lectio vj.

**I**N Itáliam rédiens pretiósâ haec múnera in templum intulit, quod Ordinis sui fratribus in civitátis colle, quem haeréticae pravitátis signíferi insidébant, exstruéndum curávit, eíque a sacra Corónâ nomen indidit. Tum vero curas omnes suas eo contulit, ut labes Vicentínae Ecclésiae ac reipublicae, Eccelsíni improbitáte, et haereticórum perfidia illátas, abstérgeret : Deoque ejus votis favente, brevi cathólicam fidem restítuit, depravátos cleri et pópuli mores emendávit, ac pública et priváta dissidia compósuit. Cumque annis decem commissum sibi gregem et exémplo et verbo sanctíssimè pavísset, Ecclésiae Sacraméntis magno spíritus fervóre susceptis, ad Dóminum migrávit anno millésimo ducentésimo septuagésimo, humilíque, ut ipse jússerat, loco in templo domínicae Corónae sepúltus est. Multis vivens, et post óbítum miraculis clarússe fertur : religiósus vero cultum, statim ab óbítu ei tribútum, atque ad haec usque témpora propagátum, Pius Sextus Póntifex Máximus probávit, ac Praedicatórum Ordini, cleróque Vicentíno

Offícium et Missam in ejus honórem celebrári concéssit.

In iij. Nocturno, Homilia in Eváng. **Vigilate.** de Comm. Conf. Pont. pag. lviiij.

## DIE XXIV. OCTOBRIS.

S. Raphaëlis Archangeli.  
Totum Duplex.

AD VESPERAS.

Super Psalm. *Añâ.* Missus est Angelus Ráphaël ad Tobíam et Saram, ut curáret eos. Psalm. **Laudáte púeri.** cum ceteris, pag. j.

Capitulum. *Tob. 12.*



**Q**UANDO orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego obtuli oratióem tuam Dómino.

R̃. ix. Te sanctum. pag. 820.

Hymnus.

**T**IBI Christe, splendor Patris,  
Vita, virtus córdium,  
In conspéctu Angelórum  
Votis, voce psállimus :  
Alternántes concrepádo  
Melos damus vócbus.  
Collaudámus venerántes  
Omnes caeli príncipes;  
Sed praecípue fidélem  
Médicum et cómitem  
Raphaélem, in virtúte  
Alligántem daemonem.

Quo custóde, procul pelle,  
Rex Christe piíssime,  
Omne nefas inimíci  
Mundo corde, et corpore :  
Paradíso redde tuo  
Nos sola cleméntia.

Glóriam Patri melódis  
Personémus vóci-  
bus :  
Glóriam Christo canámus,  
Glóriam Paráclito :  
Qui trinus et unus Deus  
Exstat ante saecula. Amen.

℟. Stetit Angelus juxta  
aram templi. ℞. Habens thurí-  
bulum áureum in manu sua.

Ad Magnif. Añá. Ego sum  
Ráphaél Angelus, qui asto  
ante Dóminum : vos autem  
benedícite Deum, et narráte  
ómnia mirabília ejus.

Oratio.

**D**EUS, qui beátum Ra-  
phaélem Archángelum  
Tobíae fámulo tuo cómitem  
dedísti in via : concéde nobis fá-  
mulis tuis, ut ejúsdem semper  
protegámur custódia, et mu-  
niámur auxílio. Per Dóminum.

AD MATUTINUM.

Invitatorium. Regem Arch-  
angelórum Dóminum \* Ve-  
níte adorémus.

Hymnus. Tibi Christe. ut  
in j. Vesperis.

In primo Nocturno.

Psalmus 8.



**D**OMINE Dóminus  
noster, \* quam ad-  
mirábile est nomen  
tuum in univér-  
sa  
terral

Quóniam eleváta est magni-  
ficéntia tua, \* super caelos.

Ex ore infántium et lactén-  
tium perfecísti laudem propter  
inimícos tuos, \* ut déstruas  
inimícum et ultórem.

Quóniam vidébo caelos tuos,  
ópera digitórum tuórum : \*  
lunam et stellas, quae tu fun-  
dásti.

Quid est homo, quod me-  
mor es ejus? \* aut fílius hómi-  
nis, quóniam vísitas eum?

Minuísti eum paulo minus  
ab Angelis, ꝑ glória et honóre  
coronásti eum : \* et consti-  
tuísti eum super ópera má-  
nuum tuárum.

Omnia subjecísti sub pédi-  
bus ejus, \* oves et boves uni-  
vérsas : insuper et pécora  
campi.

Vólucres caeli, et pisces ma-  
ris, \* qui perámbulant sémitas  
maris.

Dómine Dóminus noster, \*  
quam admirábile est nomen  
tuum in univér-  
sa terra!

Añá. Egréssus Tobías, in-  
venit júvenem praecínctum, et  
quasi parátum ad ambulán-  
dum : et ignórans quod Ange-  
lus esset, salutávit eum.

Psalmus 10.

**I**N Dómino confído : quó-  
modo dícitis ánima-  
e meae : \* Trásmigra in mon-  
tem sicut passer?

Quóniam ecce peccatóres  
intendérunt arcum, ꝑ paravé-  
runt sagíttas suas in pháretra, \*

ut sagittent in obscuro rectos corde.

Quoniam quae perfecisti, destruxerunt : \* justus autem quid fecit?

Dominus in templo sancto suo, \* Dominus in caelo sedes ejus :

Oculi ejus in pauperem respiciunt : \* palpebrae ejus interrogant filios hominum.

Dominus interrogat justum et impium : \* qui autem diligit iniquitatem, odit animam suam.

Pluet super peccatores lachryas : \* ignis, et sulphur, et spiritus procellarum pars calicis eorum.

Quoniam justus Dominus et justitias dilexit : \* aequitatem vidit vultus ejus.

Añã. Angelus Raphaël se ipsum occultans, ait : Ego sum Azarias magni Ananias filius.

Psalmus 14.

**D**OMINE quis habitabit in tabernaculo tuo? \* aut quis requiescet in monte sancto tuo?

Qui ingreditur sine macula, \* et operatur justitiam :

Qui loquitur veritatem in corde suo, \* qui non egit dolum in lingua sua :

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus : \* timentes autem Dominum glorificat :

Qui jurat proximo suo, et non decipit, \* qui pecuniam suam non dedit ad usuram, \* et munera super innocentem non accepit.

Qui facit haec, \* non movebitur in aeternum.

Añã. Sanum ducam filium tuum in regionem Medorum, et sanum tibi reducam, alleluia.

V. Data sunt Angelo incensa multa. R. Ut adoleret ea ante altare aureum, quod est ante oculos Domini.

De libro Tobiae.

Lectio j.

Cap. 12.



**T**OCAVIT ad se Tobias filium suum, dixitque ei : Quid possumus dare viro isti sancto, qui venit tecum? Respondens Tobias, dixit patri suo : Pater, quam mercedem dabimus ei? aut quid dignum poterit esse beneficiis ejus? Me duxit et reduxit sanum, pecuniam a Gabelo ipse recepit, uxorem ipse me habere fecit, et daemonium ab ea ipse compescuit, gaudium parentibus ejus fecit, me ipsum a devoratione piscis eripuit, te quoque videre fecit lumen caeli, et bonis omnibus per eum replati sumus. Quid illi ad haec poterimus dignum dare? Sed peto te pater mi, ut roges eum, si forte dignabitur medietatem de omnibus, quae allata sunt, sibi assumere.



R7. In illo tēpore exaudítae sunt preces ambórum in conspéctu glóriæ summi Dei : \* Et missus est Angelus Dómini sanctus Ráphaël, ut curáret eos ambos, quorum uno tēpore sunt oratiónes in conspéctu Dómini recitátae. V. Tobías et Sara in tribulatióne pósi, cum lácrymis oráre coepérunt. Et missus.

Lectio ij.

**E**T vocántes eum, pater scílicet, et fílius, tulérunt eum in partem : et rogáre coepérunt ut dignarétur dímidiam partem ómnium, quae attúlerant, accéptam habére. Tunc dixit eis occúlte : Benedícite Deum caeli, et coram ómnibus vivéntibus confitémini ei, quia fecit vobíscum misericórdiam suam. Etenim sacraméntum regis abscondere bonum est : ópera autem Dei reveláre et confitéri honoríficum est. Bona est orátio cum jejúnio, et elemósyna magis quam thesauros auri recóndere : quóniam elemósyna a morte líberat, et ipsa est, quae purgat peccáta, et facit inveníre misericórdiam et vitam aetérnam. Qui autem faciunt peccátum, et iniquitatem, hostes sunt ánimæ suae. Manifesto ergo vobis veritatem, et non abscondam a vobis occúltum sermónem. Quando orábas cum lácrymis, et sepeliébas mórtuos, et derelinquébas prándium tuum, et mór-

tuos abscondébas per diem in domo tua, et nocte sepeliébas eos, ego óbtuli oratiónem tuam Dómino. Et quia accéptus eras Deo, necesse fuit ut tentátio probáret te.

R7. Egréssus Tobías, invénit júvenem spléndidum, stantem praecíncitum, et quasi parátum ad ambulándum. Et salutávit eum, et dixit : \* Unde te habémus bone júvenis? V. Et ignórans quod Dómini Angelus esset, salutávit eum, et dixit. Unde.

Lectio iij.

**E**T nunc misit me Dóminus ut curárem te, et Saram uxórem fílii tui a daemónio liberárem. Ego enim sum Ráphaël Angelus, unus ex septem, qui astámus ante Dóminum. Cumque haec audíssent, turbáti sunt, et treméntes cecidérunt super terram in fáciem suam. Dixítque eis Angelus : Pax vobis, nolíte timére. Etenim cum essem vobíscum, per voluntátem Dei eram : ipsum benedícite, et cantáte illi. Vidébar quidem vobíscum manducáre, et bibe-re : sed ego cibo invisíbili, et potu, qui ab homínibus vidéri non potest, utor. Tempus est ergo ut revértar ad eum, qui me misit : vos autem benedícite Deum, et narráte ómnia mirabília ejus. Et cum hoc dixíset, ab aspéctu eórum ablátus est, et ultra eum vidére non potuérunt. Tunc prostráti

per horas tres in faciē, benedixerunt Deum : et exsurgētes narraverunt omnia mirabilia ejus.

R<sup>7</sup>. Ingressus Angelus ad Tobiam salutavit eum, et dixit : Gaudium sit tibi semper : \* Forti animo esto, in proximo enim est ut a Deo cureris. X<sup>7</sup>. Et respondens Tobias, ait : Quale gaudium mihi erit, qui in tenebris sedeo, et lumen caeli non video? Forti. Gloria Patri. Forti.

In secundo Nocturno.

Psalmus 18.



**C**AELI enarrant gloriam Dei, \* et opera manuum ejus annuntiat firmamentum.

Dies diei eructat verbum, \* et nox nocti indicat scientiam.

Non sunt loquēlae, neque sermones, \* quorum non audiuntur voces eorum.

In omnem terram exivit sonus eorum : \* et in fines orbis terrae verba eorum.

In sole posuit tabernaculum suum : \* et ipse tamquam sponsus procedens de thalamo suo :

Exsultavit ut gigas ad currēdam viam, \* a summo caelo egressio ejus :

Et occursus ejus usque ad summum ejus : \* nec est qui se abscondat a calore ejus.

Lex Domini immaculata convertens animas : \* testimo-

nium Domini fidele, sapientiam praestans parvulis.

Justitiae Domini rectae, laetificantes corda : \* praecēptum Domini lucidum, illuminans oculos.

Timor Domini sanctus, permanens in saeculum saeculi : \* iudicia Domini vera, justificata in semetipsa.

Desiderabilia super aurum et lapidem pretiosum multum : \* et dulciora super mel et favum.

Etenim servus tuus custodit ea, \* in custodiendis illis retributio multa.

Delicta quis intelligit? et ab occultis meis munda me : \* et ab alienis parce servo tuo.

Si mei non fuerint dominati, tunc immaculatus ero : \* et emundabor a delicto maximo.

Et erunt ut complacent eloquia oris mei : \* et meditatio cordis mei in conspectu tuo semper.

Domine adjutor meus, \* et redemptor meus.

Añā. Dixit autem Angelus : Apprehēde brānchiam piscis, et trahe eum extra aquas.

Psalmus 23.

**D**OMINI est terra, et plenitudo ejus : \* orbis terrarum, et universi, qui habitant in eo.

Quia ipse super maria fundavit eum : \* et super flumina praeparavit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, ꝛ qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Haec est generátio quae-réntium eum, \* quae-réntium faciém Dei Jacob.

Attóllite portas príncipes vestras, ꝛ et elevámini portae aeternáles : \* et introíbit rex glóriæ.

Quis est iste rex glóriæ? \* Dóminus fortis et potens : Dóminus potens in proelio.

Attóllite portas príncipes vestras, ꝛ et elevámini portae aeternáles : \* et introíbit rex glóriæ.

Quis est iste rex glóriæ? \* Dóminus virtútum ipse est rex glóriæ.

Añã. Obsecro te Azaríã frater, ut dicas mihi quod remédium habébunt ista, quae de pisce serváre jussísti.

Psalmus 33.

**B**ENEDICAM Dóminum in omni témpore : \* semper laus ejus in ore meo.

In Dómino laudábitur áni-ma mea : \* áudiant mansuétí, et laeténtur.

Magnificáte Dóminum me-cum : \* et exaltémus nomen ejus in idípsum.

Exquisívi Dóminum, et ex-audívit me : \* et ex ómnibus tribulatióibus meis erípuit me.

Accédite ad eum, et illumi-námini : \* et fácies vestrae non confundéntur.

Iste pauper clamávit, et Dó-minus exaudívit eum : \* et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : \* et erípiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Dívites eguérunt et esurié-runt : \* inquirentes autem Dóminum non minuéntur omni bono.

Veníte filii, audíte me : \* timórem Dómini docébo vos.

Quis est homo qui vult vi-tam : \* díligit dies vidére bo-nos?

Próhibe linguam tuam a malo : \* et lábia tua ne lo-quántur dolum.

Divérte a malo, et fac bo-num : \* inquíre pacem, et perséquare eam.

Oculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dó-minus exaudívit eos : \* et ex

ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multae tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

Añā. Lúmina fel sanat : sed virtus cordis et jécoris, diaboli expéllit potestátem.

V. Ascéndit fumus arómatum in conspéctu Dómini.  
R. De manu Angeli.

Ex incérto auctóre inter ópera sancti Augustíni.

*Serm. 1. in Dom. 15. de B. Tobia, qui est 226. de Temp.*

Lectio iv.



**D**EATUS Tobías, qui panem suum nóverat frángere esuriénti, mercédem célerem mercenário praeparat laboránti. Patiénter lectióne percépta, quae nuper est recitata, admirabámur patris filiíque tractátum, quemádmódum Angelus monet, quem aestimábant terrénum sub caeléstí glória mercenário. Ad hoc

enim caecitátis incúrrit exítium, ut Angelum susciperet medicum, qui divínis fácibus incensus sic anhelávit. Honesta est orátio cum jejúnio, et eleemósyna. Orátio justí, clavis est caeli. Ascéndit precátio, et descéndit Dei miserátio. Licet alta sit terra, altum caelum : audit tamen Deus hóminis linguam, si mundam habet consciéntiam. Cum sénsibus loquitur, si sit solus noster gémitus. Súfficit áuribus imber oculórum : fletus cítiús audit, quam voces. Orátio ínvidi solet de áuribus propulsári. Erat patris et filii ánima una : dum esset proprietas membrórum, erat illis singularis germánitas animórum. Fili, inquit, dimittámus istum hóminem, adjiciéntes ad mercédem plácitam, quia nobis multa ópere suo cóntulit bona. Et rogáre coepit mercenário, ut mercédis suae sumat efféctum. Frater, inquit, áccipe quod tuum est, et tunc vade salvus. Récipe mercédem tuam, quia mihi et filio meo bonam praeuísti misericórdiam. Tolle, ut dixi, médiam substántiam, quam cum filio meo reportásti : nam grátia, quam tibi debémus, non potest ponderári.

R. Interrogávit Tobías Angelum : De qua domo, aut de qua tribu es tu? Qui respóndens, ait : \* Ego sum Azarías Ananíaæ magni filius. V. Ge-

nus quaeris mercenarii, an ipsum mercenarium, qui cum filio tuo eat? Sed ne forte sollicitus sis. Ego.

• Lectio v.

**C**ONTINUO Angelus gaudet de cogitata mercede, qui missus fuerat gratis facere pietatem. Tobis, inquit, vel Tobia, quid de mea mercede satis superflue cogitatis? Habete, quod vobis donavit Pater ille caelestis : ego minister sum curationis, ille est auctor sanitatis. Nescitis, cujus mercenarii ope perfrui meruistis. Defunctos captivitatis sepelire non timuistis. Tobis, ascenderunt ad Dominum opera tua, quia, relicto prandio, reddidisti mortuum sepulturae. Ego Domino medullata intuli sacrificia pro venerabili sepultura. Ego directus sum operarius fori caelestis. Mortuum sepelivistis, et mortis aculeum non timuistis. Ipse sepultus pro vobis voce tacita proclamavit. Probationis fuerat caecitas oculorum, unde patientia tua clarius meruisset de caelestibus ornamentum. Ego sum Raphaël, unus ex septem Angelis, qui astamus ante claritatem Dei. Non indigeo fructu humanae mercedis : divitem me facit conversatio Majestatis. Dives est ille, qui me misit : gratis jussit impendi, quod gratis ipse concessit. Nec ipsum honorem gratiarum mihi de-

putetis, quia nihil meis viribus percepistis. Deum benedicite, et illi confitemini, et ipsum glorificate, quia vobiscum fecit bona.

R. Exiit Tobias ut lavaret pedes suos, et ecce piscis immanis exiit ad devorandum eum; qui expavescens clamavit voce magna, dicens : Domine, invadit me. Et dixit ei Angelus : Apprehende branchiam ejus, et trahe eum ad te. \* Exentera hunc piscem, et cor ejus, et fel, et jecur repone tibi : sunt enim necessaria ad medicamenta utiliter. V. Attraxit autem Tobias piscem in siccum, et palpitare coepit ante pedes ejus : et ait Angelus ei. Exentera.

Lectio vj.

**S**UBITO patefacto mysterii caelestis honore, voce Raphaelis Archangeli attenti Tobis et Tobias, collapsi in terram proruerunt : vocem tremulam penitus occultaverunt, quia vocem insolitam audierunt. Quid metuistis pater Tobis, filiusque Tobia? Mercenarium habere caelestem, et tamquam operarium locare terrestrem? Celavit vobis Angelus nomen : Azarias sum, inquit, Ananiae magni filius : et non dixit : Ego sum Raphaël Angelus. Celavit in primo nomine dignitatem, ne faceret locatori terrorem. Si enim diceret : Ego sum Angelus; non

esset Tobíae mercenarius. Servata est dignitas nominis, ut postrémo magnitúdo clarésceret dignitátis. Vidéte caríssimi, quantum sit eleemósynae méritum : Angelum méruit habére operarium. Vidéti, quantum próficit mórtuos sepelíre, ut oblátio ejus per Angelum Raphaélem ad caeléstem ascénderet Majestátem. Vidéti, quia eleemósyna a morte líberat, et ipsa purgat peccáta; facit purgationem oculórum : líberat a ténebris peccatórum. Tobis via sua dedúci-tur : Sara tot viris contristáta, per Angelum matrimónio copulá-tur.

R. Ubi introferis domum tuam, dixit Angelus Raphaél ad Tobíam, statim adóra Dóminum Deum tuum : et grátias agens ei, accéde ad patrem tuum, et osculáre eum. \* Statímque lini super óculos ejus ex felle isto piscis, quem portas tecum; scias enim quóniam mox aperiéntur óculi ejus, et vidébit pater tuus lumen caeli, et in aspéctu tuo gaudébit. V. Tolle tecum ex felle isto piscis : erit enim necessárium. Statímque. Glória Patri. Statímque.

In tertio Nocturno.

Psalmus 95.



CANTATE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annun-

tiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabília ejus.

Quóniam magnus Dóminus, et laudábilis nimis : \* terríbilis est super omnes deos.

Quóniam omnes dii géntium daemónia : \* Dóminus autem caelos fecit.

Conféssio, et pulcritúdo in conspéctu ejus : \* sanctimónia, et magnificéntia in sanctificatióne ejus.

Afférte Dómino pátriae géntium, et afférte Dómino glóriam et honórem : \* afférte Dómino glóriam nómini ejus.

Tóllite hóstias, et introíte in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dícite in géntibus quia Dóminus regnávit.

Etenim corréxit orbem terrae qui non commovébitur : \* judicábit pópulos in aequitáte.

Laeténtur caeli, et exsúltet terra, et commovéatur mare, et plenitúdo ejus : \* gaudébunt campi, et ómnia, quae in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terrae in aequitáte, \* et pópulos in veritáte sua.

Añā. Est hic Sara Raguélis  
fília, quae tibi conjúgio dábi-  
tur, et omnis substántia ejus.

Psalmus 96.

**D**OMINUS regnávít, ex-  
súltet terra : \* laeténtur  
ínsulae multae.

Nubes, et calígo in circúitu  
ejus : \* justítia, et judícium  
corréctio sedis ejus.

Ignis ante ipsum praecédet, \*  
et inflammábit in circúitu ini-  
mícos ejus.

Illuxérunt fúlgura ejus orbi  
terrae : \* vidit, et commóta est  
terra.

Montes, sicut cera fluxérunt  
a fácie Dómini : \* a fácie Dó-  
mini omnis terra.

Annuntiavérunt caeli justí-  
tiam ejus : \* et vidérunt omnes  
pópuli glóriam ejus.

Confundántur omnes, qui  
adórant sculptília : \* et qui  
gloriántur in simulácris suis.

Adoráte eum omnes Angeli  
ejus : \* audívit, et laetáta est  
Sion.

Et exsultavérunt fíliae Ju-  
dae, \* propter judícia tua Dó-  
mine :

Quóniam tu Dóminus altís-  
simus super omnem terram : \*  
nimis exaltátus es super omnes  
deos.

Qui dilígitis Dóminum, odí-  
te malum : \* custódit Dóminus  
ánimas sanctórum suórum, de  
manu peccatóris liberábit eos.

Lux orta est justo, \* et rectis  
corde laetitia.

Laetámini justí in Dómino : \*  
et confitémini memóriæ san-  
ctificatiónis ejus.

Añā. Septem viros hábuit,  
quos daemónium opprèssit :  
tímeo, ne mihi símile contíngat.

Psalmus 102.

**B**ENEDIC ánima mea Dó-  
mino : \* et ómnia, quae in-  
tra me sunt, nómini sancto ejus.

Bénedic ánima mea Dómi-  
no : \* et noli oblivísci omnes  
retributiónes ejus :

Qui propitiátur ómnibus ini-  
quitátibus tuis : \* qui sanat  
omnes infirmitátes tuas.

Qui rédimit de intéritu vi-  
tam tuam : \* qui coronat te in  
misericórdia et miseratióibus.

Qui replet in bonis desidé-  
rium tuum : \* renovábitur ut  
áquilae juvéntus tua :

Fáciens misericórdias Dó-  
minus : \* et judícium ómnibus  
injúriam patiéntibus.

Notas fecit viassuas Móysi, \*  
fíliis Israël voluntátes suas.

Miserátor, et miséricors Dó-  
minus : \* longánimis, et mul-  
tum miséricors.

Non in perpétuum irascé-  
tur : \* neque in aetérnum com-  
minábitur.

Non secúndum peccáta no-  
stra fecit nobis : \* neque se-  
cúndum iniquitátes nostras  
retríbuit nobis.

Quóniam secúndum altitú-  
dinem caeli a terra : \* corro-  
borávit misericórdiam suam  
super timéntes se.

Quantum distat ortus ab occidente : \* longe fecit a nobis iniquitates nostras.

Quomodo miseretur pater filiorum, & misertus est Dominus timéntibus se : \* quoniam ipse cognóvit figméntum nostrum.

Recordátus est quoniam pulvis sumus : & homo, sicut foenum dies ejus, \* tamquam flos agri sic efflorescit.

Quoniam spíritus pertransibit in illo, et non subsistet : \* et non cognóscet ámplius locum suum.

Misericórdia autem Domini ab aetérno, \* et usque in aetérnum super timéntes eum.

Et justítia illíus in filios filiorum, \* his qui servant testamentum ejus :

Et mémores sunt mandatorum ipsíus, \* ad faciéndum ea.

Dóminus in caelo parávit sedem suam : \* et regnum ipsíus ómnibus dominábitur.

Benedícite Dómino omnes Angeli ejus : \* poténtes virtúte, faciéntes verbum illíus, ad audiéndam vocem sermónum ejus.

Benedícite Dómino omnes virtútes ejus : \* minístri ejus, qui faciunt voluntátem ejus.

Benedícite Dómino ómnia ópera ejus : \* in omni loco dominationis ejus, benedic ánima mea Dómino.

Añna. Per tres dies oratióni cum uxóre tua vacábis : ut in

sémine Abrahæ benedictiónem in filiis consequáris.

V. Apprehéndit Angelus Ráphaël daemónium. R7. Et reli-gávit illud in deserto superi-  
oris Ægypti.

Lectio sancti Evangélíi secúndum Joánnem.

Lectio vij.

Cap. 5.

**I**N illo témpore : Erat dies festus Judaeórum, et ascendit Jesus Jerosólymam. Et reliqua.

Homilía sancti Augustíni  
Epíscopi.

Tract. 17. in c. 5. Joan.



**M**IRUM non esse debet a Deo factum miraculum : mirum enim esset, si homo fecisset. Magis gaudere, quam mirári debémus, quia Dóminus noster, et Salvátor Jesus Christus homo factus est, quam quod divína inter hómines Deus fecit. Plus est enim ad salutem nostram, quod factus est propter hómines, quam quod fecit inter hómines : et plus est, quod vítia sanávit animárum, quam quod sanávit languóres córporum moriturórum.

R7. Benedícite Deum caeli, dixit Angelus Ráphaël, et coram ómnibus vivéntibus confitémini ei, \* Quia fecit vobíscum misericórdiam suam. V. Ipsum benedícite, et cantáte illi, et narráte ómnia mirabília ejus. Quia.



## Lectio viij.

**S**ED quia ipsa ánima non eum nóverat, a quo sanándá erat; et óculos habébat in carne, unde facta corporália vidéret, nondum habébat sanos in corde, unde Deum laténtem agnósceret : fecit quod vidéri póterat, ut sanarétur, unde vidéri non póterat. Ingréssus est locum, ubi jacébat magna multitúdo languéntium, caecórum, claudórum, aridórum.

R̃. Tempus est ut revértar ad eum, qui me misit, dixit Angelus Ráphaël : \* Vos autem benedícite Dóminum, et narráte ómnia mirabília ejus. V. Confitémini ei coram ómnibus vivéntibus, quia fecit vobíscum misericórdiam suam. Vos.

## Lectio ix.

**E**T cum esset médicus et animárum et córporum, et qui venísset sanáre omnes ánimas crediturórum : de illis languéntibus unum elégit, quem sanáret, ut unitátem significáret. Si mediócri corde, et quasi humáno captu et ingénio considerémus faciéntem : et quod ad potestátem pértinet, non magnum áliquid perfécit; et quod ad benignitátem, parum fecit. Tot jacébant, et unus curátus est, cum posset uno verbo omnes erígere.

R̃. Te sanctum Dóminum in excélsis laudant omnes Ange-

li, dicéntes : \* Te decet laus, Et honor, Dómine. V. Chérubim quoque et Séraphim Sanctus proclámant, et omnis caelicus ordo, dicéntes. Te decet. Glória Patri. Et honor.

Ante Laudes, V. Gloriósus apparuísti in conspéctu Dómini. R̃. Proptérea decórem induit te Dóminus.

## IN LAUDIBUS.

Aña. Missus est Angelus Ráphaël ad Tobíam et Saram, ut curáret eos. Psalm. Dóminus regnávit. cum ceteris, pag. xj.

Aña. Ingréssus Angelus ad Tobíam, salutávit eum, et dixit : Gáudium sit tibi semper.

Aña. Forti ánimo esto Tobía, in próximo enim est ut a Deo curéris.

Aña. Benedícite Deum caeli, et coram ómnibus vivéntibus confitémini illi, quia fecit vobíscum misericórdiam suam.

Aña. Pax vobis, nolíte timére : Deum benedícite, et cantáte illi.

Capitulum. Quando orábas. ut supra in Vesp. pag. 809.

## Hymnus.

**C**HRISTE, sanctórum deus Angelórum,  
Auctor humáni géneris, et rector,  
Nobis sacrátum tríbue benignus

Scándere caelum.

Angelum nobis médicum salútis

Mitte de caelis Ráphaël, ut omnes

Sanet aegrótos, paritérque nostros

Dírigat actus.

Hinc Dei nostri Génitrix María,

Totus et nobis chorus Angelórum

Semper assístat, simul et beáta Cóncio tota.

Praestet hoc nobis Déitas beáta

Patris, ac Nati, paritérque sancti

Spíritus, cujus réboat in omni Glória mundo. Amen.

V. In conspéctu Angelórum psallam tibi, Deus meus.

R. Adorábo ad templum sanctum tuum, et confitébor nómini tuo.

Ad Benedictus, Aña. Ego sum Ráphaël Angelus, qui asto ante Dóminum : vos autem benedícite Deum, et narráte ómnia mirabília ejus, allelúia.

Ad Tertiam, Capitulum. Quando. ut supra in Vesperis, pag. 809.

R. Horar. ut in festo S. Michaëlis, xxix. Sept. pag. 744.

#### AD SEXTAM.

Capitulum. Tob. 12.

**E**T nunc misit me Dóminus ut curárem te, et Saram uxórem filii tui a daemónio liberárem. Ego enim sum Ráphaël Angelus, unus ex septem, qui astámus ante Dóminum.

#### AD NONAM.

Capitulum. Tob. 12.

**T**EMPUS est ut revértar ad eum, qui me misit : vos autem benedícite Deum, et narráte ómnia mirabília ejus.

#### AD VESPERAS.

Super Psalm. Aña j. Laud. Psalmi de Dominica, pag. 89. et loco ultimi, Ps. 137. Confitébor tibi. pag. 109.

Capitulum, Hymnus et V. ut in j. Vesperis.

Ad Magnificat, Aña. Princeps gloriosíssime Ráphaël Archángele, esto memor nostri : hic et ubíque semper precáre pro nobis Fílium Dei.

### DIE XXV. OCTOBRIS.

SS. Crispini et Crispiniani Martyrum.

Tres Lectiones.

Oratio.

**D**EUS, qui nos concédís sanctórum Mártyrum tuórum Crispíni et Crispiniáni natalítia cólere; da nobis in aetérna beatitúdine de eórum societáte gaudére. Per Dóminum.

*Ex Actis sinceris.*

Leção ij.

**C**RISPINUS et Crispiniánus, nóbiles Románi, Diocletiáno et Maximiano rerum potiéntibus, in Gálliam Suessiones cum veníssent, sequéntes Doctóris Géntium magistérium : ut necessária vitae

labóre mánuum sibi parárent, artem sutóriam didicérunt. Et cum prae ómnibus artificibus elegántius operaréntur, a nullo tamen mercédem óperis exigébant. Illéxit ea res nonnúllos, ut non tam artificií eórum necessitaté, quam amóre verbi Dei, ad eos crebro convenírent, ac relícto erróre, Christo adjungeréntur.

Lectio iij.

**R**E ad Ríctium Varum prae-sidem deláta, cum ipsos inquíri jussisset, repérti sunt páuperum calceaménta reficiéntes. Producti, cum nollent fidem Christi abnegáre, ad tróchleas extendúntur, ac fústibus crudéliter caedúntur : inter digitórum ungues et carnem eis sudes praeacútae defigúntur; ex dorsi cute singulae corrégiae excindúntur; appén-sis ad colla ingéntibus molis, in flumen sub gelu demergúntur : deínde in liquefactum ac fervens plumbum immíssi, cum haec, et ália immaníssima tormenta, divína ope, superássent, tandem, gládio trucidánte, victóres ad palmas in caelum convolárunť.

---

DIE XXVI. OCTOBRIS.

B. Damiani Furcherii a  
Finario Conf. Ord. Praed.

Duplex. Oratio.

**D**EUS, qui fidélium salúti procurándae, beátum Damíanum Confessórem tuum, et

mira dicéndi vi, et virtútibus decorásti : praesta quaesumus, ut ejus intercessióne et exémplo, veram caritatém verbo et ópere exhibeámus. Per Dóminum nostrum.

In j. Nocturno, Lectiones  
Beátus vir. de Comuni Conf.  
non Pont. pag. lxiv.

In secundo Nocturno.

Lectio iv.



**D**AMIANUS Finárii in Ligúria ex nóbili aequae ac locúplete família de Furchériis saeculo décimo quinto ineúnte natus est. Quis futúrus esset puer iste, ex ipsa ejus infántia Deus insígni prodígio testátum vóluit : nam a deménte subréptus, et diu a paréntibus conquisítus, tandem caelésti indício invéntus fuit. Adolescéntiam ingræssus, eam juste sanctéque perégit, et réliquo vitae témpore nunquam ab institúto declinávit. Ut autem facílius bona caeléstia, quibus inhiábat, assequerétur, mundi opes et illécebras contémnens, Praedicatórum Ordini nomen dedit.

Lectio v.

**S**CHOLAM perfectiónis ingræssus, in excoléndis ómnibus virtútibus totus fuit : hinc sólidae sanctitátis fundamenta jáciens, in humilitáte profúnde se exércuit; jejúnio et abstinentia corpus spirítui sub-jécit; devotióne praecipuus,

oratióni stúduit pro víribus, ac omnímōda morum honestáte praefúlsit : nil ígitur mirum, si in carne praeter carnem vivens, caritáte erga Deum exárserit. Ut autem concréditi sibi a Dómino talénti lucrum cáperet, diu noctúque sacris lítteris talem dedit óperam, ut sciéntia clarus eváserit, et brevíssimo témpore, licet gravíssimo in-  
cómmodo, nonnúllos scrípserit códices pia unctiōne refértos.

Lectio vj.

**C**UM vero evangelizándi munus Damiáno commíssum fúisset, apostólico zelo incénsus, plúribus in locis verbum Dei annuntiávit, multósque e vitiórum coeno ad honestam vitae ratiónem tradúxit. Tandem suae praedicatiónis cursu consummáto, Régii Lépidi decumbens, magno fervóris spírítu, et devotiōne ómnia christiánae religiōnis adjuménta suscepit, ac méritis onústus, mortálem vitam cum aetérna commutávit, anno Dómini millésimo quadringentésimo octogésimo quarto. Sepúltus in ecclésia coenóbii sui Ordinis, miráculis coruscáre coepit; quaprópter ejus Relíquiis in várias regiōnes delátis, exínde públicum ecclesiásticum cultum obtínuit, quem ad haec usque témpora propagátum Pius Nonus Póntifex Máximus ex sacrórum Rítuum Congregatiónis consúlto approbávit,

et ut ejus festum cum Offício et Missa in univérso Praedicatórum Ordine celebrarétur, benígne indúlsit.

In iij. Nocturno, Homilia in Evang. **Sintlumbi.** ut in Comm. Conf. non Pont. pag. lxxvj.

## DIE XXVII. OCTOBRIS.

In Vigilia SS. Apostolorum  
Simonis et Judae.

Homilia super Evang. **Ego sum vitis vera.** ut in Comm. unius Mart. pag. xxxiij.

## DIE XXVIII. OCTOBRIS.

SS. Simonis et Judae  
Apostolorum.  
Totum Duplex.

Oratio.

**C**ONCEDE, quaesumus  
omnípotens Deus : ut  
sicut Apostolórum tuórum Si-  
monis et Judae gloriósa nata-  
lítia praevenímus; sic ad tua  
benefícia promerénda, majestá-  
tem tuam pro nobis ipsi prae-  
veniant. Per Dóminum.

In primo Nocturno.

Incipit Epístola beáti Judae  
Apóstoli.

Lectio j. *Cap. i.*



**JUDAS** Jesu Christi  
servus, frater autem  
Jacóbi, his, qui sunt  
in Deo Patre diléctis,  
et Christo Jesu conservátis, et  
vocátis. Misericórdia vobis, et  
pax, et caritas adimpleátur.

Caríssimi, omnem sollicitúdi-  
nem fáciens scribéndi vobis de  
commúni vestra salúte, necesse  
hábuí scríbere vobis : dépre-  
cans supercertári semel trádi-  
tae sanctis fidei. Subintroiér-  
runt enim quidam hómines  
(qui olim praescripti sunt in  
hoc iudícium) ímpii, Dei nostri  
grátiam transferéntes in luxú-  
riam, et solum Dominatórem,  
et Dóminum nostrum Jesum  
Christum negántes.

Lectio ij.

**C**OMMONERE autem  
vos volo, sciéntes semel  
ómnia, quóniam Jesus pópulum  
de terra Ægypti salvans, se-  
cúndo eos, qui non credidérunt,  
pérdidit. Angelos vero, qui non  
servavérunt suum principátum,  
sed dereliquérunt suum domi-  
cílum, in iudícium magni diéi,  
vínculis aetérnis sub calígine  
reservávit. Sicut Sódoma, et  
Gomórrha, et finítimae civitá-  
tes símili modo exfornicátae, et  
abeúntes post carnem álteram,  
factae sunt exéplum, ignis  
aetérni poenam sustinéntes.  
Simíliter et hi carnem quidem  
máculant, dominationem au-  
tem spernunt, majestátem au-  
tem blasphemánt.

Lectio iij.

**C**UM Míchaél Archángelus  
cum diábolo dísputans  
altercarétur de Móysi corpore,  
non est ausus iudícium inférre  
blasphémiae : sed dixit : Im-  
peret tibi Dóminus. Hi autem

quaecúmque quidem ignórant,  
blasphemánt : quaecúmque au-  
tem naturaliter, tamquam muta  
animália, norunt, in his cor-  
rumpúntur. Vae illis, quia in  
via Cain abiérunt, et erróre  
Bálaam mercéde effúsi sunt,  
et in contradiccióne Core per-  
iérunt.

In secundo Nocturno.

*Ex antiquis Martyrologiis et  
monument. ac Rom. Brev.*

Lectio iv.



**S**IMON Chananaeus,  
qui et Zelótes, et  
Thaddaeus, qui et  
Judas Jacóbi appel-  
látur in Evangélio, unus ex  
Cathólicis Epístolis scriptor,  
hic Mesopotámiam, ille Ægy-  
ptum evangélica praedicatióne  
peragrávit. Póstea in Pérsidem  
conveniéntes, cum innumerá-  
biles fílios Jesu Christo pepe-  
rissent, fidémque in vastíssi-  
mis illis regiónibus, et efferátis  
géntibus disseminássent : do-  
ctrína et miráculis, ac dénique  
glorióso martyrio, simul san-  
ctíssimum Jesu Christi nomen  
illustrárun.

Sermo sancti Gregórii

Papae.

*Hom. 30. in Evang. post med.*

Lectio v.

**S**CRIPtum est : Spíritus  
Dómini ornávit caelos.  
Ornaménta enim caelórum sunt  
virtútes praedicántium. Quae  
vidélicet ornaménta Paulus  
enúmerat, dicens : Alii datur  
per Spíritum sermo sapiéntiae :

alii sermo sciéntiae secúndum eúmdem Spíritum : áleri fides in eódem Spíritu : álii grátia sanitátum in uno Spíritu : álii operátio virtútum, álii prophétia, álii discrétio spirítuum, álii génera linguárum, álii interpretátio sermónum. Haec autem ómnia operátur unus atque idem Spíritus, dívidens síngulis prout vult.

Lectio vj.

**Q**UOT ergo sunt bona prae-dicántium, tot sunt ornaménta caelórum. Hinc rursus scriptum est : Verbo Dómini caeli firmáti sunt. Verbum enim Dómini, Fílius est Patris. Sed eósdem caelos, vidélicet sanctos Apóstolos, ut tota simul sancta Trínitas ostendátur operáta, repén-te de sancti Spíritus divinitáte adjúngitur : Et spíritu oris ejus omnis virtus eórum. Caelórum ergo virtus de Spíritu sumpta est : quia mundi hujus potestátibus contráire non praesúmerent, nisi eos sancti Spíritus fortitúdo solidásset. Quales námque doctóres sanctae Ecclesiae ante advéntum hujus Spíritus fúerint, scimus : et post advéntum illíus, cujus fortitúdinis facti sint, conspícimus.

In tertio Nocturno.

Léctio sancti Evangélíi secúndum Joánnem.

Lectio vij. Cap. 15.

**I**N illo témpore : Dixit Jesus discipulis suis : Haec mando vobis, ut diligátis ínvi-

cem. Si mundus vos odit : scitote quia me priórem vobis ódio hábuit. Et réliqua.

Homília sancti Cyrílli

Epíscopi Alexandríni.

Lib. 10. in Joann. cap. 26.

et seq.



**Q**UIRABILI quodam atque divíno in con-formándis firman-disque discipulórum ánimis Dóminus útitur artifício. Nam quóniam totíus orbis terrárum doctóres futúri erant, quos ubíque omnes quasi Evangélíi legem ac régulam imitaréntur, necessáριο nullam curam iis faciéndam esse monet, ne a mundo, id est ab homínibus, voluptáti impietátique déditis, ódio habeántur. Cum ergo, inquit, mundi ódium vobis opponétur, non turbabímini : si hoc mihi ipsi, qui sum Dóminus, accidísse meminérítis.

Lectio viij.

**Q**UIA de mundo non estis, sed ego elégi vos de mundo, proptérea odit vos mundus. Fáci-le, immo vero jucúndum esse osténdit, quod natúra sui molestíssimum est. Quid enim acérbius, et plerúmque damnósius, quam ódio habéri? Suáve tamen id efficitur propter Deum. Et quando grátia pietátis áccidit, arguménto est, non inhiáre rebus cadúcis eum, qui ódio habétur. Ut enim córporum, ita morum

cognatio quaedam est, quorum similitudo longe sanguinis vincit cognationem.

Lectio ix.

**S**ANCTUS cum sancto, et perversus cum perverso jucunde conversatur. Quamobrem necesse est, ut studiosus minime a vitiosis diligatur : unde non dolendum, sed gaudendum potius nobis Christus esse asserit. Nam etsi detrimentum in rebus caducis multorum odium afferat, maximo tamen apud Deum est emolumento. Efficitur autem his verbis, ut libere, et absque odii formidine discipuli praedicatione utantur : cum nihil dilectioni Dei praeponendum esse doceantur.

IN LAUDIBUS  
et ad alias Horas.

Oratio.

**D**EUS, qui nos per beatos Apostolos tuos Simónem et Judam, ad agnitionem tui nominis venire tribuisti : da nobis eorum gloriam sempiternam et proficiendo celebrare, et celebrando proficere. Per Dóminum nostrum.

## DIE XXIX. OCTOBRIS.

B. Benvenutae Bojani Virg.  
Ord. Praed.

Duplex. Oratio.

**G**RATIAM nobis, Dómine, poenitentiae, orationis, et humilitatis infunde : ut beatae

Benvenutae Virginis imitatione possimus, et carnem mortificantes, spiritu vivere; et caelestia jūgiter cogitantes, nosque despicientes, in te solo Deo requiem et gloriam invenire. Per Dóminum.

In j. Nocturno, Lectiones De virginibus. ut in Comm. Virg. non Mart. pag. lxxxiiij.

In secundo Nocturno.

Lectio iv.

**B**ENVENUTA, patre Conrado Bojano, a quo in posteriores nobilissimae stirpis a Pértica Bojanorum agnomen est propagatum, matre Albertina a Buttínico, Forojúlii Carnorum orta, ab ipsa pene infántia praeclára indícia futúrae sanctitátis dedit. Nam ornatum corporis, ludosque, quibus ea aetas delectári solet, fastídiens, e propinquorum conspectu in remotum viridarii patérni locum, unde liber ad aedem sanctae Maríae in altissimi montis vértice sitam prospectus erat, se ábdere, ibique preces ad multas horas producere consueverat. Quo tempore prostrationibus, flexionibusque genuum crebris ac laboriosis corpusculum fatigabat. Páulum aetate progressa sibi cilicium induit, quod sex ipsis annis, corpus in servitútem redactúra, tulit. Caténa férrea primum, deinde árctius funículo lumbos cinxit : qui, ubi

ea adolévít, ita adhaesit cárnibus, ut sine chirúrgi ópera recídi avellíque non posset. Itaque, ne res efferrétur, ad preces se ipsa convértit, utque sibi funículus ante pedes decíderet, divínitus, ut est memoríae próditum, impetrávit.

Lección v.

**C**UM in tértium sancti Domínici Ordinem cooptáta esset, Deoque virginitátem devovísset suam, ejus, quem sibi patris loco delégerat, imitáta vitam, a vino se atque a cárnibus abstinére, permúltas noctes, easque potíssimum, quae praecípui diébus festis antecéderent, meditatóni divínarum rerum, precibúsque insístens, pene insómnes dúcere, quietisque aliquántulum captúra, lápide cápiti supposito, humi cubáre, caténa férrea ter se quaque nocte cadere diutíssime perseverávit : cui postrémo géneri afflictatiónis, confessário obtémperans, modum aliquándofecit. Qua vitae severitaté sic debilitáta víribus est, ut tandem in morbum incíderit sideratiónis. Cumque difficili uterétur respiratióné, jacérequé proptérea nequíret, atque idcirco sedére perpétuo cogerétur, contráctis ulcéribus, sine máximo dolóris sensu ne léviter quidem attólli póterat. Quem dolórem sic pértulit, ut ejus patiéntiam laudárent omnes, assiduitátem orándi admira-

réntur. Quinquénio fere cum vexáta ádeo pertináci aegritúdine fuísset, recuperándae (si modo placuísset Deo) salutis causa, voto Bonóniam sese ad sancti Domínici sepúlcrum conferéndi factó, repénite summa astántium admiratióné sanáta est.

Lección vj.

**B**ONONIAM profécta, solutóque voto, in pátriam revértit : quodque jámdiu coeperat, postque valetúdinis causa intermiserat, dénuo suscepit institútum vitae. Quo quidem institúto, austeritátis et labóris pleno, cum ita spirítui subegísset carnem, ut mentem fáciie avocáret a sénsibus, atque in una mysteriórum fidei contemplatióné defíxa esse viderétur, multis magnisque aucta divínitus donis fuit. Sed in ea cópia gratiarum a nulla re magis abhórruit, quam ab inánis glóriæ cupiditaté. Dénique inédia, vigíliis, defatigatióné córporis diutúrna afflícta, cum petíísset dissólvi, et esse cum Christo, sacris Ecclésiæ susceptis, tértio Kaléndas Novémbris, anno millésimo ducentésimo nonagésimo secúndo laeta decéssit. Quod ut est divulgátum, magno número cives, rati novam se in caelis apud Deum patrónam naectos, in ejus aedes primum, tum in ecclésiám Fratrum Praedicatorum Forojuliénsium, quo



illius corpus illatum est, miraculisque, ut fertur, illustrari coepit, veneratióne erga illam suae, cultusque declarandi causa confluxerunt. Quem cultum nunquam intermissum Clemens Decimus tertius Pontifex Máximus ex sacrae Rituum Congregatiónis consúto probávit, Ordinisque Praedicatorum univérso de beáta Benvenúta Vírgine recitandi Officii, Missaeque celebrandae potestatem fecit.

In iij. Nocturno, Homilia in Evang. Símile erit regnum caelórum decem virgínibus. ut in Communi Virg. non Mart. pag. lxxxv.

### DIE XXX. OCTOBRIS.

In Commemoratione SS. Martyrum, et aliorum Sanctorum, quorum Corpora vel Reliquiae in ecclesiis nostri Ordinis asservantur.

Totum Duplex.

Omnia de Communi plur. Mart. pag. xxxiv. praeter seq.

Oratio.

**D**EUS, qui hanc sacrosantam ecclesiam tot voluisti Sanctorum decorari Reliquiis: concéde nobis famulis tuis, ut quorum memóriam venerámur in terris, eórum consórtio perfruámur in caelis. Per Dóminum.

In j. Nocturno, Lectiones de Scriptura currente.

In secundo Nocturno.

Ex Tractátu sancti Joánnis Damascéni de Fide orthodoxa.

Lectio iv. *Lib. 4. cap. 16.*



**C**HRISTUS Dóminus Sanctorum Reliquias velut salutíferos fontes praebuit, ex quibus plúrima nobis beneficia manant, suavissimúmque unguéntum prófluit. Nec vero quisquam huic sermóni fidem détrahat: nam si aqua in desérto ex áspera et sólida rupe, atque ex ásini maxílla ad sedándam Samsónis sitim, Deo ita volénte, prosíliit; erítne, cur cuíquam incredíbile videátur, ex Mártyrum Reliquiis suáve unguéntum scaturíre? Mínime certe: iis quidem, quibus Dei poténtia, honórque, quo Sanctos suos áfficit, perspéctus et explorátus est. Atque illud quidem véteri lege comparátum erat, ut quisquis mórtuum contigísset, immúndus censerétur; verum hi in mortuórum número mínime habéndi sunt.

Lectio v.

**E**X quo enim ipsamet vita, ac vitae Auctor inter mórtuos adscríptus est, eos, qui in spe resurrectiόνis, fidéque erga eum, diem extrémum clausérunt, mórtuos haudquáquam appellámus. Qui enim mórtuum corpus miracula édere queat? Per ea daemones ex-

pellúntur, morbi profligántur, aegróti sanántur, caeci perspíciunt, leprósi mundántur, tentatiónes ac moeróres discutiúntur; ac dénique omne donum óptimum a Patre lúminum, eórum ópera ad eos, qui fide mínime dúbia póstulant, descéndit. Quid non labóris suscípias, ut patrónum quemdam nanciscáris, qui te mortáli regi ófferat, ac tuo nómine ad eum verba fáciat? An non igitur hi honorándi sunt, qui totíus humáni géneris patrónos se profiténtur, ac Deo nostra causa súpplicant?

Lectio vj.

**H**ONORANDI certe, et quidem ita, ut in eórum nómine templa Deo exstruámus, dona offerámus, eórum memóriam colámus, atque in ea spirituáliter oblectémur; quo nímírum laetítia nostra iis, a quibus invitámur, cóngruat, ne, dum eos cólere et demeréri studémus, offendámus pótius, et irritémus. Quibus enim rebus Deus cólitur, iisdem quoque servi ipsíus oblectántur: quibus autem Deus offénditur, iisdem étiam ipsíus mílites offendúntur. Quocírca in psalmis, et hymnis, et cánti-

bus spirituálibus, et compunctióne, et eórum, qui in egestáte versántur, commiseratióne, quibus obséquiiis Deus potíssimum conciliátur, Sanctos colámus: státuas ipsis, ac visíbiles imágines erigámus: immo ipsi virtútibus eórum imitándis hoc consequámur, ut vivae eórum státuae atque imágines simus.

In iij. Nocturno, Homilia in Evang. Descéndens Jesus de monte. de Communi plur. Mart. pag. xlix.

## DIE XXXI. OCTOBRIS.

In Vigilia Omnium Sanctorum.

Homilia super Evangelium, Descéndens Jesus de monte. ut in Communi plur. Mart. pag. xlix.

Eodem die in Laudibus fiat Mem. S. Quintini Mart.

Oratio.

**A**DESTO Dómine supplicatióibus nostris: ut qui ex iniquitáte nostra reos nos esse cognóscimus; beáti Quintíni Mártyris tui intercessióne liberémur. Per Dóminum nostrum Jesum Christum Fílium tuum; qui tecum.











DIE I. NOVEMBRIS.

## In Festo Omnium Sanctorum.

TOTUM DUPLEX.

### AD VESPERAS.

Super Psalm. Añā. O quam gloriōsum est regnum, in quo cum Christo gaudent omnes Sancti : amīcti stolis albis sequūntur Agnum, quocūmque ferit. Psalm. Laudāte pūeri. cum ceteris, pag. j.

#### Capitulum.

*Apoc. i.*

**Q**UCC E ego Joānnes vidi ālterum Angelum ascendētem ab ortu solis, habētem signum Dei vivi : et clamāvit voce magna quātuor Angelis, quibus datum est nocēre terrae, et mari, dicens : Nolite nocēre terrae, et mari, neque arbōribus, quoadūsque signemus servos Dei nostri in frōntibus eōrum.

Rz. ix. Concēde nobis. ut infra, pag. 842.

### Hymnus.

**J**ESU Salvātor saeculi,  
Redēptis ope sūbveni :  
Et pia Dei Gēnitrix  
Salūtem posce mīseris.

Coetus omnes angēlici,  
Patriarchārum cūnei,  
Et Prophetārum mērita  
Nobis precēntur vēniam.

Baptīsta Christi praeuius,  
Et Clāviger aethēreus,  
Cum cēteris Apóstolis,  
Nos solvant nexu crīminis.

Chorus sacrātus Mártyrum,  
Conféssio Sacerdótum,  
Et virginālis cástitas  
Nos a peccātis ábluant.

Monachórum suffrágia,  
Omnésque cives caelici  
Annuant votis súpplīcum,  
Et vitae poscant praemium.

Laus, honor, virtus, glória  
Deo Patri, et Fílio,

Sancto simul Paráclito,  
In sempiterna saecula.

Amen.

℟. Laetámini in Dómino, et  
exultáte justi. ℞. Et gloriá-  
mini omnes recti corde.

Ad Magnificat, Aña. Beáti  
estis, Sancti Dei omnes, qui  
meruístis consórtes fieri cae-  
léstium virtútum, et pérfrui  
claritátis glória : ideóque pre-  
cámur, ut mémores nostri, in-  
tercedere dignémini pro nobis  
ad Dóminum Deum nostrum.

Oratio.

**D**OMINE Deus noster,  
múltiplica super nos grá-  
tiam tuam : et quorum prae-  
venímus gloriósa solémnia,  
tríbe subsequi in sancta pro-  
fessióne laetítiam. Per Dó-  
minum.

AD MATUTINUM.

Invitatorium. Regem regum  
Dóminum veníte adorémus :  
\* Quia ipse est coróna San-  
ctórum ómnium.

Hymnus. Jesu Salvátor. ut  
supra.

In primo Nocturno.

Aña. Adésto.

Psalmus 8.



**D**OMINE Dóminus  
noster, \* quam ad-  
mirábile est nomen  
tuum in univér-  
sa terra!

Quóniam eleváta est magni-  
ficéntia tua, \* super caelos.

Ex ore infántium et lactén-  
tium perfecísti laudem propter

inimícos tuos, \* ut déstruas  
inimícum et ultórem.

Quóniam vidébo caelos tuos,  
ópera digitórum tuórum : \*  
lunam et stellas, quae tu fun-  
dásti.

Quid est homo, quod me-  
mor es ejus? \* aut fílius hómi-  
nis, quóniam vísitas eum?

Minuísti eum paulo minus  
ab Angelis, ꝛ glória et honóre  
coronásti eum : \* et constituísti  
eum super ópera mánuum tuá-  
rum.

Omnia subjecísti sub pedi-  
bus ejus, \* oves et boves uni-  
vérsas : ínsuper et pécora  
campi.

Vólucres caeli, et pisces ma-  
ris, \* qui perámbulant sémitas  
maris.

Dómine Dóminus noster, \*  
quam admirábile est nomen  
tuum in univér-  
sa terra!

Aña. Adésto Deus unus  
omnípotens, Pater, et Fílius,  
et Spíritus sanctus.

Aña. Sicut.

Psalmus 18.

**C**AELI enárrant glóriam  
Dei, \* et ópera mánuum  
ejus annúntiat firmaméntum.

Dies diéi erúctat verbum, \*  
et nox nocti índicat sciéntiam.

Non sunt loquélæ, neque  
sermónes, \* quorum non au-  
diántur voces eórum.

In omnem terram exívit  
sonus eórum : \* et in fines  
orbis terrae verba eórum.

In sole pósuit tabernáculum  
suum : \* et ipse tamquam

sponsus procedens de thalamo suo :

Exsultávit ut gigas ad curréndam viam, \* a summo caelo egressio ejus :

Et occúrsus ejus usque ad summum ejus : \* nec est qui se abscondat a calore ejus.

Lex Dómini immaculáta convértens ánimas : \* testimónium Dómini fidéle, sapiéntiam praestans párvulis.

Justítiae Dómini rectae, laetificántes corda : \* praecéptum Dómini lúcidum, illúminans óculos.

Timor Dómini sanctus, pórmanens in saeculum saeculi : \* judícia Dómini vera, justificáta in semetípsa.

Desiderabília super aurum et lápidem pretiósum multum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delícta quis intélligit? : ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delícto máximo.

Et erunt ut compláceant elóquia oris mei : \* et meditátio cordis mei in conspéctu tuo semper.

Dómine adjútor meus, \* et redémptor meus.

Añã. Sicut lílium inter spinas, sic amíca mea inter fílias.

Añã. Laudémus.

Psalmus 102.

**B**ENEDIC ánima mea Dómino : \* et ómnia, quae intra me sunt, nómini sancto ejus.

Benedic ánima mea Dómino : \* et noli oblivísci omnes retributiónes ejus :

Qui propitiátur ómnibus iniquitatibus tuis : \* qui sanat omnes infirmitátes tuas.

Qui redimit de intéritu vitam tuam : \* qui coronat te in misericórdia et miseratió-nibus.

Qui replet in bonis desidérium tuum : \* renovábitur ut áquilae juvéntus tua :

Fáciens misericórdias Dóminus : \* et judícium ómnibus injúriam patiéntibus.

Notas fecit vias suas Móysi, \* filiis Israël voluntátes suas.

Miserátor, et miséricors Dóminus : \* longánimis, et multum miséricors.

Non in perpétuum irascé-tur : \* neque in aetérnum comminábitur.

Non secúndum peccáta nostra fecit nobis : \* neque secúndum iniquitátes nostras retríbuit nobis.

Quóniam secúndum altitú-dinem caeli a terra : \* corroborábit misericórdiam suam super timéntes se.

Quantum distat ortus ab occidente : \* longe fecit a nobis iniquitátes nostras.

Quómodo miserétur pater filiórum, : misértus est Dó-

minus tímētibz se : \* quóniam ipse cognóvit figmētum nostrum.

Recordátus est quóniam pulvis sumus : ꝛ homo, sicut foenum dies ejus, \* tamquam flos agri sic efflorébit.

Quóniam spíritus pertransibit in illo, et non subsístet : \* et non cognóscet ámplius locum suum.

Misericórdia autem Dómini ab aetérno, \* et usque in aetérnum super tímētes eum.

Et justítia illíus in fílios filiórū, \* his qui servant testamētum ejus :

Et mémores sunt mandatórum ipsíus, \* ad faciéndum ea.

Dóminus in caelo parávit sedem suam : \* et regnum ipsíus ómnibz dominábitur.

Benedícite Dómino omnes Angeli ejus : \* potétes virtúte, faciéntes verbum illíus, ad audiéndam vocem sermónis ejus.

Benedícite Dómino omnes virtútes ejus : \* minístri ejus, qui fácitis voluntátem ejus.

Benedícite Dómino ómnia ópera ejus : \* in omni loco dominationis ejus, benedic ánima mea Dómino.

Añā. Laudémus Dóminum, quem laudant Angeli, cui Chérubim et Séraphim Sanctus, Sanctus, Sanctus proclamant.

℣. Laetámīni in Dómino, et exsultáte justī. ℞. Et gloriámīni omnes rectī corde.

*Ex Sermone Rabani, vel  
Maximi Tarentini.*

Lectio j.



LEGIMUS in ecclesiasticis históriis, quod sanctus Bonifacius Papa Quartus a Phoca Caesare impetráverit donári Ecclesiæ templum Romæ, quod ab antiquis Pántheon vocabátur. In hoc igitur, elimináta omni spurcítia, fecit ecclesiám sanctæ Dei Genitrícis, atque ómnium Mártyrum, ut exclúsa multítudine daemonum, plebs univérsa in cápite Kalendárum Novémbrium, ad ecclesiám in honórem ómnium Sanctórum consecrátam conveníret. Crescénte igitur religióne christiána, decrétum est, ut per orbem terrárum memória ómnium Sanctórum ea die haberétur : ut quod humana fragilitas in solemnitatibus eórum minus plene peregrísset, in hac sancta observatióne solverétur. Nunc ergo in ómnium primórdiis Sanctórum laudáre cóndecet eum, qui cunctos cóndidit Sanctos.

℞. Summæ Trinitáti, simplici Deo, una divínitas, aequalis glória, coaetérna majéstas, Patri, Prolíque, sanctoque Flámini : \* Qui totum subdit suis orbem légibus. ℣. Præstet nobis grátiam Déitas beáta Patris, ac Nati, paritérque Spíritus almi. Qui.

Lectio ij.

**B**EATA Dei Génitrix, et semper virgo María, templum Dómini, sacrárium Spíritus sancti, virgo ante partum, virgo in partu, virgo post partum, praeséntis solemnitéis diéi expers nullo modo credenda est. Haec est enim, quae Dei pópulum faciéndó monébat spérnere peritúri luxur saeculi, ac lenocínia mortális vitae declináre : carnis quoque pudicitiam cum virginitátis honóre intra cordis hospitium observáre. Decébat eam, ómnium virtútum Regínam, fructum cunctis esse salutis perpétuae : et sóciam Angelórum, omnes suis informáre exémpis. Unde et innumerábilis utriusque sexus multitúdo ejus secúta est vestigia, relíctis nuptiárum cópulis.

R. Felix namque es sacra Virgo María, et omni laude digníssima : \* Quia ex te ortus est sol justítiae, Christus Deus noster. V. Ora pro pópulo, intérvieni pro clero, intercède pro devóto femíneo sexu : sentiant omnes tuum juvámén, quicúmque célebrant tuam solemnitéatem. Quia.

Lectio iij.

**P**RINCIPIUM ac finis omnis creatúrae, supérna caelórum regna spirítibus angelícis ad laudem, et glóriam, atque honórem sui nóminis ac majestátis, in perpétuum miro

ordine collocávit. Novem autem esse Angelórum órdenes ad Dei judícia ac ministéria complénda, testánte sacro elóquio, cognóvimus : quorum Principátus atque Potestátes subtiliter ac mirabíliter Dei omnipoténtis nutu distinguúntur. Talibúsque, a primórdio incipiéntis vitae, beatórum spirítuum distinctiónibus supérna caelórum regna a Deo condítóre in perpétuum mirabíliter collocáta subsístunt. His ómnibus, fratres caríssimi, tam decóris ac Deo diléctis Angelórum agmínibus, hujus diéi solemnitéatem crédimus esse consecrátam.

R. Te sanctum Dóminum in excélsis laudant omnes Angeli, dicéntes : \* Te decet laus, \* Et honor, Dómine. V. Chérubim quoque et Séraphim Sanctus proclámant, et omnis caelícus ordo, dicéntes. Te decet. Glória Patri. Et.

In secundo Nocturno.

Añá. Inter.

Psalmus 91.



**D**ONUM est confitéri Dómino : \* et psállere nómini tuo Altíssime.

Ad annuntiándum mane misericórdiam tuam : \* et veritatem tuam per noctem.

In decachórdo, psaltério : \* cum cántico, in cíthara.

Quia delectásti me Dómine in factúra tua : \* et in opéribus mánuum tuárum exsultábo.



Quam magnificáta sunt ópera tua Dómine! \* nimis profundae factae sunt cogitatiónes tuae.

Vir insípiens non cognóscet: \* et stultus non intélliget haec.

Cum exórti fúerint peccatóres sicut foenum: \* et apparúerint omnes, qui operántur iniquitátem:

Ut intéreant in saeculum saeculi: \* tu autem Altíssimus in aetérnum Dómine.

Quóniam ecce inimíci tui Dómine, ꝫ quóniam ecce inimíci tui períbunt: \* et dispergéntur omnes, qui operántur iniquitátem.

Et exaltábitur sicut unicórnis cornu meum: \* et senéctus mea in misericórdia úberi.

Et despéxit óculus meus inimícos meos: \* et in insurgéntibus in me malignántibus áudiet auris mea.

Justus, ut palma florébit: \* sicut cedrus Líbani multiplicábitur.

Plantáti in domo Dómini, \* in átriis domus Dei nostri florébunt.

Adhuc multiplicabúntur in senécta úberi: \* et bene patiéntes erunt, ut annúntient:

Quóniam rectus Dóminus Deus noster: \* et non est iníquitas in eo.

Aña. Inter natos mulierum non surréxit major Joánne Baptísta.

Aña. Estóte.

Psalmus 33.

**B**ENEDICAM Dóminum in omni témpore: \* semper laus ejus in ore meo.

In Dómino laudábitur ánima mea: \* áudiant mansuétí, et laeténtur.

Magnificáte Dóminum mecum: \* et exaltémus nomen ejus in idípsum.

Exquisívi Dóminum, et exaudívit me: \* et ex ómnibus tribulatióibus meiserípuit me.

Accédite ad eum, et illuminámini: \* et fácies vestrae non confundéntur.

Iste pauper clamávit, et Dóminus exaudívit eum: \* et de ómnibus tribulatióibus ejus salvávit eum.

Immíttet Angelus Dómini in circúitu timéntium eum: \* et erípiet eos.

Gustáte, et vidéte quóniam suávis est Dóminus: \* beátus vir, qui sperat in eo.

Timéte Dóminum omnes sancti ejus: \* quóniam non est inópia timéntibus eum.

Dívites eguérunt et esuriérunt: \* inquiréntes autem Dóminum non minuéntur omni bono.

Veníte fílii, audíte me: \* timórem Dómini docébo vos.

Quis est homo qui vult vitam: \* díligit dies vidére bonos?

Próhibe linguam tuam a malo: \* et lábia tua ne loquántur dolum.

Divérte a malo, et fac bonum : \* inquiré pacem, et perséquare eam.

Oculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multae tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

Añá. Estóte fortes in bello, et pugnáte cum antíquo serpénte : et accipiétis regnum aetérnum, allelúia.

Añá. Isti sunt Sancti.

Psalmus 45.

**D**EUS noster refúgium, et virtus : \* adjutor in tribulatióibus, quae invenérunt nos nimis.

Proptérea non timébimus dum turbábitur terra : \* et transferéntur montes in cor maris.

Sonuérunt, et turbatae sunt aquae eórum : \* conturbáti sunt montes in fortitúdine ejus.

Flúminis ímpetus laetíficat civitátem Dei : \* sanctificávit tabernáculum suum Altíssimus.

Deus in médio ejus, non commovébitur : \* adjuvabit eam Deus mane dilúculo.

Conturbatae sunt gentes, et inclinata sunt regna : \* dedit vocem suam, mota est terra.

Dóminus virtutum nobiscum : \* suscéptor noster Deus Jacob.

Veníte, et vidéte ópera Dómini, et quae pósuit prodígia super terram : \* áuferens bella usque ad finem terrae.

Arcum cónteret, et confrínget arma : \* et scuta combúret igni :

Vacáte, et vidéte quóniam ego sum Deus : \* exaltabor in géntibus, et exaltabor in terra.

Dóminus virtutum nobiscum : \* suscéptor noster Deus Jacob.

Añá. Isti sunt Sancti, qui pro Dei amóre minas hóminum contempsérunt : sancti Mártyres in regno caelórum exsúltant cum Angelis : o quam pretiósá est mors sanctórum, qui assidue assístunt ante Dóminum, et ab ínvicem non sunt separáti!

℣. Exsúltent justí in conspéctu Dei. ℞. Et delecténtur in laetítia.

## Lectio iv.



**S**OLEMNITAS haec non solum Angelorum spiritibus, verum Sanctis omnibus, qui ab exordio mundi creati sunt, dedicata consistit: quorum primi fuerunt Patriarchae, patres Prophetarum et Apostolorum. Hi Deo digni inventi sunt, fide praeclari, sapientes in opere, reparatores orbis, iustitia insignes, longanimes in spe, obediētes in praecēptis, creduli in promissionibus, susceptores Angelorum effecti. Hos sequitur electio Prophetarum, cum quibus locutus est Deus, et ostendit illis secreta sua. Quorum alii in utero, alii in pueritia, alii in juventute, alii in senectute sanctificati inventi sunt, fide pleni, devotione summi, industria solertes, excellenti ingenio praediti: in exercitatione disciplinae instructi, in sancta meditatione assidui, metuque mortis intrépidi: verberantes tyrānnos, peccata populi plangentes, multisque signis effulserē. Hos sequitur Joānes Baptista, qui eodem Angelo, quo Christus, denuntiante conceptus, exordio baptismatis primatum tenuit.

R. Inter natos mulierum non surrexit major Joāne Baptista, \* Qui viam Domino praeparavit in eremo. V. Fuit homo missus a Deo, cui nomen erat Joānes. Qui.

## Lectio v.

**S**EQUITUR duodenus Apostolorum numerus: quos ad componendum novae fidei fundamentum, erigendumque adhuc tenerae statum Ecclesiae providentia divina ex omnibus, quos capiebat mundus, elegit; ut in omnem terram exiret sonus eorum. Hi verae viti, id est Christo, tamquam palmites adhaesere: et eorum fructus in sempiternum permanens non marcescit. Hi sunt, quibus locutus est Dominus, dicens: Vos estis lux mundi. Et: Non potest civitas abscondi supra montem posita: neque accendunt lucernam, et ponunt eam sub modio. Et iterum: Jam non dicam vos servos, sed amicos: quia quaecumque audivi a Patre meo, nota feci vobis.

R. Qui sunt isti, qui ut nubes volant, \* Et quasi columbae ad fenestras suas? V. Candidiores nive, nitidiores lacte, rubicundiores ebore antiquo. Et.

## Lectio vj.

**A**POSTOLIS subiectum est triumphale Martyrum nomen: qui per diversa tormentorum genera Christi passionem imitabantur: alii namque ferro perempti, alii flammis exusti, alii flagris verberati, alii vectibus perforati, alii cruciati patibulo, alii demersi pelagi periculo, alii vivi decoriati, alii vinculis manci-

páti, álíi linguis priváti, álíi lapídibus óbruti, álíi frígore afflícti, álíi fame cruciáti : álíi verò truncátis mánibus, sive céteris membris caesis, spectáculum Angelis et homínibus facti, contumélias in pópulis nudi propter nomen Dómini portavérunt.

R̃. Lavérunt stolas suas, et cándidas eas fecérunt \* In ságuine Agni. Ṽ. Isti sunt, qui venérunt ex magna tribulatióne, et lavérunt stolas suas. In. Glória Patri. In.

In tertio Nocturno.

Añá. Sint lumbi.

Psalmus 32.



CONSULTATE justí in Dómino : \* rectos decet collaudátio.

Confitémini Dómino in cíthara : \* in psaltério decem chordárum psállite illi.

Cantáte ei cánticum novum : \* bene psállite ei in vociferatióne.

Quia rectum est verbum Dómini, \* et ómnia ópera ejus in fide.

Díligit misericórdiam et judícium : \* misericórdia Dómini plena est terra.

Verbo Dómini caeli firmáti sunt : \* et spírítu oris ejus omnis virtus eórum.

Cóngregans sicut in utre aquas maris : \* ponens in thesáuris abyssos.

Tímeat Dóminum omnis terra : \* ab eo autem commo-

veántur omnes inhabitántes orbem.

Quóniam ipse dixit, et facta sunt : \* ipse mandávit, et creáta sunt.

Dóminus díssipat consília géntium : \* réprobat autem cogitatiónes populórum, et réprobat consília princípum.

Consílium autem Dómini in aetérnum manet : \* cogitatiónes cordis ejus in generatióne et generatióne.

Beáta gens, cujus est Dóminus, Deus ejus : \* pópulus, quem elégit in hereditátem sibi.

De caelo respéxit Dóminus : \* vidit omnes fílios hóminum.

De praeparáto habitáculo suo \* respéxit super omnes, qui hábitant terram.

Qui finxit singillátim corda eórum : \* qui intélligit ómnia ópera eórum.

Non salvátur rex per multam virtútem : \* et gigas non salvábitur in multitudíne virtútis suae.

Fallax equus ad salútem : \* in abundántia autem virtútis suae non salvábitur.

Ecce óculi Dómini super metuéntes eum : \* et in eis, qui sperant super misericórdiaejus.

Ut éruat a morte ánimas eórum : \* et alat eos in fame.

Anima nostra sústinet Dóminum : \* quóniam adjútor et protéctor noster est.

Quia in eo laetábitur cor nostrum : \* et in nómine sancto ejus sperávimus.

Fiat misericórdia tua Dómine super nos : \* quemádmódum sperávimus in te.

Añá. Sínt lumbi vestri prae-cíncti, et lucérnae ardéntes in mánibus vestris, et vos símiles homínibus exspectántibus dóminum suum quando revertátur a núptiis.

Añá. Símile est.

Psalmus 44.

**E**RUCTIONE cor meum  
verbum bonum : \* dico  
ego ópera mea regi.

Lingua mea cálamus scribae, \* velóci-ter scribéntis.

Speciósus forma prae filiis hóminum, et diffúsa est grátia in lábiis tuis : \* proptérea benedíxit te Deus in aetérnum.

Accíngere gládio tuo super femur tuum, \* potentíssime,

Spécie tua et pulcritúdine tua \* inténde, prósperé procéde, et regna,

Propter veritátem et mansuetúdinem, et justítiam : \* et dedúcet te mirabíliter dextera tua.

Sagíttae tuae acútae, et pópuli sub te cadent, \* in corda inimicórum regis.

Sedes tua Deus in saeculum saeculi : \* virga directiónis virga regni tui.

Dilexísti justítiam, et odísti iniquitátem : \* proptérea unxit te Deus Deus tuus óleo laetítiae prae consórtibus tuis.

Myrrha, et gutta, et cásia a vestiméntis tuis, a dómibus

ebúrneis : \* ex quibus deletavérunt te fíliae regum in honóre tuo.

Astitit regína a dextris tuis in vestítu deauráto : \* circúmdata varietáte.

Audi fília, et vide, et inclína aurem tuam : \* et oblivíscere pópulum tuum, et domum patris tui.

Et concupíscet rex decórem tuum : \* quóniam ipse est Dóminus Deus tuus, et adorábunt eum.

Et fíliae Tyri in munéribus\* vultum tuum deprecabúntur : omnes dívites plebis.

Omnis glória ejus fíliae regis ab intus, \* in fímbriis áureis circumamícta varietátibus.

Adducéntur regi vírgines post eam : \* próximae ejus afferéntur tibi.

Afferéntur in laetítia et exultatióne : \* adducéntur in templum regis.

Pro pátribus tuis nati sunt tibi fílii : \* constítues eos príncipes super omnem terram.

Mémores erunt nóminis tui\* in omni generatióne et generatióne.

Proptérea pópuli confitebúntur tibi in aetérnum : \* et in saeculum saeculi.

Añá. Símile est regnum caelórum decem virgínibus : quae accipiéntes lámpades suas exiérunt óbviám sponso, et sponsae.

Añá. Laudem dícite.

Psalmus 83.

**Q**UAM dilécta tabernácula tua Dómine virtútum : \* concupíscit, et déficit ánima mea in átria Dómini.

Cor meum, et caro mea \* exsultavérunt in Deum vivum.

Etenim passer invénit sibi domum : \* et turtur nidum sibi, ubi ponat pullos suos.

Altária tua Dómine virtútum : \* rex meus, et Deus meus.

Beáti, qui hábitant in domo tua Dómine : \* in saecula saeculórum laudábunt te.

Beátus vir, cujus est auxílium abs te : \* ascensiónes in corde suo dispósuit, in valle lacrymárum in loco, quem pósuit.

Etenim benedictiónem dabit legislátor, et ibunt de virtúte in virtútem : \* vidébitur Deus deórum in Sion.

Dómine Deus virtútum exáudi oratióem meam : \* áuribus pércipe Deus Jacob.

Protéctor noster áspice Deus : \* et réspice in fáciem Christi tui :

Quia mélior est dies una in átriis tuis, \* super míllia.

Elégi abjéctus esse in domo Dei mei : \* magis quam habitáre in tabernáculis peccatórum.

Quia misericórdiam, et veritátem díligit Deus : \* grátiam, et glóriam dabit Dóminus.

Non privábit bonis eos, qui ámbulant in innocéntia : \* Dó-

mine virtútum, beátus homo, qui sperat in te.

Aññ. Laudem dícite Deo nostro omnes sancti ejus : et qui timétis Deum pusílli, et magni : quóniam regnávít Dóminus Deus noster omnípotens : gaudeámus, et exsultémus, et demus glóriam ei.

V. Justi autem in perpétuum vivent. R. Et apud Dóminum est merces eórum.

Lectio vij.



**M**PSIS quoque Sacerdótibus, atque Doctóribus, sive Confessoribus hujus festivitátem diéi non ignótam esse crédimus : qui corda fidélium ímbribus irrigáruñt caeléstibus, ut proférre immarcescibilem bonórum óperum fructum possent. Hi talénta sibi crédita, cum usúra sine fraude amplificáre procuravérunt : quia bonum, quod didicére, subjectórum méntibus, arguéndo, obsecrándo, increpándo, insérere nitebántur. Horum mens lucidíssima, manus vero plenae mundítia sunt : eo quod sacrosáncta mystéria celebrántes, hóstiam vivam Deo semetípsos offérre sine mácula pravi óperis non desístunt : et licet persecutórum non sénérint gládium, tamen per vitae méritum martyrio non privántur.

R. Sint lumbi vestri praecíñti, et lucérnae ardéntes in

mánibus vestris, \* Et vos símiles homínibus exspectántibus dómimum suum quando revertátur a núptiis. *V.* Vigilate ergo, quia nescítis qua hora Dóminus vester ventúrus sit. Et vos.

Lectio viij.

**V**IRGINES quoque sacrae ab hujus diéi solemnitate non sunt separatae. Hae sunt enim, quae spreta liberorum propágine, Sponso, qui in caelis est, perénni mente, actu, hábitu, et gestu, sese applicáre maluérunt. Hae sunt, quae orationibus instántes, jejúniis adhaeréntes, vigílias sacras amántes, eleemósynas sectántes, páuperes recreántes, nudos vestiéntes, infirmos visitántes, in tribulatione gaudentes, in verbis calúmniae vel contuméliae patiéntes, in augménto suae perfectiónis húmiles, in damno rerum temporalium Deo grátias agébant.

*R.* Audívi vocem de caelo veniéntem : veníte omnes vírgines sapientíssimae, \* Oleum recóndite in vasis vestris, dum sponsus advénerit. *V.* Média nocte clamor factus est : Ecce sponsus venit. Oleum.

Lectio ix.

**N**OS ergo, fratres, tantórum patrocínia intercessórum, tota mentis intentióne quaerámus : ut per temporalia festa, quae gérimus, eórum méritis interveniéntibus, ad

aetérna perveníre valeámus. Tránseunt cuncta, quae temporaliter festíve celebrántur. Curáte, qui his solemnitatibus interéstis, ne ab aetérna solemnitate separémur. Quid enim prodest interéssse festis hóminum, si deesse contíngat festis Angelórum?

*R.* Concéde nobis, Dómine quaesumus, véniam delictórum : et intercedéntibus Sanctis, quorum hódie solémnia celebrámus, talem nobis tribue devotiómem, \* Ut ad eórum perveníre mereámur societátem. *V.* Adjuvent nos eórum mérita, quos própria impédiunt scélera : excúset intercessio, accúsat quos actio : et qui eis tribuísti caeléstis palmam triúmphi, nobis véniam non déneges peccáti. Ut. Glória Patri. Ut.

Ante Laudes, *V.* Oráte pro nobis omnes Sancti Dei. *R.* Ut digni efficiámur promissionibus Christi.

IN LAUDIBUS.

Añá. Vidi turbam magnam, quam dinumeráre nemo póterat ex ómnibus géntibus, stantes ante thronum. Psalm. Dóminus regnávít. cum ceteris, pag. xj.

Añá. Et omnes Angeli stabant in circúitu throni : et cecidérunt in conspéctu ejus in fácies suas, et adoravérunt eum.

Añá. Redemísti nos, Dómine Deus, in ságuine tuo ex omni

tribu, et lingua, et pópulo, et  
natióne : et fecísti nos Deo  
nostro regnum.

Añá. Benedícite Dóminum  
omnes elécti ejus : ágite diem  
laetítiae, et confitémini ei.

Añá. Hymnus ómnibus san-  
ctis ejus : filiis Israél, pópulo  
appropinquánti sibi : glória  
haec est ómnibus sanctis ejus.

Capitulum. Ecce ego Joán-  
nes. ut supra in Vesperis,  
pag. 831.

Hymnus.

**C**HRISTE Redemptor  
ómnium,  
Consérva tuos fámulos,  
Beátae semper Vírginis  
Placátus sanctis précibus.

Beáta quoque ágmina  
Caeléstium spírituum,  
Praetéríta, praeséntia,  
Futúra mala péllite.

Vates aetérni Júdicis,  
Apostolísque Dómini,  
Supplíciter expóscimus  
Salvári vestris précibus.

Mártyres Dei ínclýti,  
Confessorésque lúcidí,  
Vestris oratióibus  
Nos ferte in caeléstibus.

Chori sanctárum Vírginum,  
Monachorúmque ómnium,  
Simul cum Sanctis ómnibus,  
Consórtes Christi fácite.

Gentem auférte pérfidam  
Credéntium de fínibus :  
Ut Christo laudes débitas  
Persolvámus aláriter.

Laus, honor, virtus, glória  
Deo Patri, et Fílio,

Sancto simul Paráclito,  
In sempitérna saecula.

Amen.

V. Mirábilis Deus. R. In  
sanctis suis.

Ad Benedíctus, Añá. Te  
gloriósus Apostolórum cho-  
rus, te Prophetárum laudá-  
bilis númerus, te Mártyrum  
candidátus laudat exércitus :  
te omnes elécti voce confitén-  
tur unánimes, beáta Trínitas,  
unus Deus.

Oratio.

**O**MNIPOTENS sempi-  
térne Deus, qui nos  
ómnium Sanctórum tuórum  
mérita sub una tribuísti cele-  
britáte venerári; quaesumus,  
ut desiderátam nobis tuae pro-  
pitiatiónis abundántiam, mul-  
tiplicátis intercessóribus, lar-  
giáris. Per Dóminum.

In Pretiósá. Evang. Videns  
Jesus turbas. ut in Comm.  
plur. Mart. pag. xlvij.

Ad Tertiam, Capit. Ecce  
ego. ut in Vesperis, pag. 831.

R. R. et V. Horarum ut  
in Comm. plur. Mart. p. xlv.

AD SEXTAM.

Capitulum.

*Apoc. 7.*

**A**UDIVI númerum signa-  
tórum, centum quadra-  
gínta quátuor mília signáti,  
ex omni tribu filiórum Israél.

AD NONAM.

Capitulum.

*Apoc. 7.*

**V**IDI turbam magnam,  
quam dinumeráre nemo  
póterat ex ómnibus géntibus,



et tribubus, et pópulis, et linguis : stantes ante thronum.

#### AD VESPERAS.

Super Psalm. Aña j. Laud. Psalmi de Comm. plur. Mart. pag. xlv.

Capitulum, Hymnus et *ſ*. ut in j. Vesperis.

Ad Magnificat. Aña. Salvátor mundi, salva nos omnes : sancta Dei Génitrix, virgo semper María, ora pro nobis : précibus quoque sanctorum Apostolorum, Mátyrum, et Confessorum, atque sanctarum Virginum, suppliciter pétimus, ut a malis omnibus eruámur, bonisque omnibus nunc et semper pérfrui mereámur.

Infra Oct. ad Benedíctus, et ad Magnificat, vel ad Mem. dicantur Añae ut in die.

Hac die, finitis Vesperis de Omnibus Sanctis, statim inchoéntur Vesperae Defunctorum.

Si vero festum Omnium Sanctorum Sabb. evenerit, in crastino totum Officium tam diei, quam noctis, de Octava erit. Et tunc in eadem die post Vesperas de Octava Vesperae Defunctorum dicantur.

---

### DIE II. NOVEMBRIS.

In Commemorat. Omnium Fidelium Defunctorum.

Novem Lectiones.

Ad Vesperas, ad Matutinum et ad Horas non fiant prostra-

tiones, et omnia sumantur ex Officio Mortuorum, infra in fine Breviarii, pag. cxlvij. prae-ter hic notata.

Oratio.

**FIDELIUM** Deus ómnium cónditor et red-émptor, animábus famulórum, famularúmque tuárum remissionem cunctórum tribue peccatórum : ut indulgéntiam, quam semper optavérunt, piis supplicatióibus consequántur : Qui vivis.

Haec sola Oratio dicatur ad Vesp. et Laud. et ad alias Horas, nec subjungatur post Orationem, **Dóminus vobíscum.** nec **Benedicámus.** sed tantum **Requiescant in pace.** *R.* Amen.

Ad Matutinum non dicatur **Dómine lábia mea.** neque **Deus in adjutórium.** neque **Veníte exsultémus.** Sed dicto **Pater noster.** et **Credo.** postquam signaverint se fratres signo crucis, versis vultibus ad altare, (quod et ad alias Horas erit observandum) statim inchoétur in primo Nocturno Aña.

In primo Nocturno.

Novem Lectiones sequentes legantur sine Benedictione, et sine titulo. Sed dicto **Pater noster.** *V.* **Et ne nos indúcas in tentatióem.** *R.* **Sed líbera nos a malo.** incipiat

*S. August. in Enchir. cap.  
109. et seq. et lib. De cura  
pro mort. cap. 2.*

Lectio j.



**T**EMPUS, quod inter  
hóminis mortem, et  
últimam resurrecti-  
onem interpósitum  
est, ánimas ábditis receptácu-  
lis cóninet, sicut unaquaeque  
digna est vel réquie vel aerú-  
mna, pro eo quod sortíta est in  
carne, cum víveret. Neque  
negándum est, defunctorum  
ánimas pietáte suorum vivén-  
tium relevári, cum pro illis  
sacrificium Mediatóris offértur,  
vel eleemósynae in Ecclésia  
fiunt. Sed eis haec prosunt,  
qui cum víverent, haec sibi, ut  
póstea possent prodésse, me-  
ruérunt. Est enim quidam  
vivéndi modus, nec tam bo-  
nus, ut non requírat ista post  
mortem : nec tam malus, ut ei  
non prosint ista post mortem.  
Est vero talis in bono, ut ista  
non requírat : et est rursus  
talis in malo, ut nec his váleat,  
cum de hac vita transérit,  
adjuvári.

Terminantur Lectiones sine  
Tu autem. et sine alia conclu-  
sione.

Rz. Credo quod Redémptor  
meus vivit, et in novíssimo  
die de terra surrectúrus sum :  
et in carne mea vídebo Deum  
\* Salvatórem meum. V. Quem  
visúrus sum ego ipse, et non  
álius, et óculi mei conspectúri  
sunt. Salvatórem.

Lectio ij.

**Q**UO circa, hic omne mé-  
ritum comparátur, quo  
post hanc vitam possit relevári  
quíspiam, vel gravári. Nemo  
autem se speret, quod hic ne-  
gléxit, cum obíerit, apud Deum  
promeréri. Non igitur ista,  
quae pro defúntis commen-  
dándis frequéntat Ecclésia, illi  
Apostólicae sunt advérse sen-  
téntiae, qua dictum est : Omnes  
enim astábimus ante tribúnal  
Christi, ut réferat unusquisque  
secúndum ea, quae per corpus  
gessit, sive bonum sive malum.  
Quia étiam hoc méritum sibi  
quisque, dum in córpore víve-  
ret, comparávit, ut ei possint  
ista prodésse. Non enim ómni-  
bus prosunt. Et quare non  
ómnibus prosunt, nisi propter  
differéntiam vitae, quam quis-  
que gessit in córpore?

Rz. Qui Lázarus resuscitá-  
sti a monuménto foetidum :  
\* Tu eis Dómine dona réquiem,  
et locum indulgéntiae. V. Qui  
ventúrus es judicáre vivos et  
mórtuos, et saeculum per  
ignem. Tu eis.

Lectio iij.

**C**UM ergo sacrificia sive  
altáris, sive quarumcúm-  
que eleemosynárum pro bap-  
tizátis defúntis ómnibus offe-  
rúntur, pro valde bonis, gra-  
tiárum actiões sunt; pro non  
valde malis, propitiatiões  
sunt; pro valde malis, etiámsi  
nulla sint adjuménta mortuó-

rum, qualescúmque vivórum consolatiónes sunt. Quibus autem prosunt, aut ad hoc prosunt, ut sit plena remissio : aut certe, ut tolerabílior fiat ipsa damnátio. Sed utrum áliquid prosit ánimae mórtui locus córporis sui, operósius inquiréndum est. Sane non sunt contemnenda et abjicienda córpora defunctorum, maximeque justórum ac fidélium : quibus tamquam órganis et vasis ad ómnia bona ópera sanctus usus est Spíritus.

R. Dómine, quando véneris iudicare terram, ubi me abscondam a vultu irae tuae :  
\* Quia peccávi nimis in vita mea? V. Commissa mea pavésco, et ante te erubésco : dum véneris iudicare, noli me condemnare. Quia.

In secundo Nocturno.

*S. Aug. de cura pro mort. gerenda ad Paulin. cap. 3. et seq.*

Lectio iv.



**S**I enim patérna vestis, et ánulus, ac si quid hujúsmodi, tanto cárius est pósteris, quanto erga paréntes major éxstitit afféctus : nullo modo ipsa spernenda sunt córpora, quae útique multo familiárius atque conjúctius, quam quaelibet induménta, gestámus. Haec enim non ad ornámentum vel adjutórium, quod

adhibétur extrínsecus, sed ad ipsam natúram hóminis pértinent. Unde et antiquórum justórum fúnera officiósá pietáte curáta sunt, et exséquia celebrátae, et sepultúra provísa : ipsíque cum víverent, de sepeliéndis, vel étiam de transferéndis suis corpóribus fíliis mandavérunt. Et Tobías sepeliendo mórtuos, Deum promeruisse, teste Angelo, commendátur.

R. Heu mihi, Dómine, quia peccávi nimis in vita mea. Quid fáciam miser? ubi fugiam, nisi ad te Deus meus? Miserére mei, dum véneris  
\* In novíssimo die. V. Anima mea turbáta est valde, sed tu Dómine succúrre ei. In novíssimo.

Lectio v.

**I**PSE quoque Dóminus die tértio resurrectúrus, religiósae mulieris bonum opus praedicat, praedicandúmque comméndat, quod unguéntum pretiósus super membra ejus effúderit, atque hoc ad eum sepeliendum fécerit. Et laudabíliter commemorántur in Evangélio, qui corpus ejus de cruce accéptum, diligénter atque honorífice tegéndum sepeliendúmque curárun. Verum istae auctoritátes non hoc ádmonent, quod insit ullus cadavéribus sensus; sed ad Dei providéntiam (cui placent étiam tália pietátis officia)

córpóra quoque mortuórum pertinére significant, propter fidem resurrectionis astruendam.

R̃. Ne recordéris peccáta mea, Dómine : \* Dum véneris iudicáre saeculum per ignem. Ṽ. Dírige Dómine Deus meus in conspéctu tuo viam meam. Dum véneris.

Lectio vj.

Cap. 4.

**Q**UOD si verum est, profécto étiam provísus sepe-  
liéndis corpóribus apud memó-  
rias Sanctórum locus, bonae  
affectiónis humánae est erga  
fúnera suórum. Quóniam si  
nonnulla religio est, ut sepe-  
liántur; non potest nulla esse,  
quando ubi sepeliántur, attén-  
ditur. Sed cum tália vivórum  
solátia requirúntur, quibus  
eórum pius in suos ánimus  
appáreat, non vídeo, quae sint  
adjuménta mortuórum, nisi ad  
hoc, ut dum récolunt ubi sint  
pósita eórum, quos d́ligunt,  
córpora, eisdem Sanctis, illos  
tamquam patrónis suscep-  
tos apud Dóminum adjuvándos  
orándo comméndent.

R̃. Dómine secúndum actum  
meum noli me iudicáre : nihil  
dignum in conspéctu tuo egi :  
\* Ideo déprecór majestátem  
tuam, ut tu Deus déleas ini-  
quitátem meam. Ṽ. Amplius  
lava me, Dómine, ab injustítia  
mea, et a delícto meo munda  
me : quia tibi soli peccávi. Ideo  
déprecór majestátem.

In tertio Nocturno.

Lectio vij.



**T** haec quidem fácere  
possent, etiámsi tali-  
bus locis eos humáre  
non possent. Sed  
non ob áliud vel memóriae vel  
monuménta dicúntur ea, quae  
insigníta fiunt sepúlcrá mor-  
tuórum, nisi quia eos, qui vi-  
véntium óculis morte subtrácti  
sunt, ne oblivióne étiam córdi-  
bus subtrahántur, in memóriam  
révocant, et admonéndo faciunt  
cogitári. Nam et memóriae no-  
men id apertíssime osténdit, et  
monuméntum, eo quod móneat  
mentem, id est, admóneat,  
nuncupátur.

R̃. Peccántem me quotidie,  
et non me poeniténtem, timor  
mortis contúrbat me : \* Quia  
in inférno nulla est redemptio,  
miserére mei Deus, et salva  
me. Ṽ. Deus in nómine tuo  
salvum me fac, et in virtúte  
tua libera me. Quia.

Lectio viij.

Cap. 4. et 5.

**C**UM itaque récolit ánimus,  
ubi sepúltum sit caríss-  
mi corpus, et occúrrit locus  
nómine Mártyris venerábilis :  
eídem Mártyri ánimam dilé-  
ctam comméndat recordántis  
et precántis afféctus. Qui cum  
defúntis a fidélibus caríssimis  
exhibétur, eum prodésse non  
dúbium est iis, qui cum in cór-  
pore víverent, tália sibi post  
hanc vitam prodésse merué-  
runt. Cum ergo fidélis mater

fidélis fílii defúnc̃ti corpus considerávit in basilica Mártiris poni, síquidem crédidit ejus ánimam méritis Mártiris adjuvári; hoc quod ita crédidit, supplicatio quaedam fuit : et haec prófuit, si quid prófuit.

R̃. Meménto mei Deus: quia ventus est vita mea, \* Nec aspíciat me visus hóminis. Ṽ. Et non revertétur óculus meus, ut vídeat bona. Nec aspíciat.

Lectio ix.

Cap. 18.

**Q**UAE cum ita sint, non existimémus ad mórtuos, pro quibus curam gérimus, perveníre, nisi quod pro eis, sive altáris, sive oratiónum, sive eleemosynárum sacrificiis solémniter supplicámus: quamvis non pro quibus fiunt, ómnibus prosint, sed iis tantum, quibus dum vivunt, comparátur ut prosint. Sed quia non discernimus, qui sint; opórtet ea pro regenerátis ómnibus fácere, ut nullus eórum praetermittátur, ad quos haec beneficia possint et débeant perveníre. Mélius enim supérerunt ista eis, quibus nec obsunt, nec prosunt, quam eis déerunt, quibus prosunt.

R̃. Líbera me, Dómine, de morte aetérna, in die illa treménda : \* Quando caeli movéndi sunt, et terra : \* Dum véneris judicáre saeculum per ignem. Ṽ. Dies illa, dies irae, calamitátis et misériae, dies

magna et amára valde. Quando. usque Dum. Ṽ. Tremens factus sum ego, et tíneo, dum discússio vénerit, atque ventúra ira. Dum. Ṽ. Quid ego misérrius, quid dicam, vel quid fáciam, dum nil boni pérferam ante tantum júdicem? Quando. Ṽ. Nunc Christe te pétimus, miserére quaesumus : qui venísti redímere pérditos, noli damnáre redemptos. Dum. Ṽ. Creátor ómnium rerum Deus, qui me de limo terrae formásti, et mirabíliter próprio ságuine redemísti, corpúsque meum, licet modo putréscat, de sepúlcro fácies in die júdicii resuscitári : exáudi, exáudi me, ut ánimam meam in sinu Abrahae Patriárchae tui júbeas collocári. Líbera.

Laudes ut in Officio Defunctorum, cum unica Oratione, pag. clx.

Ad Primam, dicto Pater noster. et Credo. inchoétur Añã. Réquiem. Psalm. Deus in nómine. cum ceteris, pag. 93.

In fine omnium trium Psalmorum (non tamen singulorum) Añã. Réquiem aetérnam dona eis Dómine : et lux perpétua lúceat eis.

Deinde Confíteor. Postea Ṽ. A porta ínferi. Dóminus vobíscum. Orémus. Fidélium Deus. etc.

Hic ordo servetur ad alias Horas diei. Pretiósã tamen more solito dicetur cum sequente Evangelio.

Secúndum Joánnem.

**I**N illo témpore : Dixit Jesus turbis Judaeórum : Amen, amen, dico vobis, quia venit hora, et nunc est, quando mórtui áudient vocem Fílii Dei : et qui auderint, vivent. Sicut enim Pater habet vitam in semetípso : sic dedit et Fílio habére vitam in semetípso.

Finita Nona, dicatur Pater noster. Salve Regína. cum XX. et Orationibus, quae ordinarié in fine Horar. dici solent, et sic terminetur hoc Officium.

### UNICA DIE

infra Oct. OO. Sanctorum.

Sermo sancti Augustíni  
Epíscopi.

*Ex Lib. Meditationum, c. 25.*

Lectio iij.

**M**ATER Jerúsalem, cívitas sancta Dei, caríssima sponsa Christi, te amat cor meum, pulcritúdinem tuam nímium desíderat mens mea. O quam decóra, quam gloriósa, quam generósa tu es! Tota pulcra es, et mácula non est in te. Felix ánima mea, sempérque felix in saecula, si intuéri merúero glóriam tuam, beatitúdinem tuam, pulcritúdinem tuam, portas, et muros tuos, et platéas tuas, et mansiónes tuas multas, nobilíssimos cives tuos, et fortíssimum Regem tuum Dóminum nostrum in decóre suo

### DOMINICA

infra Oct. OO. Sanctorum.

In secundo Nocturno.

Sermo sancti Cypriáni  
Epíscopi et Mártiris.

*Lib. de mortalitate, sub fine.*

Lectio iv.



**C**ONSIDERANDUM est, fratres dilectíssimi, et idéntidem cogitándum, renuntiásse nos mundo : et tamquam hóspites et peregrínos istic ínterim dégere. Amplectámur diem, qui assignat singulos domicílio suo : qui nos istinc eréptos, et láqueis saeculáribus exsolútos, Paradíso restítuit, et regno caelésti. Quis non péregre constitútus, properáret in pátriam régredi? Quis non ad suos navigáre festínans, ventum prósperum cupídus optáret, ut velóciter caros licéret amplecti?

Lectio v.

**P**ATRIAM nostram Paradísum computámus, paréntes Patriárchas habére jam coepimus; quid non properámus, et cúrrimus, ut pátriam nostram vidére, ut paréntes salutáre possímus? Magnus illic nos carórum númerus exspéctat : paréntum ac fratrum frequens nos, et copiósá turba desíderat, jam de sua immortalité secúra, et adhuc de nostra salúte sollícita. Ad horum conspéctum et com-

pléxum venfre, quanta et illis et nobis in commúni laetitia est! Qualis illic caeléstium regnórum volúptas, sine timóre moriéndi, et cum aeternitate vivéndi! Quam summa et perpétua felicitas!

Lección vj.

**I**LLIC Apostolórum gloriósus chorus : illic Prophetárum exsultántium númerus : illic Mártyrum innumerábilis pópulus, ob certáminis et passiónis victóriam coronátus. Triumphántes illic vírgines, quae concupiscéntiam carnis et córporis, continéntiae róbore subegérunt. Remuneráti misericórdes, qui aliméntis et largitióibus páuperum, justitiae ópera fecérunt : qui Dómnica praecépta servántes, ad caeléstes thesaúros terréna patrimonía transtulérunt. Ad hos, fratres dilectíssimi, ávida cupiditate properémus : et cum his cito esse, ut cito ad Christum venfre contíngat, optémus.

In iij. Nocturno, Lecciónes de Homilia Dominicae currentis.

### DIE III. NOVEMBRIS.

B. Simonis Ballachii laici  
Ord. Praed. Conf.

Duplex. Oratio.

**D**EUS, qui beátum Simónem Confessórem tuum inter céteras ejus virtútes jugi orándi stúdio, et singulári humilitátis praerogátiva deco-

rásti; ipsum nobis imitári concéde : ut spretis ómnibus, quae sunt mundi, te hic solum quærere; ac tandem promíssa in caelis humílibus praemia cónsequi valeámus. Per Dóminum.

In j. Nocturno, Lecciónes Beátus vir. de Communi Conf. non Pont. pag. lxiv.

In secundo Nocturno.

Lección iv.

**S**IMON, patre Rodúlpho, opuléntis ac nobilis óppidi sancti Archángeli prope Arimínium in Flamínia cómite, saeculo décimo tértio mediante ortum hábuit. Quo témpore dirae factiões, quibus a divinárum litterárum, ac verae pietátis stúdio cives ope ac poténtia praeclarióres avellebántur, contentiónibus, dissídiis, et armis illos implicábant. Inter haec fuit enutritus Simon, donec sancti Spíritus afflátu cernens mundi glóriam, praeter suam inanitatem, in pernícem addúcere, illam spérnere, Deoque sibi esse serviéndum duxit in Ordine Praedicatórum, annos natus septem et vigínti. Vividióra tunc erant exémpula sanctitátis et virtútum ómnium, quibus sanctus Petrus Martyr, et Angélicus Doctor sanctus Thomas Aquínas coenóbium sancti Catáldi civitátis Ariminénsis honestáverant : quibus permótus, ibi Religiónis hábi-

tum suscipere statuit. Recogitans vero, quod Dominus Jesus, proposito sibi gaudio, sustinuit crucem, confusione contempta; ut magis illi conformaretur, quamquam summo loco natus, et Episcopi Ariminensis ejusdem Ordinis, nec non Archipresbyteri, qui eidem in Episcopatu successit, nepos esset, objurgationibus, et humanarum rationum posthabitis momentis, inter laicos, quos Conversos appellant, ibidem adscribi humillime postulavit, et obtinuit.

## Lectio v.

**I**N sacro illo recessu abditus, se totum christianis virtutibus excolendis dedit. Eluxit praesertim in eo summa vitae austeritas, atque in Deum et homines caritas flagrantissima. Labori semper intentus, nunquam visus est otio, vel sibi indulgere; sed aut orare, meditari, aut manuum vacare operibus. Excolere hortum, verrere sordes, viliora exsequi munera, nedum in deliciis habebat, sed tali sedulitate, diligentia, animique demissione ac lenitate complēbat, ut omnium esset admirationi et exemplo. Abstinētia tanta fuit, ut saepe biduum absque cibo transegerit, perque quinque annos cineralia jejunia pane tantum et aqua definiverit, donec id pro imperio Superiorum illi vetitum

fuerit, ideo quod ob cibi parcitatem prorsus invalidus et impotens ad officia obeunda evaderet. Corpus suum ferrea catena flagrisque cruentabat, et nuda tabula sibi etiam seni, morboque afflicto, pro lectulo fuit. Animarum zelo succensus, crucem devotissime amplexatus, saepius per civitatem excurrēbat, christiana rudimenta pueros edocens, peccatores arguens, protervos increpans, eo successu, ut plures ad meliorem frugem fuerint revocati. Ab his operibus, invidia furens humani generis hostis, illum retrahere modis omnibus frustra adusus est: nam viva fide munitus, daemonum insidias fortiter vicit.

## Lectio vj.

**I**N oratione autem assiduus, Deum etiam frequens pro infidelium et haereticorum conversione exorabat, idque tanto lacrymarum imbre perfusus, ut quinquagesimo septimo aetatis anno caecus evaserit; quam calamitatem usque ab obitum hilariter tulit. Nitorem domus Dei in aedui officio, sacras vestes, altarium ornamenta, sacerdotibus humillime famulari maxime curans, pari sensuum custodia, et observantia erga divinissimum Eucharistiae sacramentum, sacrasque imagines, hac illac in ecclesia pro opportunitate incedēbat, ut videntes



omnes ad devoti6nem excitaret. Quamvis vero miracul6rum et propheti6e donis clarus, ea tamen erat humilitate, ut vilem se peccat6rem, et indignum ex intimo cordis reputans, hominum laudibus vehementer ex-cruciar6tur : atque ita sup6rnis visi6nibus, mirisque fulg6ribus et fragrantiss in angustiss et infirmitatibus, quibus frequenter premebatur, recreari promeruisse memori6e proditur, donec m6ritis, et di6rum longitudine plenus, devotissime susceptis Ecclesi6e Sacram6ntis, in D6mino quievit die terti6a Nov6bris anni mill6simi tercent6simi d6cimi noni, fact6 subito ad ejus venerandum corpus tanto p6puli concursu, ut per b6dium tumulari nequiverit. Quanta autem veneratione felices illae exuviae per quing6ntos annos f6uerint decoratae, constat ex illarum multiplicibus translationibus. Cives tandem sancti Arch6ngeli solemni6ri pompa in sac6llo ecclesi6e collegiatae illas reposuerunt, anno mill6simo octing6tesimo d6cimo s6ptimo, ibique honorifice conduntur. Quibus perm6tus Pius S6ptimus P6ntifex M6ximus, ut de beato Sim6ne Offici6 et Missa in univ6rso Praedicat6rum Ordine, ac in tota dioec6si Ariminensi celebrari possit, ex sacrae Ritu6rum Congregationis cons6lto benigne concessit.

In iij. Nocturno. Homilia in Evang. Ecce nos reliquimus. de Communi Abbatum, pag. lxix.

## DIE IV. NOVEMBRIS.

S. Caroli Episc. et Conf.

Duplex. Oratio.

**E**CCLESIAM tuam, D6mine, sancti C6roli Confessoris tui atque Pontificis cont6nua protecti6ne custodi : ut sicut illum pastoralis sollicitudo glori6sum effecit ; ita nos ejus intercessio in tuo semper faciat am6re ferventes. Per D6minum.

In secundo Nocturno.

Lectio iv.



**C**AROLUS Mediol6ni nobili Borromae6rum famili6a natus, quanta fut6rus esset sanctitate conspicuus, div6na lux super parientis matris cubiculum noctu coruscans praesignavit. A Pio Quarto avunculo suo Cardinalis primum, et mox Mediolanensis Archiep6scopus creatus, plurimam 6peram adhibuit, ut juxta sacros6nctum Tridentinum conc6lium, Ecclesi6am sibi commissam comp6neret : atque ut depravat6s plebis suae mores reformaret, seipsum eximiae sanctitatis prae-buit ex6mplar. In profligandis haereticis e partibus Rhaet6rum et Helveti6rum, quorum plurimos ad christi6nam fidem convertit,

máxime laborávit. Verbi Dei praedicationem, gravíssimis licet curis occupátus, nunquam intermísit.

Lectio v.

**U**RITANO principátu véndito, pretium univérsum ad quadraginta aureórum millia una die in páuperes erogávit : et íterum viginti millia sibi legáta, distribuit. Cum pestis Medioláni grassarétur, domésticam supelléctilem, nec relícto sibi lectulo, in eósdem aléndos cóntulit : eóque morbo laborántes sédulo invísens, Sacraménta própriis mánibus administrábat. Multas ecclési-  
as, monastéria, collégia aedificávit. Ecclesiásticae libertátis fuit acérrimus propugnátor. Disciplínae vero restituéndae sollicitus, a seditiósibus, dum orationi insisteret, torménti bélici glóbulo percússus, divína virtúte servátur illaesus.

Lectio vj.

**H**UMILITATIS, mansuetudinis, et castitátis studiosíssimus, immíssas ad se mulieres impudícas invícta constántia fugávit. Saepíssime pane tantum et aqua, et solis quándoque lupínis conténtus, jejunábat. Noctúrnis vigíliis, aspérrimo cilício, assídus flagéllis corpus domábat. Demum in solitúdinem Varálli montis secéssit : ibíque diébus áliquot ásperam vitam ducens, in febrim incidit. Mediolánum re-

vérsum, ingravescénte morbo, cinere ac cilício coopértus, et óculis in Crucifíxi imáginem defíxis, migrávit in caelum, aetátis anno quadragésimo séptimo, Dómini vero millésimo quingentésimo octogésimo quarto, pridie Nonas Novémbris. Quem miraculis clarum Paulus Quintus Póntifex Máximus in Sanctórum númerum rétulit.

In iij. Nocturno, Homilia in Evangelium. Homo peregre. ut in Communi Confess. Pont. pag. lxj.

## DIE V. NOVEMBRIS.

Beati Martini de Porres  
Conf. Ord. Praed.

Duplex. Oratio.

**D**EUS humílium celsitúdo, qui beátum Martínum Confessórem tuum ad caeléstia regna transíre fecísti : ejus méritis et intercessióne concéde, nos ejus humilitátem ita imitári in terris, ut cum ipso exaltári mereámur in caelis. Per Dóminum.

In j. Nocturno, Lectiones Beátus vir. de Comm. Conf. non Pont. pag. lxiv.

In secundo Nocturno.

Lectio iv.



**M**ARTINUS, Limae in América meridionali ex nobílibus paréntibus Joánne de Porres et Anna Velásquez,

anno reparatae salutis millésimo quingentésimo sexagésimo nono, ortum hábuit. Ab ineunte aetate miro morum candore futúrae exímiae sanctitátis indicia praebuit. Virtútes enim modéstiae, humilitátis, ac in páuperes liberalitátis puerítiam ejus ómnibus admirabilem reddidérunt. Adoléscens vero, júgiter cum eo erga próximos praesértim aegrótos adolévít commiserátio : ideóque arti chirúrgicae omne impéndit stúdiúm, ut absque ullo emolumento sanitátem impertíret, quod ei saepíssime pro voto cessit. Cáritas Dei ut magis magisque in corde suo diffunderétur, mundi honóres et oblectaménta abhórrens, patérnae domus oblítus, tértium sancti Patriárchae Domínici Ordinem amplécti, ac inter láicos operários recenséri eníxe postulávit, quod ei ex senténtia páriter succéssit. Absolúto tirocínio summa ómnium admiratióne, ac solémnibus votis nuncupátis, quis enarráre póterit quo stúdio, qua solértia omnígenas, quae Religiósum perféctum constituunt, virtútes cólere et prósequi conténderit? Humilitátem ádeo diligébat, ut vilióra et abjectióra quaeque coenóbii officia semper in delíciis habúerit obíre, peccatórem máximum se appellári, flexisque génibus pedes eórum deosculári, qui maledíctis eum oneráre audébant.

## Lectio v.

**Q**UAMVIS ab spontánea vel levi ánimae mácula remótus, nunquam désiit assíduis jejúniis carnem suam excrucíare, cilíciis et caténis férreis diro modo cruentáre, ut rectíssime ásseri possit quod mortificatióne Jesu in suo córpore circumféreret. Tanto in divínium humánae salutis Reparatórem aestuábat amóre, ut aliquándo visus sit ante imáginem Jesu Christi e cruce pendéntis précibus inténtus, sublátus a terra ad eum evoláre, tamquam plaga láteris ejus adhuc sánguinem scaturísset, admótis lábiis eam súgere, et máxima aviditáte satiári volúisset. Nil igitur mirum si ex hoc perénni divíni amoris fonte inebriátus, non nisi de caeléstibus loquerétur, quibus et suum, et aliórum corda inflammáre ardentíssime exoptábat. Mártýrii palmae cupidíssimus, Japóni et Sinárum impéria pétere in optátis habébat, ut inter hostíles Ethnicórum manus, profúso ságuine, Christi hóstia éffici mererétur. Hac vero inexplébili in Deum caritáte singulos cujúsque conditiónis hómínes complectebátur, et máxime aegrótos, et praesértim moriéntes, quibus ómnia consolatiónis officia ex corde praestáre studébat. Quum vero pátriae suae tam miránda ca-

ritátis arguménta praeberet, uno eodémque témpore compassívi amóris igne incensus erga míseros captívos in Africa degéntes, miro prorsus prodígio saepius illic adesse visus est, ut eos confortáret, providéret, eorúmque captivitátis caténas dissólveret. Accidit, ut quum unus ex illis génere Hispánu, postquam, Martíno auxiliánte, libertátem recuperávit Júliae Caesáreae, non post multum témporis spátium Limae eum vidísset, grati ánimí sensu commótus ceu insígnem suum liberatórem salutáverit, et accéptum benefícium, Martíno reluctánte, ómnibus praedicáre non destíterit.

Lectio vj.

**V**EHEMENTER angebátur nothos vidére puérulos, aliósque líberos paréntibus orbátos, máximis óbrui malis; quibus reparándis, Limae, ut ad pietátem et honestátem institueréntur, percélebre collégium excitándum curávit. Eo quoque procéssit ejus humanitátis sensus, ut vel bruta ipsa animália suam óperam salutárem, curánique continénter fúerint expérta. Deus vero tam excelléntem servi sui caritátem, supérnis donis mirum in modum exornáre sibi complácuit. Divíno hinc lúmine collustrátus et futúra praedíxit, et córdium abscóndita cognóvit, et dae-

monum artes furentésque ímpetus detéxit ac profligávit; et licet rudis et ignárus, gravíssimas theológicas questiónes sic dirimébat, ut vel ipsi doctíssimi viri admiraréntur, ejúsque sapiéntiam divínitus haustam celebrárent. Dignus praeterea a Deo rédditus, ut cum caelítibus collóquia habéret, multis coruscáret miráculis, et tandem extrémum aetérnae suae retributiónis diem appropinquáre cognósceret, quem plúries et clare manifestum fecit. Morbo itaque diútino corréptus, ut omnes coenóbii Religiósi moriénti adéssent eníxe postulávit, a quibus de cunctis ab eo accéptis offénsis véniam pétiit. Defíxis dein in Crucifíxi imágine óculis, quam prae mánibus tenébat, ad ea verba Evangélii, quod astántes recitábant : Verbum caro factum est; imágine Crucifíxi in pectore depósita, seréna fronte, hilaríque vultu innocéntem ánimam réddidit Creatóri, anno millésimo sexcentésimo trigésimo nono, tértio Nonas Novémbris, anno aetátis suae sexagésimo. Multis vivens, et post óbitum miráculis cláruit. Quibus rite ágntis ac probátis, Gregórius Décimus sextus Póntifex Máximus illum Beatórum albo accénsuit, ejúsque festum cum Offício et Missa in univérso Praedicatorum Ordine, et Limána dioecési celebrári concéssit.

In iij. Nocturno, Homilia in Evangelium, **Confíteor tibi Pater.** ut in Communi Confessoris non Pontificis, pag. lxxvj.

## DIE VII. NOVEMBRIS.

B. Petri de Ruffia Mart.

Ord. Praed.

Duplex.

Oratio.

**D**EUS, qui beáto Petro fá-  
mulo tuo misericórditer  
tribuísti pro verae fidei defen-  
sione martyrio coronári : ejus  
méritis et intercessióne concé-  
de; ut fide, quae per caritátem  
operátur, tibi júgiter placére  
valeámus. Per Dóminum.

In j. Nocturno, Lectiones  
**Existimo.** de Comm. plur.  
Mart. pag. xxxvij.

In secundo Nocturno.

Lectio iv.



**D**ETRUS, coepto jam  
saeculo décimo quar-  
to, ex nobilíssima  
Savilianénsi Cam-  
bianórum família ortus perhi-  
bétur in eo tunc Taurinénsis,  
nunc vero Salutiénsis dioecésis  
óppido, quod Rodulphía, et  
vulgo Ruffía appellátur. Diví-  
no Númine afflátum, cepit eum  
a púero magna terrenárum  
rerum contéptio : indéque  
mundo, ejúsque oblectatióni-  
bus valedicens, Praedicatórum  
Ordini nomen dedit. Institú-  
tum illud proféssus, tot jam  
insígnium virórum sanctitáte,  
doctrína, gestisque fórtibus

illustrátum, eórum imitatióni  
ádeo fervénter incúbuit, ut  
brevi praestantióribus quibús-  
que Ordinis alúmnis compara-  
rétur. Ac inter virtútes, quibus  
egrégie auctus ornatúsque est,  
praecipua laude celebrántur  
religiósa illa, quam semper  
retínuit, patérnae domus et  
consanguineórum oblívio; tum  
patientíssima paupértas, ac  
profúnda humílitas, quae vel  
ipsa oris modéstia et affabili-  
táte mirífice apparéret.

Lectio v.

**O**RATIONI autem, et re-  
rum divinárum contem-  
platióni tam sédula pietáte diu  
noctúque indulgébat, ut ipsús  
conversátio in caelis tantúm-  
modo esse viderétur. Itaque  
cum per ea témpora magnó-  
pere interésset, spectatae tan-  
tum integritátis doctrinaeque  
Evangélii minístros acerbis  
illis haeréticis oppóni, qui su-  
perióris Itáliae regiónes váriis  
erróribus infícere conabántur,  
fidei Quaesitor Tauríni decla-  
rátus est, ut ex eo loco avítam  
Subalpinórum Ligurúmque  
religióne asséret. In hoc  
officio vir sanctus indeféssam  
per annos plures divíni verbi  
praedicatióni óperam navávit,  
nihílque eórum praetermísit,  
quae ad cathólicae veritátis  
tutámen et propagatióne per-  
tinérent. Quare nil mirum, si  
plures ab haeréticis decéptos  
ad Ecclésiae sinum reduxísse,

multosque alios a corruptionis periculo exemisse feratur.

Lectio vj.

**H**IS sanctis operibus beatus Petrus capitale haereticorum odium subivit, ac triumphalem denique martyrii coronam promeruit. Etenim cum laboranti fidei opem laturus Segusiam aliquando perrexisset, et apud Fratres Minores sancti Francisci hospitaretur, contemni haeretici praesentis doctrinam et sanctitatem formidantes, invictum catholicae veritatis propugnatores in ipso coenobio adorti sunt, vulneribusque confossum interemerunt in solemnitate Purificationis beatae Mariae Virginis, anno millésimo trecentésimo sexagésimo quinto. Martyris corpus Taurinorum Augustam ad ecclesiam sancti Domínici subinde translátum, elato ornatoque sepulcro religiose conditum est : ibique singulis annis die séptimo Novémbris, qui translationis illius dies habetur, festivo cultu celebrari non destitit. Quos ei publice tributos Beatórum honóres Pius Nonus Póntifex Máximus rite confirmávit, indulgítque ut ánnua praeclári fidei vándicis memória in univérso Praedicatórum Ordine, ac in dioecésibus Taurinénsi, Salutiénsi, et Segusína próprio Offício et Missa recoleretur.

In iij. Nocturno, Homilia

in Evang. Nisi granum frumenti. de Comm. Mart. p. xxxij.

## DIE VIII. NOVEMBRIS.

Octava Omn. Sanctorum.

Solemnis.

In primo Nocturno.

Homilia sancti Augustini

Episcopi.

*In Meditat. cap. 33.*

Lectio j.



**T**U es Deus omnipotens, quem trinum in personis, et unum in substantia Deitatis colimus et adoramus, Patrem ingénitum, Fílium de Patre unigénitum, Spíritum sanctum de utróque procedentem, et in utróque permanentem : sanctam et indivíduam Trinitátem. Te deprecámur, supplicámus, et orámus : auge fidem, auge spem, auge caritatem : fac nos per ipsam grátiam tuam, semper et in fide stábiles, et in ópere effícaces, ut per fidem rectam, et condígna fidei ópera, ad vitam, te miseránte, perveniámus aetérnam : ut ibi vidéntes glóriam tuam sicuti est, adorémus majestátem tuam, quos dignos féceris vidére imménsam pulcritúdinem tuam.

Sermo S. Augustini Episcopi.

*In Orat. ad beatam Virg.*

Lectio ij.

**S**ANCTA María Virginum piíssima, súscipe vota servulórum assídua : lapsos

érige, errántes córrige, treméntes corróbora, pusillánimes confórta : ut tibi semper referámus laudes, quam Dei summi cólimus Genitrícem. Suscípiat, benigníssima, Génitus tuus captivórum gémitus, clamóres peregrinórum, suspíria júvenum, vota vírginum, láménta viduárum, preces ómnium tua sancta suffrágia deposcéntium : quae cunctis saeculis lumen verum effudísti Dóminum Jesum Christum. Virgo sancta, virgo gloriósa, mater Christi simul et sponsa, non dedignéris opem ferre animábus, quas vides amóre Dei caeléstis sponsi flagráre, atque ejus núptias sitibúndo corde desideráre.

Sermo sancti Augustíni  
Epíscopi.

*In Soliloquiis animae, cap. 27.*

Lección iij.

**D**OMINE, quóties bene ágimus, gaudent Angeli, et tristántur daemones : quóties a bono deviamus, diabolum laetificámus, et Angelos tuos suo gáudio defraudámus. Gáudium est enim eis super uno peccatóre poeniténtiam agente; sed diabolo super uno justo poeniténtiam deserénte. Da igitur, da Pater eis semper gaudére de nobis; ut et tu semper per eos laudéris in nobis : et nos cum eis in unum ovíle tuum adducámur; ut confiteámur nómini sancto tuo,

Creátor hóminum et Angelórum.

In secundo Nocturno.

Sermo sancti Joánnis  
Chrysóstomi.

*Sermo de Mart. quod aut imitandi, aut non laudandi sunt.*

Lección iv.



**D**IFFICILE nobis non est, quod a Sanctis géritur, imitári; cum sine praecedénti exémplo ab antíquis tália gesta conspícimus, ut non ipsi aliórum aemuli redderéntur, sed aemulándae virtútis seípsos nobis praeberént exémpulum. Ut dum nos ex ipsis, et ex nobis álíi profíciunt, sic Christus in suis semper servis in Ecclésia sancta laudétur. Unde ab origine mundi ínnocens Abel occíditur, Henoch Deo placens transfértur, justus Noë invení-tur, Abraham fidélis probátur, Móyses mansuétus dignóscitur, Jesus castus, David lenis, Elías accéptus, Dániel sanctus, tres púeri victóres redúntur.

*Ejusdem sancti Chrysost. sermone de Pentecoste.*

Lección v.

**P**ERAGRARUNT piscatóres orbem terrárum, et infirmum eum invenientes, ad sanitátem reduxérunt : et in ruína pósito, ad stabilitátem revocavérunt : non scuta mo-

véntes, non arcus tendéntes, non sagíttas mitténtes, non pecúniám largiéntes, non in eloquéntia confidéntes. Pecúnia indigéntes, sed regnum caelórum possidéntes : non habéntes humána solátia, habéntes autem Dóminum secum. Ego enim, inquit, vobíscum sum usque ad consummationem saeculi. Peragrárunť univérsum orbem oves simul cum lupis : et vulnerátæ a béstiis non sunt oves, sed magis lupi ad óvium mansuetúdinem sunt convérsi.

Sermo sancti Cypriáni Epíscopi et Mártiris.

*Epíst. ad Martyres.*

Lectio vj.

**Q**UIBUS ergo vos láudibus praedicem, fortíssimi Mártires? Tolerástis, usque ad consummationem glóriæ, duríssimam quaestionem, nec cessástis supplíciis, sed vobis pótius supplícia cessérunt. O quale fuit illud spectáculum Dómino, quam sublíme, quam magnum, quam accéptum! Quam laetus illic Christus fuit! quam libens in talibus servis suis pugnávit, et vicit! Proeliatóres atque assertóres sui nóminis eréxit, corroborávit, animávit. Et qui pro nobis mortem semel vicit, semper vincit in nobis. Hic est agon fidei nostræ, qua congrédimur, qua víncimus, qua coronámur.

In tertio Nocturno.

Sermo sancti Gregórii Papæ.  
*Homilia 18. in Ezechiel.*

Lectio vij.



**C**UI sunt isti, qui ut nubes volant, et quasi colúmbæ ad fenéstras suas? Recte sancti Confessóres, quorum in praesénti memóriam ágimus, nubes appelláti sunt : quia et verbis pluunt, et miráculis ac exémplis corúscant. Qui voláre quoque ut nubes dicúntur : quia in terra vivéntes, extra terram fuit omne quod egérunt. Unde et per quamdam nubem dicitur : In carne ambulántes, non secúndum carnem militámus. Prióres enim patres conjúgiis utebántur, fílios procreábant, substántias possidébant, curis rei familiáris intendébant. Istos autem prophetæ jam spírítu praevidens substántias desérere, conjúgia non appétere, fílios non procreáre, nihil in terra quaerere, nihil possidére : non eos per terram velut hómines ambulántes, sed ut nubes volántes nóminat.

Sermo sancti Joánnis Chrysóstomi.

*In Hom. de Milit. spir.*

Lectio viij.

**A**PUD Deum femíneus étiam militat sexus. Multae namque féminæ ánimó viríli spiritálem militíam gesserunt. Quaedam enim



interiōris hōminis virtūte, viros aequavērunt in agōnibus Mārtyrum : quaedam etiā fortiores viris exstiterunt. Nam quibūsdam virōrum ex ignāvia muliebri degenerāntibus, illae sexum infirmum virili mente vicērunt, ac sic in testimonio virtutis, victrices poenarum, viris labēntibus, constitērunt. Ex ipsis ergo sunt, quae angēlicum sacrae virginitatis replent chorum. Ex ipsis et illae sunt, quae gloriōsis proeliis Confessorum et Mārtyrum triūmphis coruscant.

Sermo sancti Augustīni

Episcopi.

*In Medit. c. 25.*

Lectio ix.

**M**ATER Jerūsalem, civitas sancta, sol tuus, et claritas tua, et omne bonum tuum est pulcherrimi Regis indeficiens contemplatio. Ipse Rex regum in medio tui, et pueri ejus in circuitu ejus. Ibi hymnidici Angelorum chori, ibi societas supernorum civium, ibi dulcis sollemnitas omnium ab hac tristi peregrinatione ad tua gaudia redeuntium. Ibi Prophetarum providus chorus, ibi duodenus Apostolorum numerus, ibi innumerabilium Mārtyrum victor exercitus, ibi sanctorum Confessorum sacer conventus, ibi veri et perfecti monachi, ibi sanctae mulieres, quae vo-

luptates saeculi, et sexus infirmitatem vicerunt; ibi pueri et puellae, qui annos suos sanctis moribus transcendērunt : exsultant omnes in propriis mansionibus.

## DOMINICA II. NOVEMB.

Patrocinii

beatae Mariae Virginis.

Totum Duplex.

Omnia, praeter hic posita, fiant ut in festo Nativitatis B. M. V. pag. 684. mutato nomine Nativitatis in Solemnitatis.

Oratio.

**D**EUS, qui sub beatissimae Virginis Mariae singulari Patrocinio Ordinem Praedicatorum ad animarum salutem institui; ejusque perpetuis beneficiis cumulāri voluisti : praesta supplicibus tuis, ut cujus hodie commemoratiōnem colimus; illius protecti auxiliis ad caelestem gloriā perducāmur. Per Dōminum.

In secundo Nocturno.

Sermo sancti Joānnis Chrysostomi.

*Apud Metaphrast.*

Lectio iv.



**E**I Filius non divitem aut locupletem aliquam feminam sibi matrem elegit; sed beatam Virginem illam, cujus anima virtutibus ornata

erat. Cum enim beáta María supra omnem hóminum natúram castitátem serváret, propterea Christum Dóminum in ventre concépit. Ad hanc igitur sanctíssimam Vírginem et Dei matrem accurréntes, ejus Patrocínii utilitátem assequámur. Itaque quaecúmque estis vírgines, ad Matrem Dómini confúgite. Illa enim pulcherrimam, pretiosíssimam, et incorruptibilem possessionem Patrocínio suo vobis conservábit.

Lectio v.

**M**AGNUM revéra miraculum, fratres dilectíssimi, fuit beáta semper virgo María. Quid namque illa majus aut illústrius ullo unquam témpore invéntum est, seu aliquándo inveníri póterit? Haec sola caelum ac terram amplitúdine superávit. Quidnam illa sanctius? Non Prophétae, non Apóstoli, non Mártyres, non Patriárchae, non Angeli, non Throni, non Dominationes, non Séraphim, non Chérubim, non dénique áliud quídpian inter creatas res visíbiles aut invisíbiles majus aut excellentius inveníri potest. Eadem ancílla Dei est et mater: éadem virgo et génitrix.

Lectio vj.

**H**AEC ejus mater est, qui a Patre ante omne princípium génius fuit, quem Angeli et hómines agnóscunt

Dóminum rerum ómnium. Visne cognóscere, quanto Virgo haec praestántior sit caeléstibus poténtiis? Illae cum timóre et tremóre assístunt, faciém velántes suam: haec humánum genus illi offert, quem génuít. Per hanc, et peccatórum véniam conséquimur. Ave igitur Mater, caelum, puélla, virgo, thronus, Ecclesiae nostrae decus, glória, et firmaméntum; assidue pro nobis precáre Jesum Fílium tuum et Dóminum nostrum, ut per te misericórdiam inveníre in die judícii, et quae repósita sunt iis, qui dísigunt Deum, bona cónsequi possimus, grátia et benignitáte Dómini nostri Jesu Christi: cum quo Patri, simul et sancto Spíritui sit glória, honor, et impérium nunc et semper in saecula saeculorum. Amen.

In iij. Nocturno, Homilia in Evang. Loquente. ut die V. Augusti, pag. 594. cum subjectis R̃R̃.

## DIE IX. NOVEMBRIS.

Omnium Sanctorum  
Ord. Praedic. Totum Duplex.

### AD VESPERAS.

Super Psalm. Añá. Suscitávit Dóminus a terra ínopes, et collocávit cum princípibus, faciéns Domínicum in caeléstí domo Patrem filiórum laetántem. Psalm. Laudáte púeri. cum ceteris, pag. j.

Capitulum.

*Rom. 8.*

**U**OS praescivit, et  
praedestinavit con-  
formes fieri imaginis  
Filii sui, ut sit ipse  
primogénitus in multis fratri-  
bus, hos et vocavit : et quos  
vocavit, hos et justificavit :  
quos autem justificavit, illos  
et glorificavit.

R. vj. Hi, qui amícti sunt.  
pag. 867.

Hymnus.

**J**ESU coróna caelitem,  
María caeli gáudium,  
Deo fruéntes Angeli,  
Audíte vota súpplicum.

Vos Patriarchárum chori,  
Vatúmque turmae nóbiles,  
Vos príncipes Apóstoli,  
Vos purpuráti Mártyres :

Vos júcta Confessóribus,  
Amoena castra Vírginum,  
Anachoretárum greges,  
Nostris favéte pláusibus.

Vestris enim concívibus,  
Nostram proféssis régulam,  
Haec jubilántis Ordinis  
Dicáta sunt solémnia.

His ínclytis paréntibus  
Congratulámur filii,  
Illústre quos consórtium  
Vestri beat collégii.

Sit laus Patri cum Fílio,  
Et utriúsque Flámini,  
Quos vestra felix cívitas  
Hymno célebrat pérpeti.

Amen.

V. Oráte pro nobis Sancti et  
Sanctae Dei. R. Ut digni effi-  
ciámur promissionibus Christi.

Ad Magnificat, Aña. Fecit  
Ordini magna, qui potens est :  
suscepit Domínicum púerum  
suum, benedíxit illi, et sémini  
ejus usque in saeculum.

Oratio.

**D**EUS, qui Praedicatórum  
Ordinem copiósa Sanctó-  
rum sóbole fecundáre digná-  
tus es, atque in ipsis heróica  
ómnium virtútum mérita sub-  
límiter coronásti; da nobis  
illórum sequi vestígia : ut quos  
hódie sub una celebritáte vene-  
rámur in terris, iis perpétua  
tandem festivitáte associémur  
in caelis. Per Dóminum.

Memor. S. Theodori Mart.  
in j. Vesperis et in Laudibus.

Oratio.

**D**EUS, qui nos beáti Theo-  
dóri Mártyris tui confes-  
sione gloriósa circúmdas et  
prótegis : praesta nobis ex ejus  
imitatióne profícere, et oratióne  
fulcírí. Per Dóminum nostrum.

AD MATUTINUM.

Invitatorium. Regem regum  
Dóminum veníte adorémus : \*  
Quia ipse est coróna Sanctó-  
rum ómnium.

Hymnus. Jesu coróna caeli-  
tum. ut supra in Vesperis.

In primo Nocturno.

Psalmus I.



**D**EATUS vir, qui non  
ábiit in consílio im-  
piórum, et in via  
peccatórum non ste-  
tit, \* et in cáthedra pestiléntiae  
non sedit :

Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo :

Et fólium ejus non défluet : \* et ómnia quaecúmque fáciat, prosperabúntur.

Non sic ímpii, non sic : \* sed tamquam pulvis, quem prójicit ventus a fácie terrae.

Ideo non resúrgent ímpii in judício : \* neque peccatóres in concílio justórum.

Quóniam novit Dóminus viam justórum : \* et iter impiórum períbit.

Añā. Novit Dóminus viam justórum, qui in lege ejus meditántur die ac nocte.

Psalmus 4.

**C**UM invocárem exaudivit me Deus justítiae meae : \* in tribulatióne dilatásti mihi.

Miserére mei, \* et exáudi oratióem meam.

Fílii hóminum úsquequo gravi corde ? \* ut quid dilígitis vanitátem, et quaeritis mendácium ?

Et scitóte quóniam mirificávit Dóminus sanctum suum : \* Dóminus exáudiet me cum clamávero ad eum.

Irascímini, et nolíte peccáre : \* quae dícitis in córdibus vestris, in cubílibus vestris compungímini.

Sacrificáte sacrificium justítiae, ⁊ et speráte in Dómino : \* multi dicunt : Quis osténdit nobis bona ?

Signátum est super nos lumen vultus tui Dómine : \* dedísti laetítiam in corde meo.

A fructu fruménti, vini, et ólei sui \* multiplicáti sunt.

In pace in idípsum \* dormiam, et requiéscam :

Quóniam tu Dómine singularíter in spe \* constituísti me.

Añā. Mirificávit Dóminus Sanctos suos, et exaudivit eos clamántes ad se.

Psalmus 8.

**D**OMINE Dóminus noster, \* quam admirábile est nomen tuum in univérſa terra !

Quóniam eleváta est magnificéntia tua, \* super caelos.

Ex ore infántium et lacténtium perfecísti laudem propter inimícos tuos, \* ut déstruas inimícum et ultórem.

Quóniam vidébo caelos tuos, ópera digitórum tuórum : \* lunam et stellas, quae tu fundásti.

Quid est homo, quod memor es ejus ? \* aut fílius hóminis, quóniam vísitas eum ?

Minuísti eum paulo minus ab Angelis, ⁊ glória et honóre coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves uni-

vérſas : ínſuper et pécora campi.

Vólucres caeli, et piſces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérſa terra!

Añā. Admirábile est nomen tuum, Dómine : quia glória et honóre coronáſti Sanctos tuos, et conſtituíſti eos ſuper ópera mánuum tuárum.

℟. Laetámini in Dómino, et exſultáte juſti. ℞. Et gloriámini omnes recti corde.

De libro Eccleſiáſtici.

Lectio j.

Cap. 44.

**AUDEMUS** viros glorióſos, et paréntes nostros in generatióne ſua. Multam glóriam fecit Dóminus magnificéntia ſua a ſaeculo. Dominántes in poteſtátibus ſuis, hómínes magni virtúte, et prudéntia ſua praediti, nuntiántes in prophétis dignitátem prophetárum, et imperántes in praesénti pópulo, et virtúte prudéntiae pópulis ſanctíſſima verba. In perítia ſua requiréntes modos músicos, et narrántes cármina ſcripturárum.

℟. Beátus Domínicus, paſtor et dux ínclytus in pópulo Dei factus, Praedicatórum Ordinem inſtítuit méritis, ordinávit exémpis, \* Nec miráculis confirmáre deſiit. ℟. Loquélam mutis, viſum caecis, ſurdis

audítum, gressum paralyticis, et ſanitátem multis reſtítuit. Nec miráculis.

Lectio ij.

**HOMINES** dívites in virtúte, pulcritúdinis stúdiū habéntes : pacificántes in dómibus ſuis. Omnes iſti in generatióibus gentis ſuae glóriam adépti ſunt, et in diébus ſuis habéntur in láudibus. Qui de illis nati ſunt, reliquérunt nomen narrándi laudes eórum : et ſunt quorum non eſt memória : periérunt quaſi qui non fúerint : et nati ſunt, quaſi non nati, et filii ipſórum cum ipſis.

℟. Haec eſt vera fraternitas, quae nunquam pótuit violári certámíne : qui effúſo ſanguine ſecúti ſunt Dóminum : \* Contemnéntes aulam régiam pervenérunt ad regna caeléſtia. ℟. Ecce merces ſanctórum copióſa eſt apud Deum, et vivunt in aetérnum. Contemnéntes.

Lectio iij.

**SED** illi viri miſericórdiae ſunt, quorum pietátes non defuérunt : cum ſémine eórum périment bona, heréditas ſancta nepótes eórum, et in teſtaméntis ſtetit ſemen eórum : et filii eórum propter illos uſque in aetérnum manent : ſemen eórum et glória eórum non derelinquétur. Córpora ipſórum in pace ſepúlta ſunt, et nomen eórum vivet in

generatióem et generatióem. Sapiéntiam ipsórum narrent pópuli, et laudem eórum nún-tiet ecclésia.

R. Sacerdótes Dei benedí-cite Dóminum : \* Sancti, et húmiles corde laudáte Deum. V. Spíritus, et ánimae justó-rum hymnum dícite Deo no-stro. Sancti. Glória Patri. Sancti.

In secundo Nocturno.

Psalmus 14.

**D**OMINE quis habitá-bit in tabernáculo tuo? \* aut quis re-quiéscet in monte sancto tuo?

Qui ingréditur sine mácula, \* et operátur justítiam :

Qui lóquitur veritátem in corde suo, \* qui non egit dolum in lingua sua :

Nec fecit próximo suo ma-lum, \* et oppróbrium non ac-cépit advérsus próximos suos.

Ad níhilum dedúctus est in conspéctu ejus malignus : \* timéntes autem Dóminum glo-rificat :

Qui jurat próximo suo, et non decipit, ꝛ qui pecúniám suam non dedit ad usúram, \* et múnera super innocéntem non accépit.

Qui facit haec, \* non mové-bitur in aetérnum.

Añs. Dómine, qui operáti sunt justítiam, habitábunt in tabernáculo tuo, et requiéscent in monte sancto tuo.

Psalmus 15

**C**ONSERVA me Dómine, quóniam sperávi in te. \* Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, \* mirificávit omnes vo-luntátes meas in eis.

Multiplicátae sunt infirmi-tátes eórum : \* póstea accele-ravérunt.

Non congregábo conventí-cula eórum de sanguínibus : \* nec memor ero nóminum eó-rum per lábia mea.

Dóminus pars hereditátis meae, et cálicis mei : \* tu es, qui restítues hereditátem meam mihi.

Funes cecidérunt mihi in praecláris : \* étenim heréditas mea praeclára est mihi.

Benedícam Dóminum, qui tríbuit mihi intelléctum : \* ínsuper et usque ad noctem increpuérunt me renes mei.

Providébam Dóminum in conspéctu meo semper : \* quóniam a dextris est mihi, ne commóvear.

Propter hoc laetátum est cor meum, et exsultávit lingua mea : \* ínsuper et caro mea requiéscet in spe.

Quóniam non derelínques ánimam meam in inférno : \* nec dabis sanctum tuum vidére corruptiόνem.

Notas mihi fecísti vias vi-tae, ꝛ adimplébis me laetítia

cum vultu tuo : \* delectationes in dextera tua usque in finem.

Añā. Dóminus Sanctis suis notam fecit viam vitae, et adimplévit eos laetitia cum vultu suo.

Psalmus 23.

**D**OMINI est terra, et plenitudo ejus : \* orbis terrarum, et universi, qui habitant in eo.

Quia ipse super maria fundavit eum : \* et super flumina praeparavit eum.

Quis ascendet in montem Domini? \* aut quis stabit in loco sancto ejus?

Innocens manibus et mundo corde, qui non accipit in vano animam suam, \* nec juravit in dolo proximo suo.

Hic accipiet benedictionem a Domino : \* et misericordiam a Deo salutari suo.

Haec est generatio quaerentium eum, \* quaerentium faciem Dei Jacob.

Attollite portas principes vestras, et elevamini portae aeternales : \* et introibit rex glorie.

Quis est iste rex glorie? \* Dominus fortis et potens : Dominus potens in proelio.

Attollite portas principes vestras, et elevamini portae aeternales : \* et introibit rex glorie.

Quis est iste rex glorie? \* Dominus virtutum ipse est rex glorie.

Añā. Haec est generatio quaerentium Dominum, quaerentium faciem Dei Jacob.

℟. Exsultent justi in conspectu Dei. ℞. Et delectentur in laetitia.

Sermo sancti Joannis Chrysostomi.

*Serm. de Martyr. quod aut imitandi sunt, aut non laudandi, tom. 3.*

Lectio iv.



**U**I Sanctorum merita religiosa caritate miratur, quique justorum glorias frequenti laude colloquitur, eorum mores sanctos atque justitiam imitetur : quoniam quem delectat Sancti alicujus meritum, delectare debet par circa cultum Dei obsequium. Quare aut imitari debet, si laudat, aut laudare non debet, si imitari detractat : ut qui alium laudat, laudabilem se reddat, et qui Sanctorum merita admiratur, mirabilis ipse vitae sanctitate reddatur. Nam si propterea justos fidelesque diligimus, quod in ipsis justitiam fidemque suspicimus, possumus nos quoque esse quod sunt, si faciamus ipsi quod faciunt.

℞. Isti sunt viri sancti, quos elegit Dominus in caritate non ficta, et dedit illis gloriam sempiternam : \* Quorum doctrina fulget Ecclesia, ut sole luna. ℞. In omnem terram exivit

sonus eorum : et in fines orbis terrae verba eorum. Quorum.

De Sermone venerabilis Bedae Presbyteri.

*Serm. 18. de Sanctis.*

Lectio v.

**A**D hanc igitur operum salutarium delictet nos pervenire palmam. Libenter ac prompte certemus omnes in agone iustitiae; Deo et Christo spectante, curramus, et qui saeculo et mundo majores esse jam coepimus, cursum nostrum nulla saeculi cupiditate tardemus. Si expeditos, si celeres in operis agone currentes, dies nos ultimus invenerit, nusquam Dominus meritis nostris dederit remunerator.

R. Propter testamentum Domini, et leges paternas, sancti Dei perstiterunt in amore fraternitatis : \* Quia unus fuit spiritus in eis, et una fides. V. Ecce quam bonum, et quam jucundum habitare fratres in unum! Quia unus.

Lectio vj.

**Q**UAPROPTER, carissimi, mente integra, fide firma, virtute robusta, caritate perfecta, parati ad omnem voluntatem Dei simus, conservantes fortiter Domini mandata : in simplicitate innocentiam, in caritate concordiam, modestiam in humilitate, diligentiam in administratione, vigilantiam in adjuvandis laborantibus, misericordiam in

fovendis pauperibus, in defendenda veritate constantiam, in disciplinae severitate censuram, ne aliquid ad exemplum bonorum factorum desit in nobis. Haec sunt enim vestigia, quae nobis Sancti quique revertentes in patriam reliquerunt : ut illorum semitis inhaerentes, sequeremur et in gaudia.

R. Hi, qui amicti sunt stolis albis, qui sunt? et unde venerunt? Hi sunt, qui laverunt stolas suas, et dealbaverunt eas \* In sanguine Agni. V. Ideo sunt ante thronum Dei, et serviunt ei die ac nocte in templo ejus. In sanguine. Gloria Patri. In sanguine.

In tertio Nocturno.

Psalmus 31.



**B**EATI quorum remissae sunt iniquitates : \* et quorum tecta sunt peccata.

Beatus vir, cui non imputavit Dominus peccatum, \* nec est in spiritu ejus dolus.

Quoniam tacui, inveteraverunt ossa mea, \* dum clamarem tota die.

Quoniam die ac nocte gravata est super me manus tua : \* conversus sum in aerumna mea, dum configitur spina.

Delictum meum cognitum tibi feci : \* et injustitiam meam non abscondi.

Dixi : Confitebor adversum me injustitiam meam Domini



no : \* et tu remisisti impietatem peccati mei.

Pro hac orabit ad te omnis sanctus, \* in tempore opportuno.

Verumtamen in diluvio aquarum multarum, \* ad eum non approximabunt.

Tu es refugium meum a tribulatione, quae circumdedit me : \* exultatio mea erue me a circumdantibus me.

Intellectum tibi dabo, et instruam te in via hac, qua gradieris : \* firmabo super te oculos meos.

Nolite fieri sicut equus et mulus, \* quibus non est intellectus.

In camo et freno maxillas eorum constringe, \* qui non appropinquant ad te.

Multa flagella peccatoris, \* sperantem autem in Domino misericordia circumdabit.

Laetamini in Domino, et exultate iusti, \* et gloriamini omnes recti corde.

Añā. Laetamini in Domino, et exultate iusti, et gloriamini omnes recti corde.

Psalmus 32.

**E**XSULTATE iusti in Domino : \* rectos decet colaudatio.

Confitemini Domino in cithara : \* in psalterio decem chordarum psallite illi.

Cantate ei canticum novum : \* bene psallite ei in vociferatione.

Quia rectum est verbum Domini, \* et omnia opera ejus in fide.

Diligit misericordiam et iudicium : \* misericordia Domini plena est terra.

Verbo Domini caeli firmati sunt : \* et spiritu oris ejus omnis virtus eorum.

Congregans sicut in utre aquas maris : \* ponens in thesauris abyssos.

Tímeat Dominum omnis terra : \* ab eo autem commoveantur omnes inhabitantes orbem.

Quoniam ipse dixit, et facta sunt : \* ipse mandavit, et creata sunt.

Domínus díssipat consília gentium : \* réprobat autem cogitationes populorum, et réprobat consília principum.

Consílium autem Domini in aeternum manet : \* cogitationes cordis ejus in generatione et generationem.

Beata gens, cujus est Dominus, Deus ejus : \* populus, quem elegit in hereditatem sibi.

De caelo respexit Dominus : \* vidit omnes filios hominum.

De praeparato habitaculo suo \* respexit super omnes, qui habitant terram.

Qui finxit singillatim corda eorum : \* qui intelligit omnia opera eorum.

Non salvatur rex per multam virtutem : \* et gigas non salvabitur in multitudine virtutis suae.

Fallax equus ad salutem : \*  
in abundantia autem virtutis  
suae non salvabitur.

Ecce oculi Domini super  
metuentes eum : \* et in eis,  
qui sperant super misericordia  
ejus.

Ut eruat a morte animas  
eorum : \* et alat eos in fame.

Anima nostra sustinet Do-  
minum : \* quoniam adiutor et  
protector noster est.

Quia in eo laetabitur cor  
nostrum : \* et in nomine san-  
cto ejus speravimus.

Fiat misericordia tua Do-  
mine super nos : \* quemad-  
modum speravimus in te.

Añā. Sancti dilexerunt mi-  
sericordiam et iudicium : et  
Deus elegit eos in hereditatem  
sibi.

Psalmus 33.

**B**ENEDICAM Dominum  
in omni tempore : \* sem-  
per laus ejus in ore meo.

In Domino laudabitur ani-  
ma mea : \* audiant mansueti,  
et laetentur.

Magnificate Dominum me-  
cum : \* et exaltemus nomen  
ejus in idipsum.

Exquisivi Dominum, et ex-  
audivit me : \* et ex omnibus  
tribulationibus meiseripuit me.

Accedite ad eum, et illumi-  
nāmini : \* et facies vestrae non  
confundentur.

Iste pauper clamavit, et Do-  
minus exaudivit eum : \* et de  
omnibus tribulationibus ejus  
salvavit eum.

Immittet Angelus Domini  
in circuitu timentium eum : \*  
et eripiet eos.

Gustate, et videte quoniam  
suavis est Dominus : \* beatus  
vir, qui sperat in eo.

Time Domini omnes  
sancti ejus : \* quoniam non est  
inopia timentibus eum.

Divites eguerunt et esurie-  
runt : \* inquirentes autem Do-  
minum non minuentur omni  
bono.

Venite filii, audite me : \*  
timorem Domini docebo vos.

Quis est homo qui vult vi-  
tam : \* diligit dies videre  
bonos?

Prohibe linguam tuam a  
malo : \* et labia tua ne lo-  
quantur dolum.

Diverte a malo, et fac bo-  
num : \* inquire pacem, et per-  
sequere eam.

Oculi Domini super justos : \*  
et aures ejus in preces eorum.

Vultus autem Domini super  
facientes mala : \* ut perdat de  
terra memoriam eorum.

Clamaverunt justi, et Do-  
minus exaudivit eos : \* et ex  
omnibus tribulationibus eo-  
rum liberavit eos.

Juxta est Dominus iis, qui  
tribulato sunt corde : \* et hu-  
miles spiritu salvabit.

Multae tribulationes justo-  
rum : \* et de omnibus his libe-  
rabit eos Dominus.

Custodit Dominus omnia  
ossa eorum : \* unum ex his  
non conteretur.

Mors peccatorum pessima: \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

Añã. Timéte Dóminum omnes sancti ejus : quóniam nihil deest timéntibus eum : ecce óculi Dómini super justos, et aures ejus ad preces eórum.

℣. Justi autem in perpétuum vivent. R̃. Et apud Dóminum est merces eórum.

Léctio sancti Evangelii secúndum Matthaeum.

Léctio vij. Cap. 19.

**I**N illo témpore : Dixit Petrus ad Jesum : Ecce nos relíquimus ómnia, et secúti sumus te : quid ergo erit nobis? Et réliqua.

Homília sancti Ambrósii  
Epíscopi.

*In Psal. 118. Serm. 8. post initium.*



**C**CCE nos ómnia relíquimus, et secúti sumus te; hoc est, non quaesívimus partem de possessionibus, sed te elégimus portiónem. Reliquísti ergo ómnia, Petre, quae habébas : unde habes, quod habére te dicis? Surgit claudus, et sono tui sermónis erígitur. Sanitátem áliis donas, qui indigébas ipse tuae salútis auxílio. Reliquísti ergo quae habébas, et cepísti quae non habébas.

Christus tibi pórtio, Christus tibi posséssio est : illíus nomen tibi muníficum, illíus nomen tibi est fructuósum, illíus nomen tibi tribúta depéndit, et bona tribúta, non pecúniae, sed grátiae.

R̃. Sancti mei, qui in carne pósito certámen habuístis, \* Mercédem labórum ego reddam vobis. ℣. Veníte benedícti Patris mei, percípite regnum. Mercédem.

Léctio viij.

**Q**UICUMQUE relíquerit patrem, aut matrem, domum, aut fratres, aut soróres, céntuplum accípiet in hoc saeculo, et vitam aetérnam possidébit. Multos quidem in hoc saeculo, qui sua paupéribus donavérunt, uberióre thesaúro locupletátos fuísse cognóvimus : sed non debent a Dómino saeculárem hujúsmodi exígere mercédem, nec speráre, quae mundi sunt : sed magis, quia iis, qui ómnia relíquerint, Deus pórtio est. Ipse est úti-que merces perfécta virtútum, qui non céntupli enumeratióne, sed perféctae plenitúdinis aestimatióne censétur. Ego, inquit, Deus tuus sum : non dixit, ero; sed, jam sum, jam inhábito, jam possídeo.

R̃. Sapiéntiam ipsórum narrent pópuli, \* Et laudem eórum núntiet ecclésia. ℣. Nomen eórum requirétur a generatióne in generatióne. Et.

## Lectio ix.

**H**ABES homo inter multa propósita, étiam hujúsmodi portióne. Propósuit tibi Dóminus in portióne possessiones, in portióne aurum, in portióne argéntum, in portióne honóres, in portióne nobilitátem : propósuit étiam in portióne se ipsum. Habes igitur plúrimas portiónes : élige, quam putas : non te númerus pertúrbet, sed éxcitet grátia : non te labor avértat, sed fructus invítet.

R̃. Concéde nobis, Dómine quaesumus, véniam delictórum : et intercedéntibus Sanctis, quorum hódie solémnia celebrámus, talem nobis tribue devotióne, \* Ut ad eórum pervenire mereámur societátem. Ṽ. Adjuvent nos eórum mérita, quos própria impédiunt scélera : excúset intercéssio, accúsat quos áctio : et qui eis tribuísti caeléstis palmam triúmphí, nobis véniam non déneges peccáti. Ut. Glória Patri. Ut.

Ante Laudes, Ṽ. Oráte pro nobis Sancti et Sanctae Dei.

## IN LAUDIBUS.

Añã. Domum tuam Dómine decet sanctitúdo, qua in terris mícuit fratrum multitúdo. Psalm. Dóminus regnávít. cum ceteris, pag. xj.

Añã. Stant in conspéctu Dómini, in exsultatióne, quos Ordo hic exércuit múltiplici agóne.

Añã. Laborávit in terra déserta, ínvia, et inaquósa : quiéscit nunc in pátria, caelórum tenens átria, phalanx religiósa.

Añã. Benedícunt spíritus, et ánimae justórum Dómino : sancti, et húmiles corde laudant et superexáltant eum in saecula.

Añã. Aquae omnes, quae super caelos sunt, et caeli caelórum, laudent Dóminum in Sanctis ejus, quos progénuit Ordo Praedicatórum.

Capit. Quos praescívit. ut supra, pag. 862.

## Hymnus.

**S**ALVETE cedri Líbani,  
Plantae viréntes Ordinis,  
Quae prata nunc caeléstia  
Implétis almo gérmine.

Vos Trinitátis glória  
Ætérna circumpléctitur,  
Vos aura Matris vírginis  
Mulcet piis favóniis :

Vos Angelórum cúriae  
Cingunt choréa pérpetim :  
Et irrigant puríssimi  
Æternitátis rívoli.

O ínclytæ propágines,  
Vestros juváte filios :  
In valle moesta débiles  
Nos roboráte súrculos.

Sit laus Patri cum Fílio,  
Simúlque dulci Flámini,  
Laeti quibúscum vívitis  
In sempitérno lúmine.

Amen.

Ṽ. Sancti et justí in Dómino gaudéte. R̃. Vos elégit Deus in hereditátem sibi.

Ad Benedictus, Añā. Dóminus Deus Israël eréxit cornu salutis nobis in domo Domínici púeri sui : ut serviámus illi in sanctitáte, et justítia coram ipso, ómnibus diébus nostris.

## AD TERTIAM.

Capitulum. Quos praescívit. ut supra in Vesperis, pag. 862.

R̃R̃. et XV. Horar. ex Comm. plur. Mart. pag. xlv.

## AD SEXTAM.

Capitulum. *Eccli. 44.*

**L**AUDEMUS viros glorióſos, et paréntes nostros in generatióne sua. Multam glóriam fecit Dóminus magnificéntia sua a saeculo.

## AD NONAM.

Capitulum. *Eccli. 44.*

**I**N testaménto stetit semen eórum : et filii eórum propter illos usque in aetérnum manent : semen eórum et glória eórum non derelinquétur.

V. Sancti et justi. ut in Laudibus.

## AD VESPERAS.

Super Psalm. Añā j. Laudum. Psalmi de Comuni plur. Mart. pag. xlv.

Capitulum, Hymnus, V. ut in j. Vesperis.

Ad Magnificat, Añā. Sanctos suos magnificávit Dóminus in salutári suo : ecce enim ex hoc beátos illos dicent omnes generatiónes.

Crastina die, nisi sit impedita, celebretur Anniversarium omnium Fratrum et Sororum defunctorum Ordinis nostri (quod antehac, xvij. Octobris adscribi solebat) eo modo, quo alia Anniversaria Ordinis per annum celebrantur.

## DIE X. NOVEMBRIS.

SS. Quatuor Coronatorum Mart. Tres Lectiones.

Oratio.

**P**RAESTA, quaesumus omnipotens Deus : ut qui glorióſos Mártyres fortes in sua confessióne cognóvimus; pios apud te in nostra intercessióne sentiámus. Per Dóminum.

*Ex Actis, et Romano Breviario.*

Lectio iij.

**S**EVERUS, Severiánus, Carpóphorus, et Victórínus fratres, in persecutióne Diocletiáni deórum cultum líbere detestántes, plumbátis caesi, in verbéribus vitam pro Christi nómine profuderunt. Quorum córpora cánibus objécta, cum ab illis intácta diu fuissent, subláta a Christiánis, via Lavicána, tértio ab Urbe lápide in arenária sepeliúntur prope sepúlcrum sanctórum Mártyrum Cláudii, Nicóstrati, Symphoriáni, Castórii, et Simplicii : qui eódem imperatóre passi erant, quod cum essent

summi sculptóres, nullo modo addúci potúerant, ut idolórum státuas fácerent; et ad solis simulácrum ducti, ut illud veneraréntur, nunquam commissúros se dixerunt, ut adorárent ópera mánuum hóminum. Quamóbrem in cárcerem conjécti, cum ibi multos dies in eódem propósito perstitíssent, primum scorpíonibus caesi, deínde viviplúmbeis lóculis inclúsi, in flumen dejécti sunt.

## DIE XI. NOVEMBRIS.

S. Martini Episc. et Conf.  
Totum Duplex.

Omnia hic non propria desumantur ex Comm. Conf. p. I.

## AD VESPERAS.

Super Psalm. Aña. O beátum Pontíficem, qui totis viscéribus diligébat Christum Regem, et non formidábat impérii principátum! O Martíne, dulcédo, medicaméntum, et médicel O sanctíssima ánima, quam etsi gládus persecutóris non ábstulit, tamen palmam martyrii non amísit!

R̃. iij. Beátus Martínus.  
pag. 874.

Ad Magnificat, Aña. O Martíne, o pie, quam pium est gaudére de tel o Martíne, Prophétis compar, Apóstolis consérte, Praesulum gemma, fide et méritis egrégie, pietáte mirábilis, caritáte ineffábilis, succúrre nobis nunc, et ante Deum.

## Oratio.

**D**EUS, qui cónspicis quia ex nulla nostra virtúte subsístimus; concéde propítius, ut intercessióne beáti Martíni Confessóris tui atque Pontíficis, contra ómnia adversa muniámur. Per Dóminum.

## AD MATUTINUM.

Invitatorium. Adorémus Christum Regem : \* Qui aetérna sanctum Martínus coronávit glória.

## In primo Nocturno.

Aña. Sanctus Martínus óbítum suum longe ante prae-scívit : qui et discípulos in unum congregávit, atque sui dissolutiónem imminére prae-díxit.

Aña. Cum repén-te víribus córporis coepit destítui, tunc moeror et luctus ómnium, vox plangéntium, unáque precántium : Ne pastor oves déseras.

Aña. Scimus quidem te, pater, desideráre Christum; sed salva sunt tibi praemia tua : nostri pótius miserére, quos déseris, pater.

V. Amávit eum Dóminus.

## De libro Job.

Lectio j.

Cap. 31.



B infántia mea crevit mecum miserátio : et de útero matris meae egréssa est mecum. Si despéxi pereúntem, eo quod non habúerit induméntum, et

absque operiménto páuperem : si non benedixerunt mihi látera ejus, et de velléribus óvium meárum calefactus est : si levávi super pupíllum manum meam, étiam cum vidérem me in porta superiorem : húmerus meus a junctúra sua cadat, et bráchium meum cum suis ósibus confringátur.

R. Hic est Martínus eléctus Dei Póntifex, cui Dóminus post Apóstolos tantam grátiam conférre dignátus est, \* Ut in virtúte Trinitátis Deíficae mererétur fieri trium mortuórum suscitátor magníficus. V. Sanctae Trinitátis fidem Martínus conféssus est. Ut.

Lectio ij.

**S**EMPER enim quasi tumentes super me fluctus tímui Deum, et pondus ejus ferre non pótui. Si putávi aurum robur meum, et obrízo dixi : Fidúcia mea. Si laetátus sum super multis divítiis meis, et quia plúrima réperit manus mea. Si vidi solem cum fulgéret, et lunam incedéntem clare : et laetátum est in abscondito cor meum, et osculátus sum manum meam ore meo : quae est iníquitas máxima, et negátio contra Deum altíssimum.

R. Dum sacraménta offerret beátus Martínus, \* Globus ígneus apparuit super caput ejus. V. Dum enim ad Deum preces emitteret, et pro uni-

verso grege sibi commísso deprecaretur. Globus.

Lectio iij.

**S**I gavisus sum ad ruínam ejus, qui me óderat, et exsultávi quod invenisset eum malum. Non enim dedi ad peccándum guttur meum, ut expéterem maledícens ánimam ejus. Si non dixerunt viri tabernáculi mei : Quis det de cárnibus ejus ut saturémur? Foris non mansit peregrínus, óstium meum viatóri páuit.

R. Beátus Martínus óbitum suum longe ante praescívit, dixítque frátribus \* Dissolutiónem sui córporis imminére, Quia indicávit se jam resólví. V. Víribus córporis coepit repénite destítui, convocátisque discípulis in unum, dixit. Dissolutiónem. Glória Patri. Quia.

In secundo Nocturno.

Añá. Dómine, jam satis est quod hucusque certávi, sed quoad ipse jússeris, militábo : at si parcis aetáti, bonum est mihi : hos, quibus tímeo, ipse custódias.

Añá. Artus febre fatiscéntes spíritui servíre cogébat : stratóque suo illo nóbili cilício récubans, nec terram vidére jam dignátus, caelo totus inhiábat.

Añá. Sínite me, inquit, caelum vidére, ut spíritus dirigátur ad Dóminum : nihil in me

repéret inimícus, sed sinus Abrahæ me suscípiet.

℣. Justum dedúxit Dóminus.

*Ex Severo Sulpicio in ejus vita.*

Lectio iv.



MARTINUS, Sabáriæ in Pannónia natus, cum décimum attigisset annum, invítis paréntibus ad Ecclésiám confúgiens, catechúmenum se fferi postulávit. Miles póstea sub Constántio primum, deínde sub Juliáno factus, quodam témpore, cum nihil præter arma et vestem habéret, Ambíani páuperi nudo, Christi nómine eleemósynam peténti, partem chlámydis dedit. Sequénti nocte Christus, illa vestis parte indútus, ei appáruit, hanc emíttens vocem : Martínus catechúmenus hac me veste contéxit. Quo viso, bonitátem Dei in suo ópere cognóvit. Post hæc baptizátus est.

R. Dixérunt discípuli ad beátum Martínum : Cur nos pater déseris, aut cui nos desolátos relínquis? \* Invádent enim gregem tuum lupi rapáces. ℣. Scimus quidem desideráre te Christum, sed salva sunt tibi tua præmia : nostri pótius miserére, quos déseris. Invádent.

Lectio v.

EXINDE derelícta milítia, sanctum Hilárium Pictáviæ civitátis Episcopum ádiit:

cujus tunc in Dei rebus spectáta et cógnita fides habebátur : et aliquándiu apud eum commorátus est. Tentávit autem idem Hilárius, impósito Diaconii offício, sibi eum ártius implicáre : sed cum saepíssime restitísset, indígnum se esse vocíferans, intelléxit vir Dei, hoc eum modo posse constríngi, si id ei offícium impóneret, in quo quidam locus injúriæ viderétur. Itaque Exorcístam eum esse præcépit : quam ille Ordinatióem non repudiávit.

R. Dómine, si adhuc pópulo tuo sum necessárius, non recúso subíre propter eos labórem : \* Fiat volúntas tua.

℣. Satis est, Dómine, quod hucusque certávi : nec deficientem causábor aetátem, múnia tua devótus implébo. Fiat.

Lectio vj.

DEC multo post admónitus per sopórem, ut pátriam, parentésque, quos adhuc gentilitas detinébat, religiósá sollicitúdine visitáret, ex voluntáte sancti Hilárii proféctus est. Ubi ergo ad pátriam pervénit, matrem gentilitátis absólvit erróre, patre in malis perseveránte; plures tamen suo salvávit exémplo. Póstea ad Hilárium revérsus, et ab eo gratíssime suscéptus, haud longe sibi ab oppido monastérium collocávit. Quo témpore étiam duos mórtuos sus-



citávit : et ália multa miránda fecit.

R. Oculis ac mánibus in caelum semper inténtus, \* Invíctum ab oratióne spíritum non relaxábat. V. Nóbili illo strato suo in cínere et cilscio récubans. Invíctum. Glória Patri. Invíctum.

In tertio Nocturno.

Aña. Média nocte Domínica Sanctus discéssit, cui caeli cives mox óbviant : multi audiérunt voces in sublíme : qui et vitro púrior, lacte candídior, carne quoque monstrátus est gemma Sacerdótum.

Aña. Glorificáti hóminis víderunt glóriam, qui adfuérunt : nam caro, quam cinis semper obtéxerat, ita resplénduit, ut quoddam resurrectiós decus et extínta proférret.

Aña. Adest multitúdo monachórum ac vírginum : hi speciáli glória praecípue flebant, cum sentírent magis esse gaudéndum, si ratióne vis doloris admítteret.

V. Justus ut palma florébit.

Lectio sancti Evangelii secundum Lucam.

Lectio vij. Cap. 11.

**I**N illo témpore: Dixit Jesus discipulis suis : Nemo lucernam accéndit, et in abscondito ponit, neque sub módio : sed supra candelábrum, ut qui ingrediúntur, lumen vídeant. Et reliqua.

Homilía sancti Ambrósii Epíscopi.

Lib. 7. in Lucam.



**C**UIA in superióribus Ecclesiám synagógae praetulit, hortátur nos, ut fidem pótius nostram ad Ecclesiám transferámus. Lucérna enim fides est, juxta quod scriptum est : Lucérna pédibus meis verbum tuum Dómine. Verbum enim Dei, fides nostra est. Verbum Dei lux est : lucérna est fides. Erat lux vera, quae illúminat omnem hóminem veniéntem in hunc mundum. Lucérna autem lucére non potest, nisi aliúnde lumen accéperit.

R. O beátum virum, in cujus tránsito Sanctórum canit númerus, Angelórum exsúltant chori, \* Omniúmque caeléstium virtútum occúrrit psaléntium exércitus! V. Ecclesiá illíus virtúte roborátur, Sacerdótes Dei revelatióne glorificántur : quem Míchaél assúmpsit cum Angelis. Omniúmque.

Lectio viij.

**H**AEC est lucérna, quae accénditur, virtus scilicet nostrae mentis et sensus, ut drachma illa possit, quae perferat, reperíri. Nemo ergo fidem sub Lege constituat. Lex enim intra mensúram est; ultra mensúram grátia. Lex obúmbrat, grátia clarícat. Et ideo nemo fidem suam intra mensúram Legis inclúdat, sed

ad Ecclésiám cónferat, in qua septifórmis Spíritus relúcet grátia, quam princeps ille sacerdotum fulgóre supérnae divinitátis illúminat, ne eam Legis umbra restínguat.

R. O quantus erat luctus ómnium, quanta praecipue moeréntium láménta monachórum! \* Quia pium est gaudére Martíno, et pium est flere Martínium. V. Beáti viri corpus usque ad locum sepúlcri, hymnis canóra caeléstibus turba proséquitur. Quia.

Lectio ix.

**D**ENIQUE lucérna illa, quam matutínis vespertínsque temporibus, ritu veteri Judaeórum, princeps sacerdotum solébat accéndere, velut sub módio sita Legis, evánuit : et civitas illa Jerúsalem, quae in terris est, quae occídít Prophétas, quasi in conválle fletus pósita, delitescit : illa autem Jerúsalem, quae in caelo est, in qua militat fides nostra, in illo altíssimo ómnium locáta monte, hoc est, in Christo, non potest ténebris hujus mundi abscóndi; sed fulgens candóre solis aetérni, luce nos spiritalis grátiae illúminat.

R. Martínus Abrahae sinu laetus excípitur : Martínus hic pauper et módicus \* Caelum dives ingréditur, Hymnis caeléstibus honorátur. V. Martínus Epíscopus migrávit a sae-

culo : vivit in Christo gemma Sacerdotum. Caelum. Glória Patri. Hymnis.

IN LAUDIBUS.

Añá. Dixérunt discípuli ad beátum Martínium : Cur nos pater déseris, aut cui nos desolátos relínquis? invádent enim gregem tuum lupi rapáces. Psalm. Dóminus regnávít. cum ceteris, pag. xj.

Añá. Dómine, si adhuc póculo tuo sum necessárius, non recúso labórem : fiat volúntas tua.

Añá. O virum ineffábilem, nec labóre víctum, nec morte vincéndum : qui nec mori tímuit, nec vívere recusávit!

Añá. Oculis ac mánibus in caelum semper inténtus, invíctum ab oratione spíritum non relaxábat, allelúia, allelúia.

Añá. Martínus Abrahae sinu laetus excípitur : Martínus hic pauper et módicus caelum dives ingréditur, hymnis caeléstibus honorátur.

Ad Benedictus, Añá. O quantus luctus ómnium, quanta praecipue láménta monachórum et vírginum chori! quia pium est gaudére Martíno, et pium est flere Martínium.

In Laudibus fiat Memoria de S. Menna Mart.

Oratio.

**P**RAESTA, quaesumus Omnípotens Deus : ut qui beáti Mennae Mártyris tui

natalítia cólimus, intercessióne ejus in tui nóminis amóre roborémur. Per Dóminum nostrum.

AD VESPERAS.

Super Psalm. Aña j. Laudum.

Ad Magnificat, Aña. O beátum virum, cujus ánima paradísum pössidet! Unde exsultant Angeli, laetántur Archángeli, chorus Sanctórum proclámat, turba Vírginum invítat : Mane nobíscum in aetérnum.

Per Oct. ad Mem. in Laud. et Vesp. Añae ut in die.

Si contingat fieri Officium de infra Octav. S. Martini propter ejus translationem, dicatur in Matutino sequens Invitatorium. Regem Confessorum Dóminum \* Veníte adorémus. et Lectio iij. erit sequens.

*Ex Severo Sulpicio, Dialog. 2. cap. 6. et Fort. lib. 3. in vita S. Martini.*

Lectio iij.

**C**UM ob necessária quaedam negótia Valentiniánum imperatórem sanctus Martínus adiísset, et fóribus palátii arcéri jussus esset, séptimo post die, Angeli mónitu revérsum, ad eum, némine prohibénte, pervénit. Infréndens supérbus princeps, nequáquam assúrgere astánti dignátus est : cum súbito exórtus ignis sellam, in qua sedébat, válide corripuit, e selláque excússum ac-

cúrrere ad virum Dei compéllit, complécti, véniam pétere, et cuncta pro ejus voto conficere.

Si vero contingat, propter illam translationem, fieri Offic. dici oct. omnia fiant ut in festo, praeter seq. In j. Noct. Lect. de Script. curr.

In ij. Noct. Lect. iv. Cum ob necessária. ut supra.

Lectio v.

**C**UM jam per áliquot dies beátus Martínus vi fébrium tenerétur, non tamen a Dei ópera cessábat : pernox in oratióibus et vigíliis, fatiscéntes artus spirítui servíre cogébat, nóbili illo strato suo in cínere et cilício récubans. Et cum a discíulis rogarétur, ut saltem sibi vília síneret straménta supponi : Non decet, inquit, filii, Christiánum nisi in cínere et cilício mori : ego, si áliud exémplum vobis relínquam, ipse peccávi.

Lectio vj.

**M**ESTATI sunt, qui beáti Martíni morti adfuérunt, jam in exánimi córpore glorificáti hómínis glóriam se vidísse. Vultus luce clárior renitébat, cum cétera membra ne ténuis quidem mácula fuscáret. Quis istum unquam cilício tectum, quis cinéribus créderet involútum? Ita vitro púrior, lacte candídior, jam in quadam futúrae resurrecciónis glória, et natúra demutátae carnis osténsus est. Arcádio

igitur et Honório imperántibus, migrávit ad Christum média nocte, quae Domínica fuit. Multi autem in ejus tránsito psalléntium voces audiérunt in caelo.

In iij. Nocturno, Homilia ut in die.

## DIE XII. NOVEMBRIS.

In Dedicatione  
Basilicae SS. Salvatoris.  
Duplex.

Omnia ut in Dedicatione Ecclesiae, pag. 353. praeter, hic posita.

In primo Nocturno.

De libro Apocalypsis beáti  
Joánnis Apóstoli.

Lectio j. Cap. 21.



**T** sústulit me in spí-  
ritu in montem ma-  
gnum, et altum, et  
osténdit mihi civi-  
tátem sanctam Jerúsalem de-  
scendéntem de caelo a Deo,  
habéntem claritátem Dei : et  
lumen ejus símile lápidi pre-  
tíoso tamquam lápidi jáspidis,  
sicut crystállum. Et habébat  
murum magnum, et altum,  
habéntem portas duódecim :  
et in portis Angelos duódecim,  
et nómina inscrípta, quae sunt  
nómina duódecim tríbuum  
filiórum Israël.

Lectio ij.

**E**T erat structúra muri ejus  
ex lápide jáspide : ipsa  
vero cívitas aurum mundum

símile vitro mundo. Et fun-  
daménta muri civitátis omni  
lápide pretíoso ornáta. Fun-  
daméntum primum, jaspis :  
secúndum, sapphírus : tértium,  
chalcedónius : quartum, sma-  
rágdus : quintum, sárdonyx :  
sextum, sárdius : séptimum,  
chrysólithus : octávum, beryl-  
lus : nonum, topázus : déci-  
mum, chrysóprasus : undéci-  
mum, hyacínthus; duodéci-  
mum, amethystus

Lectio iij.

**E**T duódecim portae, duó-  
decim margarítæ sunt,  
per síngulas : et síngulae por-  
tae erant ex síngulis margarí-  
tis : et platéa civitátis aurum  
mundum, tamquam vitrum  
perlúcidum. Et templum non  
vidi in ea. Dóminus enim Deus  
omnípotens templum illíus est,  
et Agnus. Et cívitas non eget  
sole, neque luna ut lúceant in  
ea : nam cláritas Dei illuminá-  
vit eam, et lucérna ejus est  
Agnus.

In secundo Nocturno.

*Ex Romano Breviario.*

Lectio iv.



**I**TUS, quos in conse-  
crándis ecclésiis et  
altáribus Romána  
servat Ecclesia, beá-  
tus Silvéster Papa primus in-  
stítuit. Nam etsi jam ab Apo-  
stolórum témpore loca fuérunt  
Deo dicáta, quae a quibúsdam  
oratória, ab áliis ecclésiæ dice-  
bántur, ubi colléctæ fiébant per

unam sabbati, et christiānus pópulus oráre, Dei verbum audíre, et Eucharistíam súmerē solitus erat : non tamen illa ádeo solémni ritu consecrabántur, nec in eis adhuc in título eréctum erat altáre, quod chrísmate delibútum, Dómini nostri Jesu Christi, qui altáre, hóstia, et sacerdos noster est, figúram exprímeret.


Lectio v.

**S**ED ubi Constantínus imperátor per Baptísma sacraméntum sanitátem salutémque consecútus est, tum primum lege ab eo lata concéssum est, toto orbe terrárum, Christiáni ut ecclésiās aedificárent : quos ille non solum edícto, sed étiam exémplo ad sacram aedificatióem est cohortátus. Nam et in suo Lateranénsi palátio ecclésiā Salvatóri dedicávit, et ei continéntem basilícam nómine sancti Joánnis Baptístae cónclauit, eo loco, quo ipse baptizátus a sancto Silvestro, a lepra mundátus est : quam idem Póntifex consecrávit quinto Idus Novémbris : cujus consecratióis memória celebrátur hodiérno die, quo primum Romae públice ecclésiā consecráta est, et imágo Salvátoris in pariete depícta pópulo Románo appáruit.

Lectio vj.

**Q**UOD si beátus Silvéster póstea in consecratióne altáris Príncipis Apostolórum

decrévit, ut deinceps nisi ex lápide altária non aedificaréntur, tamen basilícae Lateranénsis altáre fuit e ligno eréctum : quod mirum non est. Nam cum a sancto Petro usque ad Silvéstrum, propter persecutióes, Póntífices certo loco consistere non possent; quocúmque eos necéssitas compulísset, sive in cryptas, sive in coemetéria, sive in aedes piórum, super illo altári lígneo, ad arcae similitúdinem cóncavo, sacra faciébant. Quo altári sanctus Silvéster, réddita Ecclésiæ pace, honóris causa Príncipis Apostolórum, qui in illo sacrificásse dicitur, et reliquórum Póntíficum, qui usque ad id tempus ad mystéria conficiénda eo usi fúerant, in Lateranénsi prima ecclésiā collocáto, sancívit, ne quisquam in eo, praeter Románum Póntíficem, Missam deinceps celebráret. Eámdem ecclésiā incendiis, vastatióibus, terrae ínsuper mótibz disjéctam, eversámque, ac sédula summórum Póntíficum cura reparátam, nova póstmodum molitióne restitútam Benedíctus Décimus tértius Póntifex Máximus, Ordinis Praedicatórum, die vigésima octáva Aprílis anni millésimi septingentésimi vigésimi sexti, ritu solémni consecrávit, ejúsque celebritátis memóriam hac die recoléndam státuit.



## DIE XIII. NOVEMBRIS.

S. Didaci Confessoris.  
Simplex. Oratio.

**A**DESTO Dómine supplicatiónibus nostris, quas in beáti Dídaci Confessóris tui solemnitáte deférimus : ut qui nostrae justítiae fidúciam non habémus, ejus, qui tibi plácuit, précibus adjuvémur. Per Dóminum nostrum.

In secundo Nocturno.

Lectio iv.



**D**IDACUS Hispánus ex óppido sancti Nicolái de Portu dioecésis Hispalénsis, ab ineúnte aetáte, pii sub Sacerdótis disciplína, sanctióris vitae solitária in ecclésia tirocínium exércuit. Deínde ut firmius Deo se conjúngeret, in convéntu de Arízzafa Fratrum Minórum (quos Observántes vocant) sancti Francísci Régulam in statu laicáli proféssus est. Magna ibi alacritáte húmilis obediéntiae, et reguláris observántiae jugum súbiens : contemplatióni in primis déditus, mira Dei luce perfundebátur, ádeo ut de rebus caeléstibus, litterárum expers, mirándum in modum, et plane divínitus loquerétur.

Lectio v.

**C**ANARIIS in ínsulis, ubi frátribus sui Ordinis praefuit, multa perpéssus, martyrii aestuans desidério, plures

infidéles verbo et exémplo ad Christi fidem convértit. Romam véniens anno Jubilaei, Nicoláo Quinto Pontífice, aegrotórum curae in convéntu Araecaeli destinátus, eo caritátis afféctu munus hoc exércuit, ut Urbe annónae inópia laboránte, aegrótis tamen, quorum aliquándo úlcerá etiam lambéndo abstergébat, nihil pénitus necessarií defécerit. Exímia quoque fides, et grátia curatiónum in eo elúxit; cum lámpadis, quae collucébat ante imáginem beatíssimae Dei Genitrícis, quam summa devotióne colébat, óleo aegros inúngens, signo crucis impréssó, multórum morbos mirábíliter sanáverit.

Lectio vj.

**D**EMUM Complúti finem sibi vitae adéssé intélligens, lácera et obsoléta indútus túnica, conjéctis in crucem óculis, singulári devotióne illis verbis ex sacro hymno pronuntiátis : Dulce lignum, dulces clavos, dúlcia ferens póndera, quae fuísti digna portáre Regem caelórum, et Dóminum; ánimam Deo réddidit pridie Idus Novémbris, anno Dómini supra millésimum quadringentésimo sexagésimo tértio. Ejus corpus, cum menses non paucos (ut pio confluéntium desidério fíeret satis) insepúltum mansísset, quasi jam incorruptiónem indúerit, odórem sua-

víssimum efflávit. Illum multis et illústribus miráculis clarum, Sixtus Quintus Póntifex Máximus Sanctorum número adscrípsit.

In iij. Nocturno, Homilia in Evang. *Nolíte timere.* ut in Comuni Conf. non Pont. pag. lxvij.

Eodem die Memoria in Laud.

S. Britii Episc. et Conf.

Oratio.

**D**A, quaesumus omnípotens Deus : ut beáti Britii Confessoris tui atque Pontificis veneránda solémnitas, et devotióne nobis áugeat, et salútem. Per Dóminum.

#### DIE XIV. NOVEMBRIS.

B. Joannis Liccii Conf.

Ord. Praed.

Duplex. Oratio.

**D**EUS, qui beátum Joánem Confessórem tuum plena sui abnegatióne, atque exímiae caritátis zelo claréscere voluisti : ejus nobis imitatióne concéde; ut abdicátis terrénis afféctibus, in tua dilectiόne vivámus. Per Dóminum.

In j. Nocturno, Lectiões Beátus vir. de Comm. Conf. non Pont. pag. lxiv.

In secundo Nocturno.

Lectio iv.



**J**OANNES Liccius Cáccabi, quod est Sicíliae óppidum in Panormitána dioecési, húmili génere natus est.

Seméstrem infántulum matre orbátum, ac nutríce ob patris inópiam destitútum, cum solo mali púnici succo alerétur, inédia fere conféctum, pia múlter lactándum suscepit : dum autem viro suo, diutúrna membrórum contractiόne in lecto jacéti, admovísset, is repénte conváluit. A púero, jugi oratiόne, crebris jejúniis, et carnis maceratiόne sese impénse exercebat. Pubertátem vero egréssus, Panórmum dedúctus est, ubi, suadénte Petro Jeremía, sanctitáte claro, Praedicatorum Ordinem, quem ille profitebátur, ampléxus est, positóque virtútum ómnium tirocínio, solémnibus votis árctius sese Deo conjúnxit. Sacris mox lítteris diligentíssime excúltus, apostólico múnere designátus est; quod tanta súbiit eloquentiae divínae vi, ut vel e sáxeis córdibus lácrymas piaepunctiόnis elíceret.

Lectio v.

**E**FFUSUS in ómnia erga próximos caritátis offícia, ómnium ánimos ad se rapiébat. Rem divínam non sine ingénti lacrymárum vi, fervidaeque devotiόnis aestu faciébat. Praecípua in Deíparam Vírginem pietáte ac religiόne fuit : ejúsque Rosárii cultum insígniter auxit, ac propagávit. Cáccabi coenóbium sui Ordinis, loco sibi caelitus indicáto, molítus, matériam óperi perfí-

ciendo paratam divinitus habuit. Calcariam fornacem biduo accensam, et jamjam ruituram, quo ejus casum repararet, ingressus, inde exivit illaesus: aquam vero eo loci scatentem atque exundantem, oratione exsiccavit, absolutoque aedificio, rursum eduxit, praesentissimum deinceps accolis adversus quoscumque morbos remedium.

Lectio vj.

**C**OENOBIO a se constructo diu praefuit Superiorum nutu ac voluntate, Siculamque Praedicatorum provinciam severioris disciplinae zelo, cum summa prudentia et caritate conjuncto, sanctissime administravit. Denique, provecta ad annos fere undecim supra centum aetate, millesimo quingentesimo undecimo, mense Novembri, inter Crucifixi amplexus, ferventisque caritatis actus, placidissime excessit. Ad ejus corpus, triduo insepultum, incredibilis fuit hominum concursus, ob sancti viri famam celebritatemque, novis multisque miraculis auctam. Religiosum jam tum eidem adhibitum cultum, ad haec usque tempora constanter propagatum, sacra Rituum Congregatio probavit: ejusque Officium et Missam ab universo Praedicatorum Ordine, et Panormitanae Ecclesiae clero Benedictus Decimus quartus Pontifex Maximus celebrari concessit.

In iij. Nocturno, Homilia in Evang. Sint Iumbi. de Comm. Conf. non Pont. p. lxxvj.

## DIE XV. NOVEMBRIS.

B. Alberti Magni Episc.  
et Conf. Ord. Praedic.

Totum Duplex. Oratio.

**E**XAUDI, quaesumus Domine, preces nostras, quas in beati Alberti Confessoris tui atque Pontificis solemnitate deferimus: ut qui tibi digne meruit famulari, ejus intercedentibus meritis, ab omnibus nos absolvas peccatis. Per Dominum.

In j. Nocturno, Lectiones Sapientiam. ut in festo S. Bonaventurae, pag. 541.

In secundo Nocturno.

*Ex Petro a Prussia.*

Lectio iv.



**ALBERTUS**, ob singularem eruditionem cognomento Magnus, natione Suevus, ab infantia Deiparae Virgini devotissimus fuit, ex cujus etiam consilio. Ordinem Fratrum Praedicatorum intrare constituit. Verum ob varias daemonis artes mutato deinceps proposito, illud idem venerabilis Patris Jordani monitis adhortationibusque resumpsit. Missus deinde Coloniam Agrippinam, ut philosophiae operam daret, cum ob ingenii hebetudinem condiscipulis suis esset



inférieur, id moléste ferens, Ordinem, quem nondum professus erat, desérere constituit. At caeléstí visioné confirmátus, impetratáque Deíparae Vírginis ope, philosophíae sciéntia ádeo brevi témpore profécit, ut vulgo Philósophus appellarétur.

Lectio v.

**I**NTEREA assíduis préci-  
bus Dei Matrem obsecrá-  
bat, ut in fide confirmarétur :  
ne forte captiósíis philosophó-  
rum ratióñibus illaqueátus, de  
divínis mystériis dubitáret.  
Votis ánnuit benigníssima  
patróna. Ei quippe conspí-  
cuam se praebens : Sapién-  
tiae, inquit, stúdio incúmbe :  
at ne te in fide vacilláre con-  
tíngat, ars omnis syllogística  
ante mortem a te auferétur.  
Signo autem erit, id brevi esse  
futúrum, quod in lectióne  
pública memóriæ lapsum ali-  
quándo patiére. Parísios pós-  
tea missus, tanto auditórum  
concúrsu libros Sententiárum  
expósuit, ut discípulos schola  
non cáperet. Quare in platéa  
pública docére compúlsus est,  
quae ob id Magístri Albérti  
platéa etiámnum hódie nun-  
cupátur.

Lectio vj.

**C**OLONIAM inde revérsus,  
sanctum Thomam Aquí-  
nátém discípulum hábuit, cujus  
futúram doctrínam exímiam  
prophético spírítu praedíxit.

Humilitáte ac paupertáte po-  
tíssimum excélluit. Ab Urbáno  
Quarto Romam vocátus, Ratis-  
bonénsi Ecclesiæ Epíscopus  
datus est. Guillélmum Reli-  
giósi status impugnátorem  
fudit : erróres vários in con-  
cílio Lugdunénsi confutávit.  
Post dimíssum Episcopátum,  
dum annum ágeret octogési-  
mum tértium, Colóniae in  
pública lectióne memóriæ la-  
psus passus est : unde immi-  
néntem óbitus sui diem prae-  
nóvit. Ac tandem compléto  
octogésimo séptimo, migrávit  
ad Dóminum, anno salutis  
millésimo ducentésimo octo-  
gésimo.

In iij. Nocturno, Homilia in  
Evang. Homo péregre. ut in  
Comm. Conf. pag. lxj.

DIE XVI. NOVEMBRIS.

B. Luciae Narniensis Virg.

Ord. Praed.

Duplex. Oratio.

**D**EUS, qui beátam Lucíam,  
passiósí Filii tui signá-  
culis mirábiliter decorátam;  
virginitátis et patiéntiae donis,  
blandiéntem mundum elúdere,  
et persequéntem superáre fecí-  
sti : da ut ejus intercessióne et  
exémpló, nec terrénis vincá-  
mur illécebris, nec ullis fran-  
gámur advérsis. Per eúndem  
Dóminum.

In j. Nocturno, Lectiones  
De virgínibus. ut in Comm.  
Virg. non Mart. pag. lxxxij.

In secundo Nocturno.

Lectio iv.

**L**UCIA Narniënsis, nóbili génere orta, prophetiæ donum, pietatémque cum lacte suxisse visa est. Nam adhuc infántula futura multa praedixit : negléctis puerilibus nugis, aliisque spretis aetátis oblectaméntis, sacris imaginibus coléndis, fundendisque piis precationibus únice delectabátur. Crescénte aetáte, gravíssimis conflictáta morbis, jugi Sanctorum apparitióne mirabíliter sanáta est. Vírginum Sponso, a quo prae céteris donis et charismátibus, visíbili ánulo subarrháta fúerat, virginitátem perpétuo consecrávit. Oblátas sibi a paréntibus núptias constantíssime recusávit : sed divíno mónitu in eas demum consénsit, ínito cum sponso pacto, virginitátem ejus ne laederet, quam prorsus íntegram ad mortem usque servásse, constans est scriptórum assértio, Apostólicae sedis consensióne firmáta.

Lectio v.

**S**EVERAM prióris vitae ratióne[m] matrimónio júncta neque emólliit, neque intermísit. Oratió[n]ibus, jejúniis, vigíliis, aliisque afflictatió[n]ibus carnem mirífice súbigens, jugi communionis Eucharísticae usu spíritum reficiébat.

Saeculi luxum vanitatésque perósa, pretiósas véstibus in páuperes, quos exímia caritaté complectebátur, distribútis, vilioribus utebátur : ad ínfima abjectiós[n]is offícia ultro libénsque sese demíttens, diutúrnas ac graves daemonum moléstias patientíssime tulit ac fregit. Ab ipso sponso dúrius hábita, arctóque cárcere aliquándo reclúsa, vitae innocéntia, atque constántia id demum obtínuit, ut ab eo sejungerétur. Quare hábitu tértii Ordinis Praedicatórum devóte suscepto, Romam profécta, inde Vitérbium a Superiór[um] missa, sacris ibídem stigmátibus, iisdémque conspícuís ac cruéntis, a Christo Dómino mirabíliter insigníta est.

Lectio vj.

**R**ESTAURATA Vitérbii apud sui Ordinis sanctimoniales regulári disciplína, adnitente Hércule Primo Ferráriae duce, ad eam civitátem summi Pontíficis jussu migrávit : ubi constrúcto sub invocatióne sanctae Catharinae Senénsis amplíssimo monasterio, instituéndis nobílibus puéllis, dirigendisque sacris virgínibus, summa caritaté, prudéntia, ac vigilántia diu praefécta est. Hóminum calúmniis, injúriis, contuméliis, ac derisió[n]ibus per annos trigínta et octo, variisque morborum cruciátibus probáta, sae-

pius tamen caeléstibus recreáta visionibus, migrávit ad Sponsum, anno millésimo quingentésimo quadragésimo quarto, aetátis vero suae sexagésimo. Ejus corpus Ferráriae, adhuc incorruptum, sacrorúmque stigmatum cicatrícibus in eo conspícuís, anno millésimo septingentésimo décimo repértum est, cum ex eo decísum crus ad civitátem Narniensem translátum est, ubi magnífico sacéllo excéptum, religiosíssime cólitur. Beátae Lucíae cultum Clemens Undécimus approbávit : ejus vero festum cum Offício et Missa uníus Vírginis in univérso Praedicatorum Ordine, atque a clero Narniensi, Viterbiensi, et Ferrariensi, Benedíctus Décius tértius celebrári concéssit.

In iij. Nocturno, Homilia in Evang. Símile erit regnum caelórum decem virgínibus. ut in Comm. Virg. non Mart. pag. lxxxv.

## DIE XVII. NOVEMBRIS.

S. Gregorii Thaumaturgi  
Episc. et Conf.  
Duplex. Oratio.

**D**A, quaesumus omnípotens Deus : ut beáti Gregórii Confessoris tui atque Pontíficis veneránda soléninitas, et devotióne nobis áugeat, et salútem. Per Dóminum.

In secundo Nocturno.

Lectio iv.



**G**REGORIUS, Neocaesaréae Ponti Episcopus, sanctitáte doctrínáque illústris, signis vero ac miráculis multo illústrior, quorum multitudíne atque praestántia Thaumáturgus appellátus est, et sancti Basílii testimónio, cum Móyse, Prophétis, et Apóstolis comparátus; montem, qui ecclésiæ aedificatióne impediébat, oratióne álio tránstulit. Item palúdém, inter fratres causam discordiárum, exsiccávit. Lycum flúvium perniciosé agros inundántem, defíxo ad ripam, quo sustentabátur, báculo, qui statim viréntem crevit in árbo-rem, coércuit, ut póstea ultra eum términum non efflúxerit.

Lectio v.

**S**AEPISSIME daemones ex idolórum simulácris, atque ex hóminum corpóribus ejécit, múltaque ália mirabíliter effécit, quibus innumerábiles hómines traxit ad Jesu Christi fidem, cum étiam prophético spírítu futúra praedíceret. Qui migratúrus e vita, cum quaesísset, quot in civitáte Neocaesariénsi réliqui essent infidéles, responsúmque esset, tantum esse septémdecim; Deo grátias agens, Tótidem, inquit, erant fidéles, cum cepi Episcopátum. Plura scripsit, quibus étiam, non solum miráculis, Dei Ecclésiám illustrávit.

Sermo sancti Máximi Epíscopi.

*Ex Homilia 59. quae est 2.  
de sancto Eusebio.*

Lectio vj.

**B**EATI Patris Gregórii mérita jam in tuto pósita secúri magnificémus : qui gubernáculum fídei viríliter tenens, áncoram spei tranquílla jam in statióne compósuit, et plenam caeléstibus divítiis, et aetérnis mércibus navem, optáto in lítore collocávit. Qui contra omnes adversários scutum timóris Dei tándiu infatigabíliter ténuít, donec ad victóriam perveníret. Quid enim fuit totus vitae illús cursus, nisi unus cum vígili hoste confíctus?

In tertio Nocturno.

Lectio sancti Evangélii secúndum Marcum.

Lectio vij. *Cap. 11.*

**I**N illo témpore : Respóndens Jesus discípulis suis, ait illis : Habéte fidem Dei. Amen dico vobis, quia quicúmque díxerit huic monti, Tóllere, et míttre in mare, et non haesitáverit in corde suo, sed crediderit, quia quodcúmque díxerit, fiat, fiet ei. Et réliqua.

Homilía venerábilis Bedae Presbyteri.

*Lib. 3. Comm. in Marc.  
cap. 11.*



**S**OLENT Gentíles, qui contra Ecclesiám maledícta scripsére, impropérare nostris, quod non habúerint plenam

fidem Dei, quia nunquam montes transférre potúerint. Quibus respondéndum est, non ómnia scripta esse, quae in Ecclesiá sunt gesta, sicut étiam de factis ipsíus Christi et Dómini nostri Scriptúra testátur. Unde et hoc quoque fieri potuísset, ut mons ablátus de terra mitterétur in mare, si necéssitas id fieri poposcísset; quómodo légimus factum précibus beáti Patris Gregórii Neocaesaréae Ponti Antístitis, viri méritis et virtútibus exímii, ut mons in terra tantum loco céderet, quantum incolae civitátis opus habébant.

Lectio viij.

**C**UM enim volens aedificáre ecclesiám in loco apto, vidéret eum angustiórem esse, quam res exigébat, eo quod ex una parte rupe maris, ex ália monte próximo coarctarétur; venit nocte ad locum, et génibus flexis admónuit Dóminum promissionis suae, ut montem lóngius juxta fidem peténtis ágeret. Et mane factó revérsus, invénit montem tantum spátii reliquísse structóribus ecclesiáe, quantum opus habúerant. Póterat ergo hic, póterat álius quis ejúsdem mériti vir, si opportúnitas exegísset, impetráre a Dómino mérito fídei, ut étiam mons tollerétur, et mitterétur in mare.

Lectio ix.

**V**ERUM quia montis nómine nonnúnquam diabolus significátur, vidélicet propter supérbiam, qua se contra Deum érigit, et esse vult símilis Altíssimo : mons ad praecéptum eórum, qui fortes fide sunt, tollitur de terra, et in mare projícitur, cum praedicántibus verbum doctóribus sanctis, immúndus spíritus ab eórum corde repéllitur, qui ad vitam sunt praeordináti, et in turbuléntis amarisque infidélium méntibus vesániam suae tyránnidis exercére permíttitur.

**DIE XVIII. NOVEMBRIS.**

In Dedicatione Basilicarum  
SS. Apost. Petri et Pauli.  
Duplex.

Omnia ut in Dedicatione Ecclesiae, pag. 353. praeter hic posita.

Mem. diei oct. Simplicis S. Martini in utrisque Vesperis et in Laudibus.

In j. Nocturno, Lectiones  
**Et sústulit.** ut in Dedic. Basil.  
SS. Salvat. pag. 879.

In secundo Nocturno.

Lectio iv.



**X** locis sacris, quae olim apud Christiános veneratióem habuérent, illa celeberrima et frequentíssima fuérunt, in quibus cóndita Sanctórum

córpora, vel áliquod Mártyrum vestígium aut monuméntum esset. In quorum número sanctórum locórum, in primis semper fuit insígnis ea Vaticanáni pars, quam sancti Petri Confessióem appellábant. Nam eo Christiáni ex ómnibus orbis terrae pártibus, tamquam ad fidei petram et Ecclesiae fundaméntum conveniéntes, locum Príncipis Apostolórum sepúlcro consecrátum summa religióne ac pietáte venerabántur.

Lectio v.

**I**LLUC Constantínus Magnus imperátor, octávo die post susceptum baptísmum venit : depositóque diadémate, et humi jacens, magnam vim lacrymárum profúdit : mox sumpto ligóne ac bidénte, terram éruit, indéque duodecim terrae cóphinis, honóris causa duodecim Apostolórum, ablátis, ac loco basilicae Príncipis Apostolórum designáto, ecclesiám aedificávit. Quam sanctus Silvéster Papa décimo quarto Kaléndas Decémbris, eo modo quo Lateranénsem ecclesiám quinto Idus Novémbris consecráverat, dedicávit, et in ea altáre lapídeum chrísmate delibútum eréxit : atque ex eo témpore sancívit, ne deinceps altária nisi ex lápide fierent. Idem beátus Silvéster basilícam sancti Pauli Apóstoli in via Ostiénsi, ab eódem

Constantino imperatore magnificētissime aedificatam, dedicavit. Quas basilicas idem imperator multis praediis attributis locupletavit, ac muneribus amplissimis exornavit.

## Lectio vj.

**P**ORRO Vaticanam basilicam, vetustate jam pridem collabentem, ac propterea multorum Pontificum pietate latius ac magnificētius a fundamenti erectam, Urbanus Octavus hac eadem recurrente die anni millésimi sexcentésimi vigésimi sexti solémni ritu consecravit. Basilicam vero Ostiensem cum dira incendiis vis anno millésimo octingentesimo vigésimo tertio penitus consumpsisset, indefessa quatuor Pontificum cura splendidius quam antea erectam, et ab interitu veluti vindicatam, Pius Nonus, auspiciatissimam nactus occasionem, qua dogma de immaculata beatae Mariae Virginis Conceptione, nuper ab ipso proclamatum, ingentem Cardinalium et Episcoporum numerum ex dissitis etiam catholici orbis regionibus Romam attraxerat, die decima Decembris anni millésimi octingentesimi quinquagésimi quarti, tanta circumdatus purpuratorum Patrum, et Antistitum corona, solémniter dedicavit, ejusque celebritatis memoriam hac die recolendam decrevit.

## DIE XIX. NOVEMBRIS.

S. Elisabeth Viduae.

Duplex.

Oratio.

**M**UORUM corda fidelium Deus miserator illustra: et beatae Elisabeth precibus gloriosis, fac nos prospera mundi despiciere, et caelesti semper consolatione gaudere. Per Dominum nostrum.

In secundo Nocturno.

*Ex Bulla Canonizationis,  
et ex probat. histor.*

## Lectio iv.



**ELISABETH** Andree regis Hungariae filia, ab infántia Deum timere coepit, et crescens aetate, crevit etiam pietate. Ludovico lantgravio Hassiac et Thuringiae in conjugem copulata, non minori cura, quae Dei, quam quae viri sui erant, exsequebatur. Surgens enim nocturno tempore, orationi diu incumbibat, ac variis misericordiae officiis dedita, viduis, pupillis, aegrotis egentibus sedulo inserviebat: gravique fame urgente, domus suae frumenta liberaliter erogabat. Leptosos hospitio suscipiens, manus eorum et pedes osculabatur. Curandis autem, et alendis pauperibus, insigne xenodochium construxit.

## Lectio v.

**V**IRI destituta praesidio, obedientiae jugo, quod sub lege posita maritali, abs-

que ipsius praeiudicio ampléxa fúerat, se arctávit : Religiónis hábitum índuit, sub quo Domínicae passiónis in se celebráre mystérium, usque in diem últimum non omísit. Nam bonis ómnibus exúta, a propriis aedibus ejécta, ab ómnibus derelícta, contumélias, irrisiões, obtrectatiões invícto ánimo tolerávit, ádeo ut sumópere gauderet, se tália pro Deo pati. Ad ínfima quaeque ministéria erga páuperes et aegrótos se abjiciens, eis necessaria procurábat, solis oléribus et legumínibus pro suo victu conténta.

Lectio vj.

**C**UM vero in his, aliisque plúrimis sanctis opéribus vitam religiosíssime transégisset, finis tandem suae peregrinatiónis advénit, quem domésticis suis ante praedíxit. Cumque defíxis in caelum óculis, divínae contemplatióni vacáret, a Deo mirabíliter recreáta, et Sacraméntis refécta, obdormívit in Dómino : statímque plúrima ad ejus túmulum miracula patrátá sunt. Quibus audístis, et rite probátis, Gregórius Nonus Sanctórum número eam adscrípsit.

In tertio Nocturno.

Lectio sancti Evgángelii secúndum Lucam.

Lectio vij. Cap. 21.

**I**N illo témpore : Respiciens Jesus vidit eos, qui mittébant múnera sua in

gazophylácium, dívites. Et reliqua.

Homilía sancti Ambrósii  
Epíscopi.

*Ex Lib. de Viduis, cap. 5.*



**V**IDUA haec ómnibus antefértur, de qua dictum est : Vidua haec plus ómnibus misit. In quo moráliter Dóminus ínstruit univérso, ne quis a collatióne ministérii, paupertátis pudóre revocétur : nec sibi dívites blandiántur, quod plus videántur conférre, quam páuperes : ubérior est enim nummus e parvo, quam thesáurus e máximo : quia non quantum datur, sed quantum resídeat, expénditur. Nemo plus tríbuit, quam qui sibi nihil relíquit. Quid tu dives, egéni comparatióne te jactas? Et cum tota oneréris auro, pretiósam per humum trahens vestem, quasi inférior tuis, et parva divítiis, honorári desíderas, quia ínopem collatióne vicísti?

Lectio viij.

**N**EC mystice tamen despéxeris hanc mulierem in gazophylácium duo aera miténtem. Magna plane fémina, quae divíno iudício méruit ómnibus anteférri. Ne forte illa sit, quae de fide sua ad subsídium hóminum duo testaménta contúlerit : et ídeo nulla plus fecit. Nec quisquam hóminum quantitátem pótuít collatiónis ejus aequáre, quae

fidem cum misericórdia copulávit. Et tu igitur, quaecúmque vitam stúdio viduitátis exérces, ne dúbites ad gazophylá-cium duo aera deférre, vel fidei plena, vel grátiae. Felix illa, quae de thesáuro suo íntegram Regis imáginem profert.

Lectio ix.

**T**HESAURUS tuus sapientia, thesáurus tuus cástitas atque justitia est, thesáurus tuus intelléctus bonus. Habes et tu thesáurum hunc, si in te requíras : habémus enim thesáurum in vasis fictílibus. Habes aurum, quod cónferas. Non enim niténtis metálli prétium de te Deus éxigit; sed illud aurum, quod iudicii die néqueat ignis exúrere. Nec dona pretiósá depóscit, sed odórem fidei, quem altária tui cordis exhálent, et religiósae mentis spiret afféctus. Ex hoc igitur thesáuro, non solum Magórum tria mún-nera, sed étiam duo víduae aera promúntur, in quibus íntegra caeléstis imágo Regis effúlgeat.

DIE XX. NOVEMBRIS.

S. Felicis de Valois Conf.

Duplex. Oratio.

**D**EUS, qui beátum Felícem Confessórem tuum ex erémo ad munus rediméndi captívos caelitus vocáre dignátus es : praesta quaesumus, ut per grátiam tuam ex peccatórum nostrórum captivité,

eius intercessióne liberáti; ad caeléstem pátriam perducá-mur. Per Dóminum.

In secundo Nocturno.

*Ex Romano Breviario.*

Lectio iv.



**E**LIX, Hugo ántea dictus, ex regáli Valesiórum familia ortus in Gállia, ab ineúnte aetáte non lévia dedit futúrae sanctitátis indícia, praesértim misericórdiae erga páuperes : nam adhuc infántulus, manu própria, ac si grándior esset, et iudicii maturitáte polléret, nummos egénis distríbuit. Jam grandiúsculus, solébat ex appósitis in mensa dápi-bus ad ipsos míttere, et ferme eo, quod sapí-dius erat, obsónio paupérculos púeros recreábat. Adoléscens non semel véstibus se spoliávit, ut ínopes cooperíret. Ab avúnculo Theobáldo, Campániae et Blésii cómite, vitam reo mortis impetrávit, praedícens hunc infámem háctenus sicárium, mox sanctíssimis prae-ditum móribus evasúrum : verídicum testimónium monstrávit evéntus.

Lectio v.

**P**OST exáctam laudabíliter adolescéntiam, coepit ex caeléstis contemplatiónis stúdio solitúdinem cogitare : prius tamen vóluit sacris initiári, ut omnem regni, a cujus successióne, jure legis Sálicae,



non longe distábat, spem sibi praecíderet. Sacerdos factus, et prima Missa devotíssime celebráta, non multo post in erémum secéssit, ubi summa abstinéntia víctitans, caeléstium charísmatum abundántia pascebátur. Ibi cum sancto Joánnē de Matha Parisiēsi doctóre, a quo ex divína inspiratióne quaesítus et invéntus, per áliquot annos sanctíssime vixit : donec ambo, per Angelum a Deo admóniti, Romam petiérunt, speciálem a summo Pontífice vivéndi régulam impetráturi. Facta igitur Innocéntio Papae Tértio inter Missárum solémnia revelatióne Religiónis et institúti de rediméndis captívis, ab ipso Pontífice, simul cum sócio cándidis véstibus, bicolóri cruce signátis, indúitur, ad eam formam, qua Angelus indútus apparuit : et insuper vóluit Póntifex, ut nova Relígio, juxta tríplicem colórem, quo hábitus constat, sanctíssimae Trinitátis título decorarétur.

Lectio vj.

**R**EGULA própria ex summi Pontíficis Innocéntii confirmatióne accépta, in dioecési Meldénsi apud locum, qui Cervus frígidus dícitur, primum Ordinis paulo ante a se et sócio exstrúctum coenóbium ampliávit, ubi religiósam observántiam, et Redemptiόνis institútum mirífice cóluit, ac

inde per alúmnos in álias provincias diligentíssime propagávit. Illústrem hic a beáta Vírgine matre favórem accépit : dormiéntibus síquidem cunctis frátribus, et ad matutínas preces in pervigílio Nativitátis Deíparae média nocte recitándas, Deo sic disponéte, non surgéntibus, Felix de more vígilans, et horas praeveniēns, chorum ingressus, réperit beátam Vírginem in médio chori, hábitu cruce Ordinis insigníto indútam, ac caelítibus simíliter indútis sociátam. Quibus permístus Felix, praecinénte Deípara, laudes divínas concínuit, ritéque persólvit. Et quasi jam a terréstri ad caeléstem chorum evocarétur, instántis mortis ab Angelo cértior factus, fílios ad caritátem erga páuperes et captívos adhórtans, ánimam Deo réddidit, aetáte ac méritis consummátus, anno post Christum natum ducentésimo duodécimo supra millésimum, sub eódem Pontífice Innocéntio Tértio.

In iij. Noct. Homilia in Evang. Nolíte timére. ut in Comm. Conf. non Pont. p. lxvij.

## DIE XXI. NOVEMBRIS.

In Praesentatione B. Mariae V.  
Totum Duplex.

Praeter hic posita, omnia fiant sicut in Nativitate ipsius, mutato nomine Nativitátis in Praesentatiónis. *P. 684.*

Oratio.

**D**EUS, qui beatam Mariam semper virginem, Spiritus sancti habitaculum hodierna die in templo praesentari voluisti; praesta quaesumus, ut ejus intercessione in templo gloriae tuae praesentari mereamur. Per Dominum. in unitate ejusdem.

In primo Nocturno.

De Canticis canticorum.

Lectio j. *Cap. 5. et 6.*

**A**DJURO vos filiae Jerusalem, si invenieritis dilectum meum, ut nuntiatis ei quia amore langueo. Qualis est dilectus tuus ex dilecto, o pulcherrima mulierum? qualis est dilectus tuus ex dilecto, quia sic adjurasti nos? Dilectus meus candidus et rubicundus, electus ex millibus. Caput ejus aurum optimum: comae ejus sicut elatae palmarum, nigrae quasi corvus. Oculi ejus sicut columbae super rivulos aquarum, quae lacte sunt lotae, et resident juxta fluentia plenissima. Genae illius sicut areolae aromatum consitae a pigmentariis. Labia ejus lilia distillantia myrrham primam.

R. Hodie praesentata est beata Virgo Maria ex progenie David, per quam salus mundi credentibus apparuit: \* Cujus vita gloriosa lucem dedit saeculo. V. Beatissimae Virginis Mariae Praesentatio-

nem devotissime celebramus. Cujus.

Lectio ij.

**M**ANUS illius tornatiles aureae, plenae hyacinthis. Venter ejus eburneus, distinctus sapphis. Crura illius columnae marmoreae, quae fundatae sunt super bases aureas. Species ejus ut Libani, electus ut cedri. Guttur illius suavissimum, et totus desiderabilis: talis est dilectus meus, et ipse est amicus meus, filiae Jerusalem. Quo abiit dilectus tuus o pulcherrima mulierum? quo declinavit dilectus tuus, et quaeremus eum tecum? Dilectus meus descendit in hortum suum ad areolam aromatatum, ut pascatur in hortis, et lilia colligat.

R. Gloriosae Virginis Mariae Praesentationem dignissimam recolamus: \* Cujus Dominus humilitatem respexit: quae Angelo nuntiante concepit Redemptorem mundi. V. Hodie praesentata est beata Virgo Maria ex progenie David. Cujus.

Lectio iij.

**E**GO dilecto meo, et dilectus meus mihi, qui pascitur inter lilia. Pulcra es amica mea, suavis, et decora sicut Jerusalem: terribilis ut castrorum acies ordinata. Averte oculos tuos a me, quia ipsi me avolare fecerunt. Ca-

pílli tui sicut grex caprárum, quae apparuerunt de Gálaad. Dentes tui sicut grex óvium, quae ascenderunt de lavácro, omnes geméllis fétibus, et stérilis non est in eis. Sicut cortex mali púnici, sic genae tuae absque occúltis tuis.

In secundo Nocturno.

Ex libro sancti Joánnis Damascéni de Fide orthodoxa.

*Lib. 4. cap. 15.*

Lectio iv.

**I**OACHIM lectíssimam illam, ac summis láudibus dignam mulierem Annam matrimónio sibi copulávit. Verum quemádmódum prisca illa Anna, cum sterilitátis morbo laboráret, per oratióem ac promissióem Samuélem procreávit; eódem modo haec étiam per obsecratióem et promissióem, Dei Genitrícem a Deo accépit, ut ne hic quoque cúsqum ex illústribus matrónis céderet. Itaque Grátia, nam hoc sonat Annae vocábulum, Dóminam parit, id enim Maríae nómine significátur : vere étenim rerum ómnium conditárum Dómina facta est, cum Creatóris mater éxstitit.

Lectio v.

**I**N lucem autem éditur in domo probáticae Jóachim, atque ad templum addúcitur : ac deínde in domo Dei plantáta, atque per Spíritum sagi-

náta, instar olívae frugíferae, virtútum ómnium domicílium effícitur : ut quae vidélicet ab omni hujúsce vitae, et carnis concupiscéntia mentem abstráxisset, atque ita vírginem una cum córpore ánimam conservásset : ut decébat eam, quae Deum sinu suo exceptúra erat.

Ex libro sancti Ambrósii Epíscopi de Virgínibus.

*Lib. 2. post init.*

Lectio vj.

**M**ALIS fuit María, ut ejus uníus vita, ómnium sit disciplína. Si igitur auctor non dísplicet, opus probémus : ut quaecúmque sibi ejus exóptat praemium, imitétur exéplum. Quantae in una vírgine spécies virtútum émicant! Secrétum verecúndiae, vexíllum fídei, devotiónis obséquium : virgo intra domum, comes ad ministérium, mater ad templum. O quantis illa virgínibus occúrret; quantas compléxa ad Dóminum trahet, dicens : Haec torum fílii mei, haec thálamus nuptiáles immaculáto servávit pudóre!

In iij. Nocturno, Homilia in Evangelium, **Loquente.** ut in festo S. Mariae ad Nives, pag. 594. cum subiectis R̃R̃. Verum in R̃. ix. sic conclud. **V.** quicúmque célebrant tuam Praesentatióem.

—\*—

## DIE XXII. NOVEMBRIS.

S. Caeciliae Virg. et Mart.  
Duplex.

Omnia hic non propria desumantur ex Comm. unius Virg. et Mart.

## IN I. VESPERIS.

Ad Mem. Aña. Virgo gloriósa semper Evangélium Christi gerébat in pectore suo, et non diébus neque nóctibus a collóquiis divinis et oratióne cessábat.

## Oratio.

**D**EUS, qui nos ánnua beátae Caeciliae Vírginis et Mátyris tuae solemnitate laetíficas : da ut quam venerámur officio, étiam piae conversatiónis sequámur exémplo. Per Dóminum.

## In primo Nocturno.

Aña. Caecília Virgo Almáchium exsuperábat : Tibúrtium et Valeriánum ad corónas vocábat.

Aña. Expánsis mánibus orábat ad Dóminum, ut eam eríperet de inimícis.

Aña. Cilício Caecília membra domábat : Deum gemíibus exorábat.

V. Diffúsa est grátia.

Leet. Confitébor tibi. ut in Comm. Virg. et Mart. p. lxxxiiij.

Rz. j. Cantántibus órganis, Caecília Virgo in corde suo soli Dómino decantábat, dicens :  
\* Fiat Dómine cor meum, et corpus meum immaculátum, ut

non confúndar. V. Biduánis ac triduánis jejúniis orans, suam Dómino pudicítiam commen-dábat, dicens. Fiat.

Rz. ij. O beáta Caecília, quae duos fratres convertísti, Almáchium júdicem superásti, \* Urbánum Episcopum in vultu angélico demonstrásti. V. Beáta es Virgo, et gloriósa : et benedíctus sermo oris tui. Urbánum.

Rz. iiij. Virgo gloriósa semper Evangélium Christi gerébat in pectore, \* Et non diébus neque nóctibus vacábat A collóquiis divinis et oratióne. V. Cilício Caecília membra domábat : Deum gemíibus exorábat. Et non. Glória Patri. A collóquiis.

## In secundo Nocturno.

Aña. Dómine Jesu Christe, seminátor casti conslíi, sús-cipe séminum fructus, quos in Caecília seminásti.

Aña. Beáta Caecília dixit ad Tibúrtium : Hódie te fáteor meum esse cognátum, quia amor Dei te fecit esse contemptórem idolórum.

Aña. Fiat Dómine cor meum, et corpus meum immaculátum, ut non confúndar. V. Spécie tua.

*Ex Romano Breviario.*

## Lectio iv.



**C**AECILIA, virgo Romána, nóbili génere nata, a prima aetáte christiánae fídei prae-céptis institúta, virginitátem

suam Deo vovit. Sed cum póstea contra suam voluntátem data esset in matrimónium Valeriáno, prima nuptiárum nocte hunc cum eo sermónem hábuit : Ego, Valeriáne, in Angeli tutelá sum, qui virginitátem meam custódit : quare ne quid in me commíttas, quo ira Dei in te concitétur. Quibus verbis commótus Valeriánus, illam attín- gere non est ausus : quin étiam áddidit, se in Christum creditúrum, si eum Angelum vidéret. Cui Caecília cum sine baptísimo negáret id fieri posse, incénsus cupiditáte vidé-ndi Angelum, se baptizári velle respóndit. Quare hortátu Vir- ginis ad Urbánum Papam, qui propter persecutió- nem in Mártyrum sepúlcris via Ap- pia latébat, véniens, ab eo baptizátur.

R7. Cilício Caecília membra domábat, Deum gemítibus exorábat : \* Almáchium ex- superábat, Tibúrtium et Vale- riánum ad corónas vocábat. V. Non diébus neque nócti- bus vacábat a collóquiis diví- nis et oratióne. Almáchium.

Lectio v.

**I**NDE ad Caecíliam revér- sus, orántem, et cum ea Angelum, divíno splendóre fulgéntem, invénit. Quo aspé- ctu obstupefáctus, ut primum ex timóre confirmátus est, Tibúrtium fratrem suum ac-

cérsit : qui a Caecília Christi fide imbútus, et ab eódem Urbáno baptizátus, ipse étiam ejúsdem Angeli, quem frater ejus víderat, aspéctu dignátus est. Utérque autem paulo post, Almáchio praefécto, constán- ter martyrium súbiit. Qui mox Caecíliam comprehé-ndi ímpe- rat, ab eáque primum, ubi Tibúrtii et Valeriáni facultátes sint, exquírit.

R7. Caecília me misit ad vos, ut ostendátis mihi sanctum Urbánum : \* Quia ad ipsum hábeo secréta, quae pérferam. V. Cumque pro signo acce- pérítis benedictiόnem ejus, dúcite me ad sanctum Antí- stitem. Quia.

Lectio vj.

**C**UI cum Virgo ómnia illó- rum paupéribus distri- búta esse respondísset, eo fu- róre concitátus est, ut eam in ipsús aedes reduétam, in bálneo combúri jússerit. Quo in loco cum diem noctémque ita fuísset, ut ne flamma qui- dem illam attíngeret, eo im- míssus est cárnifex, qui ter secúri ictam, cum caput abscín- dere non potuísset, semivívam relíquit. Illa trídúo post, déci- mo Kaléndas Decémbris, Alex- ándro imperátore, dúplici vir- ginitátis et martyrii palma decoráta, evolávit in caelum : cujus corpus ab ipso Urbáno Papa in Callísti coemetério sepúltum est, in ejus aedibus

ecclésia ipsius Caeciliae nómine consecrata. Ejus, et Urbáni ac Lúcii Pontíficum, Tibúrtii, Valeriáni, et Máximi cörpera a Pascháli Primo Pontífice inde translata in Urbem, in eadem sanctae Caeciliae ecclésia cón dita sunt.

R̃. Caeciliam intra cubiculum orántem invénit, et juxta eam, stantem Angelum Dómini : \* Quem videns Valeriánus, Nímio terróre corréptus est. V. Angelus Dómini descendit de caelo, et lumen refúlsit in habitáculo. Quem. Glória Patri. Nímio terróre.

In tertio Nocturno.

Aña. Crédimus Christum Fílium Dei, verum Deum esse, qui sibi talem elégit fámulam.

Aña. Nos sciéntes sanctum nomen ejus, omníno negáre non póssumus.

Aña. Tunc Valeriánus perrexit ad Antístitem, et signo, quod accéperat, invénit sanctum Urbánum.

V. Adjuvábít eam Deus.

Homília in Evang. Símile erit regnum caelórum decem virgínibus. ut in Comm. Virg. pag. lxxxv.

R̃. vij. Dómine Jesu Christe pastor bone, seminátor casti consílii, súscipe séminum fructus, quos in Caecília seminásti : \* Caecília fámula tua quasi apis tibi argumentósa desérvit. V. Nam sponsum, quem quasi leónem fe-

rócem accépit, ad te quasi agnum mansuetíssimum destinávit. Caecília.

R̃. viij. Beáta Caecília dixit Tibúrtio : Hódie te fáteor meum esse cognátum, \* Quia amor Dei te fecit esse contemptórem idolórum. V. Sicut enim amor Dei mihi fratrem tuum cónjugem fecit, ita te mihi cognátum faciet. Quia.

R̃. ix. Dúm auróra finem daret, Caecília dixit : \* Eia mílites Christi, abjícite ópera tenebrárum, Et induímini arma lucis. V. Caecília valedicens frátribus, et exhórtans eos, ait. Eia mílites. Glória Patri. Et induímini.

IN LAUDIBUS.

Aña. Cantántibus órganis, Caecília Dómino decantábat, dicens : Fiat cor meum immaculátum, ut non confúndar. Psalm. Dóminus regnávit. cum ceteris, pag. xj.

Aña. Est secrétum, Valeriáne, quod tibi volo dícere : Angelum Dei hábeo amatórem, qui nímio zelo custódit corpus meum.

Aña. Valeriánus in cubículo Caeciliam cum Angelo orántem invénit.

Aña. Benedíco te, Pater Dómini mei Jesu Christi, quia per Fílium tuum ignis exstíctus est a látere meo.

Aña. Caecília fámula tua, Dómine, quasi apis tibi argumentósa desérvit.

Ad Benedictus, Aña. Dum auróra finem daret, Caecília exclamávit, dicens : Eia mílites Christi, abjécite ópera tenebrárum, et induímini arma lucis.

AD VESPERAS.

Super Psalm. Aña j. Laud.

Ad Magnificat, Aña. Triduánas a Dómino popósci indúcias, ut domum meam Dómino ecclésiám consecrárem.

DIE XXIII. NOVEMBRIS.

S. Clementis Papae Mart.

Duplex.

Omnia de Comm. unius Mart. praeter hic notata.

IN I. VESPERIS.

Ad Mem. Aña. Dedísti Dómine habitáculum Mártýri tuo Cleménti in mari, in modum templi marmórei, angélicis mánibus praeparátum : praebens iter pópulo terrae, ut enárrent mirabília tua.

Oratio.

**D**EUS, qui nos ánnua beáti Cleméntis Mártýris tui atque Pontíficis solemnitate laetíficas : concéde propítius, ut cujus natalítia cólimus, virtutem quoque passiónis imitémur. Per Dóminum.

In primo Nocturno.

Lectiones de FERIA curr.

R. ij. Orémus omnes ad Dóminum Jesum Christum, dixit beátus Clemens, ut confessoribus suis fontis venas

apériat : \* Ut de beneficiis ejus gratulémur. V. Qui percússit in deserto Sina petram, et fluxérunt aquae in abundantia, ipse nobis láticem affluéntem impertiátur. Ut de beneficiis. Glória Patri. Ut.

In secundo Nocturno.

*Ex Romano Breviario.*

Lectio iv.



**C**LEMENS RománuS, Faustíni fílius, de regione Coelii montis, discípulus beáti Petri, cujus méminit Paulus scribens ad Philippénes : Etiam rogo et te germáne compar, ádjuva illas, quae mecum laboravérunt in Evangelío cum Cleménte, et céteris adjutóribus meis, quorum nómina sunt in libro vitae. Hic septem Urbis regiones divísit septem Notáriis, singulas singulis attríbuens, qui passiones Mártýrum, et res ab eis gestas, diligentíssime conquisitas, lítteris mandárent. Multa scripsit et ipse accuráte et salutáriter, quibus christiánam religiónem illustrávit.

Lectio v.

**C**UM autem doctrína, ac vitae sanctitate multos ad Christi fidem convérteret, a Trajáno imperatóre relegátus est trans mare Pónticum in solitudinem urbis Chersónae, in qua duo míllia Christianórum réperit, qui ab

eódem Trajáno condemnáti fúerant. Qui cum in eruéndis et secándis marmóribus aquae penúria laborárent, Clemens, facta oratióne, in vicínium collem ascéndit, in cujus jugo vidit agnum, dextero pede fontem aquae dulcis, qui inde scatébat, attingéntem, ubi omnes sitim explevérunt : eóque miraculo multi infidéles ad Christi fidem convérsi, Cleméntis étiam sanctitátem venerári coepérunt.

Lectio vj.

**Q**UIBUS concitátus Trajánus, misit illuc, qui Cleméntem, alligáta ad ejus colum áncora, in profúndum dejicerent. Quod cum factum esset, Christiánis ad litus orántibus, mare ad tria milliária recéssit : eóque illi accedéntes, aedículam marmóream in templi formam, et intus arcam lapídeam, ubi Mártyris corpus cónditum erat, et juxta illud áncoram, qua mersus fúerat, invenérunt. Quo miraculo incolae permóti, Christi fidem suscepérunt. Ejus corpus póstea Romam, Nicoláo Primo Pontífice, translátum, in ecclésia ipsíus sancti Cleméntis cónditum est. Ecclésia étiam in eo ínsulae loco, unde divínitus fons manárat, ejúsdem nómine dedicáta est. Vixit in Pontificátu annos novem, menses sex, dies sex. Fecit Ordinatiónes duas mense Decémbri, quibus creávit

Presbyteros decem, Diáconos duos, Epíscopos per divérsa loca quíndecim.

R7. vj. Oránte sancto Cleménte, appáruit ei Agnus Dei : \* De sub cujus pede fons vivus emánat. Flúminis ímpetus laetificat civitátem Dei. V. Cumque oratióne compléset, et hinc inde circumspíceret, vidit supra montem agnum stantem. De. Glória Patri. Flúminis.

In tertio Nocturno.

Homilia in Evang. Vigilate. ut in Comm. Conf. Pont. pag. lvij.

R7. ix. Dedísti Dómine habitáculum Mártyri tuo Cleménti in mari, in modum templi marmórei, angélicis mánibus praeparátum : iter praebens pópulo terrae, \* Ut enárrent mirabília tua. V. Hoc Dómine ad laudem et glóriam nóminis tui fieri voluísti. Ut enárrent. Glória Patri. Ut enárrent.

IN LAUDIBUS.

Añã. Oránte sancto Cleménte, appáruit ei Agnus Dei. Psalm. Dóminus regnávít. cum ceteris, pag. xj.

Añã. Non meis méritis ad vos me misit Dóminus, vestris corónis partícipem me fieri.

Añã. Vidi supra montem agnum stantem, de sub cujus pede fons vivus emánat.

Añã. De sub cujus pede fons vivus emánat, flúminis ímpetus laetificat civitátem Dei.

Añã. Omnes gentes per gy-



rum credidérunt Christo Dómino.

Ad Benedictus, Aña. Orémus omnes ad Dóminum Jesum Christum, ut confessóribus suis fontis venas apériat.

AD VESPERAS.

Super Psalm. Aña j. Laudum.

Ad Magnif. Aña. Invenérunt in modum templi marmórei, habitáculum a Deo parátum.

DIE XXIV. NOVEMBRIS.

S. Joannis a Cruce Conf.

Duplex. Oratio.

**D**EUS, qui sanctum Joán-nem Confessórem tuum perféctae sui abnegatiónis, et crucis amatórem exímium effecísti : concéde, ut ejus imitatióni júgiter inhaeréntes, glóriam assequámur aetérnam. Per Dóminum.

In j. Vesperis et Laudibus Mem. S. Chrysogoni Mart.

Oratio.

**A**DESTO Dómine supplicatiónibus nostris : ut qui ex iniquitaté nostra reos nos esse cognóscimus; beáti Chrysógoni Mártiris tui intercessióne liberémur. Per Dóminum.

In secundo Nocturno.

Lectio iv.



JOANNES a Cruce, Fontíberi in Hispánia piis paréntibus natus, a primis annis certo innótuit, quam Deíparae

Vírgini futúrus esset accéptus : nam quinquénis in púteum lapsus, ejúsdem Deíparae manu sublátus, incólumis evásit. Tanto autem patiéndi desidério flagrávit, ut novénis, spreto mollióri lecto, super sarméntis cubáre consuéverit. Adoléscens hospítio páuperum aegrotántium Metymnae Campi fámulum sese addíxit, quibus magno caritatís ardóre, vilíssima quaeque compléctens officia, praesto áderat : cujus exémplo excitáti céteri, éadem caritatís múnera ardéntius obíbant. Verum ad altióra vocátus, beátae Maríae Vírginis de Monte Carmélo Institutum ampléxus est; ubi Sacerdos ex obediéntia factus, severióris disciplínae, et arctióris vitae cupidíssimus, primitívam Ordinis régulam ex Superiórís licéntia ita proféssus est, ut ob jugem Domínicae passiónis memóriam, bello in se tamquam in infensíssimum hostem indícto, vigíliis, jejúniis, férreis flagéllis, omníque poenárum género, brevi carnem cum vítiis et concupiscéntiis suis crucifíxerit : dignus plane, qui a sancta Terésia inter purióres sanctioresque ánimas, Ecclésiám Dei id témporis illustrántes, recenserétur.

Lectio v.

**S**INGULARI vitae austeritaté, et ómnium virtútum praesídio munítus, prae

assídua rerum divinárum contemplatióne diutúrnas et mirábiles éxtases frequenter patiebátur, tantóque in Deum aestuábat amóre, ut cum divínus ignis sese intro diútius continére non posset, foras erúmpere, ejúsque vultum irradiáre visus sit. Proximórum salúti summópere inténtus, tum in verbi Dei praedicatióne, tum in Sacramentórum administratióne fuit assíduus. Hinc tot méritis auctus, strictiorisque disciplínae promovéndae ardóre vehementer accénsus, sanctae Terésiae comes divínitus datus est, ut quam ipsa inter soróres primaevam Carméli Ordinis observántiam instauráverat, eámdem et inter fratres, Joánne adjutóre, restitúeret. Innúmeros itaque una cum Dei fámula in divíno ópere promovéndo perpéssus labóres, coenóbia, quae ejúsdem sanctae Vírginis cura per totam Hispániam erécta fúerant, nullis vitae incómodis et perículis térritus, síngula perlustrávit, in quibus, aliisque quamplúrimis ejus ópera eréctis, restaurátam observántiam propagándo, verbo et exémplo firmávit : ut mérito primus post sanctam Terésiam Carmelitárum Excalceatórum Ordinis proféssor et parens habeátur.

Lectio vj.

**V**IRGINITATEM perpétuo cóluit, impudéntesque mulieres, ejus pudicí-

tiae insidiári conántes, non modo répulit, sed étiam Christo lucrifécit. In divínis explicándis arcánis aequae ac sancta Terésia, Apostólicae sedis iudicio, divínitus instrúctus, libros de mystica theología, caelésti sapiéntia refértos, conscripsit. Semel interrogátus a Christo, quid praemii pro tot labóribus pósceret, respóndit : Dómine, pati et contémni pro te. Império in daemones, quos e corpóribus saepe fugábat, discretiónem spírituum, prophetiae dono, miraculórum glória celebratíssimus, ea semper fuit humilitáte, ut saepius a Dómino flagitáverit eo loco mori, ubi ómnibus esset ignótus. Voti compos factus, Ubédae diro morbo, et in crure quinque plagis sánie manántibus, ad impléndum patiéndi desiderium, constantíssime tolerátis, Ecclesiae Sacraméntis pie sanctéque susceptis, in Christi crucifixi ampléxu, quem semper in corde atque ore habúerat, post illa verba : In manus tuas comméndo spíritum meum, obdormívit in Dómino, die et hora a se praedíctis, anno salútis milésimo quingentésimo nonagésimo primo, aetátis quadragésimo nono. Migrántem ejus ánimam splendidíssimus ignis globus excépit; corpus vero suavíssimum odórem spirávit, quod etiámnun incorruptum Segóbiae honorífice

cólitur. Eum, plúrimis ante et post óbitum fulgéntem signis, Benedíctus Décimus tértius Póntifex Máximus in Sanctórum númerum rétulit.

In iij. Nocturno, Homilia in Evang. **Sint lumbi.** ut in Comm. Conf. non Pont. p. lxxvj.

## DIE XXV. NOVEMBRIS.

S. Catharinae Virg. et Mart.  
Totum Duplex.

Omnia de Communi Virg. et Mart. praeter hic posita.

### AD VESPERAS.

Super Psalm. Aña. Vírginis exímiae Catharinae, Mátyris almae, festa celebráre, da nobis Rex pie Christe. Psalm. Laudáte púeri. cum ceteris, p. j.

R. vj. Virgo flagellátur. pag. 904.

### Hymnus.

**C**ATHARINAE collaudémus virtútum insígnia, Cordis ei praesentémus, et oris obséquia :

Ut ab ipsa reportémus aequa laudis praemia.

Fulta fide Catharina, júdicem Maximínium

Non formídat : lex divína sic firmat elóquium,

Quod confútat ex doctrína erróres Gentílium.

Viçti Christum confiténtur, relíctis erróribus :

Judex jubet ut creméntur, nec pilis, aut véstibus

Ignis nocet, sed torréntur, inústis corpóribus.

Glória et honor Deo usquequáque altíssimo,  
Una Patri, Filióque, ínclyto Paráclito :

Cui laus est, et potéstas, per aetérna saecula. Amen.

V. Diffúsa est grátia.

Ad Magnificat, Aña. Inclyta sanctae Vírginis Catharinae solémnia suscípiat alácriterpia mater Ecclésia. Ave Virgo Deo digna, ave dulcis et benígna : óbtine nobis gáudia, quae póssides cum glória.

### Oratio.

**D**EUS, qui dedísti legem Móysi in summitáte montis Sínai, et in eódem loco per sanctos Angelos tuos corpus beatae Catharinae Vírginis et Mátyris tuae mirabíliter collocásti : praesta quaesumus, ut ejus méritis et intercessióne, ad montem, qui Christus est, perveníre valeámus : Qui tecum vivit.

### AD MATUTINUM.

Invitatorium. Adorétur Vírginum Rex in saeculórum saecula, \* Vírgini qui Catharinae cóntulit caeléstia.

### Hymnus.

**P**ANGE lingua gloriósae Vírginis martyrium :

Gemmae jubar pretiósae descendat in médium,

Ut illústret tenebrósae mentis domicílium.

Blandiméntis rex molítur Vírginem sedúcere :

Nec promíssis emollítur, nec terrétur vérbere :

Compeditur, custoditur tetro  
clausa cárcere.

Clausae lumen, ne claudatur,  
illucet Porphyrio,

Qui reginae foederatur fidei  
collégio :

Quorum fidem imitatur du-  
centena concio.

Glória et honor Deo. etc. ut  
in j. Vesperis.

In primo Nocturno.

De libro Sapiéntiae.

Lectio j. Cap. 7.



**M**NIUM ártifex dó-  
cuit me sapiéntia :  
est enim in illa spí-  
ritus intelligéntiae,  
sanctus, únicus, múltiplex,  
subtílis, disertus, móbilis, in-  
coinquínatus, certus, suávis,  
amans bonum, acúsus, quem  
nihil vetat, benefáciens, hu-  
mánus, benígnus, stábilis, cer-  
tus, secúrus, omnem habens  
virtútem, ómnia prospíciens,  
et qui cápiat omnes spíritus :  
intelligíbilis, mundus, subtí-  
lis. Omnibus enim mósbilibus  
móbiliór est sapiéntia : attín-  
git autem ubíque propter suam  
mundítiam. Vapor est enim  
virtútis Dei, et emanátio quae-  
dam est claritátis omnipotén-  
tis Dei sincéra : et ídeo nihil  
inquínatum in eam incúrrit.

Lectio ij.

**C**ANDOR est enim lucis  
aetérnae, et spéculum sine  
mácula Dei majestátis, et imá-  
go bonitátis illíus. Et cum sit  
una, ómnia potest : et in se

pérmanens ómnia ínnovat, et  
per nátiónes in ánimas sanctas  
se transfert, amícos Dei et  
prophétas constituit. Némí-  
nem enim díligit Deus, nisi  
eum, qui cum sapiéntia inhá-  
bitat. Est enim haec speciós-  
ior sole, et super omnem  
dispositiónem stellárum, luci  
comparáta invenitur prior. Illi  
enim succédit nox, sapiéntiam  
autem non vincit malítia.

Lectio iij. Cap. 8.

**A**TTINGIT ergo a fine  
usque ad finem fórtiter,  
et dispónit ómnia suáviter.  
Hanc amávi, et exquisívi a  
juventúte mea, et quaesívi  
sponsam mihi eam assúmere,  
et amátor factus sum formae  
illíus. Generositátem illíus glo-  
ríficat, contubérnium habens  
Dei : sed et ómnium Dóminus  
diléxit illam : doctrix enim est  
disciplínae Dei, et eléctrix  
óperum illíus. Et si divítiae  
appetúntur in vita, quid sa-  
piéntia locuplétiús, quae ope-  
rátur ómnia?

In secundo Nocturno.

*Ex Romano Breviario.*

Lectio iv.



**C**ATHARINA nóbilis  
virgo Alexandrína, a  
prima aetáte stúdia  
liberálíum ártium  
cum fidei ardóre conjúgens,  
brevis ad eam sanctitátis et do-  
ctrínae perfectiónem pervénit,  
ut decem et octo annos nata,  
eruditíssimum quemque supe-

ráret. Quaecum Maximíni jussu multos propter christiánae religionis professionem várie tormentis cruciátos ad supplícium rapi vidéret, non dubitánte ipsum ádiit Maximínus, eíque nefáriam immanitátem objiciens, sapientíssimis ratióibus Christi fidem ad salútem necessariam esse affirmávit.

Lectio v.

**C**UJUS prudéntiam Maximínus admirátus, retinére eam jubet, accersítis úndique doctíssimis homínibus, magnisque propóitis praemiis, qui convíctam Catharínam a Christi fide ad idolórum cultum perduxíssent. Quod contra áccidit : nam plures philosophi, qui ad eam coarguéndam convénierant, vi ac subtilitáte ejus disputatiónis, tanto Jesu Christi amóre sunt incénsi, ut pro illo mori non dubitáverint. Quamóbrem Maximínus blandítiis ac promissis Catharínam de senténtia dedúcere aggréditur : verum id frustra fieri intélligens, verbéribus afféctam, plumbatísque contúsam, dies undecim sine cibo ac potu inclúsam tenet in cárcere.

Lectio vj.

**Q**UO témpore Maximíni uxor, et Porphyrius bellidux, viséndae vírginis causa cárcerem ingressi, et ejúsdem praedicatióne in Jesum Christum credéntes, póstea mar-

tyrio coronáti sunt. Interim Catharína edúcitur e custódia, et rota expéditur crebris et acútis praefíxa gládiis, ut vírginis corpus crudelíssime dilacerarétur. Quae máchina brevi Catharinae oratióne confrácta est : eóque miraculo multi Christi fidem suscepérunt. Ipsé Maximínus in impietáte et crudelitáte obstinátior, Catharínam secúri percúti ímpérat. Quae fórtiter dato cápite, ad duplicátum virginitátis et martyrii praemium evolávit, séptimo Kaléndas Decémbris : cujus corpus ab Angelis in Sina Arabiae monte mirabíliter collocátum est.

R. vj. Virgo flagellátur, cruciánda fame religátur : cárcere clausa manet, lux caelica fusa refúlget : \* Fragrat odor, dulces Cantant caeli ágmina laudes. V. Sponsus amat sponsam : Salvátor vísitat illam. Fragrat. Glória Patri. Cantant.

In iij. Nocturno, Homilia in Evangelium, Símile erit regnum caelórum decem virgínibus. ut in Comuni Virg. pag. lxxxv.

R. ix. Percússa gládio, dat lac pro ságuine collo : \* Quam manus angélica Sepelívit vértice Sina. V. Membris virgíneis ólei fuit unda salúbris. Quam. Glória Patri. Sepelívit.

IN LAUDIBUS.

Añã. Passiόνem gloriósae Vírginis Catharinae devóte

plebs célebre fidélis : quae  
sui mémores Deo comméndet  
méritis, et juvet beneficiis.  
Psalmus. Dóminus regnávít.  
cum ceteris, pag. xj.

Añã. Post plúrima supplícia  
Martyr alma ad decollándum  
est ducta : ad caelum tendens  
óculos, collum submíttit glá-  
dio, orans dat glóriam Deo.

Añã. Exspécto pro te glá-  
dium, Jesu Rex bone : tu  
meum cólloca in Paradíso  
spíritum, et fac misericórdiam,  
meam agéntibus memóriam.

Añã. Vox de caelis insónuit:  
Veni elécta mea, veni, intra  
thálamum sponsi tui : quae  
póstulas, impetrásti; qui te  
laudent, salvi fient.

Añã. Quia devótis láudibus  
tui memóriam, Virgo, recóli-  
mus, o beáta Catharína, ora  
pro nobis, quaesumus.

Hymnus.

**P**RAESENS dies expen-  
dátur in ejus praecónium,  
Cujus virtus dilatátur in ore  
laudántium,

Si gestórum teneátur finis et  
ínítium.

Imminénte passióne, Virgo  
haec intérsert :

Assequátur, Jesu bone, quod  
a te petierit,

Suo quisquis in agóne memor  
mei fúerit.

In hoc caput amputátur,  
fluit lac pro ságuine :

Angelórum sublevátur corpus  
multitúdine,

Et Sínai collocátur in suprémó  
cúlmine.

Glória et honor Deo usque-  
quáque altíssimo,

Una Patri, Filióque, ínclýto  
Paráclito :

Cui laus est, et potéstas, per  
aetérna saecula. Amen.

V. Adducéntur regi.

Ad Benedictus, Añã. Pru-  
dens et vígilans Virgo, qualis  
es cum Sponso illo, qui te  
elégit de mundo! quam pulcra,  
quam mirábilis, quanta luce  
spectábilis, inter Sion juven-  
culas, et Jerúsalem filias! Thá-  
lamo gaudes régio, conjúncta  
Dei Fílio.

AD VESPERAS.

Super Psalm. Añã j. Lau-  
dum. Hymnus ut in j. Vesp.

Ad Magnificat, Añã. Ave  
Vírginum gemma Catharína :  
ave sponsa Regis regum glo-  
riosa : ave viva Christi hóstia :  
tua venerántibus patrocínia,  
impetráta non déneges suf-  
frágia.

PRIMA DIE

infra Octavam S. Catharinae  
Virg. et Mart.

Sermo sancti Petri Damiáni.

*Serm. II. in Nat. Virg.*

Lectio iij.

**H**ODIE, fratres caríssimi,  
virginále nobis decus il-  
lúxit, quod nostrae memóriae  
divínae virtútis victóriam re-  
novávit. Porro quanto fragí-  
lior sexus, quanto infirmius

vásculum, quod repórtat ex hoste triúmphum; tanto majóri diábolus oppróbrio confusiónis indúitur, tanto mirabílior Deus in Sanctis agnóscitur, tanto étiam rex Mártyrum Christus in propugnatrícibus suis jucúndius delectátur. Hinc est quod Salvátor noster, in hujus mundi campum potestates aéreas debelláturus advéniens, non elégit rhétores et philósophos, sed símplices ac ignáros : talibúsque versúta mundánae sapiéntiae arguménta convíncit.

## SECUNDA DIE

infra Octavam S. Catharinae  
Virg. et Mart.

De Sermóne sancti Petri  
Damiáni.

*Serm. i. in Nat. Virg.*

**I**NTER cuncta Sanctorum gesta, fratres caríssimi, nihil est quod plus, quam sacrarum victória Virginum, pia corda vel ad amórem Conditóris accéndere, vel ad fórtiter agéndum váleat ubérius excitáre. Quis enim, audíto nómine Virgínis, non prótinus in memóriam révocet humánae salutis exórdium; ac singulárem illum non récolat intemeratae Virgínis partum? Huc accédit, quia, cum fráglis sexus certáminis sui victóriam obtinuísse cognóscitur, audiéntis ánimus ad certándi labórem avidius inflammátur.

## OCTAVA

S. Catharinae Virg. et Mart.  
Simplex.

In j. Noct. Lect. de Feria  
currente.

In secundo Nocturno.  
De Sermóne sancti Petri  
Damiáni.

*Serm. i. de Nat. Virg.*

Lectio iv.



**A**EC sacratíssima Virgo, cujus gloriósum recólimus hodiérna solemnitate triúmphum, facílius pótuit mori, quam ab eo, quod semel concéperat, sancto potúerit propósito revocári. Erat aetérni sanctuárium Spíritus sancti. Viríle quippe robur enitébat in femíneo pectore, quo non blandíloquis persuasiónibus flecti, non minárum asperitáte terréri, non dénique poenárum quarúmlibet pótuit genéribus superári.

Lectio v.

**E**RAT enim nóbilis et inflexíbilis ánimus, ideo vinci nescius, quia et fidei flagrábat ardóre succensus : et ideo tamquam in excélsi montis erat vértice constitútus. Subesse sibi judicabat júdicem in cáthedra pestiléntiae praesidéntem; horrébat blandum, subsannábat irátum, tantíque apud eam erat, si minax ac terríbilis frendéret, si certe plagas, ac vúlne-

ra exquisitae necis infligeret, quanti si gemmarum, sive vibrantium metallorum pondus offerret. Hinc est, quod Sponsus ait in Canticis : Surge áquilo, et veni auster, perfla hortum meum, et fluant aromata illius.

*Serm. 11. in Nat. Virg.*

Lectio vj.

**C**UM virginitati fructus centuplus debeatur, quantis haec beata Virgo accumulabitur donis, quam insignis gratiae decorabitur infulis, quae postquam centenos fructus de virginitate messuerit, etiam martyrii coronam cum tanta gloria reportavit? Nam cum esset in certamine constituta, lorica fidei praemunita, et armis invictae patientiae, ac geminae caritatis accincta, pro duobus castris stabat una belatrix. Hinc pudicitiae clausulam; illinc, impresso Sponsi sui caractere, fidei signaculum defendebat.

In iij. Nocturno, Homilia in Evang. Símile erit regnum caelorum decem virgínibus. ut in Comuni Virg. pag. lxxxv.

## DIE XXVI. NOVEMBRIS.

S. Andreae Avellini Conf.  
Duplex. Oratio.

**D**EUS, qui in corde beati Andraeae Confessoris tui, per árduum quotidie in virtutibus proficiendi votum, admirabiles ad te ascensiones

disposuisti : concède nobis ipsius méritis et intercessióne, ita ejúsdem grátiae partícipes fieri; ut perfectióra semper exsequéntes, ad glóriæ tuæ fastígium felíciter perducámur. Per Dóminum.

In secundo Nocturno.

*Ex Breviario Romano.*

Lectio iv.



**A**NDREAS Avellínus, dictus ántea Lancelóttus, apud Castrum Novum Lucániae pagum natus, inter ipsa infántiae primórdia futúrae sanctitátis non obscura prae-buit indícia. Adolés-cens, ad lítteras addiscéndas patérna e domo egréssus, lúbricam illíus aetátis sémitam inter bonárum ártium stúdia ita perégit, ut sapiéntiae inítium, quod est timor Dómini, ob óculos potíssimum habére nunquam prae-termíserit. Cum egrégia perínde forma exímium castitátis stúdi-um conjúnxit, quo impudícas saepe mulierum insídias elúsit, intérdum étiam apértam vim propulsávit. Clericáli milítiae jamprídem adscríptus, Neápolim se cóntulit, ut legálibus disciplínis vacáret: ibíque jurisprudentiae láuream adéptus, atque intérea ad sacerdotálem dignitátem évéctus, causárum patrocínia in foro dumtáxat ecclesiástico, proque privátis quibúsdam persónis, juxta sacrórum cá-



nonum sanctiōnes, ágere coepit. Verum cum aliquādo inter causam agendam, leve ei mendácium excidisset, mox vero fortúita sacrárum Scripturárum lectiōne in illa verba incidisset : Os, quod mentitur, occidit ánimam; tanto ejus culpa dolóre ac poeniténtia corréptus est, ut statim ab ejúsmodi vitae institúto sibi recedéndum esse dúxerit. Itaque abdicátis forénsibus curis, se totum divíno cultui, sacrísque ministériis mancipávit; cumque ecclesiasticae virtútis exémpilis emíneret, sanctimoniálium regímini a tunc exsisténate Archiepiscopo Neapolitano praeféctus fuit. Quo in múnere, cum pravórum hóminum ódia subiisset, primo quidem intentatae sibi necis periculum declinávit, mox vero per sicárium tribus in fácie accéptis vulneribus, injúriae atrocitátem aequo ánimo pértulit. Tunc perfectiōris vitae desidério flagrans, ut inter Cléricos Reguláres adscriberétur, suppliciter postulávit, votíque compos factus, ob ingéntem, quo aestuábat, crucis amórem, ut sibi Andréae nomen imponerétur, précibus impetrávit.

Lectio v.

**A**RCTIORIS itaque vitae currículum álacri stúdio ingressus, in eas máxime virtútis exercitatiōnes incúbuit,

ad quas sese árduis étiam emíssis votis obstrínxit : áltero scilicet suae ipsíus voluntáti júgiter obsisténdi, áltero vero in via christiánae perfectiōnis semper ultérius progrediéndi. Reguláris disciplínae cultor assíduus, et in ea promovenda, cum áliis praeesset, studiosíssimus fuit. Quidquid ab Institúti sui officio, et régulae praescripto supérerat téporis, oratiōni et animárum salutí tribuébat. In confessiōnibus excipiéndis mira ejus píetas et prudéntia enítuit. Vicos et ópida Neápoli finítima, evangélicis ministériis magno cum animárum lucro frequens lustrábat. Quam ardéntem erga próximos sancti viri caritátem signis étiam Dóminus illustrávit. Cum enim intempésta nocte ab audíta aegri confessiōne domum redíret, ac plúviae ventórúmque vis praelucéntem facem exstinxisset, non solum ipse cum sóciis inter effusíssimos imbres nihil madefáctus est, verum étiam inusitáto splendóre, e suo córpore mirabíliter emicánte, sóciis inter densíssimas ténebras iter monstrávit. Abstinéntia et patiéntia, nec non abjectiōne atque ódio sui summópere praestitit. Necem, fratris filio illátam, imperturbáto ánimo tulit, ac suos ab omni ulciscéndi cupiditáte compéscuit, immo étiam pro interfectóribus opem et misericórdiam júdicum implorávit.

Lectio vj.

**P**LURIBUS in locis Clericorum Regularium Ordinem propagavit, eorumque domicilia Mediolani et Placentiae instituit. Illius operam sanctus Carolus Borromeus, et Paulus de Arétio Clericus Regularis Cardinales, quibus erat acceptissimus, in pastoralis muneris curis adhibuerunt. Deiparam Virginem singulari amore et cultu prosequerentur. Angelorum colloquio perfrui meruit, quos, cum divinas laudes persolveret, e regione concinentes se audisse testatus est. Denique post heroica virtutum exempla, prophetiae quoque dono illustris, quo et secreta cordium, et absentia, et futura prospexit, annis gravis, et laboribus fractus, ad aram celebraturus, in verbis illis tertio repetitis: Introibo ad altare Dei, repentino apoplexiae morbo correptus est: mox Sacramentis rite munitus, placidissime inter suos animam efflavit. Ejus corpus Neapoli in ecclesia sancti Pauli ad haec usque tempora eo frequentissimo populi concursu colitur, quo fuit elatum. Illum denique, insignibus in vita et post mortem miraculis clarum, Clemens Undecimus Pontifex Maximus sollemni ritu Sanctorum catalogo descripsit.

In iij. Nocturno, Homilia in Evang. **Sint Iumbi.** ut in Communi Conf. non Pont. pag. lxxvj.

## DIE XXVII. NOVEMBR.

B. Margaritae de Sabaudia  
Viduae Ord. Praed.

Duplex. Oratio.

**D**EUS, qui beatam Margaritam a saeculi pompa ad humilem tuae crucis sequelam toto corde transire docuisti: concede, ut ejus meritis et exemplo, discamus perituras mundi calcare delicias; et in amplexu tuae crucis omnia nobis adversantia superare: Qui vivis.

Ad Mem. SS. Mart. Vitalis et Agricolae, in j. Vesperis et in Laudibus.

Oratio.

**D**A, quaesumus omnipotens Deus: ut qui beatorum Martyrum tuorum Vitalis et Agricolae sollemnia colimus; eorum apud te intercessionibus adjuvemur. Per Dominum.

In primo Nocturno.

Ex libro Proverbiorum.

Lectio j.

Cap. 31.



**A**CCINXIT fortitudine lumbos suos, et roboravit brachium suum. Gustavit, et vidit quia bona est negotiatio ejus: non exstinguetur in nocte lucerna ejus. Manum suam

misit ad fórtia, et dígiti ejus apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suae a frigóribus nivis : omnes enim doméstici ejus vestíti sunt duplicibus. Stragulátam vestem fecit sibi : byssus, et púrpura indumentum ejus. Nóbilis in portis vir ejus, quando séderit cum senatóribus terrae.

De Epístola beáti Pauli Apóstoli ad Philippenses.

Lectio ij.

Cap. 3.

**Q**UAE mihi fuérunt lucra haec arbitrátus sum propter Christum detriménta. Verúm tamen exístimo ómnia detriméntum esse propter eminentem sciéntiam Jesu Christi Dómini mei : propter quem ómnia detriméntum feci, et árbitor ut stércora, ut Christum lucrifáciam, et invéniam in illo non habens meam justítiam, quae ex lege est, sed illam, quae ex fide est Christi Jesu : quae ex Deo est justítia in fide ad cognoscéndum illum, et virtútem resurrectiónis ejus, et societátem passiónum illíus.

De Epístola prima beáti Pauli Apóstoli ad Timótheum.

Lectio iij.

Cap. 5.

**V**IDUAS honóra, quae vere víduae sunt. Si qua autem vídua fílios, aut nepótes habet : discat primum

domum suam régere, et mútuam vicem réddere paréntibus : hoc enim accéptum est coram Deo. Quae autem vere vídua est, et desoláta, speret in Deum, et instet obsecratió nibus, et oratió nibus nocte ac die. Nam quae in delíciis est, vivens mórtua est. Et hoc praecepe ut irrehensíbles sint.

In secundo Nocturno.

Lectio iv.



**M**EATA Margaríta stirpe régia ducum Sabáudiae nata, futúrae sanctitátis ab ipsa infántia spécimen dedit. Adúlta, paréntum jussu, Theodóro Montisferráti marchióni nupsit. A sancto Vincéntio Ferrério ad altiórís perfectiónis stúdiu accénsa, quantum per conjúgii statum lícuit, Deo se totam devóvit; ac demum a lege viri solúta, palam sancti Domínici hábitum, quem soróres de Poeniténtia gestáre solent, assúmpsit, votúmque perpétuae deinceps viduális continéntiae emísit. Secúndas núptias cum Philíppo Mediolanénsium duce, oblatámque summi Pontíficis relaxatió nem voti, modéste recusávit. Mira in páuperes et infirmos ardébat caritáte : nam sub Tertiáriae hábitu foris degens, omni facultátum subsídio solabátur egénos, ministrábát aegris, languéntium sordes, úlcerá, sániem próprieis tergé-

bat mánibus. A saeculi commercio lóngius abesse cúpiens, in Alba Pompéia sibi, ac religiósus virgínibus monastérium sub cura Fratrum Praedicatorum constrúxit, in quo solémnibus votis réliquum vitae Altíssimo consecrávit.

## Lectio v.

**D**OVUM vitae genus proféssa, novo ardóre studium pietátis ac religiónis exércuit. Régulae et sacrarum Constitutiónum observántiam ita cóluit, ut earum nec iota, nec mínimum ápicem praeteríret : obediéntiam et humilitátem ita servávit, ac si ex ínfima plebe ad religiósimum statum convoláset. Superiorem ac praesértim Confessárii jussa, summa ánimi demissione excipiebat. Abiectíssima quaeque coenóbii ministéria ultro et alácriter obíbat : nihil in ejus indumentis et supelléctili supérfluum reperíre erat. Data sibi aliquándo a Christo Dómino optióne, ex tribus acutíssimis lánceis, nempe calúmnia, aegritúdine, ac persecutióne, quam vellet eligendi, omnes simul sustinéndas elégit. Nec feféllit événtus. Sed et ómnia aequanímiter sustinuit, ut Christo crucifixo pleníssime configurarétur.

## Lectio vj.

**I**NTER orándum saepíssime rapiebátur in éxtasim, ac divínae uniónis dulcé-

dine tota spíritu colliquescebat. Precum ac lacrymarum ejus tanta vis fuit, ut quidquid a Deo péteret, impetráret. Neptem Amadéam plane a medicis desperátam, integérrimae valetúdini orádo restituit. Fruges in agro páuperis densa grándine omníno prostrátas, in messem copiósam eréxit. Daemones Albam Pompéiam fúnditus subvérttere molientes, a coepto detérruit, ac fugávit. Pro pace universális Ecclésiæ redintegránda máximos labores ultro felicitérque suscepit. Demum caelo matúra, exáctis sub sancti Domínici hábitu annis quadragínta quátuor, ad súperos evolávit, anno milésimo quadringentésimo sexagésimo quarto. Multis vivens ac post óbitum miraculis cláruit : quibus rite ágnotis ac probátis, Clemens Décimus Póntifex Máximus ejus festum in univérso Praedicatorum Ordine celebrári concéssit.

In iij. Nocturno, Homilia in Evang. Símile est regnum caelórum thesauro. ut in Comm. unius nec Virg. nec Mart. p. xcij.

## DIE XXIX. NOVEMBR.

B. Jacobi de Benefactis  
Episc. Conf. Ord. Praed.  
Duplex. Oratio.

**D**EUS, qui beáto Jacóbo Confessóri tuo atque Pontífici ómnia boni pastóris múnia fidéliter explére tribuí-

sti : ejus intercessióne nobis concéde, ut per viam mandatórum tuórum gradiétes, inter oves páscae tuae perpétuo collocári mereámur. Per Dóminum.

In j. Nocturno, Lectiones  
Fidélis sermo. de Communi  
Conf. Pont. pag. liij.

In secundo Nocturno.

Lectio iv.



**J**ACOBUS, ex illústri familia de Benefáctis Mántuae natus, in christiána religióne pie educátus fuit. Adoléscent, ut fervéntius Deo inservíret, domus suae splendóri páriter ac saeculo valedícens, institútum Ordinis Praedicatórum in pátria amplexus est : in quo humilitáte ac paciéntia refúlgens, summóque in Deum amóre flagrans, perfectiónis culmen áttigit. Sacris stúdiis ímpigre vacans, doctrína excélluit, ac magistérii láurea decorátus est. Tot sacri viri dótibus permótus Nicoláus Boccasínus, totíus Ordinis Praedicatórum Magíster, deínde summus Póntifex nómine Benedícti Undécimi, et sérius étiam Beatórum órđini adscríptus, eum in claustro sibi sócium adscívit, ac, uti fertur, in ipsa Petri cáthedra familiárem hábuit.

Lectio v.

**D**E autem diútius lucérna sub módio latéret, Joánes Vicésimus secúndus Ja-

cóbum in Mantuána sede collocávit Antístitem. Hoc in múnere cívium suórum non solum spem non feféllit, sed votis ómnium sciéntia, doctrína ac sanctitáte vitae ita respóndit, ut cujúsque conditiónis hómines illum tamquam divínitus datum suspícerent, veneraréntur. In gregem sibi commíssum caritáte flagrans, et ómnibus ómnia factus, ódia et dissídia diríssimis illis temporibus Mántuae exórta compéscere satégit. Cathólicae veritátis integritátem strénue propugnávit, páuperes peste et fame semel atque íterum miserissime afflíctos sublevávit, unde patris páuperum nomen promérui, et grege tandem ad pietátem, et bonam frugem perducto, ipsum spirituálibus bonis ditáre stúduit.

Lectio vj.

**P**OSTQUAM ímpiger per decem et octo annos Ecclésiám suam justítia, zelo, et caritáte rexísset, ómnibus boni pastóris pártibus explétis, sénio conféctus, et méritis clarus, píssime óbiit die décima nona Novémbris anno millésimo tercentésimo trigésimo octávo. Christifidéles, qui beáti Jacóbi virtútes admiráti fúerant, ad ejus funus venerabúndi accurrérunt, ejúsque ope étiam prodígia contigísse fertur. Quare ab ejus óbitu públici et ecclesiástici cultus potitus est : sa-

crae ejus exúviae multóties translatae, tandem in cathedráli ecclésia Mantuána repósitae fuérunt, ubi quotánnis Christifidélium veneratióni solémniter exponúntur. Quibus rite probátis, Pius Nonus Póntifex Máximus ex sacrórum Rítuum Congregatiónis consúlto cultum beáto Jacóbo ab immemorábili praestitum ratum hábuit, et dioecési Mantuánae, ac univérso Praedicatorum Ordini potestátem fecit de eo quotánnis Offícium et Missam peragéndi.

In iij. Nocturno, Homilia in Evang. **Homo péregre.** de Communi unius Conf. Pont. pag. lxj.

Ad Memoriam in Laudibus S. Saturnini Mart.

Oratio.

**D**EUS, qui nos beáti Saturníni Mártyris tui concédís natalítio pérfrui; ejus nos tribue méritis adjuvári. Per Dóminum.

## DIE XXX. NOVEMBRIS.

Sancti Andreae Apostoli.

Totum Duplex.

Omnia hic non propria desumantur ex Comm. Apost. pag. j.

### AD VESPERAS.

Super Psalm. Añá. Unus ex duóbus, qui secúti sunt Dóminum, erat Andréas frater Simónis Petri, allelúia. Psalm. Laudáte púeri. cum ceteris, pag. j.

R. iij. Homo Dei. pag. 914.

Ad Magnificat, Añá. Ambulans Jesus juxta mare Galilaeae, vidit Petrum, et Andréam fratrem ejus, et ait illis: Veníte post me, fáciam vos fieri piscatóres hóminum. At illi, relíctis rétibus, et navi, secúti sunt eum.

Oratio.

**Q**UAESUMUS omnípotens Deus: ut beátus Andréas Apóstolus, cujus praevenímus festivitátem, tuum pro nobis implóret auxiliúm; ut a nostris reátibus absolúti, a cunctis étiam pérículis eruámur. Per Dóminum.

Si festum hoc propter Dominicam transferatur, in j. Vesperis dicatur Oratio. **Majestátem.** quae infra habetur in Laudibus.

### AD MATUTINUM.

Invitatorium. Adorémus victoriosíssimum Regem Christum: \* Qui victórem per crucis trophaeum coronávit beátum Andréam Apóstolum.

In primo Nocturno.

Añá. Vidit Dóminus Petrum, et Andréam, et vocávit eos.

Añá. Veníte post me, dicit Dóminus, fáciam vos fieri piscatóres hóminum.

Añá. Relíctis rétibus suis, secúti sunt Dóminum Redemptórem.

V. In omnem terram.

De Epístola beáti Pauli Apóstoli ad Romános.

Lectio j. Cap. 10.



**I**NIS legis, Christus, ad justítiam omni credénti. Móyses enim scripsit, quóniam justítiam, quae ex lege est, qui fécerit homo, vivet in ea. Quae autem ex fide est justítia, sic dicit : Ne dixeris in corde tuo : Quis ascéndet in caelum? id est, Christum dedúcere : Aut quis descéndet in abyssum? hoc est, Christum a mórtuis revocáre. Sed quid dicit Scriptúra? Prope est verbum in ore tuo, et in corde tuo : hoc est verbum fidei, quod praedicámus.

R. Cum perambuláret Dóminus juxta mare secus litus Galilaeae, vidit Petrum, et Andréam rétia mitténtes in mare, et vocávit eos, dicens : \* Veníte post me, fáciam vos piscatóres hóminum. V. Erant enim piscatóres : et ait illis. Veníte.

Lectio ij.

**O**MNIS enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem áudient sine praedicánte? Quómodo vero praedicábunt nisi mittántur? sicut scriptum est : Quam speciósi pedes evangelizántium

pacem, evangelizántium bonal Sed non omnes obédiunt Evangelio. Isaías enim dicit : Dómine quis crédidit audítui nostro? Ergo fides ex audítu, audítus autem per verbum Christi.

R. Mox ut vocem Dómini praedicántis audívit beátus Andréas, relíctis rétibus, quorum usu actúque vivébat, aetérnae vitae secútus est \* Praemia largiéntem. V. Ad uníus jussiónis vocem Petrus et Andréas, relíctis rétibus, secúti sunt Redemptórem. Praemia.

Lectio iij.

**S**ED dico : Numquid non audiérunt? Et quidem in omnem terram exívit sonus eórum, et in fines orbis terrae verba eórum. Sed dico : Numquid Israël non cognóvit? Primus Móyses dicit : Ego ad aemulatióem vos addúcam in non gentem : in gentem insipiéntem, in iram vos mittam. Isaías autem audet, et dicit : Invéntus sum a non quaeréntibus me : palam apparui iis, qui me non interrogábant. Ad Israël autem dicit : Tota die expándi manus meas ad pópulum non credéntem, et contradicéntem.

R. Homo Dei ducebátur, ut crucifigerent eum : pópulus autem clamábat voce magna, dicens : \* Innocens ejus sanguis sine causa damnátur. V. Cumque carnífices dúcerent

eum, ut crucifigeretur, factus est concursus populorum clamantium, et dicentium. Innocens. Glória Patri. Innocens.

In secundo Nocturno.

Añã. Diléxit Andréam Dóminus in odórem suavitátis, allelúia.

Añã. Dignum sibi Dóminus computávit mártýrem, quem vocávit Apóstolum, dum esset in mari, allelúia.

Añã. Christus me misit ad istam provínciam, ubi non parvum pópulum acquisívi.

℣. Constitues eos príncipes.

*Ex Actis passionis ejus scriptis a Presbyteris, et Diaconis Achaiae, et ex Romano Breviario.*

Lectio iv.



ANDREAS Apóstolus Bethsáidæ vico Galilæae natus, frater Petri, discipulus Joánnis Baptístae, una cum fratre ante álios Apóstolos a Christo vocátus, post ejúsdem passióem et resurrecciónem, cum in Scythiam Európaë venisset, deínde Epírum ac Thráciã peragrásset, doctrína et miráculis innumérabiles hómines ad Christum convértit. Post, Patras Acháiae proféctus, et in ea urbe plúrimis ad veritátem evangélicam perdúctis, Ægéam procónsulem, praedicatióni evangélicae resisténtem, libérime increpávit.

℞. Doctor bonus, et amicus Dei Andréas ducitur ad crucem : aspiciens a longe, vidit crucem : Salve crux, \* Súscipe discípulum ejus, qui pepéndit in te magíster meus Christus. ℣. Salve crux, quae in córpore Christi dedicáta es : et ex membris ejus tamquam margarítis ornáta. Súscipe.

Lectio v.

**M**UM Ægéas irátus, deum hortátur, ut sibi cónsulens, diis velit immoláre. Cui Andréas : Ego omnipoténti Deo, qui unus et verus est, immolo quotidie, non taurórum carnes, nec hircórum sánguinem, sed immaculátum Agnum in altári : cujus carnem posteáquam omnis pópulus credéntium manducáverit, Agnus, qui sacrificátus est, ínteger perseverát ac vivus. Quamóbrem ira accénsus Ægéas, jubet eum in cárcerem detrúdi : unde pópulus Andréam fáciie liberásset, nisi ipse sedásset multitudínem, veheméntius rogans, ne se ad optatíssimam martyrii corónam properántem impedírent.

℞. O bona crux, quae decórem et pulcritúdinem de membris Dómini suscepisti : áccipe me ab homínibus, et redde me magístro meo : \* Ut per te me recípiat, qui per te me redémit. ℣. Secúrus et gaudens vénio ad te : ita et tu exsúltans suscípias me. Ut per te.



Lectio vj.

**I**GITUR paulo post in tribunal productum, cum Aegæas crucis extollentem mysteria, sibi que suam impietatem exprobrantem, diutius ferre non posset, in crucem tolli, et Christi mortem imitari jussit. Adductus Andréas ad locum martyrii, cum crucem vidisset a longe, exclamare coepit : O bona crux, quae decorem ex membris Domini suscepisti, diu desiderata, sollicitè amata, sine intermissione quaesita, et aliquando concupiscenti animo praeparata, accipe me ab hominibus, et redde me Magistro meo : ut per te me recipiat, qui per te me redemit. Itaque cruci affixus est : in qua bídium vivus pendens, et Christi fidem praedicare nunquam intermittens, ad eum migravit, cujus mortis similitudinem concupierat.

R. Salve crux, quae in corpore Christi dedicata es, et ex membris ejus tamquam margaritis ornata : \* Súscepe discipulum ejus, qui pepéndit in te. V. O bona crux, diu desiderata, et jam concupiscenti animo praeparata. Súscepe. Glória Patri. Súscepe.

In tertio Nocturno.

Añ. Videns Andréas crucem, cum gaudio dicebat : Quia amator tuus semper fui, et desideravi amplécti te, o bona crux.

Añ. Récipe me ab hominibus, et redde me magistro meo : ut per te me recipiat, qui per te me redemit.

Añ. Bídium vivens pendebat in cruce pro Christi nomine beatus Andréas, et docebat populum.

V. Nimis honorati sunt.

Lectio sancti Evangelii secundum Matthaeum.

Lectio vij.

Cap. 4.

**I**N illo tempore : Ambulans Jesus juxta mare Galilaeae, vidit duos fratres, Simónem, qui vocatur Petrus, et Andréam fratrem ejus, mittentes rete in mare, (erant enim piscatores.) Et reliqua.

Homilia sancti Gregorii Papae.

Homil. 5. in Evang.

**A**UDISTIS, fratres carissimi, quia ad unius jussionis vocem Petrus et Andréas, relictis rétib, secuti sunt Redemptorem. Nulla vero hunc facere adhuc miracula viderant; nihil ab eo de praemio aeternae retributionis audierant : et tamen ad unum Domini praeceptum, hoc, quod possidere videbantur, obliti sunt. Quanta nos ejus miracula videmus, quot flagellis affligimur, quantis minarum asperitatibus deterrémur, et tamen vocantem sequi contemnimus!

R. Expandi manus meas tota die in cruce ad populum

non credentem, sed contradicentem mihi : \* Qui ámbulant vias non bonas, sed post peccáta sua. *V.* Exaltáre, qui júdicas terram : redde retributió-nem supérbis. Qui ámbulant.

Lectio viij.

**I**N caelo jam sedet, qui de conversióne nos ádmonet : jam jugo fidei colla gén-tium súbdidit, jam mundi gló-riam stravít, jam ruínis ejus crebrescéntibus, distrícti sui júdicii diem propinquántem denúntiat : et tamen supérba mens nostra adhuc non vult hoc sponte desérere, quod quotidie perdit invíta. Quid ergo, fratres caríssimi, quid in ejus júdicio dictúri sumus, qui ab amóre praeséntis saeculi nec praecéptis fléctimur, nec verbéribus emendámur?

*R.* Diléxit Andréam Dóminus in odórem suavitátis : dum pendéret in cruce, dignum sibi computávit mártirem, quem vocávit Apóstolum, dum esset in mari : \* Et ídeo amícus Dei appellátus est. *V.* Vir iste in pópulo suo mitíssimus appáruit : sanctitáte autem, et grátia plenus. Et ídeo.

Lectio ix.

**S**ED fortásse áliquis tácitis sibi cogitatióibus dicat : Ad vocem Domínicae utér-que iste piscátor quid aut quantum dimísit, qui pene nihil hábuit? Sed hac in re, fratres caríssimi, afféctum de-

bémus pótius pensáre, quam censum. Multum relíquit, qui sibi nihil retínuit : multum relíquit, qui quantúmlibet parum, totum deséruit. Certe nos et hábita cum amóre possidémus, et ea, quae mínime habémus, ex desidério quaerimus. Multum ergo Petrus, et Andréas dimísit, quando utér-que étiam desidéria habénderelíquit.

*R.* Videns crucem Andréas exclamávit, dicens : \* O crux inenarrábilis, o crux, quae per totum mundum fulges! Non me dimíttas errántem, sicut ovem non habéntem pastórem. *V.* Bíduo vivens pendébat in cruce pro Christi nómine beátus Andréas, et docébat pópulum, et dicébat. O crux. Glória Patri. Non me.

Ante Laudes, *V.* Diléxit Andréam Dóminus. *R.* In odórem suavitátis.

IN LAUDIBUS.

Añá. Salve crux pretiósá, súscipe discípulum ejus, qui pepéndit in te magíster meus Christus. Psalm. Dóminus regnávít. cum ceteris, pag. xj.

Añá. Beátus Andréas orábat, dicens : Dómine, Rex aetérnae glóriæ, súscipe me pendéntem in patíbulo.

Añá. Andréas Christi fámulus, dignus Dei Apóstolus, germánus Petri, et in passióne sócius.

Añã. Maximilla Christo amabilis, tulit corpus Apóstoli : óptimo loco cum aromátibus sepelívit.

Añã. Qui persequébantur justum, demersísti eos, Dómine, in profúndum : et in ligno crucis dux justí fuísti.

Ad Benedictus, Añã. Concéde nobis hóminem justum, redde nobis hóminem sanctum : ne interficias hóminem Deo carum, justum, mansuétum, et pium.

Oratio.

**M**AJESTATEM tuam, Dómine, supplíciter exorámus : ut sicut Ecclésiæ tuæ beátus Andréas Apóstolus éxstitit prædicátor et rector; ita apud te sit pro nobis perpétuus intercëssor. Per Dóminum.

AD VESPERAS.

Super Psalm. Añã. Salve crux. j. Laudum.

Ad Magnificat, Añã. Cum pervenísset beátus Andréas ad locum, ubi crux paráta erat, exclamávit, et dixit : O bona crux, diu desideráta, et jam concupiscénti ánimo præparáta! secúrus et gaudens vénio ad te, ita et tu exsúltans suscipias me discípulum ejus, qui pendébat in te.

PER OCTAVAM.

Ad Mem. in Laudibus, Añã. Bíduo vivens pendébat in cruce pro Christi nómine beátus Andréas, et docébat pópulum.

℣. Annuntiavérunt ópera Dei. ℞. Et facta ejus intellerunt.

In Vesperis, Añã. Beátus Andréas orábat, dicens : Dómine, Rex aetérnae glóriæ, súscipe me pendéntem in patíbulo.

℣. Diléxit Andréam Dóminus. ℞. In odórem suavitátis.

## DIE II. DECEMBRIS.

S. Bibianæ Virg. et Mart.  
Simplex. Oratio.

**I**NDULGENTIAM nobis, quaesumus Dómine, beáta Bibiána Virgo et Martyr implóret : quæ tibi grata semper éxstitit, et mérito castitátis, et tuæ professione virtútis. Per Dóminum.

In secundo Nocturno.

Lectio iv.



**B**IBIANA virgo Romana, nobili genere nata, christiána fide nobílior fuit. Ejus enim pater Flaviánuſ sub Juliáno apóstata impiíſſimo tyránno expraeféctus, servilibúſque notis compúnctus, ad aquas Taurínas deportátus, martyr occúbuit. Mater Dáfróſa, et fíliæ primum conclúsæ domi, ut inédia conficeréntur; mox relegáta mater extra Urbem, cápite plexa est. Mórtais autem piis paréntibus, Bibiána cum soróre sua Demétria bonis ómnibus expo-

liatur. Aproniánus Urbis prae-  
tor, pecúniis inhians, soróres  
perséquitur : quas humana  
prorsus ope destitutas, Deo  
mirabiliter, qui dat escam esu-  
riéntibus, enutriente, cum viva-  
cióres vegetiorésque conspe-  
xisset, vehementer est admi-  
ratus.

Lectio v.

**S**UADET nihilominus  
Aproniánus, ut venerén-  
tur deos géntium : amíssas  
ídeo opes, imperatóris grá-  
tiam, praeclaríssimas núptias  
consecutúrae. Si secus fécerint,  
minátur cárceres, virgas, se-  
cúres. At illae neque blandí-  
tiis, neque minis a recta fide  
declinántes, parátæ pótius  
mori, quam foedári móribus  
Ethnicórum, praetóris impie-  
tatem constantíssime detestán-  
tur. Quare Demétria ob óculos  
Bibiánae repénite córruens,  
óbiit in Dómino. Bibiána Ru-  
fínae mulieri vaférrimae sedu-  
cenda tráditur : quae ab incu-  
nábulis edócta cristiánas  
leges, et illibátum serváre vir-  
ginitátis florem, seípsa fórtior,  
féminae superávit insídias, et  
praetóris astus delúsit.

Lectio vj.

**N**IHIL autem proficiente  
Rufína, quae, praeter  
dolosa verba, illam quotidie  
verbéribus affligébat, ut de  
sancto propósito dimovéret,  
spe sua frustrátus praetor,  
accénsus ira, quod in Bibiána  
perdidisset óperam, a licóri-  
bus eam denudári, vinctisque  
mánibus columnae alligári,  
eamque plumbátis caedi jubet,  
donec effláret ánimam. Cujus  
sacrum corpus objéctum cani-  
bus, bíduo jácuit in foro Tauri,  
illaesum tamen, et divínitus  
servátum : quod deínde Joán-  
nes Présbyter sepelívit noctu,  
juxta sepúlcrum soróris et ma-  
tris ad palátium Liciniánum,  
ubi usque in praesens exstat  
ecclésia Deo, sanctae Bibiánae  
nómine, dicáta : quam Urbá-  
nus Octávus instaurávit, san-  
ctárum Bibiánae, Demétriae,  
et Dafrósae corpóribus in ea  
repértis, et sub ara máxima  
collocátis.

In iij. Nocturno, Homilia  
in Evangelium, Símile est re-  
gnum caelórum thesáuro. ut in  
Communi Virginis et Marty-  
ris, pag. lxxviij.











—❖—      IN COMMUNI      —❖—

## UNIUS VEL PLUR. APOSTOLORUM.

AD VESPERAS.

Super Psalmos, Antiphona. Estóte.

Psalmus 112.

**L**AUDATE púeri Dóminum: \* laudáte nomen Dómini.

Sit nomen Dómini benedíctum, \* ex hoc nunc, et usque in saeculum.

A solis ortu usque ad occásu, \* laudábile nomen Dómini.

Excélsus súper omnes gentes Dóminus, \* et super caelos glória ejus.

Quis sicut Dóminus Deus noster, qui in altis hábitat, \*

et humília réspicit in caelo et in terra?

Súscitans a terra ínopem, \* et de stércore érigens páuperem :

Ut cóllocet eum cum princípibus, \* cum princípibus pópuli sui.

Qui habitáre facit stérilem in domo, \* matrem filiórum laetántem.

Psalmus 116.

**L**AUDATE Dóminum omnes gentes : \* laudáte eum omnes pópuli :

Quóniam confirmáta est super nos misericórdia ejus : \* et véritas Dómini manet in aetérnum.

Psalmus 145.

**L**AUDA ánima mea Dóminum, ⁊ laudábo Dóminum in vita mea : \* psallam Deo meo quámdiu fúero.

Nolíte confidere in princípibus : \* in fíliis hóminum, in quibus non est salus.

Exíbit spíritus ejus, et reuertétur in terram suam : \* in illa die peribunt omnes cogitationes eórum.

Beátus, cujus Deus Jacob adjútor ejus, ⁊ spes ejus in Dómino Deo ipsíus : \* qui fecit caelum et terram, mare, et ómnia, quae in eis sunt.

Qui custódit veritátem in saeculum, ⁊ facit judícium injúriam patiéntibus : \* dat escam esuriéntibus.

Dóminus solvit compeditos : \* Dóminus illúminat caecos.

Dóminus érigit elisos, \* Dóminus dñligit justos.

Dóminus custódit ádvenas, ⁊ pupíllum, et víduam suscipiet : \* et vias peccatórum disperdet.

Regnábit Dóminus in saecula ⁊ Deus tuus Sion, \* in generatióem et generatióem.

Psalmus 146.

**L**AUDATE Dóminum quóniam bonus est psalmus : \* Deo nostro sit jucúnda, decóraque laudátio.

Ædíficans Jerúsalem Dóminus : \* dispersiões Israélis congregábit.

Qui sanat contrítos corde : \* et álligat contritiónes eórum.

Qui númerat multitudinem stellárum : \* et ómnibus eis nómina vocat.

Magnus Dóminus noster, et magna virtus ejus : \* et sapiéntiae ejus non est númerus.

Suscípiens mansuétos Dóminus : \* humílians autem peccatóres usque ad terram.

Praecínite Dómino in confessiõe : \* psállite Deo nostro in cíthara.

Qui óperit caelum núbibus : \* et parat terrae plúviam.

Qui producit in móntibus foenum : \* et herbam servitúti hóminum.

Qui dat juméntis escam ipsórum : \* et pullis corvórum invocántibus eum.

Non in fortitúde equi voluntátem habébit : \* nec in tibiis viri beneplácitum erit ei.

Beneplácitum est Dómino super tímētes eum : \* et in eis, qui sperant super misericórdia ejus.

Psalmus 147.

**L**AUDA Jerúsalem Dóminum : \* lauda Deum tuum Sion.

Quóniam confortávit seras portárum tuárum : \* benedíxit fíliis tuis in te.

Qui pósuit fines tuos pacem : \* et ádipē fruménti sátiat te.

Qui emíttit elóquium suum terrae : \* velóciter currit sermo ejus.

Qui dat nivem sicut lanam : \* nébulam sicut cinerem spargit.

Mittit crystallum suam sicut buccellas : \* ante faciem frigidus ejus quis sustinebit?

Emittet verbum suum, et liquefaciet ea : \* flabit spiritus ejus, et fluent aquae.

Qui annuntiat verbum suum Jacob : \* justitias, et iudicia sua Israël.

Non fecit taliter omni nationi : \* et iudicia sua non manifestavit eis.

Super Psalm. Añā. Estote fortes in bello, et pugnate cum antiquo serpente : et accipietis regnum aeternum. Allelúia.

Infra Septuag. Dicit Dominus.

Capitulum. *Ephes. 2.*



AM non estis hospites, et advenae : sed estis cives sanctorum, et domestici Dei : superaedificati super fundamentum Apostolorum, et prophetarum, ipso summo angulari lapide Christo Jesu.

R̃. vj. Vos estis. pag. ix.

Hymnus.

**E**XSULTET caelum laudibus,

Resultet terra gaudiis :  
Apostolorum gloriam  
Sacra canunt solémnia.

Vos saeculi justi iudices,  
Et vera mundi lumina,  
Votis precamur cordium,  
Audite preces supplicum.

Qui caelum verbo clauditis,  
Serásque ejus solvitis :

Nos a peccatis omnibus  
Solvite jussu, quaesumus.

Quorum praecépto subditur  
Salus, et languor omnium :  
Sanate aegros moribus,  
Nos reddentes virtutibus.

Ut cum Judex advenerit  
Christus in fine saeculi,  
Nos sempiterni gaudii  
Faciāt esse cōpotes.

Deo Patri sit glória,  
Ejusque soli Fílio,  
Cum Spíritu Paráclito,  
Et nunc, et in perpétuum.

Amen.

V. In omnem terram exivit  
sonus eorum. R̃. Et in fines  
orbis terrae verba eorum.

Ad Magnificat, Añā. Beati  
eritis, cum vos oderint homi-  
nes, et cum separaverint vos,  
et exprobraverint, et ejecerint  
nomen vestrum tamquam ma-  
lum propter Fílium hominis :  
gaudete, et exultate : ecce  
enim merces vestra multa est  
in caelo.

AD COMPLETORIUM.

Psalmus 4.



UM invocarem exaudivit me Deus justitiae meae : \* in tribulatione dilatasti mihi.

Miserere mei, \* et exaudi  
orationem meam.

Fílii hominum usquequo  
gravi corde? \* ut quid diligitis  
vanitatem, et quaeritis mendacium?



Et scitote quóniam mirificávit Dóminus sanctum suum : \* Dóminus exáudiet me cum clamávero ad eum.

Irascímini, et nolíte peccáre : \* quae dícitis in córdibus vestris, in cubilibus vestris compungímini.

Sacrificáte sacrificium justítiae, ꝛ et speráte in Dómino : \* multi dicunt : Quis osténdit nobis bona?

Signátum est super nos lumen vultus tui Dómine : \* dedísti laetítiam in corde meo.

A fructu fruménti, vini, et ólei sui \* multiplicáti sunt.

In pace in idípsum \* dormiam, et requiescam :

Quóniam tu Dómine singularíter in spe \* constituísti me.

Psalmus 30.

**I**N te Dómine sperávi, non confúndar in aetérnum : \* in justítia tua libera me.

Inclína ad me aurem tuam, \* accélera ut éruas me.

Esto mihi in Deum protectórem : ꝛ et in domum refúgii, \* ut salvum me fácias.

Quóniam fortitúdo mea, et refúgium meum es tu : \* et propter nomen tuum dedúces me, et enútries me.

Edúces me de láqueo hoc, quem abscondérunt mihi : \* quóniam tu es protéctor meus.

In manus tuas comméndo spíritum meum : \* redemísti me Dómine Deus veritátis.

Psalmus 90.

**Q**UI hábitat in adjutório Altíssimi, \* in protectióne Dei caeli commorábitur.

Dicet Dómino : Suscéptor meus es tu, et refúgium meum : \* Deus meus sperábo in eum.

Quóniam ipse liberávit me de láqueo venántium, \* et a verbo áspero.

Scápulis suis obumbrábit tibi : \* et sub pennis ejus sperábis.

Scuto circúmdabit te véritas ejus : \* non timébis a timóre noctúrno,

A sagítta volánte in die, ꝛ a negótio perambulánte in ténebris, \* ab incúrsu, et daemónio meridiáno.

Cadent a látere tuo mille, ꝛ et decem míllia a dextris tuis : \* ad te autem non appropinquábit.

Verúmtamen óculis tuis considerábis : \* et retributiónem peccatórum vidébis.

Quóniam tu es Dómine spes mea : \* Altíssimum posuísti refúgium tuum.

Non accédet ad te malum : \* et flagéllum non appropinquábit tabernáculo tuo.

Quóniam Angelis suis mandávit de te : \* ut custódiant te in ómnibus viis tuis.

In mánibus portábunt te : \* ne forte offéndas ad lápidem pedem tuum.

Super áspidem et basilíscum

ambulábis : \* et conculcábis leónem et draconem.

Quóniam in me sperávit, liberábo eum : \* prótegam eum, quóniam cognóvit nomen meum.

Clamábit ad me, et ego exáudiam eum : ⁊ cum ipso sum in tribulatióne : \* erípíam eum et glorificábo eum.

Longitúdine diérum replébo eum : \* et osténdam illi salutare meum.

Psalmus 133.

**E**CCE nunc benedícite Dóminum, \* omnes servi Dómini :

Qui statis in domo Dómini, \* in átriis domus Dei nostri,

In nóctibus extóllite manus vestras in sancta, \* et benedícite Dóminum.

Benedícat te Dóminus ex Sion, \* qui fecit caelum et terram.

AD MATUTINUM.

Invitator. Gaudéte, et exultáte : \* Quia nómina vestra scripta sunt in caelis. Psalmus Veníte. ut in Psalt. pag. i.

Hymn. Exsúltet. ut pag. iij.

In primo Nocturno.

Psalmus 18.



**C**AELI enárrant glóriam Dei, \* et ópera mánuum ejus annúntiat firmaméntum.

Dies diéi erúctat verbum, \* et nox nocti índicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terrae verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo caelo egressio ejus :

Et occúrsus ejus usque ad summum ejus : \* nec est qui se abscondat a calore ejus.

Lex Dómini immaculáta convertens ánimas : \* testimónium Dómini fidéle, sapiéntiam praestans párvulis.

Justítiae Dómini rectae, laetificántes corda : \* praeceptum Dómini lúcidum, illúminans óculos.

Timor Dómini sanctus, pérmanens in saeculum saeculi : \* judícia Dómini vera, justificáta in semetípse.

Desiderabília super aurum et lápidem pretiósum multum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delícta quis intélligit? ⁊ ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delícto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redémptor meus.

Añã. In omnem terram exívit sonus eórum : et in fines orbis terrae verba eórum.

Psalmus 33.

**B**ENEDICAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuétí, et laeténtur.

Magnificáte Dóminum mecum : \* et exaltémus nomen ejus in idípsum.

Exquisívi Dóminum, et exaudívit me : \* et ex ómnibus tribulatióibus meis erípuit me.

Accédite ad eum, et illuminámini : \* et fácies vestrae non confundéntur.

Iste pauper clamávit, et Dóminus exaudívit eum : \* et de ómnibus tribulatióibus ejus salvávit eum.

Immíttet Angelus Dómini in circúitu tíméntium eum : \* et erípiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia tíméntibus eum.

Dívites eguérunt et esuriérunt : \* inquiréntes autem Dó-

minum non minuéntur omni bono.

Veníte fílii, audíte me : \* tímórem Dómini docébo vos.

Quis est homo qui vult vitam : \* díligit dies vidére bonos?

Próhibe linguam tuam a malo : \* et lábia tua ne loquántur dolum.

Divérte a malo, et fac bonum : \* inquíre pacem, et persequere eam.

Oculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudívit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multae tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

Añã. Clamavérunt justí, et Dóminus exaudívit eos.

Psalmus 44.

**FRUCTAVIT** cor meum  
verbum bonum : \* dico  
ego ópera mea regi.

Lingua mea cálamus scri-  
bae, \* velóciter scribéntis.

Speciósus forma prae fíliis  
hómínium, ꝛ diffúsa est grátia  
in lábiis tuis : \* proptérea be-  
nedíxit te Deus in aetérnum.

Accíngere gládio tuo super  
femur tuum, \* potentíssime,

Spécie tua et pulcritúdine  
tua \* inténde, prospere pro-  
céde, et regna,

Propter veritátem et man-  
suetúdinem, et justítiam : \* et  
dedúcet te mirabíliter dextera  
tua.

Sagíttae tuae acútae, ꝛ pó-  
puli sub te cadent, \* in corda  
inimicórum regis.

Sedes tua Deus in saeculum  
saeculi : \* virga directiónis  
virga regni tui.

Dilexísti justítiam, et odísti  
iniquitátem : \* proptérea unxit  
te Deus Deus tuus óleo laetítiae  
prae consórtibus tuis.

Myrrha, et gutta, et cásia  
a vestiméntis tuis, a dómibus  
ebúrneis : \* ex quibus dele-  
ctavérunt te fíliae regum in  
honóre tuo.

Astitit regína a dextris tuis  
in vestítu deauráto : \* circúm-  
data varietáte.

Audi fília, et vide, et inclína  
aurem tuam : \* et oblivíscere  
pópulum tuum, et domum pa-  
tris tui.

Et concupíscet rex decórem  
tuum : \* quóniam ipse est Dó-  
minus Deus tuus, et adorá-  
bunt eum.

Et fíliae Tyri in munéri-  
bus \* vultum tuum depreca-  
búntur : omnes dívites plebis.

Omnis glória ejus fíliae re-  
gis ab intus, \* in símbris au-  
reis circumamícta varietátibus.

Adducéntur regi vírgines  
post eam : \* próximae ejus  
afferéntur tibi.

Afferéntur in laetítia et ex-  
sultatióne : \* adducéntur in  
templum regis.

Pro pátribus tuis nati sunt  
tibi fílii : \* constitúes eos prín-  
cipes super omnem terram.

Mémores erunt nóminis tui \*  
in omni generatióne et gene-  
ratióne.

Proptérea pópuli confitebún-  
tur tibi in aetérnum : \* et in  
saeculum saeculi.

Añã. Constitúes eos prín-  
cipes super omnem terram : mé-  
mores erunt nóminis tui, Dó-  
mine.

℟̃. In omnem terram exívit  
sonus eórum. R̃. Et in fines  
orbis terrae verba eórum.

Lecciónes pro omnibus tri-  
bus Nocturnis, petantur ex  
proprio festo uniuscujusque  
Apostoli, ubi per extensum  
ponuntur.

R̃. j. Ecce ego mitto vós  
sicut oves in médio lupórum,  
dicit Dóminus : \* Estóte ergo  
prudéntes sicut serpéntes, et  
simplices sicut colúmbae.

℣. Tradent enim vos in conciliis, et in synagogis suis flagellabunt vos. Estote ergo.

R. ij. Tóllite jugum meum super vos, dicit Dóminus, et discite a me, quia mitis sum, et húmilis corde : \* Jugum enim meum suáve est, et onus meum leve. ℣. Et inveniétis réquiem animábus vestris. Jugum.

R. iij. Dum stetéritis ante reges et praesides, nolíte cogitare quómodo, aut quid loquámini : \* Dábitur enim vobis in illa hora, quid loquámini. ℣. Non enim vos estis qui loquámini, sed Spíritus Patris vestri, qui lóquitur in vobis. Dábitur. Glória Patri. Dábitur.

In secundo Nocturno.

Psalmus 46.



MNES gentes pláudite mánibus : \* jubilate Deo in voce exsultatiónis.

Quóniam Dóminus excélsus, terríbilis : \* Rex magnus super omnem terram.

Subjécit pópulos nobis : \* et gentes sub pédibus nostris.

Elégit nobis hereditátem suam : \* spéciem Jacob, quam diléxit.

Ascéndit Deus in júbilo : \* et Dóminus in voce tubae.

Psállite Deo nostro, psállite : \* psállite Regi nostro, psállite.

Quóniam Rex omnis terrae Deus : \* psállite sapiénter.

Regnábit Deus super gentes : \* Deus sedet super sedem sanctam suam.

Príncipes populórum congregáti sunt cum Deo Abraham : \* quóniam dii fortes terrae, veheménter eleváti sunt.

Añã. Príncipes populórum congregáti sunt cum Deo Abraham.

Psalmus 60.

EXAUDI Deus deprecatió-nem meam : \* inténde oratióni meae.

A fínibus terrae ad te clamávi : \* dum anxiarétur cor meum, in petra exaltásti me.

Deduxísti me, quia factus es spes mea : \* turris fortitúdinis a fácie inimíci.

Inhabitábo in tabernáculo tuo in saecula : \* prótegar in velaménto alárum tuárum.

Quóniam tu Deus meus exaudísti oratió-nem meam : \* dedísti hereditátem timéntibus nomen tuum.

Dies super dies regis adjícies : \* annos ejus usque in diem generatiónis et generatiónis.

Pérmanet in aetérnum in conspéctu Dei : \* misericórdiam et veritátem ejus quis requíret?

Sic psalmum dicam nómini tuo in saeculum saeculi : \* ut reddam vota mea de die in diem.

Añã. Dedísti hereditátem timéntibus nomen tuum, Dómine.

Psalmus 63.

**E**XAUDI Deus orationem meam cum deprecor : \* a timóre inimíci éripe ánimam meam.

Protexísti me a convéntu malignántium, \* a multitudíne operántium iniquitátem.

Quia exacuérunt ut gládium linguas suas : ꝛ intendérunt arcum rem amáram, \* ut sagittent in occúltis immaculátum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut abscondérent láqueos : \* dixerunt : Quis vidébit eos?

Scrutáti sunt iniquitátes : \* defecerunt scrutántes scrutínio.

Accédet homo ad cor altum : \* et exaltábitur Deus.

Sagittae parvulórum factae sunt plagae eórum : \* et infirmatae sunt contra eos linguae eórum.

Conturbáti sunt omnes qui vidébant eos : \* et tímuit omnis homo.

Et annuntiavérunt ópera Dei : \* et facta ejus intellexérunt.

Laetábitur justus in Dómino, et sperábit in eo, \* et laudabúntur omnes recti corde.

Añā. Annuntiavérunt ópera Dei : et facta ejus intellexérunt.

℟. Constitues eos príncipes super omnem terram. ℞. Mémoires erunt nóminis tui, Dómine.

℞. iv. Vidi conjúctos viros habéntes spléndidas vestes, et Angelus Dómini locútus est ad me, dicens : \* Isti sunt viri sancti, facti amíci Dei. ℟. Vidi Angelum Dei volántem per médium caeli, voce magna clamántem, et dicéntem. Isti sunt.

℞. v. Isti sunt triumphatóres, et amíci Dei, qui contemnéntes jussa príncipum, meruérunt praemia aetérna : \* Modo coronántur, et accépiunt palmam. ℟. Isti sunt, qui venérunt ex magna tribulatióne, et laverunt stolas suas in ságuine Agni. Modo.

℞. vj. Vos estis lux mundi, dicit Dóminus, \* Qui in patiéntia vestra Possidébitis ánimas vestras. ℟. Et ego dispóno vobis, sicut dispósuit mihi Pater meus regnum, ut edátis, et bibátis super mensam meam in regno meo. Qui. Glória Patri. Possidébitis.

In tertio Nocturno.

Psalmus 74.



**C**ONFITEBIMUR tibi Deus : \* confitébimur, et invocábimus nomen tuum.

Narrábimus mirabília tua : \* cum accépero tempus, ego justítias judicábo.

Liquefacta est terra, et omnes qui hábitant in ea : \* ego confirmávi columbas ejus.

Dixi iníquis : Nolíte iníque ágere : \* et delinquentibus : Nolíte exaltáre cornu :

Nolíte extóllere in altum cornu vestrum : \* nolíte loqui advérsus Deum iniquitátem.

Quia neque ab oriénte, neque ab occidénte, neque a désertis móntibus : \* quóniam Deus iudex est.

Hunc humíliat, et hunc exáltat : \* quia calix in manu Dómini vini meri plenus misto.

Et inclinávit ex hoc in hoc : verúmtamen faex ejus non est exinaníta : \* bibent omnes peccatóres terrae.

Ego autem annuntiábo in saeculum : \* cantábo Deo Jacob.

Et ómnia córnua peccatórum confríngam : \* et exaltabúntur córnua iusti.

Añã. Peccatórum confríngam córnua : et exaltabúntur córnua iusti.

Psalmus 96.

**D**OMINUS regnávít, exsúltet terra : \* laeténtur insulae multae.

Nubes, et calígo in circúitu ejus : \* justítia, et iudícium corrèctio sedis ejus.

Ignis ante ipsum praecédet, \* et inflammábit in circúitu inimícos ejus.

Illuxérunt fúlgura ejus orbi terrae : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt caeli justítiam ejus : \* et vidérunt omnes pópuli glóriam ejus.

Confundántur omnes, qui adórant sculptília : \* et qui gloriántur in simulácris suis.

Adoráte eum omnes Angeli ejus : \* audívit, et laetáta est Sion.

Et exsultavérunt fíliae Judae, \* propter iudícia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui dilígitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde laetítia.

Laetámini iusti in Dómino : \* et confitémini memóriæ sanctificatiónis ejus.

Añã. Lux orta est justo, et rectis corde laetítia.

Psalmus 98.

**D**OMINUS regnávít, irascántur pópuli : \* qui sedet super Chérubim, moveátur terra.

Dóminus in Sion magnus : \* et excélsus super omnes pópulos.

Confiteántur nómini tuo magno : ꝑ quóniam terríbile, et sanctum est : \* et honor regis iudícium díligit.

Tu parásti directiões : \* iudícium et justítiam in Jacob tu fecísti.

Exaltáte Dóminum Deum

nostrum, ⁊ et adoráte scabélum pedum ejus : \* quóniam sanctum est.

Móyses, et Aaron in sacerdotibus ejus : \* et Sámuel inter eos, qui invocant nomen ejus :

Invocabant Dóminum, et ipse exaudiébat eos : \* in cólúma nubes loquebátur ad eos.

Custodiébant testimónia ejus, \* et praeceptum quod dedit illis.

Dómine Deus noster tu exaudiébas eos : \* Deus tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, ⁊ et adoráte in monte sancto ejus : \* quóniam sanctus Dóminus Deus noster.

Añā. Custodiébant testimónia ejus, et praecepta ejus, quae dedit illis.

℟. Nimis honoráti sunt amíci tui, Deus. ℞. Nimis confortátus est principátus eórum.

℞. vij. Isti sunt viri sancti, quos elégit Dóminus in caritáte non ficta, et dedit illis glóriam sempitérnam : \* Quorum doctrína fulget Ecclésia, ut sole luna. ℟. In omnem terram exívit sonus eórum : et in fines orbis terrae verba eórum. Quorum.

℞. viij. Qui sunt isti, qui ut nubes volant, \* Et quasi colúmbae ad fenéstas suas?

℟. Candidiões nive, nitidiões lacte, rubicundiões ébore antiquo. Et.

℞. ix. Gregem tuum Pastor aetérne non déseras, sed per beátos Apóstolos tuos \* Perpétua defensiõe custódias.

℟. Prótege Dómine pópulum tuum, et Apostolorum tuórum patrocínio confidéntem. Perpétua. Glória Patri. Perpétua.

Cant. Te Deum. pag. 124.

Ante Laudes, ℟. Dedísti hereditátem. ℞. Timéntibus nomen tuum, Dómine.

IN LAUDIBUS.

Psalmus 92.



DOMINUS regnávít, decórem indútusest : \* indútus est Dóminus fortitúdinem, et prae-cínxit se.

Etenim firmávit orbem terrae, \* qui non commovébitur.

Paráta sedes tua ex tunc : \* a saeculo tu es.

Elevavérunt flúmina Dómine : \* elevavérunt flúmina vocem suam.

Elevavérunt flúmina fluctus suos, \* a vóci-bus aquárum multárum.

Mirábiles elatiões maris : \* mirábilis in altis Dóminus.

Testimónia tua credibília facta sunt nimis : \* domum tuam decet sanctitúdo Dómine in longitudinem diérum.

Añā. Hoc est praeceptum meum, ut diligátis ínvicem, sicut diléxi vos.



Psalmus 99.

**J**UBILATE Deo omnis terra : \* servíte Dómino in laetítia.

Introíte in conspéctu ejus, \* in exsultatióne.

Scitóte quóniam Dóminus ipse est Deus : \* ipse fecit nos, et non ipsi nos :

Pópulus ejus, et oves páscuae ejus : \* introíte portas ejus in confessióne, \* átria ejus in hymnis : confitémini illi.

Laudáte nomen ejus : quóniam suávis est Dóminus, \* in aetérnum misericórdia ejus, \* et usque in generatióem et generatióem véritas ejus.

Añña. Majórem caritátem nemo habet, ut ánimam suam ponat quis pro amícis suis.

Psalmus 62.

**D**EUS Deus meus \* ad te de luce vígilo.

Sitívit in te ánimam mea, \* quam multiplíciter tibi caro mea.

In terra desérta, et ínvia, et inaquósa : \* sic in sancto appáruí tibi, \* ut vidérem virtútem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedícam te in vita mea : \* et in nómine tuo levábo manus meas.

Sicut ádipe et pinguédine repleátur ánimam mea : \* et lábiis exsultatiónis laudábit os meum.

Si memor fui tui super stratum meum, \* in matutínis meditábor in te : \* quia fuísti adjútor meus.

Et in velaménto alárum tuárum exsultábo, \* adhaesit ánimam mea post te : \* me suscepit dextera tua.

Ipsi vero in vanum quae-siérunt ánimam meam, \* introíbunt in inferióra terrae : \* tradéntur in manus gládii, partes vúlpium erunt.

Rex vero laetábitur in Deo, \* laudabúntur omnes qui jurant in eo : \* quia obstrúctum est os loquéntium iníqua.

Psalmus 66.

**D**EUS misereátur nostri, et benedícat nobis : \* illúminet vultum suum super nos, et misereátur nostri.

Ut cognoscámus in terram viam tuam : \* in ómnibus géntibus salutáre tuum.

Confiteántur tibi pópuli Deus : \* confiteántur tibi pópuli omnes.

Laeténtur et exsúltent gentes : \* quóniam júdicas pópulos in aequitáte, \* et gentes in terra dírigis.

Confiteántur tibi pópuli Deus : \* confiteántur tibi pópuli omnes : \* terra dedit fructum suum.

Benedícat nos Deus, Deus noster, \* benedícat nos Deus : \* et métuant eum omnes fines terrae.

Añña. Vos amíci mei estis, si

fecéritis, quae praecípio vobis, dicit Dóminus.

Canticum trium puerorum.

*Dan. 3.*

**B**ENEDICITE ómnia ópera Dómini Dómino : \* laudáte et superexaltáte eum in saecula.

Benedícite Angeli Dómini Dómino : \* benedícite caeli Dómino.

Benedícite aquae omnes, quae super caelos sunt, Dómino : \* benedícite omnes virtútes Dómini Dómino.

Benedícite sol, et luna Dómino : \* benedícite stellae caeli Dómino.

Benedícite omnis imber, et ros Dómino : \* benedícite omnes spíritus Dei Dómino.

Benedícite ignis, et aestus Dómino : \* benedícite frigus, et aestus Dómino.

Benedícite rores, et pruína Dómino : \* benedícite gelu, et frigus Dómino.

Benedícite glácies, et nives Dómino : \* benedícite noctes, et dies Dómino.

Benedícite lux, et ténebrae Dómino : \* benedícite fúlgura, et nubes Dómino.

Benedícat terra Dóminum : \* laudet, et superexáltet eum in saecula.

Benedícite montes, et colles Dómino : \* benedícite universa germinántia in terra Dómino.

Benedícite fontes Dómino : \*

benedícite mária, et flúmina Dómino.

Benedícite cete, et ómnia, quae movéntur in aquis, Dómino : \* benedícite omnes vólucres caeli Dómino.

Benedícite omnes béstiae, et pécora Dómino : \* benedícite fílii hóminum Dómino.

Benedícat Israël Dóminum : \* laudet et superexáltet eum in saecula.

Benedícite sacerdótes Dómini Dómino : \* benedícite servi Dómini Dómino.

Benedícite spíritus, et ánimae justórum Dómino : \* benedícite sancti, et húmiles corde Dómino.

Benedícite Ananía, Azaría, Misaél Dómino : \* laudáte et superexaltáte eum in saecula.

Benedicámus Patrem, et Fílium cum sancto Spíritu : \* laudémus et superexaltémus eum in saecula.

Benedíctus es Dómine in firmaménto caeli : \* et laudábilis, et gloriósus, et superexaltátus in saecula.

Ána. Beáti pacífici, beáti mundo corde : quóniam ipsi Deum vidébunt.

Psalmus 148.

**L**AUDATE Dóminum de caelis : \* laudáte eum in excélsis.

Laudáte eum omnes Angeli ejus : \* laudáte eum omnes virtútes ejus.

Laudáte eum sol et luna : \*  
laudáte eum omnes stellae, et  
lumen.

Laudáte eum caeli caeló-  
rum : \* et aquae omnes, quae  
super caelos sunt, laudent no-  
men Dómini.

Quia ipse dixit, et facta  
sunt : \* ipse mandávit, et creáta  
sunt.

Státuit ea in aetérnum, et in  
saeculum saeculi : \* praecé-  
ptum pósuit, et non praeteribit.

Laudáte Dóminum de ter-  
ra, \* dracones, et omnes abyssi.

Ignis, grando, nix, glácies,  
spíritus procellárum : \* quae  
fáciunt verbum ejus :

Montes, et omnes colles : \*  
ligna fructífera, et omnes ce-  
dri.

Béstiae, et univérsa péco-  
ra : \* serpéntes, et vólucres  
pennátae :

Reges terrae, et omnes pó-  
puli : \* príncipes, et omnes  
júdices terrae.

Júvenes, et vírgines : senes  
cum junióribus laudent nomen  
Dómini : \* quia exaltátum est  
nomen ejus solus.

Conféssio ejus super caelum,  
et terram : \* et exaltávit cornu  
pópuli sui.

Hymnus ómnibus sanctis  
ejus : \* fíliis Israél, pópulo  
appropinquánti sibi.

Psalmus 149.

**C**ANTATE Dómino cánti-  
cum novum : \* laus ejus  
in ecclésia sanctórum.

Laetétur Israél in eo, qui  
fecit eum : \* et fílii Sion exsúl-  
tent in rege suo.

Laudent nomen ejus in  
choro : \* in tympano, et psal-  
tério psallant ei :

Quia beneplácitum est Dó-  
mino in pópulo suo : \* et exal-  
tábit mansuétos in salútem.

Exsultábunt sancti in gló-  
ria : \* laetabúntur in cubílibus  
suis.

Exaltatiónes Dei in gútture  
eórum : \* et gládii ancípites in  
mánibus eórum :

Ad faciéndam vindíctam in  
natió nibus : \* increpati ónes in  
pópulis.

Ad alligándos reges eórum  
in compédibus : \* et nóbiles  
eórum in mánicis férreis.

Ut fácient in eis judícium  
conscríptum : \* glória haec est  
ómnibus sanctis ejus.

Psalmus 150.

**L**AUDATE Dóminum in  
sanctis ejus : \* laudáte  
eum in firmaménto virtútis  
ejus.

Laudáte eum in virtútibus  
ejus : \* laudáte eum secúndum  
multitúdinem magnitúdinis  
ejus.

Laudáte eum in sono tu-  
bae : \* laudáte eum in psalté-  
rio, et cíthara.

Laudáte eum in tympano, et  
choro : \* laudáte eum in chor-  
dis, et órgano.

Laudáte eum in cymbalis  
benesonántibus : ⁊ laudáte eum

in cymbalis jubilationis : \*  
omnis spíritus laudet Dómi-  
num.

*Añá.* In paciéntia vestra pos-  
sidébitis ánimas vestras.

Capitulum. Jam non estis.  
pag. iij.

Hymnus.

**I**ETTERNA Christi mú-  
nera,  
Apostolórum glóriam,  
Laudes feréntes débitas,  
Laetis canámus méntibus.

Ecclesiárum príncipes,  
Belli triumpháles duces,  
Caeléstis aulae mílites,  
Et vera mundi lúmina.

Devóta sanctórum fides,  
Invícta spes credéntium,  
Perfécta Christi cáritas,  
Mundi triúmphat príncipem.

In his patérna glória,  
In his volúntas Spíritus,  
Exsúltat in his Fílius,  
Caelum replétur gáudiis.

Te nunc Redémptor quae-  
sumus,  
Ut ipsórum consórtio  
Jungas precántes sérvulos,  
In sempitérna saecula.

Amen.

*V.* Annuntiavérunt ópera  
Dei. *R.* Et facta ejus intelle-  
xérunt.

*Ad Benedictus.* *Añá.* Vos,  
qui secúti estis me, sedébitis  
super sedes, judicántes duó-  
decim tribus Isráel, dicit Dó-  
minus.

*Ad Horas dici Añae Lau-  
dum.*

#### AD TERTIAM.

Capitulum. Jam non estis.

*R.* In omnem terram \* Exí-  
vit sonus eórum. In omnem.  
*V.* Et in fines orbis terrae verba  
eórum. Exívit. Glória Patri. In.  
*V.* Constítues eos príncipes  
super omnem terram. *R.* Mé-  
mores erunt nóminis tui, Dó-  
mine.

Quando haec *R.* *R.* dici de-  
beant cum dupl. Allelúia. dici-  
tur in Rubr. general. § xvj. n. 2.

#### AD SEXTAM.

Capitulum. *Act.* 5.

**D**ER manus autem Aposto-  
lórum fiébant signa, et  
prodígia multa in plebe.

*R.* Constítues eos príncipes  
\* Super omnem terram. Con-  
stítues. *V.* Mémoires erunt nó-  
minis tui, Dómine. Super. Gló-  
ria Patri. Constítues.

*V.* Nimis honoráti sunt  
amíci tui, Deus. *R.* Nimis con-  
fortátus est principátus eórum.

#### AD NONAM.

Capitulum. *Act.* 5.

**I**BANT Apóstoli gaudén-  
tes a conspéctu concílii,  
quóniam digni hábiti sunt pro  
nómine Jesu contuméliam pati.

*R.* Nimis honoráti sunt  
\* Amíci tui, Deus. Nimis.  
*V.* Nimis confortátus est prin-  
cipátus eórum. Amíci. Glória  
Patri. Nimis.

*V.* Annuntiavérunt ópera  
Dei. *R.* Et facta ejus intelle-  
xérunt.

## AD VESPERAS.

Psalmus 109.

**D**IXIT Dóminus Dómino meo : \* Sede a dextris meis :  
Donec ponam inimicos tuos, \* scabellum pedum tuorum.

Virgam virtutis tuae emittet Dóminus ex Sion : \* dominare in medio inimicorum tuorum.

Tecum principium in die virtutis tuae in splendoribus sanctorum : \* ex útero ante luciferum genui te.

Juravit Dóminus, et non poenitebit eum : \* Tu es sacerdos in aeternum secundum ordinem Melchisedech.

Dóminus a dextris tuis, \* confrégit in die irae suae reges.

Judicabit in nationibus, implebit ruinas : \* conquassabit capita in terra multorum.

De torrente in via bibet : \* propterea exaltabit caput.

Psalmus 112.

**L**AUDATE púeri Dómini : \* laudate nomen Dómini.

Sit nomen Dómini benedictum, \* ex hoc nunc, et usque in saeculum.

A solis ortu usque ad occasum, \* laudabile nomen Dómini.

Excelsus super omnes gentes Dóminus, \* et super caelos glória ejus.

Quis sicut Dóminus Deus noster, qui in altis habitat, \*

et humilia respicit in caelo et in terra?

Suscitans a terra inopem, \* et de stercore erigens pauperem :

Ut collocet eum cum principibus, \* cum principibus populi sui.

Qui habitare facit sterilem in domo, \* matrem filiorum laetantem.

Psalmus 115.

**C**REDIDI, propter quod locutus sum : \* ego autem humiliatus sum nimis.

Ego dixi in excessu meo : \* Omnis homo mendax.

Quid retribuam Dómino, \* pro omnibus, quae retribuit mihi?

Cálicem salutáris accipiam : \* et nomen Dómini invocábo.

Vota mea Dómino reddam coram omni populo ejus : \* pretiosa in conspectu Dómini mors Sanctorum ejus :

O Dómine quia ego servus tuus : \* ego servus tuus, et filius ancillae tuae.

Dirupisti víncula mea : \* tibi sacrificábo hostiam laudis, et nomen Dómini invocábo.

Vota mea Dómino reddam in conspectu omnis populi ejus : \* in atriis domus Dómini, in medio tui Jérusalem.

Psalmus 125.

**I**N convertendo Dóminus captivitatem Sion : \* facti sumus sicut consolati :

Tunc repletum est gaudio os

nostrum : \* et lingua nostra exultatióne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fácere nobíscum : \* facti sumus laetántes.

Convérte Dómine captivitátem nostram, \* sicut torrens in austro.

Qui sémant in lácrymis, \* in exultatióne metent.

Eúntes ibant et flebant, \* mitténtes sémina sua.

Veniéntes autem vénient cum exultatióne, \* portántes manípulos suos.

Psalmus 138.

**D**OMINE probásti me, et cognovísti me : \* tu cognovísti sessiónem meam, et resurrectiόνem meam :

Intellexísti cogitatiónes meas de longe : \* sémitam meam, et funículum meum investigásti.

Et omnes vias meas praevidísti : \* quia non est sermo in lingua mea.

Ecce Dómine tu cognovísti ómnia novíssima, et antíqua : \* tu formásti me, et posuísti super me manum tuam.

Mirábilis facta est sciéntia tua ex me : \* confortáta est, et non pótero ad eam.

Quo ibo a spíritu tuo? \* et quo a fácie tua fúgiam?

Si ascéndero in caelum, tu illic es : \* si descéndero in inférnum, ades.

Si sumpsero pennas meas dilúculo, \* et habitávero in extrémis maris :

Etenim illuc manus tua dedúcet me : \* et tenébit me délixtera tua.

Et dixi : Fórsitan ténebrae conculcábunt me : \* et nox illuminátio mea in delíciis meis.

Quia ténebrae non obscurabúntur a te, et nox sicut dies illuminábitur : \* sicut ténebrae ejus, ita et lumen ejus.

Quia tu possedísti renes meos : \* suscepísti me de útero matris meae.

Confitébor tibi quia terribíliter magnificátus es : \* mirábilia ópera tua, et ánima mea cognóscit nimis.

Non est occultátum os meum a te, quod fecisti in occulto : \* et substántia mea in inferióri- bus terrae.

Imperféctum meum viderunt óculi tui, et in libro tuo omnes scribéntur : \* dies formabúntur, et nemo in eis.

Mihi autem nimis honorificáti sunt amíci tui, Deus : \* nimis confortátus est principátus eórum.

Dinumerábo eos, et super arénam multiplicabúntur : \* exsurrexi, et adhuc sum tecum.

Si occideris Deus peccátóres : \* viri sánguinem declináte a me :

Quia dícitis in cogitatióne : \* accípient in vanitáte civitátes tuas.

Nonne qui odérunt te Dómine, óderam : \* et super inimícos tuos tabescébam?

Perfécito ódio óderam illos : \* et inimíci facti sunt mihi.

Proba me Deus, et scito cor meum : \* intérroga me, et cognósce sémitas meas.

Et vide, si via iniquitátis in me est : \* et deduc me in via aetérna.

Super Psalm. Añã. Hoc est praeceptum meum, ut diligátis ínvicem, sicut diléxi vos.

Capitulum, Hymnus, et X. ut in primis Vesperis, pag. iij.

Ad Magnificat, Añã. In re-generatióne, cum séderit Fílius hóminis in sede majestátis suae, sedébitis et vos, judicántes duódecim tribus Israël, dicit Dóminus.

## IN COMMUNI

## UNIUS EVANGELISTAE.

## AD VESPERAS.

Capitulum. *Eccli. 15.*



UI timet Deum, faciet bona : et qui cón-tinens est justítiae, ap-prehéndet illam, et obviábit illi quasi mater hono-rificáta.

Et dicetur idem Capit. ad Laudes, Tertiam, et ij. Vesp.

Ad Magnificat, Añã. Ecce ego Joánnes vidi óstium apér-tum in caelo, et ecce sedes pó-sita erat in eo, et in médio se-dis, et in circúitu ejus quátuor

animália plena óculis ante et retro : et dabant glóriam, et honórem, et benedictiónem se-dénti super thronum, vivénti in saecula saeculórum.

## AD MATUTINUM.

Invitatorium. Regem Evan-gelistárum Dóminum \* Veníte adorémus.

## AD LAUDES.

Ad Benedictus, Añã. In mé-dio et in circúitu sedis Dei quátuor animália senas alas habéntia, óculis úndique plena, non cessant nocte ac die dicere : Sanctus, Sanctus, Sanctus Dó-minus Deus omnípotens, qui erat, et qui est, et qui ventú-rus est.

## AD SEXTAM.

Capitulum. *Eccli. 15.*

**C**IBAVIT illum Dóminus pane vitae et intelléctus, et aqua sapiéntiae salutáris potávit illum.

## AD NONAM.

Capitulum. *Eccli. 15.*

**I**N médio ecclésiae apérui os ejus, et implévit eum Dóminus spíritu sapiéntiae et intelléctus, et stolam glóriae induit eum.

## AD VESPERAS.

Ad Magnificat, Añã. Tua sunt haec Chríste ópera, qui sanctos tuos ita gloríficas, ut étiam dignitátis grátia in eis futúrae, praeíre mirácula fá-cias : tu insíignes Evángelii praedicatóres animálium cae-

léstium admirábili figura prae-  
signásti : his namque caeléste  
munus collátum gloriósis indí-  
ciis es dignátus osténdere :

hinc laus, hinc glória tibi réso-  
net in saecula.

Cetera omnia, ut supra in  
Communi Apostolorum.

—❖—      IN COMMUNI      —❖—  
**UNIUS MARTYRIS PONTIFICIS.**

**AD VESPERAS.**

Super Psalm. Añā. Laetábi-  
tur justus in Dómino, et spe-  
rábit in eo, et laudabúntur  
omnes recti corde.

Capitulum.

*Jac. I.*



**D**EATUS vir, qui suf-  
fert tentatióem :  
quóniam cum probá-  
tus fúerit, accípiet  
corónam vitae, quam repromí-  
sit Deus diligéntibus se.

R. ix. Gloriósus Dei. p. xxvij.

Hymnus.

**D**EUS tuórum mílitum  
Corónā, sors, et prae-  
mium,

Laudes canéntes Mártyris  
Absólve nexu críminis.

Illic nempe mundi gáudia,  
Et blandiménta nóxia,  
Cadúca rite députans,  
Pervénit ad caeléstia.

Poenas cucúrrit fórtiter,  
Et sústulit viríliter :  
Pro te profúndens sánguinem  
ÆtéRNA dona póssidet.

Ob hoc precátu súpplici  
Te póscimus píssime :  
In hoc triúmpho Mártyris  
Dimítte noxam sérvulis.

Laus et perénis glória  
Deo Patri cum Fílio,  
Sancto simul Paráclito,  
In sempitérna saecula.

Amen.

V. Glória et honóre coroná-  
sti eum, Dómine. R. Et con-  
stituísti eum super ópera má-  
nuum tuárum.

Ad Magnificat. Añā. Hic est  
vere Martyr, qui pro Christi  
nómine sánguinem suum fudit :  
qui minas júdicum non tímuit,  
nec terrénae dignitátis glóriam  
quaesívit, sed ad caeléstia re-  
gna felíciter pervénit.

Oratio.

**L**AETETUR Ecclésia  
tua, Deus, beáti N. Már-  
tyris tui atque Pontíficis con-  
físa suffrágiis : atque ejus pré-  
cibus gloriósis, et devóta per-  
máneat, et secúra consístat.  
Per Dóminum.

Alia Oratio.

**D**A, quaesumus omnípo-  
tens Deus : ut qui beáti  
N. Mártyris tui atque Pontí-  
ficis solémnia cólimus, ejus  
apud te intercessiónibus adju-  
vémur. Per Dóminum.



Si contigerit fieri plures Memorias de aliis Mart. in primis Vesp.

Pro j. Mem. dic. Añā. Iste est. etc. ut ad Magnificat in ij. Vesp.

Pro ij. dicatur Añā. Qui me. etc. quae est j. Laudum.

Pro iij. dic. Añā. Qui mihi. etc. quae est iv. Laudum.

V. desumantur ex Noct. incipiendo a primo.

#### AD MATUTINUM.

Invitatorium. Regem sempiternum venite adoremus, \* Qui Mártirem suum digne pro méritis coronávit in caelis.

Hymnus. Deus tuorum. ut supra.

In primo Nocturno.

Psalmus I.

**D**EATUS vir, qui non ábiit in consilio impiórum, ꝛ et in via peccatórum non stetit, \* et in cáthedra pestiléntiae non sedit :

Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo :

Et fólium ejus non défluet : \* et ómnia quaecúmque fáciet, prosperabúntur.

Non sic ímpii, non sic : \* sed tamquam pulvis, quem prójicit ventus a fácie terrae

Ideo non resúrgent ímpii in judício : \* neque peccatóres in concílio justórum.

Quóniam novit Dóminus viam justórum : \* et iter impiórum peribit.

Añā. In lege Dómini fuit volúntas ejus die ac nocte.

Psalmus 2.

**Q**UARE fremuérunt gentes, \* et pópuli meditáti sunt inánia?

Astitérunt reges terrae, ꝛ et príncipes convenérunt in unum \* advérsus Dóminum, et advérsus Christum ejus.

Dirumpámus víncula eórum : \* et projiciámus a nobis jugum ipsórum.

Qui hábitat in caelis irridébit eos : \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego autem constitútus sum rex ab eo super Sion montem sanctum ejus, \* praedicans praecéptum ejus.

Dóminus dixit ad me : \* Fílius meus es tu, ego hódie génui te.

Póstula a me, et dabo tibi gentes hereditátem tuam, \* et possessionem tuam términos terrae.

Reges eos in virga férrea, \* et tamquam vas figuli confrínges eos.

Et nunc reges intelligite : \* erudímini qui judicátis terram.

Servíte Dómino in timóre : \*  
et exsultáte ei cum tremóre.

Apprehéndite disciplínam  
nequándo irascátur Dóminus, \*  
et pereátis de via justa.

Cum exárserit in brevi ira  
ejus, \* beáti omnes, qui confídunt in eo.

Añá. Praedicans præcéptum  
Dómini, constitútus est in  
monte sancto ejus.

Psalmus 3.

**D**OMINE quid multiplicáti  
sunt qui tríbulant me? \*  
multi insúrgunt advérsus me.

Multi dicunt ánimæ meae : \*  
Non est salus ipsi in Deo  
ejus.

Tu autem Dómine suscéptor  
meus es, \* glória mea, et exáltans  
caput meum.

Voce mea ad Dóminum  
clamávi : \* et exaudivit me de  
monte sancto suo.

Ego dormívi, et soporátus  
sum : \* et exsurrexi, quia Dóminus  
suscépit me.

Non timébo míllia pópuli  
circumdántis me : \* exsúrge  
Dómine, salvum me fac Deus  
meus.

Quóniam tu percussísti  
omnes adversántes mihi sine  
causa : \* dentes peccatórum  
contrivísti.

Dómini est salus : \* et super  
pópulum tuum benedíctio  
tua.

Añá. Voce mea ad Dóminum  
clamávi : et exaudivit me  
de monte sancto suo.

℟. Glória et honóre coronásti  
eum, Dómine. ℞. Et constituísti  
eum super ópera mánuum tuárum.

De Actibus Apostolorum.

Lectio j.

Cap. 20.



**M**ILETO Paulus  
mittens Ephesum,  
vocávit majóres natu  
ecclésiæ. Qui cum  
veníssent ad eum, et simul  
essent, dixit eis : Vos scitis a  
prima die, qua ingressus sum  
in Asiam, quáliter vobíscum  
per omne tempus fúerim, sérviens  
Dómino cum omni hu-  
militáte, et lácrymis, et tenta-  
tiónibus, quæ mihi accidérunt  
ex insídiis Judaeórum : quó-  
modo nihil subtráxerim utí-  
lium, quo minus annuntiárem  
vobis, et docérem vos públice,  
et per domos, testificans Ju-  
daeis, atque gentílibus in Deum  
poeniténtiam, et fidem in Dó-  
minum nostrum Jesum Chri-  
stum.

℞. Iste Sanctus pro lege Dei  
sui certávit usque ad mortem,  
et a verbis impiórum non tí-  
muit : \* Fundátus enim erat  
supra firmam petram. ℟. Mu-  
nímine régio septus, nullátenu  
est ab adversáriis superátus.  
Fundátus enim.

Lectio ij.

**E**T nunc ecce alligátus ego  
spíritu, vado in Jerúsá-  
lem, quæ in ea ventúra sint  
mihi, ignórans : nisi quod  
Spíritus sanctus per omnes

civitates mihi protestatur, dicens : quoniam vincula, et tribulationes Jerosolymis me manent. Sed nihil horum vereor : nec facio animam meam pretiosorem quam me, dummodo consummem cursum meum, et ministerium verbi, quod accēpi a Domino Jesu, testificari Evangelium gratiae Dei.

R. Posuisti Domine super caput ejus coronam de lapide pretioso : vitam petiit a te, et tribuisti ei \* In saeculum saeculi. V. Magna est gloria ejus in salutari tuo : gloriam et magnum decorem impones super eum. In saeculum.


Lectio iij.

**E**T nunc ecce ego scio quia amplius non videbitis faciem meam vos omnes, per quos transivi praedicans regnum Dei. Quapropter contestor vos hodierna die, quia mundus sum a sanguine omnium. Non enim subterfugi, quominus annuntiarem omne consilium Dei vobis. Attendite vobis, et universo gregi, in quo vos Spiritus sanctus posuit Episcopos regere Ecclesiam Dei, quam acquisivit sanguine suo.

R. Gloria et honore coronasti eum, Domine, et constituisti eum super opera manuum tuarum : \* Omnia subjecisti sub pedibus ejus. V. Quoniam elevata est magnificentia tua super caelos, Deus. Omnia. Gloria Patri. Omnia.

In secundo Nocturno.

Psalmus 4.



**M**UM invocarem exaudivit me Deus justitiae meae : \* in tribulatione dilatasti mihi.

Miserere mei, \* et exaudi orationem meam.

Filii hominum usquequo gravi corde? \* ut quid diligitis vanitatem, et quaeritis mendacium?

Et scitote quoniam mirificavit Dominus sanctum suum : \* Dominus exaudiet me cum clamavero ad eum.

Irascimini, et nolite peccare : \* quae dicitis in cordibus vestris, in cubilibus vestris compungimini.

Sacrificate sacrificium justitiae, et sperate in Domino : \* multi dicunt : Quis ostendit nobis bona?

Signatum est super nos lumen vultus tui Domine : \* dedisti laetitiam in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam, et requiescam :

Quoniam tu Domine singulariter in spe \* constituisti me.

Añā. Filii hominum scitote quia Dominus sanctum suum mirificavit.

Psalmus 5.

**V**ERBA mea auribus percipe Domine, \* intellige clamorem meum.

Inténde voci oratiónis meae, \*  
rex meus et Deus meus.

Quóniam ad te orábo : \* Dó-  
mine mane exáudies vocem  
meam.

Mane astábo tibi et vidébo : \*  
quóniam non Deus volens ini-  
quitátem tu es.

Neque habitábit juxta te ma-  
lignus : \* neque permanébunt  
injústi ante óculos tuos.

Odísti omnes, qui operántur  
iniquitátem : \* perdes omnes,  
qui loquúntur mendácium.

Virum sánguinem et doló-  
sum abominábitur Dóminus : \*  
ego autem in multitúdine mi-  
sericórdiae tuae.

Introíbo in domum tuam : \*  
adorábo ad templum sanctum  
tuum in timóre tuo.

Dómine deduc me in justí-  
tia tua : \* propter inimícos  
meos dírige in conspéctu tuo  
viam meam.

Quóniam non est in ore eó-  
rum véritas : \* cor eórum va-  
num est.

Sepúlcrum patens est guttur  
eórum, ꝛ linguis suis dolóse  
agébant, \* júdica illos Deus.

Décidant a cogitatióibus  
suis, ꝛ secúndum multitúdi-  
nem impietátum eórum expélle  
eos, \* quóniam irritavérunt te  
Dómine.

Et laeténtur omnes, qui  
sperant in te, \* in aetérnum  
exsultábunt : et habitábis in eis.

Et gloriabúntur in te omnes,  
qui díligunt nomen tuum, \*  
quóniam tu benedíces justo.

Dómine, ut scuto bonae vo-  
luntátis tuae \* coronásti nos.

Añá. Scuto bonae voluntátis  
tuae coronásti eum, Dómine.

Psalmus 8.

**D**OMINE Dóminus no-  
ster, \* quam admirábile  
est nomen tuum in univér-  
sa terra!

Quóniam eleváta est magni-  
ficéntia tua, \* super caelos.

Ex ore infántium et lactén-  
tium perfecísti laudem propter  
inimícos tuos, \* ut déstruas  
inimícum et ultórem.

Quóniam vidébo caelos tuos,  
ópera digitórum tuórum : \*  
lunam et stellas, quae tu fun-  
dásti.

Quid est homo, quod memor  
es ejus? \* aut fílius hóminis,  
quóniam vísitas eum?

Minuísti eum paulo minus  
ab Angelis, ꝛ glória et honóre  
coronásti eum : \* et constituísti  
eum super ópera mánuum  
tuárum.

Omnia subjecísti sub pedi-  
bus ejus, \* oves et boves uni-  
vérsas : insuper et pécora campi.

Vólucres caeli, et pisces ma-  
ris, \* qui perámbulant sémitas  
maris.

Dómine Dóminus noster, \*  
quam admirábile est nomen  
tuum in univér-  
sa terra!

Añá. In univér-  
sa terra glória  
et honóre coronásti eum.

V. Posuísti Dómine super  
caput ejus. R. Corónam de lá-  
pide pretióso.

Sermo sancti Augustini

Epíscopi.

*Ex serm. 3. de S. Cypr.*

Lectio iv.



**F**ACILE est honórem Mártiris celebráre : magnum est fidem atque patiéntiam Mártiris imitári. Hoc sic agá-mus, ut illud optémus : illud sic celebrémus, ut hoc pótius diligámus. Quid laudémus in fide Mártiris? Quia usque ad mortem certávit pro veritáte, et ideo vicit. Blandiéntem mundum contémpsit, saeviénti non cessit : ideo victor ad Deum accéssit.

R. Beátus vir, qui suffert tentatióem : quóniam cum probátus fúerit, accípiet corónam vitae, \* Quam repromísit Deus diligéntibus se. V. Hic accípiet benedictiónem a Dómino, et misericórdiam. Quam.

Lectio v.

**A**BUNDANT in isto saeculo erróres et terróres : beatíssimus Martyr erróres sapiéntia, terróres patiéntia superávit. Magnum est, quod fecit : secúsus Agnum, leónem vicit. Quando persecútor saeviébat, leo fremébat : sed quia Agnus sursum attendebátur, qui morte mortem destrúxit, ligno pepéndit, sánguinem fudit, redémit mundum : leo deórsum calcabátur.

R. Dómine praevenísti eum in benedictiónibus dulcédinis :

posuísti in cápite ejus \* Corónam de lápide pretiósó. V. Vitam pétiit a te, et tribuísti ei, Dómine. Corónam.

Lectio vj.

**B**EATUS hic Martyr, dum inexpugnábili firmitáte certáminis sui adversárium vicit, vincéndi céteris viam fecit : non brevi compéndio vúlnerum victor, sed adhaeréntibus diu, et permanéntibus poenis, longae colluctatiónis miraculo triumphátor. Custódia cárceris septus, in nervo ac ferro fuit : sed pósito in vín-culis córpore, solúsus ac liber spíritus mansit. Caro famis ac sitis diuturnitáte contábuit : sed ánimam fide et virtúte vivéntem, nutrimentis spiritalibus Deus pavit.

R. Hic est vere Martyr, qui pro Christi nómine sánguinem suum fudit : \* Qui minas júdicum non tímuit, nec terrénae dignitátis glóriam quaesívit, Sed ad caeléstia regna pervénit. V. Justum dedúxit Dóminus per vias rectas, et osténdit illi regnum Dei. Qui: Glória Patri. Sed.

In tertio Nocturno.

Psalmus 10.



**N** Dómino confído : quómo-do dícitis áni-mae meae : \* Tráns-migra in montem sicut passer?

Quóniam ecce peccatóres intendérunt arcum, & paravérunt

sagittas suas in pháretra, \* ut sagittent in obscúro rectos corde.

Quóniam quae perfecisti, destruxérunt: \* justus autem quid fecit?

Dóminus in templo sancto suo, \* Dóminus in caelo sedes ejus:

Oculi ejus in páuperem respiciunt: \* pálpebrae ejus interrogant fílios hóminum.

Dóminus interrogat justum et ímpium: \* qui autem diligit iniquitatem, odit ánimam suam.

Pluet super peccatóres láqueos: \* ignis, et sulphur, et spíritus procellárum pars cálicis eórum.

Quóniam justus Dóminus et justítias diléxit: \* aequitatem vidit vultus ejus.

Añá. Justus Dóminus, et justítias diléxit: aequitatem vidit vultus ejus.

Psalmus 14.

**D**OMINE quis habitábit in tabernáculo tuo? \* aut quis requiescet in monte sancto tuo?

Qui ingreditur sine mácula, \* et operátur justítiam:

Qui loquitur veritatem in corde suo, \* qui non egit dolum in lingua sua:

Nec fecit próximo suo malum, \* et oppróbrium non accépit advérsus próximos suos.

Ad níhilum dedúctus est in conspéctu ejus malignus: \* tímētes autem Dóminum glórficat:

Qui jurat próximo suo, et non decipit, et qui pecúniam suam non dedit ad usúram, \* et múnera super innocentem non accépit:

Qui facit haec, \* non movébitur in aetérnum.

Añá. Habitábit in tabernáculo tuo: requiescet in monte sancto tuo.

Psalmus 29.

**D**OMINE in virtúte tua laetábitur rex: \* et super salutáre tuum exsultábit vehementer.

Desidérium cordis ejus tribuísti ei: \* et voluntáte labiórum ejus non fraudásti eum.

Quóniam praevenísti eum in benedictiónibus dulcédinis: \* posuísti in cápite ejus corónam de lápide pretiósó.

Vitam pétiit a te: \* et tribuísti ei longitudínem diérum in saeculum, et in saeculum saeculi.

Magna est glória ejus in salutári tuo: \* glóriam et magnum decórem impónes super eum.

Quóniam dabis eum in benedictiónem in saeculum saeculi: \* laetificábis eum in gáudio cum vultu tuo.

Quóniam rex sperat in Dómino: \* et in misericórdia Altíssimi non commovébitur.

Inveniátur manus tua ómnibus inimícis tuis: \* dextera tua invéniat omnes, qui te odérunt.

Pones eos ut clibanum ignis in tempore vultus tui : \* Dominus in ira sua conturbabit eos, et devorabit eos ignis.

Fructum eorum de terra perdes : \* et semen eorum a filiis hominum.

Quoniam declinaverunt in te mala; \* cogitaverunt consilia, quae non potuerunt stabilire.

Quoniam pones eos dorsum : \* in reliquiis tuis praeparabis vultum eorum.

Exaltare Domine in virtute tua : \* cantabimus et psallimus virtutes tuas.

Añā. Posuisti Domine super caput ejus coronam de lapide pretioso.

V. Magna est gloria ejus in salutari tuo. R. Gloriam et magnum decorem impones super eum.

Lectio sancti Evangelii secundum Lucam.

Lectio vij. Cap. 14.

**I**N illo tempore : Dixit Jesus turbis : Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia sancti Gregorii Papae.

Hom. 37. in Evang.



I consideremus, fratres carissimi, quae et quanta sunt quae nobis promittuntur in caelis, vilescunt animo omnia

quae habentur in terris. Terrena namque substantia supernae felicitati comparata, pondus est, non subsidium. Temporalis vita aeternae vitae comparata, mors est potius dicenda, quam vita. Ipse enim quotidianus defectus corruptionis quid est aliud, quam quaedam prolixitas mortis? Quae autem lingua dicere, vel quis intellectus capere sufficit, illa supernae civitatis quanta sint gaudia : Angelorum choris interesse, cum beatissimis spiritibus gloriae Conditoris assistere, praesentem Dei vultum cernere, incircumscriptum lumen videre, nullo mortis metu affici, incorruptionis perpetuae munere laetari?

R. Stulam jucunditatis induit eum Dominus, \* Et coronam pulcritudinis posuit super caput ejus. V. Cibavit illum Dominus pane vitae et intellectus, et aqua sapientiae salutaris potavit eum. Et.

Lectio viij.

**S**ED ad haec audita inardescit animus, jamque illic cupit assistere, ubi se sperat sine fine gaudere. Sed ad magna praemia perveniri non potest, nisi per magnos labores. Unde et Paulus egregius praedicator dicit : Non coronabitur, nisi qui legitime certaverit. Delictet ergo mentem magnitudo praemiorum, sed non deterrere certamen labo-

rum. Unde ad se venientibus Veritas dicit : Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus.

R. Coróna áurea super caput ejus expressa signo sanctitatis, glória honoris, \* Et opus fortitudinis. V. Quóniam praevenisti eum in benedictionibus dulcedinis : posuisti in capite ejus corónam de lapide pretioso. Et.

Lectio ix.

**S**ED percontári libet, quómodo paréntes, et carnáliter propínquos praecipimur odísse, qui jubémur et inimícos diligere? Et certe Veritas de uxóre dicit : Quod Deus conjúnxit, homo non séparet. Et Paulus ait : Viri, diligite uxóres vestras, sicut et Christus Ecclésiam. Ecce, discipulus uxórem diligéndam praedicat, cum Magíster dicat : Qui uxórem non odit, non potest meus esse discipulus. Numquid áliud judex núntiat, áliud praeco clamat? An simul et odísse possumus, et diligere? Sed si vim praecépti perpéndimus, utrúmque ágere per discretiónem valémus : ut uxórem, et eos, qui nobis carnis cognatióne conjúnti sunt, et quos próximos nóvimus, diligámus : et quos adversários in via Dei pátimur, odiéndum et fugiéndum nesciámus.

R. Gloriósus Dei amícus N. Jesu Dómini confessióne fundátus, inter tormentórum supplicia stetit impertérritus : \* Ac demum triumpháli morte insígnis, Caelos petívit sanguine laureátus. V. Felíci comércio, pro terrénis caeléstia, pro peritúris aetérna commúntans. Ac demum. Glória Patri. Caelos.

Ante Laudes, V. Ora pro nobis beáte N. R. Ut digni efficiámur promissionibus Christi.

IN LAUDIBUS.

Añá. Qui me conféssus fuerit coram homínibus, confitébor et ego eum coram Patre meo. Ps. Dóminus regnávít. cum ceteris, pag. xj.

Añá. Qui séquitur me, non ámbulat in ténebris, sed habébit lumen vitae, dicit Dóminus.

Añá. Si quis mihi ministráverit, honorificábit eum Pater meus, qui est in caelis, dicit Dóminus.

Añá. Qui mihi mínistrat, me sequátur : et ubi sum ego, illic erit et mínister meus.

Añá. Volo Pater, ut ubi ego sum, illic sit et mínister meus.

Capit. Beátus vir. pag. xix.

Hymnus.

**M**ARTYR Dei, qui únicum Patris sequéndo Fílium, Víctis triúmphas hóstibus, Víctor fruens caeléstibus :  
Tui precátus múnere  
Nostrum reátum dílué,



Arcens mali contágium,  
Vitae repéllens taedium.

Solúta sunt jam víncula  
Tui sacráti córporis :  
Nos solve vinclis saeculi,  
Amóre Fílii Dei.

Deo Patri sit glória,  
Ejúsque soli Fílio,  
Cum Spíritu Paráclito,  
Et nunc, et in perpétuum.

Amen.

℣. Coróna áurea super caput  
ejus. R̃. Expresáa signo san-  
ctitátis.

Ad Benedictus, Añá. Qui  
vult veníre post me, ábneget  
semetípsum, et tollat crucem  
suam, et sequátur me.

Si contigerit fieri plures Me-  
morias in Laudibus de aliis  
Martyribus :

Pro j. Mem. dic. Añá. Qui  
séquitur. etc. quae est ij.  
Laudum.

Pro ij. dic. Añá. Si quis. etc.  
quae est iij. Laudum.

Pro iij. dic. Añá. Volo Pater.  
etc. quae est v. Laudum.

℣℣. desum. ex Noct. incip.  
a tertio.

Ad Horas diei Añae Laud.

#### AD TERTIAM.

Capit. Beátus vir.

R̃. Glória et honóre \* Coro-  
násti eum, Dómine. Glória.  
℣. Et constituísti eum super  
ópera mánuum tuárum. Coro-  
násti. Glória Patri. Glória.

℣. Posuísti Dómine super  
caput ejus. R̃. Corónam de lá-  
pide pretióso.

#### AD SEXTAM.

Capitulum. Sap. 10.

**C**USTODIVIT illum Dó-  
minus ab inimícis, et a  
seductóribus tutávit eum, et  
certámen forte dedit illi ut vín-  
ceret.

R̃. Posuísti Dómine \* Super  
caput ejus. Posuísti. ℣. Corónam  
de lápide pretióso. Super.  
Glória Patri. Posuísti.

℣. Magna est glória ejus in  
salutári tuo. R̃. Glóriam et  
magnum decórem impónes su-  
per eum.

#### AD NONAM.

Capitulum. Eccli. 4.

**P**RO justítia agonizáre pro  
ánima tua, et usque ad  
mortem certa pro justítia.

R̃. Magna est glória ejus \* In  
salutári tuo. Magna. ℣. Gló-  
riam et magnum decórem im-  
pónes super eum. In. Glória  
Patri. Magna.

℣. Coróna áurea super caput  
ejus. R̃. Expresáa signo san-  
ctitátis.

#### AD VESPERAS.

Psalmus 109.



**D**IXIT Dóminus Dó-  
mino meo : \* Sede a  
dextris meis :

Donec ponam ini-  
micos tuos, \* scabéllum pedum  
tuórum.

Virgam virtútis tuae emíttet  
Dóminus ex Sion : \* domináre  
in médio inimicórum tuórum.

Tecum princípium in die  
virtútis tuae in splendóribus

sanctorum : \* ex útero ante luciferum genui te.

Jurávit Dóminus, et non poenitébit eum : \* Tu es sacerdos in aeternum secundum ordinem Melchisedech.

Dóminus a dextris tuis, \* confrégit in die irae suae reges.

Judicábit in nationibus, implebit ruínas : \* conquassábit cápita in terra multorum.

De torrénite in via bibet : \* propterea exaltábit caput.

Psalmus 111.

**B**EATUS vir, qui timet Dóminum : \* in mandátis ejus volet nimis.

Potens in terra erit semen ejus : \* generatio rectorum benedicetur.

Glória, et divítiae in domo ejus : \* et justítia ejus manet in saeculum saeculi.

Exórtum est in ténebris lumen rectis : \* miséricors, et miserátor, et justus.

Jucúndus homo qui miseretur et commodat, et dispónet sermones suos in judicio : \* quia in aeternum non commovébitur.

In memória aeterna erit justus : \* ab auditióne mala non timébit.

Parátum cor ejus speráre in Dómino, et confirmátum est cor ejus : \* non commovébitur donec despiciat inimicos suos.

Dispérsit, dedit pauperibus : et justítia ejus manet in

saeculum saeculi, \* cornu ejus exaltábitur in glória.

Peccátor vidébit, et irascetur, et déntibus suis fremet et tabéscet : \* desidérium peccatorum períbit.

Psalmus 112.

**L**AUDATE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in saeculum.

A solis ortu usque ad occásus, \* laudábile nomen Dómini.

Excélsus super omnes gentes Dóminus, \* et super caelos glória ejus.

Quis sicut Dóminus Deus noster, qui in altis hábitat, \* et humília respicit in caelo et in terra?

Súscitans a terra ínopem, \* et de stércore érigens páuperem :

Ut cóllocet eum cum princípibus, \* cum princípibus populi sui.

Qui habitáre facit stérilem in domo, \* matrem filiórum laetántem.

Psalmus 115.

**C**REDIDI, propter quod locútus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retríbuam Dómino, \* pro ómnibus, quae retríbuit mihi?

Cálicem salutáris accípiam : \*  
et nomen Dómini invocábo.

Vota mea Dómino reddam  
coram omni pópulo ejus : \*  
pretiósá in conspéctu Dómini  
mors Sanctórum ejus :

O Dómine quia ego servus  
tuus : \* ego servus tuus, et  
fílius ancíllae tuae.

Dirupísti víncula mea : \*  
tibi sacrificábo hóstiam lau-  
dis, et nomen Dómini invo-  
cábo.

Vota mea Dómino reddam  
in conspéctu omnis pópuli  
ejus : \* in átriis domus Dómi-  
ni, in médio tui Jerúsalem.

Psalmus 125.

**I**N converténdo Dóminus  
captivitátem Sion : \* facti  
sumus sicut consoláti :

Tunc replétum est gáudio os  
nostrum : \* et lingua nostra  
exsultatíone.

Tunc dicent inter gentes : \*  
Magnificávit Dóminus fácere  
cum eis.

Magnificávit Dóminus fá-  
cere nobíscum : \* facti sumus  
laetántes.

Convérte Dómine captivitá-  
tem nostram, \* sicut torrens  
in austro.

Qui séminant in lácrymis, \*  
in exsultatíone metent.

Eúntes ibant et flebant, \*  
mitténtes sémina sua.

Veniéntes autem vénient  
cum exsultatíone, \* portántes  
manípulos suos.

Super Psalm. Aña. Qui me

conféssus fúerit coram homí-  
nibus, confitébor et ego eum  
coram Patre meo.

Capitulum, Hymnus et V.  
ut in j. Vesperis, pag. xix.

Ad Magnificat, Aña. **Iste**  
est, qui pro lege Dei sui morti  
se trádedit : non dubitávit  
mori : ab iníquis interféctus  
est, et in aetérnum vivit cum  
Christo : Agnum secútus est,  
et accépit palmam.

Si contigerit in ij. Vesp. fieri  
plures Memor. de aliis Mart.

Pro j. Mem. dicatur Aña.  
**Hic est.** etc. ut ad Magnificat  
in j. Vesperis.

Pro ij. dic. Aña. **Laetábitur.**  
etc. ut super Psalm. in j. Vesp.

Pro iij. dic. Aña. **Qui mihi.**  
etc. quae est iv. Laudum.

V. desumantur ex Noct.  
incipiendo a primo.

#### IN FESTO

### TRIUM LECTIONUM.

#### AD MATUTINUM.

Invitatorium. **Regem Már-**  
**tyrum Dóminum** \* Veníte ad-  
orémus.

Super Ps. Nocturni, Aña.  
**Laetábitur justus in Dómino.**  
etc. ut supra. pag. xix.

#### IN COMMUNI

### UNIUS MART. TANTUM.

Omnia ut supra in Comm.  
unius Mart. Pont. praeter hic  
posita.

Oratio.

**A**DESTO Dómine supplicatióibus nostris : ut qui ex iniquitatē nostra reos nos esse cognóscimus, beáti N. Mártiris tui intercessióne liberémur. Per Dóminum.

Alia Oratio.

**P**R A E S T A, quaesumus omnipotens Deus : ut qui beáti N. Mártiris tui natalítia cólimus, a cunctis malis imminéntibus ejus intercessióne liberémur. Per Dóminum.

In j. Nocturno, Lectiones Existimo. etc. ut in Communi plur. Mart. pag. xxxvij.

In secundo Nocturno.

Sermo sancti Augustíni  
Episcopi.

*Serm. 44. de Sanctis.*

Lectio iv.

**T**RIUMPHALIS beáti Mártiris N. dies hódie nobis anniversária celebritáte recúrrit : cujus glorificatióni sicut congáudet Ecclésia, sic ejus propónit sequénda vestígia. Si enim compátimur, et conglorificábimur. In cujus glorióso agóne duo nobis praecipue consideránda sunt : induráta videlicet tortóris saevítia, et Mártiris invícta patiéntia. Saevítia tortóris, ut eam detestémur : patiéntia Mártiris, ut eam imitémur.

Lectio v.

**G**LORIOSUS Christi athléta non exhórruit cárcerem : ad imitatióem Cápitis sui tolerávit probra, sustínuit irrisiones, flagélla non tímuit : et quot ante mortem pro Christo pértulit supplícia, tot ei de se óbtulit sacrificia. Quod enim propinánte Apóstolo bíberat, alte retinébat : Quia non sunt condígnae passiónes hujus témporis ad futúram glóriam, quae revelábitur in nobis : et quia momentáneum hoc, et leve nostrae tribulatiónis, aetérnum glóriae pondus operátur in caelis.

Lectio vj.

**C**ONTEMPLABATUR enim (quantum in aenígmate infirmitas humana óculum mentis in aeternitatē figere potest) quanta sint supérnae civitátis gáudia : et ea enarráre non sufficiens, admirádo clamábat : Quid mihi est in caelo? Quasi díceret : Excédit vires meas, excédit facultátem eloquéntiae meae, transcéndit capacitátem intelligéntiae meae illud decus, illa glória, illa celsitúdo, qua, nobis a conturbatióne hóminum remótis, in abscondito faciēi suae Jesus Christus Dóminus noster reformábit corpus humilitátis nostrae, configurátum córpori claritátis suae. Hujus perféctae libertátis contemplatióne nullum vitábat perículum, nullum

horrébat supplicium : et si milies posset mori, non putábat se hanc digne posse aliqua ratione promereri.

In tertio Nocturno.

Lectio sancti Evangelii secundum Joánnem.

Lectio vij. Cap. 12.

**I**N illo tempore : Dixit Jesus discipulis suis : Amen, amen dico vobis, nisi granum frumenti cadens in terram, mortuum fuerit, ipsum solum manet. Et reliqua.

Homilia sancti Augustini Episcopi.

*Tracl. 51. in Joannem sub medio.*



**P**SE Dominus Jesus erat granum mortificandum, et multiplicandum : mortificandum infidelitate Judaeorum, multiplicandum fide populorum. Jam vero exhortans nos ad passionis suae sectanda vestigia, Qui amat, inquit, animam suam, perdet eam. Quod duobus modis potest intelligi. Qui amat, perdet, id est, si amas, perdes : si cupis vitam tenere cum Christo, noli mortem timere pro Christo. Item alio modo : Qui amat animam suam, perdet eam : noli amare, ne perdas; noli amare in hac vita, ne perdas in aeterna vita.

Lectio viij.

**H**OC autem, quod posterius dixi, magis videtur habere evangelicus sensus. Sé-

quitur enim : Et qui odit animam suam in hoc mundo, in vitam aeternam custodit eam. Ergo quod supra dictum est, qui amat (subintelligitur, in hoc mundo) ipse utique perdet; et qui eam odit (utique in hoc mundo) in vitam aeternam ipse custodit eam. Magna et mira sententia, quemadmodum sit hominis in animam suam amor, ut pereat, odium, ne pereat. Si male amaveris, tunc odisti; si bene oderis, tunc amasti.

Lectio ix.

**C**UM ergo causae articulus venerit, ut haec conditio proponatur, aut faciendum esse contra Dei praecceptum, aut ex hac vita emigrandum; quorum duorum homo si cogatur alterum eligere, comminante mortem persecutore : ibi eligat Deo dilecto emori, quam offenso vivere. Ibi oderit in hoc mundo animam suam, ut in vitam aeternam custodiat eam.

Aliud Evangelium similiter pro Martyre Pontifice, et non Pontifice.

Lectio sancti Evangelii secundum Matthaeum.

Lectio vij. Cap. 16.

**I**N illo tempore : Dixit Jesus discipulis suis : Si quis vult post me venire, abneget semetipsum, et tollat crucem suam, et sequatur me. Et reliqua.

Homilía sancti Joánnis.  
Chrysóstomi.

*Homil. 56. in Matth.*



**U**EMADMODUM qui lúdicum instítuit agónem, si cui athletárum amicitiae vínculo júngitur, nunquam eum, nisi descénderit in certámen, coronábit : qui próprium illíus videlicet labórem desíderat, et quo magis eum díligit, eo magis victórem vidére cupit : sic étiam Christus, quos máxime díligit, eos non solum auxílio suo, verum étiam et a seípsis vult comprobári. Mínime autem onerósam oratióne reddit, quia non sibi solis haec imminére, sed commúniter univérso terrárum orbi propónit, dicens : Si quis vult, sive vir, sive múlter, sive princeps, sive súbditus, hanc viam ingrediátur.

Lectio viij.

**E**T sermo quidem unum quid significáre vidétur, tria vero cóntinet, abnegatióne tui ipsíus, et ut crucem accípias, et tértio ut Christum sequáris : quorum duo conjúcta sunt, unum per seípsum separátim pónitur. Considerémus ígitur prius, quidnam sit álium abnegáre : tunc recte percípies, quid sit abnegáre teípsum.

Lectio ix.

**Q**UID ígitur abnegáre teípsum? Quid ígitur abnegáre álium? Qui álium jam

abnegávit, fratrem puta, aut servum, aut quemvis álium, si caedi eum virgis vídeat, si arcéri vínculis, quidquid áliud mali pati eum conspéxerit, non occúrrit, non auxiliátur, non fléctitur, nec prorsus ullo modo movétur, ceu ille qui pénitus ab illo alienátus est. Sic ígitur nullo nos pacto córpori nostro párcere vult, ut neque si caeditur, neque si péllitur, neque si úritur, nec si quid áliud hujúsmodi pátitur, ei parcámus.

Aliud Evangelium.

Lectio sancti Evangélii secúndum Joánnem.

Lectio vij. *Cap. 15.*

**I**N illo témpore : Dixit Jesus discípulis suis : Ego sum vitis vera : et Pater meus agrícola est. Et réliqua.

Homilía sancti Augustíni  
Episcopi.

*Tract. 80. in Joannem.*



**I**STE locus evangélicus, fratres, ubi se dicit Dóminus vitem, et discípulos suos pálmities, secúndum hoc dicit quod est caput Ecclésiae, nosque membra ejus, mediátor Dei et hóminum, homo Christus Jesus. Uníus quippe náturae sunt vitis et pálmities. Propter quod, cum esset Deus, cujus náturae non sumus, factus est homo, ut in illo esset vitis, humana nátura, cujus et nos hómines pálmities esse posémus.

Lectio viij.

**Q**UID ergo est, Ego sum vitis vera? Numquid ut ádderet, vera, hoc ad eam vitem rétulit, unde ista similitúdo transláta est? Sic enim díci-tur vitis per similitúdinem, non per proprietátem : quemádmó-dum díci-tur ovis, agnus, leo, petra, lapis anguláris, et cétera hujúsmódi, quae magis ipsa sunt vera, ex quibus ducúntur istae similitú-dines, non pro-prietátes. Sed cum dicit : Ego sum vitis vera : ab illa se úti-que discérnit, cui díci-tur : Quó-modo convér-sa es in amaritú-dinem, vitis aliéna? Nam quo pacto est vitis vera, quae ex-

spectáta est ut fáceret uvam, fecit autem spinas?

Lectio ix.

**E**GO sum, inquit, vitis vera : et Pater meus agrícola est. Numquid unum sunt agrícola et vitis? Secúndum hoc ergo vitis Christus, secúndum quod ait : Pater major me est. Secúndum autem id quod ait : Ego et Pater unum sumus ; et ipse agrícola est : nec talis, quales sunt, qui extrínsecus operándo éxhibent minísté-rium ; sed talis, ut det étiam intrínsecus increméntum. Nam neque qui plantat, est áliquid, neque qui rigat : sed qui incre-méntum dat, Deus.



IN COMMUNI



## PLURIMORUM MARTYRUM.

AD VESPERAS.

Super Psalm. Añá. Hi sunt, qui venérunt ex magna tribulatióne, et lavérunt stolas suas in sáanguine Agni.

Capitulum. *Hebr. II.*

**S**ANCTI per fidem ví-cérunt regna, operáti sunt justítiam, adépti sunt repromissiónes, in Christo Jesu Dómino nostro.

R. ix. Lavérunt. pag. xliij.

Hymnus.

**S**ANCTORUM méritis ínclýta gáudia Pangámus sócii, géstaque fórtia :

Nam gliscit ánimus prómere cántibus

Victórum genus óptimum.

Hi sunt, quos rétinens mun-dus inhórruit :

Ipsam nam stérili flore per-áridum

Sprevére pénitus, teque secúti sunt,

Rex Christe bone caelitus.

Hi pro te fúrias atque feró-cia

Calcárunť hómínium, saeva-que vérbera :

Cessit his lácerans fórtiter ún-gula,

Nec carpsit penetrália.

Caedúntur gládiis more bi-  
déntium,  
Non murmur résonat, non  
querimónia :  
Sed corde tácito, mens bene  
cónscia  
Consérvat patiéntiam.

Quae vox, quae póterit lin-  
gua retéxere,  
Quae tu Martyribus múnera  
praeparas?

Rubri nam flúido ságuine,  
láureis

Ditántur bene fúlgidis.

Te summa Déitas únaque  
póscimus,

Ut culpas ábluas, nóxia súb-  
trahas :

Des pacem fámulis, nos quoque  
glóriam

Per cuncta tibi saecula. Amen.

V. Laetámini in Dómino, et  
exsultáte justi. R. Et gloriá-  
mini omnes recti corde.

Ad Magnificat, Aña. Gaudent  
in caelis ánimae sanctórum, qui  
Christi vestígia sunt secúti : et  
quia pro ejus amóre sánguinem  
suum fudérunt, ídeo cum Chri-  
sto regnábunt in aetérnum.

Pro pluribus Martyribus.

Oratio.

**P**RAESTA, quaesumus  
omnípotens Deus : ut qui  
gloriósos Mártyres fortes in sua  
confessióne cognóvimus, pios  
apud te in nostra intercessióne  
sentiámus. Per Dóminum.

Alia Oratio.

**D**EUS, qui nos concédís  
sanctórum Mártyrum  
tuórum N. et N. natalítia có-

lere; da nobis in aetérna bea-  
titúdi de eórum societáte  
gaudére. Per Dóminum.

Pro pluribus Mart. Pont.

Oratio.

**I**NFIRMITATEM no-  
stram, quaesumus Dómi-  
ne, propítius réspice : et mala  
ómnia, quae juste merémur,  
sanctórum Mártyrum tuórum  
atque Pontíficum N. et N. in-  
tercessióne avérte. Per Dó-  
minum.

Si contingat fieri plures  
Mem. de aliis pluribus Marty-  
ribus in j. Vesperis :

Pro j. Mem. dic. Aña. **Abs-  
térget.** etc. ut ad Magnificat  
in ij. Vesperis.

Pro ij. dic. Aña. **Justórum.**  
etc. quae est j. Laudum.

Pro iij. dic. Aña. **Mártyres  
Dómini.** etc. quae est iv. Lau-  
dum.

V. desumantur ex Noct.  
incipiendo a j.

#### AD MATUTINUM.

Invitatorium. Veníte ad-  
orémus Regem regum, \* Qui  
beátis Martyribus coronam de-  
dit glóriae.

Hymnus. Sanctórum. ut  
supra.

In primo Nocturno.

Psalmus i.

**D**EATUS vir, qui non  
ábiit in consílio im-  
piórum, ꝑ et in via  
peccatórum non ste-  
tit, \* et in cáthedra pestiléntiae  
non sedit :



Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo :

Et fólium ejus non défluet : \* et ómnia quaecúmque fáciat, prosperabúntur.

Non sic ímpii, non sic : \* sed tamquam pulvis, quem prójicit ventus a fácie terrae.

Ideo non resúrgent ímpii in iudício : \* neque peccatóres in concílio justórum.

Quóniam novit Dóminus viam justórum : \* et iter impiórum peribit.

Añā. Secus decúrsus aquárum plantávit víneam justórum : et in lege Dómini fuit volúntas eórum.

Psalmus 2.

**Q**UARE fremuérunt gentes, \* et pópuli meditáti sunt inánia?

Astitérunt reges terrae, ⁊ et príncipes convenérunt in unum \* advérsus Dóminum, et advérsus Christum ejus.

Dirumpámus víncula eórum : \* et projiciámus a nobis jugum ipsórum.

Qui hábitat in caelis irridébit eos : \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego autem constitútus sum rex ab eo super Sion montem sanctum ejus, \* praedicans praecéptum ejus.

Dóminus dixit ad me : \* Fílius meus es tu, ego hódie génui te.

Póstula a me, et dabo tibi gentes hereditátem tuam, \* et possessionem tuam téminos terrae.

Reges eos in virga férrea, \* et tamquam vas figuli confrínges eos.

Et nunc reges intelligite : \* erudímini qui iudicátis terram.

Servíte Dómino in timóre : \* et exsultáte ei cum tremóre.

Apprehéndite disciplínam nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes, qui confidunt in eo.

Añā. Tamquam aurum in fornáce probávit eléctos Dóminus : et quasi holocáusta accépit eos in aetérnum.

Psalmus 10.

**I**N Dómino confído : quómodo dícitis ánimaē meae : \* Trásmigra in montem sicut passer?

Quóniam ecce peccatóres intendérunt arcum, ⁊ paravérunt sagíttas suas in pháretra, \* ut sagíttent in obscúro rectos corde.

Quóniam quae perfecísti, destruxérunt : \* justus autem quid fecit?

Dóminus in templo sancto suo, \* Dóminus in caelo sedes ejus :

Oculi ejus in páuperem respíciunt : \* pálpebrae ejus intérrogant fílios hóminum.

Dóminus intérrogat justum et ímpium : \* qui autem díligit iniquitátem, odit ánimam suam.

Pluet super peccatóres láqueos : \* ignis, et sulphur, et spíritus procellárum pars cálicis eórum.

Quóniam justus Dóminus et justítias diléxit : \* aequitátem vidit vultus ejus.

*Añā.* Si coram homínibus torménta passi sunt, spes electórum est immortalis in aetérnum.

*V.* Laetámini in Dómino, et exsultáte justí. *R.* Et gloriámini omnes recti corde.

De Epístola beáti Pauli Apóstoli ad Romános.

Lectio j.

*Cap. 8.*



**Q**UISTIMO quod non sunt condígnae passiones hujus téporis ad futúram glóriam, quae revelábitur in nobis. Nam exspectátio creatúrae, revelatióem filiórum Dei exspectat. Vanitáti enim creatúra subjécta est non volens, sed propter eum, qui subjécit eam in spe : quia et ipsa creatúra liberábitur a servitúte corruptiόνis in libertátem glóriae filiórum Dei.

*R.* Abstérget Deus omnem lácrymam ab óculis sanctórum : et jam non erit ámplius neque luctus, neque clamor, sed nec ullus dolor, \* Quóniam prióra transiérunt. *V.* Non esúrient, neque sítient ámplius, neque cadet super illos sol, neque ullus aestus. Quóniam.

Lectio ij.

**S**CIMUS enim quod omnis creatúra ingemíscit, et párturit usque adhuc. Non solum autem illa, sed et nos ipsi primítias spíritus habéntes : et ipsi intra nos gémmus adoptiόνem filiórum Dei exspectántes, redemptiόνem córporis nostri. Spe enim salví facti sumus. Spes autem, quae vidétur, non est spes : nam quod videt quis, quid sperat? Si autem quod non vidémus, sperámus : per patiéntiam exspectámus.

*R.* Viri sancti gloriósum ságuinem fuderunt pro Dómino, amavérunt Christum in vita sua, imitáti sunt eum in morte sua : \* Et ideo corónas triumpháles meruérunt. *V.* Unus spíritus, et una fides erat in eis. Et ideo.

Lectio iij.

**S**IMILITER autem et Spíritus ádjuvat infirmitátem nostram : nam quid orémus, sicut opórtet, nescímus : sed ipse Spíritus póstulat pro nobis gemítibus inenarrábilibus. Qui autem scrutátur

corda, scit quid desideret Spiritus : quia secundum Deum postulat pro sanctis. Scimus autem quoniam diligentibus Deum omnia cooperantur in bonum, iis, qui secundum propositum vocati sunt sancti.

R. Tradiderunt corpora sua propter Deum ad supplicia,  
\* Et meruerunt habere coronas perpetuas. V. Isti sunt, qui venerunt ex magna tribulatione, et laverunt stolas suas in sanguine Agni. Et meruerunt. Gloria Patri. Et meruerunt.

In secundo Nocturno.

Psalmus 14.



**D**OMINE quis habitabit in tabernaculo tuo? \* aut quis requiescet in monte sancto tuo?

Qui ingreditur sine macula, \* et operatur iustitiam :

Qui loquitur veritatem in corde suo, \* qui non egit dolum in lingua sua :

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus : \* timentes autem Dominum glorificat :

Qui jurat proximo suo, et non decipit, et qui pecuniam suam non dedit ad usuram, \* et munera super innocentem non accepit :

Qui facit haec, \* non movetur in aeternum.

Añā. Dabo sanctis meis locum nominatum in regno Patris mei, dicit Dominus.

Psalmus 15.

**C**ONSERVA me Domine, quoniam speravi in te. \* Dixi Domino : Deus meus es tu, quoniam bonorum meorum non eges.

Sanctis, qui sunt in terra ejus, \* mirificavit omnes voluntates meas in eis.

Multiplicatae sunt infirmitates eorum : \* postea acceleraverunt.

Non congregabo conventicula eorum de sanguinibus : \* nec memor ero nominum eorum per labia mea.

Dominus pars hereditatis meae, et calicis mei : \* tu es, qui restitues hereditatem meam mihi.

Funes ceciderunt mihi in praeclaris : \* etenim hereditas mea praeclara est mihi.

Benedicam Dominum, qui tribuit mihi intellectum : \* insuper et usque ad noctem increpuerunt me renes mei.

Providēbam Dominum in conspectu meo semper : \* quoniam a dextris est mihi, ne commovear.

Propter hoc laetatum est cor meum, et exultavit lingua mea : \* insuper et caro mea requiescet in spe.

Quoniam non derelinques animam meam in inferno : \* nec dabis sanctum tuum videre corruptionem.

Notas mihi fecisti vias vitae, et adimplébis me laetitia cum vultu tuo : \* delectationes in dextera tua usque in finem.

Añā. Sanctis, qui in terra sunt ejus, mirificavit omnes voluntates meas inter illos.

Psalmus 23.

**D**OMINI est terra, et plenitudo ejus : \* orbis terrarum, et universi, qui habitant in eo.

Quia ipse super maria fundavit eum : \* et super flumina praeparavit eum.

Quis ascendet in montem Domini? \* aut quis stabit in loco sancto ejus?

Innocens manibus et mundo corde, et qui non accepit in vano animam suam, \* nec juravit in dolo proximo suo.

Hic accipiet benedictionem a Domino : \* et misericordiam a Deo salutari suo.

Haec est generatio quaerentium eum, \* quaerentium faciem Dei Jacob.

Attollite portas principes vestras, et elevamini portae aeternales : \* et introibit rex glorie.

Quis est iste rex glorie? \* Dominus fortis et potens : Dominus potens in proelio.

Attollite portas principes vestras, et elevamini portae aeternales : \* et introibit rex glorie.

Quis est iste rex glorie? \*

Dominus virtutum ipse est rex glorie.

Añā. Sancti, qui sperant in Domino, habebunt fortitudinem, assument pennas ut aquilae, volabunt et non deficient.

℟. Exsultent justi in conspectu Dei. ℞. Et delectentur in laetitia.

Ex Epistola sancti Cypriani Episcopi et Martyris ad Martyres et Confessores.

Lectio iv. *Lib. 2. Epist. 6.*



**C**UIBUS ego vos laudibus praedicem, fortissimi Martyres? Robur pectoris vestri, et perseverantiam fidei, quo praeconio vocis exornem? Tolerastis usque ad consummationem gloriae durissimam quaestionem : nec cessistis suppliciis, sed vobis potius supplicia cesserunt. Finem dolorum, quem tormenta non dabant, coronae dedérunt. Laniena gravior ad hoc diu perseveravit, non ut stantem fidem dejiceret, sed ut homines Dei ad Dominum velocius mitteret.

℞. Sancti tui Domine mirabile consecuti sunt iter, serviētes praecēptis tuis, \* Ut invenirentur illaesi in aquis validis : terra apparuit arida, et in mari rubro via sine impedimento. V. Victricem manum tuam laudaverunt pariter, et decantaverunt, Domine, nomen sanctum tuum. Ut invenirentur.

## Lectio v.

**V**IDIT admirans praesentium multitudo caelestis certamen, certamen Dei, spiritale certamen, proelium Christi: stetisse servos ejus voce libera, mente incorrupta, virtute divina, telis quidem saecularibus nudos, sed armis fidei credentes armatos. Steterunt torti torquentibus fortiores, et pulsantes ac laniantes ungulas, pulsata ac laniata membra vicerunt.

R. Verbera carnificum non timuerunt sancti Dei, morientes pro Christi nomine, \* Ut heredes fierent in domo Domini. V. Tradiderunt corpora sua propter Deum ad supplicia. Ut heredes.

## Lectio vj.

**I**NEXPUGNABILEM fidem superare non potuit saeviens diu plaga repetita: quamvis rupta compage viscerum, torquerentur in servis Dei jam non membra, sed vulnera. Fluébat sanguis, qui incendium persecutiónis exstingueret, qui flammam et ignem gehénnae glorióso cruóre sopiret. O quale illud fuit spectaculum Domino, quam sublíme, quam magnum, quam Dei oculis sacramento ac devotióne militis ejus acceptum! Quam laetus illic Christus fuit, quam libens in talibus servis suis et pugnávit et vicit?

R. O veneranda Mártyrum gloriósa certamina, qui in suis

corpóribus pro Christo immánia pertulérunt torménta! \* Et ideo percípere meruérunt immarcescibilem aetérnae glóriae corónam. V. Despécta namque praeséntis vitae luce, contemptóque suórum córporum cruciátu, saeviéntem mundum Dei pro amóre vicérunt. Et ideo. Glória Patri. Et ideo.

In tertio Nocturno.

Psalmus 32.



**C**ONSULTATE justi in Domino: \* rectos decet collaudatio.

Confitémini Domino in cíthara: \* in psalterio decem chordarum psállite illi.

Cantáte ei cánticum novum: \* bene psállite ei in vociferatióne.

Quia rectum est verbum Domini, \* et ómnia ópera ejus in fide.

Díligit misericórdiam et júdiciúm: \* misericórdia Domini plena est terra.

Verbo Domini caeli firmáti sunt: \* et spíritu oris ejus omnis virtus eórum.

Cóngregans sicut in utre aquas maris: \* ponens in thesáuris abyssos.

Tímeat Dóminum omnis terra: \* ab eo autem commoveántur omnes inhabitántes orbem.

Quóniam ipse dixit, et facta sunt: \* ipse mandávit, et creáta sunt.

Dóminus díssipat consília géntium : \* réprobat autem cogitatiónes populórum, et réprobat consília príncipum.

Consílium autem Dómini in aetérnum manet : \* cogitatiónes cordis ejus in generatióne et generatióne.

Beáta gens, cujus est Dóminus, Deus ejus : \* pópulus, quem elégit in hereditátem sibi.

De caelo respéxit Dóminus : \* vidit omnes filios hóminum.

De praeparáto habitáculo suo \* respéxit super omnes, qui hábitant terram.

Qui finxit singillátim corda eórum : \* qui intélligit ómnia ópera eórum.

Non salváturex per multam virtútem : \* et gigas non salvábitur in multitúdine virtútis suae.

Fallax equus ad salútem : \* in abundántia autem virtútis suae non salvábitur.

Ecce óculi Dómini super metuéntes eum : \* et in eis, qui sperant super misericórdia ejus.

Ut éruat a morte ánimas eórum : \* et alat eos in fame.

Anima nostra sústinet Dóminum : \* quóniam adjútor et protéctor noster est.

Quia in eo laetábitur cor nostrum : \* et in nómine sancto ejus sperávimus.

Fiat misericórdia tua Dómine super nos : \* quemádmódum sperávimus in te.

Aññ. Justi autem in perpétuum vivent, et apud Dóminum est merces eórum.

Psalms 33.

**B**ENEDICAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuétí, et laeténtur.

Magnificáte Dóminum mecum : \* et exaltémus nomen ejus in idípsum.

Exquisívi Dóminum, et exaudivit me : \* et ex ómnibus tribulatióibus meiserípuit me.

Accédite ad eum, et illuminámini : \* et fácies vestrae non confundéntur.

Iste pauper clamávit, et Dóminus exaudivit eum : \* et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : \* et erípiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Dívites eguérunt et esuriérunt : \* inquiréntes autem Dóminum non minuéntur omni bono.

Veníte filii, audíte me : \* timórem Dómini docébo vos.

Quis est homo qui vult vitam : \* díligit dies vidére bonos?

Próhibe linguam tuam a malo : \* et lábia tua ne loquántur dolum.

Divérte a malo, et fac bonum : \* inquirere pacem, et perséquare eam.

Oculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multae tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delínquent.

Rédimet Dóminus ánimas servórum suórum : \* et non delínquent omnes qui sperant in eo.

Añá. Tradidérunt córpora sua propter Deum ad supplícia, ut herédes fíerent in domo Dómini.

Psalmus 45.

**D**EUS noster refúgium, et virtus : \* adjútor in tribulatióibus, quae invenérunt nos nimis.

Proptérea non timébimus dum turbábitur terra : \* et transferéntur montes in cor maris.

Sonuérunt, et turbatae sunt aquae eórum : \* conturbáti sunt montes in fortitúdine ejus.

Flúminis ímpetus laetíficat civitátem Dei : \* sanctificávit tabernáculum suum Altíssimus.

Deus in médio ejus, non commovébitur : \* adjuvábít eam Deus mane dilúculo.

Conturbatae sunt gentes, et inclináta sunt regna : \* dedit vocem suam, mota est terra.

Dóminus virtútum nobíscum : \* suscéptor noster Deus Jacob.

Veníte, et vidéte ópera Dómini, et quae pósuit prodígia super terram : \* áuferens bella usque ad finem terrae.

Arcum cónteret, et confrínget arma : \* et scuta combúret igni :

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobíscum : \* suscéptor noster Deus Jacob.

Añá. Ecce merces sanctórum copiósa est apud Deum : ipsi vero mórtui sunt pro Christo, et vivent in aetérnum.

V. Justí autem in perpétuum vivent. R. Et apud Dóminum est merces eórum.

Lectio sancti Evangelii secundum Lucam.

Lectio vij. *Cap. 21.*

**I**N illo tempore : Dixit Jesus discipulis suis : Cum audieritis proelia, et seditiões, nolite terreri : oportet primum haec fieri, sed nondum statim finis. Et reliqua.

Homilia sancti Ambrósii  
Episcopi.

*Lib. 9. in Luc. cap. 21.*



**VERBORUM** caelestium nulli magis quam nos testes sumus, quos mundi finis invenit. Quanta enim proelia, et quas opiniones accipimus proeliorum? Hunni in Alanos, Alani in Gothos, et Gothi in Taffalos et Sarmatas insurrexerunt. Hos quoque in Illyrico exsules paria Gothorum exsilia fecerunt : et nondum est finis. Quae omnium fames, lues pariter boum atque hominum, ceterique pecoris? ut etiam nos, qui bellum non pertulimus, debellatis tamen pares fecerit pestilentia.

R. In circuitu tuo Domine lumen est, quod nunquam deficiet, ubi constituisti lucidissimas mansiones : \* Ibi requiescunt sanctorum animae. V. Magnus Dominus, et laudabilis nimis : in civitate Dei nostri, in monte sancto ejus. Ibi requiescunt.

Lectio viij.

**ERGO** quia in occasu saeculi sumus, praecedunt quaedam aegritudines mundi. Aegritudo mundi est fames, aegritudo mundi est pestilentia, aegritudo mundi est persecutio. Sunt autem et alia bella, quae vir sustinet christianus, diversarum quoque proelia cupiditatum, studiorumque conflictus; multoque graviore domesticus hostes quam extranei.

R. Sancti mei, qui in isto saeculo certamen habuistis, \* Mercedem laborum ego reddam vobis. V. Venite benedicti Patris mei, percipite regnum. Mercedem laborum.

Lectio ix.

**NUNC** avaritia stimulat, nunc accendit libido, nunc metus terret, nunc iracundia exagitat, nunc ambitio movet, nunc terrere tentant spiritalia nequitiæ, quae sunt in caelestibus. Itaque quasi quibusdam urgetur proeliis, et quibusdam terrae motibus quatitur mobilis animi nutantis affectus. Sed fortior dicit : Si consistant adversum me castra, non timebit cor meum : si exurgat in me proelium, in hoc ego sperabo.

R. Lavérunt stolas suas, et candidas eas fecerunt \* In sanguine Agni. V. Isti sunt, qui venérunt ex magna tribulatione, et lavérunt stolas suas. In. Glória Patri. In.



Ante Laudes, V. Exsultábunt sancti in glória. R. Laetabúntur in cubilibus suis.

## IN LAUDIBUS.

Añá. Justórum autem ánimae in manu Dei sunt, et non tanget illos torméntum malítiae. Ps. Dóminus regnávít. cum ceteris, pag. xj.

Añá. Cum palma ad regna pervenérunt Sancti : corónas decóris meruérunt de manu Dómini.

Añá. Córpora Sanctórum in pace sepúlta sunt : et vivent nómina eórum in aetérnum.

Añá. Mártyres Dómini, Dóminus benedícite in aetérnum.

Añá. Mártyrum chorus laudáte Dóminus in excélsis.

Capitulum. Sancti per fidem. ut in j. Vesp. pag. xxxiv.

## Hymnus.

**A**ETERNA Christi mún-  
nera,  
Et Mártyrum victórias,  
Laudes feréntes débitas,  
Laetis canámus méntibus.

Terróre victo saeculi,  
Poenisque spretis córporis,  
Mortis sacrae compéndio  
Vitam beátam pössident.

Tradúntur igni Mártyres,  
Et bestiárum déntibus :  
Armáta saevit úngulis  
Tortóris insáni manus.

Nudáta pendent víscera,  
Sanguis sacrátus fúnditur :  
Sed pérmanent inmóbiles,  
Vitae perénis grátia.

Te nunc Redémptor quae-  
sumus,

Ut Mártyrum consórtio  
Jungas precántes sérvulos,  
In sempitérna saecula. Amen.

V. Mirábilis Deus. R. In  
sanctis suis.

Ad Benedictus, Añá. Isti  
sunt Sancti, qui pro Dei amóre  
minas hóminum contempsé-  
runt : sancti Mártyres in regno  
caelórum exsúltant cum Ange-  
lis : o quam pretiósa est mors  
sanctórum, qui assidue assís-  
tunt ante Dóminus, et ab ín-  
vicem non sunt separátí!

Si contingat fieri plures  
Mem. de aliis plurib. Martyr.  
in Laudibus :

Pro j. Mem. dic. Añá. Cum  
palma. etc. quae est ij. Lau-  
dum.

Pro ij. dic. Añá. Córpora  
Sanctórum. etc. quae est iij.  
Laudum.

Pro iij. dic. Añá. Mártyrum  
chorus. etc. quae est v. Laud.

V. desum. ex Noct. incip.  
a iij.

Ad Horas diei, Añae Lau-  
dum.

## AD TERTIAM.

Capitulum. Sancti per fidem.  
ut supra, pag. xxxiv.

R. Laetámini in Dómino,  
\* Et exsultáte justí. Laetámini.  
V. Et gloriámini omnes recti  
corde. Et. Glória Patri. Lae-  
támini.

V. Exsúltent justí in con-  
spéctu Dei. R. Et delecténtur  
in laetítia.

## AD SEXTAM.

Capitulum. *Sap. 10.*

**R**EDDIDIT Deus mercé-  
dem labórum sanctórum  
suórum, et dedúxit illos in via  
mirábili : et fuit illis in vela-  
ménto diéi, et in luce stellárum  
nocte.

R. Exsúltent justí \* In con-  
spéctu Dei. Exsúltent. V. Et  
delecténtur in laetítia. In. Gló-  
ria Patri. Exsúltent.

V. Justí autem in perpétuum  
vivent. R. Et apud Dóminum  
est merces eórum.

## AD NONAM.

Capitulum. *Sap. 3.*

**I**USTÓRUM ánimae in  
manu Dei sunt, et non  
tanget illos torméntum malí-  
tiae. Visi sunt óculis insipiénti-  
um mori : illi autem sunt in  
pace.

R. Justí autem \* In perpé-  
tuum vivent. Justí. V. Et apud  
Dóminum est merces eórum.  
In. Glória Patri. Justí.

V. Mirábilis Deus. R. In  
sanctis suis.

## AD VESPERAS.

Psalmus 109.



**U**XIT Dóminus Dó-  
mino meo : \* Sede a  
dextris meis :

Donec ponam ini-  
micos tuos, \* scabéllum pedum  
tuórum.

Virgam virtútis tuae emíttet  
Dóminus ex Sion : \* domináre  
in médio inimicórum tuórum.

Tecum princípium in die  
virtútis tuae in splendóribus  
sanctórum : \* ex útero ante  
lucíferum génui te.

Jurávit Dóminus, et non  
poenitébit eum : \* Tu es sacré-  
dos in aetérnum secúndum ór-  
dinem Melchisedech.

Dóminus a dextris tuis, \*  
confrégit in die irae suae reges.

Judicábit in natióibus, im-  
plébit ruínas : \* conquassábit  
cápita in terra multórum.

De torrénite in via bibet : \*  
proptérea exaltábit caput.

Psalmus 112.

**L**AUDATE púeri Dómi-  
num : \* laudáte nomen  
Dómini.

Sit nomen Dómini benedí-  
ctum, \* ex hoc nunc, et usque  
in saeculum.

A solis ortu usque ad occá-  
sum, \* laudábile nomen Dó-  
mini.

Excélsus super omnes gen-  
tes Dóminus, \* et super caelos  
glória ejus.

Quis sicut Dóminus Deus  
noster, qui in altis hábitat, \*  
et humília réspicit in caelo et  
in terra?

Súscitans a terra ínopem, \*  
et de stércore érigens páupe-  
rem :

Ut cóllocet eum cum prin-  
cípibus, \* cum princípibus pó-  
puli sui.

Qui habitáre facit stérilem  
in domo, \* matrem filiórum  
laetántem.

Psalmus 115.

**C**REDIDI propter quod locútus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retríbuiam Dómino, \* pro ómnibus, quae retríbuit mihi?

Cálicem salutáris accípiam : \* et nomen Dómini invocábo.

Vota mea Dómino reddam coram omni pópulo ejus : \* pretiósa in conspéctu Dómini mors Sanctórum ejus :

O Dómine quia ego servus tuus : \* ego servus tuus, et fílius ancíllae tuae.

Dirupísti víncula mea : \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

Psalmus 125.

**I**N converténdo Dóminus captivitátem Sion : \* facti sumus sicut consoláti :

Tunc replétum est gáudio os nostrum : \* et lingua nostra exsultatióne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fácere nobíscum : \* facti sumus laetántes.

Convérte Dómine captivitátem nostram, \* sicut torrens in austro.

Qui sémant in lácrymis, \* in exsultatióne metent.

Eúntes ibant et flebant, \* mitténtes sémina sua.

Veniéntes autem vénient cum exsultatióne, \* portántes manípulos suos.

Psalmus 139.

**E**RIPE me Dómine ab hómine malo : \* a viro iníquo éripe me.

Qui cogitavérunt iniquitátes in corde : \* tota die constituébant proelia.

Acuérunt linguas suas sicut serpéntis : \* venénium áspidum sub lábiis eórum.

Custódi me Dómine de manu peccatóris : \* et ab homínibus iníquis éripe me.

Qui cogitavérunt supplantáre gressus meos : \* abscondérunt supérbi láqueum mihi :

Et funes extendérunt in láqueum : \* juxta iter scándalum posuérunt mihi.

Dixi Dómino : Deus meus es tu : \* exáudi Dómine vocem deprecationis meae.

Dómine, Dómine virtus salútis meae : \* obumbrásti super caput meum in die belli :

Ne tradas me Dómine a desidério meo peccatóri : \* cogitavérunt contra me, ne derelínquas me, ne forte exalténtur.

Caput circúitus eórum : \* labor labiórum ipsórum opé-  
riet eos.

Cadent super eos carbónes, & in ignem dejícies eos : \* in mi-  
sériis non subsistent.

Vir linguósus non dirigétur in terra : \* virum injústum mala cápient in intéritu.

Cognóvi quia fáciet Dómi-  
nus judícium ínopis : \* et vin-  
díctam páuperum.

Verúmtamen justí confite-  
búntur nómini tuo : \* et habi-  
tábunt recti cum vultu tuo.

Super Psalm. Añá. Justó-  
rum autem ánimae. pag. xlv.

Capitulum, Hymnus, et V.  
ut in primis Vesperis, p. xxxiv.

Ad Magnificat, Añá. Abstér-  
get Deus omnem lácrymam  
ab óculis sanctórum : et jam  
non erit ámplius neque luctus,  
neque clamor, sed nec ullus  
dolor; quóniam prióra transié-  
runt.

Si contingat fieri plures  
Mem. de aliis pluribus Mart.  
in ij. Vesperis :

Pro j. Mem. dicitur Añá.  
**Gaudet.** etc. ut ad Magnificat  
in j. Vesperis.

Pro ij. dic. Añá. **Hi sunt.**  
etc. ut super Psalm. in j. Ve-  
speris.

Pro iij. dicitur Añá. **Márty-  
res Dómini.** etc. quae est iv.  
Laudum.

V. desumantur ex Noct.  
incipiendo a j.



## IN FESTO TRIUM LECT.

### AD MATUTINUM.

Invitatorium. Regem Már-  
tyrum Dóminum \* Veníte  
adorémus.

Super Psalm. Noct. Añá. Hi  
sunt, qui venérunt ex magna  
tribulatióne, et lavérunt stolas  
suas in ságuine Agni.

Aliae Lectiones, pro iisdem  
Martyribus.

In secundo Nocturno.

Sermo sancti Joánnis  
Chrysóstomi.

*Homil. de Machab. Tom. 1.*

Lectio iv.



UAM speciósá et gra-  
ta festívitás nobis  
enítuit, et totíus anni  
diébus splendídior  
dies hodiérna praefúlget, non  
de usitátis solis rádiis illumi-  
náta praeclárius; sed de lúmine  
Mártyrum, supra corúscum  
omne fulgur micánte, illustráta  
sublímius. Multis enim sóli-  
bus illustrióres sunt Mártyres,  
et magnis lumináribus clarió-  
res. Non tales de supérno solis  
círculo in terram rádii jaciún-  
tur, quales a corpóribus eórum  
prosiliunt corúsca luce fulgó-  
res, et ipsos diabóli óculos in-  
vidéntis obcaecant.

*Idem in Serm. de Mart. t. 2.*

Lectio v.

QUI Sanctórum mérita re-  
ligiósá caritáte mirátur,  
quique justórum glórias fre-

quénti laude collóquitur, eórum mores sanctos atque justítiam imitétur : quóniam quem deléctat Sancti alicújus méritum, delectáre debet par circa cultum Dei obséquium. Quare aut imitári debet, si laudat, aut laudáre non debet, si imitári detréctat. Nam si proptérea justos fidelésque dilígimus, quod in ipsis justítiam fidémque suspícimus, póssumus nos quoque esse quod sunt, si faciámus ipsi quod faciunt.

Lectio vj.

**I**N istis semper pares virtútes, dissímiles pugnae, gloriósae victóriæ. Unde tu Christiáne delicátus es miles, si putas te posse sine pugna vincere, sine certámine triumpháre. Exsere vires, fórtiter dímica, atróciter in proelio isto concérta. Consídera pactum, conditiónem atténde, milítiam nosce : pactum quod spopondísti, conditiónem qua accessísti, milítiam cui nomen dedísti. Hoc enim pacto, quos miráris, cuncti pugnárunt : hac conditióne univérsti vicérunt, hac milítia omnes triumphárun.

In tertio Nocturno.

Lectio sancti Evangelii secundum Matthaeum.

Lectio vij. *Cap. 5.*

**I**N illo témpore : Videns Jesus turbas, ascéndit in montem, et cum sedísset, acces-

sérunt ad eum discípuli ejus, et apériens os suum docébat eos, dicens : Beáti páuperes spíritu. Et reliqua.

Homília sancti Hilárii

Epíscopi.

*Comment. in Matth. cap. 5.*



**M**ONGREGATIS ígitur plúribus turbis, montem conscéndit, et docet : in patérnae scílicet majestátis pósitus cel-sitú-dine, caeléstis vitae prae-cépta constituit. Non enim aeternitátis institúta, nisi in aeternitáte pósitus, tradidísset. Dénique ita scriptum est : Apéruit os suum, et docébat eos. Locútum eum fuisse prómptius erat dícere; sed quia in glória patérnae majestátis instíterat, et aeternitátem docébat, idcírco ad motum spíritus eloquéntis, obedísse osténditur humáni oris offícium.

Lectio viij.

**B**EATI páuperes spíritu : quóniam ipsórum est regnum caelórum. Exémplo Dóminus docúerat humanac ambitionis glóriam relin-quéndam, dicens : Dóminum Deum tuum adorábis, et illi soli sérvies. Et cum se per Prophétas pópulum húmílem, et ad verba sua treméntem praemónuit esse lectúrum; in spíritus humilitáte perféctae beatitúdinis pósuit exórdium.

## Lectio ix.

**N**ULLA nos nec saecularis. fastus insolentia, nec opum cupiditas, nec inanis gloriae ambitio corrumpat : sed subiecti Deo simus, et de communione vivendi in omnes communis vitae caritate teneamur. Magnum etiam in eo, quod nati sumus, divinae bonitatis futurum profectum existimantes : cuius praemium atque honos praesentis vitae operibus sit merendus : atque ita per hanc spiritus humilitatem, qua a Deo nobis meminimus et indulta omnia, et deinceps potiora speranda, caelorum regnum erit nostrum.

Aliud Evangelium.

Lectio sancti Evangelii secundum Lucam.

Lectio vij. *Cap. 6.*

**I**N illo tempore : Descendens Jesus de monte, stetit in loco campestri, et turba discipulorum ejus, et multitudo copiosa plebis ab omni Judaea, et Jerusalem, et maritima, et Tyri, et Sidonis. Et reliqua.

Homilia sancti Ambrósii  
Episcopi.*Lib. 5. in Luc. cap. 6.*

**A**DVERTE omnia diligenter, quomodo et cum Apostolis ascendat, et descendat ad turbas. Quomodo enim turba, nisi in humili, Christum vide-

ret? Non sequitur ad excelsa, non ascendit ad sublimia. Denique ubi descendit, invenit infirmos : in excelsis enim infirmi esse non possunt. Sic enim Matthaeus docet, in inferioribus debiles esse sanatos. Prius enim unusquisque sanandus est, ut paulatim virtutibus procedentibus ascendere possit ad montem. Et ideo unumquemque in inferioribus sanat, hoc est, a libidine revocat, injuriam caecitatis avertit, ad vulnera nostra descendit : ut usu quodam et copia suae naturae, comparticipes nos faciat esse regni caelestis.

Lectio viij. *Paulo post.*

**B**EATI pauperes : quia vestrum est regnum Dei. Quatuor tantum beatitudines sanctus Lucas dominicas posuit, octo vero sanctus Matthaeus : sed in istis octo, illae quatuor sunt, et in quatuor istis, illae octo. Hic enim quatuor velut virtutes amplexus est cardinales : ille in illis octo mysticum numerum reseravit. Pro octava enim multi scribuntur Psalmi : et mandatum accipis octo illis partem dare, fortasse benedictionibus. Sicut enim spei nostrae octava perfectio est, ita octava summa virtutum est.

Lectio ix.

**S**ED prius quae sunt ampliora videamus. Beati, inquit, pauperes spiritu : quo-

1.            **COMMUNE UNIUS CONFESSORIS PONTIFICIS.**

niam ipsórum est regnum caelórum. Primam benedictiónem hanc utérque Evangelísta pósuit. Ordine enim prima est, et parens quaedam generatióque virtútum : quia qui con-

témpserit saeculária, ipse merebitur sempitérna : nec potest quisquam méritum regni caeléstis adipísci, qui mundi cupiditate posséssus, emergéndi non habet facultátem.

—❖—            **IN COMMUNI**            —❖—  
**UNIUS CONFESSORIS PONTIFICIS.**

**AD VESPERAS.**

Super Psalm. Añá. Iste Sanctus digne in memóriam vértitur hóminum, qui ad gáudium tránsiit Angelórum.

Capitulum.        *Eccli. 45.*



**I**LECTUS Deo, et homínibus, cujus memória in benedictióne est : símilem illum fecit in glória sanctórum.

R̃. vj. Sancte N. pag. lvj.

**Hymnus.**

**I**STE Conféssor Dómini sacrátus,  
Festa plebs cujus célebrat per orbem,  
Hódie laetus méruit secréta Scándere caeli.

Qui pius, prudens, húmilis, pudícus,  
Sóbrius, castus fuit et quiétus,  
Vita dum praesens vegetávit ejus

Córporis artus.

Ob sacrum cujus méritum fréquénter

Membra languéntum modo sanitáti,

Quólibet morbo fúerint graváta,

Restituúntur.

Unde nunc noster chorus in honórem

Ipsius hymnum canit hunc libénter :

Ut piis ejus précibus juvémur, Omne per aevum.

Sit salus illi, decus atque virtus,

Qui supra caeli résidens cá-cúmen,

Tótius mundi máchinam gu-bérnat,

Trinus et unus.    Amen.

Si in aliquo die celebretur Offic. alicujus Conf. et non sit natalis ipsius, praefatus Hymnus ita inchoétur :

**I**STE Conféssor Dómini sacrátus,  
Sóbrius, castus fuit et quiétus,  
Vita dum praesens vegetávit ejus

Córporis artus.

Ob sacrum cujus. etc.

V. Amávit eum Dóminus, et ornávit eum. R̃. Stola glóri-ae índuit eum.

Ad Magnificat. Añā. Confessor Dómini N. astántem plebem corróbora sancta intercessióne : ut qui vitiorum pón-  
dere prémimur, beatitúdinis  
tuae glória sublevémur, et te  
duce aetérna praemia conse-  
quámur.

Pro Confessore Pontifice.

Oratio.

**D**A, quaesumus omnípo-  
tens Deus : ut beáti N.  
Confessoris tui atque Pontífi-  
cis veneránda solémnitas, et  
devotióne nobis áugeat, et  
salútem. Per Dóminum.

Alia Oratio.

**E**XAUDI, quaesumus Dó-  
mine, preces nostras, quas  
in beáti N. Confessoris tui  
atque Pontíficis solemnitáte  
deférimus : ut qui tibi digne  
mériuit famulári, ejus interce-  
déntibus méritis, ab ómnibus  
nos absólvas peccátis. Per Dó-  
minum.

Si contingat fieri plures  
Mem. de aliis Conf. in j. Ve-  
speris :

Pro j. Mem. dic. Añā. Si-  
milábo. etc. ut ad Magnif. in  
ij. Vesperis.

Pro ij. dic. Añā. Dómine,  
quinque. etc. quae est j. Laud.

Pro iij. dic. Añā. Ecce vere.  
etc. quae est iv. Laudum.

V. desumantur ex Noctur-  
nis incipiendo a j.

Ad faciendam vero Memo-  
riam plurium Confessorum,  
in Vesperis :

Añā. Fulgébunt justí, et  
tamquam scintillae in arundi-  
néto discúrrunt : judicábunt  
natiónes, et regnábunt in aetér-  
num.

V. Laetámini in Dómino, et  
exsultáte justí. R. Et gloriá-  
mini omnes recti corde.

Oratio.

**D**EUS, qui nos sanctórum  
Confessorum N. et N.  
confessióibus gloriósis cir-  
cúmdas et prótegis : da nobis  
eórum imitatióne profícere,  
et intercessióne gaudére. Per  
Dóminum.

AD MATUTINUM.

Invitatorium. Confessorum  
Regem adorémus : \* Qui cae-  
léstis regni méritum et glóriam  
cóntulit sancto suo N.

Hymnus. Iste Confessor.

In primo Nocturno.

Psalmus i.

**D**EATUS vir, qui non  
ábiit in consílio im-  
piórum, ꝛ et in via  
peccatórum non ste-  
tit, \* et in cáthedra pestiléntiae  
non sedit :

Sed in lege Dómini volúntas  
ejus, \* et in lege ejus meditá-  
bitur die ac nocte.

Et erit tamquam lignum,  
quod plantátum est secus de-  
cúrsus aquárum, \* quod fru-  
ctum suum dabit in témpore  
suo :

Et fólium ejus non défluet : \*  
et ómnia quaecúmque fáciat,  
prosperabúntur.



Non sic ímpii, non sic : \*  
sed tamquam pulvis, quem  
próicit ventus a fácie terrae.

Ideo non resúrgent ímpii in  
judício : \* neque peccatóres in  
concílio justórum.

Quóniam novit Dóminus  
viam justórum : \* et iter im-  
piórum períbit.

Añá. Beátus vir, qui in lege  
Dómini meditátur : volúntas  
ejus pérmanet die ac nocte,  
et ómnia quaecúmque fáciat,  
semper prosperabúntur.

Psalmus 2.

**Q**UARE fremuérunt gen-  
tes, \* et pópuli meditáti  
sunt inánia?

Astitérunt reges terrae, \*  
et príncipes convenérunt in  
unum \* advérsus Dóminum,  
et advérsus Christum ejus.

Dirumpámus víncula eó-  
rum : \* et projiciámus a nobis  
jugum ipsórum.

Qui hábitat in caelis irridé-  
bit eos : \* et Dóminus subsan-  
nábit eos.

Tunc loquétur ad eos in ira  
sua, \* et in furóre suo contur-  
bábit eos.

Ego autem constitútus sum  
rex ab eo super Sion montem  
sanctum ejus, \* praedicans  
praecéptum ejus.

Dóminus dixit ad me : \*  
Fílius meus es tu, ego hódie  
génui te.

Póstula a me, et dabo tibi  
gentes hereditátem tuam, \* et  
possessióem tuam términos  
terrae.

Reges eos in virga férrea, \*  
et tamquam vas figuli confrín-  
ges eos.

Et nunc reges intelligite : \*  
erudímini qui judicátis terram.

Servíte Dómino in timóre : \*  
et exsultáte ei cum tremóre.

Apprehéndite disciplínam  
nequándo irascátur Dóminus, \*  
et pereátis de via justa.

Cum exárserit in brevi ira  
ejus, \* beáti omnes, qui con-  
fidunt in eo.

Añá. Beátus iste Sanctus,  
qui confísus est in Dómino :  
praedicávit praecéptum Dómi-  
ni, constitútus est in monte  
sancto ejus.

Psalmus 3

**D**OMINE quid multiplicáti  
sunt qui tríbulant me? \*  
multi insúrgunt advérsus me.

Multi dicunt ánima meae : \*  
Non est salus ipsi in Deo ejus.

Tu autem Dómine suscéptor  
meus es, \* glória mea, et exál-  
tans caput meum.

Voce mea ad Dóminum  
clamávi : \* et exaudívit me de  
monte sancto suo.

Ego dormívi, et soporátus  
sum : \* et exsurrexi, quia Dó-  
minus suscepit me.

Non timébo míllia pópuli  
circumdántis me : \* exsúrge  
Dómine, salvum me fac Deus  
meus.

Quóniam tu percussísti  
omnes adversántes mihi sine  
causa : \* dentes peccatórum  
contrivísti.

Dómini est salus : \* et super pópulum tuum benedíctio tua.

Añā. Tu es glória mea, tu es suscēptor meus Dómine : tu exáltas caput meum, et exaudísti me de monte sancto tuo.

Ŷ. Amávit eum Dóminus, et ornávit eum. R. Stolum glóriæ induit eum.

De Epístola prima beáti Pauli Apóstoli ad Timótheum.

Lectio j.

Cap. 3.



**F**IDELIS sermo : Si quis Episcopátum desíderat, bonum opus desíderat. Opórtet ergo Episcopum irreprehensibilem esse, uníus uxóris virum, sóbrium, prudentem, ornátum, pudícum, hospitálem, doctórem, non vinoléntum, non percussórem, sed modéstum : non litigiósum, non cúpidum, sed suae dómui bene praepósitum : filios habéntem súbditos cum omni castitate. Si quis autem dómui suae praeesse nescit, quómo do Ecclésiæ Dei diligéntiam habébit? Non neóphytum : ne in supérbiam elátus, in iudícium incídat diaboli. Opórtet autem illum et testimónium habére bonum ab iis, qui foris sunt, ut non in oppróbrium incídat, et in láqueum diaboli.

R. Euge serve bone, et fidelis, quia in pauca fuísti fidelis, supra multa te constítuam : \* Intra in gáudium dómini tui.

Ŷ. Dómine, quinque talénta tradidísti mihi, ecce ália quinque superlucrátus sum. Intra.

De Epístola ad Titum.

Lectio ij.

Cap. i.

**O**PORTET Episcopum sine crímine esse, sicut Dei dispensatórem : non supérbum, non iracúndum, non vinoléntum, non percussórem, non turpis lucri cúpidum : sed hospitálem, benígnum, sóbrium, justum, sanctum, continéntem, amplecténtem eum, qui secúndum doctrínam est, fidélem sermónem : ut potens sit exhortári in doctrína sana, et eos, qui contradícunt, argúere.

R. Justus germinábit sicut lílium, \* Et florébit in aetérnum ante Dóminum. Ŷ. Plantátus in domo Dómini, in átriis domus Dei nostri. Et.

Lectio iij.

Cap. 2.

**M**U autem lóquere quae decent sanam doctrínam : senes ut sóbrii sint, pudíci, prudentes, sani in fide, in dilectióne, in patientia : anus similiter in hábitu sancto, non criminatríces, non multo vino serviéntes, bene docéntes : ut prudentiam dóceant adolescéntulas, ut viros suos ament, filios suos díligant, prudentes, castas, sóbrias, domus curam habéntes, benígnas, súbditas viris suis, ut non blasphemétur verbum Dei.

R. Iste Sanctus digne in memoriam vertitur hominum, qui ad gaudium transiit Angelorum : \* Quoniam in hac peregrinatione solo corpore constitutus, cogitatione et aviditate In illa aeterna patria conversatus est. V. Vinculis carnis absolutus, talentum sibi creditum Domino suo duplicatum reportavit. Quoniam. Gloria Patri. In.

In secundo Nocturno.

Psalmus 4.

**C**UM invocarem exaudivit me Deus iustitiae meae : \* in tribulatione dilatasti mihi.

Miserere mei, \* et exaudi orationem meam.

Filii hominum usquequo gravi corde? \* ut quid diligitis vanitatem, et quaeritis mendacium?

Et scitote quoniam mirificavit Dominus sanctum suum : \* Dominus exaudiet me cum clamavero ad eum.

Irascimini, et nolite peccare : \* quae dicitis in cordibus vestris, in cubilibus vestris compungimini.

Sacrificate sacrificium iustitiae, et sperate in Domino : \* multi dicunt : Quis ostendit nobis bona?

Signatum est super nos lumen vultus tui Domine : \* dedisti laetitiam in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam, et requiescam :

Quoniam tu Domine singulariter in spe \* constituisti me.

Añ. Invocantem exaudivit Dominus sanctum suum : Dominus exaudivit eum, et constituit eum in pace.

Psalmus 5.

**V**ERBA mea auribus percipe Domine, \* intellige clamorem meum.

Intende voci orationis meae, \* rex meus et Deus meus.

Quoniam ad te orabo : \* Domine mane exaudies vocem meam.

Mane astabo tibi et videbo : \* quoniam non Deus volens iniquitatem tu es.

Neque habitabit juxta te malignus : \* neque permanent injusti ante oculos tuos.

Odisti omnes, qui operantur iniquitatem : \* perdes omnes, qui loquuntur mendacium.

Virum sanguinum et dolosum abominabitur Dominus : \* ego autem in multitudine misericordiae tuae.

Introibo in domum tuam : \* adorabo ad templum sanctum tuum in timore tuo.

Domine deduc me in iustitia tua : \* propter inimicos meos dirige in conspectu tuo viam meam.

Quoniam non est in ore eorum veritas : \* cor eorum vanum est.

Sepúlcrum patens est guttur eórum, ⁊ linguis suis dolóse agébant, \* júdica illos Deus.

Décidant a cogitátionibus suis, ⁊ secúndum multitudinem impietátum eórum expélle eos, \* quóniam irritavérunt te Dómine.

Et laeténtur omnes, qui sperant in te, \* in aetérnum exultábunt : et habitábis in eis.

Et gloriabúntur in te omnes, qui díligunt nomen tuum, \* quóniam tu benedíces justo.

Dómine, ut scuto bonae voluntátis tuae \* coronásti nos.

Añā. Laeténtur omnes, qui sperant in te Dómine : quóniam tu benedixísti justo, scuto bonae voluntátis tuae coronásti eum.

Psalmus 8.

**D**OMINE Dóminus noster, \* quam admirábile est nomen tuum in univérſa terra!

Quóniam eleváta est magnificéntia tua, \* super caelos.

Ex ore infántium et lacténtium perfecísti laudem propter inimícos tuos, \* ut déstruas inimícum et ultórem.

Quóniam vidébo caelos tuos, ópera digítorum tuórum : \* lunam et stellas, quae tu fundásti.

Quid est homo, quod memor es ejus? \* aut filius hóminis, quóniam vísitas eum?

Minuísti eum paulo minus ab Angelis, ⁊ glória et honóre

coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérsas : insuper et pécora campí.

Vólucres caeli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérſa terra!

Añā. Dómine Dóminus noster, quam admirábile est nomen tuum in univérſa terra! quia glória et honóre coronásti Sanctum tuum, et constituísti eum super ópera mánuum tuárum.

V. Justum dedúxit Dóminus per vias rectas. R. Et osténdit illi regnum Dei.

Sermo sancti Máximi Epíscopi.

*Homil. 59. quae est secunda de S. Eusebio Vercell.*

Lección iv.



**A**D sancti ac beatíssimi Patris nostri N. cuius hódie festa celebrámus, laudes addísse, áliquíd decerpsísse est : síquidem virtútum ejus grátia non sermónibus exponénda est, sed opéribus comprobánda. Cum enim dicat Scriptúra : Glória patris est fílius sapiens : quantae hujus sunt glóriæ, qui tantórum filiórum sapiéntia et devotióne laetátur? In Christo enim Jesu per Evangélium ipse nos genuit.

R7. Magnificávit eum in conspéctu regum, \* Et dedit illi coronám glóriæ. V. Státuit illi testaméntum sempitérnum, et beatificávit illum in glória. Et dedit.

## Lectio v.

**Q**UIDQUID igitur in hac sancta plebe potest esse virtútis et grátiae, de hoc quasi lucidíssimo fonte, ómnium rivulórum púritas emanávit. Etenim quia castitátis pollébat vigóre, quia abstinéntiae gloriabátur angústis, quia blandiméntis erat praeditus lenitátis, ómnium cívium in Deum provocávit afféctum : quia Pontíficis administratióne fulgébat, plures e discipulis relíquit sui sacerdotíi successóres.

R7. Amávit eum Dóminus, et ornávit eum : stolam glóriæ induit eum, \* Et ad portas Paradísi coronávit eum. V. Induit eum Dóminus lorícam fidei, et ornávit eum. Et ad portas.

## Lectio vj.

**B**ENE et cógrue in hac die, quam nobis beáti Patris nostri N. ad Paradísum tránsitus exsultábilem reddit, praeséntis Psalmi versículum decantávimus : In memória aetérna erit justus. Digne enim in memóriam vértitur hóminum, qui ad gáudium tránsiit Angelórum. Illíus ergo, in quantum póssumus, vestígiis insistámus, quibus per illam

nimis arctam viam ad caeli ampla festínans, qua eum sequerémur, osténdit.

R7. Sancte N. Christi Confessor, audi rogántes sérvulos : \* Et impetrátam caelitus Tu defer indulgéntiam. V. O sancte N. sidus áureum, Dómini grátia, servórum gémitus sólita súscipe cleméntia. Et. Glória Patri. Tu.

In tertio Nocturno.

Psalmus 14.



**D**OMINE quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justítiam :

Qui lóquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accépit advérsus próximos suos.

Ad níhilum dedúctus est in conspéctu ejus malígnus : \* tímētes autem Dóminum gloríficat :

Qui jurat próximo suo, et non decipit, ꝑ qui pecúniā suā non dedit ad usúram, \* et múnēra super innocéntem non accépit :

Qui facit haec, \* non movébitur in aetérnum.

Añā. Dómine, iste Sanctus habitábit in tabernáculo tuo : operátus est justítiam, requiescet in monte sancto tuo.

Psalmus 20.

**D**OMINE in virtúte tua laetábitur rex : \* et super salutáre tuum exsultábit veheménter.

Desidérium cordis ejus tribuísti ei : \* et voluntáte labi-  
rum ejus non fraudásti eum.

Quóniam praevenísti eum in benedictiónibus dulcédinis : \* posuísti in cápite ejus corónam de lápide pretiósó.

Vitam pétiit a te : \* et tribuísti ei longitúdinem diérum in saeculum, et in saeculum saeculi.

Magna est glória ejus in salutári tuo : \* glóriam et magnum decórem impónes super eum.

Quóniam dabis eum in benedictiónem in saeculum saeculi : \* laetificábis eum in gáudio cum vultu tuo.

Quóniam rex sperat in Dómino : \* et in misericórdia Altíssimi non commovébitur.

Inveniátur manus tua ómnibus inimícis tuis : \* dextera tua invéniat omnes, qui te odérunt.

Pones eos ut clíbanum ignis in témpore vultus tui : \* Dóminus in ira sua conturbábit eos, et devorábit eos ignis.

Fructum eórum de terra perdes : \* et semen eórum a fíliis hóminum.

Quóniam declinavérunt in te mala; \* cogitavérunt consília, quae non potuérunt stabilíre.

Quóniam pones eos dorsum : \* in reliquiis tuis prae-  
parábis vultum eórum.

Exaltáre Dómine in virtúte tua : \* cantábimus et psallé-  
mus virtútes tuas.

Añá. Vitam pétiit a te, et tribuísti ei Dómine : glóriam et magnum decórem imposuísti super eum : posuísti in cápite ejus corónam de lápide pretiósó.

Psalmus 23.

**D**OMINI est terra, et plenitúdo ejus : \* orbis terrárum, et univérsi, qui hábitant in eo.

Quia ipse super mária fundávit eum : \* et super flúmina praeparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, ꝥ qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Haec est generátio quaeréntium eum, \* quaeréntium fáciem Dei Jacob.

Attóllite portas príncipes vestras, ꝥ et elevámini portae aeternáles : \* et introíbit rex glóriae.

Quis est iste rex glóriae? \* Dóminus fortis et potens : Dóminus potens in proelio.

Attóllite portas príncipes vestras, ꝥ et elevámini portae

aeternales : \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

Añã. Hic accipiet benedictiõnem a Dómino, et misericórdiam a Deo salutári suo : quia hæc est generatio quaeréntium Dóminum.

℣. Justus ut palma florébit in domo Dómini. ℞. Sicut cedrus Líbani multiplicábitur.

Lectio sancti Evangélíi secundum Matthæum.

Lectio vij. Cap. 24.

**I**N illo témpore : Dixit Jesus discipulis suis : Vigilate, quia nescitis qua hora Dóminus vester venturus sit. Et reliqua.

Homília sancti Hiláarii Epíscopi.

Cap. 26. et 27. in Matth.



**I**n ignorantiam illam diéi ómnibus tácti, non sine útilis siléntii ratióne esse scirémus; vigiláre nos Dóminus propter advéntum furis admónuit, et oratiónum assiduitáte deténtos, ómnibus praeceptórum suórum opéribus inhaerére. Furem enim esse osténdit zábulum, ad detrahénda ex nobis spólia pervigilem, et córporum nostrórum dómibus insidiántem : ut ea incuriosis nobis, et somno déditis, consiliórum suórum atque illecebrárum jáculis perfódia.

℞. Justus, ut palma florébit : sicut cedrus Líbani multiplicábitur : plantátus in domo Dómini, \* In átriis domus Dei nostri florébit. ℣. Glória, et divítiae in domo ejus : et justitia ejus manet in saeculum saeculi. In átriis.

Lectio vij.

**P**ARATOS igitur esse nos cónvenit : quia diéi ignoratio inténtam sollicitúdinem suspénsae exspectatiónis exágitat. Quisnam est fidélis servus, et prudens, quem constituit dóminus super familiam suam? Quamquam in commúne nos ad indeféssam vigilántiae curam adhortétur : speciálem tamen pópuli princípibus, id est Epíscopis, in exspectatióne adventúque suo sollicitúdinem mandat.

℞. Justum dedúxit Dóminus per vias rectas, et osténdit illi regnum Dei, et dedit illi sciéntiam sanctórum : \* Honestávit illum in labóribus, et complévit labóres illius. ℣. Immortális est enim memória illius : quia apud Deum nota est, et apud hómínes. Honestávit.

Lectio ix.

**H**UNC enim servum fidélem, atque prudéntem, praepósitum familiae significat, cómmoda atque utilitatés commíssi sibi pópuli curántem. Qui si dicto áudiens, et praecéptis obédiens erit, id est,

si doctrinae opportunitate et veritate infirma confirmet, disrupta consolidet, depravata convertat, et verbum vitae in aeternitatis cibum alendae familiae dispendat, atque haec agens, hisque immorans deprehendatur; gloriam a Domino tamquam dispensator fidelis, et villicus utilis consequetur, et super omnia bona constituetur, id est, in Dei gloria collocabitur : qua nihil sit ultra, quod melius sit.

R. Sint lumbi vestri praecincti, et lucernae ardentes in manibus vestris, \* Et vos similes hominibus expectantibus dominum suum Quando revertatur a nuptiis. V. Vigilate ergo, quia nescitis qua hora Dominus vester venturus sit. Et. Gloria. Quando.

Ante Laudes, V. Ora pro nobis beate N. R. Ut digni efficiamur promissionibus Christi.

IN LAUDIBUS.

Añ. Domine, quinque talenta tradidisti mihi, ecce alia quinque superlucratus sum. Psalmus Dominus regnavit. cum ceteris, pag. xj.

Añ. Beatus ille servus, quem cum venerit Dominus, et pulsaverit januam, invenerit vigilantem.

Añ. Fidelis servus, et prudens, quem constituit dominus super familiam suam, ut det illis in tempore tritici mensuram.

Añ. Ecce vere Israelita, in quo dolus non est.

Añ. Serve bone, et fidelis, intra in gaudium Domini tui.

Capitulum. Dilectus Deo. ut in Vesperis, pag. l.

Hymnus.

**J**ESU Redemptor omnium,

Corona confitentium,

In hac die clementius

Nostris faveto precibus :

Tui sacri qua nominis

Confessor almus claruit,

Cujus celebrat annua

Devota plebs solennia.

Qui rite mundi gaudia

Hujus caduca respuens,

Cum Angelis caelestibus

Laetus potitur praemiis.

Hujus benignus annue

Nobis sequi vestigia :

Hujus precatu servulis

Dimitte noxam criminis.

Sit Christe Rex piissime

Tibi Patrique gloria,

Cum Spiritu Paraclito,

In sempiterna saecula. Amen.

V. Justus germinabit sicut

lilium. R. Et florebit in aeternum ante Dominum.

Ad Benedictus, Añ. Euge

serve bone, et fidelis, quia in

pauca fuisti fidelis, supra multa

te constituam, dicit Dominus.

Si contingat fieri plures

Mem. de aliis Conf. in Lau-

dibus :

Pro j. Mem. dic. Añ. Beatus

ille. etc. quae est ij. Lau-

dum.



Pro ij. dic. Añā. **Fidélis servus.** etc. quae est iij. Laudum.

Pro iij. dic. Añā. **Serve bone.** etc. quae est v. Laudum.

XX. desumuntur ex Noct. incipiendo a iij.

Ad faciendam vero Mem. plurium Confessorum, Añā. **Sint lumbi vestri praecincti, et lucernae ardentes in manibus vestris, et vos similes hominibus expectantibus dominum suum quando revertatur a nuptiis.**

V. **Mirabilis Deus.** R. **In sanctis suis.**

Ad Horas diei, Añae Laud.

#### AD TERTIAM.

Capit. **Dilectus.** ut supra, p.1.

R. **Amavit eum Dominus,**

\* **Et ornavit eum. Amavit.**

V. **Stolam glorie induit eum.**

Et. **Glória Patri. Amavit.**

V. **Justum deduxit Dominus per vias rectas.** R. **Et ostendit illi regnum Dei.**

#### AD SEXTAM.

Capitulum. *Eccli. 39.*

**JUSTUS** cor suum tradet ad vigilandum diluculo ad Deum, qui fecit illum, et in conspectu Altissimi deprecabitur.

R. **Justum deduxit Dominus** \* **Per vias rectas. Justum.** V. **Et ostendit illi regnum Dei.** Per. **Glória Patri. Justum.**

V. **Justus ut palma florebit in domo Domini.** R. **Sicut cedrus Libani multiplicabitur.**

#### AD NONAM.

Capitulum. *Sap. 10.*

**JUSTUM** deduxit Dominus per vias rectas, et ostendit illi regnum Dei, et dedit illi scientiam sanctorum: honestavit illum in laboribus, et complavit labores illius.

R. **Justus ut palma florebit** \* **In domo Domini. Justus.** V. **Sicut cedrus Libani multiplicabitur.** In. **Glória Patri. Justus.**

V. **Justus germinabit sicut lilium.** R. **Et florebit in aeternum ante Dominum.**

#### AD VESPERAS.

Psalmi ut in Comm. unius Martyris, pag. xxviii.

Super Psalm. Añā. **Domine, quinque.** pag. lix.

Capitulum, Hymnus et V. ut in j. Vesperis, pag.1.

Ad Magnificat, Añā. **Similabo eum viro sapienti, qui aedificavit domum suam supra petram.**

Si contingat fieri plures Mem. de aliis Confessoribus in ij. Vesp.

Pro j. Mem. dic. Añā. **Confessor Domini.** etc. ut ad Magnificat, in j. Vesperis.

Pro ij. dic. Añā. **Iste Sanctus.** etc. ut super Psalm. in j. Vesperis.

Pro iij. dic. Añā. **Ecce vere.** etc. quae est iv. Laudum.

XX. desum. ex Noct. incipiendo a j.

## IN FESTO TRIUM LECT.

AD MATUTINUM.

Invitatorium. Regem Confessorum Dóminum \* Veníte adorémus.

Super Psalm. Noct. Aña. Iste Sanctus digne in memóriam vértitur hóminum, qui ad gáudium tránsiit Angelórum.

Aliud Évangélium pro Confessore Pont.

Léctio sancti Evángelii secúndum Matthaeum.

Léctio vij. Cap. 25.

**I**N illo témpore : Dixit Jesus discipulis suis parabolam hanc : Homo pégre proficiscens, vocávit servos suos, et trádidit illis bona sua. Et réliqua.

Homílsa sancti Hiláarii  
Epíscopi.

*Comment. in Matth. 25.*



**D**IVISIO quidem pecúniae inaequális est, sed non ad dividéntem referénda diversitas est. Ait enim unumquemque secúndum virtútem suam accepisse. Patrem famílias seípsum esse significat. Peregrinaciónis tempus poeniténtiae spátium est, quo in caelis a dextris Dei ássidens, potestátem unívérso géneri humano fidei atque operatiónis evangélicae permísit.

Léctio viij.

**I**GITUR unusquisque secúndum fidei suae mensúram, taléntum, id est, Evan-

gélíi praedicatióem, a praedicánte suscepit. Haec enim incorrupta substántia est : hoc Christi patrimónium aetérnis herédibus reservátum. Sed servus ille, qui quinque talénta accépit, pópulus ex lege credéntium est : ex qua proféctus, méritum ipsíus recte probéque perfúctus, evangélicae fidei operatióne duplicávit.

Léctio ix.

**I**N ratióne autem ponénda judícii exámen est : quo caeléstis verbi usus, et réditus dispensáti talénti postulátur. Igitur cui erant quinque comíssa, dómíno revérso, de quinque decem óbtulit : talis scílicet in fide repértus, qualis in lege : qui decem verbórum quinque libris Móysi, praeceptórum obediéntiam per grátiam evangélicae justificatiónis expléverit. Igitur jubétur in gáudium Dómini introfre, id est, in honórem glóriae Christi recípitur.

IN COMMUNI  
UNIUS DOCTORIS.

Omnia fiant ut supra, praeter hic notata.

Oratio.

**D**EUS, qui pópulo tuo aetérnae salútis beátum N. minístrum tribuísti : praesta quaesumus, ut quem doctórem vitae habúimus in terris, intercessórem habére mereámur in caelis. Per Dóminum.

In primo Nocturno.  
De libro Ecclesiastici.

Lectio j. *Cap. 14.*

**B**EATUS vir, qui in sapiéntia morábitur, et qui in justítia sua meditábitur, et in sensu cogitábit circumspectiónem Dei. Qui excógitat vias illíus in corde suo, et in absconditis suis intélligens, vadens post illam quasi investigátor, et in viis illíus consístens : qui réspicit per fenéstas illíus, et in jánuis illíus áudiens : qui requiésцит juxta domum illíus, et in parietibus illíus figens palum státuet cásulam suam ad manus illíus, et requiéscent in cásula illíus bona per aevum : státuet filios suos sub tégmíne illíus, et sub ramis ejus morábitur : protegétur sub tégmíne illíus a fervóre, et in glória ejus requiésцит.

Lectio ij. *Cap. 24.*

**Q**UI implet quasi Phison sapiéntiam, et sicut Tigris in diébus novórum. Qui adímplet quasi Euphrátes sensum : qui multiplicat quasi Jordánis in témpore messis. Qui mittit disciplínam sicut lucem, et assístens quasi Gehon in die vindémiae. Qui pérficit primus scire ipsam, et infirmior non investigábit eam. A mari enim abundávit cogitatio ejus : et consílium illíus ab abyssó magna. Ego sapiéntia effúdi flúmina. Ego quasi tra-

mes aquae imménsae de flúvio, ego quasi flúvii Díoryx, et sicut aquaedúctus exívi de paradíso.

Lectio iij.

**D**IXI : Rigábo hortum meum plantatiónum, et inebriábo prati mei fructum. Et ecce factus est mihi trames abúndans, et flúvius meus appropinquávit ad mare : quóniam doctrínam quasi antelucánum illúmino ómnibus, et enarrábo illam usque ad longínquum. Penetrábo omnes inferiôres partes terrae, et inspiciam omnes dormiéntes, et illuminábo omnes sperántes in Dómino. Adhuc doctrínam quasi prophetíam effúndam, et relínquam illam quaeréntibus sapiéntiam, et non désinam in progénies illórum usque in aevum sanctum. Vidéte quóniam non soli mihi laborávi, sed ómnibus exquiréntibus veritátem.

In secundo Nocturno.

Ex libro Morálium sancti  
Gregórii Papae.

Lectio iv. *Lib. 9. cap. 6.*



**Q**UI post Oríonas Hyadum nómine, nisi Doctóres sanctae Ecclésiae designántur? Qui subdúctis Martyribus eo jam témpore ad mundi notítiam venérunt, quo fides clá-rius elúcet : et représsa infidelitátis híeme, áltius per corda fidélium sol veritátis calet. Qui

remóta tempestáte persecutió-  
nis, explétis longis nóctibus  
infidelitátis, tunc sanctae Ec-  
clésiae orti sunt, cum ei jam  
per credulitátis vernum lucídior  
annus aperítur.

Lectio v.

Cap. 8.

**D**EC immérito Doctóres  
sancti Hyadum nuncu-  
patione signántur. Graeco  
quippe elóquio hyetos plúvia  
vocátur, et Hyades nomen a  
plúviis accepérunt : quia ortae  
proculdúbio imbres ferunt.  
Bene ergo Hyadum appella-  
tione expréssi sunt, qui ad sta-  
tum universális Ecclésiae, qua-  
si in caeli faciém dedúcti, super  
aréntem terram humáni pécto-  
ris sanctae praedicationis im-  
bres fuderunt. Si enim praedi-  
cationis sermo plúvia non esset,  
Móyses mínime dixisset : Ex-  
spectétur sicut plúvia elóquium  
meum : et nequáquam per  
Isaíam Véritas diceret : Man-  
dábo núbibus meis, ne pluant  
super eam imbrem : atque hoc,  
quod paulo ante protúlimus :  
Quamóbrem prohibitaé sunt  
stellae pluviárum.

Lectio vj.

**D**UM ergo Hyades cum  
plúviis véniunt, ad caeli  
spátia altióra sol dúcitur : quia  
apparénte Doctórum sciéntia,  
dum mens nostra imbre prae-  
dicationis infúnditur, fidei ca-  
lor augétur. Et perfúsa terra  
ad fructum próficit, cum lumen  
aetheris ignéscit : quia ubérius

frugem boni óperis réddimus,  
dum per sacrae eruditiónis  
flammam in corde clárius ardé-  
mus. Dumque per eos diébus  
singulis magis magisque scién-  
tia caeléstis osténditur, quasi  
intérni nobis lúminis vernum  
tempus aperítur : ut novus sol  
nostris méntibus rúilet, et  
eórum verbis nobis cógnitus,  
seípso quotidie clárior micet.  
Urgénte etenim mundi fine,  
supérna sciéntia próficit, et lár-  
gius cum témpore excreúcit.

In tertio Nocturno.

Léctio sancti Evangélii secún-  
dum Matthaeum.

Lectio vij.

Cap. 5.

**I**N illo témpore : Dixit Jesus  
discípulis suis : Vos estis  
sal terrae. Quod si sal evanúe-  
rit, in quo saliétur? Et réliqua.

Homília sancti Joánnis  
Chrysóstomi.

*Hom. 15. in Matth. sub med.*



**A**TENDITE quid  
dixerit, Vos estis sal  
terrae : per quod  
osténdit quam neces-  
sário ista praecípiat. Non enim  
de vestra, inquit, tantúmmodo  
vita, sed de univérso orbe vo-  
bis rátio reddénda est. Non ad  
duas quippe urbes, aut decem,  
aut vigínti, neque ad unam  
gentem vos mitto, sicut mitté-  
bam Prophétas : sed ad omnem  
terram prorsus, ac mare, to-  
túmque mundum, et hunc vá-  
riis crimínibus oppréssum.

Lectio viij.

**D**ICENDO enim, Vos estis sal terrae, osténdit unívér- sam hóminum infatuátam esse natúram, et peccatórum vi cor- rúptam : et idcirco illas ab eis virtútes requírit, quae máxime ad multórum salútem procurán- dam necessariæ sunt atque úti- les. Nam qui mansuétus est, ac modéstus, et miséricors, et ju- stus, non intra se tantúmmodo haec recte facta conclúdit, ve- rum in aliórum quoque utilitá- tem praecláros hos faciet efflúe- re fontes. Igitur qui corde mún- do est atque pacíficus, et perse- cutiónem pro veritaté pátitur, nihilóminus in commúne cóm- modum vitam instítuit.

Lectio ix.

**D**E igitur putétis, inquit, ad lévia vos ducéndo- rum esse certámina, neque exigú- rum rerum vobis ineúndam esse ratióem. Vos estis sal terrae. Quid igitur? Ipsíne pu- trefácta medicáti sunt? Ne- quáquam : neque enim fieri potest, ut ea, quae jam corrú- pta sunt, salis perfricatióne reparéntur. Non ergo hoc fecé- runt, sed ante renováta, sibique trádicta, atque ab illa jam pu- trédine liberáta, aspergébant sale, et in ea novitaté conser- vábant, quam a Dómino suscé- perant. Liberáre quippe a pu- trédine peccatórum, Christi virtútis est : ut autem ad illa íterum non revertántur, Apo- stolórum curae est ac labóris.

IN COMMUNI

UNIUS CONFESSORIS  
non Pontificis.

Omnia fiant ut supra in Communi unius Conf. Pont. pag. l. praeter hic posita.

Oratio.

**D**EUS, qui nos beáti N. Confessoris tui ánnua solemnitáte laetificas : concéde propítius, ut cujus natalítia cólimus, étiam actiões imité- mur. Per Dóminum.

Alia Oratio.

**A**DESTO Dómine suppli- cationibus nostris, quas in beáti N. Confessoris tui so- lemnitáte deférimus : ut qui nostrae justítiae fidúciam non habémus, ejus, qui tibi plácu- it, précibus adjuvémur. Per Dó- minum.

In primo Nocturno.

De libro Ecclesiástici.

Lectio j.

Cap. 31.

**B**EATUS vir, qui in- véntus est sine mácu- la : et qui post aurum non ábiit, nec sperá- vit in pecúnia, et thesáuris. Quis est hic, et laudábimus eum? Fecit enim mirabília in vita sua. Qui probátus est in illo, et per- fectus est, erit illi glória aetérna : qui pótuit tránsgradi, et non est tránsgréssus : fácere mala, et non fecit : ideo stabilíta sunt bona illíus in Dómino, et elee- mósynas illíus enarrábit omnis Ecclésia sanctórum.

Lectio ij.

Cap. 32.

**Q**UI timet Dóminum, excípiet doctrínam ejus : et qui vigiláverint ad illum, invénient benedictiónem. Qui quaerit legem, replébitur ab ea : et qui insidióse agit, scandalizábitur in ea. Qui timent Dóminum, invénient judícium justum, et justítias quasi lumen accéndent. Qui credit Deo, attendit mandátis : et qui confidit in illo, non minorábitur.

Lectio iij. Cap. 33. et 34.

**T**IMENTI Dóminum non occurrerent mala, sed in tentatióne Deus illum conservábit, et liberábit a malis. Sápiens non odit mandáta et justítias, et non illidétur quasi in procélla navis. Homo sensátus credit legi Dei, et lex illi fidélis. Spíritus tíméntium Deum quaeritur, et in respéctu illíus benedicétur. Spes enim illórum in salvántem illos, et óculi Dei in diligéntes se. Qui timet Dóminum nihil trepidábit, et non pavébit : quóniam ipse est spes ejus. Tíméntis Dóminum beáta est ánima ejus.

In secundo Nocturno.

Sermo sancti Joánnis  
Chrysóstomi.

In Orat. de S. Philog. tom. 3.

Lectio iv.



**G**EATI N. dies, cujus festivitátem celebrámus, ad ipsíus recte factórum enarratió-  
nem linguam nostram evocá-

vit : síquidem hódie Beátus iste ad tranquillam, omnisque perturbatiónis expértem vitam tránsiit : cóque navígium áppulit, ubi deinceps non póterit metuere naufrágium, nec ullam ánimi perturbatiónem, aut dólórem.

Lectio v.

**Q**UAMOBREM maximó-  
pere grátulor hujus Sancti felicitáti, quod quamquam translátus est, atque hanc, quae apud nos est, civitátem relíquit : tamen in álteram ascriptus est civitátem, nempe Dei : ac digréssus ab hac Ecclésia, ad illam pervénit, quae est primogenitórum descriptórum in caelis : ac relíctis hisce festis, tránsiit ad celebritátem Angelórum.

Sermo sancti Ephrem Syri.  
*Encomio in S. Basil. tom. 3.*

Lectio vj.

**S**APIENS hic et fidélis  
N. vere gressus est virtútum, liber laudum, vita miraculórum : qui in carne grádiens, spíritu incedébat ; comunémque cum áliis in terra vitam degens, supérna contem-  
plabátur : beryllium plectrum mysticae cítharae regiónem sanctórum Angelórum oblétans : certus agnus matrícis vitae, Spíritus sancti agrum ac hortum illústrans, desidério atque amóre exsúltans, ac florem ex ima radíce pretiosíssi-

mae crucis decerpens : membrana pulcra divinae sapientiae, quae de caelo divinas impressiones accepit.

In tertio Nocturno.

Lectio sancti Evangelii secundum Matthaeum.

Lectio vij. Cap. 11.

**I**N illo tempore : Respondens Jesus dixit : Confiteor tibi Pater, Domine caeli et terrae, quia abscondisti haec a sapientibus, et prudentibus, et revelasti ea parvulis. Et reliqua.

Homilia sancti Joannis Chrysostomi.

Hom. 39. in Matth.



**Q**UOD hic, Confiteor, dixit, idem valet quod Grátias ago. Grátias, inquit, tibi ago, quoniam a prudentibus, et sapientibus haec celasti. An igitur perditione illorum gaudere ipsum dicemus, et quoniam illi haec non didicerunt? Mínime. Non ergo quia sapientes non cognoverunt, gaudet : sed quia parvuli percepérunt, laetatur. Ita et Paulus dicit : Grátias ago Deo meo, quoniam fuistis servi peccati : obedistis autem ex corde in quam traditi estis formam doctrinae. Non ergo Paulus propterea gaudet, quia erant servi peccati; sed quia, cum essent hujusmodi, veritatis cultores facti sunt.

Lectio viij.

**P**RUDENTES autem hic Scribas et Phariseos appellat : quibus verbis alacriores reddit discipulos : cum intelligant illa se piscatores esse consecutos, a quibus illi summi, ut videbantur, viri exciderunt. Cum autem sapientes dixerit : non illam veram laudabilem sapientiam intelligit : sed hanc, quae saeculari doctrina praestatur. Idcirco etiam non dixit, stultis revelasti, sed parvulis : quasi non formati adhuc, sed simplicibus.

Lectio ix.

**I**TA ostendit non indigne illos, sed jure his rebus fuisse privatos : ac per omnia nos docet flatum superbiae omnino esse fugiendum, ac simplicitatem aemulandam. Quod Paulus amplioribus verbis scribit, dicens : Si quis in vobis videtur in hoc saeculo sapiens esse, is fiat stultus, ut sapiens efficiatur : sic enim grátia Dei monstratur. Cur vero grátias agit Patri, cum ipse illud fécerit? Sicut orat et intercédit pro nobis ad Deum, magnam erga nos declarans caritatem, sic etiam et hoc ex caritatis fervore peragit.

Aliud Evangelium.

Lectio sancti Evangelii secundum Lucam.

Lectio vij. Cap. 12.

**I**N illo tempore : Dixit Jesus discipulis suis : Sint lumbi vestri praecincti, et lu-

cérnae ardentes in manibus vestris, et vos similes hominibus expectantibus dominum suum quando revertatur a nuptiis. Et reliqua.

Homilia sancti Gregorii Papae.

*Homil. 13. in Evang.*

**S**ANCTI Evangelii, fratres carissimi, aperta vobis est lectio recitata : sed ne aliquibus ipsa ejus planities alta fortasse videatur, eam sub brevitate transcurramus : quatenus ejus expositio ita nescientibus fiat cognita, ut tamen scientibus non sit onerosa. Lumborum nomine luxuria designatur, cum Dominus dicit : Sint lumbi vestri praecincti. Lumbos enim praecingimus, cum carnis luxuriam per continentiam coarctamus.

Lectio viij.

**S**ED quia minus est mala non agere, nisi etiam quisque studeat et bonis operibus insudare, protinus additur : Et lucernae ardentes in manibus vestris. Lucernas quippe ardentes in manibus tenemus, cum per bona opera proximis nostris lucis exempla demonstramus. De quibus profecto operibus Dominus dicit : Luceat lux vestra coram hominibus : ut videant opera vestra bona, et glorificent Patrem vestrum, qui in caelis est.

Lectio ix.

**D**UO autem sunt, quae jubentur, et lumbos praecingere, et lucernas tenere : ut et munditia sit castitatis in corpore, et lumen veritatis in operatione. Redemptori etenim nostro unum sine altero nequaquam placere potest : si aut is, qui bona agit, adhuc luxuriae inquinamenta non deserit ; aut is, qui castitate praeceminet, necdum se per bona opera exercet. Nec castitas ergo magna est sine bono opere, nec opus bonum est aliquid sine castitate.

Aliud Evangelium.

Lectio sancti Evangelii secundum Lucam.

Lectio vij.

*Cap. 12.*

**I**N illo tempore : Dixit Jesus discipulis suis : Nolite timere pusillus grex, quia complacuit Patri vestro dare vobis regnum. Et reliqua.

Homilia venerabilis Bedae Presbyteri.

*Lib. 4. in Luc. tom. 4.*

**M**USILLUM gregem electorum, vel ob comparationem majoris numeri reproborum, vel potius ob humilitatis devotionem nominat. Quia videlicet Ecclesiam suam quantalibet numerositate jam dilatata, tamen usque ad finem mundi humilitate vult crescere, et ad promissum regnum humilitate pervenire.



Lectio viij.

**V**ENDITE quae possidētis, et date eleemósynam. Nolíte, inquit, timére, ne propter regnum Dei militántibus hujus vitae necessariá desint : quin étiam possésa propter eleemósynam véndite. Quod tunc digne fit, quando quis semel pro Dómino suis ómnibus spretis, nihilóminus post haec labóre mánuum, unde et victum transígere, et eleemósynam dare queat, operátur.

Lectio ix.

**F**ACITE vobis sáculos, qui non veteráscunt : eleemósynas vidélicet operándo, quarum merces in aetérnum máneat. Ubi non hoc praecéptum esse putándum est, ut nihil pecúniae reservétur a sanctis, vel suis scílicet, vel páuperum úsibus suggeréndae : sed ne Deo propter ista serviátur, et ob inópiæ timórem justítia deserátur.

Aliud Evangelium.

Léctio sancti Evangélíi secúndum Lucam.

Lectio vij. *Cap. 10.*

**I**N illo témpore : Designávit Dóminus et álios septuagínta duos, et misit illos binos ante faciém suam in omnem civitátem, et locum quo erat ipse ventúrus. Et réliqua.

Homilía sancti Gregórii Papae.

*Hom. 17. in Evang.*

**D**OMINUS et Salvátor noster, fratres caríssimi, binos in praedicatióem discípulos mittit : quia duo sunt praecépta caritátis, Dei vidélicet amor, et próximi : et minus quam inter duos caritas habéri non potest. Ecce enim binos ad praedicándum discípulos Dóminus mittit : quátenus hoc nobis tácitus ínnuat, quia qui caritátem erga álterum non habet, praedicatiónis offícium suscípere nullátenu debet.

Lectio viij.

**B**ENE autem dícitur quia misit eos ante faciém suam in omnem civitátem, et locum quo erat ipse ventúrus. Praedicatóres enim suos Dóminus séquitur : quia praedicatio praevenit, et tunc ad mentis nostrae habitáculum Dóminus venit, quando verba exhortatióis praecúrrunt, atque per haec véritas in mente suscípitur. Hinc namque eisdem praedicatóribus Isaías dicit : Paráte viam Dómini : rectas fácite sémitas Dei nostri.

Lectio ix.

**H**INC illis Psalmísta ait : Iter fácite ei, qui ascéndit super occásu. Super occásu namque Dóminus ascéndit : quia unde in passióne occúbuit, inde majórem suam

glóriam resurgéndo manifestávit. Super occasum videlicet ascéndit : quia mortem, quam pértulit, resurgéndo calcávit. Ei ergo, qui ascéndit super occasum, iter fácimus, cum nos ejus glóriam vestris méntibus praedicámus : ut eas et ipse post véniens, per amoris sui praeséntiam illústret.

IN COMMUNI  
ABBATUM.

Oratio.

**I**NTERCESSIO nos, quaesumus Dómine, beáti N. Abbátis comméndet : ut quod nostris méritis non valémus, ejus patrocínio assequámur. Per Dóminum.

In tertio Nocturno.

Léctio sancti Evangélíi secúndum Matthaeum.

Léctio vij. *Cap. 19.*

**I**N illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilía sancti Hierónymi  
Presbyteri.

*Lib. 3. in Matth. cap. 19.*



**P**RANDIS fidúcia! Petrus piscátor erat, dives non fúerat, cibos manu et arte quaerebat : et tamen lóquitur confidénter: Relíquimus ómnia. Et quia non súfficit tantum

relínquere, jungit quod perféctum est : Et secúti sumus te. Fécimus quod jussísti : quid igitur nobis dabis praemii? Jesus autem dixit illis : Amen dico vobis, quod vos, qui secúti estis me, in regeneratióne cum séderit Fílius hóminis in sede majestátis suae, sedébitis et vos super sedes duódecim, judicántes duódecim tribus Israël.

Léctio viij.

**N**ON dixit : Qui reliquístis ómnia : hoc enim et Crates fecit philósophus, et multi álíi divítias contempsérunt : sed, Qui secúti estis me : quod próprie Apostolorum est, atque credéntium. In regeneratióne cum séderit Fílius hóminis in sede majestátis suae (quando et mórtui de corruptiÓne resúrgent incorrúpti) sedébitis et vos in sóliis judicántium, condemnántes duódecim tribus Israël, quia vobis credéntibus, illi crédere noluerunt.

Léctio ix.

**E**T omnis, qui relíquerit domum, vel fratres, aut soróres, aut patrem, aut matrem, aut uxórem, aut fílios, aut agros propter nomen meum, céntuplum accípíet, et vitam aetérnam possidébit. Locus iste cum illa senténtia cóngruit, in qua Salvátor lóquitur : Non veni pacem mittere, sed gládium. Veni enim

separáre hóminem a patre suo, et matrem a filia, et nurum a socru : et inimíci hóminis doméstici ejus. Qui ergo propter fidem Christi, et praedicatió-

nem Evangélii, omnes afféctus contémpserint, atque divítias et saeculi voluptátes : isti céntuplum recípiant, et vitam aetérnam possidébunt.



IN COMMUNI



## UNIUS VIRGINIS ET MARTYRIS.

AD VESPERAS.

Super Psalm. Añã. Veniénte sponso, prudens Virgo praeparáta introívit cum eo ad núptias.

Capitulum. *Eccli. 51.*

CONFITEBOR tibi Dómine rex, et colaudábo te Deum salvatórem meum. Confítebor nómini tuo : quóniam adjútor et protéctor factus es mihi, et liberásti corpus meum a perditíone.

R. ix. Regnum. pag. lxxix.

Hymnus.

VIRGINIS proles, opiféx-  
que matris,  
Virgo quem gessit, peperítque  
Virgo,

Vírginis festum cánimus tro-  
phaeum,

Accipe votum.

Haec tua Virgo dúplici beáta  
Sorte, dum gessit frágmentum  
domáre

Córpore sexum, dómuit cruén-  
tum

Córpo saeculum.

Unde nec mortem, nec amí-  
ca mortis

Saeva poenárum génera pavé-  
scens,

Sáanguine fuso méruit sacráta  
Scándere caelum.

Iujus obténtu, Deus alme  
nostris

Parce jam culpis, vítia remít-  
tens :

Quo tibi puri resonémus al-  
mum

Péctoris hymnum.

Glória Patri, genitaeque  
Proli,

Et tibi compar utriúsque sem-  
per

Spíritus alme, Deus unus,  
omni

Témpore saeculi. Amen.

V. Diffúsa est grátia in lábiis  
tuis. R. Proptérea benedíxit te  
Deus in aetérnum.

Ad Magnificat, Añã. Ista est  
virgo sápiens, quam Dóminus  
vigilántem invénit : quae accé-  
pta lámpade sumpsit secum  
óleum, et veniénte Dómino,  
introívit cum eo ad núptias.

Oratio.

INDULGENTIAM no-  
bis, quaesumus Dómine,  
beáta N. Virgo et Martyr im-

plóret : quae tibi grata semper  
éxstitit, et mérito castitátis, et  
tuae professióne virtútis. Per  
Dóminum.

Alia Oratio.

**O**MNIPOTENS sempi-  
térne Deus, qui infírma  
mundi éligis, ut fórtia quaeque  
confúndas : concéde propítius,  
ut qui beátae N. Vírginis et  
Mártyris tuae solémnia cóli-  
mus, ejús apud te patrocínia  
sentiamus. Per Dóminum.

Si contingat in j. Vesp.  
fieri plures Memor. de aliis  
Virginibus, sive sint Marty-  
res, sive non :

Pro j. Mem. dicatur Añā.  
**Accínxit.** etc. ut ad Magnificat  
in ij. Vesperis.

Pro ij. dicatur Añā. **Haec est**  
**virgo.** etc. quae est j. Laudum.

Pro iij. dicatur Añā. **Média**  
**nocte.** etc. quae est iv. Lau-  
dum.

XX. desumantur ex Noct.  
incipiendo a j.

Ad faciendam vero Memo-  
riam plurium Virginum in Ve-  
speris, Añā. **Prudentes vírgines**  
**aptáte lámpades vestras :** ecce  
sponsus venit, exíte óbviā ei.

XX. Adducéntur regi vírgines  
post eam. R̃. Próximae ejus  
afferéntur tibi.

AD MATUTINUM.

Invitatorium. **Agnum spon-**  
**sum Vírginum, \* Veníte ado-**  
**rémus Dóminum Jesum Chri-**  
**stum.**

Hymnus. Vírginis proles.

In primo Nocturno.

Psalmus 8.



**DOMINE** Dóminus  
noster, \* quam ad-  
mirábile est nomen  
tuum in univér-  
sa terra!

Quóniam eleváta est magni-  
ficéntia tua, \* super caelos.

Ex ore infántium et lactén-  
tium perfecísti laudem propter  
inimícos tuos, \* ut déstruas  
inimícum et ultórem.

Quóniam vidébo caelos tuos,  
ópera digitórum tuórum : \*  
lunam et stellas, quae tu fun-  
dásti.

Quid est homo, quod me-  
mor es ejus? \* aut fílius hómi-  
nis, quóniam vísitas eum?

Minuísti eum paulo minus  
ab Angelis, ; glória et honóre  
coronásti eum : \* et consti-  
tuísti eum super ópera má-  
nuum tuárum.

Omnia subjecísti sub pédibus  
ejus, \* oves et boves univérsas :  
ínsuper et pécora campi.

Vólucres caeli, et, pisces  
maris, \* qui perámbulant sé-  
mitas maris.

Dómine Dóminus noster, \*  
quam admirábile est nomen  
tuum in univér-  
sa terra!

Añā. Ante torum hujus Vír-  
ginis frequentáte nobis dúlcia  
cántica drámatis.

Psalmus 18.

**CAELI** enárrant glóriam  
Dei, \* et ópera mánuum  
ejus annúnciat firmaméntum.

Dies diéi erúctat verbum, \*  
et nox nocti índicat sciéntiam.

Non sunt loquélæ, neque  
sermónes, \* quorum non au-  
diántur voces eórum.

In omnem terram exívit  
sonus eórum : \* et in fines  
orbis terræ verba eórum.

In sole pósuit tabernáculum  
suum : \* et ipse tamquam spon-  
sus procédens de thálamo suo :

Exsultávit ut gigas ad cur-  
réndam viam, \* a summo caelo  
egressio ejus :

Et occúrsus ejus usque ad  
summum ejus : \* nec est qui  
se abscondat a calóre ejus.

Lex Dómini immaculáta  
convértens ánimas : \* testimón-  
ium Dómini fidéle, sapién-  
tiam præstans párvulis.

Justítiae Dómini rectæ, lae-  
tificántes corda : \* præcéptum  
Dómini lúcidum, illúminans  
óculos.

Timor Dómini sanctus, pér-  
manens in saeculum saeculi : \*  
judícia Dómini vera, justificáta  
in semetípsa.

Desiderabília super aurum  
et lápidem pretiósum mul-  
tum : \* et dulcióra super mel  
et favum.

Etenim servus tuus custódit  
ea, \* in custodiéndis illis retri-  
bútio multa.

Delícta quis intélligit? ꝑ ab  
occúltis meis munda me : \* et  
ab aliénis parce servo tuó.

Si mei non fúerint dominá-  
ti, tunc immaculátus ero : \* et  
emundábor a delícto máximo.

Et erunt ut compláceant  
elóquia oris mei : \* et medi-  
tátio cordis mei in conspéctu  
tuo semper.

Dómine adjútor meus, \* et  
redémptor meus.

Añã. Unguéntum effúsum  
nomen tuum : ídeo adolescén-  
tulae dilexérunt te nimis.

Psalmus 23.

**D**OMINI est terra, et ple-  
nitúdo ejus : \* orbis  
terrárum, et unívsi, qui há-  
bitant in eo.

Quia ipse super mária fun-  
dávít eum : \* et super flúmina  
praeparávit eum.

Quis ascéndet in montem  
Dómini? \* aut quis stabit in  
loco sancto ejus?

Innocens mánibus et mundo  
corde, ꝑ qui non accépit in vano  
ánimam suam, \* nec jurávit in  
dolo próximo suo.

Hic accípiet benedictiónem  
a Dómino : \* et misericórdiam  
a Deo salutári suo.

Haec est generátio quaerén-  
tium eum, \* quaeréntium fá-  
ciem Dei Jacob.

Attóllite portas príncipes  
vestras, ꝑ et elevámini portae  
aeternáles : \* et introíbit rex  
glóriæ.

Quis est iste rex glóriæ? \*  
Dóminus fortis et potens :  
Dóminus potens in proelio.

Attóllite portas príncipes  
vestras, ꝑ et elevámini portae  
aeternáles : \* et introíbit rex  
glóriæ.

Quis est iste rex glóriæ? \*  
Dóminus virtútum ipse est rex  
glóriæ.

Añá. O quam pulcra est ca-  
sta generátio cum claritáte!

℣. Diffúsa est grátia in lá-  
biis tuis. R̃. Proptérea benedí-  
xit te Deus in aetérnum.

De libro Ecclesiástici.

Lectio j. Cap. 51.



CONFITEBOR tibi  
Dómine rex, et col-  
laudábo te Deum sal-  
vatórem meum. Con-  
fitebor nómini tuo : quóniam  
adjutor et protéctor factus es  
mihi, et liberásti corpus meum  
a perditíone, a láqueo lingue  
iniquæ, et a lábiis operántium  
mendácium, et in conspéctu  
astántium factus es mihi ad-  
jutor. Et liberásti me secún-  
dum multitudínem misericór-  
diæ nóminis tui a rugiéntibus,  
praeparátis ad escam, de má-  
nibus quaeréntium ánimam  
meam, et de portis tribulatió-  
num quæ circumdedérunt me :  
a pressúra flammæ, quæ cir-  
cúmdedit me, et in médio ignis  
non sum aestuáta : de altitú-  
dine ventris ínferi, et a lingua  
coinquináta, et a verbo mendá-  
cii, a rege iníquo, et a lingua  
injústa.

R̃. Veni sponsa Christi, ác-  
cipe corónam, quam tibi Dó-  
minus praeparávit : \* Pro cu-  
jus amóre sánguinem tuum  
fudísti, et cum Angelis in pa-  
radísum introísti. ℣. Veni elé-

cta mea, et ponam in te thro-  
num meum, quia concupívit  
rex spéciem tuam. Pro cuius.

Lectio ij.

LAUDABIT usque ad  
mortem ánima mea Dó-  
minum, et vita mea appropín-  
quans erat in inférno deórsum.  
Circumdedérunt me úndique,  
et non erat qui adjuváret. Re-  
spiciens eram ad adjutórium  
hóminum, et non erat. Memo-  
ráta sum misericórdiæ tuæ  
Dómine, et operatiónis tuæ,  
quæ a saeculo sunt : quóniam  
éruis sustinéntes te Dómine,  
et liberas eos de mánibus gén-  
tium.

R̃. Propter veritátem et  
mansuetúdinem, et justítiam :  
\* Et dedúcet te mirabíliter  
dextera tua. ℣. Audi fília, et  
vide, et inclína aurem tuam.  
Et dedúcet.

Lectio iij.

EXALTASTI super terram  
habitatíonem meam, et  
pro morte defluénte deprecáta  
sum. Invocávi Dóminum pa-  
trem Dómini mei, ut non de-  
relínquat me in die tribulatió-  
nis meæ, et in témpore super-  
bórum sine adjutório. Laudábo  
nomen tuum assídue, et collau-  
dábo illud in confessióne, et  
exaudíta est orátio mea. Et  
liberásti me de perditíone, et  
eripuísti me de témpore iníquo.  
Proptérea confitebor, et lau-  
dem dicam tibi, et benedícam  
nómini Dómini.

R7. Spécie tua et pulcritudine tua \* Inténde, Próspera procéde, et regna. V. Diffúsa est grátia in lábiis tuis : proptérea benedíxit te Deus in aetérnum. Inténde. Glória Patri. Próspera.

In secundo Nocturno.

Psalmus 44.



RUCTAVIT cor meum verbum bonum : \* dico ego ópera mea regi.

Lingua mea calamus scribae, \* velóriter scribéntis.

Speciósus forma prae filiis hóminum, et diffúsa est grátia in lábiis tuis : \* proptérea benedíxit te Deus in aetérnum.

Accíngere gládio tuo super femur tuum, \* potentíssime,

Spécie tua et pulcritudine tua \* inténde, Próspera procéde, et regna,

Propter veritátem et mansuetúdinem, et justítiam : \* et dedúcet te mirábiliter dextera tua.

Sagíttae tuae acútae, et pópuli sub te cadent, \* in corda inimicórum regis.

Sedes tua Deus in saeculum saeculi : \* virga directiónis virga regni tui.

Dilexísti justítiam, et odísti iniquitátem : \* proptérea unxit te Deus Deus tuus óleo laetítiae prae consórtibus tuis.

Myrrha, et gutta, et cásia a vestiméntis tuis, a dómibus ebúrneis : \* ex quibus dele-

ctavérunt te filiae regum in honóre tuo.

Astitit regína a dextris tuis in vestítu deauráto : \* circúmdata varietáte.

Audi filia, et vide, et inclína aurem tuam : \* et oblivíscere pópulum tuum, et domum patris tui.

Et concupíscet rex decórem tuum : \* quóniam ipse est Dóminus Deus tuus, et adorábunt eum.

Et filiae Tyri in munéribus \* vultum tuum deprecabúntur : omnes dívites plebis.

Omnis glória ejus filiae regis ab intus, \* in símbriis aureis circumamícta varietátibus.

Adducéntur regi vírgines post eam : \* próximae ejus afferéntur tibi.

Afferéntur in laetítia et exultatióne : \* adducéntur in templum regis.

Pro pátribus tuis nati sunt tibi filii : \* constitúes eos príncipes super omnem terram.

Mémores erunt nóminis tui \* in omni generatióne et generatióne.

Proptérea pópuli confitebúntur tibi in aetérnum : \* et in saeculum saeculi.

Añs. Spécie tua et pulcritudine tua inténde, Próspera procéde, et regna.

Psalmus 45.

**D**EUS noster refúgium, et virtus : \* adjútor in tribulatióne, quae invenérunt nos nimis.

Propterea non timébimus dum turbábitur terra : \* et transferéntur montes in cor maris.

Sonuérunt, et turbátae sunt aquae eórum : \* conturbáti sunt montes in fortitúdine ejus.

Flúminis ímpetus laetíficat civitátem Dei : \* sanctificávit tabernáculum suum Altíssimus.

Deus in médio ejus, non commovébitur : \* adjuvábít eam Deus mane dilúculo.

Conturbátae sunt gentes, et inclináta sunt regna : \* dedit vocem suam, mota est terra.

Dóminus virtútum nobíscum : \* suscéptor noster Deus Jacob.

Veníte, et vidéte ópera Dómini, ꝛ quae pósuit prodígia super terram : \* áuferens bella usque ad finem terrae.

Arcum cónteret, et confrínget arma : \* et scuta combúret igni :

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobíscum : \* suscéptor noster Deus Jacob.

Añá. Adjuvábít eam Deus vultu suo : Deus in médio ejus, non commovébitur.

Psalmus 86.

**F**UNDAMENTA ejus in móntibus sanctis : \* díligit Dóminus portas Sion super ómnia tabernácula Jacob.

Gloriósá dicta sunt de te, \* cívitas Dei.

Memor ero Rahab, et Baby-lónis \* sciéntium me.

Ecce alienígenae et Tyrus, et pópulus Æthíopum, \* hi fuérunt illic.

Numquid Sion dicet : Homo, ꝛ et homo natus est in ea : \* et ipse fundávit eam Altíssimus?

Dóminus narrábit in scriptúris populórum, et príncipum : \* horum, qui fuérunt in ea.

Sicut laetántium ómnium \* habitátio est in te.

Añá. Laeva ejus sub cápíte meo, et délixtera illíus amplexábitur me.

V. Spécie tua et pulcritúdine tua. R7. Inténde, prospere procéde, et regna.

Sermo sancti Máximi Epíscopi.

*Homil. de S. Agnete.*

Lectio iv.



**C**UM in toto mundo virgíneus flos Maríae immarcescíbiles córonas innéctat, et sceptrígeram pudóris aulam immaculáto consérvet afféctu : eo usque intégritas perseverávit ad palmam, ut in puéllis trophaeum sanctitátis arríperet, et per vestígia Matris Vírginis ad caeléstem thálamum perveníret. O quam imitábile virgínibus, Virgo, tui amóris tradidísti . exéplum, contemnéndo mundi divítias, exsecrándo carnis concupiscéntias,



et solam Christi pulcritudinem adamándol

R. Grata facta est a Dómino in certámine, quia apud Deum et apud hómines glorificáta est : in conspéctu princípum loquebátur sapiéntiam, \* Et Dóminus ómnium diléxit eam. V. Erécta namque in virtútis cúlmine, torménta derísit, prae-mia calcávit. Et.

Lectio v.

**B**EATISSIMA haec Virgo magnum de se pudicitiae excitávit exéplum, cum virginitátem praetulit vitae, trophaeum crucis Christi arrípuít, et tam contra libídines, quam étiam contra supplicia unívér-sa, fide pótius armáta quam ferro, fórtiter dimicávit et vicit. Nescit amáre áliquid, quod transit : et dum nimis virginitátem díligit, nec ludíbria, nec flammás, nec supplicia, nec carnífices méruit : postrémo nec gládium furéntis percussóris expávit.

R. Haec est virgo sápiens, quam Dóminus vigilántem invénit : quae accéptis lampádi-bus, sumpsit secum óleum : \* Et veniénte Dómino, intro-fvit cum eo ad núptias. V. Ista est una de número prudén-tum, quae aptávit lámpades suas. Et.

Lectio vj.

**V**ENI jam Virgo ad thá-lamum, quem quaesísti : ut sponsam te virginitas im-

maculáta cómprobet Christi, et Mártirem conféssio probáta consígnét. Felix catérva vírgi-num, quibus stúdiúm est tuae sequi confessiónis vestígial Itaque o spléndida Christo, pulcra Dei Fílio, et ómnibus Angelis atque Archángelis grata : ut nostri meminísse dignéris, quibus póssumus, précibus exorámus : ut nobis ille tríbuat peccatórum indul-géntiam, qui tibi tuórum ómnium labórum trádídít palmam.

R. Afferéntur regi vírgines post eam : próximae ejus affe-réntur tibi \* In laetítia et ex-sultatióne. V. Prudéntes vír-gines aptáte lámpades vestras : ecce sponsus venit, exíte ób-viam ei. In. Glória Patri. In.

In tertio Nocturno.

Psalmus 95.



**A**NTATE Dómino cánticum novum : \* cantáte Dómino omnis terra.

Cantáte Dómino, et benedí-cite nómini ejus : \* annun-tiáte de die in diem salutare ejus.

Annuntiáte inter gentes gló-riam ejus, \* in ómnibus pópu-lis mirábilia ejus.

Quóniam magnus Dóminus, et laudábilis nimis : \* terríbi-lis est super omnes deos.

Quóniam omnes dii géntium daemónia : \* Dóminus autem caelos fecit.

Conféssio, et pulcritúdo in conspéctu ejus : \* sanctimónia, et magnificéntia in sanctificatióne ejus.

Afférte Dómino pátriae génitium, ꝛ afférte Dómino glóriam et honórem : \* afférte Dómino glóriam nómini ejus.

Tóllite hóstias, et introíte in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dícite in géntibus quia Dóminus regnávit.

Etenim corréxit orbem terrae qui non commovébitur : \* judicábit pópulos in aequitáte.

Laeténtur caeli, et exsúltet terra, ꝛ commovéatur mare, et plenitúdo ejus : \* gaudébunt campi, et ómnia, quae in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terrae in aequitáte, \* et pópulos in veritáte sua.

Añã. Dum esset rex in accúbitu suo, nardus mea dedit odórem suavitátis.

Psalmus 96.

**D**OMINUS regnávit, exsúltet terra : \* laeténtur ínsulae multae.

Nubes, et calígo in circúitu ejus : \* justítia, et judícium corréctio sedis ejus.

Ignis ante ipsum praecedet, \* et inflammábit in circúitu inimícos ejus.

Illuxérunt fúlgura ejus orbi terrae : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt caeli justítiam ejus : \* et vidérunt omnes pópuli glóriam ejus.

Confundántur omnes, qui adórant sculptília : \* et qui gloriántur in simulácris suis.

Adoráte eum omnes Angeli ejus : \* audívit, et laetáta est Sion.

Et exsultavérunt fíliae Judae, \* propter judícia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui dilígitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde laetítia.

Laetámini justí in Dómino : \* et confitémini memóriæ sanctificatiónis ejus.

Añã. Haec est, quae nescívit torum in delícto : habébit fructum in respectióne animárum sanctárum.

Psalmus 97.

**C**ANTATE Dómino cánticum novum : \* quia mirábília fecit.

Salvávit sibi dextera ejus : \* et bráchium sanctum ejus.

Notum fecit Dóminus salutáre suum : \* in conspéctu géntium revelávit justítiam suam.

Recordátus est misericórdiae suae, \* et veritátis suae dómui Israël.

Viderunt omnes términi terrae \* salutáre Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cíthara, in cíthara et voce psalmi : \* in tubis ductílibus, et voce tubae córnea.

Jubiláte in conspéctu regis Dómini : ⁊ moveátur mare, et plenitúdo ejus : \* orbis terrárum, et qui hábitant in eo.

Flúmina plaudent manu, ⁊ simul montes exsultábunt a conspéctu Dómini : \* quóniam venit judicáre terram.

Judicábit orbem terrárum in justítia, \* et pópulos in aequitáte.

Añā. Haec est virgo sápiens atque gloriósa, quia Dóminus ómnium diléxit eam.

℣. Adjuvábít eam Deus vultu suo. R̃. Deus in médio ejus, non commovébitur.

Léctio sancti Evangélii secundum Matthaeum.

Lectio vij.

Cap. 13.

**I**N illo témpore : Dixit Jesus discípulis suis parabolam hanc : Símile est regnum caelórum thesaúro abs-

cóndito in agro : quem qui ínvenit homo, abscondit, et prae gáudio illíus vadit, et vendit univérssa quae habet, et emit agrum illum. Et réliqua.

Homilía sancti Gregórii Papae.

*Homil. 11. in Evang.*



**CAELORUM** regnum, fratres caríssimi, idcirco terrénis rebus símile dícitur, ut ex his, quae ánimus novit, surgat ad incógnita, quae non novit : quátenus exémplo visibílium se ad invisibília rápiat, et per ea, quae usu dídicit, quasi conficátus incaléscat : ut per hoc, quod scit notum dilígere, discat et incógnita amáre. Ecce enim regnum caelórum thesaúro abscondito in agro comparátur. Qua in re notándum est, quod invéntus thesaúrus absconditur, ut servétur : quia stúdiu caeléstis desidérii a malignis spirítibus custodíre non súfficit, qui hoc ab humánis láudibus non abscondit. In praesénti etenim vita quasi in via sumus, qua ad pátriam pèrgimus : maligni autem spíritus iter nostrum quasi quidam latrúnculi óbsident.

R̃. Audívi vocem de caelo veniéntem : veníte omnes vírgines sapientíssimae, \* Oleum recóndite in vasis vestris, dum sponsus advénerit. ℣. Média nocte clamor factus est : Ecce sponsus venit. Oleum recóndite.

Lectio viij.

**D**EPRAEDARI ergo desíderat, qui thesáurum públice portat in via. Hoc autem dico, non ut próximi ópera nostra bona non vídeant : sed ut sic sit opus in público, quátenuis inténtio máneat in occulto. Rursum caeléste regnum negotiátóri hómini símile dicitur, qui bonas margarítas quaerit, sed unam pretiósam invenit, quam videlicet invéntam, ómnia vendens, emit : quia qui caeléstis vitae dulcédinem, in quantum possibilitas admíttit, perfécte cognóverit : ea, quae in terrénis amáverat, libénter cuncta derelínquit.

R̃. Veni elécta mea, et ponam in te thronum meum : \* Quia concupívit rex spéciem tuam. Ṽ. Spécie tua et pulcritúdine tua inténde, próspera procéde, et regna. Quia.

Lectio ix.

**R**ECTE per Salomónem dicitur : Fortis est ut mors diléctio : quia sicut mors corpus intérimít, sic ab amóre rerum corporálium aetérnae vitae caritas occídít. Nam quem perfécte absorbúerit, ad terréna foris desidéria velut insensíblem reddit. Nec enim Sancta haec, cujus hódie natalítia celebrámus, mori pro Dómino potuísset in corpore, si prius a terrénis desidériis mórtua non fuísset in mente. Eréctus namque in virtútis cúlmine ánimus

torménta despéxit, praemia calcávit. Quid inter haec nos barbáti et débiles dícimus, qui ire ad regna caeléstia puéllas per ferrum vidémus, quos ira súperat, supérbia inflat, ambítio pertúrbat, luxúria inquínat? Qui si adipísci regna caelórum per bella persecutiónum non póssumus, hoc ipsum nobis turpe sit, quod Deum nólumus saltem per pacem sequi.

R̃. Regnum mundi, et omnem ornátum saeculi contémpsi propter amórem Dómini mei Jesu Christi : \* Quem vidi, quem amávi, In quem crédidi, quem diléxi. Ṽ. Eructávit cor meum verbum bonum : dico ego ópera mea regi. Quem. Glória Patri. In.

Ante Laudes, Ṽ. Ora pro nobis beáta N. R̃. Ut digni efficiámur promissionibus Christi.

IN LAUDIBUS.

Añá. Haec est virgo sápiens, et una de número prudéntum. Ps. Dóminus regnávít. cum ceteris, pag. xj.

Añá. Haec est virgo sápiens, quam Dóminus vigilántem invenít.

Añá. Veni sponsa Christi, áccipe corónam, quam tibi Dóminus praeparávit in aetérnum.

Añá. Média nocte clamor factus est : Ecce sponsus venit, exíte óbviám ei.

Añá. Tunc surrexérunt omnes vírgines illae, et ornavérunt lámpades suas.

Capitulum. Confitébor tibi.  
ut supra.

Hymnus.

**J**ESU, coróna vírginum,  
Quem Mater illa cóncipit,  
Quae sola virgo párturit,  
Haec vota clemens áccipe.

Qui pascis inter lília,  
Septus choréis vírginum,  
Sponsas decórans glória,  
Sponsísque reddens praemia.

Quocúmque pergis, vírgines  
Sequúntur, atque láudibus  
Post te canéntes cúrsitant,  
Hymnósque dulces pérsonant.

Te deprecámur lárgius,  
Nostris adáuge sénsibus  
Nescíre prorsus ómnia  
Corruptiónis vúlnera.

Sit Christe Rex piíssime  
Tibi Patrique glória,  
Cum Spíritu Paráclito,  
In sempitérna saecula.

Amen.

V. Adducéntur regi vírgines  
post eam. R. Próxima eius  
afferéntur tibi.

Ad Benedictus, Añá. Veni  
elécta mea, et ponam in te  
thronum meum : quia concu-  
pívit rex spéciem tuam.

Si contingat in Laud. fieri  
plures Memor. de aliis Virgi-  
nibus :

Pro j. Mem. dic. Añá. Haec  
est virgo. etc. quae est ij. Laud.

Pro ij. dic. Añá. Veni spon-  
sa. etc. quae est iij. Laud.

Pro iij. dic. Añá. Tunc sur-  
rexérunt. etc. quae est v. Laud.

V. desumuntur. ex Noct.  
incipiendo a iij.

Ad Memoriam vero pluri-  
marum Virg. in Laud. Añá.  
Símile erit regnum caelórum  
decem virgínibus : quae acci-  
piéntes lámpades suas exiérunt  
óbviám sponso, et sponsae.

V. Média nocte clamor fa-  
ctus est. R. Ecce sponsus ve-  
nit, exíte óbviám ei.

Ad Horas diei, Añáe Lau-  
dum.

AD TERTIAM.

Capitulum. Confitébor tibi.

R. Diffúsa est grátia \* In  
lábiis tuis. Diffúsa. V. Pro-  
ptérea benedíxit te Deus in  
aetérnum. In lábiis tuis. Glória  
Patri. Diffúsa.

V. Spécie tua et pulcritúdine  
tua. R. Inténde, prospere pro-  
céde, et regna.

AD SEXTAM.

Capitulum. 2. Cor. 11.

**A**EMULOR enim vos Dei  
aemulatióne : despóndi  
enim vos uni viro vírginem  
castam exhibére Christo.

R. Spécie tua \* Et pulcri-  
túdine tua. Spécie. V. Inténde,  
prospere procéde, et regna. Et.  
Glória Patri. Spécie.

V. Adjuvábít eam Deus vul-  
tu suo. R. Deus in médio ejus,  
non commovébitur.

AD NONAM.

Capitulum. Sap. 4.

**O** QUAM pulcra est casta  
generatió cum claritáte :  
immortális est enim memória  
illús : quóniam apud Deum  
nota est, et apud hómines.

R̃. Adjuvabit eam Deus  
\* Vultu suo. Adjuvabit. Ṽ. Deus  
in medio ejus, non commovebi-  
tur. Vultu suo. Glória Patri.  
Adjuvabit.

Ṽ. Adducéntur regi vírgines  
post eam. R̃. Próximae ejus  
afferéntur tibi.

AD VESPERAS.

Psalmus 109.



EXIT Dóminus Dó-  
mino meo : \* Sede a  
dextris meis :

Donec ponam ini-  
micos tuos, \* scabellum pedum  
tuorum.

Virgam virtutis tuae emittet  
Dóminus ex Sion : \* dominare  
in medio inimicorum tuorum.

Tecum principium in die  
virtutis tuae in splendoribus  
sanctorum : \* ex útero ante  
luciferum genui te.

Juravit Dóminus, et non  
poenitebit eum : \* Tu es sacré-  
dos in aeternum secundum  
ordinem Melchisedech.

Dóminus a dextris tuis, \*  
confrégit in die irae suae reges.

Judicabit in nationibus, im-  
plebit ruinas : \* conquassabit  
capita in terra multorum.

De torrente in via bibet : \*  
propterea exaltabit caput.

Psalmus 112.

LAUDATE púeri Dómi-  
num : \* laudate nomen  
Dómini.

Sit nomen Dómini benedí-  
ctum, \* ex hoc nunc, et usque  
in saeculum.

A solis ortu usque ad occá-  
sum, \* laudabile nomen Dó-  
mini.

Excelsus super omnes gen-  
tes Dóminus, \* et super caelos  
glória ejus.

Quis sicut Dóminus Deus  
noster, qui in altis hábitat, \* et  
humília respicit in caelo et in  
terra?

Súscitans a terra ínopem, \*  
et de stercore érigens páupe-  
rem :

Ut collocet eum cum prin-  
cipibus, \* cum principibus pó-  
puli sui.

Qui habitare facit stérilem  
in domo, \* matrem filiorum  
laetantem.

Psalmus 121.

LAETATUS sum in his,  
quae dicta sunt mihi : \*  
In domum Dómini íbimus.

Stantes erant pedes nostri, \*  
in átriis tuis Jerúsalem.

Jerúsalem, quae aedificátur  
ut civitas : \* cujus participatio  
ejus in idípsam.

Illuc enim ascenderunt tri-  
bus, tribus Dómini : \* testi-  
mónium Israël ad confitendum  
nómini Dómini.

Quia illic sederunt sedes in  
judício, \* sedes super domum  
David.

Rogáte quae ad pacem sunt  
Jerúsalem : \* et abundantia  
diligéntibus te :

Fiat pax in virtúte tua : \*  
et abundantia in túrribus  
tuis.

Propter fratres meos, et próximos meos, \* loquēbar pacem de te :

Propter domum Dómini Dei nostri, \* quaesívi bona tibi.

Psalmus 126.

**N**ISI Dóminus aedificáverit domum, \* in vanum laboravérunt qui aedíficant eam.

Nisi Dóminus custodíerit civitátem, \* frustra vígilat qui custódit eam.

Vanum est vobis ante lucem súrgere : \* súrgite postquam sedéritis, qui manducátis panem dolóris.

Cum déderit diléctis suis somnum : \* ecce heréditas Dómini filii : merces, fructus ventris.

Sicut sagíttae in manu poténtis : \* ita filii excussórum.

Beátus vir qui implévit desidérium suum ex ipsis : \* non confundétur cum loquétur inimícis suis in porta.

Psalmus 147.

**L**AUDA Jerúsalem Dóminum : \* lauda Deum tuum Sion.

Quóniam confortávit seras portárum tuárum : \* benedíxit fíliis tuis in te.

Qui pósuit fines tuos pacem : \* et ádipe fruménti sátiat te.

Qui emíttit elóquium suum terrae : \* velóriter currit sermo ejus.

Qui dat nivem sicut lanam : \* nébulam sicut cínerem spargit.

Mittit crystállum suam sicut buccéllas : \* ante fáciem frígoris ejus quis sustinébit?

Emíttet verbum suum, et liquefáciét ea : \* flabit spíritus ejus, et fluent aquae.

Qui annúnciat verbum suum Jacob : \* justítias, et judícia sua Israél.

Non fecit táliter omni nátioní : \* et judícia sua non manifestávit eis.

Super Psalm. Añá. Haec est virgo. j. Laud.

Capitulum, Hymnus, et V. ut in j. Vesperis.

Ad Magnificat, Añá. Accínxit fortitúdine lumbos suos, et roborávit bráchium suum : ideóque lucérna ejus non extinguetur in sempitérnum.

Sic ontingat in ij. Vesperis fieri plures Mem. de aliis Virginibus :

Pro j. Mem. dic. Añá. **Ista est.** etc. ut ad Magnificat in j. Vesp.

Pro ij. dic. Añá. **Veniénte sponso.** etc. ut super Psal. in j. Vesperis.

Pro iij. dic. Añá. **Média nocte.** etc. quae est iv. Laud.

VV. desumuntur ex Nocturnis incip. a j.

## IN FESTO TRIUM LECT.

### AD MATUTINUM.

Invitatorium. Regem Virginum Dóminum \* Veníte adorémus.

Super Psalm. Aña. Veniente sponso, prudens Virgo prae-  
parata introivit cum eo ad  
núptias.

IN COMMUNI  
**UNIUS VIRG. NON MART.**

Omnia fiant ut supra in  
Comm. unius Virg. et Mart.  
praeter hic posita.

IN UTRISQUE VESPERIS.

Hymnus.

**V**IRGINIS proles, opifex-  
que matris,  
Virgo quem gessit, peperitque  
Virgo,  
Virginis festum cānimus beá-  
tae,

Accipe votum.

Huius obtentu, Deus alme  
nostris

Parce jam culpis, vítia remít-  
tens :

Quo tibi puri resonemus al-  
mum

Péctoris hymnum.

Glória Patri, genitaeque  
Proli,

Et tibi compar utriusque sem-  
per

Spíritus alme, Deus unus,  
omni

Témpore saeculi. Amen.

Oratio.

**E**XAUDI nos Deus salutá-  
ris noster : ut sicut de  
beatae N. Virginis tuae festivi-  
tate gaudemus, ita pia devo-  
tiónis erudiámur afféctu. Per  
Dóminum.

In primo Nocturno

De Epístola prima beáti Pauli  
Apóstoli ad Corínthios.

Lectio j.

Cap. 7.



**E** virgínibus praecé-  
ptum Dómini non  
hábeo : consílium  
autem do, tamquam  
misericórdiam consecútus a  
Dómino, ut sim fidélis. Exísti-  
mo ergo hoc bonum esse pro-  
pter instántem necessitátem,  
quóniam bonum est hómini sic  
esse. Alligátus es uxóri? noli  
quaerere solutióem. Solútus  
es ab uxóre? noli quaerere uxó-  
rem. Si autem accéperis uxó-  
rem : non peccásti. Et si nú-  
pserit virgo, non peccávit :  
tribulatióem tamen carnis  
habébunt hujúsmodi.

℣. Veni sponsa Christi, ác-  
cipe corónam, quam tibi Dó-  
minus praeparávit : \* Pro cujus  
amóre saeculum contempsisti,  
et cum Angelis in paradísum  
introísti. ✠. Veni elécta mea,  
et ponam in te thronum meum :  
quia concupívit rex spéciem  
tuam. Pro cujus amóre.

Lectio ij.

**E**GO autem vobis parco.  
Hoc itaque dico, fratres :  
Tempus breve est : réliquum  
est, ut et qui habent uxóres,  
tamquam non habéntes sint :  
et qui flent, tamquam non  
flentes : et qui gaudent, tam-  
quam non gaudentes : et qui  
emunt, tamquam non possi-



déntes : et qui utúntur hoc mundo, tamquam non utántur: praeterit enim figúra hujus mundi.

R. Propter veritátem et mansuetúdinem, et justítiam :  
\* Et dedúcet te mirábiliter dextra tua. V. Audi fília, et vide, et inclína aurem tuam. Et dedúcet.

Lectio iij.

**V**OLO autem vos sine sollicitú-dine esse. Qui sine uxóre est, sollicitus est quae Dómini sunt, quómodo pláceat Deo. Qui autem cum uxóre est, sollicitus est quae sunt mundi, quómodo pláceat uxóri, et divísus est. Et múl-ier innúpta, et virgo cógitat quae Dómini sunt, ut sit sancta cór-pore, et spíritu. Quae autem nupta est, cógitat quae sunt mundi, quómodo pláceat viro.

R. Spécie tua et pulcritú-dine tua \* Inténde, Prós-pere procéde, et regna. V. Diffúsa est grátia in lábiis tuis : pro-ptérea benedíxit te Deus in aetérnum. Inténde. Glória Pa-tri. Prós-pere.

In secundo Nocturno.

Sermo sancti Augustíni  
Epíscopi.

Lectio iv. *Lib. de Virginit.*



**A**N festo Vírginis prae-dicánda est virgí-nitas. Hoc in isto ser-móne suscepimus. Adjuvet Christus Vírginis Fí-

lius, et Vírginum sponsus : virgínali útero corporáliter na-tus, virgínali connúbio spiri-tuáliter conjugátus. Cum ígitur univér-sa Ecclésia virgo sit, sicut dicit Apóstolus; quanto digna sunt honóre membra, quae haec custódiunt étiam in ipsa carne, quae ipsa tota cu-stódit in fide? Nulla ergo fe-cúnditas carnis sanctae virgi-nitáti, étiam carnis, comparári potest.

R. Hanc amávi, et exquisívi sponsam mihi assúmere, Et amátor factus sum formae illíus. V. Fortitúdo et decor induméntum ejus, et ridébit in die novíssimo. Et amátor.

Lectio v.

**I**LLA autem Virgo conju-gatae mérito praeponitur, quae nec multítudini se amán-dam propónit, sed speciósam forma prae fíliis hóminum sic amávit, ut, quia eum sicut María concípere carne non posset, ei corde concépto car-nem étiam íntegram custodí-ret. Cedat virgínitáti omnis fecúnditas carnis, omnis pud-icítia conjugális. Illa non est in potestáte : ista non est in aeter-nitáte. Fecunditátem carnálem non habet líberum arbítrium : pudicítiam conjugálem non habet caelum.

R. Haec est virgo sápiens, quam Dóminus vigilántem in-vénit : quae accéptis lampádi-bus, sumpsit secum óleum :

\* Et veniente Dómino, introívit cum eo ad núptias. *V.* Ista est una de número prudéntum, quae aptávit lámpades suas. Et.

Lectio vj.

**P**ROFECTO habébunt magnum áliquíd praeter céteros in illa commúni immortalitate, qui habent áliquíd jam non carnis in carne. Cum enim dixisset Dóminus de spadónibus : Dabo eis in domo mea locum nominátum multo meliorem, quam filiórum atque filiárum : contínuo subjécit : Nomen aetérnum dabo eis; quod útique glóriam quamdam própriam excellentémque significat.

*R.* Afferéntur regi vírgines post eam : próximae ejus afferéntur tibi \* In laetítia et exsultatione. *V.* Prudéntes vírgines aptáte lámpades vestras : ecce sponsus venit, exíte óbviám ei. In. Glória Patri. In.

In tertio Nocturno.

Lectio sancti Evangelii secundum Matthaeum.

Lectio vij.

*Cap. 25.*

**I**N illo témpore : Dixit Jesus discíulis suis parábolam hanc : Símile erit regnum caelórum decem virgínibus : quae accipiéntes lámpades suas exiérunt óbviám sponso, et sponsae. Et reliqua.

Homilia sancti Gregorii Papae.

*Homilia 12. in Evang.*



**S**A E P E vos, fratres caríssimi, admóneo prava ópera fúgere, mundi hujus inquinaménta devitáre : sed hodiérna sancti Evangelii lectióne compéllor dícere, ut et bona, quae ágitis, cum magna cautéla teneátis; ne per hoc, quod a vobis rectum géritur, favor, aut grátia humána requirátur : ne appetítus laudis subrépat, et quod foris osténditur, intus a mercéde vacuétur.

*R.* Audívi vocem de caelo veniéntem : veníte omnes vírgines sapientíssimae, \* Oleum recóndite in vasis vestris, dum sponsus advénerit. *V.* Média nocte clamor factus est : Ecce sponsus venit. Oleum.

Lectio viij.

**E**CCE enim Redemptóris voce decem vírgines, et omnes dicúntur vírgines, et tamen intra beatitúdinis jánuam non omnes recéptae sunt : quia eárum quaedam, dum de virginitáte sua glóriam foris éxpetunt, in vasis suis óleum habére noluérunt. Sed sciéndum nobis est, quod saepe in sacro elóquio regnum caelórum praeséntis témporis Ecclésia díctur : quae quia ex utróque sexu fidélium collígitur, decem virgínibus símilis esse denuntiátur. In qua quia mali

cum bonis, et réprobi cum eléctis commísti sunt, recte símilis virgínibus prudéntibus et fátuis esse perhibétur.

R. Veni elécta mea, et ponam in te thronum meum : \* Quia concupívit rex spéciem tuam. V. Spécie tua et pulcritúdine tua inténde, prósperere procéde, et regna. Quia.

Lectio ix.

**S**UNT namque plerique continéntes, qui ab exterióri se appetítu custódiunt, et spe ad interióra rapiúntur; carnem mácerant, et toto desiderio ad supérnam pátriam anhélant : aetérna praemia éxpetunt, pro labóribus suis recíperere humánas laudes nolum. Hi nímirum glóriam suam non in ore hóminum ponunt, sed intra consciéntiam cóntegunt. Et sunt plerique, qui corpus per abstinéntiam affligunt, sed de ipsa sua abstinéntia humános favóres éxpetunt.

R. Regnum mundi, et omnem ornátum saeculi contémpsi propter amórem Dómini mei Jesu Christi : \* Quem vidi, quem amávi, In quem crédidi, quem diléxi. V. Eructávit cor meum verbum bonum : dico ego ópera mea regi. Quem. Glória Patri. In.

Haec eadem Homilia dici potest in festo unius Virg. et Mart.

IN COMMUNI

UNIUS MART. TANTUM.

AD VESPERAS.

Super Psalm. Aña. Dum esset rex in accúbitu suo, nardus mea dedit odórem suavitátis.

Capitulum. Confitébor tibi. pag. lxx.

R. iv. Grata facta est. ut infra.

Hymnus. Hujus obténtu. prout infra, pag. lxxxviiij.

V. Diffúsa est grátia. etc.

Ad Magnificat, Aña. Veni elécta mea, et ponam in te thronum meum : quia concupívit rex spéciem tuam.

Oratio.

**D**EUS, qui inter cétera potentiae tuae mirácula, étiam in sexu frágili victóriam martyrii contulísti : concéde propítius, ut qui beatae N. Mátyris tuae natalítia cólimus, per ejus ad te exémpa gradiámur. Per Dóminum.

AD MATUTINUM.

Invitatorium. Laudémus Deum nostrum \* In confessióne beatae N.

Hymnus. Hujus obténtu. Aña super Psalm. et VV. in tribus Noct. sicut in Comm. unius nec Virg. nec Mart. infra, pag. lxxxix.

Lectiones j. Noct. Confitébor tibi Dómine rex. quae habentur supra, pag. lxxiiij. et dicantur una cum tribus Responsoriis iisdem Lectionibus annexis.

In secundo Nocturno.

Sermo sancti Joannis  
Chrysostomi.

*Ser. 67. de div. novi Test. loc.*

Lectio iv.



GO máxime commemorationes díligo Mátyrum, díligo et ampléctor : atque omnes quidem, sed tum praecipue, cum mulserum certamina proponúntur. Quanto enim infirmius est vas, tanto major est grátia, tanto illustrius est trophaeum, tanto insignior est victória, non ob imbecillitatem sexus athletarum, sed quod per ea, quibus vícerat inimicus, nunc étiam vincátur.

R. Grata facta est a Dómino in certamine, quia apud Deum et apud hómines glorificata est : in conspéctu princípum loquebátur sapiéntiam, \* Et Dóminus ómnium diléxit eam. V. Erécta namque in virtútis cúlmine, torménta derísit, praemia calcávit. Et.

Lectio v.

PER mulierem vicit, per mulierem superátus est. Hoc illíus ántea telum erat : hoc illíus nunc caedis factum est instruméntum, hoc vas appáruit insuperábile. Peccávit illa prior, et mórtua est : ista mórtua est, ne peccáret. Illa tum fútilis promíssi spe infláta, Dei leges violávit : haec vitam

praeséntem contémpsit, ne fidem in suum benefactórem ejuráret. Quam igitur deinceps speráre póterunt excusatióem viri, si molles sint, et ignávi? Quam vero véniam, cum fórtiter ac viríliter se gerant mulseres, cum ádeo se generóse ad certamina pietátis accíngant?

R. Gaudeámus omnes in Dómino, diem festum celebrántes sub honóre beátae N. \* De cujus passióne gaudent Angeli, et colláudant Fílium Dei. V. Conféssio, et pulcritúdo in conspéctu ejus : sanctitas, et magnificéntia in sanctificatióne ejus. De cujus.

Lectio vj.

FUIT illi corpus imbecillum, et obnoxius sexus injúriae; verúmtamen ómnium horum imbecillitatem advéniens grátia occultávit. Nihil enim est, nihil plane poténtius est eo, qui magno cum stúdio Dei timórem hábeat in mente defíxum : sed quamvis ignes, quamvis ferrum, quamvis bestias, quamvis áliud quidvis minéntur hostes, ómnia nullo negótio contémnit : quod úti-que Beáta ista étiam fecit.

R. Veni elécta mea, et ponam in te thronum meum : \* Quia concupívit rex spéciem tuam. V. Spécie tua et pulcritúdine tua inténde, prospere procéde, et regna. Quia. Glória Patri. Quia.

In iij. Nocturno, Homilia in Evang. Símile est regnum caelórum thesaúro. ut habetur supra, pag. lxxviiij.

R̃. vij. Hanc amávi, et exquisívi sponsam mihi assúmere, \* Et amátor factus sum formae illús. Ṽ. Fortitúdo et decor indumentum ejus, et ridébit in die novíssimo. Et amátor.

R̃. viij. Fallax grátia, et vana est pulcritúdo : \* Múlier timens Deum ipsa laudábitur. Ṽ. Date ei de fructu mánuum suárum : et laudent eam in portis ópera ejus. Múlier.

R̃. ix. Regnum mundi, et omnem ornátum saeculi contépsi propter amórem Dómini mei Jesu Christi : \* Quem vidi, quem amávi, In quem crédidi, quem diléxi. Ṽ. Eructávit cor meum verbum bonum : dico ego ópera mea regi. Quem. Glória Patri. In.

In Laud. Añae, Hymn. et Ṽ. similiter ad Benedíctus, et ad Magnif. Añae petantur ex Comuni nec Virg. nec Mart. infra, pag. xciiij.

Capitulum in Laudibus, **Confitébor tibi.** quod etiam dicetur ad Tertiam, et secundas Vesperas. Ad Horas dieci Añae Laudum; R̃R̃. vero ex Comm. Virginis et Martyris.

AD SEXTAM.

Capitulum. *Eccli. 51.*

**L**IBERASTI me secúndum multitudinem misericórdiae nóminis tui a ru-

giéntibus, praeparátis ad escam, de mánibus quaeréntium ánimam meam, et de multis tribulatióibus quae circumdedérunt me.

AD NONAM.

Capitulum. *Eccli. 51.*

**L**AUDABIT usque ad mortem ánima mea Dóminum : quóniam éruis sustinéntes te, et líberas eos de manu angústiae, Dómine Deus noster.

Ṽ. Elégit eam Deus. etc.

IN COMMUNI

UNIUS NEC VIRGINIS  
NEC MARTYRIS.

AD VESPERAS.

Super Psalm. Añae. Haec est, quae nescívit torum in delícto : habébit fructum in respectiõe animárum sanctárum.

Capitulum. *Prov. 31.*

**M**ULIEREM fortem quis invéniet? procul, et de últimis fínibus prétium ejus : confídit in ea cor viri sui, et spóliis non indigébit.

R̃. ix. Fallax grátia. p. xcij.

Hymnus.

**H**UJUS obténtu, Deus alme nostris Parce jam culpís, vítia remítens :

Quo tibi puri resonémus al-  
mum

Péctoris hymnum.

Glória Patri, genitaeque  
Proli,  
Et tibi compar utriusque sem-  
per  
Spíritus alme, Deus unus,  
omni

Témpore saeculi. Amen.

V. Diffúsa est grátia. etc.

Ad Magnificat, Aña. Veni  
elécta mea, et ponam in te  
thronum meum : quia concu-  
pívit rex spéciem tuam.

Oratio.

**M**UORUM corda fidélium  
Deus miserátor illústra :  
et beatae N. précibus glorió-  
sis, fac nos próspera mundi  
despícere, et caelésti semper  
consolatióne gaudére. Per Dó-  
minum.

Alia Oratio.

**E**XAUDI nos Deus salu-  
táris noster : ut sicut de  
beatae N. festivitáte gaudé-  
mus; ita piae devotiónis erudiá-  
mur afféctu. Per Dóminum.

AD MATUTINUM.

Invitatorium. Laudémus  
Deum nostrum \* In solemn-  
táte sanctae N.

Hymnus. Hujus obténtu.  
ut supra.

In primo Nocturno.

Aña. O quam pulcra est  
casta generatio cum claritáte!  
Psalm. Dómine Dóminus no-  
ster. cum ceteris ex Comuni  
Virginis et Martyris, pag. lxxj.

Aña. Unguéntum effúsum  
nomen tuum : ideo adolescén-  
tulae dilexérunt te nimis.

Aña. Ista est speciósá inter  
fílias Jerúsalem.

V. Diffúsa est grátia in lábiis  
tuis. R. Proptérea benedíxit  
te Deus in aetérnum.

De Parábolis Salomónis.

Lectio j.

Cap. 31.



**M**ULIEREM fortem  
quis invéniet? procul,  
et de últimis fínibus  
prétium ejus. Confí-  
dit in ea cor viri sui, et spóliis  
non indigébit. Reddet ei bo-  
num, et non malum, ómnibus  
diébus vitae suae. Quaesívit  
lanam et linum, et operáta est  
consílio mánuum suárum.  
Facta est quasi navis institó-  
ris, de longe portans panem  
suum. Et de nocte surrexit,  
dedítque praedam domésticis  
suis, et cibária ancíllis suis.  
Considerávit agrum, et emit  
eum : de fructu mánuum suá-  
rum plantávit véneam. Accín-  
xit fortitúdine lumbos suos, et  
roborávit bráchium suum.

R. Gaudeámus omnes in  
Dómino, diem festum cele-  
brántes sub honóre beatae N.  
\* De cujus solemnitate gau-  
dent Angeli, et colláudant Fí-  
lium Dei. V. Conféssio, et pul-  
critúdo in conspéctu ejus :  
sánctitas, et magnificéntia in  
sanctificatióne ejus. De.

Lectio ij.

**G**USTAVIT, et vidit quia  
bona est negotiatio ejus :  
non exstinguétur in nocte lu-  
céerna ejus. Manum suam misit

ad fórtia, et dígiti ejus apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suae a frigóribus nivis : omnes enim doméstici ejus vestíti sunt duplícibus. Stragulátam vestem fecit sibi : byssus, et púrpura indumentum ejus. Nóbilis in portis vir ejus, quando séderit cum senatóribus terrae. Síndonem fecit, et véndidit, et cingulum trádedit Chananaeo.

R. Propter veritátem et mansuetúdinem, et justítiam : \* Et dedúcet te mirabíliter dextera tua. V. Audi fília, et vide, et inclína aurem tuam. Et.

Lectio iij.

**F**ORTITUDO et decor indumentum ejus, et ridébit in die novíssimo. Os suum apéruit sapiéntiae, et lex cleméntiae in lingua ejus. Considerávit sémitas domus suae, et panem otíosa non comédit. Surrexérunt fílii ejus, et beatíssimam praedicavérunt : vir ejus, et laudávit eam. Multae fíliae congregavérunt divítias : tu supergréssa es univérsas. Fallax grátia, et vana est pulcritúdo : múlter timens Dóminum ipsa laudábitur. Date ei de fructu mánuum suárum : et laudent eam in portis ópera ejus.

R. Spécie tua et pulcritúdine tua \* Inténde, Prósperé procéde, et regna. V. Diffúsa

est grátia in lábiis tuis : própterea benedíxit te Deus in aetérnum. Inténde. Glória Patri. Prósperé.

In secundo Nocturno.

Añã. Spécie tua et pulcritúdine tua inténde, próspere procéde, et regna.

Añã. Adjuvábít eam Deus vultu suo : Deus in médio ejus, non commovébitur.

Añã. Laeva ejus sub cápíte meo, et dextera illíus amplexábitur me.

V. Spécie tua et pulcritúdine tua. R. Inténde, próspere procéde, et regna.

Ex libro sancti Ambrósii  
Epíscopi de Víduis.

Lectio iv.

Cap. 14.



**V**IRGUM hunc Ecclésiae fértilem cerno, nunc integritátis flore vernántem, nunc viduitátis gravitáte polléntem, nunc étiam conjúgii frúctibus redundántem. Nam etsi divérsi, uníus tamen agri fructus sunt : nec tanta hortórum lília, quantae arístae ségetum, méssium spicae : compluriúmque spátia campórum recipiéndis aptántur semínibus, quam rédditis nováles frúctibus feriántur. Bona ergo vidúitas, quae tóties apostólico judício praedicátur. Haec enim magístra fídei, magístra est castitátis.

R. Accínxit fortitúdine lumbos suos, et roborávit bráchium suum : gustávit, et vidit quia

bona est negotiatio ejus: \* Non exstinguetur in nocte lucerna ejus. V. Lucerna pedibus meis verbum tuum, et lumen semitis meis. Non.

Lection v.

**U**NDE et illi, qui deorum suorum adultéria et probra venerantur, caelibatus et viduitatis statuere poenas, ut aemuli criminum mulctarent studia virtutum: specie quidem, qua fecunditatem quaererent, sed studio, quo propositum castitatis abolerent. Nam confectis et miles stipendiis arma depónit, et relicto officio quod gerébat, ad propria veteranus rura dimittitur, ut et ipse exercitae laboribus vitae requiem consequatur, et alios spes futurae quietis subeundis faciat operibus promptiores. Agricola quoque maturior torquendam aliis stivam committit, et juvenili gravatus opera providentiam curae sensilis explorat: vitem facilius tondere, quam premere, ut juvenescentem luxuriam reprimat, et adolescentem lasciviam falce succidat: parcorum quamdam partium castitatem docens etiam in vitibus expetendam.

R. Manum suam aperuit inopi, et palmas suas extendit ad pauperem: \* Non timebit domui suae a frigoribus nivium. V. Dispérsit, dedit pauperibus: justitia ejus manet in saeculum saeculi. Non.

Lection vj.

**S**IMILIS huic vidua velut emeritis veterana stipendiis castitatis, etsi conjugii arma depónat, domus tamen totius pacem gubernat: et si vehendis oneribus otiosa, maritandis tamen junioribus provida, ubi cultus utilior, ubi fructus uberius sit; quarum copulam aptiorem, senili gravitate dispónit. Itaque si maturioribus potius quam junioribus committitur ager, cur putes utiliorem nuptam esse quam viduam? Quod si persecutores fidei, persecutores fuerunt etiam viduitatis: utique fidem sequentibus viduitas non pro supplicio fugienda est, sed tenenda pro praemio.

R. Veni electa mea, et ponam in te thronum meum: \* Quia concupivit rex speciem tuam. V. Specie tua et pulcritudine tua intende, prospere procede, et regna. Quia. Glória Patri. Quia.

In tertio Nocturno.

Añ. Dum esset rex in accubitu suo, nardus mea dedit odorem suavitatis.

Añ. Exsultaverunt filiae Judae propter judicia tua Domine.

Añ. Haec est, quae nescivit torum in delicto: habebit fructum in respectione animarum sanctarum.

V. Adjuvabit eam Deus vultu suo. R. Deus in medio ejus, non commovebitur.



Lectio sancti Evangelii secundum Matthaëum.

Lectio vij.

Cap. 13.

**I**N illo tempore : Dixit Jesus discipulis suis parabolam hanc: Simile est regnum caelorum thesauro abscondito in agro. Et reliqua.

Homilia sancti Gregorii Papae.

Hom. 11. in Evang.



**C**AELORUM regnum, fratres carissimi, idcirco terrenis rebus simile dicitur, ut ex his, quae animus novit, surgat ad incognita, quae non novit : quatenus exemplo visibilium se ad invisibilia rapiat, et per ea, quae usu didicit, quasi confectus incalcescat : ut per hoc, quod scit notum diligere, discat et incognita amare. Ecce enim regnum caelorum thesauro abscondito in agro comparatur : quem qui invenit homo, abscondit, et prae gaudio illius vadit, et vendit universa quae habet, et emit agrum illum.

R. Hanc amavi, et exquisivi sponsam mihi assumere, \* Et amator factus sum formae illius. V. Fortitudo et decor indumentum eius, et ridebit in die novissimo. Et amator.

Lectio viij.

**Q**UA in re hoc quoque notandum est, quod inventus thesaurus absconditur, ut servetur : quia studium caelestis desiderii a malignis spiritibus custodire non sufficit,

qui hoc ab humanis laudibus non abscondit. In praesenti etenim vita, quasi in via sumus, qua ad patriam pergimus : maligni autem spiritus iter nostrum quasi quidam latrunculi obsident. Depredari ergo desiderat, qui thesaurum publice portat in via. Hoc autem dico, non ut proximi opera nostra bona non videant : sed ut sic sit opus in publico, quatenus intentio maneat in occulto.

R. Date ei de fructu manuum suarum : \* Et laudent eam in portis opera ejus. V. Labores manuum tuarum quia manducabis : beata es, et bene tibi erit. Et laudent.

Lectio ix.

**T**HESAURUS autem caeleste est desiderium : ager vero, in quo thesaurus absconditur, disciplina studii caelestis. Quem profecto agrum, venditis omnibus, comparat, qui voluptatibus carnis renuntians, cuncta sua terrena desideria per disciplinae caelestis custodiam calcit : ut nihil jam, quod caro blanditur, libeat ; nihil, quod carnalem vitam trucidat, spiritus perhorrescat.

R. Fallax gratia, et vana est pulcritudo : \* Mulier timens Deum ipsa laudabitur. V. Date ei de fructu manuum suarum : et laudent eam in portis opera ejus. Mulier. Gloria Patri. Mulier.

Ante Laudes, V. Ora pro nobis beata N. R. Ut digni efficiamur. etc.

IN LAUDIBUS.

Añã. Grátia super grátiam, múlter sancta, et pudoráta : omnis autem ponderátio non est digna continéntis ánimae. Psalmus Dóminus regnávít. cum ceteris, pag. xj.

Añã. Sicut sol óriens mundo in altíssimis Dei, sic mulieris bonae spécies in ornaméntum domus suae.

Añã. Fundaménta aetérna supra petram sólídã, sic mandáta Dei in corde mulieris sanctae.

Añã. Colúmnae áureae super bases argénteas, et pedes firmi super plantas stábilis mulieris.

Añã. Aedificátio civitátis confirmábit nomen, et super hanc múlter immaculáta computábitur.

Capitulum. Mulierem fortem. ut supra.

Hymnus.

**P**IA mater et húmilis,  
Náturæ memor fráglis,  
In hujus vitae flúctibus  
Nos rege tuis précibus.

Te deprecámur lárgius,  
Nostris adáuge sénsibus  
Nescíre prorsus ómnia  
Corruptiónis vúlnera.

Sit Christe rex piíssime  
Tibi Patrique glória,  
Cum Spíritu Paráclito,  
In sempitérna saecula. Amen.

℣. Elégit eam Deus, et prae-  
elégit eam. R̃. Et habitáre  
eam facit in tabernáculo suo.

Ad Benedictus, Añã. Ma-  
num suam apéruiť inopi, et

palmas suas exténdit ad páu-  
perem : fortitúdo et decor  
induméntum ejus, et ridébit  
in die novíssimo.

Ad Horas diei, Añae Laud.

AD TERTIAM.

Capit. Mulierem. ut supra.

R̃. Horarum ex Comm.  
Virg. et Mart. pag. lxxx.

AD SEXTAM.

Capitulum. Prov. 31.

**M**ANUM suam apéruiť  
inopi, et palmas suas  
exténdit ad páuperem : non  
timébit dómui suae a frigóri-  
bus nivis.

AD NONAM.

Capitulum. Prov. 31.

**M**ULTAE fíliae congrega-  
vérunt divítias : tu su-  
pergréssa es univérsas. Fallax  
grátia, et vana est pulcritúdo,  
múlter timens Deum ipsa lau-  
dábitur.

Ultimus V. ad Nonam. Elé-  
git eam Deus, et praeelégit  
eam. R̃. Et habitáre eam facit  
in tabernáculo suo.

Ad Magnificat, Añã. Accín-  
xit fortitúdine lumbos suos, et  
roborávit bráchium suum :  
gustávit, et vidit quia bona est  
negotiátio ejus : non exstingué-  
tur in nocte lucérna ejus

In festo autem trium Lect.  
ad Matutinum, Invitatorium.  
Laudémus Deum. ut supra.  
pag. lxxxix.

Super Ps. Añã. Haec est,  
quae nescívit. ut supra in j.  
Vesperis. Cetera omnia prout  
supra ponuntur.

## OFFICIUM B. MARIAE VIRGINIS IN SABBATO.

FERIA VI. AD VESPERAS.

Añae et Psalmi feriales.

Capitulum. *Eccli. 24.*



**S**ICUT cinnamómum,  
et bálsamum aroma-  
tizans odórem dedi :  
quasi myrrha elécta  
dedi suavitátem odóris.

Hymnus. Ave maris stella.  
ut in Assumptione B. M. V.  
xv. Augusti.

*V.* Ora pro nobis sancta Dei  
Génitrix. *R.* Ut digni efficiá-  
mur promissionibus Christi.

Ad Magnificat, Aña. Alma  
Redemptóris Mater, quae pér-  
via caeli porta manes, et stella  
maris, succúrre cadénti, súr-  
gere qui curat, pópulo : tu quae  
genuísti, natúra miránte, tuum  
sanctum Genitórem, virgo  
prius ac postérius, Gabriélis  
ab ore sumens illud ave, pec-  
catorum miserére.

Oratio.

**C**ONCEDE nos fámulos  
tuos, quaesumus Dómine  
Deus, perpétua mentis et cór-  
poris salúte gaudére : et glo-  
riósa beatae Maríae semper  
vírginis intercessióne, a prae-  
sénti liberári tristítia, et aetérna  
pérfrui laetítia. Per Dóminum.

AD COMPLETORIUM.

Super Psalm. Aña. Virgo  
María, non est tibi símilis  
nata in mundo inter muléres,

florens ut rosa, fragrans sicut  
lílium : ora pro nobis sancta  
Dei Génitrix.

Ad Nunc dimittis, Aña.

Hic genuflectitur.

Sub tuum praesídium con-  
fúgimus, sancta Dei Génitrix :  
nostras deprecationes ne despí-  
cias in necessitátibus, sed a  
perículis cunctis libera nos  
semper Virgo benedícta.

Oratio. *Vísita.*

AD MATUTINUM.

Invitatorium. Ave María  
grátia plena : \* Dóminus  
tecum.

Hymnus. Quem terra, pon-  
tus, aethera. ut in Assumptione  
B. M. V. xv. Augusti.

Super Psalm. Aña. Para-  
dísi porta per Hevam cunctis  
clausa est, et per Maríam  
Vírginem íterum patefácta est.  
Psalm. Dómine Dóminus. cum  
ceteris, ut supra in Comm.  
unius Virginis et Martyris,  
pag. lxxj.

*V.* Speciósá facta es, et suá-  
vis. *R.* In delíciis tuis, sancta  
Dei Génitrix.

Prima et secunda Lectio de  
Tempore. Tertia de his, quae  
signantur infra, cum sequenti-  
bus Responsoriis.

*R.* j. Dum esset rex in accú-  
bitu suo, \* Nardus mea dedit  
odórem suum. *V.* Pulcra sum,

et decóra, fíliae Jerúsalem. Nardus.

R. ij. Ave María grátia plena : \* Dóminus tecum. V. Benedícta tu in muliéribus, et benedíctus fructus ventris tui. Dóminus.

R. iij. Virgo parens Christi, paritúra Deum genuísti : fúl-gida stella maris, nos prótege, nos tueáris : \* Dum paris, et gaudes, Cantant caeli ágmina laudes. V. Intercéde pia pro nobis Virgo María. Dum. Gló-ria Patri. Cantant caeli.

Te Deum. semper dicatur, praeterquam infra Septuag.

Ante Laud. V. Ora pro nobis.

#### IN LAUDIBUS.

Super Psalmos, Añā. Post partum virgo invioláta permansísti : Dei Génitrix inter-céde pro nobis. Psalm. Dómi-nus regnávít. cum ceteris, p. xj.

Capit. Sicut cinnamómum.

Hymnus. O gloriósa Dómi-na. ut in Assumptione B. M. V. xv. Augusti.

V. Elégit eam Deus, et prae-elégit eam. R. Et habitáre eam facit in tabernáculo suo.

Ad Benedíctus, Añā. Ave stella matutína, peccatórum medicína, mundi princeps et regína : sola virgo digna dici, contra tela inimíci, clypeum pone salútis, tuae títulum vir-tútis : o sponsa Dei elécta, esto nobis via recta ad aetérna gáudia.

Oratio. Concéde nos.

Haec Oratio dicatur ad Tertiam, Sextam, et Nonam.

#### AD PRIMAM.

Super Psalm. Añā. Dignáre me laudáre te, Virgo sacráta : da mihi virtútem contra hostes tuos.

R. Jesu Christe. V. Qui natus es de Vírgine María.

#### AD TERTIAM.

Super Psalm. Añā. Gaude María Virgo, cunctas haereses sola interemísti in univérso mundo.

Capit. Sicut cinnamómum. pag. xciv.

R. Sancta María mater Christi, \* Audi rogántes sér-vulos. Sancta. V. Et impetrá-tam nobis caelitus tu defer indulgéntiam. Audi rogántes. Glória Patri. Sancta.

V. Ora pro nobis.

#### AD SEXTAM.

Añā. In prole mater, in partu virgo, gaude et laetáre Virgo mater Dómini.

Capitulum. *Eccli. 24.*

**E**Tradícauí in pópulo hono-rificáto, et in parte Dei mei heréditas illíus, et in plenitúdine sanctórum deténtio mea.

R. Ora pro nobis \* Sancta Dei Génitrix. Ora. V. Ut digni efficiámur promissionibus Chri-sti. Sancta. Glória Patri. Ora.

V. Elégit eam Deus, et praeelégit eam.

## AD NONAM.

Añā. Beāta mater, et intācta virgo, gloriōsa Regína mundi, intercēde pro nobis ad Dóminum.

Capitulum. *Eccli. 24.*

**Q**UASI cedrus exaltāta sum in Líbano, et quasi cyprēsus in monte Sion : quasi palma exaltāta sum in Cades, et quasi plantatio rosae in Jérico.

R̃. Elégit eam Deus, \* Et praeelégit eam. Elégit. Ṽ. Et habitāre eam facit in tabernáculo suo. Et. Glória. Elégit.

Ṽ. Sancta Dei génitrix, virgo semper María. R̃. Intercēde pro nobis ad Dóminum Deum nostrum.

Dicta Nona, terminatur Officium.

Quando propter aliquod impedimentum intermittitur Officium beatae Mariae in Sabbatis, et de ea facienda est Memoria, ut dicitur in Rubr. Gen. § xxxij. n. 7. fiat in Vesperis et in Laudibus per Añas, et Orationes supra positas, pro diversitate Temporum.

Pro tertia Lectione dicitur per unumquemque mensem una Lectio ex iis, quae hic subnectuntur.

## MENSE JUNIO.

Ex sancto Petro Chrysólogo.

*Serm. 3. in Annuntiat.*

Lectio iij.

**D**E mirémur ab Angelo Virginem salutari : quia semper est Angelis cognata

virginitas. In carne praeter carnem vivere, non terrēna vita est, sed caelēstis. Et si vultis scire, Angélicam glóriam acquirere majus est, quam habere : esse Angelum, felicitatis est; virginem esse, virtutis. Virginitas enim hoc obtinet viribus, quod habet Angelus ex natura. Angelus ergo, et virgo, divinum agunt officium, non humanum. Gratiā ergo detulit Angelus : accepit Virgo, salutem saeculis redditura. Ave, inquit, gratia plena : quia singulis gratia sese per partes largita est; Mariae vero simul se totam dedit gratiae plenitudo.

## MENSE JULIO.

Ex sancto Ambrósio.

*Lib. 2. de Virginibus, cap. 2.*

Lectio iij.

**S**IT vobis tamquam in imāgine descripta virginitas, vītaque beatae Mariae, de qua velut in spēculo refūlget spēcies castitatis, et forma virtutis. Hinc sumātis licet exēpla vivēdi, ubi tamquam in exemplari magisteria expressa probitatis, quid corrīgere, quid effūgere, quid tenere debeātis, ostēdunt. Primus discēdi ardor, nobilitas est magistri. Quid nobilīus Dei Matre? Quid splendīdus ea, quam splendor elégit? Quid cástius ea, quae corpus sine córporis contagiōne generávit? Nam de céteris ejus virtuti-

bus quid loquar? Virgo erat non solum corpore, sed etiam mente, quae nullo doli ambitu sincerum adulteraret affectum. Corde humilis, verbis gravis, animo prudens, loquendi parcior, legendi studiosior; non in incerto divitiarum, sed in prece pauperis spem repōnens.

### MENSE AUGUSTO.

Ex sancto Joanne Damasceno.  
*Orat. 3. in Dormit. B. Virginis.*

Lectio iij.

**O** QUOMODO fons vitae ad vitam media trahitur morte! O quomodo ea, quae in partu naturae leges excēsserat, ipsius demum legibus cedit, corpusque immaculatum morti subicitur? Opōrtet enim corruptibile hoc induere incorruptionem : praesertim cum ne ipse quidem naturae Dominus mortis periculum facere recusarit. Etenim carne moritur, ac morte mortem de medio tollit : incorruptionem donat, ac mortem resurrectionis fontem efficit. O quomodo sanctam illam animam e tabernaculo, quod Deum suscepit, emigrantem, suis manibus, ille omnium rerum parens et effector, excipit! Legitime enim eam honorans, quam natura quidem ancillam, sed gratiae dispensatione matrem effecit : vere scilicet incarnatus, ac non velut praestigiis quibusdam humanitatem effingens.

### MENSE SEPTEMBRI.

Ex sancto Bernardo.

*Serm. de Nativitate beatæ Mariae Virginis.*

Lectio iij.

**I**NTUEAMINI, fratres, quanto devotionis affectu a nobis Mariam voluerit honorari, qui totius boni plenitudinem posuit in Maria : ut proinde, si quid spei in nobis est, si quid gratiae, si quid salutis, ab ea novērimus redundare, quae ascendit deliciis affluens. Hortus plane deliciarum, quem non modo afflaverit veniens, sed et perflaverit superveniens Auster ille divinus, ut undique fluant, et effluant aromata ejus, charismata scilicet gratiarum. Totis ergo medullis cordium, totis praecordiorum affectibus, et votis omnibus Mariam hanc veneremur : quia sic est voluntas ejus, qui totum nos habere voluit per Mariam.

### MENSE OCTOBRI.

Ex sancto Ambrósio.

*Lib. 2. de Virgin. cap. 2.*

Lectio iij.

**M**ALIS fuit Virgo Maria, ut ejus vita omnium sit disciplina. Si igitur auctor non displicet, opus probemus, ut quaecumque sibi ejus exoptat praemium, imitetur exemplum. Quantae in una Virgine species virtutum emicant? Secretum verecundiae, vexillum

fidei, devoti6nis obs6quium; virgo intra domum, comes ad minist6rium, mater ad templum. O quantis illa virg6nibus occurreret, quantas compl6xa ad D6minum trahet, dicens : Haec torum f6lii mei, haec th6lamus nupti6les immaculat6 pud6re servavit! Quem6dmodum eas ipse D6minus commend6bit Patri : Pater juste, mundus me non cogn6vit : istae autem me cogn6verunt, et mundum cogn6scere noluerunt! Quanta tunc Angel6rum laet6tia plaud6ntium, quod habit6re Virgo mere6tur in caelo, quae cael6sti vita vixit in saeculo!

#### MENSE NOVEMBRI.

Ex Homil6a sancti Bern6rdi Abb6tis.

1. in *Evang.* Missus.

Le6tio iij.

**Q**UAE est Virgo tam vener6bilis, ut salut6tur ab Angelo; tam h6milis, ut despons6ta sit fabro? Pulcra perm6stio virginit6tis et humilit6tis : nec medi6criter placet Deo illa 6nima, in qua et humilitas comm6ndat virginit6tem, et virginitas ex6rnat humilit6tem. Audis v6rginem, audis h6milem. Si non potes virginit6tem h6milis, imit6re humilit6tem v6rginis. Laud6bilis virtus virginitas, sed magis necess6ria humilitas. Illa cons6litur, ista praec6pitur : ad illam invit6ris, ad

istam c6geris : illa remuner6tur, ista ex6gitur : potes d6nique sine virginit6te salv6ri, sine humilit6te non potes. Potest enim plac6re humilitas, quae virginit6tem deplorat amissam : sine humilit6te autem, 6udeo d6cere, nec Mari6e virginitas placuisset.

#### PSALMI GRADUALES.

Hi quinque Psalmi, scilicet : Ad D6minum cum tribul6rer. Lev6vi 6culos meos. Laet6tus sum. pag. 102. Ad te lev6vi. Nisi quia D6minus. pag. 103. dicantur sub uno R6quiem.

Deinde Pater noster. *℟.* Et ne nos inducas in tentati6nem. *℣.* A porta inferi. *℣.* D6minus vobiscum. vel D6mine ex6audi orati6nem meam.

Oratio.

**A**BSOLVE, quaesumus D6mine, 6nimas famul6rum, famular6rumque tu6rum ab omni v6nculo delict6rum; ut in resurrecti6nis gl6ria, inter Sanctos et el6ctos tuos resuscitati resp6rent. Per Christum.

Hi alii quinque Psalmi, scilicet : Qui confidunt. In convert6ndo. pag. 103. Nisi D6minus. Be6ti omnes. Saepe expugn6verunt. pag. 104. dicantur singuli cum Gl6ria Patri.

Deinde Kyrie el6ison. Christe el6ison. Kyrie el6ison. Pater noster. *℟.* Et ne nos inducas

in tentationem. *V.* Memor esto congregationis tuae. *R.* Quam possedisti ab initio. *V.* Dominus vobiscum.

Oratio.

**D**EUS, cui proprium est misereri semper, et parcere, suscipe deprecationem nostram : ut, quos delictorum catena constringit, miseratio tuae pietatis clementer absolvat. Per Christum.

Isti alii quinque Psalmi : De profundis. Domine non est exaltatum. Meménto Domine. pag. 105. Ecce quam bonum. Ecce nunc. pag. 106. dicantur singuli cum Glória Patri.

Deinde Kyrie eléison. Christe eléison. Kyrie eléison. Pater noster. *V.* Et ne nos. *V.* Salvos fac servos tuos, et ancillas tuas. *R.* Deus meus sperantes in te. *V.* Dominus vobiscum.

Oratio.

**P**RAETENDE Domine famulis et famulabus tuis dexteram caelestis auxilii : ut te toto corde perquirant; et quae digne postulant, assequantur. Per Christum.

---

OFFICIUM QUOTIDIANUM  
B. MARIAE VIRGINIS.

Vesperae ita inchoentur.

*V.* Ave María grátia plena : Dominus tecum. *R.* Benedícta tu in mulieribus, et benedí-

ctus fructus ventris tui Jesus.

*V.* Deus in adiutorium meum intende. *R.* Domine ad adiuvandum me festína. Glória Patri. Sicut erat. Allelúia.

Infra Septuag. Laus tibi Domine, Rex aeternae glóriæ.

Super Psalm. Añá. Sancta Dei génitrix, virgo semper María, intercède pro nobis ad Dóminum Deum nostrum. Psalm. Dixit Dóminus. cum ceteris de Comm. Virg. et Mart. pag. lxxxj.

Capitulum.

**S**ICUT cinnamómum, et bálsamum aromatizans odórem dedi : quasi myrrha elécta dedi suavitatem odóris.

Hymnus. Ave maris stella. ut in Assumptione B. M. V. xv. Augusti.

*V.* Ora pro nobis.

Ad Magnificat, Añá. Sancta María succúrre míseris, juva pusillánimes, réfove flébiles, ora pro pópulo, intérvieni pro clero, intercède pro devóto femíneo sexu.

Oratio.

**C**ONCEDE nos famulos tuos, quaesumus Domine Deus, perpétua mentis et corporis salute gaudere : et gloriósa beatae Mariæ semper vírginis intercessióne, a praesénti liberári tristítia, et aetérna pérfrui laetítia. Per Christum.



Deinde fiat Mem. de B. Patre nostro Dominico, hoc modo. Añã. Magne Pater sancte Domínice, mortis hora nos tecum súscipe, et hic semper nos pie réspice.

℣. Os justí meditábitur sapiéntiam. R̃. Et lingua ejus loquétur judícium.

Oratio.

**D**EUS, qui Ecclésiã tuã beáti Domínici Confessóris tui, Patris nostri, illumináre dignátus es méritis et doct́inis : concéde, ut ejus intercessióne, temporálibus non destituátur auxiliis, et spirituálibus semper proficiat incrementis. Per Christum Dóminum.

Non autem intermittitur hæc Mem. in Vesperis et Laudibus in Fer. iij. quando de beato Dominico fit totum Offic. vel eadem die, quando de ipso fit Memoria.

Deinde Mem. de SS. Ord. Añã. Christi pia grátia Sanctos sublimávit, quos Patris Domínici Ordo propagávit : nos eórum méritis pétimus juvári, atque suis précibus Deo commendári.

℣. Sapiéntiam sanctórum narrent pópuli. R̃. Et laudem eórum núntiet ecclésia.

Oratio.

**C**ONCEDE, quaesumus Omnípotens Deus : ut ad meliorem vitam Sanctórum tuórum Ordinis nostri exém-

pla nos próvocent; quátenus quorum memóriã ágimus, étiam actus imitémur. Per Christum.

Mem. de omnibus Sanctis. Añã. Sancti Dei omnes intercedere dignémini pro nostra, omniúmq; salúte.

℣. Oráte pro nobis omnes Sancti Dei. R̃. Ut digni efficiámur promissionibus Christi.

Oratio.

**T**RIBUE, quaesumus Dómine, omnes Sanctos tuos júgiter pro nobis oráre; et eos cleménter exaudíre dignéris. Per Christum.

Memoria de Pace.

Añã. Da pacem, Dómine, in diébus nostris : quia non est álius, qui pugnet pro nobis, nisi tu Deus noster.

℣. Fiat pax in virtúte tua. R̃. Et abundántia in túrribus tuis.

Oratio.

**D**EUS, a quo sancta desideria, recta consília, et justa sunt ópera; da servis tuis illam, quam mundus dare non potest, pacem : ut et corda nostra mandátis tuis dedita, et hóstium sublata formídine, témpora sint tua protectióne tranquílla. Per Dóminum.

℣. Dóminus vobíscum. vel Dómine exáudi oratióne meam.

℣. Benedicámus Dómino. R̃. Deo grátias.

℣. Ave María.

## AD COMPLETORIUM.

℣. Ave María. etc.

℣. Convérte nos Deus salutaris noster. R. Et avérte iram. ℣. Deus in adjutórium. Glória Patri.

Super Psalm. Aña. Virgo María, non est tibi símilis nata in mundo inter mulieres, florens ut rosa, fragrans sicut lílium : ora pro nobis sancta Dei Génitrix.

Psalm. Meménto Dómine, pag. 105. Ecce quam bonum. Ecce nunc. pag. 106.

Capitulum. *Eccli. 24.*

**E**GO mater pulcræ dilectiónis, et timóris, et agnitiónis, et sanctæ spei.

R. Intercéde pro nobis sancta Virgo vírginum, \* Mater Dei María. Intercéde. ℣. Ut digni efficiámur promissionibus Christi. Mater. Glória Patri. Intercéde.

Hymnus. Virgo singuláris. ut in Assumptione B. M. V. xv. Augusti, in Hymno Ave maris.

℣. Post partum virgo inviolata permansísti. R. Dei Génitrix intercéde pro nobis.

Ad Nunc dimittis, Aña. Sub tuum praesídium confúgimus. etc. ut supra, pag. xciv.

Oratio.

**C**ONCEDE, miséricors Deus, fragilitáti nostræ praesídium : ut qui sanctæ Dei Genitrícis memóriam ágimus; intercessiόnis ejus auxí-

lio, a nostris iniquitatibus resurgámus. Per eúndem.

## AD MATUTINUM.

℣. Ave María. etc.

℣. Dómine lábia. R. Et os meum. ℣. Deus in adjutórium. Glória Patri.

Invitatorium. Regem Vírginis Fílium \* Veníte adorémus. Ps. Veníte, exsultémus.

Hymnus. Quem terra. ut in Assumptione B. M. V. xv. Augusti.

Super Psalm. Aña. Benedícta tu in muliéribus, et benedíctus fructus ventris tui. Ps. ut in j. Nocturno unius Virg. et Mart. pag. lxxj.

℣. Diffúsa est. R. Proptérea.

Pater noster. ℣. Et ne nos indúcas in tentatióem. R. Sed líbera nos a malo.

℣. Jube domne benedícere.

Benedictio. Alma Virgo vírginum intercédát pro nobis ad Dóminum. R. Amen.

Lectio j.



**S**ANCTA María Virgo vírginum, mater et fília Regis regum ómnium, tuum nobis impénde solátium : ut caeléstis regni per te mereámur habére praemium, et cum eléctis Dei regnare in perpétuum. Tu autem. R. Deo grátias.

R. Sancta et immaculata virginitas, quibus te láudibus éfferam néscio : \* Quia quem caeli cápere non póterant, tuo grémio contulísti. ℣. Benedícta

tu in mulieribus, et benedictus fructus ventris tui. Quia.

Benedictio. Sancta Dei Génitrix sit nobis auxiliatrix.

Lectio ij.

**S**ANCTA María, piarum piissima, intercède pro nobis sanctarum sanctissima: per te, Virgo, nostra sumat peccamina, qui pro nobis ex te natus regnat super aethera: ut sua caritate nostra deleantur peccamina. Tu autem.

R. Beata es Virgo María, quae Dominum portasti creatorem mundi: \* Genuisti eum, qui te fecit, et in aeternum permanes virgo. V. Ave María gratia plena: Dominus tecum. Genuisti.

Benedictio. Nos cum prole pia benedicat Virgo María.

Lectio iij.

**S**ANCTA Dei Génitrix, quae digne meruisti concipere, quem totus orbis nequit comprehendere, tuo pio interventu culpas nostras ablue: ut redempti perennis sedem gloriae per te valeamus scandere, ubi regnas cum eodem Filio tuo sine tempore. Tu autem.

R. Felix namque es sacra Virgo María, et omni laude dignissima: \* Quia ex te ortus est sol iustitiae, Christus Deus noster. V. Ora pro populo, interveni pro clero, intercède pro devoto femineo sexu: sentiant omnes tuum juvamen, quicumque celebrant tuam

commemorationem. Quia. Gloria Patri. Christus.

Te Deum laudamus. Et dicatur semper, quando dicitur in aliis Matutinis; vel ultimum Responsorium usque ad V. exclusive repetendum erit, quando in aliis Matutinis repetitur.

Ante Laudes, V. Ora pro nobis sancta Dei Génitrix.

IN LAUDIBUS.

V. Deus in adiutorium. etc.

Super Psalm. Aña. Post partum virgo inviolata permansisti: Dei Génitrix intercède pro nobis. Psalm. Dominus regnavit. cum ceteris, pag. xj.

Capitulum. *Eccli. 24.*

**E**GO quasi vitis fructificavi suavitatem odoris: et flores mei fructus honoris et honestatis.

Hymnus. O gloriosa. ut in Assumptione B. M. V. xv. Augusti.

V. Elégit eam Deus.

Ad Benedictus, Aña. O gloriosa Dei Génitrix, virgo semper María, quae Dominum omnium meruisti portare, et Regem Angelorum sola virgo lactare: nostri, quaesumus, pia memorare, et pro nobis Christum deprecare: ut tuis fulti patrocinis, ad caelestia regna mereamur pervenire.

Oratio. Concede nos famulos. ut supra, pag. xciv.

Ad Mem. de B. Dominico.  
Añā. Benedíctus Redemptor  
ómnium, qui salúti próvidens  
hóminum, mundo dedit san-  
ctum Domínicum.

℣. Lex Dei ejus in corde  
ipsíus. ℞. Et non supplantá-  
búntur gressus ejus.

Oratio. Deus, qui Ecclesiā.  
ut supra, pag. c.

Ad Mem. de Sanctis Ord.  
Añā. O quam felix glória sem-  
per est Sanctórum, quam prae-  
clára mérita sunt Praedicató-  
rum! quorum verbo et ópere  
mundus decorátur, eorúmque  
múnere mens consolidátur.

℣. Exsultábunt sancti in  
glória. ℞. Laetabúntur in cubí-  
libus suis.

Oratio. Concéde, quaesu-  
mus. ut supra, pag. c.

Memoria de omnibus San-  
ctis, et de Pace, fiat per omnia  
sicut supra in Vesperis, p. c.

## AD PRIMAM.

℣. Ave María grátia plena.

℣. Deus in adjutórium.

Hymnus.

**M**EMENTO salútis  
auctor,  
Quod nostri quondam cór-  
poris

Ex illibáta Vírgine  
Nascéndo formam sumpseris.

María mater grátiae,  
Mater misericórdiae,  
Tu nos ab hoste prótege,  
Et hora mortis súscipe.

Glória tibi Dómine,  
Qui natus es de Vírgine,

Cum Patre et sancto Spíritu,  
In sempitérna saecula.

Amen.

Super Psalm. Añā. Dignáre  
me laudáre te Virgo sacráta :  
da mihi virtútem contra hostes  
tuos.

Psalmi. Ad Dóminum. Le-  
vavi óculos. Laetátus sum.  
pag. 102.

Capitulum.

*Eccli. 24.*

**A**B infítio, et ante saecula  
creáta sum, et usque ad  
futúrum saeculum non dési-  
nam, et in habitatióne sancta  
coram ipso ministrávi.

℞. Post partum virgo  
\* Invioláta permansísti. Post  
partum. ℣. Dei Génitrix inter-  
céde pro nobis. Invioláta. Gló-  
ria Patri. Post.

℣. Benedícta tu in muliéribus.  
℞. Et benedíctus fructus  
ventris tui.

Oratio.

**G**RATIAM tuam, quaesu-  
mus Dómine, méntibus  
nostris infúnde : ut qui, Angelo  
nuntiánte, Christi Fílii tui  
incarnatiónem cognóvimus,  
per passióem ejus, et crucem,  
ad resurrectiós glóriam per-  
ducámur. Per eúmdem Dómi-  
num.

## AD TERTIAM.

℣. Ave María grátia plena.

℣. Deus in adjutórium.

Hymnus. Memento salútis.  
ut supra.

Super Psalm. Añā. Gaude  
María Virgo, cunctas haereses

sola interemísti in univérso mundo.

Psalmi. Ad te levávi. Nisi quia Dóminus. Qui confídunt. pag. 103.

Capitulum. *Eccli. 24.*

**E**T sic in Sion firmáta sum, et in civitaté sanctificáta similiter requiévi, et in Jerúsalem potéstas mea.

R. Sancta María mater Christi, \* Audi rogántes sérvulos. Sancta. V. Et impetrátam nobis caelitus tu defer indulgéntiam. Audi. Glória Patri. Sancta.

V. Ora pro nobis.

Oratio. Concéde. pag. xciv.

AD SEXTAM.

V. Ave María grátia plena.

V. Deus in adjutórium.

Hymnus. Meménto salútis. ut supra, pag. ciij.

Super Psalm. Aña. In prole mater, in partu virgo, gaude et laetáre Virgo mater Dómini.

Psalmi. In converténdo. pag. 103. Nisi Dóminus. Beáti omnes. p. 104.

Capitulum. *Eccli. 24.*

**E**T radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

R. Ora pro nobis \* Sancta Dei Génitrix. Ora. V. Ut digni efficiámur promissionibus Christi. Sancta. Glória Patri. Ora.

V. Elégit eam Deus, et praeelégit eam. R. Et habitáre eam facit in tabernáculo suo.

Oratio.

**P**ROTEGE Dómine fámulos tuos subsidiis pacis : et beátae Maríae semper vírginis patrocíniis confidéntes, a cunctis hóstibus redde secúros. Per Dóminum.

AD NONAM.

V. Ave María grátia plena.

V. Deus in adjutórium.

Hymnus. Meménto salútis. pag. ciij.

Super Psalm. Aña. Beáta mater, et intácta virgo, gloriósa Regína mundi, intercède pro nobis ad Dóminum.

Psalmi. Saepe expugnavérunt. pag. 104. De profúndis. Dómine non est exaltátum. pag. 105.

Capitulum. *Eccli. 24.*

**Q**UASI cedrus exaltáta sum in Líbano, et quasi cypréssus in monte Sion : quasi palma exaltáta sum in Cades, et quasi plantátio rosae in Jéricho.

R. Elégit eam Deus, \* Et praeelégit eam. Elégit. V. Et habitáre eam facit in tabernáculo suo. Et praeelégit. Glória Patri. Elégit.

V. Sancta Dei génitrix, virgo semper María. R. Intercède pro nobis ad Dóminum Deum nostrum.

Oratio.

**F**AMULORUM tuórum, quaesumus Dómine, delíctis ignósce : ut qui tibi placére de áctibus nostris non

valémus, Genitrícis Fílii tui  
Dómini nostri intercessióne  
salvémur. Per eúmdem.

## OFFICIUM B. DOMINICI

### PATRIS NOSTRI

in tertiis Feriis per annum.

Feria ij. ad Vesperas, Psalmi  
et Añae feriales.

Capitulum. *Eccli. 50.*

**Q**UASI stella matutína  
in médio nébulae, et  
quasi luna plena in  
diébus suis, et quasi  
sol refúlgens, sic iste effúlsit in  
templo Dei.

Hymnus. Gaude mater Ec-  
clésia. ut in ejus festo, iv. Au-  
gusti.

*V.* Ora pro nobis beáte Pater  
Domínice. *R.* Ut digni efficiá-  
mur promissionibus Christi.

Ad Magnificat, Aña. Magne  
Pater sancte Domínice, mortis  
hora nos tecum súscipe, et hic  
semper nos pie réspice.

Oratio.

**D**EUS, qui Ecclésiam tuam  
beáti Domínici Confes-  
soris tui, Patris nostri, illumi-  
nare dignátus es méritis et  
doctrínis : concéde, ut ejus  
intercessióne, temporálibus  
non destituátur auxiliis, et  
spirituálibus semper proficiat  
incrementis. Per Dóminum.

Deinde fit Mem. de beato  
P. Francisco per Añam. Con-  
fessor Dómini Francisce astán-  
tem plebem corróbora sancta

intercessióne : ut qui vitiórum  
póndere prémimur, beatitúdi-  
nis tuae glória sublevémur, et  
te duce aetérna praemia conse-  
quámur.

*V.* Amávit eum Dóminus,  
et ornávit eum. *R.* Stolum  
glóriæ induit eum.

Oratio.

**D**EUS, qui Ecclésiam tuam  
beáti Patris nostri Fran-  
cisci méritis, fetu novae prolis  
amplificas : tribue nobis ex  
ejus imitatione terréna despi-  
cere, et caeléstium donórum  
semper participatióne gaudere.  
Per Dóminum.

### AD MATUTINUM.

Invitatorium. Laudémus  
Deum nostrum \* In commemo-  
ratione sancti Domínici.

Hymnus. Novus athléta  
Dómini. ut in festo, iv. Au-  
gusti.

Super Psalm. Aña. Florem  
pudicitiae servans illibátum,  
áttingit exímiae vitae caelibá-  
tum. Psalmi de uno Confes-  
sore, pag. lj.

*V.* Justum dedúxit Dómi-  
nus per vias rectas. *R.* Et  
osténdit illi regnum Dei.

Lectio prima, et secunda  
erunt de sacra Scriptura pro  
tali Feria notatae. Tertia vero  
erit de inferius positis, cum  
his tribus Responsoriis.

*R.* j. Felix vitis, de cujus  
súrculo tantum germen redún-  
dat saeculo, \* Caeli vinum pro-  
pínans pópulo vitáli pócuro.

℣. Ex ubertate pálmitum, mundi jam cinxit ámbitum. Caeli.

R. ij. Ascendénti de valle lúbrici mundi, chori plaudunt angélici : \* Jesu bone, prece Domínici, tibi praesta nos gratos éffici. ℣. Per quem multos a morte súscitas, poenas nobis reláxa débitas. Jesu bone.

R. iij. O spem miram, quam dedísti mortis hora te fléntibus, dum post mortem promísstí, te profutúrum frátribus! \* Imple Pater, quod dixísti, nos tuis juvans précibus. ℣. Qui tot signis claruísti in aegrórum corpóribus, nobis opem ferens Christi, aegris medére móribus. Imple. Glória Patri. Imple.

Te Deum. nisi infra Septuagesimam.

#### IN LAUDIBUS.

Super Psalm. Aña. Pie Pater Domínice, tuórum memor óperum, sta coram summo Júdice pro tuo coetu páuperum. Ps. Dóminus regnávít. cum ceteris, pag. xj.

Capitulum. Quasi stella matutína. ut supra, pag. cv.

Hymnus. Hymnum novae laetítiae. ut in festo.

℣. Justus germinábit sicut lílium. R. Et florébit in aetérnum ante Dóminum.

Ad Benedictus, Aña. Benedictus Redemptor ómnium, qui salúti próvidens hóminum, mundo dedit sanctum Domínicum.

Oratio. Deus, qui. pag. cv.

Deinde Mem. sancti Patris Francisci per Añam. Euge serve bone, et fidélis, quia in pauca fuísti fidélis, supra multa te constítuam, dicit Dóminus.

℣. Justus ut palma florébit in domo Dómini. R. Sicut cedrus Líbani multiplicábitur.

Oratio. Deus, qui Ecclésiám. ut supra in Vesperis, pag. cv.

Ad Primam, Aña. Pie Pater Domínice. ut supra in Laud.

Capitul. Regi saeculórum.

Ad Horas dici Añae, Capitula, et R. R. ut in festo.

Hoc Offícium semper in Nona terminatur.

Quando propter aliquod impedimentum intermittitur, fiat de eo Mem. in Vesp. per Añam. Magne Pater. ℣. Ora pro nobis. in Laudibus per Añam. Benedíctus Redemptor. exceptis diebus signatis in Rubricis generalibus §. xxxij. de Memoriis faciendis n. 7.

Pro iij. Lectione dicatur per unumquemque mensem una ex his suo ordine notatis.

#### MENSE JUNIO.

*Ex Theodorico de Apoldia.*

*Lib. 4. cap. 3.*

Lectio iij.

**R**EGULARIS observántiae tenacíssimus custos beátus Domínicus, nihil unquam per itínера, quae ad múnера apostólici partes obeúndas frequénter agébat, ex monásticae legis praescripto remísit.

Missae sacrificium data templi cópia quotidie offerébat, ac inter média sacra conciónem habébat. Divínium Offícium de nocte páriter, ac de die statis horis recitábat : siléntii legem indícto témpore obsérvans, sóciis procul a se dimíssis, mentem piis de Christo Salvatóre meditatióibus alébat. Páleis, ac saepius nuda cubábat humo : stata Ordinis jejúnia nec fessus itínere, nec morbo deténtus, solvébat : ad hospítia divertébat eo laetior, quo dúrius excipiebátur : suósque saepius hóspites haeresi deténtos, nuntiáto salútis verbo, páscébat spírítu, in carne pascéndus.

#### MENSE JULIO.

*Ex Theodorico de Apoldia.*

*Lib. 4. cap. 5.*

Lección iij.

**G**ENTILIUM salútis sitientíssimus beátus Domínicus, mare conscéndere, exterásque nátiónes adíre constituit : verum plúrimam ei ségetem vicinióri regióne provídít Altíssimus, qua tum ipse, tum novi ejus operárii exerceréntur. Quare eos várias in partes, munus apostólicum obitúros diréxit, eo praesértim indícto praecépto, ut duos viae labóres, ac témporum injúriam expérti solis piórum hóminum eleemósynis victitárent, suámque omnem in Dómino spem repónerent. Nec

eam porro fidúciam inánem fuísse, vel falsam, sed ubérius cumulátam divína intérdum mirácula comprobárunt. Id vero mirándum magis, quod beatíssimi Patris précibus exorátus Dóminus, verbum evangelizántibus minus intérdum idóneis, tanta virtúte déderit, ut fructum prae céteris ubérrimum reportárint.

#### MENSE AUGUSTO.

*Ex Theodorico de Apoldia.*

*Lib. 4. cap. 5.*

Lección iij.

**F**UERAT beáto Domínico mira quaedam, ac constans mentis aequabílitas; qua licet ob vários fortúnae casus multa circa ipsum immutátio contíngeret, nulla prorsus in ipso viderétur. Si quid secúndum Deum, ad rectae ratiónis praescriptum ágere constitúisset, id infrácta ánimí constántia prosequébátur; nec sermónem quidem ullum, semel ab ore matúra deliberatióne prolátum, írritum fieri patiebátur. Ubicúmque versarétur, étiam apud magnátes ac príncipes, sermónem ita dextere componébat, ut jacto véluti spirituális piscatiónis hamo, audiéntium ánimas Christo lucrifáceret, ac saeculo depraedaretur. Hóminum flagítiis ac delíctis commótus, prae ánimí dolóre tabescebat; et in ea ex sacro suggéstu declámans totus in lácrymas solvebátur.



## MENSE SEPTEMBRI.

*Ex Theodorico de Apoldia.  
Lib. 4. cap. 10. et alibi.*

Lectio iij.

**H**UMILITATIS ac paupertatis evangélicae studio, verum se Christi discipulum praebuit beátus Domínicus. In Conseranensem Episcopum electus, nullis artibus adduci potuit, ut electioni praestaret assensum. Interrogatus interdum, quorsum aliquas praeter ceteris dioeceses libentius incoleret, respondit : Hoc ideo, quod in iis ludibrio esset, in aliis nimio honore haberetur. Vilissimis vestibus, et abjecta supellectili utebatur. Ostiatim pro se ac fratribus eleemosynam emendicans, oblatum panem flexis genibus excipiebat. Mira ejus in cibo ac potu parsimonia : vino per decennium abstinuit, nec eo demum, nisi ob frequentes stomachi infirmitates, est usus. Virgineam carnem ter singulis noctibus ferrea catena caedebat : asperum cilicium, dirisque aculeis armatum cingulum, ad obitum usque gestavit.

## MENSE OCTOBRI.

*Ex Theodorico de Apoldia.  
Lib. 4. cap. 6. et 9.*

Lectio iij.

**Q**UAM assidua, tam potens apud Deum beati Domínicí oratio. In ecclesiis pernóctans, modo in genua procum-

bens, modo toto corpore prostratus orabat; si quid vero quietis fatiscenti naturae indulgebat invitatus, ante altare nuda humo cubabat : brevique degustato somno, mox novas in preces animum erigebat. Eo tempore sacras excubias agens, multas daemonum infestationes tulit, multosque ex eis Christi virtute triumphos reportavit. Nihil unquam a Deo petiit, quod pro votis non sit adeptus. Singuláriter erga Desparam Virginem devotionis affectu ducebatur; cujus sibi, ac universo Praedicatorum Ordini impensum patrocínium, frequentibus miraculis comprobavit.

## MENSE NOVEMBRI.

*Ex Theodorico de Apoldia.  
Lib. 4. cap. 12.*

Lectio iij.

**I**MMINENTEM obitus diem beátus Pater Domínicus divína revelatione cognovit : ut extremae voluntatis testamentum, legata filiis caritate, humilitate, ac voluntaria paupertate, conderet. Huic etenim largiter flenti, et caelestium bonorum desiderio aestuanti, elegantis speciei juvenis astitit, in haec verba : Veni dilecte, veni, et in vera gaudia ingredi. O suavem, et omni caritatis dulcedine plenam vocem, qua non ad vana, sed ad vera sempiternaque gaudia invitatur! O vere felicem hominem, qui accitus

non pétiit indúcias, quasi júdicem reformídans; nec veníre jussus ad cenam, moras excusatióibus néxuit : sed prae-cínctos habens lumbos, et lucérnas ardéntes in mánibus, pulsánti incunctánter apérui; venientíque Dómino laetus óbviám properávit.

## OFFICIUM

**S. THOMAE AQUINATIS**

in quartis Feriis per annum.

Officium fiat de Comm. Conf. praeter hic posita.

Ad Magnif. Aña. O Thoma laus et glória Praedicatorum Ordinis, nos transfer ad caeléstia, proféssor sacri Núminis.

Oratio.

**D**EUS, qui Ecclésiám tuam beáti Thomae Confessoris tui atque Doctóris mira eruditióné claríficas, et sancta operatióne fecúndas : da nobis, quaesumus, et quae dócuit, intelléctu conspícere, et quae egit, imitatióne complére. Per Dóminum.

Ad Benedictus, Aña. Colaudétur Christus Rex glóriæ, qui per Thomam lumen Ecclésiæ mundum replet doctrína grátiae.

Hymnus. Iste Conféssor Dómini sacrátus,

Sóbrius, castus. etc. pag. 1.

## AD MATUTINUM.

Invitatorium. Regem Confessorum. pag. lxj.

Super Psalm. Aña. Iste Sanctus. ibidem.

V. et R. R. ex iij. Nocturno.

Te Deum. dicitur, nisi infra Septuagesimam.

Pro tertia Lectiōe dicatur singulis mensibus una ex his ordine infra posito notatis.

**MENSE JUNIO.**

Lectio iij.

**N**ULLUS enarráre sufficeret, quot sanctíssimus Thomas theologórum praecóniis celebrétur : quantúmque ejus illibátæ doctrínae a summis Pontificibus fúerit acclamátum. Innocéntius Sextus : Hujus Doctóris, inquit, doctrína prae céteris, excépta canónica, habet proprietátem verbórum, modum dicendórum, veritátem sententiárum : ita ut nunquam, qui eam tenúerit, inveniátur a veritátis trámite deviásse, et qui eam impugnáverit, semper fúerit de veritáte suspéctus. Urbánus Quintus ad Tolosánam académiám : Vólumus, ait, et tenóre praeséntium vobis injúngimus, ut beáti Thomae doctrínam, tamquam verídicam et cathólicam, sectémini : eámque studeátis totis víribus ampliáre.

**MENSE JULIO.**

Lectio iij.

**P**IUS Quintus : Factum est, inquit, omnipoténtis Dei providéntia, ut angélici

Doctóris vi et veritate doctrí-  
nae, qua apostólicam Ecclé-  
siam infinitis confutátis erró-  
ribus illustrávit, ex eo témpore  
quo caeléstibus civibus adscrí-  
ptus fuit, multae, quae deín-  
ceps exórtae sunt haereses,  
confúsae et convíctae dissipa-  
réntur. Quod et ántea, et líqui-  
do nuper in sacris Tridentíni  
concílii decretis appáruit. Cle-  
mens Octávus ad Neapolítá-  
nos : Pie, ait, prudentérque  
cogitátis de novo civitáti pa-  
tróno adsciscéndo, cive vestro,  
divínae voluntátis angélico  
intérprete, vitae sanctítate et  
miráculis claro, Thoma Aquí-  
nate. Hic síquidem honor ejus  
virtútibus, cum admirábili  
doctrína conjúctis, jure ópti-  
mo debétur. Ac doctrínae qui-  
dem testis est ingens librórum  
númerus, quos ille brevíssimo  
témpore in omni fere disci-  
plinárum génere, singulári  
órdine, ac mira perspicuitáte,  
sine ullo prorsus erróre con-  
scrípsit.

### MENSE AUGUSTO.

Lectio iij.

**P**AULUS Quintus : Splen-  
didíssimi, inquit, cathó-  
licae fidei athlétae, beáti Tho-  
mae Aquinátis, cujus scriptó-  
rum clypeo mílitan's Ecclésia  
haeticórum tela felíciter elú-  
dit, honórem et veneratiónem  
in dies magis magisque augéri,  
plúrimum in Dómino gaudé-  
mus. Et Leo Décimus tértius

omnes suórum Praedecessó-  
rum laudes una compléctens  
et praetergrédiens, de ipso haec  
habet : Ratióne, ut par est,  
a fide appríme distínguens,  
utrámque tamen amíce consó-  
cians, utriúsque tum jura con-  
servávit, tum dignitáti consu-  
luit, ita quidem ut ratió ad  
humánum fastígium Thomae  
pennis evécta jam fere néqueat  
sublímius assúrgere; neque  
fides a ratióne fere possit plura  
aut validióra adjuménta prae-  
stolári, quam quae jam est per  
Thomam consecúta. Et íterum  
sanctum Thomam in váriis  
scientiárum stúdiis, tamquam  
exémplar cathólicis homínibus  
propónens, atque patrónum,  
ait : Praeclára lúmina ánimi et  
ingénii, quibus ad imitatióne  
sui jure vocet álios, in eo sunt  
ómnia : doctrína ubérrima,  
incorrúpta, apte dispósita :  
obséquiúm fidei, et cum veri-  
tátibus divínitis tráditis mira  
consénsio : intégritas vitae  
cum splendóre virtútum maxi-  
márum.

### MENSE SEPTEMBRI.

Lectio iij.

**D**OCTORE Angélico inter  
ampléxus et lácrymas  
monachórum Cisterciénsium  
Fossae novae e vivis sublato,  
sacrum ejus corpus ibídem  
cónditum est. Sed mónachis  
de tanto thesauro pie sollicitis,  
saepius subínde, nunquam vero  
sine miráculis, loco mutátum.

Septem enim post mēsis, Priōris jussu, clam sepūlcro subdūctum, dum sequēti et intempēsta nocte (Superiōre a divo Thoma per sōnnum dūrius objurgāto) clam restitūitur, ad caelēstis odōris e sacris relīquiis late manāntis fragrantiam excitātis mōnachis, et ad ecclēsiā confluētibz, fraus detēcta prodigio est, aucta sacri pignoris religio. Unde septem post annos decentiōrem in locum arcāque marmōream solēnni ritu translātum, integrum adhuc, integrisque vēstibus, suavisimūmque spirans odōrem, etiā post quatuōrdecim annos repertum est; hābitus licet pleniōris esset, dum vīveret, locōque humiliōri fuisset repositum.

### MENSE OCTOBRI.

Lectio iij.

**S**ED cum septuaginta quinque annis a sancti Thomae obitu, sacrum ejus corpus in arcem comitis Fundensis delatum esset, ipso sancto Doctore matrem comitis nec semel increpante, quod nisi apud fratres suos libenter non quiesceret; fratreque comitis ex equo terrae letaliter alliso, et facto de restituendis reliquiis voto, repente sanato, comes graviorem Dei iram pertimescens, pretiosum pignus Cisterciensibus monachis, et tandem Fratribus

Praedicatoribus Fundensibus consignavit. Suis Sanctus ipse reliquiis saepius fecit fidem. De iis enim, dum adhuc in arce servarentur, dubitantibus Episcopo et comitis Fundensis matre, palam ab iisdem visus est in habitu Ordinis e loculo surgere, et cum aliquandiu tacitus coram deambulasset, eodem residere : redditoque Ordini corpore, Fratri Raymundo Fundis ad ejus sepulcrum oranti apparens, ibidem corpus suum esse contestatus est.

### MENSE NOVEMBRI.

Lectio iij.

**S**ACRI depositi iacturam aegre tulere Cistercienses, de reliquiis sibi a Fratribus Praedicatoribus ablatis apud Urbanum Quintum graviter conquesti; sed frustra, ut injuria. Placatus enim repente, nec sine miraculo, summus Pontifex, ipso festo Corporis Christi, cujus Officium a sancto Thoma editum audierat, Ordini Praedicatorum, ejusque Generali Magistro, sancti Doctoris corpus, ejusque praeterea caput, quod Cistercienses in castro Pipérni seposuerant, gratulante sacro Cardinalium collegio, perpetua concessione donavit. Tolosam ejusdem auctoritate et gratia, ad conventum Ordinis transmissum, haud facile dictu, quanta pompa a Tolosatis

excéptum est. Procéssit óbviā ad plura milliária Ludovicus dux Andegavēsis, Cárolī Quinti regis christianíssimi frater, cum multis áliis Ecclēsia regníque princípibus, universóque urbis clero et magistrátu : pópulus supra centum quinquagínta mília effúsus, faces ad decem et ámplius mília accénsae : miraculórum dénique glória, et sanitátum grátiis cumuláta laetítia.

OFFICIUM  
CORPORIS CHRISTI

in v. Feriis per Annum.

Feria quarta in Vesperis, Añae et Psalmi feriales.

Capitulum. **Dóminus Jesus.**

Hymnus. **Pange lingua gloriósi.** ut in festo principali.

**V. Panem de caelo praestitisti eis. R. Omne delectamentum in se habentem.**

Ad Magnificat, Aña. **Memóriam fecit mirabílium suórum, miséricors et miserátor Dóminus : escam dedit timéntibus se.**

Oratio. **Deus, qui nobis, ut in festo.**

In Completorio ad Nunc dimittis, Aña. **Salva nos.**

AD MATUTINUM.

Invitatorium. **Christum, panem Angelórum et hóminum, \* Veníte adorémus.**

Hymnus. **Sacris solénniis.** ut in festo.

Aña super Psalm. **Fructum salutíferum gustándum dedit Dóminus mortis suae témpore.**

Psalmi ut in festo.

**V. Panem caeli dedit eis. R. Panem Angelórum manducávit homo.**

In Nocturno duae primae Lectiones erunt de Historia sacrae Scripturae currentis Feriae. Tertia de Sermonibus inferius positis. Responsoria iij. Nocturni.

**Te Deum.** dicitur, nisi infra Septuag.

Ante Laudes, **V. Comédi favum cum melle meo. R. Bibi vinum meum cum lacte meo.**

IN LAUDIBUS.

Super Psalm. Aña. **Sapiéntia aedificávit sibi domum : miscuit vinum, et pósuit mensam, allelúia.** Psalm. **Dóminus regnávit.** cum ceteris, pag. xj.

Capitulum. **Dóminus.**

Hymnus. **Verbum supérnum pródiens.** ut in festo.

**V. Pósuit fines tuos pacem. R. Et ádipe fruménti sátiat te.**

Ad Benedictus, Aña. **Ego sum panis vivus, qui de caelo descéndi : qui mandúcat ex hoc pane, vivet in aetérnum.**

Oratio. **Deus, qui nobis. etc.** ut in festo.

Ad Horas diei, omnia sicut in eodem festo, excepto quod **R. R.** extra Temp. Pasch. non dic. cum **Allelúia.** Et hoc Offic. similiter in Nona terminabitur.

Pro tertia Lectione dicatur singulis mensibus una ex his sequentibus suo ordine notatis.

**MENSE JUNIO.**

Sermo sancti Joannis  
Chrysostomi.

*Ex Homilia 60. ad pop.  
Antioch.*

Lectio iij.

**U**NICUIQUE fidélium.  
quae est 3. pro Feria ij.  
infra Oct. Corp. Christi.

**MENSE JULIO.**

Ex Epístola sancti Cypriani  
Epísc. et Márt. ad Caecilium.

*Lib. 2. Epíst. 3. sub init.*

Lectio iij.

**I**N sacerdóte Melchisedech.  
quae est 3. pro Fer. iij.  
infra Oct. Corp. Christi.

**MENSE AUGUSTO.**

Ex Libro S. Ambrósii Epísc.  
de Sacraméntis.

*Lib. 4. cap. 4.*

Lectio iij.

**A**UCTOR Sacramentó-  
rum. quae est 3. pro  
Fer. iv. infra Oct. Corp.  
Christi.

**MENSE SEPTEMBRI.**

Sermo sancti Augustíni  
Epíscopi.

*Tract. 26. in Joann. post  
medium.*

Lectio iij.

**E**XPONENS nobis Apó-  
stolus. quae est 1. ij. Noct.  
in Oct. Corp. Christi.

**MENSE OCTOBRI.**

Ex Sermóne sancti Augustíni  
Epíscopi.

*Tract. 26. in Joannem.*

Lectio iij.

**H**UNC itaque cibum. quae  
est 2. ij. Nocturni in  
Octava Corporis Christi.

**MENSE NOVEMBRI.**

Homília sancti Augustíni  
Epíscopi.

*Tract. 26. in Joannem.*

Lectio iij.

**Q**UAM multi de altári.  
quae est 3. iij. Noct. in  
Octava Corporis Christi.

Quando vero propter impe-  
dimentum aliquod, hoc Offic.  
de sanctissimo Sacramento in-  
termittitur, nihilominus Mem.  
fiat de eo in Vesp. per Añam.  
**Memóriam fecit. V. Panem de  
caelo. In Laud. per Añam. Ego  
sum panis vivus. V. Pósuit  
fines. nisi in temporibus si-  
gnatis in Rubricis General.  
§. xxxij. n. 7.**

Hoc Officium similiter in  
Nona terminatur.

**OFFICIUM****S. VINCENTII FERRERII  
CONFESSORIS**

in secundis, vel sextis Feriis  
per annum.

**O**FFICIUM fiat de Com-  
muni Confess. sicut supra  
pro S. Thoma in Feria iv.  
notatum est. V. ante Lect.

secundum Ferias. R. R. vero semper ex iij. Nocturno de Comm. desumantur.

Ad Magnificat, Añā. Adsit nobis propitius in hujus vitae vespere, ad Christum nos Vincēntius tuto ferens itinere.

Oratio.

**D**EUS, qui Gēntium multitudinem, mira beāti Vincēntii Confessōris tui praedicatōne, ad agnitōnem tui nōminis venīre tribuisti : praesta quaesumus, ut quem ventūrum júdicem nuntiāvit in terris, praemiatórem habere mereāmur in caelis : Dóminum nostrum.

Ad Benedictus, Añā. Pévrigil Christi nūntius vocans ad lucis ópera, ad fruēda Vincēntius nos ducat vitae mūnera.

Reliqua omnia de Comm. Conf.

Pro iij. Lectiōne dicatur una ex sequentibus suo ordine pro quolibet mense notatis.

### MENSE JUNIO.

*Ex Bulla Canonizationis.*

Lectio iij.

**C**UM in gravíssimum, ac pene desperátum morbum Aveniōne incidisset beátus Vincēntius, insígni miraculo integerrimae sanitáti a Christo restitútus est. A quo confestim mandátum accēpit, ut per diversas mundi regiónēs, verbum Dei omni stúdio praedicáret; jamque imminéntem saeculi finem, et extrémum

judícii diem nuntiáret. Labóres ejus apostólicos tanta Deus benedictiōne cumulávit, ut supra centum perditórum hóminum mília ad poeniténtiam, viginti quinque mília Judaeórum ad Christum, octo mília Saracenórum ad fidem addúxerit. Hispānis, Aragóniis, Catalánis, Británnis, Gallis, et Italis Evangélium praedicávit. Nactus scilicet illud erat, prae céteris, Spíritus sancti donum, ut vernácula gentis suae lingua usus, a díssonis natiōnibus intelligerétur.

### MENSE JULIO.

*Ex Bulla Canonizationis.*

Lectio iij.

**M**ANTA erat beāti Vincēntii fama virtútis, ut palam ab ómnibus, étiam dum viveret, véluti Sanctus haberétur. Quocúmque ad munus apostólicum obeúndum pēgeret, óbviā ire solébat pópulus, suámque públicis significatiōnibus veneratiōnem et observántiam profitéri. Hos tamen vir Dei sibi delátos honóres, summa ánimi modéstia et humilitáte respuébat. Apud reges ac príncipes plúrima auctoritáte váluit, quam ei non favor, aut grátia, sed apostólica plane libértas conciliávit. Eórum vítia infrácta ánimi fortitúdine coárguit, temerários ausus représsit, implacábiles discórdias exstínxit. Delectus cum áliis judex árbitr,

apud Caspense oppidum, regnum Aragóniae Ferdinando infanti Castellae adjudicavit.

### MENSE AUGUSTO.

*Ex Bulla Canonizationis.*

Lectio iij.

**P**ERPETUAM toto vitae tempore poenitentiam egit beatus Vincéntius, ex quo Praedicatorum Ordini nomen dedit. Cilícium ad nudam carnem continuo gestavit, corpus duro flagello singulis pene diebus edomuit; ultra stata Ordinis jejúnia, semel in die quovis tempore comedit; super straminibus, ac saepius ad durum lapidem inclinátus brevem somnum cepit. Matutinas preces vigiliis, ac privátis orationibus praeoccupare solitus erat, ac ultra solitum Offícium divinum, Psalterium frequenter recitabat. Tanta fuit ejus honestas ac modestia, ut non corpus modo, sed nec pedes nudos per plurimos annos aspexerit. Hoc vero prae ceteris mirandum, quod annorum ferme quadraginta spatio, quibus apostolicum munus obiit, ab instituta semel vitae ratione nusquam deflexerit.

### MENSE SEPTEMBRI.

Lectio iij.

**S**PIRITU prophético illustratus beatus Vincéntius, futura multa, de extremo praesertim judicio, praedixit. Callisto Tértio, a quo caelites

inter adscriptus est, Pontificátum diu ántea nuntiavit. Patris ac matris óbitum, qua hora ceciderunt, divína revelatione cognovit, longo licet locorum tractu ab eis díssitus esset. Secrétas córdium cogitationes detexit. Plúrium post tránsitum animárum statum perspéctum hábuit : eásque fuis ad Deum précibus, e purgatórii flammis liberávit. Insequéntem numerósam dúorum míllium hóminum multitudinem, post ministrátum evangélicum panem, caelésti miraculo temporáliter pavit, multiplicáta vini ac panis annóna. Ea vero inter concionándum virtúte pollébat, ut hostes fidei vel invíti, secretióribus cordis mótibus ad audiéntiam traheréntur.

### MENSE OCTOBRI.

Lectio iij.

**P**AUPERTATEM evangélicam ádeo coluit, ut omni prorsus dímissa supelléctili, nihil ad usum per dura ac longa itínera deférret, vilissimisque dumtaxat véstibus uterétur. Eum saepius in oratione secréto pernoctántem plúrimi observárunť, caelésti, ut crédito, lúmine circumfúsum : quo eum Deus céteris manifestábat, qui sese tanto stúdio ómnium óculis subducébat. Mirum quam frequens, quam multus ad eum undequaque confluéntium hómi-



num número, ad vitae instituendae, et juxta evangélicam normam efformandae consília peténda : quibus ipse conféréndis semper praesto fuit. Ejus praesértim salutáribus mónitis regebántur Castéllae et Aragónum reges, Británniae duces : nihílque magni moménti molíri solébant, nisi collátis cum ipso consíliis.

### MENSE NOVEMBRI.

Lectio iij.

**N**ON diu a sanctíssimi viri róbitu, de solémni ipsíus canonizatióne actum est. Causam in primis urgére coepérunt Joánnes ac Petrus Británniae duces, coram summis Pontíficibus Martíno Quinto, Eugénio Quarto, et Nicoláo Quinto. Idem subínde rogárunť Joánnes Castéllae, et Alphónsus Aragónum reges. Rem tandem Callístus Tértius anno Pontificátus primo exsecútus est : eúmque sacris fastis adscripsit. At cum praematúra morte eréptus diplóma pontificium non dedísset, hoc Pius Secúndus, succéssor ejus, ultro concéssit. In quo istud observatióne digníssimum occúrrit : tot scílicet virum Dei patrásse mirácula, ut Apostólicis lítteris, ne modum excéderent, recenséri non potúerint. Mórtuos quadragínta, partim dum víveret, partim postquam e vivis excéssit, suscitásse perhibétur.

### SEPTEM PSALMI

POENITENTIALES.

Aña. Ne reminiscáris.

Psalmus 6.



**D**OMINE, ne in furóre tuo árguas me, \* neque in ira tua corrípias me.

Miserére mei Dómine quóniam infírmus sum : \* sana me Dómine quóniam conturbáta sunt ossa mea.

Et ánima mea turbáta est valde : \* sed tu Dómine úsquequo?

Convértere Dómine, et éripe ánimam meam : \* salvum me fac propter misericórdiam tuam,

Quóniam non est in morte qui memor sit tui : \* in inférno autem quis confitébitur tibi?

Laborávi in gémitu meo, lavábo per síngulas noctes lectum meum : \* lácrymis meis stratum meum rigábo.

Turbátus est a furóre óculus meus : \* inveterávi inter omnes inimícos meos.

Discédite a me omnes qui operámini iniquitatem : \* quóniam exaudivit Dóminus vocem fletus mei.

Exaudivit Dóminus deprecationem meam, \* Dóminus orationem meam suscepit.

Erubéscant, et conturbéntur veheménter omnes inimíci mei : \* convertántur et erubéscant valde velóciter.

Psalmus 31.

**B**EATI quorum remissae sunt iniquitates: \* et quorum tecta sunt peccata.

Beatus vir, cui non imputavit Dominus peccatum, \* nec est in spiritu ejus dolus.

Quoniam tacui, inveteraverunt ossa mea, \* dum clamarem tota die.

Quoniam die ac nocte gravata est super me manus tua : \* conversus sum in aerumna mea, dum configitur spina.

Delictum meum cognitum tibi feci : \* et injustitiam meam non abscondi.

Dixi : Confitebor adversum me injustitiam meam Domino : \* et tu remisisti impietatem peccati mei.

Pro hac orabit ad te omnis sanctus, \* in tempore opportuno.

Verumtamen in diluvio aquarum multarum, \* ad eum non approximabunt.

Tu es refugium meum a tribulatione, quae circumdedit me : \* exultatio mea erue me a circumdantibus me.

Intellectum tibi dabo, et instruam te in via hac, qua gradieris : \* firmabo super te oculos meos.

Nolite fieri sicut equus et mulus, \* quibus non est intellectus.

In camo et freno maxillas eorum constringe, \* qui non appropinquant ad te.

Multa flagella peccatoris, \*

sperantem autem in Domino misericordia circumdabit.

Laetamini in Domino et exultate justi, \* et gloriamini omnes recti corde.

Psalmus 37.

**D**OMINE ne in furore tuo arguas me, \* neque in ira tua corripas me.

Quoniam sagittae tuae infixae sunt mihi : \* et confirmasti super me manum tuam.

Non est sanitas in carne mea a facie irae tuae : \* non est pax ossibus meis a facie peccatorum meorum.

Quoniam iniquitates meae supergressae sunt caput meum : \* et sicut onus grave gravatae sunt super me.

Putruerunt et corruptae sunt cicatrices meae, \* a facie insipientiae meae.

Miser factus sum, et curvatus sum usque in finem : \* tota die constrictatus ingrediebar.

Quoniam lumbi mei implati sunt illusionibus : \* et non est sanitas in carne mea.

Afflictus sum, et humiliatus sum nimis : \* rugiebam a gemitu cordis mei.

Domine, ante te omne desiderium meum : \* et gemitus meus a te non est absconditus.

Cor meum conturbatum est, dereliquit me virtus mea : \* et lumen oculorum meorum, et ipsum non est mecum.

Amici mei, et proximi mei \* adversum me appropinquaverunt, et steterunt.

Et qui iuxta me erant, de longe steterunt : \* et vim faciébant qui quaerébant ánimam meam.

Et qui inquirebant mala mihi, locúti sunt vanitátes : \* et dolos tota die meditabántur.

Ego autem tamquam surdus non audiébam : \* et sicut mutus non apériens os suum.

Et factus sum sicut homo non áudiens : \* et non habens in ore suo redargutiónes.

Quóniam in te Dómine sperávi : \* tu exáudies me Dómine Deus meus.

Quia dixi : Nequándo supergaudeant mihi inimíci mei : \* et dum commovéntur pedes mei, super me magna locúti sunt.

Quóniam ego in flagélla parátus sum : \* et dolor meus in conspéctu meo semper.

Quóniam iniquitátem meam annuntiábo : \* et cogitábo pro peccáto meo.

Inimíci autem mei vivunt, et confirmáti sunt super me : \* et multiplicáti sunt qui odérunt me iníque.

Qui retríbuunt mala pro bonis, detrahébant mihi : \* quóniam sequébar bonitátem.

Ne derelínquas me Dómine Deus meus : \* ne discésseris a me.

Inténde in adjutórium meum, \* Dómine Deus salútis meae.

Psalmus 50.

**M**ISERERE mei Deus, \* secundum magnam misericórdiam tuam.

Et secúndum multitudínem miseratiónum tuárum, \* dele iniquitátem meam.

Amplius lava me ab iniquitáte mea : \* et a peccáto meo munda me.

Quóniam iniquitátem meam ego cognósco : \* et peccátum meum contra me est semper.

Tibi soli peccávi, et malum coram te feci : \* ut justificéris in sermónibus tuis, et vincas cum judicáris.

Ecce enim in iniquitatibus concéptus sum : \* et in peccátis concépit me mater mea.

Ecce enim veritátem dilexísti : \* incérta, et occúlta sapiéntiae tuae manifestásti mihi.

Aspérges me hyssópo, et mundábor : \* lavábis me, et super nivem dealbábor.

Audítui meo dabis gáudium et laetítiam : \* et exsultábunt ossa humiliáta.

Avérte faciém tuam a peccátis meis : \* et omnes iniquitátes meas dele.

Cor mundum crea in me Deus : \* et spíritum rectum ínnova in viscéribus meis.

Ne projícias me a fácie tua : \* et spíritum sanctum tuum ne áuferas a me.

Redde mihi laetítiam salutáris tui : \* et spíritu principáli confírma me.

Docébo iníquos vías tuas : \* et ímpii ad te converténtur.

Líbera me de sanguínibus Deus, Deus salútis meae : \* et

exsultábit lingua mea justítiam tuam.

Dómine, lábia mea apéries : \* et os meum annuntiábit laudem tuam.

Quóniam si voluísset sacrificium, dedíssem útique : \* holocaustis non delectáberis.

Sacrificium Deo spíritus contribulátus : \* cor contrítum, et humiliátum Deus non despíciens.

Benígne fac Dómine in bona voluntáte tua Sion : \* ut aedificéntur muri Jerúsalem.

Tunc acceptábis sacrificium justítiae, oblatiónes, et holocausta : \* tunc impónent super altáre tuum vítulos.

Psalmus 101.

**D**OMINE exáudi oratió-nem meam : \* et clamor meus ad te véniat.

Non avértas faciém tuam a me : \* in quacúmque die tribulor, inclína ad me aurem tuam.

In quacúmque die invocávero te, \* velóciter exáudi me.

Quia defecerunt sicut fumus dies mei : \* et ossa mea sicut crémium aruerunt.

Percússus sum ut foenum, et áruit cor meum : \* quia oblítus sum comédere panem meum.

A voce gémitus mei \* adhaesit os meum carni meae.

Símilis factus sum pellicáno solitúdinis : \* factus sum sicut nyctícorax in domicílio.

Vigilávi, \* et factus sum sicut passer solitárius in tecto.

Tota die exprobrábant mihi inimíci mei : \* et qui laudábant me advérsus me jurábant.

Quia cínere tamquam panem manducábam, \* et potum meum cum fletu miscébam.

A fácie irae et indignatiónis tuae : \* quia élevans allisísti me.

Dies mei sicut umbra declináverunt : \* et ego sicut foenum áruí.

Tu autem Dómine in aetérnum pérmanes : \* et memoriále tuum in generatióem et generatióem.

Tu exsúrgens miseréberis Sion : \* quia tempus miseréndi ejus, quia venit tempus.

Quóniam placuerunt servis tuis lápides ejus : \* et terrae ejus miserebúntur.

Et timébunt gentes nomen tuum Dómine, \* et omnes reges terrae glóriam tuam.

Quia aedificávit Dóminus Sion : \* et vidébitur in glória sua.

Respéxit in oratióem humílium : \* et non sprexit precem eórum.

Scribántur haec in generatióne áltera : \* et pópulus, qui creábitur, laudábit Dóminum :

Quia prospéxit de excélso sancto suo : \* Dóminus de caelo in terram aspéxit :

Ut audíret gémitus compeditórum : \* ut sólveret filios interemptórum :

Ut annúntient in Sion nomen Dómini : \* et laudem ejus in Jerúsalem.

In conveniéndō pópulos in unum, \* et reges ut sérviant Dómino.

Respóndit ei in via virtútis suae : \* Paucitátem diérum meórum núntia mihi.

Ne révoces me in dimídio diérum meórum : \* in generatióem et generatióem anni tui.

Infítio tu Dómine terram fundásti : \* et ópera mánuum tuárum sunt caeli.

Ipsi períbunt, tu autem pérmanes : \* et omnes sicut vestiméntum veteráscent.

Et sicut opertórium mutábis eos, et mutabúntur : \* tu autem idem ipse es, et anni tui non defícient.

Fílii servórum tuórum habitábunt : \* et semen eórum in saeculum dirigétur.

Psalmus 129.

**D**E profúndis clamávi ad te Dómine : \* Dómine exáudi vocem meam :

Fiant aures tuae intendéntes, \* in vocem deprecationis meae.

Si iniquitátes observáveris Dómine : \* Dómine quis sustinébit?

Quia apud te propitiatio est : \* et propter legem tuam sustínui te Dómine.

Sustínuit ánima mea in verbo ejus : \* sperávit ánima mea in Dómino.

A custódia matutína usque ad noctem : \* speret Israël in Dómino.

Quia apud Dóminum misericórdia : \* et copiósa apud eum redéptio.

Et ipse rédimet Israël, \* ex ómnibus iniquitatibus ejus.

Psalmus 142.

**D**OMINE exáudi oratióem meam : áuribus pécipe obsecratióem meam in veritáte tua : \* exáudi me in tua justítia.

Et non intres in judícium cum servo tuo : \* quia non justificábitur in conspéctu tuo omnis vivens.

Quia persecútus est inimícus ánimam meam : \* humiliávit in terra vitam meam.

Collocávit me in obscúris sicut mórtuos saeculi : \* et anxiátus est super me spíritus meus, in me turbátum est cor meum.

Memor fui diérum antiquórum, meditátus sum in ómnibus opéribus tuis : \* in factis mánuum tuárum meditábar.

Expándi manus meas ad te : \* ánima mea sicut terra sine aqua tibi :

Velóciter exáudi me Dómine : \* defécit spíritus meus.

Non avértas faciém tuam a me : \* et símilis ero descendentibus in lacum.

Audítam fac mihi mane misericórdiam tuam : \* quia in te sperávi.

Notam fac mihi viam, in qua ámbulem : \* quia ad te levávi ánimam meam.

Eripe me de inimícis meis Dómine, ad te confúgi : \* doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam : \* propter nomen tuum Dómine vivificábis me, in aequitáte tua.

Edúces de tribulatióne ánimam meam : \* et in misericórdia tua dispérdes inimícos meos.

Et perdes omnes, qui tribulant ánimam meam : \* quóniam ego servus tuus sum.

Añá. Ne reminiscáris Dómine delícta nostra, vel paréntum nostrórum : neque vindíctam sumas de peccátis nostris.

Psalmus dicendus ante  
Litánias.

Psalmus 69.

**D**EUS in adiutorium meum  
inténde : \* Dómine ad  
adjuvándum me festína.

Confundántur, et revereántur, \* qui quaerunt ánimam meam :

Avertántur retrórsum, et erubéscant, \* qui volunt mihi mala :

Avertántur statim erube-  
scéntes, \* qui dicunt mihi :  
Euge, euge.

Exsúltent et laeténtur in te  
omnes qui quaerunt te : \* et  
dicant semper : Magnificétur  
Dóminus : qui díligunt salu-  
táre tuum.

Ego vero egénus, et pauper  
sum : \* Deus ádjuva me.

Adjútor meus, et liberátor  
meus es tu : \* Dómine ne mo-  
rérís.

Glória Patri.

### INCIPIUNT LITANIAE.



**K**YRIE eléison. R. Ky-  
rie eléison.

Christe eléison. R.  
Christe eléison.

Kyrie eléison. R. Kyrie eléison.  
Christe audi nos. R. Christe  
exáudi nos.

Pater de caelis Deus, miserére  
nobis. Repetatur a Choro :  
Pater de caelis Deus, mise-  
rére nobis.

Fili Redémptor mundi Deus,  
miserére nobis. R. Fili Red-  
émptor.

Spíritus sancte Deus, miserére  
nobis. R. Spíritus sancte.

Sancta Trínitas unus Deus,  
miserére nobis. R. Sancta  
Trínitas.

Sancta María. R. Ora pro  
nobis.

Sancta Dei Génitrix, ora.

Sancta Virgo vírginum, ora.

Sancte Míchaël, ora.

Sancte Gábriel, ora.

Sancte Ráphaël, ora.

Omnes sancti Angeli et Archán-  
geli, oráte pro nobis.

Omnes sancti beatórum spirí-  
tuum órdenes, oráte pro nobis.

Sancte Joánnes Baptísta, ora.

Sancte Joseph, ora.

Omnes sancti Patriárchae et  
Prophétae, oráte pro nobis.

|                                |      |                                |        |
|--------------------------------|------|--------------------------------|--------|
| Sancte Petre,                  | ora. | Sancte Gregóri,                | ora.   |
| Sancte Paule,                  | ora. | Sancte Pie,                    | ora.   |
| Sancte Andréa,                 | ora. | Sancte Ambrósi,                | ora.   |
| Sancte Jacóbe,                 | ora. | Sancte Augustíne,              | ora.   |
| Sancte Joáñnes,                | ora. | Sancte Hierónyme,              | ora.   |
| Sancte Thoma,                  | ora. | Sancte Hilári,                 | ora.   |
| Sancte Jacóbe,                 | ora. | Sancte Martíne,                | ora.   |
| Sancte Philíppe,               | ora. | Sancte Nicoláe,                | ora.   |
| Sancte Bartholomaeae,          | ora. | Sancte Antoníne,               | ora.   |
| Sancte Matthaeae,              | ora. | Sancte Pater Domínice,         | ora.   |
| Sancte Simon,                  | ora. | Sancte Pater Domínice,         | ora.   |
| Sancte Thaddaeae,              | ora. | Sancte Thoma,                  | ora.   |
| Sancte Matthía,                | ora. | Sancte Vincénti,               | ora.   |
| Sancte Bárnaba,                | ora. | Sancte Hyacínthe,              | ora.   |
| Sancte Marce,                  | ora. | Sancte Raymúnde,               | ora.   |
| Sancte Luca,                   | ora. | Sancte Ludovíce,               | ora.   |
| Omnes sancti Discípuli Dó-     |      | Sancte Antóni,                 | ora.   |
| mini, oráte pro nobis.         |      | Sancte Benedícite,             | ora.   |
| Omnes sancti Innocéntes, oráte |      | Sancte Bernárde,               | ora.   |
| pro nobis.                     |      | Sancte Francísce,              | ora.   |
| Sancte Stéphanee,              | ora. | Omnes sancti Confessóres, orá- |        |
| Sancte Clemens,                | ora. | te pro nobis.                  |        |
| Sancte Cornéli,                | ora. | Sancta Anna,                   | ora.   |
| Sancte Cypriáne,               | ora. | Sancta María Magdaléna,        | ora.   |
| Sancte Laurénti,               | ora. | Sancta Martha,                 | ora.   |
| Sancte Vincénti,               | ora. | Sancta Felícitas,              | ora.   |
| Sancte Dionysi cum sóciis      |      | Sancta Perpétua,               | ora.   |
| tuis,                          | ora. | Sancta Agatha,                 | ora.   |
| Sancte Mauríti cum sóciis      |      | Sancta Lucía,                  | ora.   |
| tuis,                          | ora. | Sancta Agnes,                  | ora.   |
| Sancte Januári cum sóciis      |      | Sancta Caecília,               | ora.   |
| tuis,                          | ora. | Sancta Catharína,              | ora.   |
| Sancti Fabiáne, et Sebastíane, |      | Sancta Margaríta,              | ora.   |
| oráte pro nobis.               |      | Sancta Ursula cum sodálibus    |        |
| Sancti Cosma, et Damiáne,      |      | tuis,                          | ora.   |
| oráte pro nobis.               |      | Sancta Catharína,              | ora.   |
| Sancte Thoma,                  | ora. | Sancta Rosa,                   | ora.   |
| Sancte Petre,                  | ora. | Sancta Agnes,                  | ora.   |
| Sancte Joáñnes cum sóciis      |      | Sancta Catharína,              | ora.   |
| tuis,                          | ora. | Omnes sanctae Vírgines et      |        |
| Omnes sancti Mártires, oráte.  |      | Víduae,                        | oráte. |
| Sancte Silvéster,              | ora. | Omnes Sancti,                  | oráte. |

Propítius esto. R. Parce nobis  
Dómine.

Propítius esto. R. Exáudi nos  
Dómine.

A damnatione perpétua. R. Lí-  
bera nos Dómine.

A subitánea et improvís-  
a morte, líbera.

Ab imminéntibus peccatórum  
nostrórum perículis, líbera.

Ab infestationibus daemo-  
num, líbera.

Ab omni immundítia mentis et  
córporis, líbera.

Ab ira, et ódio, et omni mala  
voluntáte, líbera.

Ab immúndis cogitationibus,  
líbera.

A caecitate cordis, líbera.

A fúlgnore, et tempestáte,  
líbera.

A peste, fame, et bello, líbera.

A flagéllis terraemótus, líbera.

Ab omni malo, líbera.

Per mystérium sanctae incar-  
nationis tuae, líbera.

Per passionem, et crucem  
tuam, líbera.

Per gloriósam resurrectionem  
tuam, líbera.

Per admirábilem ascensionem  
tuam, líbera.

Per grátiam sancti Spíritus  
Parácliti, líbera.

In die iudicii, líbera.

Peccatóres. R. Te rogámus,  
audi nos.

Ut pacem nobis dones, te rogá-  
mus, audi nos.

Ut misericórdia, et píetas tua  
nos custódiat, te rogámus,  
audi nos.

Ut Ecclesiám tuam sanctám  
régere, et conserváre digné-  
ris, te rogámus.

Ut domnum Apostólicum, et  
omnes gradus Ecclesiae in  
sancta religióne conserváre  
dignéris, te rogámus.

Ut Episcopos et Praelátos  
nostros, et cunctas congre-  
gationes illis commissas in  
tuo sancto servítio conser-  
váre dignéris, te rogámus.

Ut inimícos sanctae Ecclesiae  
humiliáre dignéris, te rogá-  
mus, audi nos.

Ut régibus et princípibus no-  
stris pacem, et veram concór-  
diam, atque victóriam donáre  
dignéris, te rogámus.

Ut cunctum pópulum christiá-  
num pretiósó ságuine tuo  
redéptum conserváre di-  
gnéris, te rogámus.

Ut ómnibus benefactoribus  
nostris sempitérna bona re-  
tribuas, te rogámus.

Ut ánimas nostras, et parén-  
tum nostrórum ab aetérna  
damnatione erípias, te rogá-  
mus, audi nos.

Ut fructus terrae dare, et con-  
serváre dignéris, te rogá-  
mus, audi nos.

Ut óculos misericórdiae tuae  
super nos reducere digné-  
ris, te rogámus.

Ut obséquium servitútis no-  
strae rationábile fácias, te  
rogámus, audi nos.

Ut mentes nostras ad caeléstia  
desidéria érigas, te rogá-  
mus, audi nos.



Ut misérias páuperum et captivórum intuéri, et releváre dignéris, te rogámus.

Ut loca nostra, et omnes habitántes in eis visitáre, et consolári dignéris, te rogámus.

Ut civitátem istam, et omnem pópulum ejus protégere, et conserváre dignéris, te rogámus, audi nos.

Ut omnes fidéles navigántes et itinerántes ad portum salutis perducere dignéris, te rogámus, audi nos.

Ut reguláribus disciplínis nos instrúere dignéris, te rogámus, audi nos.

Ut ómnibus fidélibus defúntis réquiem aetérnam dones, te rogámus, audi nos.

Ut nos exaudíre dignéris, te rogámus, audi nos.

Fili Dei, te rogámus.

Agnus Dei, qui tollis peccáta mundi. R̃. Parce nobis Dómine.

Agnus Dei, qui tollis peccáta mundi. R̃. Exáudi nos Dómine.

Agnus Dei, qui tollis peccáta mundi. R̃. Miserére nobis.

Kyrie eléison. Christe eléison. Kyrie eléison. Pater noster. secreto. Ṽ. Et ne nos inducas in tentatióem. R̃. Sed libera nos a malo.

Ṽ. Post partum virgo invioláta permansísti. R̃. Dei Génitrix intercède pro nobis.

Ṽ. Ora pro nobis beáte Pater Domínice. R̃. Ut digni efficiámur promissionibus Christi.

Ṽ. Sapiéntiam sanctorum narrent pópuli. R̃. Et laudem eórum núniet ecclésia.

Ṽ. Memor esto congregatiónis tuae. R̃. Quam possedísti ab inf̃tio.

Ṽ. Salvos fac servos tuos, et ancíllas tuas. R̃. Deus meus sperántes in te.

Ṽ. Esto nobis, Dómine, turris fortitudinis. R̃. A fácie inimíci.

Ṽ. Fiat pax in virtúte tua. R̃. Et abundántia in túrribus tuis.

Ṽ. Dóminus vobíscum. R̃. Et cum spírítu tuo.

Orémus.

**P**ROTEGE Dómine famulos tuos subsidiis pacis: et beatae Maríae semper vírginis patrocíniis confidéntes, a cunctis hóstibus redde secúros.

**C**ONCEDE, quaesumus Omnípotens Deus: ut qui peccatórum nostrórum póndere prémimur, beáti Domínici Confessóris tui, Patris nostri, patrocínio sublevémur.

**C**ONCEDE, quaesumus Omnípotens Deus: ut ad meliorem vitam, Sanctorum tuorum Ordinis nostri exéempla nos próvocent; quátenus quorum memóriam ágimus, étiam actus imitémur.

**I**NEFFABILEM misericórdiam tuam, Dómine, nobis cleménter osténde: ut simul nos et a peccátis ómnibus éxuas, et a poenis, quas pro his merémur, erípias.

**P**RAETENDE Dómine  
fámulis et famulábus tuis  
déteram caeléstis auxilií: ut te  
toto corde perquirant, et quae  
digne póstulant, assequántur.

**E**CCELESIAE tuae, quaesu-  
mus Dómine; preces pla-  
cátus admítte: ut destrúctis ad-  
versitatíbus et erróribus univér-  
sis, secúra tibi sérviat libertáte.

**D**EUS, a quo sancta desi-  
deria, recta consília, et  
justa sunt ópera; da servis tuis  
illam, quam mundus dare non  
potest, pacem : ut et corda  
nostra mandátis tuis dédita, et  
hóstium subláta formídine,  
témpera sint tua protectióne  
tranquílla. Per Christum Dó-  
minum nostrum.

Quando praedictae Litaniae  
sint dicendae, vide in Rubri-  
cis §. xxxviii.

### LITANIAE B. MARIAE.

**K**YRIE eléison.

Christe eléison.

Kyrie eléison.

Christe audi nos.

Christe exáudi nos.

Pater de caelis Deus, miserere  
nobis.

Fili Redémptor mundi Deus,  
miserere nobis.

Spíritus sancte Deus, miserere  
nobis.

Sancta Trínitas unus Deus,  
miserere nobis.

Sancta María, ora pro nobis.

Sancta Dei Génitrix, ora.

Sancta Virgo víginum, ora.

Mater Christi, ora.

Mater divínae grátiae, ora.

Mater puríssima, ora.

Mater castíssima, ora.

Mater invioláta, ora.

Mater intemeráta, ora.

Mater amábilis, ora.

Mater admirábilis, ora.

Mater Creatóris, ora.

Mater Salvatóris, ora.

Virgo prudentíssima, ora.

Virgo veneránda, ora.

Virgo praedicánda, ora.

Virgo potens, ora.

Virgo clemens, ora.

Virgo fidélis, ora.

Spéculum justítiae, ora.

Sedes sapiéntiae, ora.

Causa nostrae laetítiae, ora.

Vas spirituále, ora.

Vas honorábile, ora.

Vas insígne devotiónis, ora.

Rosa mystica, ora.

Turris Davídica, ora.

Turris ebúrnea, ora.

Domus áurea, ora.

Foederis arca, ora.

Jánua caeli, ora.

Stella matutína, ora.

Salus infirmórum, ora.

Refúgium peccatórum, ora.

Consolátrix afflictórum, ora.

Auxílium Christianórum, ora.

Regína Angelórum, ora.

Regína Patriarchárum, ora.

Regína Prophetárum, ora.

Regína Apostolórum, ora.

Regína Mártýrum, ora.

Regína Confessórum, ora.

Regína Víginum, ora.

Regína Sanctórum ómnium,  
ora pro nobis.

Regína sine labe origináli concepta, ora.

Regína sacratíssimi Rosárii, ora pro nobis.

Agnus Dei, qui tollis peccáta mundi, parce nobis Dómine.

Agnus Dei, qui tollis peccáta mundi, exáudi nos Dómine.

Agnus Dei, qui tollis peccáta mundi, miserére nobis.

℣. Ora pro nobis sancta Dei Génitrix. ℞. Ut digni efficiámur promissionibus Christi.

Orémus.

**G**RATIAM tuam, quaesumus Dómine, méntibus nostris infúnde : ut qui Angelo nuntiánte Christi Fílii tui incarnationem cognóvimus; per passionem ejus, et crucem ad resurrectionis glóriam perducámur. Per eúmdem Christum.

#### PROSA B. M. V.

diebus Sabbatis post Litanias  
B. M. V. dicenda.

Invioláta, intácta, et casta es,  
María,

Quae es effécta fúlgida caeli  
porta.

O Mater alma Christi caríssima,

Súscipe pia laudum praecónia.  
Nostra ut pura péctora sint et  
córpora,

Te nunc flágitant devóta corda  
et ora.

Tua per precáta dulcísona,  
Nobis concédas véniam per  
saecula,

O benígna, quae sola invioláta  
permansísti.

℣. Post partum virgo invioláta permansísti. ℞. Dei Génitrix intercède pro nobis.

Oratio

**P**ROTEGE Dómine famulos tuos subsidiis pacis : et beatae Maríae semper vírginis patrocíniis confidentes, a cunctis hóstibus redde securos. Per Christum Dóminum nostrum.

#### LITANIAE

DE SANCTISSIMO NOMINE JESU.

**K**YRIE eléison.

Christe eléison.

Kyrie eléison.

Jesu audi nos.

Jesu exáudi nos.

Pater de caelis Deus, miserére nobis.

Fili Redemptor mundi Deus, miserére nobis.

Spíritus sancte Deus, miserére nobis.

Sancta Trínitas unus Deus, miserére nobis.

Jesu Fili Dei vivi, miserére.

Jesu splendor Patris, miserére.

Jesu candor lucis aetérnae, miserére nobis.

Jesu rex glóriae, miserére.

Jesu sol justítiae, miserére.

Jesu fili Maríae Vírginis, miserére nobis.

Jesu admirábilis, miserére.

Jesu Deus fortis, miserére.

Jesu Pater futúri saeculi, miserére nobis.

Jesu magni consílii Angele, miserére nobis.

Jesu potentissime, miserere.  
 Jesu obedientissime, miserere.  
 Jesu patientissime, miserere.  
 Jesu mitis et humilis corde,  
 miserere nobis.  
 Jesu amator castitatis, miserere  
 nobis.  
 Jesu amator noster, miserere.  
 Jesu Deus pacis, miserere.  
 Jesu auctor vitae, miserere.  
 Jesu exemplar virtutum, mise-  
 rere nobis.  
 Jesu zelator animarum, mise-  
 rere nobis.  
 Jesu Deus noster, miserere.  
 Jesu refugium nostrum, mise-  
 rere nobis.  
 Jesu Pater pauperum, mise-  
 rere nobis.  
 Jesu thesaurus fidelium, mise-  
 rere nobis.  
 Jesu bone Pastor, miserere.  
 Jesu lux vera, miserere.  
 Jesu sapientia aeterna, mise-  
 rere nobis.  
 Jesu bonitas infinita, miserere.  
 Jesu via et vita nostra, mise-  
 rere nobis.  
 Jesu gaudium Angelorum,  
 miserere nobis.  
 Jesu magister Apostolorum,  
 miserere nobis.  
 Jesu doctor Evangelistarum,  
 miserere nobis.  
 Jesu fortitudo Martyrum, mi-  
 serere nobis.  
 Jesu lumen Confessorum, mi-  
 serere nobis.  
 Jesu puritas Virginum, mise-  
 rere nobis.  
 Jesu corona Sanctorum om-  
 nium, miserere nobis.

Agnus Dei, qui tollis peccata  
 mundi, parce nobis Jesu.

Agnus Dei, qui tollis peccata  
 mundi, exaudi nos Jesu.

Agnus Dei, qui tollis peccata  
 mundi, miserere nobis Jesu.

V. Sit nomen Domini bene-  
 dictum. R. Ex hoc nunc et  
 usque in saeculum.

V. Domine exaudi orationem  
 meam. R. Et clamor meus ad  
 te veniat.

Orémus.

**D**EUS, qui gloriosissimum  
 Nomen Jesu Christi Filii  
 tui Domini nostri, fecisti fide-  
 libus tuis summo suavitatis  
 affectu amabile, et malignis  
 spiritibus tremendum atque  
 terribile : concede propitius, ut  
 omnes qui hoc Nomen Jesu  
 devote venerantur in terris,  
 sanctae consolationis dulcedi-  
 nem in praesenti percipiant; et  
 in futuro gaudium exultatio-  
 nis, et interminabilis beatitudi-  
 nis obtineant in caelis. Per  
 eundem Christum.

#### FORMULA ABSOLUT.

observanda communiter in  
 Confessione sacramentali.

**S**I teneris aliquo vinculo  
 excommunicationis, sus-  
 pensionis, et interdicti, a quo  
 possim te absolvere : ego ab-  
 solvo te, et restituo te sanctis  
 Sacramentis Ecclesiae, com-  
 munioni et unitati fidelium. In  
 nomine Patris, et Filii, et Spí-  
 ritus sancti. Amen.

**M**ISEREATUR tui omní-  
potens Deus, et dimittat  
tibi ómnia peccáta tua : líberet  
te ab omni malo, salvet, et  
confirmet in omni ópere bono,  
et perdúcat te ad vitam aetér-  
nam. Amen.

**D**OMINUS noster Jesus  
Christus, Fílius Dei vivi,  
per suam piíssimam misericór-  
diam te absólvat, et auctoritáte  
ipsíus, qua fungor, ego absólvo  
te ab ómnibus peccátis tuis,  
ut sis absolútus hic, et ante  
tribúnale ejúsdem Dómini nostri  
Jesu Christi, habeásque vitam  
aetérnam, et vivas in saecula  
saeculórum. In nómine Patris,  
✠ et Fílii, ✠ et Spíritus san-  
cti. ✠ Amen.

**P**ASSIO Dómini nostri  
Jesu Christi, et mérita  
beátae Maríae semper vírginis,  
et beáti Domínici Patris nostri,  
et ómnium Sanctórum, et  
quidquid boni féceris, et intén-  
dis fácere, aut mala quae sústi-  
nes, et sustinébis, sint tibi in  
remissiónem peccatórum, in  
augméntum grátiae, et prae-  
míum vitae aetérnae. In nómine  
Patris, et Fílii, et Spíritus  
sancti. Amen.

#### IN RECONCILIATIONE,

et in casu mortis repentinae,  
vel alias imminensis.

**S**I tenéris álquo vínculo  
excommunicatiónis, sus-  
pensiónis, et interdícti, a quo  
possim te absolvere : ego ab-  
sólvo te. In nómine Patris, et

Fílii, et Spíritus sancti. Amen.

**I**TEM ego absólvo te ab  
ómnibus peccátis tuis. In  
nómine Patris, et Fílii, et Spí-  
ritus sancti. Amen.

#### TEMPORE JUBILAEI,

aut similium gratiarum.

**S**I tenéris álquo vínculo,  
(vel álquibus vínculis)  
excommunicatiónis, suspensió-  
nis, et interdícti, a quibus ego  
possim te absolvere : aucto-  
ritáte mihi commíssa, et tibi  
concéssa a sanctíssimo Dómino  
nostro Papa, (vel ab N.) ego  
absólvo te, et restítuo te sanctis  
Sacraméntis Ecclésiae, com-  
munióni et unitáti fidélium. In  
nómine Patris, et Fílii, et Spí-  
ritus sancti. Amen.

**M**ISEREATUR tui. etc.  
Dóminus noster Jesus  
Christus. etc. ut supra.

Admonitio.

**A**T si de excommunicatio-  
ne Confessarius sit cer-  
tus, et facultatem super ea obti-  
nuerit, post praemittenda, dicat  
sic : **Absólvo te a vínculo ex-  
communicatiónis, quam incur-  
risti propter talem, vel talem  
causam, etc. Deinde a peccatis  
absolvat, ut supra.**

#### FORMA

Absolutionis generalis, quae  
fit in solemnitatibus magnis,  
et Capitulis.

Dicto **Confiteor.** et **Misereá-  
tur.** surgat Prior, et dicat :

**S**I tenémini áliquo vñculo excommunicatiónis, suspensiónis, et interdicti, in quantum se exténdunt grátiae et privilegia Ordini nostro indúlta, mihi commíssa, et vobis concessa, ego absolvo vos, et restítuo vos sacrosánctis Sacraméntis Ecclesiae, communióni et unitáti fidélium. In nómine Patris, ✠ et Fílii, et Spíritus sancti. Amen.

**E**ADÉM auctoritáte ego dispénso vobíscum super irregularitáte, sive irregularitátibus, si quam, vel si quas contraxístis, et hábilito vos exsecutióni Ordinum, et officiórú vestrórum.

**I**TEM eadém auctoritáte absolvo vos ab omni transgressióne Régulae, et Constitutiónum, et admonitiónum majórum vestrórum, et ab omni poeniténtia oblíta et neglécta, et máxime a poena, quae debétur propter fractiόνem siléntii inter duo Capítula, Si fuerit Prior Provincialis, vel ejus Vicarius, vel ab eo habuerit specialem commissiόνem, addat : (et in mensa) et ab ómnibus áliis, de quibus consuévít fieri absolutiío in consimilibus solemnitátibus, vel Capítulis : ut sitis absoluti hic et ante tribúnal Dómini nostri Jesu Christi, habeátisque vitam aetérnam, et vivátis in saecula saeculórum. Amen.

Postea poenitentiam injungat ad libitum suum.

## ABSOLUTIO,

seu Indulgentiae impartiendae  
Confratribus Rosarii  
in articulo mortis.

Dicto **Confíteor**. Pater spiritalis dicat : **Misereátur**. etc.  
**Indulgéntiam**. etc.

**D**OMINUS noster Jesus Christus, Fílius Dei vivi, qui beáto Petro Apóstolo suo dedit potestátem ligándi atque solvéndi, per suam piíssimam misericórdiam recípiat confessiόνem tuam, et remíttat tibi ómnia peccáta, quaecúmque et quomodocúmque in toto vitae decúrsu commisísti; de quibus corde contrítus, et ore confésus es, restítuens tibi stolam primam, quam in baptísmate recepísti. Et per Indulgéntiam plenáriam a summis Pontíficibus Innocéntio Octávo, et Pio Quinto confratribus sanctíssimi Rosárii in artículo mortis constitútis concessam, liberet te a praeséntis ac futúrae vitae poenis, dignétur purgatórii cruciátus remíttre, portas ínferi cláudere, Paradísi jánuam aperíre, teque ad gáudia sempitérna perducere, per sacratíssima suae vitae, passiónis, et glorificatiónis mystéria sanctíssimo Rosário comprehénsa. Qui cum Patre et Spíritu sancto Deus unus vivit et regnat in saecula saeculórum. Amen.



## BENEDICTIONES

variae, quae semper cum stola dici debent a Sacerdote, excepta benedictione itinerantium.

Benedictiones autem hic non positae, in Missali requirantur.

## BENEDICTIO

ad quaecumque volueris.

*V.* Adjutórium nostrum in nómine Dómini. *R.* Qui fecit caelum et terram.

*V.* Dóminus vobíscum.

Orémus.

**B**ENE ✠ DIC Dómine creatúram istam *N.* ut sit remédium salutáre gēneri humano : et praesta per invocatiónem tui sancti nóminis, ut quicumque ea usi fúerint, corpóris sanitátem, et ánimae tutelam accípiant. Per Christum.

Aspergatur aqua benedicta.

## BENEDICTIO

Vestimentorum Fratrum, et Sororum.

*V.* Adjutórium nostrum. etc.

*V.* Dóminus vobíscum.

Orémus.

**D**OMINE Jesu Christe, qui tégimen nostrae mortalitátis induere dignátus es : obsecrámus imménsae largitátis tuae abundántiam, ut hoc genus vestimentórum, quod sancti Patres ad innocentiae et humilitátis indícium ferre

sanxérunt, ita bene ✠ dicere dignéris, ut, qui hoc usus fúerit, te induere mereátur, Christum Dóminum nostrum.

*R.* Amen.

Aspergantur aqua benedicta.

## BENEDICTIO

Rosariorum.

*V.* Adjutórium nostrum. etc.

*V.* Dómine exáudi oratiómem meam.

*V.* Dóminus vobíscum.

Orémus.

**O**MNIPOTENS et misericors Deus, qui propter exímiam caritátem tuam, qua dilexísti nos, Fílium tuum unigénitum, Dóminum nostrum Jesum Christum, de caelis in terram descéndere, et de beatíssimae Vírginis Maríae, Dóminae nostrae, útero sacratíssimo, Angelo nuntiánte, carnem suscípere, crucémque ac mortem subíre, et tértia die glorióse a mórtuis resúrgere voluísti, ut nos eríperes de potestáte diáboli : obsecrámus imménsam cleméntiam tuam, ut haec signa Rosárii, in honórem et laudem ejúsdem Genitrícis Fílii tui ab Ecclésia tua fidéli dicáta, bene ✠ dicas, et sancti ✠ fices, eisque tantam infúndas virtútem Spíritus sancti, ut quicumque horum quódlibet secum portáverit, atque in domo sua reverénter tenúerit, et in eis ad te, secúndum ejúsdem sanctae Societátis institúta,

divína contempládo mystéria, devóte oráverit, salúbri et per-severánti devotióne abúndet, sitque consors et párticeps ómnium gratiárum, privilegiórum, et indulgentiárum, quae eidem Societáti per sanctám sedem Apostólicam concéssa fuérunt; ab omni hoste visibili et invisibili semper et ubique in hoc saeculo liberétur; et in éxitu suo ab ipsa beatíssima Vírgine María Dei genitríce tibi plenus bonis opéribus praesentári mereátur. Per eúmdem Dóminum nostrum Jesum Christum Fílium tuum, qui tecum vivit et regnat in unitáte ejúsdem.

Aspergantur aqua benedicta.

### BENEDICTIO

Candelarum Societatis  
Rosarii.

℣. Adjutórium nostrum. etc.  
℣. Dóminus vobíscum.

Orémus.

**D**OMINE Jesu Christe, lux vera, qui illúminas omnem hóminem veniéntem in hunc mundum, effúnde per intercessiόνem Vírginis Maríae matris tuae, et per quíndecim ejus Rosárii mystéria bene ✠dictiónem tuam super hos céreos, et candélas, et sanctífica eas lúmine tuae grátiae : et concéde propítius, ut sicut haec luminária, igne visibili accénsa, noctúrnas depéllunt ténebras, ita corda nostra, invisibili igne, ac Spí-

ritus ✠ sancti splendóre illustráta, ómnium vitiórum caecitáte cáreant : ut puro mentis óculo cernere semper possimus, quae tibi plácita sunt, et nostrae salúti utíllia : quátenus post hujus saeculi caliginósa discrimina, ad lucem indeficiéntem perveníre mereámur. Qui vivis.

Aspergantur aqua benedicta

### BENEDICTIO

Rosarum.

℣. Adjutórium nostrum. etc.  
℣. Dóminus vobíscum.

Orémus.

**D**EUS creátor et conservátor géneris humáni, dator grátiae spirituális, et largítor aetérnae salútis, benedictiόνem tua sancta béne ✠dic has rosas, quas pro grátiis tibi exsolvéndis, cum devotióne, ac veneratióne beátae sempérque vírginis Maríae Rosárii, hódie tibi praesentámus, et pétimus benedíci, et infúndi in eis per virtútem sanctae Cru ✠ cis benedictiónem caeléstem : ut qui eas ad odóris suavitátem, et repelléndas infirmitátes humano úsui tribuísti, talem signáculo sanctae Cru ✠ cis benedictiónem accípiant, ut quibuscúmque in infirmitátibus appósitae fuérint, seu qui eas in dómibus suis portáverint, ab infirmitáte sanéntur; discédant diáboli, contremíscant, et fúgiant pávidi, cum suis mínístris, de habitatió-nibus illis, nec ámplius tibi ser-



viéntes inquietáre praesúmant.  
Per Christum.

Aspergantur aqua benedicta.

### BENEDICTIO

Aquae cum Reliquiis S. Petri  
Mart. Ord. Praed.

V. Adjutórium nostrum. etc.

V. Dóminus vobíscum.

Orémus.

**D**EUS, qui ad salutem  
humáni generis, máxima  
quaeque sacraménta in aquá-  
rum substantia condidísti,  
adesto propítius invocatióni-  
bus nostris, et eleménto huic  
aquae, quod beáti Petri Már-  
tyris tui virtúte consignámus,  
virtútem tuae bene ✠ dictiónis  
infúnde : ut per intervéntum  
ejúsdem Mártyris tui, sit fidé-  
libus tuis in remédium salu-  
táre, daemones ab eis ejíciens,  
morbos ac infirmitátes córporis  
et ánimae repéllens : et praesta,  
ut quicumque eam sumpserint,  
vel ea aspérsi fúerint, ab omni  
adversitate ánimae et córporis  
liberéntur, et utriúsque hómi-  
nis recípiant sanitátem. Per  
Christum Dóminum nostrum.  
R̃. Amen.

Orémus.

**I**MMENSAM cleméntiam  
tuam, omnípotens aetérne  
Deus, humíliter implorámus :  
ut hos fidéles tuos, ad reliquias  
beáti Petri Mártyris devóte  
accedéntes, et ejus suffrágia  
postulántes, tua ineffábili vir-  
túte bene ✠ dícere dignéris : ut

per intervéntum ejúsdem Már-  
tyris tui ab omni aegritúdine  
mentis et córporis liberáti,  
tuáque hic et ubíque miseri-  
córdia custodítí, et grátia sal-  
vátí, post hujus quoque viae  
ac vitae cursum, ad aetérna  
mereántur gáudia perveníre.  
Per Christum. R̃. Amen.

### BENEDICTIO

Olivarum, in festo S. Petri  
Martyris Ord. Praedic.

V. Adjutórium nostrum. etc.

V. Dóminus vobíscum.

Orémus.

**D**OMINE Jesu Christe,  
Fili Dei vivi, béne ✠ dic  
olívas istas supplicatióibus  
nostris: et infúnde eis, Dómine,  
per virtútem sanctae Cru ✠ cis,  
et per intercessiÓNem beáti  
Petri Mártyris, benedictiÓNem  
caeléstem, qui eas ad repellén-  
das ténebras humano géneri  
tribuísti : talémque benedictiÓNem  
signáculo sanctae Cru ✠ cis  
accípiant, ut in quibuscúmque  
locis pósitae fúerint, discédant  
príncipes tenebrárum, et con-  
tremíscant, et fúgiant pávidi,  
cum ómnibus minístris suis,  
de locis vel habitatióibus illis:  
non ibi nóceant fúlmina, et  
tempestátes; non fructus terrae  
consúmat, aut depérdat ulla  
intempéries eleménti; nihílque  
inquiétet, aut moléstet servién-  
tes tibi omnipoténti Deo : Qui  
vivis. R̃. Amen.

Aspergantur aqua benedicta.

## BENEDICTIO

Palmarum, vel aliorum Ramorum in eodem festo.

℟. Adjutórium nostrum. etc.

℟. Dóminus vobíscum.

Orémus.

**D**OMINE Jesu Christe, Fili Dei vivi, béne ✠ dic hos árborum ramos supplicatiónibus nostris : et infúnde eis, Dómine, per virtútem sanctæ Cru ✠ cis, et per intercessiónem beáti Petri Mártiris, benedictiónem caeléstem, qui triumphatúrus de hoste géneris humáni, per manus puerórum palmas, et árborum ramos in honórem tuum adhibéri volústi : talémque benedictiónem signáculo sanctæ Cru ✠ cis accípiant, ut in quibuscúmque locis áliquid ex eis pósitum fúerit, discédant príncipes tenebrárum, et contremíscant, ac fúgiant, etc. ut supra.

Aspergantur aqua benedicta.

## BENEDICTIO

Cinguli S. Thomae Aquinatis Ord. Praed. pro conservanda castitate.

℟. Adjutórium nostrum. etc.

℟. Dóminus vobíscum.

Orémus.

**D**OMINE Jesu Christe, Fili Dei vivi, puritátis amátor et custos, obsecrámus imménsam cleméntiam tuam :

ut sicut ministério Angelórum sanctum Thomam Aquinátem cingulo castitátis cingere, et a labe córporis ac ánimae prae-serváre fecísti : ita ad honórem et glóriam ejus bene ✠ dicere, et sancti ✠ ficáre dignéris cingula ista : ut quicúmque ipsa circa renes reveréter portáverit, ac tenúerit, ab omni immundítia mentis et córporis purificétur, atque in éxitu suo, per manus sanctórum Angelórum, tibi digne praesentári mereátur : Qui cum Patre et Spíritu sancto vivis et regnas per.

℟. Amen.

Aspergantur aqua benedicta.

## BENEDICTIO

Orationum S. Vincentii Ferrerii Ord. Praedic.

℟. Adjutórium nostrum. etc.

℟. Dóminus vobíscum.

Orémus.

**O**MNIPOTENS sempitérne Deus bene ✠ dicere, et sancti ✠ ficáre tua pietáte dignéris has oratiónes scriptas in tui Nóminis honórem, beátae Vírginis Maríae genitrícis tuae, ac beáti Vincéntii Confessóris tui : ut qui eis usi fúerint, vel in se portáverint, méritis et précibus ejúsdem beáti Vincéntii, salútem ánimae et córporis a te recípere mereántur : Qui vivis.

℟. Amen.

Aspergantur aqua benedicta.

## BENEDICTIO AQUAE

S. Vincentii Ferrerii pro  
infirmis.

℣. Adjutórium nostrum in  
nómine Dómini. R̃. Qui fecit  
caelum et terram.

℣. Sit nomen Dómini bene-  
dictum. R̃. Ex hoc nunc et  
usque in saeculum.

℣. Dómine exáudi oratióem  
meam. R̃. Et clamor meus. etc.

℣. Dóminus vobíscum. R̃. Et  
cum spíritu tuo.

Orémus.

**M**AJESTATEM tuam,  
Dómine, súpplices exorá-  
mus, ut qui in desérto erémi  
petram benedixísti, ut bis a  
virga Móysi percússa, aquae  
ex ea largíssime egrederéntur,  
et géminam illam percussiónem  
sacraméntum passióis,  
et duo ligna crucis significáre  
voluísti, tua quoque benigni-  
táte et cleméntia, per ejúsdem  
sanctae crucis mystérium,  
aquam istam larga benedi-  
ctióne sanctí ✠ fices, ut omnis  
infirmus qui de ea bíberit, vel  
ex ea aspérsus fúerit, sentiat  
statim salutárem tuae benedi-  
ctióis efféctum. Per Christum.

**B**ENEDICO hanc aquam  
in nómine Dei Pa ✠ tris  
omnipoténtis, qui hoc ad usum  
humánum gratum creávit ele-  
méntum, ut sit sórdium lavá-  
crum córporis et ánimae mira  
omnipoténtia elevátum; potum  
sitiéntibus tríbuat, refrigerium

sit aestuántibus, via et sémita  
navigántibus; et qui in aqua  
et per aquam in mundi uni-  
vérsi submersióne sacramén-  
tum novae legis praesignávit,  
cum oído ánimas salvávit in  
arca super eam ambulánte,  
apértis cataráctis caeli, plúere  
fecit eam quadragínta diébus,  
et quadragínta nóctibus super  
terram, hanc aquam bene ✠ dí-  
cat et sanctí ✠ fice, ut ad sui  
sancti Nóminis, et sancti Vin-  
centii invocatióem aegrótum  
sanet, consolídet infirmum,  
dejéctum érigat, immúndum  
purífice, ac peténti ab eo salú-  
tem poténter restítuat. In nó-  
mine Pa ✠ tris, et Fí ✠ lii, et  
Spíritus ✠ sancti. Amen.

Tangens Sacerdos vas aquae  
Reliquia vel imagine sancti  
Vincentii, dicat :

Orémus.

**A**DESTO, Dómine, sup-  
plicatióibus nostris, et  
eleménto huic aquae méritis  
sancti Vincéntii, cujus Relí-  
quia (vel imágine) tángitur,  
virtúte tuae iteratae bene ✠ di-  
ctióis infúnde, ut bibénti fiat  
potus ad salútem. In nómine  
Pa ✠ tris, et Fí ✠ lii, et Spíri-  
tus ✠ sancti. Amen.

Quatuor cruces in hac Ora-  
tione praesignatae fieri debent  
cum Reliquia vel imagine.  
Sacerdos dicat Antiphonam :

Adsit nobis propítius in  
hujus vitae vespere, ad Chri-  
stum nos Vincéntius tuto  
ferens itínere.

V. Ora pro nobis beáte Vincénti. R. Ut digni. etc.

Orémus.

**D**EUS, qui géntium multitudinem, mira beáti Vincéntii Confessóris tui praedicatióne, ad agnitióem tui nóminis veníre tribuísti : praesta quaesumus, ut quem ventúrum Júdicem nuntiávit in terris, praemiatórem habére mereámur in caelis : Christum. etc.

Hac formula uti valent tantum Sacerdotes Ordinis Praedicatorum. S. R. C. 30. Jan. 1873. approb. a Pio PP. IX. Cum licentia Mag. Ord. possunt omnes Sacerdotes, ex nova concessione Apostolica.

### BENEDICTIONES

Itinerantium.

**F**RATRES itinerare volentes accipiant benedictionem a Praelato, vel aliquo Sacerdote hoc modo.

Prostratis fratribus in modum veniae in choro, vel ante aliquod altare, vel ante Crucifixum in capitulo, qui daturus est benedictionem incipiat Psalm. **Levávi óculos.** pag. 102. et qui astant prosequantur eum alternatim hoc modo, ut qui dat benedictionem, dicat unum Versum, et reliqui alium. Dicto autem **Glória. Kyrie elíson.** etc. **Pater noster.** subjungat Praelatus, vel Sacerdos : **Et ne nos indúcas in tentatióem.**

V. Salvos fac servos tuos.

V. Dóminus vobíscum.

Orémus.

**A**DESTO Dómine supplicatióibus nostris : et viam famulórum tuórum in salutis tuae prosperitate dispóne; ut inter omnes viae, et vitae hujus varietates, tuo semper protegántur auxilio. Per Dóminum.

Postmodum erectos aspergat aqua benedicta.

Circa venientes de via idem observetur, hoc excepto, quod pro eis dicatur Psalm. **Ad te levávi.** pag. 103.

Oratio.

**M**ISERERE, quaesumus Dómine, famulis tuis : et quidquid in via eis subrípuit visus, vel audíus malae rei, aut otíosi sermónis, totum tua ineffábili cleméntia, et méritis beatíssimae Matris tuae Maríae, et sancti Patris nostri Domínici déleas, et abstérgas : Qui vivis.

### ITINERARIUM.

In ipso itineris ingressu dicatur : **In viam pacis dirige nos Dómine.**

Canticum.

**B**ENEDICTUS Dóminus Deus Israël. pag. 124.

Añá. In viam pacis et prosperitátis dírigat nos omnípotens et miséricors Dóminus : et Angelus Ráphaél comitétur

nobiscum in via, ut cum pace, salute, et gaudio revertámur ad própria.

Añã. Dómine non secúndum peccáta nostra fácias nobis : neque secúndum iniquitátes nostras retríbuas nobis.

Añã. Dómine ne memíneris iniquitátum nostrárum antiquárum : cito antícipent nos misericórdiae tuae, quia páuperes facti sumus nimis.

Añã. Adjuva nos Deus salutáris noster : et propter glóriam nóminis tui Dómine líbera nos : et propítius esto peccáti nostris propter nomen tuum.

Añã. Sub tuum praesídium confúgimus, sancta Dei Génitrix : nostras deprecatiónes ne despicias in necessitatibus, sed a perículis cunctis líbera nos semper, Virgo benedícta.

Añã. Angeli, Archángeli, Throni, et Dominationes, Principátus, et Potestátes, Virtútes caelórum, laudáte Dóminum de caelis, et oráte pro nobis.

Añã. Magne Pater sancte Domínice, mortis hora nos tecum súscipe, et hic semper nos pie réspice.

Añã. Christi pia grátia Sanctos sublimávit, quos Patris Domínici Ordo propagávit : nos eórum méritis pétimus júvari, atque suis précibus Deo commendári.

Añã. Sancti Dei omnes intercedere dignémini pro nostra, omniúmque salute.

Añã. Lux aetérna lúceat eis

Dómine, cum Sanctis tuis in aetérnum, quia pius es.

Kyrie eléison. Christe eléison. Kyrie eléison. Pater noster.

V. Et ne nos.

V. Benedíctus Dóminus die quotidie. R. Prósperum iter fáciat nobis Deus salutárium nostrórum.

V. Vias tuas Dómine demónstra nobis. R. Et sémitas tuas édoce nos.

V. Utinam dirigántur viae nostrae. R. Ad custodiéndas justificatiónes tuas.

V. Erunt prava in dirécta. R. Et áspera in vias planas.

V. Convérte nos Deus salutáris noster. R. Et avérte iram tuam a nobis.

V. Post partum virgo invioláta permansísti. R. Dei Génitrix intercède pro nobis.

V. Angelis suis Deus mandávit de te. R. Ut custódiant te in ómnibus viis tuis.

V. Pie Pater Domínice, tuórum memor óperum. R. Sta coram summo Júdice pro tuo coetu páuperum.

V. Exsultábunt sancti in glória. R. Laetabúntur in cubílibus suis.

V. Oráte pro nobis omnes Sancti Dei. R. Ut digni efficiámur promissionibus Christi.

V. A porta ínferi. R. Erue Dómine ánimas eórum.

V. Dómine exáudi oratió-nem meam. vel Dóminus vobíscum.

Orémus.

**D**EUS, qui filios Israël per maris médium sicco vestígio ire fecísti, quique tribus Magis iter ad te, stella duce, pandísti : tríbue nobis, quaesumus, iter prósperum, tempúsque tranquillum : ut Angelo tuo sancto cómite, ad eum, quo pérgrimus, locum, ac demum ad aetérnae salutis portum pervenire felíciter valeámus.

**D**EUS, qui Abraham puerum tuum, de Ur Chaldaeorum edúctum, per omnes suae peregrinationis vias illaesum custodísti : quaesumus, ut nos famulos tuos custodíre dignéris. Esto nobis, Dómine, in procíntu suffrágium, in via solátium, in aestu umbráculum, in plúvia et frígore tegumentum, in lassitúdine vehículum, in adversitaté praesídium, in lúbrico báculo, in naufrágio portus : ut te duce, quo téndimus prósperè perveniámus, et demum incólumes ad própria redeámus.

**A**DESTO Dómine supplicatiónibus nostris : et viam famulorum tuorum in salutis tuae prosperitaté dispóne; ut inter omnes viae et vitae hujus varietates, tuo semper protegántur auxílio.

**D**EUS, qui nos in tantis pérículis constitutos pro humana scis fragilitate non posse subsistere : da nobis salutem mentis et cóporis; ut ea, quae pro peccátis nostris

pátimur, te adjuvante vincámus.

**P**ROTEGE Dómine famulos tuos subsidiis pacis : et beatae Maríae semper vírginis patrocíniis confidéntes, a cunctis hóstibus redde secúros.

**D**EUS, qui miro ordine Angelórum ministéria, hominúmque dispensas; concede propítius : ut a quibus tibi ministrántibus in caelo semper assístitur, ab his in terra vita nostra muniátur.

**C**ONCEDE, quaesumus omnipotens Deus : ut qui peccatórum nostrórum póndere prémimur, beáti Domínici Confessóris tui, Patris nostri, patrocínio sublevémur.

**C**ONCEDE, quaesumus omnipotens Deus : ut ad meliorem vitam Sanctórum tuórum Ordinis nostri exéempla nos próvo-cent; quátenus quorum memóriam ágimus, étiam actus imitémur.

**T**RIBUE, quaesumus Dómine, omnes Sanctos tuos júgiter pro nobis oráre; et eos cleménter exaudíre dignéris.

**A**BSOLVE, quaesumus Dómine, ánimas famulorum famularúmque tuarum ab omni vínculo delictórum; ut in resurrectiónis glória, inter Sanctos et eléctos tuos resuscitati respírent. Per Dóminum.

*V.* Procedámus in pace.  
*R.* In nómine Dómini.

## ORATIONES

faciendae in visitatione  
Infirmorum.

**C**UM fratres aliquam personam infirmam decumbentem visitaverint, et aliquam Orationem super eam facere voluerint, poterunt uti forma infrascripta, videlicet : Primo intrantes domum, vel cameram infirmi, dicant :

**V. Pax huic dómui. R. Et omnibus habitántibus in ea.**

Et accedentes ad lectulum infirmi, eum dulciter saluent, ad patientiam hortantes, et aliqua verba sancta pro ipsius exhortatione et consolatione dicentes. Et quia infirmitas corporalis frequentius evenit propter infirmitatem spiritua-lem : hortentur eum, ut si cito velit sanari ab infirmitate, etiamsi infirmitas non sit multum gravis, integram et veram confessionem faciat de omnibus peccatis suis. Postmodum alter ex fratribus, qui major fuerit, et Sacerdos, dicat : **Caríssime, si Dóminus tibi praestáre dignábitur sanitátem, nonne propónis de cétero pro víribus, et a peccátis cavére, et ejus mandáta serváre?**

Quo promittente, dicat Sacerdos **V. Adjutórium nostrum in nómine Dómini. R. Qui fecit caelum et terram.**

**V. Dóminus vobíscum. R. Et cum spíritu tuo.**

Orémus.

**I**NTROEAT, quaesumus Dómine Jesu Christe, domum hanc sub nostrae humilitátis ingrèssu aetérna felicitas, divína prospéritas, seréna laetítia, caritas fructuósa, sánitas sempitérna. Effúgiat ex hoc loco accéssus daemonum, adsint Angeli pacis : domúmque hanc déserat, et effúgiat discórdia. Magnífica Dómine super nos nomen sanctum tuum, béne et dic conversatióni nostrae, sanctífica nostrae humilitátis ingrèssum : qui sanctus et pius es, et pérmanes cum Patre et Spíritu sancto in saecula saeculórum. Amen.

Psalm. Dómine ne in furóre.  
pag. 4.

**V. Dóminus vobíscum. R. Et cum spíritu tuo.**

**Sequéntia sancti Evangélíi secúndum Matthaeum.**

**R. Glória tibi Dómine.**

Dum Sacerdos dicit : **Sequéntia sancti.** etc. signum crucis faciat super se in fronte, super os, et super pectus, et similiter super infirmum, maxime si fuerit masculus : si vero femina fuerit, dum Sacerdos se signat, per semetipsam in locis praediéctis se signet. Hoc idem in sequentibus Evangelíis observetur.

**Cap. 8.**

**I**N illo témpore : Cum introísset Jesus Caphárnaum, accéssit ad eum centú-

rio, rogans eum, et dicens : Dómine, puer meus jacet in domo paralyticus, et male torquétur. Et ait illi Jesus : Ego véniam, et curábo eum. Et respóndens centúrio, ait : Dómine non sum dignus ut intres sub tectum meum : sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic, Vade, et vadit : et álii, Veni, et venit : et servo meo, Fac hoc, et facit. Audiens autem Jesus mirátus est, et sequéntibus se dixit : Amen dico vobis, non invéni tantam fidem in Israél. Dico autem vobis, quod multi ab Oriénte, et Occidénté vénient, et recumbent cum Abraham, et Isaac, et Jacob in regno caelórum : fílii autem regni ejiciéntur in ténebras exterióres : ibi erit fletus, et stridor déntium. Et dixit Jesus centurióni : Vade, et sicut credidísti, fiat tibi. Et sanátus est puer in illa hora.

℣. Dóminus vobíscum. R. Et cum spíritu tuo.

Orémus.

**V**IRTUTUM caeléstium Deus, qui ab humánis corpóribus omnem languórem, et omnem infirmitátem praecepti tui potestáte depéllis : adésto propítius huic fámulo tuo, (vel fámulae tuae) ut fugátis infirmitátibus, et víribus recéptis, nomen sanctum tuum, instauráta prótinus

sanitáte, benedícat. Per Dóminum. R. Amen.

Psalm. Exáudiat. pag. 15.

Añá. Média vita in morte sumus: quem quaerimus adjutórem, nisi te Dómine? qui pro peccátis nostris juste irásceris : \* Sancte Deus, sancte fortis, sancte et miséricors Salvátor, amárae morti ne tradas nos. V. Ne projicias nos in témpore senectútis : cum defecerit virtus nostra, ne derelínquas nos Dómine. Sancte Deus.

Kyrie eléison. Christe eléison. Kyrie eléison. Pater noster. Et ne nos. etc.

V. Miserére mei Dómine, quóniam infirmus sum. R. Sana me Dómine, quóniam conturbáta sunt ómnia ossa mea.

℣. Post partum. etc.

℣. Angelis suis. etc.

℣. Ora pro nobis beáte Pater Domínice. etc.

V. Salvum fac servum tuum. R. Deus meus sperántem in te.

V. Mitte ei, Dómine, auxílium de sancto. R. Et de Sion tuére eum.

V. Nihil proficiat inimícus in eo. R. Et fílius iniquitátis non appónat nocére ei.

V. Esto ei, Dómine, turris fortitúdinis. R. A fácie inimíci.

℣. Dómine exáudi. etc.

℣. Dóminus vobíscum.

Orémus.

**O**MNIPOTENS sempitérne Deus, infirmitátem fámuli tui (vel fámulae tuae)



propítius réspice, atque ad protegéndum eum (eam) déxteram tuae majestátis exténde.

**C**ONCEDE hunc fámulum tuum, (vel hanc fámulam tuam) quaesumus Dómine Deus, perpétua mentis et córporis salúte gaudére : et gloriósa beátae Maríae semper vírginis intercessióne, a praesénti liberári tristítia, et aetérna pérfrui laetítia.

**D**EUS qui miro órdine Angelórum ministéria, hominúmque dispénsas; concede propítius : ut a quibus tibi ministrántibus in caelo semper assístitur, ab his in terra vita nostra muniátur.

**C**ONCEDE, quaesumus Omnípotens Deus : ut qui peccatórum nostrórum póndere prémimur, beáti Domínici Confessóris tui, Patris nostri, patrocínio sublevémur.

**D**EUS, qui factúrae tuae afféctu : inclína aurem tuam supplicatióibus nostris, et fámulum tuum (vel fámulam tuam) ex advérta valetúdi-  
ne córporis laborántem, placátus réspice, et vísita in salutári tuo, et caeléstis grátiae praesta ei medicínam. Per Dóminum.  
R. Amen.

Completa ultima Oratione, Sacerdos utramque manum ponat super caput infirmi, et dicat Orationem de beato Vincentio, qua utebatur sanctus Ludovicus Bertrandus.

**S**UPER aegros manus impónent, et bene habébunt. Jesus Maríae Fílius, mundi salus et Dóminus, qui te traxit ad fidem cathólicam, te in ea consérvet, et beátum fáciat, et méritis beátae Vírginis Maríae, et beáti Domínici Patris nostri, et beáti Vincéntii, et ómnium Sanctórum, te ab hac infirmitáte liberáre dignétur.

Postea dicat : *Infítium sancti Evangélii secúndum Joánnem. In princípío erat Verbum, et Verbum erat. etc. totum dicatur; vel Evangelium Marci. Recumbéntibus. etc.*

Postea subjungat, dicens :

**D**OMINUS Jesus Christus apud te sit, ut te deféndat : intra te sit, ut te consérvet : ante te sit, ut te dedúcat : post te sit, ut te custódiat : super te sit, ut te bene †dícat : qui cum Patre, et Spíritu sancto in unitáte perfécta vivit et regnat in saecula saeculórum. Amen.

Benedíctio Dei omnipoténtis Pa†ris, et Fí†lii, et Spíritus † sancti, descéndat super te, et máneat semper. R. Amen.

Praedicta Oratio super Infirmos potest abbreviari ad libitum.

## COMMENDATIO

Animae in transitu exsistentis.

Dum infirmus morti penitus appropinquaverit, Sacer-

dos cum stola legat Litanias  
cum Versibus, et Orat. seq.

**K**YRIE eléison.  
Christe eléison.

Kyrie eléison.

Christe audi nos.

Christe exáudi nos.

Pater de caelis Deus, mise-  
rére ei.

Fili Redemptor mundi Deus,  
miserére ei.

Spíritus sancte Deus, mise-  
rére ei.

Sancta Trínitas unus Deus,  
miserére ei.

Sancta María, ora pro eo.

Sancta Dei Génitrix, ora.

Sancta Virgo vírginum, ora.

Sancte Míchaël, ora.

Sancte Gábriel, ora.

Sancte Ráphaël, ora.

Omnes sancti Angeli et Arch-  
ángeli, oráte pro eo.

Omnes sancti beatórum spirí-  
tuum órdenes, oráte pro eo.

Sancte Joánnes Baptísta, ora.

Sancte Joseph, ora.

Omnes sancti Patriárchae et  
Prophétae, oráte.

Sancte Petre, ora.

Sancte Paule, ora.

Sancte Andréa, ora.

Sancte Jacóbe, ora.

Sancte Joánnes, ora.

Sancte Thoma, ora.

Sancte Jacóbe, ora.

Sancte Philíppe, ora.

Sancte Bartholomaeae, ora.

Sancte Matthaeae, ora.

Sancte Simon, ora.

Sancte Thaddaeae, ora.

Sancte Matthía, ora.

Sancte Bárnaba, ora.

Sancte Marce, ora.

Sancte Luca, ora.

Omnes sancti Discípuli Dó-  
mini, oráte pro eo.

Omnes sancti Innocéntes,  
oráte pro eo.

Sancte Stéphane, ora.

Sancte Clemens, ora.

Sancte Cornéli, ora.

Sancte Cypriáne, ora.

Sancte Lauréti, ora.

Sancte Vincéti, ora.

Sancte Dionysi cum sóciis  
tuis, ora pro eo.

Sancte Mauríti cum sóciis  
tuis, ora pro eo.

Sancte Januári cum sóciis  
tuis, ora pro eo.

Sancti Fabiáne, et Sebastíane,  
oráte pro eo.

Sancti Cosma, et Damiáne,  
oráte pro eo.

Sancte Thoma, ora.

Sancte Petre, ora.

Sancte Joánnes cum sóciis  
tuis, ora pro eo.

Omnes sancti Mártýres, oráte.

Sancte Silvéster, ora.

Sancte Gregóri, ora.

Sancte Pie, ora.

Sancte Ambrósi, ora.

Sancte Augustíne, ora.

Sancte Hierónyme, ora.

Sancte Hilári, ora.

Sancte Martíne, ora.

Sancte Nicoláe, ora.

Sancte Antoníne, ora.

Sancte Pater Domínice, ora.

Sancte Pater Domínice, ora.

Sancte Thoma, ora.

Sancte Vincéti, ora.

|                                 |               |                                  |
|---------------------------------|---------------|----------------------------------|
| Sancte Hyacínthe,               | ora.          | Per gloriósam resurrectiόνem     |
| Sancte Raymúnde,                | ora.          | tuam, líbera.                    |
| Sancte Ludovíce,                | ora.          | Per admirábilem ascensiόνem      |
| Sancte Antóni,                  | ora.          | tuam, líbera.                    |
| Sancte Benedícite,              | ora.          | Per grátiam sancti Spíritus      |
| Sancte Bernárde,                | ora.          | Parácliti, líbera.               |
| Sancte Francísce,               | ora.          | In die judícii, líbera.          |
| Omnes sancti Confessóres, oráte |               | Peccatóres, Te rogámus, audi     |
| pro eo.                         |               | nos.                             |
| Sancta Anna,                    | ora.          | Ut iracúndiae tuae flagélla ab   |
| Sancta María Magdaléna,         | ora.          | eo amóveas, te rogámus.          |
| Sancta Martha,                  | ora.          | Ut ejus spíritum a loco angú-    |
| Sancta Felícitas,               | ora.          | stiae líberes, te rogámus.       |
| Sancta Perpétua,                | ora.          | Ut eum in regióne vivórum        |
| Sancta Agatha,                  | ora.          | aetérnis gáudiis confoveri       |
| Sancta Lucía,                   | ora.          | júbeas, te rogámus.              |
| Sancta Agnes,                   | ora.          | Ut nos exaudíre dignéris, te     |
| Sancta Caecília,                | ora.          | rogámus, audi nos.               |
| Sancta Catharína,               | ora.          | Fili Dei, te rogámus.            |
| Sancta Margaríta,               | ora.          | Agnus Dei, qui tollis peccáta    |
| Sancta Ursula cum sodálibus     |               | mundi, parce ei Dómine.          |
| tuis,                           | ora pro eo.   | Agnus Dei, qui tollis peccáta    |
| Sancta Catharína,               | ora.          | mundi, líbera eum Dómi-          |
| Sancta Rosa,                    | ora.          | ne.                              |
| Sancta Agnes,                   | ora.          | Agnus Dei, qui tollis peccáta    |
| Sancta Catharína,               | ora.          | mundi, miserére ei Dómi-         |
| Omnes sanctae Vírgines et       |               | ne.                              |
| Víduae,                         | oráte pro eo. | Kyrie eléison. Christe eléi-     |
| Omnes Sancti,                   | oráte pro eo. | son. Kyrie eléison.              |
| Propstius esto : Líbera eum     |               | Ista tria communiter dic. ab     |
| Dómine.                         |               | omnibus. Deinde in silentio      |
| A damnatióne perpétua, líbera.  |               | dicant omnes, Pater noster.      |
| A subitánea et improvísá        |               | Quo dicto, dicat Sacerdos : Et   |
| morte,                          | líbera.       | ne nos. R̃. Sed líbera nos.      |
| Ab imminéntibus peccatórum      |               | ℣. Salvum fac servum tuum.       |
| suórum perículis,               | líbera.       | R̃. Deus meus sperántem in te.   |
| Ab infestatióibus daemo-        |               | ℣. Mitte ei, Dómine, auxí-       |
| num,                            | líbera.       | lium de sancto. R̃. Et de Sion   |
| Per mystérium sanctae incar-    |               | tuére eum.                       |
| natiónis tuae,                  | líbera.       | ℣. Nihil proficiat inimícus      |
| Per passióem et crucem          |               | in eo. R̃. Et fílius iniquitátis |
| tua,                            | líbera.       | non appónat nocére ei.           |

V. Esto ei, Dómine, turris fortitúdinis. R. A fácie inimíci.

V. Dómine exáudi. etc.

V. Dóminus vobíscum.

Orémus.

**O**MNIPOTENS sempitérne Deus, conservátor animárum, qui quos díligis córripis, et quos récipis, pie ad emendatióem coérces : te invocámus Dómine, ut fámulo tuo, qui in córpore pátitur membrórum debilitátem, grátiam tuam conférre dignéris, ut in hora éxitus sui de córpore, absque mortális peccáti mácula, tibi datóri próprio per manus sanctórum Angelórum tuórum ejus ánima repraesentári mereáur. Per Christum Dóminum nostrum.

Postmodum, si adhuc vixerit, dicat sequentem commendationem, quae est secundum usum Romanae Ecclesiae.

**P**ROFICISCERE ánima christiána de hoc mundo : in nómine Dei Pa tris omnipoténtis, qui te creávit : in nómine Jesu Christi Fílii Dei vivi, qui pro te passus est : in nómine Spíritus sancti, qui in te effúsus est : in nómine Angelórum et Archangelórum : in nómine Thronórum et Dominatiónum : in nómine Principátuum et Potestátum : in nómine Chérubim et Séraphim : in nómine Patriarchárum et Prophetárum : in nómine sanctó-

rum Apostolórum et Evangelistárum : in nómine sanctórum Mártyrum et Confessórum : in nómine sanctórum Monachórum et Eremitárum : in nómine sanctárum Vírginum, et ómnium Sanctórum et Sanctárum Dei : hódie sit in pace locus tuus, et habitátió tua in sancta Sion. Per eúmdem Christum. R. Amen.

Orémus.

**D**EUS miséricors, Deus clemens, Deus, qui secundum multitudinem miserationum tuarum peccata poenitentium deles, et praeteritorum criminum culpas vénia remissionis evácuas : respice propítius super hunc fámulum tuum N. et remissionem ómnium peccatórum suórum tota cordis confessióne poscén-tem, deprecátus exáudi. Rénova in eo, piíssime Pater, quidquid terréna fragilitáte corrúptum, vel quidquid diabólica fraude violátum est : et unitáti córporis Ecclesiae membrum redemptionis annécte. Miserére, Dómine, gemituum, miserére lacrymárum ejus : et non habéntem fidúciam, nisi in tua misericórdia, ad tuae sacraméntum reconciliatióis admítte. Per Christum.

**C**OMMENDO te omnipoténti Deo, caríssime frater, et ei, cujus es creatúra, commítto : ut cum humanitátis

débitum morte interveniēte persólveris, ad Auctórem tuum, qui te de limo terrae formáverat, revertáris. Egrediēti itaque ánimae tuae de córpore spléndidus Angelórum coetus occúrrat : iudex Apostolórum tibi senátus advéniat : candidatórum tibi Mártyrum triumphátor exércitus óbviat : liliáta rutilántium te Confessórum turma circúmdet : jubilántium te Vírginum chorus excípiat : et beátae quiétis in sinu Patriarchárum te compléxus astríngat : mitis atque festívus Christi Jesu tibi aspéctus appáreat, qui te inter assisténtes sibi júgiter interésse decérnat. Ignóres omne, quod horret in ténebris, quod stridet in flammis, quod crúciat in torméntis. Cedat tibi tetérrimus sátanás cum satellítibus suis : in adventu tuo te, comitántibus Angelis, contremíscat, atque in aetérnae noctis chaos immane diffúgiat. Exsúrgat Deus, et dissipéntur inimíci ejus : et fúgiant, qui odérunt eum, a fácie ejus. Sicut déficit fumus, deficiant : sicut fluit cera a fácie ignis, sic péreant peccatóres a fácie Dei : et justí epuléntur, et exsúltent in conspéctu Dei. Confundántur igitur, et erubéscant omnes tartáreae legiões, et minístri sátanæ iter tuum impedíre non áudeant. Líberet te a cruciátu Christus, qui pro te crucifíxus est. Líberet te ab aetérna

morte Christus, qui pro te mori dignátus est. Constítuat te Christus Fílius Dei vivi intra paradísi sui semper amoena viréntia, et inter oves suas te verus ille Pastor agnóscat. Ille ab ómnibus peccátis tuis te absólvat, atque ad déxteram suam in electórum suórum te sorte constítuat. Redemptórem tuum fácie ad fáciem vídeas, et praesens semper assístens, manifestíssimam beátis óculis aspicias veritátem. Constitútus igitur inter ágmina Beatórum, contemplatiónis divínae dulcédine potiáris in saecula saeculórum. R. Amen.

Oratio.

**S**USCIPE Dómine servum tuum in loco sperándae sibi salvatiónis a misericórdia tua. R. Amen.

Líbera Dómine ánimam servi tui ex ómnibus perículis inférni, et de láqueis poenarum, et ex ómnibus tribulatió nibus. R. Amen.

Líbera Dómine ánimam servi tui, sicut liberásti Henoch et Elíam de commúni morte mundi. R. Amen.

Líbera Dómine ánimam servi tui, sicut liberásti Noë de dilúvio. R. Amen.

Líbera Dómine ánimam servi tui, sicut liberásti Abraham de Ur Chaldaeorum. R. Amen.

Líbera Dómine ánimam servi tui, sicut liberásti Job de passió nibus suis. R. Amen.

Líbera Dómine ánimam servi tui, sicut liberásti Isaac de hóstia, et de manu patris sui Abrahæ. R̃. Amen.

Líbera Dómine ánimam servi tui, sicut liberásti Lot de Sódomis, et de flamma ignis. R̃. Amen.

Líbera Dómine ánimam servi tui, sicut liberásti Móysen de manu Pharaónis regis Ægyptiórum. R̃. Amen.

Líbera Dómine ánimam servi tui, sicut liberásti Daniélem de lacu leónum. R̃. Amen.

Líbera Dómine ánimam servi tui, sicut liberásti tres púeros de camíno ignis ardéntis, et de manu regis iníqui. R̃. Amen.

Líbera Dómine ánimam servi tui, sicut liberásti Susánnam de falso crímine. R̃. Amen.

Líbera Dómine ánimam servi tui, sicut liberásti David de manu regis Saul, et de manu Golíæ. R̃. Amen.

Líbera Dómine ánimam servi tui, sicut liberásti Petrum et Paulum de carcéribus. R̃. Amen.

Et sicut beatíssimam Theclam Vírginem et Mártirem tuam de tribus atrocíssimis tormentis liberásti, sic liberáre dignéris ánimam hujus servi tui, et tecum fácias in bonis congaudére caeléstibus. R̃. Amen.

Oratio.

**C**OMMENDAMUS tibi, Dómine, ánimam fámuli tui N. precamúrque te, Dó-

mine Jesu Christe, Salvátor mundi, ut propter quam ad terram misericórditer descendísti, Patriarchárum tuórum sínibus insinuáre non rénuas. Agnósce Dómine creatúram tuam, non a diis aliénis creatam, sed a te solo Deo vivo et vero : quia non est álius Deus praeter te, et non est secúndum ópera tua. Laetífica Dómine ánimam ejus in conspéctu tuo, et ne memíneris iniquitátum ejus antiquárum, et ebrietátum, quas suscitávit furor, sive fervor mali desidérii. Licet enim peccáverit, tamen Patrem, et Fílium, et Spíritum sanctum non negávit : sed crédidit, et zelum Dei in se hábuit, et Deum, qui fecit ómnia, fidéliter adorávit.

Oratio.

**D**ELICTA juventútis, et ignorántias ejus, quaesumus, ne memíneris Dómine : sed secúndum magnam misericórdiam tuam memor esto illíus in glória claritátis tuæ. Aperiántur ei caeli, collaeténtur illi Angeli. In regnum tuum, Dómine, servum tuum súscipe. Suscípiat eum sanctus Míchaél Archángelus Dei, qui milítiae caeléstis méruit principátum. Véniant illi óbviám sancti Angeli Dei, et perdúcant eum in civitátem caeléstem Jerúsalem. Suscípiat eum beátus Petrus Apóstolus, cui a Deo claves regni caeléstis.

stis traditae sunt. Adjuvet eum sanctus Paulus Apóstolus, qui dignus fuit esse vas electiōnis. Intercédāt pro eo sanctus Joānnes, electus Dei Apóstolus, cui revelata sunt secreta caeléstia. Orent pro eo omnes sancti Apóstoli, quibus a Dómino data est potestas ligandi atque solvendi. Intercédant pro eo omnes Sancti et electi Dei, qui pro Christi nómine torménta in hoc saeculo sustinuerunt; ut vñculis carnis exútus, pervenire mereátur ad glóriam regni caeléstis : praestante Dómino nostro Jesu Christo, qui cum Patre et Spíritu sancto vivit et regnat. etc.

Si anxietur adhuc anima, dicuntur hi Psalmi, videlicet : **Confitémini Dómino.** pag. 92. et totus Psalm. **Beati immaculati.** per Horas distributus.

### SUFFRAGIA

egressa anima dicenda.

R̃. Subveníte Sancti Dei, occurríte Angeli Dómini :  
\* **Suscipiéntes ánimam ejus, Offeréntes eam in conspéctu Altíssimi.** V. **Suscípiat te Christus, qui vocávit te, et in sinum Abrahae Angeli dedúcant te. Suscipiéntes.** V. **Réquiem aetérnam dona ei Dómine : et lux perpétua lúceat ei. Offeréntes.**

Deinde **Kyrie eléison. Christe eléison. Kyrie eléison.** Postea **Pater noster.** secreto. V. **Et ne nos indúcas in ten-**

tatiónem. R̃. **Sed líbera nos a malo.**

V. **Réquiem aetérnam dona ei Dómine.** R̃. **Et lux perpétua lúceat ei.**

V. **A porta inferi.** R̃. **Erue Dómine ánimam ejus.**

V. **Requiescat in pace.** R̃. **Amen.**

V. **Dómine exáudi oratiónem meam.** R̃. **Et clamor meus ad te véniat.**

V. **Dóminus vobíscum.** R̃. **Et cum spíritu tuo.**

Oratio.

**III**BI, Dómine, commendámus ánimam fámuli tui N. ut defúnctus saeculo, tibi vivat : et quae per fragilitátem humánae conversatiónis peccáta commísit, tu vénia misericordíssimae pietátis abstérge. Per Christum.

### OFFIC. DEFUNCTORUM.



**Q**UALIBET Septimana per totum annum, duabus tantum exceptis, Paschae videlicet, et Pentecostes, omnes et singuli, tam in choro, quam extra, semel in Septimana recitare debent Vigiliis pro defunctis, Vesp. scilicet, et Matut. cum novem Lectionibus. Quod si Anniversarium quodcumque Ordinis venerit, vel pro praesenti defuncto, vel qualibet alia causa, infra Hebdomadam quocumque die fuerint praedictae Vigiliae recitandae, eadem

pro supradicta obligatione sufficiant : neque fratres ad alias illa Hebdomada teneantur. In Hebdomada tamen Commem. omnium Defunctorum, ij. Novembris, tenentur fratres praeter Offic. dici Animarum, ad easdem Vigiliis persolvendas. Et notandum, quod Anniversarium quodlibet eo die, quo positum est in Breviario, debet celebrari : nisi in illo die occurrerit Dominica, aut festum de praecepto, vel Totum Duplex, quod ceteris ejusdem ritus in concomitantia sit praeponden- dum, aut FERIA IV. Cinerum : quo in casu Anniversarium transfertur in sequentem diem similiter non impeditam.

## AD VESPERAS.

Absque **Pater noster.** absolute inchoetur

Psalmus 114.



**DILEXI**, quoniam exaudiet Dominus \* vocem orationis meae.

Quia inclinavit aurem suam mihi : \* et in diebus meis invocabo.

Circumdederunt me dolores mortis : \* et pericula inferni invenérunt me.

Tribulationem et dolorem invéni : \* et nomen Domini invocavi.

O Domine libera animam meam : \* misericors Dominus, et justus, et Deus noster miseretur.

Custodiens párvulos Dóminus : \* humiliátus sum, et liberávit me.

Convértere ánima mea in réquiem tuam : \* quia Dóminus benefécit tibi.

Quia erípuit ánimam meam de morte : \* óculos meos a lácrymis, pedes meos a lapsu.

Placébo Dómino \* in regiónē vivórum.

In fine omnium Psalmorum et Canticorum dicatur **Réquiem aetérnam dona eis Dómine : \*** et lux perpétua lúceat eis.

Añã. Placébo Dómino in regiónē vivórum.

Psalmus 119.

**AD** Dóminum cum tribulárer clamávi : \* et exaudivit me.

Dómine líbera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi \* ad linguam dolósam?

Sagíttae poténtis acútae, \* cum carbónibus desolatóriis.

Heu mihi, quia incolátus meus prolongátus est : \* habitávi cum habitántibus Cedar : multum íncola fuit ánima mea.

Cum his, qui odérunt pacem, eram pacíficus : \* cum loquébar illis, impugnábant me gratis.

Añã. Heu mihi, quia incolátus meus prolongátus est.

Psalmus 120.

**LEVAVI** óculos meos in montes, \* unde véniet auxílium mihi.



Auxílium meum a Dómino, \* qui fecit caelum et terram.

Non det in commotióem pedem tuum : \* neque dormítet qui custódit te.

Ecce non dormitábit neque dórmiet, \* qui custódit Israël.

Dóminus custódit te, Dóminus protéctio tua, \* super manum dexteram tuam.

Per diem sol non uret te : \* neque luna per noctem.

Dóminus custódit te ab omni malo : \* custódiat ánimam tuam Dóminus.

Dóminus custódiat intróitum tuum, et éxitum tuum : \* ex hoc nunc, et usque in saeculum.

Añã. Dóminus custódit te ab omni malo : custódiat ánimam tuam Dóminus.

Psalmus 129.

**D**E profúndis clamávi ad te Dómine : \* Dómine exáudi vocem meam :

Fiant aures tuae intendéntes, \* in vocem deprecationis meae.

Si iniquitátes observáveris Dómine : \* Dómine quis sustinébit?

Quia apud te propitiatio est : \* et propter legem tuam sustínui te Dómine.

Sustínuit ánimam mea in verbo ejus : \* sperávit ánimam mea in Dómino.

A custódia matutína usque ad noctem : \* speret Israël in Dómino.

Quia apud Dóminum misericórdia : \* et copiósa apud eum redemptio.

Et ipse rédimet Israël, \* ex ómnibus iniquitatibus ejus.

Añã. Si iniquitátes observáveris Dómine : Dómine quis sustinébit?

Psalmus 137.

**C**ONFITEBOR tibi Dómine in toto corde meo : \* quóniam audísti verba oris mei.

In conspéctu Angelórum psallam tibi : \* adorábo ad templum sanctum tuum, et confitébor nómini tuo.

Super misericórdia tua, et veritate tua : \* quóniam magnificásti super omne, nomen sanctum tuum.

In quacúmque die invocávero te, exáudi me : \* multiplicábis in ánimam mea virtútem.

Confiteántur tibi Dómine omnes reges terrae : \* quia audierunt ómnia verba oris tui :

Et cantent in viis Dómini : \* quóniam magna est glória Dómini.

Quóniam excélsus Dóminus, et humília respicit : \* et alta a longe cognóscit.

Si ambulávero in médio tribulatióis, vivificábis me : \* et super iram inimicórum meórum extendísti manum tuam, et salvum me fecit dextera tua.

Dóminus retribuet pro me : \* Dómine misericórdia tua in saeculum : ópera mánuum tuárum ne despicias.

Aña. Opera mánuum tuárum Dómine ne despicias.

Ad Magnificat, Aña. Audívi vocem de caelo dicentem mihi : Beáti mórtui, qui in Dómino moriúntur.

Finita Aña, dicatur **Pater noster.** secreto, et mox alte

Psalmus 145.

**L**AUDA ánima mea Dóminum, laudábo Dóminum in vita mea : \* psallam Deo meo quámdiu fúero.

Nolíte confídere in princípibus : \* in fíliis hóminum, in quibus non est salus.

Exíbit spíritus ejus, et revertétur in terram suam : \* in illa die peribunt omnes cogitationes eórum.

Beátus, cujus Deus Jacob adjutor ejus, spes ejus in Dómino Deo ipsus : \* qui fecit caelum et terram, mare, et ómnia, quae in eis sunt.

Qui custódit veritátem in saeculum, facit judícium injúriam paténtibus : \* dat escam esuriéntibus.

Dóminus solvit compedítos : \* Dóminus illúminat caecos.

Dóminus érigit elsos, \* Dóminus díligit justos.

Dóminus custódit ádvenas, pupíllum, et víduam suscipiet : \* et vias peccatórum dispédet.

Regnábit Dóminus in saecula Deus tuus Sion, \* in generatióem et generatióem.

Réquiem aetérnam. etc.

Postea **V. A porta inferi. R. Erue Dómine ánimas eórum.**

**Dóminus vobíscum.**

Orationes vero hoc ordine dicentur. Si fiant Vigiliae pro aliquo Episcopo, vel Sacerdote, dicatur prima Oratio, **Deus, qui inter apostólicos.** Si pro quocumque alio viro, **Inclína.** Si pro femina, **Quaesumus Dómine.** Si fiat Officium ordinarium pro fratribus, et familiaribus, et benefactoribus, **Deus véniae largítor.** et secunda erit, **Deus, qui nos patrem et matrem.** tertia, **Fidélium Deus.**

In omni Anniversario : prima, **Deus indulgentiárum.** secunda, **Deus, véniae.** tertia, **Fidélium Deus.** Si simul eveniat Obitus, et Anniversarium, dimittatur Oratio, **Deus, véniae.** et prima dicatur pro praesenti Defuncto, secunda de Anniversario, tertia non mutetur. Fiant etiam prostrationes, si eo die factae sunt in choro ad Horas canonicas.

Pro Episcopo, vel Sacerdote defuncto.

Oratio.

**D**EUS, qui inter apostólicos Sacerdotes, famulum tuum Pontificáli (vel Sacerdotáli) fecísti dignitáte vigére; praesta quaesumus, ut eórum quoque perpétuo aggregétur consórtio. Per Dóminum nostrum.

Pro viro defuncto.

Oratio.

**I**NCLINA Dómine aurem tuam ad preces nostras, quibus misericórdiam tuam supplices deprecámur : ut ánimam fámuli tui, quam de hoc saeculo migráre iussísti, in pacis ac lucis regiónē constituas; et Sanctórum tuórum júbeas esse consórtem. Per Dóminum.

Pro femina defuncta.

Oratio.

**Q**UAESUMUS Dómine, pro tua pietáte miserére ánimae fámulae tuae : et a contágiis mortalitátis exútam, in aetérnae salvatiónis partem restítue. Per Dóminum.

In omni Anniversario.

Oratio.

**D**EUS indulgentiárum Dómine, da animábus famulórum, famularúmque tuárum, quorum anniversárium depositiόνis diem commemorámus; refrigerií sedem, quietis beatitúdinem, et lúminis claritátem. Per Dóminum.

Pro fratribus, familiaribus, et benefactoribus defunctis.

Oratio.

**D**EUS, véniae largítor, et humánae salutis auctor, quaesumus cleméntiam tuam : ut nostrae congregatiónis fratres, soróres, familiáres, et benefactóres, qui ex hoc sae-

culo transiérunt; beáta María semper vírgine intercedente cum ómnibus Sanctis tuis, ad perpétuae beatitúdinis consórtium pervenire concédas. Per Dóminum.

Pro parentibus defunctis.

Oratio.

**D**EUS, qui nos patrem et matrem honoráre praecepísti; miserére cleménter animábus paréntum nostrórum : eorúmque peccáta dímítte; nosque eos in aetérnae claritátis gáudio fac vidére. Per Dóminum.

Pro omnibus fidelibus defunctis.

Oratio.

**F**IDELIUM Deus ónnium cónditor et redémptor, animábus famulórum, famularúmque tuárum remissiόνem cunctórum tríbue peccatórum : ut indulgéntiam, quam semper optavérunt, piis supplicatióibus consequántur : Qui vivis.

In fine ultimae Orationis non dicatur Dóminus vobiscum. nec Benedicámus Dómino. sed tantum Requiescant in pace. R̃. Amen.

Postea dicatur Pater noster. si immediate non dicitur Matutinum, vel non sequitur alia Hora.

AD MATUTINUM.

Absque Pater noster. et Credo. absolute inchoetur

In primo Nocturno.

Psalmus 5.



**VERBA** mea áuribus  
pércepe Dómine, \*  
intéllige clamórem  
meum.

Inténde voci oratiónis  
meae, \* rex meus et Deus  
meus.

Quóniam ad te orábo : \* Dó-  
mine mane exáudies vocem  
meam.

Mane astábo tibi et vidébo : \*  
quóniam non Deus volens  
iniquitátem tu es.

Neque habitábit juxta te  
málgnus : \* neque permané-  
bunt injústi ante óculos tuos.

Odísti omnes, qui operántur  
iniquitátem : \* perdes omnes,  
qui loquúntur mendácium.

Virum sánguinem et doló-  
sum abominábitur Dóminus : \*  
ego autem in multitúdine mi-  
sericórdiae tuae.

Introibo in domum tuam : \*  
adorábo ad templum sanctum  
tuum in timóre tuo.

Dómine deduc me in justítia  
tua : \* propter inimícos meos  
dírige in conspéctu tuo viam  
meam.

Quóniam non est in ore  
eórum véritas : \* cor eórum  
vanum est.

Sepúlcrum patens est guttur  
eórum, & linguis suis dolóse  
agébant, \* júdica illos Deus.

Décidant a cogitatióibus  
suis, & secúndum multitúdi-  
nem impietátum eórum expélle

eos, \* quóniam irritavérunt te  
Dómine.

Et laeténtur omnes, qui spe-  
rant in te, \* in aetérnum exsul-  
tábunt : et habitábis in eis.

Et gloriabúntur in te omnes,  
qui díligunt nomen tuum, \*  
quóniam tu benedíces justo.

Dómine, ut scuto bonae vo-  
luntátis tuae \* coronásti nos.

*Añá.* Dírige Dómine Deus  
meus in conspéctu tuo viam  
meam.

Psalmus 6.

**D**OMINE, ne in furóre tuo  
árguas me, \* neque in  
ira tua corrípias me.

Miserére mei Dómine quón-  
iam infirmus sum : \* sana  
me Dómine quóniam contur-  
báta sunt ossa mea.

Et ánima mea turbáta est  
valde : \* sed tu Dómine úsque-  
quo?

Convértere Dómine, et éripe  
ánimam meam : \* salvum me  
fac propter misericórdiam  
tuam,

Quóniam non est in morte  
quí memor sit tui : \* in inférno  
autem quis confitébitur tibi?

Laborávi in gémitu meo, &  
lavábo per síngulas noctes le-  
ctum meum : \* lácrymis meis  
stratum meum rigábo.

Turbátus est a furóre ócu-  
lus meus : \* inveterávi inter  
omnes inimícos meos.

Discédite a me omnes qui  
operámini iniquitátem : \* quón-  
iam exaudivit Dóminus vocem  
fletus mei.

Exaudivit Dóminus deprecaciónem meam, \* Dóminus orationem meam suscepit.

Erubescant, et conturbentur vehementer omnes inimici mei : \* convertantur et erubescant valde velociter.

Añã. Convertere Dómine, et éripe ánimam meam, quóniam non est in morte qui memor sit tui.

Psalmus 7.

**D**OMINE Deus meus in te speravi : \* salvum me fac ex ómnibus persecúentibus me, et líbera me.

Nequándo rápiat ut leo ánimam meam, \* dum non est qui rédimat, neque qui salvum fáciat.

Dómine Deus meus, si feci istud, \* si est iniquitas in má-nibus meis :

Si réddidi retribuéntibus mihi mala, \* decídã mérito ab inimícis meis inánis.

Persequátur inimícus ánimam meam, et comprehéndat, et concúlcet in terra vitam meam, \* et glóriam meam in púlverem dedúcat.

Exsúrge Dómine in ira tua : \* et exaltáre in fínibus inimicórum meórum.

Et exsúrge Dómine Deus meus in præcépto quod mandásti : \* et synagóga populórum circúmdabit te.

Et propter hanc in altum regrédere : \* Dóminus júdicat pópulos.

Júdicã me Dómine secúndum justítiam meam, \* et secúndum innocéntiam meam super me.

Consumétur nequítia peccatórum, et díriges justum, \* scrutans corda et renes Deus.

Justum adjutórium meum a Dómino, \* qui salvos facit rectos corde.

Deus iudex justus, fortis, et pátiens : \* numquid iráscitur per síngulos dies?

Nisi convérsi fuéritis, gládium suum vibrábit : \* arcum suum teténdit, et parávit illum.

Et in eo parávit vasa mortis, \* sagítas suas ardéntibus effécit.

Ecce partúriit injustítiam : \* concépit dolórem, et péperit iniquitátem.

Lacum apéruit, et effódit eum : \* et incidit in fóveam, quam fecit.

Convertétur dolor ejus in caput ejus : \* et in vérticem ipsíus iniquitas ejus descéndet.

Confitébor Dómino secúndum justítiam ejus : \* et psallam nómini Dómini altíssimi.

Añã. Nequándo rápiat ut leo ánimam meam, dum non est qui rédimat, neque qui salvum fáciat.

V. A porta ínferi. R. Erue Dómine ánimas eórum.

Pater noster. Et ne nos indúcas in tentatiónem.

Sine benedictione, et sine titulo legantur omnes sequentes Lectiones.

Lectio j.

Job 7.



**N**ARCE mihi Dómine, nihil enim sunt dies mei. Quid est homo, quia magnificas eum? aut quid appónis erga eum cor tuum? Vísitas eum dilúculo, et súbito probas illum. Usquequo non parcis mihi, nec dimíttis me ut glútiam salívam meam? Peccávi, quid fáciam tibi o custos hóminum? Quare posuísti me contrárium tibi, et factus sum mihimetípsi gravis? Cur non tollis peccátum meum, et quare non aufers iniquitátem meam? Ecce, nunc in púlvere dórmiam : et si mane me quaesíeris, non subsístam.

Lectioes terminentur sine Tu autem. vel alia conclus.

R. Credo quod Redemptor meus vivit, et in novíssimo die de terra surrectúrus sum : et in carne mea vidébo Deum \* Salvatórem meum. V. Quem visúrus sum ego ipse, et non álius, et óculi mei conspectúri sunt. Salvatórem.

Lectio ij.

Job 10.

**M**AEDET ánimam meam vitae meae, dimíttam advérsus me elóquium meum, loquar in amaritúdine ánimae meae. Dicam Deo : Noli me condemnáre : Indica mihi cur me ita júdices? Numquid bonum tibi vidétur, si calumniéris me, et ópprimas me opus mánuum tuárum, et consílium

impiórum ádjuves? Numquid óculi cárnei tibi sunt : aut sicut videt homo, et tu vidébis? Numquid sicut dies hóminis dies tui, et anni tui sicut humana sunt témpora, ut quae-  
ras iniquitátem meam, et peccátum meum scrutéris? Et scias quia nihil ímpium fécerim, cum sit nemo qui de manu tua possit erúere.

R. Qui Lázarus resuscitásti a monuménto foetidum : \* Tu eis Dómine dona réquiem, et locum indulgéntiae. V. Qui ventúrus es judicáre vivos et mórtuos, et saeculum per ignem. Tu eis.

Lectio iij.

Job 10.

**M**A N U S tuae, Dómine, fecérunt me, et plasma-  
vérunt me totum in circúitu : et sic repénite praecípitas me? Meménto quaeso quod sicut lutum féceris me, et in púlverem redúces me. Nonne sicut lac mulsísti me, et sicut cáseum me coagulásti? Pelle et cáribus vestísti me : óssibus et nervis compegísti me. Vitam et misericórdiam tribuísti mihi, et visitátio tua custodívit spíritum meum.

R. Dómine, quando véneris judicáre terram, ubi me abscondam a vultu irae tuae : \* Quia peccávi nimis in vita mea? V. Commíssa mea pavésco, et ante te erubésco : dum véneris judicáre, noli me condemnáre. Quia.

In secundo Nocturno.

Psalmus 22.



DOMINUS regit me, et nihil mihi déerit: \* in loco páscuae ibi me collocávit.

Super aquam refectiónis educávit me: \* ánimam meam convértit.

Dedúxit me super sémitas justítiae, \* propter nomen suum.

Nam, et si ambulávero in médio umbrae mortis, non timébo mala: \* quóniam tu mecum es.

Virga tua, et báculo tuus, \* ipsa me consoláta sunt.

Parásti in conspéctu meo mensam, \* advérsus eos, qui tríbulant me.

Impinguásti in óleo caput meum: \* et calix meus inébrians quam praeclárus est!

Et misericórdia tua subsequétur me \* ómnibus diébus vitae meae:

Et ut inhábitem in domo Dómini, \* in longitudinem diérum.

Añña. In loco páscuae ibi me collocávit.

Psalmus 24.

AD te Dómine levávi ánimam meam: \* Deus meus in te confido, non erubescam:

Neque irrideant me inimíci mei: \* étenim univérsi, qui sústinent te, non confundéntur.

Confundántur omnes iníqua agéntes \* supervácue.

Vias tuas Dómine démonstra mihi: \* et sémitas tuas édoce me.

Dírige me in veritáte tua, et doce me: \* quia tu es Deus salvátor meus, et te sustínui tota die.

Reminíscere miseratiónum tuárum Dómine, \* et misericórdiarum tuárum, quae a saeculo sunt.

Delícta juventútis meae, \* et ignorántias meas ne memínaris.

Secúndum misericórdiam tuam meménto mei tu: \* propter bonitátem tuam Dómine.

Dulcis et rectus Dóminus: \* propter hoc legem dabit delinquentibus in via.

Díriget mansuétos in iudicio: \* docébit mites vias suas.

Univérsae viae Dómini, misericórdia et véritas, \* requiréntibus testaméntum ejus et testimónia ejus.

Propter nomen tuum Dómine propitiáberis peccáto meo: \* multum est enim.

Quis est homo qui timet Dóminum? \* legem státuit ei in via, quam elégit.

Anima ejus in bonis demorábitur: \* et semen ejus hereditábit terram.

Firmaméntum est Dóminus timéntibus eum: \* et testaméntum ipsíus ut manifestétur illis.

Oculi mei semper ad Dóminum: \* quóniam ipse evéllat de láqueo pedes meos.

Réspice in me, et miserére mei : \* quia únicus et pauper sum ego.

Tribulatiónes cordis mei multiplicatae sunt : \* de necessitatibus meis érué me.

Vide humilitátem meam, et labórem meum : \* et dimítte univérsa delícta mea.

Réspice inimícos meos quóniam multiplicáti sunt, \* et ódio iníquo odérunt me.

Custódi ánimam meam, et érué me : \* non erubéscam quóniam sperávi in te.

Innocéntes et recti adhaesérunt mihi : \* quia sustínui te.

Líbera Deus Israël, \* ex ómnibus tribulatió nibus suis.

Añã. Delícta juventútis meae, et ignorántias meas ne memíneris Dómine.

Psalmus 26

**D**OMINUS illuminátio mea, et salus mea, \* quem timébo?

Dóminus protéctor vitae meae, \* a quo trepidábo?

Dum apprópíant super me nocéntes, \* ut edant carnes meas :

Qui tríbulant me inimíci mei, \* ipsi infirmáti sunt et cecidérunt.

Si consístant advérsus me castra, \* non timébit cor meum.

Si exsúrgat advérsus me proelium, \* in hoc ego sperábo.

Unam pétii a Dómino, hanc requíram, \* ut inhábitem in

domo Dómini ómnibus diébus vitae meae :

Ut vídeam voluptátem Dómini, \* et vísitem templum ejus.

Quóniam abscondit me in tabernáculo suo : \* in die malórum protéxit me in abscondito tabernáculi sui.

In petra exaltávit me : \* et nunc exaltávit caput meum super inimícos meos.

Circuívi, et immolávi in tabernáculo ejus hóstiam vociferatiónis : \* cantábo, et psalmum dicam Dómino.

Exáudi Dómine vocem meam, qua clamávi ad te : \* miserére mei, et exáudi me.

Tibi dixit cor meum, ⁊ exquisívit te fácies mea : \* fáciem tuam Dómine requíram.

Ne avértas fáciem tuam a me : \* ne declínes in ira a servo tuo.

Adjútor meus esto : \* ne derelínquas me, neque despicias me Deus salutáris meus.

Quóniam pater meus, et mater mea dereliquérunt me : \* Dóminus autem assúmpsit me.

Legem pone mihi Dómine in via tua : \* et dírige me in sémitam rectam propter inimícos meos.

Ne tradíderis me in ánimas tribulántium me : \* quóniam insurrexérunt in me testes iníqui, et mentíta est iníquitas sibi.

Credo vidére bona Dómini \* in terra vivéntium.



Exspécta Dóminum, viriliter age : \* et confortétur cor tuum, et sústine Dóminum.

Añña. Credo vidére bona Dómini in terra vivéntium.

℣. In memória aetérna erunt iusti. ℞. Ab auditióne mala non timébunt.

Lectio iv.

Job 13.



**R**ESPONDE mihi. Quantas hábeo iniquitátes et peccáta, scélera mea et delícta osténde mihi. Cur fáciem tuam abscondis, et arbitráris me inimicum tuum? Contra fólium, quod vento rápitur, osténdis poténtiam tuam, et stípulam siccam perséqueris. Scribis enim contra me amaritúdes, et consúmere me vis peccátis adolescéntiae meae. Posuísti in nervo pedem meum, et observásti omnes sémitas meas, et vestígia pedum meórum considerásti : Qui quasi putrédo consuméndus sum, et quasi vestiméntum, quod coméditur a tínea.

℞. Heu mihi, Dómine, quia peccávi nimis in vita mea. Quid fáciam miser? ubi fúgiam, nisi ad te Deus meus? Miserére mei, dum véneris \* In novíssimo die. ℣. Anima mea turbáta est valde, sed tu Dómine succúrre ei. In novíssimo.

Lectio v.

Job 14.

**H**OMO natus de muliere, brevi vivens témpore, replétur multis misériis. Qui

quasi flos egréditur et contéri-tur, et fugit velut umbra, et nunquam in eódem statu pérmanet. Et dignum ducis super hujuscémodi aperíre óculos tuos, et addúcere eum tecum in iudícium? Quis potest fácere mundum de immúndo concéptum sémine? Nonne tu qui solus es? Breves dies hóminis sunt, númerus ménsium ejus apud te est : contituísti téminos ejus, qui praeteríri non póterunt. Recéde páululum ab eo, ut quiéscat, donec optáta véniat, sicut mercenárii dies ejus.

℞. Ne recordéris peccáta mea, Dómine : \* Dum véneris iudicáre saeculum per ignem. ℣. Dírige Dómine Deus meus in conspéctu tuo viam meam. Dum véneris.

Lectio vj.

Job 14.

**Q**UIS mihi hoc tríbuat, ut in inférno prótegas me, et abscondas me, donec pertráns-eat furor tuus, et constitúas mihi témpus, in quo recordéris mei? Putásne mórtuus homo rursum vivat? Cunctis diébus, quibus nunc mslito, exspécto donec véniat immutátio mea. Vocábis me, et ego respondébo tibi : óperi mánuum tuárum pórriges dexteram. Tu quidem gressus meos dinumerásti, sed parce peccátis meis.

℞. Dómine secúndum actum meum noli me iudicáre : nihil dignum in conspéctu tuo egi : \* Ideo déprecor majestátem

tuam, ut tu Deus déleas iniquitatem meam. *V.* Amplius lava me, Dómine, ab injustítia mea, et a delícto meo munda me : quia tibi soli peccávi. Ideo déprecor majestátem.

In tertio Nocturno.

Psalmus 39.



**X**SPECTANS expectávi Dóminum, \* et inténdit mihi.

Et exaudivit preces meas : \* et edúxit me de lacu misériae, et de luto faecis.

Et státuit super petram pedes meos : \* et diréxit gressus meos.

Et immísit in os meum cánticum novum, \* carmen Deo nostro.

Vidébunt multi, et timébunt : \* et sperábunt in Dómino.

Beátus vir, cujus est nomen Dómini spes ejus : \* et non respéxit in vanitátes et insánias falsas.

Multa fecísti tu Dómine Deus meus mirabília tua : \* et cogitatiónibus tuis non est qui símilis sit tibi.

Annuntiávi et locútus sum : \* multiplicáti sunt super númerum.

Sacrificíum et oblatiónem noluísti : \* aures autem perfecísti mihi.

Holocáustum et pro peccáto non postulásti : \* tunc dixi : Ecce vénio.

In cápite libri scriptum est de me ut fácerem voluntátem tuam : \* Deus meus vólui, et legem tuam in médio cordis mei.

Annuntiávi justítiam tuam in ecclésia magna, \* ecce lábia mea non prohibébo : Dómine tu scisti.

Justítiam tuam non abscóndi in corde meo : \* veritátem tuam et salutáre tuum dixi.

Non abscóndi misericórdiam tuam, et veritátem tuam \* a concílio multo.

Tu autem Dómine ne longe fácias miseratiónes tuas a me : \* misericórdia tua et véritas tua semper suscepérunt me.

Quóniam circumdedérunt me mala, quorum non est númerus : \* comprehendérunt me iniquitátes meae, et non pótui ut vidérem.

Multiplicátae sunt super capíllos cápitis mei : \* et cor meum derelíquit me.

Compláceat tibi Dómine ut éruas me : \* Dómine, ad adjuvándum me réspice.

Confundántur et revereántur simul, qui quaerunt ánimam meam, \* ut áuferant eam.

Convertántur retrórsum, et revereántur \* qui volunt mihi mala.

Ferant conféstim confusió-nem suam, \* qui dicunt mihi : Euge, euge.

Exsúltent et laeténtur super te omnes quaeréntes te : \* et

dicant semper : Magnificétur Dóminus : qui díligunt salutáre tuum.

Ego autem mendícus sum, et pauper : \* Dóminus sollicitus est mei.

Adjútor meus, et protéctor meus tu es : \* Deus meus ne tardáveris.

Añã. Compláceat tibi Dómine ut erípias me : Dómine, ad adjuvándum me respice.

Psalmus 40.

**B**EATUS qui intélligit super egénium, et páuperem : \* in die mala liberábit eum Dóminus.

Dóminus consérvet eum, et vivíficet eum, ⁊ et beátum fíciat eum in terra : \* et non tradat eum in ánimam inimicórum ejus.

Dóminus opem ferat illi super lectum dolóris ejus : \* univérsum stratum ejus versásti in infirmitáte ejus.

Ego dixi : Dómine miserére mei : \* sana ánimam meam, quia peccávi tibi.

Inimíci mei dixerunt mala mihi : \* Quando moriétur, et peribit nomen ejus?

Et si ingrediebátur ut vidéret, vana loquebátur, \* cor ejus congregávit iniquitátem sibi.

Egrediebátur foras \* et loquebátur in idípsum.

Advérsum me susurrábant omnes inimíci mei : \* advérsum me cogitábant mala mihi.

Verbum iníquum constituérunt advérsum me : \* Num-

quid qui dormit non adjíciet ut resúrgat?

Etenim homo pacis meae, in quo sperávi : \* qui edébat panes meos, magnificávit super me supplantatióem.

Tu autem Dómine miserére mei, et resúscita me : \* et retríbuam eis.

In hoc cognóvi quóniam voluísti me : \* quóniam non gaudébit inimícus meus super me.

Me autem propter innocéntiam suscepísti : \* et confirmásti me in conspéctu tuo in aetérnum.

Benedíctus Dóminus Deus Israél a saeculo, et usque in saeculum : \* fiat, fiat.

Añã. Sana Dómine ánimam meam, quia peccávi tibi.

Psalmus 41.

**Q**UEMADMODUM desiderat cervus ad fontes aquárum : \* ita desidérat ánimá mea ad te Deus.

Sitívit ánimá mea ad Deum fortem vivum : \* quando véniam et apparebo ante fáciem Dei?

Fuérunt mihi lácrymae meae panes die ac nocte : \* dum dicitur mihi quotidie : Ubi est Deus tuus?

Haec recordátus sum, et effúdi in me ánimam meam : \* quóniam transíbo in locum tabernáculi admirábilis, usque ad domum Dei :

In voce exsultatióis, et confessiόis : \* sonus epulántis.

Quare tristis es ánima mea? \*  
et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Ad meípsum ánima mea conturbáta est : \* proptérea memor ero tui de terra Jordánis, et Hermóniim a monte módico.

Abyssus abyssum ínvocat, \* in voce cataractárum tuárum.

Omnia excélsa tua, et fluctus tui \* super me transiérunt.

In die mandávit Dóminus misericórdiam suam, \* et nocte cánticum ejus.

Apud me orátio Deo vitæ meæ, \* dicam Deo : Suscéptor meus es,

Quare oblítus es mei? \* et quare contristátus incédo, dum affligit me inimícus?

Dum confringúntur ossa mea, \* exprobravérunt mihi qui trísbulant me inimíci mei :

Dum dicunt mihi per singulos dies : Ubi est Deus tuus? \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Añá. Sitívit ánima mea ad Deum vivum : quando véniam et apparebo ante fáciem Dómini?

V. Ne tradas béstiis ánimas confiténtes tibi. R. Et ánimas páuperum tuórum ne obliviscáris in finem.

Lectio vij.

Job 17.



**S**PIRITUS meus attenuábitur, dies mei breviabúntur, et solum mihi súperest sepúlcrum. Non peccávi, et in amaritudínibus morátur óculus meus. Líbera me Dómine, et pone me juxta te, et cuiúsvis manus pugnet contra me. Dies mei transiérunt, cogitationes meae dissipatae sunt, torquéntes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi : Pater meus es, mater mea, et soror mea, vérmibus. Ubi est ergo nunc praestolátio mea, et patiéntia mea? Tu es, Dómine Deus meus.

R. Peccántem me quotidie, et non me poeniténtem, timor mortis contúrbat me : \* Quia in inférno nulla est redemptio, miserére mei Deus, et salva me. V. Deus in nómine tuo salvum me fac, et in virtúte tua líbera me. Quia.

Lectio viij.

Job 19.

**P**ELLI meae, consúptis cárnibus, adhaesit os meum, et derelícta sunt tantúmmodo lábia circa dentes meos. Miserémini mei, miserémini mei, saltem vos amíci mei, quia manus Dómini tétigit me. Quare persequímini me sicut Deus, et cárnibus meis

saturámini? Quis mihi tríbuat ut scribántur sermónes mei? Quis mihi det ut exaréntur in libro stylo férreo, et plumbi lámina, vel celte sculpántur in sílice? Scio enim quod Redémptor meus vivit, et in novíssimo die de terra surrectúrus sum : et rursum circúmdabor pelle mea, et in carne mea vidébo Deum Salvatórem meum. Quem visúrus sum ego ipse, et óculi mei conspectúri sunt, et non álius : repósita est haec spes mea in sinu meo.

R7. Meménto mei Deus : quia ventus est vita mea, Nec aspíciat me visus hóminis. V. Et non revertétur óculus meus, ut vídeat bona. Nec aspíciat.

Lectio ix.

Job 10.

**Q**UARE de vulva eduxísti me? qui útinam consúptus essem ne óculus me vidéret. Fuíssem quasi non essem, de útero translátus ad túmulum. Numquid non páucitas diérum meórum finietur brevi? Dimítte ergo me, ut plangam páululum dolórem meum : ántequam vadam et non revértar, ad terram tenebrósam, et opértam mortis calígine : terram misériae et tenebrárum, ubi umbra mortis, et nullus ordo, sed sempitérnus horror inhábitat.

R7. Líbera me, Dómine, de morte aetérna, in die illa treménda : \* Quando caeli movéndi sunt, et terra : \* Dum

véneris judicáre saeculum per ignem. V. Dies illa, dies irae, calamitátis et misériae, dies magna et amára valde. Quando. usque Dum. exclusive. V. Tremens factus sum ego, et tímeo, dum discússio vénerit, atque ventúra ira. Dum. V. Créator ómnium rerum Deus, qui me de limo terrae formásti, et mirabíliter próprio sánguine redemísti, corpúsque meum, licet modo putréscat, de sepúlcro fácies in die judícii resuscitári : exáudi, exáudi me, ut ánimam meam in sinu Abrahae Patriárchae tui júbeas collocári. Líbera. usque ad j. V. exclusive.

IN LAUDIBUS.

Immediate inchoetur

Psalmus 50.



**I**SERERE mei Deus, \* secúndum magnam misericórdiam tuam.

Et secúndum multitudínem miseratiónum tuárum, \* dele iniquitátem meam.

Amplius lava me ab iniquitáte mea : \* et a peccáto meo munda me.

Quóniam iniquitátem meam ego cognóscó : \* et peccátum meum contra me est semper.

Tibi soli peccávi, et malum coram te feci : \* ut justificéris in sermónibus tuis, et vincas cum judicáris.

Ecce enim in iniquitatibus concéptus sum : \* et in peccátis concépit me mater mea.

Ecce enim veritatem dilexisti : \* incerta, et occulta sapientiae tuae manifestasti mihi.

Asperges me hyssopo, et mundabor : \* lavabis me, et super nivem dealbabor.

Auditui meo dabis gaudium et laetitiam : \* et exsultabunt ossa humiliata.

Averte faciem tuam a peccatis meis : \* et omnes iniquitates meas dele.

Cor mundum crea in me Deus : \* et spiritum rectum innova in visceribus meis.

Ne projicias me a facie tua : \* et spiritum sanctum tuum ne auferas a me.

Redde mihi laetitiam salutaris tui : \* et spiritu principali confirma me.

Docebo iniquos vias tuas : \* et impii ad te convertentur.

Libera me de sanguinibus Deus, Deus salutis meae : \* et exsultabit lingua mea justitiam tuam.

Domine, labia mea aperies : \* et os meum annuntiabit laudem tuam.

Quoniam si voluisses sacrificium, dedissem utique : \* holocaustis non delectaberis.

Sacrificium Deo spiritus contribulatus : \* cor contritum, et humiliatum Deus non despicies.

Benigne fac Domine in bona voluntate tua Sion : \* ut aedificentur muri Jerusalem.

Tunc acceptabis sacrificium justitiae, oblationes, et holo-

causta : \* tunc imponent super altare tuum vitulos.

Aññ. Exsultabunt Domino ossa humiliata.

Psalmus 64.

**I**E decet hymnus Deus in Sion : \* et tibi reddetur votum in Jerusalem.

Exaudi orationem meam : \* ad te omnis caro veniet.

Verba iniquorum praevaluerunt super nos : \* et impietatibus nostris tu propitiaberis.

Beatus, quem elegisti, et assumpsisti : \* inhabitabit in atriis tuis.

Replebimur in bonis domus tuae : \* sanctum est templum tuum, mirabile in aequitate.

Exaudi nos Deus salutaris noster, \* spes omnium finium terrae, et in mari longe.

Praeparans montes in virtute tua, accinctus potentia : \* qui conturbas profundum maris, sonum fluctuum ejus.

Turbabuntur gentes, et timebunt qui habitant terminos a signis tuis : \* exitus matutini et vespere delectabis.

Visitasti terram, et inebriasti eam : \* multiplicasti locupletare eam.

Flumen Dei repletum est aquis, parasti cibum illorum : \* quoniam ita est praeparatio ejus.

Rivos ejus inebria, multiplica genimina ejus : \* in stillicidiis ejus laetabitur germinans.

Benedíces corónae anni benignitátis tuae : \* et campi tui replebúntur ubertáte.

Pinguéscent speciósá desérti : \* et exsultatíone colles accingéntur.

Indúti sunt aríetes óvium, ⁊ et valles abundábunt fruménto : \* clamábunt, étenim hymnum dicent.

Añá. Exáudi Dómine oratió-nem meam : ad te omnis caro veniet.

Psalmus 62.

**D**EUS Deus meus \* ad te de luce vígilo.

Sitívit in te ánima mea, \* quam multipliciter tibi caro mea.

In terra desérta, et ínvia, et inaquósa : ⁊ sic in sancto appáruí tibi, \* ut vidérem virtútem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedícam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatíonis laudábit os meum.

Si memor fui tui super stratum meum, ⁊ in matutínis meditábor in te : \* quia fuísti adjútor meus.

Et in velaménto alárum tuárum exsultábo, ⁊ adhaesit ánima mea post te : \* me suscepit dextera tua.

Ipsi vero in vanum quae-siérunt ánimam meam, ⁊ introíbunt in inferióra terrae : \* tradéntur in manus gládii, partes vúlpium erunt.

Rex vero laetábitur in Deo, ⁊ laudabúntur omnes qui jurant in eo : \* quia obstrúctum est os loquéntium iníqua.

Hic non dicitur Réquiem aetérnam.

Psalmus 66.

**D**EUS misereátur nostri, et benedícat nobis : \* illúminet vultum suum super nos, et misereátur nostri.

Ut cognoscámus in terra viam tuam : \* in ómnibus gén-tibus salutáre tuum.

Confiteántur tibi pópuli Deus : \* confiteántur tibi pópuli omnes.

Laeténtur et exsúltent gentes : ⁊ quóniam júdicas pópulos in aequitáte, \* et gentes in terra dírigis.

Confiteántur tibi pópuli Deus : ⁊ confiteántur tibi pópuli omnes : \* terra dedit fructum suum.

Benedícat nos Deus, Deus noster, ⁊ benedícat nos Deus : \* et métuant eum omnes fines terrae.

Añá. Me suscepit dextera tua, Dómine.

Canticum Ezechiae Regis.

Isaiae 38.

**E**GO dixi : In dimídio dié-rum meórum \* vadam ad portas ínferi.

Quaesiui residuum annorum meorum. \* Dixi : Non vidébo Dóminum Deum in terra vivéntium.

Non aspiciam hóminem ultra, \* et habitatórem quiétis.

Generatio mea ablata est; et convoluta est a me, \* quasi tabernaculum pastorum :

Praecisa est velut a texente, vita mea : & dum adhuc ordírer, succídit me : \* de mane usque ad vésperam finies me.

Sperábam usque ad mane, \* quasi leo sic contrívit ómnia ossa mea :

De mane usque ad vésperam finies me : \* sicut pullus hirúndinis sic clamábo, meditabor ut columba :

Attenuáti sunt óculi mei, \* suspiciéntes in excélsu :

Dómine vim pátiór, & respónde pro me. \* Quid dicam, aut quid respondébit mihi, cum ipse fécerit?

Recogitábo tibi omnes annos meos \* in amaritúdine ánimae meae.

Dómine si sic vívitur, et in talibus vita spíritus mei, & corrípies me, et vivificábis me. \* Ecce in pace amaritúdo mea amaríssima :

Tu autem eruísti ánimam meam ut non períret, \* projecísti post tergum tuum ómnia peccáta mea.

Quia non inférnus confitébitur tibi, & neque mors laudábit te, \* non exspectábunt qui

descéndunt in lacum, veritátem tuam.

Vivens vivens ipse confitébitur tibi, sicut et ego hódie : \* pater fíliis notam fáciet veritátem tuam.

Dómine salvum me fac, \* et psalmos nostros cantábitis cunctis diébus vitae nostrae in domo Dómini.

Añã. A porta ínferi érue Dómine ánimas eórum.

Psalmus 148.

**L**AUDATE Dóminum de caelis : \* laudáte eum in excélsis.

Laudáte eum omnes Angeli ejus : \* laudáte eum omnes virtútes ejus.

Laudáte eum sol et luna : \* laudáte eum omnes stellae, et lumen.

Laudáte eum caeli caelórum : \* et aquae omnes, quae super caelos sunt, laudent nomen Dómini.

Quia ipse dixit, et facta sunt : \* ipse mandávit, et creáta sunt.

Státuit ea in aetérnum, et in saeculum saeculi : \* praeceptum pósuit, et non prae-teríbit.

Laudáte Dóminum de terra, \* dracónes, et omnes abyssi.

Ignis, grando, nix, glácies, spíritus procellárum : \* quae faciunt verbum ejus :

Montes, et omnes colles : \* ligna fructífera, et omnes cedi.



Béstiae, et univérsa pécora: \*  
serpéntes, et vólucres pennátæ:

Reges terræ, et omnes pópuli : \* príncipes, et omnes júdices terræ.

Júvenes, et vírgines : senes cum junióribus laudent nomen Dómini : \* quia exaltátum est nomen ejus solíus.

Conféssio ejus super caelum, et terram : \* et exaltávit cornu pópuli sui.

Hymnus ómnibus sanctis ejus : \* fíliis Israël, pópulo appropinquánti sibi.

Hic non dicitur Réquiem.

Psalmus 149.

**C**ANTATE Dómino cánticum novum : \* laus ejus in ecclésia sanctórum.

Laetétur Israël in eo, qui fecit eum : \* et fílii Sion exsúltent in rege suo.

Laudent nomen ejus in choro : \* in tympano, et psaltério psallant ei :

Quia beneplácitum est Dómino in pópulo suo : \* et exaltábit mansuétos in salútem.

Exsultábunt sancti in glória : \* laetabúntur in cubílibus suis.

Exaltatiónes Dei in gútture eórum : \* et gládii ancípites in mánibus eórum :

Ad faciéndam vindíctam in natió nibus : \* increpatiónes in pópulis.

Ad alligándos reges eórum in compédibus : \* et nóbiles córum in mánicis férreis.

Ut fácient in eis judícium conscríptum : \* glória haec est ómnibus sanctis ejus.

Hic non dicitur Réquiem.

Psalmus 150.

**L**AUDATE Dóminum in sanctis ejus : \* laudáte eum in firmaménto virtútis ejus.

Laudáte eum in virtútibus ejus : \* laudáte eum secúndum multitudínem magnítudinis ejus.

Laudáte eum in sono tubæ : \* laudáte eum in psaltério, et cíthara.

Laudáte eum in tympano, et choro : \* laudáte eum in chordis, et órgano.

Laudáte eum in cymbalis benesonántibus : ꝑ laudáte eum in cymbalis jubilatiónis : \* omnis spíritus laudet Dóminum.

Aña. Omnis spíritus laudet Dóminum.

Immediate sequitur Benedictus, pag. 124.

Ad Benedictus, Aña. Ego sum resurréctio, et vita : qui credit in me, étiam si mórtuus fúerit, vivet : et omnis, qui vivit, et credit in me, non moriétur in aetérnum.

Finita post Canticum Aña, dicitur Pater noster. secreto. Ps. De profúndis. Réquiem.

Postea VV. et Oratio ut supra in Vesperis, et similiter post Requiéscant. est dicendum Pater noster. nisi alia Hora sequatur.

## EXORCISMUS

contra imminentem tempestatem fulgurum, et grandinis.

**P**ER signum ✠ Crucis de inimicis ✠ nostris libera nos, ✠ Deus noster. In nómine Patris, ✠ et Fílii, et Spíritus sancti. Amen.

Dicatur Symbol. fidei, scilicet, Credo in Deum. etc. deinde Kyrie eléison. Christe eléison. Kyrie eléison. Pater noster.

℣. Adjutórium nostrum. etc.

℣. Sit nomen Dómini benedíctum. R̃. Ex hoc nunc. etc.

℣. Exsúrgat Deus, et dissipéntur inimíci ejus. R̃. Et fúgiant, qui odérunt eum, a fácie ejus.

℣. Exsúrge Christe, ádjuva nos. R̃. Et libera nos propter nomen tuum.

℣. Dómine exáudi. etc.

℣. Dóminus vobíscum.

Orémus.

Oratio.

**D**OMINE Jesu Christe, qui fecísti caelum, et terram, mare, et ómnia, quae in eis sunt; quique flúmini Jordáni benedixísti, atque in eo baptizári voluísti; et tuas sanctíssimas manus, et bráchia sacratíssima in Cruce ✠ extendísti, quibus áerem sanctificásti : obsecrámus imménsam pietátis et bonitátis tuae abundantiam, quátenus has nubes, quas ante me, et post me, et supra me, a dextris, et a sinístris vídeo áerem perturbáre,

dissólvere et annihiláre dignéris : ut alligáta potéstas daemonum ímpie desaeviéntium defíciat et turbétur, ad laudem tui sanctíssimi Nóminis, et potentíssimae majestátis tuae. Qui vivis. etc.

Postea conversus ad nubes signet eas signo Crucis, dicens : Circúmdet te nubes Deus Pater ✠, Circúmdet te Deus Fílius ✠, Circúmdet te Deus Spíritus sanctus ✠. Déstruat te Deus Pater ✠, Déstruat te Deus Fílius ✠, Déstruat te Deus Spíritus sanctus ✠. Cómprimat te Deus Pater ✠, Cómprimat te Deus Fílius ✠, Cómprimat te Deus Spíritus sanctus ✠. Amen.

Obsecratio. Sanctus Matthaeus, sanctus Marcus, sanctus Lucas, sanctus Joánnes Evangelísta, qui Christi Evangelium per quátuor mundi partes divulgárun, ipsi suis méritis et précibus hanc tempestátem a término isto, et ab ómnibus Christianórum fínibus, ab eódem Dómino nostro Jesu Christo obtíneant effugári et depélli.

Exorcismus. Et ego peccátor, et Christi sacérdos, seu míníster, licet indígnus, auctoritáte et virtúte ejúsdem Dei et Dómini nostri Jesu Christi summi Imperatóris, non mea poténtia inníxus et confísus, vobis praecípí, immundíssimi spíritus, qui has nubes seu nébulas concitátis, in virtúte

ejúsdem Dei et Dómini nostri Jesu Christi ✠, per sanctíssimam ejus incarnatióem, per nativitátem, per baptísmum et jejúnium ipsíus, per ejus sacratíssimam crucem ✠ et passióem, per sanctám resurrectiόem, per admirábilem ascensiόem, per treméndum advéntum ejus, et judícium, per mérita intemerátae semperque vírginis Maríae, et sanctíssimi N. per mérita ómnium Sanctórum, ut exeátis ab eis, et eas dispergátis in locis silvéstribus et incúltis, quátenus nocére non possint homínibus, animálibus, fructibus, herbis, arbóribus, aut quibuscúmque rebus, humánis úsibus deputátis. Per eúmdem Dóminum nostrum Jesum Christum, qui ventúrus est judicáre vivos et mórtuos, et saeculum per ignem. Amen.

Ipse vobis ímperat, daemones, qui has nubes commovétis, de quo de nube lúcida dictum est : Hic est Fílius meus diléctus, in quo mihi bene complácuí ✠. Ipse vobis ímperat, qui sua sacratíssima cruce, et córporis sui sanctíssimi in ea extensiόe áerem purgávit ✠. Ipse vobis ímperat, qui per mortem suam, vos, princípem vestrum, mortémque devícit et ligávit, atque aetérnae gehénnae mancipávit ignibus ✠. Ipse vobis ímperat, qui inférno spoliáto surréxit a mórtuis ✠. Ipse vobis ímpe-

rat, qui post quadragínta dies nube susceptus virtúte sua ascéndit in caelum ✠. Ipse vobis ímperat, qui ventúrus est judicáre vivos et mórtuos, et saeculum per ignem. R̃. Amen.

Et postea ostendat Crucem in aëre, dicens : Ecce lignum sanctíssimae Crucis : fúgite partes advérsae : vicit enim vos et mundum Dóminus noster Jesus Christus Fílius Dei, Imperátor summus, leo de tribu Juda, radix David.

Postea aqua benedícta in modum crucis ✠ aspergatur per quatuor latera.

Dicendae sunt etiam Litaniae, si nondum quievit tempestas.

Symbolum. Quicúmque. pag. 125. Añña Salve Regína. et Sub tuum praesídium.

Cant. Benedícite. pag. 117. Ṽ. Glória. in quolibet Versu dicti Cantici.

Deinde Ṽ. Benedicámus Patrem, et Fílium, cum sancto Spíritu. R̃. Laudémus, et superexaltémus eum in saecula.

Ṽ. Ora pro nobis sancta Dei Génitrix. R̃. Ut digni efficiámur promissiόibus Christi.

Ṽ. Exsúrge Christe, ádjuva nos. R̃. Et libera nos piopter nomen tuum.

Ṽ. Dómine exáudi. etc.

Ṽ. Dóminus vobíscum.

Oratio.

**O** MNIPOTENS sempitérne Deus, qui dedísti fámulis tuis in confessiόe verae

fidei, aeternae Trinitatis gloriam agnoscere : et in potentia majestatis adorare unitatem ; quaesumus, ut ejusdem fidei firmitate, ab omnibus semper muniámur advérsis.

**P**ROTEGE Dómine famulos tuos subsidiis pacis : et beatae Mariae semper virginis patrocinis confidentes, a cunctis hostibus et periculis redde securos.

**A**DOMO tua, quaesumus Dómine, spiritales nequitiae repellantur ; et aërearum discédant malignitas tempestatum.

**A**D te, Dómine, clamantes exáudi ; et aëris serenitatem nobis tribue supplicántibus : ut qui juste pro peccátis nostris affligimur ; misericórdia

tua praeveniente, tuam clementiam sentiámus.

**L**ARGIRI et conservare fructus terrae dignare, Dómine Deus noster : ut temporalibus gaudeámus auxiliis, et spiritalibus proficiámus incrementis. Per Christum Dóminum nostrum. R̃. Amen.

Potest dici et Oratio illius Sancti, in cujus honorem constructa est ecclesia, et aliorum Sanctorum, in quorum adjutorio plus confidimus, propter specialem devotionem nostram.

Possunt dici et aliae etiam devotae Orationes cum compunctione, et cordis contritione, implorando semper misericordiam Dei. Et si adhuc tempus tempestuosum perseveraverit, poterunt supradicta pluries repeti.

FORMULA PRAESCRIPTA A SS. D. BENEDICTO PAPA XIV.

PRO IMPERTIENDA

BENEDICTIONE CUM INDULGENTIA PLENARIA

HIS QUI IN ARTICULO MORTIS SUNT CONSTITUTI.

Indulgentia plenaria ab ipso summo Pontifice concessa pro omnibus Christi fidelibus in ultimo agone constitutis, debet applicari ab Episcopo, vel a Sacerdote Episcopi ad id facultatem habente.

V. Adjutorium nostrum in nómine Dómini. R̃. Qui fecit caelum et terram.

Añã. Ne reminiscáris Dómine delicta famuli tui, (vel ancillae tuae) neque vindictam sumas de peccátis ejus.

Kyrieelíson. Christeelíson. Kyrie elíson. Pater noster.

V. Et ne nos indúcas in tentationem. R̃. Sed libera nos a malo.

V. Salvum fac servum tuum (vel ancillam tuam. et sic

deinceps) R7. Deus meus sperantem in te.

V. Dómine exáudi orationem meam. R7. Et clamor meus ad te véniat.

V. Dóminus vobíscum. R7. Et cum spíritu tuo.

Orémus.

**C**LEMENTISSIME Deus, Pater misericordiarum, et Deus totius consolationis, qui néminem vis perire in te credentem, atque sperantem : secundum multitudinem miserationum tuarum respice propitius famulum tuum (vel famulam tuam) N. quem (vel quam) tibi vera fides, et spes christiana commendant. Vísita eum (vel eam) in salutári tuo, et per Unigéniti tui passionem et mortem, ómnium ei delictórum suórum remissionem et véniam cleménter indúlge : ut ejus ánima in hora éxitus sui te júdicem propitiátum invéniat, et in sángxine ejúsdem Fílii tui ab omni mácula ablúta transíre ad vitam mereátur perpétuam. Per eúndem Christum Dóminum nostrum.

Tum dicto ab uno ex clericis astantibus Confíteor.

Sacerdos dicat, Misereátur. Deinde

**D**OMINUS noster Jesus Christus Fílius Dei vivi, qui beáto Petro Apóstolo suo dedit potestátem ligándi atque solvéndi, per suam piíssimam misericórdiam recípiat confessionem tuam, et restituat tibi stolam primam, quam in baptísmate recepísti : et ego facultáte mihi ab Apostólica sede tribúta, Indulgéntiam plenáriam, et remissionem ómnium peccatórum tibi concedo. In nómine Patris. etc.

**P**ER sacrosáncta humánae reparationis mystéria remíttat tibi omnípotens Deus omnes praeséntis et futúrae vitae poenas, paradísi portas apériat, et ad gáudia sempitérna perdúcat.

Benedícat te omnípotens Deus, Pater, et Fílius, et Spíritus sanctus. Amen.

Si vero infirmus sit adeo morti proximus, ut neque confessionis generalis faciendae, neque praemissarum precum recitandarum tempus suppetat, statim Sacerdos ei benedictionem impertiatur.



# Index Psalmorum et Canticorum.

| Psalmi.                                     |      |
|---|------|
| PSALM.                                      | PAG. |
| <b>A</b>                                    |      |
| 119. <b>A</b> D Dominum cum tribularer. . . | 102  |
| 27. Ad te Domine clamabo. . .               | 22   |
| 24. Ad te Domine levavi. . .                | 19   |
| 122. Ad te levavi oculos. . .               | 103  |
| 28. Afferte Domino filii Dei. . .           | 22   |
| 77. Attendite popule meus. . .              | 59   |
| 48. Audite hæc omnes gentes. . .            | 38   |
| <b>B</b>                                    |      |
| 118. BEATI immaculati in via. . .           | 94   |
| 127. Beati omnes, qui timent. . .           | 104  |
| 31. Beati quorum remissæ. . .               | 25   |
| 40. Beatus qui intelligit. . .              | 33   |
| 1. Beatus vir, qui non abiit. . .           | 2    |
| 111. Beatus vir, qui timet. . .             | 89   |
| 33. Benedicam Dominum. . .                  | 26   |
| 102. Benedic anima mea... et omnia. . .     | 79   |
| 103. Benedic anima mea... Domine. . .       | 80   |
| 143. Benedictus Dominus Deus. . .           | 112  |
| 84. Benedixisti Domine. . .                 | 66   |
| 91. Bonum est confiteri. . .                | 72   |
| <b>C</b>                                    |      |
| 18. CÆLI enarrant. . .                      | 14   |
| 149. Cantate Domino... laus. . .            | 116  |
| 95. Cantate Domino... cantate. . .          | 75   |
| 97. Cantate Domino... quia. . .             | 76   |
| 74. Confitebimur tibi Deus. . .             | 58   |
| 9. Confitebor tibi... narrabo. . .          | 6    |
| 110. Confitebor tibi... in. . .             | 89   |
| 137. Confitebor tibi... quoniam. . .        | 109  |
| 104. Confitemini Domino, et. . .            | 81   |
| 105. Confitemini... Quis. . .               | 83   |
| 106. Confitemini... Dicant. . .             | 85   |
| 117. Confitemini... Dicat. . .              | 92   |
| 135. Confitemini Domino quoniam. . .        | 107  |
| 15. Conserva me Domine. . .                 | 10   |
| 115. Credidi, propter quod. . .             | 92   |
| 4. Cum invocarem exaudivit. . .             | 3    |
| <b>D</b>                                    |      |
| 129. DE profundis clamavi. . .              | 105  |
| 43. Deus auribus nostris. . .               | 35   |
| 49. Deus deorum Dominus. . .                | 39   |
| 62. Deus Deus meus ad te. . .               | 47   |
| 21. Deus Deus meus respice. . .             | 17   |
| 69. Deus in adjutorium meum. . .            | 53   |
| 53. Deus in nomine tuo. . .                 | 42   |
| 71. Deus judicium tuum. . .                 | 55   |
| 108. Deus laudem meam. . .                  | 87   |

| PSALM.                                   | PAG. |
|--|------|
| 66. Deus misereatur nostri. . .          | 50   |
| 45. Deus noster refugium. . .            | 37   |
| 82. Deus, quis similis erit. . .         | 65   |
| 59. Deus, repulisti nos. . .             | 46   |
| 81. Deus stetit in synagoga. . .         | 65   |
| 78. Deus venerunt gentes. . .            | 62   |
| 93. Deus ultionum Dominus. . .           | 73   |
| 114. Dilexi, quoniam exaudiet. . .       | 91   |
| 17. Diligam te Domine. . .               | 12   |
| 38. Dixi : Custodiam vias meas. . .      | 32   |
| 109. Dixit Dominus Domino meo. . .       | 89   |
| 35. Dixit injustus. . .                  | 28   |
| 13. Dixit insipiens in corde suo. . .    | 9    |
| 52. Dixit insipiens in corde suo. . .    | 42   |
| 140. Domine clamavi ad te. . .           | 111  |
| 7. Domine Deus meus. . .                 | 5    |
| 87. Domine Deus salutis meæ. . .         | 68   |
| 8. Domine Dominus noster. . .            | 6    |
| 101. Domine exaudi... et clamor. . .     | 78   |
| 142. Domine exaudi... auribus. . .       | 112  |
| 20. Domine in virtute tua. . .           | 16   |
| 6. Domine, ne in furore... Miserere. . . | 4    |
| 37. Domine ne in furore... Quoniam. . .  | 30   |
| 130. Domine non est exaltatum. . .       | 105  |
| 138. Domine probasti me. . .             | 109  |
| 3. Domine, quid multiplicasti. . .       | 3    |
| 14. Domine quis habitabit. . .           | 10   |
| 89. Domine, refugium. . .                | 71   |
| 23. Domini est terra. . .                | 19   |
| 26. Dominus illuminatio. . .             | 21   |
| 22. Dominus regit me. . .                | 18   |
| 92. Dominus regnavit, decorum. . .       | 73   |
| 96. Dominus regnavit, exultet. . .       | 75   |
| 98. Dominus regnavit, irascantur. . .    | 77   |
| <b>E</b>                                 |      |
| 133. ECCE nunc benedicite. . .           | 106  |
| 134. Ecce quam bonum. . .                | 106  |
| 58. Eripe me de inimicis. . .            | 45   |
| 139. Eripe me, Domine. . .               | 110  |
| 44. Eructavit cor meum. . .              | 36   |
| 144. Exaltabo te Deus meus. . .          | 113  |
| 29. Exaltabo te Domine. . .              | 23   |
| 19. Exaudiat te Dominus. . .             | 15   |
| 60. Exaudi Deus deprecationem. . .       | 46   |
| 54. Exaudi Deus... et ne. . .            | 42   |
| 63. Exaudi Deus... cum deprecor. . .     | 48   |
| 16. Exaudi Domine justitiam. . .         | 11   |
| 39. Exspectans exspectavi Dominum. . .   | 32   |
| 80. Exsultate Deo adjutori nostro. . .   | 64   |

| PSALM.                                 | PAG. |
|--|------|
| 32. Exsultate justi in Domino. . .     | 25   |
| 67. Exsurgat Deus. . .                 | 50   |
| <b>F</b>                               |      |
| 86. FUNDAMENTA ejus. . .               | 68   |
| <b>I</b>                               |      |
| 85. INCLINA Domine. . .                | 67   |
| 125. Inconvertendo Dominus. . .        | 103  |
| 10. In Domino confido. . .             | 8    |
| 113. In exitu Israël. . .              | 90   |
| 30. In te Domine speravi. . .          | 23   |
| 70. In te Domine speravi. . .          | 54   |
| <b>J</b>                               |      |
| 65. JUBILATE Deo... psal-mum. . .      | 42   |
| 99. Jubilate Deo... servite. . .       | 77   |
| 34. Judica Domine nocentes. . .        | 27   |
| 42. Judica me Deus. . .                | 35   |
| 25. Judica me Domine. . .              | 20   |
| <b>L</b>                               |      |
| 121. LÆTATUS sum in his. . .           | 102  |
| 145. Lauda anima mea. . .              | 114  |
| 147. Lauda Jerusalem. . .              | 115  |
| 148. Laudate Dominum de cælis. . .     | 115  |
| 150. Laudate Dominum in sanctis. . .   | 116  |
| 116. Laudate Dominum omnes. . .        | 92   |
| 146. Laudate Dominum quoniam. . .      | 115  |
| 134. Laudate nomen Domini. . .         | 106  |
| 112. Laudate pueri Dominum. . .        | 90   |
| 120. Levavi oculos meos. . .           | 102  |
| <b>M</b>                               |      |
| 47. MAGNUS Dominus, et laudabilis. . . | 38   |
| 131. Memento Domine David. . .         | 105  |
| 56. Miserere mei Deus, miserere. . .   | 44   |
| 55. Miserere mei Deus, quoniam. . .    | 44   |
| 50. Miserere mei... secundum. . .      | 40   |
| 100. Misericordiam, et judicium. . .   | 77   |
| 88. Misericordias Domini. . .          | 69   |
| <b>N</b>                               |      |
| 126. NISI Dominus ædificaverit. . .    | 104  |
| 123. Nisi quia Dominus. . .            | 103  |
| 36. Noli æmulari. . .                  | 29   |
| 61. Nonne Deo subjecta. . .            | 47   |
| 75. Notus in Judæa Deus. . .           | 58   |
| <b>O</b>                               |      |
| 46. OMNES gentes plaudite. . .         | 37   |
| <b>P</b>                               |      |
| 107. PARATUM cor meum Deus. . .        | 86   |

# INDEX.

| PSALM.                           | PAG. | PSALM.                            | PAG. | Cantica.                      | PAG. |
|----------------------------------|------|-----------------------------------|------|-------------------------------|------|
| Q                                |      |                                   |      |                               |      |
| 72. QUAM bonus Israel. . .       | 56   | 57. Si vere utique justitiam. . . | 45   | <b>A</b> UDITE cæli quæ lo-   |      |
| 83. Quam dilecta taberna-        |      | 136. Super flumina Babylonis. . . | 108  | quor. . . . .                 | 121  |
| cula. . . . .                    | 66   | T                                 |      | Benedicite omnia              |      |
| 2. Quare fremuerunt. . . .       | 3    | 64. TE decet hymnus. . . .        | 48   | opera. . . . .                | 117  |
| 41. Quemadmodum deside-          |      | U                                 |      | Benedictus Dominus Deus. . .  | 124  |
| rat. . . . .                     | 34   | 12. USQUEQUO Domine. . .          | 9    | Cantemus Domino. . . . .      | 119  |
| 124. Qui confidunt in Domino. .  | 103  | 73. Ut quid Deus repulisti. .     | 57   | Confitebor tibi Domine. . .   | 118  |
| 51. Quid gloriaris in malitia. . | 41   | V                                 |      | Domine audiui auditionem. .   | 120  |
| 90. Qui habitat in adjutorio. .  | 72   | 94. VENITE, exsultemus. . .       | 74   | Ego dixi : In dimidio. . . .  | 118  |
| 79. Qui regis Israel, intende. . | 63   | 5. Verba mea auribus per-         |      | Exsultavit cor meum. . . . .  | 119  |
| S                                |      | cipe. . . . .                     | 4    | Magnificat anima mea. . . .   | 127  |
| 128. SÆPE expugnaverunt. . .     | 104  | 76. Voce mea.... ad Deum. . .     | 59   | Nunc dimittis servum tuum. .  | 127  |
| 68. Salvum me fac Deus. . . .    | 52   | 141. Voce mea.... ad Domi-        | 111  | Quicumque vult salvus esse. . | 125  |
| 11. Salvum me fac Domine. . .    | 8    | num. . . . .                      |      | Te Deum laudamus. . . . .     | 124  |



DIE XXVII. MAIL.

In Hesto

**BB. Petri Sanz Episc. et Socior. Mart.**

**Ordinis Praedicatorum. DUPLEX.**

Omnia de Communi plur.  
Mart. praeter sequentia.

In utrisque Vesperis, et ante  
Laudes, V. **Ora pro nobis beáte  
Petre cum sóciis tuis.**

Oratio.

**D**EUS, qui beátos Máty-  
res tuos Petrum Pontífi-  
cem ejúsque sócios, ad fidem  
Géntibus praedicándam, pari  
firmitáte et caritáte donásti :  
praesta quaesumus; eórum  
exémplum et intercessióne, nos  
in tua fide permanére constán-  
tes. Per Dóminum.

In j. Nocturno, Lectiones  
Existimo. de Communi plurim.  
Martyrum, pag. xxxvij.

In ij. Nocturno.

Lectio iv.



**ISPANI** fidei púgiles  
Petrus Martyr Sanz  
Episcopus Maurica-  
strénsis, Franciscus  
Serráno Episcopus eléctus Ti-  
pasitánus, Joánnes Alcober,  
Joachímus Royo, et Francí-  
scus Diaz, Sacerdótes, ínclytæ  
Fratrum Praedicatorum in ín-  
sulis Philippínis provínciae  
alúmni, saeculo décimo octávo,  
luculentíssimum ságuine suo  
divíni nóminis glóriæ testi-  
mónium praebuérunt. Fortís-

simi enim Jesu Christi athlé-  
tae, religiónis provehéndae ín-  
cénsi stúdio, votíque cómpotes  
effécti, diversis licet annis, in  
Sinas se cónferunt. Nullisque  
ibi curis, nullis parcéntes labó-  
ribus, intérea tamen legum sui  
Ordinis tenacíssimi, alacritáte  
summa, apostolátus múnere  
fungúntur; complúres in urbe  
Fo-gan, verae doctrínae aures  
praebéntes, piaculáribus aquis  
ábluunt, solertíque indústria  
fidélibus, ac praecípue aegró-  
tis, religiónis subsídia áffe-  
runt : ante omnes venerábilis  
Dei fámulus Petrus Martyr,  
qui missiόνis totíus régimen,  
sibi ab Apostólica sede com-  
míssum, egrégia prudéntiae  
consiliique laude moderátur.

Lectio v.

**A**T strénuos mílites suos  
Christus ad potióra vo-  
cábat. Anno enim, millésimo  
septingentésimoquadrágésimo  
sexto, ácrior advérsus fidéles  
tempéstas obóritur. In satél-  
lites primus incidit beátus Joán-  
nes Alcober, postrémus beátus  
Joachímus Royo : qui cum  
diu delituísset, consílio tan-  
dem Episcopi Mauricastrénsis  
jam in víncula conjécti, ultro  
se tortóribus óbtulit, ne sae-




vior in Christiános furor infidélium eváderet. Mox ad urbem Fo-cheu, longo itinere ac fame prorsus enécti, caténis constricti deducúntur : ibíque plúries ad tribúnal addúcti, plúries diris cruciátibus in quaestiónem vocáti, confessiónem fidei magno invictóque ánimo íterant; et qui ad eos inviséndos accéderent, ceterósque captívos, et satéllites ipsos ad verae religiónis professiónem flexánimis verbis hortántur, donec anno fere elápsó, senténtia pronuntiétur, qua Petrus Sanz cápite íllico plectátur : céteri vero, morte multándi, in carcéribus decretum expéctent.

Lectio vj.

**C**ONFIRMATA ab imperatore senténtia, Petrus Epíscopus, bráchiis post tergum vinctis, e cárcere ad supplícii locum séptimo Kaléndas Júnias addúctus, coeptas preces absólvit, lictórem, ut cito munus suum éxpleat, monet, ultro cervícem secúri praebet. Quátuor álíi supérstites Dei fámuli novum in custódiis decretum erécto ánimo ac flecti néscio expéctant, Deúmque júgiter óbsecrant, ne desideráta martyrii palma privéntur; cum intérea Francíscus Serráno accéptis Lítteris Apostólicis Epíscopus Tipasitánus et

Coadjútor Petri Mártiris Sanz Vicariátui Apostólico Fo-Kiénsi regéndo renuntiátur. Sed ad gloriósum pastorálium labórum finem viri magnánimi próperant. Dum enim in vulgus jam manat rumor, ab imperatóre cápitis poenam in exsílíum commutándam, prorex, feráli christiánúm in nomen ódio accénsus, ínito cum civitátis ac provínciae procéribus consílio, servos Dei in carcéribus clam enecándos edfcit. Intempésta ígitur nocte diri satéllites in Beatórum cellas irrúmpunt, ac primum Francíscum Serráno et Joachímum Royo, qui veniéntes cómiter excéperant, occlúsis fáucibus intérimunt; póstea Francíscó Diaz et Joánni Alcober intórtis collo fúnibus spíritum elídunt. Ad istórum Mártirum laudem luculénter asseréndam plura accessérunt caeléstia signa : quorum veritáte perspécta, Leo Tértius décimus Póntifex Máximus, ex sacrae Rítuum Congregatiónis consúlto, intérritos Evangélii praecónes, quarto décimo Kaléndas Maías, anno millésimo octingentésimo nonagésimo tértio, in Beatórum númerum rétulit.

In iij. Nocturno, Homilia in Evang. Videns Jesus turbas. de Comm. plur. Mart. pag. xlviii.





































**RETURN TO → CIRCULATION DEPARTMENT**  
**202 Main Library**

|                 |   |   |
|-----------------|---|---|
| LOAN PERIOD 1   | 2 | 3 |
| <b>HOME USE</b> |   |   |
| 4               | 5 | 6 |

**ALL BOOKS MAY BE RECALLED AFTER 7 DAYS**  
 1-month loans may be renewed by calling 642-3405  
 6-month loans may be recharged by bringing books to Circulation Desk  
 Renewals and recharges may be made 4 days prior to due date

**DUE AS STAMPED BELOW**

|                               |  |  |
|-------------------------------|--|--|
| FEB 17 1982                   |  |  |
| SEP 12 1982                   |  |  |
| Received in Interlibrary Loan |  |  |
| FEB 16 1983                   |  |  |
| rec'd circ. FEB 22 1983       |  |  |
| AUG 18 1985                   |  |  |
| RECEIVED BY                   |  |  |
| JUL 10 1985                   |  |  |

**CIRCULATION DEPT.** UNIVERSITY OF CALIFORNIA, BERKELEY  
 FORM NO. DD6, 60m, 12/80 BERKELEY, CA 94720



GENERAL LIBRARY - U.C. BERKELEY



8000919480

474247

BX 2000

A3 J6

1894

v. 2

UNIVERSITY OF CALIFORNIA LIBRARY



